


GoãmtɁ Yare
WereripɁ



Desano: GoãmtɁ Yare WereripɁ New Testament

Goãmu Yare Wereripũ
Desano: Goãmu Yare Wereripũ New Testament

copyright © 2011 Wycliffe Bible Translators, Inc.

Language: Desano

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 21 Feb 2024 from source files dated 29 Jan 2022
17771afc-c309-57fd-9ff3-2d5a0cd59ff1

Contents

SAN MATEO	1
SAN MARCOS	52
SAN LUCAS	83
SAN JUAN	134
HECHOS	172
ROMANOS	216
1 CORINTIOS	237
2 CORINTIOS	258
GALATAS	271
EFESIOS	279
FILIPENSES	286
COLOSENSES	291
1 TESALONICENSES	296
2 TESALONICENSES	300
1 TIMOTEO	303
2 TIMOTEO	309
TITO	313
FILEMÓN	316
HEBREOS	318
SANTIAGO	334
1 PEDRO	340
2 PEDRO	346
1 JUAN	350
2 JUAN	355
3 JUAN	356
JUDAS	357
APOCALIPSIS	359

San Mateo

Jesucristo Goãmu magu ïgu acawererã iribojegue majarã erã waïre were go-jamãhtañumi Mateo

¹ Jesucristo ñecu sumarã iribojegue majarã áriñuma. Eropigu ïgu ñecu muru iribojegue majagu Davi waïcugu árimuriñumi. ïgu áriboro core erã ñecu Abrahã waïcugu árimuriñumi.

² Abrahã Isaa pagu áriñumi. Isaa Jacobo pagu áriñumi. Jacobo Judá sã pagu áriñumi. ³ Judá porã Fares Zara sã áriñuma. Erã pago Tamar waïcugo áriñumo. Fares Esrom pagu áriñumi. Esrom Aram pagu áriñumi. ⁴ Aram Aminadab pagu áriñumi. Aminadab Naasón pagu áriñumi. Naasón Salmón pagu áriñumi. ⁵ Salmón Booz pagu áriñumi. ïgu pago Rahab áriñumo. Booz Obed pagu áriñumi. ïgu pago Rut áriñumo. Obed Isai pagu áriñumi. ⁶ Isai Davi pagu áriñumi. Davipu Israe majarã tauro opu áriñumi. ïgu Uria waïcugu muru marapore ïgu marapocura puhru Salomo waïcugare porãcuñumo igo.

⁷ Salomo Roboam pagu áriñumi. Roboam Abías pagu áriñumi. Abías Asa pagu áriñumi. ⁸ Asa Josafat pagu áriñumi. Josafat Joram pagu áriñumi. Joram Uzías pagu áriñumi. ⁹ Uzías Jotam pagu áriñumi. Jotam Acaz pagu áriñumi. Acaz Ezequia pagu áriñumi. ¹⁰ Ezequia Manase pagu áriñumi. Manase Amón pagu áriñumi. Amón Josia pagu áriñumi. ¹¹ Josia Jeconia sã pagu áriñumi. Erã árisubure Israe yeba majarãre Babilonia majarãpu ñeagãñuma erã ya yebague peresu iimorã.

¹² Eropi Babilonia yeba erã ejara puhru, Jeconia marapo Salatiere porãcuñumo. Salatie Zorobabe pagu áriñumi. ¹³ Zorobabe Abiud pagu áriñumi. Abiud Eliaquim pagu áriñumi. Eliaquim Azor pagu áriñumi. ¹⁴ Azor Zadoc pagu áriñumi. Zadoc Aquim pagu áriñumi. Aquim Eliud pagu áriñumi. ¹⁵ Eliud Eleazar pagu áriñumi. Eleazar Matán pagu áriñumi. Matán Jacobo pagu áriñumi. ¹⁶ Jacobo José pagu áriñumi. José María marapu árimuriñumi. Mariapu Jesu pago árimo. Jesupu masare taubu árigu Cristo erã arí piyudigu árimi.

¹⁷ Eropirã Abrahãre mari queonugacũ, ne Daviguere mari queotucũ, oã áripehrerã árirã catorce cururi gohra áriñuma. Eropirã mari dipaturi Davire queocũ, ne Babiloniague Israe majarãre erã aigãboro core queotucũ catorce cururi gohra dipaturi áriñuma. Eropiituhaja Babiloniague erã ejara puhru mari queonugacũ ne Cristo ïgu masa dehyoacũge mari queotucũ catorce cururi gohra áriñuma daja.

Jesucristo ïgu masa dehyoarare wereñumi Mateo

Lc 2.1-7

¹⁸ Eropigu Jesucristo òpa masa dehyoapu. ïgu pago Mariapu José mera mojoto diribo áripo. Eropigo igo ïgu mera marapucuboro core Espiritu Santo ïgu turari mera majigu bocapo. Eropigo igo basi majigu opawahgũriñere masipo igo. ¹⁹ Eropigu José igore mojoto diribodigu irire masigu, diaye áririre ïgu iigu árigu igore cóabu iiripu. Igore guhyasiuro iidiabigu, masa erã masibiricũ ta igore cóabu iiripu. ²⁰ Irire ïgu pepirisubu Goãmu anyupu quẽroque Josere dehyoagu, òpa áripu.

—José, Davi muru párami, María mera guhyasiuro mariro mojoto dirique. Igo Espiritu Santo ïgu turari mera ne nijipo arí wahgãrigo áhrimo. Eropigu guhyasiuro mariro igore mojoto dirique. ²¹ Igo porãcugocumo. ïgu igo magu ta ïgu ya maca majarãre erã ñeri iira dipuwajare taubu árigucumi. ïgu eropa taubu áricũ Jesu waïyeguca muhu ïgugãre, áripu anyu Josere.

²² I áripehreri eropa wayoro iribojegue majagu Goãmu ya weremuhtadigu ïgu arí gojadro dopa ta. Irire ïgure Goãmu gojadoreñumi. Òpa arí gojamuriñumi Goãmu yare:

²³ Nõmeo umu mera áribigo, majigugãre bocago porãcugocumo igo magugãre. Eropigu Emanuel waïcugucumi ïgugã, arí gojañumi Goãmu yare gojayudigugue.

Emanuel aridiaro “Goãmu mari mera ta áhrimi,” aridiaro iiaa. ²⁴ Goãmu yagu anyu Josere eropa arí werera puhru Josépu wahgã anyu ïgu dorediro dopa ta María mera mojoto diripu. ²⁵ Igo magugãre igo porãcuboro core Josépu igo mera árinibiripu. Igo pu porãcupo pare. Eropigu ïgupu igo magugãre Jesu waïyepu.

2

Abe muririro majarã òaro masirã Jesure ïarã ejañuma

¹ Judea yeba áriri maca Belén waícwri maca Jesu masa dehyoapu. Irisubu Herode Judea yeba majarâ erâ tauro opu áriru. Ígu eropa masa dehyoara puhru necäre buherâ necäre ðaro masirâ abe murirorpu majarâ ahri, Jerusalengue erañorâ. ² Eropa erarâ, masare ero majarâre serêpiñorâ:

—¿Judio masa erâ tauro opu áribu dohpaguere nohogue masa dehyoayuri ígu? Abe ígu muririro majarâgue árira, ne necâmü dehyoacü íabu. Eropa ígu dehyoacü íha “Opu masa dehyoagu íicumi,” arí masiabu gua. Eropa ígu ne dehyoacü íarâ gua yujuro mera ígure umupeorâ arirâ iibu ògue, arí wereñorâ necäre buheri masa masare.

³ Erâ eroparicü pee erâ opure Herodere irire wererâ wañorâ. Eropigu gajigu opu masa dehyoarare erâ werecü peegu Herodepu guñaricupu. Eropirâ árpehrerâ Jerusalén majarâ sâ ígu iro dopa ta guñaricñorâ erâ sâ. ⁴ Eropigu Herodepu árpehrerâ pahia oparâre, judio masare buherâ säre sihupehocâpu. Ígu sihubeora puhru erâ gamenererephecü íha, erâre serêpipu ígu:

—¿Nohogue masa dehyoagucuri Goâmü beyedigu Cristopü müa pepicü? arí serêpipu ígu erâre. ⁵ Ópa arí wereñorâ erâ ígure:

—Belén, Judea yebague áriri macague Cristo masa dehyoagucumi. Ópa arí gojamuriñumi Goâmü yare weremñadigu:

⁶ Belén waícwri macague yujugu opu dehyoagucumi. Ígu Goâmü yarâre Israe majarâre dorebu árígucumi. Eropiro Belén Judea yeba áriri macari watope bu áriri maca áriquerero gajigu macari tauro áríroca, arí gojamuriñumi Goâmü yare gojayudigugue, arí wereñorâ erâ Herodere.

⁷ Erâ eropa aríra puhru Herode masa erâ peebirogue abe murirorpu arinirâre sihubeopu. Ígu pohrogue erâ ejara puhru, erâre ígu serêpira puhru, erâ necâmure erâ íaranure wereñorâ erâ ígure. ⁸ Erâ eropa werera puhru Herodepu erâre Beléngue obeogu ópa aríra erâre:

—Ígugâre ðaro amaque. Ígugâre müa bocajara puhru yu säre wererâ arique müa. Ígugâre umupeogu wabu iiaa yu sâ, arí were obeoripu erâre Herodepu.

⁹ Ígu eropa aríra puhru, erâ waha wañorâ. Erâ eropa wacü abe murirorpu erâ íadiru necâmupu erâ core wamñtanigüçayoro. Eropiro majigugâ ígu áríro weca dujanugaja wayoro iriru necâmü. ¹⁰ Eropirâ necâmü dujanugajacü íarâ, burigâ mucubirñorâ erâ.

¹¹ Majigugâ ígu áriri wilhigüe eja, ñaja wañorâ erâ. Eropa ñajajarâ majigugâre ígu pago mera árígure íañorâ erâ. Eropirâ erâ mereja, ígure umupeñorâ. Umupeotuhaja, erâ ya comorire aibeo, págüñorâ erâ ígugâre aígárirare omorâ. Eropirâ orore, buirire, poresuri säre aíwiu, ígugâre waja maríro ñorâ. ¹² Irire otuhara puhru caría wañorâ erâ. Erâ eropa caricü quèrogué Goâmü werepu erâre: “Herode pohro dujabiricâque,” arí werepu Goâmü erâre quèroguere. Ígu eropa arí werera puhru, erâpu wahgâñorâ. Erâ eropa wahgâra puhru gajigu mague erâ ya yebague dujarâ dujaa wañorâ.

José sâ Jesugâre aî duhrigâ wañuma Egiptogue

¹³ Erâ eropa wara puhru Goâmü yagu anyu quèrogué Josére dehyoagu, ópa arí werepu:

—Wahgâque. Herodepu majigugâre wejêbu amagucumi dohpaguere. Eropigu majigu säre ígu pago säre Egiptogue duru aî duhrigâque. Eroguere yu dipaturí mure werecügue dujarique, arí werepu anyu Josére.

¹⁴ Ígu eroparicü peegu, Josépu ñami ta wahgâ, majigu säre ígu pago säre Egiptogue aî duhrigâ wapu. ¹⁵ Egiptogue eja, Herode ígu ojocaripê ta eroguerere árñorâ erâ. Eropa wayoro iribojegue majagu Goâmü ya weremñadigu ígu arí gojadiro dopa ta. Irire ígure Goâmü gojadoreñumi. Ópa arí gojamuriñumi Goâmü yare gojayudigugue: “Egiptogue árígure yu magure sihubeoabu,” arí gojamuriñumi Goâmü yare weremñadigugue.

Herode majirâre wejêdoreñumi

¹⁶ Eropigu necâ buherâ erâ duhri dujaacü peegu Herodepu guatariacâpu. Eropigu Belén majarâre, iri maca pohro majarâ säre erâ porâre üma porâgâre wejêpohocâdorepu ígu. Ne dehyoarâre wejêñagadore pe bojori oparâre wejêtudorepu ígu. Nere necäre buheri masa necâmure erâ íaranure wereñorâ Herodere. Erâ eroparicü peegu ígu Jesu masa dehyoarínure masigu, “I nacu bojori ta ígu opacumi,” arígu majirâre pe bojori oparâre wejêtudorepu. ¹⁷ Ígu eropiicü iribojegue majagu Jeremia Goâmü yare weremñadigu ígu arí gojadiro dopa ta eropa wayoro. Ópa wereyu gojañumi ígu:

18 “Ramá waĩcurogue busuro carabu. Buriġā bujawereri mera orerā carama. Raquel acawererā Israe masa marasā nome erā porāre buriġā orerācoma. Erā porā sīricū ĩarā ne bujawere duhusome,” arī gojañumi iribojeguere Herode majirāre wejēdoreboro core.

19 Eropi Herode ĩġu sīria puhru Egiptogue árīdigure Josere Goāmu yaġu anyu quēroque dehyoapu daja. Eropi dehyoagu ōpa arīpu Josere:

20 —Majigugāre wejēdianirā mura sīria wahāma. Eropigu ĩġu majigure, ĩġu pago sāre Israe yebague aĩ dujaaque muħu, arī werepu anyu Josere.

21 ĩġu eropa arīra puhru wahġā, majigugāre ĩġu pago mera ta Israe yebague aĩ dujaa wapu. 22 Arquelao Herode magu ĩġu pagure gohrotodigu ĩġu árīcū pee, Josēpu Judea yeba árīġu ġiiru. Eropigu dipaturi ta Goāmu quēroque ĩġure werenompu. ĩġure Judeague dipaturi dujadobirīpu. ĩġu eropa werera puhru erā Galilea yebague waha wañorā. 23 Iri yebaguere Nazare waĩcari macague eja árīñorā erā. Eropa iñorā erā Goāmu yare weremuhtanirā erā gojadiro dopa ta. Ōpa arī wereyumurīñuma: “ ‘Cristo Goāmu beyedigu Nazare majagu ta āhrimi,’ arīrācoma masa,” arī gojamurīñuma iribojegu majarā.

3

Ñu waĩyegu masare wereñumi

Mr 1.1-8; Lc 3.1-9, 15-17; Jn 1.19-28

1 Eropi irisubure Ñu Goāmu yarāre waĩyeri masu árīpu. Judea yeba masa marirogue ĩġu Goāmu yare werenuġapu. 2 Ōpa arī werepu masare ĩġu pohro ejarāre.

—Maa ñero iirare bujawere duħucāque. Ĥmaro majagu Goāmu maa opu ĩġu árīboro merogā duħyaa, arī werepu ĩġu Ñu.

3 Iribojegu majagu Isaia Goāmu yare weremuhtadigu Ñu eropa waburire ōpa arī gojayuñumi:

Masa marirogue werenigui gaguinigu ōpa arī buhegucumi ĩġu: “Mari Opu ĩġu ariburi mare amuro dopa ta ĩġu ariboro core ōarā árīyuque maa ĩġure peemorā,” arī wereniguigucumi, arī gojañumi Isaia.

4 Iñi Ñu camello ya gasirire suhri sañagu, waibugū ya gasirodare tuādiudigu árīpu. Eropigu poreroare bamurīpu. Eropárīcū nuġu majarā momere bapu. 5 Jerusalén maca majarā, árīpehrero Judea yeba árīrā, dia Jordán waĩcuriya pohro árīrā sā ĩġure peerā wañorā. 6 Erā eropa pee, erā ñero iirare bujawere, Goāmure irire weretarimurīñorā erā. Erā eropa werecū peegu dia Jordán waĩcuriyague Ñu erāre waĩyeru.

7 Eropigu bajarā fariseo masa, saduceo masa sā ĩġure waĩyedorerā ejacū ĩagu Ñu werepu erāre:

—Maa ñero iiricrā āhraa maa. “Goāmure ġua ñeri dipuwaja moabiricāporo,” arīrā, ġmaa yure waĩyedorerā ahriri? 8 ĩġu maa ñero iira dipuwajare moabiricū ōpa iique maa. Diaye ta maa ñeri iirare bujawererā árīrā, ōarire gohrotorā árīrā, ōarire iique maa. 9 Ōpa arī pepibiricāque: “Abrahā mari ñecu muru árīmurīpu. Eropirā Goāmu mera ōhaa,” arī pepibiricāque maa. Muare arīġu tiiaa. Abrahā páramerā maa árīri duħpiburi árībeaa. Goāmu gamegu i utāyeri mera ġajirāre iimasimi Abrahā acawererāre. Eropirā Abrahā páramerā maa árīri bu gohra ta āhraa.

10 Ōpa āhraa: Mari masa yucu iro dopa āhraa. Goāmuru come opagu iro dopa āhrimi. Eropigu ñeri ducacuri yucure pa cohā, iri nuguri sāre tabetagucumi. Tabetatuhaja, peamegue cóāġucumi ĩġu iri yucure, iri nuguri sāre. Eropa ta iigucumi maa sāre ĩġure gamebirāre. 11 Yu puhru yu tauro turagu arigucumi. Ōatariagu āhrimi. ĩġu iro dopa ōagu árībeaa yuru. Eropigu ĩġure pepigu “Yu tamera bu gohra árīġu āhraa,” arī pepia yuħu. Maa ñero iirare bujawerera puhru, yuru deco mera waĩyee. Yu puhru ariguru yuħu tauro iigucumi. Espiritu Santore ogucumi masa mera árīniguibure. Eropigu peamegue ĩġu ñerire soewearo dopa ta ĩġuru maa ñero iirire coegucumi. 12 Yu puhru arigu trigo gasirire cóāġu iro dopa āhrimi. Gasirire cóāġu ĩġu sihburu mera árīpehreri trigo yeri gasirire suħa weami. ĩġu eropa suħa weara puhru trigo gohra yeripure ĩġu diburi wihigue dibugucumi. ĩġu suħa weara gasiripure ĩġu soegucumi. Ōpa ii beyegucumi yu puhru ariguru. Ōarire gohronirāpuru ĩġu mera árīniguicū iigucumi. Erā ñerire bujawerebirāpuru peamegue yaribiri peamegue cóāġucumi, arī werepu Ñu.

Ñu Jesure waĩyēñumi

Mr 1.9-11; Lc 3.21-22

¹³ Puhru Jesu Galileague árdigu wapu. Jordán waicuriyague eja pu Nure “Yare waíyeque,” arígu. ¹⁴ Negohraguere Ñu ígure waíyediabiriripu.

—Cue, mupu ya tauru turagupure yare ma waíyecú óaboaya. Mure waíyebu áríbeaa yahu, arí yuhripu Ñu Jesure.

¹⁵ Jesupu yuhripu ígure:

—Yare waíyeque. Mari ópa iirã Goãmu ígu dorediro dopa ta iirã iiaa, arípu Jesu. Ígu eroparícú peegu,

—Áu, arí yuhripu Ñu. ¹⁶ Eropa arítuhaja Jesure waíyepu. Waíyetuhajacú Jesu diague niguidigu majanugajapu. Ígu majanugajacú ta, umusi ígure pãrima wayoro. Eropigu Goãmu yagu Espiritu Santo buja iro dopa bejagu ígu weca ígu dijaricú íapu ígu basi. ¹⁷ Eropiro amarogue wereniguiro cariyoro:

—Ihí yu magu ya mahigu áhrimi. Ígu mera burigã mucubiria, aríro cariyoro amarogue.

4

Watí ñerire iidorerínumi Jesure

Mr 1.12-13; Lc 4.1-13

¹ Eropi Espiritu Santopu Jesure masa marirogue wadorepu erogue watí ígure ñerire iidoreboro dopa.

² Erogue eja gu, cuarenta nuri gohra baro mariro arípu Jesu. Eropiro puhraguere ígure oa púriyoro pare. ³ Ígu oaboacú íagu watípu ígu pohrogue eja gu ópa arípu:

—Muhu Goãmu magu árígu ópa íhmuque. Iyerire utáyere bari poyacú iique, aríripu ígu Jesure.

⁴ Ígu eroparícú peegu Jesu gamebiripu. Eropigu Jesu ópa arí yuhripu:

—Goãmu yare erã gojarapú ópa áhraa: “Masare bari mera dihta ojocaribiro gahmea. Árípehreri Goãmu ígu ya wereniguiro mera áríro gahmea,” arími Goãmu, arí yuhripu Jesu watíre.

⁵ Ígu eropa arí yuhrira puhru watípu Jerusalén waicuri macague Jesure aígãpu. Erogue eja, Goãmu ya wihí wecague Jesure aí müríjapu ígu. ⁶ Aí müríjatuha, ígure ópa aríripu:

—¿Diaye ta Goãmu magu gohra ta áhriri muhu? Goãmu yare erã gojarapú ópa áhraa: “Goãmu ígu yarã anyuare mure íhadibudoregucumi. Eropirã erãpu mure íhadiburãcoma muge utáye weca mehbejari aríra,” arãa ígu gojarapú.

Erã mure eropa íhadibumorã árícú muhu Goãmu magu ta árígu ógue buhrima dija íhmuque yare. Mure erã itamucú íhmuñata yare, aríripu watípu.

⁷ Ígu eroparícú peegu gamebiripu Jesu. Ópa arí yuhripu ígure:

—Goãmu yare erã gojarapú ópa arãa: “Goãmu mua Opu ígu arírare ‘¿Diaye ta áhriri?’ arí masidiarã Goãmure ii íhmodoremaabiricãque,” arãa Goãmu yare erã gojarapú, arípu Jesu.

⁸ Ígu eropa arí yuhrira puhru umadigugue utãgugue Jesure aí müríapu daja. Irigu wecague mürí bejaja, árípehreri macarire i umu majare íhmupu Jesure. Erã opari sãre íhmupu. ⁹ Eropa íhmu gu Jesure ópa arípu:

—Yare mereja, “Muhu ya opu áhraa,” arí umupeoque muhu yare. Muhu yare eropa íicú mure árípehreri i macarire mure ogura, arí wereripu watí.

¹⁰ Ígu eroparícú Jesu ópa arí yuhripu daja:

—Satana, waque muhu. Ópa arãa Goãmu yare erã gojarapú: “Mu Opu Goãmu dihtare umupeoque. Ígu ya doreri dihtare iique,” arãa Goãmu yare erã gojarapú, arípu Jesu watíre.

¹¹ Ígu eroparícú peegu watí waha wapu. Ígu wara puhru anyuapu eja, Jesure itamuñorã. Ígure barire oñorã.

Galilea yeba Jesu buhenugañumi

Mr 1.14-15; Lc 4.14-15

¹² Eropi Nure peresu erã íicú peegu, waha wapu Jesu. Galilea yebague eja pu. ¹³ Ero áríri macague Nazaregue waha, tarigã, Capernaum waicuri macague eja pu. Galilea waicuri ditaru pohro árípu Capernaum. Iri maca Zabulón yeba pohro, Neftalí yeba pohro árípu Capernaum. Erogue eja arípu Jesu. ¹⁴ Eropa ta íipu Jesu iribojegue majagu Goãmu yare weremuñadigu Isaia ígu arí gojadiro dopa ta. Ópa arí gojayuñumi:

¹⁵ Zabulón yeba pohro, Neftalí yeba pohro, ditaru waro, Jordán waicuriyagu gajipu masegue Galilea yeba áhraa. Iri yeba judio masa áríbirã ya yeba áhraa. ¹⁶ Ero

majarā Goāmu yare ðaro masibeama. Eropa masibiriquererā ta ðagure iarāgue masirācoma. Erāpu Goāmure ne masibeama. Eropirā peamegue wamorā ta árrima. Eropigu yujugu erāre Goāmu yare masicū iigucumi, arī gojañumi Isaia Jesu eraboro coregue.

¹⁷ Erogue árīgu Goāmu yare werenugapu Jesu:

—Mua ñeri iirare bujawereque. Eropa iirā ðaripure gohrotoque. Ūmaro majagu Goāmu árīpehrerā tauro īgu opu árīboru merogā duhyaa, arī werenugapu īgu.

Wapicurā wai wejērāre īgu mera majarā árīmorāre sihuñumi Jesu
Mr 1.16-20; Lc 5.1-11

¹⁸ Eropi Galilea waicuri ditaru turogue ejagu, Simore, īgu pagu magu Andre mera bocajapu Jesu. Simo ta Pedro erā arī piyugu árīpu. Erā wai wejēri masa árīñorā. Erā ya wejēri yucure mehyurā iñorā iri ditaru wuari ditarugue. ¹⁹ Erāre boca ðpa arīpu Jesu:

—Yu mera majarā árīmorā arique mua. Yu mera mua aricū waire ñeha gameneorā mua árīro dopa ta, Goāmu yarā árīmorāre masare sihu gameneomorā árīcū iigura muare. Yu mera mua aricū eropa iimorāre amugara muare. Eropirā yu mera arique, arīpu īgu erāre.

²⁰ Eropa īgu arīcū peerā ta erā ya wejēdi yucure apicāa, Jesu mera waha wañorā.

²¹ Eropirā erā Jesu mera tarigā, Santiagore īgu pagu magu Ñu säre bocañañorā daja. Erā Zebedeo porā árīñorā. Erā yaru dohodirugue erā pagu mera erā sã erā ya wejēdi yucure amurā iñorā. Erā perāre īgu sihubeopu. ²² Īgu eropa sihubeocū pee, erāpu erā pagure, dohodiru säre api Jesu mera waha wañorā.

Bajarā masare buheñumi Jesu
Lc 6.17-19

²³ Eropi árīpehrerogue Galilea yebare Jesu buhe curipu. Judio masa gua buheri wirigue ðari buherire, ūmaro majagu īgu opu árīricurire buhepu. Eropigu dorecurāre ðarā iigu árīpehreri dorecurire cóāpu īgu. ²⁴ Īgu eropa iicū peerā Siria yeba majarā árīpehrerogue iri yeba árīrā īgure masinugañorā. Eropa masirā, gajiropa árīri dore oparāre, watēa ñajasünirāre, pūriri dorecurāre, sīriri mura dorecurāre, dupu turabirā säre aī eñañorā Jesu pohrogue. Eropigu árīpehrerāre erāre ðarā wacū iipu Jesu.

²⁵ Īgu eropa iicū iarā, Galilea yeba majarā Decapoli yeba majarā, Jerusalén majarā, Judea yeba majarā, Jordán waicuriya gajipu masepu majarā, bajarā masa īgu mera wañorā.

5

Ūtāgugue maria, ero buheñumi Jesu masare

¹ Masa bajarā īgu pohro erā ejacū iagu Jesu ūtāgugue mariapu. Marija, ero doajapu. Ero īgu doacū īgu buherā īgu pohrogue eñañorā. ² Erā ejacū iagu ðpa arī buhenugapu:

Ūpa árīrā āhrima mucubirirā, arī buheñumi Jesu
Lc 6.20-23

³ —Erā ñerire bujawererā, Goāmure gamerā mucubirirā āhrima. Ūmaro majagu erā opu árīroguere warācoma erā. Ūmaro maja erā ya āhrra. Eropirā burigā mucubirirācoma.

⁴ “Orerā sã mucubirirā āhrima. Erāre mucubiricū iimi mari Pagu. Eropirā mucubirirā árīrācoma.

⁵ “Gajirāre tarinugadiabirā eropa árīca arībirā mucubirirā āhrima. Goāmu “Ogura,” īgu arīrāre oparācoma. Eropirā erā sã mucubirirā árīrācoma.

⁶ “Goāmu īgu dorero dopa idiarā, ðarire idiarā mucubirirā āhrima. Goāmu īgu itamucū erā ðarire ii ojogorocurācoma. Eropirā mucubirirā árīrācoma.

⁷ “Gajirāre mojomoro iarā mucubirirā āhrima. Erā eropa mojomoro iacū Goāmu erā säre mojomoro iagucumi. Eropirā mucubirirācoma.

⁸ “Erā ñerire cóāñirā, mucubirirā āhrima erā. Goāmure iarācoma erā. Eropirā mucubirirācoma.

⁹ “Gajirāre gamequeacū bosarā mucubirirā āhrima. Erāre “Yu porā āhrima,” arīgucumi Goāmu. Eropirā mucubirirācoma.

¹⁰ “Goāmu dorerire erā iira waja gajirā mera ñero tarinirāpu ūmaro majagu erā opu árīroguere īgu yare oparācoma erā. Eropirā mucubirirācoma.

¹¹ “Yahare mua iira waja gajirā muare erā turiquerēcū ta mucubirirā āhrra mua. Muare erā ñero iicū mucubirirā āhrra mua. Yaharā mua árīri waja muare árīpehreri ñeri quere goroweoqueēcū ta mucubirirā āhrra mua. ¹² Goāmu yare weremuñtanirāre

mua core árnirãre erãguere ta ñero iimũhtañuma. Mua sãre erãre iidiro dopa iicũ mucubirique. Ōaro siporãcũque. Eropigu ɔmarogue mua ejacũ wuaro ōaro iigũcumi muare Goãmũ. Eropirã mucubirique mua, arĩ werepũ Jesu.

*Moa iro dopa, boyoro iro dopa áhrima Jesu yarã, arĩ buheñumi
Mr 9.50; Lc 14.34-35*

¹³ Eropi Jesu buhenemopũ:

—Moa waibũgu dihire iri ñero wabiricũ iiro dopa ta muapu yaharãpũ arĩpehrerã gajirãre ñerire erã iidiabiricũ iiaa. Moa ñeri wacũ dipaturi ōari iimasiya mara. Iri moa ne ōabeaa. Iri eropa wacũ iri moare cõacãro gahmea. Irire cõara puhũ weca ejama. Ne duhpiburi árĩbeaa iri erã cõara. Iri duhpiburi árĩbiro dopa ta árĩbiricãque mua. Goãmũ yapure iinguicãque, arĩ werepũ Jesu.

¹⁴ Eropi igũ buhenemopũ:

—Boyoro marire íhamasicũ iiro dopa ta muapure yaharãpũre i yeba majarãre Goãmũ yare wererã erãre masicũ iiro gahmea. Utãgu weca árĩri macare duhmasiya mara. ¹⁵ Eropi sihãgodirure masa sihãgorã gajino docague dibubeama. Irure sihãgogũ ɔmarogue duhpeomi iri wihi majarã arĩpehrerã erã íaboro dopa. ¹⁶ Eropirã mua sã mua Goãmũre mua umupeorire dibubiricãque. Ōaro wereque. Eropirã ōarire iique. Mua eropa iicũ íarã masa erã mari Pagũ ɔmaro majagure umupeorãcoma. “Ígu turagu, ōagu áhrimi,” arĩrãcoma, arĩ werepũ Jesu.

Goãmũ igũ dorerire igũ gojarare wereñumi Jesu

¹⁷ Eropã arĩtuhaja, erãre werenemopũ:

—Ire mua masicũ gahmea yuhũ. Goãmũ igũ dorerire Moiserẽ igũ apirare, igũ yare weremũtanirã erã gojara sãre cõãgu arigu iibiribũ. Iri dorerire muare ōaro were amũgu arigu iibũ. Goãmũ yare erã werediro dopa ta iigu aribũ. ¹⁸ Diaye ta muare arĩgu iiaa. I yeba ɔmaro árĩropẽ ta igũ doreri sã árĩroca. Goãmũ igũ dorerare iipehogũcumi. ¹⁹ Eropirã iri dorerire yujurãyeri tarinũgarã, gajirãre eropa ta iidorerã bu árĩrã árĩrãcoma. ɔmaro majagu opu igũ árĩroque bu árĩrã iro dopa árĩrãcoma. Yujuñe doreriñe árĩquerecũ ta erã tarinũgarã bu árĩrã iro dopa árĩrãcoma erã. Gajirãpũ igũ dorerire ōaro iirã, gajirãre erã iiro dopa iidorerã ɔmaro majagu igũ opu árĩroque oparã iro dopa árĩrãcoma erã. ²⁰ Muare arĩgu tiiaa yuhũ. Masare buherã, fariseo masa sã Goãmũ gamerire queoro iibeama. Erã tauro Goãmũ gamerire iique mua. Mua eropa iibirã, igũ opu árĩroguere ne ejasome mua, arĩ werepũ Jesu.

*Papũrĩre werenigũrĩre wereñumi Jesu
Lc 12.57-59*

²¹ Eropã arĩtuhaja erãre werenemopũ:

—Iribojegue majarã ōpa arĩ wererare ta peenirã árĩribũ mua: “Masare wejẽbiricãque. Masare wejẽdigũ erã dipuwaja moabu áhrimi,” erã arĩrare peenirã árĩribũ mua. ²² I erã werera tauñariro muapure werenemogũra. Ígu acaweregu mera papũridigũpũ masare wejẽdigũ iro dopa ta áhrimi. Eropigu erã dipuwaja moabu áhrimi ígu sã. Ígu acaweregure gameturigu dipuwaja moadorerã pohro erã aĩgãbu ta áhrimi ígu sã. “Ñegu pee masibigu áhraa muhũ,” ígu acaweregure arĩgure peamegue wama guhyataria ígure.

²³ “Mua acaweregu muare ígu íhaturicũ ígu mera amumũhtaque Goãmũre serẽboro core. Eropirã Goãmũ wihigue mua Goãmũre umupeorã waboro core, waibũgure mua oboro core ōpa iique. ²⁴ Goãmũre mua oburire duhcãnicũe dohpa. Mua acaweregu pohrogue waha, “Dipaturi íhaturibiricãrã. Irire iripẽta duhurã,” irire arĩque ígure. Mua eropa amura puhũ Goãmũre umupeorã waque daja ígu ya wihigue.

²⁵ “Gajigu muare weresãdiagu, dipuwaja moadoreri wihigue muare ígu aĩgãdiacũ, ígu mera guaro mariro arĩque. Dipuwaja moadoregu pohrogue ígu aĩ ejaboro core ígu mera ōaro ahmu wereniguique. Mua eropa iicũ íagu muare weresãbiribocumi. Mua eropa iibiricũ erogure muare aĩ ejacũ ígupũ dipuwaja moadoregure weresãgũcumi. Ígu eropa weresãcũ, beyegũpũ peresu iirãguere muare ogucumi. Eropirã erã muare peresu iirãcoma. ²⁶ Erogue árĩniguirãca mua. Ne erã wajayedorerare mua wajayephocũgue wirirãca mua, arĩ werepũ Jesu.

Gajigu marapo mera ñero iirire wereñumi Jesu

²⁷ Ōpa arĩ werenemopũ Jesu:

—Iribojegue majarã ōpa erã arĩ wererare peenirã árĩribũ mua. “Gajigu marapo mera ñero iibiricãque,” erã arĩrare peenirã árĩribũ mua. ²⁸ I erã werera tauñariro muare

ipare werenemogura: Nomeore ñeabiriqueregu ta yujugu igo mera árñidiagu igore ñero ñaribejagu ñero guña pepigu ñero iituhami igo mera.

²⁹ “Eropirã mua cuiru diayeru árñiduru mera ñero iirã irirure mua gorawea cóãbodirop dopa ta iri ñerire duhucãque. Irire duhubirã peamegue warãca. Mua cuirure cóãcũ iri cuiru dihta dederea. Mua ñerire duhubirãpe peamegue waha ñetariaro tarirãca. Eropirã iri ñerire duhucãque. ³⁰ Eropirã mua mojoto diayeru maja mojoto mera ñero iirã iri mojotore tabeta cóãbodirop dopa ta iri ñerire duhucãque. Irire duhubirã peamegue warãca. Mua mojotore mua cóãcũ iri mojoto dihta dederea. Mua ñerire duhubirãpe peamegue waha ñetariaro tarirãca. Eropirã iri ñerire duhucãque, arĩ wereru Jesu.

Erã marasã nomere cóãrire wereñumi Jesu

Mt 19.9; Mr 10.11-12; Lc 16.18

³¹ Ōpa arĩ werenemopu Jesu:

—Iribojegue i sãre arĩñuma: “Ígu marapore cóãdiagu ígu cóãburire wereripũ mera igore cóãmasimi,” arĩñuma iribojeguerẽ. ³² I erã werera tauñariro muapure ire werẽgura: Yujugu ígu marapo umu mera ñero iibiriquerecũ ta igore cóãbocumi. Ígu eropa cóãdigo gajigu mera marapucũgo ñero iigo iicumogajigu mera árigo. Eropigu igo marapu igore cóãdigu igore gajigu mera ñero iicũ iimi. Eropigu ígu cóãdigo mera marapocũgu igo mera ñero iigu iimi ígu sã, arĩ wereru Jesu.

Waĩpeo arĩrare wereñumi Jesu

³³ Ōpa arĩ werenemopu Jesu:

—Iribojegue majarãre erã ōpa arĩ wererare peenirã árñiribu mua: “Mua arĩdirop dopa ta eropa iique. ‘Goãmu mera diaye ta eropa iigura,’ mua arĩdirop dopa ta iique,” erã arĩ wererare peenirã árñiribu mua. ³⁴ I erã werera tauñariro muare werẽgura. “Ūmaro mera diaye ta arĩgu iiaa,” arĩ umaro mera arĩ waĩpeo arñiricãque. Ūmaropu mari Ōpu ígu árño ahraa. Bu árño arñibeaa. Ero eropa árño arñicũ iarã eropa arñimaabiricãque. ³⁵ I yeba mera ne waĩpeo arñiricãque. I yeba sã Goãmu ya yeba ta ahraa. Ero eropa árño arñicũ iarã eropa arñimaabiricãque. Jerusalén mera ne waĩpeobiricãque. Turagu mari Ōpu ya maca ahraa Jerusalén. Bu árño arñibeaa. Eropirã eropa arñimaabiricãque. ³⁶ “Yũ dipuru mera diaye arĩgu iiaa,” arĩ waĩpeobiricãque. Mua poari borecũ iimasibea mua. Iri ñiri wacũ sãre iimasibea mua. Eropa iimasibirã árñrã “Yũ dipuru mera diaye arĩgu iiaa,” arĩ waĩpeobiricãque. ³⁷ “Iirãra,” arñrã waĩpeoro mariro diaye ta irire arñiguicãque. “Iisome,” arñrã sã waĩpeoro mariro arñiguicãque. Mua waĩpeo arñrã watĩ ñegu ígu dorero dopa ta iirã iica, arĩ wereru Jesu.

Erã basi gamediarire wereñumi Jesu

Lc 6.29-30

³⁸ Ōpa arĩ werenemopu daja Jesu:

—Iribojegue ōpa erã arĩ wererare peenirã árñiribu mua. “Mũre gajigu mũ cuirure ígu patĩadirop dopa ta mũ sã ígure patĩa gameque. Mũ gucurirure ígu panuadirop dopa ta mũ sã ígure ígu gucurirure panua gameque,” erã arĩ wererare peenirã árñiribu mua. ³⁹ Erã werera tauñariro werẽgura daja muare. Muare ñero iidigure eropa iacãque. Yujupu mũ wayuporãre pacũ, “Gajipu sãre padiagu paque,” arĩque ígure. ⁴⁰ Gajigu mũre dipuwaja moagure ígu weresãcũ, ígu dipuwaja moagupu mũhu camisa mera mũre weresãdigure wajayodorebocumi. Ígu eropa wajayodrecũ ígure oque. Irĩñere otuhaja mũ weca majañe suhriro sãre onemoque ígure. ⁴¹ Yujugu surara gajinore yuju kilómetro mũre aĩgãbasadorecũ, gajĩ kilómetro aĩgãnemobasaque daja ígure. ⁴² Mũre serẽdigure ígu serẽropẽ ta oque ígure. Eropigu gajigu mũre wayudorecũ wayuque ígure ígu wayudorerare, arĩ wereru Jesu.

Mũare ñhatuirãre mahique, arĩ wereñumi Jesu

Lc 6.27-28, 32-36

⁴³ Ōpa arĩ werenemopu daja Jesu:

—Masa ōpa arĩmũrima: “Mua mera majarãre mahique. Eropirã muare ñhatuirãrẽpure ñhaturi gameque daja,” erã arĩrare peenirã árñiribu mua. ⁴⁴ Erã werera tauñariro werẽgura muare daja: Muare ñhatuirãre mahi umupeoque. Muare ñero iirãre ñero arĩdoreque. Muare ñhatuirãre ñero iique. Eropirã muare ñero wereniguirãre muare ñero iirã sãre “Erã sã ñero arĩporo,” arñrã Goãmũre serẽbasaque. ⁴⁵ Mua eropa iirã mari Pagu umaro majagu Goãmũ porã ahraa mua. Goãmũpu yujuropa ta iimi masare. Ñerãre, ñarã sãre abere asicũ iimi ígu. Eropigu Goãmũ ígu dorerire iirã sãre, iibirã sãre deco merecũ iimi ígu. Masare yujuropa ígu iiro dopa ta mua sã masare iique. ⁴⁶ Muare

umupeorā dihtare mua umupecū ne duhpiburi árībeaa iri. Ñerā masa wajasea corerā sã eropa ta iima. Eropirā árīpehreräre umupecoqe. ⁴⁷ Mũa acawererā dihtare mua ðaro bocatīricū ne duhpiburi árībeaa iri. Goãmure masibirā sã eropa ta iima. Eropirā árīpehreräre ðaro bocatīrique. ⁴⁸ Ñeri marirā árīque mua. Mari Pagu umaro majagu ĩgu ñeri marĩgu ĩgu arıdıro dopa ta mua sã ñeri marirā árīque, arı werepũ Jesu.

6

Ōari iirire wereñumi Jesu

¹ Dipaturi ĩgu werenemopũ:

—Goãmũ ya árīburi ðarire iirā árĩrā, “Goãmũ yare iipehorā āhraa gua,” arı werebiricāque gajĩräre. Mũa eropa arı wererā mua ðaro iira ne duhpiburi árībeaa. Eropĩgu Goãmũ umaro majagu ðarire mua iira wajare muare osome.

² “Eropirā mojomorocuräre itamurā, iirre masare ii ihmubiricāque. Masa erā ĩabiro itamuque eräre. Gajirā iro dopa iibiricāque. Erā masa bajarā watope mojomorocuräre itamura. Mague niguirā watope mari buheri wirigue árĩrā watope säre ii ihmuma. Erā eropa iiquererā erā mari pũrũpũre ñero iicorerā āhrima. Eropa masa watope ðarire ii ihmurā erā, “Ōarā āhrima erā,” masare arıdorerā iima. Erā eropa iirā masa umupei mera wajatatuhama. Eropĩgu Goãmũ ne wajayesome eräre. ³ Eropirā mojomorocuräre itamurā, iirre yayarogā iique. Mũa wapi mera árīquererā ta ĩgu ĩabiro iirre iique. ⁴ Masa erā ĩabirogue mojomorocuräre itamuque. Masa ĩabirogue mua itamuqerēcũ Goãmũpũ ĩhami. Eropĩgu mari Pagũpũ muare wajayegũcumı, arı werepũ Jesu.

Goãmure serēñire buheñumi Jesu

Lc 11.2-4

⁵ Dipaturi ĩgu werenemopũ:

—Goãmure serērā, mari pũrũpũ ñero iicorerā iiro dopa iibiricāque mua. Erā mari buheri wirigue nigui, mague säre nigui, Goãmure serē ihmuma erā masare. Eropa serē ihmurā diaye masa eräre umupei mera erā mucubirituhama. Eropĩgu Goãmũ erāpũre umupeosome. ⁶ Muapũ Goãmure serēmora mua ya taribugue biha ñajaque. Biha ñaja mari Pagu ĩasũya marĩgure serēque. Mũa eropa iicũ masa erā ĩabiro árīqerēcũ ta mari Pagũpũ muare ĩagũcumı. Eropa peegu muare ðaro ĩgũcumı ĩgu.

⁷ “Eropirā Goãmure serērā, pepiro mariro mua serērare ta dipaturi serē maji dujabiricāque. Eropa ta iima Goãmure masibirā. “Bajasuburi yuju disiro ta gua serēcũ guare peegũcumı,” arı pepima erā. ⁸ Erā iiro dopa iibiricāque. Mũa serēboro core mari Pagu mua gamerire masituhami. ⁹ Eropirā ðpa arı serēro gahmea Goãmure.

Gua Pagu umaro majagu mũ ðagu árĩrre árīpehrerā umupeoporo. ¹⁰ Dohpaguere árīpehrerā weca opu árīque. Ũmaroguere mũ dorero dopa ta erā iiro dopa ta i yeba majarā sã eropa iiporo. ¹¹ Eropĩgu umuri nucũ gua baburire oniguicāque guare. ¹² Gajirā guare erā ñero iirare gua cãdĩjiro dopa ta mũ sã gua ñero iirare cãdĩjique. ¹³ Eropĩgu gua ñero iiborare cãhmotaque. Eropĩgu guare ñerire iibiricācũ iique. Mũa gua Opu turagu eropa árĩniguigũca. Árīpehrerā mure eropa umupeoniguicārācoma, arı serēque Goãmure, arı werepũ Jesu.

¹⁴ “Gajiräre muare erā ñero iirare mua cãdĩjicũ ĩagu, mari Pagu umaro majagu mua ñero iira säre cãdĩjigũcumı. ¹⁵ Gajirā muare erā ñero iirare mua cãdĩjibiricũ mari Pagu mua ñero iira säre cãdĩjisome, arı werepũ Jesu.

Goãmure umupeomorā ba duhurire buheñumi Jesu

¹⁶ Eropĩgu ĩgu eräre werenemopũ:

—Goãmure umupeomorā ba duhurā bujawererā iro dopa ii ihmubiricāque. Eropa iima mari pũrũpũ ñero iicorerā. Erā erā diaporire bujawererā iro dopa āhrima. Erā eropárĩcũ erā ba duhucũ ĩha masima masa. Diaye ta muare arĩgu ĩaa. Masa eräre umupecũ gahmema erā. Eropirā eräre umupecũ ĩarā mucubirituhama. Eropĩgu Goãmũpũ eräre ðaro iisome. Eropirā erā iiro dopa ii ihmubiricāque mua. ¹⁷ Mũa sã ba duhurā mua árĩniguiro dopa ta árīque. Mũa ya dipure uyu mera sũcã ðaro wũapocāque. Mũa diapori säre coecāque. ¹⁸ Mũa eropa iicũ mua ba duhucũ ĩha masisome masapũ. Goãmũ dihta ĩha masigũcumı. Mũa seyaro mua árĩcũ ĩgũpũ mua mera āhrimi. Eropa ĩagu ĩgu muare ðaro ĩgũcumı, arı werepũ Jesu.

Ũmaro majare guñadoreñumi Jesu

Lc 12.33-34

¹⁹ Jesu werenemopũ daja:

—I yeba majare aĩ gameneobiricãque. Õ maja boa waboca. Iri boabiricũ yajari masũ aĩbocumi irire. Igũ yajabiricũ mega taabocoma. Eropiro i yeba maja dederema guhya áhrraa. Eropirã i yeba majare burigã gamebiricãque. ²⁰ Umáro majapũre turaro gameque mũa. Umáro majare mega taamasibeama. Erogue mũa opaburi ne boabeaa. Erogure yajari masũ ne aĩmasibeami. ²¹ Erogue mũa opaburi iri áricũ, umáro majare Goãmu yare burigã guñarãca mũa, arĩ werepũ Jesu.

Masa erã pepiro dopa ta iima, arĩ wereñumi Jesu

Lc 11.34-36

²² Eropi buhegu õpa arĩ werenemopu erãre:

—Mũa cuiri mũa dupũre sihãgodiru iro dopa ta áhrraa, arĩ weredicũ õpa áhrraa. Mũa pepiro dopa ta iiaa. Mũa õaro mera pepirã árirã õarire iiaa. ²³ Mũa ñerire pepirã árirã ñeri dihtare i mũa. Umáro majare mega taamia. Eropirã mũa ñeri dihtare mũa pepiniguicãcũ iri ñeripũ ñetariari áhrraa, arĩ werepũ Jesu.

Niyerure gamerã, Goãmũpũre gamebeama, arĩ wereñumi Jesu

Lc 16.13

²⁴ Eropigu igũ erãre werenemopu:

—Yujugu Goãmũpũre guñagu niyerupũre guñabeami. Niyerupũre burigã guñagu Goãmũpũre guñabeami. Eropigu niyeru dihtare gamegu árigũ Goãmũre mucubiricũ iibeami. Goãmũ sãre niyeru sãre peñere gametarimaja masiya mara mũare, arĩ werepũ Jesu.

Goãmũ igũ porãre ñhadibumi, arĩ wereñumi Jesu

Lc 12.22-31

²⁵ Eropigu erãre werenemopu:

—Eropigu mũare ire arĩgu iiaa. Mũa áricurire mũa barire, ihririre, suhri sãre wũaro guñaricubiricãque. Mũare deyro moagu bari dihtare bamorãre, suhri sañamorã dihtare Goãmũ iibiripũ mũare. Mũa iri dihtare guñacũ gamebeami. ²⁶ Mirimagu porãre Goãmũ igũ ñhadiburire masique mũa. Erã poeri moorã áhrraa. Eropiro erã bari dihburi wiri erãre mara. Mari Pagupũ erãre erã baburire ohomi. Mirimagu porã tauro mũapũre mahimi Goãmũ. Eropigu mũa sãre ñhadibugucumi igũ. ²⁷ Wũaro mũa pepiri mera iri mũare pagarã wacũ iibeaa. Eropiro mũa wũaro pepiri duhpiburi áribea.

²⁸ “¿Eropirã duhpirã mũa suhri sañaburire wũaro guña bujawere pepicãri? Nũgu maja gori iri gorire pepique. Iri gori ne iiro mariro õari goricua. Iri gori õari suhri iro dopa õari gori dehyoaa. ²⁹ Salomo opu mũrũ õari suhri opagu igũ áricuerecũ ta iri goripũ igũ ya suhri tauro õari gori áhrraa. ³⁰ Iri gorire õari gori iimi Goãmũpũ. Iri gori bajamenarigã árirã pũrũ ñaidija pehrea wahaa. Mero áhri, gajinũ peamegue soe cóacãma. Iri eropa mata pehrequerecũ ta iri gori iri õari gori áricũ iimi Goãmũ. Eropigu Goãmũ iri gorire igũ õari gori igũ iidiro tauro mũa sãre õaro iigucumi. Suhrire ogucumi. Goãmũre daberogã umupeoa mũa. ³¹ Eropirã mũa baburire, mũa ihriburire, mũa suhri sañaburire wũaro guñabiricãque. ³² Goãmũre masibirãpũ irire eropa amaniguicãma. Mari Pagũ umáro majagu áricpẽhri mũa gamerire masimi. Igũ eropa masicũ mũa ya áriburire wũaro guñabiricãque. ³³ Goãmũ mũa Opu igũ áriborore gamemũhtaque mũa. Mũa eropa iira pũrũ Goãmũpũ mũa gameri duhyacũ ogucumi. ³⁴ Eropirã ñamigãre mũa dohpa warocuri arĩ wũaro bujawere ne pepibiricãque. Dohpagãre mũa ñero tariboro árituhaa. Eropirã dohpagã maja dihtare pepique. Gajinũ majare wũaro bujawere pepinembiricãque. Goãmũpũ mũare itamugucumi, arĩ werepũ Jesu.

7

Gajirãre “Ñerã áhrraa,” arĩbiricãque, arĩ wereñumi Jesu

Lc 6.37-38, 41-42

¹ Eropigu igũ erãre werenemopu:

—Gajirãre “Ñerã áhrraa,” arĩ erã iirare werewuabiricãque mũa. Mũa eropa arĩ werewuabiricũ Goãmũ mũa sãre “Ñerã áhrraa,” arĩsome. ² Gajirãre “Õaro iibeama,” mũa arĩ pepidiro dopa ta Goãmũpũ mũa sãre eropa ta arĩ iagucumi. Mũa gajirãre beyero dopa Goãmũpũ mũa sãre eropa ta beyegucumi. ³ Mari werenigui queori mera buhecũ õpa iirã áhrraa mũa. Mũa acaweregu igũ cuirugue miri pogañegã mehñajacũ iri pogañegãre õaro ihaa mũa. Mũa ya cuiripũre wũarimiji áricuerecũ ta irimijire ne pepibeaa mũa. Eropirã gajigure miri pogañegãre mũa iaro dopa ta mũa acaweregu igũ ñero iiripũre õaro ihaa mũa. Mũa basi turaro ñerire iiquererã ta irire eropa pepicãa mũa. ¿Dohpa árironore eropa áhrriri mũa? ⁴ Õpa arĩ werenigui mũa acawererãre:

“Acaweregu, ñerire iigu iica mũhu. Eropigu irire duhucãque,” arĩ wereniigua mũa. Eropa igũre ñerire iidorebiriquerã mũa sã ñerire duhubeaa. ¿Duhpirã irire ñerire iinirã áriquererã ta irire pee masibeari mũa? ⁵ Eropa iirã masa erã purũpũre ñero iicorerã áhrra mũa. Mũa ñero iiripũre duhumuhtaque. Mũa eropa iira pũhũ mũa acawererãre “Mũa ñero iirire duhucãque,” arĩ weremasia mũa.

⁶ Dayea iro dopa áriřãre ñetariarãe Goãmu yã òatariarire erã umupeobiririre werebircãque erãre. “Erãgue ñero wereya ñero arĩri,” arĩrã werebircãque erãre, arĩ werepũ Jesu.

Mari Pagure mari serẽire wereñumi Jesu

Lc 11.9-13; 6.31

⁷ Eropigu igũ erãre werenemopũ:

—Goãmure mari Pagure serẽque mũa. Mũa eropa serẽrã mũa airãca. Mũa serẽire bocarãca. Goãmure eropa serẽniugicãque mũa. Mũa eropa iicũ igũ mũare ogucumi.

⁸ Áripehrerã Goãmure serẽrã airãcoma. Eropirã erã serẽrare bocarãcoma. Eropigu áripehrerã Goãmure eropa serẽniugicãrãre igũ erãre ogucumi.

⁹ “¿Mũa porã barire mũare serẽcũ añapũre obocuri mũa erãre? Obiriboya. ¹⁰ ¿Mũa porã waire mũare serẽcũ añapũre obocuri mũa erãre? Obiriboya mũa. ¹¹ Mũa ñerã áriquererã ta mũa porãre òarire omasia mũa. Eropigu mari Pagũ mũa tauro òarire ohomi mũare igũ porãre igũre mũa serẽire.

¹² “Gajirã mũare òaro iicũ gahmea mũa. Erãre mũa òaro iicũ gamero dopa ta òaro iique erã sãre. Erã òaro iibiriquerecũ ta mũapũ erãre òaro iique. Eropa ta iidorea Moise dorerigũ, Goãmũ yare weremuhtanirã erã gojarague sã, arĩ werepũ Jesu.

Miri disiporogã queorire wereñumi Jesu

Lc 13.24

¹³ Eropigu igũ queorire werenemopũ erãre òpa arĩgu:

—Goãmũ pohrogue wadiarã igũ yare iiro gahmea mũare. Eropirã igũ yare eropa iimaabiricãro gahmea. Miri disiporogãque mũa wadiacũ diasa áhrra. Eropiro diasa áhrra Goãmũ pohrogue mũa wadiacũ. Peamegue masa erã wacũ diasabeaa. Wũari disiporogue mari ñajacũ diasabeaa. Iri disiporogue ta masa erã ñajaboro dopa ta peamegue masa erã wacũ diasabeaa. Eropirã masa bajarã erogue warã iima. ¹⁴ Goãmũ pohrogue wadiacũ diasa áhrra. Bajamerãgã masa erogue warãcoma. Erogue warã umuri nũcu Goãmũ mera áriñiguirãcoma, arĩ werepũ Jesu.

Yucũgu ðucare masirã dipagu sãre masiro dopa ta masa erã iirire iarã erã áriřicũre masia mari, arĩ wereñumi Jesu

Lc 6.43-44

¹⁵ Eropigu igũ werenemopũ erãre:

—Òaro pee masique. “Goãmũ yare weremuhtarã áhrra,” arĩ gũyarãre peebircãque mũa. Erã òarire iirã iro dopa aririma mũa pohrogue. Erã pepirigue ñerã áhrrima erã. ¹⁶ Erã ñero iicũ iarã ñerã erã áriřcũ masirãca mũa. Erã òaro iicũ iarã, òarã erã áriřcũ masirãca mũa. Aña poragu dipatõrĩre ðucacubeaa. Poracũdigu sã higuera dipure ðucacubeaa. ¹⁷ Óadigu yucũgu òarire ðucacũa. Ñedigũpũ ñerire ðucacũa. ¹⁸ Yucũgu óadigu ñerire ne ðucacũmasibirica. Eropiro ñedigu sã òarire ðucacũmasibirica. ¹⁹ Óarire ðucacũbiriri yucure pa cóacã, peamegue soecãma. Eropa ta iigũcumi Goãmũ igũ gamerire iibirãre. ²⁰ Eropirã “Goãmũ yare weremuhtarã áhrra,” arĩrã erã gũyacũ òpa masirãca. Erã iiricũrĩre ñaque. Erã òarire iirã áriřcũ iha “Goãmũ ya wereniguirã ta áhrrima,” arĩ iha masirãca. Erã ñerire iirã áriřcũ iha “Goãmũ ya wereniguirã áriřbeamã. Eropirã gũyarã áhrrima,” arĩ iha masirãca, arĩ werepũ Jesu.

“Mũare ne masibeaa,” arĩgũca yũhũ bajarã masare, arĩ wereñumi Jesu

Lc 13.25-27

²¹ Eropigu igũ erãre werenemopũ:

—Bajarã yũre “Yũ tĩgu,” arĩrã áriřquererã ta umaro majagu Goãmũ igũ áriřrogũre wasome erã. Yũ Pagũ umaro majagu igũ gamerire iirã ðihta igũ opũ áriřrogue warãcoma. ²² Pehrerĩnũ áriřcũ bajarã masa òpa arĩřãcoma yũre: “Gũa tĩgu, mũ yare gũa buheabũ. Mũ wãĩ mera pũrĩrĩre, watẽare cóãbũ. Eropirã mũ turari mera baja deyoro moarĩre iiabũ gũa,” yũre arĩřãcoma. ²³ Erã eropa arĩquerecũ òpa arĩ yũhřigũca erãre: “Mũare ne masibeaa. Ñerire iirã áhrra mũa. Yũ pohro aribircãque,” arĩgũca yũhũ erãre. Eropirã Goãmũ gamerire iique yũ pohro aridĩarã, arĩ werepũ Jesu.

Pe wihĩ iira queorire wereñumi Jesu

Lc 6.47-49; Mr 1.22

²⁴ Eropigu queori mera werepu Jesu eräre buhegu:

—Eropa áripehrerã i yu wereniguirire peenirã yu dorerire iirã, ðaro pee masigu wihi iidigu iro dopa áhrima erã. Ígu úhcãri goberire seha, wihire nugunugapu. ²⁵ Ígu wihire ígu tuhajara puhru deco burigã ahri, dia miritaria wayoro. Miruñe burigã weãyoro. Eropa waquerecũ ta iri wihi úhcãro ígu nugura wihi áriro ne mihrua dijabiriyoro. ²⁶ Eropirã áripehrerã i yu wereniguirire peenirã áriquererã ta yu dorerire iibirãpu pee masibigu ígu wihi iigu iro dopa áhrima. Ígupu ígu wihire dia turo maja imiporo weca nugu, ðaro iibiripũ. ²⁷ Ígu wihire tuhajara puhru, deco burigã ahri, dia miritaria waha, miruñe burigã weãyoro. Eropa weãro iri wihire weã mehpicãyoro, arĩ werepu Jesu.

²⁸⁻²⁹ Ígu eropa arĩ buhecũ peerã, peemaria wañorã masa. “Ígu marire opu ígu buhero dopa ta buhemi ígu. Marire buherã iro dopa buhebeami,” arĩ pepiñorã erã.

8

Jesu cami boague ðagu wacũ iĩñumi

Mr 1.40-45; Lc 5.12-16

¹ Jesu utãgugue buhe doadigu dijaa wapu. Ígu dijacũ íarã masa bajarã ígure nurusiañorã. ² Ero ígu wadiro yujugu cami boagu mague ígure nurusiaja eja, mereja, ígure serẽpu.

—Gua tígu, muhu yure ðagu iidiagu iique, arĩpu.

³ Ígu eroparicũ peegu ígu mojoto mera Jesu ígure mohmeripũ.

—Áu, mure ðagu wacũ iiaa, arĩpu Jesu ígure.

Ígu eroparicũ ta iri cami boara yarima wayoro. ⁴ Eropa iituhaja Jesu ígure arĩpu daja: —Yuhũ mure ðpa iirare ne gajirãre werebircãque. Mu ya ðupure ðarare pahire ihmugu waque, “Óaro áhrimi,” arĩdoregu. Tuhajanugu Moise dorerire Goãmu ígu apidiro dopa ta iique. Eropigu Goãmu ya wihigue mirimagure asũ wahgã apique mu dore tarirare masa áripehrerã erã masimaja ðaro, arĩpu Jesu.

Surara opu ígu pohro majagu dorecucũ Jesu ðagu iĩñumi ígure

Lc 7.1-10

⁵ Ero puhru Jesu Capernaum waicuri macague ígu ejacũ surara opu ígu pohro eja, ígure turaro ðpa arĩ serẽpu:

⁶ —Gua tígu, yu pohro majagu ne buhari mera dorecugu wamasibirinijagu, ígure burigã pũricũ pepigu yaha wihigue oyacumi ígu, arĩpu ígu Jesure.

⁷ Ígu eroparicũ pee:

—Áu, arĩ, ígure ígu dorecurire taugu wagura, arĩpu Jesu.

Ígu eroparicũ ðpa arĩpu surara opu:

⁸⁻⁹ —Opu, ðaroca. Aribita. Ñegu áhraa yuhũ. Yaha wihire mure ñajaridorebuno áribeaa yuhũ. Yuju diaye ta mu turari mera dorebeoque. Mu eropa iicũ yu pohro majagu ðagu wagucumi. Yure yu weca áriã gajirã oparã dorema. Yu sã surarapure dorea. Yujugure “Waque,” yu aricũ ígu wahami. Gajigure “Arique,” yu aricũ áhrimi. Yu pohro majagure “Ire iique,” yu aricũ irire iimi. Eropigu mu ígure mu dorero dopa ta ígu dorecugu tarigucumi, arĩpu ígu.

¹⁰ Jesu ígu eroparicũ pee uca wa bajarã masa ígu mera nurusiarãre ðpa arĩpu:

—Diaye ta muare arĩgu iiaa. Ihĩ surara opu Israe masũ áribiriqueregu Goãmure burigã umupeomi. Ígu pohro majagure yu ðagu wacũ iiburire masituhami. Ne Israe masare ihĩ iro dopa umupeorãre íanibeeaa. ¹¹ Muare arĩgu iiaa. Bajarã ihĩ iro dopa áriã áripehrero majarã umaro majagu ígu opu árirogue eja, erogue áriã mera barãcoma. Mũa ñecu sumarã mura Abrahã, Isaa, Jacobo mera barãcoma erã. ¹² Masa gajirãpu “Opu ígu árirogue wamorã áhraa gũa,” erã arĩquerecũ ta ñerogue naitarogue cóãgãgucumi erã. Eroque ígu cóãñirã burigã ore, bujawwererĩ mera erã gucurire cüridihurãcoma, arĩ werepu Jesu.

¹³ Irire eropa arĩtuhaja surara opure arĩpu:

—Dujaaque mu ya wihigue. Mu pohro majagu tarigucumi. “Diaye ta tarigucumi,” arĩ mu pepidiro dopa ta tarigucumi, arĩpu Jesu.

Ígu eroparicũ ta ígu pohro majagu pu ðha wapu.

Pedro muñecore dorecugore tauñumi Jesu

Mr 1.29-31; Lc 4.38-39

¹⁴ Puhru Jesu Pedro ya wihigue eja, Pedro muñeco dorecacū ĩapu ĩgu. Nimacuri áricū oyapo igo. ¹⁵ Igo eropa dorecacū ĩanijagu igo mojotore mohmepipu. ĩgu eropa mohmepicū ta nimacuri taria wayoro. Taricū pepigo igopu wahgā, erāre barire ejopo.

Jesu bajarā dorecūrāre tauñumi

Mr 1.32-34; Lc 4.40-41

¹⁶ Eropi ñamicague bajarā watēa ñajasūnirāre masa aĭ ejañorā Jesu pohroque. Erā eropa aĭ ejacū ĩagu mata ĩgu watēare cóacū masa ōha wañorā. Eropigu árĭpehrerāre dorecūrāre erā aĭ ejanirāre taupehocāpu Jesu. ¹⁷ Eropa ta ĩpu ĩgu iribojegue majagu Goāmu yare weremuhtadigu Isaia ĩgu arĭdiro dopa ta. Ōpa arĭ gojañumi: “Mari dorecūrāre taucāmi ĩgu. Marire pūrĭrĭre cohāmi ĩgu,” arĭ gojañumi Isaia Jesu arĭboro coregue.

Yujurāyeri Jesu mera majarā árĭdiarĭñuma

Lc 9.57-62

¹⁸ Jesu masa bajarā ĩgu pohro áricū ĩagu,
—Wuariya gajipu masegue ina taribujarā, arĭpu ĩgu buherāre. ¹⁹ Erā taribujaboro core judio masare buhegu Jesu pohroque eja, ōpa arĭpu:

—Buhegu, mu mera wadiaa noho mu waro, arĭpu.

²⁰ Jesu ōpa arĭ yuhripu:

—Yu mera áricū dĭasa āhraa. Nuġu majarā diayea erā carĭburi toreri opama. Mirimagu porā sā erā ya suhri opama. Yurure Goāmu ĩgu obeodigupure ne yaha wihi mara. Eropirā yu mera árĭrā ñero tarirāca mua, arĭ yuhripu Jesu.

²¹ Eropi gajigu Jesu buhegu ōpa arĭpu:

—Gua opu, yu pagu ĩgu síricū yaatuhajagu mu mera wagura, arĭpu ĩgu Jesure.

²² Jesu yuhripu:

—Yure gamebirā sírinirā iro dopa ta āhrima. Erāpu sírinirāre yaaporo. Eropigu mupu yu mera majagu árĭbu arĭque dohparagā, arĭpu ĩgu.

Jesu miruñere yusudoreñumi

Mr 4.35-41; Lc 8.22-25

²³ Eropa arĭtuhaja dohodirugue ñajapu. Eropirā ĩgu buherā sā ĩgu mera waha ñajañorā. ²⁴ Ero erā taribujarisubu iriyague miruñe burĭgā arĭyoro. Eropiro páguri dohodĭrure miucāriyoro. Eropa miruñe weāquerecū ta Jesupu carĭgu ĩpu. ²⁵ Eropa wacū ĩarā erā ĩgure wahgūñorā. Wahgū ōpa arĭñorā:

—Opu, mirimorā iica mari. Miruñere tauque, arĭñorā.

²⁶ Erā eroparĭcū Jesu yuhripu:

—¿Duhpirā güimaacāri mua? Yure merogā umupeorā āhraa mua, arĭpu Jesu erāre.

Eropa arĭgu ta wahgānugaja miruñere páguri säre “Yusaque,” arĭpu. ĩgu eroparĭcū miruñe, páguri sā yusudĭjapehrea wayoro. ²⁷ ĩgu eropa iicū ĩha uca, ōpa arĭ werenĭguñorā erā basi.

—¿Ñehmuno masu āhriri ihĭ? I miruñe, páguri sā yuhrisĭgu āhrimi, arĭñorā erā.

Watēa ñajasūnirāre tauñumi Jesu

Mr 5.1-20; Lc 8.26-39

²⁸ Erāre eropa wara puhru taribujaja, Gerasa majarā ya yebague ejapu. Eroque erā ejacū perā ũma Jesure bocatĭrĭñorā. Masa goberi watopegue árĭnirā árĭñorā. Erā watēa ñajasūnirā árĭrā gorowererā guhyarā árĭñorā. Eropirā erogue masa ne wabirĭñorā.

²⁹ ĩgure bocatĭri ōpa arĭ gaguĭnĭguñorā:

—¿Muhu Goāmu magu duhpĭbu ahriri muhu gua pohroguere? ¿Guare Goāmu dorero ejabiriquerecū ta dipuwaja moagu ahriri muhu? arĭ gaguĭnĭguñorā erā watēa mera.

³⁰ Ero pohro bajarā yesea ahma barā ĩñorā. ³¹ Erāre ĩanĭjarā, watēapu ōpa arĭ burĭgā serēñorā Jesure:

—Guare oā ũmare cóagu soā yesea pohroque wadoreque guare. Erā mera guare árĭdoreque, arĭ serēñorā erā Jesure.

³² —Áu, waque, arĭpu Jesu.

ĩgu eroparĭcū watēa perā masa mera árĭnirā waha, yesea pohroque ejañorā. Erāre ñajacū ta yesea gorowere, dipaturague oma buha, wuariyague yurĭñaja yuhria, miri síripehrea wañorā.

³³ Erā eropa wacū ĩarā yeseare ĩhadiburāpu güi, omagā wañorā. Macague eja yesea erā mirirare weresĭripehocāñorā erā. Watēa erā ñajasūnirāre Jesu ĩgu cóara säre werepehocāñorā erā. ³⁴ Erā eropa weresĭrĭra puhru ĩri maca majarā árĭpehrerā Jesure ĩarā ejañorā. Eropirā ĩgure ĩara puhru turaro mera wĭriadoreñorā ĩgure erā ya yebare.

9

Dupu buhadigure ðagu wacü iñumi Jesu

Mr 2.1-12; Lc 5.17-26

¹ Erä eropa wadorera puhru Jesu dohodirugue ñaja, wuariyague taribujaa, igu ya macague ejapu. ² Erogue gajirä dupu buhadigure pügu mera coä ai wahgä erañorä Jesu pohro. "Jesu ire igu dorecurire taricü iigucumi," arí pepiñorä erä. Erä eropa arí pepicü masigu Jesu dorecugure ða arípu:

—Mucubirique muhu. Mu ñero iirare cóatuhabu yuhu, arípu igu.

³ Igu eroparicü peerä yujuräyeri masare buherä ða arí pepiriñorä erä basi: "Thí eropa arí igu werenigüiri mera Goãmure ñero arígu iimi," arí pepiñorä erä buherä.

⁴ Erä eropa arí pepicü masigu, ða arípu Jesupu:

—¿Duhpirä eropa arí ñero pepiri mua? ⁵ "Mu ñero iirare cóäbu," yu aricü "Guyagu ährimi," aräa mua masibiriquerä ta. Igure "Wahgänugajaque. Curique," yu aricü yu aríra diaye áriri áricü mata mua íha masiráca. ⁶ Yuhu masu Goämu igu obeodigu i yeba majarä erä ñero iirire cóamasia yuhu. Mua ire masiborore ða ta igu wahgänugacü iigura, arípu Jesu.

Eropa aríthuhaja dupu buhadigure ða arípu:

—Wahgänugajaque. Mu püguere ai, mu ya wihigue dujaaque, arípu igure.

⁷ Igu eroparicü ta peegu dupu buhadigu wahgänugaja, igu ya wihigue dujaa wapü.

⁸ Masa igu eropa wacü íarä güiñorä. Eropirä Jesure Goämu igu turarire opacü íarä Goãmure umupeo, ðaro werenigüiñorä.

Jesu Mateore sihuñumi

Mr 2.13-17; Lc 5.27-32

⁹ Erä eropa iira puhru Jesu erogue árídigu wiria, yure Mateore bocatírimi. Oparä ya áríburire masare wajasea coregu áríribu. Eropigu irisubure yu mohmeri taribugue doabü. Ero yu doacü íagu, ða arími yure:

—Yu mera majagu áríbu aríque, arími yure Jesu.

Igu eroparicü pee, wahgänugaja igu mera wabu.

¹⁰ Puhru yaha wihigue Jesu sä barä erama. Bajarä wajasea corerä "ñero iirä" erä aríra gua mera ta bama. ¹¹ Erä mera gua bacü íarä, fariseo masa Jesu buheräre ða aríma:

—¿Duhpigu muare buhegu wajasea corerä ñero iirä mera bahari? aríma erä guare igu buheräre.

¹²⁻¹³ Erä eroparicü peegu Jesupu ða queori mera yahrimí:

—Dorecubirá duhturure amabeama. Dorecurä dihta duhturure ahmama. Dorecurä duhturu amaro dopa ta "Nerä ähraa," aríra yure amaräcoma. Eropigu "Nerä ähraa," aríra dihtare erä ñero iirare bujaweredore ðaripure gohrotocü iigu aríbu yuhu. Erä basi "Óarä ähraa gua," arí pepiräre itamugu aríbiríbu. Goämu igu arírare erä arí gojarare masique mua. "Waimuräre wejé soemujurä yure eropa umupeocü ne gamebeaa. Gajiräre mua mojomoro íacüpure gahmea," arími Goämu, arí gojañumi. I eropa arírire masique mua. Iirre ðaro buhenemorä waque, arími Jesu fariseo masare.

Ba duhurire serëpiñuma Ñu buherä Jesure

Mr 2.18-22; Lc 5.33-39

¹⁴ Puhru Ñu waíyegu igu buherä gua pohro eja Jesure serëpima:

—Gua Ñu buheräpu bajasuburi Goämu ya áríburire iirä ba duhua. Fariseo masa sä eropa ta ba duhuma. ¿Duhpirä mu buheräpu ba duhubeari? aríma erä Jesure.

¹⁵ Jesu eräre ða arí yahrimí:

—Ópa ähraa iri: Mojoto diridigu igu bosenu icü igu mera majarä bujawererä ba duhurä áríbeama. Igu mera aríra mucubiri barä iima. Eropa ta yu buherä sä yu mera aríra ba duhumasibeama. Yujunu yure Goämu aicägucumi. Eropa igu yure aira puhru yu buherä mera arísome yuhu. Irisubugue ta yu buherä ba duhuräcoma, arí yahrimí Jesu.

¹⁶ Erä iri bojegue maja buheri mama buheri mera erä peñe buhemorediacü íagu ða arí werenemomí Jesu eräre:

—Ne mama gasiro suhri gasiro mera murañe suhrirore seretu masiya mara. Eropa seretura puhru mama gasiro mari coecü mura suhriro áríro yehguea wa daja, tara gameneo, wuatariaro yehgueacü iiaa. Eropa ta mura buheri mama buheri mera wapi moa buhebiricäro gahmea. ¹⁷ Eropirä ne igui deco imisíri decore waibugu gasiro ajuro mura ajuro mera diyebiricäro gahmea. Eropiicü igui deco imisíri pahmura puhru mura ajurore yeguedija waha. Iri ajuro yehguecü igui deco sä, ajuro sä cohmoa waha.

Eropirā igui deco waibuḡu gasiro mama ajuro mera diyero gahmea. Eropiicū igui deco pahmuro ōaro iri ajuro sēraa. Eropa ta mama buheri mura buheri mera buhebiricāro gahmea, arī weremi Jesu erāre.

Jairo magore ōago ii, behreri opaniguigo sāre ōago wacū iñumi Jesu
Mr 5.21-43; Lc 8.40-56

¹⁸ Īḡu eropa arī wererisubu ḡua judio masa buheri wihi opu Jesu pohrogue erami. Eraa, mereja, ōpa arīmi:

—Yū mago negāḡue sīria wahámo. Iгоре mū mojtore duhpeoḡu ariḡue. Mū eropa iicū masagocumo, arīmi ĩḡu Jesure.

¹⁹ Īḡu eroparicū peeḡu Jesu wahḡānḡajaja, ĩḡu mera wami. ḡua ĩḡu buherā sā ĩḡu mera wabu. ²⁰ ḡua erogue wanigūicū ero nomeo Jesu purapū eja, ĩḡu suhriro ojogorore mohmepiñamo. Doce bojori gohra umuri nucū behreniguigo arīpo. ²¹ Ōpa arī pepipo igo eropa iigo: “Īḡu suhriro dihtare mohmepiñago ōago dujagoca yuhū,” arī pepipo igo. Eropigo igo mohmepicū mata igo di wirira purumujyoro. ²² Igo eropa iicū masigū Jesu majinḡajaja, igore arīmi:

—Mucubirique mūhū. Mūhū yure umupeori mera ōago dujaa, arīmi ĩḡu.

Īḡu eroparicū ta ōha wamo igo.

²³ Eropa iituhaja Jesu ḡua mera opu ya wihigue ejami sīridigo pohro. Ñajajagū bajarā masa i wihigue arīrā turaro busucū ĩami. Gajirā ñehamere orerāre gaguiniguirāre ĩami. Gajirā igogāre yaaboro core tarisu iro dopa arīrire purirāre ĩami. ²⁴ Erā eropa iicū iagū masare ōpa arīmi:

—Wiriaque mūa. Sīribeamo igo. Carīḡo iimo, arīmi erāre.

Īḡu eroparicū peerā, “Eroparicāḡu iimi ihī,” arīrā masa ĩayema ĩḡure. ²⁵ Īḡupū erāre disporogue wiupehocāmi. Tuhajanugu sīridigo pohrogue eja, igo mojtore ñeapū. Īḡu eropa ñeañacū ta masa bejaja, wahḡānḡajapo igo. ²⁶ Īḡu eropa iirare peerā, ero majarā masa arīpehrerā masa werewuañorā.

Perā cuiiri ĩhajabirāre ĩacū iñumi Jesu

²⁷ Ero arīnirā ḡua Jesu mera wacū, perā cuiiri ĩhajabirā ĩḡure piyu nurusiamā:

—Opu Davi pārami masare taugū, ḡuare mojomoro ĩaque mūhū, arī gaguiniguima erā.

²⁸ Erā eroparicū Jesu gaji wihigue ñajami. Īḡu eropa ñajacū masirā cuiiri ĩhajabirā ĩḡu pohrogue ñaja wama. Erā eropa ñajacū iagū ĩḡupū erāre serēpimi:

—¿Marire ĩacū iigucumi ĩḡu, arī pepiri mūa yure? arīmi ĩḡu.

—Opu, eropa ta arī pepia ḡua, arī yuhrima erā.

²⁹ Erā eropa yuhricū ta erā cuirire ñapeomi. Ñapeoḡu, ōpa arīmi:

—Yure “Eropa iigucumi,” mūa arī pepidiro dopa ta eropa ta iigura, arīmi Jesu.

³⁰ Īḡu eroparicū ta erā cuiiri ōha wabu. Eropi Jesu ōpa arīmi erāre:

—I yū ōpa iirare gajirāre ne werebiricāque, arīrimi Jesu.

³¹ Īḡu eropa arīquerecū ta waha, i yeba majarāre weresirinirā arīma ĩḡu eropa iirare erā.

Wereniguimasibigūre werenigūicū iñumi Jesu

³² Iri wihire erā cuiiri ōha wanirā wiriarisubu gohra yujugū wereniguimasibigūre aḡārima Jesu pohro masa. Watī ĩḡure ñajasūdigu ĩḡure wereniguimasibiricū iidi arīmi.

³³ Erā aī ejacū iagū watīre Jesu cōāmi. Īḡu eropa watīre cōācū wereniguimasibiridigupū wereniguia wami. Īḡu eropa iicū ĩarā arīpehrerā ĩhamaria wama.

—Ne i yeba Israe yebaguere ōpa iirare ĩabirimurabū mari, arī wereniguima masa erā basi.

³⁴ Fariseo masa gajiropa arī wereniguima:

—Watēa opu ĩḡu turari mera watēare cohāmi ihī, arī wereniguima erā.

Masare mojomoro ĩañumi Jesu

³⁵ Eropi arīpehreri macari ero arīri macarire, paga macari sāre buhe curigū wami Jesu ḡua mera. Ōari buherire erā buheri wirigūe buheḡu wami ĩḡu. Eropigū Goāmū ĩḡu opu arīborore weremi. Arīpehreri dorecari sāre ero majarāre taumi ĩḡu. ³⁶ Erā masa bajarā ñero tarirā, itamuri moorā, oveja dibuya marirā iro dopa erā arīcū ĩapu Jesu erāre. Eropa iagū Jesu erāre mojomoro ĩami. ³⁷ Eropigū ōpa arīmi ĩḡu ḡuare ĩḡu buherāre:

—Ojodūca baja iri buḡatuhajacū baja arīcū mohmeri wūaro āhraa. Mohmeri masapu bajamerāḡā āhrima. Eropa ta ōari buherire peemorā bajarā arīcū wūaro āhraa mari

mohmeri. Iri eropa áriquerēcū ta mari masare buhemorā bajamerāgā āhraa. ³⁸ Eropirā ōari buherire buhemorāre gajirāre ĩḡu obeomorāre serēque Goāmure mua, árĭmi Jesu guare.

10

Jesu doce gohra beyeñumi ĩḡu buhedoreḡu obeomorāre

Mr 3.13-19; Lc 6.12-16

¹ Puhra doce guare ĩḡu buherāre Jesu sihubeo, turarire omi guare. Watēare gua cóāmasiburire, árĭpehreri dorere gua taumasiburire omi guare.

² Ōpa waĩcurā árĭbu gua Jesu ĩḡu apinirā: Simo árĭmi. ĩḡure ta Pedro arĭ piyumi Jesu. Simo pagu magu Andre árĭmi. Santiago ĩḡu pagu magu Ñu mera árĭmi. Erā pagu Zebedeo waĩcumĭ. ³ Felipe, Bartolomé, Toma, yuhu Mateo árĭbu gua. Yurpu oparā ya árĭburire masare wajasebasa coredigu árĭribu. Gua mera gajigu Santiago árĭmi. ĩḡu Alfeo magu árĭmi. Eropigu Lebeó sã árĭmi. ĩḡurpu Tadeo erā arĭ piyudigu árĭmi ĩḡu. ⁴ Simo celote ya curu majagu, Juda Iscariote sã árĭma. Judapu Jesure ĩhaturirāre ĩhmubu árĭmi.

Jesu ĩḡu buherāre buhedoreḡu obeoñumi

Mr 6.7-13; Lc 9.1-6

⁵ Eropi guare ĩḡu buherāre docere obeoḡu, “Ōpa iique,” arĭ wereseremi guare:

—Judio masa árĭbirā pohroguere wabiricāque. Ne Samaria yeba maja macarigue sãre wabiricāque. ⁶ Israe yeba majarā pohroguere waque. Goāmure masibirā āhrima erā. ⁷ “Ūmaro majagu opu árĭboro merogā duhyaa,” arĭ buheque erāre. ⁸ Eropirā camĭ boarāre, gajĭ baja gajiropa árĭri dore oparā sãre ōarā wacū iique. Sĭrinirāre masuque. Watēa ñajasunirāre cohā wiuque erā watēare. Muare iri turarire oḡu iiaa. Eropirā mua sã ya eropa odiro dopa ta masare wajasearo mariro ōarā wacū eropa iicāque.

⁹ “Mua warā ne niyerure aĩbiricāque. ¹⁰ Ne mua ajure, ne peñe camisare, ne peba zapaturi sãre aĩḡabiricāque. Mua buheroguere ero majarāpu muare barire oporo.

¹¹ “Iri macariguere ejarā, mua carĭborore masa ōaro umupeoḡu pohroguere amaque. Eropirā ĩḡu ya wihi ta dujanique. Ne warāque wiriaque iri wihire. ¹² Eropirā wihigue ñajarā “Āhriri,” arĭque iri wihi majarāre. ¹³ Muare erā gamecū, “Goāmū mera ōaro arĭque mua,” arĭque erāre. Muare erā gamebiricū, “Goāmū mera ōaro arĭque,” mua arĭbiricāque erāre. ¹⁴ Eropirā muare erā gamebiricū, erā mua buherire peediabiricū ĩarā iri wihire wiria waque. Eropa wiriarā, guburi maja nicure moje siripique erā ĩaro, erā ya dipuwajare ĩhmumorā. Iri maca majarā muare gamebiricū eropa ta iique erā sãre. ¹⁵ Diaye ta muare arĭḡu tiiaa. I mũmu prehrecūguere Sodoma majarā Gomorra majarā mura burigā dipuwajacurācoma. Erā eropa dipuwajacuro tauro muare gamebirāpu dipuwajacurācoma. arĭ weremi Jesu guare.

Jesu yarāre gajirā erā ñero ĩborore wereñumi Jesu

Eropa arĭtuha ōpa arĭnemomi guare ĩḡu buherāre:

¹⁶ —Yure peeque mua. Oveja iro dopa árĭrāre muare yea guarā iro dopa ta ñerā árĭrā watopegue obeoḡu iiaa. Eropirā mua pu ōaro pee masirā arĭque. Eropirā gariboro mariro ōaro arĭque erā mera. ¹⁷ Ōaro iique mua. Masa muare erā oparāre orācoma muare dipuwaja moadorerā. Erā buheri wirigue sãre parācoma muare. ¹⁸ Eropirā mua yaharā mua árĭri dipuwaja macari majarā oparā pohroguere erā tauro oparā pohroguere sãre aĩḡarācoma muare dipuwaja moadoremorā. Eropirā muare erogue erā aĩḡacū judio masa árĭbirā oparā sãre ōari buherire wererāca mua. ¹⁹⁻²⁰ Muare oparā pohroguere erā aĩḡacū erāre mua wereniguburire wuaro pepibiricāque. Muare erā serēpicū ta mua erāre yuhriburire masirāca Goāmū mera. Eropa masirā mua irire mua gamero wereniguisome. Goāmuru mari Pagu ĩḡu Espĭritu Santo mera muare werenigucū ĩigucumi.

²¹ “Irisubure erā tĭrā erā pagu porā Jesu yarā arĭcū ĩha wejēdore wiarācoma oparāre. Erā pagu sumarā erā porā Jesu yarā erā arĭcū ĩha wejēdore wiarācoma oparāre. Erā porāpu erā pagu sumarā erā Jesu yarā erā arĭcū ĩha wejēdore wiarācoma oparāre. ²² Eropirā masa árĭpehrerā yure mua umupeora dipuwaja ĩhaturirācoma muare. Erā muare erā ñero ĩquerēcū ta muare erā ñero ĩrare yujuro bojerā yure duhubiricū Goāmū muare taugucumi. Eropigu ĩḡu pohroguere muare opagucumi. ²³ Yuju maca muare erā ñero ĩcū gajĭ macague duhri wahḡaque. Diaye ta muare arĭḡu tiiaa. Israe yeba árĭri macarire mua buhepehoboro core, yuhu masu Goāmū ĩḡu obeodigu ĩ yebague dujarigura.

²⁴ “Buherã erãre buhegure masi taribeama. Eropigu pohro majagu sã ĩgu opu weca áribeami. ²⁵ Yujugu buhegure ĩgure weredigu iro dopa dujaro gahmemi ĩgu. Pohro majagu sãre ĩgu opu iro dopa ta dujami. Mũapũ yũ buherã áhrraa. Eropirã yũre iidiro dopa ta mũa sãre iirãcoma. Eropirã yũre “Wafĩ Beelzebũ áhrimi,” arĩ weresãrã, mũa sãre yaharãre ñero arĩ wereniguirãcoma erã, arĩ weremi Jesu guare.

¿Nihinore güicũ ðhari? arĩ wereñumi Jesu

Lc 12.2-7

²⁶ Eropa arĩra puhru Jesu õpa arĩnemomi guare:

—Eropirã mũare erã ñero iidiarãre güibiricãque. Masa erã yayasãrãre puhru gajirã masirãcoma. Erã ðibura sãre gajirã masirãcoma. ²⁷ Eropirã mũare yayarogã yũ wererãre bajarã masa watope wereturiaque mũapũ. ²⁸ Mũare wejẽrã mũa ðupũ ðihtare wejẽmasima. Mũa siporãpu siribeaa. Eropirã mũare wejẽdiarãre güibiricãque. Goãmũpũre güique. ĩgu mũa ðupũ mũa siporãri sãre peamegue dedeomasimi mũare. Eropirã ĩgũpũre güique.

²⁹ “Perã mirua wajamarima. Erã eropa wajamariquerẽ ta Goãmũ ðaro mahi ĩhadibumi erãgãre. Goãmũ dorebiricũ ne siribeami yujugũgã. ³⁰ Eropigu mũa poarire ne yuju poadagã ðuhyaro mariro masipehomi Goãmũ. Eropa ta mũa áriřicũri sãre masipehomi Goãmũ. Eropa masigu mũare ĩhadibuniguicãmi. ³¹ Miruare ĩgu ĩhadiburo tauro mũapũre ĩhadibumi Goãmũ. Eropirã wũaro bujawere guñaricũbiricãque mũa, arĩ weremi Jesu.

Jesure mũa umupeorire wereque masare, arĩ wereñumi

Lc 12.8-9

³² Eropigu gua sãre werenemomi:

—Yujugu “Jesucristo yagu áhrraa,” masare ĩgu arĩ werẽcũ yũ sã ĩgure “Yahagu áhrimi,” arĩ werẽgura yũ Pagũ umaro majagugũre. ³³ Yujugu masare güigũ “Jesucristo yagu áribeaa,” masare ĩgu arĩ werẽcũ yũ sã “Yahagu áribeami ĩgu,” arĩ werẽgura yũ Pagugũre umaro majagugũre, arĩ weremi Jesu.

Jesu yũ buhecũ masa erã basi game ðũca warirãcoma, arĩ wereñumi

Lc 12.51-53; 14.26-27

³⁴ Eropa arĩtuhaja õpa werenemomi masare:

—¿Dohpa arĩ pepiri mũa yũre? ¿Yũhũ masare yũ buhegu aricũ yũ buheri mera masa ĩhaturisome, arĩ pepiri mũa? Eropa áribeaa. Masa yũ buherire peerã pe curu erã basi ðũca warirãcoma. Yujurãyeri yũ buherire peerãcoma. Gajirãpu irire gamebirã erãre ĩhaturirãcoma. Eropirã yujuro mera árisome masa. ³⁵ Murã yũ buherire erã peera dipuwaja erã porã erãre ĩhaturirãcoma. Murã nome erã yũ buherire peera dipuwaja erã porã nome erãre ĩhaturirãcoma. Erã mũñecosã nome yũ buherire erã peera dipuwaja erã beposã nome erãre ĩhaturirãcoma. ³⁶ Eropirã masa erã acawerãre yũ buherire peecũ ĩarã erãre ĩhaturirã áriřãcoma.

³⁷ “Yũre erã mahiborono tauro erã pagũ sumarãpũre mahitarinũgarã yaharã árisome erã. Yũre erã mahiborono tauro erã porãpũre mahitarinũgarã yaharã árisome erã. ³⁸ Eropirã crusague yũ siridiro dopa ta yaharã erã áriřa waja ñero tarirãcoma erã sã. Eropa ñero taridiarã yaharã árisome. ³⁹ Masa yũre guñaro mariro erã gamero iirã peamegue warãcoma erã. Yaha áriřburipũre erã guñarã áriřpẽhrerinũri Goãmũ mera ðaro áriřniguicãrãcoma, arĩ weremi Jesu.

Mari wajataburire wereñumi Jesu

Mr 9.41

⁴⁰ Eropa arĩtuhaja õpa werenemomi gua sãre:

—Mũare yaharãre yujugu ðaro mera bocatĩrigũ, yũ sãre bocatĩrigũ iimi ĩgu. Eropigu yũre ðaro bocatĩrigũ yũre obeodigu sãre bocatĩrigũ iimi. ⁴¹ Eropigu Goãmũ yare weredigu wajatagucumi. ĩgũre ðaro iigucumi Goãmũ. Eropigu ĩgu yahare ĩgu werẽgu áriřcũ ĩagũ yujugu ĩgũre ðaro bocatĩrigũ weredigu iro dopa ta wajatagucumi ĩgu sã. Eropi gajigu ðaro iidigu wajatagucumi. Eropigu ĩgu ðaro iigu ĩgu áriřcũ ĩagũ yujugu ĩgũre ðaro bocatĩrigũ ðaro iidigu dopa wajatagucumi ĩgu sã. ⁴² “Jesu yagũgã ta áhrimi,” mũa arĩ ĩarã ĩgũgãre itamudiarã deco yũsari mera ðihta tĩaquerecũ, ðiaye ta mũa sãre ðaro iigucumi Goãmũ, arĩ weremi Jesu.

11

Ñu wãiyegũ ĩgu buherãre Jesure serẽpidoregũ obeoñumi

Lc 7.18-35

mũare Goãmũ peamegue cóagũcumi. Mũa ya macague Goãmũ turari mera deyoro moarire ii ìhmurabũ. Mũa yũre peebirabũ. Iribojegue Sodoma waicũri macare deyoro moarire yũ eropa iicũ iri macapũ dohpaguere áriboca. ²⁴ Eropigu mũare arĩgu tiiaa. Dipuwaja moarinũ áricũ Goãmũ Sodoma maca majarã mũra tauro, mũapũre mũa ñeri dipuwaja dipuwaja moagũcumi, arĩpu Jesu iri macari majarãre.

Yũ pohroge soorã ariqũe, arĩñumi Jesu
Lc 10.21-22

²⁵ Irisubu ìgu Pagu mera wereniguigu òpa arĩmi Jesu.

—Ahũ, mũhu umaro majarã tauro opu, i yeba majarã tauro opu ahraa. I mũ buherire “Masituhaja gũa,” arĩrãre masicũ iibeaa. Mũ yare masipehobirãpũre masicũ iibabũ mũhu. Mũhu eropa iicũ “Òhaa,” arãa yũhu mũre. ²⁶ Eropa ta ahraa, Ahũ. Erã masibirãpũre erã masicũ gahmeabũ mũhu, arĩmi Jesu ìgu Pagure.

²⁷ Eropigu masare gũa sãre òpa arĩ werenemomi:

—Yũ Pagu áripehrieri yũ iiborore apimi yũre. Ìgu dihta yũre òaro masimi. Yũ sã ìgure masia. Yũ beyenirã sã ìgure masima yũ ìgure masidorerã árirã. Erã nũcu ta yũ Pagure masia gũa. ²⁸ Goãmũ mera òaro áriðiarã baja dorerire iiraa mũa. Iri doreri nũcũrire omaro iro dopa ta ahraa. Eropirã gariborea wahaa mũa iri dorerire iirã. Eropa gariborerã yũre serẽque. Mũare soocũ ìigũra. ²⁹ Yũhu pũiro mera doregũ áribeaa. Nijiyajaro doregu ahraa. Eropirã yũ doreripũre iique. Eropa iirã dipuwaja marirã òaro árirãca mũa. ³⁰ Eropiro yũ itamuri yũ yahare iicũ diasabeaa. Eropirã yũ dorerire iirã nũcũrire pepiro mariro òaro árirãca, arĩmi Jesu.

12

Judio masa erã soorinũ áricũ trigo pororire turĩñuma Jesu buherã
Mr 2.23-28; Lc 6.1-5

¹ Merogã ìgu eropa arĩ buhera pũhũ Sabado áricũ gũa Jesu mera trigo otera pohegue ìha tariabũ. Eroque tariarã gũa ìgu buherã oaboarã, trigo pororire turĩ aĩ babũ gũa. ² Gũa eropa iicũ ìarã, fariseo masa Jesure òpa arĩma:

—Peenique guare. ¿Duhpirã erã mari soorinũ áriquerẽcũ ta mohmeri? Mari dorerire tarinũgarã iima erã, arĩma erã.

³⁻⁴ Erã eroparicũ peegu Jesu “Yũ buherã tarinũgarã iibeama,” arĩgu òpa arĩmi erãre:

—Iribojegue Davi ìgu mera majarã mera oaboagũ Goãmũ ya wihigue ñaja, iri wihi árirĩ panre bañumi ìgu mera majarã mera. Iri pan pahia dihtare badorera áriyoro. Goãmũ doreri gajirãre iri panre badorebiriyoro. ¿Davi irire ìgu iirare Goãmũ yare erã gojarapũgue buhebirari mũa? Davi iri panre bagũ Goãmũre tarinũgarã iibiriñumi. Dohpagãre yũ buherã sã trigo yerire turĩ barã Goãmũre tarinũgarã iibeama. ⁵ Eropi Goãmũ ya wihi mohmerã pahia ne soobeama mari soorinũre. Eropa soobiriquerã Goãmũ dorerire tarinũgarã áribeama. ¿Iri buhebirari mũa Goãmũ Moiserẽ ìgu apirãpũre? ⁶ Mũare arĩgu tiiaa: Goãmũ wihire umupeorã iri wihi mohmerã erã soobiricũ ìarã “Òhaa,” arãa mũa. Erã tauro yũpũre umupeoro gahmea. ⁷ Goãmũ yare erã gojarapũ òpa ahraa: “Waimũare wejẽ soerã yũre mũa eropa umupeocũ gamebeaa. Gajirãpũre mũa mojomoro ìacũ gahmea yũhu,” arĩmi Goãmũ, arãa ìgu yare gojarapũre. Ìgu eropa arĩrãre mũa òaro masirã, yũ buherãre erã dipuwaja mariquerẽcũ ta erãre weresãmasibiriboya mũa. ⁸ Yũhu masũ Goãmũ ìgu obeodigu inonũ soorinũ sãre masa erã iiburire doremasia, arĩmi Jesu fariseo masare.

Mojoto buhadigu òaro wañumi
Mr 3.1-6; Lc 6.6-11

⁹ Ìgu eropa arĩra pũhũ waha gũa judio masa buheri wihigue ejabũ gũa Jesu mera. ¹⁰ Ero mojoto buhagu arĩmi. Eropirã fariseo masapũ Jesure weresãmorã, ìgure serẽpima:

—Sabadonũ mari soorinũre masare òarã wacũ iidorebeami Goãmũ. ¿Eropa ta ahriri mũ pepicũ? arĩ serẽpima erã.

¹¹ Jesu yũhrimi erãre:

—Mũa yagu oveja mari soorinũ áriquerẽcũ gobegue ìgu yũhriñajadigũre ìgure aĩ wiurãca mũa. ¹² Oveja tauro ahrimi masũpũ Goãmũ ìacũ. Eropiro mari soorinũ áricũ masũre taucũ òapũrica, arĩ yũhrimi Jesu erãre.

¹³ Ìgu eropa arĩra pũhũ mojoto buhagure òpa arĩmi:

—Mũ mojtore sisorãbeoque, arĩmi ìgu.

Ìgu eroparicũ mojoto buhagũpũ sisorãbeomi. Ìgu eropa sisorãbeora pũhũ ta òari mojoto dujabũ. ¹⁴ Erã soorinũ ìgu eropicũ ìarã fariseo masa waha, erã basi òpa arĩñorã:

—¿Dohpa ii mari Jesure wejērācūri? arīñorā erā erā basi.

Isaia Goāmu yare weremuhtadigu iribojegue majagu Jesure wereyuñumi

¹⁵ Jesu erā eropa arīrire masigu waha wami. Īgu eropa wacū bajarā masa ĩgure nūrsiama. Eropigu ĩguru arīpehrerā erā mera majarā dorecurāre ðarā wacū iimi. ¹⁶ Eropigu dorecunirāre erāre ĩgu taurare gajirāre weredorebirimi ĩgu. ¹⁷ Eropa dorecurāre ðarā wacū ĩgu Goāmu yare weremuhtadigu Isaia iribojegue ĩgu arī gojadīro dopa ta ĩgu iimi Jesu. Ōpa arī gojañumi Isaia muru:

¹⁸ Ōpa arīmi Goāmu: “Ihī yu pohro majagu āhrimi. Īgu yu beyedigu āhrimi. Īgure mahia. Eropigu ĩgu mera mucubiria. Yu Espiriture ĩgure ogura. Eropigu yu turari mera arīpehrerā masare diaye iirire weregucumi ĩgu. ¹⁹ Eropigu ĩgu ne game dūyasosome. Eropigu gaguiniguisme. Eropigu masa bajarā watope ĩgu burigā gaguinigu weresome. ²⁰ Guaro mariro masare mojomorocurāre itamugucumi ĩgu. Daberogā ūjuri peamere yaubiro dopa ta masare turabirāre ðaro ĩgucumi ĩgu. Sīporā marirāre ðaro sīporācūcū ĩgucumi. Eropa ta iiniguigucumi ĩgu watīre ĩgu tarinugaboro core. ²¹ Eropirā masa bajarā ĩgure umupeorācoma,” arīmi Goāmu ĩgu magu iiburire, arī gojañumi Isaia.

Jesu watī turarire opami, arī weresāñuma masa

Mr 3.19-30; Lc 11.14-23; 12.10

²² Yujunū watī ñajasūdiguere masa aīgārīma gua pohrogue Jesure taudorerā. Īguru watī ñajasūdigu wereniguimasibirimi. Eropigu cuiři ihajabirimi. Erā ĩgure eropa aī eracū ĩha ðagu wacū iimi Jesu ĩgure. ĩgu eropa iicū ðaro ĩha, wereniguimi pare. ²³ ĩgu eropa wacū ĩarā, masa ĩhamaria wama.

—¿Ihī Davi murū pārami masare taubu āhrimi? arīma erā erā basi.

²⁴ Erā eroparīquerecū Jesu watēare ĩgu cōārare peerā fariseo masapu ōpa arī pepiñorā:

—Beelzebú, watēa opu, ĩgu turari mera watēare cohāmi Jesu, arī pepiñorā erā.

²⁵ Erā eropa arī pepicū masigu, Jesu ōpa arī weremi erāre werenigu queori mera:

—Yuju yeba majarā erā basi gamequeārā iri yeba majarā pehrea wabocoma. Yuju maca majarā erā basi gamequeārā iri maca majarā pehrea wabocoma. Yuju wihi majarā sā gamequeārā eropa ta wabocoma. ²⁶ Eropigu Beelzebú watēa opu yure watēare cōādoregu ĩgu basi ĩgu yarāre cōāboñumi ĩgu. Eropirā erā sā wapehrea waboñuma. ²⁷ Ōpa arī weresāa mua yure: “Īgu Beelzebú itamuri mera watēare cohāmi,” arī weresāa mua yure. Mua mera majarā sā watēare cohāma. Eropirā erā “Watī ĩgu turari mera erāre cohāa gua,” aribeama. “Goāmu ĩgu turari mera watēare cohāa,” arīma. Eropirā mua yure “Watī turari mera watēare cohāmi,” mua arīra diaye arībiricū mua mera majarā wererācoma. ²⁸ Eropigu yupu watēare cōāgu Goāmu ĩgu Espiritu Santo turari mera cohāa. Yu eropa cōācū ĩarā ōpa arī masirāca mua: “Goāmu ĩgu opu arīri i yebaguere arītuhajaa dohpaguere,” arīrāca mua.

²⁹ “Ōpa ta āhraa watī turagu tarinugari werediacū: Wihi opu turagure diribigu yajagu ĩgu ya wihigue ñajaja yajamasibeami. ĩgure ĩgu dirira puhra tamerare yajamasimi ĩgure, arī weremi Jesu.

Eropa arī weremi watīre ĩgu tarinugarare werega. Watī turagu arīquerecū ta Jesu ĩgure tarinugami watēare cōāgu.

Eropa arītuhaja ōpa arī werenemomi Jesu masare gua sāre:

³⁰ —Yujugu yure gamebigu, yure ĩhaturigu āhrimi. Yujugu yure itamubigu, yure teboricacū ĩgu iimi.

³¹ “Eropigu muare diaye arīgu tiiaa yuhu. Arīpehreri ñerire masa erā iicū erā wereniguicū sāre Goāmu cādijimasimi. Eropa cādijiqueregu Espiritu Santore erā ñero arī wereniguicū Goāmu iri tamerare ne cādijisome. ³² Yu masure Goāmu ĩgu obeodigure erā ñero arī wereniguicū iri ñerire cādijimasimi Goāmu. Espiritu Santopure erā ñero arī wereniguicū irire ne cādijisome Goāmu. Dohpaguere pehrerīnu puhra sāre erā eropa arīrare ne cādijisome ĩgu, arī buhemi Jesu erāre.

Yucu dūcare masiro dopa ta masa erā wereniguirire peerā erā arīrcurire masia mari, arī wereñumi Jesu

Lc 6.43-45

³³ Eropigu ōpa arī werenemomi erāre werenigu queori mera:

—Ōadigu yucugu ðarire dūcacua. Ñedigu yucugu ñerire dūcacua. Yucugu dūcare masirā “Īrigu dūca ta āhraa,” arī masia mari. Mari eropa masiro dopa ta masa erā wereniguirire peerā erā arīrcurire masia mari. ³⁴ Añaa iro dopa ñerā āhraa mua. Mua

ñerã árrĩrã, ðarire wereniguimasibeeaa mua. Mari guñarigüe mari pepidiro dopa ta mari wereniguia. ³⁵ Õagu ðarire pepimi. Eropigũ ðarire wereniguimi. Ñegu ñerire pepimi. Eropigũ ñerire wereniguimi. ³⁶ Muare arĩgu iiaa. Õaro pepi wereniguirã árĩque mua. Õaro werenigubirininã dipuwaja moarinũ árĩcũ, mua eropa arĩmaacãrare Goãmure wererãca. ³⁷ Mua queoro wereniguirare masigũ, “Õarã áhřima,” arĩ beyegucumi Goãmũ. Eropigũ mua ñero wereniguirare masigũ, “Ñerã áhřima,” arĩ beyegucumi igũ daja, arĩmi Jesu erãre.

Masa ñerã Jesure deyoro moarire iidoreñuma

Mr 8.12; Lc 11.29-32

³⁸ Igũ eropa arĩra puhũ masare buherã, fariseo masa sã igũre ðpa arĩma:
—Buhegu, Goãmũ Igũ obeodigu arĩgu Goãmũ turari mera ii ìhmuque guare, arĩrĩma erã.

³⁹ Jesu yuhřimi:

—Mua dohpague majarã ñerã, Goãmure gamebirã áhřaa. Yũhũ diaye arĩgu árĩcũ mua masidiarã Goãmũ turari mera deyoro moarire iidoreraa yure. Mua eropa dorequerecũ Goãmũ yare weremuhtadigu Jona iribojegue majagu Goãmũ turari mera igũ iira dihtare ìhmuĩ Goãmũ muare. ⁴⁰ Jona uhrenũ gohra waimũ wuagu paru pohecaguere árĩñumi. Igũ iidiro dopa ta yũ sã masũ Goãmũ igũ obeodigu uhrenũ árĩguca yeba pohecaguere. ⁴¹ Iribojegue majarãpu Nínive maca majarã Jona Goãmũ yare igũ wererare peerã, erã ñero iirare bujawereñuma. Õarire gohrotoñuma. Dohpagueere mua watopegue Jona tauro arĩgu áhřaa yũhũ. Yũhũ Goãmũ yare muare werequerecũ ta mua ñero iirare bujawerebeaa. Eropirã Nínive majarã murapũ erã ñero iirare bujawerenirãpu dipuwaja moarinũ árĩcũ mua ñerire bujawerebirininãre “Ñerã áhřima,” arĩ weresãrãcoma muare. ⁴² Iribojegue majago, sur majago, opo buru igo sã mua dohpague majarãre weresãgocumo dipuwaja moarinũ árĩcũ. Igo Salomo opu igũ masirire peediago yoarogue aridigo Salomo opuere peego ejañumo. Eropigo ðaro iigo iĩnumo dohpague majarã tauro. Muare arĩgu tiiaa. Dohpagueere mua watopegue Salomo tauro masigũ áhřaa yũhũ. Yũhũ mua mera árĩquerecũ mua yũ masirire peediabeaa. Mua eropa peediabirira waja igo opo buru muare “Ñerã áhřima,” arĩ weresãgocumo, arĩmi Jesu erãre.

Watĩ dipaturi masũguere igũ ñajara queorire wereñumi Jesu

Lc 11.24-26

⁴³ Eropigũ dipaturi Jesu queori moa weremi masare.
—Yujugũ watĩ masũ mera árĩdigũ waha, igũ deco mariri yebague cuhri, igũ sooborore amariñumi. ⁴⁴ Eropã bocabigũ ðpa arĩ pepiñumi igũ. “Masure yũ cóadigũ mera ta dipaturi arĩgu wagura,” arĩ pepiñumi igũ. Eropã arĩ pepigũ igũ dujaa waha igũ cóadigũre ta bocañumi daja. Igũ bocaboro core masupũ ðagu árĩñumi. ⁴⁵ Eropigũ watĩ gajirã siete watẽare igũ tauro ñerãre sihugũ wañumi. Igũ eropa sihucũ erã árĩpehřerã igũ mera árĩñuma. Masupũ ero core yujugũ watĩre opagu ñegu árĩñumi. Puhũ bajarã watẽare opagu ñetariagu árĩñumi. Eropã dohpague majarã Goãmure gamebirã, yũ buherire peediabirã ñetariarã ta warãcoma, arĩmi Jesu erãre.

Jesu acawererã igũ pohro erañuma

Mr 3.31-35; Lc 8.19-21

⁴⁶ Masare igũ eropa arĩ wereniguirisubũ igũ pago igũ pagũ porã mera disiporo nigui, igũre weretamudiañorã. ⁴⁷ Eropigũ yujugũ Jesure weremi:

—Mu pagu mu pagũ porã mera disiporo niguima mure weretamudiarã, arĩmi.

⁴⁸ Igũ eroparicũ peegu ero árĩrãre ðpa arĩmi Jesu erãre buhebu:

—¿Noa áhřiri yũ pago gohra? ¿Noa ta yũ pagũ porã gohra áhřiri mua ñacũ? arĩmi.

⁴⁹ Eropã arĩgu, guare igũ buherãre sipũ, ðpa arĩmi:

—Oã áhřima yũ pago yũ pagũ porã iro dopa árĩrã. ⁵⁰ Erã yũ Pagũ umaro majagu igũ gamerire iima. Eropã iirã yũ pagũ magũ, yũ pagũ mago, yũ pago iro dopa ta áhřima, arĩmi Jesu erãre.

13

Jesu oterĩ masũ ya queorire wereñumi

Mr 4.1-9; Lc 8.4-8

¹ Irinũ ta Jesu wihigüe arĩgu wiriami gua mera. Wiri, wuariyague waha, iriya turo pohro doami. ² Igũ eropa doacũ iarã bajarã masa igũ pohroque gamenerema. Eropã

cãhñacũ ãagũ dohodirugue ñajaa, irirugue doami ãgu. Masapũ imiporogue niguima.

³ Eropigu baja queori mera weremi ãgu erãre. Ōpa arĩmi:

—Oteri masũ otegu wañumi. ⁴ ãgu eropa otecũ gajiyeri ma tũro yuri merejayoro. Ero mehmerejarayerire mirimagũ porã ahri bacãñuma. ⁵ Eropi gajiyeri utã watope yuri merejayoro. Ero utã watope nicu marĩñariro arĩro mata puhriyoro. ⁶ Eropa puhriara arĩquerero, abe ãgu burigã asicã, nuguri marinijaro ñañajaa sãria wayoro. ⁷ Gajiyeri pora watope yuri merejayoro. Porapũ puhri iri tiataria wa, oterayeripure wejẽcãyoro. ⁸ Gajiyeri ðari yebapũ yurimerejayoro. Ōaro puhri ðacacũyoro. Gajisari cien yeri, gajisari sesenta yeri, gajisari treinta yeri ðacacũyoro. ⁹ Irire ðaro peeque mũa, arĩmi Jesu.

Jesu werenĩgui queori mera ãgu buherire wereñumi

Mr 4.10-12; Lc 8.9-10

¹⁰ ãgu eropa arĩra puhru gũã ãgu buherã ãgu pohro eja, serẽpibũ ãgure:

—¿Ne, duhpigu masare queori mera were buheri muhũ? arĩ serẽpibũ gũã.

¹¹ Jesu yahrimĩ:

—Ūmaro majagu masa tauro opu ãgu arĩrĩre iribojegue majarã erã masibirirare mũare masicũ iimi Goãmũ. Gajirãpure eropiubeami ãgu. ¹² Eropigu masirãre masinemocũ iigucumi ãgu. Eropirã erãpũ ðaro masirãcoma. Masibirãpure merogã erã masiquerecũ erãpure masibiricũ iigucumi ãgu. ¹³ Eropigu queori mera buhea. Yũ eropiicũ ōpa wahaã. Dohpague majarã ãaquererã pee masisome. Eropirã peequererã masibeama. Irire peebirinirã iro dopa ahrima erã. ¹⁴ Eropa arĩrã Isaia iribojegue majagu ãgu arĩ gojadiro dopa ta iima erã. Ōpa arĩ gojañumi:

Ōpa arĩmi Goãmũ: “Goãmũ yare peerãca mũa. Eropa peequererã ne masisome mũa.

¹⁵ Mũa dipuru buri ahrãa. Eropirã mũa gamiro goberire bihaã peeri arĩrã. Mũa cuirire cuumifã ñhari arĩrã. Eropa iibirã ðaro ãarã masiboaya mũa. Eropirã peerã masiboaya mũa. Mũa guñarigue ðaro masiboaya. Eropirã yũre Goãmũre gameboaya mũa. Mũa eropa yũre gamecũ mũa ñerire cãdiji, mũare tauboaya,” arĩmi Goãmũ, arĩ gojañumi Isaia, arĩmi Jesu.

¹⁶ Mũapũ peerã masia. Eropirã mucubirirã ahrãa mũa. ¹⁷ Mũare ta arĩgu iiaã. Dohpague mũa ñarire mũa peerire iribojegue majarã Goãmũ yarã burigã ñadiariñorã. Goãmũ yare weremuhtanirã sã irire burigã ñadiariñorã. Ne ñabiriñorã. Dohpague mũa peeri sãre burigã peedariñorã erã. Ne peebiriñorã. Erã eropa masidiaquerecũ ta Goãmũ erãre masidorebiripũ irisubuguere, arĩ weremi Jesu guare ãgu buherãre.

Jesu oteri masũ queorire were amuñumi ãgu buherãre

Mr 4.13-20; Lc 8.11-15

¹⁸ Puhru Jesu guare werenemomi:

—Peeque mũa. Oteri masũ queorare mũare were amugura. Yũre peerã ðaro masique. ¹⁹ Oteriyeri ðari buheri iro dopa ahrãa. Eropiro ma tũro mehmerejarayeri ðari buheri iro dopa ta ahrãa. Eropirã masa ðari buherire peequererã ta ne masibeama. Eropigu masa ðari buherire erã peecũ ãagũ ñegapũ watĩ ahri, iri buherire ðari buherire masidorebeami masare. Mirimagũ porã iriyerire erã dote aĩ badiro dopa ta iimi. ²⁰ Eropi utã watope yuri merejarayeri ðari buheri iro dopa ta ahrãa. Eropirã masa ðari buherire pee, mucubiriri mera mata irire pee aima. ²¹ Eropa pee aiquererã utã watope arĩri yucu nuguri mariri yucu iro dopa ta oã masa sã turabeama. Eropa turabirã yaha ðari buherire erã peera dipuwaja gajirã erãre ñero iicũ yahare duhcãma. Gajirã erãre erã ñero iicũ irire yujuro bojebiri, yahare duhcãma. ²² Eropi pora watope yuri merejarayeri ðari buheri iro dopa ta ahrãa. Eropirã masa ðari buherire peequererã i yeba majare wũaro pepiri mera niyerure gametarima. Erã eropa iicũ iripũ ðari buherire cãhmotaa. Iri cãhmotacũ masa Goãmũ gamerire iibeama. ²³ Eropi ðari yeba yuri merejarayeri ðari buheri iro dopa ahrãa. Eropirã masa ðari buherire peerã irire ðaro masima. Eropa masirã arĩrã, Goãmũ gamerire iima erã. Yujurãyeri wũaro ðarire iima cien yeri ðacacũro dopa ta. Gajirã erã docañariro ðarire Goãmũ yare iima sesenta yeri ðacacũro dopa ta. Gajirã merogã ðarire iima treinta yeri ðacacũro dopa ta, arĩ weremi Jesu guare.

Trigo watopegue taa tiara queorire wereñumi

²⁴ Eropi dipaturi gajĩ queorire gũã sãre weremi Jesu.

—Ūmaro majagu ãgu opu arĩrĩre werediãcũ ōpa ahrãa: Pohe opu ãgu ya pohegũ ðariyerire ãgu otediro dopa ta ahrãa ūmaro majagu ãgu opu arĩri. ²⁵ Pohe opu trigo otera puhru arĩpehrerã ãgu mera majarã sã erã carĩrisubũ ãgure ñaturigũ arĩñumi. Eropa arigu trigo yeri erã oterayeri watope ñeri taare oteñumi. Otetuhaja waha wañumi. ²⁶ Puhru trigo sari puhri iiriyoro. Eropiro iri ðacacũboro core arĩcũ iri ñeri taa sã

puhri iri pohere tiha wacū iiyoro. ²⁷ Eropirā pohe opūre mohme corerā ĩḡu pohrogue eja serēpiñuma: “Opū, ¿ōariyeri dihtare mū ya pohere otequerecū duhpiro ñeri taa sã tiari iri pohere?” arĩñuma erã. ²⁸ “Yũre ĩhaturigũ āhrañumi iri taare otegu,” arĩñumi pohe opū. “¿Taare gũa curacũ gahmeri muñu?” arĩñuma ĩḡure mohme corerã. ²⁹ “Taare curabiricãque, taare curanjarã trigopũre curari,” arĩñumi. ³⁰ “Trigo iri ñeri taa mera puhricãniporo. Iri ñairisubu ðuca airãre õpa arĩrã: ‘Iri ñeri taare cura gameneopimũhtaque irire soemorã. Pũhrũ trigore tũrĩque. Tũrĩpeho, irire yũ diburi wihigue apique,’ arĩrã erãre,” arĩñumi pohe opū, arĩmi Jesu queori mera wereḡu.

Mostazayegã queorire wereñumi Jesu

Mr 4.30-32; Lc 13.18-19

³¹ Eropi gajĩ queori guare õpa arĩ buhemi daja.

—Ūmaro majagu ĩḡu opū arĩri werediacũ mostazayegã iro dopa āhraa. Iriyegã miriyegã gohra āhraa. Iriyegã yujugu oteri masũ ĩḡu pohegue oteami. ³² Iriyegãre ĩḡu pohegue otera pũhrũ õaro puhria. Eropiro yucũgu wũatariadigu wahaa. Eropa wacũ mirimagu porã bajarã irigũ ðũpũrigue suhri suama. Eropa ta ũmaro majagũre mari Opũre masirã bajamerãgã erã arĩmũhtaquerecũ ta pũhrũguere erã bajarã warãcoma, arĩ weremi Jesu

Pan buḡari queorire wereñumi Jesu

Lc 13.20-21

³³ Eropi gajĩ queori mera guare õpa arĩ buhemi daja:

—Ūmaro majagu ĩḡu opū arĩri pan buḡacũ iiburi iro dopa āhraa. Yujugo nomeo panre ĩḡu pan buḡacũ iiburi pohgare merogã moremo trigo pohga mera. Iḡo eropa ĩcũ pan buḡacũ iiburi pohga merogã arĩtquerero ta trigo pohgare õaro seyapehrea wahaa. Eropa ta ũmaro majagũre mari Opũre bajarã masa arĩpehrero majarã masirãcoma, arĩmi Jesu.

Queori mera Jesu ĩḡu buherãre wereñumi

Mr 4.33-34

³⁴ I arĩpehreri buherire queori mera weremi Jesu. Queori mariro werebirimi ĩḡu masare. ³⁵ Eropa ta iimi ĩḡu Goãmũ yare weremuhtadigu ĩḡu arĩ gojadiro dopa ta. Ōpa arĩ gojañumi iribojegue:

Queori mera wereḡura. Goãmũre i yebare ĩḡu ĩhacũnuḡura pũhrũ, ne masare ĩḡu werebirirare wereḡura, arĩ gojayañumi Jesu iiborore.

Jesu trigo watopegue ñeri taa tiara queorire were amupehoñumi

³⁶ Eropi masare goerisereḡu, wihigue ñajaa wami Jesu. Eropirã gũa ĩḡu buherã ĩḡu pohrogue eja, serēpiñũ gũa:

—Trigo watopegue ñeri taa tiara queorire werepehoque guare, arĩbũ gũa ĩḡure.

³⁷ Jesu yũhrimi guare:

—Pohe opū õariyerire otediro iro dopa ta āhraa yũhũ. Yũhũ masũ Goãmũ ĩḡu obeodigu āhraa. ³⁸ Pohepũ i yeba iro dopa ta āhraa. Ōariyeri puhriro ũmaro majagu ĩḡu opū arĩrogue arĩmorã iro dopa ta āhriima. Ñeri taapu watĩ yarã iro dopa ta āhriima. ³⁹ Pohe opũre ĩhaturigũ ñeri taare otedigu watĩ iro dopa ta āhriimi. Iri ñairisubu pehrerĩnũ iro dopa āhraa. Eropirã trigore airã anyua iro dopa ta āhriima. ⁴⁰ Iri ñeri taare erã curarare soe peamegue cõãdiro dopa ta pehrerĩnũ arĩcũ watĩ yarãre peamegue cõãrãcoma. ⁴¹ Yũhũ masũ Goãmũ ĩḡu obeodigu yaharã anyuare obeogura. Yũ obeocũ anyuapũ ñeri iidorenĩrãre, ñerire iinĩrãre yũ dorerogue gameneorãcoma. ⁴² Gameneotuhaja peamegue cõãrãcoma erãre. Eroque erã buřigã ore, buřawereri mera gũacũri cũridihurãcoma. ⁴³ Eropirã Goãmũ yarã erã Pagũ erã Opũ ĩḡu arĩrogue arĩrãcoma. Ero arĩrã, õaro mucubiriri mera arĩrãcoma erã. Ire õaro peeque mũa, arĩ weremi Jesu.

Niyeru wũaro diburare ĩḡu bocara queorire wereñumi

⁴⁴ Eropi gajĩ queori mera weremi daja:

—Ūmaro majagu ĩḡu opū arĩri niyeru wũaro diburare bocadiro iro dopa āhraa. Eropigũ yujugũ masũ curĩḡu wagũ iri niyerure guñaña mariro bocañumi yuju yebague. Eropa bocagũ buřigã mucubirĩñumi ĩḡu. Bocatuhaja waha iri yebague ðipaturi dujara irire õaro dibunemoñumi. Eropigũ ĩḡu bocarare aĩbu iri yebare asũdiañumi. Eropigũ ĩḡu yare duapeho, iri yebare asũñumi. Ūmaro majagũ opū ĩḡu arĩri ĩḡu bocadiro dopa ta āhraa. ĩḡu bocarare ĩḡu buřigã gamediro dopa ta ũmaro majagũ masa weca opũre õaro erã masira pũhrũ masa buřigã gahmema ĩḡure, arĩ weremi Jesu.

Waja pagariyere asũra queorire wereñumi

⁴⁵ Eropi gaji queori mera weremi daja:

—Ūmaro majagu ĩgu opu árĩri waja pagariye perla waĩcურიე ასუდიგუ ირო dopa āhraa. ⁴⁶ Iriyere amagu ōatarĩriyere bocañumi. Bocaгу iriyere gametarigu árĩpehreri ĩgu yare duapehogu wañumi. Eropa duatuhaja iriyere waja pagariyere asũñumi. Iriyerire burigã ĩgu gamediro dopa ta ũmaro majagu masa weca opuere ōaro erã masira puhru masa burigã gahmema ĩgure, arĩmi Jesu.

Wejēdigu mehyura queorire wereñumi Jesu

⁴⁷ Eropi gaji queori mera Jesu weremi daja gaa sãre:

—Ūmaro majagu ĩgu opu árĩri wejēdigu erã mehyudigu iro dopa ta āhraa. Irigu wejēdigu mera bajarã waire gajiropa árĩrãre ñeama. ⁴⁸ Irigu ũjuturia wacũ wai wejērãpu irigure wejēdigure imiporogue tara majaa ōarã waire beyema. Ōarãre erã puriguge beye sãma. Ñerã waire cóacãma. ⁴⁹ Pehrerinu árĩcũ ōpa ta árĩroca. Anyuapu masare beyerãcoma. Ñerãre beye aĩ wuirãcoma ōarã watope árĩrãre. ⁵⁰ Aĩ wiu, erãre peamegue cóarãcoma. Erogue erã ore, burigã bujawereri mera gacuri cĩridihurãcoma ñerãpu, arĩ weremi Jesu.

Mura buherire, mama buheri sãre wereñumi Jesu

⁵¹ ĩgu eropa arĩ werera puhru gware serēpimi ĩgu:

—¿I árĩpehrerire peeri mua? arĩ serēpimi ĩgu.

—Peeã gaa, arĩ yuhribu.

⁵² Gaa eroparĩcũ ĩgu weremi gware:

—Judio masare buherã watope yujugu ũmaro majagu ĩgu opu árĩrĩre buhenugagu iri mama buherire buhegu iribojegue maja sãre masigu weremi. ĩgu wihi opu iro dopa āhrimi. ĩgu ĩgu ya wihi diburare ōarire aĩ wiugu, mamare, mura sãre aĩ wiumi ĩgu, arĩmi Jesu gware.

Jesu Nazaregue ĩgu ya macague wañumi

Mr 6.1-6; Lc 4.16-30

⁵³ Iri queori bajare ĩgu buhera puhru ĩgu mera gaa waha wabu. ⁵⁴ Waha, ĩgu masara macague ejabu. Erogue eja, gaa buheri wihigue buhemi ĩgu. ĩgu eropa buhecũ peerã, pee uca wama erã.

—¿Nohogue masiyuri ihĩ i buherire? ¿Dohpa ii ĩgu i deyoro moarire iimasiri? arĩ wereniguima erã erã basi. ⁵⁵ Ihĩ taboa mohmeri masu magu ta āhrimi ĩgu. Eropi ĩgu pago María āhrimo. Eropi Santiago, Josẽ, Simo, Juda ĩgu pagu porã āhrima. ⁵⁶ Dohpaguere ĩgu pagu porã nome i maca āhrima. Eropigu ĩgu mari iro dopa ta árĩgu āhrimi. ¿Eropa árĩqueregu ta nohogue peeyuri i buherire? arĩ wereniguima erã erã basi.

⁵⁷ Eropirã erã ĩgure umupeobirima. Erã eropa umupeobiricũ ĩagu ōpa arĩmi Jesu erãre:

—Árĩpehrerogue Goãmu yare weremuhtagure gajirã umupeoma. ĩgu ya maca majarã ĩgu ya wihi árĩrã dihta ĩgure umupeobeama. Eropirã yare umupeobeaa mua ohõ yuhu masadigu árĩcũ, arĩmi ĩgu erãre.

⁵⁸ Eropigu erã ĩgure umupeobiricũ, iri macare baja deyoro moarire iibirimi Jesu.

14

Ñu waĩyegu sĩrirare werera

Mr 6.14-29; Lc 9.7-9

¹ Irisubure Herode Galilea majagu opu Jesu ĩgu iirare peebeopu. ² Eropa peegu ōpa arĩripu:

—Ñu waĩyeri masu sĩridigu dipaturi masa dehyoagu iicumi. Eropa masadigu árĩgu ĩgu turarire opami ĩgu deyoro moarire ĩgu, arĩripu Herode ĩgu pohro majarãre. Jesure “Ñu mura ta āhrimi,” arĩ pepiripu ĩgu Ñure ĩgu wejēdorera puhru.

³⁻⁵ Eropigu Ñure ĩgu wejēdoreboro core Herode ĩgu pagu magu Felipe marapore ehma ĩgo mera marapocpu. ĩgu eropa iicũ ĩagu Ñu waĩyegu Herodepuere ōpa arĩ wereniguipu:

—Mu pagu magu marapore marapocpu Goãmu dorerire tarinugagu iiaa muhu, arĩripu Ñu ĩgure. ĩgu eropa arĩra waja Herode ĩgure wejēdiaripu. “ Ñu Goãmu yare weremuhtagu āhrimi,” arĩ pepima judio masa,” arĩgu erãpuere guipu Herode. “Ñure yu wejēcũ erã guabocoma,” arĩgu erãre guipu. Eropa guigu Ñure wejēdiabiriripu. Eropa wejēbiriqeregu ta ĩgure ñeha diridore, peresu ĩpu. ĩgure eropa iicũ gamepo ĩgu

marapo Herodia. ⁶ Eropi Herode ĩḡu masa dehyoaranu árĩcũ bosenu ĩpũ ĩḡu. ĩḡu eropa bosenu ĩicũ ĩḡu marapo mago bosenu eranirã erã ĩhuro baya ĩhmupo igo. Igo eropa baya ĩhmucũ Herode mucubirĩpũ. Eropã mucubirĩḡu igore arĩpũ:

⁷—Goãmu mera diaye ta arĩḡu ĩiaa. Yũre mu serẽropẽ ta ogũra yũhu mũre, arĩpũ pare Herodepũ ĩḡu marapo magore. ⁸ ĩḡu eroparĩcũ ĩḡu marapo igo magore igo serẽburire werepo igore. Igo eropa werẽcũ igo magopũ õpa arĩ serẽpo Herodere.

—Ñu waiyegũ dipurure tabetadoreque. Eropĩḡu soropã mera ĩḡu dipurure yũre oque, arĩpo igo.

⁹ Igo eroparĩcũ peegũ Herode burigã bujawerepũ. Masa erã peero “Mũ serẽro mũre ogũra,” arĩtuhapũ ĩḡu. Eropĩḡu ĩḡu ĩḡu eropã arĩrare guhyasĩḡu “Mũre osome,” arĩmasibirĩpũ igore. Eropĩḡu igo ĩḡure dorero dopã ta Herodepũ ĩḡu pohro majarãre Ñũre wejẽdorepũ. ¹⁰ Eropĩḡu Ñũ dipurure tabetadorecãpũ pare peresugue árĩḡure. ¹¹ Tabetatuhaja, soropã mera ĩḡu dipurure aĩḡarĩñorã erã. ĩḡu marapo magore ĩḡu dipurure erã ocũ, igopũ igo pagoguere aĩ taupo.

¹² Erã eropã ĩira pũhrũ Ñũ ĩḡu buhenirã ĩḡu dũpũ mũrarore aĩḡã wañorã. Eropã yaatuhajarã, erã ĩrire Jesure wererã arĩma.

Cinco mil masare bari oñumi Jesu

Mr 6.30-44; Lc 9.10-17; Jn 6.1-14

¹³ Ñũ sĩrĩrare peegũ Jesu gũã mera dohodirugue ñajã, masa marirogue sihu wami. Jesu erogue wacũ peerã, masa erã ya macarire wiri, marĩgue waha ĩḡu core ejatuhãñorã. ¹⁴ Eropĩro Jesu ĩḡu wadirũ dohodĩru tuhajara pũhrũ ĩḡu bajarã masa árĩcũ ĩha, mojomoro ĩami erãre. Eropã mojomoro ĩagũ erã mera bajarã dorecũrãre õarã wacũ ĩimi. ¹⁵ Ñamicague gũã ĩḡu buherã õpa arĩbũ:

—Ñamicague ãhraa. Ohõ masa marirogue ãhraa. Oḡã árĩri macarĩgue masare wadoreque. Erã baburire asũrã waporo, arĩribũ gũã ĩḡure.

¹⁶ Jesu yũhrĩmi guare:

—Wabirĩcãporo erã. Mũã basi ta barire oque erãre, arĩmi guare.

¹⁷ —Cinco pan dipurure, perã ta wai sãre ĩripẽta opaa gũã, arĩ yũhrĩbũ gũã.

¹⁸ —ĩrire yũre aĩḡarĩque mũã, arĩmi guare.

¹⁹ Gũã ĩrire ora pũhrũ, taa weca masare ĩḡu doadoremi pare. Erã eropã doarisubũ cinco pan dipurure aĩ, perã wai sãre aĩ, ãmarogue ĩhamuju, ĩḡu Pagũre “Õhaa,” arĩmi. Opa arĩtuhaja ĩri pan dipurure nuha, guare ĩḡu buherãre omi. ĩḡu eropã ocũ guapũ ĩri barire masare guerebũ. ²⁰ Eropĩrã árĩpehrerã õaro baha yapĩa wama. Erã ba duharare doce purĩ gohra aĩ gameneo, uĩjũtu doobũ gũã. ²¹ Ero ĩrire banirã ãma dihtare queocũ cinco mil ãma árĩma. Nome, majirã sã árĩma.

Jesu deco weca curĩñumi

Mr 6.45-52; Jn 6.16-21

²² Pũhrũ guare ĩḡu buherãre Jesu dohodirugue ñajadore wũariyague tarĩbũã yuudoremi masare ĩḡu goisererĩsubũ. ²³ Goisereretuhaja, ĩḡu basi utãḡugue mũria, ĩḡu Pagũ Goãmu mera serẽḡu wapũ ĩḡu seyaro. ²⁴ ĩrisubure wũariyã deco gohra gũã tarĩbũacũ mirũñe burĩḡã ahri, pãḡũri pagari wahḡã, dohodĩrũre deco paa ñajabũ. ²⁵ Eropã wacũ boyomũrĩrĩboro core cãreña wahḡarĩsubũ Jesu deco weca cũhrãpĩ wahḡarĩmi gũã pohrogue arĩḡu. ²⁶ Gũã pohrogue ĩḡu arĩcũ ĩarã ḡũĩbũ gũã. Eropã ḡũĩrã ḡũĩnĩḡũĩrĩbũ.

—Sĩrĩdi mũrũ watĩ ãhrĩmi, arĩ ḡũĩnĩḡũĩbũ gũã.

²⁷ Gũã eropã ḡũĩcũ Jesu õpa arĩmi:

—Ne yũre ĩha ãcabirĩcãque. Yũhu ta ãhraa. ḡũĩbitã, arĩmi guare.

²⁸ ĩḡu eroparĩcũ peegũ Pedro arĩmi ĩḡure:

—Yũ tĩḡũ, diaye ta mũhu ta árĩḡũ, deco weca curĩ wahḡãadoreque yũre mũ pohrogue, arĩmi ĩḡu.

²⁹ —Arĩque, arĩ yũhrĩmi ĩḡupũ.

ĩḡu eroparĩcũ Pedropũ dohodĩrũgue árĩdĩḡũ wirĩã, deco weca Jesu pohrogue nĩḡũḡarĩmi. ³⁰ Mirũñe ĩri burĩḡã arĩcũ ĩagũ ḡũĩmi. Eropã ḡũĩḡũ diha dija warĩmi.

—Yũre tauque, arĩ ḡũĩnĩḡũĩmi ĩḡu Jesure.

³¹ ĩḡu eroparĩcũ ta Jesu ĩḡu mojtore ñehã,

—Merogã umupeoã mũhu yũre. ¿Duhpĩḡũ yũre ḡũñaturabearĩ mũhu? arĩmi ĩḡu Pedrore.

³² Eropã arĩra pũhrũ dohodĩrũgue ñajama erã. Erã eropã ñajara pũhrũ, mirũñe tarĩa wabũ. ³³ Eropĩrã gũã ĩḡu buherã dohodĩrũgue árĩrã Jesure umupeoã.

—Diaye ta maħu Goāmū magu ta āhraa, arību gua ĩġure.

Genesare majarā dorecūrāre tauñumi Jesu

Mr 6.53-56

³⁴ Eropi taribujaja, Genesare waicūri yebague ejabu. ³⁵ Ero majarā Jesure ĩha masima. Eropa masirā erā pohro arīrāre dorecūrāre aġġaridorema. Eropirā erā dorecūrāre ĩġu pohrogue aġ erama.

³⁶ —Mū suhriro turo dihtare guare mohmepiñadoreque, arī serēma erā Jesure. Eropirā arīpehrerā dorecūrā ĩġu suhrirore mohmepiñanirā dihta ġarā wama.

15

Masa ñerā wacū iirire wereñumi Jesu

Mr 7.1-23

¹ Eropi Jerusalén majarā, fariseo masa, masare buherā mera Jesu pohrogue erarā, serēpima ĩġure:

² —ĶDuhpirā mari ñecu sumarā mura erā dorediro dopa iibeari mū buherāpu? Erā mari dorero dopa ta erā baboro core mojo coe ĩhmubeama, arīma erā Jesure.

³ Jesu yuħrigu serēpimi erāpure:

—ĶMuaru duhpirā Goāmū doreripure iibeari? ĶDuhpirā mū ya doreri dihtare iiri muaru? ⁴ Őpa arīmi Goāmū: “Mū pagu sumarāre umupeoque,” arīmi. Eropigu “Ķġu pagu sumarāre ñero werenigui coredigure erā dipuwaja moarā wejēbu arīġucumi,” arīmi Goāmū. ⁵ Ķġu eropa arīquerecū ta muaru ōpa arīdorea masare erā pagu sumarāre. “Mūare itamumasibea. Mūare yu oborare Goāmū ya arīburire opehocābu,” arīque mū pagu sumarāre,” arī buheraa mū. ⁶ Mū eropa buherā erā pagu sumarāre erā umupeobiricū iiaa mū. Mū eropa iirā Goāmū buherire tarinugarā iiaa mū mū ya doreri dihtare iirā. ⁷ Masa erā ĩabiropure ñero iicorerā āhraa mū. Goāmū ya weremuhtadiguge Isaia mūare diaye ta were gojamūriñumi iribojeguerē:

⁸ Őa masa yare ōaro wereniguiquerā yare ōaro umupeobeama. Erā ya siporāripu ġajipugue āhraa. ⁹ Goāmū ya dorerire arībodirore erā ya werenigui dihtare buhema erā. Eropirā yare umupeo erā sibuipeori duhpihuri arībeaa, arī gojañumi Isaia, arīmi Jesu fariseo masare, masare buherā sāre yujuropa ta.

¹⁰ Eropa arītuhaja ĩġu pohrogue masare sihubeo, ōpa arīmi:

¹¹ —Peeque mū. Mū disirore ñajaripu mū baripu masare ñerā masa wacū iibeaa. Mū wereniguiripu mū ya disiro wiriripu mūare ñerā arīcū iiaa, arīmi Jesu.

¹² Ķġu eropa arī buhera puhru gua ĩġu buherāpu ĩġure werebu:

—Mū eroparīcū peerā fariseo masa guama, arī werebu gua ĩġure.

¹³ Iirire pee ōpa arī yuħrimi guare:

—Erā otera iro dopa āhrima. Yu Pagu umaro majagu arīpehreri oterare ĩġu otebirirare nuguri mera ta cura cōġucumi. ¹⁴ Erāre eropa ĩacāque. Erā Goāmū yare masibirā masa cuiiri ĩhajabirā iro dopa āhrima. Cuiiri ĩhajabirā seyaro erā basi game tuagā erā perāġe ta mehtua yuħridjarācoma gobegue. Eropa erā Goāmū yare masibiriquererā ta ġajirāre masibirāre buhediarima. Eropirā erā erā buherā sā peamegue warācoma, arīmi Jesu.

¹⁵ Ķġu eroparīcū peegu Pedro arīmi:

—Ķne queoriñere erā disiro wiriri queorire werenemoque guare daja, arīmi ĩġu Jesure.

¹⁶ Jesu yuħrimi:

—ĶNe, peenibeari mū? ¹⁷ Masa erā barire bacū erā ya disiro ñajaa. Eropiro erā parugue ñajaja, puhru erā dupu ñerire cohāa. Ibu gohra āhraa. Mari bari marire ñerā wacū iibeaa. ĶIre masibeari mū? ¹⁸ Masa ya disiro wiriri, erā wereniguiripu erā pepiri āhraa. Erā ya pepiripu ñeri arīro masare ñerā arīcū iiaa. ¹⁹ Erā pepirigugue ōpa ñeri nugaa: Ñeri pepiri, masare wejēri, ġajigu marapo mera ñero iiri, ñero iirā nome mera ñero iiri, yajari, guyari, masare ñero quere iiri, masa erā pepirigugue nugaa. ²⁰ Iri ñeripu masare ñerā arīcū iiaa. Masa erā dorerire mūrugue erā iimuridiro dopa ta mojoto coebiriquererā ta erā bacū iri masare ñerā masa arīcū iibeaa, arīmi Jesu.

Judio maso arībigu Jesure umupeoñumo

Mr 7.24-30

²¹ Eropa arī buhetuhaja guare sihu waha wami daja. Tiro waicūri maca pohrogue Sidón waicūri maca pohrogue ejabu gua. ²² Gua erogue ejacū Canaa yeba majago ero arīġo Jesu pohrogue eja, turaro mera wereniguimo:

—Opu Davi pārami, masare taugu yare mojomoro ĩaque mahu. Yu mago wati ñajasūdigo ñetariaro tarimo igo, arimo.

²³ Igo eropa arĩquerecū ta Jesu igore yuhribirimi. Īgu eropa iicū ĩarā gua ĩgu buherāpu ĩgure ōpa arĩribu:

—Wadoreque igore. Ñe gariboro busucumo, arĩribu gua.

²⁴ Gua eroparicū peegu ĩgu yuhrimi igore:

—Israe majarā oveja dederenirā iro dopa arĩrā dihtare itamudoregu obeomi yu Pagu yare, arĩmi ĩgu.

²⁵ Īgu eroparicū ta Jesu guburi pohro merejamo igo.

—Mahu eropa arĩqueregu itamuque yare, arimo igo.

²⁶ Jesu yuhrimi igore:

—Wihi opu porā ya barire diayeare ocū ōabeaa. Eropa arĩgu, Israe masa yare gaji yeba majarāre yu ocū ōabeaa, arĩ weremi Jesu igore.

²⁷ —Eropa ta āhrra, Opu. Eropa arĩquerecū barisubu dijarire diayea sã bacohrema. Gaji yeba majago yu arĩquerecū ta yu sãre itamuque mahu, arĩ yuhrimo igo.

²⁸ Igo eroparicū ĩgu yuhrimi:

—Mahu nomeo, yare burigā umupeoa. Mu gamero dopa ta eropa waroca, arĩmi Jesu igore.

Īgu eroparicū ta igo mago mata ōago wapo.

Bajarā dorecurāre ōarā wacū iĩñumi Jesu

²⁹ Eropa arĩtuhaja guare sihu waha, Galilea waĩcuriya turo pohrogue sihu ejami daja. Puhru utāgugue mēria, erogue doajami. ³⁰ Ero ĩgu doacū masa bajarā erama. Eropirā bajarā dorecurāre aĩ erama. Curimasibirāre, cuiři ĩhajabirāre, yujupu ñero guburucurāre, apayuriri arĩrāre, wereniguimasibirāre, bajarā gajirā dorecurāre ĩgu pohrogue aĩ erama masa. Eropa aĩ erarā Jesu guburi pohrogā apima erā. Erā eropa duhupira puhru ōarā wacū iimi Jesu erāre. ³¹ Īgu eropa iicū ĩarā masa ĩhamaria wama. Wereniguimasibirinirā erā wereniguicū ĩarā, apayuriri arĩnirā erā ōarā wacū ĩarā, curimasibirinirā erā curicū ĩarā, cuiři ĩhajabirinirā erā ĩacū ĩarā, ĩhamaria wama erā. Eropirā ōpa arĩma:

—Mari Israe majarā mari Opu Goāmu turagu ōagu āhrimi, arĩ umupeoma erā Goāmēre.

Cuatro mil gohrare masa bajarāre barire oñumi Jesu

Mr 8.1-10

³² Īgu eropa iira puhru Jesu guare ĩgu buherāre sihubeo arĩmi:

—Oā masa yu mera uhrenu gohra arĩtuhajama. Erāre bari pehrea waca. Eropigu erāre mojomoro ĩhaa. Erā babiriquererā erā ya wirigue dujaacū gamebirica. Mague warā erā oaboarā turabiribocoma. Eropigu erāre bari ejotudiaca, arĩmi ĩgu.

³³ Īgu eroparicū gua ĩgu buherā ĩgure serēpibu:

—¿Duhpii mari ōguere masa mariroguere barire bocabocuri erā bajarā masare ejoburire? arĩbu gua ĩgure.

³⁴ —¿Dinacu dipuru pan dipurure opari mua? arĩmi guare.

—Siete pan dipuru, bajamerāgā waire opaa, arĩ yuhribu gua.

³⁵ Gua eroparicū peegu ĩgu masare ta weca doadoremi. ³⁶ Tuhajanugu siete pan dipurure, waigā sãre aĩ, ĩgu Pagure “Ōhaa,” arĩ serētuhaja, pan dipurure nuha, guare ĩgu buherāre omi. Eropirā gua ĩgu buherā iri barire masare guerebu. ³⁷ Eropirā masa irire baha, yapia wama. Erā ba duharare siete puiri gohra aĩ gameneo ujuťu doobu gua. ³⁸ Ero banirāre ūma dihtare queocū cuatro mil gohra arĩma. Nome, majirāgā sã arĩma. ³⁹ Erā eropa batuhajacū Jesu masare goerisere, dohodirugue ñaja, Magdala waĩcuri yebague guare sihu ejami.

16

Fariseo masa, saduceo masa sã Goāmu turari mera deyoro moarire Jesu iicū ĩadiariñuma

Mr 8.11-13; Lc 12.54-56

¹ Eropi fariseo masa, saduceo masa mera Jesu pohrogue erama. “Īgu Goāmu ĩgu obeodigu arĩbeami,” arĩ ĩadiariñuma. Eropirā ĩgure Goāmu turari mera deyoro moarire ĩgu ii ĩhmucū gamerima. Īgu ii ĩhmasibiricū “Goāmu obeodigu arĩbeami,” arĩdiarima. ² Erā ĩgure deyoro moarire eropa iidorecū Jesu yuhrimi erāre:

—Ñami wacü necä ðaro boyocü iarä “Õari ñami áríroca,” aräa mua. ³ Eropirä boyoropure ñipicü iarä, “Deco ariroca,” aräa mua. Õmarore íhamemujurä, “Õpa waroca,” arí masia mua. Eropa ðaro masiquererä ta dohpague Goämü turari mera mæare yu ii íhmuquerecä ta ne irire ðaro masibea mua. ⁴ Dohpague majarä ñetariarä Goämure gamebirä Goämü turari mera ii íhmuire íadjarima. Deyoro moarire ii íhmusome yuhu. Goämü yare weremuhtadigu Jona mura ígure wadirore masituhaa mua. Iri dihtare íhmuğura mæare, arí yuhrimi Jesu.

Eropa arí weretuhaja guare sihu waha wami daja.

Fariseo masa saduceo masa erä ñeri buherire wereñumi Jesu

Mr 8.14-21

⁵ Wuari ditarugue gua taribujarä panre cãdijicanirä árribu. ⁶ Eropigu Jesu guare weremi:

—Fariseo masa saduceo masa erä pan buğacü iiburire ðaro masique mua. Guhya ähraa, arí weremi guare:

⁷ Ígu eroparicü pee wisirä gua basi irire wereniguibu.

—Mari panre mari aígãribiricü íagu eropa arícumi ígu, arí pepiribu gua.

⁸ Gua eropa arĩrare masigu, guare serëpimi:

—¿Duhpirä panre mua cãdijirare guñari mua? Merogã gohra yare umupeoa mua.

⁹ ¿Masinibeari mua? ¿Cinco mil ñmare cinco pan dipurure yu nuha orare guñabeari mua? ¿Erä baha yapira puhrü doce puiri gohra mua ujutu doborare guñabeari mua?

¹⁰ ¿Eropirä daja siete pan dipurure nuha, cuatro mil ñmare yu ora säre guñabeari mua? ¿Erä baha yapira puhrü dinucu puiri gohra mua ujutu doborare guñabeari mua?

¹¹ ¿Eropirä pan buğacü iiburire yu werecü duhpirä ðaro peebeari mua? Eropa arígu pan gohrare arígu iibeaa. Fariseo masa, saduceo masa erä pan buğacü iiburire ðaro íique, arígu pan gohrare arígu iibeaa, arí weremi ígu guare.

¹² Ígu eropa arí werecü gua masibu. “Pan buğacü iiburire,” arígu pan gohrare arígu iibirimi. Eropa arígu fariseo masa, saduceo masa erä buherire arígu iidi árrimi guare. “Erä ya buherire peebiricäque,” arígu iimi.

Jesu ðiaye ta Cristo ígu árĩre wereñumi Pedro

Mr 8.27-30; Lc 9.18-21

¹³ Eropi Jesu mera warä Cesarea Filipo waicuri maca pohro árĩri macague ejabu gua. Eropigu iri macague gua ejara puhrü Jesu guare ígu buheräre serëpiñami:

—¿Nihino árĩcuri yuhu masa erä pepicü? arí serëpimi ígu.

¹⁴ —“Ñu waíyegu ährimi,” aríma mure gajirä. Gajirä “Elia ährimi,” aríma. Gajiräpu “Jeremia árĩbocumi o gajigu Goämü yare weremuhtanirä mera majagu árĩbocumi,” aríma, arí yuhribu gua ígure.

¹⁵ —¿Muapu pepicü nihino árĩcuri yuhu? arí serëpimi ígu guare daja.

¹⁶ Simo Pedropu yuhrimi:

—Muñu Cristo Goämü obeodigu ähraa. Goämü ojocarigu magu ähraa muñu, arí yuhrimi Simo Pedro.

¹⁷ —Simo, Jona magu, muñu mucubirigu ähraa. Õpa arí mü yare yuhrira masa erä werera árĩbeaa. Yu Pagu ñmaro majagupu irire mure masicü iiami. ¹⁸ Mure arígu tíaa. Muñu Pedro waicugu ähraa. (Pedro arígu utäye arígu iipu.) Iye utäye weca wuari wihire yu íibodiro dopa ta yaharäpüre yuju curu wuari curu árĩcü íguca yuhu. Eropigu watí ígu yarä mera yaharäre tarinugasome. Eropirä yaharä ne peamegue wasome. ¹⁹ Õmaro majagu mari Opü ígu árĩro maja sawire mure ogura. Eropigu i yebaguere mü iidorebiricü yu sä ñmarogue árígu iidoresome. I yebaguere mü iidorecü ñmarogue yu sä iidoreğura, arími Jesu.

²⁰ Ígu eropa aríra puhrü guare ígu buheräre weremi:

—Yare “Cristo ährimi ígu,” ne arí weresiribiricäque gajiräre, arími guare.

Jesu ígu sĩriburiñere, ígu masa muriaburiñe säre wereñumi

Mr 8.31-9.1; Lc 9.22-27

²¹ Irisubure ta Jesu guare ígu buheräre ðaro werepehonugami:

—Jerusalengue yare waro gahmea dohpaguere. Eroge majarä, mürä, pahia oparä, mari masare buherä sä yare ñero iirãcoma. Eropirä yare wejërãcoma. Eropa ta ñero tariro gahmea yare. Eropigu uhrenu puhrü ta masa muriagaca, arí weremi guare ígu.

²² Ígu eroparicü peeğü Pedropu gajipu ñarigã Jesure aígã, ígure ðpa arími:

—Opü, eropa arĩbiricäque. Mü arĩro dopa wabiricãporo. Mure erä wejëbiricãporo, arĩrimi ígu Jesure.

²³ Īḡu eroparicū peegu Jesu majinugaja, Īḡure ōpa arīmi:

—Satana iro dopa wereniguigu iiaa muḡu. Eropa arībircāque. Mḡ pepiri masa ya pepiri āhraa. Goāmḡ ya pepiri arībeaa. Eropigu yḡ īlborore cāhmotadiaa muḡu, arīmi Jesu Pedrore.

²⁴ Īḡu eropa arīra puḡru ḡuare weremi:

—Yujugu yḡ mera majagu arīdiagu, Īḡu gamero iidiarire duhucāḡucumi. Eropigu Īḡu yḡ mera majagu arīri dipuwaja ḡero tarigucumi. Eropa ḡero tariqueregu ta yahare iiniguicāḡu arīḡucumi. ²⁵ Yujugu masu Īḡu ya arīburi dihtare pepigu Īḡu dederea wagucumi. Eropigu yujugu masu yaha arīburi dihtare iigu arīpehrerinari yḡ mera umarogue ōaro arīḡucumi Īḡu. ²⁶ Yujugu masu i yeba majare arīpehrerire opaqueregu peamegue wagu ōarire wajatasome. Eropigu i yebague opaburi dihtare ḡuḡagu, Īḡu sīrigu waburire ḡuḡabigu Īḡu sīporā mera peamegue dederegucumi. ²⁷ Yḡu masu Goāmḡ obeodigu yaharā anyua mera i yebague dujariguca. Yḡ Pagu Īḡu gosesiriri mera dujarigu arīpehrerā masare erā ḡeri iira dipuwaja dipuwaja moagara. Erā ōaripure erā iicū ōaro iigura erāre. ²⁸ Diaye arīḡu iiaa. Yujurāyeri muḡ ōguere arīrā muḡ sīrīboro core yure yḡ opu arīḡu arīcāḡue īarāca, arī weremi Jesu.

17

Jesu Īḡu dḡpḡre gohrotoḡumi

Mr 9.2-13; Lc 9.28-36

¹ Eropi seis nari puḡru Jesu Pedrore, Santiagore, Īḡu pagu magu ḡu sare umadigu utāḡugue erā dihtare sihumariapu. ² Umarogue erā murijara puḡru erā īhabeoro Īḡu dḡpḡre gohrotopu. Īḡu diapo abe umu majagu iro dopa gohra gosesiriyoro. Eropiro Īḡu suhri gosesiriri suhri ōaro boreriḡe wayoro. ³ Mata iribojegue majarā Moise muru Elia muru sā dehyoāñorā. Eropirā Jesu, Moise, Elia mera Īḡu weretamucū īañorā erā urerā Īḡu buherā. ⁴ Eropigu Pedro Jesure arīpu:

—Opu, mari ohō arīcū ōadiaa. Mḡ gamecū šhre wihigā iirā. Mḡ ya wihigā, Moise ya wihigā, Elia ya wihigā iirā mari, arīpu.

⁵ Īḡu eropa arī wereniguirisubu, imica curu ōaro gosesiriri curu erāre cāhmotacāyoro. Eropa wacū imica curu pohecague Goāmḡ Īḡu wereniguiri busuyoro:

—Iḡi yḡ magu yḡ mahigu āhrimi. Īḡu mera mucubiria. Īḡure peeque, arīri busuyoro.

⁶ Eropa arīro caricū peerā Īḡu buherā šca mehmereja wañorā. ⁷ Erā eropa wara puḡru Jesu erā pohrogue eja, erāre buacare ḡāhpḡ:

—Wahḡānugajaque muḡ. ḡuibircāque, arīpu Īḡu erāre.

⁸ Īḡu eroparicū erā īhabeo, Jesu dihtare īañorā. Gajirāre īabiriñorā.

⁹ Eropirā utāḡugue erā dijaricū Jesu erāre turaro mera arīpu:

—Dohparagā yure eropa warare gajirāre ne werebircāque. Yḡu masu Goāmḡ Īḡu obeodigu yḡu sīri masa muriana puḡru irire gajirāre wereque muḡ, arīpu Jesu.

¹⁰ Īḡu buherāpu Īḡure serēpiñorā:

—“Cristo Goāmḡ beyedigu Īḡu arīboro core Eliare arimuḡtaro gahmea,” arīma masare buherā. ¿Dohpa arīronore eropa arīri erā? arī serēpiñorā erā Īḡure:

¹¹ Jesu yahripḡ:

—Diaye ta āhraa. Eliare arimuḡtadoremi Goāmḡ arīpehrerire amumuḡbature.

¹² Ōpa arīḡu muare arīḡu iiaa. Elia eratuḡajami. Īḡu eropa eraquerēcū ta erā Īḡure ne īha masibirima. Eropirā erā gamero dopa ḡero iinirā arīma Īḡure. Eropa ta iirācomu yḡ masare Goāmḡ Īḡu obeodigure. Erā eropa iicū ḡero tariguca yḡu, arīpu Jesu.

¹³ Īḡu eropa arī werecū erā peeñorā. “Elia,” arīḡu, ḡu waiyegure wereḡu iipu. Irire masiñorā pare erā.

Jesu ḡama sīriri murare dorecḡure tauḡumi

Mr 9.14-29; Lc 9.37-43

¹⁴ Eropirā utāḡugue murijanirā erā urerā Jesu mera dijararā ḡu pohrogue erama bajarā masa arīroque. Erā eracū īagu yujugu umu Jesu pohrogue eja, merejami.

¹⁵ —Opu, yḡ magure mojomoro īaque. Īḡu ḡama sīriri murare dorecḡu āhrimi. Eropigu Īḡu ḡetariaro tarimi. Bajasuburi peamegue mehmerejamurimi Īḡu. Yujuy-erisuburi diaguere yuri ḡajamurimi. ¹⁶ Eropigu mu buherā pohrogue aī erarabu. Erā Īḡure ōagu wacū iimasibirama, arīmi Īḡu Jesure.

¹⁷ Jesu arīmi ero arīrāre:

—Dohpague majarā m̄ua ñerā āhraa. ¿Ȳure ne umupeobirigohracāri? Yoari boje m̄uare buheraba ȳuhu. ¿Dipē yoari boje ȳure m̄ua garibori? Īgure aīgārique ȳure, arīmi Jesu.

¹⁸ Īgu majigure erā aī eratuhajacū ĩha Jesu watīre tuhri cóami. Eropigu mata ðagu wami ĩgu magu.

¹⁹ P̄ahr̄u ḡua ĩgu buherā ḡua seyaro arīrā Jesure serēpibu:

—¿Duhpirā ḡuap̄u ĩgu magure watīre cóamasibirayuri? arī serēpibu ḡua.

²⁰ Jesu ȳuhrimi:

—Ȳure daberogā umupeoa m̄ua. Diaye ta m̄uare weregu iiaa. Goām̄ure “Diaye ta iigu āhrimi,” m̄ua arī umupeorā miriyegā mostazaye pegā m̄ua umupeoquererā irigu utāgure “Sohōgue waque,” m̄ua arīcū, waha waroca. Goām̄ure eropa umupeorā arīpehrerire iimasia m̄ua. ²¹ Ino watīre m̄ua cóadiarā Goām̄ure burigā serēro gahmea m̄uare. Eropirā ba duhuro gahmea Goām̄ure serēmōrā, arīmi Jesu ḡuare.

Dipaturi Jesu ĩgu s̄iriburiñere ĩgu masa m̄uriaburiñe s̄are wereñumi

Mr 9.30-32; Lc 9.43-45

²² Eropi Galilea yebague ḡua curicū, Jesu ḡuare weremi:

—Ȳuhu masu Goām̄u ĩgu obeodigu āhraa. Masa ȳure ñeha, gajirāguere ȳure wiarācoma. ²³ Eropa ȳure erā wiara p̄ahr̄u wejērācoma erā. Eropa erā wejēdigu uhrenu p̄ahr̄u masaḡuca, arīmi ĩgu ḡuare.

Īgu eropa arī werecū pee burigā bujawerebu ḡua.

Goām̄u wihi maja wajayeburire serēpiñuma gajirā

²⁴ Eropirā Capernaum macague ḡua ejacū, Goām̄u wihi maja wajayeburire wajasea corerā Pedro pohrogue eja, ĩgure serēpiñama:

—¿M̄uare buhegu Goām̄u wihi maja arīburire wajayeri ĩgu? arī serēpima erā.

²⁵ —Wajayemi ĩgu, arī ȳuhrimi Pedro.

Īgu eropa arīra p̄ahr̄u wihigū ĩgu ñajacū ta Jesu Pedrore serēpim̄htami:

—Simo, ¿dohpa arī pepiri muhu? ¿I yeba majarā oparā ñehmarāp̄ure waja aīri mu pepicū? ¿Erā mera majarāre wajaseari? ¿O gaji yeba majarāp̄ure wajaseari? arī serēpimi ĩgu Pedrore.

²⁶ —Gaji yeba majarāp̄ure wajaseama, arī ȳuhrimi Pedro.

Īgu eroparīcū Jesu weremi:

—Eropigu opu ĩgu ya yeba majarāre wajaseabirim̄uririmi. ²⁷ Eropa arīquerecū ta wajasea corerāre guacū iidiabeaa mari. Eropirā wajayerāca. Ditarugue waque. Erogue eja wejericārore mehyuque. Eropigu waim̄u bam̄htadigure tara suaque. Eropigu ĩgu waim̄u disirogure niyuserere bocajaḡuca m̄uhu. Irise queoro wajacuroca. Ȳure, m̄ua s̄are Goām̄u wihi maja arīburire erā wajaseacū ðaro queoro sihajaroca irise. Irisere bocajagu mari wajamoriñere wajayepohgu waque, arīmi Jesu Pedrore.

18

Jesu ĩgu buherāre erā weca opu arībure wereñumi

Mr 9.33-37; Lc 9.46-48

¹ Irisubure ḡua Jesu buherā ĩgu pohrogue eja serēpibu ĩgure:

—¿M̄maro majagu opu arīroguere ḡua mera majagu nihino wabocuri arīpehrerā weca opu? arī serēpibu ḡua.

² Ḡua eroparīcū Jesu majigugāre sihubeo, ĩgugāre ḡua watope duhudobomi. Duhudobotuhaja ḡuare arīmi.

³ —Diaye m̄uare were purumujugura. Oā majirāgā Goām̄ure erā opu gohra pepima. Eropirā m̄ua s̄a erā iro dopa ta pepirā, ðarire gohrotorā umaro majagu opu arīroguere warāca. Erā iro dopa pepibirā opu ĩgu arīroguere wasame m̄ua. ⁴ Eropigu umaro majagu ĩgu opu arīroguere eropa pepicāgu, ĩhī majigugā dopa pepigu ta gajirā tauro opu wahami. ⁵ Eropirā yahare iimōrā ðpa arīgugāre gamerā, yu s̄are gahmea m̄ua, arī weremi Jesu ḡuare.

Ñerire iicū ḡuhya āhraa arī wereñumi Jesu

Mr 9.42-48; Lc 17.1-2

⁶ Eropigu ðpa werenemomi:

—Īgā dopa arīgu ȳure ne umupeogure weregura m̄uare. Yujugu Īgā iro dopa arīgure ñerire iidoredigu ĩgu ñetariaro tarigucumi. Gajigure masa ĩgu wunugure wuariye utāye mera dirisiu, wuariyague ĩgure cóacū ñero wabocumi ĩgu. Eropigu Īgā dopa arīgure ñerire iidoredigupu wuariyague erā cóadigu tauro ñero tarigucumi. Īgu turaro

dipuwaja moasūgucumi. ⁷ Masare ñerire iicū iiri āhraa. Irire iirā i yeba majarā ñero tarima. Gajirā ñerire iidorema gajirā masare. Erā ñerire iidorenirāpə erā tauro ñetariaro tarirācoma.

⁸ “Mū mojoto mera ñero iigu iri mojotore mū tabe cóābodiro dopa ta iri ñerire duhuque. Irire duhubigu peamegue waguca. Eroguere ne peame yaribea. Mū mojotore mū cóācū iri ñuca dihta cohmoboya. Eropigu mupə epasi áriquerəgə ta pəhrə Goāmə mera áriḡuca. Mū pe mojoto mera áriḡure peamegue iḡu cóācū ñetariaro tariguca. Eropigu iri ñeri iiripure duhuque. Mū guburu mera ñero iigu iri guburu säre mū tabe cóābodiro dopa ta iri ñerire duhuque. Irire duhubigu peamegue waguca. Eroguere ne peame yaribea. Mū guburure mū cóācū irisi dihta cohmoboya. Eropigu epasi áriquerəgə ta pəhrə Goāmə mera áriḡuca. Mūhə pe guburu mera áriḡure mure peamegue cóācū mū ñetariaro tariguca. Eropigu iri ñeri iiripure duhuque. ⁹ Mū cuiru mera ñero iigu irirure mū gorawea cóābodiro dopa ta iri ñerire duhuque. Irire duhubigu peamegue waguca. Eroguere ne peame yaribea. Mū cuireure cóācū iriru dihta cohmoboya. Yujupə cuiru mariquerēcū ta pəhrə Goāmə mera áriḡuca. Mure pe cuiru mera áriḡure peamegue mure cóācū, mū ñetariaro tariguca. Eropigu iri ñeri iiripure duhucaque, arimi Jesu.

Oveja dederedigu queorire wereñumi Jesu

Lc 15.3-7

¹⁰ Eropigu gua säre werenemomi:

—Ne, oā majirāgäre doobiricāque. Mūare arigu tiiaa. Erāgäre ihadiburā anyua umarogə yə Paḡu pohrogue eropa áriniguima. ¹¹ Yuhə masə Goāmə iḡu obeodigu i yebague dedereboniräre taugə arigu iibə yuhə, arī weremi Jesu.

¹² Eropa arituhə ópa arī queorire ahmu wereniguimi.

—Ovejare ihadibuḡu cien ovejare opagu yujugu oveja dederea wacū iḡu ópa iigucumi eräre ihadibuḡupə. Gajirā ovejare noventa y nueve ovejare erā bari campogue duhudobo, dederedigure amagu wagućumi. ¹³ Diaye ta arigu iiaa mūare. Iḡure bocagu bəriḡə mucubirigucumi iḡu. Gajirā noventa y nueve duhyarā mera mucubiridigu áriquerəgə erā tauro iḡu bocadigupure mucubirigucumi. ¹⁴ Eropa ta mari Paḡu umaro majagu oāḡā iro dopa áriḡā säre erā dederecū gamebeamī, arimi Jesu.

Mū acawereḡu mure ñero iicū ópa iique, arīñumi Jesu

Lc 17.3

¹⁵ Eropa arituhaja ópa werenemomi Jesu:

—Mū acawereḡu mure ñero iicū iḡu mera weretamugu waque. Mūa seyaro irire weretamugue. Mū eropa iicū iḡu mure peebocumi. Iḡu peecū “Mure dipaturi ne ópa iisome yuhə,” iḡu aricū mū acawereḡure dipaturi wapicu iiguca muhu. ¹⁶ Mure iḡu peediabiricū tamerare yujugu mera wadiagu, o perā mera wadiagu, eräre wapicugā dipaturi iḡure wereniguḡu waque daja “Erā sā peeporo,” arigu. ¹⁷ Eropigu mū mera majarā säre iḡu peediabiricū áripehrerā Jesu yarā mera gamenere iḡure weresāque. Eropirā Jesu yarā gamenererā säre iḡu peediabiricū iarā Goāmure masibigu ñegə áriro dopa iique iḡure.

¹⁸ “Diaye ta mūare arigu iiaa. I yeba mūa yaharā yaha dorerire oparāca. Eropirā mūa i yebare iidorebirirare yə sā umarogue áriḡu iidoresome. I yeba mūa iidorerare yə sā umarogue iidoregaca.

¹⁹ “Dipaturi mūare ire wereḡura daja: Mūa perā Goāmure serērā, yujuro mera pepirā árićā, yə Paḡu umaro majagu irire mūare ogucumi. ²⁰ Perā o urerā yaharā yahare iimorā erā gamenerēcū yə sā erā mera āhraa, arī weremi Jesu.

²¹ Pəhrə Pedro Jesu pohrogue eja serēpimi:

—Opə, ḡyə acawereḡu mū yagu iḡu dinucusuburi yure ñero iicū iḡu irire cādijitugucuri yuhə? ḡO siete suburi iḡu iicū cādijitugucuri yuhə? arī serēpimi Pedro.

²² Jesu yəhrimi:

—Sietesuburi dihta mure iḡu ñero iirare mū cādijicū ero wabeaa. Bajasuburi iḡu mure ñero iicū säre cādijique, arimi iḡure.

Pohro majagu gajigu iḡu wajamorare iḡu cādijidiabirira queorire wereñumi Jesu

²³ Eropigu Jesu ópa werenemomi guare:

—Umaro majagu opə áriḡi werediacū ópa āhraa. Yujugu opə iḡu pohro majarāre erā iḡure wajamorare wajayepheho dorediariñumi. ²⁴ Erā wajamorare iḡu queonəḡacū, iḡure mohme cogerəpə wəaro wajamogure iḡu pohrogue aiḡariñuma. Wajamogupə wəaro wajamoñumi opəre. ²⁵ Eropigu iḡu wajayemasibiricū iḡu iḡu opə iḡure, iḡu marapore, iḡu porā säre pohro majarā acu, eräre gajirāre duadiariñumi iḡu

wajamorire wajaseagu. ²⁶ Īgu eropa duadiacū wuaro wajamogupū mereja, Īgu opuɾe turaro serēñumi: “Opū, guare gajirāre duabiricāque. Mojomoro ĩagu corenique. Mure wajayepohogua,” arĩñumi ĩgu ĩgu opuɾe. ²⁷ Īgu eroparicū peegu ĩgure mojomoro ĩagu, ĩgu wajamorare eropa ta cādjipehocāñumi.

²⁸ “Īgu eropa iira puhru wajamodigupū waha, gajigu pohro majagure bocañumi. Īgupū merogā wajamoñumi ĩgure wajamodigupure. Eropa bocañagu yojaro mera ñeñumi ĩgure. “Yure mu wajamorare wajaye purumujuque duru,” arĩñumi ĩgu ĩgu mera majagure. ²⁹ Īgu eroparicū gajigu pohro majagupū mereja ĩgure burigā serēriñumi: “Yure mojomoro ĩaque. Merogā corenique. Mure wajayepohogura,” arĩñumi gajigu pohro majagu ĩgure. ³⁰ Īgu eropa arĩ serēquerecū ta ĩgu yuhribiriñumi. Eropigu ĩgu gajigu pohro majagupū peresu iidoreñumi ne ĩgu wajayepohocūgue. ³¹ Wuaro wajamodigu ĩgure merogā wajamogupure cādjibirayoro muhu. Mu wajamorare yu cādjidiro dopa ta ĩgu säre mu cādjicū ñatariaboya. ¿Duhpigu ĩgure mojomoro ĩabirari ĩgure eropa ĩgu muhu?” arĩñumi ĩgu opu ĩgure. ³² Erā eropa arĩ weresācū peegu erā opu erāre weresādigure sihubeo ñpa arĩñumi: “Muhu ñetariagu āhraa. Muhu yare burigā serēcū mu wajamorare cādjipehocārabogu yuhu mure. ³³ Mure yu eropa ĩquerecū ta mupū merogā wajamogupure cādjibirayoro muhu. Mu wajamorare yu cādjidiro dopa ta ĩgu säre mu cādjicū ñatariaboya. ¿Duhpigu ĩgure mojomoro ĩabirari ĩgure eropa ĩgu muhu?” arĩñumi ĩgu opu ĩgure. ³⁴ Eropa arĩgu burigā guagu, peresu iññumi ĩgu pohro majagure ne ĩgu wajayepohocūgue, arĩ weremi Jesu.

³⁵ Eropigu ñpa arĩ i queorire weretumi:

—Eropa ta ĩgucumi yu Pagu umaro majagu muare. Mua arĩpetherā mua acawerā muare ñero ĩrare ñaro mua cādjipehobiricū ĩgu muare dipuwaja moagucumi, arĩmi Jesu.

19

Erā marasā nomere erā cóacū ñabeaa, arĩ wereñumi Jesu

Mr 10.1-12; Lc 16.18

¹ Irire ĩgu eropa arĩ werera puhru ĩgu Galilea arĩdigu Judea yebague guare sihu wami. Dia Jordán waicuriya gajipū masegue ejabu. ² Eroque gua wacū bajarā masa guare nurusiagāma. Erā mera majarāre dorecurāre ñarā wacū iimi ĩgu.

³ Eropi yujurāyeri fariseo masa gua pohro erama. Jesure weresādiarā, ñero ĩgu wereniguicū peediarā, ĩgure ñpa serēpima:

—¿Mari marapore mari gamero cóacū ñhari? ¿Mari doreripu eropa ta iidoreri mu pepicū? arĩ serēpima erā.

⁴ Jesu yuhrimi.

—¿Goāmū yare erā gojarapūgue ne ire buhebiriniari mua? Ñpa arĩ gojara āhraa: “Negohraguere i yebare ĩhacūnugudigu umu, nomeo säre ĩpu,” arĩ gojañumi Moise.

⁵ Ñpa āhraa ĩgu arĩ gojanemora: “Eropigu umu ĩgu pagu sumarāre cohā wiria, ĩgu marapo mera arĩgucumi. Eropirā erā perā arĩquererā ta yuju dupū iro dopa ta arĩracoma,” arĩ gojañumi. ⁶ Eropirā erā perā iro dopa arĩbeama. Yuju dupū iro dopa ta arĩrā iima. Goāmū doreri mera mojoto dirima. Eropirā duhubiricāro gahmea erāre, arĩmi Jesu erāre.

⁷ Īgu eroparicū fariseo masa serēpima daja:

—Muhu eropa werequerecū ta ñpa arĩ gojañumi Moisepu: “Mu marapore cóadiagu paperapūgue irire gojaque. Eropa gojagu ĩripūre mu marapore mu ora puhru ĩgore cóāmasia muhu,” arĩ gojañumi Moise. ¿Mu arĩro dopa arĩquerecū ta duhpigu Moisepu eropa arĩ gojayuri? arĩ yuhrima erā ĩgure.

⁸ Jesu yuhri gamemi erāre:

—Goāmū dorerire mua ñecu sumarā erā ĩdiabiricū ĩagu “Eropa ta wacuraporo,” arĩgu, “Mua marapore cóāmasia,” arĩ gojañumi Moise. Īgu eropa arĩ gojara arĩquerecū ta negohraguere mua marasā nomere cóacū gamebiripu. ⁹ Muare arĩgu tiiaa: Masu ĩgu marapo ĩgo gajigu mera ñero ĩbiriquerecū ta ĩgore cóagu, gajigo mera marapocūgu, ĩgu gajigo mera ñero ĩgu iimi. Eropigu ĩhĩ cóadigo mera marapocūgu sã ĩgo mera ñero ĩgu iimi, arĩmi Jesu.

¹⁰ Īgu eroparicū peerā, gua ĩgu buherāpu ñpa arĩbu:

—Eropa umu ĩgu marapo mera erā game cóabiricū, maripure ne marapo marirā arĩcū ñaboca guare, arĩbu gua.

¹¹ Jesu yuhrimi guare:

—Mua arīro dopa ta árīpehrerā árīmasibeama. Goām̄ marapocudorebirinirā dihta eropa árīmasima. ¹² Ūma marapocumasibirā yujurāyeri āhrama. Yujurāyeri ūma ero ta poyari masa mata nomere gamebirā masa dehyoama. Gajirā masa erā āpiritō diuri erā weanirāp̄ marapocumasibeama. Gajirā ūma ūmaro majagū erā Op̄u yare itamudiarā marapocubeama. Eropirā oā marapocudiabirā eropa ta pepicārā, eropa ta erā árī ojogorocucū ōhaa, arīmi Jesu guare.

Majirāgā ya árīburire Goām̄ure serēbasañumi Jesu
Mr 10.13-16; Lc 18.15-17

¹³ Eropi masa majirāgāre Jesure mohmepiñadoremorā Jesu pohrogue aī erama. Eropa aī erarā, erā Jesure ĩgu mojotore erāgāre mohmepidorediama. Eropirā erāgāre erā ōaro árīburire Goām̄ure serēbasadorediama Jesure. Erā eropa iicū ĩarā gua ĩgu buherā erāre turiribu. ¹⁴ Gua eropa turicū ĩagu, guare Jesu ōpa arīmi:

—Majirāgā yu pohrogue arīporo. “Waque,” arībiricāque erāgāre. Erāgā Goām̄ure erā op̄u pepima. Eropirā ĩgu ūmaro majagū ĩgu op̄u árīroguere oāgā iro dopa pepirā āhrama eroguere, arīmi Jesu.

¹⁵ Eropa arītuhaja erā majirāgāre mohmepituhaja waha wami.

Doberi opagu Jesu mera weretamuñumi
Mr 10.17-31; Lc 18.18-30

¹⁶ ĩgu eropa iira p̄hr̄u yujugu masu mam̄u Jesu pohrogue eraa, serēpimi ĩgure:
—Ne muñu ōagu buhegu āhraa. ¿Yu árīpehreriniuri Goām̄u mera árīdiagu, ōarire iidiagu dinopure iibocuri yuh̄u? arīmi ĩgu.

¹⁷ —¿Dohpa arīnonore yare ōagu arī piyuri muñu? Goām̄u dihta ōagu āhrimi. Árīpehreriniuri Goām̄u mera árīdiagu ĩgu dorerire iique, arīmi Jesu.

¹⁸ —¿Di doreripure arīgu iiri? arī serēpinemomi ĩgu.

Jesu yuh̄rimi:

—Masare wejēbiricāque. Gajigu marapo mera árībita. Yajabita. Guyabita. ¹⁹ Mu pagu sumarāre umupeogue. Mu basi mahiro dopa ta mu pohro arīgu säre mahique. I dorerire iiro gahmea, arīmi Jesu.

²⁰ —I dorerire ne tarinugabirimarab̄u yuh̄u. ¿Ñeheno duhyari yu iinemoburi yu árīpehreriniuri Goām̄u mera árīdiagu? arīmi ĩgu Jesure.

²¹ ĩgu eroparicū peegu Jesu werenemomi:

—Muñu Goām̄u mera ōaro árīdiagu mu yare árīpehrerire duagu waque. Eropa duagu árīpehreri niyerure mu wajatarare mojomorocurāre oque. Mu eropa iicū wuaro mu ya ūmaroguere Goām̄u pohrogue arīyuroca. Mu eropa iira p̄hr̄u yu mera majagū árību arique, arī weremi Jesu.

²² ĩgu wuaro opagu árīp̄u. Eropigu Jesu ĩgure eroparicū peegu ĩgu oparire mojomorocurāre odiabigu, turaro bujawere suabiri waha wami.

²³ ĩgu eropa wacū Jesu guare ĩgu buherāre werenemomi:

—Diaye ta muare arīgu iiaa. Doberi oparā Goām̄ure ĩgu op̄u árīroguere erā wadiacū diasa āhraa. ²⁴ Muare werenemogura: Camellop̄u awiru gobegāque ĩgu ñajatariwereadiacū masiya mara ĩgure. Eropa ta doberi opagu Goām̄u op̄u ĩgu árīroguere wacū diasataria, arīmi ĩgu.

²⁵ ĩgu eroparicū gua ĩhamaria wa gua basi ōpa arīb̄u:

—Yaho. ĩgu arīro dopa ta diaye arīcū, ne yujugu masure Goām̄u taubiribocumi ĩgu pohro waborore, arību gua gua basi.

²⁶ Gua eroparicū Jesu guare ĩhabeo, ōpa weremi:

—Masa erā bocatiuro erā ōaro iira mera Goām̄u pohrogue wamasibeama. Goām̄upu masare peamegue wabonirāre taumasimi. ĩgu árīpehrerire ōaro iimasipehocāmi, arīmi ĩgu guare.

²⁷ ĩgu eroparicū Pedro ĩgure arīmi:

—Peenique. Guapu gua ya árīpehrerire apipehocāb̄u mu mera warā. ¿Gua ōpa iirā dohpa arīr̄ire wajataracuri gua? arīmi ĩgu.

²⁸ —Muare diaye arīgu tiiaa: Pehrerin̄u p̄hr̄u árīpehreri mama gohrotoroca. Irisubugere yuh̄u masu Goām̄u ĩgu obeodigu yu op̄u doaro goesisiro doaguca yuh̄u. Yuh̄u ero doacū mua s̄a doce gohra árīnirā oparā arīri mera doarāca. Eropirā Israe masare doce cururi majarāre beyerāca ōarā säre ñerā säre. ²⁹ Eropirā mua árīpehrerā ōari buherire yaha árīburire iimorā, mua wirire, mua pagu porāre, mua pagu sumarāre, mua porāre, mua poerire apicānirā wuaro wajatarāca. Eropirā árīpehreriniuri Goām̄u mera ōaro árīrāca. ³⁰ Dohpaguere bajarā oparā árīnirā mura

irisubugure bu árîrã dujarãcoma. Eropirã dohpaguere bajarã bu árînrã m̃ara irisubure oparã gohrotorãcoma daja, arî weremi Jesu guare îgu buherãre.

20

Îgui pohe mohmerã queorire wereñumi Jesu

¹ Eropi dipaturi Jesu queorire weremi daja ôpa arîgu:

—Ūmaro majagu opu îgu árîri werediãcã pohe opu iro dopa ähraa. Îgu pohe opu boyo pâri merejacã îgu pohere mohmemorãre sihugu wañumi. ² “Yujuse niyerusere yujunu mohmeri wajare wajayegura yujunure,” arîñumi. “Äu,” arîñuma mohmemorã. Erã eroparîcã pohegue mohmedoregu oboeñumi îgu erãre. ³ Eropigu ãmague nueve árîcã doberi duarogue wañumi daja. Erogue eja, gajirã mohmebirãre ñañumi. ⁴ Eropã iagu erãre arîñumi: “Maa sã yaha pohere mohmerã waque. Ôaro wajayegura,” arîñumi îgu. ⁵ Eropirã erã pohegue mohmerã wañuma. Eropi pohe opu goeri boje árîcã, ñamicague tres árîcã sãre gajirãre mohmedoreñumi daja. ⁶ Eropi ñamicague cinco árîcãgue doberi duarogue îgu wañumi daja. Erogue eja gajirã mohmeri moorãre ñañumi. Erãre arîñumi: “¿Ne gajino iibiriquererã yujunure ñañiguineacãri maa?” arî serêpiñumi erãre. ⁷ “Ne guare mohmeri mara,” arî yuhriñuma erã. “Maa sã yaha pohere mohmerã waque,” arîñumi erãre. Eropirã îgu arîdiro dopa ta îgu ya pohere mohmerã wañuma.

⁸ “Eropi ñamicague mohme duhurisubugue árîcã pohe opu îgu mohmerãre coregure ôpa arîñumi: “Mohmerãre sihuque. Erã eracũ erãre wajayeque. Erã puhrugue mohmedorenirãre wajayemhtaque. Erãre wajayetuha, gajirã sãre wajayetuha, yu mohmedoremuhtanirãre wajaye ojogorocãque,” arîñumi îgu. ⁹ Eropigu cinco árîcã mohmenuganirãre yujuse niyeruse wajayenñumi. ¹⁰ Îgu eropa wajayecã ñarã, “Guare tauñariro wajayegucumi,” arî pepiriñuma îgu doremuhtanirãpu. Erã sãre yujuropa ta wajayecãñumi. ¹¹ Eropirã erãre niyerure îgu wajayetuñajacã erã opu mera papuri igure arîñuma: ¹² “Oã gua puhrugue mu mohmedorenirãpu yuju hora ta mohmeama. Guaru yujunu ôaro mohmeneacarabu. Ñero abe asiami guare. Gua eropa yoari boje mohmequerecã ta gua puhrugue mohmenuganirã sãre yujuropa wajayecãbu mahu,” arî guañuma erã îgu mera. ¹³ Erã eroparîcã peegu yujugu erã mera majagure pohe opu yuhriñumi: “Ne acaweregu, yujuse niyerusere wajayegura, arîrabu muare. Yu eroparîcã yuhriabu maa. Eropigu yu arîdiro dopa ta muare wajayeabu yuhu. Queoro wajayeabu muare. Ne yajabirabu muare. ¹⁴ Eropigu yu wajayerare aî wihigue dujaaque. Ñre puhru yu mohmedoredigu sãre muare yu wajayedirope ta wajayegura. ¹⁵ Yaha niyeru ähraa i. Eropigu yu gamero dopa ta i mera wajayegura. ¿Gajirãre tauñariro yu wajayecã ñaturiri mahu?” arîñumi îgu pohe opu, arî weremi iri queorire Jesu.

¹⁶ Eropã arîgu werenemomi îgu:

—I queori ariro dopa ta yaharã árîmuhtanirãre erã puhru yaharã árînrã sãre yujuro mera ogucumi Goãmũ îgu ya ôarire. Eropirã árîmuhtanirãpu “Guare onemogucumi,” arîmasibeama, arî weremi Jesu.

Dipaturi Jesu îgu sîriburiñere îgu masa mariaburiñere wereñumi

Mr 10.32-34; Lc 18.31-34

¹⁷ Eropi Jerusalengue warã yujuro mera ta waniguirã, guare îgu buherãre sihubeu-tuha, gajirãgue guare gua seyarore aîgãmi Jesu. Gua seyaro gua árîcã weremi.

¹⁸ —Peeque yare. Dohpaguere Jerusalengue warã iiaa mari. Erogue yu masare Goãmũ îgu obeodigure ñeha, gajirãre orãcoma. Pahia oparãre, masare buherã sãre yare orãcoma. Eropirã yare wejêdorerãcoma erã. ¹⁹ Eropã wejêdorerã judio masa árîbirãre yare orãcoma. Erã eropa ora puhru erãpu yare wereya, tãrarãcoma. Tuhaja, crusingue pabiarãcoma yare. Eropigu yu sîrira puhruare uhrenã waboro gohra masa mariagũca, arî weremi Jesu.

Santiago, Ñu mera erã pago erãre serêbasapo Jesure

Mr 10.35-45

²⁰ Eropigo Zebedeo marapo Santiago, Ñu igo porã mera Jesu pohrogue eja, merejapo igure serêbo arigo.

²¹ —¿Dohpa yu iicũ gahmeri mahu? arîpu Jesu igore.

—Mahu opu ñajagu yu porã sãre dorerã acunque. Eropã acugu mu pepuri erãre doboque, arî serêpo igo igo porã mera.

²² Jesu ôpa arîpu:

—Maa ñero tariborore masibiriquererã ta eropa serã maa. ¿Dohpaguere yu ñero tariboro dopa ta maa sã ñero tarirã yujuro bojebocuri maa? arîpu Jesu igo porãre.

—Yujuro bojerāca, arī yuhriñorā Santiago Ñu mera.

²³ —Diaye ta āhraa. Yu ñero taridiro dopa ta ñero tarirāca mua sã. Eropa mua tarimorā áriquerēcū ta yu mera doremorāre muare yuhu beyemasibeaa. Yu Pagupu amutuhami irire. Eropirā ĩgu beyenirā dihta yu diayepure, yu corupure doarācoma, arīpu Jesu erāre.

²⁴ Eropirā gua gajirā diez ĩgu buherāpu erā oparā áriburire Jesure serēcū Santiago, Ñu sã mera guabu gua. ²⁵ Gua eropa guacū ĩagu Jesu áripehrerā ĩgu buherāre sihu gameneo, ōpa arī weremi guare:

—Goāmure masibirā oparāpu masare dorerā, pūiro mera dorema. ²⁶ Muapu eropa iisome mua basi. Mua mera majagu opu áriđiagu, áripehrerā ĩgu mera majarāre itamugu áriporo. ²⁷ Eropigu áripehrerāre doregu áriđiagu pohro majagu iiro dopa ta áriporo. ²⁸ Eropa áriġu ta āhraa yu sã. Masare dorebiragu arigu iibiribu. Yuhu masu Goāmu ĩgu obeodigu áriquerēcū ta i yebaguere masare itamugu arigu iibu. Eropigu bajarā masa erā ñero iira dipuwajare sīribasagu arigu iibu. Eropigu masa peamegue wabonirāre taugu arigu iibu, arīmi Jesu guare.

Perā cuiři ĩhajabirāre ĩacū iññumi Jesu

Mr 10.46-52; Lc 18.35-43

²⁹ Eropi Jericógue árinirā gua wacū bajarā masa Jesure nurusiamaa. ³⁰ Eropi Jesu ĩgu tarigācū perā cuiři ĩhajabirā ma turo doanirā peema. Eropa peerā ōpa arī gaguiniguinemoma:

—Opu Davi muru pārami, masare taubu, guare mojomoro ĩaque, arī gaguinima.

³¹ Erā eropa gaguiniguicū masapu erāre turima.

—Ejarimarićaque, arīma masa erāre. Erā eropa arīquerēcū ta erā gaguiniguidiro tauro gaguiniguinemoma daja.

—Opu Davi muru pārami, guare mojomoro ĩaque, arī gaguiniguima daja.

³² Erā eroparicū peegu Jesu nugaja erāre sihubeo serēpimi,

—¿Dohpa yu muare iicū gahmeri? arī serēpimi.

³³ —Opu, guare ĩacū iique, arī yuhrima erā.

³⁴ Erā eroparicū Jesu erāre mojomoro ĩami. Eropa mojomoro ĩagu erā cuirire mohmepimi. ĩgu eropa mohmepicū ta erā ōaro ĩha wama. Eropa ĩanirā ĩgure nurusia wahgāma.

21

Jerusaléngue ejañumi Jesu

Mr 11.1-11; Lc 19.28-40; Jn 12.12-19

¹ Eropi Jerusaléngue gua ejaboro core Betfagé waicuri macague ejamuñanibu gua Jesu mera. Betfagé utāgu Olivo waicudigu gubuye áribu. Erogue ejaġu, guare perāre ĩgu buherā mera majarāre Jesu ĩgu core obeomuñtami. ² Ōpa doremi erāre:

—Si macague waque. Erogue ejarā, mata burrore ĩgu magugā mera erā dirinugudigure bocajarāca. Erāre boca, ĩgure diriradarire pāa aĳgāribasaque yure. ³ Mua eropa iicū ĩagu, burro opu “¿Duhpimorā burrore pāri mua?” ĩgu aricū peerā ōpa arī yuhrićue: “Mari ĩgu burrore gamebeoniami dohpa. Eropigu dohparagā wiagucumi ĩgu,” arī yuhrićue ĩgure, arĩdore obeomi Jesu perā ĩgu buherāre.

⁴ Eropa iimi Goāmu yare weremuñtadigu ĩgu arī gojadiro dopa ta. Ōpa arī gojañumi iribojegue:

⁵ Jerusalén majarāre ōpa arī wereque: “Īaque mua. Mua Opu mua pohrogue ahrimi. ĩgu ta masare ōaro iigu ahrimi. Burro magugā weca arigucumi,” arī wereque Jerusalén majarāre, arī gojañumi iribojeguere.

⁶ Jesu ĩgu obeonirā perā iri macague eja, ĩgu iidorediro dopa ta iññorā erā. ⁷ Burragore igo magugā säre aĳgārima. Aĳgārituhaja gua weca maja suhrire tuwea aĳ, erā weca peobu gua. Gua eropa iira puhru Jesu ĩgugā weca muribejami wabu. ⁸ Muribejatuha, ĩgugā weca Jerusaléngue wami. ĩgu eropa aricū ĩarā masa bajarā ĩgu wari maha deco erā ya weca maja suhrire tuwea aĳ, seopi muñtama Jesure umupeorā. Gajirāpu pūricuri dūpurire mare apimuñtama “ĩgu wari maha ōari maha áriporo,” arĩrā. ⁹ Eropirā ĩgu core warā, ĩgu puhru nurusiarā mera ōpa arī gaguiniguima:

—Davi muru pāramire marire itamubure umupeorā. Iññi Goāmu ĩgu obeodigu ōaro ariporo. Ūmaro majagure “Turagu ahrimi,” arī umupeorā, arī gaguiniguima masa.

¹⁰ Eropirā Jerusaléngue erā eropa ejaćū ero majarāpu ĩhamaria wama.

—Cue, ¿nihino ahriri iññi? arī game serēpima erā basi.

¹¹ Gajirā masa yuhrima:

—Ihĩ Goãmu yare weremuhtagu Nazare majagu Jesu waicagu ahrimi, arĩ werema erã masare.

Goãmu wihigue ejañumi Jesu
Mr 11.15-19; Lc 19.45-48; Jn 2.13-22

¹² Puhru Goãmu wihigue ejami Jesu gua mera. Iri wihigue eja ñaja wami. Ñajaja masa duadoarãre asirã sãre bocajagu erãre cohã wiucãmi iri wihigue. Eropigu niyerure game gohroto doarã ya mesarire yomemuju, aĩ majipi beomurimi. Bujare duarã erã doari përori sãre eropa ta iimi. ¹³ Eropa iigu òpa arĩmi:

—Goãmu yare erã gojarapũ òpa ahraa: Goãmu arĩmi: “Yaha wihi Goãmu mera wereniguiri wihi waicuroca,” arĩmi Goãmu, ahraa iigu gojarapũ. Muapu i wihire Goãmu wihire duadoarã game yajarã iiaa, arĩmi iigu erãre.

¹⁴ Igu eropa iira puhru cuiiri ihajabirã, curimasibirã sã Goãmu wihiguere iigu pohrogue erama. Erã eropa eracũ erãre òarã dujacũ iimi iigu. ¹⁵ Eropa òarire iigu iicũ iarã, pahia oparã, masare buherã sã guama iigu mera. Eropirã majirãgã sã Jesure, “Davĩ murũ pãrami, masare itamubu, turagu ahraa muhu,” erã arĩ umupeocũ peerã guanemoma dipaturi erã. ¹⁶ Eropa guarã òpa arĩmi Jesure:

—¿Erã eroparicũ peebeari muhu? Eropa arĩbiricãporo, arĩ dorema erã Jesure.

—Erã eroparicũ peea. ¿Goãmu yare erã gojarapũre ire ne buhebiriri mua?

Majirãgãre Goãmure òaro umupeocũ iibu muhu, ahraa Goãmu yare erã gojarapũ, arĩmi Jesu erãre.

¹⁷ Eropa arĩtuha erãre cóagã, Betania waicuri macague eja, iri ñamire ero arĩmi.

Jesu yucugure higueraque sirdoreñumi
Mr 11.12-14, 20-26

¹⁸ Gajinu boyorogue Jerusalengue gua dujaacũ, oaboami Jesu. ¹⁹ Eropa oaboagu, ma turo niguidigu higueraque ihanijagu, irigu dacare omagu warimi. Dũca maribu irigupu. Pũri dihta arĩbu. Dũca maricũ iagu Jesu òpa arĩmi:

—Irigu yucugu ne dipaturi dacacosome, arĩmi iigu.

Igu eroparicũ irigupu mata ñaidija wabu. ²⁰ Irigu eropa wacũ iarã, gua iigu buherã ihamaria wabu.

—¿Duhpiro mata irigu ñaidija wahãri? arĩ serëpibu Jesure.

²¹ Jesu yuhrimi:

—Ire guñaque mua. Goãmure òaro guñatura umupeoque. “Diaye ta eropa ta iigucumi iigu,” arirã, “Goãmu iisome,” arĩbirã, yahu irigure iidiro dopa ta iimasirãca mua sã. Eropirã irigure yu sirdorediro dopa ta turo diasarire doremasirãca mua Goãmure guñatura umupeorã. Irigu utãgu sãre “Dua aĩ, wuariyague cóadigu arĩporo,” Goãmure mua aricũ irigu utãgu dija waroca. ²² Goãmu irigu diague dijacũ iigucumi. Goãmure mua umupeocũ, “Yu serëro dopa ta eropa waroca,” mua arĩ guñacũ, mua serëdiro dopa ta Goãmu iigucumi, arĩmi Jesu.

Jesure doredigure serëpiñuma pahia oparã, masare buherã, murã mera
Mr 11.27-33; Lc 20.1-8

²³ Eropi Goãmu wihigue dujaja buhemi iigu. Igu eropa buhecũ pahia oparã, masare buherã, murã mera iigu pohrogue eraa serëpima:

—¿Noa doreri mera ire eropa iigu iiri muhu? ¿Noa mure Goãmu wihigue arĩnirãre cóadoreari? arĩ serëpima erã.

²⁴ Erã eroparicũ Jesu yuhrimi:

—Muare yuhu sã serëpigura. Òaro mua yare yuhricũ yu sã muare yuhri gamegara.

²⁵ ¿Ñu masare iigu waĩyecũ noano igure waĩyedoremuriyuri mua pepicũ? ¿Goãmu doreyuri? ¿O masapu doremuriyuri mua pepicũ? arĩ serëpimi Jesu erãre.

Igu eroparicũ erãpu erã basi game wereniguima:

—¿Dohpa arĩ yuhrirãcuri mari? “Goãmu Ñure doreñumi,” mari aricũ, “¿Goãmu Ñure iigu dorequerecũ ta duhpirã iigu wererare peebirari mua?” arĩbocumi Jesu marire.

²⁶ Oã masapu “Diaye ta Ñu Goãmu yare weremuhtadigu arĩmi,” arĩ pepima erã. Erã eropa pepirã “Ñu iigu waĩyecũ Goãmu iigure dorebirĩñumi,” mari aricũ peerã masapu guarãcoma mari mera, arĩma erã erã basi. ²⁷ Erã eropa arĩ werenigui amura puhru Jesure yuhrima erã.

—Ñure waĩyedoredigure gua masibea, arĩma erã.

Erã eroparicũ peegu òpa arĩmi Jesu:

—Irisubu tamerare yu sã mua serëpirare werebeaa muare. Yu iirire doregure werebeaa muare, arĩmi iigu erãre.

Yujugu porã iira queorire wereñumi Jesu

²⁸ Īgu eropa arĩa puhru Jesu queori moa werenemomi erãre:

—¿Dohpa arĩ pepirãcure yu òpa arĩ werecũ? arĩmi Jesu erãre. Perã pagu árĩñumi. Tĩgũpũre òpa arĩñumi erã pagu: “Mahgu, pohegue mohmegũ waque,” arĩñumi. ²⁹ “Wabeaa,” arĩ yuhiririñumi ĩgu magũ negohrare. Eropa arĩqueregu ta puhũguere pohegue wadiariñe árĩyoro daja ĩgure. Eropigu wañumi ĩgu. ³⁰ Eropigu erã pagu ĩgu magũ dahyagu pohrogue eja, ĩgu tĩgure ĩgu arĩdiro dopa ta pohegue wadoreriñumi. “Áu,” arĩriñumi dahyagũ. Eropa arĩqueregu ta wabiriñumi ĩgu. ³¹ ¿Nihinopũ ĩgu pagu ĩgu dorediro dopa ta iiyuri? arĩ serẽpimi Jesu.

—Īgu tĩgũpũ iĩñumi, arĩ yuhrima erã.

Erã eroparĩcũ Jesu weremi:

—Mũare diaye arĩgu tiiaa. “Ñetariarã áhrima,” mua arĩnirãpu Goãmu opu ĩgu árĩrogue mua wabodiro árĩquerecũ ta erãpu warãcoma. ³² Ñu waĩyeri masũ buhegu arigu mũare “Óaro iirã árĩque,” arĩ wererimi. Eropa ĩgu werequerecũ ta ĩgure peebiribu mua. Eropirã ĩgu dorerire yuhribiribu. Erã ñerã árĩnirãpu wajasea corerãpu, nome ñero iiricunirãpu ĩgure peenirã árĩma. Erã eropa pee gohrotorare ĩabu mua. Mua eropa ĩaquererã ta mũapũ ne gohrotodiabirabu. Eropirã peebirabu mua, arĩmi Jesu pahia oparãre, murã sãre.

Ñerã mohme corerã queorire wereñumi Jesu

Mr 12.1-12; Lc 20.9-19

³³ Eropi Jesu dipaturi ĩgu pepiri mera òpa arĩ queorire moa erãre buhenemomi:

—Gajisubu mũare werenigui queoriñere yu werecũ peeque daja, arĩmi. Yeba opu árĩñumi. ĩgu ya pohere iguidarire oteñumi. Otetuha, sãrĩrore nugu, iguire erã caħra bujuburi gobere seañumi. Pohe decogue umari wihigã sãre iĩñumi ihadibumaja òaro. Eropigu gajirãre ĩgu ya pohe deco mera apiñumi erã mohme corera waja. Eropigu iri pohere erãre mohme credoretuhaja gaji yebague waha wañumi ĩgu. ³⁴ Igui ñirisubu árĩcũ opu ĩgu pohro majarãre ĩgu ya pohe mohme corerã pohrogue obeoñumi. Pohe maja ĩgu oteri dũcare ĩgu ya sero maja dũcare aĩdoregu obeoriñumi. ³⁵ Eropirã pohere mohme corerãpu ĩgu pohro majarãre ñero iĩñuma. Yujugũre turaro paa, gajigũre wejẽ, gajigũre utã mera deañuma. ³⁶ Puhru pohe opu dipaturi ĩgu pohro majarãre ĩgu obeomuhtanirã tauñariro árĩri curu majarãre obeoriñumi daja. Eropirã pohere mohme corerã muraro ta iĩñuma erã sãre daja.

³⁷ “Eropigu ĩgu obeotudigu ĩgu magũ árĩñumi. “Yu magũpũre umupeorãcoma,” arĩgu ĩgure obeoriñumi. ³⁸ ĩgu eropa arĩ pepiquerecũ ta pohere mohme corerã ĩgu magũ ĩgu aricũ ĩarã, òpa arĩñuma: “Pohe opu magũ ahrimi ĩgu. ĩgure wejẽ cóacãrã mari. Eropiro i pohe mari ya pohe dujaroca,” arĩriñuma erã basi. ³⁹ Eropa arĩrã ĩgure ñeha pohe tũroge aĩgã, wejẽcãñuma erã ĩgure, arĩmi Jesu erãre. Eropa arĩtuhaja Jesu erãre serẽpimi:

⁴⁰ —¿Pohe opu arigu dohpa iigucuri ĩgu ya pohere mohme corerãre? arĩ serẽpimi Jesu pahia oparãre, murã sãre.

⁴¹ —Īgu gajirãre pohere mohme coremorãre gohrotogũcumi. Árĩmuhtanirãre ñetarianirãre wejẽgũcumi. ĩgure dũcare queoro wiamorãpũre mohmedoregũcumi, arĩ yuhrima erã.

⁴² Erã eroparĩcũ Jesu werenemomi erãre:

—¿Goãmu yare erã gojarapũ ire yũre ĩgu arĩ gojarare buhebiriri mua?

Ihĩ Cristo utãye iro dopa ta áhrimi. Masa Cristore gamebirãcoma. Erã gamebiriquerecũ Goãmu ĩgure beye opu acumi. Goãmũpũ irire iimi. ĩgu eropa iicũ ĩarã “Óataria,” arĩ pepia mari, arĩ gojañuma iribojegũre.

¿Iriire ne buhebiriri mua? ⁴³ Eropigu mũare arĩgu tiiaa yuhũ. Goãmu ĩgu dorerire iirã ĩgu òari orire opaboya mua. Mua iibiricũ ĩha gajirãpũre ogũcumi Goãmu. Gajirã masapũ ĩgu dorero dopa ta iirãcoma. ⁴⁴ Yũre gamebirãpũ yu dipuwaja moamorã ñero tarirãcoma, arĩmi Jesu pahia oparãre, murã sãre.

⁴⁵ Iri pohe opu queorire ĩgu arĩcũ peerã, “Īgu iri queori mera Ñerã mohme corerã iro dopa áhrima,” marire arĩgu weresãgu iicumi ĩgu,” arĩ pepiñorã erã. ⁴⁶ Eropa arĩ pepirã, ĩgure ñeadiariñorã oparãpu. Masapũ Jesure umupeo “Goãmu yare weremuhtadigu áhrimi ĩgu,” arĩmuriñorã erã. Erã eropa arĩrã árĩcũ pahia oparã sã masare giirã, Jesure ñeabiriñorã.

22

Wuari bosenu queorire wereñumi Jesu

¹ Eropi dipaturi gaji queori mera eräre buhenugami Jesu:

² —Umara majagu İgu opu ariri werediacy i queori iro dopa ahraa. Yuju yeba majagu tauro opu arinumi. Eropigu İgu magu ya ariburi bosenu iinumi. İgu mojoto diriri bosenu arıyoro. ³ Eropigu opu İgu pohro majaräre bosenu İarä arimoräre sihudore obeorinumi. Eräpu aridiabirinuma. ⁴ Eropigu gajiräre sihudoregu obeorinumi daja İgu pohro majaräre. “Yu sihubeoräre öpa arı wereque. ‘Mari baburire iituhama. Wecuarä, wecuarä öaro diicuräre wejë amutuhajama. Eropiro arıpehreri bosenu majare iituhajama. Eropirä bosenu majare barä arique,’ arı wereque eräre,” arı obeorinumi İgu opu İgu pohro majaräre. ⁵ Erä eropa werera puhru İgu sihubeonirä eropa pepicänuma. Bosenure İarä wabirinuma. Yujugu İgu pohregue waha, wañumi. Gajigu İgu mohmerire İagu wañumi. ⁶ Gajiräpu İgu pohro majaräre eräre wererä eraniräre ñeha, eräre ñero iinuma. Eropii wejëcänuma. ⁷ Erä eropa iicü peegu, opu guañumi. Gua, erä eropa wejëra dipuwaja dipuwaja moadoregu İgu surarare obeonumi. Eropirä surara eräre wejëpehocä, erä ya macare soecänuma. ⁸ Erä eropa İira puhru, opu İgu pohro majaräre öpa arinumi: “Bosenu majare amutuharama. Yu sihumhtanirä yu bosenure İabonirä aribeama. Ñerä ahrima erä. ⁹ Eropirä macare wari marigue mua bocajaräre bosenure İamoräre sihuque,” arinumi İgu İgu pohro majaräre. ¹⁰ İgu eroparicü İgu pohro majarä marigue waha, arıpehrerä erä bocajaräre, ñeräre, öaräre wereñuma. Erä eropa sihura puhru ejañuma erä bajarä. Öaro bosenu erä İiri taribure masa ujuturitaria wañuma.

¹¹ “Ero erä doacy opu yujugare mojoto diririnü majañe suhriro sañabigure İañumi. ¹² “Ne, acaweregu, İduhpigu mojoto diririnü majañe suhrirore sañabiriqueregu ñajarari muñu?” arı serëpinumi opu. İgu eropa serëpicü masupu werebirinumi. ¹³ İgu eropa werebiricü İagu İgu pohro majaräre öpa arinumi opu: “İre ñeha İgu mojotorire dirique. İgu guburi säre dirique. Dirituha aı wiria, disiporogue İgure cöäque. Erogue İgu turaro ore, bujawereri mera gacuri cüridihugacumi,” arinumi opu, arı weremi Jesu.

¹⁴ İgu eropa arıra puhru öpa arıtumi İgu:

—I queori wadiro dopa ta Goämu bajarä masa İgu sihubeonirä arıquererä ta bajamerägä İgu mera dujaräcoma, arı weretumi Jesu.

Oparä ya wajare wajayeburire gajirä serëpinuma Jesure

Mr 12.13-17; Lc 20.20-26

¹⁵ İgu eropa arıra puhru fariseo masa waha, İgure weresäburire erä basi wereta-muñorä erä. Erä İgure baja serëpiri mera eräre İgu gajiropa yuhricü weresämorä İiriñorä. ¹⁶ Eropirä erä mera majaräre, Herode ya curu majarä säre, Jesure serëpidorerä obeonorä. Eräpu gua pohrogue eraa, Jesure serëpima:

—Buhegu, diaye wereniguigu guyarı marıgu mü aricü masia gua. Eropigu opu aricü säre bu arıgu İgu aricü säre muñu yujuropa İhaa. Eropigu Goämu yare diaye mü werecü säre gua masia. Masa suacy säre erä suabiricü säre queoro werea. ¹⁷ Eropigu guare wereque. İRoma majarä arıpehrerä tauro opu arıgure gobierno majare marire wajayero gahmeri mü pepicü? İMari doreripu irire wajayedoreri? arı serëpima Jesure.

¹⁸ Jesupu erä İgure ñero weresädıarire masıgu öpa arı yuhrimi:

—Guyaricurä ahraa mua. İDuhpirä yu ñero wereniguicü peediari mua? ¹⁹ Dohparägä niyerusere oparä yare wajayeburısere arique. Irisere İarä, arımi İgu.

İgu eroparicü peerä niyerusere aİgärıma erä. ²⁰ Erä irisere aı eracü İagu İgu serëpimi eräre:

—İNihino gohra masu waıçugu tuhyari irisere? İNoa waı tuhyari? arı serëpimi İgu.

²¹ —César waıçugu masa tauro opu masu İgu waı sä tuhyami iriseguere, arı yuhrima erä.

Erä eroparicü peegu Jesu weremi:

—İrisubu tamera masa tauro opu yare İgure oque. Goämu yare Goämupare oque, arımi Jesu.

²² İgu eroparicü peerä, pee uca wa, waha wama.

Saduceo masa Goämu İgu siriniräre masurire serëpinuma Jesure

Mr 12.18-27; Lc 20.27-40

²³ Eropi irinū ta yujurāyeri saduceo masa Jesure ĩarā erarā gua pohrogue erama. Saduceo masa “Goāmū sĳirinirāre masusome,” arĳ pepirā arĳma. Eropirā ōpa arĳma erā ĳĳure:

²⁴ —Buhegu, ōpa arĳ gojañumi Moise: “Yujugu ĳĳu tĳĳu marapocĳu porā mariqueregu ta ĳĳu sĳricū ĳĳu pagu magure ĳĳu tĳĳu marapo arĳdigore marapocuro gahmea. Eropĳgu ĳĳu tĳĳu mura ĳĳu porācubodiro dopa ta porācuro gahmea ĳĳu pagu magure. Eropirā ĳĳo porā ĳĳu tĳĳu mura porā iro dopa ta arĳrācoma,” arĳ gojañumi Moise, arĳma erā saduceo masa.

²⁵ ĳire eropa arĳ weretuha i queorire werenemoma erā Jesure:

—Yujugu porā siete gohra arĳñorā. Erā tĳĳu marapoc, porā marĳgu ta sĳria wapu. Eropĳgu gajĳgu ĳĳu pagu magu sā ĳĳu tĳĳu mura arĳdigore marapocapu. ²⁶ ĳĳu eropa marapocura puhru ĳĳu sā ĳĳu tĳĳu mura iro dopa ta porā mariqueregu ta sĳria wapu. Eropĳgu ĳĳu pagu magu ĳĳu tĳĳu mura iro dopa ta porā mariqueregu ta sĳria wapu. Eropa dihta wañorā yujugu porā gohra. Ne porā mariquererā ta sĳripehrea wañorā erā. ²⁷ Erā marapo sā erā puhru sĳria wapo pare, arĳ ōpa serēpima Jesure: ²⁸ ĳNe, Goāmū arĳpehrearē ĳĳu sĳrinirāre masucū nihino marapo arĳgocuri ĳĳo? Erā siete arĳpehrearē ĳĳore marapocunirā arĳñorā. ĳEropĳgo nihino marapo gohra arĳgocuri ĳĳo? arĳ serēpima erā.

²⁹ Jesu yuħrimi erāre:

—Goāmū yare erā gojarapū werenĳuirire ne masibea mūa. Eropirā Goāmū ĳĳu turari sāre ne masibea mūa. Eropiro mūa pepirĳu ne diaye arĳbeaa. ³⁰ Sĳrinirā erā masa muriara puhru erā anyua iro dopa āħrima. Erā ųma nome mera marapocubeama erogure. ³¹ Sĳrinirā mura erā masa muriaboropure weregura. ĳGoāmū irĳbojegue ĳĳu arĳrare ne buhebiriri mūa? Ōpa arĳñumi ĳĳu: ³² “Yuħu Abrahā, Isaa, Jacobo erā opu āħraa,” arĳ wereñumi Goāmū irĳbojegue. Erā sĳrira puhrugue “Erā opu ta āħraa,” arĳ wereñumi Goāmū. Eropirā erā sĳrinirā mura ĳĳu masunirā arĳrā erā ojocarirā āħrima, arĳmi Jesu.

³³ ĳĳu eropa arĳ buhecū peerā bajarā masa pee ųca wama.

Ōtariariñere doreriñere wereñumi Jesu

Mr 12.28-34

³⁴ Eropi saduceo masa Jesure erā yuħrimasibiricū peerā, fariseo masapu gua pohrogue gamenerema daja. ³⁵ Eropĳgu erā mera majagu, masare buheguu Jesu ĳĳu ñero arĳcū peediagu gūya serēpirimi ĳĳure.

³⁶ —Buhegu, ĳGoāmū ya doreri ōtariaro dorerĳu diñe dorerĳu āħriri? arĳ serēpimi ĳĳu.

³⁷ Jesu ĳĳure yuħrimi:

—“Burĳgā mūa sĳporā mera, mūa turari mera, mūa ōaro guñari mera Goāmure mūa Opure mahique,” arĳmi Goāmū. ³⁸ ĳñe doreriñe ōtariariñe āħraa. ³⁹ ĳñe doreriñe puhru gajĳñe doreriñe sā ōtaria: “Mū basi mahiro dopa ta mū pohro arĳrā sāre mahique,” arĳmi Goāmū. ⁴⁰ ĳñe peñe doreriñere ĳrā arĳpehreri gajĳ dorerire ĳpehorā ĳiaa mari. Goāmū yare weremūhtanirā irĳbojegue erā gojara sāre ĳrā ĳiaa mari eropa ĳrā, arĳ weremi Jesu.

ĳNoano acaweregu āħriri Cristo? arĳ serēpi ĳañumi Jesu

Mr 12.35-37; Lc 20.41-44

⁴¹ Eropi fariseo masa ero gamenererā erā arĳcū Jesu erāre serēpimi:

⁴² —“Cristo mari Pagu ĳĳu obeodĳu āħrimi,” arāa mūa. ĳNihino āħriri ĳĳu ñecu irĳbojegue majagu, mūa pepicū? arĳmi ĳĳu.

—Cristo Davi mura pārami arĳĳucumi, arĳ yuħrima erā.

⁴³ Jesu weremi:

—ĳDaviu Cristo ñecu arĳqueregu ta duhpĳu opuaturĳyuri Cristore? ĳDuhpĳu eropa opuadoreyuri Espĳritu Santo ĳĳure? Ōpa arĳñumi Davi mura:

⁴⁴ Goāmū yu opu ōpa arĳmi: “Ohō yu diayeru dorebu doaque. Eropĳgu mure ĳaturirāre mure tarĳugabasagura yuħu mū pohro majarā dopa arĳmorāre,” arĳmi Goāmū yu opu, arĳ gojañumi Davi mura.

⁴⁵ Eropa arĳ gojagu ta Davi mura opuĳñumi Cristore. Cristo Davi mura opu āħrimi. ĳEropĳgu Davi mura Cristo ñecu arĳqueregu duhpĳu opuĳyuri Cristore? arĳ weremi Jesu.

⁴⁶ ĳĳu eropa arĳ werecū erā ĳĳure ne yuħrimasibirima. Eropirā irĳpeta serēpi duħucāma erā ĳĳure. Eropirā ĳĳure guirā dipaturi serēpi ĳabirima ĳĳure pare.

23

*Masare buherā, fariseo masa sã erã ñero iirire wereñumi Jesu
Mr 12.38-40; Lc 11.37-54; 20.45-47*

¹ Eropi masa bajaräre gaa säre Jesu weremi daja.

² —Masare buherā, fariseo masa sã Goãmũ doreri Moiserere ïgũ apirare wererã ährima erã. ³ Erã eropa wererã áricũ muare erã dorerare iipehoque mua. Eropa iiquererã ta eräre ihacũbiricãque mua. Erã buhero dopa ta iibeama erã. ⁴ Masare baja dorema erã bocafubiririre. Eropa dorequererã ta erã dorero dopa ta masa erã iimasibiriquerercũ ïarã eräre itamubeama.

⁵ Masa erã ïacũ dihta õaro ii ïhmuma erã. Goãmũ yare erã gojarapũri erã duhsãri comogãre pagañari comogãre erã diaporire dirituma masare eräre ïadorerã. Erã dũca säre dirituma iri comogãre. Eropirã erã suhri säre gajirã ya tauro yoari áriñiñe ahmu sañama, “Gua Goãmũre umupeotaria,” arĩ ïadorerã. ⁶ Eropirã bosenuri áricũ oparã erã doarigue doadiama. Eropirã mari buheri wirigue säre õari doari dihtare doadiama erã. ⁷ Eropirã doberi duarogue gajirã õaro umupeiõari mera eräre bocatĩri serẽcũ gahmema erã. Eräre “Buhegu,” arĩ piyucũ gahmema.

⁸ “Muapũre “Buhegu,” arĩ gajirã piyucũ iibiricãque. Mua áripehrerã yuju curu majarã ähraa. Eropigu muare buhegu yũhu yujugu ta ähraa. ⁹ Eropirã i yeba majaräre “Mari pagu,” arirã eräre umupeiõari iica. Ne eropa arĩ iibiricãque. Õmaro majagu dihta mari pagu ährimi. ïgũ dihtare umupeiõari gahmea marire. ¹⁰ Eropirã masure “Opũ,” arĩbiricãque. Mua opu yũhu Cristo yujugu ta ähraa. ¹¹ Pohro majagu iro dopa muare itamugu ïgũ ta árigũcumĩ opu áribũ. ¹² Yujugu opu árdiagu docanugaja áricorecãro gahmea. Eropigu docanugagu “Bu árigũ ähraa yũhu,” arĩ pepigu ïgũ ta árigũcumĩ opu áribũ, arĩ weremi Jesu.

Judio masare buherã, fariseo masa mera erã gũyarire wereñumi Jesu

¹³ ïgũ eropa arĩra puhũra eräre werenemomi:

—Mua masare buherã, fariseo masa sã ñero tarirãca. Gũyaricurã ähraa mua. Gajiropa mua arĩ buhecũ peerãpu Goãmũ ïgũ opu árfroguere wasome. Mua sã eroguere wasome. Eropa arĩ buherã eroguere wadiaräre cãhmotaa mua.

¹⁴ “Mua masare buherã, fariseo masa sã ñero tarirãca. Gũyaricurã ähraa mua. Wapeweyarã nome erã wajamocũ iha erã ya wirire emacãa mua erã nomere. Eropa eräre mojomoro ïabiriquererã masa erã ihuro yoari boje Goãmũre serẽ ïhmuraa mua masare. Mua eropa iira dipuwaja gajirã tauro dipuwaja moagũcumĩ muare.

¹⁵ “Mua masare buherã, fariseo masa sã ñero tarirãca. Gũyaricurã ähraa mua. Wũariyague taribuja, yoaro maja macarigue wahaa mua muare dorerire iibure omarã. Mua dorerire iibure boca, igure buhea. Mua eropa iicũ igũpũ mua tauro ñero iinugagũcumĩ. Eropirã igũre peamegue wabu áricũ iiaa mua.

¹⁶ “Mua ñero tarirãca. Cuiõari ihajabirã erã ihajabiro dopa ta masibirã ähraa mua. Eropa áriquererã ta gajirãre buheraa mua. Õpa arĩ buheraa mua: “ ‘Goãmũ wihi mera iigũra,’ arĩ waĩpeogu ïgũ arĩdiõo dopa ta iibiricũ õaroca,” arĩ buheraa mua. “ ‘Goãmũ ya wihi maja oro mera iigũra,’ arĩ waĩpeodigũpũre ïgũ arĩdiõo dopa ta ii ojogorocuro gahmea,” arĩ iri säre buheraa mua. ¹⁷ Cuiõari ihajabirã erã ihamasibiro dopa ta masibirã ähraa mua. Pee masibirã ähraa. ¿Dinopũre umupeiõari gahmeri? Oreõore umupeiõaricãro gahmea. Goãmũpũ iri oreõore ïgũ ya wihi áricũ õari iimi irire. Eropirã ïgũ ya wihipũre umupeiõari gahmea muare. Eropiro mua buheripũ queoro wabeaa. ¹⁸ I säre buheraa mua: “ ‘Goãmũ wihi maja mesa mera iigũra,’ arĩ waĩpeodigu ïgũ arĩdiõo dopa ta ïgũ iibiricũ õacãroca,” arĩ buheraa mua. “ ‘Iri mesa weca mari aĩgã apira ta mera iigũra,’ arĩ waĩpeodigũpũre ïgũ arĩdiõo dopa ta ii ojogorocuro gahmea,” arĩ buheraa mua queoro buhebirã. ¹⁹ Cuiõari ihajabirã erã ihamasibiro dopa ta masibirã ähraa mua. ¿Dipu iri gohra ähriri mua pepicũ? Goãmũre masu ïgũ ora mura iri gohra áribiriñaria. Iri mesa weca Goãmũre ïgũ ocũ, õari wahaa iri mesa weca áriõri. Eropiro iri mesa bu áriõri mesa áriõbeaa. Goãmũre erã ora weca tauro õari mesa ähraa. ²⁰ Eropigu “Goãmũ wihi maja mesa mera iigũra,” yujugu arĩ waĩpeogu, iri mesa weca apira mera ïgũ eropa arĩgũ iicumi. Eropiro mua buheripũ queoro wabeaa. ²¹ Goãmũ ïgũ ya wihi majagu ährimi. Eropigu “Goãmũ wihi mera eropa iigũra,” arĩ waĩpeoguõũ diaye ta Goãmũ waĩ mera eropa arĩgũ iicumi. ²² Goãmũ umaro majagu ährimi. Eropigu “Õmaro mera iigũra,” yujugu arĩ waĩpeogu, Goãmũ mera ta eropa arĩgũ iicumi. Eropiro mua buheripũ queoro wabeaa.

²³ “Mua masare buherã, fariseo masa sã ñero tarirãca. Gũyaricurã ähraa mua. Bari sãricũ iirisarire menta, anis, comina waĩcurisarire aĩ deara puhũra diez quẽri iiaa.

Eropa iira pührü yujuquē ta aīgā apia Goāmü wihigue Goāmü dorerire iimorā. Múa eropa iri dorerire iiquererā ta taurō ðaro iirire guñabeaa müa. Diaye iirire, mojomoro iarire, Goāmüre umupeorire ne guñabeaa müa. Dücare müa aĩrare merogā Goāmü wihire apicü ðhaa. Eropa iirā ðpa iinemoque: Diaye iirire, mojomoro iarire, Goāmüre umupeorire iique. ²⁴ Cuiiri ihajabirā erā ĩabiro dopa ta diaye majare masibirā āhraa müa. Ōpa iiaa müa. Múa dorerire iidorerā ārĩpehrerire ðaro iidiaa yujuñegā duhyaro mariro. Múa eropa iiquererā ñeripure duhubea.

²⁵ “Múa masare buherā, fariseo masa sã ñero tarirāca. Guyaricurā āhraa müa. Múa dorero dopa ta müa soroparire, müa ihriri parire müa coewea müa ðarire ii ihmurā. Eropā coequererā ta müa siporāripure coebaa. Eropirā müa ārĩricurire müa pepiripure ne ðarire gohrotobea. Gajirā yare yajadiarā, müa basi dihta pagarire aidiarā ārĩrā, eropa dihta pepia müa. ²⁶ Cuiiri ihajabirā erā ihajabiro dopa ta masibirā āhraa müa fariseo masa. Múa pepirire gohrotomuhtaque müa. Eropirā ðaripure iique. Múa eropa iirā masa erā ĩhuro sãre ðarā gohra ārĩrāca pare müa.

²⁷ “Múa masare buherā, fariseo masa sã ñero tarirāca. Guyaricurā āhraa müa. Masa comorore boreri mera erā sũhuma. Eropirā masa iri comorore erā ĩacü ðari comoro dehyoa. Iri comoro eropa ðaro deyoquerecũ ta, poheca majague ĩgu boara gõariguere ĩaya mara. ²⁸ Eropa ta müa sã masa erā ĩhabeoro ðarā dehyoa müa. Eropa ðarā deyorā müa ārĩquerecũ ta müa pepiriguere ñeri guyaricurā ārĩtariacãa boanirā iro dopa, arĩ weremi Jesu.

Judio masare buherā, fariseo masa sãre ĩgu dipuwaja moaborore wereñumi Jesu

Eropa arĩtuhaja ðpa arĩnemomi daja:

²⁹ —Múa masare buherā, fariseo masa sã ñero tarirāca. Guyaricurā āhraa müa. Goāmü yare weremuhtanirā iribojegue majarā erā masa goberire ðaro amuraa müa. Eropirā iribojegue majaräre ðaro iinirā murare erā wéanugunirā murare ðaro amuraa müa. ³⁰ Eropa iirā ðpa arĩ wereniguiraa müa: “Iribojegue mari ñecu sumará murague erā iidiro dopa guapũ iibiriboya,” arĩ wereniguiraa müa. ³¹ Eropa arĩrā ārĩrā, müa ñecu sumará mura Goāmü yare weremuhtanirā murare erā wejēnirā erā árĩcũ wererā iica. Erā wejēnirā pãramerā müa árĩri sãre müa basi weresãrā iica müa. ³² Múa ñecu sumará mura iidiro dopa ta ii ojogorocaque.

³³ “Añaa iro dopa ñerā āhraa müa. Añaa porā iro dopa āhraa müa. Goāmü müa ñeri dipuwajare ĩgu peamegue ĩgu cóãboro core duhrimasibea müa. ³⁴ Eropigu Goāmü yare weremuhtaräre, gajirā masiräre, gajirā muare buhemoräre müa pohro obeogura. Yũ eropa obeocũ muapũ yujuräyeri eräre wejērāca. Gajiräre crusague pabiarāca. Gajiräre müa buheri wirigue tãrarāca. Eräre macari ñecu nurusiarāca. ³⁵ Múa eropa iirā ārĩpehrerā ñeri mariräre müa wejēra dipuwaja dipuwajacurāca. Abel muräre Caĩn ĩgu wejēra dipuwajare dipuwajacurāca muapũ. Árĩpehrerā ĩgu pührü árĩniräre ðaräre erā wejēra dipuwaja sãre dipuwajacurāca müa sã. Eropirā Goāmü wihi pohro waimuräre müa soeburi mesa pohro Zacariare müa acawererā mura wejēñorā. ĩgu Berekias magu árĩpu. Eropirā ĩgu sãre erā wejēra dipuwaja dipuwajacurāca müa. ³⁶ Diaye muare weregu ta iiaa. Erā ārĩpehreräre erā wejēra dipuwaja dohpague majarā dipuwajacurācoma, arĩ weremi Jesu.

Jerusalén majaräre bariğā bujawereñumi Jesu

Lc 13.34-35

³⁷ Eropa arĩtuhaja ðpa werenemomi Jerusalén majaräre bujawere ĩagu:

—Múa Jerusalén majarā, müa acawererā mura Goāmü yare weremuhtaniräre wejēmurinirā árĩma. Eropirā Goāmü obeoniräre, utã mera deamurinirā árĩma. Cãreña büro igo igo poräre igo quēdupuri mera igo coã oyaro dopa ta bajasuburi opadiarabu muare. Muapũ irire ne yare gamebirabu. ³⁸ Dohpaguere müa árĩri maca cóãra maca árĩroca. ³⁹ Diaye muare arĩgu tiiaa. Pührugue dujariguca daja yũhũ. Eropa yũ dujaricũ ĩarā müa yare “Goāmü turari mera arĩgu ðaro ariporo,” arĩrāca. Yure müa irire arĩboro core, dipaturi yare ĩasome müa, arĩmi Jesu.

24

Goāmü wihi cóãra wihi árĩroca arĩñumi Jesu

Mr 13.1-2; Lc 21.5-6

¹ Eropi Goāmü wihire Jesu ĩgu wiriara pührü gua ĩgu buherā iri wihi maja wirire ĩarā,

—Ōtariari wiri āhraa. ĩaque mü sã, arĩbu gua ĩgure.

² Jesu yáhrimi:

—I wihi majare dohpaguere íaraa mua. Mũare weregũ tíaa. I wihi árípehreri mua íara i utã sã cohmopehrea waroca. Ne yujuye utãye dujasome, arĩmi Ígũ guare.

I umu pehreburiñere wereñumi Jesu

Mr 13.3-23; Lc 21.7-24; 17.22-24

³ Puhru Olivo waicudigu utãgugue eja, erogue doami Jesu. Ero ígũ doacũ gua ígũ buherã gua seyaro ígũ pohrogue eja serẽpiba.

—Wereque guare. ¿Dohpáricũ eropa warocuri mũ arĩdiro dopa waro? ¿Pehrerinu coregã mũ dujariboro coregã dohpa wanugacũ íarãcuri gua? arĩ serẽpibu gua.

⁴ Jesu yáhrimi:

—Óaro iiyuque mua. Eropirã gajirã mũare erã guyarire peebiricãque. ⁵ Bajarã masa “Cristo áhrraa yuhũ,” arĩ guyarã árrãcoma. Erã eropa guyacũ peerã bajarã masa Goãmu yare duhurãcoma. ⁶ Mũa pohrogã gajirã masa erã gamewejẽcũ peerãca mua. Eropirã yoarogue majarã erã sã erã gamewejẽcũ peebeorãca. Eropa peequererã ta ne wũaro irire pepibiricãque. Eropa ta wamũhtaroca. Eropa wacũ pehreburiñu dahyaniroca dohpa. ⁷ Irisubure yuju yeba majarã gaji yeba majarã mera gamewejẽrãcoma. Eropirã yujugu opu yarã gajigu opu yarã mera gamewejẽrãcoma. Eropirã masa bajarã oa mera sirirãcoma. Gajirã dorecu ñero tarirãcoma. Eropiro bajasuburi i yeba ñohmeroca. ⁸ Eropa ñero tariquererã i yeba majarãre tauro erã ñero tariboro dahyaa dohpa. Ñero tarinirãcoma dohpa.

⁹ “Irisubure gajirã mũare ñeha ñero iidorerã orãcoma mũare gajirã oparãre. Erã eropa ocũ mũare wejẽrãcoma. Yaharã mua arĩri dipuwaja árípehrerã mũare íhaturirãcoma. ¹⁰ Irisubure bajarã yaharã arĩnirã yare cóarãcoma. Eropirã erã mera majarãre Jesu yarãre erã íhaturirãcoma. Eropirã erã mera majarã erã áríquerecũ ta íhaturirãcoma. Eropirã erã mera majarã erã áríquerecũ ta erãre ñero iimorãre erãre orãcoma. ¹¹ Irisubure bajarã “Goãmu yare weremũhtarã áhrraa,” arĩ guyarã árrãcoma. Eropirã bajarã masa erã guyarire peerã árrãcoma. ¹² Irisubure ñetariaro iirãcoma masa. Eropirã erã mera majarãre mahinemosome. ¹³ Eropirã mũare erã ñero iiquerecũ ta mũare erã ñero iirare yujuro bojerã yare duhubiricũ Goãmu mũare taugucumi. Eropigu ígũ pohrogue mũare opagucumi. ¹⁴ Eropiro i ðari buheri árípehreroguerẽ i yebaguere erã wereburi buheri árrãroca. Goãmu ígũ opu arĩrĩre árípehrerãre wererãcoma árípehrerã iri buherire erã masiboro dopa. Eropa werera puhru pehreburiñu nũgaroca.

¹⁵ “Ñetariagu Goãmu yare goroweogu aribure weremũriñumi iribojegue Daniel mũaru Goãmu yare weremũtadigu. Irisubure ígũ ñetariagu Goãmu wihigue ígũ niguicũ íarãca mua. (Irire buhegu peeporo.) ¹⁶ Ero ígũ niguicũ íarã, Judea yeba árrãpu utã yucugue oma duhriporo. ¹⁷ Irisubure masa ñero tarirãcoma. Eropirã yojaro mera duhrirã waporo. Irisubure erã wiri weca maja puurigue arĩrã wihi pohecague erã yare aĩrã ñajabiricãporo. ¹⁸ Eropirã irisubure gajirã erã poerigue arĩrã erã ya suhrire wihigue arĩri suhrire aĩrã pihabiricãporo. ¹⁹ Irisubure nijiposã nome, erã porãre mihirãre oparã nome sã mojomorocurã nome dujarãcoma. ²⁰ Eropirã Goãmũre opa arĩ serẽque: “Puhiró arĩcũ gua judio masa soorinu arĩcũ sãre gua oma duhriburinu árbiricãporo,” arĩ serẽque mua Goãmũre. ²¹ Irinũrĩre masa ñero tarirãcoma. I yebare ígũ íhacũnugura puhru masa ñero tarimũriñuma. Iri eropa áríquerecũ ta árípehreri pũriri erã ñero taridiro tauro ñetariaro tarirãcoma masa pehreburiñu coregãre. Eropa ñero erã tarira puhru, dipaturi eropa ñero tarisome i yeba pare. ²² Eropigu Goãmũ irinũrĩre bajamenurigã arĩcũ iugucumi. Ígũ eropa iibiricũ ne yujugu masu taribiribocumi. Eropigu ígũ beyenirã erã tariborore bajamenurigã ñero tariburinũrĩre apigucumi Goãmũ.

²³ Irisubure gajirãre pee masi íaque: “Íaque. Ohõ áhrimi Cristo,” erã arĩcũ erãre peebiricãque. “Ero áhrimi Cristo,” erã arĩcũ sãre peebiricãque. ²⁴ “Cristo áhrraa,” arĩ guyarã, “Goãmũ yare weremũhtarã áhrraa,” arĩ guyarã árrãcoma irisubure. Eropirã Goãmũ ígũ beyenirãre guyarã, erã deyoro moarire ii íhmurãcoma. Goãmũ yare erãre cóacũ iidiarã iirãcoma erã guyari masa. ²⁵ I árípehrerire weryumũhtaa mũare iri eropa waboro core. Eropirã ðaro pee masiyuque mua. ²⁶ Gajirã masa mũare opa arĩcũ, “Masa marirogue áhrimi Cristo,” erã arĩcũ eroguerẽ íarã wabiricãque. Eropirã erã “Ohõ iri wihigue áhrimi ígũ,” erã arĩcũ sãre erãre peebiricãque. ²⁷ Yuhũ masu Goãmũ ígũ obeodigu guñaña mariro dujarigura. Bupu ígũ miacũ umarore, abe mũrĩrogue, abe ñajarogue yojaro mera ígũ miabeoro dopa ta eropa ta dujarigura yuhũ. ²⁸ Masa erã ñeri erã iiniguĩrogue erogue Goãmũ erãre erã ñeri dipuwaja dipuwaja moagucumi erãre, arĩ weremi Jesu.

Cristo i yebague igu dujariborore wereñumi igu

Mr 13.24-37; Lc 21.25-33; 17.26-30, 34-36

²⁹ Eropigu guare werenemomi:

—Masa ñero erã tariranuri puhru abe umu majagu, ñami majagu sã boyo duhurãcoma. Erã eropa wacũ necã dipu yuri dijariroca. Eropiro umaro maja sã yeba sã burigã ñohmeroca. ³⁰ Irisubu ta yuhu masu Goãmu igu obeodigu yu dehyoacũ masa ñarãcoma. Eropirã árĩpehreri cururi majarã orerãcoma. Eropirã yu turari mera, yu gosesiriri mera, umaro maja imica curu weca i yebaguere yu dujaricũ ñarãcoma masa. ³¹ Corneta busuroca. Eropigu yaharã anyuare árĩpehrero i yebaguere obeogura. Eropirã árĩpehrerogure yaharãre yu beyenirãre erã aĩ gameneorãcoma.

³² “Higueragu irigu waricurire masia mua. Irigu yucugu pũcucũ ñarã, “Bojori merogã duhyaa,” arĩ masia mua. ³³ Eropa ta irigu waro dopa ta masique mua. I árĩpehreri yu arĩra eropa wacũ ñarã, “Cristo dujariboro merogã duhyaa,” arĩ masique mua. ³⁴ Diaye arĩgu tiaa muare. Irisubu majarã erã sriboro core árĩpehreri yu arĩdiro dopa ta eropa waroca. Umaro i yeba sã pehrea waroca. ³⁵ Yu wereniguiripu ne pehresome. Árĩpehreri yu arĩdiro dopa ta eropa waha ojogorocãroca.

³⁶ “Irinãre yu dujariburinure, iri hora sãre masibea yuhu. Anyua sã irire masibeamã. Masa sã ne masibeamã. Yu Pagu dihta irire masimi.

³⁷ “Noẽ igu arĩrasubu majarã erã arĩdiro dopa ta i yeba majarã yu dujariboro coregã eropa ta arĩrãcoma. ³⁸ Yeba miriboro core masa baha, ihri, iĩnuma. Eropirã mojoto dirĩnuma. Noẽ sã erã wuadiru dohodirugue erã ñajaboro core muraro ta iimuririĩnuma masa. ³⁹ Mata turaro deco ahri, guñaña mariro yeba miria wayoro. Masa sã mirĩpehrea wañuma. Guñaña mariro ero miridiro dopa ta, yuhu masu Goãmu igu obeodigu i yebaguere guñaña mariro dujariguca. ⁴⁰ Irisubure yare umupeorãre beye gameneodoreguca. Eropigu poheguere perã mohmerã árĩcũ yujugure airãcoma yu mera árĩbure. Eropigu gajigu ero dujagucumi. ⁴¹ Irisubure nome perã nome erã yujuro erã ojodũcare erã biurã árĩcũ yujugure airãcoma. Eropigo gajigo ero ta dujagocumo.

⁴² “Oaro guñamasi coreque. Yuhu mua opu yu dujariburinure ne masibea mua. ⁴³ Ire guñaque. Yajari masu igu wihigue igu ñajaa igu yajaborore wihi opu masigu, iri ñamire igu carĩbiriboñumi yajari masure coregu. Eropigu yajari masure igu ya wihire ñajaridorebiriboñumi. ⁴⁴ Wihi opu igu ya wihire corero dopa ta mua sã yu ariburire core árĩque. Yuhu masu Goãmu igu obeodigu i yebare dujarigu guñaña mariro ariguca. Eropirã yahare eropa iiniguirã yare coreque, arĩmi Jesu.

Yujugu mohme coregu igu opãre ðaro umupeorire, gajigu igu ðaro umupeobiriri sãre wereñumi Jesu

Lc 12.41-48

⁴⁵ Eropi Jesu ðpa arĩ queorire moami buhenemobu:

—Mohme coregu igu opãre umupeogu pee masigu ðpa ta ahrimi. Opu curigu wagu, mohme coregure igu wihire apimi. Igu apigupu doregu árĩgucumi. Eropigu barisubu árĩcũ mohme coregu gajirã mohmeri masare barire gueremi. ⁴⁶ Eropigu opu igu ya wihi dujarami. Igu dujaracũ ñagu mohme coregu igu opu igu dorediro dopa ta ipehogu árĩgu, mucubirigu árĩgucumi. ⁴⁷ Diaye muare arĩgu tiaa. Igu eropa iicũ ñagu igu opu árĩpehreri igu yare ñhadibugu apigucumi igure. ⁴⁸⁻⁴⁹ Ñegu mohme coregupu ðpa ta ahrimi. “Yu opu yoja deyobeami,” arĩgu, gajirã mohme corerãre paa, wuaro baha, ihri, mererã mera meregucumi. ⁵⁰ Igu eropa iirisubu igu opu guñaña mariro dujaragucumi. Igu dujararinãre ne masibeami mohme corega. ⁵¹ Eropa dujaragu ñegu igu irare pee igure turaro dipuwaja moagucumi. Eropigu guyaricãrã erã warogue igure cóagucumi. Eroguere igu turaro ore, bujawereri mera igu gacuri cüridihugucumi, arĩmi Jesu.

25

Diez nome iira queori mera buheñumi Jesu

¹ Eropi Jesu dipaturi ðpa arĩ queorire weremi buhenemogu daja:

—Umaro majagu igu opu arĩri diez nome erã wadiro dopa ahraa: Diez nome arĩñuma. Yuju ñami erã, erã sihãgori dipuru mera mojoto diridigure bocatĩrãrã wañuma. ² Erã mera majarã nome cinco nome pee masibirã nome arĩñuma. Gajirã nomepu cinco nome pee masirã nome arĩñuma. ³ Pee masibirã nomepu erã sihãgori dipurure yu dicuri dipurure aĩquererã erã gohrotoburire aĩabiriñuma. ⁴ Pee masirã nomepu erã sihãgori dipurure dicuri dipurure aĩ gajĩ yu dipuru sãre erã gohrotoburire aĩañuma. ⁵ Eropirã mojoto diridigu igu yoja deyobiricũ erã nome waja pũricũ carĩa wañuma. ⁶ Eropiro ñami deco gaguinigu carĩñumi: “Peeque, mojoto diridigu arigu carimi. Igure bocatĩrãrã

arique," arī gaguiniguigū carīñumi. ⁷ Īḡu eroparīcū peerā erā nome wahgā, erā sihāgori dipurure amūñuma. ⁸ Eropirā pee masibirā nomeḡu, gajirā nomere pee masirā nomere ḡpa arīñuma: "Gūa sihāgori dipuru yariro iiaa. Eropirā merogā mūa ya ūyure oque ḡuare," arī serēriñuma erā nome. ⁹ Erā eropa arī serēquerecū ta pee masirā nomeḡu ḡpa yūhriñuma: "Gūa ya ūyū mūare ocū árīpehrerāre sihajabiriboca. Eropirā ūyū duarā pohro mūa basi asūrā waque," arī yūhriñuma pee masirā nomeḡu. ¹⁰ Eropirā pee masibirā nome asūrā wañuma. Erā eropa wara pūhrū mojoto diridigū erañumi. Īḡu eracū ĩha, erā amutuhanirā nome pee masirā nome ĩḡure bocatūriñuma. Īḡu mojoto diriri bosenuḡue ĩḡu mera ĩarā wañuma. Eropirā erā bosenu erā iri wihigū ñajara pūhrū, disiporore biacāñumi. ¹¹ Pūhrūḡue pee masibirā nomeḡu erariñuma. "Opū, ḡuare pāḡūque," arīriñuma erā nome. ¹² "Diaye mūare arīḡu tīaa. Mūare masibea yūhū," arīñumi ĩḡu erā nomere.

¹³ Yū dujariburinūre iri hora sāre ne masibea mūa. Eropirā pee masirā nome erā yare ḡaro amutuha erā coreديو dopa ta ḡarā, ñeri marirā āhri coreque mūa sā, arī weremi Jesu.

Niyeruseri oroseri queorire wereñumi Jesu

¹⁴ Eropa arī weretuha ḡpa arī queorire moa buhenemomi daja ḡuā sāre:

—Irisubu ya dujariburinū ĩḡu wihi opū iidiro dopa árīroca. Wihi opū árīñumi. Īḡu gajipūḡue curigū wagū, ĩḡure mohme corerāre sihubeoñumi. Eropigū erāre ĩḡu yare coredoḡeñumi. ¹⁵ Eropa coredoḡeḡu erā dibu masiroḡē erāre niyeruserire wajapagariserire oñumi. Yujugure cinco mil seri oroserire oñumi. Gajigure pe mil seri oñumi. Gajigure yuju mil seri oñumi. Erāre otuha waha wañumi. ¹⁶ Eropigū cinco mil seri ĩḡu odigū mata iriseri mera gajinore asūñumi. Īḡu asūra mera duḡu gajī cinco mil seri wajatanemoñumi ĩḡu. Eropigū diez mil seri mera dujañumi. ¹⁷ Eropigū pe mil seri ĩḡu odigū mata ĩḡu ora pūhrū ta iriseri mera gajinore asūñumi. Īḡu asūra mera duḡu gajī pe mil seri wajatanemoñumi. Eropigū wapicari mil seri opañumi. ¹⁸ Yuju mil seri ĩḡu odigūḡu gobe seha, iri gobegue dibuñumi iriserire dibugū.

¹⁹ "Pūhrū yoara pūhrū erā opū goerañumi. Eropa eragū ĩḡu niyeruseri mera erā wajatanemorare queobu ĩḡure mohme corerāre sihubeoñumi. ²⁰ Eropigū cinco mil seri ĩḡu odigū ĩḡu opū pohrogue eja, diez mil seri wiañumi ĩḡure. "Cinco mil seri yare ohabū muhū. Īañatagū. Iriseri mera gajī cinco mil serire wajatanemoabū," arīñumi ĩḡure. ²¹ "Ōaro iiaya muhū. Muhū ḡagū ya dorediro dopa ta iidigū āhraa. Eropigū dohpaguere wūaro mū mohmeborore apigūra. Eropigū ya mera mucubirique," arīñumi ĩḡu opū ĩḡure. ²² Eropigū pe mil serire aīdigū sā ĩḡu opū pohrogue eja, wereñumi ĩḡure: "Pe mil seri yare ohabū muhū. Īañatagū. Iriseri mera gajiseri pe mil seri wajatanemoabū," arīñumi ĩḡu. ²³ "Ōaro iiaya muhū. Muhū ḡagū ya dorediro dopa ta iigū āhraa. Merogāre ḡaro iiaya muhū. Eropigū dohpaguere wūaro mū mohmeborore apigūra. Eropigū ya mera mucubirique muhū," arīñumi ĩḡu opū.

²⁴ "Eropigū yuju mil serire aīdigūḡu, ĩḡu opū pohrogue eja, wereñumi ĩḡure: "Opū, muhū turaro mohmedoreḡu āhraa. Eropigū gajirāre mohmedorequereḡu oteri moogū árīquereḡu ta mū dihta iri dūcare aīa. ²⁵ Muhū eropa arīḡu árīcū mure ḡiūabu. Eropa ḡiigū gobe seha, iri gobegue mū niyeruserire dibucābu. Īañatagū. Ohō āhraa mū ya niyeruseri," arīñumi ĩḡu ĩḡure. ²⁶ "Muhū ñeḡu butagū āhraa. Yure, 'Muhū gajirāre mohmedorequereḡu mū dihta iri dūcare aīa,' arāa muhū yure. ²⁷ ¿Muhū yare eropa arīḡuereḡu ta, duhpigū ya óraserire niyeru diburi wihigūe dihbuirari muhū? Mū erogue dibugū iriseri mera wūaro wajatanemoboaya. Irire muhū iicū dujaragū wajatanemoboaya yūhū," arīñumi opū ĩḡure. ²⁸ Eropa arīḡu gajirā ĩḡure mohme corerāre doreñumi ĩḡu: "Niyeruserire emaque ĩḡure. Diez mil seri opagūḡure oque. ²⁹ Árīpehrerā baja oparāre onemogūra. Moorāḡure merogā erā opaquerecū ta erāre emapehocāḡura. ³⁰ ĩhī mohme coreḡu duhpibu árībeami. Naitārogue ñerogue cóacāque ĩḡure. Erogue ĩḡu turaro ore, bujawereri mera ĩḡu ḡacari cūridihugūcumī," arīñumi opū, arī weremi Jesu.

Dipuwaja moaborore wereñumi Jesu

³¹ Eropi Jesu werenemomi:

—Yūhū masu Goāmu ĩḡu obeodigū árīpehrerā anyua mera doreḡu dujarigūca. Eropa dujarigū opū doarogue ya gosesiriri mera doagūca. ³² Eropa ya doacū, yaharā anyua i yeba majarāre árīpehrerāre ya pohro gameneorācoma. Erāre gameneora pūhrū pe curu dūca wagura erāre. Oveja ĩhadibugū ĩḡu iiro dopa ĩḡu cabrare ĩḡu dūca waro dopa ta masare dūca wa doḡura. ³³ Eropa dūca wagu oveja dopa árīrāre ḡarāre ya

diayeru dobogura. Eropigu cabra dopa árîrâre, ñerâre yu copuru dobogura. ³⁴ Yu eropa iira puhru yuhu árîpehrerâ tauro opu yu diayeru doarâre opa arî weregura: “Yu Pagu muare ôaro iigucumi. I yebare îhacûnugudigugue ta mua ya árîburire îgu opu árîtore amuyutuhami Goâmû. Eropirâ dohpaguere îgu amuyudiroguere árîrâ arique. ³⁵ Yu oaboacû îarâ mua yure barire obu. Yu ñemesibucû mua yure tiabu. Mua pohro yu curicû yure îha masibiriquererâ yure ôaro bocatîribu mua. ³⁶ Suhri marigu yu árîcû îarâ muapu yure suhrire sâbu. Dorecucû mua yure îarâ aribu. Peresu yu árîcû sâre yure îarâ aribu,” arîgura ôarâre. ³⁷ Yu eroparîcû peerâ ôarâpu yure serêpirâcoma: “Opu, ¿dohpárîcû mu oaboacû mure barire ori gaa? ¿Dohpárîcû mu ñemesibucû mure tiari gaa? ³⁸ ¿Dohpárîcû mure îha masibiriquererâ ôaro bocatîribu gaa? ¿Dohpárîcû mu suhri marigu mu árîcû mure suhri sâri gaa? ³⁹ ¿Dohpárîcû mu dorecucû o peresugue mu árîcû sâre mure îarâ ejari gaa?” arîrâcoma yure. ⁴⁰ Erâ eropa arî serêpicû peegu yuhu opa erâre yuhriguca: “Diaye muare arîgu tiiaa. Oâ yaharâ mera majagu bu arîgu árîquerecû ta, mua îgure eropa ta ôaro iibu. Eropa arîgure eropa iirâ, yure iiro dopa iirâ tiiaa mua,” arî weregura erâre.

⁴¹ “Ôarâre yu eropa arî werera puhru, copuru árîrâre ñerâre yu árîpehrerâ tauro opu opa arîgura: “Goâmû îgu dipuwaja moamorâ âhraa mua. Yu mera dujabiricâque. Peamegue waque mua. Iri peame ne yaribea. Watî, îgu yarâ anyua sâ erâ árîborore iri peameere iimi Goâmû. ⁴² Yu oaboacû mua yure barire obiribu. Yu ñemesibucû mua yure tiabiribu. ⁴³ Mua pohro yu curicû yure masibirâ bocatîribiribu. Eropa îacâbu. Suhri marigu yu árîquerecû ta, yure suhri sâbiribu mua. Dorecugu yu árîcû, peresu yu árîcû sâre eropa îacâbu mua yure,” arî weregura erâre ñerâre. ⁴⁴ Yu eroparîcû peerâ erâ yure serêpirâcoma: “Opu, ¿mu oaboacû, mu ñemesibucû, gaa masibigu mu árîcû, suhri marigu mu árîcû, dorecugu mu árîcû, peresugue mu árîcû, dohpárîcû gaapu mure itamubiriri?” arî serêpirâcoma yure. ⁴⁵ Erâ eropa arî serêpicû yuhu erâre opa arî weregura: “Diaye muare arîgu tiiaa. Oâ yaharâ mera majagure bu arîgure mua ne itamubiribu. Eropa arîgure mua itamubirâ, yure ta itamubeaa mua,” arî weregura erâre. ⁴⁶ Eropigu erâre eropa dipuwaja moanigucâgucumi Goâmû. Erâ eropa dipuwajacari ne pehesome. Eropirâ ôarâpu umuri nucû ôaro árîrâcoma, arî weremi Jesu.

26

Pahia oparâ, murâ mera Jesure wejêdiañuma

Mr 14.1-2; Lc 22.1-2; Jn 11.45-53

¹ Iri árîpehrerire îgu buhera puhru Jesu guare îgu buherâre weremi:

² —Penu puhru Pascua árîroca. Irire mua masia. Irisubure yuhu masure Goâmû îgu obeodigure ñearâcoma. Ñeha yure crusague wejêrâcoma, arîmi îgu guare.

³ Irisubu ta pahia oparâ, murâ sâ gamenereñorâ. Caifa pahia opu ya wihi gamenereñorâ erâ. ⁴ Ero gamenere, erâ guyari mera Jesure ñeha erâ wejêburire game weretamurâ iñorâ.

⁵ —Bosenû árîcû îgure ñeabiricârâ. Masa gaa îgure ñeacû îarâ gaa gamenerenijarâ gamequeâbocoma, arîrâ iñorâ erâ erâ basi.

Nomeo poresuri mera Jesure pipeopo

Mr 14.3-9; Jn 12.1-8

⁶ Irisubure Simo cami boadigu ya wihi árîmi Jesu. Gua sâ árîbu. Îgu árîri maca Betania waicuri maca árîbu. ⁷ Iri wihi îgu baro watope yujugo nomeo poresuri aîgâri, Jesu dipuru weca pipeomo. Iri poresuri alabastro waicûdiru dicuri deco, igo pipeori deco wajapagari deco árîbu. ⁸ Igo eropa pipeocû îarâ gaa Jesu buherâ guarâ opa arîñugabu: —¿Duhpigo igo irire eropa iisirimaacâri? ⁹ Iri poresurire duaboañumo. Eropa duago wuaro niyerure wajataboañumo. Eropa wajatago, mojomorocurâre iri niyerure oboañumo, arîbu gaa îgu buherâ.

¹⁰ Gua eroparîcû îagu, Jesu guare weremi:

—¿Duhpirâ eropa arîri mua igore? Yure ôaro iigo iimo. ¹¹ Mojomorocurâpu mua mera eropa arîñiguirâcoma. Eropirâ mua erâpure omasia. Yuru i yebare mua mera eropa arîñiguisome. ¹² Yure erâ yaaboro core yu dapure amuyugo, poresuri mera sũhumo yure. ¹³ Eropigu diaye ta muare arîgu iiaa. Árîpehrero i yebaguere ôari buherire erâ wererogue igo opa iirare wererâcoma. Erâ eropa werecû peerâ masa bajarâ igore guñarâcoma, arî weremi Jesu guare.

Juda Iscariote Jesure îhaturîrâre îgu îhmuburire erâ mera weretamuñumi

Mr 14.10-11; Lc 22.3-6

¹⁴ Irisubure yujugu gua mera majagu Juda Iscariote pahia oparā pohrogue ejapu.
¹⁵ Eja, erāre serēpibu.

—¿Jesure maare yu ihmucā dipē wajayerācuri yare mua? arī serēpibu erāre.

Īgu eroparīcū, erā ĩgure treinta seri plataserire oñorā. ¹⁶ Erā eropa ocū Judapu Jesure ĩgu ihmuburināre corenibu.

Jesu ĩgu buherā mera ĩgu baturinū árīyoro

Mr 14.12-25; Lc 22.7-23; Jn 13.21-30; 1Co 11.23-26

¹⁷ Eropi baġabiriri panre erā baburinū bosenu árīnūgarinū árību. Eropirā gua Jesu buherā ĩgu pohrogue waha serēpibu ĩgure:

—¿Nohonogue bosenu mari baburire amudoreġa obeori muhu guare? arību ĩgure.

¹⁸ Gua eroparīcū ĩgu guare weremi:

—Jerusalēngue waque. Ero mua bocagure ōpa arī wereque: “Marire buhegu mare ōpa arī weredoreami: ‘Yu ñero tariboro merogā duhyanijaa. Pascua árīcū yuhu, yu buherā mera mu ya wihi gua barāca,’ arī weredore obeomi guare,” ōpa arī wereque iri wihi opare, arī obeomi Jesu guare.

¹⁹ Eropirā guare ĩgu dorediro dopa ta iirā, Pascua árīcū gua baburire amubu gua.

²⁰ Eropi iri ñamire gua mera doce ĩgu buherā mera baġa árīmi Jesu. ²¹ Gua barisubu ĩgu guare weremi:

—Diaye ta maare arīgu iiaa. Yujugu mari mera majagu ta yure ihaturirāre ihmugucumi yare, arī weremi ĩgu guare.

²² ĩgu eroparīcū peerā ġapu burigā bujawererā, ĩgure serēpinuġabu gua yujurāyeri.

—Opu, ¿yu āhriri mare ihmubu? arī serēpibu.

²³ Gua eropa arī serēpicū ĩgu yuhrimi:

—Yu baripare yu mera yoso baġa ta āhrimi yure ihaturirāre ihmubu. ²⁴ Iribojegue erā yure arī gojadiro dopa ta yuhu masu Goāmu ĩgu obeodigu sīriguca. Yure ihaturirāre ihmudigu pu ñetariaro tarigucumi. Eropiro ĩgu puere ĩgu masa dehyoabiricū ōaboya. Ñero taribiriboñumi, arīmi Jesu.

²⁵ ĩgu eroparīcū ĩgure ihaturirāre ihmubu Juda ĩgure serēpimi:

—Buhegu, ¿mare ihmubu āhriri yuhu? arī serēpimi ĩgu.

—**Ū**. Muhu ta āhraa, arīmi.

²⁶ Eropa arī weretuhaja gua barisubu Jesu panre ai, Goāmure “Ōhaa,” arīmi. Eropa arītuha irire nuha guare ĩgu buherāre gueremi.

—Ire ai, baque. I yu du pu āhraa, arīmi ĩgu.

²⁷ Eropa arītuha ĩgu ihriripare ai, Goāmure “Ōhaa,” arī, guare omi.

—Mua arīpehrerā ire ihrique. ²⁸ I yu di āhraa. Bajarā ñero erā iirare cóabu sīriguca. Eropigu yu di cóaguca. Eropa sīrigu Goāmu yu Pagu “Masare ōaro iigura,” ĩgu arīdiro ii ojogorocuguca. ²⁹ Maare arīgu tiiaa. Yu Pagu ĩgu opu arīrogue mua mera igui deco mama decore ihriguca. Mari erogue ihriboro core i igui decore dipaturi ihrinemosome yuhu, arīmi Jesu guare.

Pedro “Jesure masibea,” ĩgu arī guyaburiñere wereñumi Jesu

Mr 14.26-31; Lc 22.31-34; Jn 13.36-38

³⁰ Eropirā yujuñe Goāmure bayariñere bayatuhajarā wiriabu. **Ū**tāgu Olivo waicudigugue wabu gua. ³¹ Erogue gua ejacū Jesupu guare weremi:

—Dohpagā ñami mua arīpehrerā yare cóagārāca. Mua yare cóaborore ōpa ta arī gojañuma Goāmu yare erā gojarapū: “Ovejare ihadibugure erā wejēcū iiguca. Yu eropa iicū oveja ĩgu yarā ĩgure cohāgā wasiria warācoma,” arī gojañuma. ³² Eropigu Goāmu yare ĩgu masura puhru mua core Galileague wamuhtaguca, arīmi ĩgu.

³³ ĩgu eroparīcū peegu Pedro ōpa arīrimi:

—Yu mera majarā arīpehrerā erā mare cóagāquerecū ta yu pu mare ne cóasome, arīmi ĩgu.

³⁴ Jesu yuhrimi:

—Diaye arīgu tiiaa mare. Dohpagā ñami cāreña ĩgu werebore core uhresubu “Yuhu Jesure masibea,” arīguca muhu, arīmi ĩgu Pedrose.

³⁵ ĩgu eropa arīquerecū ta Pedro ōpa arī yuhrimi:

—Mu mera yare erā wejēcquerecū ta, “Jesure masibea,” ne arīsome yuhu, arī yuhririmi Pedro.

Eropirā gua sã gajirā ĩgu buherā Pedro ĩgu arīro dopa ta arīribu gua Jesure.

Getsemanígue Goāmure serēñumi Jesu

Mr 14.32-42; Lc 22.39-46

³⁶ Eropi Getsemaní waĩcari gorogue Jesu gua ĩgu buherã mera waha, erogue eja, guare arĩmi:

—Ohõ doayuque. Mũa ohõ doaropẽ sohõgue Goãmũ mera wereniguigu wagu iiaa, arĩmi ĩgu guare.

³⁷ Eropa arĩtuha Pedrore, perã Zebedeo porãre, erã Ƴrerãre sihugãmi. Eropigu ĩgu turaro bujawere, ñero siporãcũpũ. ³⁸ Eropa bujaweregu ĩgu mera majarãre ĩgu sihugãnirãre arĩpũ:

—Burigã ñero siporãcũa yũhũ. Yũre turaro pũriro dopa ta pepigu iiaa. Sohõñari wanigu iiaa. Ohõ dujanique mũa. Eropirã yũ mera ta tũyũque mũa sã, arĩpũ ĩgu erãre.

³⁹ Eropa arĩtuha ero core merogã wanemo, yeba mereja, Goãmũre arĩpũ:

—Ahũ, yũ ñero tariburire iidiabigu iibiricãque. Yũ eropa arĩquerecũ ta yũ gamero dopa iibita. Mũpũ masia. Mũ gamero dopa iique, arĩpũ ĩgu Goãmũre.

⁴⁰ Eropa arĩtuha, Ƴrerã ĩgu buherã pohrogue eranijagu erã carĩ oyarãre ĩapũ. Erãre ĩagu Pedrore õpa arĩpũ:

—¿Yũju hora gohra yũ mera ta tũyũtamubirari? ⁴¹ Őaro iique mũa. Mũa pepiri mera õarire iidiaraa mũa. Mũa seyaro irire iidiaquererã ta irire bocatũbeaa. Eropirã Goãmũre serẽniguque ñero mũa iibiriboro dopa, arĩ werepũ Jesu.

⁴² Eropa arĩtuha dipaturi waha, Goãmũre serẽpũ daja:

—Ahũ, yũ ñero tariburire iidiagu iique yũre. Mũ gamero dopa ta iique, arĩpũ ĩgu.

⁴³ ĩgu buherã pohrogue Ƴrerã pohrogue dipaturi erapũ daja. Eropa eragu carĩ oyarãre ĩapũ daja. Wũja pũritaricãyoro erãre. ⁴⁴ Eropigu dipaturi erãre apicã dipaturi waha, Goãmũ mera wereniguipũ daja. ĩgu ero core ĩgu arĩdiro dopa ta arĩpũ. ⁴⁵ Eropa arĩtuha ĩgu buherã pohrogue eraa, erãre arĩpũ:

—¿Mũa carĩrã soorã iiri dohpa? arĩpũ ĩgu. Eropa arĩtuha masa erã aricũ ĩagu õpa arĩpũ:

—Iripẽta ãhraa. Dohparagã yũ masure Goãmũ ĩgu obeodigure ñerãre orãcoma yũre.

⁴⁶ Wahgãque. Ina warã. ĩaque. Yũre ĩhaturirãre obu ohõ ahrimi, arĩpũ ĩgu.

Jesure ĩhaturirã ĩgure peresu iĩnuma

Mr 14.43-50; Lc 22.47-53; Jn 18.2-11

⁴⁷ ĩgu eropa arĩ wereniguirĩsubu gua mera majagu mũgũpũ Judapũ erami. Eropirã masa bajarã ñoserimijiri yucu dũcari opanirã ĩgu mera yũjuro mera erama. Erã pahia oparã, erã murã sã erã obeonirã árĩma. ⁴⁸ Negohrare Jesure ĩhaturirãre wiabu õpa arĩ wereseretuhapũ Juda: “Yũhũ wayuporãre mimigu ĩgu ta árĩgũcumĩ mũa ñeabu. ĩgure yũ mimira pũhra ñeaque,” arĩpũ Juda erãre. ⁴⁹ Eropigu eragu Jesu pohrogue mata wapurumujumi.

—Buhegu, ¿ãhriri mũhũ? arĩ ĩgure wayuporã mimimi.

⁵⁰ ĩgu eropa mimicã Jesu õpa arĩmi:

—Yũ mera majagu, ¿duhpigu õguere ahriri mũhũ? arĩmi ĩgure.

Eropirã erã Jesure ñeama.

⁵¹ Erã eropa iicũ ĩagu Jesu mera majagu ĩgu matamijire tuãwea aĩ, pahi opu pohro majagure ĩgu gamirore tabe corodijucãmi. ⁵² ĩgu eropa iicũ ĩagu Jesu ĩgure weremi.

—Mũ matamijire dibuque. Gajirãre ñosenirã árĩrã, erã ñose gamecũ sirĩrãcoma. ⁵³ Yũ Pagure yũ itamudorecũ ĩgũpũ bajarã anyuare doce cururire yũ pohro obeobocumi. ¿Irire masibeari mũa? ⁵⁴ Eropa itamubodiro árĩqueregu ta ĩgure yũre itamudoresome yũhũ. Yũ eropa dorebiricũ Goãmũ yare erã gojarapũ arĩdiro dopa ta eropa waroca, arĩmi ĩgu.

⁵⁵ Eropa arĩtuha masare weremi ĩgu:

—¿Mũa ñoserimijiri mera, yucu dũcari mera arirã yajari masure iro dopa mũa yũre ñearã arirã iari? Ƴmũri nucũ Goãmũ wihigue yũhũ mũare buhe doacũ, mũa yũre ne ñeabiribũ. ⁵⁶ Dohpaguere mũa yũre eropa iirã i árĩpehreri Goãmũ yare weremũhtanirã erã arĩ gojadiro dopa ta iiaa mũa, arĩmi Jesu erãre.

ĩgure eropa ñeacũ ĩarã gua ĩgu buherã árĩpehrerã ĩgure cohã omagã wabũ gua.

Judio masa oparã Jesure serẽpiñuma

Mr 14.53-65; Lc 22.54-55, 63-71; Jn 18.12-14, 19-24

⁵⁷ Eropi ĩgure ñeanirã pahi tauro opu Caifa waicũgu ya wihigue aĩ ejañorã ĩgure. Iri wihĩ ta masare buherã, mũrã sã gamenereñorã. ⁵⁸ Pedropũ yoarogue erãre ĩhanũrsiapũ. Eropa ĩhanũrsiagu Caifa ya wihire cãhmotara sãrĩrore eja, iri sãriro pohecague ñajaa wapũ. Ñajaja, iri wihire corerã surara mera doapũ. “Jesure duhpĩcũ ĩagura,” arĩgu doapũ Pedro.

⁵⁹ Eropirā pahia oparā, gajirā oparā mera gamenererā Jesure wejédorediarā, gūyari mera erā ĩgure ñero dipuwaja moaborore guñamaariñorā. ⁶⁰ Erā eropa weresāburire guñabocabiriñorā. Eropa guñabocabiriquererā ta masa bajarā ĩgure eropa weresāmorā amañorā. Eropirā perā ĩgure weresāmorā erañorā. Ōpa arñorā:

⁶¹ —Ihĩ ōpa arĩmi: “Goāmũ wihire cóamasia. Eropa cóagu ũhrenũ pũhũ iri wihire dipaturi iigura,” ĩgu arĩcũ peebe gaa, arĩ weresāmaacāñorā Jesure.

⁶² Erā eropa arĩra pũhũ pahia tauro opu wahgānugaja, Jesure serēpipu:

—¿Oā mũre weresāquerecũ ta erāre yũhri gamebeari mũhu? ¿Mũre erā weresārire dohpa arĩ yũhri gahmeri mũhu? arĩpu opu.

⁶³ ĩgu eroparĩcũ peequeregu ta Jesu eropa pepicāpu. ĩgu eropa yũhribiricũ ĩagu pahia tauro opu ĩgure dipaturi serēpipu daja:

—Goāmũ ojocarĩnguicāgu mera diaye arĩque mũhu. Mũhu eropa arĩbiricũ mũre ĩgu dipuwaja moagacumi. Wereque guare. ¿Cristo Goāmũ magu ta āhriri mũhu? arĩ serēpipu daja.

⁶⁴ ĩgu eroparĩcũgue ta Jesu yũhripu:

—ĩgu ta āhraa. Mũare diaye weregu tiaa. Pũhũ yũhu masũ Goāmũ ĩgu obeodigu Goāmũ yũ Pagu turagu pohro ĩgu diayepũ doacũ ĩarāca maa. Eropirā ũmaro maja imĩca weca yũ dujaricũ säre ĩarāca, arĩ yũhripu Jesu.

⁶⁵ ĩgu eroparĩcũ peegu pahia opu, ĩgu basi ĩgu sañarañe suhrirore yeguecāpu gajirāre “Guatariacāmi,” arĩdoregu.

—ĩre weresārāre gajirāre gamebeaa pare. ĩgu basi Goāmũre ĩgu ñero wereniguicũ peea mari. Eropirā ĩgu ñero iira dipuwajare masituhāa mari. ⁶⁶ ¿Eropirā dohpa iirācuri mari dohpagueere ĩre? arĩ serēpipu ĩgu gajirā oparāre.

—ĩgu ñeri dipuwaja wejēcāro gahmea, arĩ yũhriñorā erā.

⁶⁷ Erā eropa arĩra pũhũ ĩgu diapore disico ehosũ, ĩgure pañorā erā. ⁶⁸ Gajirā ĩgu cuirire diricāhmota ōpa arĩ wereyañorā ĩgure:

—¿Noa mũre pari? Cristo Goāmũ beyedigu arĩgu ĩabiriqueregu ta wereque guare, arĩ pañorā erā.

—*ĩgure masibea, arĩ guyañumi Pedro Jesure*

Mr 14.66-72; Lc 22.56-62; Jn 18.15-18, 25-27

⁶⁹ Eropi iri wihi pohro arĩri pũ ōari pũ Pedropũ doapu. ĩgu eropa doacũ ĩago pahia opu pohro majago ĩgu pohrogue erago ōpa arĩpo:

—Mũ sã Jesu Galilea majagu mera āhrabũ, arĩpo igo.

⁷⁰ Igo eroparĩcũ peegu Pedro ōpa arĩpu:

—¿Dohpa arĩmaacāgo iiri mũhu? Mũ arĩgure ne masibea yũhu, arĩpu Pedro arĩpehrerā erā peero.

⁷¹ Igo eropa arĩra pũhũ iri pũ maja sãriro disiporo pohrogue wapũ Pedro. Ero ĩgu arĩcũ gajigo pohro majago ĩgure ĩago, ero arĩrāre ōpa arĩpo igo sã:

—Jesu Nazare majagu mera āhrami ihĩ, arĩpo igo Pedore daja.

⁷² Igo eroparĩcũ peegu Pedro yũhripu:

—Goāmũ mera diaye arĩgu iiaa. ĩgu mũ arĩgure ne masibea yũhu, arĩ yũhripu Pedro.

⁷³ Eropi merogā pũhũ ta ero niguinirā Pedro pohrogue waha, ĩgure ōpa arĩñorā.

—Diaye ta āhraa. Jesu mera majarā mera majagu ta āhraa mũ sã. Erā iro dopa ta wereniguia mũhu, arĩñorā erā Pedore.

⁷⁴ Erā eroparĩcũ Pedro yũhripu:

—Diaye ta Goāmũ mera arĩgu iiaa mũare. Yũ diaye arĩbiricũ Goāmũ yũre dipuwaja moaporo. ĩgu mũ arĩgure ne masibea yũhu, arĩ yũhripu ĩgu erāre.

ĩgu eroparĩcũ ta cāreña werepũ. ⁷⁵ ĩgu werecũ peegu Jesu ĩgure arĩrāre guñapũ. “Cāreña ĩgu wereboro core ‘Jesure masibea,’ arĩguca mũhu. Ũhresubu eropa arĩguca mũhu,” Jesu ĩgure arĩrāre guñapũ Pedro. Eropa guñagu iri sãrirore wiria turaro orepũ.

27

Pilato pohrogue Jesure aĩgāñuma

Mr 15.1; Lc 23.1-2; Jn 18.28-32

¹ Eropirā boyodi merero ta pahia oparā, mũrā sã Jesure erā wejédoreborore game weretamuñorā. ² Erā eropa weretamura pũhũ ĩgure dihri, Pilato waĩcũgu opu pohrogue aĩgā, ĩgure oñorā Pilatore. Pilatopũ iri yeba majarā opu arĩmi.

Juda Iscariote sĩria wañumi

³ Eropigu Jesure erā wejēdorecū iagu Judapu Jesure Igu ihmurare guña turaro bujawerepu. Eropa bujaweregu treinta seri niyuserire Igu ñearaserire wiagu wagu, pahia pohrogue, murā pohrogue eja, opa arīpu:

⁴ —Jesu muare yu ihmudigu ñeri marigu Igu arīquerecū ta erā wejēdoreama Iguere. Eropigu muare Iguere ihmugu ñero iigu iiaya yuhu. Eropigu i niyuserire muare wiagu iiaa, arīpu Juda erāre.

Igu eropa arī werera puhru erā yuhriñorā:

—Eropa ta iicuraporo. Mu eropa arīri guare duhpiburi árībeaa. Mu dihta eropa arī pepia irire, arī yuhriñorā erā Iguere.

⁵ Erā eropa arī yuhriñorā erā arīri wihi Goāmū wihigue Juda Igu niyuserire mehsiripicāpu. Mehsirituha waha wapū. Waha, yuradare dirisiu, Igu basi Igu wunugu tuhbiu, buhrimadija, sīria wapū pare.

⁶ Eropirā pahia oparā niyuserire arī ā opa arīñorā:

—I niyure Goāmū wihi maja comorogue niyeru diburi comorogue mari apimasi-beaa. I niyeru mera ta masure wejēdorema. Eropiro mari doreri marire eropa arīri niyure dibudorebeaa Goāmū wihigue, arīñorā erā erā basi.

⁷ Erā eropa arīra puhru, “Ōpa iirā,” erā arī weretamura puhru mátasorori mohmegu ya yebare asūrā wañorā. Iriseri mera asūñorā. Gajipu majarā iri macague eranirā sīricū erāre yaaburi yebare asūñorā. ⁸ Eropirā iri yebare “Di cōāri yeba,” arī waiyema masa. Dohpague säre eropa ta waicua. ⁹ I arīpehreri eropa wayoro iribojegue majagu Jeremia Igu “Eropa waroca,” Igu arīdiro dopa ta. Igu Goāmū ya weremuhtadigu arīñūmi. Ōpa arī gojañumi Igu: “Treinta niyuserire platasire iripēta wajayerāra gua Iguere ñeaborore,” arīrācoma Israe masa. ¹⁰ Eropirā iriseri mera mátasorori mohmegu ya yebare asūrācoma erā. Ōpa ta yare iidoremi Goāmū,” arī gojañumi Jeremia iribojegue.

Pilato Jesure serēpiñumi

Mr 15.2-5; Lc 23.3-5; Jn 18.33-38

¹¹ Eropi Pilatore erā Jesure ora puhru Iguapu Iguere serēpiñu:

—¿Diaye ta judio masa erā opu ta āhriri muhu? arī serēpiñu Jesure.

—Mu arīro dopa ta Igu ta āhraa, arī yuhripū Jesu.

¹² Eropa arī yuhriqueregu ta, pahia oparā, murā sā erā weresācū yuhribiripū. ¹³ Igu eropa yuhribiricū iagu Pilato serēpiñu:

—¿I arīpehreri erā weresārire peebeari muhu? arī serēpiñu Igu Jesure.

¹⁴ Igu eropa arī serēpiquerecū ta Jesu ne yuju disiro yuhribiripū. Igu eropa yuhribiricū iagu Pilato uca wapū.

Jesure wejēdoreñuma

Mr 15.6-20; Lc 23.13-25; Jn 18.38-19.16

¹⁵ Bojori nuču Pascua arīcū peresu arīdigure yujugare masa “Iguere wiuque,” erā arīguere Pilato eropa wiubasamuripū. ¹⁶ Irisubure Barrabā waicūgu peresugue arīpu. Iguere masiñorā masa. ¹⁷ Eropigu erā gamenerecū Pilato serēpiñu erāre:

—¿Nihipure muare wiubasacuri yuhu? ¿O Barrabāre o Jesure “Cristo” erā arīguere wiubasacuri yuhu? arī serēpiñu Pilato Jesure wiudianijagu.

¹⁸ Jesure masa erā mahicū iarā judio masa oparā Iguere ihaturirā iñorā. Eropa ihaturirā Iguere oñorā Pilatore. Irire erā ihaturirare masigu Pilato Jesure wiudiaripū.

¹⁹ Eropi Pilato masare Igu beyeri pēro Igu doacū Igu marapo Iguere quere obeopo: “Dohpagā ñamire Jesure quēgo burigā ñero pepiabu Iguere ñero iiburire. Eropigu Iguere ñeri marigure ne gajiropa iibiricāque muhu,” arī werebeopo Igu marapo Pilatore.

²⁰ Pilato Jesure eropa wiudiaquerecū ta pahia oparā, murā sā masare opa arīdoreñorā: “Barrabāpure wiudoreque. Jesupure wejēdoreque,” arīdoreñorā masare. ²¹ Eropigu Pilato masare serēpiñu daja:

—¿Ōā perāre nihipure muare wiubasacuri yuhu? arī serēpiñu.

—Barrabāpure wiubasaque guare, arī yuhriñorā.

²² —¿Ihī Jesu, “Cristo” erā arīgupure dohpa iigucuri yuhu? arī serēpiñu Igu.

—Crusague pahia wejēque Iguere, arī yuhriñorā masa arīpehrerā.

²³ —¿Ñehenore ñerire iari ihī mua eroparicū? arīpu Igu.

Igu eroparicū peerā erā turaro mera gaguiniguinemoñorā:

—Crusague pahia wejēque Iguere, arī gaguiniguinorā daja masa Iguere.

²⁴ Erā eropa arī gaguiniguicū peegu, Iguere erā peediabiricū iagu, “Masa gua gamequeābocoma,” arīgu, yuhrigu ta opa iipu Pilato. Decore aīgāridoretuhaja masa erā ihuro Igu mojo coepu. Eropa mojo coegu opa arīpu:

—Īre wejēra dipuwaja, yaha dipuwaja árísome. Mua ya dipuwaja árīroca, arīgu mojo coepu.

²⁵ Īgu eroparicū peerā árīpehrerā masa ōpa arīñorā:

—Īre gua wejēdorera dipuwaja gua porā sã gua ya dipuwaja ta árīporo, arīñorā masa.

²⁶ Erā eroparicū peegu Pilato Barrabáre peresugue arīdigure wiudorepu masa erā gamegure. Eropa iitua Jesupure yuradari mera tãradore, ĩgure crusague pabia wejēdoregu wiapu surarare.

²⁷ Īgu eropa wiacū Pilato ya wihigure ĩgu surara aĩ ejañorā Jesure. Eropirā erā surara árīpehrerāre Jesu pohrogue gameneoñorā. ²⁸ Eropirā ĩgu suhrire tuwea aĩ, opu ya suhriro dopa bejarīñere Jesure sãñorā. ²⁹ Eropa sãtuha, pora berore iitua, ĩgu dipuru weca duhpeoñorā. Eropa duhpeotuha, yucugure diayepu mohsuañorā. Mohsuatuha, ōpa arī weryañoñorā erā ĩgure ĩgu pohro merejarā:

—Umupeorā arique. Judio masa opu ōaro árīporo, arī weryañoñorā ĩgure.

³⁰ Eropirā ĩgure disico ehosũñorā. Erā mohsuadigure ĩgure tuãwea aĩ, ĩgu dipurure pañoñorā irigu mera. ³¹ ĩgure eropa weryara puhru erā sãra suhrirore tuwea aĩ ĩgu ya suhriropure sãñorā daja. Eropirā crusague pabia wejēmorā ĩgure aĩ wiria wañoñorā.

Erā Jesure crusague pabia wejēñuma

Mr 15.21-32; Lc 23.26-43; Jn 19.17-27

³² ĩgure aĩgã, Simo waicugure Cirene majagure bocatĩri, ĩgure Jesu ĩgu coãra crusare coãtamudorema.

³³ Coãgã Gólgota waicurogue ejama. Gólgota arĩro, mari ya mera “Dipu pero” arĩro iiaa. ³⁴ Eropirā vinore suĩri deco mera erā morera decore Jesure orima erā. Iri decore ihriña, ihribirimi ĩgu.

³⁵ Eropirā ĩgu suhrire tuwea aĩra puhru ĩgure crusague pabiana erā. Eropa pabiatuha ĩgu suhri marare, “¿Noa yañe árīrocuri iñe?” arī masimorā erā basi game deamehtu birama. Eropa iirā Goãmu yare weremuhtadigu ĩgu arĩdiro dopa ta iirā iima erā. Ōpa arī gojañumi ĩgu: “Yaha suhrire erā basi aĩmorā, ‘¿Noa yañe árīrocuri iñe?’ arī masimorā erā basi game deamehtu birama erā,” arī gojañumi iribojeugere.

³⁶ Deabiratuha ĩgure ihadoacurima erā. ³⁷ ĩgu dipuru weca crusague ōpa arī gojarapure pabia tuma erā ĩgure weresãra wererapure. “Ihĩ judio masa tauro opu aĩrĩmi,” erā arī gojarapure pabia tuma.

³⁸ Eropirā perā yajari marare Jesu pohro gaji crusarigue pabia tuma erā sãre. Yujugu ĩgu diayepu, gajigure ĩgu copu pabia tuma erā. ³⁹ Crusari pohro tarigãrã Jesure iha, erā dipure yurerã, ñero arī wereniguima ĩgure:

⁴⁰ —“Goãmu wihire cohã, uhrenu puhru iri wihire amugara daja,” arī wereniguidigu árĩribu muhu. Goãmu magu arĩgu mu basi dijaque. Eropigu mu basi itamuque. Eropigu tari weregua muhu, arĩma masa.

⁴¹ Eropa ta pahia oparã, masare buherã sã eropa arī weryama.

⁴² —Īgu gajirãre taidigu árĩqeregu ta ĩgu basi taumasibeami. “Israe masa opu aĩhraa,” arĩrimi ĩgu. Eropirā ĩgu basi ĩgu dijaricū ĩarã ĩgure umupeorãca. ⁴³ ĩguru Goãmure umupeorimi. Eropigu “Goãmure magu aĩhraa,” arĩrimi ĩgu. ĩgu eropa arĩgu árĩcū Goãmuru ĩgure itamuporo, arī weryama erā.

⁴⁴ Yajari mura ĩgu pohro erā pabianirã eropa ta ĩgure werya ñero wereniguima erā sã.

Jesu sĩria wañumi

Mr 15.33-41; Lc 23.44-49; Jn 19.28-30

⁴⁵ Eropi goeri boje árĩcū uhre hora gohra árĩpehrerogue naĩfia wabu. ⁴⁶ Eropigu irisubu naĩfia wari subure Jesu turaro gaguinimi:

—Elĩ, Elĩ, ¿lema sabactani? arĩmi ĩgu. Eropa arĩgu ōpa arĩgu iimi mari ya mera: “Yu Goãmure, yu Goãmure, ¿duhpiqu yare cohãri muhu?” arĩgu iimi.

⁴⁷ ĩgu eroparicū peenirã yujurãyeri ero niguinirã ōpa arĩrima:

—Goãmure ya weremuhtadigure Eliare sihugu iicumi, arĩrima erā.

⁴⁸ Eropigu yujugu erā mera majagu mimi aĩri yusu mera vino suĩrire yosotuha, aĩ omagã, yucugu ojogorore diritu, Jesure simujumi. ⁴⁹ ĩgu eropa iicū ĩarã gajirã simujugure ōpa arĩma:

—Corenique. Elia ĩgure ĩgu itamucū ĩanirã dohpa mari, arĩma erā.

⁵⁰ Erā eropa arĩra puhru dipaturi Jesu turaro gaguinigui sĩria wami. ⁵¹ ĩgu sĩricū ta Goãmure wihĩ majañe suhriro ero erā cãhmotara suhriro deco mera yehguea wayoro. Eropiro yeba sã ñohmebu. Eropa ñohmecū utã sã pagayeri sã wahria wabu.

⁵² Eropirā masa goberi pāricū, bajarā Goāmū yarā árīnirā iribojegue sīrinirā mura masa wiriañorā. ⁵³ Masa wiriarā iri gobereire cóacā ñari macague Jerusaléngue wañorā erā. Eroque erā wacū masa bajarā erāre ñañorā.

⁵⁴ Eropirā yeba ñohmecū ñarā, sīrinirā mura erā masa wiriacū ñarā, surara opū ĩgu surara mera ũca wama. Erā Jesure crusague árĩgure corerā árĩma. Ũca wa, ñpa árĩma: —Daye ta āhraa. Īhĩ Goāmū magu ta āhrañumi, árĩma erā.

⁵⁵ Eropirā Galileague Jesu mera arinirā ĩgure itamunirā nome árĩma. Yoarogue crusague tuyagure ĩhabeo niguibū gua erā mera. ⁵⁶ Erā nome mera María Magdalena árĩmo. Gajigo María waĩcugo sã árĩmo. ĩgopū Santiago, José sã pago árĩmo. Gajigo Zebedeo marapo árĩmo.

Jesu ñupure masa gobegue apĩñumi José
Mr 15.42-47; Lc 23.50-56; Jn 19.38-42

⁵⁷ Eropi ñamicague José Arimatea majagu doberi opagu ero árĩmi. ĩgu Jesu buhegu árĩmi. ⁵⁸ Eropigu Pilato pohroque eja, Jesu ñupure serēpū. ĩgu eropa serēcū peegu Jesu mura ñupure odorepū Pilato. ⁵⁹ ĩgu eropa dorera puhru Josépū Jesu mura ñupure aĩ, diju, ñari suhriro guhriari mariri suhriro mera ĩgu ñupure omapu. ⁶⁰ Omatuha, José ĩgu ya masa gobegue apipū ĩgu ñupure. Iri gobe erā utāyegue erā seara gobe mama gobe árĩyoro. Iri gobegue apituha, wuariye utāyere taragāpū iriye mera bihabu. Bihatuha, waha wapū. ⁶¹ Eropirā María Magdalena, gajigo María mera iri gobeguere ĩhadoe coreñorā.

Jesure erā apira gobere surara coreñuma

⁶² Eropi gajinū, Pascua árĩburire erā amuranū puhru Sabado árĩcū pahia oparā, fariseo masa sã Pilato pohro gamenereñorā. ⁶³ Gameneretuha ñpa arĩñorā erā Pilatore:

—Opū, irire guñaa gua. ĩgu guyaricagu Jesu ojocarinigū ñpa arĩpū ĩgu: “Ũhrenū puhru masa mĩriaguca yuhū,” arĩpū ĩgu. ⁶⁴ ĩgu eropa arĩdigū árĩcū ĩgu buherāpū ĩgu ñupure yajabocoma. Eropa yajarā masare ñpa arĩbocoma: “Jesu masa mĩriami,” arĩbocoma erā. ĩgu Jesupū masare guyagu iimi. ĩgu buherā sã “ĩgu masa mĩriami,” arĩrā guyarā iirācoma. Eropirā Jesu ĩgu guyadiro tauro erā guyaripū ñetariaroca. Eropa yajari arĩgu ũhrenū gohra mū surarare coredoreque erā ĩgu mũrũre apidiroque, arĩñorā erā Pilatore.

⁶⁵ Pilato yahripū:

—Áu. Yaharā surara coreporo. Eropirā mũa bocatiuropē iri gobere ñaro coreque, arĩpū ĩgu erāre.

⁶⁶ ĩgu eroparĩcū erā waha, iri gobere bihariye merague ta pihatuñorā masa erā ñajacū ĩha masimorā. Eropirā surarare iri gobere coredoreñorā.

28

Jesu masa mĩriañumi

Mr 16.1-8; Lc 24.1-12; Jn 20.1-10

¹ Eropi judío masa soorinupū Sabadonupū irinū taricū, Domingo árĩcū ñamiñarigā árĩcū María Magdalena gajigo María mera Jesu masa gobere ñarā wañorā. ² Eropiro mata yeba turaro ñohme purumujuyoro. Eropa ñohmecū mari Opū ĩgu anyu ũmarogue arĩdigū dijari, masa gobere bihariyere utāyere tarabeo iriye weca doapu. ³ ĩgu anyu bupu miaro dopa ñaro goesirigū, ĩgu suhri yaji poari iro dopa ñaro boreri suhricagu árĩpū. ⁴ ĩgu eropa dehyoacū, surara iri gobere corerā, ũcataria wa, naragā, weca gohrare sīrinirā iro dopa wañorā. ⁵ Eropigu anyupū erā nomere ñpa arĩpū:

—Yũre güibiricāque. Crusague erā pabiadigure Jesure mũa amacū masia yuhū. ⁶ ĩgu dohpaguere ñre marimi. ĩgu arĩdiro dopa ta ĩgu masa mĩria wami. Erā ĩgu ñupure erā apidirore ñarā arique. ⁷ Tuhaja ĩgu buherā pohroque ũmũdiaro waha, ñpa arĩ wererā waque: “Īhĩ Jesu sĩridigū masa mĩriami. Eropigu mũa core Galileague ĩgu wamũhtagucumi. Eroque ĩgure ñarāca mũa,” arĩ wererā waque mũa. I yũ arĩrare guñaque mũa, arĩpū anyu erā nomere.

⁸ ĩgu eropa arĩra puhru erā nome masa gobegue árĩnirā nome yojaro mera wiria, erā ñarare güiquererā ta, mucubiriri mera Jesu buherāre wererā warā, omañorā. ⁹ Eropa warā nomere Jesu bocatĩripū:

—¿Noho wahari mũa? arĩ serēpipū ĩgu. ĩgure ĩha erāpū ĩgu pohroque eja, ĩgu guburire ñeha ĩgure umupeñorā.

¹⁰ —Güibiricāque mũa. Yũ pagū porāre “Galileague waque,” arĩ wererisa. Eroque yũre ñarācoma, arĩpū Jesu erāre.

Masa gobere corerã surara erã ïarare wereñuma

¹¹ Erã nome wererã warisubu surara watope yujurãyeri masa gobere corenirã surara Jerusaléngue pahia oparãre wererã wañorã. Jesu ïgu masa gobegue ïgu mñararare werepehocãñorã. ¹² Erã eropa arĩ werecũ pahia oparã, murã mera gamenereñorã. Gamenere weretamuñorã. Eropirã surarare guyardorerã niyerure wajayeñorã.

¹³ —Ōpa arĩque mña masare: “Ñami gua carĩra puhru, ïgu buherãpu masa gobegue eraa, ïgu ðupure aicãñirã àhrama,” arĩ wereque masare. ¹⁴ Mña eropa arĩ werecũ Pilatopu mña carĩtariarare peecãbocumi. ïgu eropa peecũ, ïgure wererãra gua. “Erãre dipuwaja moabiricãque,” arĩ wererãra gua ïgure, arĩñorã erã surarare.

¹⁵ Erã eropa arĩra puhru surarãpu niyerure ñeha, erãre erã guyardoreiro dopa ta masare wererã wañorã erã. “Jesu buherã aicãñirã àhrama ïgu muru ðupure,” arĩñorã erã. Eropirã eropa Jesu ïgu ðupu aĩrare wereniguima judio masa. Dohpague sãre eropa ta arĩ werema erã.

Jesu ïgu buherãre ïgu yare ïgu iidoreta apĩñumi

Mr 16.14-18; Lc 24.36-49; Jn 20.19-23

¹⁶ Eropi gña Jesu buherã once buherã Galileague waha utãgugue Jesu ïgu wadoredigugue wabu gña. ¹⁷ Eroque eja Jesure ïarã umupeobu gña ïgure. Eropa umupeoquerã ta gña yujurãyeri “Ihĩ Goãmũ magu árĩbiribocumi,” arĩ pepirĩbu dohpa. ¹⁸ ïgũpu ðpa arĩmi guare:

—I yebaguere, umaro sãre Goãmũ árĩpehrerã tauro turarire omi yure. ¹⁹ ïgu eropa ocũ muare ðpa iidorea: Árĩpehrero majarãre yahare buherã waque erã yaharã erã waboro dopa. Eropirã mari Pagu waĩ mera, yu waĩ mera, Espĩritu Santo waĩ mera erãre waĩyeque. ²⁰ Eropirã muare yu dorerare erã ipehoburire buheque erãre mña. Eropirã ire yu arĩrare guñaque: Árĩpehrerinũri nũcu mña mera árĩgũca ne i umu pehrecũgue, arĩ weremi guare Jesu.

San Marcos

Ñu waïyegũ buhenũgañumi

Mt 3.1-12; Lc 3.1-9, 15-17; Jn 1.19-28

¹ Goãmũ magũ Jesucristo ìgũ iirare, òari buherire wereri òpa árĩnũgayoro.

² Goãmũ yare weremuhtadigũ Isaia ìgũ iribojegue gojadiro dopa ta i wereri àhraa. Òpa arĩ gojañumi ìgũ:

Goãmũ ìgũ magare òpa arĩpũ: “Mũ core mũre wereyubure obeogu iaa. ³ Eropigũ ìgũ masa marirogue árĩgũcumi. Ìgũre peerãre weregũ busuro mera arĩ wereniguigũcumi: ‘Mari Opũ ìgũ ariburi mare amuro dopa ìgũ ariboro core òarã árĩyũque ìgũre peemorã,’ arĩ wereniguigũcumi,” arĩpũ Goãmũ, arĩ gojañumi Isaia, Ñu waïyegũ ìgũ masa dehyoaboro coregue.

⁴ Eropigũ Ñu waïyegũ masa marirogue masare buhemũripũ. Òpa arĩpũ:

—Mũa ñero iirire bujawereque. Dohpague òarĩpũre gohrotoque. Eropirã waïyenirã árĩque. Mũa eropa gohrotoçũ ìagũ mũa ñero iirare Goãmũ cãdijigũcumi, arĩ buhemũripũ ìgũ. ⁵ Eropirã árĩpehrero Judea yeba majarã, Jerusalén majarã mera ìgũ pohrogue peerã ejañorã. Eropigũ Ñu erãre waïyepũ Jordán waicũriyague. Erã ñero iirare weretarituhacũ ìha ìgũ erãre waïyemũripũ.

⁶ Eropigũ Ñu camello ya gasiro suhrirore suhricũpũ. Waibũgũ ya gasirore ta tuãdiuridacũgũ árĩpũ. Poroera, mome sã ìgũ bari árĩyoro. ⁷ Eropigũ òpa arĩ buhemũripũ:

—Yũ pũhrũre yũ tauro turagũ arigũcumi. Òtariagũ àhrimi ìgũ. Ìgũ iro dopa òagũ árĩbeaa yũpũ. Eropigũ ìgũre pepigũ, “Yũ tamera bu árĩgũ àhraa yũhũ,” arĩ pepia yũhũ.

⁸ Masare waïyegũ deco mera waïyee yũpũ. Ìgũpũ yũ tauro iigũcumi. Mũare Goãmũ yarã iigũcumi ìgũ. Espĩritu Santore masa mera árĩniguicã iigũcumi, arĩ buherũ Ñu.

Ñu Jesure waïyefũumi

Mt 3.13-17; Lc 3.21-22

⁹ Eropi irisubure Jesu Nazaregue, Galilea yeba árĩri maca árĩdigũ, dia Jordán waicũriyague ejarũ. Ìgũ eropa ejaçũ Ñu waïyepũ ìgũre. ¹⁰ Ìgũ waïyetuhajacũ Jesu diague niguidigũ, majanũgaja umarogue ìhamujupũ. Umũsi pãrimaa wayoro. Ero pãrimaacũ ta Espĩritu Santo buja iro dopa bejagũ ìgũ weca dijibejajapũ. ¹¹ Eropiro umarogue werenigũiri busũyoro.

—Mũhũ yũ magũ yũ mahigũ àhraa. Mũ mera buřigã mucubiria, arĩro cariyoro umarogue.

Satana ñerire iidoreriñumi Jesure

Mt 4.1-11; Lc 4.1-13

¹² Irisubure Espĩritu Santo Jesure masa marirogue wadorepũ. ¹³ Eroque ejaçu cuarenta nũri gohra árĩpũ. Eroque ìgũ árĩcũ, Satanapũ Jesu ìgũ ñero iirire ìadiagũ ñerire iidoreriñũ ìgũre. Eropigũ Jesu waimũrã nũgũ majarã watope árĩpũ. Eropirã anyuapũ ìgũre itamu ìgũre bari oñorã.

Jesu Galilea yebague buheñumi

Mt 4.12-17; Lc 4.14-15

¹⁴ Eropi Ñure erã peresugue erã biha dohora pũhrũ, Jesupũ Galileague òari buherire Goãmũ ìgũ opũ árĩrĩre weregũ wapũ. ¹⁵ Òpa arĩ werepũ:

—Dohpague òpa àhraa: Goãmũ ìgũ opũ árĩboro merogã dahyaa. Mũa ñeri iirire bujawereque. Eropirã òarire gohrotoque. Òari buherire peeque mũa, arĩ buhemũripũ Jesu.

Jesu wapicũrã wai wejẽrãre ìgũ mera majarã árĩmorãre sihuñumi

Mt 4.18-22; Lc 5.1-11

¹⁶ Eropigũ Galilea waicũriya turogue ejaçu, Simore ìgũ pagũ magũ mera bocajapũ. Erã wai wejẽdi masa árĩñorã. Erã wejẽdi yucũre mehyurã iñorã erã iri ditaru wũari ditarugue.

¹⁷ Erãre arĩpũ Jesu:

—Yũ mera majarã árĩmorã arique mũa. Yũ mera mũa aricũ mũa waire mũa ñeha gameneorã mũa iiro dopa ta, Goãmũ yarã árĩmorãre sihu gameneomorãre iirã árĩcũ

iigura mware. Yu mera mua aricũ eropa iimoräre apigura mware. Eropirã yu mera arique, arĩpu Jesu.

¹⁸ Īgu eroparĩcũ peerã, erã wejedi yucure apicã ĩgu mera waha wañorã.

¹⁹ Eropirã erã merogã tarigã Santiagore ĩgu pagu magu Ñu sãre bocañañorã daja. Erãpu Zebedeo porã arĩñorã. Erã ya dohodirugue erã wejedi yucure amurã iññorã.

²⁰ Erã peräre ĩgu sihubeopu. Īgu sihubeocũ pee erãpu erã pagure ĩgure itamurã mera dohodirugue apicã Jesu mera waha wañorã.

Watĩ ñajasũdigu Jesure bocatĩriñumi

Lc 4.31-37

²¹ Eropi erã Capernaum waĩcũri macague eñañorã. Eropigu Sabado árĩcũ judio masa erã buheri wihigue buhegu ñajapu. ²² Eropigu ðaro masipehogu buhegu, judio masare erã buherã iro dopa árĩbiripũ ĩgu. Īgu eropa buhecũ iri maca majarã pee uca wañorã. ²³ Irisubure iri wihire yujugu watĩ ñajasũdigu arĩpu. Eropigu ðpa arĩ gaguĩguipũ Jesure:

²⁴ —Muñu Jesu Nazare majagu garibobiricãque gware watẽare. ¿Duhpibu ðpa iiri guare? ¿Muñu guare dederecũ iibu iiri? Goãmũ magu mu ðagu árĩcũ gwa masia, arĩ gaguĩguipũ ĩgu Jesure.

²⁵ Īgu eroparĩcũ peegu Jesu turipu watĩre:

—Ejarimaricãque. ĩgure cohã wiria waque, arĩpu Jesu.

²⁶ Eropigu watĩ masare yeba mehmereja tũrucũ iipu. Īgu gaguĩguicũ ta wiriapu ĩgure. ²⁷ Eropirã árĩpehrerã iri wihi doanirã ĩgu eropa wacũ iha ucataria waha ðpa arĩñorã:

—Yaho. ¿Ñehe buheri ahriri ii? ¿Mama buheri ta ahriri? Īgu opu iro dopa ta doremi watẽare. ĩgu dorecũ watẽapu tarinugabeama ĩgure, arĩ wereniguiñorã iri wihi doarã erã basi.

²⁸ Eropirã bajamenurigã puhrugã ta, árĩpehrerã Galilea yeba majarã irire ĩgu eropa irare masipehrea wañorã.

Jesu Simo Pedro muñecore ðago iññumi

Mt 8.14-15; Lc 4.38-39

²⁹ Eropi Jesu sã judio masa erã buheri wihigue arĩñirã wiria wañorã. Erã eropa wiriara puhru Jesu, Santiago, Ñu mera, Simo ĩgu pagu magu Andre sã ya wihigue ñajapu. ³⁰ Irisubure Simo muñeco nimacuri dorecugu camague igo oyacũ wereñorã Jesure. ³¹ Erã eropa werecũ peegu, ĩgu igo pohrogue eja, igo mojtore ñeña, igore tara wahgũ dobopu. ĩgu tara wahgũ dobocũ ta igore nimacuri taria wayoro. Taricũ pepigo igopa wahgã erãre bari ejopo.

Jesu bajarã dorecurãre ðarã iññumi

Mt 8.16-17; Lc 4.40-41

³² Ñamicague abe ñajara puhrugue masa árĩpehrerã dorecurãre, gajirã watẽa ñajasũñirãre, pũriri dorecurãre Jesu pohrogue aĩ eñañorã. ³³ Eropirã árĩpehrerã iri maca majarã gamenereñorã Jesu árĩri wihi disiporore. ³⁴ Eropigu Jesu bajarã dorecurãre, baja dore oparãre ðarã wacũ iipu. Masa bajarãre watẽare wiupu. Eropigu watẽa Jesu Goãmũ magu ĩgu arĩrĩre erã masicũ ĩagu Jesupu erãre irire weredorebiripũ.

Galilea yebague Jesu buheñumi

Lc 4.42-44

³⁵ Eropigu ñamiñarigã árĩcũ boyoboro core, ĩgu wahgãra puhru masa marirogue ĩgu Pagu Goãmure serẽgu wapũ. ³⁶ ĩgu eropa wacũ ĩarã Simo sã ĩgure amarã eñañorã. ³⁷ Eropirã ĩgure bocatĩri ðpa arĩñorã:

—Masa árĩpehrerã mure ahmama, arĩñorã erã ĩgure.

³⁸ Erã eroparĩcũ peegu ðpa arĩpu Jesupu.

—I macare buhegu ahrabu yuhũ. Eropirã gaji macari sãre ðgã maja macari sãre buherã warã mari. Yuhũ iri macari sãre buhegura, arĩpu Jesu.

³⁹ Eropigu árĩpehrero Galilea yebare buhecuripũ. Eropigu macari nũcu erã ya buheri wirigue ñajaja buhepu. Pũriri dorecurã sãre pũrĩre cóãpu. Watẽare masare ñajanirãre cohã wiupu.

Jesu camĩ boagure ðagu iññumi

Mt 8.1-4; Lc 5.12-16

⁴⁰ Eropi gajigu camĩ boagu Jesu pohrogue eja, mereja serẽpu:

—Muñu yare ðagu wacũ iidiagu, yare ðagu wacũ iimasia, arĩpu camĩ boagupu Jesure.

⁴¹ Īḡu eropariċū peegu Jesu ĭḡure mojomoro ĭap̄u. Eropiḡu Jesu ĭḡu mojoto mera mohmepiḡu. Mohmepiḡu ta ḡpa arĭḡu:

—Irire iidiaca. Ōaḡu árĭtque muḡu, arĭḡu Jesu.

⁴² Īḡu eropariċū ta ĭḡu cami boara yaria wayoro. Ōaḡu wap̄u ĭḡu. ⁴³ Īḡu eropa wacū ĭaḡu Jesu ĭḡure turaro mera werep̄u:

⁴⁴ —Yuh̄u mure ḡpa iirare gajir̄are ne werebiriċáque. Eropa werebiriġuereḡu ta mu d̄up̄ure ḡaro warare pahire ĭhmuḡu waque, “Ōaḡu áhrimi,” arĭdoreḡu. Goám̄u doreri Moiser̄e ĭḡu apidiro dopa ta iique. Eropiḡu mirimaguḡare oque pahire mu ḡaḡu warare masare mu ĭhmuburire, arĭḡu Jesu ĭḡure. Ōpa arĭtuhaja waque, arĭḡu ĭḡure.

⁴⁵ Īḡu eropa masare weredorebiriġuereċū ta ĭḡup̄u waha árĭpehreri macari majar̄are Jesu ĭḡure ḡaḡu wacū iirare werep̄u. Īḡu eropa werera puh̄u Jesu masa bajar̄a er̄a árĭroguere wamasibirip̄u. Eropiḡu ĭḡu masa bajamer̄aḡa árĭroguere árĭḡu. Eroḡue ĭḡu árĭċū baja macari majar̄a ĭḡu pohroḡue ejañor̄a.

2

Jesu d̄up̄u buhadiḡure ḡaḡu wacū iññumi

Mt 9.1-8; Lc 5.17-26

¹ Bajamenari puh̄u Jesu Capernaungue dujaa wap̄u. Wihiḡue ĭḡu árĭċū masa masiñor̄a. ² Eropir̄a masa ero bajar̄a gamenere iri wihire uḡaturia waha disiporoḡue wirinuḡajañor̄a. Eropiḡu Jesu er̄are ḡari buherire werep̄u. ³ Eropir̄a gajir̄a s̄a Jesu pohro ejañor̄a. Er̄a wapic̄ur̄a uma d̄up̄u buhadiḡure aĭ ejañor̄a. ⁴ Eropa ejar̄a masa bajar̄a árĭċū ĭar̄a Jesu pohroḡue aĭ ñajamasibir̄iñor̄a. Eropir̄a er̄a d̄up̄u buhadiḡure aĭ muju wihi weca aĭ weasiri ñajaa Jesu ĭḡu niguiro weca pihri dijuñor̄a. “Jesu ihĭ ĭḡu doreċurire taricū iḡucumi,” arĭ pepiñor̄a er̄a. ⁵ Er̄a eroparĭ pepicū masiḡu Jesup̄u doreċuḡure ḡpa arĭ werep̄u:

—Mahḡu, mu ñero iirare cóatuhabu, arĭḡu Jesu d̄up̄u buhadiḡure.

⁶ Īḡu eropariċū peer̄a eroḡue doar̄a judio masare buher̄ap̄u er̄a basi ḡpa arĭ pepiñor̄a: ⁷ “Ihĭ eropa arĭ wereniḡuibiriċáporo. Goám̄are ñero wereniḡuḡu iimi ihĭ. Īḡu masu mari iro dopa árĭḡu áhrimi ĭḡu s̄a. Eropiḡu ĭḡu mari ñero iirare cóamasibeami. Goám̄u dihta masa er̄a ñero iirire cóamasimi,” arĭ pepiñor̄a er̄a. ⁸ Er̄a eropa arĭ pepicū ĭaḡu, Jesu er̄a pepirire masiḡu ḡpa arĭḡu er̄are:

—¿Duhpir̄a muu eropa arĭ pepiri? ⁹ “Mu ñero iirare cóatuhabu,” yu arĭċū pee “ḡuyaricuḡu áhrimi,” ar̄aa muu yare masibir̄iquerer̄a ta. Ihĭ d̄up̄u buhadiḡure “Wahḡanuḡajaque,” yu arĭċū ĭḡu wahḡanuḡajacū ĭar̄a yu arĭra diaye árĭċū masir̄aca muu. ¹⁰ Yuh̄u masu Goám̄u ĭḡu obeodiḡu árĭḡu i yebaguere masa er̄a ñero iirire cóamasia yuh̄u. Muu irire masiboro dopa ĭḡure wahḡanuḡajacū iḡura, arĭḡu Jesu judio masare buher̄are.

Eropa arĭtuhaja d̄up̄u buhadiḡure ḡpa arĭḡu:

¹¹ —Mure arĭḡu iiaa: Wahḡanuḡajaque. Curique. Mu p̄uḡure aĭ waque mu ya wihiḡue, arĭḡu ĭḡure Jesu.

¹² Īḡu eropariċū peegu d̄up̄u buhadiḡup̄u wahḡanuḡaja, ĭḡu p̄uḡure aĭ árĭpehrer̄a masa er̄a ihuro wiria waha wap̄u. Īḡu eropiċū ĭar̄a er̄a árĭpehrer̄a ĭhamaria wañor̄a.

—Goám̄u ḡaḡu turaḡu áhrimi. Ne ḡpa iirire ĭabirimar̄abu mari, arĭñor̄a er̄a basi.

Jesu Levire ĭḡu mera majaḡu árĭbure sihuñumi

Mt 9.9-13; Lc 5.27-32

¹³ Eropi dipaturi Jesu ditaru t̄roḡue wap̄u. Eropiḡu masa bajar̄a ĭḡu pohroḡue eja gamenereċū ĭaḡu ĭḡu er̄are buhep̄u. ¹⁴ Eropa iituha, eroḡue árĭd̄iḡu waḡu, Levire Alfeo maḡare ĭḡu mohmeri taribuḡue bocajap̄u. Gajir̄a mera opar̄a ya árĭburire wajasea corer̄a mera árĭḡu Leví. ĭḡure bocajaḡu ḡpa arĭḡu:

—Yu mera majaḡu árĭbu arique muḡu, arĭḡu Jesu Levire.

Īḡu eropariċū peegu Levip̄u wahḡanuḡaja Jesu mera waha wap̄u.

¹⁵ Puh̄u ĭḡu ĭḡu buher̄a mera Leví ya wihire mesague ba doacū bajar̄a wajasea corer̄a “Ñero iir̄a áhrima,” masa er̄a arĭr̄a er̄a mera ba doañor̄a. ¹⁶ Eroḡue er̄a doara puh̄u, gajir̄a judio masare buher̄a, fariseo masa s̄a Jesu ñero iir̄a mera ĭḡu bacū ĭañor̄a. Eropa ĭar̄a ḡpa arĭñor̄a:

—¿Duhpiḡu ñero iir̄a wajasea corer̄a mera bahari Jesu? arĭ ser̄epiñor̄a judio masare buher̄a Jesu buher̄are.

¹⁷ Er̄a eropariċū peegu ḡpa arĭ yuh̄rip̄u Jesup̄u:

—Dorecārā dihta duhturure ahmama. Dorecārā duhturure amaro dopa ta “Ñegu āhraa yuħu,” arīrā yare amarācoma. Eropigu “Ñegu āhraa,” arīrā dihtare erā ñero iirare bujaweredore ðaripure gohrotocū iigu aribu yuħu. Erā basi “Ōarā āhraa gua,” arī pepirāpure itamugu aribiribu, arīpu Jesu erāre.

Ba duhurire serēpiñuma gajirā Jesure
Mt 9.14-17; Lc 5.33-39

¹⁸ Irisubure Ñu buherā, fariseo masa sā Goāmure umupeomorā ba duhumariñorā. Eropirā masa Jesu pohro eraa ĩgure serēpiñorā.

—Erā Ñu buherā, fariseo masa buherā sā Goāmu ya árīburire iirā, ba duhumarama. ¿Duhpirā mu buherāpu ba duhubeari? arīñorā erā Jesure.

¹⁹ Erā eroparicū pee Jesu erāre ðpa arī yahripū:

—Ōpa āhraa iri: Mojoto diridigu ĩgu bosenure iicū ĩgu mera majarā bujawerēā ba duhurā iibeama. ĩgu mera árīrā mucubiri barā iima. Eropa ta yu buherā sā yu mera árīrā ba duhumasibeama. ²⁰ Yujunā Goāmu yare aicāgucumi. Eropa ĩgu aīgāra puhru yu buherā mera árísome yuħu. Eropirā irisubugue tamerare yu buherā ba duhurācoma, arīpu Jesu.

²¹ Erā iribojegue maja buheri mera mama buheri mera erā buhe morediacū ĩagu ðpa arī werenemopu Jesu werenigui queori mera:

—Ne mama gasiro suhri gasiro mera murañe suhrirore seretu masiya mara. Eropiicū mama gasiro mari coera puhru murañere suhrirore taragameneo, wuatariaro yehgucū iiaa. Eropa ta mama buherire mura buheri mera wapi moa buhebiricāro gahmea. ²² Eropirā ne igui decore imisīri decore waibugū gasiro ajurore mura ajurore pisābiricāro gahmea. Eropiro igui deco pahmutarirogue mura ajurore yehgue dija waha. Iri ajuro yehgucū igui deco sā cohmo, ajuro sā cohmoa waha. Eropirā igui decore mama ajuro mera pisāro gahmea. Eropiicū igui deco sā cohmo beaa. Ajuro sā cohmo beaa. Eropa ta mama buheri, mura buheri mera more buhebiricāro gahmea, arī buhepu Jesu erāre.

Sabado árīcū Jesu buherā trigo pororire tarīñuma
Mt 12.1-8; Lc 6.1-5

²³ Gajinu Sabado árīcū Jesu sā trigo pohegue ĩha taria wañorā. Erogue tariatā ĩgu buherāpu trigo pororire tarī tari wahgāñorā. ²⁴ Erā eropiicū ĩarā ðpa arīñorā fariseo masa Jesure:

—Peenique guare. ¿Duhpirā mu buherā Sabadonū mari soorinu árīquerecū Goāmu ĩgu mohmedorebiririnare mohmeri erā? Mari dorerire tarinugarā iima, arīñorā erā Jesure.

²⁵⁻²⁶ Erā eroparicū peegu yu buherā tarinugarā iibeama arīgu ðpa arīpu erāre:

—Iribojegue Davi ĩgu mera majarā mera oaboagu Goāmu wihigue ñaja iri wihi árīri panre Goāmu ya panre bañumi. Eropigu ĩgu mera majarā säre badoregu iri panre oñumi. Iri panre pahia dihtare badorera árīyoro. Goāmu doreri gajirāre iri panre badorebiriyoro. Irisubure Abiata waicuga pahia opu árīñumi. ¿Davi sā irire erā iirare Goāmu yare erā gojarare buhebirari maa? Davi iri panre bagu Goāmure tarinugagu iibirīñumi. Dohpagāre yu buherā sā i trigo yerire tarī barā Goāmure tarinugarā iibeama, arīpu Jesu.

²⁷ Eropa arītuhaja ðpa arīnemopu:

—Goāmu masare iituhajagu soorinure doreñumi “Masa sooporo,” arīgu. Eropa iigu masa inare iiburire weregu āhrimi. Masapu inare erā iiburire wererā árībeama.

²⁸ Eropigu yuħu masu Goāmu ĩgu obeodigu inonu soorinu säre masa erā iiburire doremasia, arīpu Jesu erāre.

3

Mojoto buhadigu ðaro wañumi
Mt 12.9-14; Lc 6.6-11

¹ Gaji Sabado árīcū Jesu judio masa erā buheri wihigue esa ñajapu daja. Eropigu mojoto buhadigu sā ero árīpu. Eropirā iri wihi árīrā Jesure ĩhanuñorā ĩgure weresāmorā. ² Sabado árīcū Jesu mojoto buhadigure ĩgu ðagu iicū ĩarā, “Mari soorinure Jesu mohmegu iimi,” arī weresādiañorā Jesure. ³ Eropigu ðpa arīpu Jesu mojoto buhadigure:

—Wahgānugajaque. Arique ðgue, arīpu.

Ōpa arītuha iri wihi árīrāre werepu:

⁴ —¿Sabado áricũ ðarire iicũ ðabeari? ¿Ñerire iicũpũre ðhari mũa pepicũ? Sabado áricũ masure masucũ ðapũrica. Masure wejẽcũpũre ðabeaa, arĩ wereru Jesu erãre.

Ígu eropa arĩquerecũ ta yuhribiriñorã. ⁵ Erã eropa yuhribiricũ íagu Jesu erãre ihamehtu erã mera guapu. Erã ígure peediabiricũ íagu Jesu erã mera bajawerepu. Eropigu mojoto buhadigũre arĩpu:

—Mu mojtore sísirãbeoque, arĩpu ígure.

Ígu eroparicũ peegu ígu mojtore sísirãbeopu ígu. Ígu eropiicũ ta ðari mojtoto wayoro. ⁶ Ígu ya mojoto ðari mojtoto wacũ íarã fariseo masa wiria wañorã. Wiria Herode curu majarã mera gamenere, “¿Dohpa ii ihĩ Jesure wejẽrãcuri?” arĩ weretamuñorã erã erã basi.

Masa bajarã ditaru turogue árĩnuma

⁷⁻⁸ Eropi Jesu ígu buherã mera ditaru turogue wapu. Erã erogue wacũ íarã Galilea majarã masa bajarã erã puhru nurusiañorã. Eropirã Judea yeba majarã, Jerusalén majarã, Idumea yeba majarã, Jordán waicuriya gajipu masegue majarã, Tiro majarã, Sidón majarã ígure íarã wañorã ígu iirare peenjarã. ⁹ Eropirã bajarã árĩñorã Jesu pohrore. Tuucãhmota nugajacãñorã. Eropigu Jesu ígu buherãre gasirure amuyudorepu ígu doaborore. ¹⁰ Bajarã dorecurãre ígu ðarã wacũ iicũ íarã gajirã dorecurã sã ígure pẽhrediañorã. ¹¹ Eropirã watẽa ñajasunirã Jesure íarã ígu pohro mereja arĩñorã:

—Muũ Goãmu magu áhrra, arĩ gaguiniguiñorã erã ígure.

¹² Eropigu erãre Goãmu magu ígu árĩrĩre turaro mera gajirãre weredorebiripu Jesu.

Jesu ígu buherãre doce gohra beyẽnuma

Mt 10.1-4; Lc 6.12-16

¹³ Eropigu Jesu utãgũgue mũria ígu gamerãre sihupu. Ígu eropa sihubeocũ peerã ígu pohrogue ejañorã. ¹⁴ Eropigu doce umare ígu mera majarãre, ígu obeomorãre beyepu. Gaji macarigue ígu yare buherã wamorãre beyedobopu Jesu. ¹⁵ Eropigu watẽare erã cõaburire apĩpu erãre. ¹⁶⁻¹⁹ Oã árĩñorã doce gohra umu ígu beyenirã. Simo, Santiago Zebedeo magu, ígu pagu magu Ñu, Andre, Felipe, Bartolomé, Mateo, Toma, Santiago Alfeo magu, Tãdeo, Simo celote ya curu majagu, Juda Iscariote, oã nucure Jesu beyedobopu. Jesu Simore Pedro waiyepu. Santiagore, Ñu mera Boanerges waiyepu. Boanerges mari ya mera “bupu masa” waicuma. Juda Iscariote Jesure íhaturirãre ihmubu arĩpu. Erãre beyedobotuha Jesu dijaha wihigue ñaja wapu.

—Jesu watĩ turari opami, arĩ weresãnuma masa

Mt 12.22-32; Lc 11.14-23; 12.10

²⁰ Eropi ero dipaturi masa bajarã gamenereñorã daja erã pohro. Eropirã ígu ígu buherã sã ne bamasibiriñorã. ²¹ Eropirã Jesu acawererã ígu iirare peebeñorã. “Jesu goroweregu wagu iimi,” masa aricũ peeñorã. Eropirã ígu pohrogue eja ígure aigãridiariñorã.

²² Gajirãpu ðpa arĩñorã:

—Beelzebú ígure eropa iicũ iicumi. Ígu watẽare cõãgu Beelzebú watẽa opu turari mera erãre cohãmi, arĩñorã Jerusalengue arinirã judio masare buherãpu.

²³ Erã eroparicũ peegu Jesupu erãre sihubeo werenigui queoriñe mera wereru erãre.

—Watĩ ya turari mera watẽare cõãgu iibea. Watẽa erã basi cõãmasibeama.

²⁴ Eropirã yuju yeba majarã erã basi gamequeãrã iri yeba majarã pehrea wacoma.

²⁵ Eropirã yuju wihi majarã erã basi erã gamequeãrã iri wihi majarã pehrea wacoma.

²⁶ Eropigu ígu Satana watẽa opu watẽare yare cõãdoregu, ígu basi ta gamequeãgu iibocumi. Eropigu ígu pehrea wabocumi.

²⁷ ðpa ta áhrra watĩ turagure tarinugari werediacũ: Wihi opu turagure diribigu, yajari masu ígu ya wihire ñajaja yajamasibeami. Ígure ígu dirira puhru tamerare ñajaja yajamasimi ígure, arĩ wereru Jesu. Eropa arĩ wereru watĩre ígu tarinugare weregu. Watĩ turagu arĩquerecũ ta Jesu ígure tarinugami watẽare cohã wiugu.

²⁸ Eropigu arĩnemopu Jesu:

—Diaye arĩgu iiaa mũare. Árĩpehreri masa erã ñeri iicũ sãre, erã wereniguiçũ sãre Goãmu cãdijimasimi. ²⁹ Eropa cãdijiqueregu ta Espĩritu Santore erã ñero wereniguiçũ iri tamerare ne cãdijisome. Erã eropa arĩra waja eropa dipuwajacũniguiçãrã árĩrãcoma, arĩpu Jesu erãre.

³⁰ Jesu Espĩritu Santo turari mera mohmequerecũ erãpu “Watĩ turari mera mohmemi,” arĩñorã. Erã eropa arĩra waja Jesu eropa arĩ wereru erãre.

Jesu acawererã ígure sihurã erañuma

Mt 12.46-50; Lc 8.19-21

³¹ Eropirā Jesu pagu porā ĩġu pago mera erañorā. Eropa erarā disiporogue niguirā gajirāre sihudoreñorā ĩġure. ³² Eropirā masa ĩġu pohroge doarā wereñorā ĩġure.

—Mu pago mu pagu porā mera disiporogue sihuma mure erā, arññorā.

³³ Erā eroparicū peegu ōpa arñpu Jesu erāre buhebu:

—¿Noa āhriri yu pago yu pagu porā sã mua ĩacū? arñpu.

³⁴ Eropa arñgu ĩġu pohroge doarāre ĩagu ōpa arñpu:

—Oā āhrima yu pago, yu pagu porā dopa árñrā. ³⁵ Goāmũ gamerire iima oā. Eropa ta ĩirā yu pagu magu, yu pagu mago, yu pago iro dopa āhrima, arñ buhepu Jesu erāre.

4

Jesu oteri masũ queoriñere buheñumi

Mt 13.1-9; Lc 8.4-8

¹ Eropi dipaturi ta daja Jesu ditaru turoge buhenugapu. Eropa erogueru buhenugagu masa bajarā ĩġu pohroge gamenerecū ĩagu Jesu dohodirugue ñaja buhe payapu. Eropirā masapu yebague ditaru turoge niguiñorā ĩġure peemorā. ² Eropigu Jesu baja werenigui queorire erāre buhepu.

³ —I queoriñere peeque mua, arñpu erāre.

—Oteri masũ otegu wañumi. ⁴ ĩġu eropa otecū gajiyeri ma turo yurimerejayoro. Ero mehmerejarayeri mirimagu porā ahri bacāñuma. ⁵ Eropi gajiyeri utāyeri watope yurimerejayoro. Ero utāyeri watope nicu mariñariro árñquerecū ta, mata puhriyoro. ⁶ Eropa puhri arañquerero, abe ĩġu bariġā asicū, nuguri marinjaro ñaiñaja siria wayoro. ⁷ Gajiyeri poracuroge yurimerejayoro. Porapu puhri tiataria waha oterayeripure wejēcāyoro. Eropiro iri dũca mariyoro. ⁸ Gajiyeri ōari yebapu yurimerejayoro. Ōaro puhri dũcacũyoro, gajisari treinta yeri, gajisari sesenta yeri, gajisari cien yeri dũcacũyoro, arñ buhepu Jesu.

⁹ —Irire ōaro peeque mua, arñnemopu Jesu.

Jesu ĩġu werenigui queorare ĩġu buherāre wereñumi

Mt 13.10-17; Lc 8.9-10

¹⁰ Eropirā puhru erā seyaro árñrā, doce buherā gajirā Jesu mera árñrā iri queorañere masidiarā Jesure serēpiñorā. ¹¹ Erā eropa serēpira puhru Jesu ōpa arñ werepu:

—Goāmũ masa tauro opu ĩġu árñrire, iribojegue majarā erā masibirirare mũare yu buherāre masicū iimi Goāmũ. Gajirāpũ eropiibeami ĩġu. Eropigu erāre werenigui queori mera buhea. ¹² Eropirā erā ĩaquererā, pee masibeama. Eropirā peequererā ta masisome. Erā masirā ōaripure gohrotoboñuma. Erā eropa gohrotocū ĩagu erā ñero ĩirare cóãboñumi Goāmũ. Eropa árñquerecū ta erāpu ne peediabeama, arñpu Jesu.

Jesu oteri masũ queoriñere were amuñumi

Mt 13.18-23; Lc 8.11-15

¹³ ĩġu eroparira puhru, ōpa arñnemopu erāre:

—¿Iñe queoriñere peenibeari mua? ¿Mua iñe queoriñere peebirā dohpa gaj queorire peerācuri mua? arñpu Jesu erāre.

Eropa arñtuhaja ōpa arñ werepu erāre.

¹⁴ —Oteri masũ ĩġu oteriyeri ōari buheri iro dopa āhrra. ¹⁵ Eropiro ma turo mehmerejarayeri, ōari buheri iro dopa ta āhrra. Eropigu masa erā ōari buherire erā peecū ĩagu Satanapu iri ōari buherire masidorebeami erāre. Mirimagu porā iriyerire erā dote aĩdoro dopa ta iimi. ¹⁶ Eropi utā watope mehmerejarayeri ōari buheri iro dopa ta āhrra. Eropirā masa ōari buherire pee, mucubiriri mera mata irire pee aĩma. ¹⁷ Eropa pee aĩquererā ta, utā watope árñrisari, nuguri maririsari iro dopa ta oā masa turabeama. Eropa turabirā yaha ōari buherire erā peera waja gajirā erāre ñero ĩicū ĩarā yahapure duhucāma. Gajirā erāre ñero ĩicū irire bocatũbirā yahare duhucāma. ¹⁸ Eropi pora watope yurimerejarayeri ōari buheri iro dopa ta āhrra. ¹⁹ Eropirā masa ōari buherire peequererā, i yeba majare wũaro guñaricũrā niyerure mahima. Gajino sãre baja gamenemoma. Erā eropiicū iripu ōari buheripure cãhmotaa. Iri eropa cãhmotacū masa Goāmũ gamerire iibeama. ²⁰ Eropi ōari yeba mehmerejarayeri ōari buheri iro dopa ta āhrra. Eropirā masa ōari buherire peerā irire masima. Eropa masirā árñrā Goāmũ ĩġu gamero dopa ta iima erā. Yujurāyeri merogā ōarire iima treinta yeri dũcacũro dopa ta. Gajirā wecañari ōarire iima sesenta yeri iri dũcacũro dopa ta. Gajirā wũaro ōarire iima cien yeri dũcacũro dopa ta, arñ werepu Jesu erāre.

Jesu sihãgodiru queoriñere buheñumi

Lc 8.16-18

²¹ Eropa arñtuha ōpa arñnemopu:

—Ne, sihāgodirure masa sihāgorā máticasorobu docague buhapibeama. Irirure sehro doca apibeama. Irirure sihāgorā umarogue duhpeoma ōaro boyoweadorerā. ²² Árīpeherrerā masa erā masibirirare puhru masirācoma. Sihāgodiru boyocū mari ihamasiro dopa ta, iribojegue erā masibirirare masirācoma masa. ²³ Irire ōaro peeque mua, arīpu.

²⁴ Eropigu erāre arīnemopu daja:

—Merogā masidiarā merogā masirāca. Wuaro masidiarā wuaro masirāca. Eropirā peerā ōaro peenaruque. ²⁵ Ōaro peenaruque ōaro masigucumi. Peenarubigu “Merogā peea,” igu arīquerecū ta, iripu dederea waroca igure, arīpu Jesu erāre.

Jesu coye puhri queoriñere buheñumi

²⁶ Jesu erāre werenigui queori mera buhepu daja:

—Goāmū igu opu arīri werediacū ojudacare otera iro dopa āhraa. Yujugu coyere ojudacayeri otemi. ²⁷ Otetuhaja mūaro ta carī wahgā iagu wamuririmi. Irisubu igu oterayeri puhri wiriaca. “¿Dohpa puhri?” arī iha masibeami irire otedigu igu basi. ²⁸ Iri otera iri yeba mera iri gamero ducacua. Epapūgā deyomuhta, puhru dipa poro puhri wiria waha. ²⁹ Dūca bugatuhajacū iagu iri pororire pehami. “Pearisubuno ta āhraa,” arīmi. Igu otera iri bugare igu masibiridiro dopa ta masa Goāmū yarā erā dohpa wacū sāre masibeama masa, arī buhepu Jesu.

Mostazayegā queoriñere wereñumi Jesu

Mt 13.31-32; Lc 13.18-19

³⁰ Eropa arītuha buhenemopu:

—¿Goāmū igu opu arīri werediacū ñeheno iro dopa āhriri mua pepicū? Iri werenigui queoriñere mera irire weregura. ³¹ Mostazayegā iro dopa āhraa Goāmū igu opu arīri. Iriyegā igu otecū miriyegā gohra āhraa. ³² Eropa arīquerero iriyegā ōaro puhri wiria. Eropiro yucugu wuadigu waha. Eropirā irigu dūpuri paga dūpuri bugacū iarā mirimagu porā iri dūparigū suhri suama. Mostazayegā wuatariadigu bugaro dopa ta umaro majagu mari Opure masinugarā bajamerāgā erā arīquerecū ta, puhraguere erā bajarā warācoma, arīpu Jesu.

Queori mera igu buherire wereñumi Jesu

Mt 13.34-35

³³ Eropigu iri werenigui queori iro dopa baja queorire erā masiopē ōari buherire buhepu erāre. ³⁴ Queoriñere mariro werebiripu erāre. Puhru erā seyaro arīrāre ōaro were amuphocāpu Jesu igu buherāre.

Jesu miruñere yusudoreñumi

Mt 8.23-27; Lc 8.22-25

³⁵ Eropi irinu ñamica Jesu igu buherāre ōpa arīpu:

—Ina sipu masegue, arīpu erāre.

³⁶ Igu eroparicū peerā, yebague niguirāre goeriseretuhajarā dohodirugue ñajaa, Jesure aī taribuja wañorā. Eropirā gajirā gaji gasi mera erā puhru taribujañorā. ³⁷ Erā taribujacū iriyague miruñe burigā weāyoro. Eropiro miruñe ariro pāgūri dohodirure miucāriyoro. Deco turaro ñajayoro. Merogā duhayoro erā miriboro. ³⁸ Eropa warisubu Jesu dohodiru auturogue suhri pore wecague carīgu iipu. Eropirā erā igure wahgūñorā.

—Buhegu, ¿muhñe iabeari? Mirirari iiaa mari, arīñorā erā Jesure.

³⁹ Erā eroparicū peegu Jesu wahgā miruñere, pāgūri sāre,

—Yusuque, arīpu.

Igu eroparicū ta miruñe pāgūri sā yusudija pehrea wayoro. Ōaro dujayoro. ⁴⁰ Eropigu Jesu arīpu igu buherāre:

—¿Duhpirā güimaacāri mua? ¿Mua yure umupeobeari? arīpu Jesu erāre.

⁴¹ Eropa wacū iarā erā ihamaria wañorā.

—¿Ñehmuno masu āhriri ihī miruñe, pāgūri sā yuhrišūgu? arīñorā erā basi.

5

Watēa ñajasūdigure ōagu wacū iñumi Jesu

Mt 8.28-34; Lc 8.26-39

¹⁻² Eropi erā sipu masegue Gerasa majarā ya yebague taribujañorā. Eropigu Jesupu dohodirugue sañadigu majanugajapu. Igu majanugajara puhru, watēa ñajasūdigu masa goberī utā goberī watopegue arīdigu wiriri igu pohroque aripu. ³ Igu watēa

mera goroweregu masa goberi watope árĭġu árĭmuriġu. Gajjirġu ĩġure ñeha comeda wuarida mera dirimasibirimuriñorġ. ⁴ ĩġu burigġ gorowerecġ ĩha bajasuburi masa ĩġure guburi diriri berori mera comedari mera dirimuriñorġ. Eropĭġu ĩġuru comedarire nuha tuġtasiricġmuriġu. Eropirġ ĩġu turagu árĭro mera masaru ĩġure ñeha dirirġ bocatubiririñorġ. ⁵ Eropĭġu ñami árĭcġ, umu sġre masa goberi watopeġue, utġ yucugue sġre, eropa gaguinġui curicġmuriġu ĩġu. Eropĭġu utġ mera ĩġu basi dotemuriġu. ⁶ Eropĭġu yoarogue Jesure ĩhabeo ĩġu pohrogue omagġariġu. Eraa mereġaru Jesu core umupeobu.

⁷⁻⁸ —Watġa, duhuque ĩġure, arĭġu Jesu.

ĩġu ōpa arĭcġ peegu, watġa ñajasġdigu ōpa arĭ gaguinġuiġu:

—ĶJesu Goġmu turagu magu, ñehenore iibu iiri muhu yure? Goġmu ĩġu ĩaro serġa yuhu mre. Yure ñero iibiricġque, arĭ gaguinġuiġu watġa ñajasġdigu Jesure.

⁹ —ĶDohpa waĭcari muhu? arĭġu Jesu ĩġure.

—Gua bajarġ ħraa. Eropirġ “Bajarġ watġa” waĭcua, arĭġu Jesure.

¹⁰ Eropĭġu Jesure turaro serġu:

—I yeba árĭrġre gua watġare gajġuġue wadobiricġque, arĭñorġ watġa masu mera árĭñirġ.

¹¹ Irisubure bajarġ yesea árĭñorġ erġ pohrore. Utġgu gubuye ahma barġ iñorġ. ¹² Ero erġ banġguicġ ĩarġ ōpa arĭ serġñorġ watġa:

—Soġ yesea pohrogue wadoreġue ġuare. Erġ mera árĭdoreġue ġuare, arĭ serġñorġ watġa masure ñajanirġ.

¹³ Erġ eroparĭcġ peegu yesea pohrogue wadoreġu Jesu erġre. ĩġu eropa dorecġ watġa masure duhu yesea dos mil gohra árĭrġpore ñajañorġ. Erġ pohrogue erġ ejara puhrġ yeseapu gorowere árĭpehrerġ dipaturague oma buha, ditarague yuriñajaa sĭripehrea wañorġ.

¹⁴ Yesea erġ eropa wacġ ĩarġ, erġre ĩhadibunirġpu ġui omagġa wañorġ. Macague eja, iri maca majarġre campo majarġ sġre erġ ĩarare weresiripehocġñorġ. Erġ eropa werecġ peerġ masaru bajarġ Jesu ĩġu iirare ĩarġ arĭñorġ. ¹⁵ Eropirġ Jesu pohrogue erarġ, watġa ñajasġdigure, suhri saña, pee masġu ĩġu ero ōaro doacġ ĩarġ ĩha uca wañorġ erġ. ¹⁶ Eropirġ watġa ñajasġdigure, yesea sġre erġ eropa warare ĩanirġ gajjirġre werepehocġñorġ. ¹⁷ Erġ eropa werepehocġ peerġ ero majarġ Jesure turaro mera wadoreñorġ.

¹⁸ Eropĭġu Jesu ĩġu dohodirugue ĩġu ñajacġ ĩagu “Mu mera wadiaca,” arĭ burigġ serġriġu watġa ñajasġdigupu Jesure. ¹⁹ ĩġu eropa arĭquerecġ Jesu ĩġure wereru:

—Yu mera aribita. Mu ya wġigue waha, mu pohro árĭrġre yuhu mu opu mre ōaro iirare wereġu waque. Mre yu mojomoro ĩarare wereġue erġre, arĭġu Jesu ĩġure.

²⁰ ĩġu eroparĭcġ pee watġa ñajasġdigupu Decapoli waĭcari macague Jesu ĩġure ōaro iirare werenuġapu. ĩġu eropa arĭ werecġ peerġ, masa árĭpehrerġ pee uca wañorġ.

Jairo magore ōago ĩi, ne behrego sġre ōago iñumi Jesu

Mt 9.18-26; Lc 8.40-56

²¹ Eropĭ dipaturi ta Jesu gajġu maseġue ĩġu taribujacġ masa bajarġ ĩġu pohrogue wuarġya turogue gamenereñorġ. ²² Eropĭġu judio masa erġ buheri wġire ĩhadibugu Jairo waĭcugu erapu. Jesure ĩha, ĩġu guburi pohro mereġa ōpa arĭ serġu:

²³ —Yu mago sĭriġo ĩiamo. Eropĭġu ĩġore mu mojoto mera duhpeogu, ĩġore dore taugu ariġue. Mhu eropĭcġ ĩgo masagocumo, arĭġu ĩġu Jesure.

²⁴ ĩġu eroparĭcġ pee Jesu ĩġu mera wapu. ĩġu wacġ masa bajarġ nuruġsiagġñorġ ĩġure. ²⁵ Eropĭgo nomeo doce bojori gohra eropa umuri nuġu behrenġguigo ero árĭpo. Ero core bajarġ duhturuu ĩġore ñero taricġ iñorġ ĩġore ocoyerġ. ²⁶ Eropĭgo duhturuare ĩgo niyeru árĭpehrerire wajayepituhapo ĩgo ocoyedorego. Erġ eropa ocoyequerecġ ĩgo muraro ta árĭñġguicġpo. Eropĭgo ĩgo ero core ĩgo árĭdiro tauro ñero wapo. ²⁷ ĩgo eropa ñero taririsubu Jesu ĩġu masare ōarġ iirire peerġ gajjirġ wereñorġ ĩġore. Eropĭgo ĩgo Jesu puhrġ ta masa bajarġ watope ariġu. Ahri Jesu suhriore mohmepiñapo. ²⁸ “Yuhu ĩġu suhriro dihtare mohmepiñago ōago dujagoca,” arĭ pepĭgo ĩgo. ²⁹ Eropĭ ĩgo mohmepicġ mata ĩgo di wirira purumujudġija wayoro. ĩgo duġure ōari duġu wacġ pepĭgo. ³⁰ Eropĭgu Jesu ĩġu turari mera dorere ĩġu taurare masġu, masa watope majġ ĩapu.

—ĶNoa yaha suhriore mohmepiari? arĭġu.

³¹ ĩġu eroparĭcġ peerġ ĩġu buherġpu ōpa arĭñorġ.

—Cġhña ħraa. Eropirġ masa bajarġ mre pġhregġma. “ĶNoa yure mohmepiñari?” arĭġu, Ķdohpa arĭġu iiri muhu? arĭ serġpiñorġ ĩġure.

³² Eropigu Jesu igure mohmepidigore amapu. ³³ Igũ amaro watope igopu igo dupu ðaro wacũ pepigo güi, narağã merejapo igũ pohro. ³⁴ Eropigo igo diaye ta werepehopo igure. Igo eropa arĩ werera puhru Jesu werepu igore:

—Mahgo, muhu yure umupeori mera ðago dujaa dohpaguere. Mucubiriri mera waque. Dore mariro árĩque, arĩpu Jesu igore.

³⁵ Erã ðpa arĩ wereniguiro watope ta Jairo ya wihi majarã erañorã,

—Mu mago sĩa wahãmo. Eropigu buhegure sihubita pare, arĩñorã.

³⁶ Erã eropa arĩquerecã ta Jesu Jairore ðpa arĩ werepu:

—Bujawere pepibita. Yure guñaque. Umupeoque iri dihtare, arĩpu igure.

³⁷ Eropa arĩtuha, Santiago, igũ pagu magu Ñu, Pedro, erã dihtare “Yu mera arique,” arĩpu Jesu. ³⁸ Eropigu Jairo ya wihigüe ejapu. Iri wihigüere masa bajarã burigã ñehamere orerã iñorã. Erã eropa orecã iha erãre arĩpu Jesu:

³⁹ —¿Ñero arĩ ñehamere orebircãque mua. Igo majigo sĩribeamo. Carĩgo iimo, arĩpu Jesu erãre.

⁴⁰ Igũ eroparicũ peerã erã “Eroparicãgu iimi ihĩ,” arĩrã igure iayeñorã. Igũpu erãre disiporogue wiupehocãpu. Majigo pagu sumarã mera, Jesu igũ mera majarã igo pohroge sihuñajajapu. ⁴¹ Eropigu Jesu igo mojtore ñeha arĩpu igore:

—Talita cumi, arĩpu igũ. Talita cumi mari ya mera “Majigo wahgãque,” arĩdiaro iiaa.

⁴² Igũ eroparicũ ta igo majigo sĩridigo maro wahgãnugaja curipo. Doce bojori opago árĩpo igo. Igo igũ eropa iicũ iarã ucataria wañorã. ⁴³ Eropigu Jesu irire igũ iirare weresiridorebirpu. Eropiituha igore bari ejodorepu.

6

Jesu ya maca majarã Nazare majarã Jesure umupeobiriñuma

Mt 13.53-58; Lc 4.16-30

¹ Eropigu ero árĩdigu waha wa, igũ buherã mera igũ ya yebague ejapu. ² Eropigu Jesu Sabado árĩcũ judio masa erã buheri wihigüe buhenugapu. Igũ eropa buhecũ masa bajarã igure iha masirã igure pee uca wañorã. ðpa arĩñorã:

—¿Dohpa ii masiyuri ihĩ i buherire? ¿Dohpa ii igũ deyoro moarire ii masiri? ³ Ihĩ taboa mohmeri masu María magu àhrimi. Santiago, José, Juda, Simo, erã tĩgu àhrimi. Eropirã igũ pagu porã nome i maca àhrima. Eropigu igũ mari iro dopa árĩgu àhrimi, arĩñorã erã Jesure peenijarã. Eropirã Jesure umupeobiriñorã. ⁴ Erã umupeobiricũ iagu ðpa arĩpu Jesu:

—Árĩpehrerogue Goãmu yare weremuhtadigure gajirã umupeoma. Erã eropa umupeoquerecũ ta igũ ya maca majarã, igũ acawererã, igũ ya wihi árĩrã dihta umupeobeama igure. Eropirã yure umupeobeaa mua ohõ yuhu masadigu árĩcũ iarã, arĩpu Jesu erãre.

⁵ Eropigu iri maca árĩgu Jesu Goãmu turari mera baja deyoro moarire iimasibirpu. Dorecarã bajamerãgã dihtare igũ mohmepi taipu erã dorere. ⁶ Eropigu ero majarã Jesure erã umupeobiricũ iagu, “¿Dohpa árĩrono mera yure gamebeari erã?” arĩgu uca wapu igũ. Eropigu Jesu ero pohro árĩri macarigüe buhegu waha wapu.

Jesu igũ buherãre buhedore obeñumi

Mt 10.5-15; Lc 9.1-6

⁷ Eropi Jesu doce igũ buherãre sihubeo perãyeri dihta obeopu erãre macarigüere buhedoregu. Eropigu igũ dorerire ðpu erãre watẽare masa ñajanirãre erã cõburire. ⁸ Erãre obeogu gajinore aĩadorebirpu. Doberire, barire, niyerure aĩgadorebirpu erãre. Erã tuari yucu dihtare aĩgadorepu erãre. ⁹ Eropigu gaji zapaturire aĩadorebirpu erãre. Yujuñe ta suhrirore sañadorepu. Peñe sañadorebirpu erãre. ¹⁰ Eropigu ðpa arĩ werepu erãre:

—Árĩpehreri macarigüe erã muare carĩro ocã, iri wihi ta carĩque. Ne warãgüe wĩriaque iri wihire. ¹¹ Eropirã gaji macari majarã muare erã gamebiricũ, erã mua buherire peediabiricũ iha iri macare tari wahgã waque. Eropa warã, mua guburi maja nicure moje siripique mua erã ya dipuwajare masicũ iimorã erãre, arĩpu Jesu erãre.

¹² Eropirã erã doce buherã waha masare buherã, erã ñero iirare bujaweredoreñorã. Òaripure iidoreñorã erãre. ¹³ Eropirã bajarã watẽare masare ñajanirãre cõãñorã. Dorecarãe ypu mera sũrã ðarã wacũ iñorã.

Ñu waĩyegure gajirã wejẽñuma

Mt 14.1-12; Lc 9.7-9

¹⁴ Eropirā Jesu ĩġu ōaro iirare masa bajarā masiñorā. Eropiġu opu Herode sã irire peebeopu. Eropa peebeogu ōpa arġi ġuñapu ĩġu Jesure:

—Ñu waġyemuridigū sġridigū muru dipaturi masa dehyoagu iicumi daja ihġi Jesu. Eropa masadigū árġġu ĩġu turarire opami ĩġu deyoro moarire iġu, arġi pepiripū Herode. Jesure “Ñu muru ta aħrimi,” arġi pepiripū ĩġu Ñure wejedorera puhru.

¹⁵ Gajirā ōpa arġi pepiriñorā:

—Eliã aħrimi, arġi pepiriñorā. Gajirāpu:

—Goãmu yare weremuhtadigū iribojegue majarā dopa aħrimi ĩġu, arġi pepiñorā Jesure.

¹⁶ Erã eropa arġi pepiquerecã, Herodepu Jesu ĩġu iirare peegu ōpa arġi pepipu:

—Jesu Ñu muru ta árġicumi. Ñu dipurare yu tabedigū masa dehyoagu iicumi daja, arġi pepipu.

¹⁷⁻¹⁸ Ero core Herode ĩġu pagu magu marapo Herodia waġcugore ehma igo mera marapocupu. ĩġu eropa iicũ Ñu Herodepu ōpa arġi wereniġuipū:

—Mu pagu magu marapore marapocagu Goãmu dorerire tarinugagu iiaã muhu, arġipu Ñu Herodere.

ĩġu eropa arġi dipuwaja Herode Ñure ñeadore peresugue acumariipu. ĩġure eropa iicũ gamepo ĩġu marapo Herodia. ¹⁹ Eropigo Herodiapu Ñure ĩhaturiniġago ĩġure wejedorendaripo. Eropiĩdiaquerego ta wejedoremasibiripo Herode opu gamebiricã.

²⁰ Herodepu “Ñu ōarire iġu ōagu aħrimi,” arġi pepi Ñure ġuipū. Eropiġu Herode Ñu wereniġurire ĩġu peegu ġuñaturabiripū. Eropa ġuñaturabiriquereġu ta mucubiriri mera ĩġure peegu wejedoribiripū ĩġu Ñure. ²¹ Irisubu ta Herodia igo ĩġure wejedorera ejayoro. Irisubure Herode ĩġu masa dehyoaranu árġicũ ĩġu gobierno majarãre, ĩġu surara oparãre, Galilea majarã oparã sãre sihu bosenu iipu ĩġu. ²² Eropigo ĩġu marapo mago bosenu ĩago erago erã ĩhuro baya ĩhmupo. Igo baya ĩhmucũ ĩarã Herode ĩġu sihunirã mucubiriñorã. Erã eropa mucubiricũ ĩagu ōpa arġipu Herode igore:

—Mu gamerire serēque yare. Eropiġu mu serērire mure ogura. ²³ Goãmu mera diaye arãã mure. Mu serēropē yahare deco mera ogura mure, arġipu ĩġu igore.

²⁴ ĩġu eropa arġicũ peego igo pago pohrogue waha serēpipo:

—¿Ñehenore serēgocuri yahu? arġi serēpipo igo pagore.

—Ñu waġyegu dipurare serēque, arġipu pagopu.

²⁵ Igo eroparicũ peego umudiaro mera opu Herode pohrogue eja arġipo:

—Dohparagã Ñu waġyegu dipurare tabetadoreque. Eropiġu soropa mera ĩġu dipurare oque yare, arġipo igo.

²⁶ Igo eroparicũ opu Herode burigã bujawerepu. ĩġu masa erã peero, “Mu serērire mure ogura,” arġituhapu ĩġu. Eropiġu ĩġu ĩġu eropa arġirare ġuhyasġriġu “Mure osome,” arġimasibiripū igore. ĩġu sihunirã ĩhuro “ġibeaa,” arġimasibiripū. ²⁷ Eropiġu mata surarare peresu árġĩãre coreġure Ñu dipurare tabeta aġġaridorepu. ²⁸ ĩġu eropa dorecũ peegu surarapu waha, ĩġu dipurare tabeta, soropa mera aġġaripu. Aġġã nómeore ĩġu marapo magore opu. Eropigo igo iripare ñeha igo pagore o taupo daja.

²⁹ Eropirã Ñu buherã irire peenjarã erogue waha, ĩġu dũpũre aġi masa gobegue aġġã apiñorã.

Jesu cinco mil masare barire oñumi

Mt 14.13-21; Lc 9.10-17; Jn 6.1-14

³⁰ Eropi Jesu ĩġu buhedore obeonirã ĩġu pohrogue dujajañorã daja. Erã iirare erã buherare wereñorã erã ĩġure. ³¹ Irisubure masa bajarã eropa majiniġurã erãre ne baro ġibiriñorã. Eropiġu ōpa arġipu Jesu ĩġu buherãre:

—Masa marirogue mari seyaro soonirã warã, arġipu erãre.

³² Eropirã erã seyaro gasiru mera masa marirogue wariñorã. ³³ Erã eropa wacũ ĩarã masa bajarã erãre masiñorã. Eropa masirã baja macari majarã mague waha, Jesu ĩġu ejaborogue omajatuhañorã. ³⁴ Erã eropa ejacũ Jesu tuhajapa, gasirugue sañadigū majanugajagu ĩġu bajarã masare ġapu. Oveja ĩhadibugū moorã iro dopa árġiñorã erã Jesu ĩġu ġacũ. Eropiġu erãre mojomoro ġagu baja buhepu erãre. ³⁵ Ñamicague doce ĩġu buherã Jesu pohrogue eja ōpa arġiñorã ĩġure:

—Ohõ maca marirogue aħraa. Ñamicague aħraa. ³⁶ Őġã árġi macarġue masare wadoreque. Erã baburire asũrã waporo, arġiñorã erã Jesure.

³⁷ —Mua basi ta barire oque erãre, arġipu Jesu erãre.

ĩġu eroparicũ peerã ōpa arġi yuħriñorã:

—¿Wuaro niyerupūri mera gua dohpa ii asūbocuri panre masa bajarā erā baburire? arīñorā erā Jesure.

³⁸ —¿Di nucu pan āhriri ōguere? Īarā waque, arīpu ĩgu erāre.

Īgu eroparīcū erāpu barire boca ōpa arīñorā:

—Cinco dipuru āhraa pan. Wai perā āhrima, arīñorā.

³⁹ Erā eroparīcū peegu Jesu masare dipa cururi ero taa arīro weca doadorepu masare.

⁴⁰ Īgu eroparīcū peerā erā dipa cururi doañorā. Yuju curure cien gohra arīñorā. Gaji curure cincuenta gohra arīñorā. ⁴¹ Erā doapehrecū ĩha Jesu cinco dipuru pan dipurure aī, erā perā waire aī, ūmarogue ĩhamemuju Goāmure “Ōhaa,” arīpu. Eropa arī serētuhā iri pan dipurure nuha ĩgu buherāre ōpu masare gueredorega. Eropīgu wai perāre gueredorepu arīpehrerāre. ⁴² Eropirā arīpehrerā baha yapia wañorā. ⁴³ Erā ba duarare doce puiri gohra sea gameneo ūjuto doboñorā erā wai sāre eropa ta. ⁴⁴ Eropirā panre banirā ūma dihtare queocū cinco mil gohra arīñorā.

Jesu deco weca curīñumi

Mt 14.22-27; Jn 6.16-21

⁴⁵ Irisubu ta Jesu ĩgu buherāre dohodirugue ñajajadore, gajipu masegue Betsaida yebague ĩgu core taribuja yudorepu. Eropīgu erā taribuja wara puhru Jesupu masare goeriserepu. ⁴⁶ Goeriseretuhaja utāguuge maria ĩgu seyaro Goāmure serēgu waha waru. ⁴⁷ Puhru ñamicague arīcū dohodirupu ĩgu buherā wadiru ditaru deco arīyoro. Erā ero payacū Jesu yujugu ta erā taribujaridirogue arīpu. ⁴⁸ Miruñe dūraro weā dujuyoro erāre. Eropīgu erā ñero tari wejacū ĩhabeopu Jesu erāre. Eropīgu boyo muririboro core cāreña wahgārisubu erā pohro wagu deco weca cahrapī wahgā waru. Erāre ĩgu tarīgāripu. ⁴⁹ Īgu tarīgāquerecū ta, ĩgu deco weca arīcū ĩarā ĩha ūca wañorā. “Sīridigu mura watī āhrimi,” arī pepi gaguiniguñorā. ⁵⁰ Erā arīpehrerā ĩgure ĩarā ĩha burīgā ūca wañorā. Erā eropa ĩha ūcacū ĩagu Jesu werepu erāre:

—Ne yare ĩha ūcabirīcāque. Yuhā ta āhraa. Gūibita, arīpu erāre.

⁵¹ Eropa arītuha ĩgu erā mera dohodirugue ñaja waru. ĩgu ñajara puhragā ta miruñe taria wayoro. Eropa wacū erāpu ūcataria wañorā. ⁵² ĩgu pan dipurure baja iirare guñabirīñorā erā. ĩgure ōaro masibiriniñorā.

Jesu Genesare majarāre dorecūrāre ōarā wacū iñumi

Mt 14.34-36

⁵³ Eropi erā taribujaja, Genesare yebague eja, turogāgue payañorā. ⁵⁴ Eropirā erā dohodirugue arīñirā erā majacū ta masapu Jesure ĩha masiñorā. ⁵⁵ Eropa ĩha masirā arīpehrerogue erā ya yebague omaja, dorecūrāre erā pūyucu mera aīgāriñorā. “Jesu erogue āhrimi,” masa erā arīcū pee eroguerē aī ejañorā. ⁵⁶ Eropirā arīpehrero ĩgu waroguerē paga macarīguere, mata macarīgāguere, campogue, erā wari marīguere erā masa dorecūrāre aī apīñorā Jesure coremorā. Eropirā Jesu erā pohro ĩgu ejacū mohmepiñadīarā turaro serēñorā ĩgure.

—Mu suhriro ojogoro dihtare mohmepiñadoreque guare, arī serēñorā erā.

Eropirā ĩgu suhrirore mohmepinirā nucu ōarā wañorā.

7

Masa ñerā wacū iirire wereñumi Jesu

Mt 15.1-20

¹ Eropi Jerusalēngue arinirā judio masare buherā, fariseo masa mera Jesu pohrogue gamenereñorā. ²⁻⁴ Fariseo masa arīpehrerā, gajirā gua acawererā judio masa mera erā ñecu sumārā dorediro dopa ta erā mojtōrīre coero marīro babirimūriñorā. Eropirā doberi duarā pohrogue wanirā dujarā erā dorerire iimorā, erā mojtōrīre coero marīro babirimūriñorā erā. Eropirā baja gaji erā dorerire erā ñecu sumārā iidorerire iimūriñorā erā. Tasa parire yujuropa coe, mātāsororire coe, comesororire coe, erā iiguaro dopa ta iimūriñorā erā judio masa “Goāmū eropa gahmemi,” arīrā. Eropirā Jesu pohrogue gamenererā Jesu buherā erā ñecu sumārā dorediro dopa ta erā mojo coebirīcū ĩañorā fariseo masa. ⁵ Eropa ĩatuhajarā Jesure serēpiñorā:

—Mu buherā mari ñecu sumārā mura erā dorediro dopa ta erā baboro core erā mojo coebeama. ¿Duhpirā mari dorerire iibeari erā? arīñorā erā Jesure.

⁶ Erā eroparīcū peegu werepu Jesu erāre:

—Masa erā ĩabiropure ñero ĩicorerā āhraa mu. Goāmū yare weremūhtadīgu Isaia muare irībojēgue diaye ta weremūriñumi. Ōpa arī gojañumi Goāmū ya werenīguirire:

Oã masa yure ðaro wereniguiquererã ne yure umupeobeama. Erã ya siporãripu gajipugue àhraa. Yure ne mahibeama. ⁷ Goãmu ya doreri wereniguibodirore erã ya werenigui dihtare buhema erã. Eropirã yure umupeo erã sibuipeori duhþiburi árìbeaa yure, arími Goãmu, arí gojañumi Isaia iribojegue.

⁸ Iri diaye ta àhraa. Goãmu dorerire iibeaa mua. Mua ñecu sumará mura árìricuri dihtare iiaa, arípu Jesu erãre.

⁹ Eropigu erãre wereniginemopu daja:

—Mua ñecu sumará mura árìricurire iiduhubirã ta Goãmu yapure cohãa mua.

¹⁰ Iribojegue opa aríñumi Moise Goãmu dorerire: “Mua pagu sumaráre umupeoque. Yujugu ïgu pagu sumaráre ñero werenigui coredigu ïgu wejëbu árìgucumi,” aríñumi Moise. ¹¹ Moise eropa aríquerecú ta, muapu masare opa arí weredorea erã pagu sumaráre. “Muare itamumasibea. Muare yu oborare Goãmu ya árìburire opehocãbu,” aríque mua pagu sumaráre,” arí weredorea mua. ¹² Eropa arí weredorerã erã pagu sumaráre erã umupeobiricú iiaa mua erãre. ¹³ Eropirã Goãmu ïgu dorerire tarinugarã iiaa mua mua ñecu sumará ya doreri dihtare iirã. Gajirãre mua buheri dihtare peedorea mua. Baja eropa árìrìre iiaa mua, arípu Jesu erãre.

¹⁴ Eropa arítuha masare sihubeo opa arípu daja:

—Mua árìpehrerã peeque yure. Yu arírìre ðaro masique mua. ¹⁵ Mua disiro ñajaripu mua baripu ñerã wacú iibeaa. Mua disiro wiriripu, mua wereniguiripu muare ñerã árìcú iiaa. ¹⁶ Yure ðaro peeque, arípu Jesu.

¹⁷ Eropa arítuha Jesu masa pohro árìdigu waha wihigue ñajaa wapu. ïgu eropa ñajacú ñarã ïgu buherãpu ïgu wererare serëpiñorã. Erã eropa serëpicú peegu opa arípu Jesu:

¹⁸ —¿Ne peenibeari mua sã? Mua bari disiro ñajaripu muare ñerã masa wacú iibeaa. ¿Irire masibeari? ¹⁹ Iri mua pepirigue ñajabeaa. Mua parugue ñajaja taria waha, arípu Jesu.

Eropa arígu “Árìpehreri bari ðari bari àhraa,” arígu iipu. ²⁰ Opa arínemopu:

—Mua wereniguiripu, mua disiro wiriripu mua pepiri àhraa. Mua pepiripu muare ñerã masa árìcú iiaa. ²¹ Mua pepirigue opa ñeri iinugaa: Ñero pepiri, nomere gameri, yajari, masare wejëri, ²² gajigu marapo mera ñero iiri, gajirã yare turaro ñaribejari, ñetariari iiri, guyari, ñeri ñaribejari, gajirã gajinore opacú ñaturiri, ñero quere wereri, gajirãre tarinugadiari, pee masibiriri iinugaa. ²³ Árìpehreri i ñeri mua pepirigue árìnugari muare ñerire iicú ñerã árìcú iiaa, arípu Jesu.

Judio maso árìbigo Jesure umupeoñumo

Mt 15.21-28

²⁴ Eropigu Tiro waicuri maca pohroque, Sidón waicuri maca pohroque wapu. Eroque ejagu ero árìri wihigue ñajaa wapu. Eropigu gajirãre ïgu árìri wihire ne weredorebiripu. ïgu eropa duhridiaqueregu ta duhrimasibiripu. ²⁵ ïgu ejacú pee mata yujugo nomeo ïgu pohro ejapo. Igo mago watí ñajasüdigo árìpo. Gajirã Jesu iira querere peedigo árìpo. Igo Jesu pohro eja ïgu guburi pohro merejapo. ²⁶ Igo judio maso árìbigo Grecia majago árìpo. Siro Fenicia árìyoro igo masa dehyoara maca. Jesu pohro mereja ïgure turaro serëpo:

—Watíre wiubasaque yu magore, arí serëpo igo Jesure.

²⁷ Igo eroparicú peegu opa arípu Jesu igore:

—Negohrare wihì opu porã bamãhtaporo. Erã porã ya barire diayeare ocú ero wabeaa. Israe masa yare gajì yeba majarãre yu omãhtacú ero wabeaa, arípu Jesu igore.

²⁸ —Eropa ta àhraa opu. Eropa árìquerecú ta barisubu árìcú erã diayea sã yuhridjarire bacohrema. Gajì yeba majago yu árìquerecú, yu sãre itamuque muhu, arípo igo ïgure.

²⁹ —Muhu eropa ðaro arí yuhricú mu magore watíre wiubasatuhabu. Ñago waque, arípu Jesu igore.

³⁰ ïgu eroparicú peego waha, igo ya wihigue eja, igo magore camague oyagore watí moogoguere eja ñapo.

Peebigure, wereniguimasibigure ðagu wacú iññumi Jesu

³¹ Irisubure Jesu sã Tiro waicuri maca pohroque árìdigu waha, Sidón waicuri macare eja tarigã, Decapoli waicuri macare eja tarigã, Galilea waicuri ditarugue ejañorã pare.

³² Eropirã peejabigure, wereniguibigure aigãriñorã gajirã Jesu pohrore.

—Mu mojoto mera mohmepiñaque ïgure, arí serëñorã erã ïgure.

³³ Erã eroparicũ peegu Jesupu peejabigure aĩgã, masa marirogue aĩ ejarũ. Erã seyaro arĩñorã. Eropigu Jesu ĩgu mujusĩri mera ĩgu gamirire pupũ. Eropigu ĩgu disico mera ĩgu nerore mohmepĩnarũ. ³⁴ Eropiituhaja umaro ĩhamuju sĩ aĩ õpa arĩpũ:

—Efata, arĩpũ Jesu. Efata mari ya mera “Pãgũque,” arĩro iiaa. Eropa arĩgu ĩgure peedoregu iipũ. Eropigu wereniguidoregu iipũ.

³⁵ ĩgu eroparicũ ta ĩgu peejabigu peepũ. ĩgu nero nircũ pepigu õaro wereniguinũgarũ. ³⁶ Eropigu Jesu irire ĩanirãre gajirãre weredorebiripũ. Eropa weredorebiriqerecũ, erãpũ gajirãre burigã werepehocãñorã. ³⁷ Eropirã masa pee uca waha õpa arĩñorã:

—Arĩpehreri õaro iimi. Peejabirã sãre õaro peecũ iimi. Werenigubirã sãre õaro werenigucũ iimi Jesu, arĩñorã masa.

8

Cuatro mil masare bari oñumi Jesu

Mt 15.32-39

¹ Irisubure daja dipaturi masa bajarã erã gamenerera puhru, bari moorã erã aricũ ĩagu Jesu ĩgu buherãre sihubeopũ:

² —Oã masa uhrenũ gohra yũ mera arĩtuhajama. Erãre bari pehrea waca. Eropigu erãre mojomoro ĩhaa yuhũ. ³ Gajirã erã mera majarã yorogue arinirã ahrima. Erã babiriqerera erã ya wirigue dujaacũ gamebirica. Mague warã erã oaboarã turabiribocoma. Eropigu erãre barire odiaca, arĩpũ Jesu ĩgu buherãre.

⁴ ĩgu eroparicũ ĩgu buherã ĩgure arĩñorã:

—¿Duhpii mari õguere masa marirogue barire bocabocuri erãre ejomorã? arĩñorã Jesu ĩgu buherãpũ.

⁵ —¿Di nucũ dipuru pan dipuru opari mua? arĩ serẽpipũ Jesu erãre:

—Siete pan dipuru ahraa, arĩñorã.

⁶ Eropigu ĩgu masare taa arĩro weca doadorepũ. Tuhajanugu siete pan dipurare aĩ, Goãmure “Õhaa,” arĩ serẽpũ. Eropa arĩ serẽtuhaja pan dipurare nuha ĩgu buherãre õpu gueredoregu. ⁷ Eropirã waigã sãre bajamerãgã opañorã erã. Eropigu waigãre aĩ Goãmure “Õhaa,” arĩ serẽ, ĩgu buherãre masare gueredorepũ. ⁸ Masa irire barã yapia wañorã. Erã ba duharare siete puii gohra aĩ gameneo ujutu doboñorã. Erã masa cuatro mil gohra arĩñorã. ⁹⁻¹⁰ Eropiituha Jesu masare goeriserepũ wagu. Erãre goeriseretuhaja Dalmanuta waĩcũri maca pohrogue waha wapũ.

Fariseo masa deyoro moariñere ĩadiariñuma

Mt 16.1-4; Lc 12.54-56

¹¹ Ero puhru fariseo masa Jesu mera duyasaõã erañorã. Erã Jesure Goãmũ turari mera deyoro moariñere iidoreriñorã. ĩgu ii ĩhmmasibiricũ ĩadiariñorã. ĩgu iimasibiricũ “Goãmũ ĩgu obeodigu arĩbeami,” arĩdiariñorã. ¹² Erã õpa dorecũ peegu Jesu turaro bujawere siñaja õpa arĩpũ:

—¿Mua dohpague majarã duhpirã Goãmũ ĩgu turari mera deyoro moarire ĩadiari? Diaye arãa mũare. Dohpague majarã mũare ne deyoro moarire ii ĩhmasome yuhũ, arĩpũ Jesu erãre.

¹³ Õpa arĩtuha waha dohodirugue ñaja gajipu masegue waha wapũ ĩgu buherã mera.

Fariseo masa, Herode ya curu majarã sã erã ñeri buherire wereñumi Jesu

Mt 16.5-12

¹⁴ Eropa warã panre cãdijiñorã. Dohodirugue yujuru ta panrure opañorã erã. ¹⁵ Eropigu Jesu gũhyaro mera werepũ ĩgu buherãre:

—Õaro iique. Fariseo masa, Herode ya curu majarã sã erã pan buãacũ iiburire õaro iique. Gũhya ahraa iri, arĩ werepũ erãre.

¹⁶ ĩgu fariseo masa sã erã buherire eroparicũ pee, ĩgu buherãpũ peewisirã irire erã basi wereniguiñorã.

—Mari panre mari aĩgãbiricũ ĩagu eropa arĩcumĩ ĩgu, arĩñorã erã basi.

¹⁷ Erã eropa arĩrãre masigu õpa arĩpũ Jesu erãre:

—¿Duhpirã mua pan cãdijirãre guñari mua? ¿Mua masibeari? ¿Peenibeari mua dohpa? ¿Peediabeari mua? ¹⁸ ¿Cuiricurã arĩqerera ĩabeari mua? ¿Gamiricũqerera ta peebeari mua? ¿Mua yũ iirãre guñabeari? ¹⁹ ¿Yũ cinco mil umare cinco dipuru panre yũ nuha orãre guñabeari mua? ¿Erã yapi weorãre di nucũ puii pan dipure mua ujutura puiire aĩari mua? arĩ serẽpipũ Jesu erãre.

—Doce puii, arĩñorã erã ĩgure.

²⁰ —¿Eropi yahu siete pan dipurare cuatro mil masare ya ora puhru di naca puiri wjutura puiri ałari mua? arıpu Jesu eräre daja.

—Siete puiri, arı yuhriñorã erã.

²¹ —¿Eropa irire ãaquererã ta masibeari mua dohpa? arıpu Jesu eräre.

Jesu cuiri deyobigüre ãacũ iĩñumi

²² Eropi erã Betsaida waıcuri macague erã ejacũ ãarã, masapu cuiri deyobigüre aĩgãriñorã.

—İgüre mohmepique, arı turaro serẽñorã erã Jesure.

²³ Eropıgu Jesu cuiri deyobigüre mojoto ñeha iri maha turogue igüre taragãpu. Aĩ eja igu cuirire purimetupu dısico mera. Eropıgu İgu mojoto mera igüre mohmepıpu.

—¿Muħu ãacũ dehyori? arı serẽpipu Jesu igüre.

²⁴ İgu eroparıcũ İgupu ãagu ðpa arıpu:

—Masare ĩhaa. Eräre ãaquerecũ erã curicũ yuca iro dopa dehyoma, arıpu İgu cuiri deyobıpu.

²⁵ İgu eroparıcũ peegu Jesupu İgu mojotori mera İgu cuirire mohmepıpu daja. İgu eropa mohmepıra puhru cuiri deyobıgu İgu turaro ãacũ ðaro deyoyoro pare. Eropıgu arıpehrerire ðaro ĩapu İgu. ²⁶ Eropıgu Jesu igüre İgu ya wihigue omedıjugu ðpa arıpu:

—Macague tamerare wabırıcãque. Eropıgu maca majarãre i ya ĩirare gajırãre weresırıbırıcãque, arıpu Jesu igüre.

Jesu İgu diaye ta Cristo arırire wereñumi Pedro

Mt 16.13-20; Lc 9.18-21

²⁷ Eropı Jesu İgu buherã mera Cesarea Filipo waıcuri maca pohro arıri macarigue wanemoñorã. Eroque wagu Jesu serẽpiñapu İgu buherãre:

—¿Nihino arıcuri yahu masa erã yare pepicũ? arı serẽpiñapu İgu.

²⁸ İgu eropa arı serẽpiñacũ peerã İgu buherã yuhriñorã:

—“Ñu waıyegu aħrimi,” arıma mure. Gajırã “Elia aħrimi,” arıma. Gajırãpu “Goãmu yare weremħtanırã mera majagu aħrimi,” arıma, arı yuhriñorã İgu buherã igüre.

²⁹ Erã eropa arıra puhru Jesu serẽpinemopu erãre:

—¿Muarpı mua pepicũ nihino arıcuri yahu? arı serẽpipu.

Pedropu yuhripu igüre:

—Muħu Cristo Goãmu İgu obeodıgu aħraa, arı yuhripu Pedro.

³⁰ İgu eroparıcũ peegu Jesu ðpa arıpu:

—Yure “Cristo aħrimi İgu,” ne arı weresırıbırıcãque gajırãre, arıpu erãre.

Jesu İgu sıriburıñere İgu masa murıaburıñe sãre weremħtañumi

Mt 16.21-28; Lc 9.22-27

³¹ Eropıgu İgu erãre buhenugapu ðpa arı weregu:

—Yuhu masu Goãmu İgu obeodıgu aħraa. Eropıgu burıgã ñero tarıgıca. Yure eropa ta waro gahmea. Mırã, pahıa oparã, marıre buherã sã yare gamebirã yare wejẽracoma. Erã yure eropa wejẽquerecũ, aħrenu puhru masa murıagıca, arıpu Jesu erãre.

³² Eropa arıgu erã ðaro peeboro dopa ðaro weregu ĩpu erãre. İgu eroparıcũ peegu Pedropu gajıpu ñarıgã Jesure aıgã igüre arıpu. “Eropa arıbırıcãque,” turaro mera arı werepu. ³³ İgu eropa arıdorebırıcũ peegu Jesupu İgu buherãre majınugaja, turıpu Pedrove.

—Satana iro dopa werenıguıgu ĩıaa muħu. Eropa arıbırıcãque. Mu pepıri masa ya aħraa. Goãmu ya arıbeaa, arıpu İgu Pedrove.

³⁴ Eropa arıtuha masare İgu buherã mera sıhubeo ðpa arıpu:

—Yujugu ya mera majagu arıdıagu İgu gamero ĩıdarıre duħucãgıcumı. Eropıgu İgu ya mera majagu İgu arıri dipuwaja ñero tarıgıcumı. Ñero tarıqueregu yahare ĩıngıucãgıcumı. ³⁵ Yujugu masu İgu ya arıburı dıhtare pepıgu İgu dederea wagıcumı. Eropıgu gajıgu yaha arıburı dıhtare ĩgu, ðari buherı sãre ĩgu, arıpehrerınurı ya mera amarogue ðaro arıgıcumı. ³⁶ Yujugu masu i yeba majare arıpehrerıre opaqueregu, peamegue wagu ðarıre wajatasome. ³⁷ Eropıgu i yebague opaburı dıhtare guñagu, İgu sırıgu waburıre guñabıgu İgu sıporã mera peamegue dederegıcumı. ³⁸ Dohpaguere ñerã Goãmure gamebirã erã ejatuharo ĩrı arıro ĩıaa. Eropırã yujurãyerı yure, ya buherı sãre masıquererã “Masıbeaa,” arıbıcoma guhyasırırã. Erã eroparıcũ ãagu ya sã erãre guhyasırıgu “Erãre masıbeaa,” arıgıca. Yuhu masu Goãmu İgu obeodıgu ðarã anyua mera ya Pagu gosesırırı mera dujarıgıca. Yu dujarıgu ya waıre arıdıa guhyasırısınırãre guhyasırısãgıca ya sã, arı werepu Jesu.

9

¹ Eropa arĩtuhaja òpa arĩnemopu Jesu:
—Diaye arĩgu tĩiaa mũare. Yujuráyeri mua òguere árĩrã, mua sĩriboro core Goãmu ĩgu opu árĩroguere yu ñajacũ ĩarãca, arĩpu Jesu.

Jesu ĩgu dũpũre gohrotoñumi

Mt 17.1-13; Lc 9.28-36

² Eropi seis nuri pũru Jesu Pedrore, Santiagore, ĩgu pagu magure Ñure utãgũgue umadigũgue erã dihtare sihu mũariapu. Umarogue erã mũarĩjara pũru erã ĩhabeoro ĩgu dũpũre gohrotopu. ³ Eropiro ĩgu suhri gosesiriri suhri òaro borerĩne wayoro. I yeba majarã nome suhri coerã nome ne eropa borerire iimasibeama. ⁴ Mata iribojegue majarã Moise mũru Elia mũru sã dehyoãnorã. Eropirã Jesu, Elia, Moise mera weretamucũ ĩãnorã erã wera ĩgu buherã. ⁵⁻⁶ Eropirã erã burigã gũĩnorã. Eropa gũigũ dohpa arĩmasibirinĩjagu òpa arĩpu Pedro:

—Opu, mari ohõ árĩcũ òadĩaa. Uhre wihigã iirã. Mũ ya wihigã, Moise ya wihigã, Elia ya wihigã iirã, arĩpu ĩgu Jesure.

⁷ Eropiro erã weca erãre imica curu cãhmotayoro. Iri eropa cãhmotacũ ta imica curu pohecague Goãmu ĩgu wereniguirĩ busuyoro:

—Ihĩ yu magu yu mahigu áhrimi. Peeque ĩgure, arĩri basuro cariyoro.

⁸ Eroparĩcũ peerã Pedro sã maji ĩarã Moisere, Eliare ĩabirĩnorã pare. Jesu dihtare ĩãnorã. ⁹ Eropi utãgũgue erã dijaricũ Jesu erãre werepu:

—Dohparagã yure eropa warare gajirãre ne werebiricãque. Yũhu masu Goãmu ĩgu obeodigu yu siri masa mũariara pũru irire gajirãre wereque mua, arĩ werepu Jesu.

¹⁰ Eropirã erã ĩgu dorediro dopa werebirĩnorã gajirãre. Eropirã erã, erã basi òpa arĩ serẽpi werenigũĩnorã:

—“Yũhu sĩridi masa mũariara pũru,” ĩgu arĩgu ¿duhpigu eropa arĩri ĩgu? arĩ werenigũĩnorã erã.

¹¹ Eropirã Jesure òpa arĩ serẽpiĩnorã:

—Cristo Goãmu beyedigũ ĩgu arĩboro core “Eliare arimũtaro gahmea,” arĩma masare buherã. ¿Dohpa arĩronore eropa arĩri erã? arĩ serẽpiĩnorã Jesure ĩgu buherã.

¹²⁻¹³ Jesu yũhrĩpu:

—Diaye ta áhrra. Eliare arimũhtadoremi Goãmu árĩpehrerire amumũhtabure. ĩgu eropa ĩborore arĩ gojayura áhrra Goãmu yare gojarapũgue. Yu sãre arĩ gojayũñuma. Yũhu masu Goãmu ĩgu obeodigu bajasuburi ñero tariguca. Gajirã yure gamebirã yure ñero iirãcoma. ¿Iri sãre masiri mua? Eropigu òpa arĩgara mũare: Elia eratuhami. ĩgu eracũ erã ĩgure erã gamero dopa ñero iima. Iribojegue erã arĩ gojayudiro dopa iima ĩgure, arĩpu Jesu.

Jesu majigũre òagu iĩñumi

Mt 17.14-21; Lc 9.37-43

¹⁴ Eropi dijari ĩgu buherã dujanirã pohrogue eja, bajarã masare ĩapu. ĩgu buherãpu judio masare buherã mera game dũyasarã iĩnorã. ¹⁵ Masa Jesure ĩarã árĩpehrerã ĩhamaria wañorã. Eropirã ĩgu pohrogue omagã ĩgu pohrogue eja, “¿Áhrari?” arĩĩnorã ĩgure. ¹⁶ “Áhrabu,” arĩtuhaja erãre serẽpipu:

—¿Ñehenore game wereniguirã iari mua eropa dũyasarã? arĩ serẽpipu ĩgu.

¹⁷ ĩgu serẽpicũ peegu masa watope niguidigu werepu ĩgure:

—Buhegu, yu magure watĩ ñajasũdigũre mũre aĩgãrĩrabu. Watĩpu ĩgure wereniguidorebeami. ¹⁸ Yu magure ĩgu ñajacũ yebague mehmereja wahami. ĩgu disirore sumutua, ĩgu gũcũrĩre cũridihu buha wamũrami ĩgu. Eropigu mũ buherãre watĩre yu magure ñajadigũre cõãdorerabu. Erã cõãmasibirama, arĩ werepu ĩgure.

¹⁹ ĩgu eroparĩcũ peegu òpa arĩpu Jesu masare:

—¿Ne yure umupeobirĩgohracãri mua? Yoari boje mũare buherabu yũhu. ¿Dipa boje yũhu mũare yujuro bojebocuri? ĩgure aĩgãrĩque, arĩpu Jesu.

²⁰ ĩgu eroparĩcũ peerã watĩ ñajasũdigũre Jesu pohro aĩgãrĩĩnorã. Erã Jesu pohro aĩ ejacũ ta watĩpu ĩgu majigũre mehmerejacũ ĩpu. ĩgu eropĩcũ ĩgu yebague mehmereja waru. Tũru, naragã, buhacũ ĩpu. Eropi ĩgu disiro sumutua waru. Jesu ĩgu pagure serẽpipu:

²¹ —¿Dipa boje eropa áhrari ĩgu? arĩ serẽpipu Jesu majigu pagure.

—Majigũgãgue ta ĩgu eropa arĩnũgami, arĩ yũhrĩpu ĩgu paguru. ²² Eropigu watĩpu ĩgure peamegue, diague sãre cõãmũririmi ĩgure wejẽdiagu. Eropigu mũhu itamumasigu mojomoro ĩha itamuque guare, arĩpu majigu paguru Jesure.

²³ ĩgu eroparĩcũ peegu òpa arĩpu Jesu ĩgure:

—Mũha yare umupeocũ ãagu Goãmu árípehrerire iipehocãmasimi mu ya áríburire iigu, arĩpu Jesu ãgure.

²⁴ ãgu eroparicũ majigu pagu opa arĩ gaguiniguipũ:

—Mũre umupeoa yũhu. Yu umupeobiricũ ãagu itamuque yare yũhu mũre umupeoboro dopa, arĩpu ãgu.

²⁵ Eropiicũ masa bajarã erã pohro omagãriñorã. Erã gamenerecũ ãagu Jesu watĩre opa arĩ turipũ:

—Mũha wereniguimasibiricũ iidigu, gamiri bihadigu ãre duhuque. Eropigu dipaturi ãgure garibobiricãque, arĩpu Jesu.

²⁶ ãgu eroparicũ peegu majigũre ñajadigu watĩ gaguinigui, majigũre yebague mehmereja, túru naragãcũ ii duhupu ãgure. ãgu eropiicũ majigupũ sĩrigũ dopa wapũ.

²⁷ —ãgu sĩaria wami, arĩñorã masa bajarã.

Erã eropa arĩquerecũ ta Jesupu ãgu mojtore ñeha ãgure tara wahgũ nugupu. ãgu tara wahgũ nugucũ wahgãnugajapũ ãgupũ.

²⁸ Pũhrũ Jesu wihigue ñajajacũ iarã ãgu buherã erã seyaro serẽpiñorã Jesure:

—¿Duhpirã gũapũ majigũre watĩ opagũre cõãmasibirayuri mu pepicũ? arĩ serẽpiñorã erã.

²⁹ —ãno watĩre cõãdiarã burigã Goãmũre serẽro gahmea. Eropirã Goãmũre serẽmorã ba duhuro gahmea mũare, arĩ yũhripũ Jesu erãre.

Dipaturi ta Jesu ãgu sĩriburiñere ãgu masa mũriaburiñe sãre wereñumi

Mt 17.22-23; Lc 9.43-45

³⁰ Eropi erogue árinirã waha Galilea yebague eja, tarigãñorã. Irisubu Jesu ãgu buherãre buhegu iipũ. Eropigu erã warore gajirã masicũ gamebiripũ Jesu. ³¹ Erogue ejangũ ãgu buherãre buhepũ. Opa arĩ buhepũ:

—Yũhu masũ Goãmũ ãgu obeodigu ãhraa. Masa yare ñeha gajirãguere yare wiarãcoma. Erã wiara pũhrũ yare wejẽrãcoma erã. Eropa erã wejẽra pũhrũ uñrenũ pũhrũ masa mũriagũca, arĩpu Jesu.

³² ãgu opa aricũ õaro peebiriñorã. Eropirã gũirã ãgure irire serẽpibiriñorã.

Jesu ãgu buherãre erã yagũ opu áribure wereñumi

Mt 18.1-5; Lc 9.46-48

³³ Eropi erã Capernaungue ejara pũhrũ wihigue erã áricũ Jesupu serẽpipũ erãre:

—¿Magũere arirã dohpa arĩ dũyaso wereniguirã iari mũa? arĩ serẽpipũ erãre.

³⁴ ãgu eroparicũ erã yũhribiriñorã. Magũe arirã opa arĩ dũyaso wereniguiñorã erã basi:

—Nihĩ ãhriri mari árípehrerã wegague? arĩ dũyaso wereniguiñorã erã. Eropirã erã eropa arĩrare Jesure werediabiriñorã. ³⁵ Erã eropa yũhribiricũ ãagu Jesu doaja ãgu buherãre sihubeo opa arĩpu:

—Árípehrerã wegague opu árdiagu árípehrerã ojogoro majagu áriro dopa ta erã pohro majagu áriro gahmea mũare, arĩpu Jesu erãre.

³⁶ Eropa arĩgu majigũgãre erã watope duhudobopũ. Duhudobotuha ãgũgãre aĩ cõã opa arĩ werepũ:

³⁷ —Yahare iidiarã, ãgũgãre bu árigũre gamerã yũ sãre gahmea mũa. Mũa eropiirã yare gamerã, yare obeodigu Goãmũ sãre gahmea mũa, arĩpu Jesu erãre.

Marire ãhaturibigu árigũ mari mera majagu ãhrimi, arĩ wereñumi Jesu

Mt 10.42; Lc 9.49-50

³⁸ Ero pũhrũ ãgu buhegu ñũ opa arĩpu Jesure:

—Buhegu, yujugu mũ waĩ mera watẽare cohã wiucũ gua ãhabũ. ãgu mari mera majagu ãgu áribiricũ iarã, ãgure irire iidorebirimũgabũ gũa, arĩpu ãgu.

³⁹ ãgu eroparicũ peegu Jesu erãre werepũ:

—Eropa arĩbita mũa ãgure. Yujugu yũ waĩ mera deyoro moarire iigu, pũhrũguere yare ñero wereniguimasibeamĩ. ⁴⁰ Marire ãhaturibigu árigũ, ãgu mari mera majagu ãhrimi.

⁴¹ Mũare diaye ta arãa. Yaharã mũa áricũ iarã gajirã mũare itamucũ ãagu Goãmũ erãre õaro itamũgũcumĩ. Yuju coaru mera decore mũare erã tiacũ merogã áriquerecũ, erãre õaro iigũcumĩ Goãmũ erã õaro iira waja, arĩpu Jesu.

Ñirire iicũ gũhya ãhraa, arĩ buheñumi Jesu

Mt 18.6-9; Lc 17.1-2

⁴² Eropigu Jesu majigũgãre ãgu basi cõã aĩ erãre werenemopũ:

—Ígã yare umupeogugãre weregura mware: Yujugu ígã iro dopa árigure ñerire iidoredigũ, ígũ ñetariaro tarigucumi. Gajigure masa ígure wunugure wuariye utãye mera dirisiu, wuariyague ígure cóácũ ñero wabocumi ígũ. Eropigu ígã dopa árigure ñerire iidoredigupũ wuariyague erã cóadigũ tauro ñero tarigucumi. Ígũ burigã dipuwaja moastugucumi. ⁴³⁻⁴⁴ Mũ mojoto mera ñero ígũ, iri mojotore mũ tabe cóábodiro dopa iri ñerire duhuque. Irire duhubigu peamegue waguca. Eroguere ne peame yaribeaa. Eropirã beca sã ãjuquererã ne siribeama. Mũ mojotore mũ cóácũ iri ñuca dihta cohmoboya. Eropigu mũpũ epasi áriquereru ta pũhrũ Goãmũ mera áriguca. Mũ pe mojoto mera árigure peamegue ígũ cóácũ ñetariaro tariguca. Eropigu iri ñeri iiripũre duhuque. ⁴⁵⁻⁴⁶ Mũ guburu mera ñero ígũ mũhũ iri guburu sãre mũ tabe cóábodiro dopa ta iri ñerire duhuque. Irire duhubigu peamegue waguca. Eroguere ne peame yaribeaa. Eropirã beca ne siribeama. Mũ guburure mũ cóácũ irisi dihta cohmoboya. Eropigu epasi áriquereru ta pũhrũ Goãmũ mera áriguca. Mũ pe guburu mera árigure mũre peamegue cóácũ mũ ñetariaro tariguca. Eropigu iri ñeri iiripũre duhuque. ⁴⁷⁻⁴⁸ Mũ cuiru mera ñero ígũ irirure mũ gorawea cóábodiro dopa ta iri ñerire duhuque. Irire duhubigu peamegue waguca. Eroguere ne peame yaribeaa. Eropirã beca sã ne siribeama. Mũ cuirure cóácũ iriru dihta cohmoboya. Yujupũ cuiru mariquereru ta pũhrũ Goãmũ mera áriguca. Mũ pe cuiru mera árigure peamegue mũre cóácũ mũ ñetariaro tariguca. Eropigu iri ñeri iiripũre duhuque.

⁴⁹ “I yeba árirã ñero tarirãca mũa. Peamegue mari ãjucũ marire pũriro dopa ta ñero tarirãca mũa. ⁵⁰ Moa ñaro acaa. Moa acabiricũ usuriri imasiya mara. Moa acabiro iri moa ne ñabeaa. Iri moa acabiricũ dohpagohra imasiya mara. Eropirã moa ñaro acaro dopa mũa suarã árique. Eropirã gajirã mera ñaro mera árique.

10

Erã marasã nomere erã cóácũ ñabeaa, arĩ wereñumi Jesu

Mt 19.1-12; Lc 16.18

¹ Eropigu ígũ erogue áridigũ waha, Judea yeba pohrogue eja, dia Jordán waicuriya gajipũ masegue ejapũ. Eroguere ígũ ejacũ ñarã masa bajarã ígũ pohrogue gamenereñorã daja. Erã gamenerecũ íagũ ero core ígũ buhediro dopa ta dipaturi buhepũ daja. ² Ígũ eropa buherisubu fariseo masa erañorã. Jesure ígũ ñero wereniguicũ peediañorã. Eropã peidiarã erã Jesure ña arĩ serẽpiñorã:

—¿Mari marapore cóácũ ñhari? ¿Moise doreripũ eropa ta iidone ñabeaa. Iri moa acabiricũ reri mũ pepicũ? arĩ serẽpiñorã.

³ —¿Dohpa doreyuri Moise mware? arĩ yuhripũ Jesu.

⁴ —“Mũ marapore cóadiagu paperapũgue irire gojaque. Eropã gojagu iripũre mũ marapore otuhajaniyague igore cóãmasia,” arĩ gojañumi Moise, arĩ yuhriñorã fariseo masa.

⁵ Erã eroparicũ peegu ña arĩ werepũ Jesu:

—Mũa ñecu sumarã Goãmũ dorerire iidabiricũ íagũ, “Eropa ta wacuraporo,” arĩgũ, “Mũa marapore cóãmasia,” arĩ gojañumi Moise. ⁶ Ígũ eropa arĩ gojara áriquererã ta, negohraguere Goãmũ mũa marasã nomere cóácũ gamebirĩñumi. I yebare ihacũnugugũ mũũ, nomeo sãre iĩñumi. ⁷ Eropigu mũũ ígũ pagũ sumarãre cohã wiria ígũ marapo mera árigucumi. ⁸ Eropirã erã perã áriquererã ta, yuju ñupũ iro dopa árirãcoma. Eropirã erã perã iro dopa áribeama. Yuju ñupũ iro dopa áhrima erã. ⁹ Eropirã Goãmũ ígũ doreri mera mojotodirima. Eropirã game cóábiricãro gahmea erãre, arĩpũ Jesu erãre.

¹⁰ Eropã arĩtuha ígũ buherã mera wihigue ñajaa wapũ. Wihigue ñajajarã erã marasã nomere cóãrire serẽpinemoñorã daja ígũ buherã. ¹¹ Erã eropa serẽpiñacũ ígũ yuhripũ:

—Ígũ marapore cóadigũ gajigo mera marapocũgu, ígũ igo gajigo mera ñero ígũ iĩmi. ¹² Eropigo nomeo sã igo marapũre cóãgo, gajigu mera marapũcũgo, ígũ gajigu mera ñero ígũ áhrimo, arĩpũ Jesu erãre.

Majirãgã ya áriburire Goãmũre serẽbasañumi Jesu

Mt 19.13-15; Lc 18.15-17

¹³ Eropi majirãgã Jesure mohmepidoremorã erãgãre Jesu pohrogue arĩ erañorã. Erã eropũcũ ígũ buherãpũ erãgãre aigãrirãre bocatĩri turĩñorã. ¹⁴ Erã eropa turicũ íagũ Jesu papũrigũ ña arĩpũ erãre:

—Eropa iacãque. Majirã yũ pohrogue ariporo. Waque, arĩbiricãque erãgãre. Erã Goãmũre erã opũre masima. Eropirã Goãmũ ígũ opũ áriroguere oãgã iro dopa pepirã áhrima eroguerẽ. ¹⁵ Diaye arĩgu iiaa mware. Oãgã Goãmũre gamediro dopa ta mũa

Goãmure gamebirã ĩgu pohrogue wasome mua. Mua wabiricũ mua opu arĩsome ĩgu, arĩpu Jesu.

¹⁶ Eropa arĩtuha Jesu majirãgãre aĩ coãgu erãre mohmepi erã ðaro arĩburire Goãmure serẽbasapu ðpa arĩpu:

—Oãgã ðarã waporo, arĩ serẽbasapu Goãmure.

Doberi opagu Jesu mera weretamuĩumi

Mt 19.16-30; Lc 18.18-30

¹⁷ Eropi Jesu ĩgu mague wacũ, yujugu masu omagã wa ĩgu guburi pohro mereja Jesure serẽpipu.

—Mũhu buhegu ðagu aħraa. ¿Yũhu arĩpehlerinũri Goãmũ mera arĩdiagu duh-pigucuri? arĩpu ĩgu Jesure.

¹⁸ ĩgu eroparicũ Jesu ĩgure yũhripũ:

—¿Dohpa arĩronore yũre “ðagu” arĩ piyuri mũhu? Goãmũ yujugu ta ðagu aħrimi. ¹⁹ ĩgu Goãmũ dorerire masia mũhu. “Masare wejẽbiricãque. Gajigu marapo mera arĩbiricãque. Yajabita, gũyabita, gajirã yare gũya aĩbita, mũ pagu sumarãre umupeoque,” ire doremi Goãmũ. I dorerire iro gahmea mũre, arĩ werepu Jesu ĩgure.

²⁰ —Buhegu, irire arĩpehlerinũri majigugãgue ta tarinũgabirimũribu yũa, arĩpu ĩgu Jesure.

²¹ Jesu ĩgure ĩhamehtu mahipu. Eropigu ðpa arĩpu:

—Merogã duhyaa mũre mũ iipehoboro. Arĩpehlerinũri mũ yare duaque. Eropigu arĩpehlerinũri mũ wajatarare mojomorocũrãre oque. Mũhu eropiciũ baja ðari umarogue Goãmũ pohrogue arĩyuroca. Tuhajanugu yũ mera majagu arĩbu arique, arĩpu Jesu ĩgure.

²² Wũaro opagu arĩpu ĩgu. Eropigu Jesu ĩgure eroparicũ peegu ĩgu oparire mojomorocũrãre odiabigu, turaro bujawere, suabiri waha wapũ.

²³ ĩgu bujawere wacũ ĩagu ĩgu majinũgaja ĩgu buherãre ĩha ðpa arĩpu:

—Doberi oparã Goãmũ ĩgu opu arĩrogue erã wadiacũ diasa aħraa, arĩpu erãre.

²⁴ ĩgu eroparicũ peerã erãpu pee uca waha pee masibiriĩnorã. Eropa arĩtuha Jesu dipaturi werepu erãre:

—Yũ acawererã, arĩpehlerinũri “Yũ gamero yũ opari mera ta ðaro tariguca,” arĩ pepirã Goãmũ ĩgu opu arĩrogue erã wacũ diasataria. ²⁵ Camellopu awiru gobegãgue ĩgu ñajatariwereadiacũ masiya mara ĩgure. Eropa ta doberi opagu ĩgu Goãmũ mera ðaro arĩgu ĩgu opu arĩrogue ĩgu wacũ diasa aħraa, arĩ werepu erãre.

²⁶ ĩgu eroparicũ peenijarã ĩhamaria wanijarã, erã basi ðpa arĩĩnorã:

—Yaho. ĩgu arĩro dopa ta diaye arĩcũ ne yujugu masure taubiribocumi Goãmũ ĩgu pohro wamorãre, arĩĩnorã erã erã basi.

²⁷ Erã eroparicũ peegu Jesu erãre ĩhabeo ðpa arĩpu:

—Masa erã bocaũuro erã ðaro iiri mera tarimasibeama. Goãmũ pohrogue wamasibeama. Goãmũ dihta masare peamegue wabonirãre taumasimi ĩgu pohro wamorãre. ĩgu arĩpehlerinũri ðaro iimasipehocãmi, arĩpu Jesu erãre.

²⁸ ĩgu eroparicũ peegu Pedro ĩgure ðpa arĩpu:

—Peenique. Gũapu arĩpehlerinũri gũa yare apicãbu mũ mera wamorã, arĩpu ĩgu Jesure.

²⁹ ĩgu eroparicũ Jesu ðpa arĩpu:

—Diaye arĩgu iiaa mũare. Arĩpehlerinũri ðari buherire yaha arĩburire iimorã mua wirire, mua pagu porãre, mua pagu sumarãre, mua pagu porãre, mua poerire apirã wũaro wajatarãca mua dohpaguere. ³⁰ Eropirã mua wirire, mũa pagu porãre, mũa pagosã nomere, mũa porãre, mũa poerire ero core mũa opadiro tauro dohpaguere baja oparãca mũa ñero tarirã arĩquererã. Eropirã gajirã mũare ñero iirãcoma. Eropirã pũhũguere arĩpehlerinũri Goãmũ mera arĩrãca. ³¹ Dohpaguere bajarã oparã arĩĩnirã irisubure bu arĩrã dujacãrãcoma. Eropirã dohpaguere bajarã bu arĩĩnirãpu oparã dujarãcoma daja, arĩ werepu Jesu erãre.

Dipaturi Jesu ĩgu sũriburiĩnere, ĩgu masa mũriaburiĩne sãre wereĩumi

Mt 20.17-19; Lc 18.31-34

³² Eropi erã mague majaa, Jerusalẽgue majarã iĩĩnorã. Jesu erã coregã mũhtapu. ĩgu eropa mũhtacũ ĩarã ĩgu buherã ĩha uca waĩnorã. Eropirã erã pũhu nũrsiarãpu gũiro mera ĩgure nũrsiaĩnorã. Eropigu Jesu doce ĩgu buherã seyarore sihubeo, masa ĩgure iĩburire werenũgapu daja erãre.

³³ —Peeque yũre. Dohpaguere Jerusalẽgue warã iiaa mari. Erogue masa yũ masure Goãmũ ĩgu obeodigure yũre ñeha, pahia oparãre, judio masare buherã sãre yũre

orâcoma. Eropirâ yure wejêdorerâcoma erâ. Eropa wejêdorerâ judio masa árîbirâre orâcoma yure. ³⁴ Erâ eropa ora puhru erâ yure wereya, disico ehosû târarâcoma. Tuhaja yure wejêrâcoma. Eropigu yu sîrira puhru uhrenu puhru masa mûriaguca, arî werepu Jesu.

Santiago, Ñu mera Jesure serêñuma
Mt 20.20-28

³⁵ Eropi Santiago, Ñu mera Jesu pohrogâ ejarâ erâ gamerire serêñorâ igure. Erâ Zebedeo porâ árîñorâ. Eropirâ ôpa arîñorâ:

—Buhegu, gua serêro dopa ta guare iique mûhu, arîñorâ erâ Jesure.

³⁶ —¿Yuhu duhpiicû gahmeri mua? arîpu Jesu erâre.

³⁷ —Mûhu árîpehrerâ wecague opu árîgu guare mu waî mera dorerâ acuque. Yujugure mu diayeru, gajigure copu doboque guare. Mû mera oparâ gua árîboro dopa iique, arî serêñorâ erâ Jesure.

³⁸ Erâ eroparîcû peegu ôpa arî werepu Jesu:

—Mûa ñero tariborore masibiriquererâ ôpa arî serêa mua yure. ¿Dohpaguere yu ñero tariboro dopa ta mua sâ ñero tarirâ yujuro bojebocuri mua? ¿Yure erâ ñero iiboro dopa mua sâre ñero iicû yujuro bojemasibocuri mua? arî serêpipu Jesu erâre.

³⁹ —Yujuro bojerâca, arî yuhriñorâ.

Erâ eroparîcû Jesu ôpa arî werepu:

—Yu ñero tariboro dopa ta mua sâ ñero tarirâca. ⁴⁰ Eropa mua tarimorâ árîquerecû ta, yu mera doremorâre beyemasibea yuhu. Irire yuhu Pagu amutuhami. Eropirâ igu beyenirâ dihta yu diayeru yu copu doarâcoma, arîpu Jesu.

⁴¹ Santiago, Ñu sâ erâ oparâ árîburire Jesure serêcû gajirâ diez buherâ peerâ, erâ mera guañorâ. ⁴² Erâ eropa guacû ïagu, Jesu igu buherâre sihu gameneo ôpa arîpu:

—Goâmure masibirâ oparâpu erâ masare dorerâ, pûriro mera dorema. ⁴³ Mûapu ne eropa iisome mua basi. Mûa mera majagu opu árîdiagu, árîpehrerâ igu mera majarâre itamugu árîporo. ⁴⁴ Eropigu árîpehrerâre doregu árîdiagu, erâ pohro majagu árîro dopa ta árîporo. ⁴⁵ Eropa árîgu tiiaa yu sâ. Masare dorebiragu arigu iibiribu. Yuhu masu Goâmû igu obeodigu árîqueregu ta, i yebagure masare itamugu arigu iibu. Eropigu masa bajarâ erâ ñero iira dipuwajare sîribasagu arigu iibu. Eropigu erâ peamegue wabonirâre taugu arigu iibu, arîpu Jesu erâre.

Bartimeore, cuiiri ïhajibigure ïacû iinûmi Jesu
Mt 20.29-34; Lc 18.35-43

⁴⁶ Eropi erâ Jericógue ejañorâ. Eropirâ iri macague árîñirâ Jesu igu buherâ masa bajarâ mera wañorâ. Jesu wari maha turogue yujugu masu cuiiri ïhajibigu doapu. Igu Bartimeo waicûgu Timeo magu árîpu. Igu ma turogue doagu umuri nucu masare niyerure serêmuripu. ⁴⁷ Eropigu ero doanijagu masa “Jesu Nazare majagu ahrimi,” erâ arîcû peepu. Eropa peenijagu ôpa arî gaguiniguipu:

—Jesu, opu Davi mûru pârami masare taubu mojomoro ïaque yure, arî gaguiniguipu Jesure.

⁴⁸ Igu eropa arî gaguiniguicû peerâ masa bajarâ Bartimeore “Ejarimaricâque,” arî turiñorâ. Erâ eropa arî turiquerecû, igupu igu ero core igu gaguiniguiddo tauro gaguiniguipu daja.

—Jesu, opu Davi mûru pârami masare taubu mojomoro ïaque yure, arî gaguiniguipu daja.

⁴⁹ Igu eroparîcû peegu Jesupu dujanugaja:

—Sihubeoque igure, arîpu. Igu eroparîcû peerâ erâpu igu cuiiri ïhajibigure sihugâñorâ.

—Mucubirique. Wahgânugajaque. Igu mure sihumi, arîñorâ erâ igure Bartimeore.

⁵⁰ Erâ eroparîcû peegu igu omasiarîñere tuweapi, buhri tarimagâ Jesu pohrogue ejanugajapu. ⁵¹ Eropigu Jesu serêpipu igure:

—¿Dohpa yuhu mure iicû gahmeri mûhu? arî serêpipu Jesu igure.

—Yu opu, yure cuiiri ïacû iique, arîpu igu cuiiri ïhajibiguipu.

⁵² —Mû yure umupeonijagu ôagu wahaa. Eropigu wanisa, arîpu Jesu igure.

Igu eroparîcû ta cuiiri ïhajibigu ôaro ïha wapu. Ôagu wanijagu Jesu mera mague narusia wahgâ wapu.

11

*Jerusaléngue ejañumi Jesu**Mt 21.1-11; Lc 19.28-40; Jn 12.12-19*

¹ Eropii erã Jerusaléngue ejaboro coregã, Betfagé maca pohrogã, Betania maca pohrogã ejamuhtañorã. Iri macari utãgu Olivo waicudigu gubuye árïyoro. Erogue ejaçu perãre igu buherãre Jesu obeogu opa arïpu:

² —Si macague waque. Erogue ejarã mata burrogãre erã dirinugudigugãre boca-jarãca. Gajirã erã peyaya mariçu árïcumi. Igure bocaça igure diriradarire pãa yare aigãribasaque. ³ Maa eropiicũ ïagu burrogã opa “¿Duhpimorã burrogãre pãri?” Igu aricũ peerã opa arï yuhrique igure: “Mari tigu burrogãre gamebeoniami dohpa. Eropigu dohparagã wiagucumi igure,” arï wereque igure, arï weredore obeopu igu buherã perãre.

⁴ Igu dorebeonirã waha, wihi pohro árïri mare burrogãre disiporo erã dirinugudigugãre bocañañorã. Bocaça igure erã diriradarire pãñorã. ⁵ Eropirã igure erã pãcũ iarã ero niguinirã serëpiñorã:

—¿Duhpimorã maa diriradarire pãri burrogãre? arï serëpiñorã.

⁶ Erã eroparicũ peerã erãpu Jesu igu arïdiro dopa ta wereñorã erãre serëpirãre. Erã eropa arï werecũ peerã erã ero niguinirãpu “Aigãque,” arïñorã erãre. ⁷ Eropirã erã burrogãre Jesu pohrogue aigã wañorã. Erã aï ejara puhru suhri igugã weca erã peotuhacũ ïagu Jesupu igugã wecague maribejapu wabu. ⁸ Eropirã masa bajarã erã peyari suhrice tuwea aï igu wari maha deco sëopi muhtañorã Jesure umupeorã. Gajirãpu püricuri dæpurire poerigue erã aigãrira dæpurire apimuhtañorã “Óari maha árïporo,” arïrã.

⁹ Eropirã igu core warã, igu puhru arirã sã opa arï gaguiniñorã:

—Ire umupeorã. Ihĩ Goãmu igu obeodigu ñaro ariporo. ¹⁰ Mari ñecu Davi maru opa igu arïdiro dopa ta ñaro ariporo. “Umaro majagu turagu ãhrimi,” arï umupeorã, arï gaguiniñorã erã.

¹¹ Eropigu Jesu Jerusaléngue ejaçu. Ejaçu Goãmu ya wihigue ñajajagu, iri wihi majare árïpehrerire ïapehocãpu. Ìatuhaja “Ñamicague ãhraa. Umuñarigã ta ãhraa. Ina warã,” arïpu Jesu. Igu buherã mera Betaniague waha wañorã.

*Jesu higeragu waicudigure sïridoreñumi**Mt 21.18-19*

¹² Eropi gajinu erã Betaniague árïñirã Jerusaléngue dujariñorã daja. Eropa du-jaricũ Jesupu oaboa wapu. Eropa oaboagu yoarogue niguidigure higeragure ñaro püricudigure ïanijagu irigu ducare amagu waripu. ¹³ Ducca mariyoro. Duccacurisubu árïbiriya. Püri dihta opayoro. ¹⁴ Eropigu ducca maricũ ïagu opa arïpu:

—Irigu ducare masa ne dipaturi babiricãporo. Ne ducacubiricãporo, arïpu Jesu.

Igu eroparicũ igu buherãpu peeñorã.

*Jesu Goãmu wihire Goãmu mera wereniguirì wihire iidoreñumi**Mt 21.12-17; Lc 19.45-48; Jn 2.13-22*

¹⁵ Igu eropiira puhru erã Jerusaléngue erañorã. Eragu Jesu Goãmu ya wihigue ñajapu daja. Ñajajagu doberi duarãre, asürãre bocaçagu cohã wiucãpu. Eropigu niyerure game gohroto doarã ya mesarire yomemuju aï mehpi behomuripu. Bujare duarã erã doari përori sãre eropa ta iipu. ¹⁶ Eropigu Jesu Goãmu wihiguere gajinore aï ñajadorebiripu masare. ¹⁷ Eropigu Jesu opa arï buhepu erãre:

—Ópa ãhraa Goãmu yare erã gojarapügue: “Yaha wihi Goãmu mera wereniguirì wihi waicuroca. Eropiro árïpehrero majarãgue yu mera erã wereniguirì wihi árïroca,” arï gojañuma Goãmu wereniguirire. Goãmu eropa arïquerecũ ta, muapu i wihire Goãmu wihire duadoarã bu game yajarã iiaa, arïpu Jesu erãre.

¹⁸ Igu eropa arï buhecũ árïpehrerã masapu pee ucapehrea wañorã. Eropirã pahia oparã, judio masare buherã mera igure güi árïñorã. Eropirã erã igure wejëburire guñamaañorã. ¹⁹ Erã eropiicũ ñamicague Jesu igu buherã mera iri maca árïñirã waha wañorã.

*Higeragu sïria wayoro**Mt 21.20-22*

²⁰ Eropirã boyo dijaricũ mague majarirã higeragure ñañorã daja. Irigu nugurigue sïrinuga sïriadigu árïcũ ñañorã. ²¹ Irigure ïagu Pedropu opa arïpu:

—Buhegu, ïaque. Irigu higeragupu mu sïridoredigupu sïria waya, arïpu Pedro.

²² Īḡu eroparicū Jesu werepū erāre:

—Goāmure umupeuturaque mua. ²³ Diaye arīḡu tīaa muare. Mua Goāmure ōaro umupeori mera irīḡu utāḡure “Dua aī wuariyague cōādiḡu árīporo,” mua Goāmure arīcū, mua arīdiro dopa ta waroca. “Yu serēro dopa diaye ta eropa iḡucumi,” mua arī ḡuñacū, “Goāmū iisome,” arībiricū, mua serēdiro dopa ta Goāmū iḡucumi. ²⁴ Eropiḡu irire wereḡura muare. Goāmū mera wereniḡuirā, iḡure serērā, “Yu serēro dopa ta eropa waroca yare,” arī ḡuñaque. Mua eropiicū iḡu Goāmū mua serērīre oḡucumi. ²⁵ Eropirā Goāmure mua serēboro core gajirāre erā muare erā űero iirare cādijique. Gajirā erā űero iicū mua guarare duhuque. Mua eropiicū iḡu mari Pagu űmaro majagū mua űero iirare iḡu sā cādijigucumi. ²⁶ Muare űero iirare mua cādijibiricū iḡu sā mua űero iirare cādijisome, arīpū Jesu erāre.

Jesure dorediḡure iḡure serēpiñuma pahia oparā, judio masare buherā, mūrā mera Mt 21.23-27; Lc 20.1-8

²⁷ Īḡu eropa arīra pūhrū erā Jerusalēngue wañorā daja. Eropirā Jesu Goāmū wihigū iḡu curicū iarā, pahia oparā, judio masare buherā, mūrā mera iḡu pohrogue erarā iḡure serēpiñorā:

²⁸ —¿Noa doreri mera irinore iḡu iiri mūhū? ¿Noa mure Goāmū wihi duanirāre cōādoreari? arī serēpiñorā erā Jesure.

²⁹ Erā eroparicū Jesu yūhrīpū:

—Muapure serēpimūhtagura. Ōaro mua yūhrīcū yū sā muare yūhrigura. ³⁰ ¿Ñu masare iḡu waīyecū noano iḡure waīyedoremūriyuri mua pepicū? ¿O Goāmū doreyuri? ¿O masapū doremūriyuri mua pepicū? Yure wereque, arīpū Jesu erāre.

³¹ Īḡu eroparicū peerā erāpū erā basi game ōpa arī wereniḡuiñorā:

—¿Dohpa arī yūhrīrācuri mari? “Goāmū űure dorediḡu árīñumi,” mari arīcū, “¿Goāmū űure iḡu dorequerecū ta duhpīrā iḡu wererare peebirari muapū?” arībocumi Jesu marire. ³² Ōā masapū “Diaye ta űu Goāmū yare weremūhtadiḡu árīmi,” arī pepima erā. Erā eropa pepirā, “Ñu iḡu waīyecū Goāmūpū iḡure dorediḡu árībiriñumi,” mari arīcū, masapū mari mera guarācoma, arīñorā erā basi.

³³ Eropirā erā Jesure ōpa arī yūhrīñorā:

—Ñure waīyedorediḡure ḡua masibea, arīñorā erā Jesure.

Erā eroparicū ōpa arīpū Jesu.

—Irisubu tamerare yū sā mua serēpirare werebea muare. Yu iirire iidorediḡure werebea muare, arīpū Jesu erāre.

12

Ñerā mohme corerā iira queorire wereñumi Jesu buhebu

Mt 21.33-46; Lc 20.9-19

¹ Eropi Jesu queori mera buhenūḡapu daja erāre.

—Yeba opū árīñumi. Iri yebare iḡu ya iḡuidarire oteñumi. Otetuha sārīrore nugu, iḡure erā cūhra bujuburi gobere seañumi. Pohe decogue űmari wihigā sāre iññumi iñadibuma ōaro. Eropiḡu gajirāre iḡu ya pohe deco mera apiñumi erā mohme corera waja. Eropiḡu iri pohere erāre mohme coredoretuhaja gajī yebague waha wañumi iḡu. ² Pūhrū iḡu iñrisubu arīcū pohe opū iḡu pohro majagare iḡu ya pohe mohme corerā pohrogue obeoriñumi. Pohe maja iḡu ya oteri dūcare iḡu ya sero maja dūcare aīdoreḡu obeoriñumi iḡure. ³ Eropirā pohere mohme corerāpū iḡu pohro majagare űeha pañuma. Eropiituha iḡu ya iḡu tōrire obiriquererā dujadoreñuma iḡure. ⁴ Eropiḡu pohe opū gajīḡu iḡu pohro majagare obeoriñumi daja. Eropirā pohere mohme corerāpū iḡure iḡu dipurure cami moa űero iññuma iḡu sāre. ⁵ Gajīḡu iḡu pohro majagare obeocū iḡupure wejēcāñuma. Gajirā sāre bajarāre eropa dihta iññuma. Gajirāre pa gajirāre wejēñuma erā.

⁶ Eropiḡu pohe opū magū dihta dūhyañumi. Iḡu ta iḡu magū iḡu mahiḡu árīññumi. Eropiḡu iḡu magure obeoñumi pare erā pohrogue, “Yu magūpūre umupeorācoma,” arīḡu. ⁷ Īḡu ōpa arī pepiquerēcū, erā pohere corerāpū iḡu magū arīcū iha, ōpa arī wereniḡuiñuma: “Pohe opū magū āhrimi. Iḡure wejēcārā mari. Eropiro i pohe mari ya pohe dujaroca,” arī wereniḡuiñuma erā erā basi. ⁸ Eropa arīrā iḡure űeha wejē, pohe turogue aīḡā cōācāñuma erā iḡure, arīpū Jesu erāre.

Eropa arītuhaja Jesu erāre serēpipū:

⁹ —Ne, ¿pohe opū dujarīḡu dohpa iḡucuri iḡu ya pohere mohme corerāre? arīpū Jesu. Ōpa iḡucumi erāre, arīpū. Iḡu erāre wejē gajirāpūre pohere mohmedoreḡucumi,

arĩpu Jesu eräre. ¹⁰⁻¹¹ ¿Goãmũ yare erã gojarapũgue õpa arĩrire irire buhebiriri mũa? Õpa arĩ gojañuma:

Ihĩ Cristo utãye iro dopa àhrimi. Masa Cristore gamebirãcoma. Erã gamebiriqerectu

Goãmũ ìgure beye opu acumi. Goãmũpu ire iimi. Ìgu eropa iicũ ìarã “Õataria,” arĩ pepia mari, arĩ gojañuma iribojuere.

¿Irire ne buhebiriri mũa? arĩpu Jesu eräre.

¹² Ìgu eroparicũ peerã pahia oparã, judio masare buherã, mũrã mera õpa arĩ pepiñorã: “Jesu i queorire weregu ‘Erã ñerã mohme corerã iro dopa àhrima,’ marire arĩ weresãgu iicumi,” arĩ pepiñorã. Eropa arĩ pepirã Jesure ñeadiariñorã. Eropa ñeadaiquererã, masapu Jesure gamerã mari mera guari, arĩrã masare güi arĩñorã. Eropa güirã ìgure cohãgã wañorã.

Fariseo masa, Herode ya curu majarã mera gobierno maja wajayerire serẽpiñuma Jesure

Mt 22.15-22; Lc 20.20-26

¹³ Waha, erã mera majarãre yujurãyerire fariseo masare, Herode ya curu majarã sãre Jesure serẽpiñadore obeoñorã daja. Erã Jesure baja serẽpiri mera ìgu gajiropa yuhricũ weresãmorã iriñorã. ¹⁴ Eropirã Jesu pohro eja ìgure serẽpiñorã:

—Buhegu, diaye mũ wereniguigu guyari marigu mũ arĩcũ masia gua. Eropigu opu arĩcũ sãre bu arĩgu ìgu arĩcũ sãre mũhu yujuropa ihãa. Eropigu Goãmũ yare diaye mũhu werea. Masa suacũ sãre erã suabiricũ sãre queoro werea. Eropigu guare wereque: ¿Roma majagu arĩpehrerã tauro opu arĩgure, gobierno majare marire wajayero gahmeri mũ pepicũ? ¿Mari doreripu wajayedoreri mũ pepicũ? arĩ serẽpiñorã erã Jesure.

¹⁵ Erã eropa arĩ serẽpicũ peegu erã guyarire erã ñero iidiarire masigu õpa arĩ yuhripu eräre:

—¿Duhpirã yu ñero wereniguicũ peediari mũa? Dohparagã niyerusere aĩgãrique irisere ìamorã, arĩpu Jesu eräre.

¹⁶ Ìgu eroparicũ peerã yujuse niyerusere aĩgãriñorã. Erã irisere aĩ eracũ ìagu Jesu serẽpipu eräre:

—¿Nihino gohra masu tuhyari isere? ¿Noa waĩ tuhyari isere? arĩ serẽpipu ìgu.

—César waicũgu masa tauro opu masu ìgu waĩ sã tuhyaa iriseque, arĩ yuhriñorã erã.

¹⁷ Erã eroparicũ Jesu werepu eräre:

—Irisubũ tamerare masa tauro opu arĩgu yare ìgure oque. Goãmũ yare Goãmũpũre oque, arĩpu Jesu. Ìgu eroparicũ pee uca wañorã.

Saduceo masa Goãmũ ìgu sĩrinirã masurire serẽpiñuma Jesure

Mt 22.23-33; Lc 20.27-40

¹⁸ Eropi yujurãyeri Saduceo masa Jesu pohroguere erañorã. Saduceo masapu “Goãmũ sĩrinirãre masusome,” arĩ pepirã arĩñorã. ¹⁹ Eropirã erã õpa arĩñorã Jesure:

—Buhegu, marire õpa arĩ gojadigu arĩmi Moise: “Yujugu ìgu tĩgu marapocũgu porã mariqueregu ìgu sircũ ìagu, ìgu pagu magure ìgu tĩgu marapo arĩdigore marapocũro gahmea. Eropigu ìgu tĩgu mũru ìgu tĩgu ìgu porãcubodiro dopa ta porãcuro gahmea ìgu pagu magure. Eropirã ìgu tĩgu mũru porã iro dopa arĩrãcoma,” arĩdi arĩmi Moise, arĩñorã.

²⁰ Ire erã arĩtuhaja i queorire werenemoñorã Jesure.

—Yujugu porã siete arĩñorã. Eropii erã tĩgũpu marapocu, porã marigu ta sĩria wapu.

²¹ Eropigu gajigu ìgu pagu magu sã ìgu tĩgu mũru marapo arĩdigore marapocũpu. Ìgu eropa marapocura pũhrũ ìgu sã ìgu tĩgu mũru iro dopa ta porã mariqueregu ta sĩria wapu. Eropigu ìgu pagu magu ìgu ìgu mũru iro dopa porã mariqueregu ta sĩria wapu.

²² Eropa dihta wañorã yujugu porã. Ne porã mariquererã sĩripehrea wañorã. Erã marapo sã erã pũhrũ sĩria wapo pare, erã arĩtuhaja Jesure serẽpiñañorã. ²³ ¿Ne, Goãmũ arĩpehrerã sĩrinirãre ìgu masucũ nihino marapo gohra arĩgocuri igo? Erã arĩpehrerã ìgore marapocunirã arĩñorã. ¿Eropigo nihino marapopũ arĩgocuri igo? arĩ serẽpiñorã erã Jesure.

²⁴ Jesu yuhripu eräre:

—Goãmũ yare erã gojarapũ wereniguirire ne masibea mũa. Eropirã Goãmũ ìgu turari sãre ne masibea mũa, arĩpu Jesu. Eropiro mũa pepiripu diaye arĩbeaa.

²⁵ Sĩrinirã mũra erã masa mũriara pũhrũ erã anyua iro dopa àhrima. Erã uña nome mera marapocũbeama eroguere. ²⁶ Sĩrinirã erã masa mũriaboropũre mũare weregura, arĩpu Jesu. Irire Moise õaro werepehocãñumi. Iri yucũgũgũgue ujurisubũ arĩgu Goãmũ õpa wereñumi Moisere: “Yũhũ Abrahã, Isaa, Jacobo, erã opu àhraa,” arĩ wereñumi

Goāmu iribojegue. ²⁷ Erā sīrira pūhrugue “Erā opu ta āhraa,” arī wereñumi Goāmu. Eropirā erā sīrinirā mura ĩgu masunirā árírā erā ojocarirā āhrima. Eropirā “Sīrinirā masasome,” arī pepirā diaye pepibea maa, arīpū Jesu erāre.

Ōatariariñere doreriñere wereñumi Jesu

Mt 22.34-40

²⁸ Eropigū yujugū judio masa erā buherā mera majagū erā pohrogue eraa, erā game wereniguicū peepū. Jesu ĩgu ōaro yuhririre peegu serēpipū ĩgure.

—¿Goāmu ya doreri ōatariaro doreripū diñe doreripū āhriri mā pepicāre? arī serēpipū ĩgu Jesure.

²⁹ Jesu ĩgure yuhripū:

—Iñe doreriñe ōatariariñe ōpa āhraa. “Israe masa peeque. Goāmu mari Opu yujugu ta āhrimi. ³⁰ Buriḡā maa sīporā mera, maa turari mera, maa ōaro guñari mera Goāmure maa Opure mahique,” arīmi Goāmu. ³¹ Iñe doreriñe pūhrū gajī doreriñe sã ōataria. “Mū basi mahiro dopa ta mū pohro árírā sãre mahique,” arīmi Goāmu. Iri pe doreri ta árīpehreri gajī doreri tauro āhraa, arī werepū Jesu ĩgure.

³² ĩgu eroparicū judio masare buhegu ōpa arī yuhripū:

—Eropa ta āhraa, buhegu. Diaye ta arāa muhu. Goāmu yujugu ta āhrimi. Gajigu ĩgu iro dopa árīgu marimi. Mū arīri diaye ta āhraa. Goāmure turaro mari sīporā mera, mari turari mera, mari pepiri mera, mari ōaro guñari mera ĩgure mahiro gahmea. Mari pohro árírāre mari basi mari mahiro dopa ta, erā sãre mahiro gahmea marire. ³³ Mari Goāmure umupearā waimurā wejē soemujućū ōapūrica. I tauro Goāmure masa sãre mari mahicū ōataria, arīpū ĩgu Jesure.

³⁴ ĩgu pee masiri mera yuhricū ĩha Jesu ĩgure arīpū:

—Merogā duhyaa mure Goāmu mū opure mū masiboro, arīpū Jesu ĩgure.

ĩgure eroparicū gajirā peerā ĩgure güirā serēpinemediabiriñorā pare.

¿Noano acaweregu āhriri Cristo? serēpi ĩañumi Jesu masare

Mt 22.41-46; Lc 20.41-44

³⁵ Eropigū Goāmu wihigue buhegu ōpa arīpū Jesu:

—“Cristo Davi mūrū pārami arigucumi,” arī buhema marire buherā. ¿Duhpirā eropa arī buheri erā? Erā ōaro masiboro duhyania erāre dohpa. ³⁶ Davi ĩgu basi Espírītu Santo ĩgure dorero dopa ta ōpa arī wereñumi:

Goāmu ya opure ōpa arāmi. “Ohō yū diayerū yū mera dorebu doaque. Eropigū mure ĩhaturirāre mure tarinugabasagaca yuhū,” arīmi Goāmu ya opure, arī gojañumi Davi mūrū.

³⁷ Eropa arī gojagu Davi mūrū opucupū Cristore “Yū opu,” arīgu. Cristo Davi mūrū opu āhrimi. Eropigū Davi mūrū Cristo ñecu árīqueregu opucñumi Cristore, arī werepū Jesu.

ĩgu eropa arī buhecū bajarā masa mucubiriri mera peeñorā ĩgure.

Jesu masare buherā erā ñero iirire wereñumi

Mt 23.1-36; Lc 11.37-54; 20.45-47

³⁸ Eropigū ĩgu buhenemogu ōpa arīpū:

—Masare buherā erā ñero iirire ōaro ĩaque. Eropirā erā iiro dopa iibiricāque. Erā yoari suhri saña erā masa erā ĩhabeoro cuhrima. Doberi duarogue gajirā umupearā mera erāre bocatūri serēcū gahmema erā. ³⁹ Eropirā mari buheri wiriguere ōari doari dihtare doadima. Eropirā bosenari árīcū sãre oparā erā doari dihtare gahmema erā. ⁴⁰ Eropirā erā wapeweyarā nome erā wajamocū ĩha erā ya wirire emacāma erā nomere. Eropa erāre mojomoro ĩabiriquererā erā masa ĩhurore yoari boje Goāmure serēma, “Gua Goāmure ōaro umupeoa,” arī guyarā. Erā eropa iira dipuwaja gajirā tauro dipuwaja moagucumi erāre, arīpū Jesu erāre.

Wapeweyo Goāmure igo apirare wereñumi Jesu

Lc 21.1-4

⁴¹ Eropigū Jesu Goāmu wihi maja erā amuburi niyeru gameneori comoro pohro doapu. Ero masa erā niyeru sãcū ĩapu. Doberi oparā iri comorogue niyeru pagari sãa tari wahgāmuriñorā. ⁴² Eropigo wapeweyo buro iri comorogue ahri pesegā sãpo. Pese yuju centavo maja āhraa. ⁴³ Iriserire igo apicū ĩagu Jesu ĩgu buherāre sihubeo arīpū:

—Diaye arīgu iiaa muare. Igo wapeweyo mojomorocugo niyeru sãri comorogue igo yare sãgo gajirā árīpehrerā erā sãdiro tauro sãmo igo. ⁴⁴ Gajirā doberi oparā erā wuaro oquerecū ta erā ya wuaro duhyaa. Igotū mojomorocugo árīquerego ta, árīpehreri igo bari asūborare Goāmu ya árīburire opehocāmo, arīpū Jesu.

13

—Goāmũ wihi cóāsũroca, arĩ yuñumi Jesu

Mt 24.1-2; Lc 21.5-6

¹ Eropigu Goāmũ wihiguere erã wiriacũ ñagu yujugu erã buherã mera majagu òpa arĩpu:

—Buhegu, ñaque. I wihi Goāmũ wihi maja wiri utã mera erã iira wiri òari wiri àhraa, arĩpu ñgu.

² Ñgu eroparĩcũ Jesu werepu erãre:

—I wihi maja wiri dohpaguere ñaraa mua. I wihi árĩpehreri mari ñara i utã sã cohmopherea waroca. Ne yujuye utãye dujasome iri wiri maja, arĩpu Jesu.

I mũu pehrebore wereñumi

Mt 24.3-28; Lc 21.7-24; 17.22-24

³ Eropi Jesu Olivo waicudigu utãgugue Goāmũ wihi diaye maja árĩdigugue eja pu. Ero doapu. Ero Pedro, Santiago, Ñu, Andre mera erã seyaro árĩrã, erã ñgure serẽpiñorã:

⁴ —Wereque guare. ¿Dohpárĩcũ eropa warocuri mũ arĩdiro dopa waro? ¿Pehreburinu coregãre dohpa wanugacũ ñarãcuri gaa? arĩ serẽpiñorã erã Jesure.

⁵ Jesu yũhripu:

—Óaro ii yuque mua. Eropirã gajirã erã guyarire peebiricãque mua. ⁶ Bajarã masa “Cristo àhraa yũhũ,” arĩ guyarã árĩrãcoma. Erã eropa guyacũ peerã masa bajarã Goāmũ yare duhurãcoma.

⁷ Mũa pohrogã gajirã masa erã gamewejẽcũ peerãca. Eropirã yoarogue majarã erã sã erã gamewejẽcũ peebeorãca mua. Eropa peequererã ta ne irire wũaro bujawere peebiricãque. Eropa wamuhtaroca. Eropa wacũ pehrebunaru duhyaniroca dohpa.

⁸ Irisubure yuju yeba majarã gaji yeba majarã mera gamewejẽrãcoma. Eropirã yujugu opu yarã gajigu opu yarã mera gamewejẽrãcoma. Eropiro bajasuberi i yeba ñohmeroca. Eropirã bajarã masa ota mera sĩrĩrãcoma. Eropa ñero tariquerũ i yeba majarãre tauro erã ñero tariboro duhyaa dohpa. Ñero tarinĩrãcoma dohpa.

⁹ Òpa wacũ ñarã mua basi òaro iique. Gajirã mũare ñeha ñero iidorerã orãcoma gajirã oparãre. Eropirã mũa acawererã judio masa erã buheri wirigue sãre mũare parãcoma. Eropirã macari majarã oparã pohrogue, erã tauro oparã pohrogue sãre aĩgãrãcoma mũare mũare dipuwaja moamorã. Eropirã erã mũare erã pohrogue aĩgãcũ yaha buherire wererãca mua erã sãre. ¹⁰ Eropiro pehrerinu árĩboro core árĩpehrerãre òari buherire weresũroca. ¹¹ Eropirã mũare dipuwaja moadorerã erã oparã pohrogue erã aĩgãcũ, erã oparãre mũa wereniguiburire wũaro peebiricãque. Mũare erã serẽpicũ mũa yũhriburire Goāmũ mera masĩrãca. Eropa masĩrã mũa gamero wereniguismo mũa. Espĩritu Santopũ mũare wereniguicũ iigucumi. ¹² Irisubure erã tĩrã erã pagu porãre Jesu yarã erã árĩcũ ñha erãre wejẽdorerã oparãre wiarãcoma. Gajigupu ñgu ñgure wejẽdoregu oparãre wiagucumi. Eropi erã pagu sumarã erã porã Jesu yarã erã árĩcũ ñha erãre wejẽdoregu oparãre wiarãcoma. Eropirã erã porãpu erã pagu sumarãre erã Jesu yarã árĩcũ ñha wejẽdorerã wiarãcoma erã oparãre. ¹³ Yũre mũa umupeora dipuwaja mũare masa árĩpehrerã ñaturĩrãcoma. Eropa mũare erã ñero iiquerecũ ta, mũare erã ñero iirare yujuro bojerã, yũre duhubiricũ Goāmũ mũare taugucumi. Eropigu ñgu pohrogue mũare opagucumi.

¹⁴ “Eropirã ñetariagure Goāmũ yare goroweogure ñarãca mua. Goāmũ wihigue ñgu nigucũ ñarãca. Ero ñgure árĩbiricãro gahmea. Iribojegue Goāmũ yare weremũtayugu Daniel ñgure were gojañumi. (Irire buhegu peeoro). Ero ñgu nigucũ ñarã Judea yebague árĩrãpu utã yucũgue oma duhrigã waporu. ¹⁵ Irisubure masa ñero tarĩrãcoma. Eropirã yojaro mera waporu. Irisubure erã wiri weca maja pũrigue árĩrã wihi pohecaguere erã yare aĩrã wabiricãporo. ¹⁶ Eropirã irisubure gajirã erã poerigue árĩrã erã ya suhrire wihigue árĩri suhrire aĩrã dujabiricãporo. ¹⁷ Irisubure nijiposã nome, erã porã mihrĩrãre oparã nome sã mojomorocũrã nome dujarãcoma. ¹⁸ Eropirã òpa serẽque Goãmũre: “Puhirã árĩcũ eropa wabiricãporo,” arĩ serẽque ñgure. ¹⁹ Irinũrĩre masa ñero tarĩrãcoma. I yebare ñgu ñhacũnugura pũhru masa erã ñero tarĩri árĩmũriyoro. Iri eropa árĩquerecũ ta árĩpehreri pũriri erã ñero tarĩdiro tauro masa ñetariaro tarĩrãcoma pehrerĩnu coregãre. Eropa ñero erã tarĩra pũhru dipaturĩ eropa ñero tarĩsome i yeba pare. ²⁰ Eropigu Goãmũ i ñero tarĩrinũrĩre bajamenũrigã árĩcũ iigucumi. Ñgu eropiĩbiricũ ne yujugu masũ tarĩbirĩbocumi. Eropigu ñgu beyenĩrã erã tarĩborore bajamenũrigã ñero tarĩrĩre apĩgucumi Goãmũ.

²¹ Irisubure gajirãre pee masi ñaque. “Óho àhrimi Cristo,” erã arĩcũ erãre peebiricãque. “Ero àhrimi Cristo,” erã arĩcũ sãre peebiricãque. ²² “Cristo àhraa,” arĩ

guyarā, “Goāmū yare weremuhtarā āhraa,” arī guyarā ārīcārācoma irisubure. Eropirā Goāmū ĩḡu beyenirāre guyarā erā deyoro moarire ii ĩhmurācoma. Goāmū yare erā cōācū ĩidiarā ĩirācoma erā guyari masa. ²³ Ire ārīpehrerire weryumāhtaa muare iri eropa waboro core. Eropirā ōaro pee masi yuque maa, arīpū Jesu ĩḡu buherāre.

Jesu i yebaguere ĩḡu dujariborore wereñumi

Mt 24.29-35, 42-44; Lc 21.25-36

²⁴ Eropa arītuhagu ōpa arī werepū Jesu erāre:

—Īrinuri erā ñero tarira puhru, abe umu majagu, ñami majagu sā boyo duhurācoma. ²⁵ Erā eropa wacū, necā dipuru yuhridijariroca. Eropiro umaro maja sā yeba sā burigā ñohmeroca. ²⁶ Irisubu ta yuhu masu Goāmū ĩḡu obeodigu ariguca. Eropiro umarogue yu turari mera yu gosesiriri mera umaro maja imica weca i yebaguere yuhu dujaricū ĩarācoma masa. ²⁷ Eropigu yaharā anyuare ārīpehrero i yebaguere obeogura. Eropirā ārīpehrerogue waha yaharāre yu beyenirāre gamenorācoma yu pohrogue.

²⁸ “Higueragu irigu waricūre ĩarā masia maa. Irigu yucūgu pūricūcū ĩarā, “Bojori merogā duhyaa,” arī masia maa. ²⁹ Eropa ta irigu waro dopa ta masique maa. I ārīpehreri yu arīra iri eropa wacū ĩarā, “Cristo dujariboro merogā duhyaa,” arī masique maa. ³⁰ Diaye ta arīgu iiaa muare. Irisubu majarā erā sīrboro core ārīpehreri yu arīdiro dopa waroca. ³¹ Umaro i yeba sā pehrea waroca. Yu wereniguiripū ne pehresome. Ārīpehreri yu arīdiro dopa ta eropa waha ojogorocuroca.

³² “Trinure yu dujariburinure, iri hora sāre ne masibeaa yuhu. Anyua sā irire ne masibeama. Masa sā ne masibeama. Yu Pagu dihta yu dujariburinure masimi.

³³ “Maa sā ĩrinure masibeaa. Eropirā ōaro guñatura coreque. Goāmure serēque.

³⁴ Ōpa coreque maa. I queoriñe mera irire muare buhegura. Wihi opupū yoarogue ĩḡu curiro dopa ta āhraa i. ĩḡu ĩḡu waboro coregā ĩḡu pohro majarāre ĩḡu wihire coredoremi. Yujurāyerire ĩḡu mohmerire apimi. Yujugare wihi disiporo ĩhadibudoregure ōaro coredoremi ĩḡu dujariborore. ³⁵ Eropigu wahāmi. ĩḡu pohro majarāpū ĩḡu dujariburinure ne masibeama. ĩḡu ñamica o ñami deco, cāreña ĩḡu wererisubu o boyoro ĩḡu aribocumi. Erā ōaro ĩhacorebircū ĩḡu guñaña mariro arigu erāre carīrāre bocabocumi. Wihi opure erā ĩḡu dujariburinure erā masibiro dopa ta maa sā yu dujariburinure masibeaa. Eropirā yure ōaro guña coreque. ³⁶ Guñaña mariro yu eraborore masirā, ōaro guña coreque. Yu dorerire yahare eropa ĩiniguirā ārīque. Eropirā yure ōaro coreque. ³⁷ Eropigu muare yu arīro dopa ta ārīpehrerāre eropa arāa. Ōaro guña coreque, arīpū Jesu ĩḡu buherāre.

14

Pahia oparā, Judio masare buherā mera Jesure wejēdiañuma

Mt 26.1-5; Lc 22.1-2; Jn 11.45-53

¹ Eropi irisubure Pascua bosenu core, buḡabiriri pan erā baburinū core penu duhyayoro. Irisubure pahia oparā judio masare buherā mera, Jesure guyari mera erā ñeha erā wejēburire game wereniguiñorā.

² —Bosenu ārīcū ĩḡure ñehabircārā. Masa gua ĩḡure ñeacū ĩarā gua gamenerenijarā gamequeābocoma, arīrā ĩiñorā erā erā basi.

Nomeo poresuri mera Jesure pipeoñumo

Mt 26.6-13; Jn 12.1-8

³ Eropi Jesu sā Betaniague Simo cami boadi ya wihigue ārīñorā. Iri wihi erā baro watope, yujugo nomeopū alabastro mera ĩidirure poresuri nardo waīcūri dicūdirure aīrapo. Igo aīrara wajacūri arīyoro. Eropigo igo ĩrirure pāḡū Jesu dipuru weca pipeopo. ⁴ Igo eropiicū ĩarā ḡajirā ūrugā gua wañorā.

—¿Duhpirā igo eropa ĩisirimaacāri? ⁵ Iri poresurire duaboañumo. Irire duago yuju bojori mohmeri waja wajataboañumo. Eropigo iri niyerure mojomorocūrāre oboañumo igo, arīñorā erā erā basi. Eropirā igore turiñorā.

⁶ Erā eroparīcū peegu Jesu erāre werepū:

—¿Duhpirā eropa arīri igore? Garibobircāque igore. Igo yure ōaro iimo. ⁷ Mojomorocūrā maa mera eropa arīnigūicārācoma. Eropirā maa gamero erāre omasia. Yūpū i yebare maa mera eropa arīnigūicāsosome. ⁸ Igo masiropē yure iiamo. Yure erā yaaboro core yu dūpūre amuyugo poresuri mera sūhumo yure. ⁹ Eropigu diaye muare arīgu iiaa. Ārīpehrero i yebaguere, ōari buherire erā wereroguerē igo ōpa ĩiare wererācoma. Erā eropa arī werecū peerā masa bajarā igo ĩiare guñarācoma.

Juda Iscariote Jesure ìhaturiräre ìgu ìhmuburire erä mera weretamuñumi
Mt 26.14-16; Lc 22.3-6

¹⁰ Irisubure Juda Iscariote doce buherä mera majagu pahia oparä pohro waha òpa arìpù:

—Yùhu müare werigura Jesu ìgu arìrore müa ìgure ñeacä, arìpù. ¹¹ Eropirä pahia oparä irire peerä mucubiriñorä.

—Müre niyerure orära, arìñorä erä Judare. Eropigu Juda Jesure ìhaturiräre ìgu eräre ìhmuburire corenipù.

Jesu ìgu buherä mera ìgu baturinù arìyoro
Mt 26.17-29; Lc 22.7-23; Jn 13.21-30; 1Co 11.23-26

¹² Bugabiriri panre erä baburinù bosenu arìnugarinù arìyoro. Eropiro ovejare Pascua majagu arìbure erä wejèrinù arìyoro. Irisubure ìgu buheräpù serèpiñorä Jesure:

—¿Nohonogue Pascua bosenu mari baburire amudoregu obeori mühu guare? arìñorä ìgure.

¹³ Erä eroparicü Jesupù perä ìgu buherä mera majaräre obeopù.

—Jerusaléngue waque. Eroque müa ejacü deco sorobu tuhpeogu müare bocatìrigucumi. Ìgu bocatìricü ìgu mera waque. ¹⁴ Eropa warä ìgu sihu ñajari wihigue ejarä, wihì opure òpa arìque: “¿Nohogue yùhu, yù buherä mera Pascua maja barire bagucuri?” arämi gua opù,” arìque wihì opure. ¹⁵ Müa eroparicü peegu umaro maja taribure mari gameri arìpehreri mera erä amura taribure ìhmugucumi wihì opù. Eroque mari baburire iique, arìpù Jesu eräre.

¹⁶ Ìgu eroparicü erä perä ìgu buherä iri macague wañorä. Erä erogue erä ejacü ìgu arìdiro dopa ta wayoro. Eropirä erä Pascua arìcü baburire amuñorä.

¹⁷ Eropi naidjariribusu Jesu doce ìgu buherä mera erä bari taribugue eroguerè ejarù. ¹⁸ Eropirä erä mesague erä ba doarisubu Jesu eräre werèpù:

—Diaye arìgu iiaa müare. Yujugu müa mera majagu ta yù mera bagu ta yure ìhaturiräre ìhmugucumi, arì werèpù Jesu eräre.

¹⁹ Ìgu eropa arì werècü peerä eräpù burigä bujawererä ìgure serèpinugañorä erä yujuräyeri.

—¿Yùhu ta arìbocuri müre ìhmubu? arìñorä erä Jesure.

²⁰ —Müa yù doce buherä mera majagu ta àhrimi ìgu. Yù baripare yù mera yoso bagu àhrimi yure ìhaturiräre ìhmubu. ²¹ Iribojegue erä yure arì gojadiro dopa ta yùhu masu Goämù ìgu obeodigu siriguca. Eropigu yure ìhaturiräre ìhmudigupù ñero tarigucumi. Ìgupure ìgu masa dehyoabiricü òapüricäboya. Ñero taribiriboñumi, arìpù Jesu eräre.

²² Eropigu Jesu erä mera barisubu panre aì Goämure “Òhaa,” arì serèpù. Eropa arìgu ta irire nuha guerepù eräre òpa arìgu:

—Ire aì baque. I yù dupù àhraa, arìpù Jesu eräre.

²³ Eropa arìtuha ìgu ihriripare aì, Goämure “Òhaa,” arì serèpù. Eräre ìgu ocü arìpehrerä erä irire ihrìñorä.

²⁴ —I yù di àhraa. Bajarä masa erä ñero iirare cóäbu siriguca. Eropigu yù dire cóäguca. Eropa sirigu Goämù yù Pagù “Masare òaro iigura,” ìgu arìdiro ii ojogorocuguca. ²⁵ Diaye arìgu iiaa müare. Goämù ìgu opù arìroque mama igui decore yù ihriboro core, òre igui decore dipaturi ihrinemosome yùhu, arìpù Jesu eräre.

Pedro “Jesure masibea,” ìgu arì guayaburìñere wereñumi Jesu
Mt 26.30-35; Lc 22.31-34; Jn 13.36-38

²⁶ Eropirä yujuñe erä Goämù bayariñere bayatuha, utägu Olivo waicudigugue wañorä. ²⁷ Eroque sihu ejagu Jesu eräre werèpù:

—Dohpagä ñami müa arìpehrerä yure cóäräca. Müa yure cóäborore òpa ta arì gojamuñtañuma Goämù yare erä gojarapüque: “Ovejare ìhadibugure erä wejècü waro dopa ta iiguca. Yù eropa iicü oveja ìgu yarä ìgure cohägä waräcoma,” arìmi Goämù, arì gojañuma. ²⁸ Eropigu Goämù ìgu yure siridigure masura puhgù, müa core Galileague wamuhtaguca yùhu, arìpù Jesu eräre.

²⁹ Ìgu eroparicü peegu Pedro òpa arìripù:

—Yù mera majarä arìpehrerä erä müre cóäquerecü yurpù müre ne cóäsoma, arìpù Pedro ìgure.

³⁰ Jesu yuhripù:

—Diaye arìgu iiaa müre. Dohpagä ñamire càreña pesubu ìgu wereboro core, mü uhresubu “Yùhu Jesure masibea,” arìguca mühu, arìpù Jesu ìgure.

³¹ Ìgu eropa arìquerecü Pedro òpa arì turaro busuro yuhripù:

—Mü mera yure erä wejèquerecü ta ne müre cóäsoma yùhu, arì yuhripù ìgu Jesure.

Pedro ĩgu eroparĩcũ peerã ĩgu mera majarã ĩgu arĩro dopa ta arĩriñorã erã sã.

Getsemanigue Jesu Goãmure serẽñumi

Mt 26.36-46; Lc 22.39-46

³² Eropii erã Getsemani waĩcũri gorogue wañorã. Erogue ejaɣũ õpa arĩpu Jesu:

—Ohõ doayuque. Mũa ohõ doaropẽ sohõgue Goãmure serẽniguigu wagu iiaa, arĩpu ĩgu buherãre.

³³ Eropa arĩtuha Pedrore, Santiagore, Ñure sihugãpu. Eropigu ñero ɣuinagapu Jesu. Eropigu ñero siporãcãpu. ³⁴ Eropa ñero pepigu ĩgu mera majarãre ĩgu sihugãñirãre arĩpu:

—Burigã ñero yu siporãcãca. Yure turaro pũiro dopa pepica yua. Sohõñari wanigu iiaa. Ohõ dujanigu. Eropirã yu mera ta tãyuque mũa sã, arĩpu Jesu erãre.

³⁵⁻³⁶ Eropa arĩtuha ĩgu ero core mero wanemo, yebague mereja, Goãmure arĩpu:

—Ahũ, muhu áripehrerire iimasia. Eropigu yu ñero tariburire iidiabigu iibiricãque. Yu eropa arĩquerecũ ta yu gamero dopa iĩbita. Mũ basi masia. Mũ gamero dopa iique, arĩ serẽpu ĩgu Goãmure.

³⁷ Eropa arĩtuha urerã ĩgu buherã pohrogue eraniɣũ erã carĩ oyarãre ĩapu. ĩha Pedrore arĩpu:

—Simo, ¿carĩgu iiri muhu? ¿Yuju hora gohra yu mera tãyutamubirari? ³⁸ Ōaro iique mũa. Mũa pepiri mera õarire iidiaraa mũa. Mũa seyaro irire iidiaquererã ta irire bocafũbeaa. Eropirã Goãmure serẽniguicãque ñero mũa iibiriboro dopa, arĩpu Jesu Pedrore.

³⁹ Eropa arĩ weretuha dipaturi waha, Goãmure serẽpu daja. ĩgu ero core ĩgu arĩdiro dopa ta arĩ serẽpu daja. ⁴⁰ Serẽtuha dipaturi erã pohrogue dujaripu daja. Eropa dujarigu carĩ oyarãre ĩapu daja. Wuja pũitaricãyoro erãre. Eropirã erã Jesu “¿Duhpirã carĩri mũa?” erãre arĩcũ yuhrimasibiriñorã. ⁴¹ Eropigu dipaturi ĩgu Goãmure serẽra puhrũ, erã pohro eraa erãre arĩpu:

—¿Mũa carĩrã soorã iiri dohpa? Iripẽta áhrra. Sihajagãriro iiaa. Dohparagã yure masure Goãmũ ĩgu obeodigure ñerãre erã oburisubu sihajaa. ⁴² Wahgãque. Ina warã. ĩaque. Yure ĩhaturirãre ihmubu ohõ ahrimi, arĩpu Jesu erãre.

Jesure ĩhaturirã peresu ñeañuma

Mt 26.47-56; Lc 22.47-53; Jn 18.2-11

⁴³ ĩgu eropa arĩ wereniguirisubu Juda doce buherã mera majagu erapu. Eropirã masa bajarã ñoserimijirire, yucure opanirã ĩgu mera yujuro mera erañorã. Erã pahia oparã, judio masare buherã, murã sã erã obeonirã áriñorã. ⁴⁴ Negohrare Jesure ĩhaturirãre obu, õpa arĩtuhapu:

—Yu ĩgu wayuporãre mimigu ĩgu ta áriɣucumi mũa ñeabu. ĩgure yu mimira puhrũ ñeaque. Eropirã ĩgure õaro ñeaque ĩgu duhribiboro dopa, arĩ wereserepu Judapu erãre.

⁴⁵ Eropigu Jesu pohrogue eragu mata wa purumujupu:

—Buhegu, ¿áhriri muhu? arĩ ĩgure wayuporãre mimipu.

⁴⁶ ĩgu eropiicũ ĩarã erã Jesure ñeañorã.

⁴⁷ Erã eropiicũ ĩagu ĩgu pohrogue niguinirã mera majagu ĩgu matamijire tuãwea aĩ, pahia opu pohro majagure ĩgu gamirore tabe corocãpu.

⁴⁸ Eropigu Jesu õpa arĩpu:

—¿Mũa ñoserimijiri mera, yucu ñucari mera arirã, yajari masure iro dopa mũa yure ñearã arirã iari? ⁴⁹ Ũmuri nucũ Goãmũ wihigue yuhũ muare buhedoacũ, mũa yure ne ñeabiribu. Dohpaguere mũa yure eropa iirã i áripehreri Goãmũ yare weremuhtanirã erã arĩ gojadiro dopa ta mũa yure iiaa, arĩpu Jesu erãre.

⁵⁰ Eropirã Jesu buherã áripehrerã ĩgure cohã omagã wañorã.

⁵¹ Eropigu yujugu mamũ Jesu puhrũ nurũsiaripu. Omasiarĩne dihta omadigu áripu. ⁵² ĩgu sãre erã ñeadiacũ ĩgu yu omasiarĩnere cóacã suhri marigu oma duhrigã wapu.

Judio masa oparã Jesure serẽpiñuma

Mt 26.57-68; Lc 22.54-55, 63-71; Jn 18.12-14, 19-24

⁵³ Eropii pahia opu pohrogue Jesure aĩ ejañorã. Iri wihiguere áripehrerã pahia oparã, murã, judio masare buherã sã gamenereñorã. ⁵⁴ Eropigu Pedropũ Jesu puhrũ yoarogue ĩha nurũsiapu. Eropa nurũsiagu ĩgu pahia opu Caifa waĩcũgu ya wihire cãhmotara sãriro eja, iri sãriro pohecague ñajaa wapu. Eropigu ĩgu iri wihire corerã surara mera peame turo sõhma doapu.

⁵⁵ Eropirã pahia oparã, gajirã oparã mera gamenererã Jesure wejẽdoremorã, guyarĩ mera erã ĩgure dipuwaja moaborore guñamaariñorã. Erã eropa weresãburire guña

bocabiriñorã. ⁵⁶ Masa bajarã ïgure erã gamero weresãmaacãquererã erã weresãri diaye árĩbiriyo. Gajigu gajiropa arĩ, gajigu sã gajiropa dihta arĩñorã. ⁵⁷ Eropirã gajirã erogue eja, Jesure weresãñorã:

⁵⁸ —Ihĩ òpa arĩmi: “Yũhu i wihire masa iira wihire, Goãmu wihire cóãgura. Eropa cóãgu ùhrenu pũhru iri wihire dipaturi iigura. Iri wihĩ masa erã iira wihĩ árĩsome,” ïgu arĩcũ gua peebũ, arĩ weresãñorã.

⁵⁹ Erã eropa arĩ weresãquerecũ ta iri diaye árĩbiriyo. Gajigu gajiropa arĩ gajigu sã gajiropa arĩpu.

⁶⁰ Erã eropa arĩra pũhru pahia opu erã watope wahgãnugaja Jesure serẽpipu:

—¿Oã mure weresãquerecũ ta erãre yũhri gamebeari muhu? ¿Mure erã weresãrire duhpigu erãre yũhri gamebeari muhu? arĩpu ïgu Jesure.

⁶¹ ïgu eroparĩcũ peequeregu ta Jesu eropa pepicãpu. ïgu eropa yũhribiricũ ïagu pahia opu ïgure dipaturi serẽpipu daja:

—¿Cristo ta ãhriri muhu? ¿Oãgu Goãmu magu ta ãhriri muhu? arĩ serẽpipu daja ïgu Jesure.

⁶² ïgu eropa arĩcũgue ta Jesu yũhripu:

—Ïgu ta ãhraa. Eropirã yũhu masu Goãmu ïgu obeodigu yu Pagu turagu pohro, ïgu diayeru yu doacũ ïarãca mua. Eropirã umaro maja imica watope yu aricũ sãre ïarãca mua, arĩpu Jesu ïgure.

⁶³ ïgu eroparĩcũ ta pahia opu opu ïgu sañarañe suhrirore ïgu basi yeguecãpu gajirãre “Guataricãmi,” arĩdoregu.

—Ïre weresãrãre gajirãre mari gamebeaa pare. ⁶⁴ ïgu basi Goãmure ïgu ñero wereniguicũ peea mari. Eropirã ïgu ñero iira dipuwajare masituhã mari. ¿Eropirã dohpa ïrãcuri mari ïre dohpagure? arĩpu pahia opu gajirã oparãre.

—Ïgu ñeri dipuwaja wejẽcãro gahmea, arĩ yũhriñorã erã árĩpehrerã oparã.

⁶⁵ Eropirã erã mera majarã Jesure disico ehosũ ïgu cuirire diricãhmotacã, ïgure pañorã. Patuha òpa arĩñorã ïgure:

—¿Noa mure pari? Ìbiriqueregu guare wereque, arĩ wereyañorã erã.

Eropirã opu yarã surara Jesure pañorã.

—*Ïgure masibea, arĩpu Pedro Jesure*

Mt 26.69-75; Lc 22.56-62; Jn 18.15-18, 25-29

⁶⁶ Eropigu Pedro iri wihĩ maja sãriro pohecague ïgu arĩcũ pahia opu pohro majago erapo. ⁶⁷ Igo Pedro ïgu sũhmacũ ïago ïgu dihtare ïhaniguipo.

—Nazare majagu mera Jesu mera mu sã ãhrabu, arĩpo Pedrore.

⁶⁸ Igo eroparĩcũ peeugu Pedropu òpa arĩpu:

—¿Dohpa arĩmaacãgo iiri muhu? Mu arĩgure ne masibea yũhu, arĩpu Pedro igore. Igo eropa arĩra pũhru Pedro iri puu maja sãriro disiporo pohrogu wapu. Eropigu ïgu ero nigucũ cãreña werepu. ⁶⁹ Ero ïgu arĩcũ ïago dipaturi werepo daja ero árĩrãre.

—Ihĩ Jesu buherã mera majagu ãhrimi, arĩpo igo.

⁷⁰ Igo eroparĩcũ peeugu Pedro dipaturi arĩpu daja.

—Ïgure masibea yũhu, arĩpu daja.

Eropii merogã pũhru ta ero niguirã Pedrore òpa arĩñorã daja:

—Diaye ta ãhraa. Mũhu Galilea majagu ãhraa. Eropigu ïgu mera majagu ta ãhraa muhu, arĩñorã erã ïgure.

⁷¹ Erã eroparĩcũ peeugu ïgu erãre yũhripu:

—Diaye ta Goãmu mera arĩgu iiaa mure. Yũhu diaye arĩbiricũ Goãmu yure dipuwaja moaporo. ïgure mua arĩgure ne masibea yũhu, arĩ yũhripu ïgu erãre.

⁷² ïgu eroparĩcũ ta cãreña werepu daja. ïgu werecũ peeugu Jesu ïgu arĩrãre guñapu. “Cãreña pesubu ïgu wereboro core muhu yure ùhresubu ‘Jesure masibea,’ arĩgũca muhu,” Jesu ïgu eropa arĩrãre guñapu Pedro. Eropa guñagu turaro orepu.

15

Pilato Jesure serẽpiñumi

Mt 27.1-2, 11-14; Lc 23.1-5; Jn 18.28-38

¹ Eropirã boyorogue murã, pahia oparã, judio masare buherã, árĩpehrerã gajirã oparã mera gamenere weretamuñorã erã Jesure iiburire masimorã. Erã basi wereniguituha, Jesure dihri aigã Pilato waicãgure opu ore oñorã ïgure. ² Erã aĩ ejacũ ïagu Pilato ïgure serẽpipu:

—¿Diaye ta judio masa opu ãhriri muhu? arĩ serẽpipu ïgu Jesure.

—Mu arıro dopa ta ıgu ta ahraa, arı yuhripu ıgure Jesu.

³ Eropirā pahia oparā baja weresānorā ıgure. ⁴ Erā eropa arı weresācū peegu dipaturi serēpipu daja ıgure.

—Oā mure baja weresārā iima. ¿Erā eropa arı weresāquerecū yuhribeari muhu? arıpu ıgu.

⁵ ıgu eroparıcū Jesu yuhribirıpu. Eropıgu Pilato ıhamaria wapı.

Jesure wejēdoreñuma

Mt 27.15-31; Lc 23.13-25; Jn 18.38-19.16

⁶ Bojori nucu Pascua bosenu arıcū peresu arıdigure yujugure masa “ıgure wiuque,” erā arıgure Pilato eropa wiubasamurıpu. ⁷ Irisubure Barrabá waıcugu peresugue arıpu. ıgu oparāre cōadiarā mera majagu masare wejērā mera majagu arıpu. ⁸ Eropirā masa bajarā Pilato pohroge eja, ıgure serēñorā:

—Bojori nucu mu iidiro dopa ta iique daja guare. Yujugu peresugue arıgure guare wiubasaque daja, arıñorā erā.

⁹ Erā eroparıcū Pilato erāre serēpiñapu:

—¿Maa yagu opure judio masa opure wiucuri? arı serēpipu Pilato erāre Jesure wiudianıyagu.

¹⁰ Jesure masa erā mahıcū ıarā pahia oparā Jesure ıhaturırā arıñorā. Eropa ıhaturırā ıgure wejēdorerā oñorā Pilatore. Erā ıhaturırıre masıgu Pilato Jesure wiudiarıpu.

¹¹ ıgu eropa wiudıaquerecū ta pahia oparā Jesu mera masare guacū iıñorā. Őpa arıdoreñorā erāre: “Barrabāre wiuque. Jesure wejēdoreque,” Pilatore arıdoreñorā masare. ¹² Eropıgu Pilatore Barrabāre erā wiudorera puhru Pilato erāre serēpipu daja:

—ıIhı “judio masa opu” maa arıgupure duhpıgacuri yuhu? arı serēpipu ıgu.

¹³ —Crusague pabia wejēque ıgure, arı gaguıngıñorā masa.

¹⁴ —¿Nehenore ñerıe iıarı ihı maa eropa arı gaguıngıñorā? arıpu ıgu.

ıgu eroparıcū peerā erā gaguıngıñorā daja.

—Crusague pabia wejēque ıgure, arıñorā daja.

¹⁵ Erā eropa arı gaguıngıñorā peegu Pilato Barrabāre wiudorepu masare mucubırıcū iıdiagu. Eropıgu Jesure yuradari mera tāradore, crusague pabia wejēdoregu wiapı surarare.

¹⁶ Eropı surara ıgu opu Pilato wıhıgue pretorio waıcuri wıhıgue Jesure aı ejañorā. ıgure aı ejatuha erā gajırā surara erā mera majarāre gameneremorā sıhıbeoñorā.

¹⁷ Eropirā erā opu ya suhriro dopa bejarıñere Jesure sañorā. Eropa sātıha pora berore ii ıgu dipuru duhpıoñorā. ¹⁸ Eropııtuha Őpa arı wereyañorā erā ıgure:

—Umıpeorā arıque. Judio masa opu ðaro arıporo, arı wereyañorā ıgure.

¹⁹ Eropirā ıgu dipurure yucıgu mera paıdı, ıgure disıco ehosı, guhyadıaro ıaro dopa ta mereja ıgure ii birañorā. ²⁰ Eropı ıgure wereya bıratıha, erā sāra suhrirore tuwea aı, ıgu ya suhriropure ıgure sañorā daja. Eropirā ıgure crusague pabia wejēmorā aı wıria wañorā.

Erā Jesure crusague pabia wejēñuma

Mt 27.32-44; Lc 23.26-43; Jn 19.17-27

²¹ ıgure aıgā, Simo Cirene majagu pohıge arıdıgu erā pohro ıgu eracū ıarā surarapu ıgure Jesu ıgu cōara crusare cōagābasadoreñorā. Alejandro, Rufo sā pagı arıpu Simopı.

²² Waha Gólgota waıcurogue ejañorā. Gólgota arıro mari ya mera “dıpu pero” arıro iıaa. ²³ Eropirā vınore saırı deco mera erā morera decore Jesure orıñorā. Irı decore ıhribırıpu ıgu. ²⁴ Eropirā ıgu suhrire tuwea aıra puhru crusague Jesure pabiañorā. Erā pabıatıhaja ıgu suhri murare “¿Noa yañe arırocurı iñe?” arı game deabırañorā.

²⁵ Jesure erā pabıara puhru uhre hora duhyayoro goeri boje ejaboro. ²⁶ Eropirā crusague Őpa arı gojarapıre pabia duhtıñorā. “ıIhı judio masa opu ahrımi,” erā arı gojaturapı arıyoro. Irı erā gojaturapı Jesure erā weresāra arıyoro. ²⁷ Eropirā perā yajarı murare Jesu pohro gajımıjırigue crusarıgıe erā pabıatıñorā erā säre. Yujugu ıgu diayepı, gajıgıre ıgu copı pabıatıñorā. ²⁸ Erā eropııcū irıbojegıe Goāmı yare weremıhtanıırā gojadıro dopa ta eropa wayoro. Őpa arı gojayıñuma: “Dorerıre tarıñıgarā mera majagu ahrımi,” arı pepıma masa ıgure,” arı gojañuma irıbojıguere.

²⁹ Eropirā crusarı pohro tarıgārā Jesure ıha, erā dipurure yurerā, ıgure ñero arı werenıgıñorā.

—Mıhu ta “Goāmı wıhıre cohā, uhrenı puhru irı wıhıre amıgara daja,” arıdıgu arırıbu mıhu. ³⁰ Mı bası dıjaque. Eropıgu mı bası tarıque. Eropıgu tarı weregıca mıhu, arı wereyañorā erā.

³¹ Erā iro dopa ta pahia oparā sā judio masare buherā sā ĩgure eropa wereyañorā. Eropa arī wereyarā ōpa arīñorā erā basi:

—Īgũ gajirāre taudigu árĩqueregũ ta ĩgũ basi tarimasibeami. ³² “Israe masa opu āhraa,” arĩrimi ĩgũ. Eropirā ĩgũ basi dijaricũ ĩarā ĩgure umupeorāca, arī wereyañorā. Yajari mura sā ĩgũ pohro erā pabianirā eropa ta ĩgure ñero arī wereyañorā.

Jesu s̄iria wañumi

Mt 27.45-56; Lc 23.44-49; Jn 19.28-30

³³ Eropi goeri boje árĩcũ uhre hora gohra árĩpehrerogue naitĩa wayoro. ³⁴ Eropigu irisubure ero naitĩarisubu Jesu turaro gaguiniguipũ:

—Eloi, Eloi, ¿lama sabactani? arĩpũ ĩgũ. Ire arĩgũ mari ya mera ōpa arĩgũ ĩipũ: “Yũ Goãmũ, yũ Goãmũ, ¿duhpiğũ yũre cohãri muhũ?” arĩgũ ĩipũ ĩgũ Pagure.

³⁵ ĩgũ eroparĩcũ peenirā yujurãyeri ero niguinirā ōpa arĩriñorā:

—Goãmũ yare weremahtadigure Eliare sihugu iicumi, arĩriñorā erā.

³⁶ Eropigu yujugu erā mera majagu mimi aĩri yũsu mera vino suĩrire yosotuha aĩ omagã, yucũgũ ojogoro diritu, Jesure simujuripũ. Eropa ĩgũ ōpa arĩpũ:

—Corenĩque. Elia ĩgure itamucũ ĩanirā dohpa mari, arĩpũ ĩgũ gajirāre.

³⁷ ĩgũ eropa arĩra puhru dipaturi Jesu turaro gaguiniguĩ s̄iria wapu. ³⁸ ĩgũ s̄iricũ ta Goãmũ wihi majañe suhriro ero erā cãhmotara suhriro gasiro deco mera yehguea wayoro. ³⁹ ĩgũ eropa s̄iricũ ĩagũ surara opu Jesu pohro niguidigu ōpa arĩpũ:

—Diaye ta āhraa. Ihĩ Goãmũ magũ ta āhrañumi, arĩpũ ĩgũ.

⁴⁰ Eropirā yoarogue ĩhaniguinirā nome sā árĩñorā Jesure ĩhaniguirā. Erā nome mera María Magdalena arĩpo. Gajigo María waĩcũgo sā arĩpo. Igo pu José ĩgũ pagũ magũ Santiago erā pago árĩpo. Gajigo Salomé waĩcũgo arĩpo. ⁴¹ Erā nome Jesu yare ōaro peerā nome árĩñorā. Erā Galilea yeba ĩgũ árĩcũ ĩgure itamumuriñorā. Erā nome mera bajarā gajirā nome sā árĩñorā. Jerusalengue Jesu mera arinirā nome árĩñorā.

Jesu dũpũre masa gobegue apĩñuma

Mt 27.57-61; Lc 23.50-56; Jn 19.38-42

⁴²⁻⁴³ Eropii irinũ ĩgũ s̄iriranũ Sabado core judio masa soorinũ core majanũ árĩyoro. Eropiro Pascua maja arĩburire erā amurinũ árĩyoro. Irinũ ñamica árĩcũ José Arimatea majagu gũiro mariro Pilato pohroge ejarũ. Jesu dũpũre serẽgũ ejarũ. José oparā mera majagu oparā erā umupeodigu arĩpũ. Eropigu Goãmũ ĩgũ opu arĩburire coregũ ĩipũ. ⁴⁴ Eropigu José Jesu dũpũ murarore ĩgũ Pilatore serẽcũ Pilatorũ peegũ, pee uca wapu. “¿Jesu s̄irituhayuri?” arĩ pepipũ. Eropigu surara opũre sihu ōpa arĩpũ ĩgure:

—¿Jesu s̄iria wayuri? arĩ serẽpipũ ĩgure.

⁴⁵ ĩgũ eroparĩcũ surara opu yũhripũ:

—S̄iria wami, arĩpũ.

ĩgũ eroparĩcũ Pilato Josere odorepu Jesu dũpũ murũre. ⁴⁶ ĩgũ odorera puhru José ōariñe suhrirore asũpũ. Asũtuha, Jesu dũpũre aĩ diju, iri suhriro mera omapũ. Omatuhaja erā utãyegue seara gobegue ĩgũ dũpũre apipũ. Apituha iri gobe pohro árĩriye utãye wũariyere taragã tubiha nugucãpũ. ⁴⁷ Eropirā María Magdalena, María José pago Jesure ĩgũ apidirore ĩañorā.

16

Jesu masa muriañumi

Mt 28.1-10; Lc 24.1-12; Jn 20.1-10

¹ Eropirā erā soorinũ Sabadonũ taricũ María Magdalena, María Santiago pago, Salomé mera poresurire asũñorā Jesu dũpũre sũmorā. ² Eropirā Domingo boyorogã Jesure erā yaara gobegue wañorā erā. ³ Warā ōpa arĩñorā:

—¿Iri gobere erā biharayere noa marire pãgũbasarãcuri mari ñajaborore? arĩñorā erā erā basi.

⁴ Iri gobegue ejarā iri gobere biharayere utãyere erā pãgũ nugurayere ĩañorā. Wuariye utãye árĩyoro. ⁵ Eropa ĩarā iri gobeguere ñajañorā. Eropa ñajajarā mamũre diayerũ doagure boreri suhricũgure ĩañorā. ĩarā ĩha uca wañorā. ⁶ Erā ucaũcũ ōpa arĩpũ ĩgũ:

—Ucãbiricãque. Crusague erā pabiadigure Jesu Nazare majagure amaraa mũa. Masa mũriatuhami. Ore marimi. Erā ĩgũ dũpũre apidirore ĩaque. ĩatuhaja ĩgũ buherãre Pedro sãre ōpa arĩ wererã waque. ⁷ “ĩgũ mũa core Galileague wamũhtagucumi. Erogu ĩgure ĩarãca mũa. Ero ĩgũ arĩdiro dopa ta mũa ĩgure ĩarãca,” arĩ wererã waque, arĩ wererũ mamũ erãre.

⁸ Īḡu eroparīcū erā ḡūi, naragā, masa gobe pohro árīnirā omagā wiria wañorā. Eropa ḡūirā gajirāre werebiriñorā.

Jesu María Magdalenare dehyoañumi

Jn 20.11-18

⁹ Eropii Domingo árīcū Jesu ĩḡu masa mūriara pūhrū María Magdalenare dehyoamūhtarū. Igo siete watēa ñajasūdigo árīpo. Jesu ĩḡu siriboro core ĩgore watēare cōāpū. Eropiḡu ĩgopūre dehyoamūhtarū ĩḡu ĩḡu masa mūriara pūhrare. ¹⁰ Jesu ĩgore dehyoara pūhrū igo ĩḡu mera majarāre werego wapo. Erā ĩḡu sirirare bujawererā orerā árīñorā. ¹¹ “Cristo ojocariami. Īḡure ĩabū,” igo arīquerecū peediabiriñorā.

Jesu ĩḡu buherāre dehyoañumi

Lc 24.13-35

¹² Pūhrū perā Jesu buherā mera majarā campogue wiri marirogue wañorā. Erā eropa waniguicū Jesu gajiropa bejagū ḡuhyaro dehyoapū erāre. ¹³ Īḡu eropa dehyoara pūhrū, waha gajirā Jesu yarāre wereñorā. “ḡua Jesure ĩabū,” erā arī werecū erā peediabiriñorā daja.

Jesu ĩḡu yare buhedoreḡu obeoñumi ĩḡu buherāre

Mt 28.16-20; Lc 24.36-49; Jn 20.19-23

¹⁴ Pūhrū once ĩḡu buherā mesa pohrogue erā doacū erāre dehyoapū ĩḡu. Eropiḡu ĩḡure ĩanirā “Jesu masa mūriapū,” arī erā werecū peediabirirare erāre turipū Jesu. Īḡure ðaro umupeobiriri dipuwaja erāre turipū. ¹⁵ Erāre turituha ōpa arīpū:

—I yeba árīpehreroguerē masare árīpehrerāre ðari buherire buherā waque. ¹⁶ Yure umupeorāre erā wañenirāre erā peamegue wabonirāre taugucumi Goāmū. Eropirā yure umupeobirā Goāmū ĩḡu dipuwaja moamorā, peamegue wamorā árīrācoma. ¹⁷ Eropirā yure umupeorā yū turari mera ōpa iirācoma: Yū turari mera watēa masare ñajasūnirāre cōārācoma. Eropirā mama disirore wereniguirācoma. ¹⁸ Eropirā añare ñeacū, árīpehreri nimare erā ihricū pūrisome erāre. Eropirā dorecurā weca erā mojotorire erā mohmepi ñeacū ðarā warācoma, arīpū Jesu ĩḡu buherāre.

Jesu ũmarogue mūria wañumi

Lc 24.50-53

¹⁹ Eropa arī weretuha mari Opū Jesu ũmarogue mūria wapū. Erogue ejaḡu Goāmū diayerū doapū ĩḡu mera opū árīḡu. ²⁰ Eropirā ĩḡu buherāpū árīpehreroguerē ðari buherire Goāmū masare ĩḡu tauburire buherā wañorā. Erā eropa buhecū mari Opū erāre itamupū. Deyoro moarire ĩḡu turari mera iimasicū iipū erāre masare ĩḡu ya buherire peedoreḡu. “Eropa ta árīporo,” arāa yahū. Iripēta āhraa.

San Lucas

¹⁻² Opu Teófilo, mure ipüre gojabeogu iiaa yuhu. Jesu gua mera árínigu İgu iirare gajirã gojanugamuhtatuhaniã áríma. Negohraguere Jesure İanirã, İgu yare buhenirã erã arı werediro dopa ta gajirã irire gojanugamuhtatuhaniã áríma. ³ Eropigu i árıpehrerire ðaro masipehodiagu yu sã erã arı wererare buhebu. Eropigu yu sã irire ðaro gojadiaa mua buheburi árıburire. ⁴ Jesu yare buherã mure weretuhaniã áríma. "İri queoro àhraa," ðaro mu arı masiborore ipüre mure gojabeogu iiaa.

Ñu waıyeri masu İgu masa dehyoaburire anyu werepu Zacariare Ñu pagu árıburu

⁵ Herode Judea yeba majarã opu İgu árıcũ, Zacariã waıçugupu pahı árıpu. Zacariã ya curupu pahia curu Abias ya curu árıyoro. Zacariã marapo sã pahı Aarón muru pãrameo árıturiagogue árıpo. İgopu Elisabet waıçugo árıpo. ⁶ Erã perã Goãmu dorerire iıpehorã erã árıcũ İagu, "Umuri nucu ðarire iirã àhrima," arı pepidi árımi Goãmu erãre. ⁷ Elisabet ne porã marigo árıpo. Eropigo igo Zacariã mera porã mari muñcãpo.

⁸ Pahia Goãmu wihigue Goãmu ya umupearure mohmerã umuri nucu erã gohromuriñorã. "Zacariã ya curu majarã dohpaguere iıporo," erã arıra puhru İgu pahia erã iıdiro dopa ta Goãmu ya umupearure mohmegu arıgu iıpu. ⁹ Pahia erã İguaro dopa ta incinsore soebure beyerã irisubure Zacariã beyeñorã. Eropigu İgu Goãmu wihigue ñajaa wapu soegu wagu. ¹⁰ Goãmu wihi poheçague İgu árırisubu, incinsore İgu soerisubu árıpehrerã masapu disiporogue Goãmu mera serëniuguñorã. ¹¹ Irisubure Goãmu yagu anyu incienso soero diayepu dehyoanugajapu Zacariãre. ¹² İgu anyu eropa dehyoacũ İagu Zacariã İgure İha, uca wa, güia wapu. ¹³ Eropa İgu güicũ İagu anyu İgure werepu:

—Zacariã, güibita. Goãmu mu serërare peeami. Eropigo mu marapo Elisabet porãçugocumo. Mu magu masa dehyoagucumi. İgu eropa dehyoacũ Ñu waıyeque İgugãre. ¹⁴⁻¹⁷ "İgu ðagu àhrimi. Turagu àhrimi," arı pepıgucumi Goãmu mu magure. İgu masa dehyoara puhru vinore, siburire ihrisome. Eropigu İgu, İgu masa dehyoara puhru ta Espıritu Santo árıri mera ðaro turagu árıgucumi İgu. Eropıgu bajarã Israe masare Goãmu mari Opure ðaro gamecũ İgucumi İgu. Goãmu yare buhegu Elia Goãmu yare weremuhtadıgu mari Opu arıborore İgu buhediro dopa ta Goãmu İgu turari mera mu magu sã buhegucumi. Eropa buhegu erã pagu sumarã erã porã mera erã ðaro game mahı árıcũ İgucumi. Eropıgu dorerire tarınugarãre ðaro erã umupearı mera yuhricũ İgucumi. Eropa buhegu mari Opu arıborore core İgu yarã árımorãre amuyugucumi İgu. Eropıgu İgu masa dehyoara puhru muhu mucubirıguca. Gajirã sã bajarã mucubirıñcoma, arıpu anyu Zacariãre.

¹⁸ İgu eroparıcũ peegu Zacariãpu serëpipu anyure.

—Yuhu, yu marapo mera gua murã àhraa. ¿Eropıgu mu arıra diaye árıcũ dohpa masıgucuri yuhu? arıpu İgu.

¹⁹ İgu eroparıcũ anyupu İgure werepu:

—Yuhu Gabriele waıçugu àhraa. Goãmu pohro árıgu àhraa yuhu. Goãmu i ðari querere weredoregu, mu pohro yure obeoami. Yu werediro dopa ta diaye waroca. ²⁰ Yu eropa arıquerecũ ta yure peediabeaa muhu. Eropıgu muhu dohpaguere werenıguıgu dujaguca. Mu magu İgu masa dehyoara puhru werenıguıguca daja, arıpu anyu Zacariãre.

²¹ Disiporogue masa Zacariãre corerã iıñorã. "¿Duhpıgu İgu Goãmu wihigue árıgu mata wirırbearı?" arı, corerã iıñorã masa İgure. ²² Eropıgu İgu i wihigue árıdıgu wirıa, erã mera werenıguımasıbirıpu. "Goãmu İgure dehyoacumi," arı pepı, masıñorã erã. Eropıgu İgu werenıguımasıbigu árıgu İgu mojotorı mera masare werenıguıpu.

²³ Goãmu wihi İgu mohmerı pehrecũ, İgu dujaa wapu İgu ya wihigue. ²⁴ Puhru İgu marapo Elisabet majıgure ne bocagãrigo İpo. Eropıgo İgo cinco aberı gohra masa pohro wabırıpo. ²⁵ ðpa arıpo igo: "Dohpaguere yure Goãmu itamumi pare. Yu porã marigo árıgo guhyasıuro tarıbu yuhu. Goãmu yu porã marırıre cohãmi yure," arı pepıpo igo.

Jesu İgu masa dehyoaburire werepu anyu Marıare

²⁶⁻²⁷ Elisabet seis aberı igo nijıpo árıra puhru, Goãmupu anyure Gabriele waıçugure nómeo ðago pohrogue obeopu. İgo Nazare waıcari maca Galilea árıri yeba árıpo. Eropıgo igo Marıa waıçugo José mera mojoto dirıbo árıpo. Josépu irıbojegue majagu muru Davı muru pãramı árıpu. ²⁸ Marıa pohrogue ejagu anyu werepu:

—María, ¿áhriri muhu? Goãmu mu mera ářıgu áhrimi. Eropıgu müre ðaro iıgu iimi. Ářıpehrerã nome gajırã nome tauro ðaro iimi müre, arıpu anyu igore.

²⁹ İgu eroparıcũ peego, ıgo turaro guña pepıpo. Anyu İgu wererare pepıgo “¿Dohpa arıgu yure eropa arıcuri?” arı guñapo ıgo. ³⁰ İgo eropa arı guñacũ ĩagu anyu wereru igore:

—María, müre Goãmu turaro mahimi. Eropıgo güıbita. ³¹ Peeque. Majıgure bocagoca muhu. Eropıgu mu magu masa dehyoagucumi. İgure Jesu waıyegoca. ³²⁻³³ İgu turatariagu ářıgucumi. Eropırã ĩgure “Goãmu umaro majagu magu áhrimi,” arırãcoma masa. Eropıgu mu magu ñecu murague Davi muru Israe masa erã opu İgu ářıdıro dopa ta mu magu sãre apıgucumi Goãmu. Eropıgu ářıpehrerinuri İgu Israe masare doregacumi. Eropıro İgu opu ářırıpu ne pehresome, arıpu anyu.

³⁴ İgu eroparıcũ Mariapũ serẽpıpo:

—¿Duhpi umu mera ářıbirıquerego ta porãcubocuri yuhũ? arıpo ıgo.

³⁵ İgo eroparıcũ anyupũ wereru:

—Espıritu Santo müre porãcucũ iıgucumi. Eropıro Goãmu İgu turari imica curu iro dopa ta cãhmotaroca müre. Eropırã “Goãmu magu, ñerire iıbigũ áhrimi,” arırãcoma masa mu magure. ³⁶⁻³⁷ Goãmu ářıpehrerire iımasimi. Eropıgo mu acawerego Elisabet buru ářıquerego ta majıgure bocãmo ıgo sã. İgo porãcugucumo umugãre. Masa igore “Porã marıgo áhrimo,” erã arıdıgo buru dohpaguere seis aberi wahaa ıgo majıgure bocara puhũ, arıpu anyu Mariare.

³⁸ İgu eroparıcũ María yuhıpo:

—Yure peeque. Mari Opũ İgu pohro majago áhrea yuhũ. Mu arıdıro dopa ta yure eropa waporo, arıpo ıgo.

İgo eropa arıra puhũ anyu waha wapu.

María Elisabere ĩago wapo

³⁹ Irınurire María utã yucu ářıri yebague Judea yeba ářıri macague umıdıaro waha wapo. ⁴⁰ Erogue ejago Zacarıa ya wıhi ñaja, “¿Áhriri?” arıpo ıgo Elisabere. ⁴¹ İgo eroparıcũ Elisabet ıgo peecũ ta, ıgo magupu niı suhrirogue ářıdıgu ñohmepũ. Elisabet Espıritu Santo ářıri mera ðaro pepıgo wapo. ⁴² Eropıgo turaro mucubıriri mera werenıguıpo.

—Ářıpehrerã nome tauro ðaro iimi Goãmu müre. Mu magu sãre ðaro iimi Goãmu. ⁴³ Cue, ya Opũ pago yu pohro arıcũ ðaro iimi yure Goãmu. ⁴⁴ Muhũ yure “¿Áhriri?” arıcũ, ya magupu niı suhrirogue ářıgu mucubıriri mera ñohmeacumi yure. ⁴⁵ “Goãmu İgu arıdıro dopa ta iıpehogucumi,” arıgo mucubırıgo áhrea muhu, arıpo Elisabet Mariare.

⁴⁶ İgo eroparıcũ María yuhıpo:

Goãmu ðagu, turagu áhrimi, arãa. Yuhũ ðaro sıporãcua. ⁴⁷ Goãmu yure peamegue wabodıgore itamugu áhrimi. Eropıgu dohpaguere yure ðaro mucubıriri mera ářıcũ iimi. ⁴⁸⁻⁴⁹ Yure bu ářıgore İgu İgu pohro majagore guñadi áhrami. Goãmu turatariagu ðari dihtare yure itamumi. Eropırã “İgore Goãmu ðaro iimi,” ářıpehrerã masa dohpaguere eropa arı werenıguırãcoma yure. Goãmu ñeri marıgu áhrimi. ⁵⁰ Ářıpehrerinuri ářıpehrerã ĩgure umupeorãre İgu mojomoro ĩagu áhrimi. ⁵¹ Goãmu İgu turari mera iıgu áhrimi. “Gajırare tarınugaa yuhũ,” arırãre tarınugadi ářımi İgu. ⁵² Oparãre erã dorero ářırare cõadi ářımi İgu. Eropıgu bu ářırãpũre İgu oparã iro dopa ta apıdı ářımi. ⁵³ Oaboanırãre İgu ðari barire ódı ářımi. Eropıgu baja opanırapũre gajino moorã wacũ iıdı ářımi İgu. ⁵⁴⁻⁵⁵ Mari ñecu sumarã murare “Masare ðaro ĩgura,” İgu arı weredıro dopa ta iıpehodi ářımi Goãmu. Eropıgu İgu pohro majarã Israe masare İgu itamudı ářımi. Mari ñecu sumarã murare, Abrahã murure ářıpehrerã İgu acawererã İgu puhũ ářırã sãre Goãmu ářıpehrerinuri eropa mojomoro ĩanıguıgu ářımarıdı ářımi. “Masare ðaro ĩgura,” erãre İgu wererırare cãdıjıbirıdı ářımi Goãmu, arıpo María.

⁵⁶ Hũre abe gohra Elisabet mera áhri, ıgo ya macague goe dujaa wapo María.

Ñu masa dehyoapu

⁵⁷ Elisabet ıgo niı wahũra puhũ ıgo magu masa dehyoapu. ⁵⁸ Eropırã Goãmu igore İgu eropa ðaro iıcũ ıgo ya maca majarã ıgo acawererã sã ıgo mera mucubırınorã. ⁵⁹ Ocho nurı İgu masa dehyoara puhũ, İgu pagu sumarã ĩgugãre gasıro merogã wırı aıdorerã wañorã. Eropã erã iırisubu erã mera majarã Zacarıa waıyediariñorã ĩgugãre İgu pagu waıre. ⁶⁰ Erã eropa waıyediaquerecũ ta İgu pagopũ opa arıpo:

—Ígu pagu waíre waíyebéaa. Ñu waíyerāca ígugāre, arípo igo.

⁶¹—Mu acawererā ne yujugu Ñu waícugu marimi, aríñorā erā igore.

⁶²Eropirā erā mojotori mera werenígui Zacariare serēpiñorā erā.

—¿Mūca dohpa waíyediari mū magare? arí serēpiñorā ígure.

⁶³Erā eroparícū Ígu pagu gojaburimijire serēbeo, ñeha, gojaru: “Yū magu Ñu waícumi,” arí gojaru Zacaría. Ígu eropa arí gojacū erāpu ũca wañorā. ⁶⁴Ígu eropa arí gojara puhru ígure wereníguicū ipu Goāmu. Eropígu ígu wereníguimasipu daja.

—Goāmu turagu, ðagu āhrimi, arípu ígu.

⁶⁵Ígu eropa arí wereníguicū peerā ero majarā ũca wañorā. Eropirā i árípehrerire Judea yeba majarāre utā yucu watope árírāre masa weresiríñorā. ⁶⁶Árípehrerā irire peerā guñāñorā. “Goāmu turarire ígugā opami. ¿Eropígu ñehmūno árígucuri ígugā?” arí pepíñorā masa.

Zacaría Goāmure umupeoru

⁶⁷Eropígu ígu pagu Zacaría Espíritu Santo áriri mera ðaro pepígu árígu Goāmu yare werēpu:

⁶⁸Mari Israe masa Goāmure umupeorā. Ígu yarā āhraa mari. Eropígu mari pohrogue

arigu, marire itamugu ðaro taumi. ⁶⁹Eropígu Goāmu turagure marire peamegue wabonirāre ðaro taubure obeomi. Marire ðaro taubu ígu acaweregu Davi muru āhrimi. Davipu Goāmu pohro majagu arímuríñumi. ⁷⁰Iribojegue ígu ya weremūhtanirā mera Goāmu ígu marire taubure obeoburire wereyumurípu.

⁷¹Marire íhaturirā marire ñero erā iidiacū íagu “Mūare itamugura,” arí apiñumi Goāmu marire. ⁷²Mari ñecu sumará murare, “Mūare mojomoro íagu itamugura.

Mūare yū wererare guñagura,” arí apiñumi Goāmu mari ñecu sumarāre.

Iribojegue ígu eropa arídiro dopa ta marire dohpaguere iimi. ⁷³⁻⁷⁵Eropígu

Abrahāre ðpa arímuríñumi: “Mū acawererā puhru árírā erāre íhaturirā árícū

cóagura. Eropígu mū acawererāre itamugura. Eropirā erā güibirā ta yū

dorerire iimasima. Eropígu erā ñerire yū cóacū, erā yū ihuro ũmuri nūcu

ðarā áríniguirācoma,” arí werēpimuríñumi iribojegue Goāmu mari acaweregu

Abrahāre, arípu Zacaría.

Eropa arítuha ígu magugāre ðpa arípu:

⁷⁶⁻⁷⁷—Mahgu, mūre ðpa arírācoma masa:

“Goāmu turatariagu yare wereníguigu āhrimi,” arírācoma mūre. Eropígu mūhu mari

Opū core wayugūca. Eropa wagu ðpa arí weregūca. “Goāmu mūa ñerire cóagu,

peamegue wabonirāre taugacumi mūare,” arí weregūca. Eropa arí weregu

mari Opū ígu ariborore weremūhtayugu íugūca mūhu. ⁷⁸Goāmuru marire

turaro mojomoro íagu marire ðaro iigu árígu, ígu marire peamegue wabonirāre

taudiami. Marire taugu arígu Cristo mari pohro aríguacumi. ⁷⁹Árípehrerā mari

peamegue wabonirāre taudiami ígu. Eropígu Goāmure mari masibirā árícū íagu

marire masicū iidiami ígu. Eropígu mari ðaro yujuro mera mari áríborore

weregūcumi marire, arípu Zacaría.

⁸⁰Eropi Ñu Zacaría magu ðaro bugapu. Eropígu Goāmure turaro mahípu. Eropígu yoari boje masa marirogue arímurípu. Te Israe masare buhenugagu sā erogue ta arímurípu.

2

Jesu masa dehyoapu

Mt 1.18-25

¹Irisubure árípehreri yebari majarā opu Augusto árípehrerāre queodorepu.

²Oā masare erā ne queonugarisubū árícū Cirenio waícugu Siria yeba majarā opu

árípu. ³Eropirā árípehrerā erā ñecu sumará iribojegue majarā ya macarigue erā waíre

gojapeorā wañorā. ⁴José sā Nazaregue Galilea áriri yeba áriri macague árínirā waha,

Judea yebague Belén waicuri macague ejañorā. Opū Davi iribojegue majagu ígu masa

dehyoadiro áríyoro Belén. José Davi muru párami árígu Beléngue wapū ígu waíre

gojapeogu wagu. ⁵Eropígu ígu María ígu mojoto diribo árícū erogue igo mera ígu waíre

gojapeodoregu wapū. Igo pu majigure bocatuhadigogue árípo. ⁶Eropígo Beléngue ejago

igo niji wahgūpo. ⁷Eroque masa erā caríri wihi ne sihabiriyoro erāre. Eropirā erā

wecua ya whígue carírā wañorā. Eropígo igo ígu ne dehyoagugāre porācūtuha ígugāre

suhriro mera oma, wecua erā bari coro weca ígure pihrípeopu.

Anyua ovejare íhadiburāre dehyoañorā

⁸ Iri ñamire iri maca turogue campegue ovejare ñhadiburã erã yarã ovejare ñhadiburã iññorã. ⁹ Eropigũ Goãmũ ñgu obeodigu anyu erãre dehyoapũ. ñgu eropa dehyoacũ Goãmũ ñgu goesiriri erãre boyoweayoro. Eropa wacũ iarã, ovejare ñhadiburã güia wañorã. ¹⁰ Erã eropa wacũ anyu erãre werepũ:

—Ōari querere mũare weregũ ahraa. Áripehrerã masare mucubiricũ iiroca i quere. Eropirã güibiricãque maa. ¹¹ Dohpagã ñamire opũ mũarũ Davi ya macague mũare peamegue wabonirãre taubu, Cristo Goãmũ ñgu obeodigu mari Opũ masa dehyoatuhami. ¹² Eropigũ suhriro mera omadigu wecua bari coro weca erã pihripeodigu maa bocagu ñgu ta áriñcumĩ, arĩ werepũ anyu erãre.

¹³ ñgu eroparicũ ta bajarã umaro majarã áriñmũhadigu anyu mera bayapeñorã. Ōpa arĩ bayapeñorã erã:

¹⁴ Goãmũre umaro majagũre umupeorã. Eropirã Goãmũ ñgu mahirã güiro mariro gamequeãro mariro ðaro áriporo, arĩ bayapeñorã anyua.

¹⁵ Eropa bayatuhaja umarogue erã mũariara puhũrũ ovejare ñhadiburãpũ erã basi game wereniguiñorã:

—Ire Goãmũ ñgu marire wererare Beléngue ina iarã warã, arĩñorã erã erã basi. ¹⁶ Eropa arĩrã vojaro mera wañorã erã. Mariare, Josere bocaia, majigũgãre wecua erã bari coro weca pihripeodigũre iañorã erã. ¹⁷ Ovejare ñhadiburã ñgũre iatuha anyu majigũgãre ñgu wererare wereñorã gajirãre. ¹⁸ Erã eropa arĩ werecũ ta áripehrerã erãre pee uca wañorã. ¹⁹ I áripehrerire Mariapũ guña pepipo. ²⁰ Eropirã ovejare ñhadiburãpũ anyu ñgu werediro dopa áricũ iañorã. “Goãmũ turagu áhrimi,” arĩ mucubiriñorã. Eropa arĩ mucubiri dujaa wañorã.

Goãmũ wihigue Jesu pagũ sumarã ñgũre aigãñorã

²¹ Yuju semana puhũrũ majigũre gasiro merogã wiri aĩrĩre erã iidoreranũ áricũ erã ñgũgãre Jesu waĩyeñorã. Jesure ne ñgo bocaboro core anyupũ “Jesu waĩyeque ñgũre,” arĩ werepĩpũ. Eropirã ñgũgãre Jesu waĩyeñorã.

²² Goãmũ doreri Moise ñgu werediro dopa ta iimorã, José, María mera Jerusaléngue wañorã. Erogue María porãcũra puhũrũ ðago ñgo dũpũ áriñrore ñhmurã wañorã. Eropa warã erã Jesure aigã wañorã. ñgũgãre Goãmũre “ñgã mũ yagu áriñũ áhrimi,” arĩ ñhmurã warã iññorã. ²³ Ōpa iññorã Goãmũ yare erã gojarapũ dorero dopa ta. “Áripehrerã maa porãre ne dehyoarãre Goãmũre ñhmuque. ‘ñgã mũ yagu áriñũ áhrimi,’ arĩ ñhmuque,” arĩ doremũriñumi Goãmũ ñgu yare gojarapũgũe. ²⁴ Eropa ñhmutuha Goãmũ ñgu dorediro dopa ta mirimagũgãre erã asũtuhaja Goãmũ wihigue apirã wañorã. Ōpa doreñumi Goãmũ ñgu yare gojarapũgũe: “Buja borerãre perã oque Goãmũre. O erã maricũ buja borewijiãrãre oque yare umupeomorã,” arĩ doreñumi Goãmũ. Eropirã ñgu dorediro dopa iññorã José María mera.

²⁵ Jerusaléngue Simeón waĩcũgu áriñũ. ñgu ðagu, Goãmũre umupeogu áriñũ. Goãmũ Israe masare itamuburire coregũ iipũ. Eropigũ Simeón Espĩritu Santo ñgu mera áricũ ðaro pepigũ áriñũ. ²⁶ Eropigũ “Mũ siriboro core Goãmũ ñgu obeobure Cristore ñagũca mũhũ,” arĩ weremuhtapũ Espĩritu Santo ñgũre Simeore. ²⁷ Eropigũ Espĩritu Santo ñgũre dorecũ Goãmũ wihigue ñajaa wapũ. ñgu ñajara puhũrũ Jesu pagũ sumarã ñgũgãre aĩ ñajañorã Goãmũ ñgu gojarapũ dorera dopa ta iirã. ²⁸ Simeónpũ ñgũgãre coã aĩ, Goãmũre umupeo, “Ōhaa,” arĩ ñgu mera werenigũpũ. Ōpa arĩpũ ñgu Goãmũre:

²⁹⁻³² Opũ, dohpague tamerare masare peamegue wabonirãre taubure obeoa mũhũ. ñgu judio masa áriñbirãre buhegu mũre ðaro masicũ iññcumĩ erãre. Masare taubure Israe masare mũhũ apiyoro. Mũ eropa iirare áripehrerã masirã, “Israe masare ðaro iimi Goãmũ,” arĩrãcoma masa. ñgã marire taubu áhrimi. Eropigũ mũ yare arĩdiro dopa ñgãre iatuhabũ. Eropigũ dohpaguere ðaro mucubirigũ sirĩgũca, arĩpũ Simeón.

³³ Simeón ñgũgãre arĩrãre peerã ñgu pagũ sumarãpũ pee uca wañorã. ³⁴ Eropigũ Simeón erãre “Ōaro áriñque maa,” arĩgũ ñgu Jesu pago Mariare werepũ:

—Goãmũ ñgãre beyedi áriñi. ñgu eropa beyedigu áricũ judio masa bajarã ñgũre tarinũgarãcoma. Eropa iirã erã peamegue warãcoma. Eropigũ judio masare bajarãre taubure beyedi áriñi Goãmũ ñgãre. ñgu Goãmũ turarire ii ñhmuquũ ñgu áriñquerecũ masa bajarã ñgũre ñero arĩ werenigũirãcoma. ³⁵ Erã eropa iicũ gajirã erã ñero guñarire masirãcoma. Eropigo mũhũ turaro bujaweregoca, arĩdocaritamupũ Simeón Mariare.

³⁶ Ero Goãmũ yare werenigũigo Ana waĩcũgu áriñũ. Igo Fanuel mago áriñũ. Aser mũarũ ya cura majago áriñũ. Bũro gohra áriñũ. Igo ero coregue siete bojori dihta ñgo marapũ mera áriñiripo. ³⁷ Eropigo ochenta y cuatro bojori gohra wapeweyo áriñmaripo

igo. Eropigo umare, ñami säre Goãmũ ya áriþurire iibo, ba duhu, Goãmũ mera werenigui, Goãmũ wihire ne wiriabiripo. ³⁸ Simeón Igu wereniguro watope igo erã pohro erago, mucubirigo Goãmure, “Õhaa,” arĩpo. Eropigo Jerusalén majarãre taubure corerãre igo Jesu dehyoarare werepo erã áriþhererãre.

José, María mera Jesu mera Nazaregue dujaañorã daja

³⁹ Goãmũ Igu dorero dopa ta iituhaja, erã ya macague Nazaregue dujaañorã. Galilea yeba áriþoro iri maca. ⁴⁰ Eropigu Jesu ðaro buga turagu wapũ. Eropigu Igu ðaro pee masigu áriþũ. Eropigu Iguere Goãmũ ðaro iipu.

Jesu mama mahmũa wahgãrigũ Goãmũ wihigue buheþũ

⁴¹ Bojori nũcu Jesu pagũ sumará Jerusaléngue Pascua bosenure ñarã wamuriñorã. ⁴² Jesu doce bojori Igu opacũ erã iidiro dopa ta erã áriþhererã Jerusaléngue wañorã. ⁴³ Eropirã bosenũ pehrecũ erã erã ya macague dujaa wañorã daja. Erã eropa dujaaquerecũ ta Jesupu Jerusaléngue dujacãpu. Igu pagu sumará Igu erogue dujarare masibiriñorã. ⁴⁴ “Igu mari mera majarã mera áricumi,” arĩ pepiriñorã erã. Eropirã erã yujunũ gohra Jesu mariro wañorã mague. Eropirã erã Jesure erã acawererã watope amariñorã. ⁴⁵ Ne bocabiñorã. Eropirã Jerusaléngue Iguere amarã dujaañorã daja.

⁴⁶ ðhrenũ puhru Iguere Goãmũ wihigue bocajañorã. Eropirã Jesure judio masare buherã watope bocañorã. Igu erãre pee serẽpi doapũ. ⁴⁷ Erã áriþhererã Jesure peerã ðaro masigugã Igu áricũ ñarã, erã ñhamaria wañorã. ⁴⁸ Igu pagu sumará sã eroguerẽ Jesure ñarã ñhamaria wañorã. Eropigo Igu pago Iguere õpa arĩpo:

—Mahgu, ¿duhpiqu eropa iiarĩ mahũ guare? Mũ pagu, yahũ, “Igu dederea wañumi,” arĩrã ahmaa gua mare, arĩpo igo igo magure.

⁴⁹ Igo eroparicũ Igu Igu pagu sumarãre wereþũ:

—¿Duhpirã yure ahmarĩ mua? Yu Pagu yare Igu dorediro dopa ta iigu iiaa. ¿Irire masibearĩ mua? arĩpu Igu.

⁵⁰ Igu eropa arĩquerecũ erã peemasibiriñorã.

⁵¹ I áriþhererĩ Igu iirare Marĩapu ðaro guñapo. Eropigu Jesu Nazaregue dujaa wapũ. Igu pagu sumarãre ðaro yuhriku árimarĩpu. ⁵² Eropigu Jesu buga, ðaro pee masigu wapũ. Eropirã Goãmũ masa sã “Oagu áhrimi,” arĩ ñañorã Iguere.

3

Ñu waĩyeri masu masare Goãmũ yare wereþũ

Mt 3.1-12; Mr 1.1-8; Jn 1.19-28

¹ Irisubure erã tauro opu áriþũ Tiberio waicũgu Igu opu áriþũ puhru quince bojori wayoro. Eropigu Poncio Pilato waicũgu Judea yeba majarã opu áriþũ. Eropigu Herode waicũgu Galilea yeba majarã opu áriþũ. Igu pagu magu Felipe Iturea yeba majarã, Tracõnita majarã sã erã opu áriþũ. Eropigu Lisania waicũgu Abilinia yeba majarã opu áriþũ. ² Eropirã Ana, Caifa mera pahia oparã áriñorã. Oã áriþhererã erã árisubure Ñu Zacarĩa magu masa marirogue áriþure Goãmũpu Igu Igu yare weredoreþũ. ³ Eropigu Jordán waicuriya turo áriþũ yeba áriþhererogue Ñu õpa arĩ weregu wapũ:

—Mũa ñeri iirire bujawereque. Dohpaguere ðarire gohrotoque. Eropirã waĩyenirã áriþue. Mũa eropa iicũ ñagu Goãmũ mua ñerire coãgucumi, arĩ weremurĩpu Igu.

⁴ Ñu eropa werenigigu Isaia iribojegue majagu Goãmũ ya weremũhtadigu Igu gojadiro dopa ta iigu iipu. Õpa arĩ gojajuñumi Isaia Ñu iiburire:

Masa marirogue werenigui gaguinigu õpa arĩgucumi: “Mari Opu Igu ariburi mare amuro dopa ðarã áriþuque mũa Iguere peemorã. ⁵ Dipa gobericurore mari diaye maja maha iidiro dopa ta, mũa ñero iirire duhuque. ⁶ Mũa eropa iicũ Goãmũ muare peamegue wabonirãre Igu taucũ ñarãca áriþhererĩ yeba majarã,” arĩgucumi Igu gaguinigu wereþũ, arĩ gojamurĩñumi Isaia iribojeguere Ñu Igu áriþoro coregue.

⁷ Masa bajarã Ñu pohro erarã Igu erãre waĩyecũ gameñorã erã. Eropigu Igu erãre wereþũ:

—Mũa ñero iiricurã áhraa mũa. Goãmure “Gua ñeri dipuwaja moabiricãporo,” arĩrã ¿mũa yare waĩyedorerã ahriþi? ⁸ Igu mũa ñero iira dipuwaja moabiricũ õpa iique mũa. Diaye mũa ñero iirire bujawererã áriþã, ðarire gohrotorã áriþã, ðarire iique mũa. “Abrahã mari ñecu muru árimurĩpu. Eropirã mari Goãmũ mera ðatuhajaa,” arĩ pepibiricãque. Mũare arĩgu tiiaa. Abrahã pãramerã mũa áriþi duhþiburi áriþeaa. Goãmũpu gamegu i utãyeri mera gajirãre iimasimi Abrahã acawererãre. Eropiro

Abrahā acawererā m̄a arīri bu gohra ta āhraa. ⁹ Ōpa āhraa: Mari masa yuc̄u iro dopa ta āhraa. Goām̄up̄u come opaḡu iro dopa ta āhrimi. Eropiḡu ñeri d̄ucac̄uri yuc̄ure tabe cōā, iri nuguri s̄are tabetaḡuc̄umi. Tabetatuhaja, peamegue cōāḡuc̄umi ĩḡu iri yuc̄ure iri nuguri s̄are. Eropa ta ĩḡuc̄umi m̄a s̄are ĩḡure gamebirāre, arīp̄u Ñu masare.

¹⁰ ĩḡu eroparic̄ū peerā masap̄u ĩḡure serēpiñorā:

—¿Dohpa iirāc̄uri ḡua? arīñorā erā Ñure.

¹¹ —Peñe suhriro opaḡu suhriro moogure yujuñe oque. Eropirā m̄a bari oparā gajirā s̄are oque, arīp̄u Ñu.

¹² Bajamerāgā oparā yare wajasea corerā s̄a wañyedorerā erañorā. Eropirā Ñu pohro erarā ĩḡure serēpiñorā:

—Buhegu, ¿ḡuap̄u dohpa iirāc̄uri? arīñorā.

¹³ —M̄a oparā erā doreropē ta masare niyerure wajaseaque. Ḡuyari mera añnemobita, arī yuhrip̄u Ñu erāre.

¹⁴ Gajirā surara ĩḡure serēpiñorā daja.

—¿Ḡuap̄u dohpa iirāc̄uri? arīñorā erā ĩḡure daja.

—Masare erā niyerure emabiricāque. Eropirā iri niyerure ḡuya emabiricāque. M̄a wajatarire ĩarā mucubirique, arī yuhrip̄u Ñu erāre.

¹⁵ Masa Cristore Goām̄u ĩḡu obeobure corerā ĩñorā. Eropirā ōpa arī pepinugañorā erā Ñure. “Ihī Ñup̄u Cristo arīboc̄umi,” arī pepiriñorā erā. ¹⁶ Erā eropa arī pepic̄ū peegu Ñu arīpehrerāre werep̄u:

—Ȳu tauro turaḡu arīḡuc̄umi. Ōtariaḡu āhrimi ĩḡu. ĩḡu iro dopa arībeaa ȳup̄u. Eropiḡu ĩḡure pepiḡu, “Ȳu tamera bu arīḡu āhraa,” arī pepia ȳuh̄u. M̄a ñero iirare bujawerera p̄uh̄u ȳup̄u muare deco mera wañyeab̄u. ĩḡup̄u ȳu tauro ĩḡuc̄umi. Espiritu Santore oḡuc̄umi masa mera arīniguibure. Eropiḡu ĩḡu ñerire soewearo dopa ta ĩḡu arīḡup̄u m̄a ñerire coeweaḡuc̄umi. ¹⁷ Ȳu p̄uh̄u ariḡu trigo gasirire cōāḡu iro dopa āhrimi. Gasiri cōāḡu ĩḡu ya sihburu mera arīpehreri trigo yeri gasirire s̄uha weami. Eropa s̄uha weara p̄uh̄u trigo yeri gohrap̄ure ĩḡu diburi wihiḡu apiḡuc̄umi. ĩḡu s̄uha weara gasirip̄ure ĩḡu soeḡuc̄umi. Eropa ii beyeḡuc̄umi ȳu p̄uh̄u ariḡu. Ōarire gohrotonirāp̄ure ĩḡu mera arīniguic̄ū ĩḡuc̄umi. Erā ñero iirare bujawerebirāp̄ure peamegue yaribiriri peamegue cōāḡuc̄umi, arī werep̄u Ñu.

¹⁸ Bajarāre ĩḡu eropa arī wereri mera masare ōari buherire werep̄u Ñu. ¹⁹ Eropiḡu op̄u Herodep̄u ĩḡu paḡu maḡu Felipe marap̄ore ĩḡu emara waja, w̄uaro ñerire ĩḡu iira waja Ñu ĩḡu s̄are wererip̄u. ²⁰ ĩḡu eropa arī werec̄ū Herodep̄u Ñure peresu ĩp̄u dipaturi ñerire ĩḡu daja. Eropa ĩḡu ĩḡu ñerire iira dipuwajac̄uḡu arīnemop̄u.

Ñu Jesure wañyer̄u

Mt 3.13-17; Mr 1.9-11

²¹ Ñure erā peresu ĩborore core gajirā masare Ñup̄u wañyegu ĩp̄u. Erāre wañyegu Jesu s̄are wañyer̄u. Eropiḡu Jesu diague niguiḡu Goām̄ure ĩḡu serērisubu um̄si p̄arimaa waya. ²² Eropa p̄arimaara p̄uh̄u Espiritu Santo buja iro dopa bejaḡu Jesu weca dijarip̄u. ĩḡu dijaric̄ū um̄arogue wereniḡuro cariyoro:

—M̄uh̄u ȳu maḡu ȳu mahiḡu āhraa. M̄u mera ōaro mucubiria, arīro cariyoro um̄arogue.

Jesu ñec̄u sumarā iribojegue majarā arīñorā

Mr 1.1-17

²³ Jesu ĩḡu buhenuḡarasubure treinta bojori opap̄u ĩḡu. “ĩḡu José maḡu āhrimi,” arī pepiriñorā masa. Josép̄u Elí maḡu arīñumi. ²⁴ Elí Matat maḡu arīñumi. Matat Leví maḡu arīñumi. Leví Melqui maḡu arīñumi. Melqui Jana maḡu arīñumi. Jana José maḡu arīñumi. ²⁵ José Matatias maḡu arīñumi. Matatias Amós maḡu arīñumi. Amós Nahúm maḡu arīñumi. Nahúm Esli maḡu arīñumi. Esli Nagai maḡu arīñumi. ²⁶ Nagai Maat maḡu arīñumi. Maat Matatias maḡu arīñumi. Matatias Semei maḡu arīñumi. Semei Josec maḡu arīñumi. Josec Judá maḡu arīñumi. ²⁷ Judá Joanán maḡu arīñumi. Joanán Resa maḡu arīñumi. Resa Zorobabe maḡu arīñumi. Zorobabe Salatie maḡu arīñumi. Salatie Neri maḡu arīñumi. ²⁸ Neri Melqui maḡu arīñumi. Melqui Adi maḡu arīñumi. Adi Cosam maḡu arīñumi. Cosam Elmadam maḡu arīñumi. Elmadam Er maḡu arīñumi. ²⁹ Er Josué maḡu arīñumi. Josué Eliezer maḡu arīñumi. Eliezer Jorim maḡu arīñumi. Jorim Matat maḡu arīñumi. ³⁰ Matat Leví maḡu arīñumi. Leví Simeón maḡu arīñumi. Simeón Judá maḡu arīñumi. Judá José maḡu arīñumi. José Jonam maḡu arīñumi. Jonam Eliaquim maḡu arīñumi. ³¹ Eliaquim Melea maḡu arīñumi.

Melea Mena magu árĩñumi. Mena Matata magu árĩñumi. Matata Natán magu árĩñumi.
³² Natán Davi magu árĩñumi. Davi Isai magu árĩñumi. Isai Obed magu árĩñumi. Obed Booz magu árĩñumi. Booz Salmón magu árĩñumi. Salmón Naasón magu árĩñumi.
³³ Naasón Aminadab magu árĩñumi. Aminadab Admin magu árĩñumi. Admin Arni magu árĩñumi. Arni Esrom magu árĩñumi. Esrom Fares magu árĩñumi. Fares Judá magu árĩñumi.
³⁴ Judá Jacobo magu árĩñumi. Jacobo Isaa magu árĩñumi. Isaa Abrahā magu árĩñumi. Abrahā Taré magu árĩñumi. Taré Nacor magu árĩñumi.
³⁵ Nacor Serug magu árĩñumi. Serug Ragau magu árĩñumi. Ragau Peleg magu árĩñumi. Peleg Heber magu árĩñumi. Heber Sala magu árĩñumi.
³⁶ Sala Caina magu árĩñumi. Caina Arfaxad magu árĩñumi. Arfaxad Sem magu árĩñumi. Sem Noé magu árĩñumi. Noé Lame magu árĩñumi.
³⁷ Lame Matusalem magu árĩñumi. Matusalem Enoco magu árĩñumi. Enoco Jared magu árĩñumi. Jared Mahalaleel magu árĩñumi. Mahalaleel Caina magu árĩñumi.
³⁸ Caina Eno magu árĩñumi. Eno Sete magu árĩñumi. Sete Adán magu árĩñumi. Adán Goāmũ iidigũ árĩñumi.

4

Watĩ ñerire iidoreripũ Jesure

Mt 4.1-11; Mr 1.12-13

¹ Jesu Espiritu Santo ĩgu dorero dopa ta iipehogu árĩgu, ĩgu Jordán waĩcuriyague buharapũ. ĩgu eropa buharacũ Espiritu Santopũ ĩgure masa marirogue wadorepũ.
² Eroge ejaḡa cuarenta ñarĩ gohra árĩpũ. Eropigũ watĩpũ Jesure ñerire iicũ gameripũ. Eropigũ ñerire iidoreripũ ĩgure. Irinũrĩre ne Jesu babiripũ. Eropigũ irinũri pehrero gohra ĩgu oaboapũ.

³ ĩgu eropa oaboacũ ĩagu watĩ òpa arĩpũ Jesure:

—Mũhũ Goāmũ magu árĩgu òpa ĩhmuque. Iyere utãyere bari poyacũ iique, arĩripũ Jesure.

⁴ ĩgu eroparĩcũ peegu Jesu gamebiripũ. Òpa arĩ yũhripũ:

—Goāmũ yare erã gojarapũ òpa àhraa: “Masare bari mera dihta ojocaribiro gahmea. Árĩpehreri Goāmũ ya ĩgu ya wereniguirĩ mera sãre árĩro gahmea,” arĩmĩ Goāmũ, arĩpũ Jesu watĩre.

⁵ ĩgu eropa arĩra pũhrũ watĩpũ ĩgure utãgu wecague aĩ mũriagu merogã pũhrũ ĩgu árĩpehreri macari majare Jesure ĩhmu purumujupũ. ⁶ Eropa ĩhmuḡũ òpa Jesure arĩpũ:

—Árĩpehreri i macari ĩgu yure ora àhraa. Eropigũ yũ gameḡure omasia. Eropigũ i macarĩre, i macari majarã doreri sãre, erã opari mera mũre ogara. ⁷ Yũre “Mũhũ yũ opũ àhraa,” arĩ umupeoque. Mũ eroparĩcũ i macarĩre árĩpehreri macarĩre mũre ogara, arĩ wereripũ watĩ Jesure.

⁸ Jesu òpa arĩ yũhripũ ĩgure:

—Mũre umupeobea. Òpa àhraa Goāmũ yare erã gojarapũ: “Mũ Opũ Goāmũ dihtare umupeoque. ĩgu ya doreri dihtare iique,” arĩ gojañuma Goāmũ yare, arĩpũ Jesu watĩre.

⁹⁻¹¹ ĩgu eropa arĩra pũhrũ Jerusalengue watĩpũ ĩgure aĩḡapũ. Eroge eja Goāmũ wihĩ wecague aĩ mũrijapũ ĩgure. Aĩ ejatuhaja ĩgure òpa arĩripũ:

—¿Diaye ta Goāmũ magu gohra ta àhriri mũhũ? Goāmũ yare erã gojarapũ òpa àhraa: Goāmũ ĩgu yarã anyuare mũre ĩhadibudoreḡcumĩ. Eropirã erãpũ mũre ĩhadiburãcoma mũge utãy weca mehbejajari arĩrã, arĩ gojañuma Goāmũ yare erã gojarapũ.

Erã mũre eropa ĩhadibumorã árĩcũ mũhũ Goāmũ magu ta árĩgu ògue buhrimaa dija ĩhmuque yũre. Mũre erã itamucũ ĩhmuñata yũre, arĩripũ watĩ Jesure.

¹² ĩgu eroparĩcũ peegu gamebiripũ Jesu. Òpa arĩ yũhripũ ĩgure:

—Goāmũ yare erã gojarapũ òpa àhraa: “Mũ opũ Goāmũ ĩgu arĩrãre, ‘¿Diaye ta àhriri?’ arĩ masidiarã, Goãmũre ii ĩhmodoremaabiricãque,” àhraa Goāmũ yare erã gojarapũ, arĩpũ Jesu watĩre.

¹³ Eropigũ watĩ árĩpehreri ñerire Jesure iidoreripũ. Jesu ĩgu gamebiricũ ĩagu ĩgure merogã duhupũ.

Galilea yeba Jesu buhenũgapũ

Mr 4.12-17; Mt 1.14-15

¹⁴ Pũhrũ Jesu Galileague dujaa wapũ. Eropigũ ĩgu Espiritu Santo turari mera iipũ. ĩgu eropiicũ ĩarã ero árĩpehrero majarã masa ĩgu iira quere peeñorã. ¹⁵ Judio masa buheri wirĩ Jesu sã buhemuripũ. Eropirã árĩpehrerã masa ĩgure òaro wereniguiñorã.

*Nazare majarā Jesure ne umupeobiriñorā**Mt 13.53-58; Mr 6.1-6*

¹⁶⁻¹⁷ Puhru Nazaregue Jesu ĩgu bugadoirogue ta ejapu. Erogue eja, Sabado árĭcũ ĩgu eropa iinigiuro dopa ta ĩgu judio masa erā buheri wihigue ñajajapu. Ero ĩgu Goãmu yare erā gojarapũre buhediagu niguipu. ĩgu eropa niguicũ ĩarā ero majarãpu Goãmu yare weremãhtadigu Isaia ĩgu gojarapũre ĩgure oñorā. Iripũre Jesu i wererire bocagu buhepu:

¹⁸ Goãmu Espĩritu Santo yu mera árĭgu yare doremi. ĩgu mojomorocurãre ðari buherire weredoregu obeomi yare. Eropigu ñero siporãcurãre ðaro mucubircũ iidoregu yare obeomi. Eropigu peresugue árĭrã sãre erãre ĩgu tauborore weredoregu obeomi yare. Cuiři ĩhajabirã erã ðaro ĩhajaburire, gajirã erã ñero ĩbirarãre wiubure yare obeomi. ¹⁹ “Mari Opũ ĩgu yarãre peamegue wabonirãre ĩgu tauburinãri ãhraa,” yare weredoregu obeomi, arĭ buhepu Jesu.

²⁰ Eropa buhetuha Jesu iripũre bihacã, wihi majarãre wiatuha, doapu. ĩgu doacũ ĩarã ero árĭpehrerã ĩgure ĩhanũrũñorã. ²¹ Erã eropa iicũ ĩgu erãre werenugapu:

—I dohparagã ta yu buhediro dopa Goãmu ĩgu arĭdiro dopa sihajaro iiaa, arĭpu Jesu.

²² ĩgu eropa wereniguicũ peerã “Ihĩ ðagu ãhrimi,” arĭ pepiñorã. Eropirã erã ĩgu ðaro wereniguirire peerã uca wañorã. Eropirã ðpa arĭñorã erã erã basi:

—Cuena, ¿José magu árĭbeari ihĩ? arĭñorã erã erã basi.

²³ Erã eroparicũ masigu Jesu werẽpu erãre:

—Iribojegue majarã erã eropa wereniguiddiro dopa ta mua sã yare ðpa arĭdiarã ãhraa: “Muñu duhturu árĭgu mu basi ocoyeque muñu duhturu arĭrĩre ii ĩhmuboro dopa ta. Muñu Goãmu ĩgu obeodigu árĭgu mu basi ĩgu turari mera ii ĩhmuque guare. Capernaunguere Goãmu turari mera ii ĩhmuayoro muñu. Ohõ mu ya macague sãre guare ii ĩhmuque. Diaye ta mu Goãmu ĩgu obeodigu arĭrĩre gua masiboro dopa ii ĩhmuque,” arĭdiaa mua yare. ²⁴ Ire werẽgura muare. Goãmu ya weremãhtagure ĩgu ya yeba majarã umupeobeama. Eropirã yare umupeobeaa mua ohõ yu bugadigu arĭquerecũ. ²⁵ Eropigu diaye arĭgu iiaa muare. Iribojegue majarã sãre Goãmu ya weremãhtanirãre erã ya yeba majarã erãre umupeobiriñuma. Eropiro Elia Goãmu yare weremãhtadigu ĩgu arĭrasubure uhre bojori gaji bojori deco gohra ne deco aribiriuro. Eropiro árĭpehrerogue sãre ne bari mariyoro. Irisubure ĩgu ya yeba majarã Israe majarã bajarã wapeweyarã arĭquerecũ ta Goãmu erãre Eliare itamudoregu obeobiriñumi. ²⁶ ĩgu ya yeba majarãre itamudorebiriqueregu gaji yeba Sidón yeba árĭri maca Sarepta waicuri maca majagore itamudoregu Eliare obeoñumi Goãmu. ²⁷ Puhru Goãmu ya weremãhtadigu Eliseo ĩgu ĩgu arĭrisubure Israe yebague bajarã cami boarã erã arĭquerecũ ta ne yujugu Israe majagure ĩgu ya yeba majagure ðagu ĩbiriñumi Eliseo. ĩgu ya yeba majagure ðaro ĩbigu ta gaji yeba majagu Naamán Siria majagu dihtare ðagu ĩñumi ĩgu. Eropigu judio masa erã umupeobirira waja, judio masa árĭbirã dihtare itamuñumi Goãmu, arĭpu Jesu erãre.

²⁸ ĩgu eroparicũ peerã árĭpehrerã iri wihi árĭrã guataria wañorã. ²⁹ Eropirã erã wahgãnũgaja Jesure tara wiria, iri maca turo árĭri tuhrũgue ĩgure tumedjudiarĩñorã.

³⁰ Erã eropa iidiaquerecũ ta Jesu erã watope waha wapũ.

*Watĩ ñajasũdigu Jesure bocatĩripũ**Mr 1.21-28*

³¹ Puhru Jesu Galilea yeba árĭri macague Capernaum waicuri macague eja, Sabado árĭcũ masare buhepu. ³² ĩgu opu iro dopa ta ĩgu buhecũ peerã masa uca wañorã. ³³ Iri wihi watĩ ñajasũdigu árĭgu turaro gaguiniguipu:

³⁴ —Muñu Jesu Nazare majagu guare garibobita muñu. ¿Dohpa ĩbu ĩiri guare? ¿Muñu guare dederecũ ĩbu ĩiri? Yũhu masia Goãmu magu mu ðagu arĭrĩre, arĭ gaguiniguipu Jesure.

³⁵ ĩgu eroparicũ peegu Jesu turipu watĩre:

—Ejarimaricãque. Duhuque ĩgure, arĭpu Jesu.

ĩgu eropa arĭra puhru watĩpu masure yebague mehmeraja tũrucũ ĩpu. ĩgu eropa iira puhru wiria wapũ. ĩgu masupu ðagu dujapu. ³⁶ Ero árĭrã árĭpehrerã ĩgu eropa wacũ ĩha uca wañorã. Eropirã erã basi ðpa arĭ wereniguñorã:

—¿Ñeheno buheri ãhriri i ðpa wacũ ĩiri? Turaro mera opu iro dopa ta ihĩ watĩ ñajasũdigure taumi. Eropirã erã watẽa ĩgu dorero dopa ta masare duhuma, arĭ wereniguñorã erã erã basi.

³⁷ ĩgu eropa iicũ ĩarã iri yeba árĭpehrerogure masa Jesu ĩgu eropa iirare weresiriñorã.

Jesu Simo Pedro mañecore ðago iipũ

Mr 8.14-15; Mr 1.29-31

³⁸ Judio masa buheri wihire wiria, Simo ya wihigue ñajajapu Jesu. Ero Simo mañeco dorecũgo iipo. Turaro nimacuri áriyoro. Eropirã erã igo dorecũcũ wereñorã Jesure. ³⁹ Erã werera puhru ĩgu igo pohro eja, nimacurire taridorepũ. ĩgu eropa taridorera puhru igore nimacuri tahlria wayoro. Mata ðago wapo. Igo eropa wago wahgã doaja, igo ta erãre barire ejo.

Bajarã dorecurãre ðarã iipũ Jesu

Mr 8.16-17; Mr 1.32-34

⁴⁰ Abe ñajara puhru árĩpehrerã masa ĩgu pohro arirã dorecurãre Jesu pohrogue aĩ ejañorã. Dorecurã baja gajiropa áriri dorere opañorã. Eropigũ Jesu ĩgu mojotori mera erã weca ñapeo, árĩpehrerãre erã dorere ðaro taricũ iipũ. ⁴¹ Watẽa ñajasunirã sãre Jesu watẽare wiriadorepũ. Erã wiricũ ðpa arĩ gaguinũñorã:

—Mũhũ diaye ta Goãmu magu ãhraa, arĩñorã erã Jesure.

Jesu Goãmu ĩgu obeodigu ĩgu Cristo árĩcũ watẽa ĩgure masiñorã. Eropigũ Jesu irire gajirãre werenidorebiripũ.

Galilea yeba buhepũ Jesu

Mr 1.35-39

⁴² Boyomuriricũ Jesu iri maca árĩdigũ waha, masa marirogue ejapu. ĩgu eropiicũ ĩarã masa ĩgure ahma, bocajarã, ðpa arĩñorã:

—Gua ya maca dujaque. Wabita, arĩriñorã erã Jesure.

⁴³ Erã eropa arĩquerecũ ta ĩgũpũ erãre ðpa yuhripũ:

—Goãmu ĩgu opu arĩrĩre ðari buherire gaji macari sãre buhediaa yuhũ. Goãmu yare obeomi irire werebure, arĩpũ Jesu erãre.

⁴⁴ Eropigũ Galilea yeba maja wiri, judio masa buheri wirigũ ĩgu buhe curipũ.

5

Jesu ĩgu buherãre bajarã waire bocacũ iipũ

Mt 4.18-22; Mr 1.16-20

¹ Gajinũ Jesu Genesare waĩcũri ditaru turogue ejapu. Ero ĩgu árĩcũ ĩarã bajarã masa Goãmu yare peediarã ĩgure nũrusia ejañorã. Óaro ujuturi nũgajañorã masa bajarã. ² Peeru gasiru imiporo payari gasire Jesu ĩapu. Iri gasi majarã wai wejẽñirã majanũgaja, erã wejẽdi yucure coerã iĩñorã. ³ Eropigũ Jesu Simo yarugue ñajapu. Ñajatuha iriru dohodirure dia turo tarumujupidorepũ. Eropigũ dohodirugue doa, masare buhebeo doapu. ⁴ Buhetuha, Jesu Simore ðpa arĩpũ:

—Deco ñari siwuique. Eropirã mũhũ, mu wapi mera mua wejẽdi yucure mehyuque wai ñeamorã, arĩpũ Jesu.

⁵ ĩgu eroparĩcũ peegu Simo Jesure yuhripũ:

—Opũ, wai wejẽbutahmuarabũ gua dohpagã ñamire. Eropiiquererã ta waire wejẽbiraca gua. Eropa wejẽbiriquererã ta mu dorero dopa ta mehyu ĩarãra, arĩ yuhripũ Simo.

⁶ Eropa arĩtuha erã mehyuñorã. Erã eropa mehyucũ irigũ wejẽdigũre bajarã wai ñajañorã. Bajarã erã ñajacũ wejẽdigũ yehguea wariyoro. ⁷ Eropa wacũ ĩarã erã gajiru majarã erã mera majarãre sihubeoñorã.

—Mua sã itamuque guare, arĩ sihubeoñorã Simo sã.

Erã eropa itamura puhru peeru gasiru ðaro miriparo bocañorã waire. ⁸ Simo Pedro eropa wai bajarã ñajacũ ĩagũ, Jesu pohro mereja, ĩgure wererũ:

—Yũ opu, mu mera arĩboquĩ árĩbea yuhũ. Ñegu ãhraa. Eropigũ yare duhuque, arĩpũ Simo Jesure.

⁹ ĩgu árĩpehrerã ĩgu mera majarã sã wai bajarã ñajacũ ĩarã, uca wañorã erã sã. ¹⁰ Perã Simo mera majarã Zebedeo porã Santiago ĩgu pagu magu Ñu mera, erã sã ĩha uca wañorã. Eropa ucacũ ĩagũ Jesu Simo Pedroro wererũ:

—Gũibita. Dohpaguere waire ñeha gameneogu mu árĩro dopa ta Goãmu yarã árĩmorãre sihu gameneogu árĩgũca mũhũ, arĩpũ Jesu Simore.

¹¹ ĩgu eropa arĩra puhru erã erã gasire imiporo tarumujupicã, erã ya árĩpehrerire ero ta apicã, Jesu mera waha wañorã.

Jesu camĩ boagũre ðagũ wacũ iipũ

Mt 8.1-4; Mr 1.40-45

¹² Jesu gaji maca ĩgu áricũ camí boagu ĩgu pohrogue erapu. Eropigu ĩgu Jesure ĩagu mereja turaro serẽpu:

—Opu, muhu yure ðagu iidiagu yure ðagu iimasia muhu, arĩ serẽpu.

¹³ ĩgu eropa arĩra puhru Jesu ĩgure mohmeriñagu ðpa arĩpu:

—Irire iidaa. Dohpaguere ðagu árique muhu, arĩpu.

ĩgu eroparicũ ta ĩgu camí boara mura yaria wayoro. ¹⁴ Eropigu Jesu ĩgure dorepu:

—I yu mure ðpa iirare gajirãre ne werebircãque. Mu ya ðupure ðarare pahire ĩhmuqu waque, “Óaro áhrimi,” arĩdoregu. Tuhajanugu Moisere Goãmu ĩgu apidiro dopa ta ĩique. Eropigu Goãmu wihigue mirimagure asũwahgã apique mu dore tarirare masa árípehrerã masimaja ðaro, arĩpu Jesu camí boadigure.

¹⁵ “Werebita,” ĩgu arĩquerecũ ta árípehrerogue masa ĩgu iirare weresiripehoñorã. Erã eropa quere peerã masa bajarã Jesu pohrogue ejañorã. Dorecurã ðarã wadiarã erã sã ĩgu pohrogue ejañorã. ¹⁶ Erã eropa ejaquerecũ ta Jesu masa marirogue Goãmu ĩgu Pagure serẽgu waha wapũ.

Jesu ðupu buhadigure ðagu wacũ ĩpu

Mt 9.1-8; Mr 2.1-12

¹⁷ Gajinu Jesu ĩgu buhecũ fariseo masa, judio masare buherã sã ero doañorã. Erã árípehrerã Galilea macari majarã, Judea macari majarã, Jerusalén majarã áríñorã. Eropigu Jesu Goãmu turari mera dorecurãre ðarã ĩpu. ¹⁸ Irisubu bajamerãgã uma ðupu buhadigure oyarĩne mera coã erañorã. Eropirã ĩgure Jesu pohro apidiarã, wihigue aĩ ñajariñorã erã ĩgure. ¹⁹ Eropa ñajadiaquererã masa bajarã áricũ erã ĩgure aĩ ñaja masibiriñorã. Eropirã ĩgure wihi wecague aĩ murija, miri gobe aĩ wea iri gobegue ðupu buhadigure oyarĩne mera pihri dijuñorã Jesu pohro árirã watope. ²⁰ “Jesu ihĩ ĩgu dorecurire taricũ ĩgucumi,” arĩ pepiñorã erã. Erã eroparĩ pepicũ masigu Jesupu dorecugure ðpa arĩ werepu:

—Mahgu, mu ñero iirare yuhu coãtuhabu, arĩpu ðupu buhadire Jesu.

²¹ ĩgu eroparicũ peerã fariseo masa, judio masare buherã sã erã basi ðpa arĩ pepiriñorã: “Ihĩ eropa arĩ wereniguiri mera Goãmure ñero arĩgu iimi. ĩgu masu mari iro dopa árigu ĩgu masa erã ñerire coãmasibeami. Goãmu dihta masa erã ñeri iirire coãmasimi,” arĩ pepiriñorã erã.

²² Jesu erã pepirire masigu ðpa arĩpu:

—¿Duhpirã eropa arĩ pepiri mua? ²³ “Mu ñeri iirire yu coãtuha,” yu aricũ, “Guyagu áhrimi,” yure arãa mua masibiriquererã ta. “Wahgãnugajaque. Curique,” yu aricũ yu arĩra diaye arĩri áricũ mata masirãca mua. ²⁴ Yuhu masu Goãmu ĩgu obeodigu i yeba majarã erã ñeri iirire coãmasia yuhu. Mua ire masiboro dopa ðpa ta ĩgu wahgãnugacũ ĩgura, arĩpu Jesu.

Eropa arĩtuha ðupu buhadigure ðpa arĩpu:

—Mure arĩgu iiaa. Wahgãnugajaque. Mu oyarañere aĩgãque. Mu ya wihigue waque, arĩpu ĩgure.

²⁵ ĩgu eroparicũ ta mata árípehrerã erã ĩhuro wahgãnugaja, ĩgu oyarañere aĩ ĩgu ya wihigue waha wapũ. Eropa wagu ĩgu Goãmure umupeogu mucubiriri mera ðaro wereniguipũ. ²⁶ ĩgu eropiicũ iarã masapu árípehrerã ĩha uca wañorã. Goãmure umupeorã mucubiriri mera ðaro wereniguñorã:

—Dohpagãre gajiropa áririre ĩabu gua, arĩñorã erã.

Jesu Levire sihupu

Mt 9.9-13; Mr 2.13-17

²⁷ Eropiituha waha, Levĩ waicugure ĩgu mohmeri taribugue ĩgu árigure bocajapu Jesu. Levĩpu oparã ya áriburire masare wajasea coregu arĩpu. Eropa bocajagu ĩgure ðpa arĩpu:

—Yu mera majagu arĩbu arique, arĩpu ĩgu Levĩre.

²⁸ ĩgu eroparicũ Levĩpu árípehreri ĩgu mohmerare duhcã, Jesu mera waha wapũ.

²⁹ Puhru Levĩ ya wihi Jesu ya áriburire bosenu iirã iñorã. Ero bajarã wajasea corerã, gajirã Levĩ sã mera ba doañorã. ³⁰ Erã mera Jesu ĩgu doacũ iarã bajamerãgã fariseo masa, judio masare buherã mera gua úrugã Jesu buherãre arĩ ðuyasoñorã:

—¿Duhpirã ñero iirã wajasea corerã mera bahari mua? arĩ turiñorã erã.

³¹ Erã eroparicũ peegu Jesu yuhripũ erãre.

—Dorecubirã duhturure amabeama. Dorecurã dihta duhturure ahmama. Dorecurã duhturu amaro dopa ta “Ñerã áhrraa,” arĩrã yure amarãcoma. ³² Eropigu “Ñerã áhrraa,” arĩrã dihtare erã ñero iirare bujaweredore, ðaripure gohrotocũ ĩgu aribu yuhu. Erã basi “Óarã áhrraa gua,” arĩ pepirãre itamugu aribiribũ yuhu, arĩpu Jesu.

Ba duhurire Jesure serēpiñorā gajirā

Mt 9.14-17; Mr 2.18-22

³³ Eropirā bajamerā masa Jesure ōpa arī serēpiñorā:

—Ñu buherā bajasuburi Goāmū ya árīburire iimorā ba duhuma. Eropi erā bajasuburi Goāmū mera wereniñuima. Fariseo buherā sã erā iro dopa ta iima. ¿Duhpirā mū buherāpū Goāmū ya árīburire ba duhubeari erā? arīñorā erā Jesure.

³⁴ Erā eroparicū Jesu erāre ōpa arī yuhripū.

—Ōpa āhraa iri: Mojoto diridigu ĩḡu bosenu iicū ĩḡu mera majarā bujawererā ba duhunirā árībeama. ĩḡu mera árīrā mucubiriri mera barā iima. Eropa ta yū buherā sã yū mera árīrā ba duhumasibeama. ³⁵ Yujunū yure Goāmū aicāḡucumi. Eropa ĩḡu aīra pūhrū yū buherā mera árīsome yūhū. Irisubugue ta yū buherā ba duhurācoma, arīpū Jesu.

³⁶ Iribojegue maja buheri mama buheri mera erā buhemoresüdiacū ĩaḡu ōpa arī werenemopū Jesu erāre.

—Ne mama suhrirore miri gasirogā yehgue aī, murañe suhrirore seretuma masiya mara. Mari eropa seretura pūhrū mama gasirore mari coecū, mura gasiro árīro tara gameneo yehgueacū iiaa. Eropirā mura buheri mama buheri mera wapimoo buhebiricāro gahmea. ³⁷ Eropirā ne ĩḡui decore imisīri decore waibūgu gasiro ajurore, mura ajurore diyebiricāro gahmea. Eropa iicū ĩḡui deco pahmuro mura ajurore yehgue dija waha. Iri ajuro yehguecū ĩḡui deco iri ajuro sã cohmoa waha. ³⁸ Eropirā ĩḡui deco mama decore mama ajuro mera diyero gahmea. Eropa ta mama buheri mura buheri mera buhebiricāro gahmea. ³⁹ Vino deco mura decore masa erā ihrira pūhrū mama decore gamebeama erā. Ōpa arīma masa. “Vino mura deco mama decore ōatarinūḡaa,” arīma masa, arīpū Jesu erāre.

6

Sabado árīcū Jesu buherā trigo pororire tarīñorā

Mt 12.1-8; Mr 2.23-28

¹ Gajinū Sabado árīcū Jesu ĩḡu buherā sã trigo pohegue ĩha tarīañorā. Eroque tariatā, ĩḡu buherāpū trigo pororire tarī, gasiri cohro bañorā iriyerire. ² Erā eropa iicū ĩarā bajamerāḡā fariseo masa erāre serēpiñorā:

—¿Duhpirā mūa Sabado mari soorinū árīquerecū ta mohmeri? Mari dorerire tarinūḡarā iiaa, arīñorā fariseo masa.

Erā eroparicū peegu Jesupū “Yū buherā iri dorerire tarinūḡarā iibeama,” arīḡu ōpa arīpū erāre:

³⁻⁴ —Iribojegue Davi ĩḡu mera majarā mera oaboḡu Goāmū wihigue ñaja, iri wihī árīri panre bapū. Eropa baḡu ĩḡu mera majarā sãre badoreḡu iri panre ōpū. Iri pan pahia dihtare badorerā árīriyoro. Goāmū doreri iri panre gajirāre badorebiriyoro. ¿Davi irire ĩḡu eropa iirare Goāmū yare erā gojarapūḡue buhebirari mūa? Davi i panre baḡu Goāmūre tarinūḡagu iibiriñumi. Dohpagāre yū buherā sã i trigo yerire tarī barā Goāmūre tarinūḡarā iibeama. ⁵ Yūhū masū Goāmū ĩḡu obeodigu inonū soorinū sãre masa erā iiburire doremasia, arīpū Jesu.

Mojoto buhadigu ōaḡu wapu

Mt 12.9-14; Mr 3.1-6

⁶ Gajinū Sabado árīcū Jesu judio masa buheri wihigue ñaja buhepū masare. Ero mojoto diayerū buhadigu arīpū. ⁷ Ero árīrā sã bajamerāḡā masare buherā, fariseo masa sã Jesure ĩhanurāñorā ĩḡure weresādiarā. Ōpa arī pepiñorā: “Sabadonū árīcū ihī masare ōaḡu iibocumi Jesu. ĩḡu eropiicū ‘Mari soorinū Jesu mohmegū iimi,’ arī weresārāra,” arī pepiñorā. ⁸ Jesu erā pepirire masigu, mojoto buhadigūre ōpa arīpū:

—Wahḡānūḡajaque. Ohō arīque, arīpū ĩḡure.

ĩḡu eropa arīra pūhrū mojoto buhadigupū wahḡānūḡaja, ero nigupū. ⁹ Eropigu Jesu erāre serēpipū.

—Mūare serēpigūra: ¿Mari soorinū árīcū ōarire iicū ōabeari? ¿Ñerire iicūpure ōhari? ¿Soorinū árīcū masare masucū ōhari? ¿O soorinū árīcūre masare wejēcūpure ōhari? arīpū Jesu erāre.

¹⁰ Eropa arīḡu Jesu erāre ĩhametupeho, mojoto buhadigūre ōpa arīpū daja:

—Mū mojotore sīsirābeoque, arīpū ĩḡu.

ĩḡu eroparicū ta mojoto buhadigupū sīsirābeo, ōari mojoto wayoro. ¹¹ ĩḡu eropa iicū ĩarā erā ĩḡu mera turaro ḡañorā.

—¿Dohpa iirācuri mari ĩre? arīñorā erā basi.

Jesu ĩgu buheräre doce gohra ĩgu apimoräre beyepu

Mt 10.1-4; Mr 3.13-19

¹² Irinurire Jesu utäguque Goãmure serëgu muria wapu. Erogue ářıgu, ñamire Goãmü mera werenıguı butahmua wapu. ¹³ Boyorogue ĩgu buheräre ĩgu pohro sihubeopu. Sihubeotuha erä mera majaräre doce gohra ĩgu apimoräre beyepu. ¹⁴ Oä árřınorä Jesu ĩgu beyenirä: Simore Jesu Pedro piyudıgu, Simo pagu magu Andre, Santiago, Ñu, Felipe, Bartolomé, ¹⁵ Mateo, Toma, Santiago árřınorä. Santiagoopu Alfeo magu árřıpu. Eropirä Simo celote ya curu majagu árřıgu, ¹⁶ Juda Santiago pagu magu sä, Juda Iscariote sä árřınorä ĩgu beyenirä. Juda Iscariotepu Jesure ihaturiräre ihmubu árřıpu.

Jesu bajarä masare buhepu

Mr 4.23-25

¹⁷ Eropii Jesu ĩgu buherä mera utägu weca árřınirä dijericü, bajarä gajirä ĩgu buherä mera öari pũguque niguiñorä erä. Gajirä masa sä bajarä árřınorä. Erä árřıpehrero Judea yeba macari majarä, Jerusalén majarä, Tiro waıcuri maca majarä, Sidón waıcuri maca majarä, wuuriya turo árřıri macari majarä ĩgu pohrogue eranirä árřınorä. ¹⁸ Erä Jesu buherire peerä erarä, erä dorecurire taudorerä erarä árřınorä. Watëa ñajasünirä sä ĩgu pohrogue eraa, öarä wañorä. ¹⁹ Jesu ĩgu turari mera öarä wacü iipu eräre. Eropirä erä árřıpehrerä ĩgure mohmepiñarä erañorä.

Jesu mucubiririre, bujawereri säre buhepu

Mt 5.1-12

²⁰ Pũru Jesu ĩgu buheräre ĩha, werëpu:
—Mua mojomorocuräpu Goãmü ĩgu opu árřıroguere waräca mua. Eropirä mua mucubiriräca.

²¹ “Dohpaguere mua oaboaräpu yapirä árřıräca. Eropirä mucubiriräca.

“Mua dohpaguere bujawere oeräpu mucubirimorä ähraa. Eropirä pũrũguere ñayeräca. Eropirä mucubiriräca.

²² “Yũhu masu Goãmü ĩgu obeodıgu ähraa. Eropirä yaha árřıburire mua iri dipuwaja gajirä müare ihaturicü müapu mucubiriräca. Müare erä cóacü säre mucubiriräca. Müare erä ñero werenıguıquerecü ta, “Ñerä ährima,” müare arřıquerecü ta müapu mucubiriräca. ²³ Müare erä eropa iiniräre umarogue mua ejacügue Goãmü müare wuaro öaro iıgucumi. Eropirä turaro mucubirirä árřıque. Öaro siporäcurä árřıque. Müare ihaturirä ta erä acawererä müra iribojegue majarä eropa ta ñero iimuriñuma Goãmü yare weremuhtaniräre.

²⁴ “Eropirä mua dohpaguere baja oparäpu i yebaguere mua öaro árřıtuhabu. Eropirä ñero tarirä árřıräca mua.

²⁵ “Dohpaguere yapiräpu mua oaboaräca. Mua eropa árřırä ñero tariräca.

“Dohpaguere mua mucubirirä árřıräpu pũrũguere bujawere oeräca. Eropirä ñero tariräca.

²⁶ “Goãmü yare weremuhtarä ähraa,” arřı guyaräre “Öarä ährima,” arřıñuma bajarä iribojegue majarä. Mua mera majaräre eropa ta “Öarä ährima,” arřıbocoma masa. Eropa arřınirä árřıräpu ñero tariräca mua sä, arřı buhepu Jesu.

Muare ihaturirä erä arřıquerecü erä säre mahique

Mt 5.38-48; 7.12

²⁷ Eropıgu öpa arřı buhenemopu Jesu:

—Yure peediaräre, müare arřıgu tiiaa. Müare ihaturirä erä arřıquerecü erä säre mahique. Müare ihaturiräre öaro iıque. ²⁸ Müare ñero árřıdorerä erä arřıquerecü ta öadoreque eräre. Müare ñero iirä erä arřıquerecü ta, “Erä sä öaro árřıporo,” arřı serëbasaque Goãmure. ²⁹ Yujugu mua wayuporä pacü, “Gajıpu säre padiagu paque,” arřıque ĩgure. Mua weca majañe suhrırore ĩgu emacü mua camisa säre ocäque ĩgure. ³⁰ Müare serëgure ĩgu serëropë ta ocue ĩgure. Mua yare ĩgu aıcü ĩgure dipaturi serëpibita irire. ³¹ Gajirä müare öaro iicü gahmea mua. Eräre mua öaro iicü gamero dopa ta öaro iıque erä säre. Erä öaro iibirıquerecü ta müapu eräre öaro iıque.

³² “Müare umupeorä dihtare mua umupeocü iri ne duhpıburi árřıbeaa. Ñerä sä eropa ta iima. ³³ Eropirä müare öaro iinirä dihtare mua öaro iicü iri sä ne duhpıburi árřıbeaa. Irire ñerä sä iima. ³⁴ Eropıro gajiräre wayurä “Yure wiaque,” arřıcü mua wayuri sä ne iri duhpıburi árřıbeaa. Ñerä sä gajiräre wayurä ero pũru wiapehoderä ohoma. ³⁵ Eropirä müapu müare ihaturiräre mahi umupeoque. Eropirä eräre öaro iıque. Eropirä mua yare mahıbirä ta wayuque eräre. Mua eropa iicü Goãmü müare öaro iıgucumi. Goãmüpu ĩgure umupeobirä säre, ñerä säre öaro iimi. Eropa ta iıque mua sä. Mua eropa iirä wuaro wajataräca. Eropirä Goãmü turatarıgu umaro majagu

porã árirãca. ³⁶ Mari Pagu umaro majagu İgu mojomoro İadiro dopa ta mua sã masare mojomoro İaque.

Gajirãre “Ñerã àhrima,” arıbiricãque, arıpu Jesu

Mt 7.1-5

³⁷ Eropıgu erãre werenemopu:

—Gajirãre “Ñerã àhrima,” arıã erã iirare werewuabiricãque. Mua eropa arı werewuabiricã Goãmu mua sãre “Ñerã àhrima,” arısome. Gajirã muare erã ñero iirare, erã ñero arıra sãre cãdijique. Mua eropa cãdijicã İagu Goãmu mua sãre mua ñero iirare cãdijıgucumi. ³⁸ Gajınore oparã gajirãre oque. Mua eropa ocã Goãmu muare ogucumi. Eropa ogu muare ðaro queoro wuaro ogucumi. Õaro wajayegucumi. Gajirãre mua orañepẽ ta mua sãre Goãmu ogucumi, arıpu Jesu erãre.

³⁹ Eropa arıtuha Jesu buhenemogu ðpa arıpu werenıguı queori mera:

—Cuirı İhajabırã erã seyaro erã basi game tuagãrã erã perãque ta mehtuha yurıñaja warãcoma gobegue. Eropa ta erã cuirı İhajabırã iro dopa ta Goãmu yare masibirã sã gajirãre buhediarıma. Eropırã erã erã buherã sã peamegue warãcoma. ⁴⁰ Buherã erãre buhegure masitarınugabeama. Eropırã arıpehrerã buherã erãre ðaro buhepehora puhrã erãre buhegu iro dopa ta masırãcoma. Eropırã erãre buherã masibirã arıbiricãporo, arıpu Jesu.

⁴¹ Eropa arıtuha gajı buherı mera buhepu daja:

—Mari werenıguı queori mera buhecã ðpa iirã àhraa mua: Mua acaweregu İgu cuirugue mirı pogañegã mehñajacã irı pogañegãre ðaro İhaa mua. Mu yaru cuirupure wuarımıjıro arıquerecã irımıjıpure ne pepıbeaa mua. Eropırã mirı pogañegãre mua İaro dopa ta mua acaweregu İgu ñero iirıpure ðaro İhaa mua. Muapu mua ñero iirıre turaro iiquererã ta irıre eropa pepicãa. ¿Dohpa arırono eropa àhrırı mua? ⁴² Õpa arı werenıguıa mua acawererãre: “Acaweregu, mu ñerıre iıgu iica. Eropıgu irı ñerıre duhcãque,” arı werenıguıa mua. Eropa İgu ñerıre duhdorequererã muapu irı ñerıre iirã duhubeaa. ¿Duhpirã mua ñerıre iiquererã ta irıre eropa pepicãrı mua? Masa erã puçupure ñero ii corerã àhraa mua eropa iirã. Mua ñero iirıpure duhumãtaque. Mua eropa iira puhrã mua acaweregure “Mu ñero iirıre duhcãque,” arı weremasia, arı buhepu Jesu.

Masa erã werenıguırıre peerã erã arıricarıre masia mari, arı werepu Jesu

Mt 7.17-20; 12.34-35

⁴³ Eropıgu buhenemogu ðpa arı werenemopu erãre werenıguı queori mera:

—Yucugu ðadıgu ñerıre ducacubeaa. Eropıro ñedıgu sã ðarıre ducacubeaa. ⁴⁴ Yucugu ducare masırã “İrigu dũca ta àhraa,” arı masia mari. Poracıdıgu hıguera dıpure ducacubeaa. Eropıro aña poragu igui tırıre ducacubeaa. ⁴⁵ Eropa àhrıma masa sã. Õagu İgu pepırı ðarı àhraa. Eropıgu İgu ðarıre werenıguımi yucugu ðadıgu irıgu ðarıre ducacuro dopa ta. Ñegure İgu pepırıgue ñerı àhraa. Eropıgu İgu ñerıre werenıguımi yucugu ñedıgu irıgu ñerıre ducacuro dopa ta. Mari pepırıgue irı arıro dopa ta werenıguıa mari, arıpu Jesu.

Pe wıhi iira queori werepu Jesu

Mt 7.24-27

⁴⁶ Eropıgu erãre werenemopu:

—Mua yare “Opu,” arãa. Eropa arıquererã ta yu dorerıre iıbeaa mua. ¿Duhpirã eropa iıbearı mua? ⁴⁷ Arıpehrerã yare gamerã yu werenıguırıre peema. Eropırã yu dorerıre tarınugabeama. Õpa àhrıma yare tarınugabırã: ⁴⁸ Wıhi ðaro nugudı iro dopa ta àhrıma erã. İgu ùhcãrı goberıre seha, wıhire nugunugami. Iri wıhi ðaro İgu ùhcãro nugura wıhi arıro dia miricã turaro deco turaquerecã irı wıhi ðaro turanıguıa. ⁴⁹ Eropırã yu werenıguırıre peenırã arıquereã ta yu dorerıre iıbirãpu wıhire ðaro nugubıgu iro dopa àhrıma. Iri wıhire wecagã nugu, ðaro iınugabeami. İgu eropa iira wıhi arıro dia miricã deco turacã irı wıhi mata cohro yuhria wahaa. Eropıro irı wıhi cohmopehrea wahaa, arıpu Jesu.

7

Surara opu pohro majagure İgu dorecũcã Jesu ðagũ iıpu İgure

Mt 8.5-13

¹ Iri queori masare weretuha Jesu sã Capernaumgue ejañorã. ² Ero arıgu cien surara opu arıgu İgu pohro majagure turaro mahıpu. İgu pohro majagu dorecũgu arıgu sırıro

pohrogue áriþu. ³ Eropigu Jesu ígu iirare peegu, judio masa muräre sihu Jesu pohrogue obeoru opuþu.

—Yu pohro majagure dorecugure ðacũ iigu arique, arĩ weredoregu obeoru opu muräre.

⁴ Erã Jesu pohrogue ejarã, ðpa arĩ þurigã serẽñorã ígure:

—Surara opu guare mu pohro obeoami. “Yu pohro majagure dore taubasagu ariporo,” arĩ weredoregu obeoami. Ígu opu ðagũ áhrimi. Ígu eropa arícũ itamuque ígure. ⁵ Mari ya maca majaräre ígu mahimi. Eropigu Ígu gũ buheri wihire gũ iira waja wajayemi, arĩñorã murã Jesure wererã.

⁶ Erã eropa arĩ werecũ peegu Jesupu erã mera wapu. Surara opu ya wihi pohro ígu ejabu iicũ gohra opuþu ígu mera majaräre Jesure ðpa arĩ weredoregu obeoru:

—Opu, ðaroca. Aribita. Óagu árĩbeaa yahu. Yaha wihi mure ñajaridorebuno árĩbeaa yahu. ⁷ Eropigu mu pohro wabirabu. Yuju diaye ta mu turari mera dorebeoque. Mu eropicũ yu pohro majagu ðagũ wagucumi. ⁸ Yure yu weca árĩrã gajirã oparã dorema. Eropigu yu sã surarare dorea. Yujugure “Waque,” yu arícũ ígu wahami. Gajigure “Arique,” yu arícũ ígu ahrimi. Yu pohro majagure “Ire iique,” yu arícũ irire ígu iimi. Eropigu mu sã mu dorero dopa ta ígu dorecuga tarigucumi, arĩ weredorepu surara opu.

⁹ Jesu irire peegu, uca wa, bajarã masare ígu mera nurusiaräre majinuga werepu:

—Diaye ta muare arígu iiaa. Ihĩ surara opu Israe masu árĩbiriqueregu Goãmure þurigã umupeomi. Ígu pohro majagure yu ðagũ wacũ iiburire masituhami. Israe masare ne sihi iro dopa umupeoräre íanibea, arĩþu Jesu.

¹⁰ Ígu eropa arĩra puhru surara opu Jesu pohro ígu obeonirã erã opu ya wihigue dujaa wañorã. Dujaja dorecudigure ðagũ ígu arícũ íañorã erã.

Jesu wapeweyo magure masupu

¹¹ Puhru ñari Naín wañcũri macague Jesu wapu. Ígu buherã bajarã masa sã ígu mera wañorã. ¹² Iri macare ñajaro pohro ígu ejaçũ sĩridigure masa aĩ wiririñorã yaarã warã. Sĩridigu pago wapeweyo árĩþo. Yujugu ta arígu igo magu sĩria wapu. Eropirã ero majarã masa bajarã igo mera wañorã. ¹³ Igo eropa wacũ íagu Jesu igore mojomoro íapu.

—Orebita, arĩþu Jesu igore.

¹⁴ Eropa arígu sĩridigu ígu masa porere eja mohmepipu. Ígu eropa mohmepicũ íarã iri porere coãrãpu nuğajañorã.

—Mahgu, yahu mure ðpa arãa. Wahgã doajaque, arĩþu Jesu.

¹⁵ Ígu eroparícũ ta sĩridigu muru wahgã doaja, wereniguipu. Eropigu Jesu ígure ígu pagore wiapu. ¹⁶ Eropirã erã árĩpeherã güirã warã Goãmure umupeo ðpa arĩñorã:

—Goãmũ yare weremãtagu masitarigu dohpague tamerare mari watope áhrimi, arĩñorã erã.

—Goãmũ marire ígu yaräre itamugũ eratuhami, arĩñorã gajirã.

¹⁷ Eropirã árĩpeherã Judea yeba majaräre ero turo arĩri macari majaräre Jesu ígu iirare masa weresiripehoñorã.

Ñu waĩyeri masu ígu buheräre Jesure serẽpidorepu

Mt 11.2-19

¹⁸ Eropi Jesu ígu iirare íarã Ñure peresu arígu wereñorã ígu buherã. Eropa erã werecũ peegu peräre ígu pohro sihubeo, ¹⁹ Jesure serẽpidoregu obeoru Ñu. Ópa arĩ serẽpidorepu:

—“Yu puhru gajigu arigucumi,” ¿Ñu ígu aridigu ta áhriri muhu? ¿O gajigare corerãcuri gaa? arĩ serẽpidorepu Ñu perã ígu buheräre.

²⁰ Eropi erã Jesu pohro eja, serẽpiñorã ígure:

—Ñu waĩyeri masu mure ðpa serẽpidoregu obeoami guare. “Yu puhru gajigu arigucumi,” ¿Ñu aridigu ta áhriri muhu? ¿O gajigare corerãcuri gaa? arĩ serẽpiñorã erã Jesure.

²¹ Irisubu ta bajarã dorecũräre, watẽa ñajasũniräre, cuiiri ihajabiräre ðarã iipu Jesu. ²² Eropigu Ñu ígu obeoniräre Jesu yuhripu:

—Dohpaguere mua íarare mua peerare Ñure wererã waque: Ópa aríque: “Jesu mera cuiiri ihajabirã íhama. Curimasibirã cuhrima. Cami boanirã ðarã wahama. Peejabirinirã peea wahama. Sĩrinirã masa wahama,” arĩ wereque. Eropirã mojomorocũräre ðari buherire yu wererare wereque ígure. ²³ Eropa arĩ weretuhaja ðpa

arī wereque Ñure: “Yüre peegu ‘Diaye ta āhrraa,’ arīgu ĩgu mucubirigu āhrimi, arīmi Jesu,” Ñure arī wererā waque, arīpu Jesu.

²⁴ Ñu buherā erā wara puhru Jesupu Ñu árīricurire werenugapu bajarā masare:

—Maa masa marirogue Ñu pohrogue warā, ero majare taare miru weācū ĩarā ejabiribu maa. ²⁵ Ōari suhricugu sāre ĩabiribu maa. Ōari suhricurā waja pagarire suhri sañarā oparā ya wirigue āhriima. ²⁶ Masa marirogue ejarā Goāmu yare weremuhtadipure ĩarā ejabu. Diaye ta Ñu Goāmu yare weremuhtagu āhrimi. Gajirā Goāmu yare weremuhtanirā tauro arīgu āhrimi Ñupu. ²⁷ Iribojegue Goāmu yare erā gojarapū Ñure ōpa arī wereyuyoro:

Mari pagu ĩgu magure ōpa arīpu: “Mū core mure wereyubure obeogu iiaa,” arīmi Goāmu, arī gojañuma iribojeguere Ñure.

²⁸ “Diaye arīgu iiaa. Masa árīpehrerā tauro āhrimi Ñu. Isubure ĩgu eropa árīquerecū ta umaroguere Goāmu ĩgu opu árīroguere árīpehrerā docanugagupu Ñu tauro arīgucumi, arīpu Jesu masare.

²⁹ ĩgu eroparīcū peerā masa, wajasea corerā mera Ñu ĩgu waīyenirā árīrā ōpa arī pepiñorā Goāmure: “Goāmu diaye iigu āhrimi,” arī pepiñorā erā. ³⁰ Fariseo masapu, judio masare buherā sā Ñu ĩgu waīyenirā árīdiabirinirā árīñorā. Eropirā Goāmu erāre ĩgu itamudiarire erā gamebirīñorā.

³¹ Eropīgu Jesu dipaturi werepu:

—¿Dohpague majarā masa ñehmarano iro dopa āhriri mua pepicū? ³² Erā majirā iro dopa āhriima. Erā majirā doberi duarogue bira doarā, ōpa arī dāyasoma erāgā erā basi: “Maa bayaburire tarisu gua purirabu. ¿Duhpirā mua mucubiri bayarā aribirari? Eropirā gua burigā ñehamere orerabu. ¿Mupū duhpīrā gua mera obebirari?” arīma dāyasorā. Erā majirā arī dāyasorā iro dopa ta iirā ōpa arāa mua dohpague majarā. ³³ Ñu waīyeri masu Goāmu ya árīburire ba duhugu, vinore ihribirimi. ĩgu eropa ihribiricū ĩarā “Pee masibigu āhrimi,” arīrabu mua ĩgure. ³⁴ Yupu masu Goāmu ĩgu obeodigu arīgu yuhū baha ihria. Yū eropa iicū ĩarā ōpa arāa mua yūpūre: “Īaque. Ihī wuaro bagu merericugu sā āhrimi. Wajasea corerā ñero iirā erā wapicugu āhrimi ĩgu,” arāa mua yure. ³⁵ Eropa masibiriquererā ta gua iirare ĩarā, Goāmu masirire gua opacū masirāca mua, arī werepu Jesu erāre.

Fariseo masu Simo waīcugu ya wihi arīpu Jesu

³⁶ Fariseo masu Simo waīcugu ĩgu ya wihigue badoregu sihupu Jesure. ĩgu eropa sihucū Jesu ĩgu ya wihigue eja, erā bari mesague doajapu. ³⁷⁻³⁸ Iri macaguere ñeri iigo arīpo. Jesu fariseo masu ya wihigue ĩgu arīcū igo peepo. Eropa peego alabastro mera iidirure poresuri ducidirure aī, Jesu purupu eranugara puhru orepo. Eropa orego, Jesu guburire igo codeco mera webo, igo poari mera niucóāpo. ĩgu guburi bojocū ĩha igo ĩgu guburire mihmi, iri poresuri mera pipeopo. ³⁹ Igo eropa iicū ĩagu fariseo masu Jesure sihudigu ĩgu basi ōpa arī pepiripu: “Igo ĩgure mohmepiñago ñerire iigo āhrimo. Ihī Jesu Goāmu ya weremuhtagu arīgu irire masiboñumi,” arī pepiripu. ⁴⁰ ĩgu eropa arī pepirire masigu Jesu werepu ĩgure:

—Simo, dohpague tamerare mure werediaa, arīpu Jesu.

—Buhegu, ¿yüre dohpa arī werediari muhu? arī yuhripu Simo.

⁴¹ ĩgu eroparīcū Jesupu ōpa arī buhebu yuhripu:

—Opare perā wajamorā arīñuma. Yujugu wuaro wajamogu quinientos niyuseri wajamoñumi. Gajigupu merogā cincuenta niyuserire wajamoñumi. ⁴² Eropirā erā wajamorire erā wajayegohrabiricū ĩagu ĩgu erā wajamorire cādijicāñumi. ¿ĩgu eropiicū dohpague tamerare nihipu erā opare mahitarinugayuri mu pepicū? arī serēripu Jesu.

⁴³ Simo yuhripu:

—Ōbaa, wuaro wajamodigu merogā wajamodigu tauro ĩgu opare mahibocumi, arīpu Simo.

—Diaye yuhria muhu yure, arīpu Jesu.

⁴⁴ Eropa arītuhā ĩgure pipeodigore maji ĩha, Jesu Simore werenemopu:

—Igre ĩaque muhu. Mū ya wihire yuhū ñajarara puhru yū guburi coeburi decore obirabu muhu. Igo pu igo ya codeco mera yaha guburire ceemo. Puhru igo ya poari mera tucoeamo. ⁴⁵ Mupu yure bocatiri mimibirabu. Igo pu ohō yū doaropē yū guburire mihmimo. ⁴⁶ Mupu yū dipurure ūyu mera pipeobirabu. Igo pu yū guburire poresuri mera pipeoamo. ⁴⁷ Eropa arīgu mure weregu ta iiaa. Igo igo ñero iira baja gohra āhrraa. Eropīgu igo ñero iirare cādijīabu. Yū eropa iicū igo turaro mahiamo yure. Erā ñero

iirare merogã bujawere guñarãpũ merogã yũre cãdijidorema. Eropirã erã ñero iirare merogã cãdijisũnirã merogã mahima yũre, arĩpũ Jesu Simore.

⁴⁸ Eropa arĩtuha ĩgu igore wererũ:

—Dohpague tamerare mũ ñero iirare cohãbũ, arĩpũ Jesu.

⁴⁹ ĩgu eroparicũ peerã Jesu mera doarã erã basi õpa arĩ wereniguiñorã:

—Ihĩ diaye ta “Ñerire cõãgu iiaa,” arĩmi. ¿Dohpa arĩgũno àhriri ĩgu ñero iirire cõãgu? arĩñorã erã erã basi.

⁵⁰ Eropigu Jesu nomeore õpa arĩ wererũ:

—Yũre mũ umupeocũ mũre peamegue wabodigore taua. Gũiro mariro waque, arĩpũ Jesu igore.

8

Nome Jesure itamuñorã

¹ Pũhrũ paga macarigue mũta macarigãgue sãre eja, Goãmũ ĩgu opũ arĩrĩre, õari buherire wererũ Jesu. Doce ĩgu buherãpũ ĩgu mera arĩñorã. ² Eropirã nome sã watẽa ñajasũnirã nome, dorecunirã nome, Jesu õarã ĩgu iinirã ĩgu mera arĩñorã. Marĩa waĩcũgo Magdalena erã arĩ piyudigo Jesu mera curipo. Igo siete watẽare Jesu ĩgu cõadigo arĩpo. ³ Juana sã Cuza waĩcũgu Herodere itamudigu marapo sã Jesu mera curipo. Susana waĩcũgo sã gajirã nome mera baja erã gajino opari mera ĩgure itamuñorã.

Jesu oteri masũ queorire wererũ

Mt 13.1-9; Mr 4.1-9

⁴ Eropi baja macari majarã Jesu pohrogue gamenereñorã. Erã gamenerera pũhrũ Jesu ĩgu werenigui queori mera erãre wererũ buhebu:

⁵ —Oteri masũ otegũ wañumi. ĩgu eropa otecũ gajiyeri ma tũro yuri merejayoro. Eropirã iriyerire masa curadiũuma. Eropirã mirimagu porã bajarã ahri iriyerire bañuma. ⁶ Eropi gajiyeri utã watope yuri merejayoro. Erore yeba deco mariyoro. Eropiro iriyeri puhri wiriri niguirĩ ñañia wayoro. ⁷ Gajiyeri pora yucũ watope yuri merejayoro. Pora yucũpũ puhri tiataria wa, oterayeripũre wejẽcãyoro. ⁸ Gajiyeri õari yeba yuri merejayoro. Óaro puhri dũcacũyoro. Eropiro baja dũcacũyoro, arĩpũ Jesu.

Eropa arĩtuha õpa arĩnemopũ:

—Ire õaro peeque mũa, arĩpũ ĩgu.

Jesu werenigui queori mera ĩgu buherire wererũ

Mt 13.10-17; Mr 4.10-12

⁹ Pũhrũ ĩgu buherã iri werenigui queorire masidiarã, Jesure serẽpiñorã:

—¿I queori mera dohpa arĩ buhegu iiri mũhũ? arĩ serẽpiñorã erã. ¹⁰ Erã eroparicũ Jesu yahripũ:

—Goãmũ ĩgu opũ arĩrĩre iribojegue majarã erã masibirirare mũare masicũ iimi Goãmũ. Gajirãpũre eropa iibeami ĩgu. Eropigu erãre werenigui queori mera buhea. Yũ eropa iicũ erã yũ buherire peequererã masisome, arĩpũ Jesu ĩgu buherãre.

Jesu oteri masũ queorire were amupũ ĩgu buherãre

Mt 13.18-23; Mr 4.13-20

¹¹ Eropa arĩtuha erãre werenemopũ:

—Õpa arĩ werea i werenigui queorire: Oteriyeri õari buheri iro dopa àhraa. ¹² Eropiro ma tũro yuri merejariyeripũ õari buheri iro dopa àhraa. Eropiro masa erã õari buherire peecũ ĩagu watĩpũ ahri, iri buherire masidorebeamĩ masare. ĩgu eropa iibiricũ erã Goãmũre umupeoboñuma. Erã eropa umupeocũ ĩagu Goãmũpũ erãre peamegue wabonirãre tauboñumi. ¹³ Utã weca yuri merejarayeri õari buheri iro dopa àhraa. Eropirã masa õari buherire pee, mucubiriri mera irire pee aĩma. Eropa pee aĩquererã ta utã weca arĩri yucũ nuguri mariri yucũ iro dopa ta oã masa sã turabeama. Eropa turabirã yaha õari buherire erã peera dipuwaja gajirã erãre ñero iicũ ĩarã yahapũre duhucãma. ¹⁴ Eropi pora yucũ weca yurimerejarayeri õari buheri iro dopa àhraa. Eropirã masa õari buherire peequererã ta, i yeba majare wũaro pepirã, niyerure gamerã, i yeba majare gahmema erã. Eropirã iripũ õari buherire cãhmotaa. Iri cãhmotacũ masa Goãmũ gameripũre iibeama. ¹⁵ Eropi õari yeba yurimerejarayeri õari buheri iro dopa àhraa. Eropirã masa õari buherire õaro mera pee peenũrucãma. Eropirã duhuro mariro Goãmũ ĩgu gamero dopa ta õarire iima, arĩpũ Jesu.

Jesu sihãgodiru queorire buhepũ

Mr 4.21-25

¹⁶ Eropa arĩtuha gajĩ queori mera buhepũ Jesu.

—Ne sihãgodirure masa sihãgora pũhrũ mñasoro doca dibubeama. Eropirã irirure cama doca dibubeama. Ëmarogue irirure duhpeomi wihigue ñajarã erã ðaro iha ñajama ðaro. ¹⁷ Mari iiraguere Goãmũre duhmasiya mara. Pũhrũguere áripehreri masisũroca. Sihãgodiru ñamire boyoro dopa ta iribojegue erã masibirirare masirãcoma masa.

¹⁸ Eropirã mũa peerã ðaro peenũrũque. ðaro peenũrũgu, ðaro masigũcumi. Peenurabigu “Merogã peea,” ĩgu arĩquerecũ iripũ dederea waroca ĩgure, arĩpũ Jesu.

Jesu acawererã ĩgure sihuñorã

Mt 12.46-50; Mr 3.31-35

¹⁹ Pũhrũ Jesu pagũ porã erã pago mera ĩgu pohrogue warã iiriñorã. Masa bajarã áricũ ĩgu pohro ejabiriñorã. ²⁰ Eropigũ yujugu Jesure werepũ:

—Mũ pago mũ pagũ porã mera disiporogue nguima. Mũre iarã ahrañorã, arĩpũ ĩgu Jesure.

²¹ ĩgu eroparĩcũ ðpa arĩ werepũ Jesu áripehrerãre buhebu:

—Goãmũ buherire peerã, irire tarinũgabirã erã ta áhrima yũ pago yũ pagũ porã iro dopa árirã, arĩpũ Jesu erãre.

Jesu miruñere yusudorepũ

Mt 8.23-27; Mr 4.35-41

²² Gajinũ Jesu ĩgu buherã mera dohodirugue ñaja

—Ina, taribujarã, arĩ, erã áripehrerã iriru mera ditarugue taribuja wañorã.

²³ Eropa taribujagũ carĩa wapũ ĩgu. Erã eropa taribujarisubu turaro miruñe ariyoro. Miruñe aricã pãgũri wahgã, erãre miucãriyoro. Eropa waro mirimaja guhya áriyoro erãre. ²⁴ Eropa wacũ iha uca wa, Jesu pohro waha, ĩgure wahgũñorã.

—Buhegũ, mari mirimorã iiaa, arĩñorã erã. Erã eroparĩcũ Jesupũ wahgã, miruñere “Īripẽta weã duhuque,” arĩpũ. Eropa arĩgu pãgũrĩre “Yũsũaque,” arĩpũ. ĩgu eroparĩcũ ta miruñe taria wayoro. Eropiro pãgũri sã yũsũ dija wayoro. ²⁵ Eropa wara pũhrũ Jesu erãre ðpa arĩpũ:

—¿Mũa yũre umupeobeari?

Erãpũ gũi, iha uca, ðpa arĩ wereniguiñorã erã basi:

—Cue, ¿ñehmũno masũ áhriri ihĩ? Miruñe, pãgũri sã ĩgu dorecũ tarinũgabeaa ĩgure, arĩñorã erã basi.

Watẽa ñajasũdigure ðagu iipũ Jesu

Mt 8.28-34; Mr 5.1-20

²⁶ Eropirã erã gajipũ masegue Gerasa majarã ya yebague taribujajañorã. Iri yeba Galilea yeba diaye áriyoro. ²⁷ Ero Jesu ĩgu majajanũgarisubu ero majagu watẽa ñajasũdigũ ĩgu pohrogue aripũ. ĩgu yoari boje goroweregũ suhri marĩgu árigu, ĩgu wihiguere ne áribirimãripũ. Eropigũ masa goberi utã goberi watope arĩpũ ĩgu. ²⁸⁻²⁹ Eropirã bajasuburi watẽa ĩgure ñearo mera ĩgu burigã gorowerecũ iha masa ĩgure bihadoboriñorã. Eropigũ ĩgu peresugue árigu ĩgu mojotorire guburire comedari mera erã diridigũ áriqueregũ, ĩgu iridarire nuapũ. Eropirã watẽapũ ĩgure masa marirogue aĩgãñorã. Eropigũ ĩgu Jesure ihametu turaro gaguinigu, Jesu pohro merejapũ. ĩgu eropa iicũ ĩagu Jesupũ watẽare dorepũ:

—Ihĩ mera áribiricãque. Waque watẽa, arĩpũ.

ĩgu eroparĩcũ peegu watẽa ñajasũdigupũ turaro gaguinigu, serẽpipũ Jesure:

—Jesu, umaro majagu Goãmũ magũ, ¿ñehenore iibu iri muhũ yũre? Yũre ñero iibiricãque, arĩpũ watẽa ñajasũdigupũ.

³⁰ ĩgu eroparĩcũ Jesupũ serẽpipũ ĩgure:

—¿Ñehmũno waĩcũri muhũ? arĩpũ.

Bajarã watẽa ĩgu mera áriñorã. Eropigũ ðpa arĩpũ erãre opagu.

—Watẽa bajarã waĩcua gua, arĩpũ watẽa ñajasũdigupũ.

³¹ —Èhcãri gobegue guare wadorebita, arĩ, turaro serẽñorã watẽapũ.

³² Irisubure ero utãgu gubuye bajarã yesea barã iñorã. Erã ero bacũ iarã watẽa ðpa arĩ serẽñorã Jesure:

—Soã yesea pohrogue wadoreque guare. Erã mera áriĩdoreque guare, arĩ serẽñorã watẽa masure ñajanirã.

Erã eropa arĩ serẽcũ peegu Jesu erãre yesea pohrogue wadorepũ. ³³ ĩgu eropa wadorera pũhrũ watẽapũ masu mera árinirã waha, yesea pohrogue ejañorã. Erã

pohrogue erā ejara puhru yeseapu gorowere dipaturugue omabuha, ditarugue yuriñaja mīri siripehrea wañorā.

³⁴ Yeseare ihadibunirāpu yesea eropa miricū ĩarā, güi omagā wañorā. Eropā omagārā macague eja, iri maca majarāre campo majarā sāre erā ĩarare weresiripehocāñorā. ³⁵ Erā eropa werera puhru masa ĩarā wañorā. Eropirā Jesu pohro eja, watēa ñajasūdigu muru ĩgu suhri sañadigu pee masigu ĩgu ero ōaro doacū ĩañorā erā. Iri ārīpehrerire ĩarā erā güi ārīñorā. ³⁶ Watēa ñajasūdigu muru ĩgu ōaro ārīcū ĩanirā gajirāre erā ĩarare wereñorā. ³⁷ Eropā pee ero majarā Gerasa yeba majarā ārīpehrerā burigā Jesure güiñorā. Eropirā ĩgure wadoreñorā. Erā eropa wadorecū Jesu dohodirugue ñajapu wabu. ³⁸ Watēa ñajasūdigu muru Jesu ĩgu waborore ĩha turaro ĩgure serēripu:

—Mū mera wadiaca, arī serēripu.

³⁹ ĩgu eroparīcū Jesu ĩgure yuhripu:

—Mū ya macague waque. Eropā wagu Goāmu mure ōaro iirare wereque gajirāre, arīpu Jesu.

ĩgu eropā arīra puhru ĩgu ya macague eja Jesu ĩgure ōaro iirare ārīpehrerāre ĩgu ya maca majarāre werepu.

Jairo magore ōago iipu. Eropā ārīcū ne behregō sāre ōago iipu Jesu

Mt 9.18-26; Mr 5.21-43

⁴⁰ Sīpu masegue Jesu dipaturi ĩgu taribujacū ĩarā masa bajarā ĩgure coreñirā bocatīri serēñorā ĩgure. ⁴¹⁻⁴² Ero buheri wihi opu Jairo waicūgu Jesu pohro eja, ĩgu guburi pohro merejapu. ĩgu mago sīrigo iipo. Igo yujugo ta ārīgo doce bojori opago ārīpo. Eropigu ĩgu ĩgu ya wihigue Jesure sihgāpu. “Au,” arī, ĩgu mera wapu Jesu sā.

ĩgu eropā wacū masa bajarā ĩgure nurusiarā cūriro iññorā ĩgure. ⁴³ Eropigo yujugo nomeo doce bojori gohra duhuro mariro eropā behregō ero ārīpo. Ero corere duhturuare igo ya niyeru mera ārīpehrerire wajayeripo igo ocoyedorego. Erā eropā ocoyequerecū ta muraro ta di waniguicāyoro igore. ⁴⁴ Eropigo igo Jesu puhru ahri, ĩgu suhriro ojogorore igo ñeacū igore di wiriniguicāra pehrea wayoro. ⁴⁵ Igo eropā ñeañacū Jesu pepigu serēripu.

—¿Noa yu suhrirore mohmepiari? arīpu ĩgu.

Ārīpehrerā “Mohmepibea,” arīñorā. Eropirā Pedro sā ōpa arī yuhriñorā:

—Buhegu, cūhña āhraa. Eropirā masa bajarā mure pēhrecāma. ¿Duhpigu eropā arī serēpiri mahū? arīñorā erā Jesure.

⁴⁶ Erā eroparīcū Jesu yuhripu:

—Dohparagā yu turari mera yujugore dore yuhū cōārare masia. Eropigu yure igo ñeañarare masia, arīpu ĩgu.

⁴⁷ ĩgu eroparīcū peego igo duhrimasibigo, naragāgo Jesu pohro merejapo. Eropigo ārīpehrerā masa erā peero igo arīpo Jesure:

—Yuhū ñeañabu mure. “ĩgure ñeañacū yu dore taria waroca,” arīgo mure ñeañabu. Yu mure eropā ñeañago mata ōago wahabu, arīpo. ⁴⁸ Igo eropā arītuhajacū Jesu igore werepu:

—Mahgo, yure mū umupeori mera ōago dujaa dohpaguere. Mucubiriri mera waque, arīpu igore.

⁴⁹ ĩgu eropā arīrisubu Jairo ya wihi ārīgu weregu erapu.

—Mū mago sīria wahāmo. Eropigu ihī buhegure sihubita pare, arīpu ĩgu.

⁵⁰ ĩgu eroparīcū peegu Jairore ōpa arī werepu Jesu:

—Bujawerebita. Yure umupeoque. Iri dihtare iique. Mū eropā iicū ōago wagocumo, arīpu Jesu.

⁵¹ Eropā arītuha Jairo ya wihigue eja, Pedrose, Ñure, Santiagore, dorecūgo pagu sumārāre aī ñajapu. Gajirāpure Jesu ñajadorebiripu. ⁵² Ero ārīpehrerā masa erā ñehamere orerā iññorā. Jesu erāre arīpu:

—Orebiricāque. Igogā siribeamo. Carīgo iimo, arīpu ĩgu.

⁵³ ĩgu eroparīcū erāpu igo sīridigo ārīcū masirā “Eroparīcāgu iimi ihī,” arīrā Jesure ĩayēñorā. ⁵⁴ Eropigu Jesu igo mojotore ñeha, arīpu igore:

—Majigo, wahgāque, arīpu.

⁵⁵ ĩgu eropā arīcū igo sīridigo ārīquerego igo siporā goecū masa wapo. Irisubu ta wahgānugajapo igo. Igo eropā wahgāra puhru Jesu igore barire odorepu. ⁵⁶ Igo eropā ĩgu masacū ĩarā igo pagu sumārā ĩhamaria wañorā. Eropigu Jesu irire gajirāre weredorebiripu.

9

Jesu doce ĩġu buheräre buhedoreġu obeopu

Mt 10.5-15; Mr 6.7-13

¹ Eropi Jesu doce ĩġu buheräre sihubeo, ĩġu turarire ópu ĩġu eräre. Watëare erä cóäburire, dorecuräre erä óarä iiburire ópu ĩġu turarire eräre. ² Eropa iituha eräre Goämu ĩġu opu ářĩřire buhedoreġu, dorecuräre óarä iidoreġu obeopu eräre. ³ Ópa arı dorepu Jesu eräre:

—Mua warä gajinore aıbiricäque. Tuadire, ajure, barire, niyerure aıbiricäque. Yujuñe suhriro ta sañaque. Peñe sañabita. ⁴ Ářĩpehrerogue mware erä carıro ocü iri wihi ta dujanique. Ne waräque wiriaque iri wihire. ⁵ Gaji macari majarä mware erä gamebiricü iarä iri macare tarigä waque. Eropa warä mua guburi maja nicure moje siripique mua eräre erä ya dipuwajare ihmumorä, arıpu Jesu.

⁶ ĩġu eropa arıra puhru ĩġu buheräpu waha, ářĩpehreri macarigüe masare óari buherire were curiñorä. Eropirä dorecuräre óarä wacü iıñorä.

Jesu ĩġu iirare Herode peepu

Mt 14.1-12; Mr 6.14-29

⁷ Eropi Herode Galilea yeba majarä opu Jesu ĩġu iirare peebeopu. “¿Noa áhriri ĩġu Jesu?” arıquereġu ne masibirıpu. Yujuräyeri ópa arıñorä Jesure. “Ñu waıyedi maru dipaturı masa deyogu iicumı. Eropıġu Jesu erä arıġu ĩġu ta áhrimi,” arıñorä gajirä. Erä eroparicü peegu Herode Jesure dohpa arı masibirıpu. ⁸ Eropirä gajirä “ĩġu Elia maru dohpague dehyoagu iimi,” arıñorä. Gajiräpu “Goämu ya weremhtanirä mera majagu ářĩcumı daja masa murgu,” arıñorä Jesure. ⁹ Erä eropa arı wereniguiquerecü ta ópa arı pepıpu Herode: “Ñu dipurure tabetadoreġu wejëtuhabu ĩġupure yuñu. ¿Eropıġu masa erä werewagu nihino ářĩbocuri ĩġu?” arı pepı ĩġu Jesure iadiarıpu.

Jesu masa bajarä barire ópu

Mr 14.13-21; Mr 6.30-44; Jn 6.1-14

¹⁰ Eropi Jesu ĩġu obeonirä ĩġu pohrogue dujaja, erä iirare wereñorä Jesure. Erä weretuhacü Jesu erä dihtare Betsaidague sihu warıpu. ¹¹ ĩġu erä dihtare sihuquerecü erä warare masirä, masa bajarä nurısiagäñorä. Jesu ĩġure erä nurısiajacü ĩagu ĩġu bocatırı serëpu eräre. Eropıġu ĩġu Goämu ĩġu opu ářĩřire eräre were, dorecuräre óarä iıpu.

¹² Ñamicague doce ĩġu buherä ĩġu pohrogue eja, Jesure wereñorä:

—Ohö masa marırogue áhraa. Ó majaro maja wirıgue oä masare obeoque. Carımorä erä batuburire amadoreque eräre, arıñorä erä Jesure.

¹³⁻¹⁴ Erä eroparicü Jesu yuhripu eräre:

—Mua basi barire oque eräre, arıpu.

ĩġu eroparicü peerä erä yuhriñorä:

—Cinco pan dipurure, perä ta wai säre iripëta opaa mari. Oä masa bajarä erä baburire asümasiya mara marire, arıñorä ĩġu buherä.

Bajarä masa erä ářĩcü eropa arıñorä ĩġu buherä. Eroguere cinco mil uma arıñorä. Eropıġu Jesu werepu ĩġu buheräre:

—Yujuräyeri cururi cincuenta gohra doadoreque. Gaji curu säre erä nucu ta doadoreque, arıpu Jesu ĩġu buheräre.

¹⁵ ĩġu eroparicü ĩġu buherä ĩġu dorero dopa ta iıñorä. Ářĩpehrerä masare doadoreñorä. ¹⁶ Doadoretuha Jesu cinco pan dipurure, perä wai mera aı, umarogue ihmemuju, Goämuere “Óhaa,” arıpu. ĩġu eropa arıra puhru pan dipurure nuha, ĩġu buheräre masare gueredoreġu ópu. ¹⁷ Eropirä erä ářĩpehrerä masa baha yapia wañorä. Erä ba duharare doce puiri gohra aı gameneo wjutudoboñorä ĩġu buherä.

Muñu Cristo Goämu ĩġu obeodıġu ta áhraa, arıpu Pedro

Mt 16.13-19; Mr 8.27-29

¹⁸ Yujunu Jesu yujugu ta Goämure serëġu iıpu. ĩġu wereniguirısubu ĩġu buherä ĩġu pohrogue arıñorä. Eropıġu Jesu serëpıpu eräre:

—¿Nihino ářĩcurı yuñu, masa erä pepicü? arı serëpıpu.

ĩġu eroparicü peerä ĩġu buherä yuhriñorä:

¹⁹ —“Ñu waıyedıġu maru ářĩbocumi,” arıma mure. Gajirä “Elia maru ářĩbocumi,” arıma. Gajirä, “Goämu ya weremhtanirä mera majagu irıbojegue majagu masa mariadi ářĩbocumi,” arıma, arı yuhriñorä ĩġu buheräpu ĩġure.

²⁰ Erä eropa arıra puhru Jesu eräre serëpıpu daja:

—¿Maapu pepicã nihino áricuri yuhu? arĩ serēpipu daja.

—Mũhu Cristo Goãmu ĩgu obeodigu ta áhrra, arĩ yuhripu Pedro.

Jesu ĩgu sĭriburiñere werepu

Mt 16.20-28; Mr 8.30-9.1

²¹ Eropi Pedro “Cristo áhrra mũhu,” ĩgu arĩrare ne gajirãre Jesu weredorebiripu.
²² Eropa weredorebirituhagu òpa arĩpu:

—Yuhu masu Goãmu ĩgu obeodigu ßurigã ñero tariguca. Eropa ta tariro gahmea yure. Eropirã pahia oparã, murã, judio masare buherã mera yure gamebirã wejërãcoma. Erã wejërã puhru uhrenu puhru masa mariaguca, arĩpu Jesu erãre.

²³ Puhru arĩpehrerãre òpa arĩ werepu Jesu:

—Yujugu yu mera majagu árĩdiagu, ĩgu gamero iidiarire duhucãgucumi. Eropigu yahagu ĩgu árĩri dipuwaja ñero tarigucumi. Ñero tariqueregu ta yahare iinguigu árĩgucumi. ²⁴ Yujugu masu ĩgu ya árĩburi dihtare pepigu dederea wagucumi. Eropigu yaha árĩburi yu gameri dihtare iigu arĩpehrerĩnuri yu mera umaroguere òaro árĩgucumi. ²⁵ Yujugu masu i yeba majare arĩpehrerire opaqueregu peamegue wagu òarire bocasome. ²⁶ Yujurãyeri yu buherire werediarã, “Jesu yagu áhrra,” arĩdiarã guhyasĩrisãgũca. Yuhu Goãmu ĩgu obeodigu òarã anyua erã gosesiriri mera, yu Pagu ĩgu gosesiriri mera dujarigu yure guhyasĩrinirãre guhyasĩrisãgũca yu sã. ²⁷ Diaye arĩgu tĩiaa mũare. Dohpague yujurãyeri mũa ògue árĩrã mũa sĭriboro core Goãmu ĩgu opu árĩcũgue ĩarãca, arĩpu erãre.

Jesu ðupure gohrotopu

Mt 17.1-8; Mr 9.2-8

²⁸ Eropi ocho nuri irire ĩgu werera puhru Jesu Pedore, Ñure, Santiagore erã dihtare sihupu. Eropi waha, Goãmu mera wereniguirã wañorã. Utãgure maria wañorã erã. ²⁹ Goãmure ĩgu serẽrisubu Jesu ĩgu diapo gohrotoa wayoro. Eropiro ĩgu suhri cuimijuri suhri òaro boreri suhri wayoro. ³⁰ Eropa warisubu perã uma ĩgu pohro dehyoañorã. ĩgu mera wereniguirã iĩnorã. Erã iribojegue majarã Elia mũru, Moise mũru sã árĩñorã. ³¹ Erã umaro maja gosesiriri mera dehyoañorã. Jesu merogã Jerusalengue ĩgu sĭriborore erã Jesu mera wereniguirã iĩnorã. ³² Pedro ĩgu mera majarã sã waja meretaria carĩrã iĩnorã. Eropa carĩquererã ta uca wahgã, Jesu gosesiriri ĩha, perã ĩgu mera wereniguirã sãre ĩañorã. ³³ Moise Elia mera erã warisubu Pedro Jesure òpa arĩpu: —Opu, mari òre árĩcũ òadiaa. Uhre wihigã gohra iirã. Mu ya wihigã, Moise ya wihigã, Elia ya wihigã iirãca, arĩpu Pedro.

Eropa arĩqueregu ta ĩgu arĩrare ne masibiripu. ³⁴ ĩgu eropa arĩ wereniguirisubu erãre imica curu cãhmotayoro. Eropa cãhmotacũ ĩarã erã guia wañorã. ³⁵ Eropiro imica curu pohecague Goãmu ĩgu wereniguirã busuyoro:

—Ihĩ yu magu yu beyedigu áhrimi. Òaro peeque ĩgure, arĩri busuyoro imica pohecague.

³⁶ Eropa arĩra puhru Jesu dihtare ĩañorã erã. Puhru erã ĩarare gajirãre werebiriñorã. Ne yujugare werebiriñorã dohpa irisubure.

Jesu watĩ ñajasũdigure òagu iipu

Mt 17.14-21; Mr 9.14-29

³⁷ Gajinu erã utãgugue erã dijariçũ bajarã masa Jesure bocatĩriñorã. ³⁸ Eropigu erã mera majagu Jesure piyupu:

—Buhegu, mũre turaro ire serẽdiaa yuhu. Yu magu yujugu ta áhrimi. Eropigu ĩgure ĩabasaque mũhu. ³⁹ Watĩ ñajasũ gorowereniguicãmi. Iri watĩ ĩgure ñeha, gaguiniguicũ ii, tũru naragãcũ ii, sumutua wacũ iimũraa. Eropigu ihĩ watĩ yu magure ñero taricũ ii, ne duhudiabeami ĩgure. ⁴⁰ Mũ buherãre iri watĩre cóãdoregu turaro serẽrabu. Yu eropa serẽquerecũ ta erã irire ne cóãmasibirama, arĩpu ĩgu Jesure.

⁴¹ ĩgu eropariçũ Jesupu òpa arĩpu ero árĩrãre:

—Dohpague majarã mũa ñerã áhrra. ¿Yure ne umupeobirigohracãri? Yoari boje mũare buherabu. ¿Dipẽ yoari boje yure garibori mũa? arĩ turipu Jesu.

Eropa arĩtuha watĩ ñajasũdigu pagure òpa arĩpu:

—Mu magure aĩgãrique, arĩpu.

⁴² ĩgu eropa arĩra puhru ĩgu magu Jesu pohrogue ĩgu aririsubu watĩ ĩgure yebague mehmereja, tũru naragãcũ iipu. ĩgu eropa iicũ Jesu watĩre cóãpu. ĩgu eropa cóãcũ watĩ ñajasũdigu òagu wapu. Eropigu Jesupu ĩgugãre wiapu ĩgu pagure. ⁴³ Árĩpehrerã masa Goãmu turari mera ĩgu òagu wacũ iirire ĩarã, uca wañorã.

Dipaturi Jesu ĩḡu s̄triburiñere werepu

Mt 17.22-23; Mr 9.30-32

Masa Jesu ĩḡu iirare ĩha uca wacũ Jesupu ĩḡu buherãre õpa arĩ werepu:

⁴⁴ —Dohparaḡã yu wereburire cãdijibiricãque mua. Yuhũ masu Goãmu ĩḡu obeodigũ ãhrra. Masa yure ñeha, ḡajirãḡuere yure wiarãcoma, arĩpu Jesu.

⁴⁵ ĩḡu eropa arĩquerecũ ta erãpu ĩḡu wererire õaro peebiriñorã. ĩḡu wererare erãre masiya mariyoro. Irisubu ta Goãmu erãre irire masidorebirinĩpu. Eropirã erã ḡuirã irire ĩḡure serẽpibiriñorã.

Jesu buherã erã mera majagũre opu acudiarĩñorã

Mt 18.1-5; Mr 9.33-37

⁴⁶ Pũhrũ Jesu buherã werenigui dũyazorã iĩñorã:

—¿Mari mera majagu nihinopũ opu ñajagũcuri? arĩ dũyazorã iĩñorã erã erã basi.

⁴⁷ Erã eroparĩcũ Jesupu erã pepirire masigũ, majĩḡure ĩḡu pohro aĩunugu, ĩḡu buherãre werepu:

⁴⁸ —Yaha arĩburire iimorã õpa arĩḡugãre bu arĩḡure gamerã yu sãre ḡahmea mua. Eropirã yure gamerã, yure obeodigũ sãre ḡahmea mua. Mua mera majagu mua pohro majagu arĩḡu ĩḡu sã opu ta arĩḡucumi, arĩpu Jesu.

Marire ĩhaturibigũ arĩḡu mari mera majagu ãhrimi, arĩ werepu Jesu

Mr 9.38-40

⁴⁹ Pũhrũ Ñu Jesure õpa arĩ werepu:

—Buheḡu, mu waĩ mera watĩ ñajasũnirãre taricũ iiami yujugu. ĩḡure ḡua ĩabu. ĩḡu mari mera majagu ĩḡu arĩbiricũ ĩarã ĩḡure irire iĩdorebirimurabu ḡua, arĩpu Ñu Jesure.

⁵⁰ ĩḡu eroparĩcũ Jesu Ñure ḡajirã ĩḡu buherã sãre õpa arĩ werepu:

—Eropa arĩbiricãque mua ĩḡure. Marire ĩhaturibigũ arĩḡu, ĩḡu mari mera majagu ãhrimi, arĩpu Jesu.

Jesu Santiagore, Ñu sã erã wererire ḡamebirĩpu

⁵¹ Irisubure Jesu ĩḡu amũsigue ĩḡu waboro coreḡã “Jerusalẽngue wagũra,” arĩpu ĩḡu. Eropa arĩḡu wagũ iĩpu. ⁵² Eropirã Jesu core ĩḡu obeonirã waha, Samaria yeba maja macague eja, ero Jesu ĩḡu ejaborore amuyudiariñorã. ⁵³ Jesu Jerusalẽngue wabu iĩpu. Erogue ĩḡu wabu arĩcũ peerã, iri maca majarã ĩḡure ḡamebirĩñorã. ⁵⁴ Irire peerã Ñu, Santiago mera wereñorã Jesure:

—Opu, mu ḡamecũ umaro maja peame mera mure ḡamebirinirãre wejẽdororerãra Elia mũru ĩḡu iĩdiro dopa ta, arĩñorã erã ĩḡure.

⁵⁵ Erã eroparĩcũ maji ĩha turĩpu erã perãre:

—Eropa arĩbiricãque. Espĩritu Santo yarã ãhrra mua. Dohpague mua pepiro dopa ta ĩḡupu pepibeamĩ. Yuhũ masu Goãmu ĩḡu obeodigũ i yebaguere arĩḡu peameḡue wabonirãre taugũ arĩbu. Masare erã dederecũ iĩḡu arĩbirĩbu, arĩ werepu Jesu.

⁵⁶ Eropa arĩ weretuha ḡaji macague Jesu sã carĩrã waha wañorã.

ḡajirã Jesu mera wariñorã

Mt 8.19-22

⁵⁷ Maha erã wacũ, yujugu masu Jesure werepu:

—Mu mera yuhũ wadĩaa noho mu wadiaro, arĩpu ĩḡu.

⁵⁸ ĩḡu eropa arĩra pũhrũ Jesu yũhrĩpu:

—Yu mera aricũ diasã ãhrra. Nuḡu majarã diayea erã carĩburi toreri opama. Mirimagu porã sã erã ya suhri opama. Yu masure Goãmu ĩḡu obeodigũpure sooro mara. Ne yaha wihĩ mara. Eropirã yu mera arĩrã ñero tarĩrãca mua, arĩ yũhrĩpu Jesu.

⁵⁹ Pũhrũ ḡajĩḡure Jesu sihpũ:

—Yu mera majagu arĩbu arĩque, arĩpu.

ĩḡu eroparĩcũ ĩḡu yũhrĩpu Jesure:

—Opu, yuhũ yu pagũ s̄rĩcũ yaanĩḡu wagũra. Pũhrũ mu mera wagũra, arĩpu ĩḡu.

⁶⁰ ĩḡu eroparĩcũ Jesu werepu:

—Yure ḡamebirã s̄rĩnirã iro dopa ta ãhriima. Erãpu s̄rĩnirãre yaaporo. Eropĩḡu mũru Goãmu ĩḡu opu arĩrĩre õari buherire buheḡu arĩque, arĩpu Jesu ĩḡure.

⁶¹ Eropĩḡu ḡajĩḡu Jesure õpa arĩpu:

—Opu, mu mera wagũra. Yu acawererãre ḡoeriserenĩḡu wanĩḡura dohpã, arĩpu ĩḡu Jesure.

⁶² ĩḡu eroparĩcũ werepu Jesu ĩḡure:

—Mohmebu mohmediabigu ĩgu duhpibu árĭbeami. ĩgu iro dopa árĭgu ōpa áhrimi: “Goámu yare iidiaa,” arĭqueregu irire ne iibeami. ĩgu Goámu yagu árĭbodigu árĭbeami, arĭpu Jesu.

10

Jesu setenta buheräre buhedoregu obeopu

¹ Páhru Jesu gajirä ĩgu buheräre setenta buheräre beye, macarigue ĩgu waboro core obeoyupu. Yujuyeri macarire perä dihta obeopu ĩgu. ² Eropa obeogu ōpa arĭ werepu eräre werenigui queorire buhegu:

—Ojoduca baja iri búgatuhaĭacü baja árĭcü baja mohmeri áhraa. Mohmeri masapu bajamerägä áhrima. Eropa ta ōari buherire peemorä bajarä árĭcü wuaro áhraa mari mohmeri. Iri eropárĭquerecü ta mari masare buhemorä bajamerägä áhraa. Eropirä ōari buherire buhemoräre gajiräre ĩgu obeomoräre Goámure serĭque mua. ³ Waque mua. Muare yu obeogu oveja iro dopa árĭräre muare yea guarä iro dopa ta ñerä árĭrä watopegue obeogu iiaa. ⁴ Niyeru ajure, pagaaju säre, zapature aĭbircäque. Mua mague curirä gajiräre bocaĭarä wereniguibircäque. Diaye ta taria waque. ⁵ Árĭpehreri wirire mua ñajari wirire i wihi majaräre, “¿Áhriri mua?” arĭmuhtaque. ⁶ Iri wihi majarä ōaro mera árĭrä gamequeáro mariro erä árĭcü ōadoreque eräre. Ōaro mera erä árĭbircü iri wihi majaräre irire ōadorebita. ⁷ Yuju wihi ñajanugarä erä ōaro árĭcü iri wihi ta dujaque. Iri wihi majarä muare erä ejorire baha ihrituque. Mohmegure ĩgu wajatarire aĭro gahmea. Eropirä mua eräre buhera waja erä bari orire aĭque mua sä. Eropirä yuju wihi ta mua ejara wihi ta ñajarä, iri macare gajirä ya wirigue árĭcuribircäque. ⁸ Macaguere mua ejarä ero majaräpu muare gamerä árĭcü erä bari ejori árĭcü baque. ⁹ Ero majarä dorecüräre ōarä iique. Eropirä ōpa arĭque ero majaräre: “Goámu mari Opu dohpaguere ĩgu árĭborore wererä iiaa muare,” arĭque eräre. ¹⁰ Gaji macague mua ejacü eräpu muare gamebiribocoma. Erä gamebiricü ĩarä iri maca decogue waha, ōpa arĭque eräre. ¹¹ “Gua nicu imicare guburi maja imicare wejĕsiri cóarä iiaa mua guare gamebiriri dipuwaja ihmurä,” arĭque. “Eropirä ire guña árĭque,” arĭque. “Goámu mari Opu dohpaguere ĩgu árĭborore muare wererä arirabu,” arĭque eräre. ¹² Muare diaye yuhu arĭgu iiaa. I wmu pehrecüguere Sodoma majarä mura burigä dipuwajacüräcoma. Erä eropa árĭquerecü ta tauro muare gamebiräpu dipuwajacürä árĭräcoma, arĭpu Jesu.

Gaji macari majarä Goámure tarinugarä árĭñorä

Mt 11.20-24

¹³ Páhru Jesu ōpa arĭpu macari majaräre:

—Corazín majarä, mua ñero tariräca. Betsaida maca majarä mua sä ñero tariräca. Mua ya macaguere Goámu ĩgu turari mera deyoro moarire iirabu yuhu. Mua peebirabu. Iribojegue Tiro waĭcari macare, Sidón waĭcari maca säre ĩgu turari mera iri deyoro moarire yu ii ihmucü ĩarä ero majaräpu erä ñero iirire bujawereboañuma. Eropa iirä ōaripure gohrotoboañuma. Mata erä bujawererä erä bujawereri suhrire saña, erä basi pea witü mera mohsiripeoboañuma erä ñerire bujawererire ihmumorä. Muapu eropa iibeaa. ¹⁴ Eropigu muare arĭgu tiiaa. Goámu ĩgu dipuwaja moarinu árĭcü Tiro majarä mura, Sidón majarä mura tauro muapure mua ñeri dipuwaja dipuwaja moagucumi ĩgu. ¹⁵ Capernaum majarä, mua ejatuharo mera Goámu pohrogue wadiaribu. Eropirä mua Goámu yapure iidibircü muare Goámu peamegue cóagucumi, arĭpu Jesu.

¹⁶ Eropa arĭtuha ĩgu buheräre werepu:

—Muare peerä yu säre peema. Muare gamebirä yu säre gamebeama. Eropirä yare gamebirä, erä yare obeodigu säre gamebeama, arĭpu Jesu eräre.

Setenta buherä dujarañorä

¹⁷ Páhru setenta buherä mucubiriri mera dujarañorä:

—Opu, mu waĭ mera mu turari mera watëare masaguere gua wiridorecü eräpu guare yuhriama, arĭñorä erä Jesure.

¹⁸ Erä eroparĭcü Jesu yuhripu eräre:

—Umarogue miariñe dijariro dopa ta watĭ ĩgu dijarcü ĩabu. ¹⁹ Peeque. Muare yu turarire ohabu yuhu. Eropirä añare, corebare, watĭ marire ĩaturigure árĭpehreri ĩgu turari säre mua tarinugaburire muare ohabu yuhu. Eropirä erä muare ñero iimasibeama. ²⁰ Yu eropa oquerecü ta watëa muare erä tarinugabircü ĩarä iri dihtare mucubiribita. Ipure mucubirique. Umarogue Goámu yarä erä waĭre ĩgu gojaturipüque mua waĭre ĩgu gojatura árĭcü masirä, iripure mucubirique mua, arĭpu Jesu eräre.

Jesu mucubiripũ
Mt 11.25-27; 13.16-17

²¹ Iribure Espiritu Santo Jesure b̄rigã mucubiricũ iipũ. Eropigũ Jesu ðpa arĩpũ ĩgu Pagure:

—Ahu, muhu umaro majarã tauro opũ, i yeba majarã tauro opũ ahraa. I mu buherire “Masituhaja gua,” arĩrãre masicũ iibea. Mu yare masipehobirãpũre masicũ iabũ muhu. Mu eropa iicũ ĩagu “Oataria,” arãa yuhũ mure. Eropa ta ahraa, ahu. Erã masibirãpũre erã masicũ gahmeabu muhu, arĩpũ Jesu.

Eropa arĩtuha gajirãre ðpa arĩpũ:

²² —Yu Pagu arĩpehrerire yũ iiburire apimi yare. Yu Pagu dihta yare masimi. Yu dihta ĩgure masia. Yu beyenirã sã ĩgure masima yũ masidorenirã arĩrã. Erã nuçu ta yũ Pagure masia gua, arĩpũ Jesu.

²³ ĩgu eropa arĩra puhũ erã seyaro erã arĩcũ Jesu ĩgu buherãre ðpa arĩpũ:

—I arĩpehrerire ĩarã mucubirirã ahraa mu. ²⁴ Diaye ta ahraa. Bajarã Goãmu ya weremhtanirã, yebari majarã oparã sã dohpague mua ĩarire ĩadiariñorã erã sã. Eropirã mua peeri sãre peediarĩnorã. Erã eropa masidiaquerecũ ta Goãmu erãre masidorebiripũ irisubugure, arĩpũ Jesu.

Ōagu Samaria majagu queorire werepũ Jesu

²⁵ Irisubu ta judio masare buhegu Jesu pohro eraa, Jesure ĩgu ñero wereniguicũ iidiaripũ:

—Buhegu, ¿yu arĩpehrerineri Goãmu mera arĩdiagu dohpa iigucuri yuhũ? arĩ serẽpipũ ĩgu Jesure.

²⁶ ĩgu eroparicũ Jesu yuhripũ ĩgure:

—¿Dohpa arĩ irire wereri Goãmu yare erã gojarapũgue? ¿Goãmu ĩgu arĩ gojarapũguere ĩgu mera ðaro arĩdiarire dohpa arĩri mu pepicã? arĩpũ Jesu ĩgure.

²⁷ ĩgu eroparicũ ĩgu yuhripũ:

—Ōpa arĩñumi Goãmu: “Turaro mu sĩporã mera, mu turari mera, mu ðaro guñari mera Goãmure mahique. Eropigũ mu basi mahiro dopa ta mu pohro arĩrã sãre mahique,” arĩ apiñumi Goãmu marire, arĩpũ ĩgu Jesure.

²⁸ ĩgu eroparicũ Jesu yuhripũ:

—Diaye ta arãbũ muhu. Irire iique. Eropigũ arĩpehrerineri Goãmu mera arĩgũca muhu, arĩpũ ĩgure.

²⁹ ĩgu masare buhegapũ “Ihĩ Goãmu ya dorerire iipehogu ahrimi,” masa ĩgure erã arĩ pepicũ gamepũ. Eropa gamegu ĩgu Jesure ðpa arĩ serẽpinemopũ:

—¿Noa ahriri Goãmu yare mahidoregu? arĩpũ ĩgu.

³⁰ ĩgu eroparicũ Jesupũ ðpa arĩ yuhripũ Samaria majagu ĩgu iirare weregu:

—Yujunũ Jerusalengue arĩdigũ Jericógue wagu maha ĩgu curicũ yajari masa ĩgure ñeñorã. Eropa ñearã ĩgu suhrirore tuwea aĩ, ĩgure turaro pañorã. Eropa parã sirmerejacũ gohra duhuñorã ĩgure. ³¹ Irisubu ta pahi iri mague arĩpũ. Eropa arĩgu erã padĩgure ĩaqueregu ta maha gajipũ masepũ ĩgure ĩhatarigã wapũ. ³² Eropi Goãmu wihi mohmegũ sã mojomorocũgu pohro eja ĩgure ĩha gajipũ masepũ tarigã wapũ. ³³ Erã eropĩquerecũ Samaria majagupũ ero waha yoañariogue ĩha ĩgure mojomoro ĩapũ. ³⁴ Eropigũ ĩgu mojomorocũgu pohro eja, igui deco vino uyũ mera morera deco mera ĩgu camire pisũpũ. Pisũtuhaja suhri gasiro mera diricãhmotapũ ĩgu camire. Tuhaja, ĩgure ĩgu yagu burro weca duhpeo, carĩri wihigue aĩ ejarũ ĩgure. Ero arĩgu ĩgu Samaria majagu ðaro ĩhadibupũ ĩgure. ³⁵ Gajinũ ĩgu carĩri wihi opũre pese niyerusere oho, ðpa arĩpũ: “Īre ĩhadibuque. Iseri sihabiricũ dipaturi dujarigũ wajayephegura,” arĩpũ Samaria majagu wihi opũre, arĩpũ Jesu.

³⁶ Eropa arĩtuha judio masare buhegure serẽpipũ Jesu:

—¿Ōã urerã ma mojomorocũgu pohro tarianirã nihinopũ arĩyuri mojomorocũgure mahigu? arĩpũ Jesu.

³⁷ ĩgu eroparicũ buhegapũ Jesure yuhripũ:

—Mojomorocũgure itamudigũ arĩñumi ĩgure mahigu, arĩpũ ĩgu Jesure.

—Mu sã masare eropa ta iigu waque, arĩpũ Jesu buhegure.

Marta, María sã pohro Jesu curipũ

³⁸ Eropi Jesu ĩgu buherã mera wacũ, gajĩ macague erã curicũ, Marta waĩcũgo erãre ĩgo ya wihi ñajaridorepo. ³⁹ ĩgu ñajara puhũ ĩgo pagu mago María waĩcũgo ĩgu guburi pohro doa ĩgu buherire peepo. ⁴⁰ ĩgo eropa iicũ ĩago Marta ĩgo mohmeri baja arĩcũ ĩago guapo. Eropigo ĩgo Jesure werepo:

—Opu, ¿yuhu yujugo ta mohmecũ yure yu pagu mago igo itamubiricũ õhari mu ãacã? Igo yure itamudoreque, arĩpo Marta Jesure.

⁴¹ Igo eroparicũ Jesu yuhripu:

—Marta, baja mre mohmeri arĩcũ wuaro pepia muhu. ⁴² Goãmu igu yare peedoremi. Maria õarire iibo irire beyemo. Eropigu yure igo peecũ, “Mohmetamugo waque,” arĩbea igore, arĩpu Jesu Martare.

11

Jesu Goãmure serẽburire buhepu

Mt 6.9-15; 7.7-11

¹ Yujunu Jesu igu Pagure Goãmure serẽgu iipu. Igu serẽtuhacũ yujugu igu buherã mera majagu õpa arĩpu:

—Opu, Ñu igu buherãre igu buhediro dopa ta Goãmure serẽire gna sãre buheque muhu, arĩpu igu Jesure.

² Igu eroparicũ peegu Jesu erãre werepu:

—Õpa arĩ Goãmure serẽque: “Gua Pagu, umaro majagu muhu õagu ãhraa. Dohpaguere arĩpehrerã weca opu ãhraa. Umarguere mu dorero erã iiro dopa ta i yeba majarã sã iiporo. ³ Eropigu umuri nucu gua baburire oniguicãque guare. ⁴ Gajirã erã guare ñero iirare gua cãdijiro dopa ta mu sã gua ñero iirare cãdijique. Eropigu gua ñeri iiborare cãhmotaque. Gua ñeri iiborare tauque,” arĩ serẽque Goãmure, arĩpu Jesu erãre.

⁵ Puhrguere igu buherãre õpa arĩ buhepu werenigui queori mera:

—Yujugu ñami deco igu acaweregu wihigie waha, igure serẽpu: “Acaweregu, ureru pan dipure oque yure. ⁶ Gajigu yu acaweregu curigu aridigu dohparagã yaha wihi erami. Eropiro igure yu oburi mara,” arĩpu igu igu acaweregu. ⁷ Igu eroparicũ igu acaweregu wihi pohecague arĩgu yuhripu: “Yure garibobita. Disiporo bihadiro ãhraa. Yuhu, yu porã mera carĩgu iiaa. Wahgãro bejabirica yure mre barire obudi,” arĩpu igu acaweregu. ⁸ ¿Dohpa warocuri serẽgure? Diaye arãa muare. Igu acaweregu arĩqueregu ta barire obudigu wahgãbiripu. Igu eropa wahgãdiabiriquerecũ ta bari serẽguru guhyasiribigu igu yoari boje serẽniguicũ arĩpehreri igu serẽro dopa ta puhru wahgã ogucumi. ⁹ Eropigu ire muare weregu iiaa: Goãmure mari Pagure serẽque. Eropa serẽrã mua serẽire bocarãca. Goãmure eropa serẽniguicãque. Mua eropa iicũ igu ogucumi. ¹⁰ Arĩpehrerã Goãmure serẽrã airãcoma. Eropirã erã serẽrare bocarãcoma. Eropigu arĩpehrerã Goãmure eropa serẽniguirãre igu erãre ogucumi.

¹¹ “¿Mua porã muare erã pan serẽcũ utãyẽpũre obocuri mua? Obiriboya. ¿Erã muare erã waire serẽcũ añapure obocuri erãre? Obiriboya. ¹² ¿Eropirã mua porã cãreña diuri serẽcũ corebapure obocuri mua? Obiriboya. ¹³ Mua ñerã arĩquereerã ta mua porãre õarire omasia mua. Eropigu Goãmuru mua tauro õarire ohomi muare. Igu mari Pagu umaro majagu igu Espĩritu Santore ogucumi igure serẽrãre, arĩpu Jesu igu buherãre.

—Jesu watĩ turarire opami, arĩ weresãnorã masa

Mt 12.22-30; Mr 3.20-27

¹⁴ Irisubure Jesu watĩre cõagu iipu. Watĩpu wereniguimasibigu arĩcũ iipu masure. Eropigu watĩ masure Jesu cõacũ masupu wereniguinugapu. Igu wereniguicũ peerã masa bajarã ãhamaria wañorã. ¹⁵ Erã eropa ucaquerecũ ta gajirãpu õpa arĩñorã:

—Ihĩ Jesu watẽare cõagu Beelzebũ waĩcũgu watẽa opu igu turari mera cohãmi, arĩñorã gajirã.

¹⁶ Gajirã “Muhu Goãmũ igu obeodigu arĩgu Goãmũ turari mera deyro moarire ii ãhmuque guare,” arĩñorã. ¹⁷ Erã eropa dorecũ peegu erã pepirire masigu, erãre õpa arĩ werenigui queori werepu Jesu:

—Watĩ ya turari mera watẽare cõãbeaa yuhu. Yuju maca majarã erã basi gamequeãrã, iri maca majarã pehrea wabocoma. Eropirã yuju wihi majarã erã basi gamequeãrã, iri wihi majarã pehrea wabocoma. ¹⁸ Eropigu Beelzebũ watẽa opu igu turari mera igu watẽare yure cõãdoregu igu basi igu yarãre cõãbocumi. Eropirã erã sã wapehrea waboñuma. Mua yure õpa arãa. “Igu Beelzebũ turari mera watẽare cohãmi,” mua yure arĩ weresã. ¹⁹ Mua mera majarã sã watẽare cohãma. Eropirã erã “Beelzebũ igu turari mera erãre cohãa,” arĩbeama. “Goãmũ igu turari mera watẽare cohãa,” arĩma. Eropirã mua yure “Watĩ turari mera watẽare cohãmi,” mua arĩra diaye arĩbiricũ mua mera majarã wererãcoma. ²⁰ Eropigu yuru watẽare cõãgu Goãmũ igu

Espíritu Santo turari mera iiaa. Yu eropa coácü íarã öpa arí masirãca mua: “Goãmu ïgu opu áriri i yebaguere ártuhaja dohpaguere,” aríãca, arípu Jesu.

²¹ —Watí turagu tarinugari werediácü öpa áhrraa, arípu Jesu. —Wihí opu turagu ïgu mojo mera ïgu wihire íhadibucü ïgu yare gajirã aïmasibeama. ²² ïgu eropa íhadibuquerecü ta gajigu turatarigu ïgure gamequeã, ïgure tarinuga, ïgu mojore emacã, ïgu yare aïcã gajirãre gueremi. “Watí turagu áríquerecü yuhu turatariaagu áhrraa,” arígu íipu Jesu i queori mera. ²³ Yujugu yare gamebigu yare íhaturigu áhrimi. Yujugu yare itamubigu yare teboricacü iigu iimi, arí buhepu Jesu.

Watí dipaturi masuguere ñajara queorire werepu Jesu
Mt 12.43-45

²⁴ Eropigu ïgu dipaturi werenigui queori mera öpa arí buhepu:

—Yujugu watí masu mera árídi waha deco mariri yeba cuhri, ïgu sooborore amaripu. Eropa bocabigu öpa arí pepipu: “Masu yu cóadi mera dipaturi árígu wagura,” arí pepipu ïgu. ²⁵ Eropa arígu ïgu dujaa waha, ïgu cóadigure ta masure bocapu daja. ïgure bocaboro core masupu öagu ñeri marigu árípu. ²⁶ Eropigu watí gajirã siete watëare ïgu tauro ñerãre sihugu wapu. ïgu eropa sihucü erã árípehrerã watëa masu mera áríñorã. Eropigu masupu ero core yujugu watíre opagu ñetariagu áríripu. Dohpaguepu bajará watëare opagu árígu, ero core ïgu árídiro tauro ñegu dujapu, arípu Jesu.

Jesu mucubirire werepu

²⁷ Iríre ïgu eroparícü masa watope árígo Jesure arípo busuro mera:

—Mure porãcudigo, mure mihudigo mucubirigo áhrimo, arípo Jesure.

²⁸ Igo eropa arítuhacü peegu Jesu igore yuhripu:

—Goãmu wereniguirire peerã ïgu dorerire iirãpu erã áríñãcoma mucubirã, arípu Jesu igore.

Masa ñerã Jesure Goãmu turari mera deyoro moarire iidoreriñorã
Mt 12.38-42; Mr 8.12

²⁹ Eropi bajarã masa Jesu pohro erã eracü, ïgu erãre werenemopu:

—Dohpague majará ñerã áhrima. Yu diaye arígu árícü mua masidiarã Goãmu turari mera deyoro moarire iidorerãa yare. Mua eropa dorequerecü ta Jona iribojegue majagu ïgu iira dihtare ii íhmugucumi Goãmu masare. ³⁰ Jona Goãmu yare weremúhtadígu árígu ïgu Ninive majarãre ïgu masicü iidiro dopa ta yuhu Goãmu ïgu oboedígu masicü iiaa dohpague majarãre. ³¹ Dipuwaja moarinu árícü iribojegue majago opu buro sur majago buro igo buro wahgãnuga muare dohpague majarãre weresãgocumo. Igo Salomo opu ïgu masirire peediago yoarogue aridígo Salomoe peego aripo. Dohpaguere mua watopere Salomo tauro masígu áhrraa. Yuhu mua mera áríquerecü mua yu masirire peediabeaa. Mua eropa peediabirira waja igo opu buro muare “Ñerã áhrima,” arí weresãgocumo. ³² Eropa ta dipuwaja moarinu árícü Ninive maca majará mura sã muare dohpague majarãre “Ñerã áhrima,” arí weresããcoma erã. Jona erãre Goãmu yare ïgu werecü peerã, erã ñerire bujawere, öarire gohrotonirã áríñorã erãpu. Dohpaguere mua watopere Jona tauro árígu áhrraa yuhu. Yuhu Goãmu yare werequerecü mua ñero iirare bujawerebeaa. Eropirã Ninive majará mura muare ñerire bujawerebirãre weresããcoma, arí werepu Jesu.

Masa erã pepiro dopa iima, arí werepu Jesu
Mt 5.15; 6.22-23

³³ Eropigu buhenemogu öpa arípu erãre:

—Masa sihãgodirure sihãgorã dibubeama. Irirure sihãgorã mátoro docague dibubeama. Irirure umarogue duhpomi wihigue ñajarirã erã íha ñajama öaro. ³⁴ “Mari cuiri mari dupere sihãgodiru iro dopa ta áhrraa,” arí werediácü öpa áhrraa. Mua pepiro dopa ta iiaa. Mua öaro mera pepirã áríñã öarire iiaa. Mua ñero pepirã áríñãpu ñeri dihtare iiaa. ³⁵ Eropirã öaro íique. Mua pepirigue ñero áríbiricãporo. ³⁶ Tuhaja mua pepirigue öari árícü, ñeri ne maricü öari dihtare pepirãca. Mua pepirigue öari árícü mua öarire iirãca, arí buhepu Jesu.

Fariseo masare, judio masare buherã sãre Jesu tuhri werepu
Mt 23.1-36; Mr 12.38-40; Lc 20.45-47

³⁷ Jesu ïgu buhetuhajacü íagu fariseo masu ïgure ïgu ya wihigue badoregu sihupu. Eropigu Jesu ïgu ya wihigue ñaja, erã baro erã mera doajapu. ³⁸ ïgu eropa doajacü fariseo masupu Jesure íhanurugu judio masa mojo coeniguiro dopa ta ïgu mojo

coebiricū ĩagu ōpa arī pepirū: “Cuena. ĩlhī duhpigu gūa iro dopa mojo coebeari?” arī pepirū. ³⁹ ĩgu eropa arī pepicū masigu Jesu ĩgure werepū:

—Mūa fariseo masa mūa dorero dopa ta mūa ihririparire, soropari sāre mūa coeweea mūa ōarire iirire ii ĩhmudiarā. Eropā coequererā ta mūa sīporāripure coebeaa. Eropirā mūa ārīricuri mūa pepiripure ne ōarire gohrotobeaa. Mūa pepiriguere gajirā yare yajadiarire űeri dihta āhraa. ⁴⁰ Pee masibirā āhraa mūa. Goāmū mūa dupare iigu muare pepiri sāre iipū. ĩrīre masibeari mūa? ⁴¹ Eropirā mūa Goāmū ya ārīburire iidiarā mūa pepirire ōarire gohrotomuhtaque. Mūa eropa iira pūhrū ōarire iirā ārīrāca.

⁴² “Mūa fariseo masa űero tarirāca. Bari ōaro surīburi sarire aī deara pūhrū diez quēri iiaa. Tuhaja yujuquē ta Goāmū wihigūe aīgā apia Goāmū dorero dopa ta. Eropa iri dorerire iiquererā ta diaye iirire, Goāmūre gamerire mūa ne guābeaa. Dūcare mūa aīrare merogā Goāmū wihire apicū ōhaa. Eropa iirā ōpa iinemoque: Diaye iirire, Goāmūre gameri sāre iique mūa.

⁴³ “Mūa fariseo masa űero tarirāca. Buheri wihigūe ārīrā ōari doari dihtare gahmea mūa. Doberi duarogue masa muare ōaro umupeori mera bocafīri serēcū gahmea mūa.

⁴⁴ “Mūa judio masare buherā, fariseo masa sā mūa guyaricūrā āhraa. űero tarirāca mūa. Masa gobe dibura gobe iro dopa ta āhraa mūa. Iri gobe pohro masa tarigārā pohecague boanirā ārīcū masibeama. Eropa ta masa mūa pohro ārīrā mūa pepirigūe űeri ārīcū masibeama erā, arīpū Jesu erāre.

⁴⁵ ĩgu eroparīcū peegu judio masare buherā mera majagu Jesure werepū:

—Buhegū, irire arīgu, gūa sāre űero arīgu iica mūhū, arīpū ĩgu Jesure.

⁴⁶ ĩgu eroparīcū Jesu yūhrīpū:

—Diaye ta āhraa. Mūa masare buherā sā űero tarirāca. Mūa gajirāre erā bocafūbiririre iidora erāre. Eropa dorequererā mūarū erāre ne merogā itamubeaa iri dorerire erā iiboro dopa.

⁴⁷ “Eropirā mūa űero tarirāca. Goāmū yare weremuhtanirā mūa ya masa guberire ōaro amuraa mūa erāre umupeoro dopa ta iirā. Mūa eropa iiquerecū ta irībojegue majarā mūa acawererāpū erāre wejēñuma. ⁴⁸ Erāpū Goāmū ya weremuhtanirāre erā wejēdīro dopa ta mūa sā iiboya. Eropirā dohpaguere erā masa guberire amuraa mūa. Eropa amurā mūa acawererā erāre wejērare guāaa mūa. Erā eropa wejērare guāarā “Ōaro iñuma,” arīraa mūa, arīpū Jesu.

⁴⁹ “Eropigu Goāmū ĩgu masiri mera ōpa arī wereyuñumi: “Yahare weremuhtamorāre yū buherire buhemuhtamorā sāre obeogura erāre. Eropirā erā yū obeorāre gajirāre wejē, gajirāre űero iirācoma,” arīyuñumi Goāmū, arīpū Jesu. ⁵⁰⁻⁵¹ I yebare Goāmū ĩhacūnugura pūhrū Caīnpū Abelre wejēñumi. Ero pūhrū Goāmū yare weremuhtanirāre wejēñuma. Pūhrū Zacariare mūa acawererā mūa ta ĩgure wejēñuma. ĩgu Goāmū wihi pohro Goāmū ya ārīburire waimūrā soeburi mesa pohro ārīcū mūa acawererā ĩgure wejēñuma. Árīpehrerā erāre erā wejēra dipuwaja dohpague majarā dipuwajacūrācoma. Eropa ta āhraa. Mūare ta arīgu iiaa. Árīpehrerā erāre erā wejēra dipuwajare dohpague majarāre Goāmū dipuwaja moagūcumī.

⁵² “Mūa masare buherā, mūa űero tarirāca. Goāmū masirire ĩgu gojarare opaquererā ta gajirāre werebeaa mūa. Mūa basī Goāmū yare peebeaa. Eropirā gajirā ĩgu yare erā peediaquerecū ta irire mūa erāre peedorebeaa, arīpū Jesu erāre.

⁵³⁻⁵⁴ ĩgu eroparīcū peerā judio masare buherā, fariseo masa sā ĩgu mera guarā ĩgure űero wereniguñorā. Eropirā Jesu ĩgu űero arī yūhrīcū peediarā, erā serēpinūñorā ĩgure weresādiarā.

12

Erā guyarire Jesu werepū

¹ Eropi Jesu pohro masa bajarā gohra gamenereñorā. Cūhña taricāyoro. Ero Jesu ĩgu buherāre ōpa arī werepū:

—Ōaro guña masique mūa. Fariseo masa erā pan bugacū iiburire ĩarā ōaro masique. Erā guyarire weregū iiaa. ² Masa erā yayasārare pūhrū masirācoma. Erā dibura sāre gajirā masirācoma. ³ Eropiro gajirā peebirogue mūa wereniguirare ōaro masicū Goāmū weregūcumī. Bihara taribugue gajigūe erā yayarogā erā arīrare masa bajarā watope masicū iigūcumī Goāmū.

Masa erā gūibure werepū Jesu

Mt 10.26-31

⁴ Eropigu Jesu werenemopū erāre:

—Diaye arĩgu iiaa muare. Masure wejērā wejētūha dipaturi erā wejēdigure ñero iimasibeama. Eropirā muare wejēdiarāpüre güibiricāque. ⁵ Dohpaguere mua güibure mua umupeobure weregura. Goāmüpüre güi umupeoque. Īgu mua sīrira pũhrũ peamegue cóāmasimi muare. Eropa ta āhraa. Diaye arĩgu tiiaa. Goāmüpüre güi umupeoque.

⁶ Cinco mirua waja marima. Eropa waja mariquerēcū ta erāgāre Goāmũ ihadibumi. Ne cādijibeami erāre. Mirua tauro Goāmũ ihadibumi muapure. ⁷ Eropigũ mua poari säre ne yuju podagā duhyaro mariro masipehomi Goāmũ. Eropa ta mua árĩricuri säre masipehomi. Eropa masigũ muare ihadibuniguicāmi. Miruare ĩgu mahiro tauro muapure mahimi Goāmũ. Eropirā ĩgure umupeorā güibiricāque mua, arĩpũ Jesu.

Jesure mua umupeorire wereque masare, arĩpũ Jesu

Mt 10.32-33; 12.32; 10.19-20

⁸ Eropi Jesu werenemopũ:

—Muare arĩgu iiaa. Yujugu “Jesu yagu āhraa,” masare ĩgu arĩ werecū ĩagu yũhũ Goāmũ ĩgu obeodigu sã “Īgu yahagu āhrimi,” arĩgũca Goāmũ yarā anyuare. ⁹ Yujugu masare güigu yure “Jesucristore masibea,” masare arĩ weregure yũ sã “Īgure masibea,” arĩ weregũca anyuare.

¹⁰ “Yũ masure Goāmũ ĩgu obeodigure ñero arĩ erā wereniguicũ iri ñerire Goāmũ cādijimasimi. Eropa cādijiqueregu ta Espĩritu Santopüre erā ñero arĩ wereniguicũ irire ne Goāmũ cādijisome.

¹¹ “Mari buheri wirigüe oparã pohro gajirã muare aĩ ñaja weresārācoma. Erā eropa weresācũ mua arĩ cāhmotaburire ne wũaro pepibiricāque. ¹² Irisubu ta Espĩritu Santo mua wereburire muare weregũcumi, arĩpũ Jesu.

Doberi opũ queorire werepũ Jesu

¹³ Eropi masa watope arĩgu Jesure õpa arĩ werepũ:

—Buhegu, gua pagu ĩgu sīrira pũhrũ ĩgu ya árĩra guare dujaa. Eropigũ yũ tĩgure irire yũ säre queoro dũca wadoreque, arĩpũ ĩgu Jesure.

¹⁴ Īgu eroparĩcũ Jesu yũhrĩpũ:

—Ne irinore dũca wabuno árĩbeaa yũhũ, arĩpũ Jesu ĩgure.

¹⁵ Eropa arĩtuha Jesu árĩpehreräre werepũ:

—Õaro iique mua. Doberire, gajino säre gametaribiricāque. Baja opaquererã ta iri mera ta mucubirituhajabeaa mari, arĩpũ Jesu.

¹⁶ Eropa arĩtuha Jesu eräre i queori mera werepũ:

—Doberi opũ õari yebare oparũ. Eropiro iri yebare ĩgu oteri õaro dũcacũyoro. ¹⁷ Eropigũ ĩgu, ĩgu basi õpa arĩ pepirĩpũ: “Iri dũca yũhũ diburi wihire ne sihajasome.

¹⁸ Dohpaguere õpa iigũra. I wihĩ dohpague yũ dibumũhtara wihire cócã, dohpaguere mũra wihĩ tauro mama wihĩpüre wũari wihĩ iigũra. Iri wihire yaha oteri dũcare, árĩpehrerire dibugura. ¹⁹ Yũ eropa iira pũhrũ õpa arĩ pepigura yũ basi: ‘Yũ árĩpehreri opagu āhraa. Óaro soogura. Eropigũ baha, ihri, mucubirigũra,’ arĩ pepigura yũ basi,” arĩ pepirĩpũ ĩgu basi. ²⁰ Īgu eropa arĩ pepiquerecũ Goāmũ ĩgure werepũ: “Mũhũ ne pee masibĩgu āhraa. Dohpagã ñami ta mũhũ sīrigũca. Mũ eropa wacũ mũ ya mũ mahira dederea waroca mũre,” arĩpũ Goāmũ ĩgure, arĩpũ Jesu masare.

²¹ Irire arĩgu masare õpa arĩ werepũ Jesu:

—Eropa ta warācoma doberi oparã erā Goãmũre guñabirã. Baja doberire, niyerure erā ya árĩburi dihtare diburã, Goãmũre guñabirã erā mojomorocurã iro dopa árĩrācoma erā Goāmũ ĩgu iacũ. Eropigũ Goāmũ eräre ihasuabeami, arĩpũ Jesu.

Goãmũ ĩgu poräre ihadibumi, arĩpũ Jesu

Mt 6.25-34

²² Eropi Jesu ĩgu buheräre õpa arĩ werepũ:

—Ire muare arĩgu iiaa: Mũa barire, suhri säre wũaro guñaricũbiricāque. ²³ Goãmũ muare deyoro moagu bari dihtare bamoräre suhri sañamorã dihtare iibiriñumi muare. Mũa iri dihtare guñacũ gamebeami. ²⁴ Mirimagũ poräre Goãmũ ĩgu ihadiburire masique. Erã poeri moorã āhrima. Eropiro erã bari dihuri wiri eräre mara. Goãmũpũ eräre erã baburire ohomi. Mirimagũ porã tauro muapure mahimi Goãmũ. Eropigũ mua säre ihadibugũcumi ĩgu. ²⁵ Wũaro mua pepiri mera iri muare pagarã wacũ iibeaa. Eropiro mari wũaro pepiri duhpĩburi árĩbeaa. ²⁶ Eropirã wũaro mua pepiri duhpĩburi árĩbiriquerecũ ta, duhpĩrã mua baburire, mua ihriburire, mua sañaburire wũaro guña bujawere pepiri mua?

²⁷ “Nęgu maja gorire pepique. Iri gori ne iiro mariro ğari goricua. Iri gori ğari suhri iro dopa ğari gori dehyoa. Salomo opu męru ğari suhri opagu İęu arıquerecü ta iri goripu İęu ya suhri tauro ğari dehyoa. ²⁸ Iri gorire ğari gori gocü iimi Goāmęru. İęu eropa iiquerecü ta iri goripu bajamenurigā arıra pęhrę naidija pehrea wahaa. Merogā aħri gajınu peamege soe cōacāma. Iri eropa mata peħrequerecü ta iri gorire iri ğari gori arıcü iimi Goāmę. Eropıęu Goāmę iri gorire İęu ğari gori arıcü İęu iidiro dopa ta tauro mua säre ğaro iıęucumi. Suhrire ogucumi. Daberogā Goāmęre umupeoa mua. ²⁹ Eropırā mua baburire, mua ihriburire wuaro guñabiricāque. ³⁰ Goāmęre masibirāpu i yeba majarāpu irire eropa amanıguicāma. Mari Paęu umaro majagu arıpeħrerı mua gamerire masimi. İęu eropa masicü mua ya arıburire wuaro guñabiricāque. ³¹ Goāmę mua opu İęu arıborore gamemaħtaque mua. Mua eropa iira pęhrę Goāmęru mua gameri duhyacü ogucumi, arıpu Jesu.

Umarogue mari baja opaa, arı masia mua, arıpu Jesu
Mt 6.19-21

³² Eropıęu eräre werenemopu:
—Yu mahırā, bajamerāęā arıquererā güibiricāque mua. Goāmę İęu opu arırore İęu mera mua arıcü gahmemi İęu. ³³ Eropırā mua yare duapehoęue. Irire duacā, iri niyerure mojomorocuräre oęue. Eropırā umaro maja Goāmę ya arıburire mohmeęue. Eropa iirā umaro maja mua wajatari ne peħreesome. Umarogue mua ya arıri ne peħrebeaa. Eroęuere mua yare aımasibeami yajari masu. Eropırā mega sā irire tuamasibeama. ³⁴ Umarogue mua ya arıcü Goāmę ya dihtare pepırāca mua, arıpu Jesu.

Jesu İęu dujariborore coređorepu İęu yaräre

³⁵⁻³⁶ Eroparıtuhaja eräre werenemopu daja:
—Mua yare amuyınırā iro dopa arırā yahare eropa iinıguırā arırā coreęue ya dujariborore. Mohme corerā erā opu mojoto diriri bosenuęue İęu wacü İęu dujariborore erā cohrema. Erā eropa corero dopa ta yu dujariborore coreęue mua sā. Opu İęu ya wihıęue eraa, disıporore İęu dotecü peerā erā mata pāęü acuma İęure. ³⁷ Mohme corerā erā opu eracü İęu gamero dopa ta iıyurā arırā mucubırırā arırācomaa. Erā eropa iicü İaęu erā opu mohme coreęu iro dopa goħrotogucumi. Eropıęu mohme coreräre doadore, İęu eräre barire duħpeogucumi. ³⁸ İęu erarisubu nāmi deco arıcü, o boyorogue arıquerecü mohme corerāpu İęu erarisubure İęure ğaro corerā arırā, mucubırırā arırācomaa erā. ³⁹ Ire guñaque mua. Wihi opu yajari masu İęu eraborore masıęu, İęu yajari masure coreęu nājadorebirıboñumi. ⁴⁰ Eropırā mua sā coreęue. Yuhı masu Goāmę İęu obeodıęu guñaña mariro arıęuca. Eropırā yahare eropa iinıguırā arırā yare coreęue mua, arıpu Jesu eräre.

Gajıęu mohme coreęu İęu opuere İęu umupeopu. Gajıęuru umpeobırıpu, arı werepu Jesu

Mt 24.45-51

⁴¹ İęu eroparıcü Pedropu serēpipu Jesure:
—Opu, ği queorire wereęu guare arıęu iiri? ĞO arıpeħreräre eropa arıri? arıpu Pedro.
⁴² İęu eroparıcü Jesu werenıęui queoriñe mera opa arı buħepu eräre:
—Mohme coreęu İęu opuere umupeogu pee masıęu opa ta aħrimi. Opu curıęu wagu, mohme coreęure İęu wihıre apimi. İęu apıęuru doreęu arıęucumi. Eropıęu barısabu arıcü gajırā mohmeri masare barire ğueremi. ⁴³ Eropıęu opu İęu ya wihıęue dujarıami. İęu opu eracü mohme coreęuru İęu opu İęu dorediro dopa ta iıpeħodıęu arıęu, İęu mucubırıęu arıęucumi. ⁴⁴ Diaye arıęu iiaa męare. İęu eropa iicü İaęu İęu opu arıpeħrerı İęu yare İhadıbuęu apıęucumi İęure daja. ⁴⁵ Nęęu mohme coreęuru opa ta aħrimi. “Yu opu yoja deyobeamı,” arımi. Eropa arıęu gajırā mohme coreräre umare, nome säre pami. Eropıęu wuaro baha, ihri, meremi. ⁴⁶ İęu eropa iirisubu guñaña mariro İęu opu dujaragucumi. İęu dujararinure ne masibeami mohme coreęu. Eropa dujaragu ñeęu İęu iirare pee İęure ñero dipuwaja moagucumi. Eropıęu Goāmęre tarınaganıräre İęu cōadıroęue İęure cōaęucumi.

⁴⁷ “Eropıęu mohme coreęu İęu opu gamerire masıęu arıquereęu ta irire İęu iıbiricü, İęu ğaro İęu mohmebiricü, İęu opu İęure burıęā dipuwaja moa paęucumi İęure. ⁴⁸ Gajıęu mohme coreęuru İęu opu gamerire masıbigu arıcü İęu opu İęure daberogā ñari İęu eropa arıri dipuwajare paęucumi. Goāmę İęu gamerire masicü iimi masare. Eropıro masıęure yuħriro gahmea. Eropıro ğaro masıęure ğaro yuħriro gahmea, arıpu Jesu.

Jesu masare game dũca waricũ iimi

Mt 10.34-36

⁴⁹ Eropa arĩtuha Jesu erãre werepũ daja:

—Peame soewearo dopa ta yũhũ i yebare masa erã ñero iirire cóãgũ arigũ iibũ. Dohpague ta masa arĩpehreri ñeri marirã áricũ burigã gahmea yũhũ. ⁵⁰ Yũhũ ñero tarigũca. Yũ eropa ñero tariburire coregũ, ñero síporãcũa yũhũ. ⁵¹ ¿Dohpa arĩ pepiri mũa yũre? Yũhũ i yebaguere buhegu aricũ yũ buheri mera “Masa ñaturisome pare,” ¿arĩ pepiri mũa? Eropa arĩbeaa. Muare arigũ iiaa. Masa yũ buherire peerã, pe curu erã basi game dũca warirãcoma. Yujurãyeri yũ buherire peerãcoma. Gajirãpũ irire gamebirã erãre ñaturirãcoma. Eropirã yujuro mera arĩsome masa. ⁵² Eropirã yuju wihi majarã sã cinco masa yũ buherire peerã, pe curu erã basi game dũca warirãcoma. Yuju curu urerã, gaji curu perã arĩrãcoma. ⁵³ Igũ pagũ igũ magure ñaturigũcumĩ igũ yaha buherire peecũ. Gajigu magu sã igũ pagure ñaturigũcumĩ. Eropigo igo pago igo magore ñaturigũcumo. Gajigo mago sã igo pagore ñaturigũcumo. Eropigo igo muñeco igo bepre ñaturigũcumo. Gajigo bepo sã igo muñecore ñaturigũcumo. Eropa warãcoma yaha buherire erã peecũ, arĩpũ Jesu.

Jesu “Mũa yũ iirire ñaquererã yũre masibea,” arĩ werepũ Jesu masare

Mt 16.1-4; Mr 8.11-13

⁵⁴ Eropi Jesu masare bajarãre òpa arĩ werepũ daja:

—Abe ñajarogue imica cururi ñarã, “Mata deco ariroca,” arãa mũa. Mũa eropa arĩra pũhrũ deco ahraa. ⁵⁵ Eropirã surgue miruñe aricũ “Asirinũ arĩroca,” arãa mũa. Mũa eropa arĩra pũhrũ irinũ asia. ⁵⁶ Mũa guyaricurã ahraa. Yebare ñarã, umarore ñarã “Òpa waroca,” arĩ masia mũa. Òarinũ arĩborore, ñerinũ arĩboro sãre masia mũa. ¿Eropa òaro masiquererã ta, duhpirã dohpague yũ Goãmũ turari mera yũ muare ñhmuquerecũ ta ne irire òaro masibeari mũa? arĩpũ Jesu.

Muare ñaturigũ mera mũa gamequeãrãre mũa basi amuque, arĩ werepũ Jesu

Mt 5.25-26

⁵⁷ Eropa arĩtuhaja òpa arĩ werenemopũ:

—¿Mũa diaye iiburire masibeari mũa dohpa? ⁵⁸ Gajigu mũre weresãgu wagu dipuwaja moadoreri wihigue wadorebocumi. Erogue ejaboro core “Dipaturi mũre eropa iisome,” arĩ game amuque. Mũhũ ñgũre amubiricũ mũre ñgũ dipuwaja moadoreri wihigue aĩgãbocumi mũre. Eropigu dipuwaja moadoregũpũ mũre surarare ñgũ wiacũ, mũre surara peresu iirãcoma. ⁵⁹ Mũre arigũ iiaa. Ne erã wajayedorerare mũ wajayephocãgue wirigũca mũhũ, arĩpũ Jesu.

13

Mũa ñeri iirare bujawere, òarire gohrotoque, arĩ buhepũ Jesu

¹ Irisubure bajamerãgã masa Jesure òpa arĩ wereñorã:

—Galilea majarã Goãmũre waibũgure wejẽ, erã soe muju umupeorisubu Pilatopũ erãre wejẽpũ. Igũ eropa wejẽcũ waibũgu di mera masa di morera wayoro, arĩ wereñorã erã Jesure.

² Erã eropa weretuhajacũ Jesu yũhrĩpũ:

—¿Galilea majarã Pilato Igũ wejẽñirã mũrãre dohpa arĩ pepiri mũa? ¿Erã eropa sĩrĩrã gajirã Galilea majarã tauro ñerã arĩra dipuwaja sĩriyuri? ³ Arĩbeaa. Muare arigũ tiiaa. Mũarũ ñerire bujawerebirã, òarĩpũre gohrotobirã, mũa sã sĩrĩrã peamegue warãca. ⁴ Eropirã sohõ arĩñirã diez y ocho masa Siloé waĩcuri wihi umari wihi erã weca yuribeja wejẽpehoyoro. ¿Eropa wa sĩrĩrã gajirã Jerusalén majarã tauro ñerã arĩra dipuwaja sĩriyuri mũa pepicũ? ⁵ Arĩbeaa. Muare arigũ tiiaa. Mũa ñerire bujawerebirã òarĩpũre gohrotobirã, mũa sã sĩrĩrãca. Eropirã peamegue warãca, arĩpũ Jesu erãre.

Higueragu dũca maridigũ queorire werepũ Jesu

⁶ Eropa arĩtuhaja, Jesu i queori mera werepũ erãre:

—Pohe opũ igũ pohegue Igũ higueragure opapũ. Eropigu Igũ irigu dũcare amagu warĩpũ. Vocabirĩpũ. ⁷ Vocabirĩnijagu Igũ iri pohe mohmegure werepũ. “Peegue yũre. Uñre bojori gohra higueragu dũcare amaraa. Dũca mara. Irigu dũca maricũ irigũre pa cóãcãque. Irigu yaha pohe aricũ gajigũre otemasibea,” arĩpũ pohe opũ mohmegũre. ⁸ Igũ eroparĩcũ peegu mohme coregũ òpa arĩpũ: “Opũ, irigu yuju bojori gohra ñigũñiporo. Yũhũ irigu gubuyere seatu nujatu ñigũra. Tuhaja waibũgu gũra mera iri gobere yaagũra. ⁹ Yũ eropa iira pũhrũ irigũre gaji bojori dũcacũcũ òaroca. Dũca maricũ mũhũ padoregũca,” arĩpũ mohme coregũ pohe opũre, arĩ werepũ Jesu.

Sabodonu Jesu dorecugore ðago iipu

¹⁰ Irisubure Sabodonu Jesu judio masa buheri wihigue buhegu iipu. ¹¹ Ero pūiriri dorecugo diez y ocho bojori gohra pūiriri dorecugo árīpo. Eropigo opatū niguigo árīgo, diaye niguimasibirīpo. ¹² Igo eropa árīcū ĩagu Jesu ĩgore ĩha, piyupū:

—Noméo, mu dorecūri pehrea wahabu, arī piyupū Jesu.

¹³ ĩgu piyura puhru ĩgore ĩgu mohmepicū mata ĩgo diaye niguigo wapo. Eropa wago “Goāmu turagu, ðagu āhrimi,” arī Goāmure umupeo igo. ¹⁴ Jesu ĩgore Sabodonu árīcū ĩgu ðago ĩgore iicū ĩagu iri buheri wihi opūpū ĩgu mera guapū. Eropa guagu ĩgu masare ðpa arīpū:

—Seis nūri āhraa mari mohmerinūri. Eropirā mua dore ðarā árīdiarā irinūrire taudorerā ariqūe. Sabodonure mari soorinūre irire iibiricāro gahmea, arīpū wihi opū.

¹⁵ ĩgu eroparīcū Jesu ðpa arī yuhripū:

—Mua guyaricūrā āhraa. Mua wecūare, burro sāre oparā Sabodonu árīquerecū erā diriradare pā, erāre aī buha ihridorea. ¹⁶ Dohpague ĩgore Abrahā mūru acaweregore watī diez y ocho bojori gohra ĩgore dorecūcū ĩimi. ¿Sabodonu árīcū ĩgore ðago iidorebeari mua? arīpū Jesu.

¹⁷ ĩgu eroparīcū erāpū guhyasiuro wañorā. Eropirā gajirāpū árīpehreri Jesu iirare ĩha mucubiriñorā.

Mostaza coye queorire werepū Jesu

Mt 13.31-32; Mr 4.30-32

¹⁸ Eropigu Jesu werepū daja:

—¿Goāmu masa tauro opū ĩgu árīri werediacū ñeheno iro dopa āhriri mua pepicū? I werenigui queoriñe mera weregura yūhu. ¹⁹ Mostazayegā iro dopa āhraa. Iriyegāre oteri masu yujugu ĩgu ya pohegue otemi. ĩgu otera puhru ðaro puhria. Eropiro yucūgu wuadigu wahaa. Eropa wacū mirimagū porā bajarā irīgu dūpūrigue suhri suama. Eropa ta umaro majagu mari Opure masirā bajamerāgā erā árīmuhtaquererā puhruquere erā bajarā warācoma, arīpū Jesu.

Pan bugari queorire werepū Jesu

Mt 13.33

²⁰ Eropigu dipaturi Jesu werenigui queoriñe mera buhepū:

—¿Goāmu masa tauro opū ĩgu árīri werediacū ñeheno iro dopa āhriri mua pepicū? ²¹ Pan bugacū iiburi iro dopa āhraa. Yujugo nomeo panre iigo pan bugacū iiburi pohgare merogā moremo trigo pohga mera. Igo eropa iicū pan bugacū iiburi pohga merogā árīquerero trigo pohgare ðaro seyapehrea wahaa. Eropa ta umaro majagure mari Opure bajarā masa masirācoma, arīpū Jesu.

Miri disiporogā queorire werepū Jesu

Mt 7.13-14, 21-23

²² Eropi Jesu paga macarigūe, muta macarigāgue buhegā, Jerusaléngue ejabu iipu.

²³ ĩgu eropa warisubū masu Jesure ðpa arī serēpipū:

—Opū, ¿bajamerāgā dihtare peamegue wabonirāre Goāmu taugūcūri erā ĩgu pohro waboro dopa? arīpū ĩgu Jesure.

ĩgu eroparīcū Jesu werenigui queoriñere buhegu ðpa arī werepū:

²⁴ —Yū muare ðpa arāa: Bajarā Goāmu pohrogue wadiaquererā wamasisome. ĩgu pohro waburi miri disiporogā ñajaro dopa āhraa. Eropirā mua i disiporogāre turaro ñajadiarā iro dopa ta ĩgu yare iique. ²⁵ Opā iigūcūmi Goāmu bajarā masare. ĩgu wihi opū iro dopa āhrimi. Wihi opū wahgā, disiporore bihagūcūmi. ĩgu eropa iicū disiporogue mua niguirā disiporo biharisere doterāca. Doterā ðpa arīrāca. “Opū, disiporore pāgūque guare.” Mua eroparīcū wihi opūpū yuhrigūcūmi. “Mua aridirore masibeaa yūhu. Eropigu muare masibeaa,” arī yuhrigūcūmi, ²⁶ ĩgu eroparīcū mua yuhriarāca. “Mu mera gua baha, ihrību. Gua ya maca buhebu muhu,” arīrāca mua.

²⁷ Mua eroparīcū ĩpūpū yuhrigūcūmi. “Mua aridirore masibeaa. Árīpehrerā mua ñeri iinirā yū pohro aribiricāque,” arīgūcūmi wihi opū. ²⁸ Eropi Abrahāre, Isaare, Jacobore, árīpehrerā Goāmu ya weremuhtanirāre Goāmu ĩgu opū árīrore erā árīcū iarā, mua disiporogue cōānirā árīrā burīgā orerāca. Eropirā mua turaro bujawererā, mua gūcūrire cūridihurāca. ²⁹ Irisubure norte majarā, sur majarā, abe mūririro majarā, abe ñajaro majarā Goāmu ĩgu opū árīroguere eja, mesa pohro doarācoma. ³⁰ Dohpague árīrā pohro majarā árīrā irisubure oparā árīrācoma. Eropirā dohpaguere “Oparā āhraa,” arīrā irisubure pohro majarā árīrācoma, arīpū Jesu.

*Jerusalén majaräre buriğā mahipū Jesu**Mt 23.37-39*

³¹ Irisubure bajamerāğā fariseo masa Jesu pohrogue ejarā, ĩğure wereñorā:
—Herode mure wejēdiami. Eropiğū gajipū waque muhu, arñorā erā ĩğure.

³² Erā eroparicū Jesupū yuhripū:

—Herode guyaricūğū āhrimi ĩğū. Ōpa arī wereque ĩğure: “Jesu watēare cóağū iimi. Eropiğū dorecaräre ðarā ĩğū iimi. Irire dohpagāre, ñamigā säre iigucumi. Eropiğū ñamigā core mohmetugucumi,” arī wereque Herodere. ³³ Eropiğū dohpagāre, ñamigāre, ñamigā core säre Jerusalēngue curiğū wagura. Ero yure Goāmū yare weremuhtagure wejērācoma masa. Goāmū yare weremuhtagure erā wejēbupure Jerusalēngue árro gahmea. Eropiğū yure i maca ta dujaro gahmea.

³⁴ “Mūa Jerusalén majarā, mūa acawererā mūra Goāmū ya weremuhtaniräre wejēmürinirā árma. Eropirā Goāmū obeoniräre utā mera deamürinirā árma. Cäreña buro igo poräre igo quēdūpuri mera igo coā oyaro dopa ta bajasuburi opadiaribū muare. Muapu irire yure ne gamebiribū. ³⁵ Dohpaguere mūa árri maca cóara maca árroca. Diaye arığū tııaa muare. Pūhrū dujarığūca daja yuhū. Eropa yū dujaricū ĩarā mūa yure Goāmū turari mera arığū “Ōaro arıporo,” arırāca. Yure mūa irire arıboro core dipaturi yure ĩasome mūa, arıpū Jesu.

14*Dorecugure ðağū iipū Jesu*

¹ Gajinū erā soorinū Sabadonū árıcū fariseo masa oparā mera majagū ya wihigue Jesu bagu wapū. Iri wihi árırā ĩğure ĩhanürasiañorā. ² Eropiğū ñiğağū biğiğū ĩğū pohrogue ejarū. ³ Eropiğū Jesu judio masare buheräre, fariseo masa säre serēpipū:

—¿Mari soorinūre dorecugure ðağū iidoreri Goāmū yare erā gojarapū? arıpū Jesu.

⁴ ĩğū eropa arī serēpiquerecū ta erā yuhribiriñorā. Erā yuhribiricū ĩağū Jesu ñiğağū biğiğure ðağū iipū. Tuhajanugu, “Waque,” arıpū ĩğure. ⁵ Eropa iituhagu eräre serēpipū daja:

—¿Mūa yağū burrore o mūa yağū wecure gobegue yuhridijadigure mata aı wiubeari mūa mari soorinū árıquerecū? arıpū Jesu.

⁶ ĩğū eropa arıquerecū ta erā ĩğū serēpirire yuhrimasibiriñorā daja.

Mojoto dirirogue sihubeoniräre werepū Jesu

⁷ Fariseo masū ya wihi arığū iri wihi majagū ĩğū sihubeonirā oparā doarire erā beyemuhtacū ĩapū Jesu. Eropa ĩatuha ire werepū árıpehreräre:

⁸—Mojoto diriri bosenu árıcū ĩğū muare sihubeocū, ĩğū ya wihigue eja oparā doarire beye doabiricāque. Mūa tauro guhyadiaräre sihubeonūmi iri wihi opū. ⁹ ĩğū eropa iicū mūa oparā doarire doacū “Ōā guhyadiaräre mūa doarire oque,” muare arıbocumi wihi opū. ĩğū eroparicū mūa guhyasıuro dujarāca. Eropirā bu árırā doarire doarā warāca. ¹⁰ Eropirā wihi opū muare sihubeocū, bu árırā doarire doamuhtaque. Mūa eropa iicū wihi opū muare oparā doarıpure “Doarā arique,” arığucumi ĩğū muare. Mūa eropa wacū gajirā ĩğū sihubeonirāpū muare umupeori mera ĩarācoma. ¹¹ Yujugū ĩğū basi “Opū āhraa,” arı pepiğū bu arığū arığucumi. Eropiğū gajığū “Bu arığū āhraa,” arı pepiğū, gajıräre tarinūğadiabığū opū arığucumi, arıpū Jesu eräre.

¹² Eropa arıtuha Jesu wihi opure werepū:

—Mūhū bosenu iığū mū pohro árıräre, mū pağū poräre, mū acawereräre, doberi oparäre sihubiricāque. Mūhū eräre sihcū mure erā sā sihu gamerācoma daja. Eropa sihu gamerā mure erā wajamorire wajayerācoma. ¹³ Mūhū bosenu moağū mojomorocuräre, curimasibiräre, yujupū guburu poyaniräre, cuiiri ĩhajabiräre sihubeoque. ¹⁴ Mū eropa iicū ĩağū Goāmū mure ðaro iigucumi. Erāpū mure erā sihura wajamorire wajayemasibeama. Eropiğū ðarā sırinirā erā masa müriarisubū árıcū Goāmūpū mure wajayegucumi, arıpū Jesu wihi opure.

Wuari bosenu iira queorire werepū Jesu

¹⁵ ĩğū eroparicū peegu gajığū bari mesa pohro doadığū Jesure werepū:

—Goāmū ĩğū opū árro ĩğū bari mesa pohro doarā turaro mucubirirā árırācoma, arıpū ĩğū Jesure.

¹⁶ ĩğū eroparicū Jesu i queorire werepū ĩğure:

—Wuari bosenu iığū bajarā masare sihubeopū. ¹⁷ ĩğū sihubeora pūhrū bosenu árırinū gohra mohme coregure ĩğū sihubeoniräre weredoreğū obeopū. “Ma, árıpehrerire bosenu maja árıburire amutuhama. Eropiğū muare sihubeomi,” arı weredorepū

mohme coregure. ¹⁸ Mohme coregu İgu eropa arı werequerecũ ta, İgu sihunirãpu "Wamasibirica," arĩnorã erã. İgu sihumuhtadigu õpa arı werepu mohme coregure. "Dohparagã yebare asũabu. Eropigu iri yebare İagu wabu iiaa. Eropigu wamasibirica. Umupeoque yare. Yare masiya mara, arıque," arıpu İgu sihumuhtadigupu mohme coregure. ¹⁹ Gajigupu õpa arıpu: "Wecũare pe mojtocu majarã dohparagã ta asũabu. Eropigu wecũare queo İagu wabu iiaa. Eropigu wasome. Yare wamasiya mara," arıpu İgu sã. ²⁰ Gajigupu õpa arıpu: "Yũhu dohpagã mojtoto dihriabu. Eropigu iri bosenure wamasibirica," arıpu İgu mohme coregure. ²¹ İgu eroparicũ mohme coregupu dujaa wa, İgu opure erã arırare werepehopu. İgu eropa arı werecũ İgu opu turaro gua, õpa arıpu mohme coregure. "Yojarõ mera macã áriri marigue, mojomorocũrã erã áriri marigue waque. Eropigu mojomorocũrãre, curimasibirãre, cuiri ihajabirãre, poyari masare yojaro mera aĩgãrique erãre," arıpu opu. ²² Pũhrũ mohme coregu werepu İgu opure: "Opu, mu dorediro dopa ta masare sihuabu. Yu eropa sihuquerecũ ta gajirã sã iri taribure sihajarãcoma," arıpu mohme coregu. ²³ İgu eroparicũ opu İgure dorepu: "Campogue waque. Ero paga marigue, muta marigãque árĩrãre yaha wihigue aridoreque yaha wihi õaro ujturimaja õaro. ²⁴ Diaye arıgu iiaa mũre. Oã yu sihumuhtanirã yu barire ne merogã basome," arıpu opu, arı werepu Jesu.

Jesu mera wacũ diasã áhrra

²⁵ Irisubure bajarã masa Jesu mera wañorã. Eropigu Jesu erãre maji İha werepu:

²⁶ —Yujugu yu buhegu árıdiagu gajirã tauro yũpũre mahiro gahmea. İgu pagure, İgu pagore, İgu marapore, İgu porãre, İgu pagũ porãre İgu basire İgu mahiro tauro yũpũre mahiro gahmea. ²⁷ Yujugu yu buhegu árıdiagu yahare eropa iiniguigu árıgucumi. Eropigu İgu yahagu İgu áriri dipuwaja ñero tariqueregu ta yare pihrisome. Eropa ñero taridiabigu yu buhegu árımasisome. ²⁸ Ire masiyuro gahmea mũare. Opa áhrra iri: Wihi iigu İgu amari wihi İgu iiboro core wihi wajacuburire queomahtanimi. Eropa iigu İgu wihire pehobore masimi İgu. ²⁹ Wajacuburire queobigu iri wihire ipehobiribocumi. Eropirã İgure İarã wereyabocoma. ³⁰ "İhĩ İgu wihire iigu bocatũbirañumi," arı wereyabocoma. ³¹ Opu sã gajigu opu yarã mera erã gamewejẽboro core, İgu yarã surarare İgu gamewejẽdoreboro core, İgu yarã surarare queogucumi. "¿Yũhu diez mil surara mera gajigu veinte mil surara opagu mera gamewejẽgu wagu bocatũbocuri?" arı pepigu queogucumi İgu. ³² Eropa queogu "Bocatũsome," arıgu, gajigu opu İgu surara mera gamewejẽgu arıgu yoarogue İgu aricũ ta, "Bocatũsome," arıgupu "Gamewejẽbircãrã," arıdoregu obeobocumi İgu pohro majagure. ³³ Eropirã yu buherã árıdiarã mua iiburire mũare masiyuro gahmea. Eropirã mua gamerire duhudiabirã yu buherã árımasibeeã mua, arı werepu Jesu.

Goãmũ yare iiniguuro gahmea, arı werepu Jesu

Mt 5.13; Mr 9.50

³⁴ Eropigu erãre werenemopu:

—Moa õaro acari áhrra. Iri moa ñeri wacũ dipaturi õari iimasiya mara. ³⁵ Iri moa mera duhpimaja masiya mara. Iri eropa árıcũ iri moare cõãro gahmea. Eropirã mua Goãmũ yare iinigubirã ne duhpimorã árıbeã. Ire õaro peeque mua, arıpu Jesu.

15

Oveja dederedigũre bocara queorire werepu Jesu

Mt 18.10-14

¹ Eropã gajinu bajarã wajasea corerã gajirã "Ñerã áhrrima," erã arırã mera Jesure peerã arıñorã. ² Erã eropa iicũ İarã fariseo masa judio masare buherã sã Jesure İhaturirã õpa arıñorã erã basi:

—İhĩ ñerã mera wapicumi. Eropigu erã mera bahami, arı wereniguĩñorã erã erã basi.

³ Erã eropa arı wereniguicũ Jesu i queori mera õpa arı buhepu erãre:

⁴ —¿Cien oveja opu yujugu oveja dederea wacũ İagu dohpa iigucuri İgu? Opa iigucumi. İgu noventa y nueve ovejare erã bari campogue api, dederedigũre amagu wagucumi. Ovejare bocagugue dujarıgucumi. ⁵ İgure bocagu mucubirıgucumi. Eropigu İgure İgu weca coãpeo ⁶ İgu yu wihigue ai dujaa wagucumi. Ai dujaja, İgu pohro árĩrãre, İgu acawererãre sihu gameneogucumi. "Yu oveja dederedigũre bocabu. Eropirã yu mera mucubirique," arıgucumi İgu erãre. ⁷ Oveja dederedigũre İgu bocadiro dopa ta õpa arıgu iiaa mũare. Yujugu ñerire iigu İgu ñerire bujawerecũ õaripure gohrotocũ İarã Goãmũ pohro árırã burigã mucubirima. Gajirãpu bajarã masa õpa arı pepima:

“Ñero iibeaa yurũ. Eropiro yu ñeri bujawereburi mara,” arĩ pepirima. Erã eropa arĩ pepicã iarã umaro majarã Goãmu pohro árĩrã mucubiribeama, arĩpu Jesu.

Niyeruse dedererare bocara queorire werepu Jesu

⁸ Eropa arĩtuha gaji queori mera werenemopũ:

—¿Diez niyuseri waja pagariseri opago yujuse dederecũ duhpihuri igo mua pepicũ? Ópa iigocumo igo. Sihãgodirure sihãgo, wihire oha, ðaro amapehogocumo. Irisere bocagogue duhugocumo. ⁹ Irisere bocatuha, igo pohro árĩrãre, igo acawererãre sihupehogocumo. “Niyeruse yahase dederasere bocaba. Eropirã yu mera mucubirique,” arĩgocumo igo. ¹⁰ Diaye arĩgu iiaa muare. Eropa ta yujugu ñerire iigu ighu ñerire bujawerecũ ðarire gohrotocũ Goãmu yarã anyuapu burigã mucubirirãcoma. Igu dederebodigu dederebeami pare. Eropirã turaro mucubirirãcoma, arĩpu Jesu.

Magu dederedigu pagu pohro dujajara queorire werepu Jesu

¹¹ Eropa arĩtuha Jesu gaji queori mera werepu daja:

—Bugu porã perã árĩñorã. ¹² Duhyagupu ðpa arĩpu ighu pagure: “Ahu, mu sĩrira puhru yure mu oburire yure opurumujuque,” arĩpu ighu ighu pagure. Igu eroparicũ erã pagu perãgue ta ighu porãre guerepu ighu oparare. ¹³ Bajamenurigã puhru duhyagupu ighu ya árĩpehrerire aĩ, yoarogue gaji yebague waha wapũ. Eropã ighu ya niyurere iisiripehocãpu. ¹⁴ Igu iisiripehora puhru iri yebare ne bari marinugayoro. Eropigu oaboapu. ¹⁵ Eropigu iri yeba maja mohmerire amapu. Igu mohmerire bocacũ ighu opu yesea coregu acupu ighure. ¹⁶ Eropigu ighu yeseare ejo, erã barire badiaripu ighu sã. Igu eropa badiaquerecũ ta ero majarã ighure barire obirĩñorã. ¹⁷ Eropi ighure ero guñari ariyoro pare. “Yu pagure mohme corerãpu pagari barire opacoma. Erã ba duhari sã pagari árĩca. Erã ðaro árĩrisubu yurũ ohõ árĩgu oaboagu iiaa. ¹⁸ Dohparagã yu pagu pohro dujagura. Yu pagu pohrogue ejagu ðpa arĩgura ighure: ‘Ahu, Goãmure ñero iibabu. Mu sãre ñero iiaa. ¹⁹ Ñegu ahraa. Eropigu mu magu diaye dopa iabita yure pare. Mure mohme corerã dopa ta iaque yure,’ arĩgura yu pagure,” arĩ pepirũ ighu. ²⁰ Eropa arĩ pepigu wahgãnugaja, ighu pagu pohrogue dujaa wapũ. Erogue ighu ejadigu ighu dujaricũ ighu pagupu ighure yoarogue ighu árĩcũ ta ighu magure iha masipu.

“Igu eropa eracũ iagu ighu magure mojomoro iãpu. Mojomoro iagu ighure oma bocafiri pabua, ighu wayuporãre mimipu ighu pagu ighu magure. ²¹ “Ahu, Goãmure ñero iibabu. Mu sãre ñero iiaa. Ñegu ahraa yuhu. Eropigu mu magu diaye dopa iabita yure pare,” arĩpu ighu ighu pagure. ²² Igu eroparicũ peequeregu ta ighu pagupu mohme corerãre sihupu. “Yojarõ, ðariñe suhrirõre aigãrique. Eropirã yu magure sãque. Sãtuha ighu mojotore sãri berore sã, ighu guburire zapature sãque. ²³ Sãtuha diicugu wecure wejẽque. Bosenu iirã. ²⁴ Ihi yu magu sĩrigu dopa ta waha wami. Eropa waqueregu ta dohpaguere ojocarimi ighu. Dederedigu dopa árĩdigure dohpaguere bocabu. Eropirã bosenu iirã,” arĩpu ighu pagu. Igu eropa arĩra puhru bosenu iinugãñorã erã.

²⁵ “Irisubure ighu tĩgupu pohegue arĩpu. Pohegue árĩdigu dujarigu wihi pohro eragu, erã bayarire peepu ighu. ²⁶ Peegu yujugu mohme coregure sihubeo ighure serẽpiru ighu: “¿Dohpa iirã bayarã iiarĩ?” arĩpu ighu mohme coregure. ²⁷ “Mu pagu magu dujarami. Igu ðagu dujaracũ mu pagu diicugure wecure wejẽdoreami,” arĩ yuhripu mohme coregu. ²⁸ Igu eropa arĩ werecũ ighu tĩgupu burigã guagu wihigue ñajabiripu. Igu eropa ñajabiricũ iagu ighu pagu wiriri, “Ñajarique,” arĩ turaro sihuripu ighu magure. ²⁹ “Peeque, ahu. Yuhu yoari boje mure mohme coregu dopa ta itamurabu. Eropigu mu dorerire ne yujusubu tarĩnugabirimurabu. Yuhu mure mohme corequerecũ ta yurure ne obirabu mũhu. Ne yujugu waibugure obeaa mũhu yure yu mera majarã mera yu bosenu iicũ. ³⁰ Eropigu ihi mu magupu ñerã nome mera mu yare iisiripehodigu árĩmi. Irire iisiripehotuha, ighu wihigue ighu dujaracũ diicugu wecure wejẽabu mũhu ighu babure,” arĩpu ighu tĩgu ighu pagure. ³¹ “Mahgu, mũhu yu mera árĩpehrerinuri ahraa. Eropiro árĩpehreri yaha mu ya dihta ahraa. ³² Mu pagu magupu sĩridigu dopa ta wahãmi marire. Eropi ighu dohpaguere ojocarigu ahrimi. Igu dederedigu dopa ta wahãmi. Igu eropa wara puhru dohpaguere ighure bocabu. Eropiro ighu dujaracũ mari bosenu ii mucubiricũ ohãa,” arĩpu ighu ighu magure, arĩpu Jesu erãre iri queorire weregu.

16

Niyeru dibu coregu queorire Jesu werepu

¹ Eropi i queorire ighu buherãre werepu Jesu:

—Doberi opu ya niyerure dibu coregu niyerure İgu ðaro dibubiricü İagu gajigupu weresäpa doberi opure. “İgu mu ya niyerure iisirigu iimi,” arı weresäpu İğure. ² İgu eropa weresäcü pee niyeru dibu coregure sihubeopu. Eropigu İgu eracü İagu İğure opu werepu. “Gajigu mu yaha niyerure iisirire wereami yare. Eropigu yahare dibugu dohpagueere arísome muhu. Eropigu yahare mu iirare werepeho gojaque. Mure cóagu iiaa,” arıpu İgu opu İğure. ³ İgu eropa arıra puhru ðpa arı pepıpu dibu coregu İgu basi: “Yu opu yare cóabu iicumi. Yuhu turabeaa. Eropigu turaro mohmerire bocatiubeaa. Eropigu gajiräre niyeru serēgu guhyasiutariaro tariguca yuhu. ¿Eropigu dohpa iigucuri yuhu? ⁴ Dohpague tamerare ya iiburire masia yuhu. Öpa ya iicü ya mohmeri maricü erä ya itamurä árıräcoma. Eropirä erä ya wirigue ñajadoreräcoma yare,” arı pepıpu İgu. ⁵ Eropa arı pepıgu İgu árıpehrerä İgu opure wajamoniräre sihubeopu. Sihubeotuha eramuhtagure ðpa arı serēpıpu İgu. “¿Yu opure dipē wajamori muhu?” arıpu İgu. ⁶ İgu eroparıcü wajamogupu yuhripu. “Cien tambore uyare olivo waıcudıgu maja uyare wajamoa İğure,” arı yuhripu İgu. İgu eropa arı werecü dibugupu ðpa arı werepu. “Ohö ähraa mu wajamorire gojaturapü. Doaque. Eropıgu mu wajamorire deco mera ai, deco mera gojatuque,” arıpu niyeru dibugu wajamogure. ⁷ Eropa arıtuhaja gajıgu wajamogure serēpıpu İgu. “¿Mıca dipē wajamori?” arıpu daja. “Cienaju trigo ajure wajamoca yuhu,” arıpu wajamogu dibugure. “Ohö ähraa mu wajamorire gojaturapü. Mu wajamorire ochenta goja amuque,” arıpu dibugu. ⁸ İgu eropa ðaro guyamehrecü İagu “İhi guyamehregu árıcumı,” arı pepıpu İgu opu niyeru dibugure. İnu majarä Goämu gamebirä erä yare guya amurare erä niyerure erä diburare Goämu yarä tauro masıcoma erä, arıpu Jesu.

⁹ Eropa arıtuha Jesu werenemopu:

—Eropıgu müare arıgu tiiaa. Mıa oparire, i yeba majare mojomorocüräre müa ocü, eräpu müare mahıräcoma. Mıa eropa iicü müa opara pehrera puhru umusıgue müa ejacü erogue müare ðaro mahıräcoma.

¹⁰ “Bu árırä ya mohmerire queoro iirä oparä ya mohmeri säre queoro iiräca. Bu árırä ya mohmerire queoro iibirä oparä ya säre queoro iibiräca. ¹¹ Eropirä i yebague müa opari mera müa ðaro iibirä Goämu müare iidoreri säre ðaro iisome müa. ¹² Eropirä gajıgu yare müa ðaro iibasarıcü İagu müa ya árıburire osome müare.

¹³ “Yujugu Goämüpure guñagu burıgä gohra niyerupure guñabeami. Nıyerupure burıgä guñagu Goämüpure guñabeami. Eropıgu niyeru dihtare gamegu arıgu Goämüpure mucubırıcü iibeami. Goämu säre niyeru säre yujuro mera gametarıma masıya mara müare. Nıyerure gametarıgu Goämüpure umupeomasıbeami, arıpu Jesu.

¹⁴ İgu eroparıcü peerä farıseo masapu İğure wereyañorä. Eräpu niyerure gametarıñorä. Eropirä wereyañorä. ¹⁵ Erä wereyacü peegu Jesu eräre werepu:

—Masa erä İhurore müa ðaro iiraa. Mıa eropa iicü, “Öarä diaye ta iirä ährıma,” arıřıma masa müare. Goämüpu müa pepırire masımi. Masa “Öatarıama,” erä arıřäre Goämüpu gajıropa arı pepımi, arıpu Jesu.

Goämu İgu dorerire, İgu opu árırıre werepu Jesu

¹⁶ Eropa arıtuhaja ðpa werenemopu Jesu:

—Nu waıyegu İgu eraboro core Moıserı İgu apıra dorerı mera Goämu marıre doreami. Goämu ya weremuhtanıřä müa erä gojara sä eropa ta árıřıbu marıre dorerı. Dohpaguepure Nu ðarı buherıre, Goämu opu İgu árırıre buhemı. İgu eropa buhecü pee masa erä ejatuharo, erä turarı mera Goämu erä opu árıcü gahmema.

¹⁷ “Goämu Moıserı İgu apıra dorerıre erä İgu yare gojara säre “İrı duhpıburı árıbeaa,” ne arısome. Umısi, yeba sä pehrequerecü Goämu İgu weredıro dopa ta iıpehogucumi, arı werepu Jesu.

Marapore cóarıre werepu Jesu

Mt 19.1-12; Mr 10.1-12

¹⁸ Eropa arıtuhaja ðpa arıñemopu Jesu:

—Masu İgu marapore cóagu, gajıgo mera marapocugu İgu ıgo mera ñero iıgu iimi. Tuhaja masu gajıgu İgu cóadıgo mera marapocugu İgu sä ıgo mera ñero iıgu iimi, arıpu Jesu.

Doberi opu, gajıgu Lázaro queorıre werepu Jesu

¹⁹ Eropa i queorı werepu Jesu:

—Yujugu doberi opu árıñumi. Suhri wıjacurıre sañagu árıñumi. Eropıgu umarı nücu ðarı dihtare bagu, baja opañumi İgu. ²⁰ Eropıgu irisubure gajıgu árıñumi. İgu mojomorocugu Lázaro waıcugu árıñumi. İgu İgu dupure baja camıcugu árıñumi.

Eropirā gajirāpū ĩġure doberi opū ya wihi disiporo aiġā apimuriñuma. ²¹ Eropiġu mojomorocūġupū doberi opū ĩġu ba duhari gamemuriñumi. “Ba duhari mera yapiguca yuñu,” arī pepimuriñumi ĩġu. Ero oyarisubu diayea ĩġu pohro eja ĩġu camire neremuriñuma. ²² Eropiġu mojomorocūġu sīria wañumi. ĩġu sīria wacū, Abrahā pohrogue paraiso waicurogue anyua ĩġure ai muriañuma. Eropiġu doberi opū sā ĩġu puñru sīria wañumi. ĩġu sīricū ĩġure yaañuma. ²³ Eropiuro doberi opūre peamegue eġagu buřigā teboricuñumi. Eropiġu peamegue arīġu umusigue arīġure Abrahāre ĩhamujuñumi. Lázaro muru sāre ĩañumi. ²⁴ ĩātuha ĩġu Abrahāre sihubeoñumi. “Añu, Abrahā, mojomoro ĩaġue yure. Peamegue yuñu ñero tarigū iica. Yu eropa wacū Lázarore yure oboeque. Eropiġu ĩġu decore ĩġu mujusīru mera yoso, yu nerore deco mera nehoporō. Irire yasuporo ĩġu,” arīñumi doberi opū muru. ²⁵ ĩġu eroparīquerecū Abrahāpū ĩġure wereñumi: “Maġu, ojocarigū arīġu arīpehřerire ōarire opabū mañu. Lázaropū umuri nuġu ñero tarimi. Dohpaguere mu ñero taricū ĩġupū ōġuere mucubiriri mera arīcāġu iimi. ²⁶ Eropiuro mari watope ūhcāri waya āhrra. Eropirā ōre arīrā eroguere wamasibeama. Tuhaja erogue arīrā ōre aridiaquererā ta ōġuere arimasibeama,” arīñumi Abrahā doberi opū mure. ²⁷ ĩġu eroparīcū doberi opū ōpa arīnemoñumi: “Acawereġu, turaro serēa mure. Lázarore yu pagu ya wihigue oboeque. ²⁸ Yuñu yuju mojoto majarā pehřerā pagu porācua. Lázaro erāre wereporo. Őre erā ñero tariroguere aribiricāporo,” arīñumi ĩġu. ²⁹ ĩġu eroparīcū Abrahāpū yuñriñumi: “Goāmū dorerire Moise ĩġu apirare, Goāmū weremuñtanirā erā gojarare opama mu pagu porā. Eropirā mu pagu porā irire ta peeporo,” arīñumi Abrahā. ³⁰ ĩġu eroparīcū doberi opūpū yuñriñumi: “Añu, Abrahā, irire opaquererā ta ōaro peesome. Lázaro sīridigū masadigū erā pohro ĩġu eġacū ĩarā erāpū erā ñero ĩirire bujawere, ōaripare gohrotorācoma. Eropirā ōarire ĩirācoma yu pagu porāpū,” arīñumi doberi opū muru. ³¹ ĩġu eroparīcū Abrahāpū wereñumi: “Mu pagu porā Moise ĩġu apirapū ĩġu wererare, Goāmū yare weremuñtanirā erā wererare peebirā āhrrima. Eropirā Lázaro muru sīridigugue masadigū ĩġu arīquerecū ta erā Goāmū yare peesome,” arīñumi Abrahā, arī werepū Jesu masare.

17

Ñerire iicū ġuhyā āhrra
Mt 18.6-7, 21-22; Mr 9.42

¹ Eropi Jesu werepū ĩġu buherāre:

—Muare ñeri ĩdoreri baja āhrra. Eropirā masa ñerire iima. Iri eropa arīquerecū ta masare ñerire ĩdoreġupū ñetariaro tarigucumi. ² Gajigūre masa ĩġu wuñugūre wuariye utāyere dirisiu, wuariyague ĩġure cōācū ñero wabocumi ĩġu. Eropiġu oāġā mera majarāre ñerire ĩdoreġupū wuariyague erā cōādigu tauro ñero tarigucumi. ĩġure buřigā dipuwaja moasūġucumi. ³ Őaro ĩique mūa. Mūa acawereġu ñero ĩġu iicū ĩarā, “ĩibita,” arīque ĩġure. Eropirā ĩġu ñero ĩirire ĩġu bujawerecū, ōarire gohrotocū muarū ĩġu ñeri ĩirire cādijique. ⁴ Eropiġu mūa acawereġu yujunū ta siette suburi muare ĩġu ñero ĩibocumi. ĩġu eropa iicū yujuyerisubure muare, “Yu ñero ĩirire bujawerea. Őarire gohrotogū iiaa,” ĩġu arīcū iri nuġu suburi ĩġu ñero ĩirire cādijique, arīpū Jesu.

Goāmure umupeorire werepū Jesu

⁵ Eropi Jesu buherā ĩġure ōpa arīñorā:

—Goāmure ġuare ōaro umupeonemocū ĩique, arīñorā Jesure.

⁶ Erā eroparīcū Jesu yuñripū:

—“Goāmure diaye ta ĩġu āhrrima,” mūa arī umupeorā miriyegā mostazaye pēġā mūa umupeoquererā irigū sicómoro waicūdigūre ōpa iimasia: “Irīgū yucūġu irīgū basi tara duhagāporo. Wuariyague yuriñajaporo,” arīmasia mūa. Mūa eroparīcū irīgū yucūġupū mūa dorero dopa ta waroca, arīpū Jesu.

Mohme coreġu ĩġu mohmerire werepū Jesu

⁷ Puñru ĩ werenigui queoriñere werepū Jesu:

—Muare mohme coreġu poheguere tāra, mohmemi. ĩġu ovejare ĩhadibumi. ĩġu eropa mohme ĩġu dujaracū ĩarā dohpa arībocuri mūa ĩġure? “Yojaro arique. Mu bari ohō āhrra,” ĩarībocuri mūa? ⁸ Eropā arībeaa mūa. ĩġure ōpa arāa mūa: “Yu baburire ĩique. Eropiġu yu bañā ĩhricū yure coreque. Yu puñru mu sā bañā ĩhrique,” arāa mūa mohme coreġure. ⁹ Mohme coreġu ĩġu mūa mohmedorerire ĩġu iicū ĩġure “Őhaa,” arībeaa mūa. ĩġure mūa dorero dihtare ĩġu iicumi ĩġu. ¹⁰ Mūa sā ĩġu iro dopa ta āhrra.

Goãmu ïgu dorediro dopa ta iipehorã ðpa arĩ pepique mua. “Gua mohme corerã dihta àhraa. Guare ïgu dorero dihtare iabũ gua,” arĩ pepique mua, arĩpu Jesu ïgu buherãre.

Diez gohra cami boarãre ðarã iipũ Jesu

¹¹ Gajinũ Jerusaléngue Jesu wagũ iipũ. Eropa wagũ Samaria yeba, Galilea yeba deco tarigãpu. ¹²⁻¹³ Gaji macague wari mague ïgu curicã diez cami boarãpu ïgure bocatĩrĩnorã. Eropirã yoañarirogue niguirã ta piyuñorã:

—Jesu, opu, guare mojomoro ïaque, arĩñorã.

¹⁴ Erã eroparicũ erãre iha, werepu Jesu:

—Pahire mua dũpurire ðaro warare ïhmurã waque, arĩpu erãre.

Ïgu eropa arĩra puhru erã warisubu erã dũpu ðarã wañorã. ¹⁵ Eropigũ yujugu erã mera majagu ïgu dũpu ðari dũpu wacũ ïagu, Jesu pohrogue maji dujarirĩpu. Eropa dujarigũ turaro mera Goãmure umupeopu. “Goãmũ turagu, ðagu àhrimi,” arĩ umupeopu ïgu. ¹⁶ Eropa arĩgu ïgu Jesu guburi pohro mereja “Óhaa,” arĩpu. Ïguru Samaria majagu arĩpu. ¹⁷ Ïgu eropa iira puhru Jesu ðpa arĩ werepu:

—Diez àhrama masa ðarã wanirã. ¿Gajirã nueve duhyarãpu nohogue áricuri erã?

¹⁸ Ihĩ gaji yeba majagu dihta Goãmure “Óhaa,” arĩgu dujarami. ¿Duhpirã gajirãpu aribirari? arĩpu Jesu.

¹⁹ Eropa arĩtuha Jesu merejadigure arĩpu.

—Wahgãnũgajaque. Waque. Mu Goãmure umupeogu ðagu wahabu mũhu, arĩpu Jesu ïgure.

Goãmũ ïgu opu arĩborore werepu Jesu

Mt 24.23-28, 36-41

²⁰ Irisubure bajamerãgã fariseo masa Jesure serẽpiñorã:

—¿Dohparicũ Goãmũ opu arĩnũgagucuri? arĩ serẽpiñorã erã.

Erã eroparicũ Jesu yuhripũ:

—Goãmũ ïgu opu arĩnũgacũ mua ïhamasibea. ²¹ “Goãmũ ïgu opu arĩri ohõ àhraa,” arĩmasibea. “Sohõgue àhraa,” arĩmasibea. Goãmũ ïgu opu arĩri masa erã pepirigue àhraa, arĩpu Jesu fariseo masare.

²² Eropa arĩtuha Jesu ïgu buherãre ðpa arĩ werepu:

—Puhru yuhũ masu Goãmũ ïgu obeodigu yu i yebague dujariburire burigã gamerãca mua. “Ïgure yujunũ gohra mari ïacũ ðaboaya,” arĩ quererã ta yure ïanisome mua. Eropa mua gamequerecã ta irisubure arisome yuhũ. ²³ Gajirã mũare ðpa arĩrãcoma. “Ïgure ïaque. Ïgu Cristo àhrimi. Sihire ïaque. Cristo àhrimi,” arĩrãcoma mũare. Erã eropa arĩquerecã ta erãre peebiricãque. ²⁴ Bupu umarore guñaña mariro miaro dopa ta guñaña mariro ariguca yuhũ masu Goãmũ ïgu obeodigu dujarigũ. ²⁵ Ire yu iibore core yuhũ turaro ñero tariguca. Eropirã yure dohpague majarã gamesome. ²⁶ Noé ïgu arĩrasubu majarã erã arĩmũridiro dopa ta yuhũ masu Goãmũ ïgu obeodigu yu dujariboro coregã eropa ta arĩrãcoma masa. ²⁷ Noé ïgu arĩrasubure arĩpreherã masa eropa baha, ihri iĩnũma. Eropirã mojoto dirimuriñuma. Noé wuadiru dohodirugue ïgu ñajaboro core Goãmũ erãre ïgu miupehoboro core iri arĩpreherire masa mũararo ta iinĩguicãmuriñorã. Eropa arĩroca yu dujaricũ sãre. ²⁸ Lote ïgu arĩrasubu majarã sã erã arĩdiro dopa ta yu dujaricũ arĩrãcoma masa. Lote ïgu arĩrasubure masa baha, ihri, asũ, dua, ote, wirire iĩnũma. ²⁹ Erã eropa iirisubu ïgu ya macare Sodoma waicuri maca Lote ïgu waranũ umaro maja peame ãju dijari erãre wejẽpehocãyoro. ³⁰ Yuhũ masu Goãmũ ïgu obeodigu yuhũ guñaña mariro yu dujaricũ eropa ta waroca irisubure.

³¹ “Irisubure yujugu ïgu ya wihi weca maja pũague arĩgu wihi pohecague ïgu yare aĩgu ñajabiricãporo pobero mera duhriboro dopa. Eropigũ pohegue arĩgu sã irisubure ïgu ya wihigue piharibiricãporo. ³² Lote marapo igo warare guñaque. ³³ Ïgu ya arĩburi dihtare yujugu guñaqu peamegue wagucumi ïgu. Yaha arĩburipure yujugu guñaqu arĩpreherinuri Goãmũ mera ðaro arĩgucumi, arĩpu Jesu.

³⁴ “Yuhũ mũare werea. Irisubure yure umupeorãre beye gameneodoregaca. Eropigũ eropa wari ñamire yuju camare perã caricũ yujugure yure umupeogure airãcoma yu mera arĩbure. Gajigu yure umupeobigu ero dujagucumi. ³⁵ Eropa ta nome perã erã ya ojodũcare erã biucũ yujugore airãcoma. Yujugo ero dujagucumo. ³⁶ Eropigũ perã poheguere mohmerã aricũ yujugure airãcoma. Yujugu ero dujagucumi, arĩpu Jesu.

³⁷ Ïgu eroparicũ ïgu buherãpu serẽpiñorã.

—¿Nohogue eropa warocuri? arĩ serẽpiñorã erã.

Erã eroparicũ Jesu yuhripũ:

—Masa erã ñeri erã iinĩgiurogue, erogue Goãmũ erãre erã ñeri dipuwaja moagucumi, arĩpu Jesu.

18

Wapeweyo igo dipuwaja moadorera queorire werepũ Jesu

¹ Eropi Jesu erāre Goāmure serēburire weregũ òpa arĩpũ:

—Mũa Goāmure serērā coreque igo yũhriborore. Yoari boje corequererā ta bujawerebiricāque. Īgure serērā duhubita, arĩpũ Jesu.

² Īgũ eropa arĩrare buhebu i queori mera werepũ erāre:

—Gaji macague masare dipuwaja moadoregũ arĩpũ. Īgũ Goāmure umupeobiripũ. Eropigũ masa säre umupeobiripũ. ³ Eropigo wapeweyo sã erogue arĩpo. Igo Īgũ pohrogue durũro curigo òpa arĩpo: “Yũre ĩhaturigure dipuwaja moadoreque mũhũ. Yũre arĩ cāhmotaque,” arĩ serēnigwicāpo igo ĩgure. ⁴ Igo eroparĩcũ ĩgũ bajasuburi “ĩisome yũhũ,” arĩripũ igore. Īgũ eropa arĩquerecũ ta igo bajasuburi ĩgure eropa serēnigwicāgo garibotariaro iipo. Igo garibocũ ĩagũ òpa arĩpũ ĩgũ basi. “Yũhũ Goāmure masa säre umupeobeaa. ⁵ Yũ eropa umupeobigũ arĩquerecũ ta igopũ yũre garibotarĩcāmo. Yũre eropa garibogo yũre gariboreacũ iicumo yũre. Igo eropa arĩ weresānigwicũ igore ĩhaturigure dipuwaja moadoregũra,” arĩpũ dipuwaja moadoregũ, arĩpũ Jesu.

⁶ Eropa arĩgũ Jesu erāre werenemopũ:

—Eropa arĩpũ ĩgũ ñegu dipuwaja moadoregũ. Īgũ eropa arĩrare guñaque mũa. ⁷ Īgũ tauro Goāmũpũ ĩgũ yarāre mũmari nũcu ĩgure serērāre itamugacumi. ⁸ Mũare arĩgũ tiaa. Goāmũ erāre mata iigucumi erā serērare. ĩĪgũ eropa yũhriřũ ĩgũ arĩcũ ta yũhũ masa Goāmũ ĩgũ obeodigũ i yebague dujarigũ, Goāmure umupeorāre ĩgure serērāre bocagũcũri yũhũ? arĩpũ Jesu.

Perā Goāmũ mera erā werenigũira queorire werepũ Jesu

⁹ Eropi gaji queori mera werepũ Jesu. “Gũapũ òarā āhrraa. Gajirāpũ ñero iirā āhrrima,” arĩ pepirāre i queori mera òpa arĩ werepũ:

¹⁰ —Goāmũ ya wihigue perā mũa Goāmũ mera werenigũirā wañorā. Yujugu fariseo masũ arĩpũ. Gajigũ wajasea coregũ arĩpũ. ¹¹ Eropigũ fariseo masũpũ nũgaja, òpa arĩ serē nigũipũ Goāmure: “Yũhũ gũya yajaricũgũ, diaye iibigũ, nome mera ñero iigu arĩbeaa. Gajirā iro dopa arĩbeaa. ĩHĩ wajasea coregũ iro dopa ñegu arĩbeaa. Eropigũ mũre Goāmure òhaa, arāa. ¹² Yũhũ semanari nũcu mũ ya arĩburire iigu pesubu ba duhua. Eropigũ diez niyuserire wajatagu yujuse mũre ohoa,” arĩpũ fariseo masũ Goāmure. ¹³ Eropigũ wajasea coregũpũ yoarogue nigũigũ muhri siunũgaja, ĩgũ ñerire bujawere, mũarogue ĩabiripũ. Īgũ ñerire bujaweredigũ arĩgũ ĩgũ coretibĩ pa, werenigũipũ Goāmure: “Goāmũ, yũhũ ñegu āhrraa. Eropigũ mũhũ yũre mojomoro ĩaque,” arĩpũ arĩpũ Goāmure. ¹⁴ Eropigũ mũare arĩgũ iiaa. ĩHĩ wajasea coregũpũ ĩgũ wihigue ĩgũ dujagũ ĩgũ ñerire Goāmũ mera cõadigũ dujapũ. Gajigũ fariseo masũ ĩgũ ñerire cõadigũ arĩbiripũ. “Yũhũ òagũ āhrraa,” arĩgũ Goāmũ ĩgũ ĩacũ ñegu arĩmi. “Yũhũ ñegu āhrraa. Eropigũ yũ ñerire bujawerea,” arĩgũpũre Goāmũ òagũ iigucumi ĩgure, arĩpũ Jesu.

Majirāgā ya arĩburire Goāmure serēbasapũ Jesu

Mt 19.13-15; Mr 10.13-16

¹⁵ Eropi masa erā porā majirāgāre Jesure mohmepĩñadoremorā ĩgũ pohrogue arĩ erarĩñorā. Erā eropĩcũ ĩarā Jesu buherā erāgāre airarāre turĩñorā. ¹⁶ Erā eropa turĩcũ ĩagũ Jesu majirāgāre sihubeopũ ĩgũ pohrogue. Sihubeo òpa arĩpũ ĩgũ ĩgũ buherāre:

—Majirāgā yũ pohrogue arĩporo. “Waque,” arĩbita erāgāre. Erāgā Goāmure erā opũ iro dopa pepĩma. Eropĩrā Goāmũ ĩgũ opũ arĩroguere oāgā iro dopa pepĩrā āhrrima erogũere. ¹⁷ Diaye arĩgũ iiaa mũare. Oāgā Goāmure erā gamediro dopa ta mũa Goāmure gamebirā ĩgũ pohrogue wasome mũa. Mũa wabirĩcũ mũa opũ arĩsome ĩgũ, arĩpũ Jesu.

Doberi opagũ Jesu mera werenigũipũ

Mt 19.16-30; Mr 10.17-31

¹⁸ Īgũ eropa arĩra pũhũ judio masa oparā mera majagũ Jesure serēpi erapũ.

—Ne òagũ, buhegũ āhrraa mũhũ. ĩYũ arĩpehrĩnũri Goāmũ mera arĩdiagũ dohpa iigũcũri yũhũ? arĩpũ ĩgũ.

¹⁹ Īgũ eroparĩcũ Jesu yũhriřũ:

—ĩDohpa arĩronore yũre “Òagũ,” arĩ piyuri mũhũ? Goāmũ dihta òagũ āhrrimi.

²⁰ I Goāmũ dorerire masia mũhũ. “Gajigũ marapo mera arĩbirĩcāque. Masare wejēbirĩcāque. Yajabirĩcāque. Gũyabirĩcāque. Mũ pagũ sũmarāre umupeoque,” arĩ doremi Goāmũ. Eropigũ irire iique mũhũ, arĩpũ Jesu.

²¹ Īgũ eroparĩcũ ĩgũ Jesure yũhriřũ:

—Iri áripehrerire majigugâgue ta iibu yuhũ, arĩpu ìgu.

²² Ìgu eroparicũ peegu Jesu ìgure òpa arĩ werepu:

—Yujuñe dihta duhyaa mũre mu ìboro. Áripehreri mu yare duagu waque. Eropa ìgu áripehreri niyeru mu wajatarire mojomorocurãre oque. Mu eropa ìicũ wũaro mu ya òari mũhu opaburire mũmaroguere Goãmu pohroguere áriroca. Eropa ìituha yu mera majagu áribu arique, arĩpu Jesu ìgure.

²³ Ìgu eroparicũ peegu ìguru baja doberi opagu árigu irire mojomorocurãre odiabigu, turaro bujawere waha wapu. ²⁴ Ìgu eropa bujawerecũ ìagu Jesu òpa arĩ werepu gajirãre:

—Doberi oparãre Goãmu ìgu opu áriroguere erã wacũ diasataria. ²⁵ Camello waicagu waibuguru ìguru awiru gobegãgue ìgu ñajacũ masiya mara ìgure. Eropa ta doberi opagu Goãmu mera òaro árigu ìgu opu áriroguere wacũ diasataria, arĩpu Jesu.

²⁶ Ìgu eroparicũ ìgure peerã òpa arĩñorã:

—Cue. Mu arĩro dopa ta diaye áricũ, ne yujugu masure Goãmu taubiribocumi ìgu pohro waborore, arĩñorã erã Jesure.

²⁷ Erã eroparicũ Jesu yuhripu:

—Masa erã bocafũuro erã òaro iira mera Goãmu pohroguere wamasibeamu. Goãmuru masare peamegue wabonirãre taumasimi. Ìgu áripehrerire òaro iimasipehocãmi, arĩpu Jesu erãre.

²⁸ Ìgu eroparicũ Pedro ìgure òpa arĩpu:

—Peenique. Gua áripehreri gua yare apicãbu mu mera warã, arĩpu ìgu Jesure.

²⁹ Ìgu eroparicũ Jesu òpa arĩpu:

—Diaye mũare arigu ìiaa. Áripehrerã mua Goãmu yare iimorã mua wirire, mua marasã nomere, mua pagu porãre, mua pagu sumarãre, mua porãre mua apinirã mua wũaro wajatarãca dohpaguere. ³⁰ Mua apidiro tauro wajatarãca. Eropirã mua sĩrira puhũ áripehrerĩnuri Goãmu mera áriřãca mua, arĩpu Jesu erãre.

*Dipaturi Jesu ìgu sĩrĩburiñere ìgu masa mũriaburiñere werepu
Mt 20.17-19; Mr 10.32-34*

³¹ Eropi doce ìgu buherã dihtare aigã erãre werepu:

—Peeque yare. Dohpaguere mari Jerusalengue warã ìiaa. Erogu yare Goãmu ìgu obeodigure Goãmu ya weremuhtanirã iribojegue erã werediro dopa ta eropa waroca yare. ³² Ero masa yare ñeha, judio masa áribirãre orãcoma yare. Yare erã ora puhũ erã yare wereya, ñero arĩ, disico ehosũrãcoma. ³³ Eropirã yare taratuhaja wejẽrãcoma yare. Eropigu yu sĩrira puhũ uhrenũ waboro masa mũriaguca yuhũ, arĩpu Jesu erãre.

³⁴ Ìgu eroparicũ ìgu buherã ìgu wererire òaro pee masibiriñorã. Goãmu irire erãre masicũ iibirinipu dohpa.

*Cuiri ìhajabigure ìhajacũ ìipu Jesu
Mt 20.29-34; Mr 10.46-52*

³⁵ Eropi Jesu sã Jericó waicuri maca pohroguere ejañorã. Ìgu wari maha tarogugue yujugu masu cuiri ìhajabigu doapu. Niyeru serẽgu ìipu. ³⁶ Eropigu masa bajarã ìgu pohro aricũ peegu serẽpipu ero áriřãre.

—¿Duhpirã masa bajarã tarigãri? arĩ serẽpipu ìgu.

³⁷ —Jesu Nazare majagu arigu ìimi, arĩñorã gajirã ìgure.

³⁸ Erã eropa arĩ werecũ peegu ìgu gaguiniguinũgapu:

—Jesu, opu Davi mũru pãrami masare taubu, yare mojomoro ìaque, arĩ gaguiniguipu Jesure.

³⁹ Ìgu eroparicũ ìgu pohro áriřãpu “Ejarimaricãque,” arĩ turiñorã ìgure. Erã eropa arĩ turiquerecũ ta ìgu ero core ìgu gaguiniguĩdiro tauro gaguiniguĩnemopu daja.

—Opu Davi mũru pãrami, yare mojomoro ìaque, arĩ gaguiniguipu ìgu.

⁴⁰ Ìgu eropa gaguiniguicũ peegu Jesupu nũgaja, “Sihubeoque ìgure,” arĩpu. Ìgu eroparicũ erãpu cuiri ìhajabigure sihugãñorã. Erã eropa sihugãcũ ìgu Jesu pohroguere ìgu ejacũ Jesupu ìgure serẽpipu:

⁴¹ —¿Dohpa yu ìicũ gahmeri mũhu? arĩpu Jesu.

—Yu Opu, yare ìacũ ìique, arĩpu cuiri ìhajabigu.

⁴² —Ìaque pare. Yare umupeonijagu, òagu waha mũhu, arĩpu Jesu ìgure.

⁴³ Ìgu eroparicũ ta cuiri ìhajabigu òaro ìha wapu. Eropa òagu wanijagu ìgu Jesu mera wapu. “Goãmu turagu áhrimi,” arĩ umupeopu ìgu. Eropirã masa bajarã cuiri ìhajabiridigu ìgu òagu wacũ ìarã, “Goãmu òagu, turagu áhrimi,” arĩ umupeoñorã erã sã.

19

Zaqueo Jesure bocatiripu

¹ Eropii Jesu Jericógue eja, iri macague tarigābu iipu. ² Doberi opu Zaqueo waicūgu wajasea corerā opu ero arīpu. ³ Eropigu iġu Jesure “¿Nihino árīcuri?” arī iha masibu Jesure iadiaripu. Eropa iġu iadiaquerecū ta iġu yebagugā árīcū masa bajarā iġugāre cāhmotacāñorā. ⁴ Eropigu iġu masare omatarigā wa, sicómoro waicūdigu yucugugue mēribepa Jesure iābu. Pūhru ñarigā Jesu irigū pohro tarigābu iipu. Eropigu Zaqueo irigugue coregū iipu. ⁵ Iġu eropa corero watope Jesupa irigū gubuye ejanugaja, Zaqueore ihamuju iġure werepu:

—Zaqueo, dohpaguere mē ya wihi dujagara. Eropigu duru dijarique, arīpu Jesu.

⁶ Iġu eroparīcū Zaqueoꝑu ūmudiaro mera dijari, mucubiriri mera iġu ya wihigüe aridorepu Jesure. ⁷ Iġu eropa bocatirīcū iha, masa árīphehrerā erā basi ōpa arī wereniguiñorā:

—Ihī Jesu ñegu ya wihigüe curigū wadiami, arī wereniguiñorā árīphehrerā masa erā basi.

⁸ Zaqueoꝑu bocatirituha ero nigui, Jesure werepu:

—Oꝑu, peeque yure. Árīphehreri yahare deco mera mojomorocurāre ogura. Eropigu yūhu gajigüe cien niyuserire guya aidigū árīgu, cuatro cientos niyuserire wajayen-emogura iġure, arīpu Zaqueo Jesure.

⁹ Iġu eroparīcū Jesupa werepu iġure:

—Dohpagāre mure mē ya wihi árīrā sāre peamegue wabonirāre Goāmu tautuhami. Mē sā Abrahā mēru acaweregu ta āhraa. ¹⁰ Yūhu masū Goāmu iġu obeodigū peamegue wabonirāre amagu arigū iibu. Eroque wabonirāre ōaro taugu arigū iibu, arīpu Jesu Zaqueore.

Niyuseri oroseri queorire werepu Jesu

¹¹ Eropi iġure peerāre Jesu queori mera werepu daja. Merogā duhyayoro Jerusalēngue iġu ejaboro. Eropirā iġure peerā ōpa arī pepiñorā: “Goāmu dohpaguere opu árīnagabu iimi,” arī pepiñorā erā. ¹² Erā eropa arī pepicū Jesu i queorire ōpa werepu erāre:

—Yujugu gajī yebague yoarogue wabu iñūmi. Eroguere ero majagu erā tauro opu árīgu iġure iġu ya maca majarā opure acucū wabu iñūmi. Pūhru iġu ya wihigüe dujarabu iñūmi. ¹³ Nere iġu waboro corere diez mohme corerāre sihubeoñūmi. Eropa sihubeogu, iġu erāre yujurāyerire yujuse niyuseri orosere oñūmi. Otuha wereñūmi erāre: “Yū maricū i niyeru mera mēa wajatanemoburire amaque,” arīñūmi iġu mohme corerāre. ¹⁴ Iġu ya yeba majarāpu iġure gamebirīñuma. Eropa gamebirā iġu opu árību wara pūhru gajirāre iġure weredorerā obeoñuma. “Mūhu gua opu árīcū gamebea gūa,” arīñuma erā weredorenāpu. ¹⁵ Eropa erā gamebirīquerecū ta pūhru erā opu ñajañūmi iġu. Eropa opu ñajatuha, iġu iġu ya wihigüe dujarīñūmi. Eropa dujaragu iġu mohme corerāre iġu niyeru mera erā wajatanemorare masibu, erāre sihubeoñūmi.

¹⁶ Iġu eropa sihubeora pūhru, eramahtagu iġure wereñūmi: “Oꝑu, mē niyuseri, mē yure orase mera diez seri wajatanemoabu yūhu,” arīñūmi mohme coregu iġu opure.

¹⁷ “Ōaro iabū mūhu. Ōagu mohme coregu āhraa. Mē merogā mera ya dorero dopa ipehogu árīgu dohpague diez macari majarā erā opu árību waguca mūhu,” arīñūmi opu mohme coregure. ¹⁸ Iġu pūhru eragu iġu mera majagu ōpa arīñūmi: “Oꝑu, mē niyuseri, yure mē orase mera cinco seri wajatanemoabu yū sā,” arī wereñūmi iġu opure.

¹⁹ “Cinco macari majarā opu waguca mūhu,” arīñūmi iġu opu iġure. ²⁰ Iġu eropa arīra pūhru gajigū mohme coregu eraa werepu: “Oꝑu, mē niyuseri ohō āhraa. Suhri gasiro mera oma, irisere dihbuabu. ²¹ Mūhu turaro mohmedoregu āhraa. Eropigu gajirāre mohmedorequeregu oteri moogu árīqueregu ta mē dihta iri ducare aia. Eropigu mure gūiabu,” arīñūmi iġu opure. ²² “Mē yure eropa arīgu ñegu āhraa. Yure mē eropa arīri dipuwajare dipuwaja moagura yūhu. Yūhu mure turaro mohmedoregu árīcū mūhu yure masia. Gajirā yare yūhu aīcū yūhu otebirira árīquerecū iri ducare yū aīgu árīcū masituhabu mūhu. ²³ ¿Yū eropa árīcū iaqueregu duhpigu yū orasere niyeru diburi wihigüe dibubirari mūhu? Irire erā wayura waja wajatanemoboaya mūhu. Irire mē iicū dujaragu wajatanemoboaya yū sā,” arīñūmi erā opu. ²⁴ Eropa arītuha iġu pohro niguirāre doreñūmi: “Niyuseri emaque iġure. Diez seri opagure oque,” arīñūmi iġu opu. ²⁵ Iġu eroparīcū erāpu wereñuma iġure: “Oꝑu, diez seri opagu baja opatuhami,” arīñuma erā iġure. ²⁶ Erā eroparīcū opu yahriñūmi: “Mūare arīgu iiaa. Árīphehrerā wuaro oparāre onemogura. Moorāpūre merogā erā opaquerecū ta erāre

emagura. ²⁷ Dohpague tamerare yure ñhaturiräre yure erä opu árdorebiriniräre yu pohro aigärique. Eropirä yu ñaro wejécäque eräre," arññumi opu ñgu mohme coreräre, arñ werepu Jesu.

Jerusaléngue ejapu Jesu

Mt 21.1-11; Mr 11.1-11; Jn 12.12-19

²⁸ Eropa arñtuha Jesu gajirä core Jerusaléngue wagu iipu. ²⁹ Jerusaléngue ejaboro coregä Olivo waicüdigu utägu gubuyegue ejañorä pe maca ártrogue. Yuju maca Betfagé gaji maca Betania waicuyoro. Erogue ejagu ñgu buherä mera majaräre peräre obeogu Jesu öpa arñpu:

³⁰ —Si macague waque. Ero ejarä, burrogäre erä dirinugudigüre bocajaräca. Gajirä ñgure ne peyanibeama dohpa. ñgüre bocarä, ñgüre diriradare pä, aigäribasaque yure. ³¹ Mña eropa iicü ñagupu "¿Duhpirä burrore päri?" ñgu arñcü peerä öpa arñ yuhrique ñgüre: "Mari ñgu burrore gamebeoniami dohpa," arñ wereque ñgüre, arñ weredore obeopu ñgu buheräre peräre.

³² ñgu eroparicü erä peräpu ñgu obeodirogue ejañorä. Erä eropa ejacü Jesu árñpehreri ñgu eräre arñdiro dopa ta eropa wayoro. ³³ Eropirä burrogäre erä päcü ñgügä oparä serëpiñorä eräre:

—¿Duhpimorä diriradare päri burrogäre? arñ serëpiñorä erä.

³⁴ —Mari ñgu burrogäre gamebeoniami, arñ yuhriñorä erä.

³⁵ Eropirä ñgügäre burrogäre Jesu pohrogue ai ejañorä. ñgügäre ai ejatuhaja erä weca maja suhrire ñgu weca duhpeñorä. Eropirä ñgu weca Jesu ñgu maribejacü itamuñorä erä Jesure. ³⁶ Jesu ñgu weca ñgu peyagu wacü erä masa erä weca suhri sañari suhrire tuwea ai mague seöpi muhtañorä ñgu core. ³⁷ Eropirä Jerusalén pohrogue eja, Olivo waicüdigu dijariri mague ejañorä. Erogue ejarä Jesu buherä bajarä árñpehrerire ñgu deyro moarare, ñgu öari ñgu iirare erä ñarare guña mucubiri Goämure öaro wereniguñgañorä. Goämure "Öagü, turagu ährimi," arñ gaguñguñorä. Eropirä burigä gaguñgui Goämure umupeo öpa arññorä:

³⁸ —Ñre umupeorä. Iñi Goämü ñgu obeodigu, mari Opu öaro ariporo. Ümaro majarä öaro arñporo. Goämü ñgu turagu arñcü árñpehrerä masiporo, arñ umupeoñorä erä.

³⁹ Erä eroparicü peerä fariseo masa bajamerägä erä watope arñrä Jesure wereñorä:

—Buhegu, mü buheräre ejarimaricädoreque, arññorä erä.

⁴⁰ Eräre yuhripu Jesu:

—Muare arñgu tiäa. Oä yure umupeorä erä wereniguibiricü utäyeripu yure umupeoro dopa ta gaguñiboca, arñpu Jesu eräre fariseo masare.

⁴¹ Eropa arñtuha Jesu Jerusalén pohrogue eja, iri macare ñhabeogu orepü. ⁴² Öpa arñpu ñgu:

—Jerusalén majarä, dohpague tamerare muare öaro árñburire müa masicü öatariaboya. Eropa árñquerecü müa dohpaguere irire ne peediabirabu. Eropigu Goämü muare irire masidorebirimi. ⁴³ Muare ñhaturirä müa arñri macare cähmotaräcoma. Eropa iirä erä muare wiriario iisome. ⁴⁴ Irisubu erä müa ya macare cóäpehoräcoma. Muare müa porä säre wejëräcoma. Muare ñhaturirä öaro weasiriräcoma müa ya macare. Goämü peamegue waboniräre muare ñgu taubure yure müa masidiabirabu. Müa masidiabirira dipuwaja muare ñhaturiräre Goämü cóädoregücumi müa ya macare, arñpu Jesu Jerusalén majaräre.

Goämü wihigue ejapu Jesu

Mt 21.12-17; Mr 11.15-19; Jn 2.13-22

⁴⁵ Eropi Jerusaléngue ejagu, Jesu Goämü wihigue ñaja wapu. Eropigu doberi duaräre iri wihigue bocajagu, eräre cohä wiucäpu. Öpa arñpu ñgu eräre:

⁴⁶ —Goämü yare erä gojarapü öpa ähraa: "Goämü arñmi: Yaha wihi Goämü mera wereniguiri wihi waicuroca," arññuma ñgu yare erä gojarapü. ñgu eropa arñquerecü ta muaru i wihire Goämü wihire duadoarä bu game yajarä iiaa, arñpu Jesu.

⁴⁷ Ümuri nücu Goämü wihigue Jesu buhepu. Eropirä pahia oparä, judio masare buherä mera, masa oparä sä, ñgüre erä wejëburire guñamaañorä. ⁴⁸ Masa árñpehrerä ñgüre eropa peenigü, ñgu buherire öaro peenurärä arññorä. Erä eropa öaro peenuräcü Jesure wejëdiaräpu ñgüre erä wejëburire bocabirñorä.

20

Jesure doredigüre ñgüre serëpiñorä

Mt 21.23-27; Mr 11.27-33

¹ Gajinu Goãmu wihigue Jesu masare ðari buherire buhegu iipu. Īgu eropa buhecũ pahia oparã, judio masare buherã, murã mera ĩgu pohrogue erarã, ĩgure serẽpiñorã:

²—Wereque guare. ¿Noa doreri mera eropa iiri muha? ¿Nihino mure Goãmu wihigue árinirãre cóadoreari? arĩñorã erã Jesure.

³ Erã eroparicũ Jesu yuhripũ erãre:

—Yuhu muapure serẽpimuhtagura. Wereque yu sãre. ⁴ ¿Ñu masare ĩgu waĩyecũ nihinopũ ĩgure waĩyedoremuriyuri mua pepicũ? ¿Goãmu doreyuri? ¿O masapu doremuriyuri? arĩ serẽpipũ erãre.

⁵ ĩgu eroparicũ erãpu erã basi game wereniguĩñorã:

—¿Dohpa arĩ yuhrirãcuri mari? “Goãmu Ñure doredigu árimi,” mari aricũ, “¿Goãmu Ñure ĩgu dorequerecũ ta duhpirã ĩgu wererare peebirari mua?” arĩbocumi Jesu marire.

⁶ Oã masapu “Diaye ta Ñu Goãmu yare weremuhtadigu árimi,” arĩ pepima erã. Erã eropa arĩ pepirã maripũ “Ñu ĩgu waĩyecũ Goãmupũ ĩgure dorebiridigu árimi,” mari aricũ masapu marire utã mera dearãcoma, arĩ wereniguĩñorã erã erã basi. ⁷ Eropa arĩ wereniguituha erã Jesure yuhriñorã:

—Ñure waĩyedoredigure gua masibeeaa, arĩñorã erã.

⁸ Erã eroparicũ Jesu yuhripũ:

—Irisubu tamerare yu sã yare doredigure werebeaa muare, arĩpu ĩgu erãre.

Ñerã mohme corerã iira queorire werepu Jesu

Mt 21.33-44; Mr 12.1-11

⁹ Eropi Jesu queori moa ðpa arĩ buhenugapu masare:

—Yeba opu árinũmi. ĩgu ya pohere iguire oteñumi. Otetuha, iri pohere gajirãre deco mera apĩñumi erã mohme corera waja. Eropa apigu erãre iri pohere ïhadibudoretuhaja gaji yebague waha wañumi. Yoari boje deyojiriñumi. ¹⁰ Eropigu igui ñirisubu áricũ pohe opu ĩgu pohro majagure pohere mohme corerã pohrogue obeoñumi. Pohe maja ĩgu oteri ðucare ĩgu ya sero majare aĩdoregu obeoriñumi. Eropirã pohere mohme corerã ĩgu pohro majagure bocafiri pañuma ĩgure. Eropirã erã ĩgure iguitõrre obiriquererã dujadoreñuma ĩgure. ¹¹ Eropigu pohe opu gajigu ĩgu pohro majagure iri pohe maja ðucare aĩdoregu obeoriñumi daja. Eropirã pohere mohme corerã ĩgu sãre pa ñero iĩnuma ĩgure. Eropa iituha ĩgu iri ðucare obiriquererã dujadoreñuma daja. ¹² ĩgure erã eropa iira puhru gajigu pohro majagure obeoriñumi daja. Eropirã mohme corerã daja ĩgure cami moa, iri pohe turo cóacãnuma ĩgure.

¹³ “Erã eropa iira puhru pohe opu ðpa arĩ pepiriñumi: “¿Dohpa iigucuri yuhũ? Őpa iigura. Yuhu yu magure yu mahigure obeogura. Erã ĩgure umupeobocoma,” arĩ pepiriñumi pohe opu. ¹⁴ Eropirã ĩgu magure ĩgu obeodigu ejacũ ïarã mohme corerãpu erã basi ðpa arĩ wereniguĩnuma: “Ihĩ pohe opu magu áhrimi. ĩgure wejẽrã. Eropiro i pohe mari ya pohe dujaroca,” arĩriñuma erã erã basi. ¹⁵ Eropa arĩtuha pohe opu magure ñeha pohe turo aĩgã, wejẽcãnuma ĩgure. ¿Ne pohe opu dujaragu dohpa iigucuri ĩgu ya pohere mohme corerãre? arĩpu Jesu.

—Őpa iigucumi erãre. ¹⁶ ĩgu pohere mohme corerãre wejẽgu, gajirãpũre pohere mohme coredoregucumi, arĩ yuhripũ Jesu ĩgu basi.

ĩgu eroparicũ peerã masapu ðpa arĩñorã:

—Marire eropa wabiricãporo, arĩñorã erã.

¹⁷ Erã eroparicũ Jesupu erãre ïha serẽpipũ:

—¿Goãmu yare erã gojarapũre ðpa arĩra dohpa arĩro iiri mua pepicũ?

Ihĩ Cristo utãye iro dopa ta áhrimi. Masa Cristore gamebirãcoma. Erã ĩgure gamebiriquerecũ Goãmu ĩgure beye erã opu erãre taubu acumi, arĩ gojañuma.

¹⁸ Yare gamebirãpu yu dipuwaja moamorã árirã ñero tarirãcoma, arĩpu Jesu erãre.

Oparã ya wajare wajayeburire gajirã serẽpiñorã Jesure

Mt 21.45-46; 22.15-22; Mr 12.12-17

¹⁹ ĩgu eroparicũ peerã judio masa buherã, pahia oparã sã “Jesu iri pohe opu queori mera ‘Erã ñerã mohme corerã iro dopa áhrima,’ arĩgu marire weresãgu iicumi ĩgu,” arĩ pepiñorã erã.

Eropa arĩ pepirã erã Jesure ñeadiariñorã. Eropa ñeadiaquererã ta masa Jesure gamerã mari mera guarĩ arirã erã masare güi arĩñorã. ²⁰ Eropa güirã Jesure erã ñeaburisubure corerã ĩgure ïhanũñorã. ĩgu ñero arĩ yuhricũ ïadiarã iiriñorã ĩgure weresãmorã. Eropirã Jesure gajino serẽpidorerã obeoñorã guyarãre. Erãre diaye iirã dopa wereniguidoreñorã. Jesu ñero ĩgu werenicũ peerã iri yeba majagu opũre peresu iĩdoremorã iiriñorã. ²¹ Eropirã erã Jesure serẽpiñorã:

—Buhegu, diaye wereniguigu, guyari marigu mu áricũ gua masia. Eropigu opu áricũ sãre ïgu bu árigũ ïgu áricũ sãre yujuropa ïhaa muhu. Mũhu Goãmu yare diaye mu buhecũ sãre gua masia. ²² Wereque guare: ¿Roma majagu áripehrerã tauro opu árigũre gobierno majare marire wajayero gahmeri mu pepicũ? ¿Mari doreripũ irire wajayedoreri? arĩñorã erã Jesure.

²³ Erã eroparicũ Jesu erã ñero iidiarire masigu erãre werepu:

—¿Duhpirã yũ ñero wereniguicũ peediarĩ maa? ²⁴ Dohparagã niyerusere aĩrique. Irisere ïarã, arĩpu.

Irisere erã aĩ eracũ ïagu õpa serẽpipũ Jesu:

—¿Nihino gohra waicũgu masũ tuhyari irisere? ¿Noa waĩ tuhyari? arĩ serẽpipũ Jesu erãre.

—César, masa tauro opu waĩ ïgu masũ sã tuhyami iriseguere, arĩ yuhriñorã erã.

²⁵ Erã eroparicũ Jesu werepu:

—Irisubu tamerare masa tauro opũre ïgu yare oque. Goãmu yapũre Goãmũre oque, arĩpu Jesu erãre.

²⁶ Eropirã masa erã peero Jesure ñero arĩ wereniguicũ iimasibiriñorã erã. Eropirã erã Jesu yuhriirire peerã erã peemaria wañorã. Eropã peemariarã, ejarimaria wañorã.

Saduceo masa Goãmu ïgu s̄irininã masurire serẽpiñorã Jesure

Mt 22.23-33; Mr 12.18-27

²⁷ Eropi bajamerãgã Saduceo masa Jesu pohrogue erañorã. “Goãmu s̄irininãre masusome,” arĩ pepirã áriñorã Saduceo masa. Eropirã erã õpa arĩñorã ïgure:

²⁸ —Buhegu, marire õpa arĩ gojañumi Moise: “Yujugu ïgu tũgu marapocũgu porã mariqueregu ta ïgu s̄iricũ ïagu ïgu pagu magure ïgu tũgu marapo áridigore marapocũro gahmea. Eropã ïgu tũgu murũ ïgu porãcubodiro dopa ta porãcuro gahmea ïgu pagu magure. Eropirã ïgu tũgu murũ porã iro dopa áriñacoma,” arĩpu Moise, arĩñorã erã.

²⁹ Irire arĩtuha i queorire werenemoñorã erã Jesure:

—Yujugu porã siete áriñorã. Erã tũgũpũ marapocu porã marigu ta s̄iria wapũ. ³⁰ Eropigu gajigu ïgu pagu magu sã ïgu tũgu marapo áridigore ta marapocũpũ. ïgu eropa marapocũra pũhrũ ïgu tũgu murũ iro dopa ta ïgu sã porã mariqueregu ta s̄iria wapũ. ³¹ Eropigu ihĩ pagu magu sã ïgu tũgu murũ iro dopa ta porã mariqueregu s̄iria wapũ. Eropã dihta wañorã yujugu porã gohra. Ne porã mariqueregu ta s̄iripehrea wañorã. ³² Erã marapo sã erã pũhrũ s̄iria wapo pare, arĩ, Jesure serẽpiñorã: ³³ ¿Ne, Goãmu áripehrerã s̄irininãre ïgu masucũ nihino marapo gohra árigocuri igo? Erã siete áripehrerã igore marapocũninã áriñorã. ¿Eropigo nihino marapo gohra árigocuri igo? arĩ serẽpiñorã erã.

³⁴ Erã eroparicũ Jesu yuhriipũ:

—I yeba majarã ẽma nome mera marapocũma. ³⁵ Erã eropa ïiquerecũ ta ẽmũsi majarãpũ eropa áribeama. Dohpaguere masare ẽmare, nome sãre diaye iirãre Goãmu õarã ïgucumi. Erã erã s̄irira pũhrũ masa mũriarãcoma Goãmu pohrogue. Eropirã erã eroguerẽ marapocũbeama. ³⁶ Eropirã erã anyua iro dopa ta ne s̄irisome daja. Erã Goãmu ïgu masunirã áriñã, Goãmu porã áhrima. ³⁷ Dohpaguere s̄irininã erã masa mũriaropũre mũare weregura. Irire masia mũa ïgu Moise ïgu arĩ gojarare. “Iri yucũgũgũgue ẽjudigũgue árigũ Goãmu õpa arĩ weremi yare,” arĩ gojañumi Moise. “Yuhũ Abrahã, Isaa, Jacobo erã opu ta áhrraa,” arĩ weremi Goãmu yare,” arĩ gojañumi Moise. ³⁸ Erã s̄irira pũhrũgue “Erã opu ta áhrraa,” arĩñumi Goãmu. Eropirã erã s̄irininã mũra ïgu masunirã áriñã erã ojocarirã áhrima. Áripehrerã masa s̄iriqueregu ojocarirã áhrima Goãmu ïgu ïacũ, arĩpu Jesu erãre.

³⁹⁻⁴⁰ ïgu eroparicũ erãpu dipaturi Jesure serẽpidiabiñorã. Eropirã bajamerãgã judio masare buherã õpa arĩñorã:

—Buhegu, mũhu õaro yuhriabũ, arĩñorã erã ïgure.

Cristo Davi mũru opu áhrimi, arĩ werepu Jesu

Mt 22.41-46; Mr 12.35-37

⁴¹ Pũhrũ Jesu õpa arĩ werepu masare:

—“Cristo Davi mũru pãrami árigucumi,” arĩ buherima mũare buherã. ¿Duhpirã erã eropa arĩ buheri? ⁴² Davi mũru ïgu basi Salmo ïgu gojarapũgue õpa arĩ gojañumi:

Goãmu yũ opũre õpa arãmi: “Ohõ yũ diayepũ dorebu doaque. ⁴³ Eropigu mũre ïhaturirãre mũre tarinũgabasagura yuhũ,” arĩmi Goãmu yũ opũre, arĩ gojañumi Davi mũru.

⁴⁴ Eropa arí gojagu Davi mura opucañumi Cristore. ¿Eropigu Davi mura Cristo ñecu mura áriqueregu ta duhpigu Davipu Cristore opucayuri? Cristo Davi mura opu áhrimi, arí werepu Jesu.

Masare buherá erá ñero iirire werepu Jesu

Mt 23.1-36; Mr 12.38-40; Lc 11.37-54

⁴⁵ Masa bajará watope Jesupu igu buheräre opa arí werepu:

⁴⁶ —Masare buherá erá ñeri iirire iará oaro pee masique. Eropirá erá iro dopa iibiricáque. Erá yoari suhri sañama masa eräre iaboro dopa. Doberi duarogue gajirá umupeori mera bocatiri serécú gahmema erá. Eropirá erá mari buheri wiriguere opará oari doari dihtare doadiama erá. Eropirá bosenuri áricú sare opará erá doarigue dihtare doadiama. ⁴⁷ Erá wapeweyará nome erá wajamocú iha erá ya wirire ehmama erá nomere. Eropa eräre mojomoro iabiriquerá erá masa erá ihurore yoari boje Goámure seréma, “Gua Goámure oaro umupeoa,” arí guyará. Erá eropa iira dipuwaja Goámu eräre gajirá tauro dipuwaja moagucumi, arípu Jesu eräre.

21

Wapeweyo Goámu wihigue igo apirare werepu Jesu

Mr 12.41-44

¹ Eropa arí weretuha Jesu Goámu wihi maja erá amuburi niyeru gameneori comoro pohrogue iha doapu. Iri comorogue doberi opará erá niyeru sácú iapu Jesu. ² Eropa iagu wapeweyo mojomorocugo igo pesegá igo oparaserigäre igo sácú sare iapu. ³ Irire iatuha opa arí werepu:

—Diaye arígu iiaa muare. Igo wapeweyo mojomorocugopu ii comorogue igo yare sāgo gajirá arípehrerá erá sādoro tauro sāmo igoa. ⁴ Gajirá doberi opará erá wuaro oquerecú ta erápure erá ya wuaro duhyaa. Igo pu mojomorocugo áriquerego ta arípehreri igo bari waja aríborare opehocāmo igoa, arípu Jesu.

—Goámu wihi cóara wihi aríroca, arípu Jesu

Mt 24.1-2; Mr 13.1-2

⁵ Eropi gajirá Goámu wihire iará opa aríñorá:

—Oari utá mera iira wihi, oari wihi áhrra. Masa Goámu wihire erá ora sā oari áhrra, arí wereniguirá iñorá.

Erá eroparícú Jesu werepu eräre:

⁶ —I wihi majare dohpaguere iarāa mua. Gajinu áricú i wihi maja arípehreri mari iara, i utá sā cohmohehrea waroca. Ne yujuye utāye dujasome, arípu Jesu eräre.

I amu pehrebunure werepu Jesu

Mt 24.3-28; Mr 13.3-23

⁷ Igu eroparícú peerá erāpu serēpiñorá igure:

—Buhegu, ¿dohparícú eropa warocuri mu arídiro dopa waro? ¿Pehrebunū coregäre dohpa wanugacú iarācuri gua? arí serēpiñorá erá igure.

⁸ Jesu yuhripu eräre:

—Oaro iiyuque mua. Eropirá gajirá muare erá guyarire peebiricáque. Bajará masa “Cristo áhrra yuhu,” arí guyará arírácoma. Eropa arí guyará “Dohpaguere pehrebunū merogá duhyaa,” arírácoma. Erá eroparícú eräre peebiricáque. ⁹ Eropirá mua pohrogá gajirá masa gamewejécú, masa erá oparäre cóacú peerāca. Eropirá yoarogue majarā sā eropa iicú peebeorāca. Mua iirire peerá guibiricáque. Pehrebunū core opa wamuhitaroca. Eropa wamuhitacú pehrebunū duhyaniroca dohpa, arípu Jesu.

¹⁰ Eropa arítuha opa arí werenemopu:

—Irisubure yuju yeba majarā gají yeba majarā mera gamewejērācoma. Eropirá yujugu opu yarā gajigu opu yarā mera gamewejērācoma. ¹¹ Eropiro bajasuburi i yeba ñohmeroca. Eropirá masa bajará oa mera siri, arípehrero majarā masa dorecūrācoma. Eropirá umaro majare deyoro moarire guhyadiarire masa iarā, iha uca warācoma. Eropa wacú muapu guibiricáque.

¹² “I arípehreri eropa waboro core, yaharā mua aríri dipuwaja gajirā muare ñeha ñero iirācoma. Eropirá mari judio masa buheri wirigue muare weresā, peresu iirācoma muare. Erá eropa iicú macari majarā opará pohrogue erá tauro opará pohrogue sare muare aigārācoma erá muare dipuwaja moadorerá. ¹³ Erá eropa muare aigācú muapu eräre oari buherire wererāca. ¹⁴ Erá opará pohrogue muare erá aigācú erá oparäre mua yuhriborore wuaro guñabiricáque mua. ¹⁵ Yuhu muare werenigucú igura. Muare eropa itamugu pee masirire, oari wereniguii sare mua iicú igura. Mua eropa iicú muare ihatuirāpu mua wereniguirire pee bocatūmasisome. “Iri diaye aríbeaa,” arí

yuhrimasisome. ¹⁶ Irisuburi mua yaharā áricū íha mua pagu sumará, mua pagu porā, mua acawererā, mua mera majarā sã muare oparāre wejēdorerā orācoma muare. Erā eropa iicū muare íhaturirā mua mera majarāre gajirāre wejērācoma. ¹⁷ Eropirā yaharā mua áricū íarā, árípehrerā muare íhaturirācoma. ¹⁸ Muare eropa iicū muapu ne dederesome. ¹⁹ Eropirā erā muare ñero iiquerecū ta muare erā ñero iirare yujuro bojerā yare duhubiricū Goāmu muare taugacumi. Eropigu ígu pohrogue muare opagacumi.

²⁰ “Eropirā bajarā surara Jerusalenguere erā cãhmotacū íarā, Jerusalénre erā cõaborore merogā duhyacū masirāca mua. ²¹ Eropa wacū íarā Judea yeba árírãpu utã yucugue oma duhriporo. Eropirā Jerusalén árírã sã waporo. Eropirā campo árírã Jerusalenguere wabiricãporo daja. ²² Irinuri dipuwaja moarinuri árípehreri Goāmu yare erā gojarapū erā arĩdiro dopa ta eropa waroca. ²³ Goāmũ oã masare turaro dipuwaja moacū árípehrerogue i yebaguere ñero tarirācoma. Eropa wacū nijiposã nome, erā porāre mihrirāre oparā nome sã mojomorocurā nome dujarācoma irisubure. ²⁴ Gajirā i maca majarāre gamewejērācoma. Eropirā gajirā i maca majarāre árípehreri yebarigue aĩgã peresu iirācoma. Eropirā judio masa áribirā Jerusalénre ñero iirācoma. Eropirā erā tarinũgarācoma. Judio masa áribirāre “Tripeta árique,” Goāmu ígu aricũgue Jerusalénre áhri duhurācoma, arĩ werepu Jesu.

Jesu i yebague ígu dujariborore werepu

Mt 24.29-35, 42-44; Mr 13.24-37

²⁵ Eropigu erāre werenemopu:

—Irisubure abe umu majagu, ñami majagu, necã sã guhyaro gohrotoa warācoma. Árípehrerā i yeba majarā, “Cue, sirirāca,” arĩ pepirācoma. Wuariya turaro busurire pãguri sãre turaro guirācoma. ²⁶ Irisubure umaro maja sã yeba sã burigã ñohmeroca. Eropa wacū íarā masapu i yeba pehborore corerā burigã guirācoma dedereri arĩrã. ²⁷ Irisubu ta yuhu masu Goāmũ ígu obeodigu Goāmũ ígu turari mera, ígu gosesiriri mera umaro maja imica weca i yebaguere yu dujaricū íarācoma masa. ²⁸ Yu eropa arĩra wanugacū íarā guibiricãque. Eropirā guñatura umarogue íhamujuque. Irisubure Goāmũ muare ígu tauboro merogã duhyaroca, arĩpu Jesu.

²⁹ Eropa arĩtuha i queori mera erāre werepu Jesu:

—Higueragu baja gaji yucu sã iri yucu waricurire pepique mua. ³⁰ Iri yucu pũricucū íarā, “Bojori merogã duhyaa,” arĩ masia mari. ³¹ Eropa ta i árípehreri yu arĩra iri eropa wacū íarā, “Goāmũ ígu opu áriburisubu merogã duhyaa,” arĩ pepirāca mua. ³² Muare ñero diaye arĩgu iiaa. Irisubu majarā erā siriboro core árípehreri yu arĩra eropa waroca. ³³ Umaro i yeba sã pehrea waroca. Yu wereniguiripu ne pehresome. Árípehreri yu arĩdiro dopa ta eropa waha ojogorocuroca.

³⁴ “Yu dujariburinure ne masibea mua. Eropirā ñero arĩyuque. Bosenurire pagari iiniguibiricãque. Eropirā merebircãque. I yeba maja iiburire wuaro pepibiricãque. Muare yu arĩdiro dopa ta iirã, guñaña mariro i yebaguere yu aricū ne ucasome. ³⁵ Yuhu masare beyegu arigu guñaña mariro ariguca. Waibugu guñaña mariro ígu weradague ígu mehsihajaro dopa ta irinũ waroca masare árípehrerā i yeba majarāre. I yeba majarā “Eropa waroca,” erā arĩbirininũ eropa waroca. ³⁶ Muapu ñero guñatura coreque. Eropirā Goāmũre ire serēniguicãque: “Pehrerinũ eropa wacū yare itamuque. Turarire oque yure ñero yu tariboro dopa. Eropigu Cristore mu oboegure guiro mariro yuhu ígure bocatĩricū iique yare,” arĩ serēque Goāmũre, arĩpu Jesu.

³⁷ Eropi irinũre Goāmũ whigue Jesu buhemuripu. Ñamiri nũcu buhetuhajagu Olivo waicũdigugue waha irigugue áriboyotahmuamuripu. ³⁸ Boyocū árípehrerā masa ígure Goāmũ whigue peerã wamũriñorã.

22

Pahia oparā, judio masare buherā mera wejēdiañorā Jesure

Mt 26.1-5, 14-16; Mr 14.1-2, 10-11; Jn 11.45-53

¹ Eropi irisubure bugabiriri pan erā baburi bosenu merogã duhyayoro. Iri bosenu Pascua waicũyoro. ² Eropirā pahia oparā, judio masare buherā mera Jesure wejēdiarā, erā wejēborore guñamaañorã. Jesure wejēdiaquererā ta masapure guñorã guari arĩrã.

³ Eropi Judapu watĩ ígure ñero iidorecū yuhripũ ígure. Juda doce Jesu buherā mera majagu arĩripũ. ⁴ Eropigu pahia oparāre, Goāmũ wihĩ majarā surara oparā mera sãre weretamugu wapũ. Erā pohrogue eja, erāre Jesure ígu íhmuborore weretamupu erā mera. ⁵ Ígu erāre eroparicū pee erā mucubiri, “Mũre niyeru wajayerāca,” arĩñorã erā Judare. ⁶ Erā eroparicū, “Áu, muare ígure íhmugũra,” Juda arĩpu. Eropigu masa erā íabiririsubu Jesure íhaturirāre ígu íhmuborore corenipũ.

Jesu ĩgu buherā mera ĩgu baturinū árĳyoro

Mt 26.17-29; Mr 14.12-25; Jn 13.21-30; 1Co 11.23-26

⁷ Bũgabiriri panre erā baburinū bosenu árĳnũgarinū árĳyoro. Eropiro Pascua majagu árĳbure ovejare erā wejĳerinū árĳyoro. ⁸ Irisubu ta Pedro, Ņu säre Jesu werepu:

—Bosenu mari baburire amurā waque, arĳpu Jesu eräre.

⁹ —¿Nohonogue mari baburire amudoregu obeori muhu guare? arĳ serĳpiñorā erā.

¹⁰ Erā eroparĳcũ Jesu yũhrĳpu:

—Jerusalĳngue waque. Eroque mua ejacũ deco sorobu tuhpeogu mũare bo-
catĳrigucumi. ĩgu bocatĳricũ ĩgu mera waque. ¹¹ Eropa warā ĩgu sihu ñajari wihigue
ejarā, wihi opure ōpa arĳque: “¿Nohogue yũhu, yũ buherā mera Pascua maja barire
barācuri?” arāmi buhegu,” arĳque wihi opure. ¹² Mua eroparĳcũ peegu wuuri taribure,
ũmaro maja taribure, mari gameri mera erā amura taribure ĩhmugucumi wihi opu.
Eroque mari baburire iique mua, arĳpu Jesu eräre.

¹³ ĩgu eroparĳcũ erā iri macague wañorā. Eroque erā ejacũ eräre ĩgu arĳdiro dopa ta
eropa wayoro. Eropirā erā Pascua árĳcũ baburire amuñorā.

¹⁴ Erā barisubu árĳcũ Jesu doce ĩgu buherā mera ba doapu. ¹⁵⁻¹⁶ Eroque erā barogue
doagu Jesu eräre werepu:

—Mũare arĳgu iiaa. I Pascua bosenure mari iiaa Goāmu ĩgu yaräre ĩgu taurare
guñarā. Pũhrũ Goāmu ĩgu opu árĳroque ĩgu yaräre tautuhagucumi. ĩgu eropa tauboro
core ĩnno majare dipaturi basome yũhu. Eropĳgu dohpaguere yũ ñero tariboro core i
Pascua maja barire mua mera turaro badiabu, arĳpu Jesu.

¹⁷⁻¹⁸ Eropa arĳgu Jesu ihrirĳpare aĩ, Goāmure “Ōhaa,” arĳ serĳ, eräre werepu:

—Mũare arĳgu tiiaa. Goāmu ĩgu opu árĳroque ĩgu decore ihriboro core ne dipaturi
ihrisome yũhu. Eropirā iri vinore aĩ mua basi ihrĳque, arĳpu Jesu.

¹⁹ Eropa arĳtuha panre aĩ, Goāmure “Ōhaa,” arĳpu. Eropa arĳtuha irirure nuha
guerepu eräre. Irirure gueregu ta eräre werepu:

—I yũ dũpu āhrraa. Yũ dũpu yũre ĩhaturĳräre erā oburi dũpu árĳroca. Mua ñeri iira
wajare cóābu sĳriguca yũhu. Eropirā mua yũre guñaburire ire baque, arĳpu Jesu.

²⁰ Eropa batuha eropa ta eräre ihrirĳpa säre opu. Eropĳgu eräre werepu:

—Mua ñeri iirare cóābu sĳriguca. Eropĳgu yũ dire cóāguca. Eropa sĳrigu yũ Pagu
Goāmu “Masare ōaro ĩgura,” ĩgu arĳdiro ii ojogorocũguca.

²¹ “Dohpaguere peeque mua. Yũre ĩhaturĳräre ĩhmubu yũ mera ohō doami.
²² Goāmu ĩgu arĳdiro dopa ta yũhu masũ Goāmu ĩgu obeodigu sĳriguca. ĩgu eropa
sĳrdorequerecũ ta yũre ĩhaturĳräre ĩhmudũgu pu ñetariaro tarĳgucumi, arĳpu Jesu.

²³ ĩgu eroparĳcũ erāpu erā basi ōpa arĳ serĳpiñorā:

—¿Jesure ĩhaturĳräre ĩhmubu mari mera majagu nihino árĳcurĳba? arĳ serĳpiñorā
erā basi.

“¿Mari mera majagu nihinopũ opu árĳgũcuri?” arĳ wereniguiñorā Jesu buherā

²⁴ Pũhrũ Jesu buherā ōpa arĳ dũyasofñorā:

—¿Mari mera majagu nihipũ árĳgũcuri opu? arĳ wereniguiñorā erā basi.

²⁵ Erā eropa arĳ wereniguiñorā peegu Jesu eräre werepu:

—Goāmure masĳbirā oparāpu erā masare dorerā pũriro mera dorema. Eropirā
oparäre “Erā masare ōaro itamurā āhrrima,” arĳrima gajĳrā eräre. ²⁶ Mũapu eropa oparā
árĳdiasome mua basi. Mua mera majagu mua ĳgũpu mua pagu magu iro dopa árĳporo.
Mua mera majagu opu árĳdiagu gajĳrā itamugu árĳporo. ²⁷ ¿Nihino āhrriri opu mua
pĳpicũ? ¿Ba doagũpu opu āhrriri? ¿O barire duhpogũpu opu āhrriri? Ba doagu ta
árĳcumi opu. ĩgu eropa árĳiquerecũ ta yũpu pohro majagu iro dopa ta mũare itamugu
ahrabu.

²⁸ “Masa erā yũre ñero ĩquerecũ ta mũapu yũre duhubirabu. ²⁹ Eropĳgu yũ Pagu ĩgu
yũre opu acudiro dopa ta mua säre oparäre acugura yũhu. ³⁰ Yũ opu árĳcũ mua sã yũ
bari mesa ta baha ihrĳrāca. Eropirā mua oparā doarire doarāca. Mua ero doarā Israe
masare doce cururi majaräre beyerāca ōarā säre ñerā säre, arĳpu Jesu ĩgu buheräre.

Pedro “Jesure masĳbeaa,” ĩgu arĳ guyaburĳñere wereñumi Jesu

Mt 26.31-35; Mr 14.27-31; Jn 13.36-38

³¹ Eropa arĳtuha Pedroe Jesu ōpa arĳ werepu:

—Simō Pedro yũre peeque. Watĳ Satana mũare árĳpehreräre gamegu Goāmure
serĳrami. Mua yũre duhu ĩgu yũre ĩicũ gamegu serĳrami. Trigo pohe opu ĩgu trigo
gasirire cóāgu puri siriro dopa mũare goroweodiami. ³² ĩgu mũare eropa gamequerecũ
yũpu mũre Goāmure serĳbasabu. Yũre mũ umupeo duhubirurire serĳbasabu

Goãmure. Eropigu muhu yu mera majagu dipaturi árġu mu acawereräre yaharäre guñaturacú iique muhu, arġu Jesu Pedrose.

³³ Īgu eroparicú Pedro yuhripu:

—Opu, mure erā peresu iiquerēcú ta, yuhu mu mera majagu árġiniguġca. Mure erā wejēquerecú ta mu mera majagu árġiniguġca, arġu Pedro.

³⁴ Jesu yuhripu:

—Pedro, mure arġu iiaa. Dohpagā ñami cäreña ġu wereboro core uhresubu “Jesure masibea,” arġu muhu gajiräre, arġu Jesu Pedrose.

Jesure erā ñero iinugaboro merogā duhyayoro

³⁵ Eropa arġuha Jesu ġu buheräre werepu:

—¿Sohó árġasubure mua niyeru aju moorā, suhri diyeri aju moorā, zapatu moorā muare yu obeorasubure gajino duhyari muare? arġ serēpġu Jesu.

—Ne gajino guare duhyabirabu, arġ yuhriñorā erā.

³⁶ —Irisubure muare duhyabiriquerēcú ta dohpaguepu suhri diyeri ajure, niyeru aju säre oparā irire aġque. Eropirā muare matamijiri maricú ġarā mua suhrire duarā irimijire asūque. ³⁷ Ire muare arġu iiaa. Goāmu yare erā gojarapū erā arġiro dopa ta yure eropa waro gahmea. Ōpa arġuma iripūque. “ Īgu dorerire tarinugarā mera majagu ahrimi, ’ arġrācoma masa,” arġ gojañuma yare, arġu Jesu. Erāpu arġñorā:

³⁸ —Īaque opu. Pemiji matamijirire opaa gua, arġñorā ġu buherā.

—Iripēta árġca, arġ yuhripu Jesu.

Getsemanġue Jesu Goāmu mera wereniguiġu

Mt 26.36-46; Mr 14.32-42

³⁹ Eropi Jesu ġu ero core ġu iiguadiro dopa ta Olivo wañcudigu utāguġue waha wapū. Īgu eropa wacú ġu buherā ġu mera wañorā. ⁴⁰ Erogue eġu ġu eräre werepu:

—Goãmure serēque mua ñerire iibiriboro dopa, arġu eräre Jesu.

⁴¹ Eropa arġuha ġu seyaro merogā yujugu ta wanemo, mereja Goāmu mera wereniguiġu:

⁴² —Ahu, yu ñero tariburire iidiabigu iibiricāque. Yu eropa serēquerecú ta yu gamero dopa iibita. Muġu masia. Mu gamero dopa ta iique, arġ serēpu Jesu Goãmure.

⁴³ Īgu eropa arġ serēcú umarogue aridigu anyu Jesure dehyoapu ġure itamugu.

⁴⁴ Eropigu Jesu ñero siporācu turaro mera Goāmu mera wereniguiġu. Eropiro ġu ñajasiri guari di wiriro dopa ġure wiridijayoro.

⁴⁵ Goāmu mera wereniguituha wahgānugaja, ġu buherā pohrogue dujaa wapū. Īgu dujjacú ġu buherā burigā bujawererā árġrā carġrā árġñorā. ⁴⁶ Eropigu Jesu eräre ōpa arġ werepu:

—¿Duhpirā carġri mua? Wahgāque. Goãmure serēque mua ñeri iibiriburire, arġu Jesu eräre.

Jesure ġaturirā ġure peresu iñorā

Mt 26.47-56; Mr 14.43-50; Jn 18.2-11

⁴⁷ Īgu eropa arġ wereniguirisubu masa bajarā erañorā. Juda doce buherā mera majagu árġidigu masare mahtagaridigu árġpu. Eropigu ġu Jesu pohro eraa, ġu wayuporäre mimġu ġure. ⁴⁸ Īgu eropa mimicú Jesupu ġure serēpġu:

—Juda, ¿yu masure Goāmu ġu obeodigure yare ġaturiräre ġmugu yu wayuporäre mimiri muhu? arġu Jesu.

⁴⁹ Īgu eropa arġa puhru Jesu buherā masa Jesure erā ñeaburire masirā ġure serēpiñorā:

—Opu, ¿gua matamijiri mera eräre gamequeāsi? arġñorā erā.

⁵⁰ Erā eropa arġa puhru yujugu Jesu buherā mera majagupu pahia opu pohro majagure ġu matamiji mera ġu gamirore diayeru árġi gamirore tabe coro dijucāpu.

⁵¹ Īgu eropa iicú ġagu Jesu ōpa arġpu:

—Iibita, arġpu.

Eropa arġuha pohro majagu gamiro árġrañere mohmepġu. Īgu eropa iicú pohro majagupu muraro ta dujapu daja. ⁵² Eropa iitua pahia oparäre, Goāmu wihi surara oparäre, murā säre ġure ñeamoräre Jesu serēpġu:

—¿Mua matamijiri mera, yucu ducari mera arġrā yajari masure iro dopa ta yare ñearā arġrā ġari? ⁵³ Ūmari nucu Goāmu wiġue mua mera yu árġcú, mua yare ñeabiribu. Eropa arġquerecú ta dohpague mua ñerā yanu ta āhraa. Watġ ġu tarinugaburisubu árġro iiaa, arġpu Jesu.

"Jesure masibea," arīpū Pedro

Mt 26.57-58, 69-75; Mr 14.53-54, 66-72; Jn 18.12-18, 25-27

⁵⁴ Erā Jesure ñeatuha pahia opu ya wihigue aīgāñorā erā ĩgure. Erā aīgācū Pedro yoarogue erāre ihanꝝrusiapu. ⁵⁵ Opu ya wihigue ejacū, iri wihire cāhmotara sārīro pohecague ðari goro deco peame dihuñorā gajirā. Erā dihucū ĩagu Pedro peame pohro doarā mera doapu. ⁵⁶ ĩgu peame boyorogue doacū yujugo pohro majago ĩgure ðaro ihanuru gajirāre ða arī werepu:

—Ihī sā ĩgu mera ta āhrami, arīpo igo.

⁵⁷ Igo eroparīcū Pedro yuhripū:

—Nomeo, ĩgure ne masibea yuhu, arīripū Pedro. ⁵⁸ Puhru ñari gajigu Pedrore ĩha, ðpa arī werepu:

—Mu sā erā mera majagu ta āhraa, arīpū ĩgu.

—Ne, arībeaa, arīripū Pedro.

⁵⁹ Yuju hora puhru gajigu gajirāre ðpa arī werepu:

—Diaye ta āhraa. Ihī Galilea majagu āhrimi. Diaye ta Jesu mera āhrami ihī sā, arīpū ĩgu gajirāre.

⁶⁰ ĩgu eroparīcū Pedro yuhripū:

—Mu arīgure ne masibea yuhu, arī yuhripū.

ĩgu eropa arī wereniguirisubu cāreña werepu. ⁶¹ ĩgu werecū mari Opu Jesu wihī pohro arīdigu Pedrore maji ĩapu. ĩgu eropa ĩacū Pedropū Jesu ĩgu arīrare guñapu. "Dohpagā ñami cāreña ĩgu wereboro core, uhresubu muhu, 'Yuhu Jesure masibea,' arīgūca muhu," Jesu ĩgu arīrare guñapu Pedro. ⁶² Eropigu Pedro erogue wiriri, turaro orepū.

Jesure wereya, pañorā erā

Mt 26.67-68; Mr 14.65

⁶³ Eropirā Jesure core᝝ surara ĩgure wereya, pañorā. ⁶⁴ Eropa parā ĩgu cuirire diricāhmota, ĩgure serēpiñorā:

—¿Noa mure pari? ĩbiriqueregu ta wereque guare, arī wereyañorā erā.

⁶⁵ Eropirā baja gaji ñero arī wereyañorā erā ĩgure.

Jesure opu serēpipū

Mt 26.59-66; Mr 14.55-64; Jn 18.19-24

⁶⁶ Eropirā boyorogue ta murā, pahia oparā, judio masare buherā sā gamenereñorā. Erā eropa gamenerere gajirā erā pohrogue Jesure aīgāñorā.

⁶⁷ —Wereque guare. ¿Goāmū beyedigu Cristo āhriri muhu? arī serēpiñorā erā Jesure.

Erā eroparīcū Jesu yuhripū:

—Muare yu werecū sāre yure peesome mua. ⁶⁸ Muare yu serēpicū yure yuhrisome mua. Eropirā yure wiusome mua. ⁶⁹ Mua yure wiubiriquerecū ta puhru ñari umuri nucu yuhu masu Goāmū ĩgu obeodigu Goāmū yu Pagu turagu ĩgu diayeru doagu āri᝝ca, arīpū Jesu.

⁷⁰ ĩgu eroparīcū erā arīpehrerā serēpiñorā daja dipaturi:

—¿Eropa arīgu "Yuhu Goāmū magu āhraa," arīri muhu? arīñorā erā.

—Mua arīro dopa ĩgu ta āhraa, arī yuhripū Jesu erāre.

⁷¹ ĩgu eroparīcū ðpa arī erā basi wereniguiñorā erā:

—Īre weresārāre gajirāre mari gamebeaa pare. Erā nucu ta sihajama. ĩgu Goāmure ĩgu ñero wereniguiñorā mari basi ta mari peea. Eropirā ĩgu ñero iira dipuwajare masituhā, arīñorā erā erā basi.

23

Pilato Jesure serēpipū

Mt 27.1-2, 11-14; Mr 15.1-5; Jn 18.28-38

¹ Eropa arītuha erā arīpehrerā wahgānugaja, Jesure Pilato waicūgu opu pohrogue aīgāñorā. ² Aī ejarā Jesure weresānugañorā:

—Ihī mari ya yeba majarāre ñero iidorecū peeabu. Mari opure Césare ihī wajayedorebeami. Eropigu ĩgu "Yuhu opu āhraa. Cristo āhraa yuhu," arī wereniguiñorā ĩgu basi, arī weresāñorā erā Jesure.

³ Erā eropa arī weresāra puhru Pilato Jesure serēpipū:

—¿Diaye ta judio masa opu ta āhriri muhu? arīpū ĩgu Jesure.

—Mu arīro dopa ta ĩgu ta āhraa, arī yuhripū Jesu.

⁴ ĩgu eroparīcū Pilato pahia oparāre, masa sāre werepu:

—Īre gajino waja dipuwaja mara, arīpu īgu.

⁵ Īgu eropa arīquerecū ta erā turaro weresānemoñorā:

—Īgu, īgu buheri mera masare gamequeācū iimi. Galilea yeba īgu irire iinugami. Eropa iinugatuha árīpehrero Judea yebague irire īgu iimi, arī weresāñorā erā.

Herode waīcugu opu Jesure serēpiru

⁶ Erā eropa arī weresācū peegu Pilatoru serēpiru:

—¿Ihī Galilea majagu āhriri? arīpu īgu.

⁷ —Ero majagu ta āhrimi, arī yāhriñorā gajirā.

Erā eropa yuhricū peegu Pilatoru Jesu īgu árīri yebare masigu opu Herode īgu ya yeba majagu īgu árīcū masipu. Irire masigu Jesure Herode pohro obeopu. Irisubure Herode Jerusalén árīpu. ⁸ Ero core Herode Jesure peemuripu. Īgu eropa peera puhru īgure burīgā iadiaripu. Jesu īgu deyoro moarire īgu ii ihmucū iadiaripu īgu. Eropigu īgu Jesure īagu mucubiripu. ⁹ Eropigu baja serēpiru Jesure. Īgu eropa serēpiquecū ta Jesupu ne yuhribiripu īgure. ¹⁰ Pahia oparā, judio masare buherā sā Herode pohro nugaja turaro Jesure weresāñorā. ¹¹ Erā eropa arī weresāra puhru Herode īgu surara mera wereya, Jesure ñero iñorā. Eropa wereyarā, ñariñe suhriroro opu yañe dopa bejariñere sāñorā erā Jesure. Eropa wereyatuha, iri suhriroro tuwea ai Pilato pohro obeoñorā daja. ¹² Irinure Herode, Pilato mera ñaro erā basi game iinugarā árīnugañorā. Ero corere erā basi game ĩhaturirā árīriñorā.

Masa Jesure wejēdoreñorā

Mt 27.15-26; Mr 15.6-15; Jn 18.39-19.16

¹³ Eropi Pilato pahia oparāre, gajirā oparāre, masa sāre īgu sihubeocū gamenereñorā.

¹⁴ Erā gamenerecū īagu ñpa arīpu erāre:

—Īre yure aīgārīrā, “Īgu masare ñero iidoremi,” arīraa mua yure. Dohpague mua ĩhuro ĩre serēpipoabū daja. Yu eropa serēpira puhru mua īgure weresācū ñeri dipuwaja mara yu ĩacū. ¹⁵ Herode sā “Īgure ne ñeri dipuwaja mara,” arāmi. Eropa arīgu dipaturi ĩre ohō dujuami daja. Eropiro ĩre wejēdorero mara. Mua sā irire ĩha masia. ¹⁶ Eropigu īgure tāraradari mera tāradoreguca yuhū. Erā eropa tārara puhru īgure wiugura, arīripu Pilato.

¹⁷ Bojori nucu Pascua bosenuri nucu peresu árīdigure yujugure masa gamegure Pilato eropa wiubasamuripu. Eropa iiro gameyoro īgure. ¹⁸ Eropirā Pilato “Jesure wiugura,” īgu arīcū peerā árīpehrerā masa ñpa arī gaguiniguñorā:

—Īgu Jesure wejēque. Gua yagu árībure Barrabāpūre guare wiubasaque, arī gaguiniguñorā masa.

¹⁹ Ero Barrabāpu Jerusalengu oparāre īgu coādorera dipuwaja, īgu gajirāre wejēra dipuwaja peresu iñorā īgure. ²⁰ Pilato Jesupūre wiudiaripu. Eropigu īgu masare īgu wiabure serēpi ĩapu daja. ²¹ Īgu Jesure eropa wiudiaquerecū ta erā īgure arīñorā daja: —Crusague pabia wejēque īgure. Wejēcāque īgure, arī gaguiniguñorā erā.

²² Erā eroparīcū Pilato uhresubū waro gohra ñpa arīripū daja erāre:

—¿Ñehenore ñerire iiari īgu mua eropa arī gaguiniguicū? Ne īgure ñeri dipuwaja mara. Eropigu īgure wejēdoremasibea. Īgure tāraradari mera tāradoreguca. Iripēta iidoreguca. Eropigu īgure wiuguca, arīripu Pilato.

²³ Īgu eroparīcū ta erā turaro mera gaguininemo, Jesure crusague wejēdoreñorā. Erā eropa arī gaguinicū peegu Pilato erā gamero dopa ta iidorepu. ²⁴ Eropigu erā arīro dopa ta Pilato Jesure wejēdorepu. ²⁵ Eropa doregu masa serēdigure wiupu. Īgu peresugue árīgure, masare gamewejēcū iidigure, masare wejēdigure Pilato Barrabāpūre wiupu. Eropigu masa erā gamero dopa ta Pilato Jesure crusague wejēdorepu.

Erā Jesure crusague pabia wejēñorā

Mt 27.32-44; Mr 15.21-32; Jn 19.17-27

²⁶ Eropirā erā Jesure wejērā warā, aīgāñorā. Erā eropa warisubū Simo waīcugu Cirene majagu pohegue ejadigu erapu. Jerusalengu īgu eracū ĩarā Jesure aīgārā īgure bocatūri, ñeha, crusare īgure coātamudoreñorā Jesu puhru.

²⁷ Eropirā masa bajarā Jesure ĩhanurūsiañorā. Eropirā gajirā nome īgure erā eropa iicū ĩarā turaro ore nurūsiañorā. ²⁸ Erā orecū peegu Jesu erāre maji ĩha ñpa arīpu:

—Jerusalén majarā nome yure orebircāque. Mua basi, mua porā ya árībūre oreque. ²⁹ Gajinūri árīcū masa ñpa arīrācoma. “Porā marirā nome dohpaguere marī árīcū ñatariaboaya,” arīrācoma masa. ³⁰ Irisubure utāgure ñpa arī wereniguirācoma masa. “Īgu utāgu gua weca yuri bejaporo. Guare wejēcāporo,” arīrācoma masa. ³¹ Masa yure

dipuwaja marigure erā ōpa iicū, űeri dipuwaja oparāpū űetariaro warācoma, arīpū Jesu.

³² Gajirā perā dorerire tarinūgarā erā árīcū erā sāre Jesu mera erā wejēmorāre aigānorā erā. ³³ Erā aigā dipu pero waicurogue eja crusague Jesure pabiañorā. Eropirā gajirā perā sāre yujugure ĩgu diayepū gajigure ĩgu copū crusariguere pabiañorā. ³⁴ Erā eropa iicū Jesu ōpa arīpū:

—Aħū, oā dohparagā erā űero iirire cādijique erāre. Erā erā eropa iirire masibeama. Eropigu iirire cādijique, arīpū Jesu ĩgu Pagure.

Eropirā surara Jesu suhri mūrare “¿Noa yañe árīrocuro iñe?” arī game bira wajatañorā. ³⁵ Eropirā masa ero niguirā erā ĩaro judio masa oparā Jesure wereyañorā:

—Īgu gajirā masare sīribonirāre taurapū. Eropigu ĩgu Cristo Goāmū ĩgu beyedigu árīgu ĩgu basi tariporo, arī wereyañorā erā.

³⁶ Surara sā ĩgure wereyañorā. Jesu pohro ejarā, vino sañire erā oriñorā. ³⁷ Iirire iirā ōpa arīñorā erā:

—Mūhū judio masa erā opū árīgu ta, mū basi tarique, arīñorā erā.

³⁸ Eropi ĩgu weca ōpa arī gojarapūre pabia tuñorā: “Iħī judio masa tauro opū árīgu āhrimi,” arī gojaturapū árīyoro. Griego ya mera, Roma majarā ya mera, judio masa ya mera gojarapū árīyoro.

³⁹ Gajigu ĩgu mera erā pabia tudigu ĩgu űero arī wereniguipū Jesure:

—¿Mūhū Cristo árībeari? Mū basi, gūa sāre tauque, arīpū ĩgu Jesure.

⁴⁰ Īgu eroparīcū peegu ĩgu mera majagapū ĩgure yūhripu:

—Eropa arībīricāque. ¿Duhpigu Goāmūre umupebeari mūhū? Marire yujuro mera dipuwaja moama erā. ⁴¹ Maripūre mari űeri dipuwajare dipuwaja moarā diaye iirā iima erā. Iħīpū űerire iibiriñumi, arīpū gajigu tarinūgagapū.

⁴² Eropa arīgu ĩgu Jesure ōpa arīpū:

—Jesu, mūhū opū árīroque árīgu yū sāre guñaque, arīpū ĩgu Jesure.

⁴³ —Mure ire arāa. Dohpagāre yū mera paraíso waicurogue yū mera árīguca, arīpū Jesu ĩgure.

Jesu sīria wapū

Mt 27.45-56; Mr 15.33-41; Jn 19.28-30

⁴⁴ Eropi goeri boje gohra árīcū árīpehroque ūhre hora gohra naitīa wayoro. ⁴⁵ Naitīaro árīrisubū Goāmū wihi majañe suhriro cāhmotara suhriro deco mera yehguea wayoro. ⁴⁶ Eropigu Jesu turaro gaguinipū:

—Aħū, yū sīporāre mure wiaa mū dibuboro dopa, arī gaguinipū Jesu.

Eropa arītuha sīria wapū.

⁴⁷ Eropa wacū ĩagu surara opūpū “Goāmū turagu āhrimi,” arī, “Iħī Jesu diaye ta ōagu āhrañumi,” arīpū ĩgu.

⁴⁸ Eropirā ero gamenererā iri eropa wacū ĩarā, Jesu ĩgu sīricū ĩarā, erā ya wihigue dujaa wañorā. Dujaa wa, bujawereri mera waha wañorā. ⁴⁹ Árīpehlerā Jesu mera majarā, Galileague ĩgu mera arinirā nome sā yorogue Jesure ĩhu niguiñorā.

Jesu dūpūre masa gobegue apīñorā

Mt 27.57-61; Mr 15.42-47; Jn 19.38-42

⁵⁰⁻⁵¹ Irisubure José waicūgu ero arīpū. Judea yeba Arimatea waicūri maca majagu arīpū. Eropigu ĩgu ōagu, diaye iigu árīgu, Goāmū ĩgu opū árīnūgaburire coregu arīpū. Eropigu ĩgu judio masa oparā mera majagu árīqueregu ta Jesure erā wejēdorecū gamebiriripū ĩgu. ⁵² Eropigu Pilato pohroque eja, Jesu mūrū dūpūre serēpū. ⁵³ Serētuha Jesu dūpūre ai diju, ōari suhriro mera ĩgu dūpūre omapū. Eropa omatuha masa gobegue utāyegue erā seara gobegue apīpū ĩgu dūpūre. Iri gobere ne yujugu sīridigure yaanibirīñorā dohpa. ⁵⁴ Irinū Sabadonū maja árībūre erā amuyurinū árīyoro. Sabado judio masa soorinū árībūro merogā dūhyayoro.

⁵⁵ Eropirā Galileague Jesu mera arinirā nome masa gobegue José wacū ĩarā nūrsiañorā. Masa gobegue eja, iri gobere ĩha, Jesu dūpūre ĩgu apirare ĩañorā. ⁵⁶ Pūhru erā ya wihigue dujaa wañorā. Poresurire ĩgu dūpūre sūburire amuñorā erā. Eropirā Sabado árīcū Goāmū ĩgu dorerire Moiserē ĩgu apirare iri dorero dopa ta erā sooñorā.

24

Jesu masa mūriapū

Mt 28.1-10; Mr 16.1-8; Jn 20.1-10

¹ Domingo árīcū boyorogue erā nome erā poresuri erā amurare ai Jesu masa gobe pohroque aigāñorā. ² Iri gobegue ejarā, iri gobere biharaye utāyere erā pāgū

nugurayere ñañorã. ³ Eropa ñarã erã iri gobegue ñaja wañorã. Jesu ðurpũre ne bocajabiriñorã erã. ⁴ Īgu ðupure bocabirã, “¿Dohpa wayuri?” arĩ pepiñorã erã. Erã eropa arĩ pepi erã werenigui amaro gohra perã uma gosesiriri suhricurã erã pohro niguñorã. ⁵ Ero erã niguicã ñha, nome gũirã merejañorã. Eropirã umapũ erãre wereñorã:

—¿Duhpimorã siridigu mũra ĩgu árdirore ahmari mua? Dohpaguere ĩgu ojocarigu áhrimi. ⁶ Īgu ðre marimi. Masa mũriatuhami. ¿Sohõ árrasubure Galileague mua mera ářigu ĩgu arĩrare guñari mua? ⁷ “Yu masure Goãmu ĩgu obeodigure wiarãcoma ñerãre. Erã yure crusague pabia wejërãcoma erã yure. Eropigu yu sirira puhru uhrenu puhru masa mũriaguca yuhũ,” ¿mũare ĩgu arĩrare guñari mua? arĩñorã umapũ.

⁸ Erã eroparicũ peerã, nomepu ĩgu arĩrare guñañorã. ⁹ Erã eropa arĩra puhru erã dujaa wañorã. Once buherãre gajirã sãre irire werepehoñorã. ¹⁰ Erã nomepu María Magdalena, Juana, María Santiago pago arĩñorã. Erã nome gajirã nome sã arĩñorã Jesu buherãre eropa wererã nome. ¹¹ Erã eropa arĩ werequerecũ ta Jesu buherãpu “Erã diaye arĩbiribocoma. Eropa aricãrã iima oã nome,” arĩ pepiriñorã. Eropirã erã nomere peediabiriñorã.

¹² Erã eroparicũ peegu, Pedropũ masa gobegue omagã, ĩagu wapũ. Iri gobegue eja, ĩgu muhmereja ñhame acupũ. Jesure erã omara gasiro dihtare ĩapu. “¿Dohpa wayuri?” arĩ pepigu ĩgu wihigue dujaa wapũ.

Emaus waĩcuri maca maja mague Jesu dehyoapu

Mr 16.12-13

¹³ Irinũre perã Jesu buherã mera majarã Emaus waĩcuri macague warã iñorã. Jerusalenre once kilõmetros yoaro áhrraa Emaure ejaro. ¹⁴ Emaugue waha, ářipehreri Jesure eropa warare werenigugãrã iñorã. ¹⁵ Erã eropa arĩ werenirisubu Jesupu erã watope erã mera wapũ. ¹⁶ Eropirã ĩgure ĩaquererã ta erã ĩgure ñha masibiriñorã.

¹⁷ —¿Mua curirã warã dohpa arĩ werenigui bujawererã iiri mua? arĩpu Jesu. Īgu eroparicũ erã dujanũgañorã bujawererã. ¹⁸ Eropigu Cleofa waicũgũpu Jesure yuhripũ:

—¿Dohpaguere Jerusalenre erã iirare mũ dihta masibeari? arĩ serẽpipũ ĩgu.

¹⁹ —¿Dohpa wahãri Jerusalenre? arĩpu Jesu.

Īgu eroparicũ Cleofa yuhripũ:

—Jesure Nazare majague erã iirare arĩrã iiaa. Īgu Goãmu yare weremuhtagu ářirimi. Eropirã ĩgu wereniguirire peerã, ĩgu iira sãre ñarã, “Turagu áhrimi,” arĩ pepirima masa. Goãmu sã eropa arĩ pepicumĩ. ²⁰ Mari pahia oparã, gajirã oparã mera ĩgure wejedorã gajirãre ohama. Erã eropa ocũ gajirãpu ĩgure crusague pabia wejẽama. ²¹ “Roma majarãre cóãbu Israe masa opu ářibu áhrimi,” arĩ pepiribu gua ĩgure. Dohpagã mera uhrenũ waha ĩgu sirira puhru. ²² Bajamerãgã gua mera majarã nome guare ucacũ iima. Boyoro Jesu ĩgu masa gobegue erã eja, ²³ ĩgu ðupure erã bocabirañorã. ðupure bocabiri erã dujara wereama. “Guare anyua dehyoama. Jesu ojocariapu,” arĩ wereama nomepu. ²⁴ Erã eroparicũ gajirã gua mera majarãpu iri gobegue eja nome erã arĩdiro dopa ta ñañorã. Erã sã Jesu mũrũre ñabirañorã, arĩpu ĩgu Jesure.

²⁵ Īgu eropa arĩra puhru Jesu werepu erãre:

—Mua ne peebirã áhrraa. ¿Goãmu yare weremuhtanirã mũra erã arĩrare ðaro peebeari mua? ²⁶ Cristo opu ářiboro core ĩgu umarogue ĩgu mũriaboro core ĩgure ñero tariro gahmeabu. ¿Irire masibeari mua? arĩpu Jesu erãre.

²⁷ Eropa arĩgu Goãmu yare erã gojarapũguere erã ĩgure gojayurare Jesu werepehocãpu erãre. Moise mũru ĩgu gojarare Jesu werenũgũpu. Eropigu ářipehrerã Goãmu yare weremuhtanirã erã gojara sãre erãre werepehocãpu.

²⁸ Erã erã wari macague erã ejacũ Jesupu erãre tarigãgu dopa iipu. ²⁹ Īgu eropa iiquerecũ ta erãpu ĩgure wadobiriñorã.

—Gua mera dujaque. ñamicague áhrraa. Nairo iica, arĩñorã erã Jesure.

Eropigu Jesu erã mera wihigue ñaja wapũ. ³⁰ Puhru ĩgu erã mera erã bari mesague doaja, panre aĩ, Goãmure “Óhaa” arĩpu. Eropa arĩgu iri panre nuha aĩ erãre ópu. ³¹ Īgu eropa iicũ ñarã erã Jesure ñha masiñorã pare. Erã ñha masira puhru ĩgu dederea wapũ. ³² Īgu eropa dederecũ erã erã basi ópa arĩ wereniguiñorã:

—Mague ĩgu marire wereniguirisubu Goãmu ĩgu gojarare ĩgu wereniguirisubu mari siporã mera ðaro mucubiriri mera pepiabu mari, arĩñorã erã basi.

³³ Eropa arĩtuha erã mata Jerusalengue dujaa wañorã. Erogue eja, once buherãre, gajirã mera gamenerãre bocañorã. ³⁴ Erã ejacũ, once buherã ópa arĩñorã erãpũre:

—Diaye ta mari Opu masa mũriadi áhrami. Simo Pedro ĩgure ĩapu, arĩñorã erã.

³⁵ Erã eroparicũ peerã Emaus wari maha wanirã sã erã ãarare wereñorã:

—Jesu igu panre nuha guare igu ocũ ãha masiabũ gũa, arññorã gajirãre.

Jesu igu buherãre dehyoapũ

Mt 28.16-20; Mr 16.14-18; Jn 20.19-23

³⁶ Erã eropa arĩ wererisubu mata Jesupũ erã pohro dehyoanugajapũ.

—¿Áhriri mũa? arĩpũ igu erãre.

³⁷ Igu eroparicũ erã “Sĩridigu murũre ãarã ãiaa mari,” arĩ pepi, turaro güññorã. ³⁸ Erã eropa güicũ ãagu igu erãre werepũ:

—¿Duhpirã güiri mũa? ¿Duhpirã yare ãarã “I diaye áribẽaa, arĩri mũa? ³⁹ Yu mojotorire yũ guburi sãre ãaque. Mũa ãire ãarã, yare ãha masirãca. Yare mohmepique. Mohmepirã masirãca mũa. Sĩridigu murũ dupũ moomi. Yũpũ dupũca, arĩpũ Jesu.

⁴⁰ Eroparigu igu mojotorire, igu guburire ãhmupũ erãre. ⁴¹ Igu eropa ãhmuquerecũ ta erã burigã mucubiri uca warã “I diaye áribẽaa,” arĩ pepiniñorã dohpa. Erã eropa arĩ pepicũ masigu Jesu erãre serẽpipũ:

—¿Õre bari áhriri? arĩpũ igu.

⁴² Igu eroparicũ waimũ mupudigure mome imisĩri sãre oñorã igure. ⁴³ ãire aĩ erã ãhuro Jesu bapũ. ⁴⁴ Batuha Jesu werepũ erãre:

—Sohõ mari ártasubu mũa mera ártigu yũhũ muare werediro dopa ta dohpaguere yare eropa wahabũ. Goãmũ doreri Moise marire igu apira igu eropa arĩ gojadiro dopa ta yare eropa wahabũ. Goãmũ yare weremuhtanirã, Salmopũre gojanirã sã iribojegue erã yare arĩ were gojayudiro dopa ta dohpague yare eropa wahabũ. Eropa ta waro gahmeabũ, arĩpũ Jesu.

⁴⁵ Eropa arĩtuha Goãmũ yare erã arĩ were gojarare igu buherãre masicũ ãipũ Jesu erãre.

⁴⁶ —Goãmũ yare erã gojara õpa arĩyoro: “Cristo ñero tarigucumi. Eropigu uñrenũ puhũ igu sãrira puhũre igu masa mariagucumi. ⁴⁷ Igu masa mariara puhũ arĩpẽhreri yeba igu yarã Goãmũ yare buherãcoma. ‘Mũa ñerire bujawererã Jesucristo mera mũa ñerire cãdijirã ártãca,’ arĩ wererãcoma masare. Eropa weremorã Jerusalén werenũgarãcoma,” arĩ gojañumi Goãmũ yare erã gojarapũ, arĩpũ Jesu.

⁴⁸ Eropa arĩtuhaja õpa arĩ werenemopũ:

—Mũapũ i arĩpẽhreri ãanirã áhrraa. Eropirã gajirãre wererãca. ⁴⁹ Goãmũ “Ígure muare obeogura,” igu arĩdigure yũpũ muare obeogura. Eropirã Jerusaléngue igu Espiritu Santo muare igu eraburire coreque mũa. Igu muare turarire ogucumi, arĩpũ Jesu igu buherãre.

Jesu umarogue maria wapũ

Mr 16.19-20

⁵⁰ Eropa arĩtuha Jesu erãre Jerusalén ártãre Betaniague aĩgãpũ. Erogue eja, Jesu igu mojotori mera sĩmuju, “Õaro ártique,” arĩpũ erãre. ⁵¹ Eropa arĩtuha erãre api, umarogue maria wapũ. ⁵² Igu mariara puhũ erã igure umupeo, “Õagũ, turagũ áhrimi,” arĩ, Jerusaléngue burigã mucubiriri mera dujaa wañorã. ⁵³ Ero áhri umuri nũcu erã Goãmũ wihigue Goãmure serẽmuriñorã. “Mũhũ õagu áhrraa,” arĩ umupeoniguicãmuriñorã erã igure. Eropa ta ártiporo. Iripẽta áhrraa.

San Juan

Ñu waĩcugu ipũre gojadigu Jesucristore ïamuriñumi. Jesucristo i yebare buhecũ Ñu ĩgu buhegu arĩmuriñumi. Eropigu Jesu sĩridigu masa mũria ĩgu Pagu pohro mũriara pũhrague Ñu ipũre gojañumi.

Cristo masu ta arĩnugañumi

¹ Negohraguere i yeba arĩboro coregue ta Cristo mata arĩmuhtamurituhaũ. ĩgu Goãmũ mera arĩpu. Eropigu ĩgu Goãmũ ta arĩcãgu ĩpu. ² Matague ta Cristo Goãmũ mera arĩpu. ³ Eropigu i yebare, umũsire arĩpehrerire ĩhacũnugudorepu Goãmũ ĩgure. Eropigu masa sãre ĩhacũnugudorepu ĩgure. Eropigu irire ĩhacũnugupehopu ĩgu Jesucristo. Eropiro irire ĩgu ĩhacũnugupehobircũ i ne mariboya. ⁴ Cristo ojocaririre ogu aħrimi. Boyocũ mari mari basi õaro mari ĩha masiro dopa ta, ĩgu mari Pagure õaro ĩha masicũ iimi marire. Eropigu i yebare eragu mari Pagure masicũ iimi masare. ⁵ I yeba majarã erã guñaricuri naitfaro iro dopa ñeri aħraa. Jesucristo boyogoro dopa ta masa pohro eragu erã Goãmũ yare masicũ iimi. Eropiro naitfariñe, boyoriñere ne tarinugabiro dopa ta Cristore ñeripu ne tarinugabiriyorõ.

⁶⁻⁷ Goãmũ Ñu waĩcugupure obeomuhtapu Cristore quere aĩgã weremuhtadoregu. ĩgu obeodigu Ñupu eraa guare masare Cristo ĩgu ariburire weremi. ⁸ Ñupu Cristo arĩbirimi. Eropa arĩbiriqueregu ta ĩgu Cristore masare wereyumuhtagu arĩmi. ⁹ Cristo boyogoro dopa ta arĩgu arĩpehrerã masare Goãmure masicũ ĩibu i yebaguere aridigu arĩmi. Diaye ta aħraa. ĩgu masare masicũ ĩigu ta aħrimi.

¹⁰ Eropigu Cristo i yebare arĩdigu arĩrimi. I yebare ĩhacũnugudigu arĩpu. ĩgu eropa arĩquerecũ ta i yeba majarã ĩgure ne ĩha masibirinirã arĩma. ¹¹ ĩgu ya yeba ĩgu masa dehyoadigu arĩquerecũ ta ĩgu ya yeba majarãpu ĩgure ne gamebirinirã arĩma. ¹² Erã eropa gamebiriquerecũ ta arĩpehrerã ĩgure gamerãpũre erãre Goãmũ ĩgu porã arĩcũ iimi. ĩgure umupeorãre arĩpehrerã Goãmũ ĩgu porã arĩcũ iimi. ¹³ Erã Goãmũ porã ta aħrima. Eropirã masa erã gamero Goãmũ porã wabeama. Goãmũ gamero mera ĩgu porã wahama.

¹⁴ Eropigu Cristo ĩgu masu ĩgu arĩnugara pũru mari mera arĩmi ĩgu. ĩgu eropa arĩcũ ĩarã masare mahigu, diaye majare ĩgu wereniguigu arĩcũ gua masibu. ĩgu dihta Goãmũ magu arĩgu turagu arĩmi. ĩgu eropa arĩgu arĩcũ gua masibu. ¹⁵ Ñu waĩyegu ĩgu buherogue Cristo eracũ ĩha õpa arĩ gaguĩniguimi guare weregu:

—Sihĩ aħrimi yu muare weredigu. ĩgu yu pũru masa dehyoadigu aħrimi. Eropa arĩqueregu ta yu tauro turagu aħrimi. ĩgu yu masa dehyoaboro coregue arĩtuhaũ. Eropigu ĩgu yu tauro aħrimi. Yũhu muare eropa arĩ weredigu ta aħrimi ihĩ, arĩmi Ñu guare.

¹⁶ ĩgu Cristopũ õagu turaro masare mahigu arĩgu marire arĩpehrerãre õaro iiniguicãmi. ¹⁷ Goãmũ dorerire Moisepu apĩmuhtapu marire. Jesucristopũ Goãmũ masare ĩgu mahĩre buhegu arĩmi. Goãmũ ĩgu diaye wereniguiri sãre buhegu arĩmi ĩgu. ¹⁸ Masa ne Goãmure ĩabeama. ĩgure mari ĩabiriquerecũ ta ĩgu magu ĩgu turaro mahigu yujugu ta arĩgupu ĩgu Pagure marire masicũ iimi.

Gajrã Ñu waĩyegure serẽpiñuma

Mt 3.11-12; Mr 1.7-8; Lc 3.15-17

¹⁹ Judio masa oparã Jerusalen arĩrã pahiare, Goãmũ wihi mohmerã sãre Ñu pohrogue obeoñorã. “¿Nihino aħriri muhu?” arĩ serẽpidorerã obeoñorã erãre. Erã eropa arĩ serẽpirã ejacũ õpa arĩ weremi Ñupu. ²⁰ Ne yayo mariro weremi. Diaye ta werepehocãmi guayo mariro.

—Yũhu Cristo Goãmũ ĩgu masare taudoregu ĩgu obeodigu arĩbeaa, arĩmi ĩgu.

²¹ ĩgu eroparĩcũ erãpu ĩgure dipaturi serẽpima daja:

—¿Mũhu Cristo arĩbigu Eliapu aħriri? arĩma.

—Arĩbeaa yũhu, arĩmi ĩgu.

—¿Gua coredigu Goãmũ yare weremuhtagupu aħriri muhu? arĩma erã.

—Arĩbeaa yũhu, arĩmi Ñu.

²² ĩgu eroparĩcũ erã ĩgure dipaturi serẽpima daja.

—Guare serẽpidorenirãre gua õaro wereborõ dopa guare wereque daja. ¿Nihinopũ aħriri muhu? ¿Dohpa arĩgũno aħriri muhu? arĩma erã Ñure.

²³ Erā eroparicū ōpa arī yūhrimi:

—Masa marirogue ōpa arī gaguiniguū āhraa yūhū. Goāmū ya weremūhtadigu Isaiā mārū īgu werediro dopa ta werea yū sā: “Marī Opū īgu ariboro core ōarā áriyuque īgure peemorā,” arī masare wereyu gaguiniguū āhraa yūhū, arīmi Ōu erāre

²⁴ Ōure serēpirā fariseo masa erā obeonirā árīma. ²⁵ Eropirā erā Ōure serēpima daja: —¿Mūhū Cristo, Elia Goāmū ya weremūhtagū gua coregū árībiriqueregū ta duhpigu masare Goāmū ya árīburire waīyeri mūhū? árīma erā.

²⁶ Erā eroparicū yūhrimi īgu.

—Yū deco mera masare Goāmū ya árīburire waīyēa. Gajigupū mua masibigupū mua watope árītuhami. ²⁷ Īgupū yū pūhrū arīgu yū tauro turagu āhrimi. Ōatariagu āhrimi. Īgu iro dopa árībeaa yūpū. Eropigu īgure pepigu, “Bu árīgu āhraa yūhū,” arī pepia, arīmi Ōu erāre.

²⁸ Eropa arī wereniguima erā Betaniague, dia Jordán waīcūriya gajipū masegue, Ōu īgu masare īgu waīyerogue.

—*Jesu Goāmū īgu obeodigu cordero iro dopa āhrimi, arī wereñumi Ōu masare*

²⁹ Gajinū Jesu Ōu pohro īgu aricū īagu Ōu ōpa arīmi guare:

—Īaque. Ihī Goāmū īgu obeodigu īgu cordero iro dopa āhrimi. Cordero marī űeri iira dipuwajare sīriro dopa ihī sīrigū i yēba majarāre erā űero iirare cōágucumi īgu.

³⁰ Ihī ta āhrimi yū ōpa arīdigu: “Yū pūhrū arīgu yū tauro turagu āhrimi. Yūhū masa dehyoaboro core īgu matague ta árītuhapū. Eropigu īgu yū tauro turami,” yū arīdigu ihī ta āhrimi. ³¹ Yūpū ire Goāmū magū īgu árīrire masibirinībū. Eropa masibiriqueregū ta deco mera waīyegū arīgu iibū yū acawererā Israe masa ire erā masiborore, arīmi Ōu.

³² Eropa arītuha Ōu werenemomi:

—Espírītu Santo umarogue buja iro dopa bejagu Cristo weca dijarimi. Īgu weca īgu dujanūgacū īabū. ³³ Īgu weca dujanūgajacū īha īgure īha masibū. Īgu yure masare deco mera waīyedore obeodigu Goāmūpū ōpa arī weremūhtatuhami yure: “Espírītu Santo dijarī īgu weca dujanūgajagu īgu ta árīgucumi. Īgupū Espírītu Santore masa mera eropa árīniguicū iigu árīgucumi,” arāmi Goāmū yure. Īgu yure eropa werebiricū īha masibiriboya īgure. ³⁴ Dohpaguere īgure īha masituhā yūhū. Eropa īha masīgu “Diaye ta Goāmū magū ta āhrimi,” arāa yūhū muare, arī weremi Ōu.

Jesu buherā īgu ne sīhunūganirā árīñuma

³⁵⁻³⁶ Gajinū Ōu mera gua perā īgu buherā īgu mera gua niguicū, Jesu gua pohro tari wahgāgu iimi. Īgu eropa tari wahgācū īagu Ōu dipaturi ōpa arīmi guare:

—Īaque. Ihī Goāmū īgu obeodigu cordero iro dopa árīgu āhrimi, arīmi Ōu.

³⁷ Īgu eroparicū gua perā īgu buherāpū irire peerā Jesure nurūsiagābū. ³⁸ Gua eropa nurūsiagācū īagu Jesu guare maji īha, serēpimi:

—¿Nohogue wahari mua? arīmi īgu guare. Īgu eroparicū gua sā īgure serēpibū.

—Buhegu, ¿nohogue āhriri mūhū? arī serēpibū gua īgure.

³⁹ —Yū mera arinijarā, ĩarā arique, arīmi guare Jesu.

Īgu eroparicū guapū īgu árīrōgue ĩarā wabū. Irisubū űamicague cuatro hora árībū. Eropirā irī űamire īgu mera dujabū gua.

⁴⁰ Gua perā Ōure peerā, Jesure nurūsiagārā yū mera majagu Andre mera árībū. Andrepū Simo pagū magū árīmi. ⁴¹ Eropigu īgu mata īgu űgure ahma boca, ōpa arī werepū īgure:

—Mesiare Goāmū marire taubure Goāmū Īgu obeodigūre bocabū gua, arīpū Andre Simore. Mesia ero majarā ya mera arīrā, Cristo arīrā iima.

⁴² Eropa arītuha īgu Simore Jesu pohro aīgāmi. Īgu pohro erā ejacū īagu Jesupū Simore ōpa arīmi:

—Mūhū Simo waīcūgu Jona waīcūgu magū āhraa. Dohpaguere mure Cefa waīyegura, arīmi Jesu Simore. Cefa ero majarā ya mera arīrā, Pedro arīma. Eropigu Pedro waīcūmi pare.

Felipere, Natanae sāre sīhūñumi Jesu

⁴³ Gajinū Jesu “Galilea yebague ina warā,” arīmi guare. Eropigu erogue eja īgu Felipere bocatīri ōpa arīmi:

—Yū mera majagu árībū arique, arīmi Jesu.

⁴⁴ Felīpēpū Betsaida majagu árīmi. Īgu, Andre, Pedro mera yuju maca majarā árīma.

⁴⁵ Eropigu Felīpe Natanaere ahma, boca ōpa arī weremi:

—Goāmũ dorerire Moise İġu gojarapūgue İġu weredigure, gajirā Goāmũ yare weremuhtanirā sã erã weredigure gua bocabũ. Jesu Nazare majagu José magũ İġu ta árĩcumĩ, arĩmi İġu Natanaere.

⁴⁶ —Nazareguere ne yujugũ ðagũ marimi, arĩmi Natanaerũ.

—İġu arĩque mũhũ, arĩmi Felipe.

⁴⁷ Eropi Natanae Jesu pohro İġu ejacũ İagu Jesupũ ðpa arĩmi Natanaere:

—İhĩ dohpague arĩgu ðiaye ta ðagũ judio masũ gohra āhriimi. İġure ne ġuyari mara, arĩmi Natanaerũ.

⁴⁸ İġu eroparĩcũ peegu Natanae İġure serēpimi:

—¿Duhpĩgu yũre ðaro masiri mũhũ? arĩmi.

—Felipe, İġu mure İġu sihuboro core, hıgueragu doca mũ árĩcũ İhabũ yũhũ mure, arĩmi Jesu İġure.

⁴⁹ İġu eroparĩcũ Natanaerũ ðpa arĩmi İġure daja:

—Buhegu, ðiaye ta mũhũ Goāmũ magũ ta āhraa. Mũhũ Israe masa ġua opu árĩbu āhraa, arĩmi Natanae.

⁵⁰ İġu eroparĩcũ peegu ðpa arĩ yũhripu Jesu:

—Hıgueragu doca yũ mure İarare masıgu yare “Goāmũ magũ āhraa,” arĩ umupeoa mũhũ yare. ¿İri ta mure umupeocũ iiri? Mure yũ eropa İara tauro Goāmũ turari mera yũ iicũ İagũca mũhũ, arĩmi Jesu Natanaere.

⁵¹ Eropa arĩgu ðpa arĩ werenemomi:

—Điaye ta mure arĩgu iiaa. Yũhũ masũ Goāmũ İġu obeodıgu āhraa. Ūmarogue Goāmũ yarã anyua erã yũ weca erã dijaricũ, erã mũriacũ sãre İagũca mũhũ, arĩmi Jesu İġure.

2

Canã waĩcũri macague erã mojoto ðiriri bosenugue Jesu İagu wañumi

¹ Ūhrenũ pũhrũ Canã Galilea árĩri macague mojoto ðiriri bosenu árĩbũ. Eropigo Jesu pago iri wihıgue árĩmo. ² Jesu ġua İġu buherã sã erã mojoto ðirirogue sihubeonirã árĩbũ.

³ İri bosenu maja vino pehrecũ Jesu pago İġure weremo:

—Dohpaguere vino pehrea wahabũ erãre, arĩmo ıgo Jesure.

⁴ İgo eroparĩcũ peegu Jesu ðpa arĩmi:

—Meho, ¿duhpigo irire yũre wereri mũhũ? Masa erã yũre masıboro duhyania dohpa, arĩmi Jesu İġu pagore.

⁵ İġu eroparĩra pũhrũ İġu pagopũ mohme corerãre weremo.

—Yũ magũ İġu dorero dopa ta iique mũa, arĩmo ıgo.

⁶ İrisubuguere ġua acawererã judio masa Goāmũ yare iimorã masare erã duhpure eropa coenıguicãdorema. Eropi iri wihı seis gohra mãta sorori, deco ðicũri sorori árĩbũ. İri deco Goāmũ yare iimorã erã coeri deco árĩbũ. İri soroburire ochenta o cien litros sıhajabũ decore. ⁷ Eropıgu erã mohme corerãre doremi Jesu:

—İ soroburire deco mera pisãnemo ujutu dobopehocãque, arĩmi Jesu.

İġu eroparĩcũ erãpu ðaro ujutu dobopehocãma iri soroburire.

⁸ Erã eropa iira pũhrũ Jesu erãre doremi daja:

—Dohpaguere iri decore waa aĩ, sıhu bosenu iıġure tĩarã waque, arĩmi.

İġu eroparĩcũ peerã iri decore waa aıġã, sıhu bosenu iıġure tĩama erã.

⁹ Erã tĩacũ İġupũ iri decore vino poyara decore ihriñami. İri vinore “¿Noho majare aıġarayuri erã?” arĩ pepıpu İġu. İġu eropa masıbirıquerecũ İġure mohme corerãpu iri vinore tĩanirãpu masıma. Sıhu bosenu iıġu eropa masıbirıniıagu, mojoto ðirıdigure sıhubeo ¹⁰ ðpa arĩ weremi:

—Gajirã masa ðari decore vino decore tĩamuhtamũrima. Masa erã ðaro ihrira pũhrũ ñequeyari vino decopure tĩama erã. Mũpu ðari vino decore dihbũ, pũhrũgue ġuare tĩaa, arĩmi sıhu bosenu iıġu mojoto ðirıdigure.

¹¹ Canã Galilea árĩri macague decore vino İġu poyacũ iira ne Goāmũ turari mera İġu deyoro moanũgara árĩbũ. Eropa iıġu gajirãre İġu turarire İ ihmũmi Jesu. İġu eropa İ ihmura pũhrũ ġua İġu buherã İġure umupeobũ.

¹² Pũhrũ Jesu, İġu pago, İġu pagũ porã, ġua İġu buherã mera Capernaungue sıhıġã wami. Eroque ejarã bajamenũrıġã dujabũ ġua.

Jesu Goãmũ wihıguere ejañumi

¹³ Pascua árĩcũ ġua judio masa bosenu árĩboro merogã duhyaniıjabũ. Eropıgu Jesu ġua mera Jerusalėngue wami. ¹⁴ Eroque eıagu İġu Goãmũ wihıgue ñajajagu, wecuare, oveıare, buıare duarãre bocajami. Eropıgu niyeru gohrotorã erã mesarıgue erã doacũ

bocajami. ¹⁵ Eropā bocajaḡu yuradari mera tāraridari ii, erāre árīpehrerāre disiporogue tārānāru wiımı. Eropiḡu niyeru gohrotorā erā ya mesarire yomemuju mehpicāmi. Erā niyeru turi sāre mehsiripicāmi. ¹⁶ Eropā iituha bujare duarāre ōpa arīmi:

—Mūa yarā bujare aigāque. Yū Paḡu ya wihire doberi duari wihi iibiricāque, arīmi Jesu erāre.

¹⁷ Īḡu eropa iicū ĩarā gua ĩḡu buherāpu Goāmū ya gojarapū erā arīrare guñabū. Ōpa arī gojanirā árīma. “Goāmū, mū wihire turaro mahia. Eropā mahiḡu mū wihire ñero erā iicū ĩaḡu turaro bujawerea yūhu,” arī gojarare guñabū gua Jesu ĩḡu buherāpu.

¹⁸ Jesu ĩḡu eropa iira puhrū judio masa oparā ĩḡure serēpima:

—¿Duhpiḡu mūhu oāre Goāmū wihigūe árīrāre cohā wiuari? Goāmū irire mure iidoreḡu árīcū Goāmū turari mera ii deyoro moaque gua ĩaburire, arīma erā Jesure.

¹⁹ Erā eroparīcū Jesu yūhrimi:

—I wihire mūa cóācā, ūhrenū puhrū tuhajaḡuca yūhu, arīmi Jesu erāre.

²⁰ —Ūhrenū i wihire iisome mūhu. Cuarenta y seis bojori gohra erā iira wihi āhraa i wihi, arī yūhrima erā Jesure.

²¹ Jesu ĩḡu eropa arīrare erā ōaro pee masibirima. Jesu i wihire arīḡu ĩḡu dūpu waburire arīḡu iirimi. ²² Eropi ĩḡu sīrira puhrū, ĩḡu masa mariara puhrū gua ĩḡu buherāpu ĩḡu eropa arīrare guñabū. Goāmū yare erā gojarapūre. Jesu ĩḡu werera sāre guña, “Īri diaye ta āhraa,” arībū gua.

Árīpehrerā erā guñarire Jesu masiñumi

²³ Pascua bosenu árīcū Jesu Jerusaléngue árīmi. Ero ĩḡu árīcū masa bajarā Goāmū turari mera ĩḡu deyoro moarire ii ihmucū ĩarā ĩḡure umupeoma. ²⁴ Erā eropa umupeo-querēcū ta Jesu masa erā guñarire ōaro masiḡu, “Yūre eropa umupeonigūicārācoma,” arī pepibiridi árīmi. ²⁵ ĩḡu masa erā guñarire ōaro masími. Eropā masiḡu masa ĩḡure erā pepirire serēpibirimi.

3

Jesu Nicodemo mera weretamuñumi

¹ Iri maca majagu Nicodemo waicūḡu, judio masa oparā mera majagu árīmi. ĩḡu fariseo masa ya curu majagu árīmi. ² Eropiḡu ĩḡu yuju ñami ĩḡu Jesu pohro ahri ĩḡu mera weretamupū:

—Buheḡu, mūhu Goāmū ĩḡu buhedorediḡu ĩḡu obeodiḡu mū árīcū gua masia. Goāmū mure ĩḡu itamubiricū mupū ĩḡu turari mera ne deyoro moarire ne iibiriboaya. Mūhu bajasuburi Goāmū turari mera ii ihmua, arīpu Nicodemo Jesure.

³ ĩḡu eroparīcū Jesu werepu:

—Diaye mure arīḡu iiaa. Ne masa dehyoagu iro dopa dipaturi masa dehyoagu dihta Goāmū yagu árīmasimi. Mū sā eropa ta árīmasia, arīpu Jesu.

⁴ —Yaho. ¿Buḡupu dohpa ii dipaturi masa dehyoabocuri ĩḡu? ĩḡu pago niji suhriroguere ñajaa, dipaturi masa dehyoa masiya mariboca ĩḡure, arīpu Nicodemo.

⁵ ĩḡu eroparīcū Jesu yūhrīpu:

—Diaye ta arīḡu iiaa mure. Ne masa dehyoagu iro dopa ta deco mera, Espírītu Santo ĩḡu turari mera dipaturi masa dehyoagu dihta Goāmū yagu árīmasimi. ⁶ Nome nijipo sā nome árīrā, majirāḡāre masa dehyoacū iima. Espírītu Santopū masare Goāmū porā árīcū iimi. ⁷ “Ne masa dehyoagu iro dopa ta dipaturi masa dehyoagu dihta Goāmū yagu árīmasimi,” yū arīcū ne pee gorowerebita. ⁸ Espírītu Santo masare Goāmū porā ĩḡu iicū iiri miruñe iro dopa āhraa. Miruñe iri arirogue ahraa. Iri ariro caricū mari peea. Eropā peequererā ta iri aridirore, iri waro sāre ne masibea. Eropā ta iimi Espírītu Santo masare Goāmū porā iigu, arīpu Jesu Nicodemore.

⁹ —Mū eropa arīrīre ōaro masibea, arīpu Nicodemo.

¹⁰ ĩḡu eroparīcū peegu ōpa arīpu Jesu:

—¿Mūhu judio masare buheḡu árīquerēḡu ta, duhpiḡu yū arīrīre peebeari? ¹¹ Diaye mure arīḡu iiaa. Gua masirare, gua ĩarare gua werea. Gua eropa werequerēcū ta ne mūa gua acawererā judio masa ne peediabirībū. ¹² I yeba majare yū wereniḡu queoñaquerecū ta “Diaye ta āhraa,” arībeaa mūa. Eropā arībīrā Goāmū yare yū werecū sāre “Diaye ta āhraa,” arīsome mūa.

¹³ “Ne yujugu ūmarogue Goāmū pohrogue waḡu ne dipaturi dujarisome. Yūhu Goāmū ĩḡu obeodiḡu yū dihta ūmarogue árīdiḡu i yebaguere arībū. Eropiḡu yū dihta Goāmū yare mūare weremasia. ¹⁴ Iribojeguere masa mariroguere Moise mūru añare come mera erā wéadiguere yucūḡu erā nugudiguḡue duhsiupu. Yucūḡuḡue ĩḡu duhsiudiro dopa ta

yare Goāmũ ĩgu obeodigure eropa ta yu sãre duhsiurãcoma. ¹⁵ Yũre erã eropa iicũ áriþehrerã yare umupeorã áriþehrerinũri Goãmũ mera árnĩguirãcoma, arĩpu Jesu.

Goãmũ áriþehrerãre mahimi, arĩ gojañumi Ñu

¹⁶ Eropa arĩtuha õpa arĩnemopũ Jesu:

—Goãmũ áriþehrereri yeba majarãre turaro mahimi. Eropigu yare ĩgu magure yujugu ta áriġure Goãmũ obeomi áriþehrerã yare umupeorã peamegue erã wabiriborore. Eropirã áriþehrerinũri Goãmũ mera áriřãcoma erã. ¹⁷ Goãmũ yare ĩgu magure masare dipuwaja moadoreġu obeobirimi i yebaguere. Eropigu masare peamegue wabonirãre taubure yare obeomi.

¹⁸ “Yũre Goãmũ magure umupeorãre ne dipuwaja moasome Goãmũ. Yũre umupeobirãpũre Goãmũ dipuwaja moadoretuhami. Masa yare Goãmũ magure yujugu ta áriġure erã umupeobirira dipuwaja, dipuwaja moagucumi Goãmũ erãre. ¹⁹ Yũhu Goãmũ magu i yebaguere arigu boyoriñe õaro iha masicũ iro dopa ta Goãmũ yare õaro masicũ iiaa masare. Yu eropa masicũ iicũ ĩarã yare umupeobirã yare gamebeama. Erã ñerire iiripũre turaro gahmema. Erã eropa gameri dipuwaja erãre dipuwaja moagucumi. ²⁰ Áriþehrerã ñerire iirã erã ñero iirire duhudiabeama. Eropirã boyoro iirĩne deyoro moaro dopa ta erã ñero iirare deyoro moari arĩrã yare gamebeama. ²¹ Óarire iirãpu yare, yu buheri sãre gahmema. Goãmũ yare erã iirire yu õaro deyoro moacũ ġuhyasĩribeama erã. Eropiro yare boyoro iro dopa áriġure gahmema, arĩ werepu Jesu.

Dipaturi Ñu waĩyegu Jesure wereñumi

²² Pũhrũ Jesu ġuare ĩgu buherãre Judea yebague sihugã wami. Eroque ejaġu ero majarã mera bajamenurigã duja, Goãmũ ya áriþurire waĩyemi erãre. ²³ Ñu sã masare waĩyegu iipũ Enón waĩcuri macague. Enón waĩcuri maca Salim waĩcuri maca pohro áriþũ. Ero wũaro dia áriþũ. Ero eropa áricũ ero majarã masare waĩyegu iipũ Ñu. ²⁴ Erã ĩġure peresu iiboro core Enóngue masare waĩyegu iipũ Ñu.

²⁵ Irisubure Ñu buherã mera majarã bajamerãgã judio masa mera waĩyerire wereniguirã dũyasoñorã. ²⁶ Tuhaja erã Ñu pohroque eja irire wereñorã.

—Buheġu, dia Jordán waĩcuriya ġajipũ maseġu mũ mera áridigu “ĩġu ta Cristo ta áriġucumi,” mũ arĩdigũpũ dohpague masare waĩyegu iimi. ĩġu eropa iicũ áriþehrerã ĩgu pohroque wahama pare, arĩñorã erã Ñure.

²⁷ Erã eroparicũ peegu Ñu yũhripu:

—ĩġu dorerire ĩgu opacũ Goãmũ ĩġure odi áriimi. ²⁸ “Cristo áribeaa yũhu,” yu aricũ mũa peeabu. Eropa Cristo áriþiriquereġu ta ĩgu core wereyubure Goãmũ ĩgu obeodigu áhraa yũhu. ²⁹ Ópa áhraa iri: Mojoto diridigo igo marapũ mera áriġo wahamo. Mojoto diridigu mera majagũpũ diridigu ĩgu marapocũcũ ĩagũ ĩgu werenicũ peegu turaro mucubirimi. Eropigu mojoto diridigu mera majagu ĩgu mucubiridiro dopa ta yu sã Cristo mera masa erã wacũ ĩagũ õaro mucubiria. ³⁰ Cristopũre umupeoro ġahmea masare. Yũpũre umupeobiricãro ġahmea masare, arĩ yũhripu Ñu.

Goãmũ magu ũmarogue aridigu áhrimi, arĩ wereñumi Ñu

³¹ Eropa arĩtuhagũ õpa arĩnemopũ Ñu.

—ũmarogue aridigu áriþehrerã nemoro turagũ áhrimi. Mari masa i yeba majarã áhraa. Eropirã i yeba majare wereniguia mari. ũmarogue aridigũpũ áriþehrerã nemoro turagũ áhrimi. ³² ĩġu ĩarare, ĩgu peerare ĩgu weremi. ĩġu eropa werequerecũ ta masa ĩġure ne peediabeama. ³³ ũmarogue aridigu ĩgu wererire masa peerãpũ, “Goãmũ diaye áriġu tiimi,” arĩrã iima erã. ³⁴ Ihĩ Cristore Goãmũ ĩgu obeodigure Espĩritu Santo ya turarire opehoñumi Goãmũ. Eropigu ĩgu Goãmũ ya wereniguirire wereniguimi. ³⁵ Goãmũ ĩgu magure turaro mahimi. Eropigu áriþehrerire, áriþehrerã sãre erã opu áriřdoremi Goãmũ ĩgu magure. ³⁶ Goãmũ magure umupeorãpũ ũmũri nucũ Goãmũ mera árnĩguicãrãcoma. ĩġu magure tarinũġarãpũ Goãmũ pohro wasome. Eropirã ũmũri nucũ ũmaroguere áriřsome. Eropigu Goãmũ erãre turaro dipuwaja moagucumi, arĩpu Ñu masare.

4

Jesu Samaria majago mera weretamuñumi

¹ Jesu Ñu nemoro bajarã ĩgu buherã ĩgu opacũ, Ñu nemoro masare ĩgu waĩyecũ fariseo masa peeñorã. ² Erã eropa peebeoquerecũ ta Jesupu ĩgu basi masare waĩyebirimi. ġua

Īḡu buherāpū masare wāīyebū. ³ Fariseo masa erā eropa masicū peegu Jesupū Judea yeba ārīdīgū Galilea yebague sihu dujaa wami guare.

⁴ Galileague warā gua “Samaria yebare tarīgā warāca,” arībū gūa. ⁵ Eropā tarīgā Samaria yebague ārīri macague Sica waicūri macague ejabū. Iri maca pohro iribojegue Jacobo murū ġū magū José murūre ġū ora yeba ārīyoro. ⁶ Ero Jacobo murū ġū deco ihrira gobe ārībū. Eropīgū Jesupū yorogue aridīgū, ġū oētaria wagu iri gobe pohro doajami. Irisubū ġū ero doajarisubū goeri boje gohra ārībū. ⁷⁻⁸ Gūa ġū buherāpū macague gūa barire asūrā wara pūhrū yujugū ta ġū erore dujadoami. Eropigo Samaria majago iri gobegue igo deco waago eracū Jesu igore deco serēpū:

—Deco oque yare, arīpū.

⁹ —Mūhū judio masū āhraa. Yūpū Samaria majago āhraa. ¿Duhpīgū yare decore serēri mūhū? arīpo igo Jesure. Judio masa Samaria majarāre game ĩadiabirā ārīñorā. Eropigo igo eropa arīpo Jesure.

¹⁰ Igo eropa arīra pūhrū Jesu igore werepū:

—Mūre Goāmū ġū itamudiarire masigo arīgo, mūre decore serēḡure masigo arīgo, mūpū yūpure serēboaya. Mū eropa serēcū gajī decore oboaya yūhū mūre. Iri decopū ojocariniḡuicācū ĩiri āhraa, arīpū Jesu igore.

¹¹ Īḡu eroparīcū peego igo yūhripo ġūre:

—Ne mūre sorobu mara. I gobe sā āhcāri gobe āhraa. ¿Eropīgū i ojocarīcū ĩiri decore nohogue waabocuri mūhū? ¹² Gūa ñecū murū Jacobo iribojegue majagu murū i gobere guare apimūripū. Īḡu, ġū porā, ġū ejorā sā i decore ihrimūriñorā. “Gajī decore oboaya yūhū,” mū arīḡū, ¿Jacobo tauru turagu āhriri mūhū eropa arī pepīgū? arīpo igo.

¹³ Igo eroparīcū Jesu yūhripū:

—Ārīpehrerā i decore ihrirā dipaturi ñemesiburācoma. ¹⁴ Yaha decopūre ihrirā ne dipaturi ñemesibusome. Eropirā yaha decore ihrirā Goāmū mera eropa ārīniḡuirācoma. Mau dipagāḡue eropa deco wirīniḡuio dopa ta yaha deco ne pehresome, arīpū Jesu.

¹⁵ Īḡu eroparīcū nomeopū ōpa arīpo:

—Ne dipaturi yū ñemesibubiriboro dopa iri decore oque yare. Eropigo dipaturi ōḡuere ne deco waasome, arīpo igo.

¹⁶ Igo eroparīcū Jesu igore werepū:

—Irisubū tamerare mū marapūre sihugo waque. Sihutuha ōḡue ariḡue ġū mera, arīpū Jesu igore.

¹⁷ —Marapū marigo āhraa yūhū, arīpo igo.

—Diaye ta arāa mūhū. ¹⁸ Mūhū cincosuburi marapūcutuharibū. Eropīgū dohpague mū mera arīḡū mū marapū gohra ārībeamī. Eropigo “Marapū marigo āhraa,” arīgo, diaye ta arāa mūhū, arīpū Jesu igore.

¹⁹ Īḡu eroparīcū peego ōpa arīpo igo:

—Ne, Goāmū yare weremuhtagu āhraa mūhū yū pepicū. ²⁰ Gūa ñecū sumarā mūra iriḡū utāḡuḡue Goāmūre umupeomūriñorā. Eropirā mūapū judio masa “Jerusalēḡue masare Goāmūre umupeoro gahmea,” arīmūribū mūa judio masa, arīpo igo.

²¹ Igo eroparīcū Jesu yūhripū:

—Nomeo, yūpure peenique. Pūhrūḡuere iriḡū utāḡuḡue, Jerusalēḡue sāre mari Pagure umupeosome mūa. ²² Mūapū mūa umupeorire masibea. Masare taubupū judio masū āhrimī. Eropirā gūa judio masapū gūa umupeogure masia. ²³ Dohpaguere pūhrūḡue sāre Goāmūre diaye umupeorā erā ōaro pepiri mera ġūre umupeorācoma. Eropā mari umupeocū gahmemi Goāmū. ²⁴ Goāmū duḡpū mariḡū ta ġū arīcū masa ġūre ĩabeama. Eropiro ġūre umupeori mera erā ōaro pepiri mera ġūre ōaro diaye umupeoro gahmea masare, arīpū Jesu igore.

²⁵ Īḡu eroparīcū igo yūhripo:

—Mesia, “Cristo,” erā arīḡupū, masare taubū ġū ariburire masia yūhū. Īḡu arīḡū marire ārīpehrerire buhepehogucumī, arīpo igo.

²⁶ —Yūhū ta āhraa Cristo, arīpū Jesu igore.

²⁷ Īḡu eropa arī weretamūrisubū ḡapū ġū buherāpū erabū. Jesu nomeo mera ġū wereniḡuicū ĩarā ũca wacarabū. Eropā ũcaquererā ta “¿Dohpa gahmeri mūhū? ¿Dohpa arīri mūhū igore?” arī serēpiñabiribū. ²⁸ Eropigo nomeo igo sorobure ero duhudobocā, macague waha wamo. Eja masare werego ōpa arīpo:

²⁹ —Yū ĩirare werepehogure ĩarā ariḡue mūa. ¿Īḡū diaye ta Cristo arībocuri? ĩarā ariḡue mūa, arīpo igo.

³⁰ Igo eroparīcū iri maca majarā Jesure ĩarā arimorā iima. ³¹ Irisubure gūa Jesu buherā ġūre turaro badoreribū.

—Buhegu, baque, arĩribu gua.

³² —Gajiropa arĩri barire opaa yuhũ. Irire mua masibea, arĩmi ĩgu guare.

³³ ĩgu eroparĩcũ peerã gua basi õpa arĩ wereniguĩbu:

—¿Gajirã ĩgure barire otuhayuri? arĩbu gua basi. Gua eroparĩcũ Jesu weremi:

³⁴ —Masapu basuama. Yũre obeodigu ĩgu gamerire iigu suaa yũpu. ³⁵ “Wapicurã aberi duhya mari duca aĩboro,” pohe opu ĩgu arĩ pepimi. Muapu “Goãmu yare gua masare wereboro duhyania,” arĩ pepibircãque. Diaye arĩgu iiaa muare. Dohpague tamerare masare wererã waque. Masare ĩaque. Dohpague tamerare yũ buherire masa erã peeburisubuno arĩro tiiaa. ³⁶ Ducare aĩrãre erã wajayero dopa ta, yaharã arĩmorãre aĩnirãre yahare buhenirãre wajayegura yuhũ. Erã eropiira waja õaro wajayegura erãre. Erã eropa buhecũ peerã yũ buherire peenirã yaharãpu Goãmu mera umuri nucũ arĩrãcoma. Eropirã erãre buhemũhtanirã, puhũ yaharã arĩcũ iirã sã yujuropa mucubirima. ³⁷ “Yujugu otemũhtagu aħrimi. Gajĩgupu dũcare aĩgu aħrimi,” arĩmuriĩnorã iribojegure. Iri diaye ta aħraa. Erã eropa arĩdiro dopa ta yujurãyeri yahare weremũhtarã aħrima. Gajirã yahare buhe yaharã arĩcũ iirã aħrima. ³⁸ Pohe opu ĩgure mohmerã erã otebirinirã arĩquerecũ ta erãre dũcare aĩdoregu obeomi. Eropa ta masare buhemũhtabirinirã mua arĩquerecũ ta erã yũre umupeocũ iĩdoremorãre obeoa muare. Gajirãpu erãre buhemũtatuhama. Erã buhenirãguere dipaturi buhenemorã, yaharã arĩcũ iirãca muapu. Eropirã buhemũhtarãpu erã itamuro mera gajirãre yaharã arĩcũ iirãca, arĩmi Jesu guare.

³⁹ Irisubure Samaria majago, “Yũ iira murare ĩgu werepehoami,” igo arĩcũ peerã Samaria majarã bajarã Jesure umupeoma. ⁴⁰ Eropirã Samaria majarã Jesu pohro ejarã, “Gua mera dujanĩque,” arĩma ĩgure. Erã eroparĩcũ gua penũ ĩgu mera ero dujanĩbu.

⁴¹ Gajirã sã bajarã Jesure peerã umupeoma. ⁴² Õpa arĩma masa nomeore:

—Nere mu arĩrãre peerã Jesure umupeonũgarabu. Dohpague tamerare ĩgu werenigu-irire gua basi peerã ĩgure õaro umupeoa. Eropirã ĩgupũre peerã i yeba majarãre peamegie wabonirãre taubu diaye ta ĩgu arĩcũ, dohpague gua masia, arĩma masa Samaria majagore.

Opu magure dorecũgure õagu wacũ iĩnũmi Jesu

⁴³ Penũ puhũ Jesu guare Galileague sihu wami daja. ⁴⁴ Neguere õpa arĩmuriĩmi guare Jesu: “Goãmu ya weremũhtagure ĩgu ya yeba majarã ĩgure umupeobeama,” arĩmuriĩmi Jesu. ⁴⁵ Eropirã gua Galileague ĩgu mera ejacũ ero majarã ĩgure õaro bocatĩrima. Ero core Jerusalẽngue bosenu arĩcũ Jesu ĩgu iirare ĩanirã arĩma erã.

⁴⁶ Eropi Canã Galilea arĩri macague ĩgu decore vino wacũ ĩgu iira macague waha wabu gua ĩgu mera daja. Canã pohro arĩri maca Capernaum waĩcuri maca opu magu dorecũgu iĩpu. ⁴⁷ Eropĩgu Jesu Judea arĩdigu ĩgu Galileague ejari querere peepũ. Irire peegu Jesu pohrogue erami.

—Yũ magu sĩrigu iiami. Eropĩgu ĩgure õagu wacũ iigu arique, arĩ yojaro mera sihumĩ ĩgure.

⁴⁸ ĩgu eroparĩcũ peegu Jesu yũhrimi:

—Goãmu turarĩ mera yũ deyoro moarire ĩabirã, ne yũre umupeobeaa mua, arĩmi Jesu.

⁴⁹ ĩgu eroparĩcũ peegu opuõpu õpa arĩmi:

—Opu, yũ magu ĩgu sĩriboro core arique, arĩmi ĩgu Jesure.

⁵⁰ —Dujaaque. Mu magu ojocarĩgũcumi, arĩmi Jesu.

ĩgu eroparĩcũ peegu, “ĩgu arĩdiro dopa ta ojocarĩgũcumi yũ magu,” arĩgu opu dujaa wami. ⁵¹ Eropa dujanĩguigure ĩgu pohro majarã ĩgure bocatĩri wereĩnorã.

—Mu magu masa wahãmi, arĩ wereĩnorã erã ĩgure.

⁵² —¿Noho gohra abe arĩcũ õagu wahãri ĩgu? arĩ serẽpipũ ĩgu pohro majarãre.

—Cãrũre goeri boje puhũgã ta nimacurĩ tahriabũ ĩgure, arĩĩnorã erã ĩgure.

⁵³ Erã eroparĩcũ õpa arĩ pepĩpu ĩgu: “Jesu yũre ‘Mu magu masa wahãmi,’ arĩ werera puhũ ta nimacurĩ tahria waya,” arĩ pepĩpu opuõpu. “Diaye ta arãnũmi yũre,” arĩgu, ĩgu arĩpeherrerã ĩgu acawererã mera Jesure umupeoĩnorã.

⁵⁴ Jesu Judea arĩdigu Galileague ĩgu ejara puhũ opu magure ĩgu õagu wacũ ĩgu iira mera mari queocũ pesubu Goãmu ĩgu turarĩ mera iĩ ĩhmũmi Jesu.

5

Curimasibĩgure õagu wacũ iĩnũmi Jesu

¹ Puhũ judio masa Goãmũre gua umupeori bosenu arĩcũ gua Jesu mera Jerusalẽngue ejabu daja. ² Ero maca ñajari disiporo oveja waĩcurĩ disiporo pohro guhari gobe arĩbu.

Gua judio masa ya mera Betesda waicuri gobe arĩbu. Iri deco gobe pohro cinco gohra tiaya mariri tari dipabu arĩbu. ³ Iri tari dipabugue bajarā dorecurā oyarāre iabu. Cuiiri ihajabirā, curimasibirā, gōari marirā, erā iri gobe pohro oyama. Deco ñohmeborore corerā iñnorā. ⁴ Erogue dijarigu iri gobe maja decore yujuyerisuburi ñohmecā iipũ anyu. Iri gobe maja deco igu ñohmera pũhru ñaja guhamũhtagupũ ðagu wapu. Dohpa arĩri dorere opagu ðagu wapu. ⁵ Eropigu ero yujugu dorecugu oyami. Igu treinta y ocho bojori gohra dorecugu arĩpu. ⁶ Ero igu oyacũ iagu igu eropa yoari boje igu dorecũ masimi Jesu igure. Eropa masigu igure serẽpimi:

—¿Oari dupu dore marigu arĩdiari muhu? arĩmi Jesu igure.

⁷ Igu eroparĩcũ dorecugupũ yuhrimi:

—Iri deco ñohmecũ yare decogue aĩ acugũ marimi. Iri decogue yũ ñajadiaquerecũ ta gajirãpu yũ core yuu ñajamũtama, arĩmi igu Jesure.

⁸ —Wahgãnujajaque. Mu omasiariñere aĩ, mu guburi mera cũhraphi wahgã waque, arĩmi Jesu igure.

⁹ Igu eroparĩcũ ta dorecugupũ wahgãnujaja igu omasiariñere aĩ waha wami. Irinu Sabado gua judio masa soorinu arĩbu. ¹⁰ Igu eropa ðagu wadigu igu omasiariñere aĩgãcũ iarā judio masa gua oparãpu dorecudigure ðpa arĩ wereñorā:

—Dohpagãre Sabadonu mari soorinu arĩquerecũ mu yañe omasiariñere aĩ wahgãa muhu. Eropa iigu mari dorerire tarinugagu iiaa, arĩñorā erā igure.

¹¹ —Yũre yũ dorecurire taudigupũ ðpa arĩmi yare, arĩpu dorecudigupũ. “Mu omasiariñere aĩ, mu guburi mera cũhraphi wahgãque,” arĩmi yare, arĩ yuhripũ dorecudigu murupũ erãre judio masa oparãre.

¹² —¿Iriire mare eropa arĩdigupũ nihino ãhriri igu? arĩ serẽpiñorā erā igure.

¹³ Ero bajarā masa erā arĩcũ iagu Jesupu waha wadigu arĩmi. Eropigu dorecudigupũ igure ðagu wacũ iidigu igu waĩre masibiripũ. ¹⁴ Pũhru Goãmu wihigue gua igure bocatĩricũ Jesu igure weremi:

—Peenique muhu yare. Dohpaguere ðaro dupũcua muhu. Ñerire iinemboricãque. Dipaturi iinemoũ mu dorecudiro tauro wagũca, arĩmi Jesu igure.

¹⁵ Igu eropa arĩra pũhru dorecudigu judio masa oparā igure serẽpinirā pohroque eja, werepũ erãre:

—Jesu waicũga yare ðagu wacũ iiami, arĩ werepũ igu.

¹⁶ Eropi Sabado arĩcũ Jesu dorecugure igu dorere igu taucũ masirā judio masapu igure ñero iinugañorā. Eropirā erā igure wejẽdiarĩñorā.

¹⁷ Eropa ñero erā iidiarire masigu Jesupu weremi erãre:

—Yũ Pagu dohpaguere mohmenimi. Yũ sã eropigu mohmenigu iiaa, arĩ weremi igure ñero iidiarãre.

¹⁸ Igu eroparĩcũ judio masa gua oparā Igu mera turaro guarā, ero core erā arĩdiro tauro igure wejẽdiañorā. Sabadonure erā soorĩnure igure ðagu iicũ iarā erā guañorā. Eropa guarā Goãmure igu “yũ Pagu,” Igu arĩcũ peerā erãpu tauro guañorā. “Yũ Pagu,’ arĩgu Jesu igu basi ‘Goãmũ mera yujuro mera ãhrraa,’ arĩ guñacumi igu,” arĩ pepiñorā judio masa gua oparā.

Jesu “Goãmũ igu obeodigu ãhrraa yuhũ,” arĩ masare wereñumi

¹⁹ Eropi Jesu erãre weremi:

—Diaye mũare arĩgu iiaa. Yuhũ Goãmũ magu yũ gamero iigu iibea. Yũ Pagu Igu iirare iagu irire iiaa. ²⁰ Yũ Pagu yare Igu magure mahimi. Eropigu Igu iirare yare ii ñhmupehomi. I dohpaguere Igu turari mera yũ iira tauro Igu gajire iidoregucumi yare. Igu eropa iidorecũ Igu turari mera ii ñhmuũcũ igure yuhũ. Eropa yũ ii ñhmuũcũ iha ucarãca mũa. ²¹ Yũ Pagu sirĩnirãre igu masuro dopa ta yũ sã yũ gamerãre masugura. ²²⁻²³ Ne yũ Pagupũ masa erā ñeri iira dipuwaja, Igu basi dipuwaja moagu moabeami. Yũpũre irire erā ñeri iira dipuwaja dipuwaja moabure apimi. Erā igure umupeodiro dopa ta yũ sãre umupeoborore eropa apimi. Eropirā yare Igu magure umupeobirā yũ Pagu sãre umupeobeaa mũa. Igu ãhrimi yare obeodigu, arĩmi Jesu.

²⁴ Eropa arĩtuha ðpa arĩ werenemomi:

—Diaye mũare arĩgu iiaa. Yũ wereniguirire peerā yare obeodigure umupeorā mũari nũcũ mũarogue eropa arĩnigũicãrãcoma. Eropigu erãre dipuwaja moasome yuhũ. Eropirā erā peamegue wabonirā tarĩrãcoma. ²⁵ Diaye ta mũare arĩgu iiaa. Peamegue wamora yare Goãmũ magure erā peeburĩsubu dohpague ãhrraa. Pũhru sãre erā yare peerãcoma daja. Eropa peerā peenũrũrãpu Goãmũ mera eropa arĩnigũicãrãcoma. ²⁶ Goãmũ yũ Pagupũ erãre eropa arĩnigũicũ iigu ãhrimi. Eropigu yare Igu magure erãre eropa arĩnigũicũ iibure arĩdoremi Igu yare. ²⁷ Eropigu yuhũ masu Goãmũ igu obeodigu

árícü ìgu masare dipuwaja moadorerire apimi yure. ²⁸ Ire peerã, pee ucabiricãque mua. Gajinũguere árìpehrerã sirinirã masa goberigue árìrã yu werenigüicü peerãcoma. ²⁹ Eropa pee wahgãrã òarire iinirã mura umuri nucu Goãmu mera árìmorã masa muriarãcoma. Ñeri iinirã murapu ñerire erã iira dipuwaja peamegue warãcoma, arì weremi Jesu.

³⁰ Eropa arìtuha òpa arì werenemomi:

—Yu gamero ne gajinore iibea. Ne yu basi yu gamero iibea. Yure obeodigu ìgu gamero dopa ta iiaa. Eropigu ìgu arìdiro dopa ta dipuwaja moaa. Eropigu masare yuhu dipuwaja moagu diaye ta iiaa. ³¹ “Yuhu Goãmu magu ìgu obeodigu àhraa,” yu basi arì werecü, “Mu werenigüiri ne diaye árìbeaa,” arìboca mua. ³² Gajigu àhrimi yure weregu. ìgu Goãmu àhrimi. ìgu yure werera diaye ta àhraa. Irire yu òaro masia. ³³ Mua gajirãpüre Ñure yure serèpidore obeobu. Eropigu ìgu sã diaye ta weremi muare. ³⁴ Masare yure “Goãmu ìgu obeodigu àhrimi,” arì weremorãre amabeaa yupu. Eropa amabiriqueregu ta Ñu masu ìgu árìquerecü ta “Yure diaye ta weremi,” arãa. Mua yure umupearure, mua peamegue wabonirã mua tariburire yure ìgu werera “Diaye ta àhraa,” arì weregu iiaa. ³⁵ Ñu muare buhemuhtagu bajamenurigã buhemi muare. ìgu eropa buhecü peerã bajamenurigã mucubiriribu mua. ³⁶ Ñu yu árìricurire weremi muare. ìgu wereri mera yu árìricurire masiquererã yu iirire ìarã tauro masirãca. Goãmu yu Pagu ìgu turari mera ìgu yure iidorerare dohpague iigu iiaa. Ire yu iicü ìarã diaye ta Goãmu ìgu obeodigu yu árìcü masirãca mua. ³⁷ Eropiro yu Pagu yure obeodigu ìgu basi yuhu ìgu obeodigu árìrìre arì weremi muare ìgu yare erã gojarapũgue. ìgu eropa arì werequerecü ta ìgu werenigüirire ne peebeaa mua. Eropi mua ìgure ne ìabeaa. ³⁸ Yure Goãmu ìgu obeodigure mua ne peediabeaa. Eropirã mua ne Goãmu yare gamebeaa. ³⁹ Goãmu yare erã gojarapüre mua òaro buhea. Eropa buherã “Gua ipüre buherã umuri nucu Goãmu mera eropa árìnigüirãca,” arãa mua. Iripü ta yure werea. ⁴⁰ Iripü yure werequerecü ta murapu yure gamebeaa. Umuri nucu Goãmu mera mua árìnigüiburire yuhu ogu árìquerecü yure gamebiribu mua, arì weremi Jesu erãre.

⁴¹ Eropa arìtuha òpa arìnemomi:

—Yure masa erã umupearure amabeaa yuhu. ⁴² Eropa amabiriqueregu ta Goãmure mua mahibiricü masia yuhu. ⁴³ Goãmu yu Pagu ìgu dorero dopa ta yu ariquerecü ta mua yure gamebeaa. Gajigupüre Goãmu ìgu obeobiridigu ìgu árìquerecü ta ìgupure gameraca mua. ⁴⁴ Gajirã masa muare erã umupearü gahmea mua. Goãmu mua mera ìgu mucubiririre gamebeaa mua. ìgu dihta Goãmu gohra àhrimi. Eropa gamebirã yure peebeaa mua. Yure umupearure mua. ⁴⁵ Muare yu Pagugure ne weresãsome yuhu. Irire pee masique mua. Moise ìgu gojarapũpü muare weresãroca. “Iripü maja dorerire iipehorã, Goãmu pohro warãca mua,” arìripũpü muare weresãroca. ⁴⁶ Moise ìgu gojarapü yupure weremuhtayoro. Eropirã iripüre òaro umupearü yu sãre umupearure mua. ⁴⁷ Moise ìgu gojarapüre mua òaro peebirã, yaha werenigüiri sãre peesome mua, arìmi Jesu erãre.

6

Cinco mil umare masare bajarã gohrare bari oñumi Jesu

Mt 14.13-21; Mr 6.30-44; Lc 9.10-17

¹ Eropa ìgu buhera pãhrũ Galilea waicuri ditaru gajipu masegue gua Jesu mera taribuja wabu. Galilea ditaru ta Tiberia waicubũ. ² Ero core Galilea yeba Jesu dorecarãre ìgu òarã ìgu iicü masa ìanirã árìma. Erã eropa ìanirã árìrã Jesu ìgu taribujacü ìarã masa bajarã ìgure nũrusia taribujama. ³ Erogue eja, gua ìgu buherã ìgu mera utãgũgue muria, doabu. ⁴ Irinũ Pascua waicuri bosenu árìboro judio masa bosenu árìboro merogã duhyabu. ⁵ Erogue doagu, Jesu masa bajarã ìgu pohro erã aricü ìhabeomi. Eropa ìhabeogu Felipere serèpimi Jesu:

—¿Oã masa erã baburire nohogue asürãcuri mari? arì serèpimi.

⁶ Jesu ìgu basi ìgu iiburire masiqueregu ta Felipere serèpi ìami, “¿Dohpa yãhrigücuri?” arìgu. ⁷ ìgu eropa serèpicü Felipepũ yãhrimi:

—Doscientos niyerupüri waja mera mari asũquerecü ta, masare yujurãyerire mutarigã barire mari guerequerecü ta ne sihasasome, arìmi Felipe Jesure.

⁸ Gua mera majagu Andrepu Simo Pedro pagu magupu Jesure weremi.

⁹ —Cinco pan dipuru, perã wai ihĩ majigu ohõ opami. Iri pan dipurugã ìgu opaquerecü ta masapu bajarã gohra àhrima. Eropiro i merogã bari ne sihasasome, arìmi Andre.

¹⁰ —Masare doadoreque mua, arìmi Jesu guare ìgu buherãre.

Ero mutarigā taacuro árību. Gua doadorecū masa árīpehrerā doajapehrea wama taa weca. Ūma dihtare queocū cinco mil gohra árīma. ¹¹ Erā eropa doajacū ĩagu Jesupū panre aĭ Goāmure “Ōhaa,” arīmi. Eropa arītuha guare ĩgu buherāre gueredoremi. ĩgu eropa gueredorecū guapū erā doarāre guere wahgābū. Perā wai sāre aĭ guere wahgābū. Árīpehrerāre erā sihajaro barire guerebū. ¹² Eropirā masa erā yapicū ĩagu Jesu guare doremi:

—Erā ba dūharire aĭque. Eropirā iri barire ne dedeosome, arīmi.

¹³ ĩgu eroparīcū guapū cinco pan dipuru dūhyarare gua gameneocū doce puiri gohra wirībū. ¹⁴ Eropirā masa Jesu Goāmū turari mera iri deyoro moariñere ĩgu ĩicū ĩarā ōpa arīma:

—Diaye ta āhraa. Ihī Goāmū ya wereniguĭgu i yebague aridigu mari coredigu ta āhrimi, arīma erā.

¹⁵ Eropirā erā Jesure erā opū árībure acudiarima. Jesu irire masigu dipaturi yujugu ta utāgugue waha wami.

Jesu deco weca curiñumi

Mt 14.22-27; Mr 6.45-52

¹⁶ Ņamicague gua ĩgu buherā dihta ditarugue buhabū. ¹⁷ Eroguere buhaja dohodirugue űaja, Capernaum waĭcūri macague taribujabū. Gua eropa taribujacū űamigue árību. Eropigu Jesu gua pohrogue arinibirimi dohpa. ¹⁸ Miruñe turaro aricū gua taribujariyaguere pāgūri wahgābū. ¹⁹ Cinco kilómetros gohra gua taribujara pūhrū Jesu gua pohrogue arīmi. Deco weca nigui wahgāricū ĩabu gua ĩgure. Eropa gua pohro ĩgu aricū ĩarā gua güibu. ²⁰ Gua güicū ĩagu ĩgu guare weremi:

—Ne yure ĩha űcabiricāque. Guñaturarā árīque. Yūhu ta āhraa, arīmi Jesu.

²¹ ĩgu eroparīcū peerā gua ĩgure mucubiriri mera bocatīri űajadorebū. ĩgu űajara pūhrūgā gua wara yebagure taribujajabū.

Masapū Jesure amañuma

²²⁻²⁴ Gajinū masa ero dujanirāpū gamenerenūgañorā daja Jesure corerā. Iri űamire gua yaru mera gua dihta taribujacū ĩanirā árīma erā. Jesu gua mera ĩgu wabiricū sāre ĩanirā árīma erā. Eropa gamenererā Jesure bocabiriñorā. Bocabiri ero pohro Tiberiague ariri gasi tuhajacū ĩañorā. Jesu Goāmure “Ōhaa,” arī, masare ĩgu bari guerediro pohroñarigūe árīyoro. Eropirā Jesu gua sā maricū ĩarā, iri gasigūe űaja, Capernaumgue guare nurusia taribujajama. Jesure ahma nurusiagārā iima erā.

Yūhu ojocaririre ogū, bari iro dopa árīgu āhraa, arī wereñumi Jesu masare

²⁵ Ditarure taribuja, gua árīrogue eja, Jesure bocajanjarā erā serēpima ĩgure:

—Buhegu, ¿dohparīcū ahrari muhu ōguere? arī serēpima erā ĩgure.

²⁶ Erā eropa arī serēpicū, Jesu erāre weremi:

—Diaye arīgu ĩaa mūare. Deyoro moarire yū ĩiquerecū ta yūpūre umupeobea mūa. Yūre umupeobiriquererā ta yure ahmaa mūa. Yū mera pagari baha, mūa yapinirā árīrā yure amagārirā ĩiaya daja. ²⁷ Bari ne árīniguibeaa. Pūhrū pehrea wahaa iri. Eropirā irire eropa amaniguibiricāque. Gaji bari gajiropa árīri baripūre amaque mūa. Iri barire amarā űmūri nūcū Goāmū mera árīrāca. Eropiro iri bari tamera ne pehrebeaa. Iri barire yūhu masū Goāmū ĩgu obeodigu mūare ogura. Goāmū yū Pagu yure irire odoregu āhrimi. ĩgu obeodigu yū árīrīre ĩhmutuhami mūare, arīmi Jesu.

²⁸ ĩgu eroparīcū erā serēpima ĩgure:

—¿Goāmū ĩdorerire ĩimorā dohpa ĩirācuri gua? arī serēpima erā.

²⁹ —Ire Goāmū mūare ĩidoremi: “Yūre ĩgu obeodigure umupeoque,” arī doremi Goāmū, arīmi Jesu.

³⁰ ĩgu eroparīcū peerā erā ōpa arīma:

—Goāmū ĩgu obeodigu mū árīgu ĩgu turari mera ĩi ĩhmuque guare mūre gua ōaro umupeoborore. ¿Ñehenore ĩibocuri muhu? ³¹ Mari ñecū sumarā mūrague iribojegue majarā masa marirogue mana waĭcūri dipurure bamūriñorā. Goāmū yare erā gojaripūgue ōpa arī wereyoro: “ĩgu erāre űmaro maja dijuri barire omūripū erā baburire,” arī gojañuma Goāmū yare erā gojarapūgue. ¿ĩgu eropa ĩidiro dopa ta ĩgu ĩiri mū sā? arīma erā.

³² Erā eroparīcū Jesu weremi erāre:

—Diaye mūare arīgu ĩaa. Moisepū iri űmaro maja barire mūa acawererāre obrīñumi. Yū Pagupū űmaro maja barire diaye maja barire mūare ogū āhrimi. ³³ Goāmū ĩgu bari űmaro dijari árīpehreri yeba majarāre ojocaririre omasia, arīmi Jesu.

³⁴ —Opu, umuri nucu iri barire oque guare, arima erā.

³⁵ Erā eroparicū peegu Jesu weremi erāre:

—Yupu ojocaririre ogu bari iro dopa arigu āhrra. Mari ya barire barā matagā ta oaboa waha mari. Ihriri säre mari ihrira puhrugā ta ñemesibua daja. Yure gamegupu, yure umupeogupu, ne oaboabigu ñemesibubigu iro dopa igu ōaro āriri ne pehresome igure. ³⁶ Mura yure ñaquererā ta umupeonibea dohpa. Irire ta muare wererabu yuhu. ³⁷ Aripehrerā yu Pagu yarā arimorāre igu ainirāpu yure gamerācoma. Eropigu yure gamerāre ne cōāsoma yuhu. ³⁸ Umarogue arigu yu gamero iigu arigu iibiribu. Yure obeodigu igu gamero dopa ta iigu aribu. ³⁹ Ita aribu yure obeodigu igu gameri gohra: Aripehrerā yaharā arimorā yure igu onirāre yu dedeobiricū gahmemi. Yure obeodigu pehrerinu aricū erāre yu masucū gahmemi. ⁴⁰ Aripehrerā yure Goāmu magure iarā, yure umpeorā umuri nucu igu mera erā aricū gahmemi yu Pagu. Eropigu pehrerinu aricū erāre masugura, arimi Jesu.

⁴¹ “Yuhu umarogue ariri bari iro dopa arigu āhrra,” igu aricū peerā judio masa gua oparāpu igu mera guarā, erā basi Jesure ñero arī wereniguima.

⁴² —¿Ihī Jesu José magu aribeari? Igu pagu, igu pago sāre mari masia. ¿Eropa arīqueregu ta duhpigu “Umarogue aribu,” arī wereniguiri igu? arī guama erā.

⁴³ Erā eroparicū peegu Jesu weremi erāre:

—Mua basi yure ñero arī wereniguibricāque. ⁴⁴ Yu Pagu yure obeodigupu masare yure gamecū iimi. Igu eropiibiricū masapu yaharā arīmasibiriboñuma. Pehrerinu aricū yaharāre masuguca yuhu. ⁴⁵ Goāmu ya weremuhtanirāpu ōpa arī gojañuma: “Goāmu erāre buhegucumi,” arī gojañuma. Aripehrerā yu Pagu igu buherire peerā igure yuhrirā yure gahmema. Eropirā yaharā āhrima.

⁴⁶ “Yu Pagure ne yujugu masu ñabeami. Yuhu Goāmu igu obeodigu dihta yu Pagure ñabu. ⁴⁷ Diaye arigu iiaa muare. Yure umupeogu aripehrerinaru yu Pagu mera arīniguigucumi. ⁴⁸ Yupu ojocaririre ogu bari iro dopa arigu āhrra. ⁴⁹ Mua ñecu sumará murgue masa mariroge manare bamuriñorā. Eropa irire baquererā ta sīria wañorā. ⁵⁰ Umarogue ariri baripure masu bagu ne sīrisome. ⁵¹ Yuhu umarogue ariri bari ojocaririre ori bari iro dopa arigu āhrra. I barire bagu umuri nucu yu Pagu mera eropa arīniguigucumi. I bari ojocaririre ori bari iro dopa ariri yu dupu ta āhrra. Aripehreri yeba majarā Goāmu mera eropa erā arīniguiburire yu dupure ogura. Eropa ogu sīriguca, arimi Jesu.

⁵² Igu eroparicū peerā judio masapu ōpa arī wereniguima erā basi:

—¿Ihī dohpa ii igu dupure baburi ogucuri? arima erā erā basi.

⁵³ Erā eroparicū peegu Jesu weremi:

—Diaye arigu iiaa muare. Yuhu Goāmu igu obeodigu āhrra. Yu dupure babigu, yu dire ihribigu Goāmu mera arísoma. ⁵⁴ Yu dupure bagure, yu dire ihrigure, pehrerinu aricū masugura. ⁵⁵ Yu dupu diaye ta bari gohra iro dopa āhrra. Yu di diaye ta ihriri gohra iro dopa āhrra. ⁵⁶ Yu dupure bagu yu dire ihrigu yu mera mucubiriri mera arīniguigucumi. Eropigu yuhu igu mera mucubiriri mera arīniguiguca. ⁵⁷ Yu Pagu yure obeodigu eropa arīniguicāmi. Eropa arīniguigu yu sāre eropa arīniguicū iimi. Eropirā yure eropa arīniguigure masa barā, Goāmu mera umaroguere eropa arīniguirācoma erā sā. ⁵⁸ Ita āhrra umarogue ariri bari. Mari ñecu sumará mura erā bara mura iro dopa arībeaa i bari. Erāpu iri barire baquererā ta sīria wañorā. I baripure bagu umaroguere eropa arīniguicāgucumi, arimi Jesu.

⁵⁹ Capernaum judio masa gua buheri wihi Jesu buhegu, eropa weremi.

Jesu igu buherire peerā umarogue eropa arīniguirāca mari, arī gojañumi Ñu

⁶⁰ Igu eropa wereniguicū peerā bajarā gua watope arīrā Jesure gamerā, igure narusanirā ōpa arī wereniguima:

—I buheri diasā āhrra. Eropirā mari peediabiriñaria, arī wereniguima erā erā basi.

⁶¹ Erā eroparicū Jesupu erā wereniguirire masimi. Eropa masigu igu erāre serēpimi:

—¿I buherire peerā guari mua? ⁶² ¿Yuhu masu Goāmu igu obeodigu umarogue dujaa wacū dohpa wabocuri mua? ⁶³ Masu igu siporāre opagu ojocarimi. Igu dupupu igure ojocaricū iibea. Masure igure igu siporā ojocaricū iro dopa ta yu buheripu muare Goāmu mera eropa arīniguicū iiaa. ⁶⁴ Gajirā mua mera majarā ne yure umupeobeama, arimi Jesu.

Negohraguere Jesu igure umupeobiribonirāre masituhajapu. Iguere ihaturirāre wiabu sāre mata masituhapu. Eropa masigu “Gajirā mua mera majarā yure umupeobeama,” arimi Jesu guare.

⁶⁵ Eropa arītuhaja ōpa werenemomi:

—Ōpa arī wererabũ muare. “Yũ Pagũpũ masare yũre gamecũ iimi. Īgũ eropa iibiricũ masapũ yaharã árimasibiriboñuma,” muare arĩrabũ, arĩmi Jesu.

⁶⁶ Īgũ eropa arī buhecũ peerã bajarã Jesure gamenirã mura ĩgũre cohã, ĩgũ mera dipaturi wabirima. ⁶⁷ Erã eropa iicũ ĩagũ Jesu guare doce ĩgũ buherãre serẽpimi:

—¿Mũa sã yũre cõacãrãcuri? arī serẽpimi guare.

⁶⁸ Īgũ eroparĩcũ Simo Pedro yãhrimi ĩgũre:

—Opũ, guare gajigũ buhegũ marimi. Mũ buherire peerã Goãmũ mera eropa árniguirãca gua. Mũ buheri dihta irire werea guare. ⁶⁹ Eropirã gua mure umupeoa. Eropa mũhũ õagũ, Goãmũ magũ ĩgũ obeodigũ mũ árcũ gua masia. Eropirã mure cõasome gua, arĩmi Simo Pedro Jesure.

⁷⁰ Īgũ eroparĩcũ peegu Jesu weremi guare:

—Yũpũ muare doce majarãre beyebũ. Yujugũ mũa mera majagũ watĩ yagũ árbũ ahrimi, arĩmi guare ĩgũ buherãre.

⁷¹ Eropa arĩgũ judare Simo Iscariote magure arĩgũ iimi. Judapũ doce gua mera majagũ Jesure ĩhaturirãre wiabu arĩmi.

7

Jesu pagũ porã ĩgũre peediabiriñuma

¹ Pũhrũ gua mera Jesu Galilea yeba curĩgũ wami. Judea yeba majarã judio masa ĩgũre wejẽdiãnorã. Erã eropa wejẽdiacũ masigũ ĩgũ iri yebare wabirimi. ² Judio masa mũta wirigã gua ĩburinũ bosenu merogã duhyabu. ³ Eropirã Jesu pagũ porã ĩgũre werema:

—Judeague bosenure ĩagũ waque. Ero mũ yarãre deyoro moarire ii ĩhmuũgũ waque mũhũ. ⁴ Masare deyoro moarire ii ĩhmudiagũ mure dibubiricãro gahmea. Deyoro moarire iigu árigũ áripheerã erã ĩhuro iique, arĩma erã.

⁵ Īgũ pagũ porã áriquererã ta Jesure “Goãmũ magũ ahrimi,” arĩbirima. Eropirã eropa arĩma erã ĩgũre. ⁶ Erã eropa arĩra pũhrũ Jesu weremi erãre:

—Masa yũre erã õaro masiburisubũ duhyania dohpa. Muapũ bosenure ĩadiarã waque. ⁷ Ero majarã muare ĩhaturibeama. Yũpũre erã ñeri iirare yũ werecũ yũre ĩhaturima. ⁸ Mũa seyaro bosenu árcũ waque. Yũpũre yũ waburisubũ duhyania dohpa. Eropigũ yũpũ bosenure ĩagũ wanibea dohpa, arĩmi Jesu erãre.

⁹ Eropa arĩgũ ĩgũ Galilea dujami.

Mũta wirigã erã ĩirinũri bosenu árcũ wañumi Jesu Jerusalengu

¹⁰ Bosenugue Jesu ĩgũ pagũ porã erã wara pũhrũ Jesu sã gua mera erã pũhrũ wami. Eropa wagũ masa erã ĩabiririsubũ wami. ¹¹ Bosenu árirã judio masa gua oparã ĩgũre amañorã:

—¿Nohogue árcũcuri ĩgũ? arī serẽpiñorã.

¹² Eropirã masa bajarã Jesure werewuañorã. Gajirã, “Īgũ õagũ ahrimi,” arĩñorã. Gajirãpũ, “Īgũ ñegũ ahrimi. Masare gũyagũ ahrimi,” arī werewuañorã.

¹³ Eropa arĩquererã judio masa gua oparãre gũirã, masa erã ĩabirogue Jesure werewuañorã.

¹⁴ Gua erogũ ejara pũhrũ bosenu deco Jesu Goãmũ wihigũ ñajaja buhemi. ¹⁵ Īgũ eropa buhecũ judio masa uca wa õpa arĩma:

—¿Īhĩ buherogue buhebigũ áriqueregũ ta duhpigũ õaro masipehori ĩgũ? arĩma erã ĩgũre.

¹⁶ Erã eroparĩcũ Jesu weremi erãre:

—Yũ buheri yaha werenigũri áribeaa. Yũre obeodigũ ya werenigũriřũ ahraa i buheri. ¹⁷ Goãmũ gamerire ĩdiarã yũ buherire “Goãmũ werenigũri ta ahraa,” arī masirãcoma. Yũ buheri yaha werenigũri dihta áribiricũ sãre masirãcoma. ¹⁸ Yujugũ ĩgũ gamero ĩgũ masiri mera buhegũ árigũ “Yũ dihtare umupeoque,” arĩgũ ahrimi ĩgũ. Yũre obeodigũpũre mũa umupeocũ gahmea yũpũ. Yũ eroparĩcũ peerã, “Diaye ta werenigũmi ĩgũ. Ne gũyabeami,” arī masirãca mũa.

¹⁹ “Goãmũ dorerire Moise mũrũpũ apimũriñumi masa. Īgũ eropa apiquerecũ ta mũa áripheerã iri dorerire ne yũhribeaa. ¿Duhpirã yũre wejẽdiari mũa? arĩmi Jesu judio masare.

²⁰ —Mũ goroweregũ ahraa. Mũre wejẽdiarã marima, arī yũhrima erã Jesure. Erã eroparĩcũ Jesu yũhrimi:

²¹ —Yũhũ soorinũ yujusubũ Goãmũ ĩgũ turari mera dorecũgũre ĩgũ dorere yũ cõacũ mũa ĩha uca wabũ. ²² Mari ñecũ sumarã ĩribojegue majarãpũ erã duhpũre merogã gasirogãre wiri aĩrã erã árdiro dopa ta Moise wiridoreñumi. Īgũ eropa dorecũ majirãgãre ocho nurĩ erã masa dehyoara pũhrũ soorinũ áriquerecũ ta erã duhpũre

merogã erã gasirogãre wiri aĩmuria mua. ²³ Mari soorinũ árĩcũ majirãgãre erã dupãre merogã gasirogãre wihria mua Moise doreri iimorã. ¿Mua sã soorinũ irire iiquererã ta irinũ dorecugãre yũ taucũ duhpĩrã yũ mera guarĩ mua? ²⁴ Yũ iirare mua ðaro masibiriboro core, yũre ñero pepibiricãque. Mua ðaro masira puhũ yũre mua ñero pepicã diaye ta árĩroca, arĩmi Jesu.

Jesu negohraguere ĩgu aridirore wereñumi

²⁵ ĩgu eropa arĩ werera puhũ bajamerãgã Jerusalén majarã ðpa arĩ wereniñorã:
—¿Ihĩ mari oparã erã wejẽdiagu árĩbeari? ²⁶ Eropigu ĩgure erã wejẽdiaquerecũ ta árĩpehrerã masare buhegu iimi ĩgu. Eropirã ĩgure wejẽdianirã árĩquererã ta eropa ĩacãma. Eropa ĩacãrã ĩgure “Ĩgu diaye ta Cristo Goãmũ ĩgu obeodigu aħrimi,” ¿arĩ pepibocuri oparãpũ? Maripũ masia. Cristo árĩbiribocumi. ²⁷ Ihĩ Jesu ĩgu aridirore gũa masia. Cristopũ ĩgu árĩcũ ĩgu aridirore masiya mara. Eropigu Cristo gohra árĩbeami Jesu, arĩ werewuañorã erã Jerusalén majarã.

²⁸ Erã eropa arĩrare masigu, Jesu ðpa turaro busuro werenigui buhemi Goãmũ wihi:
—Yũre ðpa arĩ pepia mua: “Ĩgure masia gũa. Eropirã ĩgu aridiro sãre masia,” arĩ pepiraa mua yũre. Mua eropa arĩ pepiquererã ta yũ gamero aribirabũ. Yũre obeodigu gohrare masibea mua. Yũre obeodigu diaye árĩgu, diaye iigu aħrimi. ²⁹ ĩgu ta yũre obeomi. Eropigu ĩgu pohrogue aribũ. Eropigu yũhũ ĩgure masia, arĩmi Jesu judio masare.

³⁰ ĩgu eroparicũ peerã ĩgure ñeadiarima. Erã eropa ñeadiaquerecũ ta Jesu ĩgu ñero tariburisubũ árĩbiriyoro dohpa. Eropirã erã ĩgure ñeamasibirima. ³¹ Gajirã masapũ bajarã ĩgure umupeoma. ðpa arĩma:

—“Cristo bajasuburi Goãmũ turari mera deyoro moarire ii ĩhmugacumi,” erã arĩ werediro dopa ta ihĩ Jesupũ bajasuburi Goãmũ turari mera ii ĩhmumi. Árĩpehrerã gajirã tauro Goãmũ turari mera ii ĩhmumi ĩgu. Eropigu Cristo Goãmũ ĩgu obeodigu ta aħrimi Jesu, arĩma Jesure ne umupeonũgarãpũ.

Fariseo masa Jesure peresu iidoreñuma

³² Masa Jesure eropa arĩ wereniguiicũ peerã pahia oparã, fariseo masa mera Jesure ñeadorerã obeoriñorã surarare.

³³ Eropigu Jesu masare ðpa arĩmi:
—Bajamenurigã mua mera árĩnigũca. Eropigu puhũñarigã yũre obeodigu pohro wagũca. ³⁴ Yũ árĩborore mua wamasibea. Eropirã yũre amaquererã ta ne bocasome mua, arĩmi Jesu masare.

³⁵ ĩgu eroparicũ peerã erã judio masa ðpa arĩ wereniguiñorã:
—¿Ihĩ eropa arĩgu nohogue wagũcuri mua pepicũ? ¿Griego masa pohrogue judio masa wasirĩnirã pohrogue erã árĩri macarĩgue Griego masaguere buhegu wabocuri ihĩ? ³⁶ “Yũ árĩborore mua wamasibea. Eropirã mua yũre amaquererã ta ne bocasome,” ĩgu arĩgu ¿dohpa arĩronore ĩgu eropa arĩri? arĩ wereniguiñorã judio masa erã basi.

Ojocaricũ iiriyarire wereñumi Jesu

³⁷ Bosenu ojogorocurinũ irinũ guhyadiarinũ gohra árĩro iibũ. Irinũ Jesu ero nigui, turaro mera weremi masare:

—Ñemesiburã decore turaro gamero dopa árĩrã umuri nucũ Goãmũ mera turaro árĩdiarã yũre serẽque. Mua eropa serẽcũ ĩgu yarã árdoregura muare. ³⁸ Yũre umupeorãre ðpa arĩ gojañuma Goãmũ yare erã gojarapũgue: “Erã sĩporãriquere ojocaricũ iiri deco eropa árĩniguiicãroca,” arĩ gojañuma, arĩ turaro weremi Jesu masare.

³⁹ “Erã sĩporãriquere ojocaricũ iiri deco eropa árĩniguiicãroca,” arĩgu “Yũre umupeorã Espĩritu Santore oparãcoma” arĩgu iimi Jesu. ĩgu umarogue ĩgu murianibiricũ dohpa Espĩritu Santopũ arinibirimi dohpa erãre.

Judio masa dũca wariñuma pe curu

⁴⁰ Jesu ĩgu eroparicũ peerã, masa bajarã ðpa arĩ wereniguima:
—Ihĩ diaye ta Goãmũ yare weremuhtagu mari coredigu ta aħrimi, arĩ wereniguima.

⁴¹ ðpa arĩma gajirã sã:
—Ihĩ Cristo marire taubu aħrimi, arĩma.

Gajirãpũ ðpa arĩma:
—Cristo árĩgu Galilea majagu árĩsome ĩgu. Ihĩ Jesupũ ero majagu ta aħrimi. ⁴² Cristo Davi mũrũ pãrami gajisubũ majagu arĩgu árĩbocumi. Eropigu Davi ya maca mũraro Belén waicuri maca masa dehyoagũcumi Cristopũ. Eropa ta arĩ werea Goãmũ yare erã gojarapũ. Ihĩ Jesupũ Belén macague masa dehyoabiripũ. Eropigu ĩgu Goãmũ ĩgu obeodigu Cristo gohra árĩbeami, arĩrima erã.

⁴³ Eropirā Jesure peenirā gajirā umupeo gajirāpu umupeobirā árñinjarā game dāca warima pe curu. ⁴⁴ Eropirā bajamerāgā Jesure ñeadiarima. Eropa ñeadiaquererā ta ĩgure ñeabirima.

Judio masa oparā Jesure ne umupeobiriñuma

⁴⁵ Eropirā surara pahia oparā pohrogue fariseo pohrogue dujaa wañorā daja. Erā dujajacū ĩarā erā surarare serēpiñorā:

—¿Duhpirā Jesure ñeagāribirari mua? arññorā.

⁴⁶ —Īgu ñatariaro wereniguigu āhrami. Gajirā ĩgu iro dopa wereniguirā ne marima, arñ yuhriñorā surara erāre.

⁴⁷ Erā eroparicū fariseo masapū ñpa arñ wereñorā:

—¿Mũare ĩgu gūyacū, “Diaye ta arĩgu iimi,” arñri mua sã? ⁴⁸ Mari oparā Jesure ne umupeobeama. Gūa sã eropirā ĩgure umupeobeaa. ⁴⁹ Oā masa Goāmũ dorerire Moiserie ĩgu apirare masibeama. Eropa masibirā árñrā Jesure umupeoma. Erā eropa umupeori dipuwaja mari Pagu Goāmũ erāre dipuwaja moagucumi, arññorā fariseo masa.

⁵⁰ Nicodemo fariseo masũ Jesure weretamugũ ejadĩgu ero árĩpu erā mera. Erā eroparicū peegu ñpa arĩpu ĩgu erāre:

⁵¹ —Jesu ĩgu ñero iirare masibeaa mari. Eropa masibirā ĩgu marire wereboro core ĩgure dipuwaja moamasibeaa mari. Eropa masibiriquererā ta ĩgure dipuwaja moarā, mari ya dorerire tarinugarā ĩaa mari, arĩpu Nicodemo erāre.

⁵² Īgu eroparicū peerā ñpa arñ yuhriñorā erā:

—¿Mũ sã ĩgu iro dopa ta Galilea majagu ta āhriri? Goāmũ ya erā gojarapũre buhepehoque. Eropa buhegu, “Goāmũ yare weremũtagũ ne yujugũ Galilea majagu marimi,” arñ masiguca mũhũ, arñ yuhriñorā erā Nicodemore.

⁵³ Erā eropa arñra puhru erā ya wirigue dujaa wañorā.

8

Ŭmũ mera ñero iidigore judio masa oparā dipuwaja moadiariñuma

¹ Jesupu ĩgu seyaro utāgugue Olivo waĩcudigugue waha wami. ² Gajinũ Goāmũ ya wihigue gūa wabũ daja. Jesu ejacū ĩarā masa bajarā ĩgu pohro gamenerema. Erā gamenerecū ĩgũpu doanjagu erāre buhenugapu. ³ Īgu eropa buhero watope judio masa buherā, fariseo masa mera iri wihigue nomeore añ ñajajama. Igo marapũcũquerego gajigu mera igo ñero ĩicũ bocajañorā erā igore. Eropa bocajarā igore Goāmũ wihigue añ ñajama erā igore dipuwaja moadorerā. Aĩ ñajatuha árĩpehrerā gūa ĩaro igore duhu nuguma. ⁴ Duhunugu ñpa arñma Jesure.

—Buhegu, igo marapũcũgo árĩquerego gajigu mera ñero iigo ĩicũ bocajabũ. ⁵ Moise dorerire ñpa āhrra: “Ŭmũ mera ñero iidigore utā mera dea wejēcāque,” arñyoro Goāmũ doreri. ¿Mũca dohpa arñ pepiri ire? arñ serēpima erā Jesure.

⁶ Jesu ĩgu ñero wereniguicũ peediarā iirima erā ĩgure weresāmorā. Erā eropa serēpiquerecū ta Jesupu muhmusiu dija, yebague ĩgu mujusĩru mera gojami. ⁷ Eropigu erā eropa serēpiniguicũ peegu Jesupu wahgā doaja, erāre weremi:

—Mũa mera majagu ñero ĩibigu árĩgu igore utā mera deanugaporo, arñmi Jesu.

⁸ Eropa arñtuha dipaturi muhrisiu dija, yebague gojami daja. ⁹ Irire peerā igore añ ñajarinirāpu erā ñeri iirare guñarā, erā tĩrāpu wiria wamũhtama. Erā puhru erā mera majarā sã wiriapehrea wama. Eropigo nomeo dihta Jesu pohro dujanugamo. ¹⁰ Eropigu Jesu wahgā doaja, igore serēpimi.

—¿Nohogue āhriri erā? ¿Mũre dipuwaja moadianirā mariri dohpague? arñmi igore.

¹¹ —Marima, opu, arñ yuhrimo igo.

—Yũ sã dipuwaja moabeaa mũre. Waque. Eropigo ñerire ĩnemobircāque, arñmi Jesu igore.

Jesu i yeba majarāre boyoro iro dopa Goāmũre masicũ iimi, arñ gojañumi Ñũ

¹² Dipaturi Jesu iri wihigue árñrāre weremi:

—Boyoro iro dopa yuhũ i yeba majarāre Goāmũre masicũ ĩaa. Yũre umupeogu Goāmũ mera eropa árñniguicāgucumi. Eropigu ĩgu boyorogue árĩgu dopa ta ñarire guñagucumi. Eropigu ĩgu ñerire guñadiabeami, arñ weremi Jesu.

¹³ Īgu eroparicũ peerā fariseo masapū ñpa arñma.

—Mũhũ mũ basi mũ árĩrcurire eropa arñ wereniguimaacāgu ĩaa. Mũ ñpa arñ wereniguiri ne waja mara, arñma erā Jesure.

¹⁴ Erā eroparicũ Jesu yuhrimi:

—Yũhũ, yũ aridirore masia. Yũ waboro sãre masia. Mũapũ ne irire masibeaa. Eropigu yũ basi yũ árĩrcurire werequeregu iri yũ werera diaye ta āhrra. ¹⁵ Mũa sihajaro

mua sã ĩara dihtare masia mua. Eropirã mua yure werewuaa. Yuhũ mua iro dopa ta werewuabeaa. ¹⁶ Masa erã árĩricurire ĩagu yuhũ yujugu ta ĩhamasibeaa. Yũ tamera yure obeodigu mera masia. Eropigu yuhũ masa erã árĩricurire diaye ta ĩha masia. ¹⁷ Mũare doreri erã gojarapũ òpa arĩ werea: “Masa perã erã yujuro mera erã werecũ erã wereri diaye ta àhraa,” arĩ were gojañuma. ¹⁸ Yũre weregu mera gua perã àhraa. Yuhũ, yũ árĩricurire werea. Eropigu yũ Pagũ sã weremi yure. ĩgu ta àhrimi yure obeodigu, arĩmi Jesu.

¹⁹ —¿Nohogue àhriri mũ Pagũ? arĩ serẽpima erã.

—Yũre mua masibeaa. Yũ Pagũ sãre masibeaa. Yũre masirã, yũ Pagũ sãre masiboaya, arĩ yũhrimi Jesu erãre.

²⁰ Jesu erãre buhegu eropa arĩ wereniguimi Goãmu wihigue erã niyeru apiri comoro pohro. ĩgu ñero tariburisubũ ejabiribũ dohpa. Eropirã erã mera ĩgu árĩquerecũ ta ĩgure ñeabirima.

Yũ waboroguere mũapu wamasisome, arĩñumi Jesu

²¹ Dipaturi masa mera gua árĩrisubũ Jesu erãre weremi daja:

—Yũ aridirogue waguca. Yũ wara pũru yure amarãca mua. Yũ waboroguere mũapu wamasisome. Eropirã mua ñeri dipuwajacurã sĩrirãca, arĩ weremi Jesu.

²² “Yũ waboroguere mũapu wamasisome,” ĩgu arĩcũ peerã,

—¿ĩhĩ ĩgu basi wejẽ sĩrigucuri eropa arĩgu? arĩma judio masa erã basi.

²³ Erã basi erã eroparĩcũ Jesu weremi erãre:

—Mũapu i yeba majarã àhraa. Yũpu umaro majagu àhraa. I yeba dehyoanirã àhraa mũapu. Umarogue aridigu àhraa yũpu. ²⁴ Mũare yũ árĩricurire yũ werecũ “Diaye árĩbeaa,” mua arĩrã, mua ñeri dipuwajacurã sĩrirãca mua. Eropigu “Mua ñeri dipuwajacurã sĩrirãca,” arĩrabũ mũare, arĩmi Jesu erãre.

²⁵ —¿Noano àhriri mũhũ? arĩ serẽpima erã.

—Neguere yũ mũare arĩdiro dopa ta àhraa yuhũ. ²⁶ Mũare yũ wereburi wũaro duhyania. Eropiro mua ñeri dipuwajare mũare yũ werebore wũaro duhyaa dohpa. Eropigu yure obeodigure yũ peare i yeba majarãre werea. ĩgu werera diaye ta àhraa, arĩmi Jesu erãre.

²⁷ “Yũre obeodigu,” ĩgu arĩcũ peerã “Mari Pagũ árĩcumi,” arĩ pepibirima erã. ²⁸ Erã eropa arĩ pepibiricũ ĩagu Jesu weremi erãre:

—Yũre masure Goãmu ĩgu obeodigure mua crusa mera pabia aĩ wahgũ nugurãca. Mua eropa iirã, “ĩgu Goãmu ĩgu obeodigu ta àhrimi,” arĩ masirãca yure. Eropirã yũ gamero dopa ta iibigu yũ árĩrĩre masirãca. Eropirã yũ Pagũ ĩgu yure ĩgu buhera dihtare weregu yũ árĩcũ sãre masirãca mua. ²⁹ Eropigu yure obeodigupu yũ mera àhrimi. ĩgu gamerire umuri nũcu iiniguia. Eropigu ĩgu yure ne cóabeami, arĩmi Jesu.

³⁰ ĩgu eroparĩcũ peerã masa bajarã ĩgure umupeoma.

Goãmu porãre, ñerire iirã sãre wereñumi Jesu

³¹ Eropirã gajirã judio masa Jesure umupeoma. Eropigu Jesu erãre weremi:

—Yũ dorerire iipehorã árĩrã, diaye ta yũ buherã àhraa mua. ³² Eropirã diaye ta masirãca mua. Diaye árĩrĩre masirã, ñero iirire duhumasirãca. Eropirã pohro majarã wiunirã iro dopa árĩrãca mua, arĩmi Jesu erãre.

³³ ĩgu eroparĩcũ peerã erã òpa arĩ yũhrima daja:

—Guapu iribojegue majagu mũru Abrahã pãramerã árĩturiarãgue àhraa. Eropirã ne gajirã pohro majarã árĩbeaa gua. Eropigu “Pohro majarã wiunirã iro dopa árĩrãca,” arĩgu ¿dohpa arĩgu eropa arĩri mũhũ? arĩ serẽpima erã Jesure.

³⁴ Erã eroparĩcũ peegu Jesu òpa arĩmi erãre:

—Diaye mũare arĩgu iiaa. Árĩpehrerã ñerire iirãpu erã ñeri iirire duhumasibeama. Eropiro iri ñeripu erãre dorea. Eropa árĩrã árĩrã pohro majarã iro dopa àhrima erã. ³⁵ Pohro majagupu ĩgu opu magu iro dopa árĩbeami. Doreri opabeami. Iri wihi majagu magupu umuri nũcu diaye ta ĩgu pagu doreri opami. ³⁶ Yuhũ Goãmu magu àhraa. Eropigu ĩgu doreri opa. Eropirã mua ñerire yũ duhucũ iinirã árĩrã diaye ta ñerire duhunirã árĩrãca mua. ³⁷ Abrahã mũru pãramerã árĩturiarã mua árĩcũ masia. Eropa árĩquererã ta yũ wererĩpũre peediabeaa mua. Eropirã yũre wejẽdiaa mua. ³⁸ Yũ Pagũ ĩgu yure masicũ iirare werea mũare. Yũ eropa werequerecũ ta mua pagu ĩgu dorerĩpũre iiaa mua sã, arĩmi Jesu erãre.

³⁹ —Abrahã mũru iribojegue majagu gua pagu mũru árĩmũripũ, arĩ yũhrima erã.

Erã eroparĩcũ Jesu yũhrimi:

—Abrahā muru porā árírā Ígu iidiro dopa ta iiboaya maa. ⁴⁰ Goāmū yure diaye Ígu wererire maare yu werequerecū ta yure wejēdiaa maa. Abrahā murupū ne eropa iibiridi árími. ⁴¹ Maa pagū Ígu iidiro dopa ta iiaa maa, arími Jesu erāre.

Ígu eroparícū erā yuhrima:

—Mojoto diribiridigo porā áríbeaa gua. Yujugu ta āhrimi gua pagū. Ígu ta āhrimi Goāmū, aríma erā.

⁴² Erā eroparícū Jesu yuhrimi:

—Goāmū mera majagu árídigu ta ōguere aribu yuhū. Eropirā Goāmū maa Pagū Ígu árícū yare mahiboaya maa. Yu gamero aribiribu yu tamera. Yu Pu Goāmū Ígu obeocū aribu ōguere. ⁴³ ¿Duhpirā yu wereniguirire peebeari maa? Yu wererire yujuro bojebeaa maa. Eropirā peebeaa maa. ⁴⁴ Maa pagupū wafí āhrimi. Eropirā wafí ígu gameripure iidiaa maa. I yeba negohraguere árínugacūgue, dohpague säre Ígu masare wejēgu āhrimi. Ígure diaye maja ne mara. Eropigu ígu ne diaye majare wereniguibeami. Ígu negohraguere gyanugadigu árími. Eropigu ígu eropa gyaniguigu árígu, guyarire weremí. ⁴⁵ Yupū diaye majare werea maare. Eropa yu werecū peebeaa maa. ⁴⁶ “Muhū ñero iigu āhraa,” arímasibeaa maa yure. ¿Diaye maare yu werequerecū ta duhpirā peebeari maa? ⁴⁷ Goāmū porāpū Ígu wereniguirire peema. Ígu porā áríbirā Ígu wereniguirire peebeama, arími Jesu erāre.

Abrahā muru ígu áríboro core Cristo árímuhantatuhañumi

⁴⁸ Ígu eroparícū peerā judio masa ígure ōpa aríma:

—“Muhū Samaria majagu āhraa. Eropigu wafí mera goroweregu āhraa muhū,” gua árira diaye ta āhraa, aríma erā Jesure.

⁴⁹ Erā eroparícū peegu ōpa arí yuhrimi Jesu:

—Goroweregu áríbeaa yuhū. Yu Pagure umupeoa. Mupū yare umupeobea. ⁵⁰ Yure masa erā umupeorire amabeaa yuhū. Yu Pagupū yare umupeocū gahmemi masare. Ígu tamera yu árírícure ōaro íha masigu eropa ta umupeodoremí. Eropigu yu Pagū erā yure gamebiriri dipuwaja, dipuwaja moagucumi. ⁵¹ Diaye muare arígu iiaa. Yu dorerire iigu umuri nucū Goāmū mera eropa áríniguicāgucumi, arími Jesu.

⁵² Ígu eroparícū peerā ōpa aríma erā:

—Dohpague tamerare mū wafí mera goroweregu árícū gua ōaro masia. Abrahā muru síria wañumi. Goāmū yare weremuhthanirā sã síria wañuma iribojegue. Eropigu “Yu dorerire iigu umuri nucū Goāmū mera eropa áríniguicāgucumi,” arígu, ¿dohpa arígu eropa aríri muhū? ⁵³ ¿Gua ñecu muru tauro turari muhū? Ígu, Goāmū ya weremuhthanirā sã síria wañuma iribojegue. ¿Mupū nihino āhriri eropa arí wereniguigu? Mū eropa aríro dopa áríbeaa muhū, aríma erā.

⁵⁴ Erā eroparícū peegu Jesu werenemomi:

—Yuhū yu basire umupeodoreri duhpiburi áríbeaa. Yu Pagupū yare umupeodoregu āhrimi ígu. “Gua Pagū” maa arígupū yu Pagū ta āhrimi. ⁵⁵ Mupū yu Pagure ne masibeaa. Yuhū ígure masia. “Ígure masibeaa,” arígu maa iro dopa ta guyaricūgu áríboaya yuhū. Diaye ta ígure masia. Eropigu ígu dorerire iiaa. ⁵⁶ I yebaguere yu áríboro coregue mari ñecu muru Abrahā muru masimuhatatuhamuriñumi yure. Eropa masigu ígu mucubirimuriñumi, arími Jesu.

⁵⁷ Ígu eroparícū erā yuhrima:

—Abrahā muru iribojegue majagu āhrimi. Mupū cincuenta bojori opanibeaa. ¿Eropigu muhū ígu murure duhpigu íha masiboyuri? aríma judio masa ígure.

⁵⁸ —Diaye maare arígu iiaa. Abrahā ígu áríboro core yupū árímuhatatuhabu, arími Jesu erāre.

⁵⁹ Ígu eroparícū peerā erā utayerire aī ígure deadiarima. Erā eropa deadiaquerecū ta Jesupū Goāmū wihigue árídigu duhri wiria wami.

9

Cuiri íhajabigure ōaro íagu wacū iñumi Jesu

¹ Jesu gua ígu buherā mera mague tariarā gajigure cuiri íhajabigure bocajabu. Ígu ne masa dehyoagugue ta cuiri íhajabigu árípū. ² Gua sã ígure iarā serēpibu Jesure.

—Buhegu, ¿ihí duhpigu cuiri íhajabigu masa dehyoayuri? ¿Ñerire iimuriyuri eropa wagu? ¿O ígu pagū sumará erā ñero iira dipuwaja eropa wayuri ígu? arí serēpibu gua Jesure.

³ Gua eroparícū peegu ōpa arí yuhrimi:

—Ihĩ Ĩgu pagu sumará sã erã ñerire iira sã ĩgure cuiiri ĩhajabiricũ iibeaa. Goãmupũ ĩgure cuiiri ĩhajabiricũ iimi. ĩgure ĩacũ iibu masare ĩgu turarire ii ĩhmuburire apimi Goãmu. ⁴ Yũre obeodigũ ĩgu apirare yũre iiro gahmea dohpaguere. Namiguere mari mohmemasibiro dopa ta puhũgũ yũre obeodigũ ĩgu apirare iimasibeaa yũhu. ⁵ I yebaguere i yeba majarãre Goãmũre masicũ iiaa, arĩmi Jesu.

⁶ Eropa arĩtuha yebague disico ehomẽpirare nicu mera mohmore nijagũ, cuiiri ĩhajabigũre ĩgu cuiirire sũmi. ⁷ Eropa sũgũ õpa arĩmi Jesu:

—Siloé waĩcuri gobegue mu cuiirire coegũ waque, arĩmi Jesu. Siloé ero majarã ya mera arĩrã obeora gobe arĩrã iima.

Jesu ĩgu cuiiri coedoredigũpũ waha, coetuhaja, cuiiri ĩagũgũ dujajapũ ĩgu ya wihigue. ⁸ ĩgu dujajacũ ero majarã ĩgure ĩañorã. Ero core niyeru serẽdigũ ĩgu arĩcũ ĩanirã ĩgure õpa arĩñorã erã basi:

—¿Ihĩ sohõ arĩdigũ niyeru serẽdoadigũ arĩbeari? arĩñorã erã.

⁹ —Ĩgu ta aħrimi, arĩñorã gajirã.

—Ĩgu arĩbeami. Eropa arĩbiriqueregũ ta ĩgu iro dopa ta bejagũ aħrimi, arĩñorã gajirã.

Erã eroparĩcũ peegu cuiiri ĩhajabiridigũpũ õpa arĩpũ:

—Ĩgu ta aħraa yũhu, arĩpũ erãre.

¹⁰ ĩgu eroparĩcũ masa ĩgure serẽpiñorã:

—¿Cuiiri ĩhajabiridigũ arĩdigũ dohpa ii ĩhari muhũ? arĩ serẽpiñorã erã ĩgure.

¹¹ —Jesu waĩcũgũ disicore nicu mera mohmore yũ cuiirire sũami. Yũre sũtuhaaja “Siloé waĩcuri gobegue mu cuiirire coegũ waque,” arãmi yũre. ĩgu eroparĩcũ coegũ ejabũ yũhu. Eropa yũ coera puhũ yũ cuiiri õaro dehyoabu yũre, arĩ werepũ ĩgu masare.

¹² —¿Mũre eropa iidigũ nohogue arĩcuri ĩgu? arĩñorã erã.

—Õba. Noho arĩgũ arĩcumĩ, arĩpũ ĩgu

Cuiiri ĩhajabiridigũre fariseo masa serẽpiñũma

¹³ Eropa arĩ wereniguituha erã cuiiri ĩhajabiridigũre fariseo masa pohrogue aĩ ejañorã. ¹⁴ Irinũ Jesu dihta nicure mohmore cuiiri ĩhajabigũre õagũ ĩranũ Sabadonũ arĩbũ. Irinũ gũa soorinũ arĩbũ. ¹⁵ Eropirã fariseo masapũ ĩgure serẽpiñorã daja.

—¿Dohpa ii ĩhari muhũ? arĩ serẽpiñorã erã.

—Nicu mera yũ cuiirire sũami. Eropigũ yũ cuiirire coera puhũ ĩhaa yũhu, arĩ werepũ ĩgu erãre.

¹⁶ —Ĩgu mari soorinũ mari mohmedorebiririnũre mohmeami. Eropigũ ĩgu Goãmũ yagũ arĩbeami, arĩñorã gajirã fariseo masa.

Gajirãpũ õpa arĩñorã:

—Ñerire iigũ arĩgũ õpa ĩre õagũ wacũ iimasibeami. Eropigũ ĩgu õagũ arĩbocumi, arĩñorã gajirã Jesure.

Eropirã erã, erã basi pe curu dũca wariñorã. ¹⁷ Eropirã dipaturi erã cuiiri ĩhajabiridigũre serẽpinemoñorã daja.

—¿Mũre mu cuiirire õaro iidigũre dohpa arĩ pepiri muhũ Jesure? arĩñorã erã ĩgure.

—Ĩgu diaye ta Goãmũ yare weremũhtagũ aħrimi, arĩpũ cuiiri ĩhajabiridigũpũ.

¹⁸ Negohraguere judio masa õpa arĩ pepiriñorã. “Ihĩ cuiiri ĩhajabiridigũ arĩbeami,” arĩ pepiriñorã. Eropa arĩ pepirã cuiiri ĩhajabigũ pagũ sumarãre sihubeoñorã erã. ¹⁹ Sihubeo ĩgu pagũ sumarãre serẽpiñorã fariseo masa oparã.

—¿Ihĩ diaye ta mu magũ aħrimi? ¿Mata ĩgu cuiiri ĩhajabigũ masa dehyoari? ¿Diaye ta cuiiri ĩhajabiridigũ arĩqueregũ dohpa ii ĩhari dohpaguere? arĩ serẽpiñorã erã ĩgu pagũ sumarãre.

²⁰ —Ihĩ gũa magũ ta aħrimi. Eropigũ mata cuiiri ĩhajabigũ masa dehyoami ĩgu. ²¹ Irire masiquererã ta ĩgu ĩarare, ĩgure ĩacũ iidigũ sãre masibeaa gũa. Gũa magure serẽpique. Buũgũ aħrimi ĩgu. ĩgu basi weremasimi ĩgu, arĩñorã ĩgu pagũ sumarã.

²² Judio masa oparã ero coreguere õpa arĩtuhañorã:

—“Jesu ta Cristo mari taubu aħrimi,” arĩrãre mari buheri wirigue ñajadoresome gũa, arĩmuriñorã judio masa gũa oparã.

Erã eroparĩcũ peenirã cuiiri ĩhajabigũ pagũ sumarãpũ judio masa oparãre gũĩ arĩñorã.

²³ Eropa gũirã “Buũgũ aħrimi ĩgu. ĩgure ta serẽpique,” arĩñorã erã judio masa oparãre.

²⁴ Puhũ judio masa oparã dipaturi cuiiri ĩhajabiridigũre sihubeoñorã. Sihubeo õpa arĩñorã ĩgure:

—Goãmũ mera diaye wereque muhũ. Jesure ĩgu ñeri iigũ ĩgu arĩcũ gũa masia. Eropigũ diaye wereque guare, arĩñorã judio masa cuiiri ĩhajabiridigũre.

²⁵ Erā eroparicū peeḡu ḡpa arī yuhriḡu īḡu:

—Jesure īḡu űeri iḡu īḡu árīcū masibirica yuhū. Yujuűe ta masia yuhū. Iribojegure cuiiri ihajabigū árīmuribū yuhū. Dohpagueḡe ihaa yuhū. Iri dihtare masia yuhū, arī yuhriḡu cuiiri ihajabiridigupū erāre.

²⁶ —¿Dohpa iari īḡu mure? Mū cuirire ihajadoreḡu dohpa iari īḡu mure? arī serēpiñorā erā daja.

²⁷ —Irire ta mūare weretuharabūḡu yuhū. Yu eropa arī werequerecū ta mūa ne peediabeaa yure. ¿Dohpa iidiarā yū dipaturi werēcū peediari mūa? ¿Mūa sā īḡu buherā árīdiari? arīḡu īḡu erāre.

²⁸ Īḡu eroparicū peerā erā īḡure turiñorā.

—Muhū Jesu buheḡu āhraa. ḡapū Moise buherā āhraa. ²⁹ Diaye ta Goāmū Moisere wereniguimuriñumi. Jesure obeodigūre ḡua masibea, arīñorā erā cuiiri ihajabiridigūre.

³⁰ Erā eroparicū yuhriḡu īḡu:

—¿Īḡure obeodigūre mūa masibiricū, yure īacū iidigū árīḡu Goāmū īḡu obeodigū árībiribocuri īḡu? ³¹ Goāmū űeri iḡure īḡu serērire peebeami. Iri tamerare mari masia. űerire iḡure peebiriquerēḡu ta Goāmure umupeogure, īḡu dorerire iḡure īḡu serērire peemi Goāmū. ³² Negohragure i yeba árīnūḡacūḡure, mata masa dehyoagūḡe ta cuiiri ihajabigūre ne yujugupure ihajacū iḡu marimuripū. ³³ Eropigū Jesu Goāmū īḡu obeodigū árībigū yure īacū iibiriboñumi, arīḡu īḡu erāre.

³⁴ Erāḡu ḡpa arī yuhriñorā:

—Muhū mata űeḡu árīmuriya. ¿Eropa árīquerēḡu ta ḡuare buheri muhū? arīñorā judio masa oparā.

Eropa arītuha erā īḡure cohā wiuñorā.

Jesu yare gamebirā cuiiri ihajabirā iro dopa āhrima, arī wereñumi Jesu

³⁵ Eropigū cuiiri ihajabigūre erā cohā wiuare Jesu peemi. Eropa peeḡu cuiiri ihajabiridigūre ḡua bocajacū, īḡure serēpimi.

—¿Masure Goāmū īḡu obeodigūre umupeori muhū? arīmi Jesu.

³⁶ —Opū, ¿noa āhriri īḡu? Īḡure masigū umupeogura, arīmi cuiiri ihajabiridigupū Jesure.

³⁷ —Īḡure ihatuhabū muhū. Dohpaguere mū mera wereniguigū īḡu ta āhraa yuhū, arīmi Jesu cuiiri ihajabiridigūre.

³⁸ —Opū, mure umupeoa yuhū, arīmi cuiiri ihajabiridigupū.

Eropa arīḡu īḡu Jesu pohro mereja īḡure umupeomi.

³⁹ Īḡu eropa umupeocū īaḡu ḡpa arīmi Jesu masare:

—Ōarā, űerā sā erā iirare masicū iibu aribū yuhū. Cuiiri ihajabirā erā īabiropo dopa ta yū Pagure masibirā āhrima. Eropa masibirāre yū Pagure masicū iigu aribū yuhū. “ḡua ḡaro masia,” arī pepinirā sāre ḡaro erā masibirirare masicū iigu aribū yuhū, arīmi Jesu.

⁴⁰ Īḡu eroparicū peerā bajamerāḡā fariseo masa īḡure ḡpa arīma:

—“Cuiiri ihajabirā erā ihamasibiro dopa ta masibea mūa sā,” ¿arīri muhū ḡuare? arīma fariseo masa Jesure.

⁴¹ Erā eroparicū Jesu ḡpa arīmi:

—“Cuiiri ihajabirā erā iha masibiro dopa ta diaye ḡaro masibea ḡua,” mūa arīcū dipuwaja mariboya. “ḡua ḡaro masirā āhraa,” mūa arīrā āhraa. Eropirā yure peediabirira dipuwaja mūare dipuwaja āhraa dohpaguere, arīmi Jesu erāre.

10

Oveja ihadibugū queoriñere wereñumi Jesu

¹ Puhra queoriñe mera werenigūi queoḡu buhebu ḡpa arīmi Jesu ḡuare ḡajirā masa sāre:

—Diaye arīḡu iiaa mūare. Oveja diburi sāriro disiporo űajabigupū ḡajipūḡe űajagupū yajari masū āhrimi. ² Disiporo űajagupū ovejare ihadibugū āhrimi.

³ Disiporo coreḡu disiporo pāḡūmi ovejare ihadibugū īḡu űajariborore. Ovejare ihadibugū eracū īḡu wereniguirire peerā āhrima īḡu oveja. Erāre sihugū, erā wāi mera sihubeomi īḡu. Eropigū erāre sāriroḡe árīrāre sihu wiuniguimi disiporogūe.

⁴ Īḡu yarāre árīpehrerāre sihu wiu erāre muhtanūḡajami. Ovejapū īḡu wereniguirire masirā, īḡure nurusiama. ⁵ ḡajigūre erā masibigūre nurusiabeama erā. Eropirā ḡajirā erā wereniguirire peerā, ḡūi omagā wahama, arīmi Jesu masare.

⁶ Iri īḡu werequerecū ta irire peerā masibirima erā.

Jesu ovejare ðaro ìhadibugu iro dopa ìgu yaräre ðaro ìhadibumi

⁷ Eropigu dipaturi Jesu eräre gua säre weremi daja:

—Diaye muare arìgu iiaa. Ovejare diburi sàriro disiporo iro dopa àhraa yuhu.

⁸ Àrìpehrerä yu core arinirä guyarire buherä yajari masa iro dopa àhrima. Erä eropa àrìquerecù ta oveja iro dopa àrìrã yaharãpũ gajiräre ne pee wahgãbeama. ⁹ Yu ovejare diburi sàriro disiporo iro dopa àhraa. Iri disiporo ñajarã iro dopa ta àhrima yure umupearã. Eropigu eräre peamegue waboniräre taugura. Ovejare cãhmotari sàriro erä cãhmotaro dopa ta yu tauniräre cãhmotaguca. Eropirã erä gamerire oparãcoma, arìmi Jesu.

¹⁰ Eropa arìtuha ðpa arìnemomi:

—Muare guya buherã ovejare yajari masa iro dopa àhrima. Gajirã yajadiarã wejèdiagarima. Oveja iro dopa àrìrã yaharã àrìpehrerinuri Goãmu mera àricù ìgu aribu yupu. Eropigu yaharã umuri nucu erä ðaro àricù iibu aribu yupu. ¹¹ Ovejare ðaro ìhadibugu iro dopa arìgu àhraa yuhu. Ovejare ðaro ìhadibugu siribu àrìqueregu ta ìgu ovejare cãhmotaniguigucumi. Yaharã Goãmu mera erä eropa arìniguiburire siriguca. ¹² Ìgu mohmeri masupu ðaro ovejare ìhadibugu àrìbeami. Eropirã oveja ìgu yarã àrìbeama. Eropigu nugu majagu diaye ovejare ñeagu ìgu aricù ìagu ìgu mohmeri masupu ovejare cóacã giu omagã wahami. Ìgu eropa cohãpigãra puhru, nugu majagu diaye ìgu ovejare ìgu ñeacù ìarã ovejapu omasirigã wahama. ¹³ Ìgu mohmeri masupu ìgu wajari dihtare gahmemi. Eropigu ìgu ovejare ðaro ìhadibudiabeami, arìmi Jesu.

¹⁴ Eropa arìtuha ðpa arìnemomi queoriñe mera:

—Ovejare ðaro ìhadibugu iro dopa àhraa yuhu. Eropigu yaharäre masia yuhu. Eropirã yaharã sã yure masima. ¹⁵ Eropa ta yu Pagu sã yure masimi. Eropigu yu sã yu Pagure masia. Yaharã Goãmu mera erä arìniguiburire siriguca. ¹⁶ Gajirã oveja gajì sàriro majarã iro dopa arìrã gajirã masa sã yaharã arìrãcoma. Erä säre aiguca. Eropirã yu wereniguirire pee wahgãrãcoma erä sã. Eropirã yaharã àrìpehrerä yuju curu ta arìrãcoma. Eropigu yu dihta yaharäre ìhadibuguca, arìmi Jesu.

¹⁷ Eropa arìtuha ðpa arìnemomi daja:

—Yaharã Goãmu mera erä arìniguiburire siriguca yuhu. Yu sirira puhru masa muriaguca. Yu eropa iibu àricù yu Pagu yure mahimi. ¹⁸ Yu wejèdorebircù yure wejemasibiriboñuma erä. Yu gamero mera yure wejërãcoma. Eropigu yaharã Goãmu mera erä ya àrìburire siriguca. Sirimasia yuhu. Eropigu masa muriamasia. Yu Pagu yure irire ta iidoremi, arìmi Jesu.

¹⁹ Ìgu eroparicù peerã judio masa pe curu ðuca warima daja. Gajirã gajirope pepi, gajirã sã gajirope pepinirã arìma.

²⁰ —Ìgu watìre opami. Eropigu goroweregu àhrimi. ¿Duhpirã ìgure dipaturi peeri mua? arìma gajirã bajarã judio masa.

²¹ Gajirãpũ ðpa arìma:

—Watì mera goroweregu arìgu eropa ðaro arì wereniguiriboñumi. Cuirì ìhajabigure ìacù iimasibiriboñumi watìre opagu. Eropa arìgu arìgu ìgu watìre opabeami, arìma gajirã judio masa.

Judio masa Jesure gamebiriñuma

²² Gajinu Jerusaléngue bosenu iirã iima dipaturi judio masa. Goãmu wihire erä Goãmu ya àrìburire erä apiri bosenu àrìbu. Irisubu yura wahgũro àrìbu. ²³ Irinu Salomo waicuri taribugue Goãmu wihigue àrìri taribure Jesu gua mera ìhacurigu iimi. ²⁴ Iri taribugue ìgu àricù ìarã judio masa ìgu pohroque gamenere ìgure serèpima daja:

—Yoatariari boje guare ðaro werebeaa muhu. Diaye guare ðaro were purumujuque. ¿Cristo Goãmu ìgu obeodigu ta àhriri muhu? arìma erä ìgure.

²⁵ Erä eroparicù peegu ðpa arì yuhrimi Jesu:

—Muare weretuhabu yuhu. Yu eropa werequerecù ta yure peebeaa mua. Yu Pagu ìgu dorero dopa ta ìgu turari mera ii ìhmurabu muare. Eropa ìgu yu Cristo arìrìre ta muare ìhmugu iirabu. ²⁶ Yu eropa ii ìhmuquerecù ta yure peebeaa mua. Muapu yaharã àrìbeaa. Eropirã gajigu yarã oveja iro dopa àrìrã yupure peebeaa mua. ²⁷ Oveja eräre ìhadibugure erä peediro dopa ta yaharã yure peema. Eropigu eräre masia yuhu. Eropirã erä yu mera wahama. ²⁸ Eropigu umuri nucu Goãmu mera àricù iiaa eräre. Eropirã erãpũ peamegue wasome. Eropigu yaharäre yu ìhadibucù gajirãpũ ne yure emamasibeama eräre. ²⁹ Yu Pagu yaharäre yure odigu yu tauro turami. Eropirã yu Pagu sã yaharäre ìgu ìhadibucù gajirã ìgu säre ne emamasibeama. ³⁰ Yuhu, yu Pagu mera yujugu ta àhraa, arìmi Jesu judio masare.

³¹ Īḡu eroparīcū peerā judio masapū Īḡure deaburi utāre dipaturi aīma daja. ³² Erā eropa iicū ĩagu Jesu erāre serēpimi:

—Yu Pagu ĩḡu turari mera baja deyoro moarire ii ĩhmurabu muare. ĀNehenore iira dipuwaja utā mera deadiari maa yare? arī serēpimi.

³³ Īḡu eroparīcū peerā ōpa arīma erā:

—Goāmu turari mera mu ii ĩhmuri dipuwaja mure utā mera dea wejēdiabeaa gua. Goāmure mu űero wereniguii dipuwaja mure utā mera dea wejēdiaa gua. Masu arīqueregu ta muhu “Goāmu āhraa yuhū,” mu arīri dipuwaja mure utā mera dea wejēdiaa gua, arī yuhrima erā.

³⁴ Erā eropa arī yuhricū peegu Jesu erāre weremi:

—Maa sāre “Goāmarā,” arī piyumi Goāmu. Eropa ta arī gojañuma ĩḡu dorerire erā gojarapūgue. ³⁵ Goāmu yare erā gojarapū queoro arīcū mari masia. “Gūyari āhraa,” iripūre arīmasibeeaa mari. Eropiḡu ĩḡu yare pepirāre diaye ta ĩḡu “Goāmarā,” arī piyumi. ³⁶ Goāmu yare beyenijagu i yebaguere obeomi. Eropiḡu “Yuhū Goāmu magu āhraa,” yu arīra dipuwaja “Goāmure űero wereniguigu iimi Jesu,” arāa maa yare. ĀDuhpirā yare eropa arīri maa? ³⁷ Yu Pagu ĩḡu gamero dopa ta ĩḡu turari mera yu ii ĩhmubiricū tamerare yu buherire “Diaye ta āhraa,” arībiriboya maa. ³⁸ Yu Pagu ĩḡu turari mera yu ii ĩhmuquerecū ta yūpūre umupeediibiriboca maa. Eropa umupeediibiriquererā ta ĩḡu turari mera yu ii ĩhmucū ĩarā yu iirare “Diaye ta āhraa,” arīque maa. Maa eropa arīrā, yu Pagu mera gua yujuro mera arīcū masirāca maa. Eropirā yuhū, yu Pagu mera yujuro mera yu arīcū masirāca maa. Eropirā peerāca maa, arīmi Jesu erāre.

³⁹ Īḡu eroparīcū erā ĩḡure dipaturi űeadiarima. Erā eropa űeadiacū ĩḡu duhri wiria wami.

⁴⁰ Eropa wiriadigague ta űu masare ĩḡu waīyemuhtadirogue Jordán waīcuriya sipū majasegue gua dipaturi wabu daja. Erogue dujacābu. ⁴¹ Eropirā masa bajarā ĩḡure ĩarā erama. Ōpa arīma erā erā basi:

—űu waīyegupū Goāmu turari mera deyoro moarire ii ĩhmubirimi. Eropa ii ĩhmubiriquerecū ta arīpehreri Jesure ĩḡu wererapu diaye ta āhraa, arīma masa erā basi.

⁴² Eropirā masa erogue bajarā umupeoma Jesure.

11

Lázaro waīcugu sīria wañumi

¹ Eropi Judea yebague Betania waīcuri maca majagu Lázaro waīcugu arīmi. Iri maca ĩḡu pagu porā nome María, Marta mera arīma. ² Mariapu Jesure poresuri mera sūbo, ĩgo poari mera ĩḡure tucoebodigo arīmo. Igo tīgu Lázaropu dorecugu iipū. ³ Eropirā erā nome gajirāre Jesure weredorerā obeoñorā.

—Opū, mu mahiḡu dorecugu iimi, arī weredorerā obeoñorā Lázaro pagu porā nome.

⁴ Erā gua pohrogue eraa, iri querere werēcū peegu ōpa arīmi Jesu guare.

—Dohpaguere Lázaro ĩḡu dorecuri sīriburi arībeaa. Goāmu turarire masare ĩhmuburire dohpaguere ĩḡu dorecumi. Eropirā yu turari opagu arīcū sāre masa ĩarācoma, arīmi Jesu.

⁵ Jesu Martare, ĩgo pagu mago, Lázaro sāre turaro mahími. ⁶ Eropiḡu Lázaro ĩḡu dorecurire peequeregu ta ero Jesupu penū dujanimi. ⁷ Penū puhū Jesu ōpa arīmi guare ĩḡu buherāre.

—Dipaturi Judea yebague dujaa warā daja, arīmi guare.

⁸ —Buhegu, cārugā ta mure judio masa utā mera dea wejēdiana. ĀDuhpiḡu dipaturi dujadiari muhu? arību gua ĩḡure.

⁹ Gua eroparīcū peegu ĩḡu erā wejēmasibirirare weregu, werenigui queori mera guare ōpa arīmi:

—Wuaro guñaricubiricāque. Yujunare doce horari gohra āhraa. Abe umū majagu arīcū ōaro ĩhaa mari. Eropirā umūre curirā ne cohresome mari. ¹⁰ Naitiāro curirā cohrema. Abe umū majagu maricū ōaro ĩabeama erā, arīmi Jesu.

¹¹ Eropa arīḡu guare werenemomi.

—Mari mera majagu Lázaro carīḡu iicumi. Īḡu eropa carīquerecū ta yuhū ĩḡure wahḡūgu wagura, arīmi guare.

¹² —Opū, Lázaro carīḡu arīḡu tarigucumi, arību gua.

¹³ Gua eropa arīquerecū ta Jesupū “Carīgū iicumī,” arīgū, “Sīria wami,” arīgū iidigū arīmi. Īgū “Lázaro carīgū iicumī,” arīcū peerā “Lázaro soogū iicumī,” arī pepiribū guapū. ¹⁴ Gua eropa arī pepicū masīgū Jesu guare diaye weremi.

—Lázaro sīria wañumi. ¹⁵ Yū mariro īgū sīricū ðapūricāa. Eropirā mua yare umupeonemorāca. Ina ta. Mari iarā warā īgū pohrogue, arīmi Jesu.

¹⁶ Toma suhrūadīgū erā arīgūpū ða arīmi guare:

—Mari sā Jesu mera warā. Īgū wejērā mari sāre wejēporo, arīmi Toma.

Jesu “Eropa árñiguicācū iigu masare masugū āhraa,” arīñumi

¹⁷ Eropi gua erogue ejara pūhrū ero majarā ða arī werema Jesure:

—Wapicarinū taria Lázaro mūrūre masa gobegue erā apira pūhrū, arī werema Īgure.

¹⁸ Betaniapū Jerusalén pohrogā ūhre kilómetros yoaro dujabū. ¹⁹ Eropirā judio masa bajarā Martare, María sāre ñehamere orerā eranirā árīma Lázaro Īgū sīrira pūhrū.

²⁰ Eropigū Jesu mera gua ejaboro pohro árīcū peego Martapū guare bocatīrigo eramō. Igo bocatīrigo wacū Mariapū igo ya wihi dujadigo árīmo. ²¹ Eropa bocatīrigo Marta ða arīmo Jesure:

—Opū, yū tīgū Īgū sīriboro core mūhū ohō árīcū Īgū sīribiriboañumi. ²² Dohpague sāre Goāmūre mū serēcū Īgū mū serēro dopa ta iigūcumī, arīmo Marta Jesure.

²³ —Mū tīgū masagūcumī, arīmi Jesu Īgore.

²⁴ —I yeba pehrerīnū Īgū masa mūriaborore masia yūhū, arīmo igo.

²⁵ Igo eroparīcū Jesu weremi daja:

—Yūhū sīrinirāre masacū iigu āhraa. Masare yū mera eropa árñiguicū iigu āhraa. Yare umupeogu sīriquerēgū ta eropa árñiguicāgūcumī. ²⁶ Eropirā árīpehrerā Goāmū mera árñiguirā yare umupeorā peamegue wasome. ¿Ire masiri mūhū? arīmi Jesu Īgore.

²⁷ —Opū, masia yūhū. “Cristo Goāmū magu i yebague arīgūcumī,” erā arīdigū mū árīcū masia yūhū, arīmo Marta Jesure.

Lázaro Īgū masa gobe pohro Jesu oreñumi

²⁸ Marta eropa arītuha igo pagū magore Mariāre sihugo wamo.

—Marire buhegū mari ya macare eranijagū iiami. Mūre sihuami, arī yayarogā arī werepo Mariāre.

²⁹ Igo eroparīcū peego María pobero mera wahgānugaja, gua pohrogue árīmo Jesure ĩago arigo. ³⁰ Erā ya macague ejanibiricarabū dohpa. Marta guare igo bocatīridirogue árīnibū gua. ³¹ Judio masa iri wihi Mariāre ñehamere orerā iinirā árīma. Eropirā igo pobero mera wahgā wacū iarā erā Īgore nūrusiagānirā árīma. “Igo tīgū mūrūre erā apira gobegue orego wago iicumō igo,” arī pepinirā árīrima erā. Eropa arī pepirā Īgore nūrusiagānirā árīma.

³² Eropigo María gua pohrogue erago, Jesure ĩha, Īgū guburi pohro merejamo.

—Opū, yū tīgū Īgū sīriboro core mūhū ohō árīcū Īgū sīribiriboañumi, arīmo igo Īgure.

³³ Eropigū igo judio masa igo mera arinirā sā erā orecū ĩagu Jesupū turaro bujawere ñero sīporācumī.

³⁴ —¿Lázaro mūrūre nohogue opari mua? arī serēpimi Jesu.

—Opū, ĩagu arīque, arī sihugāma erā.

³⁵ Erā eroparīcū peegu Jesu oremi.

³⁶ Īgū orecū ĩha judio masa ða arīma erā basi:

—Lázaro mūrūre Jesu buriḡā mahirañumi, arīma.

³⁷ Gajirāpū ða arīma:

—Cuiri ĩhajabigūre ĩacū iigu āhrimi ĩhī Jesu. ¿Eropigū Lázaro Īgū sīriboro core masumasibiriboaŷuri? arīma gajirā.

Lázarore masuñumi Jesu

³⁸ Eropigū Jesu dipaturī turaro bujaweremi. Eropirā árīpehrerā Lázaro mūrū masa gobegue ejabū. Utāyegue árīri gobegue Īgū ðapū mūraro erā sī acura gobegue árībū. Eropi iri gobegue wuarīye utāye mera erā bihara gobegue árībū.

³⁹ —Utāyere aī weaque, arīmi Jesu.

Īgū eroparīcū peego Marta sīridigū mūrū pagū mago ða arīmo:

—Opū, dohpague wapicarinū wahaa Īgū sīrira pūhrū. Eropiro Īgū ðapū mūraro arī árīca, arīmo Jesure.

⁴⁰ —“Yare unupeogo Goāmū turarire ĩagoca,” mūre arīrabū, arīmi Jesu Martare.

⁴¹ Īgū eropa arīra pūhrū erā utāyere aī weama. Erā eropa aī weara pūhrū Jesu amarogue ĩha Goāmūre ða arīmi:

—Aha, yare ma peetuhaba. Irire ma iicã masigu mucubiria mere. ⁴² Yare maha umuri nucu peeniguia. Irire masia. Eropa masiqueregu ta yahu ma obeodigu aricã ore niguirã erã masiburire mere eropa arigu iiaa.

⁴³ Eropa arituha Jesu turaro gaguiniguimi:

—Lázaro, arique, arĩ gaguiniguimi igu.

⁴⁴ Igu eroparicũ siridigu murupu Igu mojotorire Igu guburi sare suhri gasiri mera erã diridigu, Igu dipurare suhri gasiri mera erã omadigu masa gobegue wiririmi.

—Iguere dirirare paque iguere, arĩmi Jesu

Judio masa oparãpu Jesure ñeadiariñuma

Mt 26.1-5; Mr 14.1-2; Lc 22.1-2

⁴⁵ Igu eropa masucũ iarã bajarã judio masa mera majarã María mera arinirã Jesure umupeoma. ⁴⁶ Gajirãpu erã mera majarã fariseo masa pohrogue eja, Jesu Igu iirare wereñorã erãre. ⁴⁷⁻⁴⁸ Eropirã pahia oparã, fariseo masa oparã sã gamenere, erã basi õpa arĩ wereniguinõrã.

—Jesu bajasuburi deyoro moarire ii ihmumi. Igu eropa iicã, “Irire iibita,” mari aribiricũ arĩpehrerã masa iguere umupeo, Igu mera wabocoma. Eropirã Roma majarã oparã Goãmu wihire cóadorerã obeorãcoma erã yarã surarare. Mari ya yeba sare emarãcoma erã. Mari ya yeba majarã Jesure erã opu erã apicũ iarã Roma majarã oparã guarã ñero iirãcoma marire. ¿Eropa iirã dohpa iirãcuri dohpague? arĩ wereniguinõrã erã erã basi.

⁴⁹ Erã eropa arĩquerecũ ta gajigu Caifa waicũgu iri bojorire pahia opu arĩgu erãre werepu.

—Mũapu ne masibea. ⁵⁰ Judio masa arĩpehrerã mari ya arĩburire yujugu masu Igu siricũ õhaa. Igu siribiricũ mari arĩpehrerã judio masa pehrea waboca. Irire mua masibea, arĩmi Caifa erãre.

⁵¹ Eropa arĩgu Igu gamero eropa arĩbiriñumi. Pahia tauro opu Igu aricũ judio masa ya arĩburire Jesu Igu siriborore Goãmũpu Caifare eropa arĩ weredoreñumi. ⁵² Jesu Igu sirigu judio masa ya dihta siribiriñumi. Sirigu arĩpehrerã Goãmũ porã i yeba arĩpehrero arĩrã sare erã ya arĩburi sare sirĩñumi Jesu. Erã yuju curu arĩboro dopa sirĩñumi. ⁵³ Caifa eroparicũ peerã erã “¿Jesure dohpa ii wejërãcuri mari?” arĩ wereniguirã iguere wejẽmorã iinõrã.

⁵⁴ Iguere erã wejẽdiacũ masigu Jesu bajarã judio masa watope dipaturi curigu wabirimi. Eropigu masa marirogã Efraín waicuri macague guare sihu wami. Guare iri maca sihu dujanimi Jesu.

⁵⁵ Irisubure Pascua bosenu gua judio masa bosenu arĩboro merogã duhyabu. Eropirã bosenu core masa bajarã gaji macari majarã masa Jerusalengue gamenerema. Pascua majare erã baboro core Goãmũ ya arĩburire erã basi coemorã ejanirã arĩma. ⁵⁶ Eropirã erã Jesure amacũ iinõrã. Erã eropa amacũ iarã Goãmũ wihigue arĩrã õpa arĩ wereniguinõrã:

—¿Bosenare iagu aribiribocuri Jesu mua pepicũ? arĩ wereniguinõrã erã basi.

⁵⁷ Eropirã pahia oparã, fariseo masa sã õpa arĩ weredoreñorã masare:

—Jesu Igu arĩrore mua masirã wereque guare. Iguere ñeamorã iiaa gua, arĩñorã oparã masare.

12

María Jesu guburire poresuri mera pipeoñumo

Mt 26.6-13; Mr 14.3-9

¹ Pascua bosenu seis nuri gohra duhyacũ Jesu gua Igu buherã mera Betaniague ejabu. Lázaro Jesu Igu masudigu iri maca majagu arĩmi. ² Gua ejara puhru Jesu sã gua ya bari arĩburire iima gajirã. Eropirã Lázaro, Jesu, gua mera mesare dojabu. Gua eropa dojara puhru Marta barire peomo guare. ³ Eropigo María poresuripure nardo waicuri goripure yuju kilo deco aigãri, Jesu guburire pipeomo. Pipeotuha igo poari mera tucoemo. Igo eropa pipeora puhru iri wihi õaro poresu sehya wabu. ⁴ Igo eropa iicũ iha gua mera majagu, Jesure ihaturirãre wiabu Juda Iscariotepu õpa arĩmi:

⁵ —¿Duhpigo iri poresuri eropa iisiriri igoa? Irire igo duaboañumo. Irire duago yuju bojori mohmeri wajapure wajataboañumo. Eropigo mojomorocurãre oboañumo igo, arĩmi Igu.

⁶ Judapu mojomorocurãre itamudiabiriñumi. Igu gua ya niyeru dibugu arĩqueregu ta yajaricũgu arĩmi. Eropigu Igu gua ya niyeru sare yujuyerisuburi aĩmuri. Eropigu iri niyerure aidiagu arĩgu, eropa arĩñumi Igu Mariare.

⁷ Īḡu eroparicū peegu ōpa arīmi Jesu:

—Eropa aribita igore. Igo poresurire yare igo đuarare yare pipeoamo yare erā yaaboro core yu đupare amuyugo. Mojomorocurāpu mña mera eropa árīniguićārācoma. Eropirā mña gamero erāre omasia mña. ⁸ Yurpu i yebaguere eropa árīniguićāsoma, arīmi Jesu.

Pahia oparā Lázarore wejēdiañuma

⁹ Eropirā Jesu Īḡu Betaniague árīcū peerā judio masa bajarā Īḡure ĩarā arima. Īḡu dihtare ĩarā aribirima. Lázaro sīridiḡu Jesu Īḡu masudigure Īḡu säre ĩarā arirā iima. ¹⁰ Erā ĩarā ejarare pahia oparā masirā Lázarore wejēdiañorā. ¹¹ Lázaro sīridiḡu Jesu Īḡu masudigu árīcū ĩarā bajarā masa Jesure umupeoma. Īḡu eropa masucū ĩarā bajarā judio masa erā pahia erā buheripure cóama. Erā eropa cóacū ĩarā pahia oparāpu guataria wa, Lázaro säre wejēdiañorā.

Jerusaléngue ejañumi Jesu

Mt 21.1-11; Mr 11.1-11; Lc 19.28-40

¹² Pascua bosenu erā iicū bajarā masa Jerusaléngue ĩarā wanirā árīma. Gajinu Jerusaléngue Jesu Īḡu waburire masa peenirā árīma. ¹³ Eropirā bejepure aīgā, Īḡure bocatīrirā wama. Eropa bocatīrirā ōpa arī gaguiniguima erā.

—Īre umupeorā. Ihī Goāmu Īḡu obeodigu ōaro ariporo. Ihī judio masa mari opu ta āhrimi, arī gaguiniguima erā.

¹⁴ Jesu burrogā Īḡu bocadigu weca peyami. Īḡu eropiigu Goāmu yare erā gojarapū werediro dopa ta iimi. Ōpa arī gojañumi Goāmu yare wereyumuhtadigugue.

¹⁵ Jerusalén waicaro majarā güibiricāque mña. Īaque. Mña opu burrogā weca peyagārimi, arī weremuhtañumi Goāmu yare erā gojarapūgue.

¹⁶ Irire gua Īḡu buherā ōaro masinibiribu. Eropa masibiriquererā ta umarogue Jesu Īḡu mariara puhru gua erā gojara mñare guña boca pee masibu. Ōpa arī pepibu: “Goāmu yare erā gojarapūgue Jesure weremuhtañuma. Eropiro Goāmu yare erā gojarapū arīdiro dopa ta sihajabu Jesure,” arī pepibu gua basi.

¹⁷ Lázarore erā apira gobegue árīḡure Jesu Īḡu piyucū Īḡure Īḡu masucū ĩanirāpu weresiriniguinirā árīma masare. ¹⁸ Eropirā Lázarore Jesu Īḡu masurare erā peenirā árīrā masa bajarā Jesure bocatīrirā wama. ¹⁹ Erā Jesure eropa umupeocū ĩarā fariseo masa erā basi ōpa arīñorā.

—Árīpehrerā Jesu yarā dihta warā iima dohpaguere. Eropirā mari dohpa iimasibea erāre, arīñorā fariseo masa erā basi.

Bajamerāḡā Griego masa Jesure amagāriñuma

²⁰ Eropi bosenu Goāmu wiḡue Goāmure umupeorā eranirā mera majarā bajamerāḡā griego masa árīñorā. ²¹ Eropirā erā Felipe pohrogue erañorā. Felipepu Betsaida waicuri maca Galilea yeba árīri maca majagu árīmi. Eropirā Īḡu pohrogue erarā ōpa arīñorā Īḡure:

—Jesure ĩadiaca gua, arīñorā erā.

²² Erā eroparicū peegu Felipe Andreguere weregu wapu. Eropirā erā perā Jesure werema. ²³ Erā werera puhru Jesu guare weremi:

—Yuhu masu Goāmu Īḡu obeodigu āhraa. Yare árīpehrerā umupeoburibusu árīro iiaa dohpaguere. Dohpaguere yu sīburibusu árīro ta iiaa. ²⁴ Diaye mñare arīḡu iiaa. Oteriyere yebague yaabiricū, iriyere otebiricū yujuye ta dujaroca. Eropiro iriyere mari otera puhru bajayeri đucasiua. Eropa ta yu sīrira puhru yare erā yaara puhru bajarā masare Goāmu mera eropa árīniguiñorāre iiguca yuhu. ²⁵ I yeba mña árīrīre wñaro pepiboca mña. Eropa pepirā Goāmure guñabirā peamegue warāca mña. I yeba mña árīrīre eropa pepicārā, Goāmu mera eropa árīniguirāca. ²⁶ Yahare iidiarā, yu buherire ōaro peeque mña. Mña eropa iirā mña sā yu árīboroguere árīrāca. Yahare iiguere yu Pagupu umupeogucumi, arīmi Jesu guare.

Jesu Īḡu sīburīñere wereñumi

²⁷ Ōpa arīnemomi guare.

—Dohpaguere yuhu ñero sīporācña. ¿Yu Pagure dohpa arīḡucuri yuhu? “¿Ahñ, yu ñero tariborore tauque,” ¿arībocuri yuhu? Irire arībeaa yuhu. Ñero taribu ta i yebaguere aribu. Eropiro yu ñero tariburibusu dohpaguere āhraa, arī weremi Jesu guare Īḡu buherāre.

²⁸ Eropigu ōpa arīmi Īḡu Pagure:

—Ahñ, mñ turagu árīrīre dohpaguere ihmuque masare, arīmi Jesu Īḡu Pagure.

Ígu eroparícũ amarogue wereniguiro caribũ.

—Turagũ yũ árrĩre masare íhmutuhabũ. Dohpaguere eropiigu dipaturi íhmuçaca masare, arĩro caribũ.

²⁹ Eroparícũ peerã ero niguirã masa bajarã õpa arĩma:

—Bupu árcumi eropa busuçu, arĩma masa.

—Anyu Jesure wereçu iiami, arĩma gajirã masa.

³⁰ Õpa arĩmi Jesupũ:

—Umarogue yũre peedorero eropa busubiro carabũ. Muapũre peedorero eropa carabũ. ³¹ Dohpaguere i yeba majarã erã ñeri iira dipuwaja dipuwajacũrãcoma. I yeba majarã erã opũre watĩre Goãmũ cóãgũcumi. ³² Eropigu crusague yũre erã aĩ wahgũ nugucũ bajarã masare yaharã ármorãre iiguca yũhũ, arĩmi Jesu.

³³ Eropa arĩgu crusague Ígu sĩriborore wereçu iimi Jesu masare. ³⁴ Ígu eroparícũ peerã masapũ íguere õpa arĩma:

—Goãmũ yare erã gojarapũ õpa arãa: “Cristo árĩpehrerinũri árĩgũcumi,” arĩ gojañuma. ¿Ígu eropa arĩ gojacũ mũre masure Goãmũ Ígu obeodigure dohpa arĩronore mũre wejẽ crusague aĩ wahgũrcuri masa? ¿Goãmũ ígu obeodigu noa áhriiri ígu? ¿Cristo árĩbeari mũhũ? arĩ serẽpima erã Jesure.

³⁵ Erã eroparícũ õpa arĩ yũhĩmi Jesu:

—Boyoriñe iro dopa árĩgu masare Goãmũ yare õaro masicũ iiaa yũhũ. Pũhruñarigã mũa mera árisome yũhũ. Muare yũ buhecũ dohpaguere peeque ñerire mũa iibiriburire, Goãmũ mera mũa eropa árĩniguiburire. Yũ buherire peebirã naitĩaro curirã iro dopa erã waborore masibeama. ³⁶ Eropigu boyoriñe iro dopa ta árĩgu yũhũ ta áhraa. Eropigu mũare buhegu Goãmũ yare õaro masicũ iiaa mũare. Dohpaguere yũ waboro core yũre umupeoçue. Eropa umupeorã yaharã árĩrãca mũa, arĩmi Jesu.

Eropa arĩ weretuha waha wami erãre duhri wahgãgu.

Judio masa Jesure umupeobiriñuma

³⁷ Bajasuburi Goãmũ turari mera erãre Jesu ígu deyoro moarire ii íhmuquerecũ ta judio masa bajarã íguere ne peediabirima. ³⁸ Goãmũ yare erã gojarapũ Isaia mũru ígu gojadiro dopa ta eropa iirã iima erã. Õpa arĩ gojañumi Isaia:

Goãmũ, mũ buherire gũa werecũ masa peediabeama. Mũ turarire erãre mũhũ ii íhmuquerecũ ta irire “Diaye árĩbeaa,” arĩma erã, arĩ gojañumi Isaia Goãmũ yare gojarapũgue.

³⁹ Erã eropa peediabiricũ íagu Goãmũ erãre masibiricũ iĩñumi. Iri sãre Isaia õpa arĩ gojañumi daja:

⁴⁰ Cuiiri íhjabirã iro dopa árcũ iidi arĩmi Goãmũ erãre. Eropigu ígu yare masibiricũ iidi arĩmi erãre. Eropirã ígu turarire erã íaquererã ta erã íarare masibirinirã arĩma erã. Eropirã ígu buherire peequererã ta irire masibirinirã arĩma erã. Goãmũ yare masirã erã ñerire cóãdoreboñuma. Eropigu erãre tauboñumi ígu, arĩ gojañumi Isaia Goãmũ yare erã gojarapũgue.

⁴¹ Isaia Cristo turarire masiyudigu eropa arĩ gojamũhtañumi.

⁴² Gajirã Jesure erã umupeobiriquerecũ ta judio masa sã oparã mera majarã sã bajarã Jesure umupeonirã arĩma. Eropa erã umupeoquererã ta erã fariseo masare gũirã gajirã masare Jesure erã umupeorire werebirinirã arĩma. Irire erã werecũ peerã gũa judio masa buheri whigue erãre ñajadorebiriboñuma fariseo masapũ. ⁴³ Goãmũre mucubiricũ iidiaquererã ta erã tauru masapũre mucubiricũ iidianirã arĩma erã. Eropirã erã Jesure ne umupeorã “Jesu yarã áhraa,” arĩ gajirãre werediabirinirã arĩma.

Jesu wererire erã peediabiriri dipuwaja masa dipuwajacũrãcoma, arĩ wereñumi Jesu

⁴⁴ Masa bajarã gũa pohro gamenerinãre Jesu turaro busũro mera weremi:

—Yũre umupeogu yũ dihtare umupeobeamĩ. Yũre obeodigu sãre umupeomi ígu.

⁴⁵ Eropirã yũre masirã yũre obeodigu sãre masima. ⁴⁶ Yũhũ boyoriñe iro dopa ta árĩgu yũhũ Goãmũ yare buhegu áhraa i yebaguere. Eropigu Goãmũ yare mũare masicũ iiaa. Yũre umupeogu naitĩaro wagu iro dopa ñerire iiniguisome. Yũre umupeogu diaye pepigũcumi. ⁴⁷ Gajirã yũ wererire peequererã ta irire yũhribeama. Erã eropa yũhribiriquerecũ ta, erã yũhribirira dipuwaja moasome yũpũ dohpa. I yebaguere dipuwaja moagu arigu aribiribu yũhũ. I yeba majarãre peamegue wabonirãre taugu arigu aribu yũhũ. ⁴⁸ Yũre gamebigure yũ wereri sãre gamebigure dipuwaja moari árĩroca. Ígu yũre peebirira dipuwaja i umũ pehrecũ dipuwajacũgũcumi. ⁴⁹ Yũhũ yũ gamero werebeaa. Yũ Pagu yũre obeodigũpũ yũre weredoremi. Eropiro yũ wereripũ ígu ya wereniguiiri áhraa. ⁵⁰ Ígu ya wereniguirire peerã Goãmũ mera eropa árĩniguirãca mũa. Eropigu yũ Pagu ígu weredorediro dopa ta werea mũare, arĩmi Jesu gũare.

13

Jesu ĩgu buheräre guburire coeñumi

¹⁻³ Eropi Pascua bosenu coregä árĭbu. Iri ñamire Jesu gwa ĩgu buherä mera iri bosenäre babu árĭmi. Eropigü i yebare ĩgu wiriaborore ĩgu Pagu pohro waburire merogä duhyacü masidigu árĭmi Jesu.

Gwa barisubu Judare watĭ doretuhadigu árĭmi ĩgu pepirigue. Eropigü ĩgure Simo Iscariote magare Jesure ĩhaturiräre iri ñamire ĩgu wiaburire doretuhadigu árĭmi. Jesu ĩgu yaräre i yeba árĭräre burigä mahidigu árĭmi. Eropigü ĩgu mahirare ĩhmubu gwa guburire coemi. ĩgu Goãmu pohrogue ĩgu arirare, puhru ĩgu umarogue ĩgu mariaburi säre masidigu árĭmi. ĩgu Pagu Goãmu ĩgure árĭpehrerä weca opu ĩgu apira säre masidigu árĭmi. ⁴ Eropi masiqueregu wahgãnugaja, ĩgu suhriro weca majañere tuwea suhriro gasiro mera ĩgu paru yujare dirimi. ⁵ Dirituha soropa mera decore pisä, gware ĩgu buheräre gwa guburire coenugami. Gware coetuha ĩgu dirira gasiro mera tucoemi gwa guburire.

⁶ Gajirä buheräre coegä, Simo Pedroguere ejami. ĩgu guburire ĩgu coeboro core, Pedropu ĩgure opa árĭmi:

—Opu, ¿yu guburire coebu iiri muhu? árĭmi Jesure Pedro.

⁷ —Dohparagä yuhu müre iiburire masibea mühu. Eropi masibiriqueregu ta puhru masiguca, árĭmi Jesu ĩgure.

⁸ —Yu guburire ne coesome mühu, árĭmi Pedro.

—Müre yu coebiricü yahagu árĭsome mühu, árĭmi Jesu.

⁹ —Opu, yu guburi dihtare coebiricäque. Yu guburire, yu mojotorire, yu dipuru säre coeque, árĭmi Pedro.

¹⁰ ĩgu eroparicü Jesu opa árĭmi:

—Yujugu masu guhagu ĩgu dupure öaro tucoepohomi. Eropiro ĩgure dipaturi tucoema masiya mara. ĩgu guburi dihtare coero gahmea. Árĭpehrerä müa ñeri iirare coenirä müa árĭquerecü ta yujugu müa mera majagu ĩgu ñerire coeya marigu ährimi, árĭmi Jesu.

¹¹ Jesu ĩgure ĩhaturiräre wiabure masituhãumi. Eropi masigu “Yujugu müa mera majagu ĩgu ñerire coeya marigu ährimi,” arĩñumi ĩgu.

¹² Gwa guburire coetuha, suhrirore sañatuha, doajami daja ĩgu doadiro ta. Tuhaja opa árĭmi gware:

—¿Dohparagä yuhu müare iirare masiri müa? ¹³ Müa yure “Buhegu,” arĩ piyurä, “Opu,” arĩ piyurä diaye ta arirä iiaa yure. Müare buhegu, müa opu diaye ta ähraa yuhu.

¹⁴ Eropirä yuhu müare buhegu, müa opu árĭqueregu ta müa guburire yu coecü müa sä müa mera majaräre guburire coeque. ¹⁵ Dohparagä müa iiburire müare ĩhmuabu. Müa mera majaräre müa itamuburire müare ĩhmuabu. Müare yu iidiro dopa ta müa sä iique. ¹⁶ Diaye müare arĭgu ta iiaa. Müa yu pohro majarä dopa arirä yu tauro árĭbeaa. Müare buhedore yu obeorä ähraa müa. Eropirä yu tauro árĭbeaa müa. Eropi iigu ta “Yu iidiro dopa ta iique,” aräbu yuhu müare. ¹⁷ Ire müa masirä, yu dorerire iirä, mucubirirä árĭrãca müa.

¹⁸ “Müare árĭpehreräre eropa arĭbeaa. Yu beyeniräre masia yuhu. Goãmu yare erä gojarapü arĩdiro dopa ta eropa waroca. “Yu mera bagu ta yure wejediãmi,” arĩ gojañuma Goãmu yare erä gojarapügue. ¹⁹ ĩgu yure eropa wiaboro core ire weryugu iiaa müare. Yure ĩgu eropa iira puhru “Jesu ta Cristo Goãmu ĩgu obeodigu ährimi,” müa arĭburire ire müare weryugu iiaa yuhu. ²⁰ Diaye ta müare arĭgu iiaa. Yu obeoniräre gamegu yu säre gahmemi ĩgu. Eropigü yure gamegu yure obeodigu säre gahmemi ĩgu, árĭmi Jesu gware ĩgu buheräre.

Juda Jesure ĩhaturiräre ĩgu wiaborore wereñumi Jesu

Mt 26.20-25; Mr 14.17-21; Lc 22.21-23

²¹ Eropi arĩ weretuha Jesu turaro bujaweremi. Eropi bujaweregu opa arĩ weremi ĩgu gware.

—Diaye müare arĭgu iiaa. Yujugu müa mera majagu yure ĩhaturiräre wiagucumi, árĭmi Jesu.

²² ĩgu eroparicü peerä Jesure wiabure masibirä, gwa game ĩhamehtubu. ²³ Yuhu ĩgu buherä mera majagu Jesu ĩgu mahigupu ĩgu pohro doabu. ²⁴ Eropigü Simo Pedro yure ĩgu mojoto mera sipu serëpidoremi Jesure ĩgure wiabure: ²⁵ Eropigü yupu Jesu pohro doadigu serëpiñabu ĩgure:

—Opu, ¿ñihire arĭgu iiri muhu? arĭbu yuhu.

²⁶ —Iru panrure mohwa aĩ, yuhu yoso ogu ĩgu ta ährimi yure wiabu, árĭmi Jesu.

Eropa arĩtuha iriru panrure ĩgu mohwarañere yosotuha Judare Simo Iscariote magure omi. ²⁷ Eropigũ panre ĩgu ora pũhũ watĩpũ Judare ñero iidoredigũ árĩmi. Eropigũ Jesu ĩgũre õpa arĩmi:

—Mũ iiburire yojaro mera ii purumujuque mũhũ, arĩmi Jesu Judare.

²⁸ ĩgu eroparĩcũ peerã gũa mesague doanirã Jesu Judare ĩgu arĩrare masibiribũ. ²⁹ Yujurãyeri gũa õpa arĩ pepiribũ: “Juda gũa niyerure dibugu áhrimi. Eropigũ bosenu gũa baburire asũdoregu oboeami Jesu Judare. Mojomorocũrãre niyerure odoregu iiami Jesu,” arĩ pepiribũ gũa yujurãyeri. ³⁰ Eropigũ Juda iri panre ñeatuha wiria wami. ĩgu wiriarasubure ñami árĩbũ.

Mama doreriñere wereñumi Jesu ĩgu buherãre

³¹ ĩgu wiriara pũhũ gũare õpa arĩmi Jesu:

—Dohpague tamerare yũhũ masũ Goãmũ ĩgu obeodigu yũ turagu arĩrire ĩhmugũcumi Goãmũ masare. Eropigũ Goãmũ ĩgu turagu arĩrire ĩhmugũca yũpũ. ³² Eropigũ Goãmũ turarire yũ ĩhmucũ ĩgu yũ turari sãre dohparagã ĩhmu purumujugũcumi. ³³ Yũ porã, yũre peeque. Bajamenũrigã mũa mera árĩnigũca. Yũre amarãca mũa. Eropigũ judio masare yũ arĩdiro dopa ta mũa sãre arãa. “Yũ waborore mũapũ wamasibea,” erãre yũ arĩdiro dopa ta mũa sãre werea. ³⁴ Mama doreriñere mũare weregũ. Mũa mera majarãre mahique mũa. Mũare yũ mahidiro dopa ta mũa mera majarãre mahi umupeoque. ³⁵ Eropirã mũa mera majarãre mũa mahicũ ĩha gajirã yaharã mũa árĩcũ ĩha masirãcoma, arĩmi Jesu.

“Jesure masibea,” Pedro ĩgu arĩburire wereñumi Jesu

Mt 26.31-35; Mr 14.27-31; Lc 22.31-34

³⁶ ĩgu eroparĩcũ Simo Pedro Jesure serẽpimi:

—Opũ, ¿nohogue wagũcuri mũhũ? arĩmi Pedro. ĩgu eroparĩcũ Jesu yũhrimi:

—Yũ waboroguere dohpaguere yũ mera wamasibea mũhũ. Dohpaguere wamasibiri-queregu ta pũhũ yũ pohro wagũca, arĩmi Jesu Pedrore.

³⁷ Pedro arĩmi:

—Opũ, ¿duhpigũ dohpaguere mũ mera wamasibiribocuri yũhũ? Yũre erã wejẽdiaquerecũ yũhũ mũre duhusome. Itamugũca, arĩmi Pedro Jesure.

³⁸ —¿Mũ eropa arĩgu diaye ta yũre itamugũcuri? Diaye mũre weregu iiaa. “Jesure masibea,” arĩguca mũhũ gajirãre. Ëhresubu eropa arĩguca cãreña ĩgu wereboro core, arĩmi Jesu Pedrore.

14

Jesu Goãmũ pohrogue wari maha iro dopa áhraa yũhũ, arĩ wereñumi

¹ Pũhũ Jesu gũare õpa arĩ weremi:

—Ne bujawere wuaro guñaricũbircãque. Goãmũre “Diaye ta iigu áhrimi,” arĩ umupeoque. Eropirã yũ sãre eropa umupeoque. ² Yũ Pagũ ĩgu árĩroguere baja wiri áhraa. Mũa árĩborore amuyugu wagura. Iri diaye ta áhraa. Eropigũ mũare irire werea. ³ Eropigũ mũa árĩborore amutuha, dujarigũra yũhũ. Eropigũ yũ pohrogue mũa árĩmorãre aĩgu arĩgũra yũhũ daja. ⁴ Eropirã yũ waburi mare masia mũa, arĩmi Jesu gũare ĩgu buherãre.

⁵ —Opũ, mũ waborore masibea gũa. ¿Eropirã dohpa ii mũ waburi mare masirãcuri gũa? arĩ serẽpimi Toma Jesure.

⁶ ĩgu eropa arĩ serẽpicũ Jesupũ yũhrimi:

—Goãmũ pohrogue wari maha iro dopa arĩgu tĩaa yũhũ. Eropigũ diaye arĩrire weregu árĩcãgu tĩaa yũhũ. Eropigũ umaroguere ojocarinigũcũ iigu arĩgu tĩaa yũhũ. Eropirã yũre umupeorã dihta yũ Pagũ pohrogue warãcoma. ⁷ Nere yũre masirã arĩrã, yũ Pagũ sãre masiboaya mũa. Dohpaguere ĩgũre ĩhaa mũa. Eropirã ĩgũre masituhabu mũa, arĩmi Jesu.

⁸ ĩgu eroparĩcũ Felipe õpa arĩmi:

—Opũ, mari Pagure ĩhmuque gũare. Iripẽta gahmea gũa, arĩmi ĩgu.

⁹ ĩgu eroparĩcũ Jesu weremi:

—Felipe, ¿yoari boje yũ mera árĩqueregu ta, mũ masinibeari yũre? Yũre ĩagu yũ Pagũ sãre ĩatuhami. “Eropigũ mari Pagure ĩhmuque gũare,” ¿duhpigũ eropa arĩri mũhũ yũre? ¹⁰ Yũ Pagũ mera yujugu ta áhraa yũhũ. Irire “Diaye árĩbeaa,” ¿arĩgu meje iiri mũhũ? Mũare weregu yũ gamero weregu iibeaa. Yũ Pagure werebasagu iiaa. Eropigũ ĩgu yũ mera arĩgu ĩgu turari mera ii ĩhmu. ¹¹ Yũhũ, yũ Pagũ mera yujugu ta áhraa. Yũ eroparĩcũ irire “Diaye ta áhraa,” arĩ pepique mũa. Irire “Diaye ta árĩbeaa,” arĩdiarã,

Goãmu turari mera deyoru moarire yu ii ìhmurire ìaque. Eropu ìara pãhrũ yu Pagu mera yu yujugu ta àrìrìre “Diaye ta àhraa,” arì pepique mua. ¹² Diaye muare arìgu ìiaa. Yare umupeogu yu ìidiro dopa ta iigucumi. Eropigu ìgũpu yu tauro iigucumi. Yu Pagu pohrogue wabu ìiaa dohpaguere. Eropigu yare umupeogu yu tauro Goãmu turari mera ii ìhmugucumi. ¹³ Eropigu yare umupeorãre erã yu waì mera sererõpẽ ta iigura. Eropu iigu yu Pagu ìgu turarire ii ìhmuguca. ¹⁴ Yare umupeorã mua àrìcũ mua sererõpẽ ta iigura, arìmi Jesu.

Espìritu Santore muare obeogura, arì wereñumi Jesu

¹⁵ Eropu arìtuha guare õpa arìnemomi:

—Yure mua mahirà, yu dorerire iipehorãca. ¹⁶ Yu Pagure serẽgura. Yu eropa sererõcũ yu Pagupu gajigure muare itamubure muare obeogucumi. Eropigu ìgu muare itamubupu umuri nucu mua mera àrìgucumi. ¹⁷ Ìgu diaye majare weregu Espìritu Santo àhrimi. I yeba majarãpu Espìritu Santore masibeama. Eropirà ìgure opamasibeama. Ìgu ta mua mera àrìgucumi. Eropirà mua ìgure oparãca. Eropirà ìgure masia mua. ¹⁸ Muare coãsome yũhu. Mua mera àrìbu dujariguca yũhu daja. ¹⁹ Merogã duhyaa yu waboru. Yu wara pãhrũ i yeba majarã yure umupeobirìnirã yure dipaturi ìasome. Muapu yure ìarãca. Yu ojocarìcũ mua sã umuri nucu Goãmu mera ojocarìrãca. ²⁰ Irinu yu dujariburinãre yũhu, yu Pagu mera yujugu ta yu àrìcũ masìrãca mua. Eropirà yu mera mua àrìcũ mua mera yu àrìcũ sãre masìrãca mua. ²¹ Yu dorerire iigu yure mahìgu ta àhrimi. Eropigu yure mahìgure yu Pagupu mahìgucumi. Eropigu yu sã ìgure mahìguca. Eropigu ìgure yure õaro masìcũ iiguca, arìmi Jesu guare ìgu buherãre.

²² Gua mera majagu gajigu Juda waìcũgu arìmi Iscariote arìbigu. Òpa arìmi ìgu Jesure.

—Opu, ¿dohpa iigucuri muhu guare eropa arìgu? ¿I yeba majarãre mure masìcũ iibigu dohpa iigucuri muhu gua dihtare mure masìcũ iigu? arì sererõpimi Juda.

²³ Ìgu eroparìcũ Jesu yàhrimi:

—Yure mahirà yu dorerire õaro iima. Erã eropa iicũ yu Pagupu erãre mahìgucumi. Eropirà erã mera àrìrã àrìrãca gua. ²⁴ Yure mahìbigu yu dorerire iibeami. Eropiro yu wereri mua peerapu yu wereniguri arìbeaa. Yare obeodigu yu wereniguri pu àhraa. Ìgu yu Pagu ta àhrimi.

²⁵ Mua mera àrìnigu ire muare werenigugu ìiaa. ²⁶ Pãhrũ yu sererõcũ yu Pagu Espìritu Santore obeogucumi muare. Eropigu Espìritu Santopu muare itamubu arìgu, muare buhepegucumi ìgu. Eropigu muare yu wererare guñacũ iigucumi ìgu.

²⁷ Muare õaro arìcũ iiguca yũhu. Yũhu õaro arìdiro dopa ta õaro arìcũ iiguca muare. I yeba majarã erã ìidiro dopa iisome yũhu. Yu tamera diaye õaro arìcũ iiguca muare. Bujawere wuaro guñaricubirìcãque mua. Eropirà guìbirìcãque mua. ²⁸ “Yũhu waguca. Eropigu mua mera àrìbu dujariguca daja,” muare yu eropa arì wererõcũ peetuhabu mua. Irìre masìrã arìrã mucubiriboaya mua. Yure mua diaye mahìnirã arìrã mucubiriboaya mua. Yu Pagupu yu turami. Eropirà ìgu pohrogue yu waborore mua masira pãhrũ yure mahirà mucubiriboaya mua. ²⁹ Yure mua umupeoburire yu waborore wereyugu ìiaa muare.

³⁰ “I yeba majarã opu watì doregu iimi dohpaguere. Eropigu ìgu eropa dorecũ yũhu mua mera wereniguituboro merogã duhyaa. Ìgupu yure tarinugamasibeami. ³¹ Yure yu Pagu ìgu dorero dopa ta ìiaa yũhu. Eropu ta ìiaa yũhu yu Pagure yu mahìrìre i yeba majarã erã masìburire.

“Wahgãnũgajaque. Ina warã, arìmi Jesu guare ìgu buherãre.

15

Jesu iguiru iro dopa àhraa, arì wereñumi

¹ Eropigu werenigui queori mera buhegu guare õpa arìmi Jesu:

—Yũhu iguiru diaye majaru iro dopa arìgu àhraa. Yu Pagupu iguirure ìhadibugu iro dopa arìgu àhrimi. ² Iguirure iri dũpuri gamesurìro dopa ta mua yaharã yu mera àhraa. Dũca mariri dũpuri ìguirure ìhadibugu ìgu peha coãro dopa ta yu Pagu ìgu gamerire iibìrãre cohãmi. Dũcacuri dũpuri ìguirure ìhadibugu ìgu amuro dopa ta yu Pagu ìgu gamerire iirãre itamugucumi ìgu “Yu gamerire inemoporu,” arìgu. ³ Yu wererire peerã, “Diaye ta àhraa,” arãa mua. Eropigu yu Pagu mua ñeri iirare coãtuhami. ⁴ Yure gamesurìro dopa ta yu mera majarã arìque mua. Eropigu mua mera arìguca. Iguiru dũpuri iguiru mera gamesurìro arìro iri dũpuri pu dũca mara. Eropu ta yu mera majarã õaro arìbirã sã yu Pagu gamerire iimasibeaa mua.

⁵ Iguirure iri dũpuri gamesurìro dopa ta mua yaharã yu mera àhraa. Irì dũpuri iguirure õaro gamesurìro arìro dũcacua. Mua sã yure õaro gamesurìrã yu Pagu

gamerire iiaa. Yũre gamesurirã áribirã Ĩgu gamerire iimasibea mũa. ⁶ Neri dũpũrĩre tũrĩra dũpũre Ĩgu cõaboro dopa ta yũ mera majarã áribirãre yũ Pagũ cõãgũcumi. Iri dũpũri ñaicũ ĩha ĩguĩrũre ĩhadĩbugũ iri dũpũrĩre aĩ gameneo peamegue soecãgũcumi. Eropa ta ĩĩgũcumi Goãmũ yũ mera majarã áribirãre.

⁷ “Yũ mera majarã áribirã yũ buherire cãdĩjĩbirĩboca mũa. Eropa cãdĩjĩbirã mũa gameropẽ ta yũre serẽque. Eropĩgũ mũa serẽropẽ ta ogũra. ⁸ Yũ Pagũ gamerire mũa ĩirã áricũ ĩarã, “Oã Jesu yarã áhřĩma,” arĩ masĩrãcoma gajĩrã masa. Eropĩrã mũare ĩarã yũ Pagũre umũpeorãcoma. ⁹ Yũ Pagũ Ĩgu yũre mahĩdiro dopa ta yũ sã mũare mahĩa. Eropĩrã yũ mahĩri mera ářĩque mũa. ¹⁰ Yũ Pagũ Ĩgu dorerire iiaa yũhũ. Eropĩgũ Ĩgu mahĩgũ ářĩnĩguĩa yũhũ. Eropa ta mũa sã yũ dorerire ĩirã yũ mahĩrã ářĩnĩguĩcãrãca mũa.

¹¹ “Ire mũare wereabu yũ mera mũa õaro mucubĩrĩborore. Eropĩrã turaro mucubĩrĩrãca mũa. ¹² Őpa dorea mũare: Mũare yũ mahĩdiro dopa ta mũa mera majarãre mũa sã mahĩque. ¹³ Yũjugũ masũ Ĩgu mera majagũ yañe áriborãñe sĩřĩgũ Ĩgu mera majagũre burĩgã mahĩami gajĩrã mahĩdiro tauro. ¹⁴ Eropĩrã yũ dorerire ĩirã yũ mera majarã áhřaa mũa. ¹⁵ Diaye ta mũa yũ mera majarã gohra áhřaa. Mũa eropa ářĩrã áricũ ářĩpehřerĩre yũ ĩĩrãre werea mũare. Pohro majagũ Ĩgu opu ĩĩburire masĩbeami Ĩgu. Eropĩgũ “Yũ pohro majarã bu ářĩrã áhřaa mũa,” arĩbeaa mũare. Yũ Pagũ Ĩgu yũre wererare mũare werepehoabu. Eropa weregu “Yũ mera majarã áhřaa mũa,” mũare arãa dohpagũre. ¹⁶ Mũapũ yũre beyebĩrĩbũ. Yũpũ mũare beyebũ yũ Pagũ gamerire mũa ĩĩmorãre. Mũa eropa ĩicũ mũa eropa ĩĩri ne yũju diaye gohra ářĩsome. Mũa eropa ĩicũ yũre mũa umũpeocũ yũ Pagũ mũa serẽropẽ ta mũare ogũcumi. ¹⁷ Ire mũare dorea yũhũ: Mũa basi game mahĩ umũpeoque, arĩmi Jesu.

Jesure ĩgu yarã sãre i yeba majarã ĩhaturĩrĩre wereñumi Jesu

¹⁸ Eropĩgũ guare werenemomi daja:

—I yeba majarã mũare erã ĩhaturĩcũ ĩarã ire guñaque mũa: “Guare eropa ĩhaturĩborõ core Jesupũre ĩhaturĩnũgãtuhama erã,” arĩ guñaque. ¹⁹ I yeba majarã gohra mũa ářĩcũ, erã mera majarãre erã mahĩdiro dopa ta mũa sãre mahĩboãñuma erã. I yeba majarã mera mũa ářĩnicũ mũare beyebũ. Eropĩrã dohpagũre i yeba majarã gohra ářĩbeaa mũa. Mũa eropa ářĩbĩrĩcũ ĩarã i yeba majarã mũare ĩhaturĩma. ²⁰ Mũa yaharã ářĩrã “Yũ tauro ářĩbeaa,” mũare yũ arĩrãre guñaque mũa. Eropa yũ mera majarã ářĩrã yũ ñero tarĩborõ dopa ta ñero tarĩrãca mũa sã. Yũre ñero ĩĩnĩrã ta mũa sãre ñero ĩĩrãcoma. Yũ buherire yũhřĩnĩrã ta mũa buheri sãre yũhřĩrãcoma. ²¹ I yeba majarã yũre obeodĩgũre masĩbeama. Eropĩrã yũre umũpeorã mũa ářĩcũ ñero ĩĩrãcoma erã mũare.

²² “Erãre yũ buhegu arĩbĩrĩcũ erã yũre gamebĩrĩra dipuwaja marĩboaya. Dohpagũre erãre yũ buhera pũhřũ “Neri dipuwaja marã guare,” arĩmasĩbeama erã. ²³ Yũre ĩhaturĩgũ yũ Pagũ sãre ĩhaturĩmi. ²⁴ Goãmũ turari mera gajĩrã erã ne ĩĩbĩrĩrãre ĩĩ ĩhũbũ. Eropĩro erãre ĩĩrĩre yũ ĩĩ ĩhũbĩrĩcũ erã peebĩrĩra dipuwaja marĩboaya. Goãmũ turari mera yũ ĩĩ ĩhũrãre erã ĩara pũhřũ yũre yũ Pagũ sãre ĩhaturĩma erã. ²⁵ Eropa ĩhaturĩrã Goãmũ yare erã gojarapũ matague ta erã arĩ gojãdiro dopa ta ĩirã ĩĩma erã. Őpa arĩ gojañuma: “Erãre yũ ñero ĩĩbĩrĩquerecũ ta yũre ĩhaturĩma erã,” arĩ gojañuma matague ta Goãmũ yare erã gojarapũgue, arĩmi Jesu.

²⁶ Eropĩgũ werenemomi daja:

—Yũ pũhřũgue mũare ĩtamubu, yũ Pagũ mera ářĩgũ mũare yũ obeobũ Espĩřĩtu Santo ta áhřĩmi. Ĩgu diaye majare weregu ta áhřĩmi. Eropĩgũ Ĩgu arĩgũ yũ ářĩřĩcũrĩre weregũcumi mũare. ²⁷ Mũare yũ buhenũgãcũgue mũa sã yũ mera umũri nucũ ářĩbũ. Mũa sã yũ ářĩřĩcũrĩre wererãca, arĩ weremi Jesu guare.

16

¹ Eropa arĩtuha guare õpa arĩ werenemomi:

—Pũhřũ yũ buherire yũ sãre mũa cõãbĩrĩburĩre õpa weregũra mũare. ² Mari buheri wirĩgũ mũa ñajãdiacũ ñajãdõresome mũare yaharã mũa ářĩrã dipuwaja. Eropĩrã mũare gajĩsubũ wejẽ “Goãmũ gamerire ĩirã ĩĩaa,” arĩ pepĩrãcoma gajĩrã. ³ Yũ Pagũre, yũ sãre erã masĩbeama. Eropa masĩbĩrã mũare ñero ĩĩrãcoma erã. ⁴ Eropĩrã mũare erã ñero erã ĩicũ ĩarã, “Erã õpa ĩĩborõ core ta Jesu guare weremũhtayũtuhãmi,” arĩ guñarãca mũa. Mũa eropa arĩ guñabũrĩre dohpagũre ĩre weremũhtagũ ĩĩaa mũare, arĩ weremi Jesu.

Espĩřĩtu Santo ĩgu ĩĩburĩre wereñumi Jesu

Eropa arĩtuha õpa arĩ werenemomi:

—Neguere mua mera árigu ire muare werebiribu. ⁵ Dohpaguepure yure obeodigu pohrogue waguca. “¿Nohogue wagucri muhu?” arí ne yujugu yure serépibeaa mua yure. ⁶ Eropa serépibiquererá ta yu waborore muare werecú mua ñero síporácsua. ⁷ Mua ñero síporácsuquerecú muare opa diaye ta werea: Yu wara puhru muare óacároca. Yu umarogue wabiricú muare itamubupu aribiribocumi. Eropa wagu eja muare igure obeoguca yuhu. ⁸ Yu eropa obeocú igu arigucumi. Eropa eragu i yeba majaräre ñerire iirä erä áricú masicú iigucumi igu. Eropigu óaro áriticaburire buhegucumi igu. Eropigu Goámü igu dipuwaja moaborore weregucumi masare itamubupu. ⁹ Yure umupeobirá áhrima i yeba majarä. Eropigu itamubupu masa erä ñero iiricurire eräre masicú iigucumi. ¹⁰ Yu Pagu pohrogue waguca. Yu eropa wara puhru masa yure íanisome. Eropigu itamubupu arigu óaro áriticuri säre buhegucumi. ¹¹ I yeba majarä opure wafire Goámü dipuwaja moadoretuhami. Eropigu Goámü masare igu dipuwaja moaburi säre weregucumi itamubupu.

¹² “Wuaro áhraa muare yu wereburi. Yu eropa werenemodiaquerecú ta ire yu werecú dohparagá masisome mua. ¹³ Yu eropa werenemobiricú Espíritu Santopü irire werenemogu arigucumi. Igu igu gamero muare weresome. Yu Pagu igu weredorerare muare weregucumi. Eropigu muare diaye majare werepehogucumi. Eropiro puhrugue waburire muare masicú iigucumi igu. ¹⁴ Eropigu igu yare muare weregucumi. Eropa weregu yure umupeocú iigucumi muare. ¹⁵ Arípehreri yu Pagu ya sä yaha áhraa. Eropigu “Espíritu Santo yahare weregucumi,” aräbu muare, arí weremi Jesu.

Bujawererä ártiquererä ta puhru mucubiriräca mua, arí wereñumi Jesu

¹⁶ Eropa arítuha opa arí werenemomi guare daja:

—Bajamenuri yure íasome mua. Eropirä puhrugä ta daja mua yure íaräca, arími Jesu.

¹⁷ Igu eroparicú peerä, guapu bajamerägä opa arí wereniguibu gua basi:

—“Bajamenuri yure íasome mua. Eropirä puhrugä ta daja mua yure íaräca,” arígu ¿dohpa arígu eropa arári marire? Eropigu “Yu Pagu pohrogue waguca,” ¿dohpa aríronore eropa arári igu? ¹⁸ “Bajamenuri puhru,” arígu ¿dohpa arígu eropa arári igu? Igu wererare óaro pee masibeaa mari, aríbu gua basi.

¹⁹ Gua eropa arí wereniguicú Jesu igure gua serépidiarire masigu guare opa arí weremi:

—“Bajamenuri yure íasome mua. ¿Eropirä puhrugä ta yure íaräca daja,” yu arirare serépidiari mua? ¿Irire yu arirare masibeari mua? ²⁰ Diaye muare arígu íaa: Yuhu síricú íarä mua oreräca. Eropirä burigä bujawereräca. Yure umupeobiriniräpu mucubiriräcoma. Muapu bujawerenirä ártiquererä puhru mucubiriräca mua. ²¹ Ópa áhraa iri: Nomeo niji wahgügo igo ñero tariburisubu áhraa. Eropigo igo turaro bujaweremo. Eropa bujawerequerego, igo magugä dehyoacú íago mucubirimo. Eropigo igore pürirare guñabeamo igo pare. ²² Eropa ta mua dohpaguere bujawereräca. Puhru mua yure íaräca daja. Eropirä mua turaro mucubiriräca. Mua eropa mucubiririre gajirä muare bujawerecú iimasisome.

²³ “Irinu yure mua íarinure yure serépisome mua. Yu Pagupu mua seréire ogucumi. Diaye ta muare arígu íaa. Yure mua umupeocú íagu yu Pagure yu wai mera mua seréire igu muare ogucumi. ²⁴ Yu opa waboro core mua yure waipeo Goámure serénibiribu mua. Dohpaguere yure waipeo Goámure seréque. Mua eropa serécú muare igu ogucumi mua turaro mucubiriburire, arími Jesu guare.

Ñeräre Jesu igu tarinugarire wereñumi igu buheräre

²⁵ Eropa arítuha opa arínemomi:

—Werenigui queori mera muare weremurabu. Eropa werequeregu ta puhru muare werenigui queori mera weresome pare yuhu. Yu Pagupure mua óaro peeboro dopa weregura muare. ²⁶ Irinure mua ya áriburire muare serébasasome yuhu. Yure umupeorä yaha wai mera mua basi igure sereräca. ²⁷ Mua yure mahirá áhraa. Eropirä yu Pagu pohrogue yu aridigu áricú “Diaye ta áhraa,” aräa mua. Eropa aríra mua áricú íagu, yure mahirá mua áricú íagu yu Pagu sä muare mahimi. Igu eropa mahicú mua igure sereräca. ²⁸ Yu Pagu pohro aridigu arígu i yebagure aribu yuhu. Eropigu dohpaguere i yebague áridigu arígu yu Pagu pohrogue dujaguca daja, arími Jesu.

²⁹ Igu eroparicú gua igu buherä opa aríbu:

—Dohpague tamerare werenigui queori mariro wereniguigu óaro diaye wereniguigu íaa muhu guare. ³⁰ Muhu óaro masipehogu mü áricú gua dohpague ta óaro masia. Eropirä gajirä mare buhemasibeama. Eropirä irire gua dohpaguere óaro masia. Gua

irire ðaro masirã árirã Goãmu pohrogue mu aridigu áricũ “Diaye ta áhraa,” arãa, arĩbu gua Jesure.

³¹ Gua eroparĩcã Jesu yáhrimi guare:

—Dohpaguere “Diaye ta áhraa,” ¿arĩri mua pare? ³² Páhrũñari mua ya wirigue wasirirã yare cóãrãca mua. Mua eropa cóãquerecũ ta yu Pagũpu yu mera áhrimi. Eropigu yáhu yujugu ta árĩbeaa. ³³ Ire muare wereyubu yure mua guñaturari mera mua ðaro árĩboro dopa. I yeba árĩrisubu Goãmure gamebirã pohrogue mua áricũ muare ñero iirãcoma erã. Erã eropa iiquerecũ ta guñaturaque mua. I yeba majarã erã ñero iirare tarinũgagu áhraa yáhu. Eropirã yure guñatura mucubirique mua, arĩmi guare ĩgu buherãre.

17

Jesu ĩgu buherã ya árĩburire ĩgu Pagũre Goãmure serẽbasañumi

¹ Eropa arĩ weretuha Jesu umarogue ĩhamuju ðpa arĩ wereniguimi Goãmure ĩgu Pagure:

—Ahu, dohpaguere mu werediro dopa ta yure erã ñero iiburisubu ejanijaro iiaa. Yure mu magure erã masare umupeocũ iique. Mu eropa iicũ masare mere umupeocũ iigura yu sã. ² Árĩpehrerã tauro opu apĩbu muhu yure. Eropigu mu yure onirãre mu mera eropa árĩniguicũ iigũca muhu. ³ Mu dihta Goãmu gohra áhraa. Yáhu Jesucristo mu obeodigu áhraa. Eropirã árĩpehrerã mere masirã, yu sãre masirã mari mera umaroguere eropa árĩniguicãrãcoma, arĩmi.

⁴ Eropa arĩgu ta ðpa arĩnemomi Goãmure:

—I yebaguere mu iidorerare ipehoabu yáhu. Eropa iigu masare mu turagu árĩrire ĩhmuabu yáhu. ⁵ I yeba árĩboro core mu mera yu áricũ ðaro turari opabu. Eropigu dohpaguere mu árĩrogue irire yu ðaro turagu árĩrire ĩhmuque.

⁶ “I yeba árĩrãre yure mu onirãre mere masicũ iibu. Mu onirã mu yarã áhrima. Eropigu erãre ohabu muhu yure. Eropirã mu dorerire iiaa erã. ⁷⁻⁸ Yure mu wererare erãre buheabu. Yu buhecũ peerã yu buherire gahmeama erã. Eropirã diaye ta mu pohro aridigu yu áricũ masima erã. Eropirã mu obeodigu yu áricũ sãre “Diaye ta áhraa,” arĩ pepima erã.

⁹ “Erã ya árĩburi mere serẽgu iiaa. Gajirã ya árĩburipure serẽgu iibea yáhu. Yure mu onirã mu yarã áhrima. Eropigu erã ya árĩburire serẽgu iiaa mere. ¹⁰ Erã árĩpehrerã mu yarã áhrima. Eropirã mu yarãpu yaharã áhrima. Yure umupeorã yu turagu árĩrire ĩhmuma erã masare.

¹¹ “Dohpaguere i yebaguere dujasome yáhu. Mu pohro wabu iiaa. Yu eropa waquerecũ ta dohpaguere yure mu onirã i yebaguere dujama. Ahu, muhu ðagũ áhraa. Yure mu onirãre mu turari mera ĩhadibuque. Mu eropa dibucũ mari yujugu ta árĩdiro dopa ta yuju curu ta árĩrãcoma erã sã. ¹² Erã mera arĩgu mu turari mera erãre ðaro ĩhadibuabu. Yujugu tamera peamegue wagũcumi mu yare erã gojarapũ werediro dopa ta.

¹³ “Dohpaguere mu pohrogue wabu iiaa. Eropigu i yeba i árĩpehrerire mu yarãre werea yu mera erã ðaro mucubiriborore. ¹⁴ Mu yare wereabu erãre. Erã yu iro dopa ta i yeba árĩwajamorã árĩbeama. Eropirã i yeba majarãpu erãre ĩhaturima. ¹⁵ “I yeba árĩrãre, yaharãre aĩaque,” arĩbeaa. Eropa arĩbiriqueregu erãre ðaro ĩhadibuque wafĩ ñerire iidoreri erãgue arĩgu. ¹⁶ I yeba majagu árĩbeaa. Erã sã yu iro dopa ta i yeba árĩwajamorã árĩbeama. ¹⁷ Yaharãre mu buheri mera ðarã áricũ iique erãre. Mu wereripu diaye ta áhraa. ¹⁸ I yebaguere yure mu obeodiro dopa ta yapu yaharãre mu yare buhedoregu obeoa. ¹⁹ Mu gamerire iibu arĩgu, sĩribu arĩgu erã ya árĩburire sĩribu áhraa. Eropa sĩribu áhraa yáhu yaharã sã mu gamerire diaye erã ðaro iiburire.

²⁰ “Yaharãre dohpague arĩrã dihtare itamuque,” arĩ serẽbeaa yáhu. Yaharã gajirãre erã buhera páhrũ gajirã sã yare umupeorãcoma. “Erã sãre itamuque,” arãa yáhu. ²¹ Yaharã árĩpehrerã erã yuju curu árĩboro dopa itamuque. Yáhu mu mera yujugu ta áhraa. Mari yujugu árĩdiro dopa ta erã mari mera yuju curu ta árĩporo. Yujuro mera ta árĩporo mu obeodigu yu árĩrire árĩpehrerã masa “Diaye ta áhraa,” erã arĩburire. ²² Yure mu ora turarire yaharãre ohabu. Iri turarire oparã yujugu ta mari árĩdiro dopa ta erã sã yuju curu ta árĩrãcoma. ²³ Yáhu erã mera áhraa. Eropigu muhu yu mera áhraa. Mari eropa árĩrã áricũ mari yarã diaye ta ðaro yuju curu ta árĩrãcoma. Yuju curu erã áricũ ĩarã mu obeodigu yu árĩrire i yeba majarã masirãcoma. Eropirã yure mu mahidiro dopa ta yaharã sãre mu mahirire masirãcoma masa.

²⁴ “Ahu, i yeba árĩboro core yure mahibu muhu. Eropa mahigu yu turagu árĩrire ĩhmubu muhu. Eropigu yure mu onirã yu mera erã áricũ gahmea yu turagu árĩrire

erã masiboro dopa. ²⁵ Ahũ, mũhũ ðagu áhraa. I yeba majarã ñerã mũre masibeama. Yũpũ mũre masia. Eropirã yũhũ mũ obeodigu áricũ masima yaharãpũ. ²⁶ Mũre erãre masicũ iiabũ. Pũhrũ sãre mũre erãre masicũ iigũca yũre mũ mahidiro dopa ta gajirãre erã mahiburire. Eropigu yaharã mera árigũca, arĩmi Jesu mari Pagure.

18

Jesure peresu iĩnũma

Mt 26.47-56; Mr 14.43-50; Lc 22.47-53

¹ Īgu eropa arĩra pũhrũ Jesu gũ sã ĩgu buherã Cedron waĩcuriyare taribuja, Olivo waĩcũri gorogue ejabũ. ² Bajasuburi iri gorogue Jesu mera gũ gameneremũribũ. Eropigu Juda Jesure ihaturirãre wiabu iri gorore masimi. ³ Eropa masigu pe curu surara mera aridi árimi ĩgu. Yuju curu surara gohra árima. Gaji curu surara Goãmũ wihire corerã árima. Pahia oparã, fariseo masa erã obeonirã árima surara. Eropa arirã sihãri dipurure, eropãricũ yucũ mojocũma erã. ⁴ Iri gorogue gũ pohrogue erã erara pũhrũ Jesu ĩgu ñero tariborore masigu, erãre bocatĩri serẽpimi:

—¿Noare amarã iiri mũa? arĩmi Jesu.

⁵ —Jesu Nazare majagure ahmaa, arĩ yũhrima erã.

—Īgu ta áhraa yũhũ, arĩmi Jesu.

Judapũ Jesure ñeadoregũ erã mera árimi. ⁶ Eropirã Jesu “Īgu ta áhraa yũhũ,” ĩgu aricũ erãpũ uca wa yebague dusirimaagã mehmereja wama. ⁷ Erã eropa wacũ ĩagu dipaturi serẽpimi Jesu:

—¿Noare amarã iiri mũa? arĩmi.

—Jesu Nazare majagure amarã iiaa gũ, arĩ yũhrima erã daja.

⁸ —Īgu ta áhraa, arĩrabũgũ yũhũ mũare. Eropirã yũre ñearã oãre yũ mera majarãre peresu iibiricãque, arĩmi Jesu.

⁹ Eropa gũare mahigu ne yujugure dederecũ iibirimi. Eropa iigu ero core Goãmũre ĩgu arĩdiro dopa ta iigu iimi ĩgu. “Yũre mũ onirãre ne yujugure dedeobiribũ,” ĩgu arĩdiro dopa ta iigu iimi Jesu. ¹⁰ Eropi Simo Pedro matamijire opagũ irimijire tuãwea aĩ, pahia opũ pohro majure Malco waĩcũgure ĩgu gamirore pacoro medijucãmi. Diayerũ maja gamirore pacoro medijucãmi ¹¹ Īgu eropa pacorocũ ĩagu Jesu ðpa arĩmi:

—Mũ matamijire dibuque. Yũ Pagũ ĩgu yũre ñero taridorero dopa ta ñero tarigura, arĩmi Jesu Pedrore.

Pahia tauro opũ pohrogue Jesure aĩgãñũma erã

Mt 26.57-58; Mr 14.53-54; Lc 22.54

¹² Īgu eropa arĩtuhacũ ta surara, erã opũ mera, Goãmũ wihire corerã surara sã Jesure ñeha ĩgure dirima. ¹³ Dirituha Ana waĩcũgũ pohrogue aĩgãmũhtama erã. Anapũ Caifa mũñecu árimi. Caifapũ iri bojorire pahia tauro opũ árimi. ¹⁴ “Judio masa ya áriburire yujugu masũ sĩricũ ðhaa,” arĩdigũ árimi ĩgu Caifapũ.

—Jesure masibea, arĩñumi Pedro

Mt 26.69-70; Mr 14.66-68; Lc 22.55-57

¹⁵ Eropigu yũhũ Simo Pedro mera Jesure yoañarirogue nũrusiabũ. Yũpũ pahia opũ ĩgu ĩha masigu áribũ. Eropigu Jesu pũhrũ, opũ áriĩri wihĩ áriĩri sãriro pohcague ñajaa wabũ. ¹⁶ Pedropũ disiporo dujanũgajami. Eropigu maji wiriri disiporo coregore serẽbasabũ Pedrore aĩ ñajabu. Yũ eropa serẽpiñacũ igo Pedrore ñajaridoremo. Igo ñajaridorera pũhrũ yũhũ Pedrore aĩ ñajaa wabũ. ¹⁷ Yũ eropa aĩ ñajajacũ ĩago disiporo coregopũ Pedrore serẽpimo:

—¿Jesu buherã mera majagũ áribeari mũhũ? arĩmo igo Pedrore.

—Áribea yũhũ, arĩ yũhrimi Pedropũ.

¹⁸ Ero core ero majarã pohro majarã, surara mera erã sũhmaburi peamere dihunirã árima. Yũsaa áribũ. Eropirã erã iri peame tũro sũhma niguima. Erã sũhmacũ ĩagu Pedro sã sũhmagũ wami.

Pahia tauro opũ Jesure serẽpi iañumi

Mt 26.59-66; Mr 14.55-64; Lc 22.66-71

¹⁹ Eropi pahia tauro opũ árigũ Jesu ĩgu buherire, gũ ĩgu buherã sãre serẽpi ĩapũ Jesure. ²⁰ Īgu eropa arĩ serẽpicũ Jesupũ yũhrĩpũ ĩgure:

—Áripehrerãre buhegu erã core niguibũ. Eropa buhegu mari buheri wiri Goãmũ wihĩ sãre masa gamenererogue eropa buhe niguicãbũ. Duhrinijagũ ne buhebirabũ yũhũ. ²¹ ¿Duhpigũ yũre serẽpiri mũhũ? Serẽpidiagũ yũre peenirãre serẽpique. Yũ wererare erã masima, arĩ yũhrĩpũ Jesu.

²² Īḡu eroparicũ surarapũ ero niguidigu ĩḡu mojoto mera Jesure papũ.

—Eropa arĩbiricãque pahia tauro opũre, arĩpũ surara Jesure.

²³ Īḡu eroparicũ Jesu õpa arĩpũ:

—Ñero arĩ yũ wereniguirare wereque yũre. ¿Diaye majare yũ mũare werequerecũ duhpigu pari muhũ yũre? arĩpũ Jesu surarare.

²⁴ Pũhrũ Ana Jesure erã diridigũre Caifa pahia tauro opũ pohrogue obeopũ.

—*Jesure masibea, dipaturi arĩnũmi Pedro*

Mt 26.71-75; Mr 14.69-72; Lc 22.58-62

²⁵ Eropi Simo Pedro peame tũro sũhma nigũigu iimi. Eropa ĩḡu sũhma nigũicũ ĩarã ero majarã ĩḡure serẽpima.

—¿Mũ sã Jesu buherã mera majaga arĩbeari? arĩ serẽpima erã Pedrove.

—Arĩbeaa yũhũ, arĩ yũhrimi Pedro.

²⁶ Eropigu pahia tauro opũ pohro majagapũ Pedrog ĩḡu gamiro pacorodigu acaweregũpũ Pedrove serẽpimi:

—¿Jesure erã ñearasubu yũ arĩcũ mu sã erã mera arĩsabũ? arĩ serẽpimi ĩḡu Pedrove.

²⁷ —Yũhũ ĩḡu mera arĩbirabũ, arĩ yũhrimi Pedro. Īḡu eroparicũ ta cãreña weregu carimi.

Jesure Pilato serẽpiñũmi

Mt 27.1-2, 11-14; Mr 15.1-5; Lc 23.1-5

²⁸ Ñamiñarigã arĩcũ Caifa ya wihigue arĩnirã Jesure aĩ wiria, iri maca majarã opũ Pilato ya wihigue aĩgã wama erã. Eropa waquererã ĩḡu ya wihiguere ñajabirima. Pascua arĩcũ erã bamorã arĩrã õpa arĩma: “Judio masũ arĩbeami Pilato. Eropirã mari i wihigue judio masũ arĩbigũ arĩri wihire ñajarã, mari dorerire tarinũgarãca. Eropirã mari ñajacũ ĩarã ñerã dopa ĩabocoma marire. Eropirã marire bosenu barire marire badorebiribocoma,” arĩma. Eropa arĩrã opũ ya wihire ñajabirima Jesure aĩgãnirãpũ. ²⁹ Erã ñajabiricũ ĩagu Pilato erã pohrogue wihi disiporogue wiriranũgaja, erãre serẽpimi:

—¿Ñehenore ĩre weresãdiari mũa? arĩ serẽpimi Pilato erãre.

³⁰ —Ihĩ õagu ĩḡu arĩcũ mũre ĩḡure obiriboaya. Ñegu ãhrimi ĩḡu, arĩ yũhrima erã.

³¹ Erã eroparicũ Pilato õpa arĩmi:

—Mũa basi ĩḡure aĩaque. Eropirã mũa ya doreri arĩro dopa ta ĩḡure dipuwaja moaque, arĩmi Pilato erãre.

—Gua judio masapũ masure wejẽdoremasibea, arĩma erã Pilatore. Eropa arĩrã Jesure wejẽdoremorã iima.

³² Erã eropa wejẽdorecũ Jesupũ crusague ĩḡu sĩriborore ero core ĩḡu werediro dopa ta eropa wabũ. ³³ Erã eropa arĩra pũhrũ Pilatopũ wihigue maji ñaja, Jesure sihubeo ĩḡure serẽpipũ:

—¿Judio masa erã opũ ta ãhriri muhũ? arĩ serẽpipũ.

³⁴ Jesu yũhrĩpũ ĩḡure.

—¿Mũ guñaro yũre eropa arĩ serẽpiri muhũ? ¿O gajirã mũre erã wererare peenijagu yũre serẽpigu iiri muhũ? arĩpũ Jesu Pilatore.

³⁵ —Judio masũ arĩbeaa yũhũ. Mũ ya yeba majarã, pahia oparã sã, mũre wiama yũre. ¿Ñehenore ñero iiri muhũ erã eropa mũre dipuwaja moadiacũ? arĩpũ Pilato.

³⁶ —Yũ opũ arĩri i yeba maja arĩbeaa. Yũhũ i yeba majarã opũ arĩcũ, yaharã yũre itamuboñuma judio masare ñeadorebirã. Yũ opũ arĩri i yeba maja arĩbeaa, arĩpũ Jesu Pilatore.

³⁷ —¿Eropigu opũ ãhraa arĩri muhũ eropa arĩḡu? arĩpũ Pilato.

—Mũ arĩro dopa ta opũ ta ãhraa. Masa opũ arĩbu masa dehyoabũ yũhũ. Eropigu i yebague arĩḡu erã opũ arĩbu arĩbu. Diaye majare weregu arĩbu. Arĩpehrãrã diaye arĩrĩre peediarã yũ wererire peema, arĩpũ Jesu.

³⁸ —¿Ñeheno ãhriri diaye arĩri? arĩpũ Pilato.

Judio masa Jesure wejẽdoreñuma

Mt 27.15-31; Mr 15.6-20; Lc 23.13-25

Eropa arĩtuha Pilato judio masa pohro maji dujaa wa erãre weremi:

—ĩre ne gajino dipuwaja mara. ³⁹ Bojori nũcu Pascuanũ arĩcũ yujugu peresu arĩḡure mũa wiudorea. ¿Eropigu ĩre Jesure ta mũa opũ arĩburũre mũare wiubasacuri yũhũ? arĩmi Pilato judio masare.

⁴⁰ Īḡu eroparicũ peerã erã judio masa õpa arĩ gaguĩnũguima:

—Īgure wiubiricāque. Barrabápure guare wiubasaque, arī gaguiniguima judio masa Pilatore. Barrabápu yajaricagu árīdigu árīpu.

19

¹ Erā eropa arī gaguiniguira pūhrū Pilato Jesure tāradorepu. Eropirā īgu yarā surarapu īgure tārañorā. ² Tāratuha pora bero iituha, Jesure īgu dipuru weca duhpeoñorā. Duhpeotuha, oparā ya suhrirore īgure sāñorā. ³ Eropirā īgu pohro nūgaja ōpa arīñorā erā ōpa arī wereyarā:

—Ōaro árīporo. Judio masa opu ōaro árīporo, arī wereya erā mojotori mera īgure pañorā.

⁴ Eropīgu Pilato dipaturi waha, judio masare weremi:

—Peegue mūa. Īre ñeri dipuwaja mara. Eropīgu irire mūa masiburire īgure mūa pohro aīgāribu iiaa, arīmi Pilato.

⁵ Īgu eropa arīra pūhrū Jesu pora berore peyadīgu, oparā ya suhrironore sañadīgu wihīgue árīdigu wiririmi. Īgu wiriricū Pilato ōpa arīmi:

—Īaque. Ihī ta āhrimi īgu, arīmi Pilato.

⁶ Īgu eropa arītuhačū peerā pahia oparā, surara Goāmū wihi ihadibu corerā sā Jesure ĩarā gaguiniguima:

—Crusague wejēque īgure. Crusague pabia wejēque īgure, arī gaguiniguima erā.

—Īgure ne ñeri dipuwaja mara. Eropirā mūa basi ta Īgure aīgāque. Eropirā mūa basi ta Īgure crusague pabia wejēque, arīmi Pilato erāre.

⁷ —Īgu, īgu basi “Goāmū magū āhraa,” arīmūrami. Īgu eropa arīra waja gua dorerīpu īgure wejēdorea, arīma erā Pilatore.

⁸ Erā eroparīcū peegu ūcataria Pilatopu. ⁹ Eropīgu dipaturi īgu wihīgue Jesure aī majīñajagu Jesure serēpīpu daja:

—¿Nohogue majagu āhriri mūhu? arīpu Pilato Jesure.

Īgu eropa arī serēpīquerecū ta Jesu īgure ne yūhribirīpu:

¹⁰ Īgu yūhribiricū ĩagu Pilato īgure serēpinemopu:

—¿Yure yūhribeari mūhu? Yūhu mure peresu árīgure wiumasia. Eropīgu mure crusague pabia wejēdoremasia yūhu. ¿Irīre masibeari mūhu? arīpu Pilato Jesure.

¹¹ Īgu eroparīcū Jesu yūhripū daja:

—Goāmū mure dorebiricū ne ĩmasibiriboaya mūhu. Eropīgu yure ĩhaturirāre wiadīgupu mū tauro ñero dipuwajacugucumi, arīpu Jesu Pilatore.

¹² Īgu eroparīcū peegu Pilatopu īgure wiudiarīpu. Īgu eropa wiudiaquerecū ta dipaturi judio masapu gaguiniguima:

—Jesu “Opū āhraa,” arīgu mari tauro opu árīgure Roma majagure ĩhaturīgu ĩimi īgu. Eropīgu īgure wiugu mū sā mari tauro opu árīgure ĩhaturīgu āhraa, arī gaguiniguima judio masa Pilatore.

¹³ Erā eroparīcū peegu Jesure wihīgue árīgure aī wiriri, īgu dipuwaja moadoregu īgu doari pēro doajami Pilatopu. Īgu dipuwaja moadorero judio masa ya mera gabata waīcuro empedrado waīcūbu. ¹⁴ Irīnu Pascuanū bosenu árīcū gua baburi gua amurīnu árību. Irīsubu goeri boje core árību. Doajatuha Pilato masare ōpa arī weremi:

—Ihī ta āhrimi mūa opu, arīmi īgu.

¹⁵ Īgu eroparīcū peerā judio masa gaguiniguima daja:

—Sīriporo īgu. Sīriporo īgu. Crusague pabia wejēque īgure, arī gaguiniguima erā.

—¿Mūa opu árīquerecū ta Īgure crusague pabia wejēdiari mūa? arīmi Pilato erāre.

Īgu eroparīcū ōpa arī yūhriima pahia oparā:

—Mari árīpehrerā tauro opu Roma majagu āhrimi. Gajīgu opu marimi marire, arī yūhriima pahia oparā.

¹⁶ Erā eropa arī wereniguira pūhrū Pilato Jesure crusague pabia wejēdoregu wiami erāre pare.

Jesure pabia wejēñuma erā

Mt 27.32-44; Mr 15.21-32; Lc 23.26-43

Eropirā surara Jesure aī wiriama. ¹⁷ Erā aī wiriacū Jesupu crusare īgu basi aī coā, dīpu pero waīcurogue ejami. Gua judio masa ya mera Gólgota waīcūbu. ¹⁸ Eroque eja erā Jesure crusague pabiama. Eropirā gajirā perā sāre yuūgu īgu diayerū, gajīgure īgu copū pabiama erā. Eropīgu Jesu erā deco arīmi. ¹⁹ Pilato taboamijire goja, crusague Jesu weca pabia tuodorepu īgu gojaramijire. Ōpa arī gojara árību: “Ihī Jesu Nazare majagu, judio masa tauro opu āhrimi,” arī gojara árību irimijire. ²⁰ Irimijire gojagu judio masa

ya mera, Roma majarā ya mera, Griego ya mera gojara árībū. Eropiro Jesure crusague erā pabianugudiro maca pohrogā árībū. Eropirā bajarā judio masa Pilato ĩgu gojarare ĩha buhema. ²¹ Eropirā pahia oparā iri buhetuhaja ōpa arīrā wañorā Pilatore:

—“Iñi judio masa opu āhrimi,” arī gojabita. Gua opu árībeami ĩgu. Eropigu ōpa arī goja amuque muħu. Iñi “Judio masa opu āhrra,” arī yujugu ta ĩgu basi ta eropa arī pepigu āhrimi, arī goja amuque, arīñorā pahia oparā.

²² Pilatoru yuhripu erāre:

—Yū gojarare ne yū goja amusome, arīpu Pilato erāre.

²³ Jesure erā pabiara pūhrū wapicūrā surarapu Jesu suhri mūrare erā basi game gueremorā iima. Erā eropa guerediaquerecā ta ĩgu suhriro yoari suhriro dohori mariri suhriro árībū. Iri suhriro suara suhriro árībū. ²⁴ Iri suhriro eropa árīcū ĩarā ōpa arīma erā basi:

—Iñe suhrirore yeguesiribiricārā. Yujugu dihta aīporo. Eropirā iñe suhriro aībure masimorā deabirarā mari, arīma erā basi.

Eropa deabirarā Goāmu yare erā gojarapū erā gojadiro dopa ta eropa iirā iima erā. “Yū suhrirore erā basi guerema. Eropirā yaha suhrirore aībure masidiarā deabirama erā,” arī gojañuma Goāmu yare erā gojarapūgue. Erā gojadiro dopa ta eropa iima erā.

²⁵ Jesu pago, Jesu buamo María Cleofa marapo, María Magdalena mera Jesu crusa pohrogā ĩha niguima. ²⁶ Eropigu ĩgu pago, yūħu ĩgu mahigu sā ĩgu pohrogā gua niguicū ĩagu ĩgu pagore yure weremi:

—Dohpaguere ĩhi mu magu árībū āhrimi, arīmi Jesu ĩgu pagore.

²⁷ Eropa arītuha yure ōpa arī weremi ĩgu:

—Dohpaguere igo mu pago árībo āhrimo, arīmi Jesu yure.

ĩgu eropa arīra pūhrū Jesu pagore yaha wihigue aī opamurību.

Jesu sīria wañumi

Mt 27.45-56; Mr 15.33-41; Lc 23.44-49

²⁸ ĩgu eropa arī werera pūhrū árīpehreri Goāmu ĩgure mohmedoregu ĩgu apirare iipehogu árīgu masipu Jesu. Eropa masigu Goāmu yare erā gojarapū iribojegue erā arī wereyudiro dopa ta ōpa arīmi Jesu:

—Ñemesibuca yure, arīmi Jesu.

²⁹ Ero vino sūiri deco dicuri sorobu ero doabu. Eropirā ero árīrā Jesu eroparīcū pee mimi aīri yūsare deco mera erā yosora yusure yucagu hisopo waicūdigu ojogoro dirituma. Eropirā aī muju Jesu disiro sītuma. ³⁰ Iri decoe Jesu mimituha ōpa arīmi:

—Iripēta árīca, arīgu ta ĩgu dipurure muhmusudija sīria wami.

Yujugu surara Jesu patore gubuye gohra ñoseñumi ñoserimiji mera

³¹ Irinu Pascua bosenu core árībū. Iri bosenu gua baburire gua amurinu árībū. Eropirā gajinu Sabado árīcū iri ōari bosenu árīcū crusarigue sīrinirāre judio masa apidiabirima. Irinu ta bosenu gua judio masa bosenu wuuri bosenu árīro iibū. Eropirā erā sīrinirā mura irinu crusarigue árīcū gamebirima. Eropirā pabianirā mūrare erā ñigagu gōarire panuadorerā judio masa serēñorā Pilatore erāre sīri purumujodererā. Erā eropa iira pūhrū erā dūpu mūrare aīdijumorā iima. ³² Erā eropa dorecū surarapu crusari pohrogue eja, yajaricūgure copu árīgu ñigagure panuama: Gajipu árīgu sāre eropa ta iima erā. ³³ Eropa ĩquereerā Jesu ñigagure panuabonirā ĩgu pohro eja ĩgu sīridigu árīcū ĩha panuabirima.

³⁴ Eropa panuabirā yujugu surara ĩgu patore gohra gubuye ĩgure ñosemi. ĩgu eropa ñosecū mata ĩgu di, deco mera wirību. ³⁵ ĩgu eropa wacū ĩabu yūħu. Yūħu ipūre gojagu diaye mūare werea. Diaye yū wereri árīcū masia yūħu. Mūare irire werea mūa sā Jesure mūa umupearire. ³⁶ Goāmu yare erā gojarapū werediro dopa ta eropa wabu. “ĩgu gōare ne yuju gōare panuabirima,” erā arī gojadiro dopa ta Jesu ñigagu gōare ne yuju gōa panuabirima. ³⁷ Eropiro gajipū sā Goāmu yare erā ōpa arī gojayudiro dopa ta wabu: “ĩgure erā ñosedigu mūrare ĩarācoma erā,” erā arī gojadiro dopa ta gua Jesure erā ñosedigu mūrare ĩabu.

Jesu dūpūre masa gobegue yaañuma

Mt 27.57-61; Mr 15.42-47; Lc 23.50-56

³⁸ ĩgu sīria pūhrū José Arimatea majagu Jesu dūpu mūrare aī dijubu Pilatore serēgu ejaru. Josépu gajirā judio masare guigu, Jesure umupegu ĩgu árīrire werebiridigu arīmi. Eropigu ĩgu dūpu mūrare ĩgu serera pūhrū Pilatoru ĩgu dūpūre aīdorepu. ĩgu aīdorecū José crusa pohro eraa Jesu dūpu mūrare aīgā wami. ³⁹ Nicodemo sā ĩgu poresurire mohmorerare treinta kilo nūcurire aīgārini Jesu dūpu ĩgu amuburire.

Yucugü di pohga, mirra waïcäri poresuri, yucugü pohga mera árïyoro ïgu mohmorera. Ìgu Jesu mera ñami weretamudigu árïmi. ⁴⁰ Eropirä erä perä Jesu dũpũ murarore aïma. Judio masa siriniräre yaaro dopa ta ïgu dũpũ murarore poresuri sũra pũhrũ suhri gasiri mera omama. ⁴¹ Crusague Jesure erä pabia wejëdiro pohro pohe árïbũ. Iri pohegue masa gobe utäyegue erä seara gobe árïbũ. Iri gobere ne yujugu siridigũre cõanibirima dohpa. ⁴² Pascuanũ bosenu maja gua judio masa baburire amurinũ árïbũ. Eropirä iri gobe pohrogã crusa árïcũ ero apima erä Jesu dũpũ murarore.

20

Jesu masa m̃riañumi

Mt 28.1-10; Mr 16.1-8; Lc 24.1-12

¹ Domingo ñamiñariğã árïcũ, boyoboro coreğã María Magdalena Jesu masa gobegue ejapo. Erogue ejago iri gobere erä biharayere gajipũ tunuguraye árïcũ ïapo igo. ² Eropa ïadigo árïgo gua pohrogue omagãrimo igo. Simo Pedro mera perä árïbũ gua. Eraa õpa arï weremo guare igo.

—Mari Opũ dũpũ murarore aïcãnirã ährama. Eropirä ïgure erä apidirore mari masibea, arïmo igo guare.

³ Igo eroparicũ peerã, yũhũ Pedro mera gua perã masa gobegue ïarã wabũ gua. ⁴ Eropa ïarã warã gua perã omagãabũ. Eropa omarã, yũhũ Pedrore omatarigãgũ masa gobegue ejamũhtabũ. ⁵ Erogue ejagu muhmunereja ïha acubũ iri gobere. Eropa ïha acugũ ïgure erä omara gasiro seyarore ïabũ. Eropigu iri gobere ñajabiribũ. ⁶ Yũ eropa ïara pũhrũgue Simo Pedro sã erami. Eraa masa gobegue ñajaa, ïgu dũpũ murarore erä omara suhri gasirire ïami ïgu. ⁷ Eropigu Jesu dipurure erä omara gasiro sãre ïami daja. Iri gasiro boje oyaro, yeguera gasiro árïbũ. ⁸ Eropigu yũ sã masa gobegue ñajabũ. Jesu ïgu maricũ ïagu “Diaye ta Jesu masa m̃riañumi,” arï pepibũ yũhũ. ⁹ Iri gobegue gua waboro core Goãmũ yare erä gojarapũ Cristo siriburire erä wererare õaro gua masinibiribũ. Dohpaguepũre iri gobere yũ ïara pũhrũ, “Diaye ta Jesu masa m̃riañumi,” arï pepibũ yũhũ. ¹⁰ Eropa ïatuhajarã gua wihigue dujaa wabũ.

Jesu María Magdalenare dehyoañumi

Mr 16.9-11

¹¹ Eropi masa gobe disiporo María niguigo ore niguipo. Eropa orequerego ta muhmunereja igo ihame acupo masa gobere. ¹² Eropa ihame acupo perã anyuare boreri suhricuräre Jesu ïgu oyadiro murarore erä doacũ ïapo igo. Yujugu ïgu dipuro oyadiro doapũ. Gajigu ïgu guburi oyadiro doapũ. ¹³ Eräre igo ïacũ erãpũ igore serëpiñorã:

—Nomeo, ¿dohpa árïronore orego iiri mũhũ? arïñorã erä.

—Yũ Opũ dũpũ murarore aïcãnirã ährama. Eropigo erä apidirore masibea yũhũ, arïpo igo.

¹⁴ Eropa arïtuha, majinũgaja nijago Jesure ero niguigũre ïapo igo. Eropa ïaquerego ta Jesure ïha masibiripo igo.

¹⁵ —Nomeo, ¿dohpa árïrono orego iiri mũhũ? ¿Noare amago iiri mũhũ? arïpũ Jesu igore.

“Ihĩ i pohere ïhadibugũ ährimi,” arï pepiripo igo Jesure. Eropa arï pepigo õpa arïpo igo:

—Mũhũ ïgu dũpũ murarore aïdigũ árïgu wereque mu apidirore yare. Mũ werera pũhrũ aïgora ïgu dũpũ murarore, arïpo igo ïgure.

¹⁶ Igo eropa arïra pũhrũ Jesu õpa arïpũ:

—María, arïpũ.

Ìgu eropa piyucũ peego, majiñabeo igo Hebreo ya mera õpa arïpo:

—Rabuni, arïpo igo Jesure. Rabuni, erä ya mera arïrã “Buhegũ,” arïma.

¹⁷ Jesu arïpũ:

—Yũ Pagũ pohrogue m̃rianibea dohpa yũhũ. Yũ eropa m̃rianibiricũ yare mohpiñabiricãque. Eropigo gajirã yaharã pohrogue waque. Erä pohrogue ejago õpa arï wereque: “Jesu õpa arïdoremĩ muare: ‘Yũ Pagũ pohrogue wabu iaa. Mũa Pagũ sã ährimi ïgu. Goãmũ pohrogue wabu iaa. Mũa yagũ Goãmũ sã ährimi ïgu,’ arãmi Jesu,” arï wereque eräre, arïpũ Jesu Mariare.

¹⁸ Ìgu eropa arïra pũhrũ María Magdalena guare Jesu buherã pohrogue eraa weremo guare:

—Mari Opũre ïabũ yũhũ, arï Jesu igore guare weredorerare weremo igo.

Jesu ïgu buherãre dehyoañumi

Mt 28.16-20; Mr 16.14-18; Lc 24.36-49

¹⁹ Irinu soorinu ñamicaque gaa Jesu buherã gaa acawererãre judio masare güirã, gaa ya wihigue biha ñaja doaba gaa. Gaa eropa doacũ Jesu gaa watope dehyoanũgaja õpa arĩmi:

—¿Åhriri mua? arĩmi.

²⁰ Eropa arĩtuha ïgu mojotorire, ïgu patore sãre guare ihmũmi. Eropirã gaa ïgure gaa opure masa mariadigure ïarã mucubiribu. ²¹ Dipaturi Jesu guare õpa arĩmi daja:

—Õaro árique mua. Yu Pagu ïgu yure obeodiro dopa ta yu sã muare obeoa, arĩmi guare.

²² Eropa arĩtuhaja guare ïgu purisãmi. Eropa purisãgu Espĩritu Santore gaa ñeaburire ihmugũ iimi. Ìhmutuhaja õpa arĩmi:

—Dohpaguere Espĩritu Santore ñeaque mua mera arĩbure. ²³ Masa erã ñeri dipuwajare bujawerecũ ïarã, “Mua ñero iirare cohãa,” arĩmasia mua erãre. Erã bujawerebiricũ ïarã, “Mua ñeri iirare cóãbiribu,” arĩmasia mua, arĩmi Jesu guare ïgu buherãre.

Jesure masa mariadigure Toma ïañumi

²⁴ Jesu gaa watope ïgu dehyoacũ Toma suhruadigu erã arĩgu gaa mera marimi irisubure. ²⁵ ïgu eropa maricũ gaa ïgu mera majarã ïgure werebu.

—Mari Opure gaa ïabu, arĩ wereribu gaa ïgure.

Gaa eropa arĩ werequerecũ ta õpa arĩmi Toma:

—Ïgu mojotorire erã pabiara goberire ïabigu iri goberire yu mujusĩru mera puñabigu “Diaye ta masa mariañumi,” ne arĩsome. Eropigu ïgu patore gubuye arĩri gobere yu mojoto mera sĩ acubigu, “Diaye ta masa mariañumi,” ne arĩsome yuhũ ïgure, arĩmi Toma.

²⁶ Yuju semana puhru gaa ïgu buherã gaa ya wihigue arĩbu. Irisubure Toma gaa mera arĩmi. Iri wihi bihara wihi arĩbu. Bihara wihi arĩquerecũ ta Jesu ñaja, gaa watope dehyoanũgaja õpa arĩmi:

—¿Åhriri mua? arĩmi.

²⁷ Eropa arĩtuha ïgu Tomare weremi:

—Ìaque yu mojotorire. Eropi mu mujusĩru mera yu mojotorire erã pabiara goberire puñaque. Eropigu mu mojoto mera yu patore gubuye arĩri gobere sĩ acuñaque. “Diaye arĩbeaa,” arĩbiricãque. “Diaye ta ãhrraa,” arĩque muhũ, arĩmi Jesu Tomare.

²⁸ ïgu eropa arĩra puhru Toma yũhrimi:

—Muhũ yu Opũ ãhrraa. Muhũ yahagu Goãmũ ãhrraa, arĩmi Toma Jesure pare.

²⁹ —Yure mu ïara puhru yure “Diaye ta ãhrraa,” arãa. Gajirãpu yure ïabiriquererã ta “Diaye ta ãhrraa,” arĩ umupeorãcoma. Eropirã erã turaro mucubirirã arĩrãcoma, arĩmi Jesu Tomare.

Jesure masa erã masiburire ipũre gojañumi Ñu

³⁰ Eropigu baja gajĩ sãre Goãmũ ïgu turari mera ii ihmũmi Jesu gaa mera arĩgu. Irire ïgu iirare ipũre gojapehobirabu yuhũ. ³¹ Eropa gojapehobiriqueregũ ta ipũ yu wererare gojagu, “Jesu ta Cristo Goãmũ ïgu obeodigu ãhrimi. ïgu diaye ta Goãmũ magu ãhrimi,” mua arĩ masiburire gojabũ. Eropirã mua ïgure umupeorã Goãmũ mera mua eropa arĩniguiburire gojabũ ipũre.

21

Jesu siete ïgu buherãre dehyoañumi

¹ Puhru Tiberia waĩcũri ditaru tũro dipaturi guare ïgu buherãre dehyoami daja. Guare dehyoagu õpa iimi ïgu daja. ² Simo Pedro, Toma suhruadigu erã arĩgu, Natanae Galilea yeba arĩri maca Canã waĩcũri maca majagu, gaa perã Zebedeo porã, gajirã sã perã gaa oã nucũ gamenere arĩbu.

³ Gaa eropa gamenerera puhru Simo Pedro õpa arĩmi:

—Wai wejẽgu wagu iiaa, arĩmi ïgu.

—Gua sã mu mera warãra, arĩbu gaa ïgure.

Eropa arĩtuha buha wabu. Eropirã dohodiru mera wabu. Iri ñamire gaa õaro boyotahmuquererã ne yujugu waimure wejẽbiricarabu. ⁴ Boyodiji merejacũ Jesu imĩporo ïgu niguicũ ïaribu gaa. Eropa ïaquererã ïgure ïha masibiricarabu gaa.

⁵ Eropigu guare õpa arĩ serẽpimi:

—Ne, ¿wai wejẽari mua? arĩmi Jesu.

—Ne wejẽbirabu, arĩ yũhribu gaa.

⁶ —Dohodiru diayepu wejēdire mehyuque. Iripu mehyurā wai wejērāca, arībeo niguimi guare. Īgu eroparicū peerā Īgu arīdiro dopa ta mehyubu. Gua mehyura puhru bajarā wai űajama. Bajarā wai űajacū iarā wejēdigure dohodirugue aisā turabiricarabu gua. ⁷ Eropigu yuhu Jesu Īgu mahigu Pedrore werebu:

—Mari Opu āhrimi sihi imiporo niguigu, arību Pedrore.

Yu eroparicū Jesu Īgu arīcū masigu, Simo Pedro Īgu suhriroro sañami. Wai wejēbu Īgu suhriroro tuweadigu arīmi. Īgu suhriroro sañatuha diague yuriñajami. ⁸ Eropirā gajirā gua buherā dohodirugue arību. Cien metro yoaro diaguere payabu gua. Eropirā wejēdigure wai bajarā űajadigure dohodiru mera taramajaabu gua. ⁹ Turogue tuhajarā pea niti dihta gose oyari peame weca waire Īgu mupunugupidigure ĩabu gua. Panru säre ĩabu gua.

¹⁰ Gua eropa ĩacū Jesu guare ōpa arīmi:

—Dohparagā mua wejēnirāre bajamerāgā aīgārique, arīmi guare.

¹¹ Īgu eroparicū Simo Pedro Jesu mera arīgu Īgu sā dohodirugue űaja, wejēdire tara majaami imiporogue. Pagarā wai űajanirā ciento cincuenta y tres wai arīma. Bajarā wai űajauererā wejēdire ne yehguebirima.

¹² —Banirā arique, arīmi Jesu guare.

—ĴNoano āhriri muhū? arī serēpiñabiribu gua ĩgure. Gua Opu ĩgu arīcū masibu gua. ¹³ Eropigu Jesu peame pohrogue eja, panre ai guare gueremi. Wai säre gueremi.

¹⁴ Eropigu Jesu ĩgu masa murara puhru imiporo dehyoagu űhresubu guare ĩgu buherāre dehyoagu iimi.

Jesu Simo Pedro mera weretamuñumi

¹⁵ Gua bara puhru Jesu Simo Pedrore serēpimi:

—Simo, Jona magu, Ĵōāre mu mahiro tauro yure mahiri muhū? arīmi Simo Pedrore.

—Opu, mure mahia yuhu. Mure yu mahirire masia muhū, arī yuhrimi Simo Pedro.

Jesu arīmi:

—Eropigu ovejagāre mari ejodiro dopa ta yaharāre buheque muhū, arīmi Jesu.

¹⁶ Eropa arītuha dipaturi ĩgu Simo Pedrore serēpimi daja:

—Simo, Jona magu, Ĵyure mahiri muhū? arīmi Jesu.

—Opu, mure mahia yuhu. Mure yu mahicū masia muhū, arī yuhrimi Simo Pedro.

Jesu arīmi daja:

—Ovejare ĩhadibugu ovejare ĩgu ōaro ĩhadiburo dopa ta yaharāre ōaro ĩhadibuque, arīmi Jesu Pedrore.

¹⁷ Eropa arītuha dipaturi Simo Pedrore serēpimi:

—Simo, Jona magu, Ĵdiaye ta yure mahiri muhū? arīmi Jesu daja.

Ŭhresubu ĩgu eropa serēpicū peegu Simo Pedro turaro bujoweremi.

—Opu, muhū masipehoa. Mure yu mahicū masia muhū, arīmi Simo Pedro.

—Ovejare mari ejodiro dopa ta yaharāre buheque muhū. ¹⁸ Diaye mure arīgu iiaa. Muhū mamū arīgu mu suhriroro saña, mu gamerogue curimuribu muhū. Eropa arīdi arīqueregu ta puhru muhū bugu arīcū, mu mojotorire sibeocū gajigu mure mu suhriroro sīgucumi. Eropigu mu wadiabirogue mure aīgāgucumi, arīmi Jesu Simo Pedrore.

¹⁹ Eropa arīgu Simo Pedro dohpa wa ĩgu sīriborore wereyugu iimi. Eropigu Simo Pedro sīrigu Goāmure, “Ōagu, turagu āhraa,” masa erā arīcū ĩgu ĩiborore wereyugu iimi. Eropigu Pedro mera weretamutuhagu ōpa arīmi Jesu ĩgure:

—Diaye ta yu buhediro dopa ĩique muhū, arīmi Jesu Pedrore.

Jesu ĩgu mahigu ĩpūre gojadigu arīmi

²⁰ Īgu eroparicū Pedropu yure Jesu ĩgu mahigure erāre yu nurūsiacū ĩami ĩgu. Yupu ĩgu ĩagupu ero core Jesu pohrogā badoagu ĩgure ōpa arīdigu arību. “Opu, Ĵmure ĩhaturirāre wiabupu nihino arīcuri ĩgu?” arī Jesure serēpidi arību yupu. Eropa yure ĩagu Pedro serēpimi Jesure:

²¹ —Opu, Ĵihī űupu dohpa wagucuri? arī serēpimi:

²² —Ire mure werebeaa. I yebaguere yu dujariboro core ĩgure arīnigucū yu ĩicū ĩrire masibea muhū. Eropigu ĩgu waborore guñabita muhū. Diaye ta yu buhediro dopa ĩique mupu, arīmi Jesu Pedrore.

²³ ĩrire ĩgu yure űure wererare peerā arīpehrerā Jesu yarā weresiririma. ĩrire weresirirā ōpa arīrima erā: “Jesu ĩgu mahigu buhegu sīrisome,” arī weresiririma yure Jesu yarā erā basi. Erā eropa arīquerecū ta “Īgu sīrisome,” arīgu ĩibirimi Jesu. “I yebaguere yu dujaricū ĩgure arīnigucū yu ĩicū ĩrire masibea mupu,” arīmi Jesu Pedrore.

²⁴ Jesu buhegu ire weregũ, ipũre gojagu āhraa yũhũ. Eropirã i wereri diaye ta árĩcũ masia mari.

²⁵ Baja gaji sãre Jesu iimi. Īgu iirare mari gojapehocũ iripũri gojarapũri baja tariari pũri waboya. Eropiro iripũrire mari dibucũ sihajabiriboya i yeba. Ujatũria waboya yũ pepicũ. Iripẽta āhraa.

Jesu buhedore ĩġu apinirã erã iirare wereripũ ãhraa

—*Espĩritu Santo arigucumi, arĩnumi Jesucristo ĩġu buherãre*

¹⁻² Teofilo, ero core yu gojamuhtarapũ mera Jesu ĩġu iirare, ĩġu buherare mare weretuhabu. Te umarogue ĩġu mariarare weretubu. Jesu ĩġu mariaboro core ĩġu Espĩritu Santo turari mera dorepũ ĩġu apinirãre. Erã ĩġu beyenirã arĩñorã. ³ Eropi Jesu ĩġu crusague ĩġu sĩrira puhru yujuyerisuburi dupucũgu dehyoapu ĩġu apinirãre. Cuarenta nuri puhru dehyoatupu. Eropigu ĩġu ĩġu basi ojocarigu arĩrĩre ĩhmupu erãre. Eropa dehyoagu Goãmu mari Pagu ĩġu opu arĩrĩre ðari buherire werepu erãre.

⁴ Gajisubu Jesu ĩġu apinirã mera arĩġu ðpa arĩ erãre werepu:

—Jerusalén ta arĩnique dohpa. “Espĩritu Santore muare obeogura,” yu Pagu ĩġu arĩdigure corenique. Irire ĩġu eropa arĩrĩre muare wereabu yuhu. ⁵ Nu muare waiyegu deco mera muare waiyemi. Yupu ĩġu iira tauro iigura muare. Espĩritu Santo mua mera ĩġu arĩnigucãcã iigura muare, arĩpu Jesu.

Jesu umarogue mariara

⁶ Eropi gajisubu utãgugue Olivo waĩcũdigugue Jesu erãre dehyoacũ erã serẽpiñorã ĩġure:

—Opu, ¿i Israe yebare mari ya yebare dohpãricũ guare dipaturi doreburire apibocuri muhu guare? ¿Dohpãricũ mari acawererã gohrare opu acugucuri muhu? arĩñorã ĩġure.

⁷ Erã eroparicũ peegu Jesu ðpa arĩpu:

—Mari Pagu dihta irinurire mua ya yebare mua ðaro arĩborore apimasimi. Irinurire muare masiya mara. ⁸ Eropirã muare Espĩritu Santo ĩġu eracũ Goãmu ya turarire oparãca mua. Iri turarire mua oparã Jerusalén majarãre, arĩpehrerã Judea majarãre, Samaria majarãre, arĩpehreri yeba majarãre ðari buherire buherãca mua yaha arĩburire. Yu sĩrĩrare, yu masa mariarare erãre buherãca mua, arĩ werepu Jesu erãre.

⁹ Eropa arĩ weretuhaja, Jesu umarogue maria wapu. Erã ĩġure erã ĩhanurisia mujucũ imica cururi pohecague ñaja dedere maria wapu. ¹⁰ Eropirã erã Jesu ĩġu mariagure erã ĩhanurisia mujurisubu perã anyua boreri suhricurã Jesu ĩġu apinirã pohro dehyoanũgajañorã. ¹¹ Eropirã erãre ðpa arĩñorã:

—Mua Galilea majarã, ¿duhpirã ĩhamuju niguirã iiri mua? Ihĩ Jesu umarogue mariagu, ĩġu mariadiro dopa ta dipaturi arigucumi daja, arĩ wereñorã anyua.

Jesu ĩġu apinirã Judare gohrotobure beyeñorã

¹² Eropiira puhru Jesu yarã utãgugue Olivo waĩcũdigugue arĩnirã dijari, Jerusaléngue dujajañorã. Irigu utãgu yuju kilómetro wecañari Jerusalén ejaboro pohro arĩyoro.

¹³ Dujaja erã umarogue erã arĩri taribugue maria wañorã. Oã arĩñorã erã: Pedro, Nu, Santiago, Andre, Felipe, Toma, Bartolomé, Mateo, Santiago, Simo, Juda arĩñorã. Santiagopũ Alfeo magu arĩpu. Simopũ celote waĩcari curu majagu arĩpu. Judapũ Santiago acaweregu arĩpu. ¹⁴ Eropirã bajasuburi oã arĩpehrerã, nome mera, María Jesu pago mera, Jesu pagu porã mera ðaro gamenere, turaro mera Goãmure mari Pagure serẽmuriñorã.

¹⁵ Eropi irinurire masa bajarã ciento veinte ejaboro gohra gamenereñorã. Eropigu Pedropũ ĩġu mera majarã Cristo yarã watope nugaja, werepu erãre.

¹⁶ —Yu acawererã, Goãmu iribojegue ĩġu arĩdiro dopa ta eropa wahaa. Irire Espĩritu Santo Davire weredoreñumi Juda muru eropa warare. Juda Jesure ñeha wejẽmorãre ĩhmudi arĩmi. ¹⁷ Juda muru mari mera Jesu yare ii, gua mera majagu ta arĩrimi. ¹⁸ Judapũ ĩġu Jesure ĩhmura wajare iri niyerure ĩġu wiara puhru ĩġu basi wejẽ sĩripũ. Eropigu yuhridija wa, ĩġu garamisida yehguea sĩria wapu. ĩġu wiara niyeru mara mera gajirã merogã yebare asũñorã. ¹⁹ Eropirã arĩpehrerã ohõ Jerusalén majarã masiphehrecãma Juda muru ĩġu ñero warare. Eropa masirã ĩġu niyeru mera erã asũra yebare Aceldama di cóãri yeba waĩcua, arĩma iri yebare. ²⁰ Iribojegue erã arĩ gojadiro dopa ta eropa wahãmi Juda muru. Salmo waĩcuripũgue ðpa arĩ gojañuma:

ĩġu arĩdirore cóãdiro arĩporo. Eropirã gajirã ĩġu arĩdirore arĩbircãporo, arĩ gojañuma.

Ohõ sãre ðpa arĩ gojañuma:

Gajigu ĩġu mohmerare gohrotogu arĩġucumi, arĩ gojañuma Salmogue, arĩpu Pedro.

²¹⁻²² “Eropirã mari yujugu beyerã Juda murure gohrotobure. Nu waiyegu ĩġu masare buherasubu arĩdigure, Jesu mera mari mera arĩdigure beyero gahmea mari mera majagu arĩbure. Jesu masa mariacũ sãre ĩadigure beyero gahmea. Eropa beyera puhru

Jesu ĩgu masa mũriarare mari mera buhegucumi, arĩ werepu Pedro ĩgu acawererãre Cristo yarãre. ²³ ĩgu eroparĩcũ peerã perãre beyedoboñorã erã. Yujugu José Justo waĩcugure beyeñorã. ĩgu Barsabã erã arĩ piyugu arĩpu. Eropirã gajigure Matia waĩcugure beyeñorã. ²⁴⁻²⁵ Erã perãre beyedobotuhaja, erãre Goãmure õpa arĩ serẽñorã:

—Mũhu gua Opu arĩpehrerã masa erã pepirire masia. Oã áhrima gua perã beyerã. Juda mũrũre gohrotobure nihi mũ gamegure beyeque. Juda mũrũ Jesure cóadĩgu peamegure wadĩgu arĩmi. Eropĩgu ĩgure gohrotogu Jesu ĩgu apidĩgu arĩgucumi. Eropĩgu gua mera õari buherire buhegucumi, arĩñorã erã Goãmure.

²⁶ Eropa arĩrã ta utã mera deamurĩñorã beyemorã. Matia yañe õaro wiricũ, Matiarũ Jesu ĩgu apinirã once apinirã mera majagu dujarũ.

2

Espĩritu Santo ĩgu yarã mera arĩnũgapũ

¹ Eropii Pentecoste waĩcurinũ arĩũ erã yujuro mera arĩpehrerã yuju wihi gamenerẽñorã. ² Irisubure ta mirũne burĩgã ariro dopa ta umarogue busuro cariyoro. Ero eropa busuro caricũ peeñorã arĩpehrerã iri wĩhĩgure gamenere arĩrã. ³ Eropiro peame porãrigã dopa bejari erã arĩpehrerã dipu wecare dehyoayoro. Iri peame porãrigã nediru dopa bejari dehyoayoro. ⁴ Eropĩgu Espĩritu Santo erapũ erãre ĩgu turarire ogũ arĩgu. Eropirã Espĩritu Santo erãre ĩgu itamuropẽ erãpu gajirã yare õaro werenĩguĩñañorã.

⁵ Irinũrĩre Jerusalen bajarã judio masa eranirã arĩñorã. Goãmure umupeorã erarã arĩñorã. Erã macari nucũ majarã arĩñorã. ⁶ Eropirã umarogue busucũ peerã masa bajarã Jesu buherã pohrogue gamenere wahgãñorã. Masa nucũ yare Jesu buherã erã werenĩguicũ peeñorã. Erã eropa werenĩguicũ peerã, erã pee uca wañorã.

⁷⁻⁸ —Yaho, ¿Duhpirã oã Galilea majarã arĩquererã õaro mari yare werenĩguiri? Erã mari masa dehyoadirogue arĩnirã iro dopa ta werenĩguirã iima, arĩñorã erãpu. ⁹⁻¹⁰ Arĩpehrerã mari yare dohpaguere werenĩguirã iima. Partia majarã, Media majarã, Elam majarã, Mesopotamia majarã, Judea majarã, Capadocia majarã, Ponto majarã, Asia majarã, Frigia majarã, Panfilia majarã, Egipto majarã, Africa majarã, Cirene majarã, Romague arirã áhrra mari. Yujurãyeri judio masa áhrra mari. Gajirã judio masa arĩbirã judio masa ya buherĩpure buherãgue áhrra mari. ¹¹ Creta majarã Arabia majarã sã mari mera áhrima. Eropirã oã mari yare erã werenĩguicũ peea mari. Erã mari ya mera Goãmũ turari mera ĩgu õaro iirare wererã iima, arĩ werenĩguĩñorã masa erã basi.

¹² Erã eropa arĩrã uca wañorã. Erã ĩarare erã peerare õaro masibirĩñorã.

—¿Dohpãrĩrono oã gajirã ya mera Goãmũ yare eropa õaro werenĩguiri mũa pepicũ? arĩ game serẽpiñorã erã erã basi.

¹³ Eropirã gajirã wereyañorã.

—¿Dohpa oã siburi ihrinĩjarã mererã iiri? arĩ wereyañorã gajirã erã basi.

Pedro masare werepu

¹⁴ Eropĩgu Pedro once Jesu ĩgu apinirã mera wahgãñũgaja, masare werepu:

—Mũa Judea majarã, arĩpehrerã Jerusalengue arĩrã, ire yũ werecũ õaro peeque mũa.

¹⁵ Mũa pepiri diaye arĩbeaa. Dohpaguere nueve áhrra. ũmugue áhrra. Eropirã oã merebeama. ¹⁶ Oã Goãmũ iribojegue ĩgu werediro dopa ta iirã iima. Irire Joere Goãmũ ya weremũtadĩgure ire weredoreñumi Goãmũpu.

¹⁷ Ojogorocurĩnũ arĩcũ õpa arĩroca: Yũhũ Espĩriture masare arĩpehrerãre obeogura. Eropirã mũa porã Goãmũ yare wererãcoma. Eropirã mũa mera majarã mamarã Goãmũ deyoro moarire ĩarãcoma. Eropirã mũa mera majarã mũrãpu quẽrĩre quẽrãcoma. ¹⁸ Eropĩgu yũ pohro majarãre yũ Espĩriture obeogura. Eropirã erã yahare wererãcoma. ¹⁹ Eropĩgu yũ turari mera ĩgũca umũsigue. Yebague sãre yũ turari mera irire ĩhmũgũca. Eropĩgu di mera, peame mera, imica mera ĩhmũgũca yũ turarire. ²⁰ Yũ eropiicũ abe umũ majagu naitĩa wagucumi. Ñami majagu abe diagu guhyaro wagucumi. Őpa waroca Cristo mũa opu ĩgu dujarĩburĩnũ, yũ arĩranũ core. Irĩnũ ĩha uca warãca mũa. Eropiro irĩnũ guhyarĩnũ arĩroca. ²¹ Eropiro õpa arĩroca: Arĩpehrerã masa Cristore erã ñerire cóãdore serẽnĩrãre ĩgu erãre peamegure wabonĩrãre taugucumi Goãmũ, arĩ gojañumi Joe, arĩpu Pedro masare.

²² “Mũa Israe masa yũhũ werecũ peeque, arĩpu daja. Jesu Nazare majagũpu Goãmũ ĩgu obeodĩgu arĩmi. Jesure “Goãmũ obeodĩgu áhrimi,” masa erã arĩ masiboro dopa Jesu Goãmũ turari mera deyoro moarire masare ii ĩhmucũ iidĩ arĩmi Goãmũ Jesure. Mũa irire masia. ²³ Mũa Jesure wejẽdorecũ Goãmũ iribojegue ĩgu “Eropa waroca,” ĩgu

arĩdiro dopa ta eropa wahabu. Eropirã mũa Jesure crusague wejẽdorerã wiabu ãgure masa ñerãre. ²⁴ Goãmũpũ Jesu sĩridĩgũre masuami. Eropigũ dipaturi ne sĩrisome ãgure. Ìgũ sĩri wajabeami. Eropa ojocarinigũicãbu àhrimi. ²⁵ Òpa arĩñumi Davi iribojegue majagũ Cristo Ìgũ arĩbodiropã dopa ta:

Yũ Opũ, yũ mera àhraa mũhu. Ùmũri nũcu Goãmũ yũ Opũ yũ pohro mũhu áricũ ãmarũbũ yũhũ gũibiriboro dopa. ²⁶⁻²⁷ Mũhũ Goãmũ yũ sĩporãre sĩrinirã erã árirogũere ne cõasome. Yũre mũ mahigũre ñerogũe yũ sĩporãre cõasome mũhu. Yũhũ mũ pohro majagũ mũre umũpeogũ àhraa. Yũ dũpũre boadoresome mũhu. Eropigũ bũrigã mucubiria. Mucubiriri mera werenigũia. Eropigũ mũre Goãmũre bũrigã umũpeogũ árigũ gũiro mariro ãaro áricãa. ²⁸ Yũre dipaturi ojocaricã ãgũca mũhu. Yũ mera mũhu áricã bũrigã mucubiria, arĩ gojañumi Davi Cristo Ìgũ arĩbodiropã dopa ta, arĩpũ Pedro.

²⁹ “Acawerã, òpa ãaro weregũra mũare Davire mari acaweregũ mũrũre, iribojegue majagũre, arĩnemopũ daja Pedro. Ìgũ Davi sĩria wañumi. Eropigũ ãgũre erã yaara gobe dohpagũere arĩnia. Eropigũ “Yũ dũpũre boadoresome mũhũ,” arĩ gojagũ ãgũ basi waĩpeũ weregũ iibirĩñumi. ³⁰⁻³¹ Iribojegue Goãmũ Davire òpa arĩñumi: “Diaye ta arĩgũ iiaa. Mũ pãramerã árituriarã mera majagũ mũ iiro dopa ta i maca majarã weca opũ árigũcumĩ,” arĩñumi Goãmũ Davire. Davi Goãmũ yare wereyugũ áriñumi. Eropigũ Cristore Goãmũ ta opũ acuborore masigũ, Cristo ãgũ masa mũriaborore weremũtatuhañumi Davipũ. Òpa arĩ wereñumi ãgũ: “Ìgũ sĩrinirã erã árirogũere áriwajosome. Ìgũ dũpũ ero boasome,” arĩñumi Davi. ³² Ìre Jesucristore Goãmũ masuami. Ìgũ masudĩgũre gũa áripehrerã ãabu. ³³ Eropigũ Cristo ãmarogũe mari Pagũ diayepũ áricumi doregũ árigũ. Eropigũ ãgũ Pagũ “Espĩritu Santore yebagũ obeogũra,” arĩpũ ãgũre. Eropigũ Cristopũ Espĩritu Santore dohpagũere obeomi gũare. Eropirã Espĩritu Santore ãgũ gũare obeorare ãarã iiaa mũa. Eropirã mũa peeã. ³⁴ Davipũ Jesu ãgũ mũriadiropã dopa ta ãmarogũere mũriabirĩñumi. Eropigũ ãgũ ãgũ basi òpa arĩñumi:

Goãmũ arĩmi yũ Opũre: “Ohõ yũ diayepũ doaque mũhu. ³⁵ Eropigũ mũre ãhaturĩrãre mũre tarĩnũgabasagũra yũhũ mũ pohro majarã dopa árimorãre,” arĩmi Goãmũ yũ Opũre, arĩ gojañumi Davi.

³⁶ “Eropirã áripehrerã Israe masa ire ãaro masique mũa. Ihĩ Jesure mũa crusague wejẽdĩgũre mũa opũ acuami Goãmũpũ. ãgũre mũare taubũre Cristore apiami Goãmũ, arĩ werepũ Pedro masare.

³⁷ Ìgũ eroparicũ peerã bũrigã bũjawere, gũirã masapũ Pedro sãre serẽpi ãañorã:

—Gũa acawerã, ¿dohpa iirãcuri gũa? arĩ serẽpi ãañorã erã.

³⁸ Erã eropa arĩ serẽpi ãacũ yũhriũpũ Pedro sã.

—Mũa ñero iirire bũjowererã árique. Òarire gohrotoque. Eropirã Jesu waĩ mera waĩyenirã árique mũa áripehrerã. Mũa eropa iicũ mũa ñerire cãdĩjigũcumĩ Goãmũ. Mũa eropa iicũ Espĩritu Santo mũa mera árigũcumĩ. Goãmũ ãgũ Espĩritu Santore eropa ocãgũcumĩ mũare. ³⁹ Mũare, mũa porãre, mũa pãramerã árituriarãre yoorogũe majarãre, áripehrerã Goãmũ mari Opũ ãgũ beyenirãre “Diaye ta itamugũra mũare,” arĩ apĩñumi Goãmũ, arĩpũ Pedro masare.

⁴⁰ Eropa arĩtuhaja baja werenemopũ Pedro. Eropigũ turaro mera werepũ erãre.

—I yeba majarãre erã ñero iira dipuwaja dipuwaja moagũcumĩ Goãmũ. Eropirã mũapũ Goãmũ yarã árique. Mũa eropa áricũ ãgũ mũare dipuwaja moasome, arĩpũ Pedro masare.

⁴¹ Ìgũ eroparicũ peerã bajarã ãgũ werenigũirire ãaro peeñorã. Eropigũ ãgũ sã erãre waĩyepũ. Eropirã Goãmũ yarã mera majarã tres mil masa wanemoñorã. ⁴² Eropirã erã masa Cristo ãgũ apinirã mera ãmũri nũcu árimũriñorã. Eropirã erã buherire ãmũri nũcu peemũriñorã. Erã barire game guere, Goãmũre serẽ, Cristo ãgũ apinirã mera ãaro áricãñorã erã.

Jesu yarã ne áriñũgarã erã áriřicũrĩre werepũ Luca

⁴³ Eropii Goãmũ ãgũ turari mera deyoro moarĩre ii ãhũñorã ãgũ apinirã. Erã eropa iicũ ãarã masa áripehrerã ãha ãca wañorã. ⁴⁴ Eropirã áripehrerã Jesure umũpeorã gamenere, ãaro áricãñorã. Eropirã erã yare game gueremũriñorã. ⁴⁵ Erã yare dua, áripehrerãre gajĩnore moorãre erã nũcu omũriñorã erã. ⁴⁶ Eropirã ãmũri nũcu erã Goãmũ wihigũe gameneremũriñorã. Áripehrerã yũjurãyeri erã wirigũe yũjuyeri cururi mucubiriri mera gamenere bamũriñorã. ⁴⁷ Erã eropa gamenererĩsubũ “Goãmũ ãagũ àhrimi,” arĩ umũpeomũriñorã. Eropirã gajirã masa erãre gametarimũriñorã. Eropigũ ãmũri nũcu Goãmũ gajirãre ãgũ yarã wacũ iimũriũpũ.

3

Curimasibigu ðagu wapu

¹ Ñamicague tres áricü Goãmure serërisubu áricü Pedro, Ñu mera Goãmu wihigue warã iñnorã. Iri wihi disiporo yujugu umu doapu. ² Umari nucu iri wihi disiporo ðari disiporo waicuri disiporo gajirã Ìgure aigãri duhuboñorã. Ìgu umapu ne masa dehyoagugue ta curimasibigu aripu. Eropigu Ìgu iri disiporo pohro doagu niyerure serëmuriapu iri wihire ñajarãre. ³ Eropii Pedro, Ñu iri wihigue erã ejanugajacü curimasibigupu erãre Ìha, niyerure serëpu. ⁴ Eropirã erã Pedro, Ñu mera Ìgure Ìha, Pedropu ðpa aripu:

—Guare Ìaque mahu, aripu Pedro Ìgure.

⁵ Ìgu eroparicü peegu erãre Ìha “Niyerure orãcoma yure,” arí pepiripu. ⁶ Ìgu eropa arí pepiquerecü ta Pedro Ìgure ðpa arí werepu:

—Niyerure opabeaa yuhu. Opabiriqeregu ta ire iigura yuhu mure. Jesucristo Nazare majagu Ìgu turari mera curique mahu, aripu Pedro curimasibigure.

⁷ Eropa arigu ta Ìgu mojitore diayepu maja mojitore ñeha, Ìgure tarawahgu nugupu. Irisubu ta curimasibigu Ìgu guburire, Ìgu ñigarire turari ñajayoro. ⁸ Iri eropa ñajara puhru Ìgu wahgãnugajapu. Eropigu Ìgu waha buhrima maria “Goãmu turagu ðagu áhrimi,” Ìgu arí mucubiridiro mera erã mera Goãmu wihigue ñajaapu pare. ⁹ Ìgu eropa curicü, “Goãmu ðagu áhrimi,” arí gaguinigucü masa árìpehrerã Ìgure Ìaforã. ¹⁰ Eropirã masa Ìgure Ìha masiñorã. “Ìhi iri wihi maja disiporo ðari disiporo pohro Ìgu niyerure serë doagu áhrimi,” aríñorã erã. Eropirã Ìgu eropa curicü Ìarã Ìhamaria wañorã.

Pedro Goãmu wihigue masare buhepu

¹¹ Eropii curimasibiridigu Pedro sãre Ìgu duhubirisubu, masa árìpehrerã Ìhamaria warã Pedro sã pohro omagã, gamenereñorã. Erã Goãmu wihigue árìrã Salomo waicuripugue árìñorã. ¹² Erã eropa gamenerera puhru Pedropu werepu erãre.

—Mua Israe masa, ¿duhpirã Ìre Ìha ucari? ¿Duhpirã guare mua Ìhanurari? Guapu gua ya turari mera, Goãmure gua umupei mera, gua ejatuharo Ìre curicü iibirabu gua. Jesu Ìre iiami. ¹³ Mari ñecu sumarã mura Abrahã, Isaa, Jacobo mura Goãmure umupeiñorã. Erã umupeiogigupu Goãmupu Ìgu magure Jesure turagu, ðagu Ìgu áricü Ìhmumirimi. Mua Jesure Ìhaturirãre ohabu. Eropigu Pilato Ìgure Ìgu peresugue wiudiacü muapu Ìgure Ìgu wiucü gamebirabu. Pilatore Jesure ohabu mua. ¹⁴ Pilato Ìgure wiudiarami. Muapu Jesure ðagure, ðaro Ìgure gamebirã gajigure masa wejëdigupure wiudoreabu mua. ¹⁵ Eropirã Jesure mari ojocaricü iigure wejëabu mua. Ìgu siricü Goãmu Ìgure masuami. Ìgure masudigure gua Ìabu. ¹⁶ Eropirã gua Ìgure umupeiã áhraa. Gua eropa umupeiã Ìagu Ìre mua dohpague Ìagure mua Ìha masigure Jesupu Ìgu turari mera Ìgu curicü iiami.

¹⁷ “Yu acawererã, mari oparã mera Jesure ðaro masibiriquerã Ìgure wejëabu mua. Ìre masia yuhu. ¹⁸ Iribojegue majarã Goãmu yare weremuhtanirã Goãmu erãre Ìgu weredorediro dopa ta wereñuma erã sã. “Cristo ñero tarigucumi,” arí wereyuñuma erã. Erã eropa arí werediro dopa ta eropa wabu dohpaguere. ¹⁹ Eropirã dohpaguere mua ñero Ìrare bujawererã árìque. Òaripure gohrotoque. Cristore umupeiogue. Mua eropa iicü mua ñerire cãdijigucumi Goãmu. Eropigu muare mucubiriririre apigucumi Ìgu. Eropirã ðaro siñajarãca. ²⁰ Eropigu Goãmu Cristore Ìgu beyedigure muare obeogucumi daja. Cristo Jesu ta áhrimi. ²¹ Ìgu Jesu Goãmu pohroque áricumi dohpa. Iribojegue Goãmu Ìgu yare weremuhtanirãre wereyudoreñumi Ìgu iiburire. Ìgu werediro dopa ta árìpehrero amugu iicumi. Ìgu amutuhaja Cristore obeogucumi daja. ²² Moise Ìre Ìre weregu ðpa aríñumi: “Mari mera majagure mari acaweregure Goãmu yare weremuhtagure Goãmu mari Opu obeogucumi muare. Yare Ìgu obeodiro dopa ta obeogucumi Ìgu sãre. Eropirã muare Ìgu werecü peepehrecãrãca mua. ²³ Òpa árìroca. Árìpehrerã Ìgure peebirã, Ìgu dorerire iibirã Ìgu cõãñirã árìrãcoma. Goãmu yarã mera majarã árìsome erã,” aríñumi Moise iribojegue.

²⁴ “Árìpehrerã Goãmu yare weremuhtanirã nucu, Samue Ìgu puhru árìrã sã i dohpague warire wereyuñuma. ²⁵ Mari ñecu sumarãre iribojegue majarãre “Masare ðaro iigura,” arí weremuriñumi. Ìgu erãre werediro dopa Ìre Ìre Ìre dohpaguere. Eropigu Abrahãre Ìgu aridiro dopa ta mari sãre arí weregu iñumi. Òpa arí wereñumi Goãmu Abrahãre: “Árìpehreri yeba majarãre ðaro iigura. Òpa Ìre iigura: Mu acaweregu puhru árìgupu masare ðaro iibasagucumi yare,” aríñumi Goãmu Abrahãre.

²⁶ Maripure Goãmu Jesure İgu magure İgu masudigure mari pohrogue obeomũhtami mari ñero iirare cõabure. Eropa iigu İgu mũare õaro iiami, arĩpu Pedro erãre.

4

Pedro, Ñu mera oparãre weretamuñorã

¹⁻³ İgu eropa wereniguisubu pahia, Goãmu wihire corerã surara opu, saduceo masa sã erãre peeñorã. Opa buhepu Pedro Ñu mera masare:

—Jesu İgu sĩrira pũhrũ masa mũria wami. İgu eropa masa mũriacũ İarã, pũhrũ mari sã İgu yarã mari masa mũriaborore masia mari, arĩ werepũ Pedro sã. Erã eroparicũ peerã, oparãpu erã mera guañorã. Eropa guarã naimerecũ İarã erã Pedroro, gajirã Jesu apinirã sãre ñeha, peresu iñorã. ⁴ Oparã eropa gamebiriqerecũ ta masa bajarã Goãmu yare Pedro sã buherire peerã “Diaye ta ãhraa,” arĩ pepiñorã erã. Eropirã Jesu yarã bajarã wañorã. Erã ũaa dihtare queocũ Jesure umupeorã cinco mil masa arĩñorã.

⁵ Eropii gajinũ iri maca majarã mũrã, oparã, judio masa buherã mera Jerusalengue gamenereñorã. ⁶ Eropigu pahia opu Ana waĩcũgu ero arĩpu. İgu acawererã sã arĩñorã. Caifa, Ñu, Alejandro, gajirã mera Ana acawererã arĩñorã.

⁷ Eropirã erã Pedro sãre erãre gamebeocũ, surarapu peresugue erãre aĩwiu oparã watopegue erãre aĩ ejañorã. Erã eropa iira pũhrũ oparã serẽpi iañorã Pedro sãre.

—¿Noa ya turari mera mũa curimasibigure õagu iiarĩ? ¿Noa ãhriri mũare irire iidoregu? arĩ serẽpi iañorã erã.

⁸ Erã eroparicũ peegu Espiritu Santo İgu itamurire õaro opagu werepu Pedro erãre.

⁹ —Mũa oparã, mũa mũrã, ¿gua curimasibigure gua õagu iirare serẽpi İarã iiri mũa gaare? ¹⁰ Ire masique mũa arĩpehrerã, Israe masa. Ire Jesucristo eropa iiami. Jesu Nazare majagu, mũa crusague wejẽdigũ, Goãmu masudigu, İgupũ ihĩ curimasibigure õagu wacũ iiami. Eropirã İre dohpaguere mũa ihuro İgu curicũ İhaa mũa. Opa ãhraa Goãmu yare erã gojarapũgue Cristore wereyuro: ¹¹ “İhĩ Cristo utãye iro dopa ta Goãmu beyedigũ ãhrimi. İgu Goãmu beyedigũ arĩqerecũ masa İgure gamesome. İgure erã gamebiriqerecũ Goãmu İgure opu acuami arĩpehrerãre dorebure,” arĩ gojañumi iribojegue. ¹² Ne gajigu masare peamegue wabonirãre taugu ne marimi. I yebaguere Jesu dihta masare taugu ãhrimi. Ne gajirã İgu iro dopa arĩrã ne marima, arĩ werepu Pedro erãre.

¹³ İgu eropa arĩ werera pũhrũ, Pedro Ñu mera buheya marirã erã arĩcũ İarã, gũiro mariro erã buhecũ İarã, mũrã, oparã, judio masa buherã mera pee ũaa wañorã. Eropirã Jesu iro dopa erã buhecũ İarã, opa pepiñorã erã. “Pedro, Ñu sã diaye ta Jesu mera majarã ta ãhrima oa,” arĩ pepiñorã erã. ¹⁴ Eropigu curimasibiridigu Pedro sã mera arĩpu. İgu, İgu õagu arĩcũ iañorã mũrã, oparã, judio masa buherã mera. Eropirã erã Pedro sãre “Nero iirã iiaa,” arĩ weresãmasibirĩñorã. ¹⁵ Eropa weresãmasibirã oparã erã gameneri taribugue arĩrãre Pedro sãre wiriadoreñorã. ¹⁶ Erã wiriara pũhrũ erã basi weretamuñorã.

—¿Oãre dohpa iirãcuri mari? arĩ wereniguiñorã erã.

Opa arĩ wereniguinemoñorã:

—Pedro, Ñu mera Goãmu turari mera curimasibigure curicũ iinirã ãhrama. Eropirã Jerusalen majarã arĩpehrerã erã eropa õaro iirare masiama. Eropirã maripu “Eropa iibirama erã,” arĩmasibeaa mari. ¹⁷ Eropirã Jesu İgu buherare gajirãre buhedorebircãrã erãre gajirã erã buherire gameri arĩrã, arĩ wereniguiñorã erã erã basi.

¹⁸ Eropa arĩ wereniguituha Pedro sãre sihubeo opa arĩñorã:

—Jesu İgu buherare ne buhebircãque gajirãre. Irire ne wereniguibircãque, arĩrĩñorã erãre.

¹⁹ Erã eroparicũ peerã Pedro Ñu mera õpa arĩñorã erãre:

—Mũa opa arĩcũ mũare yuhrirã Goãmupure tarinugãrã iiboca gua. ¿Nihĩ yapure gua werecũ gahmeri mũa? ¿Mũa yapure gua iicũ gahmeri mũa? ¿Goãmu yapure gua iicũ gahmeri mũa? ²⁰ Guapure gua İarare, gua peerare guare yayasãma masiya mara masare, arĩ yũhrĩpu Pedro Ñu mera.

²¹ Erã eroparicũ peerã oparãpu dipaturi doreriñorã daja erãre.

—Jesu İgu buherare mũa buherã ñero tarirãca mũa, arĩrĩñorã oparã erãre.

Erãre “Ñu, Pedro mera ñero iirã iima,” arĩmasibirĩñorã erã. Eropirã masapu curimasibiridigu İgu õagu wacũ İarã, “Goãmu diaye ta õagu ãhrimi,” arĩñorã masa. Erã eroparicũ peerã oparãpu Pedro sãre dipuwaja moamasibiri, erãre wiuñorã. ²² Curimasibigu õagu erã iidigu cuarenta bojori opagu arĩpu.

Jesu yarā erā gūibiriburire serēñorā Goāmure

²³ Eropii, Pedro Ñu mera erā mera majarā pohroge eja, pahia oparā, mārā erāre erā arirare wereñorā. ²⁴ Erā eroparicū peerā erā árípehrerā yujuro mera mari Pagure Goāmure serēñorā.

—Gua Opū, mūhū umarore, yebare, diarire iigu, árípehrerāre ojocaricū iigu āhrra mūhū. ²⁵ Mū Espírítu Santo gua ñecure Davi mūrare mū pohro majagure opa weredoreyoro mū arídiro dopa ta:

¿Duhpirā judio masa áríbirā guari? Pee masibirā āhrima masa. ²⁶ Baja macari majarā oparā gamenere, mari Opū Goāmure, ígu opu acudigu Cristo säre ihaturi, ñero iidama erā, arí weredoreyoro mūhū Davire iribojeuere.

²⁷ Eropa ta āhrra, arí serēnemoñorā Goāmure. I macare Herode, Poncio Pilato, judio masa áríbirā, judio masa mera mū beyedigure Jesure oagu mū pohro majagure wejēdia gamenereama. ²⁸ Irisubu mū gamediro dopa ta “Eropa waroca,” mū arídiro dopa ta iama erā. Mū masiri mera eropa wereyoro mūhū. ²⁹ Eropigu, gua Opū, erā guare “Mua buheri waja ñero tarirāca,” erā arirare guñaque mūhū. Guare itamuque. Eropigu guare mū pohro majarāre güiro mariro mū buherire weredoreque guare. ³⁰ Mūhū mū turari mera dorecurāre oarā iique. Eropigu mū buherire güiro mariro werēcū iique guare. Eropigu mū deyoro moarare Jesu mū pohro majagu ígu turari mera ii ihmudoreque guare. Eropigu dorecurāre oarā gua wadorecū mū turari mera itamuque guare, arí serēñorā erā mari Pagure.

³¹ Erā eropa arí serēra pūhrū, erā gamenereri wihí ñohmemaa wayoro. Ero eropa ñohmecū ta Espírítu Santo ígu turari mera guñaturarā wacū iipū erāre. Eropa warā, Espírítu Santo ígu dorediro dopa ta iñorā. Güiro mariro Goāmū yare wereñorā erā.

Jesu yarā erā yare dūca wañorā

³²⁻³³ Eropirā Goāmū ígu turari mera erā Jesu ígu apinirā opa arí wereñorā masare: Jesure Goāmū masudigure gua íabu, arí wereñorā erā masare. Eropigu Goāmū erā árípehrerāre oaro itamumripū. Eropirā Jesure umupeorā bajarā árñorā. Erā yujuropa ta pepirā árímariñorā. Eropirā erā erā yare erā doberire “Yaha dihta āhrra,” ne aríbirñorā. Erā árípehrerā erā yare gajinore moorāre erā mera majarāre dūca wamuriñorā. ³⁴ Eropirā erā mera majarā mojomorocurā marimuriñorā. Erā mera majarā yeba oparā, wiri oparā erā yare duamuriñorā. ³⁵ Eropa duarā erā wajasearare erā aigāri, Jesu ígu apinirāre omuriñorā. Eropirā erāpū irire erā mera majarāre dūca wamuriñorā. Árípehrerā opabirāre dūca wañorā. ³⁶ Irisubure yujugu erā mera majagu José waícugu árípū. Jesu ígu apinirā Josere Bernabé waíyeñorā. Ígu waí Bernabé “Masare mucubiricū iigu āhrimi,” aríma Griego ya mera. Ígu Leví ya curu majagu Chipre ñuguro majagu árípū. ³⁷ Eropigu ígu poeri opagu árígu irire duapu. Eropigu ígu wajasearare Jesu ígu apinirāre opu ígu gajirāre gueredoregu.

5

Ananía ígu marapo Safira mera guyapu

¹ Gajirā sá Bernabé iro dopa iimuririñorā. Erā Ananía waícugu, ígu marapo Safira waícugo árñorā. Eropigu Ananía erā ya poerire duapu ígu. ² Eropa duaqueregu ta ígu wajasearare ígu basi aipū. Ígu marapo sá ígu eropa iirare masipo. Eropigu erā wajasearare aigāri, Jesu ígu apinirāre opu Ananiapu. Eropa ogu, “Opehogu iiaa,” aríripū ígu. ³ Ígu eropa iicū íagu Pedro ígure werepū.

—Ananía, watí mure guyadorecū mūhū guyabu Espírítu Santore. Eropigu mūa ya poerire dua, mū wajasearare mū basi aibu āhrabu mūhū. ⁴ Mū duaboro core mūa ya poeri árñibū. Eropiro mū duara pūhrū mū ya wajatari ta āhrabu. ¿Eropigu dohpa árñonore eropa guayari mūhū? Mūhū gua dihtare guyabeaa. Goāmū säre guyabu mūhū, arípū Pedro ígure.

⁵ Ígu eroparicū peegu ta, Ananiapu mehmereja, síria wapu. Eropirā árípehrerā ígu eropa warare masirā, burigā güiñorā. ⁶ Ígu sírira pūhrū mamarā ahri, ígu dūpūre suhri mera oma, disiporogue aigā, yañorā ígure.

⁷ Eropii uhre hora pūhrū Ananía mūrū marapo ígu sírirare masibigo Pedro pohroge ñajapo. ⁸ Eropigu Pedro igore opa arípū:

—¿Mua ya poerire duanijarā dipē wajatari mūa? arípū ígu. Eropigo igo igo marapu mūrū ígu aríñañepē ta, “Iripēta wajatabu gua,” arí wereripo igo sá. ⁹ Eropigu Pedro igore werepū:

—¿Duhpirā m̄ua yujuro mera Goām̄u Espiriture guya ĩhadiari m̄ua? Peeque dohpaguere. M̄u marap̄u m̄ur̄ure yaanirā ta ahrima daja. M̄u s̄are m̄u d̄up̄ure aĩrā ahrima, arĩp̄u Pedro.

¹⁰ Ĩgu eropa arĩ werecũ ta igo mehmereja, s̄iria wapo. Eropirā mamarā iri wihire ñajarā, igo ya d̄up̄u m̄ur̄arore aĩ wiria wañorā. Aĩgā, igo marap̄u m̄ur̄u dipaba yaañorā. ¹¹ Eropirā Jesu yarā arĩpehrerā gajirā irire peerā s̄a, gũitariacañorā.

Jesu ĩgu apinirā Goām̄u turari mera ii ĩhmuñorā

¹² Eropirā masa watope Jesu ĩgu apinirā bajasuburi Goām̄u turari mera deyoro moarire ii ĩhmuñorā. Eropirā erā Salomo waĩc̄uri taribugue ðari taribugue gameneremuriñorā. ¹³ Eropirā gajirā erāre gũirā, erā pohrogue wabiriñorā. Eropa gũiquererā erāre Jesu ĩgu apinirāre, “Oarā ahrima oā,” arĩñorā masa. ¹⁴ Eropirā ũma, nome bajarā Jesure umupeonũgañorā. ¹⁵ Eropirā erā dorec̄urāre aĩḡari, omasiariñe mera p̄t̄āpi apigañorā Pedro waburi mague erāre. Eropirā dorec̄urāre ðarā wacũ gamerā Pedro erāre ĩgu ñapeocũ gameñorā erā aĩḡanir̄ap̄u. Erāre ĩgu ñapeobiricũ Pedro erā weca ĩgu watĩ merejariñe dihtare gameñorā erā. Iri dihtare gameñorā erā erā ðarā waboro dopa. ¹⁶ Eropirā Jerusalén pohro arĩri macari majarā s̄a, dorec̄urāre, watēa ñajas̄unirā s̄are aĩḡariñorā. Eropirā erā arĩpehrerā erā d̄up̄u ðaro wañorā.

Oparāp̄u Jesu ĩgu apinirāre ñero ĩdoreñorā

¹⁷ Ĩgu eropa iicũ ĩarā pahia op̄u, ĩgu mera majarā mera Pedro s̄are peyoc̄up̄u. Pahia op̄u mera majarā saduceo masa arĩñorā. ¹⁸ Pedro s̄a iirare peerā erā guatarirā Jesu ĩgu apinirāre ñehadore, peresu iĩñorā. ¹⁹ Eropiira p̄hr̄u iri ñami ta Goām̄u ĩgu anyu p̄āḡup̄u erāre peresugue arĩrāre. Tuhajanugu erāre wiriridore ða arĩ werep̄u anyu.

²⁰ —Goām̄u wihigue waque. Iri wihigue arĩrā Goām̄u masare ĩgu tauburire, iri ðari buherire wereque masare, arĩp̄u anyu erāre.

²¹ Ĩgu eroparicũ peerā ñamiğā ñari Goām̄u ya wihigue ñaja, masare buheñorā erā. Irin̄u ta pahia op̄u, ĩgu mera majarā, Israe masa oparā mera gamenere, Jesu ĩgu apinirāre peresugue arĩrāre aĩḡaridorerip̄u surara oparāre. ²² Eropirā surara oparā peresugue doarāp̄ure aĩḡarirā wariñorā. Erāre bocabiriñorā. Bocabiri dujaa wañorā daja. ²³ Dujaja wereñorā erā oparāre.

—Peresugue arĩri disiporori bihara disiporori ahrab̄u. Eropirā erā iri disiporori pohro peresu iinirāre corerā ñguiama. Eropa ĩabu gua. Eropirā gua disiporore p̄āḡucũ, masa marab̄u, arĩ wereñorā erā.

²⁴ Erā eroparicũ peerā, surara Goām̄u wihire coreñirā op̄u, pahia oparā mera irire pee ũca wa, “¿Dohpa waha ojogoroc̄ur̄ac̄uri erā eropa iirā?” arĩ pepiñorā erā. ²⁵ Eropigu erā pohrogue gajiḡu ahr̄i, erāre werep̄u.

—M̄ua peresu iinirā Goām̄u wihigue ahr̄ama. ĩarā waque bu. Iri wihigue masare buherā iĩama erā, arĩ werep̄u.

²⁶ Ĩgu eroparicũ pee, surara op̄u, ĩgu surara mera waha, Jesu ĩgu apinirāre dipaturi ñeaḡariñorā daja. Eropa ñearā erāre surara turibiriñorā. Eropirā erāre pabonirā arĩquererā, masare gũirā pabiriñorā erāre. “Oāre mari pacũ gajirā masap̄u ũtā mera dearācoma marire,” arĩ pepiñorā erā surarap̄u. ²⁷ Eropirā erāre aĩḡari, oparā core duhudoboñorā erāre. Erā eropa aĩ eraa dobocũ pahia op̄u erāre turip̄u.

²⁸ —Muare gua weretuhabu. Jesu yare buhebiric̄aque, arĩrab̄u gua muare. Gua eropa arĩquerecũ ta m̄uap̄u arĩpehrerā Jerusalén majarāre buheha m̄ua. Jesu ĩgu s̄ir̄ira waja, guare dipuwajacucũ iidiarā iica m̄ua, arĩp̄u pahia op̄u.

²⁹ Ĩgu eroparicũ peegu Pedrop̄u gajirā Jesu ĩgu apinirā mera yuhrip̄u.

—Goām̄u ĩgu dorerap̄ure iim̄htarāra. Eropirā p̄hr̄u Goām̄u gamecũ masa erā dorerire iirāra. ³⁰ Goām̄u mari acawererā iribojegue majarā op̄u Jesure masudi arĩmi. Ĩgu ta ahrimi m̄ua crusague pabia wejēdiḡu. ³¹ Jesure masura p̄hr̄u Goām̄u ĩgure “Oağ̄u ahrimi,” arĩ, ĩgu diayep̄u doadoremi Jesure ĩgu Pagup̄u. Eropigu Jesu masa op̄u, masare masuḡu arĩḡu, Israe masare erā ñeri iirare bujawererā arĩdoreḡu, erā ñerire cōādiami Jesu. ³² Eropirā guap̄u Jesu ĩgu iirare ĩanirā arĩrā irire werea gua. Espiritu Santo irire ĩhmuğ̄u arĩḡu weremi ĩgu s̄a. ĩgure Espiritu Santore Goām̄u obeomi. Arĩpehrerā Goām̄u dorerire iirāre ĩgu Espiritu Santore ohomi, arĩ werep̄u erāre.

³³ Ĩgu eroparicũ peerā oparāp̄u guatariacañorā. Eropirā erā Jesu ĩgu apinirāre wejēdiariñorā. ³⁴ Irisubure erore Gamalie fariseo mas̄u ero arĩḡu erāre wejēdoreḡu iibirip̄u. ĩgu oparā mera majaḡu, dorerire buhegu ĩgu arĩcũ, masa erā umupeoḡu arĩp̄u. Eropigu ĩgu Jesu ĩgu apinirāre merogā coredoreḡu gajipugue erāre aĩḡadorep̄u surarare. ³⁵ Erā eropa aĩḡara p̄hr̄u ĩgup̄u werep̄u masare.

—Maa Israe masa, oäre maa iiburire ðaro pepique maaque wejêri arîrâ. ³⁶ Guñaque Teuda mure. Îgu, îgu basi “Masare tarinugagu âhraa yahu,” arîmi masare. Eropirâ masa bajarâ cuatrocientos masa îgu mera majarâ dujama. Eropirâ gajirâpû îgure wejênirâ árîma. Îgu sîricû îha îgu buherire buhenirâpû wasiria wanirâ árîma. Eropirâ erâ dohpaguere marima. ³⁷ Pâhrû masare erâ queorisubu árîcû Galilea majagu Juda waicûgu masare îgu buhecû îgu mera masa bajarâ dujama. Îgu sâ sîria wadî árîmi. Eropii îgu yarâ árîpêhrerâ wasiria wanirâ árîma erâ sâ. ³⁸ Eroparîgu dohpaguere mure ire arîgu iiaa. Eropa îacâque oäre Jesu yare wereräre. Eropii i buheri oâ erâ ya buheri Goâmû ya buheri árîbiro, pehrea waroca. ³⁹ Goâmû ya buheripû árîro, ne pehresome. I buheri Goâmû ya árîcû ne ire ne dederecû iimasibea maa. Maa ire dederecû iidiarâ Goâmû mera gamequeârâ iiboca maa, arîpû Gamalie eräre.

Îgu eropa arî werecû peerâ, “Diaye ta âhraa,” arî, peeñorâ oparâ. ⁴⁰ Eropirâ erâ Jesu apinirâre sihubeo, erâ eracû îarâ eräre târañorâ. “Jesu yare buhebiricâque maa,” arîtuhaja, eräre wadoreñorâ.

⁴¹ Eropa wadorecû peerâ erâ oparâ pohrogue árîñirâ waha wañorâ. Jesu ya árîburire ñero tarirâ burigâ mucubiriñorâ Jesu îgu apinirâ. ⁴² Eropirâ umari nucu erâ ya wirigüe, Goâmû wihigüe säre Jesucristo yare buhe weremuriñorâ erâ.

6

Siete itamumoräre beyeñorâ Jesu yarâ

¹ Irinurire Jesure umupearâ bajarâ wañorâ. Eropirâ griego masa judio masa mera gameturiñorâ erâ Jesu yarâ dihta árîquererâ. Griego masa wapeweyarâ nomere umari nucu erâ barire ðaro erâ guerebiricû îarâ judio masare turiñorâ. ² Eropirâ Jesu îgu apinirâ, docepû Jesure umupearäre árîpêhreräre erâ pohrogue sihubeo, ðpa arî wereñorâ:

—Gua Goâmû yare buherâ âhraa gua. Barire gueremorâno árîbea gua. ³ Eropirâ maa gua acawererâ, siete umare, gajirâ “Óarâ,” erâ arîräre, Espiritu Santo oparäre amaque. Erâpüre barire gueredoreque maa. ⁴ Eropirâ guapû umari nucu Goâmûre serê Goâmû yare buherâca, arîñorâ Jesu apinirâ erâ Jesure umupearäre.

⁵ Erâ eroparîcû peerâ, “Áu, eropa ta iirâ,” arîñorâ erâ árîpêhrerâ Jesure umupearâ. Eropirâ Estebanre Cristore umupegure, Espiritu Santo turarire wuaro opagure beyeñorâ erâ. Gajirâ säre beyeñorâ. Felipere, Prócorore, Nicanore, Timore, Parmenare, Nicolare bari gueremoräre beyeñorâ erâ. Nicolapû judio masû árîbigû Antioquía majagu judio masa buherire gamegu erâ mera ñajadigû árîpû. ⁶ Erâ beyeniräre Jesu îgu apinirâ pohro aî erañorâ gajirâ Jesu yarâpû. Erâ eropa aî eracû îarâ erâ Goâmure serêbasañorâ. Eropirâ erâ beyenirâ weca erâ mojotorire duhpeñorâ Goâmû turarire orâ.

⁷ Eropirâ iri yeba majarâ Goâmû yare masipehrenijarâ iñorâ. Eropirâ Jerusaléngue árîrâ Jesure umupearâ bajarâ wanemoñorâ daja. Eropirâ pahia sâ bajarâ Jesu yarâ wañorâ.

Gajirâ Estebanre ñeañorâ

⁸ Eropigû Esteban Goâmû turarire opagu árîpû. Îgu Goâmû ðaro iigu árîpû. Eropigû Îgu Goâmû turari mera deyoro moarire ii ñmupû masa erâ îaro. ⁹ Judio masa erâ buheri wihi majarâ îgure îhaturiñorâ. Eropirâ îgu mera game duyasonugañorâ. Erâ Liberto waicûrâ árîñorâ. Eropirâ erâ Cirene majarâ, Alejandría majarâ, Cilicia majarâ, Asia majarâ mera bajarâ árîñorâ erâ Esteban mera duyasonâ. ¹⁰ Esteban masigû dopa ta, Espiritu Santore wuaro opagu ta îgu wereniguicû peerâ erâ yujuro bojebiriñorâ îgure. ¹¹ Eropa yujuro bojebirâ erâ gajiräre ahma guyadore, wajayeñorâ eräre. Erâ eropa guyadorecû ðpa arî weresañorâ erâ Estebanre:

—Îñî Goâmûre îgu ñero wereniguicû, Moisere îgu ñero wereniguicû säre gua peeabû, arî weresañorâ erâ guyarâpû gajiräre.

¹² Erâ eroparîcû peerâ masa, judio masa buherâ, mura sâ îgu mera guañorâ. Eropirâ erâ Estebanre ñeha erâ oparâ pohro aigãñorâ îgure. ¹³⁻¹⁴ Eropirâ erâ gajiräre guyanemodoreñorâ. Ñpa arîñorâ erâpû:

—Îñî umari nucu Goâmû wihire, îgu doreri säre ñero wereniguigû âhrimi. Peeabu gua îgure îgu ðpa arîcû. “Jesu Nazare majagu Goâmû wihire cóagucumi. Eropigû Îgu Moise dorerare marire îgu wererare gohrotogucumi Jesu,” arâmi Esteban gua peecû, arî guya weresañorâ erâ. ¹⁵ Eropirâ árîpêhrerâ ero doarâ Estebanre ðaro îhamehtu, îgu diapore îañorâ erâ. Anyu iro dopa deyoyoro îgu diapo.

7

Esteban Jesu yare werepũ

¹ Eropii pahia opu serẽpipũ Estebanre.

—¿Oã erã arĩri diaye ta àhriiri? arĩ serẽpipũ Ìgu Estebanre. ² Ìgu eroparicũ peegu, Estebanpu erãre òpa arĩ werepu:

—Acawererã, murã, gua pagu sumarã, peeque. Abrahã mari ñecu muru iribojegue majagu Mesopotamiague Ìgu áricũ, Harángue Ìgu áriboro core, Goãmu turagu gosesiriro dopa Ìgure Abrahãre dehyoañumi. ³ Eropa dehyoagu Goãmu wereñumi Ìgure. “Mu ya yebare mu acawererã mera áribiricãque. Eropigu gaji yebague waque. Mu eropa wacũ mure iri yebare ìhmgura yuhũ,” arĩpu Goãmu Abrahãre. ⁴ Ìgu eroparicũ peegu Abrahã sã Caldea majarã ya yeba árirã wañuma. Pu Harángue ejañuma. Erogue eja áriñuma. Eropigu Ìgu pagu Ìgu sĩrira puhru i yeba dohpague mua árii yeba Goãmu ta áridoreñumi Abrahãre. ⁵ Ìgure eropa áridorequeregu Goãmu Abrahã Ìgu árii yebare òaro gohra apibirimuriniñumi Ìgure. Ne merogã apibiriniñumi. Eropigu Abrahã Ìgu porã marigu áriquerecũ ta Goãmupu Ìgure òpa arĩ wereñumi. “Mure mu pãramerã gaji turi majarãguere i yebare ogura,” arĩñumi Goãmu Abrahãre. ⁶ Eropa arĩgu ta òpa arĩ werenomũni Goãmu Abrahãre. “Mu pãramerã gaji turi majarãguere gaji yebague waha, erogue gajirã pohro árirã erã pohro majarã árirãcoma erã. Eropirã cuatrocientos bojori gohra ero majarã ñero iirãcoma mu pãramerã áriturirãguere. ⁷ Eropigu ero majarãre erã eropa iira waja dipuwaja moagura yuhũ. Yuhũ eropiira puhru mu pãramerã i yeba erarãcoma daja. Eropirã i yeba yu dorerire iirãcoma erã,” arĩñumi Goãmu Abrahãre. ⁸ Eropa arĩgu Goãmu “Yu arĩdiro dopa ta iigara,” arĩgu Abrahã Ìgu guñaburire òpa apiñumi Ìgure. Merogã gasirogãre Ìgu dupure wiri áidoreñumi Ìgure, Ìgu eropa arĩ wereraguere guñadoregu. Eropiira puhru Abrahã Isaare porãcũñumi. Ocho nari puhru merogã gasirogãre wiri aĩñumi Isaa dupu sãre. Puhru Isaa Jacobore Ìgu porãcũra puhru wiri aĩñumi Ìgu dupu sãre. Eropigu Jacobo doce gohra porãcũñumi. Erã doceru mari cururi nacu oparãque árimurĩñuma.

⁹ “Eropirã erã Jacobo porã mari ñecu sumarã mura Josere erã pagu magare peyocumurĩñuma. Ìgure cohã, duacãñuma Egiptogue warãre. Eropigu Josere Goãmu itamumurĩñumi. ¹⁰ Ìgu ñero taricũ ìagu Goãmu Ìgure itamumurĩñumi. Ìgu eropa itamucũ Joseru òaro pee masigu wañumi. Eropigu faraõ Egipto majagu opupu Josere Ìgu gamecũ iĩñumi Goãmupu. Ìgu eropiicũ faraõpu Josere Egipto majagu opu, Ìgu ya wihi majagu opu apiñumi.

¹¹ “Eropii irisubure ta Egiptogue, Canaa waicuri yeba sã ne deco aribiriyoro. Eropirã ero majarã ñero tariñuma. Eropirã Canaague árirã Jacobo porã mari ñecu sumarã mura bari bocabirimurĩñuma. ¹² Eropigu Egiptogue trigo áricũ peegu, Jacobo Ìgu porãre erogue bari asudoregu ne obeogu iĩñumi. ¹³ Puhru Egiptogue erã ejacũ José Ìgu tĩrãre wereñumi. “Mua pagu magu ta àhraa yuhũ,” arĩñumi erãre. Eropigu José acawererãre ne ìagu iĩñumi opu faraõ waicugu. ¹⁴ Puhru José Ìgu tĩrãre erã pagu Jacobore sihudoregu obeoñumi. Ìgu acawererã setenta y cinco masa áriñuma irisubu. ¹⁵ Ìgu magu Ìgu sihubecũ peegu Jacobo Egiptogue wañumi Ìgu magu pohrogue. Ìgu magu pohro àhri, puhru sĩa wañumi pare. Eropirã Ìgu porã mari ñecu sumarã mura erogue sĩripehrea wañuma erã sã. ¹⁶ Eropirã Siquẽ waicuri yebague erã dupure aĩ, masa goberigue seatuha yaañuma erã dupure. Abrahã Ìgu asura yebague áriyoro iri yeba erãre yaara yeba. Ero core Abrahã iri yebare Hamor porãre asũyũñumi niyeru mera.

¹⁷ Eropigu Goãmu Abrahãre “I yebare ogura mure,” arĩmurĩñumi. “Iri yebare ogura,” Ìgu arĩrasubu ejacũ Abrahã pãramerã Israe masa bajarã masa wañuma. Egiptogue áriñuma. ¹⁸ Egipto yeba erã árinicũ, gajigu opu ñajañumi. Eropigu Ìgu opupu José murare masibirĩñumi. ¹⁹ Eropigu Ìgu mari acawererãre ñero iidia, erã porãre wejedia, erã porãre wejẽ coãcadoreñumi erãre. Eropigu mari ñecu sumarãre ñero iĩñumi opu faraõpu. ²⁰ Ìgu eropiirisubu Moise áribupu masa dehyoañumi. Ìgu òagu, Goãmu òaro ìhasagu árimurĩñumi. Eropirã Ìgu pagu sumarã urerã abe gohra òaro ìhadibuñuma Ìgugãre. ²¹ Moiserẽ dibunemomasibiricũ Ìgure erã cõara puhru opu mago Ìgure boca aĩ majaa, ìgo magu ìro dopa ta dibuñumo Ìgure. ²² Eropirã Egipto majarã òaro masirã yare buheñuma Moiserẽ. Eropigu güiro mariro wereniguigu opu ìro dopa iigu áriñumi Moise.

²³ “Eropigu Moise cuarenta bojori Ìgu opaboro core Ìgu acawererãre Israe masare ìadiagu erã pohrogue curigu wañumi. ²⁴ Eropa curigu ejagu Egipto majagu Moise

acaweregure ĩgu ñero iicũ Moise ĩañumi. Eropã ĩagu ĩgu acaweregure itamuñumi Moise. ĩgu acaweregure itamugu Egipto majagũpũre pa wejẽcãñumi ĩgu. ²⁵ Eropirgu Moise õpa arĩ pepiriñumi. Yu acawererã erã acaweregure yu itamucũ ĩarã, 'Goãmu marire õaro taricũ iidoregũ oboeñumi ĩre,' yu acawererã yare arĩ pepirãcoma," arĩ pepiriñumi Moise. Erãpũ ne eropa pepibiriñuma. ²⁶ Gajinũ Moise ĩgu acawererãre perã erã basi gamequeãrãre ĩapũ. Eropigũ ĩgu erãre bosariñumi. "¿Mũa basi áriquererã gamequeãri mũa?" arĩñumi Moise erãre. ²⁷ ĩgu eroparicũ peegu yujugu ĩgu acaweregure ñero iigu Moiserẽ tubeoñumi. "Mũhũ gua opu áribeaa. Gũare doregũ áribeaa mũhũ. ²⁸ ¿Carũre Egipto majagũre mũ wejẽdiro dopa ta yu sãre wejẽdiagu ĩiri mũhũ?" arĩñumi ĩgu Moiserẽ. ²⁹ ĩgu eroparicũ pee uca wa Moise oma duhrigã waha wapũ. Madiãn waĩcũri yebague waha wañumi. Erogue nomeore boca perã porãcũñumi.

³⁰ "Eropii Moise cuarenta bojori gohra ero ĩgu áriũa pũhrũ Sinai waĩcũdigũ utãgu pohro masa marirogue ĩgu áricũ anyu ĩgure dehyoãñumi. ³¹ Eropã irigugã uĩjũcũ ĩagu Moise ĩha uca wañumi. Iri peamere pohrogã õaro ĩgu ĩagu wacũ gohra Goãmu ĩgure wereñumi. ³² "Goãmu áhraa yũhũ. Mũ ñecu sumará, Abrahã, Isaa, Jacobo erã Goãmu áhraa yũhũ," arĩñumi Goãmu Moiserẽ. ĩgu eroparicũ peegu Moisepũ naragãñumi. Ne ĩha wahgũbiriñumi. ³³ Eropigũ Goãmu wereñumi ĩgure. "Dohparagã yu pohro niguigu ĩiaa mũhũ. Eropigũ guhyadiaro mera mũ zapature tuweaque. ³⁴ Yaharã masa Egiptogue erã ñero taricũ ĩabu. Erã siwererire peeabu. Eropigũ erãre itamugu ahrabũ. Erã eropa wacũ ĩagu waque mũ sã. Egiptogue mũre oboegura erãre itamudoregũ," arĩñumi Goãmu Moiserẽ.

³⁵ "Erãpũ mari acawererã Israe masa Moiserẽ gamebirituhajañuma. "Mũhũ gua opu áribeaa. Mũhũ guare doregũ áribeaa," Moiserẽ eropa arĩrã gamebirã iituhajañuma. Eropã erã Moiserẽ gamebiriqerẽcũ Goãmu ĩgure Egiptogue oboeñumi mari acawererãre, Israe masare itamubure, erãre dorebure. ĩgu eropa oboegũ anyupũre ĩgure yucũgũgue dehyoadigure itamudoreñumi ĩgure. ³⁶ Moise ta mari acawererãre Israe masare Egiptogue áriũre wiudigu arĩñumi. Eropigũ Egiptogue eja, ĩhĩ Moise Goãmu turari mera ĩi ĩhmunũgañumi. Eropigũ wũariya diariyague eropa ta ĩiñumi daja. Pũhrũguere masa marirogue sãre cuarenta bojori gohra Goãmu turari mera deyoro moarire ĩi ĩhmunũriñumi ĩgu erãre. ³⁷ ĩhĩ Moisepũ mari acawererãre Israe masare weremũriñumi. "Yu ĩro dopa ta Goãmu yare weremũhtabure Goãmu oboegucumi. Eropigũ ĩgu mũa mera majagu mũa acaweregũ árigucumi. ĩgu eropa eracũ ĩgure õaro peeque mũa," arĩmũriñumi Moise erãre. ³⁸ Moise masa marirogue mari acawererã Israe masa mera áriũriñumi. Eropigũ mari ñecu sumará iribojegũ majarã mera áriñumi ĩgu. Eropã árigũ Sinai waĩcũdigũ utãgũgue ĩgure weredigũ anyu mera áriñumi. Erogue Goãmu ĩgu dorerire aĩdigũ áriñumi Moise.

³⁹⁻⁴⁰ "Iri dorerire utãgũgue Moise waha aĩrisubu mari ñecu sumará mũra Egiptogue dujadiarã Moiserẽ tarĩnũgañuma. Erã ĩgure gamebiriñuma. Eropã gamebirã Aarõre Moise ĩgure õpa arĩñuma: "¿ĩgu Moise marire Egiptogue aĩgãridi dohpa wayuri ĩgu? Masibirica mari. Eropigũ goãmarã wẽanĩrãre ĩique mari yaru áriũmorã. Eropirã mũ wẽanĩrã marire doreri mari wadiari maha marire aĩgãrãcoma," arĩñuma erã. ⁴¹ Eropã arĩrã pũhrũ erã wecure oro mera wẽañuma. Eropã iituhaja, erã waimũrãre wejẽ, erã wẽadigu pohro aĩgãri umupeoñuma ĩgure. Eropirã erã erã iidigure wecure ĩarã, mucubiri, bosenu ĩiñuma. ⁴² Eropigũ Goãmu erã wẽadigure erã umupeocũ ĩagu, erãre cóacãriñumi. "Erã yare cóãrã gajirã umaro majarãpũre umupeo curaporo," arĩgu cohãgã wariñumi. Goãmu yare weremũhtanĩrã õpa arĩ gojañuma Goãmu wereniguirire:

Mũa Israe masa, yare ñe ñero ĩiabũ. Masa marirogue cuarenta bojori gohra áriũrã waimũrãre mũa wejẽnĩrãre mũa soenĩrãre yare mũa obodiro dopa ta umupeorabũ mũa. Eropirã yũpũre umupeobirabũ mũa. ⁴³ Eropirã mũa Molo waĩcũgure umupeorã áriũrã, ĩgure umupeori wĩhire ĩiabũ mũa. Eropirã "Refa gua goãmu áhriũ," arĩrã ĩgu necãmu mũa wẽadigure mũa umupeoabũ daja. Erã wẽanĩrãre mũa ĩinĩrãre mũa umupeoabũ. Mũa eropa ĩira waja mũare Babilonia sipũgue cóãbeogura yũhũ, arĩñumi Goãmu ĩgu yu weremũhtanĩrã mera.

⁴⁴ "Eropirã masa marirogue Goãmu masa mera ĩgu áriũri wĩhire waimũrã gasiri wĩhire opamũriñuma mari ñecu sumará iribojegũ majarã. Iri wĩhi Goãmu masa mera ĩgu wereniguirĩ wĩhi áriũyoro. Iri wĩhigũ Goãmu dorerire ĩgu gojara mijiri utã mijiri áriũyoro. Iri wĩhire Goãmu ĩgu werediro dopa ta Moiserẽ ĩgu ĩhũdiro dopa ta ĩi ĩhacũdoreñumi Goãmu Moiserẽ. ⁴⁵ Pũhrũgũ majarã mari ñecu sumará Josuẽ mera ĩri wĩhire aĩgãriñuma mari áriũri yebague erarã. Erã ĩri yebague Goãmu ĩgu apira

yebaguere erā eraboro core iri yeba majarā mūrare Goāmū cōācāñumi. Irisubure Goāmūre umupeori wihire waimūrā gasiri wihire opamūrīñuma mari ñecu sumārā. Ne Davi mūrū ĩḡu árīcūḡe opatuñuma iri wihire. ⁴⁶ Eropiḡu Davi mūrū Goāmūre mucubiricū iññumi. Eropiḡu Goāmū ya wihi árīburire iidiḡu Daviḡu serērīñumi Goāmūre. ⁴⁷ ĩḡu eropa serēquerecū ta Salomopū Davi magapū Goāmū ya wihire iññumi. ⁴⁸ ĩḡu eropa iiquerecū ta Goāmūpū masa erā iira wihiguere árībeami. Ōpa arīññumi Goāmū wereniguirire weremuhtadigū:

⁴⁹ Ūmarogue yū doaro āhraa. Ero doagū dorea yūhu. Eropiḡu yebapū yū guburire duhpēoro iro dopa ta āhraa. Yūhu turatariḡu āhraa. Yaha wihi árīborore iimasibea mūa. Goāmū yū árīcū yū árīburi wihire mūa iimasibea. ⁵⁰ Yū basi i yebare árīpēhero iiba yūhu, arīmi Goāmū, arī gojaññumi Goāmū yare weremuhtadigū, arīpū Esteban.

⁵¹ Eropiḡu ōpa werenemopū Esteban erāre:

—Mūa ne yuhridiabiḡā āhraa. Goāmū yare peequererā, ĩḡure yuhridiabea. Espiritu Santore tarinūḡataria mūa. Mūa ñecu sumārā erā iidiro dopa ta iiaa mūa. ⁵² Mūa ñecu sumārā árīpēhererā Goāmū ya weremuhtanirāre ñero iññuma. Erā Goāmū yare weremuhtanirāpū “Pūhru ōagū Goāmū yare weremuhtagū arigūcumī,” arī erā wererā árīcū peeñuma mūa ñecu sumārā mūa. Eropa arī werenirā mūrare wejēmūrīñuma. Eropirā “Ōagū,” erā arīḡure mūa sā dohpaguere ĩḡu ya curu majarā árīquereḡā ta ĩḡure wejēabu. ⁵³ Goāmū dorerire anyuapū wererīñuma mūare. Eropirā mūa iri dorerire opariyoro. Eropirā iri dorerire tarinūḡabū mūa, arī wereniguitupū pare Esteban.

Erā Estebanre utāyeri mera dea wejēñorā

⁵⁴ ĩḡu eroparīcū peerā erāpū burigā guañorā. Eropa turaro guarā, ḡuhyarā wañorā. ⁵⁵ Erā eropa guaquerecū ta ĩḡu Espiritu Santo ĩḡu dorero dopa ta iipehogu árīḡu, ĩḡu turarire ōaro opagū árīḡu, ūmarogue ihamemuju Goāmū gosesiririre ĩapū Esteban. Jesu Goāmū diayerū ĩḡu nigūicū ĩapū ĩḡu. ⁵⁶ Eropa ĩagū ōpa arīpū

—Ūmarogue merogā ero tuweemaacū Jesu Goāmū obeodigū Goāmū diayerū ĩḡu nigūicū ihaa yūhu, arīpū Esteban.

⁵⁷ ĩḡu eroparīcū peerā ta erā burigā gaguinigui, erā gamirire bihacā, yujuro mera ĩḡu pohroḡe omagā, ĩḡure ñeañorā. ⁵⁸ Ñehatuhaja, ĩḡure aḡā, iri maca turo pohroḡe cōañorā ĩḡure. Eropirā utāyeri mera dea wejēcāñorā erā ĩḡure. Erā eropa wejēboro core ĩḡure utāyeri mera deamorā erā weca maja suhrire tuwea, mamūre Saulo waicūḡure iri suhrire opabasadoreñorā erā.

⁵⁹ Eropiḡu Esteban erā ĩḡure utāyeri mera dea wejērisubu ōpa arīpū.

—Jesu yū Opū, yū sīporāre aiḡe, arīpū.

⁶⁰ Eropiḡu ĩḡu mereja ōpa arīpū:

—Opū Jesu, oā dohpague ñero erā yare iirire erāre dipuwaja moabita mūhū, arīpū Esteban.

Eropa arītuhajagū ta sīria wapū ĩḡu.

8

¹ Eropiḡu Esteban ĩḡu sīricū ĩagū, “Ōhaa,” arīpū Saulo.

Saulopū Jesu yarāre ñero iipū

Eropirā irinure ta Jesu yarāre Jerusalēḡue árīrāre ñero iinūḡañorā Jesure gamebirāpū. Erā eropa ñero iicū Jesu yarā Judea yebague, Samaria yebague yorogue duhrisirigā wañorā. Jesu ĩḡu apinirā dihta wabirīñorā. ² Eropirā ḡajirā Goāmūre umupeorā Esteban dūpū mūrarore yaa, burigā oreñorā erā. ³ Saulopū Jesu yarāre ñetariaro iimūrīripū. ĩḡu erā ya wirigūe ñaja, ūmare, nomere ñeha, peresugue bihadobomūrīpū.

Samariague Jesu yare buhepū Felipe

⁴ Eropirā yorogue wasirinirā Jesu yarāpū Jesu yare buheñorā. ⁵ Eropiḡu Felipe Samaria waicūri macague eja. Jesu yare buhepū iri maca majarāre. ⁶ ĩḡu eropa buhecū ero majarā ōaro peeñorā. Eropirā Goāmū turari mera deyoro moarire ĩḡu iññumūcū ĩañorā erā. Eropa ĩarā ĩḡure ōaro peeñorā erā. ⁷ Bajarā watēa ñajasūnirāre ĩḡu pohro erā eracū ĩagū watēapūre wadorepū ĩḡu. Watēapū burigā gaguinigui, duhugā waha wañorā erāre. Eropiḡu bajarā dūpū buhanirāre, curimasibirāre dūpū ōarā iimūrīpū. ⁸ ĩḡu eropa iicū ĩarā iri maca majarā bajarā masa mucubirīñorā.

⁹ Irisubure Simo waicugu iri maca majagu yee arĩpu, Eropigu yeea erã iirare ii ihmumũripũ Samaria majarãre. Īgu eropa ii ihmucũ ero majarã ĩha uca wa ĩgure guhyadiaro mera ĩarã arĩñorã.

—Yũhũ masipehogu aħraa, arĩpu Simopũ erãre.

¹⁰ Īgu eropa iicũ ĩarã masapũ opa arĩmũririñorã:

—Ihĩ Goãmu ya turari opagu aħrimi. Goãmu iro dopa turagu aħrimi, arĩmũririñorã masa erã oparã mera. Erã arĩpehrerã ðaro peeñorã ĩgure.

¹¹ Īgu yeea erã iiri ĩgu purisiriri mera yoari boje ii ihmumũripũ erãre. Īgu eropa ii ihmucũ ĩarã erã uca wamũriñorã. Eropirã erã ĩgure umupeomũriñorã. ¹² Felipepũ erã ĩgure eropa umupeoquerecũ Goãmu ĩgu opũ arĩrire, Jesucristo yare ðari buherire werepũ. Īgu eropa werecũ erã ĩgure ðaro peeñorã. Erã eropa ðaro peecũ ĩagu ũma, nome mera waĩyepũ Felipe. ¹³ Eropigu Simo ĩgu yee sã Felipe ðaro peepũ. Eropigu ĩgu sãre waĩyepũ. Īgu eropa iira pũhrũ Felipe mera dujapũ ĩgu. Felipepũ Goãmu turari mera ii ihmucũ ĩagu, dorecũrã ðarã ĩgu iicũ ĩagu Simo ĩha uca wamũripũ.

¹⁴ Eropirã Samaria majarã Goãmu yare erã burigã gamecũ peebeomũriñorã Jerusalengue arĩrã Jesu ĩgu apinirãpũ. Erã eropa peebeorã Pedrorẽ, Ñu sãre obeoñorã Samariague. ¹⁵ Erogue erã ejara pũhrũ Pedro sã Goãmure serẽbasañorã. “Oã Samaria majarã mũre umupeorã mũ Espĩritu Santore opaporo,” arĩ, serẽbasañorã erã Goãmure. ¹⁶ Erã Samaria majarã Jesucristo waĩ mera waĩyesũnirã arĩñorã. Iri dihtare masiñorã erã. Eropirã Espĩritu Santore opabiriniñorã dohpã. ¹⁷ Eropigu Pedro Ñu mera Samaria majarãre erã mojotorire erã weca duhpeora pũhrũ Espĩritu Santore opañgañorã erã.

¹⁸ Eropigu Pedro sã erã ya mojotori mera erã duhpeora pũhrũ Espĩritu Santo eracũ ĩapũ Simo yeepũ. Eropa ĩagu arĩgu, erã turarire gamegu niyeru mera wajayediaripũ.

¹⁹ Őpa arĩripũ Simo:

—Yũ sãre oque i turarire. Yũ sã yũ mojotori mera masa weca duhpeodiaca Espĩritu Santore erã ñeaboro dopa. Eropigu i yũ iiburi wajare wajayediaa, arĩripũ Simo erãre.

²⁰ Īgu eroparĩcũ peegu Pedro opa arĩpũ.

—Mũ niyeru mera Goãmu ya turarire mũ asũdiara waja mũ niyeru mera ta peamegue waque mũhũ. ²¹ Goãmu mũ pepirire masimi. Mũhũ ñegũ arĩnia. Eropirũ ire gua iirire iimasibea mũhũ. I mũ irino arĩbeaa. ²²⁻²³ Burigã peyocua mũhũ. Eropigu mũ ñeri iirire ne duhumasibea mũhũ. Eropigu ire mũhũ ñero iirare bujawereque mũhũ. Goãmure mũ ñero pepirire ero diaye ta serẽque mũhũ. Mũhũ eropa iicũ ĩagu ĩgu mũ ñerire cãdijibocumi, arĩ werepũ Pedro ĩgure.

²⁴ Īgu eroparĩcũ peegu Simo yũhrĩpũ ĩgure.

—Yũre serẽbasaque mũa Goãmure mũ arĩdiro dopa yũ wabiriboro dopa. Iri waja peamegue wadiabeaa yũhũ, arĩpũ Simo ĩgure.

²⁵ Ero pũhrũ Pedro Ñu mera Goãmu yare wereñorã. “Jesu ĩgu masa mũriacũ ĩabu gua,” arĩ, Samaria yeba arĩri macari majarãre ðari buherire buheñorã. Erãre Goãmu yare buhetuhaja Jerusalengue dujaa wañorã.

Felipe Etiopía yeba majagũre buhepũ

²⁶ Eropii Goãmu ĩgu obeodigu anyu Felipe werepũ:

—Dohpague ðoca surgue waque. Jerusalén pohro arĩri mague Gazague wari mague waque, arĩ werepũ anyu Felipe. Iri maha masa marirogue arĩyoro.

²⁷ Īgu eroparĩcũ peegu ĩgũpũ iri mague waha wapũ. Pũhrũ iri mague yujugũ masũre bocatĩribũ ĩipũ. Īgu bocatĩribũ arĩri Etiopía yeba majagu opũ. Eropigu Candace waicũgo Etiopía majago opo burũ yare niyerure arĩpehrerire ĩhadibũgu arĩpũ. Eropigu ĩgu Jerusalengue mari Pagũre umupeogu ejadi arĩpũ. ²⁸ Īgu ya macague tũrudiru mera dujaagu irirugue waqueregu ta buhegu ĩipũ. Goãmu yare weremũhtadigu Isaiã ĩgu gojarapũre buhegu ĩipũ.

²⁹ Eropigu Espĩritupũ Felipe ðpa arĩ werepũ.

—Sihĩ tũrudirugue wagu pohrogue waque, arĩpũ Espĩritu Santo ĩgure.

³⁰ Īgu eroparĩcũ peegu, Felipepũ tũrudiru pohrogue omagã, Isaiã ĩgu gojarare Etiopía majagu ĩgu buhecũ peepũ. Eropa peegu Felipe serẽpipũ ĩgure.

—ĩ Mũ buherire masiri mũhũ? arĩpũ ĩgu.

³¹ Īgu eroparĩcũ peegu Etiopía majagu ðpa arĩ yũhrĩpũ:

—Gajigu yũre weretaugũ maricũ ðaro masibea yũhũ. Ohũ yũre weredoagu arique yũhũ dipaba, arĩ yũhrĩpũ ĩgu Felipe.

—Áũ, arĩ, dojapũ ĩgu pohro. ³² Eropii Goãmu yare Etiopía majagu ĩgu buheripũ ðpa arĩyoro:

Ovejare erā ņeha wejēdiro dopa ta ĩġu sāre ņeha wejērācoma masa. Eropiġu ovejagāre ĩġu poare erā seacū ĩġu gaguñguibiro dopa ta ĩġu masu sã ejari mariro árġucumi. ³³ ĩġure erā weryarācoma. Eropirā ĩġu ĩġu ņero iibiriquerecū ta erāpu ņero iirācoma ĩġure. ĩġu i yebague ĩġu árġcū erā ĩġure wejērācoma. Eropiġu ĩġu porā marġu sġria wagucumi, arġ gojara árġyoro.

³⁴ Iripū eroparġcū ĩagu, Etiopía majagu Felipere serēpipu:

—Wereque yare. ¿Ōpa Isaia ĩġu arġu nihino árġcuri ihġ? ¿Isaia ĩġu basi wereġu iicuri? ¿Ō gajġure wereġu iicuri? arġ serēpipu Etiopía majagu.

³⁵ ĩġu eropa serēpi ĩacū peġu Felipe iripūre ĩha, Jesu yare werepu Etiopía majagure.

³⁶ Eropirā erā iriru mera waha, maugāgue ejañorā.

—Īaque. Ohō maugā āhraa. I maugāgue yare waġyeque, arġpu Etiopía majagu.

³⁷ —Jesure muħu ðaro umupeocū ĩagu mare waġyegura, arġpu Felipe ĩġure.

—Jesure umupeoa yuħu. ĩġu Cristo Goāmū magu āħrimi. Irire ðaro masia yuħu, arġpu Etiopía majagu.

³⁸ Eropa arġu ta ĩġu tūrudiru autugure yaudorepu. Iriru yusumerejara puħru wiriañorā erā. Wiria waha, iriyagāgue eja, űumu wiri nuġajañorā. Ero űumunugaja, Felipepu ĩġure waġyepu. ³⁹ Waġyetuhaja erā majajanugajacū Goāmū ĩġu Espiritu Felipere aġgā waru. ĩġu eropa wara puħru Etiopía majagu ðaro mucubirġu ĩġu ya yebague dujaa waru. ĩġu eropa iira ujutayacū ne dipaturi Felipere ĩabirġu. ⁴⁰ Felipepu eropa iituhaja Azotogue ejaru. Eropiġu baja macarire ðari buherire buheru masare. Pu Cesareague buhetumarġu.

9

Saulo Jesucristore ĩagu ĩġure umupeonugapu

¹ Irisubure Saulo Jesu yarāre ĩhaturġu, “Erāre wejēġura,” arġu, ĩġu opu pohrogue waru. ² Erogue eġagu ĩġu gojarapūrire serēpu pahia opuere. Ōpa arġpu:

—Damascó maca maja wirġue mari buheri wirġue Jesu yarāre, űmare, nomere yuħu erāre bocaġa, ņeha diħri, Jerusalēngue aġġarġura. Iri wirġue árġrāre yu erāre űeaburġpūre paperapūre yare goġa oque, arġ serēpu pahia opuere.

³ Iripūre aġtuhaja, waha, ĩġu Damascó pohro ĩġu eġabu iicū goħra űmaro maja gosesiri medġuyoro ĩġure. ⁴ Eropa gosesiri medġucū ta ĩġu yebague meħmereġagu, werenġucū peepu.

—Saulo, Saulo, ¿duħpġu muħu yare ņero iiri? arġro carġyoro.

⁵ —Opu, ¿nihino āħriri muħu? arġpu Saulo.

—Yuħu mu ņero ĩġu ta āħraa arġpu Jesu. Muħu yu mera guagu yare yuħribġu, mu basi ta ņero tariāa, arġpu Jesu Saulore.

⁶ ĩġu eroparġcū Saulo ġūiri mera naragāñġagu ðpa serēpipu:

—Opu, ¿dohpa yuħu iicū ġahmeri muħu? arġpu Saulo.

ĩġu eroparġcū ðpa arġpu Jesu ĩġure:

—Wahġānugajaque muħu. Macague waque. Iri macague eġacū ero majagu mu iiburire wereġucumi mare, arġpu Jesu Saulore.

⁷ ĩġu eroparġcū Saulo mera majarāpu ĩġu werenġuiri dihtare peeñorā. Jesupare ĩabiriñorā. ĩġu eropa wacū ĩarā ġūirā erā werenġuimasibiriñorā. ⁸ Eropiġu Saulo yebague oyadġu wahġānugaja, ĩġu ĩacū ĩġu cuiiri deyobirġyoro. Eropirā erā ĩġu moġotore ņeha, Damascogue tuā wahġā wañorā erā ĩġure. ⁹ Eropiġu ĩġu űhrenu goħra ne ĩabiri, babiri, ne iħribirġu.

¹⁰ Eropii Jesu ĩġu buheġu Ananía waġcugu Damascó árġpu. Eropiġu Jesu dehyoapu Ananiāre. Eropa dehyoagu piyupu ĩġure:

—Ananía, ¿āħriri? arġpu Jesu ĩġure.

—Āhraa yu, arġ yuħrġpu Ananía ĩġure.

¹¹ ĩġu eroparġcū Jesu ĩġure werepu.

—Daye waġcari mague waque. Eropa wagu Juda ya wihġue Tarso majagure Saulo waġcugure amaque. ĩġu Goāmure serēñġuġu iicumi. ¹² Eropiġu quēro dopa ta ĩġu ĩarare ĩagu iicumi eroguere. Ōpa árġrġre ĩagu iicumi. Muħu mu moġotore ĩġu weca duħpeo, ĩġu cuiiri ðaro wacū ĩagu iicumi ĩġure dehyoare, arġpu Jesu Ananiāre.

¹³ ĩġu eroparġcū peġu Ananiāpu ðpa arġpu:

—Opu, ĩġu mu yarāre ðarāre Jerusalēn majarāre ņero ĩapu. Bajarā masa yare eropa arġ wereama. ¹⁴ Eropiġu ðre ĩġu árġpeħrerā mare umupeorāre peresu ĩġu arġu ĩapu. Pahia oparā ĩġure eropa ĩidoreañorā, arġpu Ananía Jesure.

¹⁵ Īḡu eropa arīquerecū Jesupu werepū ĭḡure.

—Īḡu Saulopu yu beyedigū āhrimi. Īḡu yaha buherire baja macari majarāre, oparāre, Israe masa sāre buheḡucumi. ¹⁶ Eropiḡu bajasuburi yahare ĭḡu buheri waja ĭḡu űero tarigucumi. Irire ĭḡure masicū ĭigura. Eropiḡu waque muhu, arīpu Jesu Ananiāre.

¹⁷ Īḡu eropa arīra pūhrū Ananiāpu, waha eja, Saulo ĭḡu árīri wihigū űaja wapū. űajaja, ĭḡu mojtore Saulo weca duhpeo, werepū ĭḡure:

—Acawereḡu Saulo, mari Opū Jesupū mague mure dehyoadiḡu yare oboami mā cuiri mā ĭaboro dopa. Espiritu Santore mā opaboro dopa, ĭḡu dorediro dopa mā ĭiboro dopa yare oboami mā pohrogue, arī werepū Ananiā Saulore.

¹⁸ Īḡu eroparīcū ta ĭḡu cuirire wai natūri dopa bejarire ĭḡu cuirire cohrodijacū ĭapu pare Saulo. Īḡu eropa ĭatuhara pūhrū ĭḡu wahḡānḡajacū gajigūpu waīyepū ĭḡure.

¹⁹ Eropiḡu ĭḡu, ĭḡu bara pūhrū turagū wapū.

Saulo Damascogue Jesu yare buhenugapu

Eropii bajamenuri Damascogue Jesu yarā mera árīmurīpu Saulo. ²⁰ Eropiḡu irisubure ta ĭḡu judio masa buheri wiri árīḡu, Jesu yare buhepū masare. “Jesu Goāmū magū ta āhrimi,” arī werepū Saulo. ²¹ Īḡu eropa werecū ĭarā árīpehrerā ĭḡure peerā űca wañorā.

—Īhī Goāmū yarāre Jesure umupeorāre űero iidigū āhrimi. Eropiḡu ĭḡu erāre űeha, dihiri, pahia oparāre odiadiḡu árīrimi. Eropiidiagū oḡuere aridiḡu árīrimi, arīñorā masa ĭḡure peerā.

²² Erā eroparīquerecū Saulo ḡūiro mariro turaro mera buhenugapu. Judio masare Damasco majarāre oaro werepū. “Īhī Jesu diaye ta Cristo marire taubu āhrimi,” ĭḡu arī werecū erāpu ĭḡure “ḡuyagū ĭimi ihī,” arīmasibiriñorā ĭḡure.

Saulo duhri wahḡāpu judio masare

²³ Eropirā bajanuri pūhrū judio masa ĭḡure wejēdiañorā. Eropirā erā basi gamenere ĭḡure erā wejēburire wereniḡuñorā. ²⁴ Eropirā ĭḡure wejēdiarā, iri maca maja disipororire űmure űami sāre coremuriñorā. Saulo wiricū ĭha wejēmorā coreñorā. Erā eropa wejēdiaquerecū Saulo erā wejēdiarire masipu ĭḡu mera majarā masa. ²⁵ Eropirā űamigue Saulo buherā ĭḡure puibu wūari puibu mera aīsā, iri maca maja sāriro purupugue duhudijucāñorā ĭḡure.

Saulo Jerusalén árīpu

²⁶ Eropiḡu Saulo Jerusalengue ejagu, erogue Jesu yarā mera ĭḡu árīdiarīpu. Īḡu eropa árīdiacū erā ĭḡure “Jesure umupeogu árībeamī ihī,” arīñorā. ĭḡure ḡūi arīñorā. ²⁷ Erā eropa ḡūiquerecū ta Bernabēpu ĭḡure aīḡāpu Jesu ĭḡu apinirā pohrogue. Eropiḡu Saulo mague Jesure ĭḡu ĭarare, Jesu mera ĭḡu wereniḡuirare, Damascogue ḡūiro mariro Jesu yare ĭḡu buhenugarare werepū Bernabēpu. ²⁸ Īḡu eropa werera pūhrū Saulo erā mera űajagu, Jerusalengue erā mera árīmurīpu. ²⁹ Eropiḡu ĭḡu ḡūiro mariro Jesu yare buhepū. Eropiḡu ĭḡu judio masare Jesu yare weretarinugagu ĭīpu. Erā judio masa griego masa ya wereniḡuirā árīñorā. Eropirā Saulo ĭḡu eropa weretarinugari waja ĭḡure wejēdiañorā. ³⁰ Erā eropa wejēdiacū ĭarā, Saulo mera majarā Jesu yarāpu ĭḡure Cesareague aīduhriḡā waha wañorā. Erogue ĭḡure sihu árīnigūiri Tarsogue oboeñorā erā ĭḡure.

³¹ Eropi árīpehrerogue Judea yebague, Galilea yebague, Samaria yebague Goāmū yarā oaro árīmurīñorā. Irisubure ne masa űero ĭibirimuriñorā erāre. Eropirā oaro buheñorā erā. Eropirā erā Goāmure ḡuyadiaro ĭañorā. Espiritu Santo erāre ĭḡu ĭtamucū erāpu Jesure umupeorā bajarā wañorā.

Pedro Eneare oḡu wacū ĭīpu

³² Eropii Pedro árīpehreri macarigue wagū, Jesu yarā Lida majarā pohrogue sāre ejapu ĭḡu. ³³ Erogue ejagu Enea waīcugure bocajapu. Enea dupū buhadigū árīḡu, ocho bojori gohra erā pūtāpidi oyamurīpu.

³⁴ Eropiḡu Pedropū ĭḡure oḡa arīpu:

—Enea, Jesucristo oḡu árīcū ĭimi mure. Wahḡānḡajaque. Mure pūtāpira gasirore amuque, arīpu Pedro ĭḡure.

Īḡu eroparīcū ta ĭḡu wahḡānḡaja waha wapū. ³⁵ Eropirā árīpehrerā Lida majarā, Sarón majarā ĭḡure ĭarā, erā erā űeri ĭirare duhu, Jesure umupeonḡañorā.

Dorca waīcugore masupu Pedro Jesu turari mera

³⁶ Eropii Jope waīcūri macague Jesure umupeogo Tabita waīcūgo árīpo. Igo waī Tabita griego ya wereniḡuirī mera Dorca āhraa. Igo oarire ĭigo baja omurīpo masare.

³⁷ Eropigo irisubure igo dorecū wahgū, sīria wamūripo. Igo sīricū ĩarā, erā igo dupu mūrarore ōaro coe, ūmaro maja taribugue aṗiñorā igure. ³⁸ Lida waĩcūri maca Jope pohrogue árĩyoro. Ero eropa árĩcū Jesure umupeorā Jope maca majarā Pedro Lidague ĩgu árĩcū peebeñorā. Eropa peebeorā perā ūmare obeñorā Pedro pohrogue. ĩgu pohrogue ejarā wereñorā Pedrore erā.

—Yojaro mera waque gua árĩrogue, arĩ wereñorā erā.

³⁹ Erā eroparĩcū peegu erā mera waha wapū ĩgu. Eroque ĩgure erā aĩ ejara pūhru ūmaro maja taribugue sīridigo pohro aĩmūria wañorā ĩgure. Pedro árĩcū ĩha árĩpehrerā wapewyarā nome orerā ĩgu pohro ejanugamūriñorā. Tabita erā mera árĩnigogue baja suhrire iibasamūripo. Eropirā erā igo eabasara suhri mūrare ĩhmuñorā Pedrore. ⁴⁰ Pedro erāre iri taribugue árĩrāre wiriadorepū. Erā wiriara pūhru ĩgu mereja, Goāmure igure serēbasapū. Eropigu igo dupu mūrarore maji ĩha,

—Tabita, wahgāque, arĩpū ĩgu.

ĩgu eroparĩcū ta igoṗū ĩha wahgū, Pedrore ĩha, wahgā doajapo. ⁴¹ Igo eropa wahgā doajacū ĩha, ĩgu igo mojotore ñeha tarawahgū nugupū igure. Eropigu ĩgu ero majarāre Jesu yarāre, wapewyarāre sihubeo, igure ojocarigore wiapū erāre. ⁴² ĩgu eropa ĩira pūhru árĩpehrerā Jope majarā ĩrire masirā bajarā masa Jesure umupeonugañorā. ⁴³ Pūhru Jopegue Simo waimurā gasirire amugu mera bajanūri Pedro ĩgu mera árĩpū.

10

Pedro Corneliore Jesu yare werenugapu

¹ Irisubure Cesareague Cornelio waĩcūgu árĩgu. ĩgu cien surara opu árĩpū. Erā surarapū erā ya curu Italiano waĩcūyo ro. ² Cornelio ĩgu ya wihi majarā mera mari Pagure umupeorā, guhyadiaro ĩarā árĩñorā. Eropigu ĩgu judio masa mojomorocurāre itamugu baja gajinore omūripu. Eropigu ĩgu ūmūri nucu mari Pagure serēmūripu. ³ Eropii ñamicague tres árĩcūgue Goāma yagu anyu ĩgure dehyoapū. Eropa dehyoagu Cornelio pohrogue ñajajapū.

—Cornelio, arĩ piyupu anyu ĩgure. ⁴ Eropigu Cornelio ĩgure ĩha gūigu ōpa arĩpū:

—Opū, ¿ñehenore gahmeri? arĩpū ĩgu.

—Masare mū orare, mari Pagure mū serēniguirare Goāma peeami. ⁵ Eropigu Jopegue mū ūmare obeoque. Eroque Simo Pedro waĩcūgu āhrimi. ĩgure aĩgāridoreque mū ūmare. ⁶ ĩgu gajigu Simo waimurā gasiri amugu pohro, wūariya turo árĩri wihi ta āhrimi, arĩpū anyu Corneliore.

⁷ Anyu eropa arĩtuhaja, wiria waha wapū. ĩgu wiriara pūhru Cornelio perāre ĩgure itamurāre yujugu ĩgu surara mera majagure sihupu. Surarapū Goāmure umupeogu árĩgu, ūmūri nucu Corneliore itamudigu árĩpū. ⁸ Eropigu Cornelio erāre werepeho, Jopegue obeopū erāre.

⁹ Eropi gajinū Jopegue erā warisubu goeri boje gohra árĩcū Pedropū wihi wecague Goāmure serēgu wapū. ¹⁰ Eropigu ĩgure oa pūricū badiapu. Eropigu gajirā barire erā moarisubu ĩgupū dehyoacū ĩapu. ¹¹ Ūmarore pārīmaacū, wūari gasiro wapicūrisubu pepūri ojogorori dirira gasiro dijaricū ĩapu. ¹² Iri gasiro pohecague bajarā waimurā nugu majarā, yebague paha curirā, mirimagū porā majarā árĩñorā. ¹³ ĩrire ĩgu ĩara pūhru, Pedrore wereniguiro caricū peepū.

—Pedro, wahgānugajaque. Oāre wejē baque, arĩro cariyoro ĩgure.

¹⁴ ĩgu eroparĩcū peequeregu ta Pedro ōpa arĩpū:

—Opū, ne erāre babeaa yūhū. Ñerāre, Goāmū ĩgu badorebirinirāre ne babirimūrabu yūhū, arĩpū Pedro.

¹⁵ Eropigu Pedro dipaturi wereniguiro caricū peepū.

—Goāmū, “Ōarā āhrima,” ĩgu arĩnirāre “Ñerā āhrima,” arĩbiricāque mūhū erāre, arĩro cariyoro Pedrore.

¹⁶ Eropii ūhresubu eropa arĩ wereniguiro pūhru iri gasiro ūmarogue mūria wayoro daja. ¹⁷ Eropigu Pedro buringā guña “¿Dohpa arĩdiari ĩiri yare eropa dehyoaro?” arĩ pepipū ĩgu ĩgu basi. ĩgu eropa pepirisubu Cornelio ūma ĩgu obeonirāpū Pedro ya wihigue ejañorā. “¿Simo ya wihi nohogue āhriri?” arĩ, erā serēpira pūhru ĩgu ya wihigue ejañorā erā. ¹⁸ Eropirā erā serē ĩha purumujuñorā. “¿Simo Pedro waĩcūgu ĩ wihire āhriri?” arĩ serēpi ĩañorā erā.

¹⁹ Eropigu Pedro ĩgu pepirisubu Espiritu Santo ĩgure werepū:

—Īaque. Ūrerā ūma mure amarā iima. ²⁰ Wahgānugajaque. Dijaque. Erā mera waque. “¿Dohparĩri?” arĩ pepibigu ta waque ōaro mera. Yūpū erāre ōguere obeoabū, arĩpū Espiritu Santo Pedrore.

²¹ Īḡu eroparīcū peegu Pedro erā pohroque dija wa,

—Īlaque. Ohō āhraa yūhu mūa amagāriḡu. ¿Duhpirā arirā iiari mūa yū pohro arirā? arīpu Pedro erāre.

²² Īḡu eroparīcū ta erāpu ōpa arīñorā.

—Cornelio cien surara opu, ōarire iigu, mari Pagure guhyadiaro mera umupeogu, ārīpehrerā judio masa “Ōagu” erā arīḡu mure sihgāridoreḡu obeoami guare. Goāmu ōagu anyu Corneliore mure sihudoreapu. Ōpa arāpu: “Pedrore mūa ya wihigue aīgāridoreḡu mū ūmare. Eropii Īḡu mure wereḡucumi,” arī, sihudoreapu anyu Corneliore, arī wereñorā Cornelio Pedrore Īḡu sihudorenirāpu.

²³ Erā eroparīcū Pedropu erāre ñajaridore, bari oho, Īḡu ya wihigue carīdorepu erāre. Eropiḡu gajinu Pedro wahgā, erā mera waha wapū. Eropirā gajirā Cristo yarā Jope majarā Pedrore wapicugāñorā.

²⁴ Gajinu erā Cesareague ejañorā. Eropiḡu Corneliopu Īḡu acawererāre, Īḡu mera majarā sāre sihu gameneo, Pedrore corepu. ²⁵ Eropiḡu Pedro Cornelio ya wihi pohroque Īḡu aricū ĩagu Corneliopu ĩḡure bocatiri wiria, ĩḡu guburi pohro merejapu. ²⁶ Īḡu eropa iicū Pedropu ĩḡure aī wahḡunugupu.

—Niguique mūhu. Yū sā mū iro dopa ta ārīḡu āhraa. Goāmu ārībeaa, arīpu Pedro ĩḡure.

²⁷ Īḡu eropa arītuḡajara pūhrū Cornelio ĩḡure aīñaja wapū ĩḡu ya wihigue. Erogue ñajajagu masa bajarā iri wihigue gamenere ĩḡure corerāre ĩapu Pedro. ²⁸ Eropiḡu Pedro erāre werepu:

—Judio masu ārīquereḡu ta gaji curu majarā mera ārīḡu gua dorerire tarinugagu iiaa yūhu. Irire ōaro masia mūa. Eropiḡu gaji curu majarāre “Ñerā āhrima,” arīdorebirami Goāmu. Ōpa arī wereami ĩḡu yūre. ²⁹ Īḡu eroparīcū peegu ōguere mūa pohroguere ahrabu. Mūa yūre sihubecū “Ne wasome,” arībirabu. ¿Dohpa ārīronore yūhu ōḡue aricū gahmeari mūa? arīpu Pedro erāre.

³⁰ Īḡu eroparīcū peegu Cornelio pu ōpa arīpu:

—Tres ārīcū i horano gohra ta mari Pagu yagu anyu yūre dehyoami. Wapicurinu wahaa ĩḡu yūre dehyoara pūhrū. Irinu ta mari Pagure yū serēniguirisubū cuimijuri suhrīcūḡu yū pohro dehyonugajami. ³¹ Eropiḡu ĩḡu yūre ōpa arāmi: “Cornelio, mūhu mari Pagu mera mū serēcū ĩḡu peeami. Eropiḡu mojomorocurāre erā gamerire mū ocū ĩagu mari Pagu mū mera mucubirīḡu itamugucumi. ³² Eropiḡu Jopegue mū ūmare obeoque Simo Pedro waicūḡure mū pohroque erā aīgāricū. Īḡu gajīḡu Simo waimurā gasiri amugu ya wihi, wūariya turo pohro ārīri wihi āhrimi ĩḡu. Īḡu mū pohro eragu mure wereḡucumi,” arī wereami ĩḡu yūre. ³³ Īḡu eroparīcū peegu yū ūmare mure aīgāridoreḡu obeoabu yūhu. Eropiḡu ōaro iigu ahraya mūhu gua pohroguere. Eropirā gua ārīpehrerā ōre mari Pagu ĩḡu ĩhabeoro ārīrā iiaa gua. Árīpehrerire mari Pagu Goāmu mure ĩḡu weredorera peediarā, cohreabu gua, arīpu Cornelio Pedrore.

Pedro Jesu yare werepu Cornelio ya wihi majarāre

³⁴ Īḡu eroparīcū peegu, Pedro ōpa arī werepu:

—Dohpague masia pare. Diaye ta āhraa. Goāmu yujuropa ta ōaro iimi marire. ³⁵ Eropiḡu ārīpehreri macari majarā Goāmure guhyadiaro erā ĩacū, ōarire erā iicū, Goāmupu erāre mucubirimī. ³⁶ Goāmu gua judio masa pohro Jesucristore obeomi. Masa Goāmu mera ōaro erā ārīboro dopa Jesupu ōari buherire weremi. Iri buherire mūa masia. Jesucristopu ārīpehrerā masa opu āhrimi. ³⁷ Ūu wāiyegu “Mūa ñerire bujawereque. Eropirā wāiyenirā ārīque,” masare ĩḡu eropa arī werera pūhrū Galileague ōari buherire Jesupu werenugami. Pūhrū Judea yebague iri buherire werepohomī. ³⁸ ĩhī Jesu Nazare majagure Goāmupu ĩḡu turarire, Espiritu Santo mera ĩḡu iimasiburire odī ārīmi Jesure. Eropiḡu Jesu ōaro iigu wami. Eropa wagu watēa ñajasūnirāre, ñero tarirāre, ārīpehrerāre ōarā wacū iimi. Mari Pagu Jesu mera ārīdi ārīmi. ³⁹ Judea yeba, Jerusalén sāre ārīpehreri ĩḡu iirare gua ĩabu. Pūhrū erā crusague pabia wejēma ĩḡure. ⁴⁰ Eropiḡu ūhrene waboro Goāmu ĩḡure masudi ārīmi. Eropiḡu Jesure ĩḡu masura pūhrū gajirāre dehyoacū iidigu ārīmi mari Pagu. ⁴¹ Irisubū Jesure ārīpehrerā ĩabirima. Guare bajamerāḡare dehyoami. Mari Pagu ĩḡu gamerāre, Jesure ĩamorāre iribojegue Goāmu guare beyepu. Guapu Jesu ĩḡu sīridi masara pūhrū ĩḡu mera baha, ĩhribū. ⁴² Eropiḡu ĩḡu guare doremi ōpa arīḡu: “Masare wereque. Yūhu Jesu ārīpehrerā ojocarirāre, sīrinirāre erāre dipuwaja moabu yū ārīcū iiami yūre Goāmu. Eropirā irire wereque,” arī doremi Jesu guare. ⁴³ Árīpehrerā Jesure erā umupeocū ĩagu

Goãmu erã ñerire cãdijigucumi. Irire áriþehererã Goãmu ya weremuhtanirã iribojegue majarã wereyuñuma, arĩ werepã Pedro.

Judio masa áribirã Espiritu Santore opanugañorã

⁴⁴ Iri áriþehererire igũ eropa arĩ wererisubũ, áriþehererã irire peerã mera Espiritu Santo árinũgamuripũ. ⁴⁵⁻⁴⁶ Eropirã erã judio masa áribirã peeyamariri wereniguiiri mera mucubiriri mera wereniguinugañorã. Erã ya wereniguiiri mera “Goãmu turagu, ðagu áhrimi”, arĩrã iinõrã. Erã eroparicũ peepã Pedro igũ acawererã judio masa mera. Eropirã Espiritu Santo judio masa áribirã mera igũ árinũgacũ iarã judio masapũ ¼a wañorã. Eropigu Pedro ðpa arĩ werepũ judio masare:

⁴⁷ —Mari iro dopa ta Espiritu Santore opama oã sã. Erã eropa opacũ iarã oãre waýedoremasia mari, arĩpũ Pedro erãre.

⁴⁸ Eropa arĩtuhaja Jesu waĩ mera judio masa áribirãre waýedorepũ Pedro. Erã eropiira pũhru “Gua mera bajamenrigã dujanique,” arĩñorã erã Pedro sãre.

11

Pedro Jerusalén majarãre Jesu yarãre werepũ

¹ Eropii judio masa áribirã sã Goãmu yare erã ðaro gamecũ Jesu igũ apinirãpũ erã acawererã Judeague árirã mera peebeñorã. ² Eropirã Pedro Jerusalengue igũ dujajacũ iarã judio masa Jesu yarã bajamerãgã igũre ðpa arĩñorã: ³ —¿Judio masa áribirã pohro duhpigu ejari mũhũ? ¿Dohpa áriñore erã mera bahari mũhũ? arĩ turiñorã erã Pedrore.

⁴ Erã eroparicũ peegu Pedro igũ iirare werepehopũ erãre. ⁵ ðpa arĩ werepũ:

—Yũhu Jopegue árigũ Goãmure serẽgũ iibũ. Eropigu yare ðpa dehyoabu. Yũhu ãacũ wuuri gasiro wapicarisubũ pepuri ñirira gasiro umarogue ya pohroque dijericũ ãabu. ⁶ Eropigu iri gasirore ðaro ãabu “¿Ñeheno iri gasiroguere áhriri?” arĩbũ. Eropigu ãabu iri gasiroguere árirãre. Waimurã nugũ majarãre, yebague paha curirãre, mirimagu porã majarãre ãabu. ⁷ Eropigu Goãmu igũ yare wereniguirire peebũ. “Pedro, wahgãnugaque. Wejẽ baque oãre,” arĩgũ carimi yare. ⁸ Igũ eroparicũ peegu ðpa arĩbũ yũhu. “Opũ, ne erãre babeaa yũhu. Ñerãre Goãmu badorebirinirãre ne babirimurabu yũhu,” arĩbũ yũpũ. ⁹ Eropigu umarogue yare dipaturi wereniguigu carimi daja. “Goãmu igũ ‘Ëarã áhrima,’ igũ arĩrãre ‘Ñerã áhrima,’ arĩbiricãque mũhũ,” arĩgũ carimi yare. ¹⁰ Eropigu uñresubũ igũ eropa arĩ wereniguira pũhru iri gasiro dipaturi muria wabũ daja. ¹¹ Yũ eropa ãarisubũ ta urerã uma gua áriti wihigue ejanirã árima. Erã Cesarea majagu igũ obeonirã árinirã árima. ¹² Eropigu Espiritu Santopũ yare erã mera wadoregũ “‘Erã ñerã áhrima,’ arĩbiricãque erãre,” arĩ weremi igũ yare. Eropirã oã seis mera yũ acawererã mera Cesarea majagu ya wihigue ñajajabu gua. ¹³ Eropigu igũ guare ðpa arĩ weremi. “Anyu yaha wihi dehyoacũ ãabu yũhu. ðpa weremi yare. ‘Jopegue Simo waicugure aigãridoreque. ¹⁴ Igũ mure mũ acawererã mera muare áriþeherãre peamegue wabonirãre mũa tariborore weregucumi,’ arĩmi anyu yare,” arĩ weremi yare Cesarea majagu. ¹⁵ Eropii yũhu erãre wereniguirisubũ Espiritu Santopũ erã mera árinũgami marire igũ iimuhtadiro dopa ta. ¹⁶ Eropigu Jesu igũ wererare guñabu yũhu. ðpa arĩ weremi igũ: “Ñũ muare waýegũ deco mera waýyemi. Yũpũ iri tauro iigura muare. Pũhru Espiritu Santore mũa mera áriniguicũ iigura,” arĩ weremi. ¹⁷ Eropigu Jesucristo mari Opũre mari umupeocũ ãagu Goãmu igũ Espiritu Santore ohãmi marire. Eropigu Goãmu marire igũ Espiritu Santore igũ odiro dopa ta judio masa áribirã sãre igũ ohãmi. Goãmu igũ eropa iicũ ãagu igũre tarinũgamasibeaa yũhu, arĩpũ Pedro erãre judio masare Jesu yarãre.

¹⁸ Igũ eroparicũ peerã, erã igũre ne arĩnemobiriñorã. Igũre erã turimasibiriñorã. Eropirã erã Goãmure mucubirirã,

—Goãmu ðagu, turagu áhrimi, arĩñorã.

ðpa arĩnemoñorã erã:

—Judio masa áribirã sã erã ñerire bujawererã árirã Goãmu igũ taunirã árirãcoma. Eropa igũ taunirã árirã erã sã umuri nũcũ igũ mera áriniguirãcoma, arĩnemoñorã erã.

Antioquia gajirã Jesu yarã arĩñorã

¹⁹ Eropii Estebanre erã wejẽra pũhru masa Jesu yarãre ñero iinõrã. Erã eropa iicũ iarã Jesu yarã duhrisirigã wañorã. Eropirã erã Feniciague, Chipregue, Antioquiague waha, judio masa dihtare Goãmu yare wererĩñorã erã. ²⁰ Gajirãpũ Jesu yarã mera majarã Chipre majarã, Cirene majarã Antioquiague eja, judio masa áribirãre Jesu yarã

buheñorã Goãmu erãre İgu tauboro dopa. ²¹ Eropigu mari Opu erãre itamupu. Eropirã masa bajarã Jesure umupeo, ðaripure gohrotoñorã.

²² Eropii “Antioquia majarãgue Jesure gamecoma,” arı peebeñorã Jerusalen majarã Jesu yarã. Erã eropa peebeora puhru Jerusalen majarã Bernabé waicugure Antioquiaque obeñorã. ²³ Eropigu İgu Antioquiaque ejađu, Goãmu itamuri mera judio masa arıbirã İgu yarã erã wacü İađu, burigã mucubiripu. Eropigu İgu ero majarãre ðpa arı werepu:

—Jesure eropa umupeoniguicãque. İgu yare ne duhubiricãque, arı werepu İgu arıpehrerãre erãre.

²⁴ Bernabé ðađu arıİgu, Espiritu Santore wuaro opađu arıİgu, Jesu dorediro dopa iıđu arıİgu Jesure ðaro umupeodıđu arıİpu. Eropirã İgu buhera puhru bajarã masa Jesure umupeoñorã.

²⁵ Puhru İgu Tarso waicuri macague Saulore amagu wapu. ²⁶ Erogue İgure bocajapu. İgu bocajara puhru Antioquiaque aıĝãpu Saulore. Erogue erã ejara puhru yuju bojori gohra erã Goãmu yarã mera gamenere, bajarã masare buhemuriñorã erã. Eropirã Antioquiaque Cristo yarã Cristiano waicunugañorã.

²⁷ Irisubure Goãmu ya weremuhtarã Jerusalen arınirã waha, Antioquiaque ejañorã. ²⁸ Eropigu erã mera majagđu Agabo waicugđu Jesu yarã watope nıguıđu, Espiritu Santo İgu turari mera werepu erãre. “Arıpehreri yebaguere burigã oanđu waroca,” arı wereyupu İgu. Irisubure bari maririsubu arıcü arıpehrerã weca opu Claudio arıİpu. ²⁹ Eropirã Jesu yarã arıpehrerã erã oparopë erã acawererãre odiarã erã basi game werenıguıñorã. “Judea yeba majarãre Jesu yarãre niyerure obeorã,” arıñorã erã basi. ³⁰ Erã eropa arıra puhru Bernabé Saulo mera erã iri niyerure aıĝãbasañorã. Erogue ejarã Judea majarãre Jesu yarãre wiañorã iri niyerure.

12

Pedrore peresu iñorã

¹ Irisubu opu Herode yujurãyerire Jesu yarãre ñero iinugapu. ² Eropigu İgu Ñu tıĝure Santiagopure matamiji mera İgu wejëdorecü gajıĝupu İgure wejëpu. Santiagore İgu wejëcü judio masa mucubiriñorã. ³ Erã mucubiririre Herode masıĝu, “Eropa dihta iicü gahmema erã,” arıİđu Pedro sãre peresu iıpu. Irınarire buĝabiriri pan erã bari bosenu Pascua arıyoro. ⁴ Eropıĝu Herode Pedrore ñeha, peresu iıpu. Eropıĝu diez y seis surarare İhadibudorepu İgure. Wapicurã surara İgure İhadibuñorã. Puhru wapicurã erã gohrotonirã İgure İhadibumuriñorã. Eropa ta iñorã erã diez y seis surara. Herodepu Pascua puhru Pedrore peresugue arıİĝure masa core duhudobodiarıpu İgure wejëdorebu. ⁵ Eropıĝu Pedro peresugue arıİpu. İgu erogue arıcü ta Jesu yarãpu Goãmure burigã serëbasañorã İgure.

Goãmu peresugue arıİĝure Pedrore wiıpu

⁶ Iri ñamire ta Pedro comedari peda mera erã diridıĝu perã surara watope carıĝu iıpu. Eropirã perã surara disiporo corenıguıñorã İgure. Eropıĝu iri ñami boyoro Herode Pedrore judio masa core duhudobodiarıpu İgure wejëdorebu. ⁷ Eropıĝu Goãmu anyupu Pedro carıĝu pohro İgu nıguicü İgu peresu arıri tarıbu boyopehrea wayoro. Eropıĝu anyu Pedro pohro nıguıĝu İgu patorere puucarepu İgure.

—Duru wahĝãque, arıİpu İgu Pedrore. İĝu eroparıcü ta İgu mojotorire erã dirira comedari pärisiri dija wayoro. ⁸ Eropıĝu anyu İgure werepu:

—Mđu ya suhrıre sañaque. Mđu zapatu sãre sañaque, arıİpu İgu.

İĝu eroparıcü Pedropu İgu arıro dopa ta iıpu.

—Mđu weca majañe suhrırore saña, yu mera arıque, arıİpu anyu.

⁹ İĝu eroparıcü iri tarıbugue arıdıĝu wıria anyu puhru waha wapu İgu. Eropa waquereĝu ta ðpa arı pepirıpu İgu. “¿I ðıaye arıbiricuri? ¿O queĝu iicuri yahu?” arı pepirıpu İgu. ¹⁰ Eropirã erã İgu arıri tarıbu pohro nıguirã surarare tarıĝã, gajırã yoañariro nıguirã sãre tarıĝã, wuari disiporogue ejañorã. Iri disiporo macague wari mare cãhmotayoro. Iri biharise irise basi päricü erã wıriañorã. Wıria wa erã mague waha wañorã. Anyupu waha wapu. Eropıĝu Pedro yujugđu ta dujapu. ¹¹ Eropa İgu anyu İgu wara puhru İgu iirare Pedro masıpu pare. ðpa arı pepıİpu İgu. “Anyu Goãmu İgu obeodıĝu peresugue arıİĝure yare wiıĝu erami. Dohpague irire masia İgu eropa iirare. Judio masapu yare erã ñero iidiarare Goãmupure erãre iidorebirami. Eropıĝu yare Herode İgu peresu iıdıĝure wıuami,” arı pepıİpu Pedro.

¹² Īḡu eropa arī pepira pūhru Marīa Ņu pago ya wihigue ejaḡu Pedro. Ņūpū Marco waīcūḡu árīpū. Iri wihigue masa bajarā gamenere, Goāmure serērā iīñorā. ¹³ Eropiḡu Pedro disiporore eraa dotepū. Rode waīcūḡo pohro majago Īḡu dotecū peego, Īago ejaḡo igo. ¹⁴ Eropiḡo Pedro igore piyucū peego Īḡu wereniguirire pee masi, būrigā mucubiri disiporore pāḡūbiripō. Eropa mucubirigo Īḡure pāḡūbodio cādija wapo. Pedro ero nigucū ta igo majinūgaja oma űaja wapo.

—Pedro disiporogue erami, arī werego űajapo. ¹⁵ Eropirā iri wihi árīrā igo eroparīcū peerā,

—Eropa arīmaacāgo iiaa mūhū, arīñorā erā igore.

—Diaye ta āhraa. Diaye ta arīgo iiaa, arīpo igo. Igo eroparīcū peerā,

—Īḡu arībiricumi. Īḡu siporā muraro eraro iica, arīñorā erāpū.

¹⁶ Erā eropa arīrisubu Pedro disiporore eropa ta dotenigucāpū. Īḡu eropiicū peerā, erā disiporore pāḡū, Īḡure iha, űca wañorā. ¹⁷ Eropiḡu Pedro Īḡu mojoto mera “Ejarimaricāque,” arīḡu, Goāmū peresugue Īḡure Īḡu wiurare werepū erāre.

—Ire wereque Santiagore gajirā Jesu yarā sāre, arīpū Pedro.

Eropa arī weretuhaja, Īḡu gajipūgue tarigā waha wapū.

¹⁸ Eropii boyodijiricū surara Pedroro ihadibunirā Īḡu dohpa ii wiriarare ne masibiriñorā. Eropa masibirā űca wañorā. ¹⁹ Eropiḡu Herode Pedroro amadoreripū. Eropiḡu Īḡu surarare peresu corerāre Īḡu serēpira pūhru erāre wejēdorepū Herodepū. Eropii Herode Judeague arīdigu waha Cesareague arīḡu waha wapū.

Herode sīria wapu

²⁰ Ero pūhru Tiro waīcūri maca majarā mera Sidón waīcūri maca majarā mera sāre Herode guapū. Īḡu eropa guacū ĩarā iri macari majarāpū Herode mera amurā wañorā. Īḡu erā mera Īḡu guarare wereniguirā wañorā. Ejaa Herodere ĩaboro core Herode itamūḡu Blasto waīcūḡu mera weretamuñorā. Eropirā erā Īḡu Blasto Īḡu itamuri mera Herode pohro ejañorā. Īḡu pohro ejarā ōpa arīñorā:

—Mari ōaro árīrā. Mari basi ihatiribiricārā, arī serēñorā erā Herodere.

Erā ya yeba majarā Herode ya yeba barire bocamuriñorā. Eropirā Herode erāre ihatiricū gamebirijñorā erā. ²¹ Eropiḡu Herode erā Īḡure ĩarinu Īḡu queoranu árīcū, opu Īḡu sañari suhri ōari suhrire sañamuriḡu Īḡu. Eropiḡu Īḡu Īḡu doaro doanijagu, masare werenigui ihmumuriḡu. ²² Īḡu eropa werenigui ihmucū peerā masapū gaguinigiñorā:

—Ihī wereniguiḡu masu árībeami. Goāmū āhrimi, arī gaguiniguimuriñorā erā Herodere.

²³ Erā eropa arīra pūhru Goāmū Īḡu anyu Herodere dore ópu. “Goāmū árībeaa yūhū,” ne arībiripū Herode. Īḡu eropa arībirira dipuwaja anyu Īḡu dorecūcū ĩipū. Īḡu eropa dorecūcū Īḡure beca ba wejēcāñorā.

²⁴ Eropii Jesu yarā masa bajarāre Jesu ya buherire buheñorā.

²⁵ Eropirā Bernabé, Saulo mera Jesu yarāre itamupehotuhaja Jerusaléngue árīñirā Antioquiague dujaa wañorā. Eropirā Ņure Marco waīcūḡure erā aigāñorā erā mera.

13

Jesu yarā Bernabé Saulo mera Goāmū yare buhedore obeñorā

¹ Irisubure Antioquiague Jesu yarā gamenererā mera majarā, Goāmū yare weremuhtarā árīñorā. Masare buherā ta árīñorā erā sā. Bernabé, Simo Negro waīcūḡu, Lucio Cirene majagu, Manaén, Saulo mera erā árīñorā. Manaénpū opu Herode muru mera erā perā yujuro mera ta masanirā árīñorā. ² Eropirā erā Goāmū yare erā buherisubu, erā ba duhurisubu, Espírītu Santopū werepū erāre:

—Bernabé, Saulo mera apique yū gamero dopa iimorāre. Irire iimorāre beye apigu iiaa erāre, arīpū Espírītu Santo.

³ Īḡu eroparīcū erāpū ba duhu Goāmure serē, Bernabé weca Saulo weca erā mojotorire duhpeñorā. Eropa duhpeorā erāre buhedorerā obeñorā.

Chipregue Jesu Īḡu apinirā buheñorā

⁴ Eropirā erā Espírītu Santo Īḡu obeonirā árīrā, Seleuciague eja, iri macare tarigā, Chipre waīcūri nūḡurogue ejañorā erā. ⁵ Eropirā Salamina waīcūri peramague ejañorā. Iri maca judio masa buheri wirigue Goāmū yare werenūgañorā erā. Eropiḡu Ņu Marco sā erā mera waha, erāre itamupū.

⁶ Eropirā erā iri nūḡuro ojogoro maja. Pafō waīcūri macague ejarā, yeere bocajañorā erā. Īḡu judio masu Barjesu waīcūḡu árīpū. Barjesu griego ya mera Elima erā arī piyugu árīpū. “Goāmū yare weremuhtagu āhraa yūhū,” arī masare gūyanigucāḡu árīpū Īḡu.

⁷ Eropigu İġu Sergio Paulo waĩcuġu mera majagu árĩpu. Sergio Paulopu iri nuġaro majarā opu masipehogu árĩpu. Eropigu Goāmu yare peediagu erāre Bernabé, Pablo mera bocafĩripu ĩġu. ⁸ Eropigu Elimu yeepu erāre buhedorebirirĩpu. İġu Sergio Paulo Jesu yare ĩġu umupeocū gamesābirĩpu yeepu. Sergio Paulore Goāmu yare ĩġu peecū cāhmotadiarĩpu. ⁹⁻¹⁰ İġu eropa buhedorebiriquerecū ta Saulo, Pablo waĩcuġu Espĩritu Santore ðaro opagu árĩgu yeere ðaro ĩadihupi ĩġure werepu:

—Muħu ġuyaricūġu, ñegu, watĩ İġu dorerire iġu, ðarire ĩhaturigū āħraa muħu. ĶDuhpigu mari Opu yare “Ñeri āħraa. ġuyari āħraa,” eropa arĩniguicāri muħu? ¹¹ Muħu eroparĩra waja Jesu mari Opu mure ĩġu pēhrecū cuiri ĩhajabigu árĩġuca muħu. Eropigu bajamenurigā muħu ĩnurire ĩarisome, arĩpu Pablo.

İġu eroparĩcū ta İġu yeepu imica iro dopa árĩrere ĩamuħtagu, naitĩaro dihtare ĩapu ĩġu. Eropigu İġure taā curibure amapu ĩġu. ¹² İġu eropa wacū ĩagu, Sergio Paulopu Jesu yare “Diaye ta āħraa,” arĩ masĩpu. Mari Opu yare ĩġu pee, uca wa, Jesure umupeonugapu.

Pablo Bernabé mera Antioquía Pisidia yebague árĩri macague árĩñorā

¹³ Eropi Pablo sā Pafogue árĩnirā dohodiru mera waha, Pergegue ejañorā. Perge Panfilia yebague āħraa. Eroque eja, Ñu Marcopu erāre cohā wahġā, Jerusaléngue waha wapu. ¹⁴ Erāpu Pergegue árĩnirā waha, Antioquĩague ejañorā. Antioquía Pisidia yebague āħraa. Eroque ejarā, Sabadonu árĩcū erā judio masa buheri wihigue ñajaja, erogue doañorā. ¹⁵ Eropirā iri wihi majarā oparā Goāmu dorerire, Moisegue marire ĩġu apirare, Goāmu yare weremuħtanirā erā gojarare erā buhera puħru erā siħubeoñorā Pablo säre.

—Acawererā, Ķmasare muħa werediarā iiri? Irire werediarā wereque doħparagā, arĩñorā iri wihi majarā oparā.

¹⁶ Erā eroparĩcū peegu, Pablo wahġānugaja, “Wereniguibiricāque,” arĩgu ĩġu mojoto mera paatupu. Erā ejarimaricū ĩha, ĩġu ðpa arĩpu:

—Israe masa, muħa mari Pagure umupeorā, peeque. ¹⁷ Mari ñecu sumarā mura Goāmure umupeomurĩnuma. Erā murare Goāmu beyemurĩnumi. Eropirā erā mari ñecu sumarā yoari boje Egiptogue árĩmurĩnuma ġajirā árĩquererā. Eroque erā árĩcū Goāmu ðaro iimurĩnumi erāre. Eropirā bajarā masa pore árĩnuma erā. ðpa iĩnumi erāre. Erāre Egiptogue árĩrere ĩġu turari mera aĩ wiuĩnumi Goāmu. ¹⁸ İġu eropa wiura puħru erā cuarenta bojori gohra masa mariogue curimurĩnuma. Eroque ĩġure erā tarinugacū Goāmu eropa ta pepicānumi. ¹⁹ Eropigu Canaa waĩcari yebaguere siete cururi majarāre cōātuhaja, Goāmu iri yebare oñumi Israe masapure. ²⁰ Iri yebare otuhaja cuatrocientos cincuenta bojori gohra masare doremorāre apimurĩnumi Goāmu Israe masare.

—“Goāmu İġu apinirā Samue İġu árĩcūgue árĩtumurĩnuma. Samuepu Goāmu yare weremuħtagu árĩmurĩnumi. ²¹ Samue árĩrisubu Israe masapu erā opu árĩbure amamurĩnuma. Eropirā Goāmure serēmurĩnuma. Erā eropa serēcū ĩagu Goāmu Saulore apimurĩnumi. Saulo Cis magu árĩnumi. Benjami ya curu majagu árĩnumi. Eropigu cuarenta bojori gohra erā opu árĩbure apĩnumi Goāmu ĩġure. ²² Eropigu Goāmu Saulore İġu cōara puħru Davire apimurĩnumi İġu. ðpa arĩnumi Goāmu Davire. “Davi İsaĩ magure bocabu yuħu. İġure mucubiria yuħu. İġu yu gamerire iipehogucumi,” arĩnumi Goāmu. ²³ İhĩ Davi İġu pārami árĩturiagu āħrimi Jesu. Goāmu Jesure apidĩgu árĩmi Israe masare itamubure. “Masare ðaro iĩġuca,” arĩnumi Goāmu. İġu arĩdiro dopa ta iidi árĩmi İġu Jesu. ²⁴ İġu eropa iiboro core Jesu İġu ariboro core Ñu waĩyegu ðpa arĩ buhepu: “Muħa ñerire bujawereque. ðarĩpüre goħrotoque. Eropirā waĩyesunirā árĩque,” arĩ buhepu Ñu árĩpehrerā Israe masare. ²⁵ Eropigu Ñu İġu buhetuboro core, İġu sĩrìboro core ðpa arĩ weremurĩpu. “ĶNihino āħrimi yuħu muħa pepicū? Iribojegu majagu Goāmu yare weremuħtadigu árĩbeaa yuħu. Cristo árĩbeaa yuħu. ġajigu āħraa. Cristo yuħu árĩbiriquerecū yu puħru yu tauro turagupu arĩġucumi. İġupu ðatariagu āħrimi. İġu iro dopa árĩbeaa yuħu,” arĩ werepu Ñu masare, arĩpu Pablo.

²⁶ “Acawererā, Abrahā pāramerā, árĩpehrerā mari Pagure ġuyadiaro ĩarā, marire i İġu tauborore wereri buherire obeodi árĩmi mari Pagu. ²⁷ Jerusalén majarā erā oparā mera Jesu erāre taugū ĩġu árĩcū masibirinirā árĩma. Sabadonuri árĩcū Goāmu yare weremuħtanirā erā gojarare buhequererā ta Jesure masibirinirā árĩma. Eropu masibirā Jesure wejēdoreñorā. Eropu iirā Goāmu yare weremuħtanirā erā ġojadiro dopa ta iirā iĩñorā. ²⁸ İġure erā wejēboro core erā Jesure weresārĩñorā. İġu ñerire iibiriquerecū ta erā Pilatore Jesure wejēdoremorā serēñorā. ²⁹ Eropirā iribojegu majarā erā ġojadiro

dopa ta Jesure iituhaja, Īgure crusague árĭgure aĩdiju, masa gobegue utāyegue erā seara gobegue apiñorā erā Īgure. ³⁰ Eropā erā Īgure wejēquerecū ta Goāmū masudi árĭmi Īgure. ³¹ Eropirā Galileague arinirā Jerusaléngue Īgu mera ejanirā bajanuri Īgure sĭri masa deyodigure ĩañorā. Eropirā dohpaguere Īgure erā ĩarare masare werema erā.

³²⁻³³ Eropā masare wereniguigu ōpa arĭ werenemopu daja Pablo:

—Eropirā ōari buherire werea gua muare. Goāmū mari ñecu sumarāre “Masare ōaro iiguca,” iribojegue Īgu arıdıro dopa ta dohpaguere marire erā acawererāre iiami. Irire Īgu wererare ōpa iiami Īgu. Goāmū Jesure masudi árĭmi. Eropirā Jesure Īgu masurare werea gua muare. Salmopūgue iribojegue Īgu ōpa arĭ gojadıro dopa eropa wayoro Jesure: “ ‘Muhū yū magū āhraa. Dohpagāre mare dehyoacū iiabū,’ arĭmi Goāmū Īgu magure,” arĭ gojañumi iribojegue. ³⁴ Eropigu Goāmū Jesure Īgu masuburire dipaturi Īgu sĭribiriborore weregu ōpa arĭ were gojadoreñumi Salmopūgue: “Davire yuhū mojomoro iadıro dopa ta diaye ta ōaro iigura mūa säre,” arĭ gojadoreñumi. ³⁵ Eropigu gajĭ Salmo säre ōpa ta arĭ wereñumi: “Goāmū mū ōagu Īgu dupre boadorebirabu muhū,” arĭ gojañumi. ³⁶ Eropigu Davi Goāmū Īgu gamediro dopa ta Īgu arırasubu majarāre itamumariñumi. Puhru Īgu sĭria wañumi. Īgu sĭrira puhru Īgu pagu sumarāre erā iıdıro dopa ta yaañuma Īgu säre. Eropigu Īgu boa wañumi. ³⁷ Eropigu ihĭ Jesu Goāmū Īgu masudigupu ne boabiridi árĭmi. ³⁸ Eropirā mūa, yū acawererā, ire masique: Goāmū mūa ñerire Īgu cóaborore muare ire werea gua. Jesupu mūa ñerire cóabu āhrimi. ³⁹ Eropigu Īgure umupeorāre erā ñero iirare cādijicāgucumi Īgu. Moiserē Īgu apira dorerire mūa iira mera Goāmū pohrogue wasome mūa. Eropigu iri dorerire iiri mera taridiarāre erā ñerire cóasome Goāmū. ⁴⁰ Eropirā ōaro iique. Mūa ōaro ĩibricū Goāmū ya weremuhtanirā erā gojadıro dopa ta muare waroca. Ōpa arĭ gojañuma:

⁴¹ Peeque mūa queoricarā. Yure ĩhaturirā āhraa mūa. Yū ōpa iicū güique mūa. Eropirā peamegue waque. Mūa árĭrinurire muare ĩi ĩhmugara. Yū eropa ĩi ĩhmucū ĩaquererā “Diaye ta āhraa,” arĭsome mūa. Gajigu irire muare Īgu ōaro werequerecū ta “Diaye ta āhraa,” arĭsome mūa, arĭ gojañumi Goāmū yare weremuhtadigu, arĭ werepu Pablo erāre.

⁴² Īgu eropa arĭ werera puhru judio masa buheri wihigue erā wiriara puhru judio masa arĭbirāpu erāre serēñorā.

—Gajĭ semanague Sabado árĭcū ire buheba daja guare, arĭ serēñorā erā Pablöre.

⁴³ Eropirā iri wihigue arĭnirā wiria, judio masa bajarā, judio masa arĭbirā sā Pablo, Bernabé sā mera wañorā. Judio masa arĭbirā judio masa yare buherā arĭñorā. Erā erā mera wacū Pablo Bernabé mera ōaro wereñorā erāre. “Goāmū muare mahimi. Eropirā Īgure umupeorā arĭniguicāque,” arĭ buheñorā erā.

⁴⁴ Eropirā gajĭ semanare Sabado árĭcū arĭpehrerā Jesu yare peediarā gamenereñorā.

⁴⁵ Eropirā judio masapu bajarā masa Jesu yare peediarā gamenerecū ĩarā guañorā. Eropā guarā, erā gajiropa arĭ werenigui, Pablöre ñero quere goroweñorā. “Muare Īgu buheri diaye arĭbeaa,” arĭñorā erā. ⁴⁶ Erā eroparĭcū peerā, Pablo, Bernabé mera erāre quere gorowenirāre güiro mariro wereñorā.

—Goāmū Īgu dorediro dopa ta muare judio masare buhemuhtarabu gua. Muapu irire gamebirituhabu. Ūmuri nucu Goāmū mera arĭniguicū säre gamebirituhabu mūa. Eropirā guapu judio masa arĭbirāpure buhenugarāca. ⁴⁷ Ōpa ta doreñumi mari Opū guare:

Mūa judio masa arĭbirāre buherā erāre Goāmū yare ōaro masicū iirāca mūa.

Eropigu mūa yoarogue arĭrāre mūa buhecū peerāre erāpure peamegue wabonirāre taugca yuhū, arĭ wereñumi Goāmū guare Īgu yare gojarapūgue, arĭ werepu Pablo, Bernabé mera.

⁴⁸ Erā eroparĭcū peerā judio masa arĭbirāpu mucubirñorā. “Mari Opū yapu ōari āhraa,” arĭñorā erā. Eropirā Goāmū Īgu gamenirā, ūmuri nucu Īgu mera erā arĭniguborore Īgu odianirā Jesure umupeonugañorā. ⁴⁹ Eropirā mari Opū Cristo yare iri yebague werepehoñorā. ⁵⁰ Erā eropa iicū ĩarā judio masa suabiria wañorā. Erogue mari Pagure umupeorā nome, ōarā nome arĭñorā. Eropirā judio masa Pablo säre ñero wereniguñorā. Erā eropa wereniguicū peerā erā nome Pablo mera Bernabé mera guañorā. Eropirā iri maca majarā oparā sā erā mera guañorā. Eropā quarā ero majarā ñero iñorā Pablo säre. Erā eropiira, puhru Pablo säre erā ya yebague arĭrāre cohā wiucāñorā. ⁵¹ Erā eropa iicū ĩarā, Pablo Bernabé mera erā guburi maja nicure pasiripiñorā iri maca majarā erā ñeri wajare ĩhmurā. Eropā iituhaja erā Iconiogue waha wañorā. ⁵² Eropirā erā Jesu yarā wūaro mucubiri, Espĭritu Santo wūaro Īgu dorediro dopa ĩarā iñorā.

14

Pablo Bernabé mera Iconiogue ártñorã

¹ Eropirã Iconiogue ártñ Pablo Bernabé mera judio masa buheri wihigue ñaja, Jesu yare wereñorã. Eropirã judio masa bajarã Jesure umupeoñuñorã. Eropirã judio masa ártñbirã sã Jesure umupeoñorã. ² Judio masa Jesu yare peediabirãpũ judio masa ártñbirãre Jesu yarã mera erã guacũ iññorã daja. Erã eropa iicũ judio masa ártñbirã ñero pepiñorã Jesu yarãre. ³ Erã eropa pepicũ ñarã Jesu yarãpũ Pablo sã erogue yoari boje ártñã, güiro mariro mari Opu yare ñari buherire buheñorã. Goãmu masare ñgu mahirire buheñorã. Erã eropa buherisubũ Goãmu turari mera deyoro moarire ii ñhmuñorã, "I buheri diaye ta áhrraa," arĩ ñhmurã. ⁴ Eropirã iri maca majarã deco mera judio masa yare gamerã dujañorã. Deco mera ta Jesu yare gamerã sã dujañorã. Erã pe curu ñaca wariñorã. ⁵ Eropirã Jesu yare gamebirãpũ judio masa sã ártñbirã, judio masa sã erã oparã mera gamenere Jesu ñgu apinirãre ñero iidiariñorã. Utã mera dea wejediariñorã erãre. ⁶ Erã eropa iidiarire masirã, Pablo, Bernabé mera Licaonia yebague duhriñã waha wañorã. Iri yeba ártñi macari tari wahgã Lista waicuri macare Derbe waicuri maca sãre ejañorã. ⁷ Erogue ejarã, ñari buherire buheñorã daja erã.

Listrague Pablöre utã mera deañoã

⁸ Eropii Listrague curimasibigu doapu. ñgu ne masa dehyoagugue ta curimasibiridigu ártñpũ. ⁹⁻¹⁰ Eropigu ñgu Pablo ñgu buhecũ peepũ. ñgu peerisubũ Pablopũ ñgu dihtare ñapu. ñgure ñanurũ ñpa arĩ pepipũ: "Iñi Jesure umupeomi. Eropigu 'Jesu yare ñapu ñacũ iimasimi,' arĩ pepigu ñcumĩ," arĩ pepipũ Pablo curimasibigure. Eropa pepigu turaro mera ñpa arĩpũ Pablo ñgure:

—Wahgãñugajaque, arĩpũ Pablo ñgure.

Ñgu eroparicũ peegu ta curimasibigupũ buhrimanugaja, wapũ. ¹¹ Pablo ñgu eropa iicũ ñarã masa gaguiniguñorã. Erã Licaonia ya mera ñpa arĩ gaguiniguñorã:

—Goãmarã masa dopa bejarã ñmarogue ártñã mari pohrogue dijarama, arĩ gaguiniguñorã erã.

¹² Eropirã erã Bernabére "Mari goãmu Zeus áhrimi," arĩ piyuñorã. Eropirã Pablo buhemuhtadigu opu iro dopa ñgu ártñcũ ñarã "Mari goãmu Hermes áhrimi," arĩ piyuñorã erã ñgure. ¹³ Eropirã Zeure umupeorã ya wihi iri maca turo pohro ártñyoro. Eropigu Zeus yarã erã pahipũ iri wihigue ártñgu macague ñajariri disiporo pohrogue wecuare, gori amurare aĩgãripũ. Iri mera Pablöre Bernabére "Mari goãmarã áhrima," arĩ umupeodiariñorã. Eropirã erã wecuare soemuju Pablöre, Bernabére umupeodiariñorã. ¹⁴ Erã eropa iidiacũ ñarã Pablo, Bernabé mera erã basi erã ya suhrire yehguenugañorã erã bujawererire masare ñhmurã. Erã yehguenugara puhũ masa watope omagã, gaguiniguñorã erã.

¹⁵ —Mua ñpa iibiricãque. Gua sã mua iro dopa ta masa áhrraa. Mua ñpa iiri ne duhriburi ártñbeaa. Eropirã muare ñarire buherã ahrrabũ. Ñpa iirire duhdorerã arirã iiaabu. Oã mua goãmarãre mua weanirãre ñerãre cõacãque. Eropirã Goãmure ojocarigupure umupeoque. Goãmupũ ñmarore, yebare, wuariyare, ártñpehrerire, ártñpehrero majarãre ñgu áhrimi. ¹⁶ Eropigu ñgu iribojegue ártñpehreri macari majarã erã gamero iirare eropa ñacãñumi. ¹⁷ ñgu eropa ñacãqueregu ñgu ártñricurire ñhmumi marire. ñgu masare ñarire ii, deco aricũ ii, ñucare oo, masare barire oniguimi. ñgu eropa ocũ masa mucubirima. Eropa ta ñgu ártñricurire ñhmumi masare, arĩpũ Pablo, Bernabé mera.

¹⁸ Eropirã erã eroparicũ peequererã ta masa wecuare wejẽ soemuju erãre umupeodiariñorã. Eropa erã umupeodiacũ ñarã erãre eropa iidorebiriñorã Pablo sã. Erã eropa iirire duhdiabiriquererã duhuñorã.

¹⁹ Eropii gajirã judio masa Antioquia majarã, Iconio majarã sã Listrague ejañorã. Erogue ejarã, Pablöre ñero wereniguñorã ero majarãre. Erã eropa werenigicũ peerã masa ñgu mera guanugañorã. Eropa guarã masapũ utã mera deañoã Pablöre. Utã mera ñgure deatuhaja, "Iñi sãria wahãmi," arĩrã, iri maca turo pohrogue ñgure taragã mehpicã, waha wañorã. ²⁰ Erã eropiiquererã Jesu yarã Pablo pohro erã gamenerenugajacũ gohra Pablo masa wahgãñugaja, erã mera macague waha wapũ. Eropirã gajinũ ñgu Bernabé mera Derbegue wapũ.

²¹ Eropirã erã erogue erã ñari buherire bajarã masare erã werera puhũ, erã Listrare eja daja iri macare tarigã, Iconiore eja daja iri macare tarigã, Antioquia Pisidia yebague ártñi macare ejañorã daja. ²² Iri macariguge ejarã, ero majarã Jesu yarãre ñari buherire wereñorã daja. Erãre ñaro sãporãcacũ iññorã. Eropirã Jesure umupeodorenigicãre ñpa arĩ wereñorã erãre.

—Goāmū árĩroguere mari wadiarā, buriḡā marire ñero tariro gahmea, arĩ wereñorā erā.

²³ Eropirā macari ñucu majarāre Jesu yarāre erā oparā árĩmorāre apiñorā Pablo Bernabé mera. Eropirā erā ba duhura pũru Goāmũre serēñorā.

—Opũ, oā mu yarāre ñhadibuque, arĩ serēbasañorā erā Goāmũre erā umupeogure.

Pablo Bernabé mera Antioquíague erā árĩmuhtara macague dujaa wañorā

²⁴ Erā eropa iira pũru erā Pisidia yebague tariara pũru waha wañorā Panfilia yebague. ²⁵ Eropirā Pergeguere erā buhetuhaja Atalia waĩcuri macague buha wañorā. ²⁶ Eropirā iri macague eja, Antioquíague dujaarā, dohodiru mera waha wañorā. Iri maca coregue erā árĩnicũ Jesu yarā Goāmũ yare buhedorerā Pablo säre oboeñorā. Eropa oboerā Goāmũre õpa serēñorā:

—Goāmũ, mu mahiri mera oāre ñhadibuque, arĩ serē, oboeñorā erā.

Eropirā erā buhedorerare buhepehonirā árĩrā Pablo Bernabé mera dujaniñorā iri macare. ²⁷ Eropirā erā Antioquíague erā dujajara pũru Goāmũ yarā mera gamenere, Goāmũ ñũ turari mera erā ñirare werepehoñorā erā. Judio masa árĩbirā sã Goāmũ yarā erā warare wereñorā erā. ²⁸ Eropirā Pablo sã eroguerere Jesu yarā mera yoari boje árĩcãmuriñorā.

15

Jerusaléngue Jesu yarā gamenereñorā

¹ Eropi Judea yeba majarā bajamerāḡā Antioquíague ejarā, Jesu yarāre õpa arĩ buhenũḡañorā erā.

—Goāmũ ñũ dorerire Moiserere apĩḡ õpa arĩ apimuriñumi. Árĩpehrerā erā dũpũre miri gasiroḡā erā wiri aĩborore were apimuriñumi Moiserere. Mũa irire iibiricũ Goāmũ muare tausome, arĩ buheñorā erā ero majarāre.

² Erā eropa arĩ buhecũ peerā Pablo Bernabé mera gamebiriñorā. Iri buherire buriḡā game duyasorā Judea yeba majarā mera. Erā eropa game duyasora pũru Jesu yarāpũ Pablore, Bernabé, gajirā ero majarā säre Jerusaléngue oboeñorā. Judea yeba majarā erā buherire Jesu ñũ apinirāre Jesu yarā oparā säre serēpi ñadorerā oboeñorā Pablo säre.

³ Eropirā Jesu yarā erāre erā oboecũ waha, Fenicia yebare eja tarigā, Samaria yebague ejañorā. Iri macarigue ejarā, judio masa árĩbirā Goāmũ yare erā gemenũgarare wereñorā erā ero majarāre. Erā eropa werecũ peerā ero majarā Jesu yarā buriḡā mucubiriñorā.

⁴ Eropirā erā Jerusaléngue ejaçũ ñarā ero majarā Jesu yarā Jesu ñũ apinirā, ñũ yarā oparā mera mucubiriri mera õaro bocatĩriñorā erāre. Eropirā Pablo, Bernabé gajirā mera Goāmũ ñũ turari mera erā ñirare wereñorā Jerusalén majarāre. Judio masa árĩbirā Jesu yarā erā wara säre wereñorā erā. ⁵ Erā eropa werequerecũ eroguerere fariseo masa Jesu yarā bajamerāḡā árĩñorā. Eropirā erā eroguerere wahḡañũḡaja, õpa wereñorā.

—Erāre judio masa árĩbirāre erā dũpũre miri gasiroḡare wiriro gahmea. “Goāmũ Moiserere ñũ dorerare iique mũa sã,” arĩro gahmea erāre, arĩñorā erā fariseo masa.

⁶ Erā eroparicũ pee, Jesu ñũ apinirā, Jesu yarā oparā mera irire amudiarā, gamenereñorā. ⁷ Eropirā erā yoari boje erā werenĩguira pũru Pedro wahḡañũḡaja, werepũ erāre.

—Acawererā, iribojegue yũhũ mũa mera árĩḡũre Goāmũ õpa iidoreḡa yare apimi. Ñũ yare õari buherire judio masa árĩbirāre weredoreḡa apimi. Erāre Jesure umupeodoreḡa yare erāre buhedoremi. ⁸ Eropiḡa Goāmũ masa erā pepirire masimi. Eropiḡa ñũ judio masa árĩbirāre ñũ yarare ñũ ñirare ñhũmũ ñũ Espĩritu Santore ohāmi erāre marire ñũ iidiro dopa ta. ⁹ Eropa õḡa ñũ marire erā säre yujuropa ta õaro iimi. Erā ñũre umupeocũ erā ñerire cadĩjimi ñũ. ¹⁰ Maripũ Moise dorerire yujuro bojebeaa. Mari ñecũ sumarā mũa sã irire yujuro bojebirimuriñuma. ¿Eropa mari yujuro bojebiriquerā duhpĩrā Jesu yarāre judio masa árĩbirāre irire Moise dorerire iidorediari mũa? ¿Duhpĩrā Goāmũ judio masa árĩbirāre ñũ yarā wacũ ñũ ñirare “Ero wabeaa,” arĩri mũa? ¹¹ Eropa arĩbirā mari õpa pepia. Dohpaguerere judio masa árĩbirā iro dopa ta mari säre mari Opũ Jesu mahiri mera Goāmũ taugucumi, arĩpũ Pedro erāre.

¹² Ñũ eroparicũ peerā árĩpehrerā ejarimaria wañorā. Eropirā Pablo Bernabé mera judio masa árĩbirā watope Goāmũ turari mera erā ii ñhũmurare wereñorā erāre. ¹³ Eropa erā weretuhajara pũru Santiago sã werepũ.

—Acawererā, peeque yare. ¹⁴ Goāmũ judio masa árĩbirāre ñũ yarā árĩmorāre ñũ ne ñirare weretuhajami Pedropũ. ¹⁵ Iribojegue Goāmũ ya weremuhtanirā erā werediro

dopa ta eropa wahabu judio masa áribiräre. Ôpa arî Goâmũ wereniguirire gojañuma erã iribojeuere:

¹⁶ Iribojeque Davi mũru ya curu majarã erã oparã ářira pehrea wabu. Pũru dujarigũca yũu. Eropigu dipaturi ĩgu ya curu majagure opu acugũca. ¹⁷ Yũ eropa acura pũru ářipehrerã judio masa ářibirã yũre erã opũre gamerãcoma erã. “Yaharã ářique,” yũ arĩ sihubeorãpũ yũre gamerãcoma. ¹⁸ Eropa ta arĩmi mari Opũ. Iribojeque ĩgu ire masare weremũripũ, arĩ gojañuma Goãmũ ya weremũhtanirã.

¹⁹ “Eropigu ôpa pepia yũu, arĩpũ daja Santiago. Judio masa ářibiräre Goãmũ yare ne gamenũgarãre baja iidorebircãrã mari. ²⁰ Eropirã erãre goja, obeorã mari. Ôpa arĩ gojabeorã. “Goãmarã wãnirãre erã umupeora barire babiricãque. Eropirã nome mera ñero iibiricãque. Nome sã ũa mera ñero iibiricãque. Eropirã wũũũũũ mohwejãnirãre waimũrãre babiricãque. Dire ihribiricãque,” iripãta arĩ were gojabeorã. Iri doreri Moise apira doreri sã áhrra. ²¹ Yoari boje judio masa buheri wirigue Sabado ářicũ Goãmũ Moiserũ ĩgu apira dorerire buhemũrima masa. Eropii ářipehreri macarigũ Moise dorerire buhemũrima masa. Eropirã ya arĩdiro dopa ta judio masa ářibirãre Jesu yarãre were gojabeocũ, judio masapũ pee, “Gua iiguari ta áhrra,” arĩrãcoma, arĩpũ Santiago.

Judio masa ářibirãre erã gojarapũ obeoñorã

²² Eropirã Jesu ĩgu apinirã, Jesu yarã oparã ářipehrerã Jesu yarã mera Santiago arĩrare peerã, “Eropa ta irã,” arĩñorã. Tuhajanũgu erã mera majarãre beyeñorã erã obeomorã. Antioquíague Pablo, Bernabé mera erã wamorãre erã beyeñorã. Eropirã erã Judare, Sila mera beyeñorã erã obeomorã. Judapũ Barsabá peñe waicũpũ. Erã beyerã acawererã Jesu yarã erã umupeonirã ářĩñorã. ²³ Erãre erã beyera pũru Jesu yarã gojabeorãpũre obeoñorã erã mera. Ôpa arĩ gojañorã erã:

—Jesu ĩgu apinirã, Jesu yarã oparã, mũa acawererã Jesu yarã mera gua ðadorea mũare. Ářipehrerã judio masa ářibirã Antioquíague, Siriague, Ciliciague ářĩrãre mũare Jesu yarãre ðadorea gua. ²⁴ Gua mera majarã mũa pohrogue ejarã, mũare baja dorerire iidoreañorã. Eropirã mũare gariboañorã. Erã Goãmũ dorerire Moiserũ ĩgu apiraguere, mũa dũpũ merogã merogã gasirogãre wiriri sãre iidoreañorã. Guapũ erãre irire buhedorerã obeobirabu. ²⁵⁻²⁶ Eropirã gua ářipehrerã mũa pohrogue obeomorãre gua beyeabu. Mari mera majarãre, mari mahirãre, Pablo, Bernabé mera Cristo Jesu mari Opũ yare gũiro mariro erã buhecũ bajasuburi gajirã erãre wejebocuriñorã. Erã eropa wejebocuriñũ merogã mera tarimũriñorã erã. Erã Pablo, Bernabé mera gua beyenirãre dohpaguere obeoa. ²⁷ Eropirã Juda, Sila mera mũa pohrogue obeoa. Gua gojabeorare erãpũ mũare wererãcoma. ²⁸ Espĩritu Santo ĩgu guũaro dopa ta gua sã pepia. Ôpa áhrra iri: Gaji doreriguere apibea mũare. I doreri dihtare apirãca mũare. ²⁹ Goãmarã wãnirãre erã umupeora barire babiricãque. Dire ihribiricãque. Wũũũũũ mohwejãnirãre waimũrãre babiricãque. Eropirã nome mera ñero iibiricãque. Nome sã ũa mera ñero iibiricãque. I gua eropa dorera iibirã ðarire iirã iica mũa. Iripãta áhrra mũare gua werediari, arĩ gojabeoñorã Jesu yarã Jerusalengue ářirã.

³⁰ Iripũre gojatuhaja, wiañorã Antioquíague warãre. Erã wiara pũru waha, Antioquíague ejañorã. Erã erogue ejara pũru bajarã masare gamenedore, erã gojarapũre wiañorã erãre. ³¹ Iripũre erã buhera pũru, iri ðarire erã werebeorare peerã, ðaro mucubiriñorã. ³² Juda, Sila mera Goãmũ yare weremũhtarã ářĩñorã. Eropirã yoari boje Jesu yarãre Goãmũ erãre ĩgu woredorerare wereñorã. Erã eropa werecũ peerã, Jesu yarãpũ mucubiri ðaro sĩporãcũñorã. ³³ Eropirã Juda, Sila mera erogue bajamenarigã erã ářira pũru erã dujaricũ, ero majarã erã goeriserecũ, “Ôaro waque mũa,” arĩñorã Antioquíaja majarã. Eropirã Juda sãre obeonirãre ðadorebeoñorã. Erã eropa arĩra pũru Juda waha wapũ. ³⁴ Silapũ dujapũ Antioquíague. ³⁵ Eropirã Pablo Bernabé sã bajamenũri dujañorã iri maca ta daja. Eropirã erã gajirã bajarã mera Jesu yare buhe wereñorã.

Dipaturi Pablo ðari buherire buhecurigũ wapũ daja

³⁶ Eropii bajamenũri pũru Pablo werepũ Bernabére.

—Ina, ářipehrerãre mari buhenũganirãre ihacurirã warã daja, arĩpũ Pablo.

³⁷ Eropigũ Bernabépũ Ñure erã mera aĩgãdiaripũ. Ñũ Marco peñe waicũpũ. ³⁸ Pablopũ ĩgure aĩgãdiabiripũ. Ero core ĩgu erã mera Panfiliague ejagu erãre cohã dujaa wapũ. Eropigũ ĩgu erã iirire yujuro bojebiri dujaa wapũ. ĩgu eropa yujuro bojebiricũ ĩagu Pablo dipaturi ĩgure aĩgãdiabiripũ. ³⁹ ĩgu aĩgãdiabiricũ ĩagu Bernabé Pablo mera erã basi perã burigã arĩ game erã basi purumujucãñorã. Erã eropa arĩra pũru Bernabépũ Chipre waicũri nũgurogue Marcure aitaribuja wapũ. ⁴⁰ Pablopũ Sila

mera waha wapu. Eropirā erā buherā waboro core Jesu yarā erāre obeorā, “Goāmu muare ōaro ihadibuporo,” arīnorā. Erā eropa arīra puhru, Pablo Sila mera waha wapu. ⁴¹ Eropa warā, Siria yeba, Cilicia yeba sāre eja, erogue Jesu yarāre ōaro siporācu iri erā mucubiricā iīnorā erā.

16

Timoteo Pablo Sila mera wapicugāpu

¹ Erā eropa iira puhru Pablo sā Derbegue, Listrague ejañorā. Erogue ejaḡu Timoteore bocajapu. Timoteo Jesu yagu arīḡu, judio maso magu arīpu iḡu. Iḡu pago sā Jesu yago ta arīpo. Iḡu pagupu Griego masu arīpu. ² Eropirā Listra majarā, Iconio majarā, Jesu yarā Timoteore masa “Ōagu āhrimi,” arī weremuriñorā. ³ Eropiḡu Pablo Timoteore aiḡadiapu. Eropirā iri yeba majarā judio masapu Timoteo pagu griego masu iḡu arīcū masiñorā. Eropiḡu Pablo judio masare guari arīḡu, Timoteo dūpure miri gasiroḡa wiri aiḡu. Judio masa doreri iri arīro dopa ta iipu iḡure. ⁴ Iḡu eropa iira puhru waha erā ejari macari majarāre erā gojabeorapū majare wereñorā. Iripū Jesu iḡu apinirā, Jesu yarā oparā mera Jerusalēgue arīrā erā gojabeorapū arīyoro. Eropirā erā iri dorerire ōaro wereñorā ero majarā Jesu yarāre. ⁵ Erā eropa werēcū peerā, Jesu yarāpu Jesure umupeonemoñorā. Eropirā Jesu yarā umari nucu bajarā waniguicāñorā.

Pablo quēroque Macedonia majagure iapu

⁶⁻⁷ Eropiḡu Asia yebagupare ōari buherire buherā wadorebiripu Espiritu Santo erāre. Eropirā erā Frigia yebare taria, Galacia yebare taria, Misia yeba turo pohro ejañorā. Bitinia yebapu wadiariñorā erā. Eropiḡu Espiritu Santopu erāre erogure wadorebiripu. ⁸ Iḡu eropa dorera puhru erāpu Misia yebare tarigā, Troague erañorā. ⁹ Erogue iḡu erara puhru iri ñamire ōpa quēpu Pablo. Macedonia yeba majagu iḡu pohro niguicū iapu iḡu. “Guare Macedonia yeba majarāre itamugu arique,” arī, sihupu iḡu Pablore. ¹⁰ Iḡu eropa quēra puhru wahḡa, gua yare amutuhaja, Macedoniague waha wabu gua. “Goāmu iri yebare ōari buherire buhedoreḡu iimi marire,” arī pepibu gua.

Pablo, Sila mera Filipogue arīpu

¹¹ Eropirā gua Troague arīrā dohodiru mera Samotracia waicuri nūgurogue taribu-jajabu gua. Eropirā gajinu Neapoligue wabu gua. ¹² Iri macare taria, Filipogue Roma majarā ya macague ejabu gua. Iri maca Macedonia yeba arīri maca arību. Gaḡyadiari maca arīro iibu. Eroguere bajamenarigā gua arību. ¹³ Eropirā Sabado arīcū gua iri maca turo pohrogue, dia weca pohrogue ejabu. Ero Goāmu mera erā wereniguro arību. Ero doarā ero gamenererā nome mera weretamubu gua. ¹⁴ Yujugo guare peego Tiatira majago Lidia waicugo arīmo. Eropiḡo iḡo ōari suhri wajacuri suhrire duago arīmo. Mari Pagu Goāmu sāre umupeogo arīmo. Eropiḡu Pablo iḡu wererire ōaro peecū iimi Goāmu igore. ¹⁵ Eropii igore iḡo ya wihi majarā mera waiyemi Pablo. Iḡu eropa waiyera puhru ōpa arīmo iḡo:

—“Jesu yago āhrra,” arāa mua sā yare. Eropirā yaha wihi ñajarinique mua. Yu mera dujanique, arīmo iḡo guare.

Iḡo eroparicū peerā iḡo ya wihi dujanibu gua. ¹⁶ Gajinu Goāmu mera erā werenigurogue gua wacū watī ñajasūdigo bocatīrimo guare. Iḡo gajirā pohro majago arīmo. Eropiḡo iḡo masare “Ōpa waroca muare,” arī wereyugo arīmo. Irire masare werego wuaro wajatabasamo iḡo oparāre. ¹⁷ Eropiḡo Pablo mera gua wacū, guare nurusia, gaguiniguimo iḡo.

—Oā Goāmu turatarigū iḡu itumurā āhrima. Mari sirira puhru Goāmu marire iḡu ōaro tauborore werema erā, arī gaguiniguimo iḡo.

¹⁸ Bajannri eropa arī garibomo Pablore. Iḡo eropa arī gaguiniguicū daja Pablo gamebigu maji iha, ōpa arīmi watīre:

—Jesucristo turari mera dorea mure. Iгоре duhuque. Wanisa muḡu, arīmi Pablo.

Iḡu eroparicū ta watīpu waha wapu.

¹⁹ Watī igore eropa wara puhru iḡo ōago dujago masa erā waburire werego arībirimo pare. Eropirā iḡo oparāpu niyerure iḡo wajatabigo iḡo wacū iarā, erā Pablo Sila mera ñeama. Nehatuhaja, erāre taragāma iri maca decogue oparā pohrogue. ²⁰ Eropa aiḡarā, dipuwaja moadorerā pohrogue erāre apima erā ōpa arīrā:

—Oā judio masa mari ya macare gariborā iima. ²¹ Erā mari dorerire cōadorerā, gajī buherire buherā iima. Mari ya dorerire tarinugacū iidiarā iima. Mari Roma majarā arīrā oā erā wereripure iimasibea mari. Eropirā erā buherire mari gamebeaa, arīma iḡo oparā dipuwaja moadorerāre.

²² Erā eroparicū peerā masa bajarā Pablo sã mera guatariacãma. Eropirã dipuwaja moadorerãpũ Pablo Sila sã ya suhrire erã yehgue cóara pũhrũ muta yucugã mera tãradorema erãre. ²³ Burigã erã tãrara pũhrũ peresu iima erãre. Erã eropa peresu iira pũhrũ peresure coregure ôaro ñhadibudoreñorã erã. ²⁴ Erã eropa dorera pũhrũ erãre coregũpũ iri wihi poheca maja taribugue erãre api, taboamiji goberigue sihacu erã guburire bihacãpũ. ²⁵ Ñami deco Pablo, Sila mera Goãmure serẽ ñgure bayapeñorã. Erã eropa bayacũ peñorã gajirã peresugue árirã. ²⁶ Erã eropa bayacũ ta iri wihi burigã ñohmeyoro. Ero eropa ñohmecũ yujuro mera áripehreri disiporori pãrimaapehrea wayoro. Peresugue árirãre erã diriradari sã pãrisiri dija wayoro. ²⁷ Eropã wacũ ñagu, iri wihire coregũpũ wahgã, ñgu ñoserimijire aibeo, ñgu basi ñosediaripũ. ²⁸ ñgu eropa iicũ ñagu Pablo ñgure burigã gaguinigiũ ôpa arĩpũ.

—Mũ basi ñero iibiricãque. Áripehrerã ôre áhrra gũa, arĩpũ ñgu erãre coregure.

²⁹ ñgu eroparicũ peegu erãre coregũpũ sihãgodore, erã pohrogue omagã Pablo, Sila guburi pohrogue naragã merejapũ ñgu. ³⁰ Eropigu ñgu erãre iri taribugue árirãre aĩ wiria, serẽpipũ erãre.

—¿Dohpa iigucuri yuhũ Goãmũ ñgu yure taucũ gamegu? arĩ serẽpipũ ñgu.

³¹ —Jesucristore umupeoque mũhu. Mũ acawererã sã ñgure umupeoporo. Mũa eropa iicũ Goãmũ muare taugucumi ñgu pohro mũa waboro dopa, arĩ wereñorã erã.

³²⁻³³ Erã eropa arĩrisubu ñami deco pũhrũgã áriyoro. Erã eropa arĩra pũhrũ erãre coredigu ñgu ya wihigue aĩgãpũ erãre. ñgu ya wihigue aĩja, erã camire coepũ ñgu. ñgu eropa coetuhajara pũhrũ ñgu acawererã mera Goãmũ yare buhepũ Pablo sã. Erãre ñgu buhera pũhrũ waĩyepũ. ³⁴ Erãre waĩyetuhajara pũhrũ erãre coredigu Pablo sãre bari peopũ. Eropirã ñgu ñgu acawererã mera ôari buherire erã peera pũhrũ burigã mucubiriñorã. Goãmure masinugañorã.

³⁵ Boyodiji merecũ ñarã oparãpũ erã surarare peresugue obeoñorã Pablo sãre wiudorerã. ³⁶ Erã eropa wiudorera pũhrũ iri wihire coregũpũ Pablo sãre werepũ.

—Oparã muare wiudoreañorã. Eropirã gũiro mariro wirigũe, arĩpũ ñgu Pablo sãre.

³⁷ Eropã erã wiudiaquerecũ ta Pablo werepũ surarare:

—Gũa ñero iibirabu. Eropirã gũa ne dipuwaja mara. Bu gohra ta erã oparãpũ masa bajarã erã ñhurore yucu mera tãrama guare. Gũa Roma majarã gũa áriquerecũ ta guare tãrama. Tãratuhaja peresu iima guare. Eropirã dohpaguere masa erã ñabiro wiudiana guare, guare erã ñero iirare guhyasiuro tariri, arĩrã. Oparã erã basi ta ahri aĩ wiurã ariporo guare, arĩpũ Pablo surarare.

³⁸ ñgu eropa arĩ werecũ peerã dujaa wereñorã oparãre surarapũ. Erã eropa arĩ werera pũhrũ Pablo Sila mera Roma majarã erã áricũ masirã oparãpũ gũi áriñorã. ³⁹ Eropirã erã Pablo sã pohro ejarã, ôpa arĩñorã:

—Ñero iiahu gũa muare. Ne eropa dipaturi iisome, arĩñorã oparã Pablo sãre.

Eropa arĩtuhaja oparã erãre peresugue aĩ wiu, erã ya macare wiridoreñorã. ⁴⁰ Eropirã Pablo Sila mera peresugue árinirã wiri, Lidia waĩcũgo ya wihigue eja, Jesu yarãre bocatiriñorã. Eropirã erã Jesu yarãre ôaro wereñorã. Ôaro siporãcũcũ iñorã erãre. Erã eropa iira pũhrũ Pablo Sila mera waha wañorã.

17

Tesalónica majarã guañorã Jesu yarã mera

¹ Eropirã erã Anfipoligũe eja taria, Apoloniague eja taria, Tesalonicague ejañorã erã. Ero judio masa buheri wihi áriyoro. ² Eropigu Pablo iri buheri wihigue warũ ñgu iiguarõ dopa ta gaji macarigũe áriũgũ. Eroge eja, ñhre semana gohra erã soorinũre Sabadonũre Goãmũ yare iribojegũe erã gojarare masare buhe, irire erã mera werenigũpũ Pablo. ³ Eropigu ñgu Goãmũ yare werepũ ôpa arĩgu:

—Judio masa, mũa Opa mũa coregũ Cristo áriũpũ masa ya áriburire ñero taribu. Eropigu ñgu sĩara waha masa muriapũ. Eropigu ñhi Jesu yuhũ arĩ weregũ, ñgu Cristo gohra ta áhrimi marire taubu. ñgu ta áhrimi mũa coregũ. Eropã ta werea Goãmũ yare erã gojarapũ, arĩ werepũ Pablo.

⁴ ñgu eroparicũ peerã bajamerãgã ero árirã “Diaye ta áhrra,” arĩñorã. Eropirã erã Pablo sã mera wañorã. Eropirã gajirã sã griego masa bajarã Goãmure umupeorãpũ, Pablõre peerã erã mera majarã nome sã, bajarã oparã nome sã, ñgure peerã Jesu yarã dujañorã. Eropirã Pablo sã mera wañorã. ⁵ Judio masapũ erã eropa iicũ ñarã erãre ñhaturĩñorã. Eropirã erã ñerãre mohmebirãre bajarãre sihu gameneo, ôpa arĩdoreñorã: “Pablo ñgu mera majarã mera ñero iirã iima,” arĩ gaguiniguĩdoreñorã erãre iri maca majarãre. Eropã gaguiniguĩrã áripehrerã iri maca majarãre guacũ iñorã

Pablo sã mera. Eropirã erã judio masa Jasõ ya wihigue ñaja Pablo sãre amariñorã erãre masaguere omorã. ⁶ Eropa amarã erãre bocabiriñorã. Eropirã Jasõre, gajirã Jesu yarã sãre ñeha tarawiriañorã erãre. Oparã pohrogue aĩ eja, õpa arĩ weresãñorã erã.

—Pablo sã masare áripehrerogue garibotariañorã. Eropirã dohpaguere mari ya macaguere eratuñajama. ⁷ Eropigu ihĩ Jasõ erãre igu ya wihigue ñajaridoreami. Erã áripehrerã mari weca opu Roma majagu igu dorerire tarinugama. “Gajigu mua opu áhrimi. Jesu igu ta áhrimi,” erã ericũ mari opu César dorerire tarinugama erã, arĩ weresãñorã judio masa erã oparãre.

⁸ Erã eropa arĩ weresãcũ peerã, áripehrerã masa, oparã sã gua “¿Dohpa wahari?” arĩ pepiñorã. ⁹ Eropirã oparã Jasõre, igu mera majarã sãre niyerure wajayedore, wiucãñorã.

Pablo Sila mera Bereague ejañorã

¹⁰ Iri eropa wacũ iri ñami ta mata Jesu yarã Pablo sãre dihbu obeocãñorã Bereague. Erogue eja judio masa buheri wihigue ñaja wañorã. ¹¹ Judio masa Berea majarãpu Tesalónica majarã tauro Goãmu yare õaro peerã áriñorã. Eropirã erã Jesu yare erã peera puhru “¿Diaye ta áhriri?” arĩ masidiarã, umari nucũ Goãmu yare erã gojarapũre eropa buheniguicãñorã erã. ¹² Eropirã erã bajarã Jesure umupeoñorã. Griego masa sã, uma, oparã nome mera Jesure umupeoñorã. ¹³ Eropirã Pablo Bereague Goãmu yare igu buhecũ sãre peebeo Tesalónica majarã judio masa Bereague ejañorã. Erogue ejarã, Berea majarãre quere goroweoñorã. Pablo sã mera guacũ iñorã erã. ¹⁴ Erã eropa icũ iarã Jesu yarã Pablöre yojarõ mera wuuriya tãrogue obeoñorã. Eropigu Sila, Timoteo mera Bereague ta dujañorã. ¹⁵ Eropirã gajirã Pablöre Atenague aigã soñorã. Igure sotuhaja maji dujaa wañorã. Erogue ejarã,

—Yojarõ mera waha, wapicurã waque Pablöre, arĩ wereñorã Silare, Timoteo sãre. Eropa arĩ weredorepu Pablo erãre.

Pablo Atenague áripu

¹⁶ Eropigu Pablo Atenague coregu iipu Sila, Timoteo sãre. Eropigu Atena majarã erã goãmarã wéanirãre bajarã erã opacũ iagu Pablo burigã bujawerepu erã mera. ¹⁷ Eropa bujaweregu judio masa buheri wihigue judio masa mera duyaso wereniguipu igu. Eropigu daja judio masa áribirã mera sãre wereniguipu igu. Erã yujurãyeri Goãmure umupeorã áriñorã. Eropigu Pablo iri maca deco umari nucũ igu pohrogue eropa curimaji ñajarã mera wereniguipu. ¹⁸ Gajirã epicũre yare buherã, estoico yare buherã sã Pablo mera wereniguipu.

—¿Ihĩ wereniguiri pehrebigu dohpa arĩ wereniguigu iiri igu? arĩñorã erã.

Pablo Jesu yare, igu masa mñarare igu werecũ peerã õpa arĩ pepiriñorã erã masa. “Igu gajirã goãmarãre weregu icumi,” arĩ pepiriñorã erã. ¹⁹ Erã peera puhru erã wereniguigogue Areópago waicurogue Pablöre aigãñorã.

—I buheri, mama buherire muhu dohpague wererare masidiaa gua. ²⁰ Mu buheri gajiropa áhrra. Eropirã gua irire masidiaa, arĩñorã erã Pablöre.

²¹ Áripehrerã Atena majarã umari nucũ mama buherire wereniguidiañorã. Eropirã irire peediañorã. Gaji yeba majarã sã Atenague erarã eropa dihta iidiañorã. Eropirã Pablo igu wererire peediañorã erã.

²² Eropigu Pablo Areópago waicuro wahgãnugaja õpa arĩ werepu:

—Atena majarã, bajarã goãmarã wéanirãre mua burigã umupeocũ masia yuhu. ²³ I maca mua ya macare goãmarã wéanirãre mua umupeori gororire ihacuriabu yuhu. Eropa ihacurigu yu sã yuju gorogue mua goja apirare buheabu. “Goãmu, mari masibigu yare umupeori goro áhrra,” arĩ gojarare buheabu mua irire apirogue. Mua igure masibiriqererã igure umupeoabu mua. Igure ta mua masibigure weregu iiaa yuhu muare.

²⁴ “Goãmu áripehreri yebare, yeba maja sãre deyoro moañumi. Igu umarore, yebare opu árigu igu masa erã iira wiri áribeami. ²⁵ Eropigu igu mari áriurire opu mari itamurire gamebeami. Igu mojomorocugu áribeami.

²⁶ “Igu yujugu umu mera áripehreri yeba majarãre masare iñumi. Eropigu áripehreri yebaguere marire apiñumi igu. “Ipẽ yoari boje õguere áriñacoma,” arigu queo apiñumi marire. ²⁷ “Erã amarã yre bocarãcoma,” arĩ pepiñumi Goãmu. Eropigu Goãmu yorogue áribeami. Mari mera ta áhrimi. Opa arĩ gojañumi gajigu. ²⁸ “Marire áricũ iimi igu. Igu maricũ mariboya mari sã. Eropigu masa nucure eropa áriñiguicãmi igu,” arĩ gojañumi. Mua mera majarã iribojegue majarã bayarire õaro gojarã erã gojara áhrra iri. “Mari sã Goãmu porã áhrra,” arĩ gojañorã erã. ²⁹ Eropirã mari igu porã áriñã, goãmarã wéanirãre, oro, plata, utã mera mua gamero mua iinirãre “Goãmu áhrimi,”

arī pepibiricāque mūa. ³⁰ Iribojegue masa masibirā erā árīnicū erā ñero iiquerecū ta Goāmū eropa íacāniñumi. Eropa iiqueregū dohpaguepūre árīpehreri yeba majarāre erā ñerire bujaweredoremi Goāmū. ³¹ Pūhrū ígū queorinū árīpehreri yeba majarāre diaye ta beyegūcumī Goāmū ðarāre, ñerāre. Ígū beyedore ígū apidiro dopa Jesupū beyegūcumī. Jesure sīridigūguere masupū ígū. Eropa masugū “Íhī yū apidigū áhrimi,” arī, íhmugū ípū Goāmū masare, arī werepū Pablo Atena majarāre.

³² Ígū eroparicū sīrinirā masa mūriarare ígū werenigūicū peerā gajirā ígūre wereyañorā.

Gajirāpū ðpa arīñorā:

—Dipaturi ire mū werēcū gua peedīaa daja, arīñorā erā Pablōre.

³³ Erā eropa arīra pūhrū Pablo waha wapū. ³⁴ Eropirā bajamerāgā ígū mera árīrā Jesure umupeonūgañorā. Dionisio Areópago majagu oparā mera majagu Jesure umupeonūgapū. Dámari waícūgo sā, gajirā mera Jesure umupeonūgapo.

18

Pablo Corintogue árīpū

¹ Eropigū Pablo Atenague árīdigū waha Corinto waícūri macague ejapū. ² Erogue ejagu judio masū Aquila waícūgure bocajapū ígū. Arīpehrerā weca opū Claudio waícūgū judio masare Romague árīrāre ígū cōacū Aquilapū ígū marapo Priscila mera waha, Corintogue ejapū. Aquilapū Ponto waícūri yeba masa dehyoadigū árīpū. Eropirā erā Corintogue árīcū Pablo erā pohrogue ejapū. ³ Aquila sā suhri wirire iirā árīñorā. Pablo sā suhri wirire iigu ta árīpū. Eropigū ígū erā mera mohme ero dujapū. ⁴ Eropigū Pablo Sabado árīcū semanari nūcū judio masa erā buheri wihigū judio masare, judio masa árībirā säre Goāmū yare werepū.

—Íhī ígū werenigūri diaye ta áhrra, arīñorā masapū erā peera pūhrū.

⁵ Eropigū Sila, Timoteo mera Macedoniague árīnirā Pablo pohrogue ejañorā. Erogue erā ejara pūhrū, Pablo suhri wiri mohmerire duhucā umūri nūcū judio masare buhemūripū.

—Jesucristo marire taubu mari coredigū ta áhrimi, arī werepū erāre.

⁶ Ígū eropa arī buhequerecū ta judio masapū ígūre peediabirīñorā. Eropirā erā ñero quere goroweñorā ígūre. Erā eropa íicū Pablo erāre ígū turibodiro dopa ta, ígū suhri maja mera pasiri mehpirū.

—Mūa ya dipuwaja peamegue warāca. Goāmū ígū dorediro dopa ta muare buherabu yūhū. Mūapū yare peediabirabu. Dohpague yūpū judio masa árībirāre buhegū wagara, arīpū Pablo judio masare.

⁷ Ígū eropa arīra pūhrū ígū erogue árīdigū waha, Tito Justo waícūgu ya wihigū ejapū. Justo Goāmūre umupeogu árīpū. Ígū ya wihipū judio masa buheri wihi pohro árīyoro. ⁸ Eropirā Crispo waícūgū iri buheri wihi opū, ígū marapo, erā porā mera mari Opū Jesure umupeñorā. Eropirā gajirā Corinto majarā bajarā Goāmū yare peerā, Jesure umupeñorā. Erā eropa umupeorā árīcū erāre waīyerū. ⁹⁻¹⁰ Yuju ñami Goāmū quērogue werepū Pablōre. Ígūre ðpa arīpū:

—Mū mera áhrra. I macare yaharā bajarā áhrima. Eropirā gajirā masa mure ñero iimasibeama. Eropigū gülbīta mūhū. Eropigū yahare būrigā wereque. Eropa pepibiricāque, arī werepū Goāmū Pablōre.

¹¹ Eropigū yuju bojori ðaro gaji bojori deco gohra ero majarāre Goāmū yare buhe, árīmūripū Pablo.

¹² Ígū eropa árīrisubū Galiō waícūgū Acaya yeba majarā opū ígū árīcū, judio masa árīpehrerā yujuropa ta Pablōre ñero weresārā erañorā. Ígūre ñeha dipuwaja moadorerā pohrogue aīgāñorā erā Galiō pohrogue. ¹³ Aīgā ðpa arī weresāñorā ígūre:

—Íhī masare Goāmūre umupeodoregū i yeba maja doreripūre cōādoremi, arī weresāñorā judio masa dipuwaja moadorerāre.

¹⁴ Erā eropa arī weresācū peegū Pablopū erāre werediaripū. Eropigū Galiō opūpū judio masare werepū.

—Íhī ñerire iidigū árīcū gua Romano majarā ya dorerire tarinūgagu árīcū, mūare yūhriboaya yūhū. ¹⁵ Mūa ya doreripūre íhī tarinūgagu ígū árīcū mūa basi ire amūque. Ire masibeaa yūhū mūa mera, arī werepū ígū judio masare.

¹⁶ Eropa arīgū ta erāre Pablōre weresānirāre ígū ya taribugue árīrāre cohā wiucāpū ígū. ¹⁷ Ígū eropa cohā wiura pūhrū árīpehrerā iri wihi árīrā Sóstenere judio masa buheri wihi opūre Jesu yagure ñeha, dipuwaja moadorerā pohrogue pañorā ígūre. Erā eropa pacū íagu Galiō eropa íacāpū.

Pablo Antioquíague dujaa wapu daja

¹⁸ Eropigu Pablo Corintogue yoari boje árdigu “Wagu iiaa,” arí goeriserepu ñu Jesu yaräre.

Ñu eropa aríra puhru ñu Priscila, Aquila mera Siria yebague aríri macague taribuja wapu. Cencrea waicuri macague erä taribujara puhru Pablo Goámure “Ópa mure iibasagura,” ñu arírare iituhajagu arípu. Eropigu eropa ñu judio masa erä iiro dopa ta ñu poarire wuapehocådorepu. ¹⁹ Eropirä erä Efeso waicuri macague eja, Priscilare, Aquila säre apipu Pabloru. Eräre ero api, ñu judio masa erä buheri wihigue wapu. Iri wihigue eja, Goámu yare werepu. Eropa weregu judio masa mera dayaso wereniguipu. ²⁰ Ñu eropa werera puhru ñu erä mera dujadoreríñorä erä. Erä eroparíquerecä,

—Dujabeaa mua mera, arípu Pablo eräre. ²¹ Eropa arígu ta,
—Jerusaléngue yare waro gahmea. Bosenure ñagu wabu iiaa. Eropigu wagu iiaa. Goámu gamecä dipaturi dujariboca, arípu eräre.

Ñu eropa aríuhaja Efesogue arídigu taribuja wapu. ²² Eropigu Cesareague taribujaja tarigä, Jerusaléngue eja. Erogue eja, ero majarä Jesu yaräre “¿Ne áhriri mua?” arí, eräre ña taria Antioquíague eja daja. ²³ Ero bajamenuri arípu. Ero arídigu tariapu. Galacia yeba aríri macarigue, Frigia yeba aríri macarigue dipaturi eja, iri macari majaräre Jesu yaräre buhe ðaro mucubiricä iipu.

Apolo waicugu Efesogue buhepu

²⁴ Irisubure, judio masu Apolo waicugu, Alejandria maca majagu Efesogue eja. Ñu ðaro weremehregu arípu. Eropigu ñu Goámu ñu gojarare ðaro masipu. ²⁵ Gajigu ñu Goámu yare weretuhamuripu. Eropigu ñu Ñu waíyegu ñu buheri dihtare masipu. Eropa aríqueregu ñu burigä mucubiriri mera Jesu yare ðaro buhepu. ²⁶ Eropigu judio masa erä buheri wihigue ñu güiro mariro eräre buhenugapu. Ñu eropa buhecä erä peera puhru Priscila Aquila mera ñu erä mera aígñorä. Goámu yare ðaro diaye ðaro ñu werepehobiricä ña diaye werepehocñorä erä ñu. ²⁷⁻²⁸ Eropigu ñu Apoloru Acaya yebague ñu wadiacü Jesu yarä ñu “Óaro waque,” arí, erä gojarapüre ñorä ñu. Iripuri Acayague aríra Jesu yaräre Apolore ðaro bocatíridoreripuri aríyoro. Eropigu Apolo erogue eja ero majaräre Jesure umupeoräre Goámu mahiri mera ðaro itamupu. Judio masare iri maca aríñore opa arí werepu:

—Goámu ñu obeodigu mua coredigu áhrimi Jesu. Cristo gohra áhrimi, arí werepu judio masare gajirä masa erä ña.

Ñu eroparicä, Goámu wereniguiri gojarapüre ðaro queroro werecä erä pee “Diaye aríbeaa,” arímasibiríñorä erä. Eropigu Jesu mahiri mera Jesure umupeoräre ñu ðaro itamupu eräre Apolo.

19*Pablo Efesogue wapu*

¹ Corintogue Apolo ñu arírisubu, Pabloru utä yucague muri taria, Efesogue eja. Erogue eja, yujurayeri Jesu yaräre bocajapu. ² Eräre ñu bocajara puhru ñu eräre serëpi ña.

—¿Mua Jesure umupeora puhru maapu Espíritu Santore opanugari? arí serëpi ña Pablo.

Ñu eroparicä peerä ñu opa arí wereñorä erä:

—“Espíritu Santo áhrimi,” arí ne werebirama guare, arí wereñorä erä.

³ Erä eropa arí werera puhru Pablo eräre serëpi ña daja:

—¿Noa ya buherire mua peera puhru waíyepu? arípu ñu daja.

—Ñu ya buherire gua peera puhru waíyepu guare, arí wereñorä erä.

⁴ Erä eroparicä peegu opa arípu Pablo:

—Masa erä ñeri iirare erä duhucä ñu waíyepu Ñu. Eropiro ñu waíyeripu erä ñeri iirare erä duhurare masare ñu. Eropigu gajino säre werenompu Ñu. “Yü puhru aribure ñu umupeoque mua,” arípu Ñu masare. Eropa arígu Jesure ta umupeodoregu iipu, arí werepu Pablo eräre.

⁵ Ñu eroparicä erä peera puhru, Jesu waí mera waíyepu eräre. ⁶ Eropigu Pablo erä yujurayeri weca ñu mojotorire ñu duhpeocä, Espíritu Santopu erapu eräguere. Ñu eropa erara puhru eräpu peeyamariri yare werenigui, Goámu yare wereñorä. ⁷ Erä arípehrerä doce ña erä aríñorä.

⁸ Puhru Pablo judio masa erā buheri whigüe ñaja, urenā abe gohra güiro mariro Goāmu İgu opu arĩrare were, wereniguipu erā mera. İğüre erā eropa peera puhru “I diaye ta āhraa,” arĩnorā erā. ⁹ Gajirāpu peediabirĩnorā. Eropirā erā masa erā peeuro iri òare buherire ñero arĩ werenigui ihmũnorā. Erā eroparĩcũ peegu Pablopũ Jesu yarāre sihu wiria, gajipuge waha wapũ. Waha, Tirano waicugu ya buheri whigüe umuri nucu masare Goāmu yare werepu İgu. ¹⁰ Pe bojori gohra buhepu erāre. İgu eropa buhecũ arĩpehrerā Asia yeba majarā judio masa, judio masa arĩbirā mera mari Opu Jesu yare peeñorā. ¹¹ Eropigu Goāmu turari mera Pablo bajasuburi deyoro moarire ii ihmupu. ¹² Pablo İgu suhri gasirore, İgu suhrirore İgu dupu pēhrera gasirore dorecurāre aĩgāñorā gajirāpu. Masa dorecurā iri suhrirore pēhrerā òarā wañorā. Eropirā watēa ñajasũnirā iri suhrirore erā pēhrera puhru watēa wiria wañorā erāre.

¹³⁻¹⁴ Gajirā judio masa eropa curiniguirā watēare cōārā judio masa yea arĩñorā. Esceva waicugu siete İgu porā arĩñorā. Escevapũ judio masu pahia opu arĩpu. Eropirā erā Pablo İgu iidiro dopa ta Jesu turari mera watēare cōadiariñorā. Eropirā watēa ñajasũdigure boca watēare doreriñorā erā.

—Jesu Pablo İgu weregu İgu turari mera dorea mũare. Duhuque İre, arĩñorā erā.

¹⁵ Watēare erā wadorera puhru, watēapu masugure òpa arĩñorā erāre.

—Jesure masia. Pablo säre masia. Mũapure masibea, arĩñorā watēa erāre.

¹⁶ Erā eroparĩcũ ta watēa ñajasũdigupu burigā erāre ñehamaa wapũ. Eropigu erāre ñetariaro iipu. İgu eropa iira puhru suhri marirā, camicurā oma wiriañorā erā iri wihire watēa cōadiarāpu. ¹⁷ Erā eropa iira puhru arĩpehrerā Efeso majarā, judio masa, judio masa arĩbirā mera irire pee, güitariacāñorā erā. Eropirā mari Opu Jesu yare wereyoro mariro wereniguiñorā masapu.

¹⁸ Eropirā masa bajarā Jesure umupeorā erā ñero iirare wererā arĩñorā. ¹⁹ Erā mera majarā bajarā yea arĩñorā. Eropirā erā erā gojarapũrirore purisiriri wereripũrirore erogue aĩgāri, masa erā İaro iripũrirore soe cōacāñorā erā. Iripũri wajacurare erā queocũ, arĩpehreripũri cincuenta mil plata arĩripũri wajacuriyoro iripũri. ²⁰ Eropirā Goāmu yare gamerā bajarā wañorā. Goāmu turari mera İgu yarā wañorā.

²¹ Erā eropa wara puhru Pablo òpa arĩ pepipu: “Macedonia yeba ejamuhta, iri yebare taria Acaya yebagure ejagura. Iri yebare yu ejara puhru Jerusaléngue wagura. Iri macare yu ejara puhru Romague İagu wagura,” arĩ pepipu Pablo. ²² Eropigu perāre İğüre itamurāre İgu core obeomũtapu Macedonia yebague. Timoteo Erasto sã arĩñorā erā. Eropigu Pablopũ yujugu ta dujapu Asia yebague.

Efesogue masa gua gaguiniguĩñorā

²³ Irisubure Efesogue Jesu yare gajirā gamebirā Pablo säre İhaturiñorā. ²⁴ Yujugu platare mohmegu Demetrio waicugu arĩpu. İgu plata mera erā goāmo Artemisa waicugo umupeori wihĩ wēara wirire muta wirigāre İgu arĩpu. Eropigu İgu gajirā plata mohmerā mera erā wēanirāre wũaro dua wajatamuriñorā erā. ²⁵ Eropigu Demetrio gajirā plata mohmerāre sihu gameneo, werepu erāre.

—Peeque mua. I mohmeri mera mari wēanirā mera wũaro mari wajatarare masia mua. ²⁶ İhĩ Pablo İgu iirare İgu buhera säre masia mua. Òpa arĩ buhemi İgu: “Goāmarā wēanirā masa erā iinirā ojocarirā arĩbeama,” arĩ weremurami İgu. İgu eroparĩcũ peerā, Efeso majarā, arĩpehrero Asia yeba majarā sã İgu buherare “Diaye ta āhraa,” arāñorā irire. ²⁷ Eropa arĩrā mari mohmerire mari wēarare masa gamesome. Eropirā mari goāmo wũago Artemisa ya wihire cōabocoma. Eropirā arĩpehrerā Asia yeba majarā, arĩpehreri yeba majarā igore umupeosome pare. Eropirā masa igore masibirā mari wēarare asũsome, arĩpu Demetrio erāre.

²⁸ İgu eroparĩcũ peerā burigā gua, gaguiniguĩñorā:

—Artemisa Efeso majarā yago goāmo turago āhrimo, arĩ gaguiniguĩñorā erāpu.

²⁹ Erā eropa gaguiniguicũ Efeso majarā arĩpehrerā sã gaguinigitaria wa pee masiri pehrea wañorā. Eropa warā Gayore, Aristarco säre ñeha, masa erā gamenererogue erāre taragāñorā. Gayo, Aristarco mera Macedonia majarā arĩñorā. Pablo mera curirā arĩñorā. ³⁰ Erāre ñeacũ İha Pablopũ masa pohro weregu wadiaripu. Jesu yarāpu İğüre wadobirĩñorā. ³¹ Eropirā gajirā sã iri yeba majarā oparā, Pablo mera majarā arĩrā erā pohro majarāre weredoreñorā Pablöre:

—Masa erā gamenererogue wabiricāque, arĩ weredoreñorā oparā Pablöre.

³² Eropirā ero gamenererā mera majarāpu bajarā “¿Duhpimorā mari gamenererā iiri?” arĩ masibirĩñorā. Eropirā erā gaguiniguinemoñorā. Ipuge arĩrā gajiropa arĩ gaguiniguĩ, gajirā sã gajiropa arĩ gaguiniguĩñorā. ³³ Eropirā judio masapu Alejandro waicugure masare weredoreñorā. Eropigu Alejandro “Ejarimaricāque,” arĩgu İgu mojoto mera paatupu. “Oã guare judio masare turirā iima,” arĩ pepigu judio masare

cāhmotadiagu wereniguiripū. ³⁴ Īgu eropa wereniguidiaquerecū judio masu Īgu áricū ĩarā masa áriphehrerā yujuro mera pe hora gaguiniguĩnorā.

—Artemisa, Efeso majarā yago mari goāmo turago āhrimo, arī, gaguiniguĩnorā erā.

³⁵ Erā eropa arī gaguiniguicū ĩagu Efeso majarā oparāre itamugu masare “Ejarimaricāque,” arī, werepū erāre.

—Mua Efeso majarā peeque. Mari Efeso majarā turago Artemisa ya wihi corerā mari áricū áriphehreri yeba majarā masima. Eropirā igo wéarare umarogue dijaridigore diburā mari áricū sāre masima masa. ³⁶ Eropirā “I diaye áribéaa,” arīmasibeama. Eropirā guabiricāque mua. Ōaro pepique mua. ³⁷ Oā mua ñeagārirā mari goāmore ñero arī wereniguibirama. Eropirā erā goāmarā ya wiriguere ñaja, yajabirama. Eropirā ōaro iique mua. ³⁸ Demetrio, plata mohmerā mera oāre mua ñearāre weresādiarā, dipuwaja moaropure wereporo erā. Erā oparāre oāre weresāmasima. ³⁹ Mua gajino iidiarā, ōaro mera irire gamenere iique. Mua iiro dopa inemobiricāque. ⁴⁰ Dohpagāre mua gua, gaguinirare mari oparā peerā, erā marire weresābocoma. “Marire cōarā iicoma,” arī pepirācoma oparā marire. Eropirā mari arī gaguiniguire erāre ōaro diaye weremasibeaa mari, arīpū oparāre itamugupū masare. ⁴¹ Eropa arī weretuhaja, “Tripēta āhraa. Waque,” arīpū ĩgu masare.

20

Macedonia yebague sāre, Grecia yebague sāre Pablo ejapū

¹ Erā eropa wara pūhrū, Pablopū Jesu yarāre sihu gameneo werepū. Weretuhaja, mojoto ñeha, goeriserepū. Goeriseretuhaja, Macedoniague waha wapū. ² Eroque eja were, ero majarā Jesu yarāre mucubiricū ĩipū ĩgu. Erāre weretuhaja, Greciague ejapū ĩgu. ³ Erōre ĩgu ũrerā abe gohra arīpū. Ero árigū Siria yebague taribuja wadiaripū. Eropirā judio masa duhri, ĩgure ñeadiariñorā. Irire pee Pablo gaji mague Macedonia wari mague waha wapū. ⁴ Eropa wagū Asiague ta ejapū. Ero Berea majagu Sópater waicūgu Pablōre wapicūgāpū. Eropirā Tesalónica majarā Aristarco, Segundo sā ĩgure wapicūgāñorā. Eropirā Asia majarā Tíquico, Trófimo sā Asiague ĩgure wapicūgāñorā. Derbe majagu Gayo waicūgu Timoteo sā ĩgu mera wañorā. ⁵ ĩgu mera majarā ĩgu core waha, Troa waicūri macague ĩgure coreñorā. ⁶ Erā eropa corecū bugabiriri panre bari bosenu pūhrū guapū Filipogue árinirā dohodiru mera waha, cinco nūri taribujarā Troague gua ejabū. Siete nūri gohra áribū gua eroguerē.

Troague Pablo curigū wapū

⁷ Soorinū áricū Jesu yarā gamenere panre duhpeñorā Goāmū yare bocatīrimorā. Erā eropa iiboro core Pablo erāre buhepū. Eropigū Pablo gajinūpūre wabu árigū yoari boje ĩgu buhepū. Nami deco mera buhe duhubu ĩiripū. ⁸ Eropirā erā umaro maja taribugue baja dipu sihāgori dipu árinī taribugue gamenereñorā. ⁹ Pablōre erā peerisubū mamū Eutico waicūgu ventana weca muribejaja doapū. Eropigū Pablo erāre yoari boje buhenemocū ĩgu mamūre waja ariyoro. Eropigū ĩgu caria wa ũhre caya wecague doadigū majimadija wapū. ĩgu eropa yuhridijara pūhrū erā ĩgure sīriadiquere aīwahgū doboñorā. ¹⁰ Erā eropa iicū ĩagu Pablo dijari, mamūre papeopū. ĩgu eropa iira pūhrū Jesu yarāre werepū ĩgu:

—Sīporā ñebiricāque. Sīrībeami ihī. Ojocarimi, arīpū Pablopū.

¹¹⁻¹² ĩgu eroparicū mamūpū sīridigūpū masa wapū. ĩgu masacū ĩha erā mucubiritaria wañorā. Eropa mucubirirā umaro maja taribugue mūria, panre duhpeñorā bocatīrimorā. Erā eropa iira pūhrū yoari boje Pablo erāre buhepū daja. Boyoboro coregā erāre buheduhupū. Buhetuhajacā waha wapū Pablo.

Pablo Troague árdigū waha, Miletogue ejapū

¹³ Pablo core dohodiru mera Asogue ĩgure gua bocatīribū. Pablopū mague wadiami. Pablo ĩgu arīdiro dopa ta Asogue ĩgure gua bocatīribū. ¹⁴ ĩgure gua bocatīricū, gua mera ñajami dohodirugue. Iriru mera waha, Mitilenegue gua ejabū. ¹⁵ Eroguere eja taria gajinū Quiore tariabū gua. Gajinū Samogue ejabū gua. Gua carīra pūhrū gajinūpūre Miletogue ejabū pare gua. ¹⁶ Pablo Pentecostenū gohra Jerusalenguere ejadiami. Eropigū Asia yebague yoari boje árdiadirimi. Eropigū Efesore diaye taria, Miletogue ejatuhajabū gua.

Pablo Efeso majarā Jesu yarā oparāre werepū

¹⁷ Eropigū Pablo Miletogue árigū, Goāmū yarā Efeso majarā Jesu yarā oparāre sihubeomi ĩgu. ¹⁸ Eropa ĩgu sihubeora pūhrū erā Pablo pohroque erama. Erā eracū ĩagu erāre Pablo weremī.

—Asiague ne eragu mua mera yu iirare masia mua. ¹⁹ Mua mera árġu ne gajiropa arġo mariro Jesu mari Opu yare iimuribu yuhu. Eropigu muare mojomoro ġabu. “Muare tarinuggaa,” arġirimuribu yuhu. Judio masa erā yure ñero iiquerecū ta Goāmu yare iimuribu yuhu. ²⁰ Eropigu mua ōaro waburi dihtare muare buhepehocābu yuhu. Masa erā ġaro mua wirigue säre buhebu yuhu. ²¹ Eropigu judio masare, judio masa árġirā säre yujuropa ta buhebu yuhu. “Mua ñerire bujawereque. Goāmu yare gohrotoque. Eropirā Jesu mari Opure umupeoque,” arġ weremuribu yuhu. ²² Eropigu Espiritu Santo ġu dorediro dopa ta dohpaguere Jerusaléngue wagu iiaa. Yu erogue wagu yu gajiropa waborore masibea yuhu. ²³ Ōpa arāmi Espiritu Santo yare: “Jerusaléngue muha ñero tarigaca. Eropirā mare peresu iirācoma,” arāmi Espiritu Santo yare. Dohpaguere yu ejara macari nucūgue eropa arġ wereama yure. Jerusaléngue wagu Espiritu Santo ġu werera dihtare masia. ²⁴ Eropigu ōari buherire, Goāmu ġu mahiri buherire werebu āhraa yuhu. Jesu mari Opu ġu ya árġurire iipehodiaa yuhu. Ire iigu árġu, yu sġrġborore güibeaa yuhu.

²⁵ “Eropigu mua mera árġu Goāmu ġu opu arġrāre weremuribu yuhu muare. Mua yu eropa arġ buhenirāre ne dipaturi muare ġasome yuhu. Ire masia yuhu. ²⁶⁻²⁷ Eropa masigu dohpagāre ire werea muare. Árġpehreri Goāmu yare werebu yuhu muare. Eropirā árġpehrerā mua mera majarā Goāmu yare gamebirā erā árġcū yaha dipuwaja árġbeaa. ²⁸⁻²⁹ Mua basi ōaro iique. Eropirā mua Jesu yarāre Espiritu Santo muare ġu ġhadibudorerare ġhadibuque. Ovejare ġhadiburā ovejare erā ġhadiburo dopa ta Goāmu yarā säre ġhadibuque mua. Goāmu magu ġu sġrigu ġu di cóaro mera Goāmu erāre ġu yarā árġmorā iidi árġmi. Yuhu ōre wara puhru gajirā ñerāpu mua pohro ahrġ erā buheri mera muare goroweo duca waricū iirācoma. Eropirā Jesu yarāre ōaro ġhadibuque. ³⁰ Puhruque gajirā mua mera majarā ta Jesu yarāre guya, gajġ buherire peedorerācoma. Erā eropa peedorecū erā peerācoma. ³¹ Eropirā ōaro iique mua. Ũmuri nucū, ñamiri nucū mojomoro ġari mera buhemuribu yuhu muare. Ũhre bojori gohra ōaro buhebu mua árġpehrerāre. Irġre yu buhera ōaro guñaniguicāque mua.

³² “Dohpaguere yu wara puhru Goāmu muare ġhadibugucumi. ġu mahiri buherire mua buherā ōaro árġrāca mua. Goāmu ġu buheri mera muare ġu yarāre ōaro itamumasimi. Eropigu ġu yarā dihtare ġu iidiadiro dopa ta mua tamerare ōaro iigucumi. ³³ Mua niyeru oparire, mua suhrġ opari säre “Yuare oque,” arġirimuribu. ³⁴ Yu basi mohme wajatabu yaha árġurire. Eropigu yu gamerire, yu mera majarā erā gameri säre yu mohme wajatarā mera aġmuribu. Yuhu eropa iirare masia mua. ³⁵ Mari ōpa burġgā mohmerā gajino moorāre itamuro gahmea marire. Ire muare ii ġhumuribu yuhu. Jesu mari Opu ġu arġrāre guñaque mua. “ġu ocū ñeadigu tauro odigāpu mucubirimi,” arġpu Jesu ġu basi, arġ weremi Pablo Jesu yarāre.

³⁶ Eropa arġtuhaja Pablo erā mera mereja, Goāmure serēma. ³⁷ ġu eropa serētuhajacū erā árġpehrerā Pablora pabua wayuporā mimi ore goeriserema. ³⁸ “Muare dipaturi ġasome yuhu,” ġu arġcū peerā burġgā bujawerema erā. Eropirā erā ġure tunurusia buhama peramague. Eroque ġure ġhanurusiamā gua wacū.

21

Pablo dipaturi Jerusaléngue wapu

¹ Jesu yarāre “Wagu iiaa,” arġ, dohodiru mera, Cos waġcari nuġurogue diaye waha taribujabu gaa. Gajinu Roda waġcari nuġurogue taribujaja, taria, Pátara waġcari macague ejabu gaa. ² Pátara árġrā, Feniciague waburidirure dohodirure bocajabu gaa. Eropirā iriru mera wabu gaa. ³ Eropa warā Chipre waġcari nuġurogue diaye ta ġha tariabu gaa. Copu dujabu iri nuġuro. Iri nuġurogue taria, Siria waġcari yebague ejabu gaa. Eropirā dohodiru maja doberire dohodiru majagu Tiro waġcari maca ġu durimujacū, ero payanibu. ⁴ Ero Jesu yarāre ġarā, siete nuri gohra dujanibu gaa iri maca ta. Eropirā ero majarā Jesu yarā Espiritu Santo ġu werediro dopa ta erā Pablora Jerusaléngue wadobiririma. ⁵ Erā eropa arġquerecū iri macare siete nuri gaa árġra puhru, waha wabu daja. Gaa waboro coregā árġpehrerā Jesu yarā, erā marasā nome mera, erā porā mera, maca turo pohro guare ġhadujarā wama. Eropirā árġpehrerā gaa ġmporogue eja, mereja Goāmure serēbu. ⁶ Gaa eropa serēra puhru, “Warā iiaa,” arġ, erāre pabuatuhaja goeriseretuhaja waha wabu gaa. Gaa wacū ġhanurusia, erāpu majaa wama erā ya wirigue.

⁷ Tiro waġcari macare maja tariabu gaa. Eropirā Tolemaidague tuhajabu gaa. Ero ta wuariyare watubu. Iri macare eja, Jesu yarāre “Acawererā, ġahriri mua?” arġ, yujunu erā mera árġribu. ⁸ Eropirā iri maca ma buhoro árġcū gajinu daja Pablo mera mague wabu gaa Cesarea waġcari macague warā. Eroque eja, ōari buherire weregu Felipe

waicūgu ya wihigue ejabu. Eropirā īgu mera dujabu gua. Felipe Jesu yarā erā siete beyenirā mera majagu ārīmi. ⁹ Eropigu īgu wapicūrā nome pagu ārīmi. Erā nomepu Goāmu yare wererā nome ārīma. ¹⁰⁻¹¹ Erogue gua bajamenuri gua ārīra puhru, Agabo waicūgu Goamu yare weremuhtagu Judeague ārīgu gaare īagu erami. Eropigu īgu Pablo yadare tuādiuridare ai, īgu basi īgu guburire, īgu mojotorire diri ihmu wreyūmi.

—Ōpa arīmi Espiritu Santo. “Idare opagu Jerusalēngue īgu ejacū, judio masa eropa ta dirirācoma īgure. Dirituhaja, judio masa ārībirāre orācoma erā īgure,” arīmi Espiritu Santo, arī wreyūmi Agabo.

¹² Īgu eroparīcū peerā, gua Cesarea majarā mera Pablora burigā mahibu. Īgure “Jerusalēngue wabiricāque,” arīribu. ¹³ Gua eroparīcū Pabloru yuhrimi:

—¿Dohpa arī orerā iiri mua? Yūpure bujawerecū iiaa mua. Erā yare peresu iicū ōaroca. Yahu Jerusalēngue Jesu mari Opu yare yu iira waja yu sīricū ōaroca, arīmi Pablo guare.

¹⁴ “Wabeaa,” īgu arīcū peediarā iiribu gua. Īgu “Wagura,” īgu arīcū, eropa pepicābu gua. Ōpa arību:

—Mari Opu īgu gamero dopa ta iiporo, arību gua.

¹⁵ Irire weretamutu, gua yare ahmu, waha wabu daja Jerusalēngue warā. ¹⁶ Erogue gua wacū bajamerāgā Cesarea majarā Jesu yarāpu gua mera wama. Eropirā Jerusalēngue eja erā mera majagu Mnasón waicūgu ya wihigue ejabu gua. Mnasón Chipre majagu īgu yoari boje Jesu buhegu ārīmi. Eropirā īgu ya wihi gua ārīguri wihi arību. Eropirā Jerusalēngue ejabu gua.

Pablo Santiagore īagu wapu

¹⁷ Jerusalēngue gua ejacū, ero majarā Jesu yarāpu “¿Erarari?” arī, mucubiriri mera bocatūrima guare. ¹⁸ Gajinu Pablo gua mera Santiagore īagu ejami. Gua erogue ejacū ero ārīpehrerā Jesu yarā oparā ārīma. ¹⁹ Eropigu Pablo erāre īgu mojoto űeara puhru judio masa ārībirāre īgu buherare werepehomi. Goāmu īgu itamuri mera īgu iirare werepehomi Pablo Jesu yarāre. ²⁰ Īgu eropa arī werecū peerā,

—Goāmu ōagu, turagu āhrimi, arī umupeoma erāpu. Eropa arītuhaaja erā Pablora ōpa arī werema.

—Acaweregu, dohpaguere bajarā judio masa Jesure umupeorā āhrima. Mūhu irire masia. Eropirā erā ōpa arī pepima: “Goāmu īgu dorerire, Moisegue marire īgu apirare marire ipehoro gahmea,” arīrā iima. ²¹ Ōpa arīnemoma erā. “Gajipugue ārīrāre judio masa ārībirā watope ārīrāre judio masare Goāmu Moisere īgu apirare ‘ībiricāque,’ arī doremi Pablo,” arāma ō majarā judio masa mure. “Pablo judio masa porāre mari dorero dopa miri gasirogāre wiri aīdorebeami,” arāma erā mure. “Judio masa erā iidorerire Pablo duhudoremi,” arī i säre werewuama mure. ²² Eropirā mūhu ōre eracū peerā erā gamenererācoma mure turimorā. Eropigu ōpa iiro gahmea mure. ²³ Mure gua dorero dopa ta iique. Dohpague ōre wapicūrā uma Goāmure umupeorā “Ōpa iirāra,” arīrā āhrima. ²⁴ Erā mera waque. Eropirā Goāmu Moisere īgu dorediro dopa ta erā basi Goāmu yare iiburire iimorā erā űeri iirire coerā iima. Mū sā eropa ta iique. Eropa iigu erā eropa iira wajare wajayeque mūpu. Mūhu eropa wajayera puhru erā poarire wuadoremāsima erā. Mū eropa iicū īarā sā mure erā arīra iri guayara arīcū masirācoma erā ārīpehrerā. Goāmu Moisere īgu apira dorerire iigu mū arīcū masirācoma erā. ²⁵ Judio masa ārībirā Jesu yarāpūre gua gojarapūre obeotuhajabu. Ōpa arī gojabu gua. “Goāmarā wēanirāre umupeora barire, dire, wūnūgu mohwejenirā waimurāre babiricāque mua. Eropirā nome mera űero iibiricāque. Nome sā uma mera űero iibiricāque,” arī were gojabu gua gojarapūre, arīma erā Pablora.

Goāmu wihigue judio masa Pablora űeañorā

²⁶ Erā eropa arī wereniguira puhru gajinu Pabloru wapicūrā uma mera erā basi Goāmu yare iimorā erā űeri iirire coemorā, Goāmu wihigue űaja wañorā. Iri wihigue űajajagu, erāre werepu Pablo: “I nucu nuri duhyaa mua coeboro,” arī werepu īgu wapicūrāre. Eropirā erā coeturinu erā nucu Goāmure waimurāre erā oburinu arību.

²⁷ Eropi erā coepohodiro merogā duhyacū gohra Goāmu wihigue Pablo īgu arīcū Asia yeba majarā judio masapu īañorā īgure. Eropa īarā gajirāre iri wihi ārīrāre Pablo mera guacū iñorā erā. Eropa guarā judio masa Pablora űeha ōpa arī gaguiniguñorā:

²⁸ —Mua gua acawererā Israe masa guare itamurā arique. Ihī āhrimi. Moise dorerire i wihi säre cōadore buhemi ārīpehrerāre. Eropigu īgu Goāmu wihiguere judio masa ārībirā sāre añajadi āhrami. Eropigu i wihire űeri mariri wihire īgu goroweoadi āhrami, arī gaguiniguñorā judio masa Asia yeba majarā ero majarāre.

²⁹ Ero core Jerusalén Pablo Tróximo mera İgu áricü judio masa İañoñá. Tróximo Efeso majagu judio masu áribiridigu árími. İgu eropa áricü masirá öpa arı pepiñoñá erá: “Pablo Tróximore Goámu wihire aññajağı iicumi,” arı pepiñoñá judio masa.

³⁰ Masare erá eropa arı were erá gaguiniguirá puhru iri maca majarâ árípehrerâ burigâ guañoñá. Bajarâ omagâri, Goámu wihi árigure Pablöre ñeha tarawiria wañoñá. Tuhajanugu iri wihi disiporore bihañoñá erá İğuge ñajariri arırâ. ³¹ Eropirâ erá İğure wejêmorâ iiriñoñá. Erá eropa iicü İarâ gajırâpu wererâ wañoñá surara opure. “Árípehrerâ Jerusalén majarâ gamenere gua, gaguiniguirâ iama,” arı wererâ wañoñá surara opure. ³² Erá eroparicü peegu opupu İgu surarare, erá dorerâ sâre gameneo, erâ mera Pablöre wejêdiarâ pohrogue omagâ ejañoñá. Surara erá ejacü İarâ Pablöre panirâ pa duhuñoñá. ³³ Eropigu surara opu Pablo pohrogue eja, İğure ñeha, peda comeda mera diridorepu. Erâ dirituhajacü İha, opu Pablöre serêpipu masare:

—¿Nihino áhriri İhi? ¿Ñeheno dipuwaja İğure eropa iiri mua? arı serêpipu İgu erâre.

³⁴ İgu eropa serêpicü peerâ masapu “Öpa iiami İgu,” arı, gajırâ sâ gajiropa arı, gaguinigui wereñoñá surara opure. Erá eropa gaguinigücü surara opu öaro peebiripu. Eropigu İgu surara ya wihigue Pablöre aİğadorepu. ³⁵ İri wihigue eja, Pablo murariñere İgu muriacü masapu İğure padiarâ cãhmotañoñá. Erá eropa iicü surarapu İğure aİcoâ muria wañoñá. ³⁶ Masa bajarâ erâre nurusia, gaguinigui nurusiañoñá.

—İğure wejêcãque, arı gaguiniguiñoñá erâ Pablöre.

Pablo “Ne masare ñero iibea yuhu,” arı werepu

³⁷ Eropii Pablöre iri wihigue erâ peresu iiboro core, Pabloru opure serêpipu.

—Yuhu mu mera weretamudiaba, arı serêpipu Pablo.

—¿Muhu griego masa yare werenigui? ³⁸ ¿Sohó áridigu, Egipto majagu áribeari muhu? İgu masare İgu oparâre cóadoregu, cuatro mil masa gamewejêrãpure masa marirogue aİğãapu. ¿İgu áribeari muhu? arıpu opu Pablöre.

³⁹ İgu eroparicü peegu Pablo yuhripu.

—İgu áribea yuhu. Judio masu áhrra. Tarso Cilicia yeba áríri maca masa dehyoabu yuhu. Bu áríri maca majagu áribea yuhu. Yuhu oâ masa mera wereniguidiaa, arıpu Pablo İğure.

⁴⁰ İgu eroparicü peegu opupu wereniguidorepu masa mera. Eropigu Pablo murariñegue nigui, İgu mojotori mera “Ejarimaricãque,” arıpu masare. İgu eropa iicü İarâ, ejarimaripehrea wañoñá. Erâ ejarimaripehrecü İha, Pablo judio masa ya mera werepu erâre.

22

¹ Yu acawererâ, yu iirare weregura muare. Yuhu werecü peeque mua, arıpu Pablo.

² İgu eroparicü Pablo judio masa ya mera İgu werenigücü peerâ masa ejarimariro dujañoñá. Eropigu Pablo erâre werepu:

³ —Yuhu judio masu ta áhrra. Tarso waıcıri maca, Cilicia yeba áríri maca masa dehyoabu yuhu. Eropigu i maca ta Jerusalén ta masabu yuhu. Eropigu yure Gamalie waıcigu buhemurimi yure. Eropigu yuhu mari ñecu sumará mura dorerire öaro buhebu. Dohpaguere Goãmure mua umupeoro dopa ta yu sã umupeoniguia. ⁴ Eropigu Jesure umupeorâre ñero iimuricarabu yuhu. Yujuřayeri erâre wejêcãmuricarabu yuhu. Umare, nome sãre ñeha, peresu iimuribu yuhu. ⁵ Pahia opu, murâ mera yu eropa arıri “Diaye ta áhrra,” arı weremasima mure. Erâ gojaripũre Jesu yarâre ñeadoreburipũre yure gojabasama. Mari acawererâre Damasco majarâre iripũre İhmubu iiribu Jesu yarâre ñeabu. Erâre ñeha, aİğãri peresu iibu iiribu. Jerusaléngue erâre aİğãdiaribu erâre dipuwaja moabu, arıpu Pablo.

Pablo Jesu yagu İgu warare werepu

⁶ Eropa arıtuhağa öpa werenemopu:

—Jesu yarâre ñeari masu wadigu áriqueregu goeri boje áricü, Damascogue yu ejaboro pohro gohra áricü umarogue gosesiri medijubu yure. ⁷ Ero eropa wacü yebague mehmerejarabu yuhu. Yu mehmerejara puhru wereniguiğı carimi yure. “Saulo, ¿duhpiğı yure ñero iiri muhu?” arıgu carimi yure. ⁸ “Opu, ¿nihino áhriri muhu?” arı serêpibu yuhu. “Yuhu Jesu Nazare majagu, mu ñero iigu ta áhrra yuhu,” arı yuhrimi İgu yure. ⁹ Yu eropa wacü yu mera majarâ boyorore İama. Eropirâ yu mera İgu werenigücü peebirima erâ. ¹⁰ “Opu, ¿dohpa iıgucuri yuhu?” arı serêpibu Jesure. “Wahgãnugajaque. Damascogue waque. Ero muhu wacü, mure árípehreri yu iidoreburire gajıgu weregucumi mure,” arımi İgu yure. ¹¹ Burigâ ero cuimijuro wacü yu

cuiiri boboa wacarabu yuhu. Eropirā yu mera majarā yu mojtore ñeha, Damascogue tuā wahgāma yure.

¹² “Ero Ananía waicugu, Goāmure umupeogu, marire Goāmu dorerire iipehogu arīmi. Ero majarā judio masa arīpehrerā erā umupeogu arīmi. ¹³ Eropigu iḡu yu pohro eranagara yure weremi. “Acawereḡu Saulo, iaque dipaturi daja,” arīmi iḡu. Iḡu eropa arīra pūhrū dipaturi iabu yuhu daja. Eropigu iḡure iabu yuhu. ¹⁴ Yu eropa iacū iḡu Ananía yure weremi. “Mari Pagu iḡu gamerire ōaro masibure iribojegue beyetuhapu mure. Eropigu ‘Yu magu ōagure iha peegucumi,’ arī weremuhapu mure mari Pagu iribojegue mu arīboro core. Iḡu āhrimi mari ñecu sūmarā mura erā umupeodi. ¹⁵ Eropigu mu iareare mu peerare wereḡaca arīpehrerāre. ¹⁶ Eropirā dohpaguere yoari boje arībiricārā. Wahgānugajaque. Eropigu waīyedigū arīque. Jesure mu serēcū mu ñerire cóagucumi,” arīmi iḡu yure, arīpu Pablo.

Pablo judio masa arībirāre iḡu buherare werepu

¹⁷ Iḡu eropa arītuhaja Pablo masare werenemopu:
—Eropa iituhaja yuhu Jerusalēngue dujari, Goāmu wihigue Goāmure serēḡu ejabu. ¹⁸ Yuhu ero arīcū yu Opū Jesu yure dehyoami. Eropa dehyoagu yure weremi. “Jerusalén majarā yahare mu werecū peediabeama. Eropigu duru gajipugue waque,” arīmi yu Opū Jesu yure. ¹⁹ Iḡu eroparīcū peegu werebu iḡure: “Opū, mu yarāre judio masa buheri wiri arīrāre yu ñeha para säre, peresugue erāre iimurirare masima Jerusalén majarā. ²⁰ Eropigu mu yare wereḡure Estebanpüre erā wejēcū iagu ōaro iirā wejēma, arīribu. Iḡure erā wejēcū erā yu suhrire opabasabu yuhu. Iri säre masima i maca majarā,” arī werebu yuhu Jesure. ²¹ Yu eroparīcū peegu yu Opū yure weremi: “Yoarogue judio masa arībirāre buhebure obeogura mure. Eropigu waque muhu,” arīmi yure yu Opū, arīpu Pablo masare.

Surara opu Pablo mera weretamupu

²² Iḡu weremuharta dihtare ōaro peeriñorā masa. Eropa peequererā judio masa arībirā pohro Jesu Pablöre iḡu obeoburire iḡu werecū peerā erā gua gaguiniguñagañorā daja.

—Ihī dohpague tamerare sīricuraporo, arī gaguiniguñorā erā.
²³ Eropirā erā gaguiniginemo, guari mera erā suhrire wejēsiribeo, nicu mera deañorā. ²⁴ Erā eropa iicū iha surara opu surara ya wihigue Pablöre aiñajadorepu iḡu surarare. Eropigu surara opu “¿Duhpirā Pablo mera gua eropa siari gaguiniguñorā iiri masa?” arī serēpidiariḡu. Pablöre irire serēpibu, yuradari mera tāradoreripu iḡure. ²⁵ Iḡu tāradorequerecū iḡure erā dirira pūhrū, iḡu pohro arīḡure surarare werepu Pablo.

—Yuhu Roma majagu āhraa. Eropirā “Ñero iigu āhrimi,” yure arīmasibeeaa mu. Eropirā yuradari mera tāramasibeeaa mu, arīpu Pablo iḡure.

²⁶ Iḡu eroparīcū surara iḡu opure wereḡu wapu.
—Ihī Roma majagu āhrimi. Eropigu ōaro iique ire, arī werepu iḡu iḡu opure.

²⁷ Iḡu eropa arīra pūhrū surara opu Pablöre serēpigu wapu.
—¿Diaye ta muhu Roma majagu āhriri? Wereque yure irire, arīpu iḡu.

—Iḡu ta āhraa yuhu, arī yuhripu Pablo.
²⁸ Iḡu eroparīcū peegu opu iḡure werepu.

—Yuhu Roma majagu arīdiagu niyeru wuaro wajayebu, arīpu iḡu.
—Yuhu Roma maja macague masa dehyoabu. Eropigu Roma majagu āhraa, arīpu Pablo.

²⁹ Iḡu eroparīcū peerā iḡure tārabonirā waha wañorā. Eropigu Pablo Roma majagu iḡu arīcū masigu, iḡure comedari mera erā dirirare guñagu, güi arīpu surara opu.

Pablo judio masa opure werepu

³⁰ Eropigu surara opu judio masa Pablöre erā weresārare ōaro masidiapu. Eropa masidiagu gajinugue comedarire iḡure iḡu pādorera pūhrū pahia oparāre, judio masa erā murā mera gameneredoreru surara opu. Iḡu eropa gameneredorera pūhrū iḡu erogue Pablöre aiḡā, erā core duhudobopu iḡure.

23

¹ Eropigu Pablo judio masa murā oparāre iabocatiñugaja werepu:
—Acawererā, Goāmu iḡu iaro umuri nucū ōaro iiniguicābu yuhu, arīpu Pablo.
² Iḡu eroparīcū peegu arīpehrerā pahia weca arīḡu opu Ananiapu Pablo disirore padorepu. ³ Iḡu pohro niguirāre padorepu. Iḡure erā para pūhrū Pablo Ananiare turipu.

—Masa erã ĩaro dihtare õaro iigu ãhraa muħu. “Goãmu dorerire tarinugagu iiaa,” yure arĩqueregu ta yure padorea muħu. Eropa padoregu muru dorerire tarinugagu iica, arĩpu Pablo ĩgure.

⁴ ĩgu eroparĩcũ peerã Pablo pohro niguirã õpa arĩñorã ĩgure:

—Goãmu ĩgu beyedigũ pahia õpũre ñero wereniguibircãque muħu, arĩñorã erã Pablõre.

⁵ Erã eroparĩcũ peegu Pablo arĩnemõpu:

—Acawererã, ĩgu, ĩgu pahia weca õpu ĩgu arĩrĩre masibirabu yuħu. Eropigu eroparĩmaacãbu yuħu. Goãmu ya erã gojarapũ õpa arĩ werea ĩgure: “Mũa maca majarã õpũre ñero arĩ wereniguibircãque,” arĩ gojara ãhraa, arĩpu Pablo erãre.

⁶ Eropirã ero pe curu majarã arĩñorã. Yuju curu saduceo masa arĩñorã. Gaji curupu fariseo masa arĩñorã. Pe curu erã arĩcũ masigu, Pablo erãre busuro mera werepu:

—Acawererã, yuħu fariseo masu ãhraa. Fariseo masu magu ta ãhraa yu sã. “Sirinirã masa muriarãcoma,” yu arĩ wereri dipuwaja yure ñero iidiaa mũa, arĩpu Pablo.

⁷ ĩgu eroparĩcũ peerã fariseo masa, saduceo masa erã basi gameturiñorã. Eropirã erã basi pe curu duca warĩñorã. ⁸ Saduceo masa õpa arĩrã arĩñorã: “Sirinirã masa muriasome. Espĩritua anyua sã ne marima,” arĩrã arĩñorã. Eropirã fariseo masapu erã arĩro dopa arĩbirĩñorã. Eropirã Pablo “Sirinirã masa muriarãcoma,” ĩgu arĩcũ erã erã basi gameturiñorã. ⁹ Eropa gameturĩrã, burigã gaguiniguĩñorã. Eropirã fariseo masa mera majarã judio masa buherã wahgãnugaja, tuhri, wereñorã:

—Ihĩ Pablo ñero iibirami. Eropigu Espĩritu, o anyu diaye ĩgu mera wereniguigu arĩbocumi. Eropirã ĩgure dipuwaja moarã Goãmũre ĩhaturĩrã arĩboca mari. Eropi-ibircãque, arĩñorã erã.

¹⁰ Erã eropa arĩra puhru erã arĩpehrerã gameturi, burigã guañorã. Erã eropa burigã guacũ ĩha gũisãpu Pablõre surara õpũpu. “Pablõre patasircãrãcoma,” arĩgu ĩgu ya wihigue aĩgãrdoregu ĩgu masa watõpe ĩgu surarare õbeõpu.

¹¹ Gaji ñami Jesu mari Opũ Pablo pohro dehyoa, werepu ĩgure:

—Gũibircãque. Dõhpague õre Jerusalẽngue yaha buherire wereabu muħu. Eropigu Romague sãre õpa ta iigu waque, arĩpu mari Opũ Pablõre.

Judio masa Pablõre wejẽdiarĩñorã

¹² Gajĩnu ñamiñarigã arĩcũ judio masa bajamerã gamenereñorã.

—Õpa iirã, arĩñorã. Pablõre wejẽcãrã. Eropirã ĩgure mari wejẽboro core ĩhribircãrã. Babiricãrã. ĩgure wejẽbirã oa mera sirirã. ĩgure mari wejẽbircũ Goãmũ marire wejẽporo, arĩñorã erã.

¹³ Erã eropa arĩrã cuarenta weca ñari judio masa arĩñorã. ¹⁴ Erã eropa arĩ wereniguira puhru erã pahia oparãre, murã sãre wererã wañorã:

—Pablõre gua wejẽboro core barire babeaa gua. ¹⁵ Eropirã mũa, mari murã mera õpa arĩ sihubeoque. “Pablõre dipaturi serẽpidiaca,” arĩbeoque surara õpũre. Mũa eropa arĩra puhru surara õpũre aĩgãrdoreque Pablõre. Eropirã Pablo ĩgu õre ĩgu eraboro pohro gohra arĩcũ ĩgure wejẽrãca gua, arĩñorã erã pahia oparãre.

¹⁶ Eropigu Pablo tĩgo magu erã eropa arĩ wereniguicũ peeru. Erã eroparĩcũ peegu waha, surara ya wihigue Pablõre weregu ñajapu. ¹⁷ ĩgu eropa werera puhru Pablõpu yujugu surarare sihubeo, werepu ĩgure.

—Ihĩ mamure mu õpu pohrogue aĩgãque. Ihĩ mu õpũre werediagu iimi, arĩpu Pablo.

¹⁸ ĩgu eroparĩcũ peegu surarapu Pablo tĩgo magure ĩgu õpu pohrogue aĩ eja, werepu.

—Peresugue arĩgu Pablõpu yure sihubeo, ĩre mamure mu pohrogue aĩgãrdoreami. Ihĩ mũre weregu arĩgu iiami, arĩpu surara ĩgu õpũre.

¹⁹ ĩgu eroparĩcũ peegu õpũpu mamure ĩgu mojotore ñeha tuãgã, masa marirogue ĩgure serẽpi ĩapu.

—¿Dõhpa arĩbu iari muħu yure? arĩpu ĩgu Pablo tĩgo magure.

²⁰ ĩgu eropa serẽpicũ peegu õpa arĩ werepu.

—Judio masa yujuro mera, “Õpa iirã,” arĩ, wereniguia. Ñamigãre judio masa oparã pohrogue mũre Pablõre aĩgãrdorerãcoma. “Murã dipaturi Pablõre serẽpidiama,” arĩ gũyarãcoma. ²¹ Eropirã cuarenta weca ñari masa ĩgure wejẽdiarã mague duhrinijarã corerãcoma. Erã ĩgure wejẽboro core barire basome. Eropirã ĩhrisome. “ĩgure mari wejẽbircũ, Goãmũ marire wejẽporo,” arãma erã erã basi. Eropirã dohpaguere mũre Pablõre aĩgãrdorerã erãpu duhri coretujajama Pablõre wejẽmorã. Eropigu erã wererã eracũ erãre yuhribita muħu, arĩ werepu mamũ surara õpũre.

²² ĩgu eroparĩcũ peegu surara õpu õpa arĩpu:

—Yüre mü wererare gajiräre werebircäque, arı wererü mamüre. Eropa arıtuhaja mamüre “Wahanisa,” arıpu.

Pablöre opu Feli waıcugü pohrogue obeopu

²³ Eropıgu surara opu perä ıgu surarare sıhugä, eräre dorepu:

—Doscıentos surarare, setenta cabayu peyaräre, doscıentos ñoseri mijiri oparäre Cesareague wamoräre erä yare amudorerä waque. Eropırä dohpagä ñami nueve arıcü müa waborore coreque. ²⁴ Eropırä Pablöre cabayuare ıgu peyamoräre amubasaque. Opu Feli pohrogue, Cesareague öaro sorä waque ıgure, arıpu surara opu.

²⁵ Eropa arıtuhaja papera gojapu. Öpa arı gojapu ıgu: ²⁶ “Yühu Claudio Lısa müre turagu opu Felire öadoreä. ²⁷ Judıo masa ıre ñeha, wejërama. Eropıgu ıgu Roma majagu ıgu arıcü masıgu, yu surara mera ıgure itamugu ejabu. ²⁸ Eropıgu ıgure erä weresärare masıdıagu judıo masa oparä pohro aıgäbu ıgure. ²⁹ Eropıgu ıgu judıo masa ya doreri dıhtare ıgu tarınugacä, mari ya dorerire ıgu tarınugabırıcü ıagu, ıgure peresugue apıdıabırabu. Ñeha dipuwaja sırıro mara ıgure. ³⁰ Eropıgu judıo masa ıgure wejëdıarä, erä duhri corecü ıagu gajıgu wereami yüre. ıgu eropa werera pührü Pablöre dohpaguere mü pohro obeogu iıaä. Eropıgu ıgure weresänıräre ıgu ñero iırare müre weredoretuhajabu yühu,” arı gojapu surara opu.

³¹ Eropırä surara erä opu ıgu doredıro dopa ta iıñorä. Iri ñamıre Antıpatrı waıcırı macague Pablöre aı ejañorä. ³² Gajınu gajırä surara cabayua weca peyabırä iri maca ta dujarıñorä erä ya macague. Gajırä surara cabayua peyarä dıhta ıgure aı tarıgäñorä. ³³ Pu Cesareague aı ejañorä Pablöre. Eropırä surara opu ıgu obeorapüre opu Felire wıañorä. Eropırä Pablöre aı ejañorä opu pohrogue. ³⁴ Erä eropa wıara pührü irıpüre ıgu ıara pührü ıgu gajıräre serëpi ıapu:

—¿Dı yeba majagu ährırı ihı Pablo? arı serëpi ıapu.

—Cılıcıa yeba majagu ährımı, arı wereñorä ıgure.

³⁵ Eräre serëpıtuhaja, Feli Pablöre wererü:

—Müre weresänırä öre erä eracü mü wererire peegura, arıpu Feli Pablöre.

ıgu eropa arıra pührü Herode ya wıhıgue ıgure apıpu. Eropıgu ıgu ümare ıgure coredorepu ıgu opu.

24

Pablo “Ñero iıbırabu,” arı wererü Felire gajırä weresära pührü

¹ Cıncu nırı pührü Ananıa pahıa opu, judıo masa erä murä, dorerire weremehregu Tértulo waıcugü mera Cesareague ejañorä. Eropırä erä Pablöre weresädıarä, opu Feli pohrogue ejañorä. ² Eropıgu Pablöre erä gamenererogue erä aı ejara pührü Tértulo ıgure weresänugapu. Eropa weresänugagu öpa arıpu Felire:

—Mühu öaro masıgu, gua opu mühu öaro dorecü gua i yeba majarä öaro arıcäa gua gamequeäro marıro. Mü doreri mera öarıpüre gohrotoro iıaä i yeba. ³ Eropırä gua öaro arıcärä mucubırıa. Eropırä mü mera öaro mucubırıa. ⁴ Dohpague merogä müre garıbogura yühu. Merogä mü mera weretamudıaca. Güare peenıque dohpa. ⁵ Ihı güare garıbotarıamı. Arıpehreri yebarı majarägue judıo masare erä gua gaguınguıcü iımi ihı. Eropıgu masa erä bası gameturıcü iımi ihı. “Oparäre cóärä,” arırä mera majagu ährımı ihı. Eropıgu nazareno waıcırı curu opu ährımı. ⁶ Eropıgu Goämü wıhıre ñero ıgu iıdıacı ıarä gua ñeabu ıre. Gua ñeara pührü gua ya dorerire ıgu tarınugagu arıcü ıgure dipuwaja moadıarabu gua. ⁷ Eropa moadıaquerecü surara opupu Lısa waıcugü ıgure güare turaro mera emacımı. ⁸ Pührü ıgure weresänıräre mü pohrogue wadoreamı Lısa. ıgu eroparıcü peerä ahrabu gua. Mü tamera ıre serëpıgu, arıpehrerire ıgu ya dipuwajare masıguca mühu, arıpu Tértulo Felire.

⁹ ıgu eropa arıra pührü gajırä judıo masa Tértulo ıgu arıdıro dopa ta “Dıaye ta ähraa,” arıñorä erä sä. ¹⁰ Erä eropa arı weresära pührü opu Feli Pablöre weredorepu. Öpa arı wererü Pablo:

—Baja bojırı i yeba majaräre mü dorerare masıa yühu. Eropıgu yu iırare müre wereru mucubırıa. ¹¹ Doce nırı ta wahaä Jerusalengue Goämüre yu umupeora pührü. Mühu i dıaye arıcü masıdıagu gajıräre serëpi ıague. ¹² Judıo masa yüre Goämü wıhıguere boca erä ñeacı masare arı gaguınguıgu iıbırabu. Eropıgu “Oparäre cóäque,” arıgu iıbırabu. Eropıgu judıo masa buherı wırerı, erä ya maca säre ne ñero iıbırımurabu. ¹³ Eropırä yüre weresänıräpu erä weresärare “Öpa iıamı ihı,” arı weremasıbeama müre. ¹⁴ Dohpague yu iırare weregura müre. Matague ta gua ñecu sumarä erä umupeodıro dopa ta Goämüre umupeoa yu sä. Eropıgu Goämü yare iıaä Jesu ya öarı buherı irı arıro dopa ta. Oä “Jesu ya guyabırırı ähraa,” arı werenıguıma

oã judio masa. Eropigu Goãmũ doreri, Moiseguere İgu apirare iri sãre umupeoa yũhũ. Eropigu Goãmũ ya weremuhtanirã erã gojara sãre umupeoa yũhũ. ¹⁵ Oã gajirã judio masa mera ta “Goãmũ árĩpehrehã masare sĩrinirãre ðarã, ñerã mera erã masa mæriacũ iigũcumi,” erã arĩ pepiro dopa ta yũ sã eropa ta arĩ pepia. ¹⁶ Eropigu dipuwaja mara yũhũ. Goãmũ irire masimi. Eropirã masa sã irire masima. Eropigu ðiaye ta werea yũhũ mure.

¹⁷ “Gaji bojorire gajipugue yũhũ curigu árĩgu ðujarabũ Jerusalengue. Yũ acawererã Jerusalén majarã mojomorocãre niyeru ogu arigu iibabũ. ¹⁸ Dujara, Goãmũre umupeobu İgu ya wihigue ejarabũ. Eropigu Goãmũ İgu coedorero dopa yũ basi iira pũhrũ waibũgure odiarabũ Goãmũre umupeobu. Eroque yũ árĩcũ oã judio masa yũre bocama. Erã bocacũ gajirã yũ mera majarã marama. Gua gaguiniguirã marama. ¹⁹ Eropirã gajirã judio masa Asia yebe majarã ero ahrama. Erã yũ ñero iicũ İanirã árĩrã weresãrã ariporo õguere. ²⁰ Oã õgue árĩrãpũ judio masa oparã gamenererogue yũ árĩcũ İanirã yũ erogue ñero iirare masirã, erã sã weresãporo. ²¹ Gaji tamerare yũre erã weresãmasima: Erã mera árĩgu õpa arĩ bũrigã gaguiniguibũ yũhũ: “ ‘Sĩrinirã masa mæriarãcoma,’ yũ arĩra waja dipuwaja moaa mua,” arĩbũ erãre, arĩ werepũ Pablo Felire “Ñero iibiribũ,” arĩgu.

²² İgu eropa arĩ werera pũhrũ Feli õpa arĩ werepũ Pablöre:

—Dohpagueire iripõta ahrãa. Surara opũ Lisia İgu erara pũhrũ mure yũ iiborore masigũca yũhũ, arĩpũ Feli Pablöre. Felipũ Jesu yarã erã iirare ðaro masipehogũ árĩpũ.

²³ Eropa arĩtuhaja, Pablöre coregũre surarare Feli ðaro İhadibudorepũ peresugue árĩgu duhriri arĩgu. Eropa İhadibudorequeregu ðaro iidorepũ İgũre. Eropigu merogã õpũ İgu curiborore. Pablo mera majarãre İgũre peresugue árĩgũre itamudoregu eropa dorepũ Feli.

²⁴ Bajamenari pũhrũ Feli İgu marapo Drusila waĩcũgo mera ahri, Pablöre sihuñorã daja. Feli marapopũ judio maso árĩpo. Pablöre erã sihura pũhrũ, Jesucristore İgu umupeorire Pablõpũ werepũ erãre. ²⁵ Eropa weregu, ðarire, ðaro guĩamasirire, ñerire gamebiririre, pehrerina árĩcũ masare Goãmũ dipuwaja moaborore werepũ Pablo. İgu eropa arĩ werecũ peegu Feli gũigu, Pablöre werepũ:

—Dohpagueire waque. Pũhrũ yũre mohmeri maricũ sihgũra daja, arĩpũ Pablöre.

²⁶ Eropa arĩgu, Pablo İgũre niyeru ocũ gameripũ Feli. Eropigu İgu niyerure gamegu, bajasuburi Pablöre sihu, İgu mera werenigũmũripũ Feli. Niyerure İgu wajayecũ ta Pablöre wiuboñumi gajisubũ arĩgu. ²⁷ Pe bojori pũhrũ Porcio Festo waĩcũgu Felire gohrotogu árĩpũ. Eropigu Felipũ opũ árĩgu judio masare mucubiricũ iidiapũ. Eropigu İgu Palore peresu árĩdorepũ dohpa.

25

Festore Pablo İgu iirare werepũ

¹ Eropii Festo iri yebague ahrẽnũ İgu opũ ñajara pũhrũ, Cesareague árĩdigũ waha, Jerusalengue ejarũ. ² Ero İgu ejaacũ İha pahia oparã, judio masa oparã mera Pablöre erã weresãrãre wereñorã Festore. ³ Pablo İgu mague wacũ iri mague İgũre cohre, wejẽdiariñorã İgũre erã. Jerusalén mague aricũ gameriñorã İgũre wejẽmorã. Eropirã erã õpa Festore upũtũ serẽriñorã:

—Pablöre õguere Jerusalengue obeoque, arĩ serẽriñorã erã Festore Pablöre wejẽdiarã.

⁴ Erã eroparicũ peegu, Festo werepũ erãre:

—Dohpagueire Pablo Cesareague peresu ahrimi. Dohpagueire yũhũ erogue wabu iiaa.

⁵ Pablo İgu ñero iigu árĩcũ, mua oparã Cesareague yũ mera waha, İgũre weresãque, arĩpũ Festo.

⁶ Eropigu Festo ocho o diez nũri erã mera İgu árĩra pũhrũ Cesareague dujaa wapũ. Gajinã İgu dipuwaja moadoreri wihi doagu, Pablöre aigãridorepũ. ⁷ Eropirã Pablo Festo pohroque İgu eracũ, judio masa Jerusalengue arinirãpũ Pablo pohro nigui, İgũre bũrigã weresãngãñorã. Eropa weresãquererã “İhĩ İgu ñero iicũ İabũ,” arĩ weresãmasibirĩñorã. ⁸ Erã eropa arĩ weresãra pũhrũ Pablo İgu iirare werepũ:

—Judio masa erã dorerire, Goãmũ wihi maja dorerire, Roma opũ İgu dorerire ne tarĩnũgabirabũ, arĩpũ Pablo.

⁹ Festopũ judio masare mucubiricũ iidiagu, Pablöre serẽpipũ.

—¿Jerusalengue wadiari mũhũ? Mũ iirare yũre erogue weregũca mũhũ, arĩpũ Festo Pablöre.

¹⁰ İgu eroparicũ Pablo yahripũ:

—Arīpehrerā weca opū īgu ya wihi dipuwaja moadoreri wihi āhraa dohpaguere. I wihiro ta ohō sā āhraa. Eropīgu ya iirare ohō ta amu purumujuque. Judio masare ya űero iibirirare ōaro masia muhu. ¹¹ űerire iigu dorerire tarinūgagu āriġu “Yure wejēbircāque,” arībiriboaya. Eropīgu oā weresāripū guyari iri āricū yure weresānirāre yure omasibeaa muhu. Yu iirare ārīpehrerā weca opūre Cēsare weregu wadiaca yahu, arīpū Pablo.

¹² Īgu eroparicū peegu Festopū ōaro masi wererāre serēpituhaja, werepū Pablore. —Muhu ārīpehrerā weca opūre mu iirare mu werediaca, īgu pohrogue Romague obeorāra mure, arīpū Festo Pablore.

Pablo opū Agripare īgu iirare werepū

¹³ Festo opū űajara puhrugue opū Agripa, Berenice waicūgo mera Cesareague Festore iarā ejañorā.

—ĶNe, erarari mu sā? arīñorā erā Festore bocatīri serērā. ¹⁴ Ero bajamenūrigā erā ārīra puhru Festo werepū Agripare Pablore erā iirare.

—Ōre Feli īgu peresu iidigu āhrimi. ¹⁵ Eropirā Jerusalēngue ya wacū judio masa erā pahia oparā, erā murā mera ĩre weresāma. “Īgu ya dipuwajare wejēque ĩgure,” arī serēama erā yure. ¹⁶ Erā eroparicū peegu ya ōpa wereabu: “Gua Roma majarāpū peresu erā iinirāre masare eropa ta ocābirimuribu. Eropīgu ĩgure osome muare. Gua űeadigūre ĩgure weresānirā guare wereniguiboro core ĩgure dipuwaja moamasibeaa gua. Īgu basi sā īgu iirare ĩgu werenibiricū ĩgure dipuwaja moamasibeaa gua,” arābū erāre. ¹⁷ Eropīgu ōre erā weresārā eracū ĩagu yoari boje iibirabū yahu. Eropīgu gajinure masa dipuwaja moadoreri wihi ya doagu, erā weresādigūre sihubeobū. ¹⁸ Eropirā iri wihi īgu eracū iarā ĩgure ĩhaturirā wahgānūgajama. Erā eropa wahgānūgajacū ĩagu űetariaro arī weresārācoma arī pepirabū yahu erāre. ĩgure weresādiquererā weresāmasibirama erā. ¹⁹ Eropirā ĩre Goāmu yare ĩgu werera dipuwaja judio masa ĩgure ĩhaturiyama. “Jesu waicūgu ĩgu sīridigu masa mūriadi ārīmi,” arī ĩgu werera waja weresāma ĩre. I dihtare weresāma. ²⁰ Ire masibigu ĩgure ōaro serēpi ĩabu. “ĶJerusalēngue wadiacuri ya mera? Eroque wereque mu iirare yure,” arīrabū ĩgure. ²¹ Yu eroparicū peegu ĩgūpū wadiabirami. “Yu iirare ārīpehrerā weca opūre werediaca,” arāmi ĩgu yure. ĩgu eropa arīra puhru ohō ta ĩgure coredoreabu ārīpehrerā weca opū pohro ĩgure ya obeoboro core, arīpū Festo Agripare.

²² —Yu basi peediaca ĩgure, arīpū Agripa Festore.

—űamigā ta ĩgure peeguca muhu, arī yuhripū Festo.

²³ Eropirā gajinū āricū Agripa, Berenice mera masa dipuwaja moadoreri wihigūe eja, “Oparā āhraa gua,” arīrā guhyadiaro ii ĩhmuñorā erā, surara oparā, iri maca majarā oparā mera. Eropa ii űajarā iri wihiguere űajañorā. Erā űajajara puhru Pablore sihubeopū Festo. ²⁴ Eropīgu Festo ōpa werepū:

—Opū Agripa, muā ārīpehrerā i wihire gamenererā peeque. Ōre ihī bajarā judio masa erā weresāgu āhrimi. Jerusalēngue Cesareague sāre erā ĩgure weresāma. “Īgure wejēque,” eropa arīniguicārā iima erā. ²⁵ Erā eropa arīquerecū ta ōpa arī pepia yahu. Ihī ne űero iidigu ārībeami. ĶNehe dipuwaja mari wejēbocuri ĩgure? Eropīgu ārīpehrerā weca opūre Cēsar Augustore ĩgu iirare ĩgu werediaca ārīpehrerā opū pohrogue obeogura ĩre. ²⁶⁻²⁷ Eropīgu ihī ĩgu iirare masibiriniga yahu doha. Eropa masibirinigu mari opūre were gojamasibirica. Eropīgu muare ĩgu werecū peedoregu iiaa dohpaguere. Opū Agripa, dohpague tamerare ihī āhrimi mu serēpi ĩabu. Mu serēpi ĩatuhaja mari masira puhru ĩre erā weresārare ōaro were gojagura. Ihī ĩgu űero iirare ya masibiriqueregu ta opū pohrogue ĩgure ya obeocū ōabeaa. Eropīgu dohpaguere erā weresārare ōaro masidiagu iiaa, arīpū Festo erāre.

26

Pablo Agripare īgu iirare werepū

¹ Īgu eropa arīra puhru Agripa Pablore arīpū:

—Mu basi ta wereque, arīpū ĩgu Pablore. Īgu eropa arīra puhru Pablopū, “Ejarimarcāque,” arīgu ĩgu mojotorire ai wahgūbeo, ĩgu iirare werenūgapū:

² —Opū Agripa, yure judio masa erā weresārare, ya iirare mure weregu, dohpaguere ōaro siporācūa. ³ Gua judio masa gua ĩricurire, gua buheri sāre muhu ōaro masicū tamerare mucubiria yahu. Eropīgu muhu yure ōaro peeque, arīnūgapū Pablo.

Pablo Jesu yagu ĩgu ārīborō core ĩgu ārīcurare werepū

⁴ Eropa arītuhajaġū ōpa arīnemopū ĩgu:

—Mamu áriġu yu áriřicurare áriřehererá judio masa masima. Umuri nuću yu masa dehyoara puhru yaha yebagure, Jerusaléngue säre yu áriřare masima erá. ⁵ Negohraguere fariseo masu áriřibu. Eropigu fariseo masa erá dorerire, erá iirinore yuhu iipehodigü árićü erá masima. Erá mre werediará, irire weremasima erá. ⁶ I dipuwaja ta yure weresámurima. Gua necu sumaräre “Siriniräre masugura,” Goámu ġu arí apirare “Diaye ta áhrra,” yu aríri waja oá yure weresámurima. ⁷ Yu acawererá judio masa, áriřehererá doce cururi majarā Goámu masare ġu masuborore mucubiri cohrema. Eropirā Goámure umupeoniguicāma. Eropā corerā áriřā yu iiro dopa ta iima erā sā. Opu Agripa, eropa yujuropa gua iirā áriřuerecū ta erāpu yuhu ġu masuborore ii coreri waja yure weresámurima judio masa. ⁸ ĶDuhpirā siriniräre Goámu ġu masuborore peediabeari mua judio masa? arí werepu Pablo.

Pablo Jesu yaräre ġu ñero iirare werepu

⁹ Eroparītuhaja ōpa werenemopu:

—Jesu Nazare majagure ĩanibigu dohpa ñeri dihtare iidiaribu yuhu ġu yaräre. ¹⁰ Eropigu Jerusaléngue eropa iimurribu yuhu. Pahia oparā yure erá dorera puhru bajarā Jesu yaräre peresu iimurribu yuhu. Eropigu oparā eräre erá wejēdorecū, wejēmuribu yu sā. ¹¹ Bajasuburi áriřehereri judio masa erá buheri wirigue Jesu yaräre ñero iidoremuricarabu. Eropigu Jesu yarā Jesure erā cóācū iidiaribu yuhu. Erā mera burigā guabu yuhu. Eropigu gajī macarigue säre eräre ñero iigu ejamuricarabu yuhu, arí werepu Pablo.

Pablo Jesu yagu ġu warare werepu

¹² Eropā arītuhaja ōpa werenemopu:

—Eropigu Damascogue Jesu yaräre ñero iidiagu ejaribu. Eräre yuhu ñero iidiacū ĩarā pahia oparā yure wadorema. ¹³ Ōpa áriřu, opu Agripa: Goeri boje árićü gohra mague yu wacū umaro maja gosesiriri, abe umu majagu tauru yure yu mera warā säre gosesiribu. ¹⁴ Gua áriřehererā yebague mehmerejabu. Judio masa ya mera yure ġu wereniguicū peebu. “Saulo, Saulo, Ķduhpigu muhu yure ñero iiri? Muhu yu mera guagu yure yuhribigu, mu basi ñero taria,” arīmi yure. ¹⁵ “Opu, Ķnihino áhrriri muhu?” arí serēpibu yupu. “Yuhu Jesu ta áhrra mu ñero iigu. ¹⁶ Wahgānugajaque muhu. Yu pohro majagu mre iibu dohpague dehyo yuhu. Dohpagāre muhu yure ĩarare, puhru mre yu ĩhmuburi säre gajiräre weredorebu apiguca mre. ¹⁷ Judio masare, judio masa áriřirā säre mre buhedoregu obeogura. Erā pohro mu árićü, mre erā ĩhaturicū mre itamugura. ¹⁸ Yahare eräre masicū iique muhu. Eropigu erā ñerire duhcū iique muhu. Ōaripare gohrotocū iique eräre. Watire eräre gamebircū iique muhu. Eropigu Goámu yarure ĩicū iique muhu eräre. Muhu eropa ĩicū erā yure umupeorācoma. Erā eropa umupeocū ĩagu erā ñeri iirare cādijiguca. Eropirā erā Goámu ġu beyenirā mera majarā mera áriřācoma. ġu oburire opamorā áriřācoma erā,” arīmi Jesu yure, arí werepu Pablo.

Pablo ġu iirare ġu mohmerire werepu

¹⁹ Eroparītuhaja ōpa werenemopu:

—Opu Agripa, umaro maja yu peerire tarinugabiribu. ²⁰ Damascogue buhemuhtabu. Puhru Jerusalén buhebu daja. Puhru Judea yeba, judio masa áriřirā pohrogue säre masare erā ñero iirare bujaweredore, Goámu yare gamedorebu. “Ōarire mua ĩicū ĩarā mua ñeri iirare mua bujawererare gajirā masirācoma,” arġu, eräre ōarire iidoregu buhebu. ²¹ Goámu ya wihī yu árićü yu eropa arí wereri waja judio masa yure ñeha wejēdiarima. ²² Eropigu umuri nuću Goámu ġu itamuro mera eropa buheniguicāa. Eropigu dohpaguere mua áriřeheräre oparäre bu áriřā säre ġu yare weregu iiaa. Iribojegue majarā Goámu yare weremuhtanirā Moise mera erā wereyudiro dopa ta werea yu sā. Ōpa arí wereyuñorā erā: ²³ “Cristo Goámu ġu obeodigupu ñero tarigucumi. Eropigu sirigu masa muriamuhtagu arġucumi ġu. Eropigu masare ġu itamuborore judio masare judio masa áriřirā säre masicū iigucumi,” arí wereyu gojamuriñuma iribojegue majarā. Yu sā erā werediro dopa ta werea, arí werepu Pablo Agripare.

Pablo Agripare Jesu yagu iidiaripu

²⁴ ġu eropa arí werera puhru Festo ġure burigā gaguinigu wereniguipu:

—Pablo, muhu goroweregu áhrra. Muhu baja buhegu goroweregu wahaa, arí gaguiniguipu Pablora.

²⁵ ġu eroparicū peegu ōpa yuhripu Pablo Festore:

—Opu, goroweregu áríbeaa yuhu. Yu wereri diaye ta áhraa. Eropigu yuhu ire guhyadiaro mera arãa. ²⁶ Opu Agripapu i yu wererire ðaro masimi. Eropigu yuhu igure güiro mariro werea. I wererire árípehrerã masa masima. Eropigu árípehreri ire yu arirare opu Agripa igu masicũ masia yuhu, aripu Pablo Festore.

—Ígu eropa arítuhaja ðpa aripu Agripare:

²⁷ —Opu Agripa, Goãmu ya weremuhtanirã erã wererare peea muhu. Erã wererire mu peecũ masia yuhu, aripu Pablo Agripare.

²⁸ —¿Ire yare weregu merogã mu wereri Jesu yagu yu wacũ iidiagu iiri muhu? aripu Agripa Pablöre.

²⁹ Ígu eroparicũ Pablo yuhripu.

—Merogã wereniguu o yoari boje wereniguu mua árípehrerãre yuhu áríro dopa ta Jesu yarã áricũ gahmea. Irire serêbasaa Goãmure. Eropigu yu iro dopa ta peresugue mua áricũ tamerare gamebeaa yuhu, aripu Pablo.

³⁰⁻³¹ Ígu eropa aríra puhru Agripa, Festo, Berenice árípehrerã gajirã mera wahgãngu wiria, erã basi wereniguinorã:

—Íhĩ igu iira waja ne peresu iimasibeeaa mari. ¿Eropirã mari ñeheno dipuwaja igure wejêbocuri? arĩ wereniguinorã erã erã basi.

³² —Íhĩ “Árípehrerã weca opure yu iirare werediaca,” igu aríbiricũ mari wiuboaya igure peresugue árigure, aripu Agripa Festore.

27

Pablo igure weresãrare Romague weregu wapu

¹ Pablöre Italiague árípehrerã weca opu pohrogue dohodiru mera obeorã, igu mera gajirã peresu árirã sãre obeonorã. Eropirã Julio waicugure erãre íhadibudorerã obeonorã erã. Julio cien surara opu áripu. Ígu ya curu Augusto yarã surara waicunorã.

² Yu sã Pablöre wapicugãbu. Eropirã Adramitio waicuro majaru dohodiru mera ñajabu gaa. Iriru Asiague waburiduru áribu. Ñajatuhaja, iriru mera wabu. Aristarco Tesalónica waicuri maca majagu gaa mera wami. Tesalónica Macedonia yeba áribu.

³ Gajinu gaa Sidóngue ejabu. Erogue ejaqu Julio Pablöre ðaro iimi. Eropigu Pablöre igu mera majarã pohrogue íagu wadoremí. Eropigu Pablo mera majarã igure igu gamerire erã ocũ “Óaroca,” arĩmi Julio. ⁴ Dohodirugue ñajarã daja gaa taribujacũ burigã miruñe guare gajipugue weataribujubu. Eropirã Chipre waicuri nuguro cãhmotarogue diayepu wabu gaa. ⁵ Pu Ciliciare taria, Panfilia sãre taria, Mira waicuri macague Licia yebague áríri macague tuhajabu gaa.

⁶ Erogue ejarã, Alejandriague aridirure, Italiague wadirure dohodirure bocabu. Eropigu surara opu guare irirugue wadoremí. ⁷ Bajanuri dabero waro waha, “Ñe yeboca,” arĩ, waha, Gnido waicuri maca diaye ejabu gaa. Erogue eja taria, miruñe burigã weã, gaa wadiadirore guare weãbeobiribu. Eropirã gaa copugue majipa wabu. Eropirã Creta waicuri nuguro iri nuguro cãhmotari masepu gaa taribuja waha, Salmón waicuri ñorore tariabu gaa. ⁸ Erogue tari, iri nuguro pohro waha, “Ñe yeboca,” arĩ waha, “Óari peramaha” waicurogue tuhajabu. Peramaha Lasea waicuri maca pohrogue áribu.

⁹ Erogue gaa yoari boje áríra puhru, gaa waboropu guhyataribu. Eropiro erã ba duhurinu bosenu tarira puhru, Pablo dohodiru majarãre weremí.

¹⁰ —Peeque mua. Ba duhurinu bosenu puhru mari wacũ marire mirimaja guhyataria. Iru dohodiru, dohodiru maja, mua doberi sã mari mera majarã sã mari dedereboca warã, arĩrimi Pablo.

¹¹ Ígu eropariquerẽcũ surara opu dohodiru opupure peegu, autugu sãre peegu, Pablo igu wereripure peediabirimi wadiagu. ¹² Erã payari peramaha puhiró áricũ ðari payari peramaha áribiribu. Ero eropa arĩri peramaha áricũ dohodiru majarã bajarã wadiarã, Fenicegue muriadiarima puhiró waboro core. Fenice Creta waicuri nuguro maja peramaha áríro, miruñe ero aridirogue abe maririroguepu copugue diayepugue sãre íhabee miruñe aricũ ðaro cãhmotari maca áribu. Ero eropa arĩri peramaha áricũ masirã erã erogue yuju puhibugu árírisubu árdiariama.

Wuariyague miruñe, deco wuaro ariyoro

¹³ Eropii docapu surgue daberogã miruñe arinugabu. “Dohpagãre ðarinu mari waburinu áhraa,” arĩ pepirĩnorã erã. Miruñe ero aricũ erã comeyere tarawahgũ, Creta nuguro pohrogã muriabu gaa. ¹⁴ Eropii puhruñari miruñe gohroto noreste waicuri miruñe burigã weãbu. ¹⁵ Eropiro dohodirure miruñe burigã weã erabu. Miruñe ero

weãbeoro wamasibiri, majipa, miruñe mera wabu gúa. ¹⁶ Claudia waĩcũri nugurogã pohrogue docapugue waha, iri nugurogã guare merogã cãhmotabu. “Marire yebo ãhraa,” arĩrã erore dohodiru majaru miridirugã gasirure ðaro tarapeo diribu gúa. ¹⁷ Irirure dohodirugue gúa tarasã diripehora puhru wuarida mera erã waĩñea peoma. Libia yeba tũro pohro arĩri imipororire “Iriru gasiru dohodiru iri mehtuhajari,” arĩrã gũĩ arĩma erã. Eropirã erã miru ñeari suhrire erã aĩdjura puhru dohodiru dihtare miruñe weãbeobũ. ¹⁸ Miruñe, deco mera burigã aribũ. Gajinũ sãre miruñe mũraro ta daja aricũ ãarã erã erã doberire diague duhrimeyura puhru taribujabu gúa. ¹⁹ Gajinũ dohodiru majare diague cõãma erã erã basi. ²⁰ Bajanũri ñĩpirinũri arĩcũ, abe umu majagu necã sã ne deyobirima. Eropiro burigã miruñe aribũ. Eropirã “Miria wahaa mari. Eropirã sĩa warãca,” arĩ pepiribu gúa.

²¹ Eropigu Pablo yoari boje erã ba duhura puhru ãgu erã core nugaja, weremi erãre.

—Mũare yũ werecũ peebirabu mũa. “Cretague arĩrã mari wacũ gũhya arĩca,” yũhu arĩcũ peebirabu mũa. Yũre peerã, iru maja arĩpehrerẽ dedeobiriboaya mũa. ²² Eropigu dohpague mũare werea. Guñaturaque. Eropirã gũibiricãque. Arĩpehrerã mari tarĩrãca. Iru dohodiru dihta marire wahribasaroca. ²³ Dohpagã ñamire Goãmu anyu yũre dehyoami. Goãmu yagu ãhraa yũhu. Eropigu ãgure umupeoa yũhu. Anyupu yũ pohro arigu wereami. ²⁴ “Pablo, gũibita. Arĩpehrerã weca opũre mũ irare mũre werero gahmea. Goãmu ðagu ãhrimi. Eropigu ãgure mũ serẽro dopa ta dohpague mũa mera majarã sãre itamugucumi,” arãmi yũre anyu. Eropirã gũibirãta mũa. ²⁵ Anyu yũre ãgu arĩdiro dopa ta eropa waroca. Goãmũre umupeoa yũhu. Eropigu ãgu werediro dopa ta “Diaye ta ãhraa,” arĩ pepia yũhu. ²⁶ Marire nugurogue miruñe weãbeo cõãroca, arĩ weremi Pablo erãre.

²⁷ Yuju ñami pe semana puhru wũariya Adria waĩcũriya miruñe guare burigã weãbu. Irisubure ñami deco dohodiru majarã umapũ “Tũrogue ãhraa mari,” arĩ pepima erã. ²⁸ Erã eropa arĩ pepirã yurada nũcũdiru comerure dihri, duhmiumediju queoñama. Treinta y seis metro gohra ãhcãbu. Mero ta waha, queoma daja. Irisubure veintisiete metro gohra ãhcãbu. ²⁹ Eropirã utãre mehtuhajari arĩrã dohodiru auturogue wapicariye comeyerire dirimiu dijuma erã diague dabero wacũ gamerã. Eropirã “Yojarõ boyoporo,” arĩrã, burigã serẽma erã. ³⁰ Dohodiru majarã umapũ erã dihta duhririma. Erã miridirugãre dohodiru majarure diague taradijupo dohodiru ãguiru come dipure erã dijudio dopa ta iirima erã miridirugã marire ãhari arĩrã. ³¹ Erã eropa duhridiaquerecũ Pablo erã eropa iicũ masigu surara opũre, ãgu surara mera weremi:

—Oã, umu miridirugã mera erã wacũ mũa arĩpehrerã sĩrirãca, arĩmi Pablo.

³² ãgu eroparicũ peerã surarapũ miridirugãre diriridarire wirita, irirure cõãcãma.

³³ Boyoboro coregã Pablo erãre badoremi.

—Pe semana gohra mũa ne habea. ³⁴ Eropirã dohpaguere barã arique. Eropigu mũare badorea. Mũa ojocaridiarã baque. Arĩpehrerã mũa tarĩrãca, arĩmi Pablo erãre.

³⁵ ãgu eropa arĩra puhru Pablo panre aĩ, arĩpehrerã erã pohro Goãmũre “Õhaa,” arĩ, duhpeo, irire bami ãgu. ³⁶ ãgu eropa bacũ ãha erã sĩporã turarã waha, arĩpehrerã erã sã bama. ³⁷ Gúa arĩpehrerã doscientos setenta y seis masa dohodirugue arĩbu gúa. ³⁸ Eropirã erã arĩpehrerã yapia waha “Iru dohodiru nũca arĩca,” arĩ, baja trigo barire diague cõãma daja.

Dohodiru imiporogue mehbejayoro

³⁹ Boyocũ dohodiru majarã umu nugurore ãarã, “Õpa waĩcũri nuguro ãhraa i nuguro,” arĩ ãha masibirima. Eropirã erã dipatũgure imiporo arĩcũ ãarã, “Mari iritũgugue warã, erogue mehmejaboca imiporogue,” arĩma erã. ⁴⁰ Eropa arĩrã, come dipure diriridarire wirita medijucãma erã. Erã eropa iira puhru dohodiru ãguiru maja suhriro aĩ wahgũ nuguma diaye miruñe weãbeocũ gamerã. ⁴¹ Eropiro dohodirupũ ãguirupũ imiporogue sãmaja merejamasibiribũ. Eropiro auturore burigã pãgũri pamehtucũ iriru auturo wahria wabu.

⁴² Eropa wacũ ãarã õpa arĩma surara.

—Iru miricũ mari peresu iinĩrã tũrogue baatuhaja duhricãrãcoma. Eropirã erãre wejẽpehocãrã, arĩrima surara.

⁴³ Eropigu surara opũpũ Pablõre wejẽdiabigu arĩpehrerã peresu arĩrãre wejẽdorebirimi. Eropigu arĩpehrerã baamasirãre surara opu mata tũrogue baatujadõre. ⁴⁴ Eropirã gajirã dohodiru maja wahria mijiri mera yuuriñaja, iri mijiri weca peya baa majama. Gúa eropa iirã gúa arĩpehrerã tũrogue tuhajabu ðaro.

28

Pablo Malta waicuri nuguro aripu

¹ Eropii iri nugurogue gua aripehrerā majajanugajara puhru iri nuguro waire masibu. Malta waicuri nuguro aribu. ² Iri nuguro majarā masa ōarā arirā, ōaro iima guare. Eropirā deco gua weera puhru yusatariabu guare. Eropirā ero majarāpu peame dihutuhaja, guare sōhmadorema. ³ Pablo peare aigāri aitiāmi. Igu aitiāra puhru iri pea pohecague aridigu aña coñopore wirigu, Pablo mojoto curituhajami yahawearo mariro. ⁴ Igu curituhajacū iarā, iri nuguro majarā erā basi wereniguima:

—Ihī masa wejēdigu arībocumi. Eropigo mari turago dipuwaja moago umaro majago igure dipuwaja moago, ojocaridorebeamo. Igu wuariyague mirigu tarituhajadigu arīrami. Dohpaguere igopu igure ojocaridorebeamo, arīrima erā basi.

⁵ Eropigu Pablo añare peamegue wejēsiri mehpeomi. Igu aña pūribirimi. ⁶ “Bijiroca,” arirā, corerima erā. Ne bijibiribu igure. “Igu sīria wagacumi,” arirā erā iha corerima. Igu pūribirimi. Yoari boje ero bijibiricū iarā, igure pūribiricū iarā, gajiropa pepirima erā. “Ihī goāmarā mera majagu arībocumi,” arīrima erā.

⁷ Erā baa tuhajadiro pohro Publio waicugu ya poeri aribu. Igu iri nuguro majagu opu arīmi. Eropirā igu guare ōaro iicū uhrenu gohra igu ya wihigue aribu gua. ⁸ Publio pagu yojorocu, nimacuricugu arīmi. Eropigu Igu camague oyami. Eropigu Pablo dorecugu ya taribugue ñaja, Goāmure serē, igu mojotorire igu weca duhpeo, ōagu wacū iimi igure. ⁹ Igu ōagu wacū iarā aripehrerā gajirā iri nuguro majarā dorecarāre Pablo pohrogue aigārima. Erā eropa aī eracū iagu Pablo erāre ōarā wacū iimi erā sāre. ¹⁰ Puhru erā baja sāre waja mariro oma. Gua waboro coregā aripehreri gua gamerire, gua warā gua baburire dohodirugue durisābasama erā.

Pablo Romague ejapu

¹¹ Urerā abe iri nugurogue gua arīra puhru dohodiru mera wabu gua daja. Iriru dohodiru iguiru perā goāmarā Cástro, Pólux waicurā erā wéanirā niguima. Alejandriague ariduru aribu iriru. Puhirópē iri nugurogue iriru dohodiru payabu. ¹² Waha, Siracusa waicuri macague ejarā, uhrenu gohra iri macare aribu gua. ¹³ Iri macare wiri waha, Regio waicuri macague ejabu gua. Gajinu surgue miruñe ahri guare weābeobu. Penū puhru Puteoli waicuri macague ejabu. ¹⁴ Erogue Jesu yarā bajamerāgā guare bocatūrima.

—Yuju semana gohra gua mera dujaque, arīma erā guare.

Erā eroparicū peerā yuju semana gohra erā mera dujanibu. Puhru mague majaa, Romague ejabu gua pare. ¹⁵ Ero majarā Jesu yarāpu gua ejarare peerā, Apio waicurogue doberi duarogue guare bocatūrima. Gajirā Jesu yarā “Uhre wihi” waicurogue guare bocatūrima erā sā. Erā eropa bocatūricū iagu Pablo mucubiriri mera Goāmure “Ōhaa,” arī, ōaro siñaja wami. ¹⁶ Romague gua ejara puhru erā peresu erā iinirāre ero majagu peresu corerā opure weremi. Eropirā Pablopure yujugu ta apima ero majarā oparā. Eropigu igure yujugu surara coremi.

Pablo Romague buheru

¹⁷ Uhrenu puhru Pablo judio masa buherā mera gamenerebu, erāre sihumi. Erā gamenerera puhru igu erāre weremi:

—Acawererā, mari acawererāre, mari ñecu sumarā erā iimūrirare, marire erā buhera sāre tarinugabirimurabu yuhū. Yu eropa tarinugabiriquerecū ta Jerusalén yare ñehama Asia majarā judio masa. Erā eropa iira puhru Roma majarāre yare peresu iidorema erā. ¹⁸ Erā eropa iicū Roma majarā yare serēpi, yuhū ñero iibigu yu aricū yare “Dipuwajacugu āhrimi,” arīmasibirama. “¿Ñehe dipuwaja dipuwaja wejēbocuri mari igure?” arāma erā yare. Eropirā yare serēpirāpu yare wiudiarama. ¹⁹ Judio masapu yare wiudorebirama. Eropigu yu acawererāre judio masare weresādiabiriqueregu ta, “Arīpehrerā weca opure yu iirare diaye werediaca yuhū,” arī serēabu. Judio masa yare erā wiudorebiricū iagu “Roma majagu opure weregu waro gahmea yare,” arābu. ²⁰ Eropii muare ire werediagu sihuabu. Cristo marire taubu judio masa erā coredigu Igu yare yu wereri waja yuhū peresugue āhraa. Eropigu irire muare werebu sihuabu, arīmi Pablo judio masa oparāre.

²¹ Igu eroparicū peerā erāpu igure werema.

—Judio masa mure quere wereripūrire guare ne obeobirama. Eropirā erogue arinirā sā gua acawererā guare mu eropa warare werebirimurama. Erā “Igu ñero iigu āhrimi,” arī mure werebirimurama. ²² Mua ya curure arīpehrerogue masa erā ñero werenigicū gua masia. Eropa masirā mu buherire mu werēcū peedīaa gua, arīma erā igure.

²³ Eropa arĩtuhaja, “Gajinu árĩrã,” arĩma erã. Gajinugue Pablo mera gameneremuhtanirã tauro masa bajarã ìgu árĩroguere erama. Namiñarigã Goãmu ìgu opu árĩrare òari buherire ìgu buhenuga, pu ñamigue buhe duhumi. Goãmu dorerire Moisegue ìgu apirare, Goãmu ya weremuhtanirã erã gojarare buhemi. Eropa buhegu, erãre Jesure masicũ iidiagu iirimi Pablo. ²⁴ Yujurãyeri ìgu buherire gamema. Eropirã gajirãpu peediabirima. ²⁵ Eropirã erã basi pe curu game ðuca wari wama. Erã wiriaboro core Pablo Isaia ìgu wereniguirare weremi. Òpa arĩmi erãre:

—Isaia Goãmu yare weremuhtadigu ìgu werera ðiaye ta àhraa. Mari ñecu sumarãre weregu árĩgu Espĩritu Santo Isaiare òpa arĩ were gojadoreñumi:

²⁶⁻²⁷ Ire oãre weregu waque: “Dipu burirã àhraa mua. Eropirã yahare peediabea mua. Gamiri toyobirã dopa ta peediabea mua. Eropirã yahare peequererã peesome mua. Mua eropa árĩbirã òaro peeboaya mua. Eropirã òaripure gohrotoboaya mua. Eropigu muare peame wabonirãre tauboaya yuhu,” arĩmi Goãmu, arĩ gojañumi Isaia, arĩmi Pablo erãre.

²⁸ Ìgu eropa arĩra puhru Pablo werenemomi:

—Ire masique mua. Goãmu buherire masare ìgu òaro taurire judio masa árĩbirãre buherãca gua. Erãpu peerãcoma, arĩmi Pablo judio masare.

²⁹ Ìgu eroparĩcũ peerã judio masa irire erã basi burigã game ðuyaso wiriama.

³⁰ Pe bojori gohra Pablo ìgu eropa wajayeniguiiri wihigue árĩpu. Ero árĩgu, árĩpehrerã ìgu ya wihigue warãre mucubiriri mera bocatĩrimurĩpu ìgu. ³¹ Eropigu ìgu güiro mariro Goãmu ìgu opu árĩrare, mari Opu Jesucristo ya sãre buhemurĩpu. Ìgu eropa buhequerecã ta ne gajirã ìgure “Buhebiricãque,” arĩbiriñorã.

Romanos

Pablo Roma majaräre Jesu yaräre gojabeoñumi

¹ Yuhü Pablo muare Roma majaräre gojabeoa. Yuhü Jesucristo pohro majagu ähraa. Eropigu ðari buherire buhedoregu apimi igu yare.

² Iri ðari buherire iribojegue Goämu "Öpa masare ðaro iigura," arí weryuñumi igu yare weremahtanirä merague. Erä irire gojañuma. ³ Iri buheri ta igu magure wereri ähraa. Igu Jesucristo masa dehyoagu arígu Davi muru pãrami aríturiagu arídigu árími. ⁴ Igu ta Goämu magu igu árírire ihmudigu árími Goämu Igu Espiritu Santo mera. Eropigu igu Jesu sirira puhru Goämu igu turari mera igure masa mariacü iidigu árími. Eropigu Jesucristo diaye ta Goämu magu igu árírire ihmudigu árími masare. Igu Goämu magu ta mari Opu Jesucristo ährimi. ⁵ Igu ta guare mojomoro iagu guau magure wereri ähraa. Igu Jesucristo masa dehyoagu áríre igu yare buhedoregu obeomi árípehrero majaräre igu yare pee masi, Jesucristore erä umupeocü iimoräre. ⁶ Eropirä mua sä Jesucristo yarä árímorä igu beyenirä ähraa.

⁷ Muare Goämu Igu mahiräre, igu yarä árímoräre iidi árími igu muare. Eropigu muare Romague áríráre ipüre gojabeoa. Eropigu Goämu mari Pagu mari Opu Jesucristo mera muare ðadoreä. Igu itamuri mera ðaro áríque mua.

Pablo Romaguere iagu wadiarica, arí gojañumi

⁸ Ire weremahtagura muare. Árípehrerogueru Jesucristore mua umupeora querere werema. Erä eropa arí werecü peerä "Öhaa," arí serä yuhü Goämure. Jesucristo igu itamuro mera eropa arí serëbasaa. ⁹ Goämure serëgu mua ya áríburire árípehrerinari serëbasaniguicäa. Mua ya áríburire eropa ya serëbasaniguicü Goämu masimi. Igu dorerire turaro mohmea igu magu ya buherire buhegu. ¹⁰ Eropa serëgu Goerä judio masa áríbirä Jesure umupeoama. Erä umupeodiro dopa ta mua mera majarä sä erä umupeoborore mua pohrogue wadiarabu yuhü. Eropa bajasuburi wadiaqueregu ta wamasibirimurabu yuhü. ¹¹ Goämu yare muare buhediacä Jesure mua umupeonemoburire. Eropigu muare burigä iadiaca yuhü. ¹² Jesucristore umupeorä ähraa mari. Eropigu muare iadiaca Jesucristore mari umupeori mera pepuri majarä mari game mucubiricü iiborore. ¹³ Yu acawererä, ire mua masicü gahmea. Gajipugue ðari buherire ya buhera puhru gajirä mua acawererä judio masa áríbirä Jesure umupeoama. Erä umupeodiro dopa ta mua mera majarä sä erä umupeoborore mua pohrogue wadiarabu yuhü. Eropa bajasuburi wadiaqueregu ta wamasibirimurabu yuhü. ¹⁴ Árípehreräre ðari buherire buhero gahmea yare. Wuari maca majaräre, noho gamero áríráre, masiräre, masibirä säre buhebu arígu iiaa yuhü. ¹⁵ Eropa arígu, arígu mua säre Roma majaräre ðari buherire burigä buhediaa.

Öari buherire masa peerä Jesure umupeonugama, arí gojañumi Pablo

¹⁶ Öari buherire peerä masa Jesure umupeonugama. Eropigu árípehreräre Jesure umupeoräre Goämu igu turari mera erä peamegue waboniräre tuami. Iguere umupeorä öaro waborore masigu iri buherire ðari buherire buhegu guhyasiuro taribeaa. Iri buherire judio masapure buhemahhtanirä áríma. Puhru judio masa áríbirä säre gua buheabu. ¹⁷ Iri buheri öpa werea: Jesucristore umupeioräre "Ñeri marirä öarä ährima," arí íhami Goämu. Jesucristore umupeorä dihtare eropa arí íhami Goämu. Igu eropa arí íarire iribojegue erä arí gojadiro dopa ta aräa: " 'Öarä ährima,' arí igu íarä Goämure 'Diaye ta iigu ährimi,' arí umupeorä ährima. Eropa umupeorä árípehrerinari Goämu mera árírácoma," arí gojañuma.

Masa erä ñero iiri mera dipuwajacurä ährima, arí were gojañumi Pablo

¹⁸⁻¹⁹ Igu áríricurire masare öaro masicü iipu Goämu. Eropirä igure igu árírire masicü diasabea masare. Igu árírire masare masicü iiquerecü masapu erä ñerire iirä Goämure masidiabeama. Erä iri ñeri iiri mera gajiräre Goämu yare peebricu iima eräpu. Eropigu Goämu umarogue arígu masa árípehrerä erä igure tarinugarire, eerä ñero iiri säre iagu eerä eropa iiri dipuwaja guami. Eropa igu guarire masicü iimi eräre. ²⁰ Goämu umaro majagu igu árírire turagu igu árírire mari íabiriquerecü ta, igu basi igu árírire masicü iimi igu marire. I yebare igu iira puhru árípehrerire igu íhacünugurare íarä, "Goämu igu iira ta ähraa. Igu turagu ta ährimi," arí guñama masa. Eropirä "Goämu ährimi," arí masima masa árípehrerä. Eropirä masa "Goämu ährimi," arí

masiquererā eropa ñerire iiniguicārā, dipuwajacūma. “Mũre masibirabũ. Eropigu ñerire iiaabũ,” masa arĩmasisome Goãmure. ²¹ Goãmũ ĩgu arĩricurire masiquererā ta erā ĩgure umupeobeama. “Mũhũ Goãmũ, turagu ta āhraa,” arĩbeama. Eropirā ĩgu erāre ōaro iiquerecũ ta “Ōhaa,” arĩbeama ĩgure. Eropirā pee masibirā arĩrā, ñeri dihtare pepima erā. ²² “Pee masirā āhraa,” arĩquererā ta pee masibirā wahama erā. ²³ Eropa warā Goãmure eropa arĩniguigure ōagure umupeobeama. Eropa umupeobirā “Goãmũ āhrimi,” erā arĩrāpũre erā wéanirāpũre umupeonugama erā. Eropirā masare, mirimagũ porāre, pĩruare, waimurāre wéanugu umupeoma erā, “Mari Goãmũ āhrimi,” arĩrā.

²⁴ Erā eropiicũ ĩagu “Erā gamero dopa ta ii curaporo,” arĩgu Goãmũ erāre cohāmi. ĩgu eropa cōāra pũhrũ, erā ñeri dihtare ũaribejarā erā basi ñeri dihtare iiniguicāma. ²⁵ Eropirā Goãmũ yare peebiri, guyaripũre ōaro peema. Goãmũ yapũre guyarĩ iro dopa ta wacũ iima erā. “Diaye ta Goãmure arĩpehrerāre iidigũre umupeoro gahmea,” mari arĩquerecũ erāpũ ĩgure umupeobeama. Eropa Goãmũ gohrare umupeobirā ĩgu iirapũre umupeoma erā.

²⁶ Erā eropiiniguicācũ ĩagu “Erā gamero ñerire ii curaporo,” arĩgu Goãmũ cohāmi erāre. Eropirā erā mera majarā nome marapũcūrā nome iro dopa arĩbeama. Eropirā erā nome seyaro ñero iima erā basi. ²⁷ Erā iro dopa ta arĩrā ũma sã nomere gamebirā erā basi ta erā dũpũre ũaribejarā āhrima. Eropirā erā basi ta erā ñero iira dipuwaja erā dũpũre ñero goroweoma.

²⁸ Eropa Goãmure masidiabirā ĩgure gamebirira dipuwaja Goãmũ “Erā gamero ii curaporo,” arĩgu erāre cohāmi. ĩgu eropa cōācũ erāpũ ñerire guñanigui, ñerire ũaribejarire iiniguicāma. ²⁹ Eropirā erā burigā ñero iiniguima. Nome mera ñero iiniguirā, erā ñerire ũaribejaniguirā, gajirā yare gametarirā, gajirāre ñero iiniguirā, gajirā gajinore opacũ ĩhaturirā, masare wejērā, game dũyasorā, guyaricūrā, masare ĩhaturirā, ñeri quere iirā āhrima erā. ³⁰ Gajirā erā ĩbiriquerecũ ta ñero arĩ werewuarā, Goãmure ĩhaturirā, gajirāre papũro yuhrirā, “Gua tamera gajirāre tarinugarā ōarā āhraa,” arĩ pepirā, gajirāre eropa arĩ weremaacārā, gajĩ ñerire iinugarā, erā pagũ sumarāre tarinugarā āhrima. ³¹ Pee masibirā āhrima. Erā werediro dopa ta iibirā, masare ne umupeobirā, erāre ñero iirare ne cādĩjibirā, ne gajirāre mojomoro ĩabirā āhrima. ³² Eropa arĩrāre Goãmũ erāre dipuwaja moa peamegũ cōāgũcumĩ ĩgu erāre. Eropa ĩgu cōāburire masiquererā erā ñerire iiniguicāma. Eropirā gajirā erāre ĩhacũcũ, erā iiro dopa ta ñero iicũ ĩarā “Gua iiro dopa ta iima,” arĩ mucubirima.

2

Masare erā ñero iira dipuwaja moadoregũ irire diaye ta iigũcumĩ Goãmũ, arĩ were gojañumi Pablo

¹ Erā eropa ñerire iicũ ĩarā gajirā ōpa arĩbocoma: “Erā ñetariarā āhrima. Goãmũ erāre dipuwaja moaporo,” arĩbocoma. Eropa arĩrāre ōpa arĩ werediaca. Mũa sã erā iiro dopa ta iiaa. Eropirā “Erā ñetariarā āhrima,” gajirāre arĩ werewuabiricāro gahmea mũare. Eropa arĩ wererā mũa basi ta erā ñerire iiro dopa ta iirā dipuwajacūrāca. Iri ñerire masiquererā iirā mũa ñero dipuwajacūrāca. ² “Goãmũ diaye ta dipuwaja moagu āhrimi,” arĩ masia mari. Arĩpehrerāre ñerire iirāre dipuwaja moagucumi. ³ Eropigu mũa ñero iira dipuwaja arĩcũ mũa säre dipuwaja moagucumi. “Gajirā dipuwajacūrācoma,” arĩ werewuarā, “Guapũre dipuwaja moasome,” arĩ pepiboca mũa. Arĩbeaa. Mũa säre mũa ñero iira pũhrũ dipuwaja moagucumi. ⁴ Goãmũ mũare mojomoro ĩagu mata dipuwaja moabeami. Eropirā “Goãmũ yũ mera guabeami,” arĩ pepiboca mũa ñerire iira pũhrũ. Arĩbeaa. Goãmũ mũare mojomoro ĩagu mata mũa ñero iira pũhrũre dipuwaja moabeami. Mũa ñero iirire bujawerecũ ĩadiagu, ĩgure mũa yuhricũ gamegũ mata dipuwaja moabeami. ⁵ Eropa mata dipuwaja moabiriqueregũ. mũa Goãmure peebiriniguicācũ, mũa ñero iirire bujawerebiricũ ĩagu dipuwaja moagucumi. Mũa eropa ñero iiniguirāre ĩgu dipuwaja moarinũ arĩcũ burigā dipuwaja moagucumi mũare Goãmũ. Irinũre Goãmũ masare dipuwaja moacũ arĩpehrerā ĩarā “Diaye ta erā ya dipuwaja āhraa,” arĩ masirācoma. ⁶ Eropigu arĩpehrerā nũcu erā ñero iira dipuwajare dipuwaja moagucumi Goãmũ. Eropigu erā ōarire iirā säre ōarire erāre ogucumi. ⁷ Yujurāyerĩ ōarire iima. Erā ōarā arĩdiarā, Goãmũ ĩgu gamero dopa iidiarā ũmũri nũcu Goãmũ mera arĩdiarā āhrima. Erā tamerare ũmũri nũcu ĩgu mera erā arĩborore iigucumi Goãmũ. ⁸ Gajirāpũ erā iro dopa arĩbeama. Erā erā gamero iirā arĩcāma. Diaye majare gamebirā ñerire iiniguirā āhrima. Goãmũ erā mera turaro guagucumi. ⁹ Arĩpehrerā ñerire iirā ñero tarirācoma.

Judio masare eropa wamũhtaroca. Eropirã judio masa áribirã sãre eropa ta waroca. ¹⁰ Áripheerã ðarire iirãpure “Óaro mua iiaa,” arĩ ïagucumi Goãmu. Eropirã erãpu Goãmu mera ðaro mera árirãcoma. Judio masare eropa ta wamũhtaroca. Eropiro judio masa áribirã sãre eropa ta waroca.

¹¹ Goãmu mari iirare ïagu queoro beyemi áripheerãre. Judio masare, judio masa áribirãre Goãmu yuuropa ïhami marire. ¹² Gajirã Moise dorerire erã mooquerecũ erã ñerire iicũ erãre dipuwaja moagucumi Goãmu. Iri doreri oparãpu ñerire erã iicũ erã dorerire erã tarinũgari waja dipuwaja moagucumi Goãmu erã sãre. ¹³ Moise dorerire peequererã ta yuhribirãre “Óarã áhrima,” arĩbeami Goãmu. ïgu dorerire iirãpure “Óarã áhrima,” arĩ ïhami Goãmu. ¹⁴ Judio masa áribirã Moise dorerire mooquererã erã pepiro mera ðarire iirã Goãmu dorerire iirã iima. Eropirã Moise dorerire gojarapũre mooquererã erã, erã pepirigũ iri dorerire opama. ¹⁵ Eropirã Goãmu dorerire erã pepirigũ ñiaye opama. Eropa oparã ñerire ii mata erã ñero iirare masima erã basi. Eropigũ ñerire iidigũ, “¿Duhpigũ ñerire iiyuri yũhu?” arĩ pepimi ïgu. Eropigũ ðari sãre ïgu iirare masima ïgu. ¹⁶ Eropigũ Goãmu Jesucristore ïgu obeocũ masa erã iirare ïagucumi. Masa erã iiricũre gajirãre werebirãre erã duhrare Jesucristo masipehogũ ïgu erã iiricũre ïagucumi. Eropa ta ïha beyegucumi, arĩ buhea yũhu ïgu ya ðari buherire buhega.

Goãmu Moisere ïgu apira dorerire were gojañumi Pablo

¹⁷ Muapũ judio masa árirã, Goãmu Moisere ïgu apira dorerire umupeorã árirã, “Goãmu yarã áhraa gua,” arĩ pepiraa mua. ¹⁸ Eropirã Goãmu dorerire masirã árirã, ïgu gamerire masia mua. Eropa masirã árirã “Óarire gua iiborore beyemasia,” arĩ pepiraa mua. ¹⁹ Eropa arĩ pepirã ðpa arĩ pepinemoa mua judio masa: “Gajirã ne masibirãre ðaro masicũ iiaa gua. Erãre gua buhebicũ ne Goãmure masibiriboñuma. Eropirã ñerire ne duhubiriboñuma,” arĩ pepiraa mua. ²⁰ Eropirã “Pee masibirãre ðarire buhega mua judio masa. Majirãgã sãre buherã áhraa gua,” arĩ pepiraa mua. Eropirã “Goãmu dorerire oparã ñiaye árirãre masipehoa gua,” arĩ pepiraa mua. ²¹ ¿Mua eropa arĩ pepirã áriquererã ta duhpirã muapũ mua buhediro dopa ta iibeari? ¿Gajirãre yajadobiriquererã duhpirã muapũ yajari? ²² ¿Gajigũ marapo mera ñero iidobiriquererã duhpirã muapũ marapo mera ñero iiri? “Goãmu áhrimi,” erã arĩ wéanirãre umupeorire doorã áriquererã ¿duhpirã Goãmu gohrapũre ðaro umupeobeari muapũ? ²³ “Goãmu Moisere ïgu apira dorerire opaa guapũ,” arĩrã áriquererã ta ïgu dorerire tarinũgaa mua. Eropa tarinũgarã Goãmure erã umupeobiricũ iirã iica mua gajirãre. ²⁴ Eropa ta werea Goãmu yare erã gojarapũge: “Judio masa áribirãpure ñero Goãmure wereniguicũ iiaa mua judio masapũ,” arĩ gojañuma Goãmu yare erã gojarapũge.

²⁵ Mua judio masa Goãmu dorerire iiniguirã árirã gasiro merogã wiri aĩsũnirã circuncisiõn iinirã áricũ ðapũrica. ïgu dorerire iibiricũ mua judio masa áricũri duhpiburi áribéaa. ²⁶ Eropiro judio masa áribirã merogã gasirogãre wiri aĩsũbirinirã erã áriquererã ta Goãmu dorerire erã iirã áricũ ïagu, “Yaharã masa ta áhrima,” arĩ ïabocumi Goãmu erãre. Judio masapũre ïgu eropa arĩ ïadiro dopa ta judio masa áribirã sãre eropa ta arĩ ïabocumi. ²⁷ Bajarã judio masa Goãmu yare gojarapũre Moise dorerire opaquererã irire iibeama erã. Eropirã gajirã judio masa áribirãpu Moise dorerire opabiriquererã gasiro merogã wiri aĩsũbirinirã áriquerera Goãmu dorero dopa ta iima. Eropa iirã árirã judio masare erã ñero iirire masicũ iirã iima. ²⁸ “Gua judio masa Goãmu yarã áhraa,” arĩ pepiraa mua. Eropigũ Goãmu yagu gohra árigũre weregara muare. ïgu dupũpũre merogã gasirogãre wiri aĩsũdigũ áriquererã ta Goãmure umupeobigũ árigũ ñiaye ta Goãmu yagu áribéami. Judio masũ gohra áribéami. ²⁹ Espĩritu Santore opagũpu, ïgũre yũhriyu ïgu ta judio masũ gohra Goãmu yagu gohra áhrimi. Eropirã Goãmu yarã gasiro merogã wiri aĩsũnirã dihta áribéama. Erã Espĩritu Santo mera erã pepirigũ ðari mera gohrotorã áhrima Goãmu yarã. Eropa árirãre “Óarã áhrima,” arĩ ïhami Goãmu. Masa erãre eropa arĩ ïabiriquerecũ ta eropa arĩ ïhami Goãmũpu erãre.

3

¹ Yu eropa arĩquererã judio masa erã áricũri, gasiro merogã wiri aĩsũnirã erã árirã ðapũricãa. ² Judio masa erã árirã yuju ñiaye gohra áribéaa. Goãmu ïgu wereniguiri judio masare were apimũtatuhañumi. Erã ïgu yare erã gojarapũre opamũhtañuma. Eropirã judio masa erã áricũ ðapũricãa erãre. ³ Eropirã bajarã judio masa Goãmure erã peebiriquerecũ ta ïgu werera ñiaye ta áhraa. Eropigũ ïgu arĩ werediro dopa ta ïigucumi ïgu. ⁴ Eropa ta áhraa. Áripheerã masa erã gayaricũrã erã áriquererã ta Goãmũpu

ne gɥayabeami. Īḡu yare gojarapūḡue eropa ta aṛī gojara āhṛaa: Diaye ta eropa ta aṛī wereniḡuḡū āhṛaa maḡu Goāmū. Eropirā masa mure ne weresāmasibeama, aṛī gojañuma iribojegure.

⁵ Masa erā pepiri mera ōpa aṛī pepimaacābocoma: “Mari ñeri iiri aṛīcū, Goāmū Īḡu ōari iiripū deserea. Eropiro mari ñeri iiri mera Goāmū Īḡu ōaro iiri deserecū Īḡu marire mari ñeri iiri dipuwaja moagu queoro iibeami,” aṛī pepimaacābocoma. ⁶ Eropa aṛībeaa. Mari ñeri iirapū ōari aṛīcū Goāmū mari ñeri iira waja dipuwaja moamasibiriboañumi.

⁷ Masapū gɥayaricūrā āhṛima. Goāmupū ne gɥayari marigū āhṛimi. Gɥayari marigū Īḡu aṛīcū ōaro masia mari. Eropirā masa yujurāyeri ōpa aṛī pepirima: “Gua gɥayari mera Goāmū Īḡu diaye aṛīripū deserea. Eropiro gua gɥayari ōpa āhṛaa. ¿Eropiro gua gɥayari ōacū duhpigu gua gɥayari waja dipuwaja moabocuri guare Goāmū?” aṛī pepimaacāma yujurāyeri erā basi. ⁸ Eropirā ōpa aṛī gɥayama yujurāyeri guare: “Mari ñerire iiri mera Goāmū Īḡu ōagu aṛīripū deserea. Eropirā ñerire iiro gahmea,” aṛīma. “Pablo sã eropa ta aṛī buhemi,” aṛī ḡuḡu weresāma erā guare. Erā eropa aṛī gɥayari dipuwaja Goāmū erāre dipuwaja moagucumi. Eropa ta iiporo erāre.

Árīpehrerā ñeri iira dipuwajacūrā āhṛaa mari, aṛī gojañumi Pablo

⁹ ¿Eropirā dohpa pepiri mua? ¿Mari judio masa gajirā tauro ōarā aṛīcuri? Áríbeaa mari. Judio masa, judio masa aṛībirā sã árīpehrerā dipuwajacūrā āhṛaa mari. Eropa ta āhṛaa yu árīpehrerāre aṛī buhediro dopa ta. ¹⁰ Eropa ta aṛī gojara āhṛaa Goāmū yare erā gojarapūḡue sã. ōpa aṛī gojañuma:

Ne yujugū masū ōagu marimi. ¹¹ Mari árīpehrerā masa peediabirā dihta āhṛaa. Eropirā árīpehrerā mari masa Goāmure ne guñabeaa. ¹² Eropirā mari Goāmū yare gamebirā árīpehrerā ñerire iirā āhṛaa. Ne yujugū ōarire iḡu marimi. ¹³ Mari wereniḡuiri, ñeri dihta wiria mari disirore. Burigā gɥayaricua. Eropa wereniḡuirā aña gɥacurire Īḡu pūiri wiuro dopa ta pūiro mera wereniḡuwiua mari. ¹⁴ Eropirā mari gajirāre ñero wereniḡuirā, papūro wereniḡuirā āhṛaa. ¹⁵ Eropirā mata guarā masare mata wejēa mari. ¹⁶ Eropirā noho mari waro, masare ñero ii, ñero taricū iiaa mari gajirāre. ¹⁷ Eropirā gajirā masa mera ōaro aṛībeaa mari. ¹⁸ Eropirā Goāmure ne umupeobea, aṛī gojamriñuma iribojegure mari masare.

¹⁹⁻²⁰ Eropirā ōpa masia mari: “Mari masa ñerā āhṛaa,” eropa aṛī gojarā judio masa säre Moise doreri iirā säre aṛī wereniḡuimriñuma. Eropirā árīpehrerā mari judio masa sã “Gua tamera ñeri dipuwaja mara guare,” aṛīmasibeaa. Goāmū doreripure mari masa ne iibeaa. Eropirā iri dorerire iibirā Goāmū mera ōamasibeaa mari. Īḡu dipuwaja moamorā āhṛaa. Eropiro mari ñerā aṛīrīre Īḡu doreripū masicū iiaa marire. Iri dorerire masirā “Gua iiricuri ñeri āhṛaa,” aṛī masia.

Jesucristore ōaro umupeocū Goāmū marire “Ōarā āhṛima,” aṛī ihami, aṛī gojañumi Pablo

²¹ Dohpaguere Jesucristore umupeorāre “Dipuwaja moorā, ōarā āhṛima,” aṛī ihami Goāmū pare. Īḡu eropa aṛī ĩaborore Goāmū yare weremūhtanirā Moise sã weremūhtañuma. Eropigū masare erā ñero iira wajare Īḡu taurare weremi marire Goāmū. Moise dorerire mari iira mera mari ñerire taubeami. Ōpa āhṛaa: ²² Árīpehrerā Jesucristore umupeorāre, Īḡu yare peerāre, “Ōarā āhṛima,” aṛī ihami Goāmū. Erā ñero iira dipuwajare taumi. Eropa iḡu árīpehrerāre yujuropa ōaro iimi. ²³ Mari masa árīpehrerā ñerire iirā āhṛaa. Eropirā Goāmū Īḡu gamero dopa ne iibeaa mari. ²⁴ Mari eropa iiquerecū Goāmū árīpehrerā masare Īḡu mojomoro ĩadigū aṛīmi. Eropigū Jesucristo mari masa ñeri iirare wajayebasadi aṛīmi. Īḡu eropa iira puhru “Dipuwaja moorā āhṛima,” aṛī ihami Goāmū Jesure umupeorāre. Waja gamero mariro mari ñerire cohāmi. ²⁵ Iribojegue majarā erā ñero iirare ĩagu Goāmū mata dipuwaja moabirifūmi erāre. Īḡu eropa dipuwaja moabigū erā ñero iirare bu gohra pepicāḡu iibirifūmi. Eropigū erā ñerire cādijibu Īḡu Jesucristore obeodigū aṛīmi árīpehrerā masa erā ñeri dipuwajare sīribasabure Īḡu di cōābure. Eropigū mari masa Jesucristore umupeocū Goāmū mari ñeri iirare cādijigucumi. Eropa iḡu “Īḡu diaye iḡu āhṛimi,” marire aṛī masicū iidi aṛīmi. ²⁶ Īḡu magure obeodigū aṛīmi dohpague majarā sã erā ñeri iira dipuwajare wajayebasabure. Eropiidigū aṛīmi “Īḡu ōaro diaye iḡu āhṛimi,” mari masa aṛī masiborore. Jesure umupeorāre “Ōarā āhṛima,” Īḡu aṛī ĩaborore eropiidi aṛīmi.

²⁷ Eropirā dohpaguere mari ejatuharo “Ōarā āhṛaa mari,” ne aṛīmasibeaa mari. “Moise dorerire iirā ōarā āhṛaa,” iri säre aṛīmasibeaa mari. Ōpa aṛīmasia mari: “‘Diaye ta yu ñerire Īḡu cohāmi,’ mari Jesucristore aṛī umupeocū, ‘Ōarā āhṛima,’ aṛī ĩagucumi marire Goāmupū,” aṛīmasia mari. ²⁸ Ōpa masia mari: Moise dorerire

mari iiquerecū, iri mera “Ōarā āhrima,” Goāmū arī īabeami marire. Jesucristore mari umupeocū īagu marire “Ōarā āhrima,” arī īhami īgu.

²⁹ Goāmū judio masa opu dihta ārībeami. Judio masa ārībirā opu sā āhrimi. ³⁰ Eropa ārīgu Goāmū yujugu ta ārīgu, ārīpehrerā wecague opu āhrimi. Eropa ārīgu judio masa Jesure erā umupeocū, “Erā dipuwaja moorā āhrima,” arī īagucumi. Eropīgu judio masa ārībirā sāre Jesure erā umupeocū, erā sāre “Dipuwaja moorā āhrima,” arī īagucumi Goāmū. ³¹ ĶEropirā Jesucristore umupeoturā Goāmū Moiserē īgu dorerire cōārā iibocuri mari? Irire cōābeaa mari. Jesure umupeorā tamera Goāmū dorerire diaye ta iirā iiaa mari.

4

Abrahā Goāmure īgu umupeorare were gojañumi Pablo

¹ Mari ñecu ārīmuhtadīgu Abrahā Goāmure “Diaye iigu āhrimi,” arī umu-peomariñumi īgu sā. Īgu eropa umupeori mera ðañumi Goāmū mera. ² Abrahā ðaro īgu iiquerecū “Ōagu āhrimi,” arī īanibirimariñumi Goāmū īgure. Īgu Goāmure umupeocū tamerare “Ōagu āhrimi,” arī īamariñumi īgure. Eropīgu īgu ejatuharo ðarire iiqueregu ta ñegu ārīnīgu “Yu tamera ðagu āhraa,” arīmasibiriñumi Abrahā Goāmū īgu īacū. ³ Goāmū yare gojarapū ðpa āhraa: “Abrahā Goāmū īgure arīrare ðaro īgu peecū, īgure īgu umupeocū īha Goāmū īgure ‘Ōagu ñeri iira dipuwaja moogu āhrimi īgu,’ arī īañumi īgure,” arī gojara āhraa. ⁴ Ōpa āhraa: Mari masare yuju diaye wajayebeama. Mari ðaro mohmera waja marire wajayema. Goāmū eropa iibeami. ⁵ Mari gamero ðarire iiro mariro mari Jesucristore umupeocū īha marire yuju diaye īgu ðarire ocāmi. Eropīgu marire “Ōarā āhrima,” arī īhami marire Jesucristore umupeorāre. Ñerire iinirāre erā ñeri iira dipuwaja maricū iigu āhrimi. Eropirā masa Jesucristore umupeocū īagu “Dipuwaja moorā āhrima,” arī īhami Goāmū erāre. ⁶ Masa erā gamero mera ðaro iirare Goāmū īabeami. Erā īgure umupeocū tamerare īhami. Īgure umupeorāre “Ōarā āhrima,” arī īhami. Īgu eropa arī īadīgu erā īgu mucubiririre ðpa arī gojañumi Davi mura iribojegue majagu:

⁷ Erā ñerire īgu cādijinirā tauro mucubirima.

⁸ “Ōarā āhrima. Erā ñero iirare guñasome yuhū,” arīmi Goāmū erāre. Eropirā burīgā mucubirima, arī gojañumi Davi.

⁹ Judio masare merogā gasirogāre wiri aīsūnirā dihtare erā ñero iirare cādijibeami Goāmū. Judio masa ārībirā sāre erā ñero iirare cādijimi īgu. Dipaturi Abrahāre guñaque maa. Īgu Goāmure umupeocū īagu īgu ñero iirare cādiji, “Ōagu āhrimi,” arīñumi Goāmū. ¹⁰ ĶDohpāricū eropa arīyuri Goāmū Abrahāre maa pepicū? Īgu merogā gasirogāre īgu wiri aīboro coregue ta īgure “Ōagu āhrimi,” arī īañumi Goāmū. Eropīgu gasirogāre wiri aīgu īgu ñerire cōātuhadīgūgue wiri aīñumi. ¹¹ Eropīgu gasiro merogā wiri aīboro coregue Goāmure umupeonogatuhañumi Abrahā. Īgu eropa umupeocū “Ōagu āhrimi,” arī īañumi Goāmū īgure. Eropa īgu umupeorire, īgu yagu īgu ārīrere īhmudoregu Goāmū īgu ðupare merogā gasirore wiri aīdoreñumi. Eropīgu Abrahā īgu gasirogā wiri aīboro core Goāmū erā “Ōagu āhrimi,” arī īatuhāñumi īgure. Eropīgu Abrahā Goāmure “Diaye ta iigu āhrimi,” īgu arī umupeodiro dopa ta ārīpehrerā Goāmure eropa arī umupeorāre “Ōarā āhrima,” arī īhami Goāmū. Eropīgu judio masa ārībirāre gasirogā wiri aīsūya marirā sāre “Ōarā āhrima,” arī īhami Goāmū. Eropirā erā Abrahā pāramerā iro dopa ta dujama. ¹² Erā iro dopa ta judio masa sā gasirogā wiri aīsūnirā sā, Goāmure erā umupeorā ārīrā Abrahā pāramerā diaye ta āhrima. Īgu gasirogā wiri aīboro coregue, Goāmure umupeo īgu mera ðañumi. Eropirā īgu umupeodiro dopa Goāmure umupeorā ðaro āhrima Goāmū mera.

Goāmū Abrahāre īgu werepira diaye ta ārīcū masiñume Abrahā, arī gojañumi Pablo

¹³ Iribojegue ðpa arīñumi Goāmū Abrahāre: “I yebare mure, mū pāramerā arīturiarā sāre oguca,” arī werepiñumi Goāmū Abrahāre. Moise dorerire Abrahā ðaro iira waja eropa arībiriñumi Goāmū īgure. Abrahāpū Goāmure “Diaye ta iigu āhrimi,” arī umupeora puhru eropa arī werepiñumi. Īgu eropa arī umupeocū īagu Goāmū īgure “Ōagu āhrimi,” arī īañumi. ¹⁴ Goāmū oburire Moise dorerire iirā dihta aībeama. Erā dihta aīcū mari Goāmure umupeori ñehe ārīburi ārībiriboya maripure. Eropiro Goāmū īgure umupeorāre “Mūare oguca,” īgu arī werepira duhpiburi ārībiriboya. ¹⁵ Goāmū Moiserē īgu apira dorerire iirā bocatūbeaa mari. Īgu dorerire mari pee

tarinugara waja, dipuwaja moasūmorā āhraa mari. Iri doreri maricū tamera ĩgu dorerire tarinugaro mariboya.

¹⁶ Eropirā Goāmure umupeorā dihta ĩgu oburire aĩrācoma. Abrahā Goāmure “Diaye ta iigu āhrimi,” arī umupeomuriñumi. Eropirā arīpehrerā Abrahā Goāmure umupeodiro dopa ta umupeorā ĩgu pāramerā iro dopa dujama. Eropigu “Ire mure mu pāramerā sāre oguca,” Goāmū Abrahāre arīgu arīpehrerāre ĩgure umupeorāre arīgu iññumi. Eropirā Moise dorerire iirā dihta Goāmū ĩgu oburire aisome. Arīpehrerā Abrahā iidiro dopa Goāmure umupeorā erā ĩgu oburire waja mariro aĩrācoma. ¹⁷ Irire Abrahāre ĩgu arīdiro dopa ta arī gojañuma iribojeguerē: “‘Baja yebari majarā ñecu arību apibu mure,’ arī, apipu Goāmū Abrahāre,” arī gojañuma iribojegue ta. Eropigu ĩgu Goāmure “Diaye ta iigu āhrimi,” arī umupeomuriñumi. ĩgu eropa umupeocū Goāmure umupeorā ñecu iññumi Goāmū ĩgure. Goāmūpū sīrinirāre masugu, arīpehrerire ĩhacūnugudigu āhrimi.

¹⁸ “Baja macari majarā mu pāramerā arīturiarā arīrācoma,” arīmuriñumi Goāmū Abrahāre. Goāmū ĩgu eroparīcū Abrahāpū porā marigu arīqueregu, “Diaye ta āhraa,” arī pepimuriñumi. ¹⁹ Eropigu cien bojori opagu arīqueregu, ĩgu marapo sā buro ne porā marigo arīquerecū, “Porācūsome gua,” arī ne pepibiriñumi Abrahā. Eropigu Goāmū ĩgure arī werepira “Diaye ta āhraa,” arī pepiñumi Abrahā. ²⁰ “Goāmū ĩgu arīdiro dopa ta ne iisome,” arī ne pepibiriñumi Abrahā. Eropigu ĩgu Goāmū ĩgure werepirare ōaro peeñumi. ĩgu eropa arīrare peenijagu, “Goāmū turagu āhrimi,” arī umupeogu iññumi. Eropigu Goāmure “Diaye ta iigu āhrimi,” arī umupeonemoñumi ĩgu. ²¹ “Goāmū ĩgu arīdiro dopa ta ōaro iigucumi,” arī pepi ōaro masiñumi Abrahā. ²² ĩgu eropa masicū, Goāmure ĩgu umupeocū ĩha Goāmūpū “Dipuwaja moogu āhrimi,” arī ĩañumi Abrahāre. Eropa ta arī gojañuma Goāmū yare erā gojarapūgue.

²³ Abrahā Goāmure ĩgu umupeora pūhrū Goāmū ōaro ĩañumi ĩgure, arī gojañuma. Eropa gojarā “Mūa sāre Goāmure umupeorāre ōaro ĩagucumi,” arī mari sāre gojajuñuma. ²⁴ Irire mari masiburire gojañuma. Eropigu Goāmure “Diaye ta iigu āhrimi,” mari arī umupeocū “Dipuwaja moorā āhrima,” arī ĩagucumi Goāmū mari sāre. ĩgu tamera mari Opu Jesu ĩgu sīricū masudigu āhrimi. ²⁵ Jesupū mari ñeri iira dipuwaja sīridigu arīmi. ĩgu sīrira pūhrū masa mariadigu arīmi ĩgu Goāmū marire “Dipuwaja moorā, ōarā āhrima,” arī ĩgu marire ĩaburire.

5

“Dipuwaja moorā āhrima,” Goāmū ĩgu arī ĩacū ōpa waroca marire, arī gojañumi Pablo

¹ Jesucristore mari umupeoturacū ĩagu “Dipuwaja moorā, ōarā āhrima,” arī ĩhami Goāmū marire. ĩgu eropa arī ĩacū Goāmū mera mari ōaro arīcū iimi marire mari Opu Jesucristo. ² Eropirā mari ĩgure umupeocū ĩagu Goāmū marire mahigu, marire aĩmi ĩgu mera mari ōaro arīboro dopa. Goāmū tamera ōatariagu āhrimi. Eropigu ĩgu iro dopa ta ōarā arīcū iigucumi ĩgu marire. ĩgu eropiiburire ōaro masia mari. Eropirā mucubiria. ³ Eropirā ñero tariquererā mucubiria mari. Ñero tarirā irire yujuro bojemasia mari. Eropa yujuro bojerā ñero tariquererā ōaro Goāmure guñaturarā wahaa mari. Eropirā Goāmū yare duhubeeaa mari. ⁴ Mari eropa arīcū ĩagu, “Ōaro iibabu mūa,” arīgucumi Goāmū marire. ĩgu marire eroparīcū, marire ĩgu tauborore ōaro masia mari. Eropirā ñero tarirā sā mucubirimasia mari. ⁵ Eropigu Goāmū marire Espiritu Santore obeomi mari mera arīdoregu. Eropigu Espiritu Santopū mari mera arīgu Goāmū marire eropa mahiniguicārire masicū iimi. Eropirā “Goāmū ōaro taugucumi marire,” arī “ĩgu mera arīniguicārāca,” arī masia mari.

⁶ Eropigu ero core mari ñeri iirare mari basi mari cóamasibiricū ĩagu, ĩgu queodiro sihajacū mari ñerā arīra dipuwaja Cristo sīripū. ⁷ Mari masa gajigu ya arīburire sīribasadiabeeaa. Ōagu arīgure yujugu sīribasabocumi gajisubū arīgu. ⁸ Maripu ñerā mari arīquerecū Jesucristo sīribasadi arīmi mari ya arīburire. ĩgu eropīcū Goāmū turaro marire ĩgu mahirare masia mari. ⁹ Mari ya arīburire ĩgu sīricū, ĩgu di cóacū, Goāmūpū marire “Dipuwaja moorā āhrima,” arī ĩhami. ĩgu eropa arī ĩara pūhrū dohpaguepūre marire peamegue wabonirāre taumi Jesucristo. Eropigu ĩgu yarā marire ĩgu iira pūhrū marire dipuwaja moasome Goāmū. ¹⁰ Eropirā Goāmure gamebirā mari arīquerecū ta ĩgu magū sīrigū mari ñeri iira dipuwaja wajayebasidigu arīmi. Eropa wajayebasagu ĩgu Pague Goāmure guabiricū iimi ĩgu mari mera. Eropirā ĩgu yarā wahaa mari. Dohpague tamerare tauro ōaro iigucumi marire. ĩgu yarā mari arīcū, Jesu

Īġu masa mǎriara mera marire peameġue wabonirǎre ǎaro taugǎcumi Īġu. ¹¹ Pǎhrugue mari tariboro mucubiria mari. Goǎmǎpǎre guǎa mucubiria. Mari Opǎ Jesucristo mari ǎeri dipuwaja Īġu sǎirira pǎhrǎ Goǎmǎ yarǎ ǎhraa mari. Eropirǎ mucubiria.

Adǎnre Cristo sǎre wereǎumi Pablo Roma majarǎre

¹² Jesucristo taunirǎ ǎrǎrǎ ǎpa masia mari: Adǎn Īġu ǎerire iinǎgarasubugue i yebare ǎeri ǎrǎnǎgayoro. ǎeri ǎrǎnǎgacǎ masa sǎirinǎgaǎuma. Mari ǎrǎpǎhererǎ ǎerire iiaa. Eropirǎ ǎrǎpǎhererǎ mari ǎerǎ ǎrǎri waja sǎirǎrǎca. ¹³ Goǎmǎ Īġu dorerire Moisere apiboro core diaye ta i yeba majarǎ ǎerire iimurǎiǎuma. Eropǎ ǎerire iiquerecǎ iri doreri maricǎ Īġu doreri tarinǎgari waja dipuwaja moamasibiriǎumi dohpa. ¹⁴ Īġu eropa dipuwaja moamasibiriquerecǎ ta Adǎnpǎ Īġu pǎhrǎ ǎrǎrǎ iri doreri mariquerecǎ ta sǎirimǎriǎuma. Moise Īġu ǎrǎboro core iri doreri mariquerecǎ ta masa sǎirimǎriǎuma. Gajirǎ ǎerire iirǎ Adǎn Īġu ǎero iimǎridiro dopa gohra iibirimǎriǎuma. Eropiibiriquereerǎ erǎ sǎ sǎirimǎriǎuma. Eropiġu Adǎn ǎerire iinǎgadigǎ ǎrǎiǎumi i yebare. Yoara pǎhrugue i yeba arigǎ Jesucristopǎ ǎarire iinǎgadigǎ ǎrǎimi.

¹⁵ Adǎn Īġu iira Jesucristo iira dopa ǎrǎbeaa. Adǎn yujugu ta Īġu ǎeri iira dipuwaja bajarǎ masa sǎirinǎgaǎuma. Goǎmǎpǎ marire mahiġu Jesucristore obeo digǎ ǎrǎimi. Eropiġu Jesucristopǎ Īġu yujugu ta mari ya ǎrǎburire sǎribasagǎ mari bajarǎ Īġu yarǎ Goǎmǎ mera ǎmuri nǎcǎ ǎrǎnǎiguiBORORE iidi ǎrǎimi. ¹⁶ Eropiġu Goǎmǎ masare Īġu mojomoro ǎadiro Adǎn Īġu Goǎmǎre tarinǎgadiro dopa ǎrǎbeaa. Adǎnpǎ Īġu yujugu ta ǎerire Īġu iira dipuwaja ǎrǎpǎhererǎ masa dipuwaja opama. Erǎ eropa dipuwaja opaquerecǎ, masa wǎaro erǎ ǎerire iiquerecǎ dohpaguere masare mojomoro ĩagǎ Goǎmǎ erǎ ǎerire cohǎmi. Eropǎ cǎagǎ "Dipuwaja moorǎ, ǎarǎ ǎhrima," arǎ ĩhami Īġu Jesucristo sǎirira mera. ¹⁷ Adǎn yujugu ta Īġu dipuwaja mera ta ǎrǎpǎhererǎ masa sǎrimorǎ dihta waǎuma. Goǎmǎ Īġu iiraǎepǎ ǎataria. Dohpaguere masare mojomoro ĩagǎ Jesucristo Īġu yujugu sǎirira mera iri ǎeri dipuwaja cǎagǎ marire "ǎOarǎ ǎhrima," arǎ ĩhami. Eropirǎ ǎrǎpǎhererǎ Īġu eropa arǎ ĩanirǎ Īġu mera ǎaro ǎrǎnǎiguiCǎrǎcoma.

¹⁸ Yujugu Adǎn Īġu ǎerire iinǎgacǎ ǎrǎpǎhererǎ ǎerire iinǎgaǎuma. Erǎ eropiicǎ ĩagǎ Goǎmǎ erǎre "Dipuwajacurǎ ǎhrima," arǎ ĩaǎumi. Gajigu Jesupu Īġu ǎarire Īġu iicǎ masa erǎ ǎeri iira dipuwaja sǎribasacǎ, ǎrǎpǎhererǎ mari ǎeri dipuwaja cǎadigǎ ǎrǎimi Goǎmǎ. Mari ǎerire Īġu cǎǎnirǎ ǎrǎicǎ "ǎOarǎ ǎhrima," arǎ ĩagǎcumi Goǎmǎ marire. Eropirǎ ǎrǎpǎhererǎ Īġu mera ǎrǎnǎiguiCǎrǎca mari. ¹⁹ Yujugu Adǎn Goǎmǎre tarinǎga nǎgaǎumi. Īġu eropiicǎ bajarǎ masa ǎerire iiricurǎ waǎuma. Jesucristopǎ Goǎmǎ Īġu dorediro dopa iipǎ. Īġu eropiicǎ bajarǎ masa Īġu ǎerire cǎǎnirǎ warǎcoma. Erǎ eropa wacǎ "ǎOarǎ ǎhrima," arǎ ĩagǎcumi Goǎmǎ erǎre. ²⁰ Goǎmǎ Īġu dorerire Moisere apiǎumi ǎrǎpǎhererǎ masa erǎ ǎero iirare erǎ masiburire. Mari masa bǎrigǎ ǎerire mari iiquerecǎ Goǎmǎpǎ marire bǎrigǎ mahimi. Eropǎ mahiġu Jesucristo sǎirira mera mari ǎerire cǎadigǎ ǎrǎimi. ²¹ Ero core mari ǎrǎpǎhererǎ mari ǎeri iira dipuwaja sǎrimorǎ ǎrǎmǎriiribǎ. Goǎmǎ marire turaro mahiġu mari Opǎ Jesucristore Īġu obeocǎ Īġu marire ǎeri dipuwaja marirǎ wacǎ iimi dohpaguere. Eropirǎ erǎ "Dipuwaja moorǎ ǎhrima," Goǎmǎ Īġu marire arǎ ĩacǎ mari ǎrǎpǎhererǎ Īġu mera eropa ǎrǎnǎiguiCǎrǎca.

6

Cristo yarǎ ǎerire iinǎiguiBema, arǎ gojaǎumi Pablo

¹ ĩGoǎmǎ eropa marire mahicǎ ĩarǎ dohpa iirǎcuri mari mua pepicǎ? ĩGoǎmǎre marire mahicǎ iinemodiarǎ ǎerire iinemorǎcuri mari? ² ǎrǎbeaa. ǎerire iibiricǎrǎ mari. Jesucristo marire sǎribasadi ǎrǎimi mari ǎerire cǎagǎ. Eropirǎ Cristo yarǎ ǎrǎrǎ marire ǎerire iibiricǎro gahmea. ³ Eropǎ ta Jesucristo yarǎ mari ǎrǎrǎre masa erǎ ĩha masiboro deco mera waǎyesǎbu. Jesu mari ǎeri iira dipuwaja sǎridigǎ ǎrǎimi. Eropirǎ Īġu yarǎ ǎrǎrǎ, waǎyesǎnirǎ ǎrǎrǎ mari ǎeri iirare duhucǎbu. ⁴ Mari waǎyeri ǎpa ĩhmua: Jesucristo sǎirira mera mari ǎerǎ ǎrǎdiro pehrea. Eropǎ wacǎ mari Pagǎ Īġu turari mera Jesucristo sǎridire masudiro dopa iri turari mera marire ǎaripǎre gohrotomi. Eropirǎ ǎarire iirǎ waha.

⁵ Eropirǎ Cristo yarǎ ǎrǎrǎ Cristo sǎirira mera mari ǎerǎ ǎrǎdiro pehrea. Eropirǎ mari ǎeri iirare duhua mari. Eropirǎ Cristo yarǎ ǎrǎrǎ Īġu masa mǎriara mera ǎaripǎre gohrotorǎ ǎhraa mari. Iri diaye ta ǎhraa. ⁶ Jesucristo crusague sǎrigǎ mari ǎerǎ ǎrǎrǎre pehrecǎ iidi ǎrǎimi. Mari ǎeri ǎaribejarire duhumasicǎ iidi ǎrǎimi dipaturi mari ǎerire iibiriboro dopa. ⁷ Mari ǎeri ǎaribejarare cǎǎnirǎ ǎrǎrǎ ǎerire iinǎguirǎ ǎrǎsome pare mari. Irire mari masia. ⁸ Eropirǎ mari gohrotonirǎ ǎrǎrǎ mari Jesucristo mera ǎarire iinǎgarǎ ǎrǎrǎca. "Iri diaye ta ǎhraa," arǎ pepia mari. ⁹ Ire mari masia: Cristo Īġu sǎri,

masa m̄riara p̄hru dipaturi s̄risome. Īḡu s̄ribodirore tarituhadigu árími. ¹⁰ Eropigu Cristo yujusubu s̄rigu, masa ñerire cóāḡu s̄rimi. Īḡu masa m̄riadigu dohpaguere Goām̄u gamerire iḡu áhrimi. ¹¹ “Īḡu iidiro dopa ta yu s̄ áhraa,” ar̄i pepique mua: “Jesucristo mari ñerire cóādiro dopa ta mari s̄a mari ñerire coh̄a. Ñerire iibir̄a Jesu yar̄a ár̄r̄a Goām̄u gamerire iimor̄a ár̄r̄a tiiaa mari,” ar̄i pepique mua s̄a.

¹² Eropir̄a ñeri iiniguir̄a ár̄biric̄aque. Eropir̄a ñerire uaribejabiric̄aque. ¹³ Ñerire iir̄a ár̄biric̄aque. Mua peamegue wabonir̄are Jesucristo Īḡu taunir̄a áhraa. Īḡu eropa iinir̄a ár̄r̄a ópa ar̄ique Goām̄ure: “Muḡu, yu Op̄u áhraa. Eropigu yuḡu mu gamero dopa iigu, mu dorerire iiniguic̄aḡuca um̄ari nuca pare,” ar̄ique Goām̄ure. Eropir̄a óarire iir̄a Goām̄u Īḡu gameri dihtare iir̄a ár̄ique mua. ¹⁴ Dohpaguere Goām̄u mera óaro ár̄borore Moise doreri muare dorebeaa. Jesucristo mua ya ár̄burire s̄ribasara mera Goām̄u mera óar̄a áhraa. Eropiro mua ñerip̄u muare dorebeaa pare. Eropir̄a ñerire iiniguisme pare mua.

Mua ñerire iiniguic̄u iri ñeri mua op̄u iro dopa áhraa, ar̄i gojañumi Pablo

¹⁵ ¿Yu eropar̄ic̄u dohpa ar̄i pepiri mua? ¿Jesucristo yar̄a ár̄r̄a, Moise dorerire umupeobir̄imor̄a ár̄r̄a, ñerire iiniguibocuri mari? Ñerire iiniguibiric̄ar̄a. ¹⁶ Muare doreḡu mua op̄u áhrimi. Eropir̄a Īḡu pohro majar̄a áhraa mua. Eropa ta ñerire iiniguir̄a mua ár̄ic̄u iri ñeri mua op̄u iro dopa áhraa. Eropir̄a ñerire duhumasiya mara muare. Eropir̄a peamegue wamor̄a áhraa mua eropa iir̄a. Goām̄ure óaro yuhr̄ir̄a ár̄r̄a tamera Īḡu pohro majar̄a áhraa. Eropir̄a Īḡu yar̄a óarire iir̄a áhraa mua. Irire masia. ¹⁷ Iribojegue ñerire iiniguir̄a mua ár̄ic̄u, iri ñeri muare dorem̄ariyoro. Dohpaguepare óari buherire peer̄a, Jesure umupeor̄a, Goām̄u dorerire óaro iir̄a wahabu mua. Eropa ár̄r̄a Goām̄ure “Óhaa,” ar̄iro gahmea. ¹⁸ Eropa war̄a dohpaguere ñerire doresur̄a ár̄ibeaa mua. Eropir̄a Goām̄u doresur̄a ár̄r̄a óarire iiaa. ¹⁹ Irire muare ópa ar̄i gojaa mua óaro peeboro dopa. Iribojegue ñerire iipehor̄a, ñerire iiniguic̄ar̄a mua ár̄idiro dopa ta dohpaguepare óarire iiniguic̄ar̄a ár̄ique mua. Eropir̄a Goām̄u gameri dihtare iir̄a mua.

²⁰ Iribojegue ñeri dihtare iir̄a ár̄r̄a, óarip̄ure iibirim̄ariyoro mua. ²¹ Irisubure ñerire iira waja óarire bocabir̄iyoro mua. Iri mua ñeri iirare ḡunar̄a dohpaguere ḡuhas̄irica mua. Iri ñerire mua iira dipuwaja peamegue wabonir̄a ár̄rib̄u. ²² Dohpaguepare Jesucristo muare ñeri doresunir̄are wiuc̄ami pare. Eropir̄a Goām̄u dorerire iir̄a wahabu mua. Eropir̄a Goām̄u gameri dihtare iir̄a ár̄r̄aca. Eropir̄a ár̄ipehr̄erin̄ari Goām̄u mera ár̄r̄aca. ²³ Ñerire mari iira dipuwaja peamegue wabonir̄a áhraa mari masa ár̄ipehr̄er̄a. Mari eropa ár̄iquerec̄u Goām̄upu mari Op̄u Jesucristore mari umupeoc̄u iaḡu, ár̄ipehr̄erin̄ari Īḡu mera ár̄ic̄u iigucumi. Waja mariro marire eropa iigucumi.

7

Moise dorerire were gojanemoñumi Pablo

¹ Yu acawerer̄a, Goām̄u Moisere Īḡu dorerare óaro masia mua. Masure iri doreri Īḡu ojocar̄isubu dorea. Īḡu s̄rira p̄hru iḡure dorebeaa iri. Iri s̄are masia mua. ² Ópa áhraa: Nomeore iḡo marap̄u mera dihta ár̄idorea Moise Īḡu dorerip̄u. Iri eropa dorequerec̄u ta iḡo marap̄u s̄rira p̄hru iḡop̄u gajigu mera marap̄ucumas̄imo. Eropa ta ar̄i werea iri doreri. ³ Eropigo iḡo marap̄u ár̄iquerec̄u ta gajigure marap̄uc̄ugo, ñero iigo iimo iḡoa. Iḡo marap̄u Īḡu s̄rira p̄hr̄ugue ta gajigure marap̄uc̄ugo, Moise dorerire tarinugabeamo iḡo. Eropigo ñero iigo iibeamo iḡo.

⁴ Eropa ta mua s̄a yu acawerer̄a, Jesucristo s̄rira mera Jesu yar̄a war̄a, iri doreri iiri mera Goām̄u yar̄a wabeaa mua. Eropir̄a s̄rinir̄a murare iri doreri mera dorebiro dopa ta mua s̄are iri doreri dorebeaa. Mua Cristo ya curu majar̄a áhraa. Eropir̄a dohpaguere Īḡu yar̄a áhraa mua. Īḡupu Īḡu s̄rira p̄hru masa m̄riadigu árími Goām̄u gamerire mari iiboro dopa. ⁵ Jesucristo yar̄a ár̄ibir̄irasubuguere ñerire mari uaribejar̄ire iim̄ar̄ibu. Eropir̄a Moise dorerire mari masira p̄hru iri dorerire tarinugadiar̄ibu. Eropa tarinuḡa ñerire iir̄a, mari peamegue wamor̄a ta ár̄im̄ar̄ir̄ibu. ⁶ Dohpaguere Cristo yar̄a ár̄r̄a iri doreri docague ár̄ibeaa pare mari. Goām̄u Īḡu mera óaro mari ár̄borore iri dorerire iidorebeami pare. Esp̄iritu Santo mari mera ár̄igu marire óarire gohrotoc̄u iimi. Eropir̄a Goām̄u gamerire iir̄a mari iribojegue maja doreri gojara mera ár̄imasibeaa pare.

Mari ñeri iidiarire were gojañumi Pablo

⁷ ¿Eropir̄a Goām̄u Moisere Īḡu dorerare dohpa ar̄i pepibocuri mari? ¿Iri doreri ñeri ár̄icuri mua pepic̄u? Ár̄birica. Iri Īḡu doreri ta ñerire yare masic̄u iibu. Eropir̄a

Īġu doreri maricū ñerire mari iirare masibiriboya mari. Īġu doreri ôpa arāa: “Gajirā yaguere turaro űaribejabiricāque,” arāa Moise doreri. Iri eroparĭbiricū, gajirā yare űaribejarĭñe iri ñeri árĭcū masibiriboya mari. ⁸ Eropigū iri dorerire yū masira puhru gajirā yare burigā űaribejamurĭbu. Iri dorerire masibirinigū gajirā yare burigā yū űaribejara iri ñeri árĭcū masibiriboya yūhu. ⁹ Īġu dorerire yū masiboro core eropa pepicāñibu dohpa. Dipuwajacobore guñabirirĭbu. Eropigū ĭġu dorerire yū masira puhru yū űaribejari ñeri árĭcū masibu yūhu. Eropigū yū dipuwajacobore masibu. ¹⁰ Iri doreri mera mari Goāmū mera ôaro árĭbonirā árĭquerecū mari iri doreri mera dipuwajacurā dederebonirā árĭribū. ¹¹ Īġu Goāmū Moisere dorerare masira puhru tarinugadiarĭbu. Ñerire űaribejagū árĭcū iri ñeri yare goroweobū. Ñerire iirā iri dorerire tarinugara waja dipuwajacumorā árĭribū mari. Eropirā iri doreri tarinugari mera peamegue dederebonirā árĭribū.

¹² Eropiro Moise doreri Goāmū ya ôari āhraa. Eropiro queoro árĭro iiaa. ¹³ ¿Eropa árĭquerero iri ôari doreripū peamegue marire wacū iiri maa pepicū? Wadorebeaa. Mari ñeri iiri dipuwaja marire peamegue ñero wacū iiaa. Īġu dorerire mari masira puhru iri dorerire tarinugarā, “Ñerire iiaa mari,” arĭ masia. Eropirā mari ñerā árĭrĭre masirā mari peamegue waboro säre masia mari. Eropirā ĭġu dorerire masirā, mari tarinugara iri ñeri árĭcū masia mari.

¹⁴ Moise doreri Goāmū ĭġu apira iri árĭcū masia mari. Irire masiquererā maripū ñeri űaribeja iirā i ôarĭpure iibeaa. Eropirā ñerire iiniguirā āhraa. ¹⁵ Mari ôarĭre iidiaquererā iibeaa mari. Eropirā mari ñerire iidiabiriquererā ta iinigucāa. Eropirā mari iirire pee masibea mari. ¹⁶ Eropirā ñerire iidiabiriquererā ñerire iiaa mari. Iri ñerire iidiabirā Moise ĭġu dorerire “Ôari doreri āhraa,” arĭdiarā iiaa. ¹⁷ Eropirā “Yū basi ñerire dipaturi iisome pare,” arĭquererā ta ñerire iinigua. Mari pepirigū árĭripū ñerire marire iicū iiaa. ¹⁸ Ôarĭre turaro iidiaquererā ta, ne bocatiubirica. Eropirā ôpa masia. Ñeripū marire goroweomuraa. Mari pepirigū ñeri dihta āhraa. Ne ôari mara. ¹⁹ Ôari mari iidiarĭpure ne iibeaa. Ñerire mari iidiabirirĭpure iiaa. ²⁰ Eropirā “Yū basi ñerire dipaturi iisome pare,” arĭquererā ta ñerire iiaa daja. Mari pepirigū árĭripū marire ñerire iicū iiaa.

²¹ Eropiro ôpa wahaa marire. Ôarĭre mari iidiaquerecū ta mari űaribejari mari pepiri ñeri āhraa. Eropirā ôarĭpure iibeaa mari. ²² Goāmū dorerire mari turaro yuhridiarica. ²³ Eropirā mari ire masia: Goāmū dorerire gamequererā mari ñeri pepiri mari űaribejari āhraa marire. Mari ñeri pepiri tarinugaa mari ôari iidiarĭpure. Eropirā mari ñerire duhumasibeaa.

²⁴ Eropa ñerire duhumasibirā ñero dujaa mari. ¿Mari ñeri űaribejarire duhuboro dopa, mari ñeri pepiri marire dorebiriboro dopa noa marire taugucurĭ? ²⁵ Jesucristore mari guñaturacū ĭġupū mari ñerire iibiriboro dopa taugucumi. Īġu mari Opū mari ñeri űaribejarire tautuhajadi árĭmi. Īġu eropiicū Goāmure “Ôhaa,” arāa mari. Eropirā dohpaguere mari Goāmū dorerire yuhridiarā āhraa. Eropa yuhridiaquererā ta mari pepirigū ñero pepiri āhraa dohpa. Mari eropa árĭrāre Jesucristo marire taumi.

8

Espĭritu Santore oparā erā árĭricurire were gojañumi Pablo

¹ Dohpaguere Jesucristo yarāre erā dipuwajacoboro mara. Erā ñerire erā űaribejarire iiniguibea. Eropirā Espĭritu Santo ĭġu dorero dopa ta iinigucāma erā. ² Eropigū Jesucristo yarā mari árĭcū Espĭritu Santo ñero iirire duhucū iimi marire. Eropigū Espĭritu Santo árĭpehrerinūri Goāmū mera árĭcū iimi marire. Ñerire marire duhucū iigū, marire peamegue wabonirāre taumi. ³ Moise dorerire mari gamero iirā ne bocatūsome. Eropirā iri doreri mera mari Goāmū mera ôaro árĭmasibirĭbu. Mari eropa árĭrā árĭquerecū ta ôpa Goāmū marire ôarā árĭcū iidigū árĭmi. Irire mari ñeri dipuwajare wajayebasabure ĭġu magure obeodigū árĭmi. Īġu magū mari iro dopa ta dupucudigū árĭmi. Eropigū wajayebasagū mari pepirigū ñeri árĭrĭre coādigū árĭmi. ⁴ Marire eropa ta iidigū árĭmi Goāmū ĭġu dorerire ôarĭre ĭġu turari mera mari iiboro dopa. Īġu dorerire iirā árĭrā mari űaribejarire iibeaa mari. Eropirā Espĭritu Santo ĭġu itamuri mera ĭġu dorero dopa ta iiaa mari.

⁵ Erā gamero ñerire iidiarā, ñeri dihtare űaribejama. Espĭritu Santo ĭġu dorero dopa ta iiniguirāpū ôari dihtare iidiama erā. ⁶ Erā gamero ñeri dihtare iidiarā, iri dihtare űaribejarā peamegue warācoma. Espĭritu Santo ĭġu gamerire turaro iidiarāpū árĭpehrerinūri Goāmū mera árĭrācoma. Eropirā erā ôaro árĭcārācoma. ⁷ Erā gamero

iirā Goāmure gamesuribirā āhriima. Erā Goāmū dorerire ne yuhribeama. Īḡu dorerire ne yuhrimasise moe erā. ⁸ Eropirā erā gamero iirā Goāmure ihasuacū iimasibeama.

⁹ Мѡаpѡ мѡа gamero iibeaa. Espiritu Santo мѡа mera árícū Īḡu gamerire iiaa. Eropirā Espiritu Santore moorāpѡ Cristo yarā áríbeama. ¹⁰ I umure masa ñerire iira dipuwaja mari árípehrerā sirimorā dihta āhraa. Mѡа sirimorā áríquererā ta Cristo yarā мѡа árírā Īḡu mera eropa áríniguirāca мѡа. Goāmū mѡare “Ōarā āhriima,” Īḡu arí íacū Īḡu mera eropa áríniguirāca мѡа. ¹¹ Goāmū Jesure masudigū árími. Eropa masudigū áríḡu, Espiritu Santo мѡа mera Īḡu áríniguiacū мѡа sirira puhru Goāmū мѡа säre masugucumi. Eropa masugū ðaro árícū Īḡucumi мѡare. Jesure Īḡu masudiro dopa ta eropa masugucumi мѡare.

¹² Yū acawererā, “Īḡu eropa ta Īḡucumi,” arírā mari gamero iibiricārā. ¹³ Mari gamero ñerire iirā, peamegue wamorā árícārā tíaa mari. Espiritu Santo Īḡu itamuri mera mari ñeri iiricurire duhurā, árípehrerinari Goāmū mera árírāca.

¹⁴ Árípehrerā Espiritu Santore yuhriirā Goāmū porā ta āhriima. ¹⁵ Espiritu Santo mari mera Īḡu árínugacū Goāmū porā árínugabu mari. Eropigu Īḡu porā árícū marire dipuwaja moasome. Peamegue wadoresome. Eropirā güibeaa mari iribojegüere mari güidiro dopa. Īḡu porā árírā, Espiritu Santo Īḡu itamuri mera dohpaguere “Ahu,” arāa mari Goāmure mari Pagure ¹⁶ Eropigu Espiritu Santo mari pepirigüe ðpa masicū iimi: “Diaye ta Goāmū porā āhraa mari,” marire arí masicū iimi Īḡu. ¹⁷ Eropirā Īḡu porā árírā, Goāmū árípehrerire Īḡu porāre “Ogura,” Īḡu arírare maripū oparāca. Jesucristo mera irire oparāca mari. Cristo yare mari iira waja gajirā mera ñero tarinirā árírā, mari Īḡu mera umarogue ðaro árícārāca. Eropirā Goāmū Īḡu porāre “Ogura,” Īḡu arírare oparāca mari.

¹⁸ Dohpaguere i yebare ñero taria mari. Puhrugüere umaroguere ðaro árícārāca. Eropirā dohpaguere ñero tarirā wuaro bujawere pepibiricāque. Mari ñero tarirapū pehrea waroca. Puhru ðaro árícārāca Goāmū pohrogue. Eropirā mucubirirāca mari. Iri mucubiriripū ne pehresome marire. ¹⁹ Eropirā Goāmū porā Goāmū pohrogüere ðaro árírācoma. Mari eropa wacū, árípehreri Goāmū Īḡu ihacünugura sā mama dihta gohroto pehrea waroca. ²⁰ Dohpaguere Īḡu ihacünugura árípehreri ñero taria. Iri gamero eropa wabiriyoro. Adán ñeri iinugara puhru Goāmū Īḡu ihacünugurare ñero wacū iifūmi. Eropigu Goāmū Īḡu ihacünugurare eropa ta ñero árídoreniñumi dohpa. Puhru Īḡu ihacünugurare ðaripure gohrotogucumi daja Īḡu. ²¹ Eropigu Goāmū Īḡu ihacünugura boapehrearore ðaripure gohrotogucumi. Goāmū porāre ðarā erā gohrotoro dopa ta, i umu maja Īḡu ihacünugura säre árípehrerire ðari dihta gohrotogucumi. ²² Ire mari masia: Ñerire masa iinugara puhru árípehreri Goāmū Īḡu ihacünugura ñeri wayoro. Eropiro Goāmū ðarire Īḡu gohrotoborore corero iiaa. ²³ Maripū Espiritu Santore oparā āhraa. Īḡu yarā mari wacū Goāmū Espiritu Santore mata omi marire. Īḡu ihacünugura iro dopa ta mari sā ñero taria. Eropirā ðaripure gohrotoborore burigā gamerā cohrea. Eropirā Īḡu porā mari Īḡu pohro waboro säre burigā gamerā cohrea mari. Mama ðupure Īḡu marire Īḡu oboro säre burigā gamerā cohrea. ²⁴ Mari eropa corerā árícū, Īḡu ta marire peamegue wabonirāre taugucumi. Īḡu pohrogue árínirā árírā Īḡu pohrogue mari waborore corebiriboya mari. Marire Īḡu tautuhara puhru árícū irire corenemobiriboya. ²⁵ Eropirā íabiriquererā ta dohpa, Goāmū marire Īḡu tauborore corerā eropa corenigüia ðaro yojaro mariro.

²⁶ Eropirā mari Goāmure ðaro guñaturabirā Īḡu gamerire ðaro masibirā árícū íha Espiritu Santo marire itamumi. Eropirā Goāmure queoro serēmasibiriquerēcū Espiritu Santopū mari ya áríburire Goāmure serēbasami. Marire mojomogu Īḡu mari ya áríburire Goāmure serēbasami. ²⁷ Goāmū Īḡu gamero dopa ta, mari Jesu yarā áríborore serēbasami Īḡu Espiritu Santo. Īḡu eropa arí serēbasacū Goāmū mari pepirire masipehogu áríḡu Espiritu Santo Īḡu serērare masimi.

Cristo ya turari mera ñeri iirire tarinugarāca mari, arí gojañumi Pablo

²⁸ Ire masia: Árípehrerā Jesure mahirā mari árícū Īḡu gamerire iimorāre beyepu Īḡu marire. Eropa beyegu Goāmū eropa íhadibunigüicāmi marire. Eropigu mari ñero taricū íagu Goāmupū marire ðaro wacū Īḡucumi. ²⁹ Goāmū marire Īḡu yarā árímorāre matague ta mari ne masa dehyoaboro coregue ta guñatuhapū. Eropa guñagu Īḡu magu Īḡu ðagu áríro dopa ta marire ðarā árírare guñapū. Īḡu magu iro dopa marire árídorepū bajarā masa Īḡu magure mari tígucaborore. Eropigu árípehrero marire eropa wara mera marire ðarā gohrotocū iimi. ³⁰ Matague ta Īḡu yarā Īḡu árídoreniirā mari árícū, Īḡu porā mari árímorā säre beyepu marire. Eropigu marire Īḡu beyenirāre

“Dipuwaja moorā, ðarā āhrima,” arī īhami. Marire īḡu eropa “Ōarā āhrima,” arī īḡu eropa īḡu mera umaroguerē ðaro árícū īḡucumi.

³¹ Irire masirā ðpa pepia mari: Goāmū marire īḡu mahinirāre, ne gajirā īhatuirā bocatiubeama. ³² Goāmū mari ya dipuwaja sīribure īḡu magure obeodigu árīmi. “Yū magure mahia. Eropigu īḡure obeobeaa,” arībiridi árīmi. Eropigu mari ya árīburire īḡu magure obeodigu árīḡu Jesucristo mera árīpehrerire ðari dihtare oḡucumi īḡu marire. ³³ Goāmū beyenirā mari árícū, īḡu marire “Dipuwaja moorā, ðarā āhrima,” arī īhami. Mari īḡu eropa arīnirā árícū, gajirā marire “Nērā āhrima,” ne arī weresāmasibeama. ³⁴ Cristo mari ya dipuwajare sirira pūhru masa mūriadi árīmi. Eropigu Goāmū diayepū dohpaguere īḡu āhrimi dorebu. Eropigu īḡu mari ya árīburire diaye ta umuri nēcū serēbasagū iimi Goāmūre. Eropirā gajirāpū ne marire “Erā űeri iira dipuwaja moaque,” arīmasibeama. ³⁵ Cristo marire īḡu burigā mahicū gajirāpū “Erāre ne mahibiricāque,” arīmasisome īḡure. Eropigu mari űero tariquerēcū ta, mari ḡūiquerēcū ta, gajirā marire erā űero iiquerēcū ta, mari oaboquerēcū ta, suhri marirā mari árīquerēcū ta, ḡuhyaro marire árīquerēcū ta, marire erā wejēquerēcū ta, Cristo marire eropa mahiniguicāḡucumi. ³⁶ Goāmū yare erā gojarapū marire eropa waburire werero ðpa arī werea:

Goāmū, mū yarā gua árīri waja erā wejēsūmorā ta árīniguirā tiiaa gua. Oveja erā wejēmora erā árīro dopa ta, gua sāre eropa ta wahaa, arī gojañuma Goāmū yare erā gojarapūḡue.

³⁷ Eropirā mari űero tariquererā ta, Cristo marire mahigu īḡu itamuri mera, turaro mera űerire tarinūgarāca mari. ³⁸⁻³⁹ Goāmū marire īḡu mahirare īhmudi árīmi mari Opū Jesucristo mari ya árīburire sīricū. Eropigu īḡu marire burigā mahigu ne duhosome. Mari sīricū sāre, mari ojocaricū sāre mahi duhosome. Dohpaguere, pūhrūḡue sāre, marire īḡu ne mahi duhosome. Eropirā anyua, watēa oparā umaro majarā, i yeba majarā oparā, űerā deyobirā sā marire Goāmūre “Mū yarāre mahibiricāque,” arīrā, bocatiusome. Eropiro ne yuḡuűe ne yuḡuűe īḡu īhacūnugura marire īḡupūḡe mahi duhodoreri ne mara. Marire īḡu ne mahi duhosome.

9

Judio masa Goāmū īḡu beyenirā āhrima, arī gojañumi Pablo

¹⁻² Yū acawererā Israe masare ḡuḡaḡu burigā bujawerea. Cristore gamebeama erā. Eropigu űero sīporācu pepia yūhu. Iri yū eropa arīri diaye ta āhraa. Yūhu Cristo yaḡu āhraa. Eropigu muare diaye arīḡu iiaa. Espírītu Santo yū mera árícū dohpaguere yū acawererāre yū arīri iri diaye árícū ðaro masia yūhu. īḡu yare irire ðaro masicū iimi. ³ Israe masa yū acawererā, yaha curu majarā Jesucristore gamebirā peameḡue warācoma, arī ḡuḡaricua. Eropigu yūhu erāre peameḡue wamorāre taumasigu ðpa arīboya Goāmūre. “Erā ya dipuwajare yūpūre peameḡue wadoreque,” arīboya. Eropigu “Erā ya dipuwajare yūpūre cóāporo Cristo,” arīboya. Yū eropa arīborañe wajaye masia mara erā ya dipuwajare. ⁴ Erā yū acawererā Goāmū yare ðarire mata opamūhtanirā árīma. Israe mūru pāramerā árīturiarā āhrima. Eropigu Goāmū īḡu porā erā árīburire mata apīñumi Goāmū erāre. Eropigu Goāmū īḡu gosesiriri mera erā watope árīñumi. Eropiro árīpehrerire īḡu masare ðaro iiburire weremūriñumi erāre. Eropigu Moiserē īḡu dorerare mata apimūhtañumi Israe masare. Eropirā Goāmūre umupeoburi wihire iimūhtañuma erā. Eropigu erāre īḡu ðaro itamuborore weremūriñumi Goāmū. ⁵ Gua ya cururi gohra doce cururi āhraa. Eropirā gua űecū sumarā Abrahā sā murague, erā pāramerā árīturiarāḡue āhraa gua Israe masa. Eropigu Cristo masa dehyoanijagu gua acawereḡu Israe masu gohra árīmi Cristo. īḡu Goāmū ta āhrimi. Eropigu īḡu árīpehrerā weca opū āhrimi. Árīpehrerinūri īḡure ðaro umupeorā mari. Eropa ta iirā.

⁶ Israe mūru īḡu pāramerā árīturiarā árīquererā árīpehrerā Goāmū yarā gohra árībeama. Eropirā árīpehrerā Goāmū ðaro oburire opamorā árībeama. Eropirā Israe masare “Ōaro īḡura,” arīdiḡu árīquerēḡu Goāmū erāre árīpehrerāre ðaro iibiricū īarā “Goāmū īḡu arīdiro dopa ta iibeami,” arī pepibiricāro ḡahmea. ⁷ Ōpa āhraa: Gajirā Israe masa Abrahā pāramerā árīturiarā erā árīquerēcū ta, “Abrahā pāramerā gohra yaharā gohra āhrima,” arī īabeami Goāmū erāre. Eropigu ðpa arīñumi Goāmū Abrahāre. “Mū magu Isaa pāramerā árīturiarā erā tamera diaye ta mū pāramerā árīturiarā árīrācoma,” arīmūriñumi Goāmū Abrahāre. ⁸ īḡu eropa arī werecū ire masirāca mari: Árīpehrerā Abrahā pāramerā erā masa dehyoara pūhru, mata Goāmū porā wasome erā. Goāmū īḡu arī werepirare ðaro peerā īḡure umupeorāpū erā dihta árīrācoma Goāmū

porã. Eropirã erã ta àhrima Abrahã pãramerã ártituriarã gohra. ⁹ Òpa arĩñumi Goãmu Abrahãre: “Gaji bojori inosubu ta yu dujaricũ mu marapo Sara majigugãre opagocumo mu magure,” arĩñumi Goãmu Abrahãre. Eropa ta arĩ werepiñumi ìgure Abrahã magu Isaa masa dehyoaborore. Eropigu ìgu magu Isaa masa dehyoañumi. ¹⁰ Puhru Isaa Rebeca mera marapocucũ igo uma perã sũhruanirã porãcũnũmo. Erã pagu Isaa gua ñecã murũ arĩñumi. ¹¹⁻¹² Eropirã erã porã erã masa dehyoaboro core, òarire, ñeri sãre erã iibiricũ ta Goãmu erã pago áribore òpa arĩmuriñumi: “Ìgu pagu maguru ìgu ìgure doregucumi. Eropigu ìgu opu árigucumi,” arĩmuriñumi ìgore igo porãcũboro core. Goãmu ìgu gamero dopa ta beyemi ìgu. Eropa árigu, árigu ìgu dehyoaboro core Jacobore Esaũ pagu magu árigure opu áribure beyemuriñumi. Eropigu masa erã iirire ìaboro core ìgu gamero dopa ta ìgu yarã árimorãre beyemi. ¹³ Eropa ta arĩ gojañuma ìgu yare erã gojarapũgue: “Jacobopũre mahimuribũ. Eropigu Esaũpũre mahibirimuribũ,” arĩmi Goãmu, arĩ gojañuma iribojeguerẽ.

¹⁴ ¿Iirire peerã dohra arĩ pepibocuri mari? “¿Erã iiricure ìaboro core yujugure eropa beyegu Goãmu queoro iibeami,” ¿arĩ pepibocuri?” Áribeaa. Queoro ìgu ta àhrimi. ¹⁵ Òpa arĩñumi Goãmu Moise sãre: “Yu gamegu dihtare mojomoro ìagura,” arĩmuriñumi ìgu Moiserẽ. Eropigu yujugure ìgu gamero beyegu queoro ìgu iimi Goãmu. ¹⁶ Eropirã mari gamero Goãmure marire mojomoro ìadoremasibeeaa mari. Eropirã mari òarire iira waja sãre ne mojomoro ìabeami ìgu. ìgu gamero dopa ta mojomoro ìhami. ¹⁷ Eropigu eropa ta ìgu gamero dopa iñumi Egipto majarã opu sãre. Òpa arĩñumi Goãmu ìgure faraõre: “Egipto majarã opu áribure apigu iibu mũre yu turarire áripehrerãre ìhmubure. Eropigu áripehreri yeba majarãre, yure erã masiborore opu acugu iibu yũhu mũre,” arĩñumi Goãmu ìgure, arĩ gojara àhraa Goãmu yare erã gojarapũgue. ¹⁸ Eropigu ìgu gamerãre mojomoro ìhami ìgu mari masare. Eropigu ìgure erã gamebiricũ ìagu ìgu gamero erãre yũhribiricũ iimi ìgu. Eropigu Goãmu ìgu gamero dopa ta iimi.

¹⁹ ìgu eropiigu áricũ ìarã òpa arĩboca mua: “¿Goãmu erãre ìgure yũhribiricũ iidigu duhpigu ero puhru erã ìgure yũhribirã dipuwaja moayuri erãre?” arĩ papũri serẽpiboca mua. ²⁰ Eropa arĩbiricãque. Mari masa bu árirã àhraa. Goãmu mera papũrimasibeeaa. Mátasoro wéagore “¿Duhpigo yure eropa iiri muhu?” iri soro arĩ serẽpimasibeeaa. Eropa ta mua sã Goãmure ìgu gamero ìgure “¿Duhpigu eropa iiri muhu?” arĩ serẽpimasibeeaa. ²¹ Mátasoro wéago máta mera igo gamero dopa iimo. Eropigo òarire dibuburi sorore iimasimo igo. Iri máta mera ta bu árirã dibuburi soro sãre iimasimo igoa. Igo iiro dopa ta Goãmu sã ìgu iidaro dopa ta iimi.

²² Eropigu Goãmu peamegue ìgu cóamorãre erã ñero iirare ìha guagu, erãre dipuwaja moadiaqueregu ta yoari boje erã ñeri iirire eropa ìacãnimi. Áripehrerãre ìgu turarire ìhmubu, máta erãre dipuwaja moanibirimi. ²³ Eropa ta iimi marire ìgu mojomoro ìarãre, ìgu òatariagu ìgu áririre, ìgu turari sãre marire masidorebu. Matague ta marire, “Erãre mojomoro ìagura yũhu. Yu òarire ogura erãre,” arĩ apiñumi Goãmu marire. ²⁴ Eropirã maripu ìgu beyenirã árirã iiaa. Eropirã ìgu beyenirã judio masa dihta áribeama. Judio masa áribirã sã àhrima ìgu beyenirã. ²⁵ Eropa ta àhraa judio masa áribirãre Goãmu yare Osea waicũgu ìgu òpa arĩ gojadiro dopa ta:

Ero coregue yaharã áribirinirãre puhru erãre “Yaharã àhrima,” arĩgura. Eropigu ero coregue yu mahibirinirãre puhrugue erãre “Yu mahirã àhraa mua,” arĩgura, arĩpu Goãmu. ²⁶ “Yaharã áribeaa mua,” Goãmu ìgu arĩra yeba majarã Goãmu ojocarinigucãgu porã ta árirãcoma, arĩ gojamũhtamuriñumi Osea iribojeguerẽ.

²⁷⁻²⁸ Eropigu iribojegue majagu Isaia Israe masare òpa wereñumi: “Mari Opu i yeba majarãre bajarã masare yojaro mera diaye ta dipuwaja moa purumujugucumi. Eropirã wũariya maja ìmpayeri iro dopa Israe masa bajarã gohra erã áriquerẽcũ ta bajamerãgã tarirãcoma erã,” arĩmuriñumi Isaia. ²⁹ Eropigu dipaturi ta wereyugu òpa arĩ gojañumi Isaia:

Mari Opu áripehrerã weca opu bajamerãgã mari mera majarãre taubigu, marire judio masare áripehrerãre dederecũ iiboñumi ìgu. Sodoma majarãre, Gomorra majarã sãre ìgu dedeopocũ iidiro dopa ta mari sãre dederecũ iiboñumi ìgu, arĩ gojamuriñumi Isaia.

Judio masa òari buherire gamebirima, arĩ gojañumi Pablo

³⁰ Eropa ta àhraa. Eropirã ire masique mua: Judio masa áribirãpu Goãmure amabiriquerã ìgure bocama. Jesucristore erã umupeocũ, “Òarã àhrima,” arĩ ìhami Goãmu erãre. ³¹ “Goãmu dorerire Moiserẽ ìgu apirare mari iicũ ìgu marire òarã ìagucumi,” arĩñorã judio masapu. Eropa ìgu dorerire erã iiquerecũ ta Goãmu

İha ſua birimürüp eräre. Eropirä ðarä árđiaquererä bocatſubirimürñorä. ³² Erä Jesucristore umupeoro mariro erä gamero Moise dorerire iidiarima Goāmü mera ðaro árđiarä. Eropirä Cristore erä ñeri iirare cóábure gamebirä Goāmü pohrogue ne ejasome. ³³ Eropa ta arđ gojamuhtañuma Goāmü İġu magare wereyurire:

Ütāye iro dopa árġure, yu beyedigare dohpague Jerusalengue apıġu iiaa. İġure umupeobirä, İġure tarınaragä yu pohrogue ne ejasome. Eropirä İġure umupeorāpü İġu mera ðaro mucubirinıġurācoma. Yu pohro warācoma, arđmi Goāmü, arđ gojañuma Goāmü yare erä gojarapūguere.

10

¹ Yu acawererä, İsrae masare Goāmü İġu tauborore buřigā gahmea yahu yu ſiporā mera. Eropıġu Goāmü eräre İġu tauburire serēbasaa yuhu. ² Diaye ta erä Goāmü gamerire iidiarima. Eropa iidiaquererä ta İġu gamerire masibeama. ³ Eropirä Goāmü eräre ðacü iiburire masibeama. Eropa masibirä erä gamero ðarire iiquererä bocatſubirima. Erä eropicü, erä Goāmü Jesucristore umupeodorediro dopa erä iibericü, İġurü eräre “Öarä āhrima,” arđ İābirimi. ⁴ Cristore umupeoräre “Dıpuwaja moorä, ðarä āhrima,” arđ İhami Goāmü. Eropirä “Mari ñeri iira dipuwaja Goāmü tauboro dopa Moise dorerire iiro gahmea daja,” arđ pepibircāro gahmea. Cristore umupeorä İġu mera taria.

⁵ Moise irıbojegue majagu öpa arđ gojañumi: “Goāmü dorerire mari duhyaro mariro iıpehocü Goāmü marire ‘Dıpuwaja moorä, ðarä āhrima,’ arđ İagucumi,” arđ gojañumi İġu. ⁶ İġu eropa arđ gojaquerecü ta dohpaguere masa Cristore erä umupeocü Goāmü eräre “Öarä āhrima,” arđ İhami. Iri buheri “Cristore umupeoque,” i arđ buheri öpa arđ werea: “Öpa arđ pepibircāque müa: ‘İNoa Cristore umaroguerre árġure aıdıġugucuri marire İġu buhecü daja?’ arđ pepibircāque müa. Cristo eratuhadıġu árđmi marire taugü eragü i yebaguerre. ⁷ Eropirä daja ‘İNoa ſırınırä pohrogucure Cristore masu aıġaribocuri?’ arđ pepibircāque müa. İġu ſırıdıġu masa marıadıġu árđmi,” arđ werea i buheri. ⁸ Eropıro öpa arđ werea Goāmü yare erä gojarapūgue: “Goāmü ya buherire mari amacü İġu buheri ohö āhraa. İġu buherire masıtuhaa müa. Eropirä İġu buherire werenıġuımāraba,” arđ gojañuma. Iri buherire “Cristore umupeoque,” arđ buherire masare werea gaa. ⁹ Iri buheri öpa arđ werea: “Jesu yu opu āhrimi,” arđ mari disiro mera werecü, “Goāmü Jesure ſırıdıġure diaye ta masuñumi,” arđ mari pepicü İha Goāmü marire peamegue wabonıräre taugucumi. ¹⁰ Jesure mari umupeocü İha Goāmuru marire “Öarä āhrima,” arđ İagucumi. Eropıġu gajıräre “Yahu Jesucristore umupeoa,” mari arđ werecü İha İġu marire peamegue wabonıräre taugucumi.

¹¹ Öpa arāa Goāmü yare erä gojarapū: “İġure umupeorä, İġure erä umupeorare ne bujaweresome. ‘İġure umupeobircü öaboya yure,’ ne arđsome,” arđyoro Goāmü yare erä gojarapūgue. ¹² Judıo masare, judıo masa arđbirä säre Goāmü yujuro mera ta itamumi. Mari Opu árġıpehrerä tauro opu āhrimi İġu. Eropıġu árġıpehreräre İġure serēräre itamugucumi İġu. ¹³ Eropa ta arđ gojañuma Goāmü yare gojarapūgue öpa arđ gojarä: “‘Yu ñerire cóāque. Eropıġu yare tauque,’ masa erä serēcü eräre peamegue wabonıräre mari Opu taugucumi,” arđ gojañuma. ¹⁴ Eropirä masa Cristore “Diaye ta marire taugü āhrimi,” arđ umupeobirä İġure eropa serēmasibeama erä. Eropirä İġu buherire Jesucristo eräre tauburi buherire peebirä İġure umupeomasibeama. Eropirä İġu buherire eräre wereġu marıcü Goāmüre erä masısime. ¹⁵ Eropirä İġu buherire weremoräre erä obeobircü İġu buherire weremasibeama. Öpa arđ gojañuma Goāmü yare erä gojarapūgue: “Öari buherire marire ðarä wacü iıburı buherire weremorä erä eracü İarä ðaro mucubırıa mari,” arđ gojañuma irıbojeguerre.

¹⁶ Eropa arđquerecü ta masa bajarä Jesucristo yare öari buherire peediabeama. Eropa ta arđ gojamrıñumi İsaia: “Opu, eräre mari wererare ne peediabeama,” arđ weremrıñumi İsaia Goāmüre. ¹⁷ Eropirä masa Jesucristo yare öari buherire peerä peeñarä Cristore umupeoma.

¹⁸ Eropıġu ire serēpidıaca müare: İIsrae masa Jesucristo yare peebırıyuri müa pepicü? Yuju diaye ta erä peemırırıñuma. Eropa ta āhraa Goāmü yare erä gojarapū säre:

Goāmü yare wererä árġıpehreroguerre weresırırä wama. Eropirä árġıpehrero majarāgue İġu yare peema, arđ gojañuma irıbojegue.

¹⁹ Dipaturi müare serēpidıaca daja: İIsrae masa peequererä ðaro masıbirıyuri müa pepicü? Masırıñuma. Masıquererä Jesucristore umupeodiabırıñuma. Erä eropa peediabircü gajı yeba majarä Goāmü yarä wahama. İrire werenemogu Moise İġu arđrare weremuhtaġura: Öpa arđ gojañumi İġu:

Ōpa arī weremi Goāmū Israe masare: “ ‘Bu árīrā āhrima,’ mua arī Ianirāre yaharā árīmorā iigura. Yū eropīcū m̄apū erāre ihaturīrāca. Eropīgū m̄uare erā mera guacū iigūca yūhū, arī weremi Goāmū,” arī gojañumi Moise.

²⁰ Isaia sã doyarō mariro ōpa arīmūriñumi:

Ōpa arīmi Goāmū: “Yūre amabirāpū yūre bocama. Eropīgū yūre masibirāre erāre yūre masicū iibū yūhū,” arīmi Goāmū, arī gojañumi Isaia. Judio masa árībirā Goāmū yarā erā waburire weregu eropa arī gojañumi.

²¹ Israe masa pūre ōpa arī gojañumi Isaia: “Ōpa arimi Goāmū: ‘Mua ñeri iirare bujawereque yaharā wamorā, arimūriribū erāre. Erāpū yūre tarinūgarā yūre yūhribirimūrima,’ arimi Goāmū,” arī gojañumi Isaia.

11

Yujurāyerire Israw masare taugūcumi Goāmū, arī gojañumi Pablo

¹ ¿Eropīgū Israe masare Goāmū īgu beyenirāre erā tarinūgacū erāre cóāpēhocāyuri īgu mua pepicū? Árībeaa. Erāre cóābirimi īgu. Yū sã Israe masū, Abrahā pārami árīturiagū āhraa. Eropīgū Benjami ya curu majagu āhraa. ² Irībojegue Goāmū Israe masare beyemūriñumi. Īgu eropa beyenirāre cóābeami. Goāmū yare erā gojarapū Elia īgu iirare werea. Irīpū Israe masare Elia Goāmūre īgu arī weresārare masica mua. Ōpa arī weresāñumi īgu: ³ “Ōpū, erā Israe masa mū yare weremūhtanirāre wejēpēhocāma. Eropirā m̄ure umupeori mesarire cóāpēhocāma. Eropīgū erā watope yū dihta mū yagu dūjaa dohpaguere. Yū eropa árīcū īarā yū sāre wejēdiama dohpaguere,” arīñumi Elia Goāmūre. ⁴ Īgu eroparīcū peegu ōpa arī yūhriñumi Goāmū Eliare: “Mūhū yahagu yujugu ta árībeaa. Siete mil ūma yaharā āhrima dohpaguere. Erāre dihbuaabū yūhū. Erā sã yūre ōaro umupeoma. Baal waīcūgu wéadīgure ne umupeobirimūrama erā sã. Eropīgū gūibita mūhū,” arīñumi Goāmū Eliare irībojegure. ⁵ Irisubure Elia īgu árīrisubure īgu yarā árīmorāre Goāmū īgu dibudiro dopa ta dohpague sāre bajamerāgā Israe masare īgu yarā árīmorāre dihbūmi. Goāmū erāre mojomoro īagu dihbūmi. ⁶ Ōarire erā iicū īagu dibubirimi. Erāre mojomoro īagu dibugu beyemi. “Ōarire mua iira pūhrū m̄uare beyegura,” arīgu, īgu diaye ta erāre mojomoro īagu iibiriboñumi. Ōarire erā iira pūhrū erāre īgu beyecū erāre wajatarī árīboya. Ōarire erā iibiriquerecū ta erāre diaye ta mojomoro īagu Goāmū beyemi erāre. ⁷ Eropā iri ōpa āhraa: Israe masare Goāmū erāre, “Ōarā āhrima,” īgu arī īacū gamequereā ta erā yujuro bojebeama. Goāmū īgu basi īgu beyenirāpū ōarā wahama īgu mera. Īgure yujuro bojebirāpū īgu yare peediabeama. ⁸ Eropā ta arīyoro Goāmū yare erā gojarapū: “Goāmū Īgure gamebirāre īgu yare peebiricū iimi. Eropīgū diaye árīrīre erā peequerecū erāre ōaro peebiricū iimi Goāmū. Eropā ta árīnigūicāma dohpague sāre,” arī gojañuma irībojegure.

⁹ Eropīgū ōpa arīñumi Davi m̄urū irībojegue majagu Goāmūre:

Erā Israe masa erā bosenūri mucubirirīnūri iirā ñero iima erā. Erā eropa iicū īagu dipuwaja moaque mūhū erāre. ¹⁰ Erāre ōaro peebiricū iique mūhū. Eropirā eropa dipuwajacurā árīnigūicāporo erā. Eropirā eropa bujawerenigūicārācoma, arīñumi Davi Goāmūre.

Judio masa árībirāre peamegue wabonirāre taugūcumi Goāmū, arī gojañumi Pablo

¹¹ ¿Judio masa Cristore erā gamebiricū īagu Goāmū erāre cóācāyuri mua pepicū? Cóāgohracābirīñumi. Eropā erā Cristore erā gamebiricū dohpaguere judio masa árībirāpū Goāmū īgu taumorā wahama. Dohpagure īgu yarā iimi Goāmū erāre. Īgu eropīcū iarā yujurāyeri judio masapū erāre ihacū erā sã Jesucristore umupeodiana. ¹² Judio masa erā Goāmūre tarinūgacū judio masa árībirāpū Goāmū īgu ōari buherire peema. Eropirā árīpēhrero majarā judio masa árībirā Goāmū taumorā wañorā ōaro warā. Pūhrū judio masapū Cristore erā umupeonūgara pūhrū tamerare i yeba majarāre ōatarīaro waroca.

¹³ Dohpagure m̄uare judio masa árībirāre werebu iiaa. Cristo apimi yūre m̄uare judio masa árībirāre buhebure. Eropā buhegu bu gohra iigu iibeaa. ¹⁴ Yūre eropa buhedoredīgu árīgu masare weremūra. Yū acawererāre judio masare mua Jesucristo umupeorare ihacūcū iidiagu werea. Goāmū taunirā mua árīcū iarā erā sã Cristore gahme īgu taumorā wabocoma, arīgu werea. ¹⁵ Dohpagure judio masare Goāmū boje apīgu, gajirāguere ōari buherire Goāmū weredoremi īgu mera erā ōaro árīmorāre. Eropiro judio masare īgu boje apicū ōaro wahabu i yeba majarāre judio masa árībirāre. Īgu eropiidiro tauro judio masa sāre īgu yarā árīmorāre īgu iicū tamerare ōatarīaro

waroca i yeba majaräre. Goãmu mera erä ðaro áricü bajarä masa Jesure umupeoräre peamegue waboniräre taugucumi. ¹⁶ Õpa ähraa: Abrahã gua ñecu mæru Goãmu mera ðaro igu áridiro dopa ta igu pâramerä árturiarägue sã Goãmu mera ðaro árirãcoma Cristore umupeorä árirä.

¹⁷ Yujuräyeri erä eropa árirä áríquerecü ta gajirä erä acawereräpüre judio masare Goãmu boje apinimi dohpa. Judio masa Goãmu igu beyemuhtanirä olivo waicidigu otedigu dæpuri iro dopa ährima. Mua judio masa áribirä igu beyemuhtanirä áribirä nuçu majagu dæpuri iro dopa ähraa. Olivo otedigu dæpuri yujuyeri dæpuri igu tabe cóadiro dopa ta gajirä judio masapüre Goãmu cóami. Eropa cóagu igu yarä áribirä wacü iimi eräre. Igu cóara dæpuri gají dæpuri nuçu majagu dæpuri gohroto tuhboro dopa, Goãmu judio masare judio masa áribirä mera gohrotomi. Eropa gohrotogu muare judio masa áribiräre igu yarä wacü iimi. ¹⁸ Muare igu eropa gohrotocü, "Judio masa tauro ðarä ähraa pare gua," arí pepibiricäque. Ire guñaque: Judio masapüre beyemuhtanirä Goãmu. Mæpuru erä pæhrü Goãmu yarä árirä mua sã Goãmu ðari oburire opa. Eropirä "Judio masa tauro ðarä ähraa," arí pepibiricäque.

¹⁹ Mua judio masa áribiräpü opa aríboca: "Yujuräyeri dæpuri igu cóadiro dopa ta Goãmu judio masare cóami yujuräyerire. Eropa cóagu igu gají dæpuri gohroto igu tuhdiro dopa ta igu yarä mari wamoräre apimi," aríboca mua judio masare tarinugadiarä. ²⁰ Õpa ähraa. Erä Jesure umupeobirä dipuwaja cóapü Goãmu eräre. Eropigu mua säre Jesure mua umupeobiricü igu yarä árimoräre muare apibiriboañumi. Eropirä "judio masa tauro ðarä ähraa gua," arí pepibiricäque mua. Eropa aribirä ta Goãmure ðaro umupeoque. ²¹ Muhtari dæpuri iro dopa judio masa Goãmu yarä árimuhtañuma. Iri gohroto tuhra dæpuri iro dopa ta erä pæhrü mua Goãmu yarä wabu. Eropigu Goãmu igu yarä árimuhtanirä igure umupeobiricü iagu cóapü eräre. Igu eräre eropiidiro dopa ta mua säre cóagucumi mua igure umupeobiricü. Eropirä Goãmure ðaro umupeoque mua. ²² Goãmu muare ðaro iigu igu áricü masique mua. Eropirä guhyadiaro mera, igu dipuwaja moagu igu áricü säre masique mua. Igure umupeobiräre igu dipuwaja moagucumi. Eropa áríqueregu ta mua igure umupeoniguicü muare ðaro iigucumi igu. Igure umupeobiricü ñeri dæpuri igu tabe cóadiro dopa ta mua säre cóagucumi Goãmu. ²³ Masapu erä tabe cóara dæpuri tuhmasibeama daja. Goãmuru árípehrero iimasigu ährimi. Eropigu judio masa igu cóanirä Cristore erä umupeodiacü Goãmu igu yarä áricü iigucumi daja eräre. ²⁴ Mua judio masa áribirä Goãmu yarä áribirimuriyoro. Eropa áribirä mua áríquerecü ta Goãmu muare igu yarä áricü iigucumi. Eropigu igu beyemuhtanirä mua áribiriquerecü ta igu yarä áricü muare iidiami igu. Eropigu judio masare igu beyemuhtaniräpüre igu yarä áricü igu tauro iidagucumi.

Pæhrü Israe masare taugucumi Goãmu, arí gojanñumi Pablo

²⁵ Yu acawererä, ire masa erä masibirirare muare weregura. Mua ðpa aríboca: "Dohpaguere gua dihtare beyemi Goãmu. Guapu masipehocã," mua arí pepiboca. Mua irire arí pepibiriboro dopa ire weregura muare. Õpa ähraa masa erä masibirira: Dohpaguere bajarä judio masa Goãmure peediabirä ährima. Eropirä bajarä judio masa áribiräre Goãmu igu queodiropë igu yarä wacü iigucumi. Ero pæhrü judio masapu igure gamerãcoma daja. ²⁶ Erä eropa gamecü árípehrerä Israe masare Goãmu taugucumi erä peamegue waboniräre. Goãmu yare erä gojarpüque eropa ta arí gojanñuma:

Jerusalén waicuri macague judio masa ya macague eräre taubu arigucumi. Eropigu Jacobo mæru pâramerä árturiaräre erä ñerire igu cóagucumi. ²⁷ Eropigu eräre taugu iribojegue yu arí eräre werepirare iigucumi, arími Goãmü, arí gojamuhtañuma Goãmu yare erä gojarapüque.

²⁸⁻²⁹ Dohpaguere erä judio masa Cristo yare umupeobirä Goãmure gamebeama. Erä eropiicü dohpaguere mæpuru judio masa áribiräpü Cristore umupeonugabu. Judio masapüre Goãmu beyemuhtañumi. Goãmu igu arí werepidiro dopa ta masare igu beyediro dopa ta diaye iimi igu. Eropigu judio masa ñecu sumarä mura igu beyenirä erä áricü dohpague erä árturiarä säre igu mahimi. ³⁰ Iribojegue mua sã Goãmure tarinuganirä áririyoro. Dohpaguere judio masa Goãmure erä tarinugacü iagu igu mæpüre mojomoro iagu taumi. ³¹ Dohpaguere judio masa igure tarinugarä ährima. Erä eropa áríquerecü ta Goãmu dohpamasapüre Goãmü beyemuhtañumi. Goãmü igu arí werepidiro dopa ta masare igu beyediro dopa ta diaye iimi igu. Eropigu judio masa ñecu sumarä guere muare mojomoro iadiro dopa ta erä säre pæhrü mojomoro iagucumi. ³² Õpa ähraa: Árípehrerä masare Goãmü igure erä tarinugara waja

yujuro mera dipuwajacudoremi. Eropigu áripehrerã erã dipuwajacurã erã áricũ íha áripehrerãre yujuro mera mojomoro íagucumi ígu.

³³ Óatariagu áhrimi mari Goãmu. Turatariagu áhrimi. Óaro masipehogu áhrimi ígu. Eropiro ígu guñarire, ígu iiburire marire óaro masiya mara. ³⁴ Ópa arí gojañuma Goãmu yare erã gojarapúgue: “Goãmu mari Opu ígu guñarire ne masa óaro masibeama. Eropirã masa ígure ‘Ópa iique,’ arí weremasibeama. ³⁵ Eropirã masa Goãmure erã gajino ora puhru ‘Ígu marire wajamomi,’ arí masiya mara masa,” arí gojañuma iribojegure. ³⁶ Goãmu áripehrerere iidi árimi. Eropigu ígu turari mera áripehrerire áricũ iidoredi árimi ígu. Eropiro áripehreri ígu iiburi áhrra. Eropirã áripehrerinuri ígure umupeorã mari. Eropã ta iirã mari.

12

Goãmu gamerire marire iiniguicãdoreñumi Pablo

¹ Goãmu marire turaro mojomoro íhami. Ígu eropa mojomoro íagu áricũ íarã, yu acawererã, mua basi ta Goãmu gamerire iiniguicãrã árique. “Mũhu yu opu áhrra,” aríque ígure. Eropirã óaripure gohrotonirã, ñeri marirã árique. Eropã ta iiro gahmea marire Goãmure umupeorãre. Mua eropa árirã áricũ ígu mucubirigucumi. Eropigu muare irire burigã iidorea. ² I yeba majarã erã gamero dopa ta pepibiricãque mua. Eropirã mua pepiriguere Goãmu gamerire gohrotoque mua. Eropirã óaripure gohrotonirã árirãca mua. Eropã gohrotorã Goãmu muare ígu iidorerire masirãca mua.

³ Goãmu yare mojomoro íagu muare buhedoregu beyemi yare. Eropigu áripehrerãre muare ópa dorea yuhu. “Óatariagu áhrra yuhu,” arí pepibiricãque. Eropã pepicãque. Jesucristore mua umupeorã “Goãmu yare ígu itamuro mera iimasiasia yuhu ígu yare,” arí pepique. ⁴ Ópa arí werenemogura yuhu: Mari mojotori, guburi, cuirí, áripehreri mari dupu árirã baja áhrra. Mari dupu árirã sã yuju dupu áriquerero gajiropa árirã mohmeri opaa. Mari dupu mari Jesu yarã iro dopa áhrra. Cristo dupu iro dopa árirã yuju curu ta áhrra mari. ⁵ Mari eropa áricũ íagu gajiropa árirã dihta mohmerire apimi Goãmu marire. Eropirã bajarã masa áriquererã ta Cristore umupeorã árirã ígu dupu iro dopa yuju curu áhrra mari.

⁶ Eropigu marire mari nucure gajiropa árirã mohmerire mari iimasiburire ígu turari mera apidigu árimi. Ígu eropiicũ maripu ígu apirare óaro iiro gahmea. Eropirã Jesu yarã ópa game itamuporo: Yujurãyerire Goãmu ígu yare weretaumasimorãre apidi árimi. Eropirã erã Cristore erã masiopẽ ígu yare óaro weretauporo gajirãre. ⁷ Gajirãre Goãmu yarãre erã itamumasimorãre apidi árimi. Eropirã erãpu masare óaro mera itamuporo. Gajirãpore Goãmu yare buhemorãre apidi árimi. Eropirã erã masare óaro buheporo. ⁸ Gajirãre masare mucubiricũ iimorãre apidi árimi. Eropirã irire óaro iiporo. Gajirãre erã ya erã gamerire omorãre apidi árimi. Eropirã gajinore orã, óaro mera mucubiriri mera oporo. Eropirã gajirãre doremimasimorãre apimi. Erã dorerã óaro mera doreporo. Eropigu daja mojomorocurãre itamumasimorãre apidi árimi. Erãre itamurã mucubiriri mera itamuporo, arí wera muare.

Jesu yarã árirã ópa iirã áhrima, arí gojañumi Pablo

⁹ Gajirãre mahi umupeorã, diaye ta mahi umupeoque. Eropirã ñero iirire doorã árique mua. Eropirã óaripure gameniguicãque. ¹⁰ Mua pagu porãre mua umupeoro dopa ta Jesu yarã mua mera majarã sãre umupeoque. Eropirã mua mera majarã erã gameripure itamumũhtaque. Puhru mu yare iique.

¹¹ Goãmu gamerire iirã ne tebiricãque. Eropirã mari Opu ígu dorediro dopa ta óaro mucubiriri mera iique.

¹² Goãmu muare peamegue wabonirãre ígu taunirã áhrra mua. Irire masirã mucubirique mua. Eropirã ñero tarirã Cristo yare duhuro mariro yujuro bojeque mua. Eropirã Goãmure eropa serẽniguicãque.

¹³ Gajino Jesu yarãre duhyacũ íarã oque erãre. Eropirã mua ya wirigue masa erã ejaçũ óaro siporãcu erãre bocatirique.

¹⁴ Muare ñero iirãpore erã óaro áriburire serẽque Goãmure. Eropã óadorerã erãre ujapeobiricãque.

¹⁵ Gajirã mucubiricũ íha erã mera mua sã mucubirique. Gajirã oreçũ íha erã mera oreque.

¹⁶ Mua mera majarã mera óaro árique mua. Eropirã “Gajirã tauro óagu áhrra,” arí pepibiricãque. Bu árirã mera sãre óaro árique. Eropirã “Masitarinugarã áhrra gua,” arí pepibiricãque.

¹⁷ Gajirā muare ñero iiquerecū ta, erāre ñero ii gamebircāque. Eropirā ðarire iique. Eropirā ðarā mua áririre árípehrerā masa iha masirācoma. ¹⁸ Mua masiropē turaro mera ðarire iique árípehrerā mera mua ðaro áricāboro dopa. ¹⁹ Mua yu mahirā, yu acawererā, gajirā muare erā ñero iiquerecū ta erā iro dopa ñero ii gamebircāque. “Erā ñero iira dipuwaja Goāmuru dipuwaja moagucumi,” arī guñarā ñero ii gamebircāque erāre. Goāmū yare erā gojarapūgue eropa ta arī gojañuma: “Yūru masa erā ñero iira dipuwaja moagu āhrra. Eropirā diaye ta dipuwaja moagura, arīmi mari Opū,” arī gojara āhrra. ²⁰ Eropirā ðpa iique mua: Muare ihaturidigu ĩgu oaboacū ĩarā ejoque ĩgure. ĩgu ñemesibucū deco tīaque ĩgure. Eropa iirā muare ihaturidigu ĩgu ñero iirare gahyasīricū iirāca. ²¹ Eropirā gajirā muare erā ñero iiquerecū muaru erāre ñero ii gamebircāque. Eropirā erāre ðaro iique. Eropa iirā ñeripure tarinugarā iirāca mua.

13

¹ Árípehrerā oparāre Goāmū dihta apimi. Eropigu mua tauro oparā sāre Goāmū ta beye apidigu arīmi. ĩgu eropa apinirā erā áricū ĩarā árípehrerā mua erāre yuhrique. ² Mari tauro oparā árirāre tarinugarā Goāmū ĩgu apinirāre tarinugarā iirāca mari. Eropa tarinuganirāre Goāmuru dipuwaja moagucumi. ³ Ōarire iirāre güicū iimorā áribeamā oparā. Ñerire iirāpure güicū iirā āhrima oparā. Eropirā ðarire iique mua oparāre mua güibiriburire. Eropa iirā güisome mua. Ōarire mua iicū, opu “Ōarire iiabū,” arīgucumi muare. ⁴ Oparā Goāmure itamurā ta āhrima mua ðaro áricāborore. Erā eropa áriquererā ta erā dorerire tarinugarāpure dipuwaja moamorā ta āhrima. Árípehrerā ñerire iinirāre dipuwaja moadoregu Goāmū erāre apidi arīmi. ⁵ Eropirā mari oparāre yuhrique. Goāmū ĩgu dipuwaja moaborore güiro mera yuhrique. Eropirā umupeori mera “Ōaro iiro gameca yure,” arī pepiri mera ðaro yuhrique erāre. ⁶ Mua oparāre iri mohmerire apidi arīmi Goāmū. Eropirā iri mohmerire erā iicū ĩarā mua oparā ya áriburire wajaseabasaa mua erāre.

⁷ Árípehrerāre mua oparāre ðaro yuhrique. Eropirā oparā erā wajaseadorerare wajayeque mua. Eropirā oparā gajire wajayedorecū sāre wajayeque. Eropirā árípehrerā oparāre umupeoque, arāa yuhu muare.

⁸ Gajirāre wajamobircāque. Erāre mahi umupeoro gahmea. ĩgu pohro árigure mahigu Goāmū dorerire iipehocāgu āhrimi. Eropirā mua pohro árirā sāre mahiro gahmea. ⁹ Ōpa arāa Goāmū doreri: “Gajigu marapo mera ñero iirā áribircāque. Masare wejēbircāque. Yajabircāque. Gajirāre guya ñeri quere iibircāque. Gajirā yare turaro waribejabircāque,” arī werea ĩgu doreri. Gaji ĩgu doreri sã āhrra. Iri eropa áriquererā ta yujuñe doreriñere muare werebu iiaa. Ōpa āhrra: “Mū basi mahiro dopa ta mū pohro árirāre mahique,” arī werea ĩgu doreri. Mua pohro árirāre mahirā Goāmū dorerire árípehrerire yuhrirā tīaa. ¹⁰ Gajirāre mahirā erāre ñero iisome. Eropirā erāre mahi umupeorā Goāmū dorerire yuhripehorā āhrra mua.

¹¹ Eropa gajirāre mahique ðpa masirā: Jesu marire ĩgu dujariboro merogā duhyanijaa. ĩgure mari ne masinugarā ðpa arī pepiribu: “Yoara puhrague marire taugu arigucumi Jesu,” arī pepiribu. Mari eropa arī pepiquererā ta merogā duhyaa Jesu marire ĩgu taugu ariboro. Eropirā carīrā iro dopa áribircāque. ĩgu yare ðaro guñanuruque. Jesu ariboro corere ðaro pee masi yuque. ¹² Dohpaguere ñerā erā iirinuri áriro iiaa. Cristo ĩgu aririnū iri ñeri pehreroca. ĩgu ariboro merogā duhyaa. ĩgu ariboro merogā duhyacū ĩarā ñerire iibircārā mari. Eropirā Goāmū gameripure iirā mari. Eropa Goāmū yare iirā ñeripure duhucārāca mari. ¹³ Eropirā ðaripure iirā. Eropa iirā bosenuri áricū mari waribejarire ñeri iibirabircārā. Eropirā merebircārā. Eropirā nome mera ñero iibircārā. Gajirā mera game ihaturirā áribircārā. Nome sã uma mera ñero iibircāporo. ¹⁴ Eropirā mari Opū Jesucristo ĩgu itamuri mera ĩgu gamero dopa ta ðaro áricāque. Eropirā mua waribejarire ñerire ne iibircāque.

14

Mua acawererāre Jesu yarāre “Ñero iirā iima,” arī werewwabircāque, arī gojañumi Pablo

¹ Jesure umupeogure, Jesu gamerire ĩgu ðaro masinibircū dohpa, ĩgure ðaro bocatūrique. Eropa bocatūrirā Jesu gamerire ĩgu masinibircū ĩarā ĩgu masibiririre duyasobircāque ĩgure. ²⁻³ Gajirā “Goāmū árípehrerire badoremi marire,” arī pepima. Eropirā gajirāru ðaro masinibirā “Waibugu dihipure bacū Goāmū gamebeamī,” arī

pepima. Eropirā oteri dihtare bahama. “Dihire bamasia,” arīrā, “Dihire bamasibeaa,” arīrā sã erā Jesucristore umupeorā áricū ĩha Goāmũ ðarā ĩhami erāre. Eropirā “Árĭpehrerire Goāmũ badoremi,” arīrāpũ “Iri dihire bamasibeaa,” arīrāre ĩhaturibiricāporo. Eropirā dihire babirāpũ dihire barāre “Ñero iirā iima,” arī werewuabiricāporo. ⁴Mũa Jesure umupeorā yujugu dorero doca āhraa mũa. Mũa eropa áricū ĩarā mũa basi game werewuamasibeaa. Jesucristo mũa Opũ ĩgu gamerire mũa ĩbiricū ĩagu ĩgu dihta irire weresāmasimi. Mũa ðaro iicū sãre irire ĩgu weremasimi mũare. Eropigu ĩgu dorerire iirāre ðarire bocatũcũ ĩgũcumi mari Opũ.

⁵Yujurāyeri yujunũre “Irinũ dihta soorinũ gamenere Goāmũre umupeorinũ āhraa,” arī pepima. Gajirāpũ “Ũmũri nũcu gamenere Goāmũre umupeoro gahmea,” arī pepima. Eropigu ðpa werea mũare yũhu: Mũa nũcu mũa pepirire “¿Dinũ āhriri mari gamenere umupeorinũ? ¿Dinũ árĭbeari?” arī pepi masique mũa. ⁶Gajigu yujunũ iimi ĩgu Goāmũre umupeoburinũre. Eropigu ũmũri nũcu gamenere umupeobiriqueregũ, Goāmũre ðaro umupeomi ĩgu sã. Eropigu árĭpehrerire bagũ sã “Ōhaa,” arī serēmi Goāmũre. Eropigu ĩgu sã Goāmũre umupeogu ta āhrimi. Eropigu gajinore babi sã ĩgu sã umupeomi Goāmũre. Eropigu ĩgu sã Goāmũre “Ōhaa,” arī serēmi.

⁷Mari gameri dihtare iirā árĭmasibeaa mari. Cristo āhrimi mari Opũ. Eropigu mari ojocaricũ, mari sĭricũ mari Opũ āhrimi ĩgu. ⁸Dohpaguere mari ojocarirupē Cristo yare iimorā dihta āhraa mari. ĩgu yarā āhraa. Mari sĭrira pũhrũge sãre ĩgu yarā árĭniguicārāca. Eropigu mari ojocaricũ mari sĭricũ sãre Cristo mari Opũ ta āhrimi. ⁹Eropa ta āhraa. Cristo sĭri, masa mũria, ojocarimi sĭrinirā sãre erā opũ árĭbu.

¹⁰¿Duhpirā mũa acaweregure Jesu yagure “Ñero iigu iimi,” arī werewuadiari mũa? ¿Duhpimorā mũa acaweregure curadiupidiari mũa? Mari árĭpehrerā Cristo core mari nigucũ ĩgũpũ mari iirare masipehogu, mari iirare ĩagũcumi. ĩgu eropa ĩabu ĩgu árĭcũ mũa acaweregure “Ñerire iigu āhrimi,” arī werewuabiricāque. ¹¹Goāmũ yare erā gojarapũgue ðpa arī gojañuma:

Opã arĭmi mari Opũ: “Yũhu ojocarigu āhraa. Iri diaye ta āhraa. Eropirā árĭpehrerā yure gamerā, gamebirā sã yũ core merejarācoma. Eropirā árĭpehrerā ‘Mũhu turagu gũa Goāmũ ta āhraa,’ arī, yure umupeorācoma,” arĭmi mari Opũ, arī gojañuma.

¹²Eropigu mari árĭpehreri mari iirare Goāmũ serēpigũcumi. ¿Duhpirā eropa iari? arī serēpigũcumi. ĩgu eropa serēpicũ yũhrirāca mari.

Mũa acaweregũ ñero dujacũ ĩbiricāque mũa, arī gojañumi Pablo

¹³Eropirā mari mera majarā sãre “Ñerā āhrima,” arī werewuabiricārā. Eropirā mari acaweregure Jesu yagure ñero dujacũ ĩbiricārā. ĩgu Goāmũ yare duhucũ ĩbiricārā.

¹⁴Yũhu Jesucristo yagu āhraa. Eropigu ðpa ðaro masia yũhu: “Árĭpehreri Goāmũ ĩgu badorera āhraa,” arī masia. Gajigũpũ eropa arĭmasibeami. ĩgũpũ gajinore bagũ “Ñero iigu iiaa,” arī pepimi. Eropiro ĩgu irire arī pepiqueregũ bagũ diaye ta dipuwajacũgu dujami. ¹⁵Iri diaye ta āhraa. Mũa dihire mũa bacũ mũa acaweregũ “Iri Goāmũ badorebirira āhraa,” arĭgũpũ ĩhacũbocumi mũare. Eropigu irire bagũ, “Ñero iigu iica yũhu,” arī wũaro guñaricubocumi ĩgu. Eropirā mũa bari mera ĩgu ñero pepicũ ĩha irire dipaturi babiricāro gahmea mũare. Mũa muraro ta bagũ mũ acaweregure umupeosome. Mũa acaweregũ yañe árĭborañe sãre sĭridi árĭmi Jesucristo. Eropirā mũa irire badiaquererā mũa acaweregure Goāmũ yare duhucũ ĩbiricāque. Eropirā irire babiricāque. ¹⁶“Ire gũa eropa iicũ ðapũricāca,” mũa arī pepiquerecũ gajirā mũare ĩha werewuabocoma. Erā eropa werewuacũ ĩarā dipaturi irire inemobiricāque guare werewuari arīrā. ¹⁷Goāmũpũ mari opũ āhrimi. ĩgu eropa árĭcũ, mari badiari mari ĩhridiari sã eropa árĭcāro iiaa. Bu gohra āhraa. Eropiro mari Opũ ĩgu dorerire ðarire mari iicũ iri ðari gohra árĭro tiiaa. Eropiro gajirā mera mari ðaro árĭcācũ ðari gohra árĭro iiaa. Eropiro Espĭritu Santo ĩgu itamuri mera mari mucubiricũ ðari gohra árĭro iiaa. ¹⁸Eropa ta Cristo yare ðarire iicũ ĩarā Goāmũ sã, masa sã “Ōaro iiaabũ mũhu,” arĭrācoma.

¹⁹Eropa ta iirā mari tamera mari ðaro árĭcāborore, mari basi mari game itamuburire. Eropa ĩricurā Jesure umupeonemorāca. ²⁰Eropirā mũa bari mera Jesu yarāre Goāmũ yare duhucũ ĩbiricāque. Gajigu Jesu yagu “Goāmũ badorebirira bari āhraa,” ĩgu arĭra barire mũa bacũ ĩagu ĩgũpũ Goāmũ yare duhubocumi. Eropirā irire babiricāque. Diaye ta árĭpehreri bari Goāmũ ĩgu badorera bari āhraa. Iri eropa árĭquerecũ gajigu “Iri barire Goāmũ badorebeami,” arī pepimi. Eropigu mũa iri barire bacũ ĩagu ĩgũpũ ĩhacũ babocumi ĩgu sã. Eropa bagũ “Ñero iigu iiaa,” arī pepi Goāmũ yare duhubocumi.

Eropirā marire ĩġu ĩhacū bacū ĩirā mari sā ñero ĩirā tĩaa. Eropirā iri barire babiricāro gahmea marire. ²¹ Waimurā dihire mua bacū vinore mua ĩhricū ĩaġu, ġajġu Jesu yaġu ĩabocumi. Eropa ĩaġu ĩhacū babocumi daja. "Irĩre baġu ñero ĩiġu ĩica yuġu," arĩ pepibocumi. Eropa arĩ pepiġu tamera baġu ñero ĩiġu ĩimi. Eropirā ĩġu ñero ĩġu ĩibiriborore waimurā dihire, vino säre muarū ba duhucū ðacāroca. Jesure ĩġu umupeo duhubiriborore ĩibiricāro gahmea marire. ²² Eropirā mua baburire, ĩhriburire game ðayasobiricāque. "Árĩpehreri barire Goāmū marire badorediġu árĩmi," arĩ pepirā irire Goāmū dihtare wereque. "Ñerire ĩibiġu, ðaro ĩiġu ĩica," ĩġu pepirigüe arĩ masiġu mucubirigū āhrimi. ²³ Ģajġarū iri barire baġu, "Ñero ĩiġu ĩiboca yuġu," arĩ pepiġu árĩquereġu iri barire baġu, dipuwajacūġu āhrimi ĩġu. ĩġu ta "Ire baġu ðaye ta ðarire ĩiġu ĩiaa," ĩġu pepirigüe arĩmasibeami. Eropa arĩmasibiġu irire baġu, ĩġu bara waja dipuwajacūmi ĩġu. "Óarire ĩiġu ĩiaa," arĩmasibiriniġu irire ĩiġu dipuwajacūġu āhrimi.

15

Mari pohro árĩräre ðaro umupeorā, arĩ gojañumi Pablo

¹ Eropirā Jesucristore ðaro mari umupeorāpū, ðaro umupeoturabiräre itamuro gahmea. Eropirā mari ya árĩburi dihtare ĩibiricāro gahmea. ² Mari pohro árĩräre erā gamero dopa ta ĩiro gahmea erā ðaro árĩcāborore. Goāmure erā ðaro ġuñaturanemoburire ĩiro gahmea. ³ Jesucristo sā ĩġu ya dihtare ĩibiridi árĩmi. Eropa ta arāa Goāmū yare erā gojarapū. Ópa arĩ gojañuma: "Cristo ópa arĩmi Goāmure: 'Muarū ñero wereniġuĩonirā yurūre ñero wereniġuima,' arĩmi Cristo Goāmure," arĩ gojañuma iribojegure. ⁴ Iribojegue erā Goāmū yare gojañuma mari ðaro buheborore. Eropirā iri erā gojarapūre buherā siporā turarā wahaa mari. Eropa buherā ñero tarirā yujuro bojerāca. ⁵ Goāmū muare turacū ĩiġu siporā turacū ĩiġu muare game ðaro árĩcācū ĩiporo Jesucristo ĩġu gamediro dopa ta. ⁶ Eropa ta ĩiporo ĩġu mua árĩpehrerā yujuro mera Goāmure umupeoborore, mari Opū Jesu Paġure "Óaġu āhrimi. Turagū āhrimi," mua arĩborore.

Judio masa árĩbiräre ðari buherire wereniġama, arĩ gojañumi Pablo

⁷ Cristo ĩġu muare ĩidiro dopa ta mua mera majaräre ðaro game bocatĩrique. Mua eropiicū ĩarā "Diaye ta Goāmure óaġu masa yujuro mera ðaro árĩcācū itamuġu āhrimi," arĩ ĩarācoma masa. ⁸ Muare ire arĩġu ĩiaa: ĩġu Paġu ĩġu arĩ werediro dopa ðaye ta ĩiġu ĩġu árĩcū ĩhmugū, judio masare itamubu aridigū árĩmi Cristo ĩ yebagure. Eropiġu Goāmū Abrahā säre arĩ werepidiro dopa ta ĩiġu aridigū árĩmi. ⁹ Masare Cristo ĩġu itamucū ĩġu Paġu Goāmū mojomoro ĩaġu ĩidigū árĩmi eräre. ĩġu eropa mojomoro ĩacū ĩarā judio masa árĩbirā sā Goāmure "Óaġu āhrimi. Turagū āhrimi," arĩ umupeoma dohpagure. Erā säre ĩġu yarā árĩcū ĩiġu aridigū árĩmi Cristo. Goāmū yare erā gojarapūġue eropa ta arĩ gojañuma:

Cristo ópa arĩmi ĩġu Paġure: Judio masa árĩbirā watope mre umupeogura. "Goāmū óaġu āhrimi," arĩġura. Eropiġu erā watope bayagū mū ya árĩburire bayagura, arĩmi Cristo ĩġu Paġure, arĩ gojañuma iribojegure.

¹⁰ Eropirā ópa arĩ gojañuma daja:

Goāmū ĩġu beyenirā mera judio masa mera game mucubirique mua sā judio masa árĩbirā, arĩ gojañuma iribojegure.

¹¹ Eropirā ópa arĩ gojañuma daja:

Judio masa árĩbirā árĩpehrerā Goāmure umupeoporo. Eropirā árĩpehrero majarā ĩġure "Óaġu āhrimi. Turagū āhrimi," arĩ umupeoporo, arĩ gojañuma.

¹² Eropiġu Isaia marū sā ópa arĩ gojañumi:

Davi paġu Isaí marū pārami árĩturiagū arigūcumi. Eropa arĩġu judio masa árĩbirā tauro opu arĩġucumi ĩġu. Eropirā erāpū ĩġure umupeorā eräre peameġue waboniräre ĩġu tauborore masirācoma, arĩ gojayuñumi iribojegure.

¹³ Goāmū marire taugū árĩbu ðaro muare mucubiricū ĩiporo. Eropiġu Jesure mua ġuñaturacū muare ðaro árĩcācū ĩiporo ĩġu. Muare ĩġu eropiicū "ĩġu pohro mari warāca," arĩ mucubiri masinemorāca mua Espĩritu Santo ĩġu turari mera, arāa yuġu muare.

¹⁴ Yu acawererā, ðaro mera muare ġuñaa. Mua ðarā āhraa. Eropirā Jesu yare ðaro masia. Eropa masirā mua mera majaräre game ðaro were, buhemasia. ¹⁵ Mua eropa masirā mua árĩquerecū ta ĩpūġure muare ġūiro mariro irire ðaro werepehobu yuġu erāġue cāġijiri arĩġu. Goāmū yure mahiġu muare buhedoreġu apimi yure. Eropiġu ĩġu apidiro dopa ta muare ġuñacū ĩiġu ĩiaa. ¹⁶ Yure ĩġu apicū Jesucristo yare ðari

buharire judio masa árĭbiräre buhea yuĥu. Eropä buhecü peerä judio masa árĭbirä Jesure umupeoräcoma. Erä eropa umupeocü ĩagü Goämu eräre “Öarä ährima,” arĭ ĩagücumĭ. Eropĭgü eräre gamegücumĭ. Eropĭgü Espĭritu Santopü Goämu yarä wacü ĩigücumĭ eräre.

¹⁷ Eropĭgü Jesucristore umupeogü árĭgü Goämu yure buhedore apirare mucubiriri mera werea masare. ¹⁸⁻¹⁹ Judio masa árĭbiräre Cristo itamuri mera eräre yu buhecü peerä, Cristore umupeoma. Eropĭrä masa árĭbiräre buhea yuĥu. Eropä buhecü peerä judio masa árĭbirä Jesure umupeoräco yu öaro iicurire ĩarä, Goämu turari mera yu deyoro moarare ĩarä, Espĭritu Santo ĩgü turari mera erä Cristore umupeoma. I árĭpehrerire muare diaye werediaca. Gajĭrä erä ĩirare werebeaa. Jerusalänge ne yu buhenägara püĥru árĭpehreri macarĭgue buhe curĭbu. Yoarogue, ĩliria yebague säre Jesucristo ya buharire öari buharire buhegu ejabu. ²⁰ Eropĭgü Cristo yare masĭbirä dihtare öari buharire turaro buhedĭabu. Yu mera majarä erä buhenĭraguere buhedĭabirĭbu. ²¹ Eropä arĭ gojañuma Goämu yare erä gojarapüguere. Öpa arĭ gojañuma:

ĩribojegue ĩgure ne masĭbirinirä ĩgure masĭräcoma. Eropĭrä ĩgure ne peebirinirä ĩgü yare öaro peeräcoma, arĭ gojañuma Goämu yare erä gojarapügue.

Pablo Romague ĩgü waborore wereñumi

²² Eropĭgü árĭpehrero majaräre buhegu árĭgü bajasuburi müa pohro wadiaqueregu ta wamasĭbirimärabu. ²³ Dohpaguere ĩ yebaguere a árĭbirä Jesure umupeoräcoyu mohmeri pĥeera wahaä. Eropä pĥrecü ĩagü baja bojori müa pohro wadianĭguĭgü árĭgü, müa pohrogue wagara. ²⁴ Eropĭgü Espāñague wagu müare ero ĩĥatari wahgägüra. Eropĭgü müa mera mucubirigüra. Eropĭgü müa mera árĭdĭgü wagu müa yure itamuri mera wagüra daja. ²⁵ Dohpaguere Jerusalänge wanĭbu ĩiaa. Ero majaräre yu acawereräre Jesu yaräre niyeru sonĭgu wagu ĩiaa. ²⁶ Macedonia majarä, Acaya majarä, öaro mera Jesu yarä Jerusalänge árĭräre mojomoröuräre niyerure obeoama eräre itamurä. Eropĭgü eräre obeorare sogu wagu ĩiaa. ²⁷ ĩri niyerure orä öaro mera öháma. Erä eropiicü öapürĭca yu pepicü. Eräre judio masa árĭbiräre, gúa judio masapü Goämu yare buhemüĥtabu. Eropĭrä eräre ĩgü tauboro säre buhemüĥtabu gúa judio masa eräre. Gúa eropa buhecü ĩagü, Macedonia majarä, Acaya majarä mera judio masapüre Jerusalén majaräre itamucü öapürĭca yure. Eräre erä buhara waja äĥraa ĩri niyeru yu pepicü. ²⁸ Eropĭgü Jerusalén majaräre ĩri niyerure yu ora püĥru Espāñague wagüca. Erogue wagu müare ĩĥatari wahgägüra. ²⁹ Eropĭgü müa pohrogue yu wacü Cristo yare yu müare buhecü Cristo marire öaro sĭporäcücü ĩgücumĭ.

³⁰ Müa, yu acawererä, mari Öpüre Jesucristore umupeoa. Eropĭrä Espĭritu Santo ĩgü turari mera gajĭräre umupeoca müa. Müa eropiirä árĭrä yu säre turaro serëbasaque Goämure. ³¹ Öpa arĭ serëbasaque: Judea yeba majarä Jesure umupeobirä yure erä ñero ĩidiacü Goämu yure itamuboro dopa serëque. Eropĭrä Jerusalén majaräre ĩri niyerure yu ocü erä ĩrĭre mucubiriri mera erä ñeaboro dopa serëque. ³² Müa eropa serëcü Goämu gamecü mucubiriri mera müa pohrogue wagüca. Eropĭgü müa mera árĭgü mucubiriri mera soogüra. ³³ Goämu marire öaro árĭcägü ĩgü müa mera árĭporo. Eropä ta ĩiporo.

16

Pablo öadoreñumi

¹ Mari acawerego Febe waĭcugo müa pohrogue wabo ĩimo. Igo Cencrea waĭcürĭ macague Jesu yaräre itamugo ährimo. ² Eropĭgo bajaräre yu säre itamugo ährimo ĩgo. Eropĭrä müa ĩgo mera yujuro mera mari Öpüre umupeorä äĥraa. Eropĭrä ĩgore öaro mera bocatĭrique. Eropä ta ĩiro gahmea marire Jesu yaräre. Eropĭrä ĩgore ĩgo gamerire gajĭno duhyacü ĩgore oque müa.

³ Aquila, ĩgü marapo sä Priscila sä öaporo. Jesucristo yare yu buhecü erä sä yu mera mohmeama. ⁴ Eräre mero wejëbocurima gajĭrä erä yure wejëdiacü itamuri waja. Eropĭgü erä mera mucubirĭa yuĥu. Eropĭrä judio masa árĭbirä Jesu yarä árĭpehrerä erä sä erä mera mucubirĭma. ⁵ Eropĭrä Aquila ya wihi gamenererä sä Jesu yarä öaporo. Yu mahĭgu Epenéta sä öaporo. ĩgü Asia majagu ero árĭgü Cristore umupeomüĥadĭgü árĭmi. ⁶ María sä öaporo. Igo müa mera turaro mohmeapo. ⁷ Yu acawererä Andrónico, Junia sä öaporo. Peresu yu árĭcü erä ta yure wapĭcünirä äĥrama. Eropĭrä yu core Cristore umupeonügañorä eräpü. Gajĭrä Jesu ĩgü apĭniräpü eräre “Diaye ta öarä ährima,” arĭ werenĭguima.

⁸ Amplia sã yu mahigu Jesu yagu ahrimi. Igu ðaporo. ⁹ Eropigu Urbano sã ðaporo. Igu sã mari mera Cristo ya arĩburire mohmeami. Eropigu yu mahigu mera majagu Estaqui ðaporo. ¹⁰ Eropigu Apele sã ðaporo. Igu diaye ta ðaro Jesucristore umupeomi. Igu iiricurire iarã irire masia mari. Eropirã Aristóbulo ya wihi majarã arĩpehrerã igu marapo Igu porã sã ðaporo. ¹¹ Yu acaweregu Herodiõn ðaporo. Eropirã Narciso ya wihi majarã Jesu yarã ðapehrecãporo. ¹² Eropirã Trifena, Trifosa sã ðaporo. Erã nome mari Opu Jesu mohmerire iama. Mari mahigo Pérsida sã ðaporo. Igo mari Opu Jesucristo yare turaro mohmemo. ¹³ Eropigu Rufo mari Opu Jesure ðaro umupeogu, Igu yare ðaro iigu ðaporo. Igu pago sã ðaporo. Igo yu pago iro dopa ta arĩgo ahrimo. ¹⁴ Asíncrito, Flegonte, Herma, Patroba, Herme, gajirã Jesu yarã erã mera majarã sã ðaporo. ¹⁵ Eropirã Filólogo, Julia, Nereo, igu pagu mago sã Olimpa, gajirã erã mera majarã sã Jesu yarã ðaporo.

¹⁶ Eropirã mua mera majarãre bocatĩrirã mucubiriri mera mojoto ñeaque. Arĩpehrerã Jesu yarã arĩpehrero majarã muare ðadorema.

¹⁷ Yu acawererã, mua mera yujurãyeri muare game ihaturicũ iirã game duca waricũ iirã arĩcoma. Eropirã muare Jesu ya buherire goroweoma. Eropirã eropa iirãre ðaro iique goroweori arĩrã. Eropã arĩrãre wapicubiricãque. ¹⁸ Eropã iirã mari Opu Jesucristo yare iibeama. Nerire erã uaribejari dihtare iima. Eropirã ðaro wereniguirã iro dopa guyama masibirãre erã. Erã eropa guyacũ erãre ðaro peenurama. Eropirã erãre wapicubiricãque mua. ¹⁹ Muapu Jesure ðaro yuhrirã ahraa. Irire arĩpehrerã masima. Eropã ðaro mua yuhrirã mua arĩcũ pee mucubiria yuhu. Eropigu ðaro mua iiborore masicũ gahmea yuhu. Eropigu ne ñeri sãre mua iibiricũ gahmea yuhu. ²⁰ Eropigu Goãmu marire ðaro arĩcãcũ iigu merogã puhru watire tarinugagu iibasagucumi muare. Mari Opu Jesucristo ðaro muare itamuniguicãporo.

²¹ Timoteo yu mera majagu muare ðadoremi. Yu acawererã Lucio, Jasõ, Sosípate muare ðadorema.

²² Yuhu Tercio ipũre gojabasagu ahraa Pablora. Yuhu Jesu yagu arĩgu mua Jesu yarãre ðadorea.

²³ Gayo ya wihi arĩcãgu iiaa yuhu Pablo. Igu ya wihigue Jesu yarã gamenerema Goãmure umupeomorã. Igu sã muare ðadoremi. Eropigu Erasto i maca majarã oparãre niyeru dibubasagu muare ðadoremi. Mari acaweregu Jesu yagu Cuarto sã muare ðadoremi.

²⁴ Mari Opu Jesucristopu muare arĩpehrerãre ðaro iiporo. Eropã ta iiporo.

Pablo Goãmure umupeori mera gojatuñumi

²⁵⁻²⁷ Mari Opu Jesucristo ya buheri mera ðari buheri mera Goãmũ muare igure guñaturanemocũ iimasimi. Iribojegue iri ðari buheri ne masa masibiriri buheri arĩriyoro. Dohpaguere Goãmũ yare weremũhtanirã erã gojara mera iri buherire masidoregu iimi. Yu sã irire buhea. Iri buherire arĩpehrero majarã dohpaguere masima. Goãmũ eropa arĩniguicãgu dorero dopa ta erã masima. Iri buherire igu ta weredorepu masa igure erã yuhriborore, igure erã umupeoboro sãre. Eropirã igure “Diaye ta ðagu, turaga ahrimi,” arĩ umupeorã. Igu yujugu ta Goãmũ ðaro masipehogu ahrimi. Jesucristo igu itamuri mera Goãmure eropa umupeoniguicãrã mari. Eropã ta iirã. Iripãta ahraa.

1 Corintios

Pablo Goāmũ yaräre Corinto majaräre gojabeoñumi

¹⁻² Yũhũ Pablo, Jesucristo yare ñgu buhedore apidigu ãhraa. Goāmũ ñgu gamero dopa ta Jesu ñgu apibure yare beyepũ ñgu. Sostene Jesu yagu mari acaweregu mera muare Goāmũ yaräre Corinto majaräre gojabeoa gua. Jesucristo mera majarã mua áricũ Goāmũ yarã árimoräre beye aĩdi árimi Jesucristo muare. Eropirã áripehrero majarã gajirã mari Opũ Jesucristore sererã árirã, erã sã Goāmũ yarã ta áhrima. Jesucristopũ erã opũ mari Opũ sã áhrimi. ³ Eropirã Goāmũ mari Pagũ, mari Opũ Jesucristo mera muare ñadoreã. Ñgu itamuri mera ñaro árique mua.

Jesucristopũ muare ñaro iibasadigu árimi Goãmure, arĩ gojañumi Pablo

⁴ Jesucristo muare ñaro iibasadigu árimi Goãmure. Ñgu eropa iicũ ñagu, Goãmure yũ mahigure, Ñhaa,” arãa yũhũ umuri nucũ. ⁵ Cristo yarã mua áricũ ñagu Goãmupũ muare ñaro áricũ iimi. Eropigu ñgũpũ ñgu yare muare gajiräre weremoräre iimi ñgu. Eropigu ñgu, ñgu yare ñaro masicũ iimi muare. ⁶ “Cristo muare ñaro iigucumi,” muare gua arĩ werediro ta wahabu muare Cristo yarã mua wacũ. ⁷ Eropigu áripehreri ñgu ya áriburire mua iimasicũ iimi Goãmũ muare. Eropiro ne ñahyabeaa muare. Mari Opũ Jesucristo i yebague ñgu dujariborore mua corerisubũ Goãmupũ muare eropa itamuniguicãgucumi. ⁸ Eropigu Jesucristopũ mua ñgure umupeoniguicũ iigu áhrimi. Ñgu eropa áriñgu áricũ muapũ i umũ pehrecũ mua ñeri iira dipuwaja moorã áricũ iigucumi. ⁹ Goãmũ “Ñpa iigara,” ñgu arĩdiro dopa ta ñgu iimi. Eropigu ñgu, ñgu magũ mari Opũ Jesucristo mera yujuro mera árimoräre marire beyedi árimi.

Jesu yarã Corinto majarã erã game ñuca warirare Pablo arĩ gojañumi

¹⁰ Yũ acawererã, mari Opũ Jesucristo ñgu dorero mera muare burigã serẽbu iiaa: Mũa basi game ñuyasobiricãque. Eropirã mua basi game ñuca waribiricãro gahmea. Yuju curu ta árique mua. Eropirã yujuropa ta ñaro áringuicãque. Eropa iirã mua iiburire pepirã, yujuropa iique mua. ¹¹ Yũ acawererã, mua basi game ñuyasorã iayoro mua. Eropa arĩ wereama Cloé ya wihi majarã yare. ¹² Gajirã mua mera majarã ñpa arãñorã: “Pablo ya curu majarã áhrraa gua,” arĩ wereniguaiyoro gajirã mua. Eropirã gajirã “Apolo ya curu majarã áhrraa gua,” arãyoro gajirã. Eropirã gajirãpũ daja, “Pedro ya curu majarã áhrraa gua,” arãyoro mua. Eropirã gajirãpũ daja, “Gua tamera Cristo ya curu majarã áhrraa gua,” arãyoro mua. ¹³ Mũa eropa arĩquerecũ ta yũhũ ñpa werea muare: Cristo ya curu majarã yuju curu ta áhrraa mari. Eropirã mari basi yujurãyeri ñuca warimasibeeã mari. Yuju curu ta árirã iiaa mari. Yũhũ Cristo áribeaa. Ñgu iidiro dopa mua ya dipuwajare crusague siriidigu áribeaa. Eropigu muare gajigu waĩyegu yaha waĩ mera waĩyebeari. Cristo ya waĩ mera waĩyecumi muare. ¹⁴ Muare mua mera majarã sãre waĩyebiribũ yũpũ. Crispore, Gayo sãre erã dihtare waĩyebũ yũhũ. “Pablo waĩyenirã dihta áhrraa,” arĩmasibeeã mua. Eropigu gajiräre waĩyebiridigu yũ áriñgu “Ñhaa,” arĩ pepia Goãmure. ¹⁵ Bajarã masare waĩyedigu yũ áricũ “Pablo ya waĩ mera ñgu waĩyemi guare,” arĩboaya mua. Eropa arĩrã Jesucristore umupeobirã mua yũpũre umupeoboaya. Eropigu irire gamebirabu. ¹⁶ Estéfana ya wihi majarã sãre waĩyebũ yũhũ. Erã nucũ ta waĩyebũ yũhũ. Gajirã yũ waĩyeniräre guñabirica. ¹⁷ Cristo yare obeogu, gajiräre waĩyebure apibirimi ñgu yare. Ñari buherire werebupũre apimi ñgu yare. Iri ñari buheri “Cristo ñgu crusague siriñumi,” arĩ buheri masare gohrotori buheri áhrraa Goãmũ yare erã iiburire. Eropigu yũhũ irire buhegu gajigu ñaro masitarigu iro dopa buhebeaa. Masa erã masiri mera buhebeaa. Yũhũ eropa yũ ejatuharo mera buhecũ mua ñari buheripũre umupeobiriboaya.

Goãmũ ñgu turarire ñgu masiri sãre opagu áhrimi Cristo, arĩ gojañumi Pablo

¹⁸ Peamegu dederemorãpũ iri buheri “Cristo crusague ñgu siriidi árimi,” arĩ buherire peerã ñpa arĩma: “Pee masibirã ya buheri áhrraa,” arĩmaacãma. Maripũ Cristo ñgu taumorã árirã ñpa arãa: “ ‘Crusague ñgu marire siriidi árimi,’ arĩ buheri tura áhrraa. Iri buheri mera Goãmũ marire gohrotomi,” arãa mari. ¹⁹ Eropa ta arĩñumi Goãmupũ ñgu yare erã gojarapũgue:

Eropirã i yeba majarã masare “Ñaro masirã áhrraa,” erã basi arĩräre erã masiripũ duhpiburi áribeaa, arĩ ñhmuñca yũhũ, arĩñumi Goãmũ.

²⁰ Eropirã i yeba majarã ñaro masirã duhpimorã áribeama. Erã pepiro dopa buherã sã duhpimorã áribeama. Dohpaguere wereniguimehrerã sã duhpimorã áribeama. I yeba

majarā “Ōaro masirā āhrima,” arīnirā erā arīquerecū ta “Pee masibirā erā āhrima,” arī ĩhmumi Goāmū erāre. ²¹ Goāmū tamera ōaro masigu āhrimi. Īgu eropa arīcū i yeba majarā erā ya masiri mera Goāmū yare ne masisūya mariroca erāre. Goāmū “Erā masiri mera yare masisome,” ĩgu arīdiro dopa ta eropa wahabu erāre. Ōpa arīñumi: “Yaha ōari buherire werēcū masa yare masirācoma,” arīñumi. Eropigu “Iri buheri pee masibirā ya buheri āhria,” gajirā arīquerecū, gajirāpūre erā ōari buherire peerāpūre Goāmū taumi. Cristore erā umupeocū ĩagu “Erāre peamegue wabonirāre taugura,” arīmūhtapu.

²² Judio masa deyro moarire ii ĩhmudorema erā iri buherire umupeoboro core. Eropirā griego masa judio masa arībirā arīrāpū erā pepiro dopa buhecū gahmema. ²³ Maripū “Jesucristo mari ñeri iira dipuwaja crusague sīridi arīmi,” arī buherire buhea mari. Iri buherire peerā judio masapu gamebeama. Eropirā iri buherire judio masa arībirāpū “Pee masibirā ya buheri āhria,” arīma. ²⁴ Goāmū ĩgu yarā arīmorā ĩgu beye aīnirāpū iri buherire pee ōpa arī masima: “Goāmū masipehogu turagu āhrimi. Biste marire sīribasara mera marire peamegue wabonirāre Goāmū taumi,” arī masima. Erā judio masa, judio masa arībirā sā eropa arī masima Jesu yarā arīrā. ²⁵ Goāmū ōaro masipehogu āhrimi. “Goāmū pee masibigu āhrimi,” masa arī pepiquerecū ta i yeba majarā tauro ōaro masipehogu āhrimi. Eropigu “Turabigu āhrimi,” masa arī pepiquerecū ta erā wegague turatarinugagu āhrimi ĩgu. ²⁶ Yū acawererā, Goāmū mūare ĩgu beyeboro core mūa arīmūhtarare guñaque. I yeba majarā “Ōaro masirā āhrima,” erā arīnirā watopegue Goāmū mūare bajamerāgā dihtare beye aīdi arīmi. Eropirā masa tūrā oparā sā arīnirā bajamerāgā āhria mūa Jesu yarā. ²⁷ I yeba majarā “Pee masibirā āhrima,” erā arīnirā watopepūre mūare Goāmū beye aīdi arīmi. Eropa beyedi arīmi “Ōaro masirā āhrima,” erā arīnirā erā masibirā dujaboro dopa. Eropigu i yeba majarā “Turabirā, doyarā āhrima,” erā arīnirāre Goāmū aīdigu arīmi doyarāpū erā doyarā dujaro dopa. ²⁸ Masa erā ĩadiabirāre “Duhpimorā arībeama,” arīma. Erā eropa arīnirāre bu arīrāre Goāmū ĩgu yarā arīmorāre aīdigu arīmi mūare. Eropa aīgu i yeba majarā oparāre, guhyadiarāre, “Guapu bu arīrā āhria,” erā arīcū iigu iimi Goāmū erāre. ²⁹ ĩgu eropa iicū i yeba majarā ne yujugu ĩgu gamero mera “Yū tamera turagu, ōaro masigu āhria,” arī tarinugamasibeami Goāmū ĩgu ĩacū. ³⁰ Goāmūpū marire Jesucristo yarā arīcū iimi. ĩgu yarā arīrā umuri nucu Goāmū mera arīrāca mari. Jesucristopū Goāmūre ōaro masicū iimi marire. Eropigu mari ñerire cōagu marire ōarire gehrotocū ĩgu āhrimi. Eropigu marire peamegue wabonirāre taubu āhrimi. ³¹ ĩgu eropa iicū Goāmū yare erā gojarapū ĩgu arī gojadiro dopa ta eropa wahaa. Ōpa arī gojañuma: “ ‘Yū gamero masipehogu āhria,’ arīgu irire arībiricāporo. Ōpa arīporo: ‘Mari Opupū masipehogu ta āhrimi,’ arīporo ĩgu,” arī gojañuma Goāmū yare erā gojarapūgue.

2

Cristo crusague ĩgu sīrira buheri āhria i, arī gojañumi Pablo

¹⁻² Yū acawererā, mūa pohro wabu ōpa arī pepibū yūpū: “Erā mera arīgu Jesucristo crusague sīridigu waipeo ĩgure erā masiburi dihtare buhegura erāre,” arī pepibū mūare. Eropigu mūa pohro arīgu Goāmū yare mūare buhebu. Goāmū yare mūare buhegu, weretarinugagu iro dopa “Masitarigu āhria,” arī buhegu ĩbiribū. ³ Eropigu mūa mera arīgu bu arīgu iro dopa arībū yūhū. Eropigu yare umupeori arīgu doyañariro dopa buhebu yūhū. ⁴ Eropigu Goāmū yare buhegu “Masipehoa yūhū,” arīgu weretarinugagu iro dopa buhebiribū. ĩgu yare buhecū Espiritu Santo ĩgu turari mera mūare iri buherire umupeocū iimi. ⁵ Eropa ta arī buhebu yūhū mūare masa erā gamero erā ya masiripūre mūa gamebiriboro dopa. Goāmūpūre mūa umupeoburire eropa arī buhebu yūhū “Goāmū turagu āhrimi,” mūa arīboro dopa.

Espiritu Santopū Goāmū ĩgu arīricarire buhemi marire, arī gojañumi Pablo

⁶ Eropirā Goāmū ya buherire Jesure ōaro umupeorāguere werea guā. Iri buheri masiri ta āhria. I umū maja masa erā gamero erā masiri iro dopa arībeaa i mūare guā buheri. I yebare dorerā ya masiri sā arībeaa. Erā masiri i umū mera pehrero ĩaa. ⁷ Goāmū ya masiripūre werea. Iribojegue i buherire ne masisūya mariyoro. Negohraguere mari ōaro arīborore Goāmū arī pepituhajamūripū. Marire peamegue wabonirāre ĩgu tauborore, ĩgu mera mari arīboro sāre “Masare eropa ta iigura,” arī pepiyupū. ⁸ ĩgu masare ōaro arī pepirare i umūre dorerā masibiriñuma. Irire ōaro

masirã, mari Opure Goãmũ magũ gohrare crusague pabia wejẽbiriboañuma erã. ⁹ Erã eropa masibirare Goãmũ yare erã gojarapũgue opa ãhrra:

Árĩpehrerã Goãmũre mahirã ya áriburire Goãmũ ðaro amubasayutuhapu. Iri ĩgu amubasarapũre masare masima masiya mara. Ne gajino iro dopa ãaya mara irire, arãa Goãmũ yare erã gojarapũgue.

¹⁰ Iri eropa arĩquerecũ ta Espĩritu Santopũ Goãmũ yare, masisũya marirare masicũ iimi marire. Árĩpehreri Goãmũ yare ĩgu pepira sãre Espĩritu Santo masipehomi. Eropa masigu ĩgu marire irire masicũ iimi.

¹¹ Ne gajirãpu masũ ĩgu pepirire masibeama. Masũpu ĩgu seyaro ĩgu guñarigue ĩgu pepirire masimi. Eropa ta masa Goãmũ ĩgu pepirire ne masibeama. Espĩritu Santo dihta ĩgu pepirire masimi. ¹² Eropirã mari Jesu yarã árĩrã erã i umũ majarã Jesu yarã árĩbirã erã pepiro dopa pepibea. Goãmũ ĩgu Espĩriture ohomi maripũre ĩgu pepiro dopa mari pepiburire. ĩgu marire ðaro ĩgu orare masicũ iimi Espĩritu Santopũ. ¹³ Eropirã Goãmũ yare mũare buherã, masa ya masiri mera gua gamero buhebea gua. Espĩritu Santo ĩgu gamero dopa ĩgu guare wereniguideripũre mũare buhea. Eropa buherã Espĩritu Santo gamero dopa Goãmũ yare ðaro buhea gua ĩgu yarãre.

¹⁴ Espĩritu Santore opabirãpu irire Espĩritu Santo yare erãre buhecũ, “Pee masibirã werenigui ri ãhrra,” arĩma erã. Eropirã gamebeama. Espĩritu Santo ĩgu itamuro mariro ĩgu yare masima masiya mara masare. Eropirã erã ĩgu yare ne masibeama. ¹⁵ Espĩritu Santore oparãpu Goãmũ yare ðaro masima. Gajirãpu erãre “Pee masibirã ãhrima,” arĩmasibeama Espĩritu Santore oparãre. ¹⁶ Opa arãa Goãmũ yare erã gojarapũgue: “Ne yujugu ĩgu gamero mera marĩ Opũ ĩgu guñarire masigu ne marimi. Eropirã ĩgũre masa ne buhemasibeama,” arãa ĩgu yare erã gojarapũgue. Maripũ Cristo yarã árĩrã, Cristo iro dopa masia.

3

Jesu yarã yujuro mera Goãmũ mohme corerã ãhrima, arĩ gojañumi Pablo

¹⁻² Yũ acawererã, mũare buhegu Espĩritu Santore ðaro yũhrirãre yũ buhediro dopa buhemasibiribũ mũapũre. Mũa pepiri Espĩritu Santo opabirã pepiro dopa árĩbũ. Cristo yarã mũa arĩquererã ta ĩgũre ðaro yũhrirã árĩbirã majirãgã erã pee masibiro dopa ta Goãmũ yare ðaro pee masibiribũ mũapũ dohpa. Eropa mũa pee masibiricũ ĩagu Goãmũ yare ðarire buhenemomasibiribũ mũare. Eropigu majirãgãre apico dihtare mari oro dopa ta diasabiriri buheri dihtare buhebu daja mũare. Dohpague sãre mũararo ta masinibeaa dohpa mũa. ³ Opa irã iiaa mũa Espĩritu Santore yũhribirã. Mũapũ mũa mera majarãre ãdiabirã, erã gajinore opacũ ĩhaturirã, mũa basi yujurãyeri cururi Yũ acawererã, mũare buhegu Edũca warirã iiaa. Eropirã Espĩritu Santore opabirã Cristore gamebirã iro dopa irã iiaa mũa. Eropirã Goãmũ yare ðaro peebeaa mũa. ⁴ Opa ãhrayoro mũa. “Pablo ya curu majarã ãhrra gua,” arãyoro mũa yujurãyeri. Eropirã gajirã mũa mera majarãpu “Apolo ya curu majarã ãhrra gua tamera,” arãyoro mũa. Eropa arĩ dũyasorã Espĩritu Santore opabirã iro dopa arĩ wereniguia mũa.

⁵ ¿Yũhũ Pablo, Apolo mera duhpimorã ãhriri gua mũa pepicũ? Árĩbeaa. Goãmũre mohme corerã ãhrra gua. Guare ĩgu iidorero dopa iimorã ãhrra. Eropirã gua mũare buhecũ peerã Jesucristore umupeonũgabũ mũa. ⁶ Őari buherire buherã pohegue mohme corerã iro dopa ãhrima mari werenigui queori mera buhecũ. Pohegue ĩgu otemũhtadiro dopa ta yũhũ mũare Goãmũ yare buhemũhtabu. Eropigu gajigu ĩgu pohere ĩhadiburo dopa ta Apolopũ yũ pũhrũ mũare buhenurusiamĩ. Gua eropa buhequerecũ ta pohe maja yucure iri bugacũ ĩgu iidiro dopa ta Goãmũpũ mũare ĩgu yare masinemocũ iimi. ⁷ Eropigu yũ buhemũhtadi arĩqueregu ta bu árĩgu ãhrra. Eropigu Apolo yũ pũhrũ buhenemodi sã bu árĩgu ta ãhrimi. Goãmũ tamera ðagu ãhrimi. ĩgũpũ mũare ĩgu yarã árĩcũ ĩgũre masinemocũ iimi. Eropirã Goãmũpũre umupeoro gahmea mũare. ⁸ Otemũhtagu pũhrũ pohere ĩhadibugu yujuro mera mohme corerã ãhrima erã. Eropirã erã nucũ erã mohmediropẽ ta wajatama erã. Eropa ta ãhrra gua Apolo mera. ⁹ Eropirã gua Goãmũ yare mohme corerã ãhrra. Eropa gua mohme corerã Apolo yũ mera majagu ãhrimi. Mũapũ Goãmũ ya pohe iro dopa ta ãhrra. Mũa eropa árĩcũ Goãmũ ya pohe iri maja yucure ĩgu buganemocũ iidiro dopa ta mũare ĩgu yare masinemocũ iimi ĩgu.

Eropigu Goãmũ mũare ĩgu yarãre ðarã árĩcũ iigu iimi. Eropirã mũa Goãmũ mohmeri wihi iro dopa ãhrra mũa gajĩ werenigui queori mera werediãcũ. ¹⁰ Yũre Goãmũ ĩgu itamuro mera yũpũ wihi iimehregũ borari ĩgu nugumũhtaro dopa ta Jesucristo yare mũare buhemũhtabu. Eropigu iri weca gajigu ĩgu peoturia mũariaro dopa ta gajigu

yu pãhrũ buhenemogu iimi. Eropa buhenemogu ðaro gũhyadiaro mera Goãmu yare buhero gahmea ïgure. Queoro buhero gahmea. ¹¹ Wihire iirã borarire nugumũhtabiricũ wihi iima masiya mara. Eropa ta Cristore buhebiricũ ïgu yarã wacũ iima masiya mara. Cristo mari ya dipuwajare sribasarare mũare buhetuhajabu. Eropirã mua Jesucristore umupeorã Goãmu yarã watuhajabu. Mũa eropa árrãguere gaji buherire buhema masiya mara mua Goãmu yarã wamorãre. ¹²⁻¹⁵ Goãmu yarãre buhenemorã áhrima. Erã watope gajirã queoro buhema. Gajirã queoro buhebeama. Queoro buheri oro, plata, waja pagari utãyeri iro dopa áhrraa. Queoro árrĩbiriri buheripu yuca, taa, ñaira pũri iro dopa áhrraa. I umũ pehrerinũri áricũ Jesucristo dujarigu mari buhera queoro áricũ ihmugucumi. Mari buherare soeñagu iro dopa ta queoro áricũ ihmugucumi. Eropiro oro, plata, waja pagari utãyeri soecũ ãjubiro dopa ta mari buhera queoro ta árrĩro dujaroca ïgu ïacũ. Eropa mari queoro buhenirã mari áricũ ðaro mari buhera waja wajayegucumi. Eropa ta yuca, taa, ñaira pũri soecũ ãjupehrero dopa ta mari buhera queoro árrĩburo pehreroca ïgu ïacũ. Eropigu queoro buhebirinirã mari áricũ ïagu marire wajayesome. Erã eropa árrã erã wajatabiriquerecũ Goãmu erãpure taugucumi. Eropirã eropa queoro ðaro buhebirinirã merogã mera tarirãcoma. Eropirã wihi ãjarisubu tariro dopa tarirãcoma.

¹⁶ Mũa Jesu yarã mera Espĩritu Santopũ mua mera áhrimi. Eropirã mua Goãmu ya wihi iro dopa áhrraa. ¿Irire masibeari mua? ¹⁷ Eropirã mua Goãmu ya wihi árrĩro dopa árrĩrã ïgu yarã gohra áhrraa. Eropigu ïgu yarãre yujugu ïgu goroweocũ Goãmu peamegue dedeogucumi ïgupure.

¹⁸ Irire ðaro masique mua. Mũa basi pee wisibiricãque. I umũ maja buherire opagu “Masitarinũgagu áhrraa,” arĩ pepibocumi. Eropa arĩ pepigu mua mera majagu árrĩgu, “Yũhu Goãmu masiri mariro pee masibigu áhrraa,” arĩ pepiporo ïgu. ïgu eropa arĩ pepigu diaye ta ðaro masigu wagucumi. ¹⁹ I umũ maja masa erã gamero erã basi masiri “Bu gohra ta áhrraa,” arĩ pepimi Goãmu. Eropa ta werenemoa Goãmu yare erã gojarapũ. Ópa arĩ gojara áhrraa: “Erã gamero masirã erã pepiri mera ‘Ópa iirãra,’ erã arĩrare gajiropa wacũ Goãmu iimi,” arãa Goãmu yare erã gojarapũ. ²⁰ Eropi gajipũgue ðpa arãa daja: “Masa erã gamero ‘Masipehorã áhrraa,’ erã arĩ pepiri duhpiburi árrĩbiricũ masimi mari Opũ Goãmupũ,” arãa Goãmu yare erã gojarapũgue. ²¹⁻²² Eropirã “Pablo ya curu majarã áhrraa gũa,” arĩrã, “Apolo ya curu majarã áhrraa gũa,” arĩrã, “Pedro ya curu majarã áhrraa gũa,” arĩrã arĩbiricãque mua pare. Gũa arĩpehrerã mua ya árrĩburire iirã dihta áhrraa. Goãmu arĩpehreri mua ya árrĩburire otuhajadigu árrĩmi. ïgu ïhacũnugurare mua ya árrĩburire odigu árrĩmi mũare. Mũare ojocaricũ iimi mua ya árrĩburire. Eropigu sãricũ sãre ïigucumi mua ya árrĩburire. Dohpague mua árrĩre, pãhrũgue mua árrĩburi sãre ogucumi. Eropirã arĩpehreri mera áhrraa. ²³ Eropirã mũarũ Cristo yarã áhrraa ïgu ya árrĩburire iimorã. Eropigu Cristopũ Goãmu yagu áhrimi ïgu ya árrĩburire iibu. Eropirã “Gũa tamera Pablo ya curu majarã áhrraa,” arĩbiricãque mua pare.

4

Cristo ïgu yare ïgu buhedoregu ïgu apinirã erã mohmerire werepũ Pablo

¹ Ópa arĩ pepique mua yure, Apolo sãre: Eropa ta erã Cristore mohme corerã áhrima. Eropirã “Masa erã masibirirare Goãmu yare buhedore ïgu apinirã áhrima,” arĩ pepique mua. ² Yujugu ïgu ya árrĩburire iidore apinirãre ïgu gamero dopa ta ii corero gahmea erãre. Yũ sãre eropa ta ii corero gahmea Cristo ïgu gamerire. ³ Mũa yure werewũaquerecũ eropa pepicãa yũhu. Gajirã masa erã yure werewũacũ sãre eropa pepicãa yũhu. Yũ iirire ïarã “I ðari áhrraa. I ñeri áhrraa,” arĩ beyemasibeeaa mua yure. Yũ basi árrĩqueregu yũ iirire ðaro beyemasipehobeeaa yũ sã. ⁴ Ópa arĩ pepia yũhu. “Mari Opũ yure ïgu apidiro dopa ïgu gamerire ïpehorabu yũhu,” arĩ pepia yũhu. Yũ ðpa arĩ pepiqueracũ ta yũ arĩ pepiri diaye árrĩbiriboca. Mari Opũ Cristo dihta yũ iiricurire ïagu ðaro masimi yũ ïgu yare ðaro iicũ. ⁵ Eropirã mari Opũ ïgu dujariboro core masare erã iirare arĩ werewũabiricãque. ïgu dujarigu masa erã iirare iribojegue gajirã erã masibirirare Cristo deyoro moagucumi. Eropirã mari iidiarare ïgu masicũ ïigucumi gajirã masare. Irisubu ta mari nũcare ïgu yare mari iidiro dopa ta “Irire ðaro iiabũ,” arĩgucumi Goãmu marire.

⁶ Yũ acawererã, yũhu Apolo mera gũa árrĩcurire werebũ yũhu mũare buhebu. Eropa werebũ Goãmu ïgu yare ïgu gojarapũ ïgu arĩdirore mua tarinũgabiriboro dopa. Eropa tarinũgabirã árrãrã mua yujurãyerire umupeobiricãque. Mũa eropa iibirã árrĩtarinũgadiarã iiaa. ⁷ Mũa eropa iibiriboro dopa gũa iirare werebũ mũare. Mũa

eropa tarinugadiaquererā muapu gajirā tauro ðarā árĭbeaa mua. Goāmu muare ĩgu ora dihtare opaa mua. Eropirā ĩgu muare masicū iira dihtare masia mua. ¿Mua gamero oparā, mua bocatiuro masirā árĭbiriquererā ta, duhpirā “Masipehorā āhraa,” arĭri mua? Eropā arĭrā “Goāmu guare obirimi. Eropigu guare masicū iibirimi,” arĭdiarā dopa ta iiaa mua.

⁸ Muapu “Árĭpehrerire opaa gua. Guare ñehe duhyabeaa,” arĭraa mua. Eropirā gua mua pohro árĭbircū ðpa arĭ pepiraa: “Oparā iro dopa masirā āhraa gua,” arĭ pepiraa mua. Diaye ta oparā iro dopa mua masipehorā árĭcū muare ðatariaboya. Mua eropa árĭcū mua mera gua sā oparā iro dopa masipehorā árĭboya. “Masirā āhraa gua,” arĭ pepirā, ¿ðaro arĭ pepiri mua? ðaro pepibeaa yu ĩacū. ⁹ ðpa arĭ pepia yu tamera: Goāmu guare Jesu ĩgu yare buhedore apinirā doca maja curu apimi guare. I yeba majarā masa, anyua sā gua ñero taricū guare ĩamurima eropa wacū. ¹⁰ Cristo yare gua buhecū ĩarā, “Pee masibirā āhrima,” arĭma masa guare. ¿Muapu Cristo yare ðaro pee masirā āhriri mua? “Turabirā, bu árĭrā āhrima,” arĭma masa guare. ¿Muapu ðaro turarā āhriri mua? Mua basire umupeoa. Guapre masa ne umupeoema. ¹¹ Guapu dohpagure ñero tarirā, oaboarā, ñemesiburā, ñeri suhricurā, wiri moorā āhraa. Eropirā guare gajirā umupeobirā, guare pabiramurima. ¹² Eropirā gua buheniguiquererā teboricurā árĭrā gua árĭburi majare gua baburi säre mohmea. Eropirā gajirā guare erā ñero wereniguiquerecū ta guapu Goāmare ðaro erā árĭburire serēbasaa. Eropā iirā gajirā guare ñero iimorā erā nuruquerecū ta eropa pepicāa gua. ¹³ Eropirā “Ñero iirā āhrima,” guare erā werewuaquerecū ta guapu erāre ðaro wereniguia erā ðaro árĭburire. Eropirā erā burigā dohoma guare. ĩribojegue eropa iinugama. Dohpague säre muraro ta ĩma guare.

¹⁴⁻¹⁵ Muare ðari buherire buhemuhtabu. Eropā buhecū mua peecū Jesucristo muare ĩgu yarā wacū iidi árĭmi. Eropā muare buhedigu mua pagu iro dopa ta waha yuħu. Bajarā muare Cristo yare buherā erā árĭquerecū ta muare buhemuhtagu yuħu yujugu ta āhraa. Eropigu yuħu yujugu ta mua pagu iro dopa āhraa. Eropigu muare guhyasiricū ĩbu ire gojagu ĩbeaa. Yu porā yu mahirāre muare werebu ire gojaa yuħu. ¹⁶ Eropigu ire turaro muare werebu iiaa yuħu. Yare ĩhacūque mua sā.

¹⁷ Mua eropa ĩicū gamegu mua pohro Timoteore obeogu iiaa. ĩgu yu magu iro dopa yu mahigu mari Opu Jesucristo yagu āhrimi. Eropigu Cristo gamero dopa iiniguigu āhrimi ĩgu. Timoteo mua pohro ejagu Jesucristo yare yu iidiro dopa muare guñacū ĩigucumi mua sā eropa ĩiboro dopa. Jesu yarā pohrogue noho wagu Jesucristo yare erā ĩiburire buheniguiçā. ¹⁸ Yujurāyeri mua mera majarā oparā árĭdiarā ðpa arāñorā: “Pablo mari pohrogue arisome,” arĭ pepirañorā erā. ¹⁹ Goāmu gamecū mua pohrogue dohparagā ta ejaucu. Eropā ejaqu erā oparā árĭdiarā mua mera majarā erā eropa arĭrare ĩagura. Eropigu erā Goāmu turari opacū ĩagura yuħu. ²⁰ Goāmu mari Opu āhrimi. Mari arĭ weretarinugaquerecū ta ĩgu yare mari ĩibircū mari wereniguiĭ duhpburi árĭbeaa. ĩgu turari mera ĩgu gamero dopa ĩicū gahmemi. ²¹ ¿Mua pohrogue mua ya dipuwaja dipuwaja moagu yu wacū gahmeri mua yure? ¿O mua ðaro iira waja mucubiriri mera waro gahmeri mua yure?

5

Corinto majarā erā ñeri ĩirare werepu Pablo

¹ Gajirā ðpa arĭ quereçama guare: Yujugu mua mera majagu ĩgu buamore ta marapocu waicumi. Eropā ta arĭ werema masa guare. Erā eroparĭcū peemaria waha. Gajirāpu Goāmare masibirā árĭquerecū erāpu eropa iirā árĭbeama. ² Mua mera majagu ĩgu eropa ĩiquerecū ta muapu “ðatariarā āhraa gua,” arĭ pepiraa. ¿Duhpirā ĩgu eropa ñeri ĩirare masiquererā ta guhyasirisābeari mua ĩgure? Eropā ñero ĩigure mua Jesu yarā mera majague cōacāque mua. ³⁻⁴ Yuħu mua mera árĭbiriqueregu ta yu guñari mera mua mera árĭgu iro dopa āhraa yuħu. Eropigu mua mera árĭgu yu árĭbodiropo dopa ta ñero ĩigure ĩgu eropa ñero iira dipuwaja, dipuwaja moadoretuhaa yuħu. Jesucristo ĩgu dorero mera ta eropa iidorea. Eropā mua Jesu yarā gamenererā yu guñabeori merague yuħu mua mera árĭcū, mari Opu Jesu ĩgu turari mera ⁵ ĩgure ñero ĩigure cōāque. Watĭ mera ĩgu ñero tariborore apique. Eropā ta cōāque ĩgure ĩgu ñero tariri mera ñerire ĩgu waribejarire ĩgu gohrotoboro dopa. Mari Opu Jesucristo ĩgu dujaririnu ñero iidigu muru Jesu mera ĩgu ðaro tariboro dopa dohpagure ĩgure eropa apinique, arāa yuħu.

⁶ “ðaro āhraa gua,” mua arĭquerecū ta ñero iirā iica mua. Ñero ĩgu ĩgu ñerire mua eropa ĩacārā, árĭpehreri ñeri muare ĩi ĩhmucū árĭpehrerā ñero ĩirāca. Eropiro

árípehreri ñeri sehya wa mua áríroque. Panre buḡacū iiri pohga ḡaro seyanḡajaro dopa ta iri ñeri ḡaro seyaroča muḡuere. ¿Irire masibeari mua? ⁷ Yu acawererā judio masa Pascua árícū ovejare wejēmurima erā ñeri iira dipuwajare Goāmure cādjidorerā. Oveja sīridiro dopa ta Cristo mari ñeri dipuwajare sīribasadi árīmi. Īḡu eropa sīribasarañe mera mua ñerire cóanirā áhrra. Irire ḡuñarā muapu ñero ĩḡure mua mera majagure cóáque ñeri mua watope mariboro dopa. ⁸ Iribojegue ñerire ĩhacū iinirā árīribu mari. Eropirā dohpagure mari ñerire cóanirā árīrā mari ñerire uaribejaro mariro, ñero iiro mariro árīrā. Iribojegue mari ñerire iimuridiro dopa ta iibiricārā. Eropirā diaye maja ḡaro wereniguri mera, ḡaro iiricuri mera árīrā pare.

⁹ Muare yu gojabeorapūre nome mera ñero iirā, ñerire iimajīñajarā mera ne wapicudorebiriribu. ¹⁰ Eropa arīḡu “Jesu yarā árībirā mera árībiricāque,” arībiriribu. Eropiḡu “Nome mera ñero iirā mera, gajinore turaro gamenemocārā mera, yajaricūrā mera, goāmarā wéanirāre umupeorā mera árībita,” arībeaa. I yebare eropa árīrā mariro Jesure gamebirā mariro mari dihta árīmasibeaa. Árīpehrerogue áhrrima erāpu ta. ¹¹ Eropiḡu muare gojabeogu ḡpa arī doreribu: “Mua mera majarā Jesu yarāpu ñerire iicū ĩha erāpure wapicubiricāque,” arī goja doreribu. Eropirā mua mera majagu “Jesu yagu áhrra,” ĩḡu arīḡu árīquereḡu ta nome mera ñero ĩḡu, gajinore turaro gamenemogu, goāmarā wéanirāre umupeogu, ñero quere moa coreḡu, merericuḡu, yajaricuḡu ĩḡu árícū ĩḡupure wapicubiricāque. Eropirā eropa ĩḡu mera ne babiricāque. ¹²⁻¹³ Jesu yarā árībirāpūre Goāmuru dipuwaja moagucumi. Eropiḡu Jesu yarā árībirāre erā ñero iiri dipuwaja moadoreḡu árībeaa yahu. Eropa iibiricāro gahmea yure. Eropa arīquerecū ta mari Jesu yarā watope mari ñero iira dipuwajare moaro gahmea mari basire. Eropirā mua Jesu yarāpu mua mera gamenererā mua basi mua iirare ĩha masiro gahmea muare. Eropirā yujugu mua mera majagu ĩḡu ñero iicū ĩarā ĩḡure dipuwaja moadorero gahmea muare. Eropirā Goāmuru yare gojarapūque arīdiro dopa muapu mua mera majagure ñero ĩḡure dipuwaja moaro dopa iirā ĩḡure cóáque.

6

Jesu yarāre weresārare werepu Pablo

¹ ¿Mua basi game dūyasorire duhpīrā Jesu yarā árībirā pohroque amudorerā wahari mua? Jesu yarāre mua mera majarāre weresādiarā gajirā Jesu yarāre iire werero gahmea muare. Eropirā Jesu yarāpu amubasaporo. ² Pehrerinu árícū mari Jesu yarāpu mari árīpehrerā masa erā iirare beyerāca. ¿Irire masibeari mua? Eropirā pehrerinu árícū masa árīpehrerāre beyemorā árīrā, dohpague säre amumasia mari. Eropirā dohpague gajiropa wacū säre amumasia mari. ³ Anyua erā ĩira säre beyerāca mari. ¿Irire masibeari mua? Mari eropa anyuare beyemorā árīrā diaye ta dohpague säre Jesu yarā erā iirare ĩarā beyemastica mari. ⁴ ¿Eropirā duhpīrā mua mera majarāre weresādiarā Jesure gamebirā, “Bu árīrā” mua arīrā pohroque amudorerā wahari mua? ⁵ Ire arīḡu iiaa mua guhyasiuro mua tariborore. Mua dūyasorire werebu ḡaro masigu árīcumu mua watopere, yu arāa. ⁶ ĩḡu eropa árīquerecū ta mua mera majagu Jesu yagu gajigu ĩḡu acawereḡure weresādiagu Jesu yarā árībirāre beyedoreḡu wahamī.

⁷ Masare beyegu pohroque mua acawererāre weresārā Goāmuru gameripure tarinugarā iiaa mua. Gajigu mua mera majagu muare ñero ĩḡu iicū eropa ĩacāboaya mua. Jesu yarā árībirāre mua weresābiriborore mua acawereḡure muare ĩḡu ñero iirare mua eropa ĩacācū ḡatariaboaya. Jesu yagu muare ĩḡu yajacū ĩḡure mua weresāboro core ĩḡu muare yajarare mua eropa ĩacācū ḡaboaya. ⁸ Mua eropiibeaa. Gajirāre ñero iirā áhrra mua sā. Yajarā ta áhrra mua sā. Jesu yarā mua acawererā erā árīquerecū ta erāre ñero iirā, yajarā iiaa mua.

⁹ Eropa iirā Goāmuru ĩḡu opu árīroquere wamasibeama. ¿Irire masibeari mua? Pee wisibiricāque mua. ḡpa iirā Goāmuru pohroquere wasome: Gajirā nome mera ñero iirā, goāmarā wéanirāre umupeorā, gajigu marapore marapocūrā, gajigu marapu mera ñero iirā nome, ũma seyaro erā dupuri mera ñero iirā, nome sā eropa ta iirā, ¹⁰ yajarā, gajinore turaro gamenemorā, merericūrā, gajirā masare ñero quere moa corerā, ḡuyari mera yajarā ne Goāmuru ĩḡu opu árīroquere wamasibeama. ¹¹ Iribojegure mua yujurāyeri eropa iirā árīyoro. Eropa iinirā mua árīquerecū ta dohpagure mua ñero iirare cóātuhami Jesucristopo. Eropa ĩḡu taunirā mua árícū ĩḡu yarā árīmorā iimi Goāmuru muare. Eropa ĩḡu “Ḳarā áhrrima,” arī ĩhami ĩḡu muare. Eropa ta iimi muare mari Opu Jesucristo mera, Espiritu Santo mera.

Mari dāpu ḡarire iiburi dāpu árīro iiaa, arī gojañumi Pablo

12 “Goāmũ iidorebirira árĩpehreri iimasiri áhraa yũre,” arĩmi Pablo,” arãa mũa yũre. Yũ iimasipehoregũ ta, yũ iiri yũre gajirã sãre itamubiricũ iha irire iibea. Eropa ta árĩpehreri iimasiri áhraa yũre. Eropa iimasiqueregũ ta yujuyerisuburi irire eropa iipogu duhumasibiriboca, arĩgũ irire iisome yũhu. 13 Mari bari mari paru maja árĩburi ta áhraa. Eropiro “Mari paru bari dicũburiduru paru áhraa,” arãa mũa yujurãyeri. Mũa eropa arĩquerecũ ta puhũrũ Goãmũũ mari barire mari paru sãre iri pehrea wacũ iigucumi. Eropirã mũa yujurãyeri “Mari dũpũũ mari uaribejari iiburi dũpũ áhraa,” arĩraa mũa. Eropa árĩbeaa. Mari dũpũ uaribejari iiburi dũpũ árĩbeaa. Mari dũpũũ mari Opũ ya árĩburire iiburi dũpũ áhraa. Eropigu mari Opũũ mari mera áhrimi mari igrũ yare õaro iiboro dopa. 14 Eropigu Goãmũ igrũ turari mera mari Opũ Cristo dũpũ mũrarore masupũ. Eropa igrũre masudiro dopa ta mari dũpũ sãre masugucumi igrũ.

15 ¿Mũa ya dũpũ Cristo ya dũpũ árĩri iro dopa árĩcũ masibeari mũa? ¿Cristo ya dũpũ árĩri iro dopa árĩrã nomeo ñero iiricũgo mera mari árĩcũ õhari mũa pepicũ? Óabirigohracãca. 16 Ñego mera yujugu igo mera árĩcũ igrũ dũpũũ igo ya dũpũ mera árĩro yuju dũpũ iro dopa ta áhraa. ¿Irire masibeari mũa? Eropa arĩ gojara áhraa Goãmũ yare erã gojarapũgue. Ópa arãa: “Nomeo umũ mera árĩrã perã árĩquererã yuju dũpũ iro dopa wahama,” arĩ gojamariĩumi. 17 Mari Opũ igrũ yarã mera áhrimi. Eropigu yujugu igrũ mari Opũ mera perã árĩquererã yujugu iro dopa áhrima erã guñari mera.

18 Eropirã nome mera ñero iirire, umã mera ñero iirire uaribejabiricãque. Irire mũa uaribejabiriboro dopa ta irire duhrigã waque. Gaji ñerire mari iira mari dũpurire mari goroweobeaa. Nomeo mera ñero iigupũ igrũ dũpũre ñetariaro goroweomi. 19 Espĩritu Santore marire ohomi Goãmũ. Eropigu mari dũpũ mera wihicumi Espĩritu Santo. ¿Irire masibeari mũa? Eropirã mũa dũpũ mũa ya dũpũ gohra árĩbeaa. Goãmũ ya dũpũ áhraa. 20 Mũa igrũ yarã árĩmorãre mũa ñeri dipuwajare wajayedigu árĩmi Cristo. Eropirã igrũ yarã árĩrã mũa dũpũ mera Goãmũ igrũ gamero dopa ta iique. Eropa iirã Goãmũre umupeorã iiaa mũa. Eropirã gajirã sãre igrũre umupeocũ iirã iiaa.

7

Mojoto dirĩrĩre werepũ Pablo

1 Dohpaguere mũa yũre serẽpi gojarare yũ sã mũare yũhrigura. Masũ marapo maricũ sãre õhaa yũ iacũ. 2 Iri eropa árĩquerecũ ta ero mũa árĩro baja uaribejari áhraa. Eropirã umã erã nũcu nome marapocũporo gajirã nome mera erã ñero iibiriboro dopa. Eropirã nome sã erã nũcu marapocũporo gajirã umã mera erã ñero iibiriboro dopa. 3 Eropigu marapocũgure igrũ marapore õaro iiro gahmea. Igo marapũ sãre eropa ta iiro gahmea. 4 Marapocũgo igo dũpũ igo ya dihta árĩbeaa. Igo marapũ ya sã áhraa igrũ ihadiburo dopa. Igo marapũ sãre igrũ dũpũ igrũ ya dihta árĩbeaa. igrũ marapo ya sã áhraa igo ihadiburo dopa ta. 5 Mũa perã árĩburire “Iibiricãrã,” arĩbita. Gajisubũ mũa perã Goãmũ mera mũa wereniguidiarã “I nũcu nuri duhunirã dohpa, Goãmũ mera wereniguirã dohpa,” yujuro mera eropa arĩrã duhumasia mũa. Mũa eropa duhura puhrugã mũa dipaturĩ mũa eropa árĩniguidiro dopa ta árĩque daja watĩ ñero mũare iidorebiriboro dopa. “Gajirã mera ñero iiboca,” arĩrã mũa basi duhubita. Mũa árĩmũhtadiro dopa ta árĩniguidicãque daja.

6 Ire mũare dohpague yũ arĩrare arĩgũ mũare dore gohrari mera dorebeaa. Eropa weregũ iiaa mũa iiburire mũa masima õaro. 7 “Umã marapocũporo,” arĩquerecũ, árĩpehrerã mũa yũ iro dopa ta marapo marirã mũa árĩcũ õaboaya yũre. Mũa eropa árĩcũ gamequerecũ ta Goãmũ mari árĩpehrerãre yujuro iimasiburire apibeami. Yujurãyerire marapocũmasiburire marapocũmasiburire apimi Goãmũ. Eropigu igrũ gajirãpũre marapocũmasiburire marapocũmasiburire apimi.

8 Eropigu marapo marirãre, marapũ marirãre, wapeweyarãre ópa arãa: Marapo marirã, marapũ marirã mũa árĩmasirã, yũ árĩro dopa árĩcũ õhaa. 9 Eropa árĩmasibirã turaro nomere gahmema. Irire turaro uaribejarã diaye ta marapocũcãporo. Nome sã marapocũporo. Mũa eropa uaribejarã mũa marapocũcũ õapũricãa. Eropiro marapocũcũ sãre õapũricãa.

10 Mũa marapocũrãre, marapocũrã nomere ópa dorea: Yaha doreri gohra árĩbeaa i. Mari Opũ Cristo ire doredĩ árĩmi. Mũa nomepũ mũa marapũ sumarãre cóabiricãque.

11 Mũa marapũ sumarãre cóarã, marapũ marirã dujaque. Dipaturĩ mũa marapũ arĩdigũ mera ahmu õaro árĩbiricũ daja marapũ marirã dujaque. Eropirã mũa umã sã mũa marasã nomere cóabiricãque.

12 Eropigu mũa sãre gajirã sãre ópa arãa yũhu. Mari Opũ igrũ dorediro árĩbeaa i. Yũhu igrũ apidigupũ ópa arãa mũare: Yujurãyeri mũa mera majarã Jesu yarãpũ Jesure

umupeobirã nomere marapocurã ãhraa. Eropigu òpa arĩ werea muare: Mũa marasã nome mũa mera erã dujadiacũ erã nomere cõabiricãque muarũ. ¹³ Eropirã yujurãyeri mũa mera majarã nome Jesu yarã nome Jesure umupeobirã mera marapocurã nome ãhraa. Mũa marapũ sumarã mũa mera erã dujadiacũ erãre cõabiricãque. ¹⁴ Mũa marapũ sumarã Jesure umupeobirã erã áriquerecũ ta Jesu yarã nomere erã marapocũ. Goãmu ðarã ãma iro dopa ìhami erãre. Eropirã mũa umarũ Jesu yarã mũa áricũ mũa marasã nome Jesure umupeobirã nome árbocoma. Erã eropa áriquerecũ ta mũa mera erã nome marapocũcũ Goãmu ðarã nome iro dopa ìhami erãre. Ìgu eropa ìabiricũ mũa porã Jesure umupeobirã porã iro dopa áriboñuma. Eropigu mũa porã sãre ðarã iro dopa ìhami Goãmu. ¹⁵ Eropirã mũa umarũe mũa marasã nome Jesure umupeobirã nome erãrũ muare cõacũ ðaroca. Mũa nome sãre mũa marapũ sumarã Jesure umupeobirã erãrũ muare cõacũ ðaroca. Mari ðaro dujacũ gahmemi Goãmu. Eropirã erã eropa cõadiacũ “Yũ mera dujaque,” erãre árdorebeamĩ Goãmu. Eropirã mũa erã marasã nome erã marapũ sumarã áribeaa pare. ¹⁶ Mũa ãma mũa marasã nome mũa mera dujaquerecũ erã peamegue wabiriborore Jesure umupecũ iimasibiriboca. Mũa nome sã eropa ta Jesucristore umupecũ iimasibiriboca mũa marapũ sumarãre. Eropirã erã muare cõadiacũ ðaroca.

¹⁷ Òpa ta ìiro gahmea muare: Áripehrerã mũa mari Opũ Cristo muare ìgu árdorero dopa ta árique. Goãmu muare ìgu apirare ìique mũa. Irire áripehrero Jesu yarã gamenerãre eropa doreniguica yũhũ. ¹⁸ Jesu yarã mũa árboro core circuncisión ìinirĩ gasiro mero wiri aĩnirã árirã eropa ta dujaque. Eropirã Jesu yarã mũa árboro core gasiro merogã wiri aĩbirinirã árirã mũa áriro dopa ta dujaque. ¹⁹ Dohpaguere gasiro mero wiri aĩnirã mũa áricũ duhpiburi áribeaa. Irire ìibirinirã mũa áricũ sãre gajiropa wasome. Goãmu dorerire mari ìicũpure iri tamera ðhaa. ²⁰ Eropirã Goãmu Jesu yarã muare ìgu aicũ irisubu mũa árimũhtadiro dopa ta dujaque.

²¹ Goãmu muare Jesu yarã aĩboro core gajirã pohro majarã mũa áricũ ðaroca. Eropa ta dujanique. Mũa Opũ ìgu muare wiudiacũ wirique mũa. Mũa wiricũ sãre ðaroca muare. ²² Òpa arĩ pepique mũa: “Yũhũ masũ pohro majagu wiribiriqueregu ta dohpaguere Jesu yagu árigũ, ìgu wiudigu iro dopa ãhraa ìgu yare ìiboro dopa,” arĩ pepique. Eropa ta gajirã Goãmu Jesu yarãre aicũ masa pohro majarã mũa áribiriquererã òpa arĩ pepique: “Dohpaguere Jesu pohro majagu ãhraa yũhũ,” arĩ pepique. ²³ Mari ñeri dipuwajare mari ìgu yarã árimorãre wajayetuhadi árimi Cristo. Eropirã ìgu dorero dopa ìique. Mũa ìiburire masa dorebircãporo. ²⁴ Eropirã yũ acawererã, Jesu yarã árimorã Goãmu muare ìgu aicũ irisubu mũa árimũhtadiro dopa ta dujaque. Eropa dujarã Goãmu mera ðaro árique.

²⁵ Dohpaguere marapo marirãre, marapũ marirã sãre werediaa muare. Yũ wereburi mari Opũ weredorediro gohra áribeaa. Eropa áribiriquerecũ yũhũ ìgu mojomoro ìadigu, ìgu itamudigu áricũ mũa yũ wererire ðaro mera peerãca. Òpa werea muare. ²⁶ Dohpaguere mari ñero tarirã iica. Eropirã mũa áriro dopa mũa dujacũ ðhaa yũre. ²⁷ Eropirã muarũ marapocurã, marapocurã sã eropa ta dujaque. Erãre cõabiricãque. Marapo marirã, marapũ marirã sã mũa árirã eropa ta dujaque. Marapore o marapũre amabita. ²⁸ Eropa yũhũ muare ariquerecũ “Marapocugura,” aricũ gajiropa áribeaa umare. Eropirã mũa nome sãre marapocudiacũ ðaroca. Òpa ãhraa. Irisubu ñero taririsubu marapocurã, marapocurã muare teboricuburi dujaroca. Eropigu muare eropa teboricuri arigu, marapo marirã, marapũ marirã dujaque, arãa yũhũ.

²⁹ Yũ acawererã, eropa arigu òpa aridiagu iiaa. Mari ñero tariboro merogã duhyaa. Eropirã dohpaguere marapo marirã Goãmu yare erã ðaro mohmemasiro dopa ta, ðaro mohmero gahmea marapocurã sãre. Eropirã marapocurã nome sãre eropa ta Goãmu yare ðaro mohmero gahmea. ³⁰ Eropirã mari ñehamere oquererã Goãmu yare mohmeboropũre guñaro gahmea. Bosenu árirã mucubiriquererã Goãmu yare mohmeboropũre guñaro gahmea. Mari asũrãre opaquererã irire guñabiricãro gahmea. Goãmu yare mohmero gahmea. ³¹ I yeba dohpague áriro dopa pehrero iiaa. Eropirã i yeba majare ìiburire wuaro guñabiricãro gahmea.

³² Mũa gajinore wuaro mũa guñaricũcũ gamebeaa yũhũ. Marapo marigu Jesu yagu arigu mari Opũ Jesu yare ìgu gamerire guñaniguimi. ³³ Marapocugurũ Jesu yagu i yeba maja sãre ìgu marapo gamerire guñami. ³⁴ Eropigu peñe guñami. Marapũ marigo mari Opũ Jesu yare ìiburire guñaniguimo. Eropa guñago ìgo ìgo dupũ, ìgo pepiri mera ta mari Opũ yago ðaro árdiamo. Marapocugopũ i yeba majare ìgo marapũ gameripũre burigã ìidiamo.

³⁵ Ire mũare arĩgu iiaa mũare itamubu. Teboricuri dorerire mũare cãhmotadiabeaa. Eropa cãhmotadiabiriqueregu ta ðaro mua iicũ gahmea. Eropigu baja guñaricuro mariro Jesu mari Opũ ĩgu gameri dihtare mua turaro iidiacũ gahmea yũhũ.

³⁶ Mua mera majagu ĩgu mago igo buro wacũ ĩagu marapucudoreporo ĩgu igore. "Igre ðaro iibeaa. Marapucuro gahmea igore," arĩ pepigu ĩgu arĩdiro dopo ta nomesoporo. Eropigo igo marapucumasimo. Eropa igore marapucudoregu ñero iibeami. ³⁷ Gajigupu ĩgu magore "Marapucubiricãporo," arĩbocumi. Yujugu umũre wereyudiro mariro, yujuñe ta pepigu arĩgu, "Igo marapucubiricãporo," arĩgu ðaro iimi. ³⁸ Eropigo ĩgu mago marapucudoredigo ðaro wagocumo. ĩgu mago marapucudorebiridigopũ gajigo tauro ðaro wagocumo dohpaguere ñero taririsubu arĩcũ.

³⁹ Marapucũgore igo marapũ mera arĩniguicãdoremi Goãmũ. Igo marapũ sĩrira puhũ igo gajigu mera igo gamegu mera marapucumasimo daja. Jesure umupeogũre marapucũro gahmea igore. ⁴⁰ Igo marapũ marigo dujago tauro ðaro mucubirigo arĩgocumo igo. Eropa ta arĩ pepia yũpũ. Eropa arĩgu Espĩritu Santo ĩgu gamero dopa ta arĩgu iiaa.

8

Goãmarã wéanirãre erã umupeomorã waimũrã wejẽ erã apira barire Jesu yarã asũ baburire werepũ Pablo

¹⁻⁴ "Gua tamera ðaro masia," arĩ pepiraa mua. Eropa arĩ pepirã mua masiri mera gajirãre masitarinũgadiarã iiaa mua. Eropa iirã gajirãre itamubeaa mua. Gajirãre umupeori mera mahirãpũ erãre itamua erã Jesucristore umupeonemoboro dopa. "Masipohocãa yũhũ," arĩbiricãro gahmea marire. Eropa arĩrã ðaro masibeaa mari. Eropirã "Ðaro masinibirica dohpa," arĩ pepiro gahmea marire. Mari Goãmũre mahirãpũre marire masicũ iimi.

Eropigu goãmarã wéanirãre umupeorã erã pohro apira barire "¿Mari bamasicuri?" arĩ weregũra mũare: Goãmarã wéanirã ne duhpimorã arĩbeama. Diaye ta erã wéanirãre ne siporãri mara. Eropigu Goãmũ yujugu ta àhrimi. Gajirã goãmarã marima. Ire mari masia. ⁵ Gajirã masa ðpa arĩma. "Mari goãmarã bajarã àhrima. Erã mari oparã àhrima," arĩ pepirima. "Umũsiguere, i yeba sãre goãmarã àhrima," erã arĩquerecũ ta maripure yujugu ta Goãmũ gohra àhrimi. ⁶ ĩgu mari Pagũ arĩpehrerãre, arĩpehrerire arĩdoredigu àhrimi. Eropirã ĩgu ya arĩburire iimorã àhraa mari. Eropigu mari Opũ Jesucristo yujugu ta àhrimi. ĩgu arĩpehrerire mari Pagure ihacũnugubasadigu àhrimi. ĩgu yarã arĩmorãre iipũ ĩgu marire. Eropirã ĩgu mera eropa arĩniguirãca mari.

⁷ Yũ arĩdiro dopa ta eropa arĩquerecũ gajirã Jesu yarã irire masibeama. Iribojegue erã goãmarã wéanirãre umupeorã "Oã goãmarã ojocarã àhrima," arĩ pepimuriñorã. Irisubugere eropa arĩponirã arĩrã dohpague sãre erã wéanirãre erã apira barire barã "Goãmarãre umupeorã iiaa," arĩ pepirima. Eropirã iri barire barã, "Mari ñero iirã iiaa," arĩ pepirima ðaro masibirã. Eropirã "Ñerire iirã iiaa," arĩ pepiquererã erã irire iicũ erã pepiri gajiropa waca. ⁸ Eropigu ðpa arĩ werea mũare: Iri barire mari bacũ mari babiricũ sãre Goãmũ mera ðaro arĩcũ iibeaa marire. Irire mari babirã ñero iibeaa. Mari irire barã sã gajirã tauro ðarã arĩbeaa mari, arĩ werea yũhũ. ⁹⁻¹⁰ Eropa mũare werequerecũ ðaro iique mua. Iri barire barã mua arĩcũ gajirã Jesu yarã mũare iabocoma. Mũare iarãpũ ðaro masinibirã "Iri barire barã Goãmũre umupeobeama," arĩ pepirã arĩrãcoma. Eropa arĩ pepiquererã mũare ihacũ erã sã babocoma. Iri barire eropa barã "Ñero iirã iiaa mari," arĩ pepirãcoma erã. Erã eropa arĩ pepicũ erãpũre ñero iicũ iiboca mua. Eropirã ðaro iique. ¹¹ Muapũ masirã arĩrã, "Gua iri barire gua bacũ ðaroca," mua arĩ pepirã arĩrã gajirã ðaro masibirinirãre ñero iicũ iiboca mua mũare erã ihacũcũ. Erã ya arĩburi sãre sĩridi arĩmi Cristo. Eropirã mua bari mera mua Cristo yarãre mua acawererãre ñero iicũ iirã erãre goroweoboca mua. ¹² Ðaro masibirãre mua acawererãre erã arĩ pepiro dopa iibiricũ erã pepiri gajiropa wacũ iiboca mua. Eropa iirã Cristo sãre ñero iirã iiaa mua. ¹³ Eropigu wéanirãre erã ora barire yũ bagu yũ acaweregũre ñero iicũ iiboca yũhũ. Jesu yarã erã ñero iicũ gamebeaa. Eropigu yũhũ "¿Erãre ñero iicũ iiri?" arĩgu, iri barire ne dipaturi basome yũhũ.

9

Pablo Jesu ĩgu apidigu ĩgu arĩrãre werepũ

¹ Jesu ĩgu yare buhedore ĩgu apidigu àhraa. Eropigu gajirã ĩgu apinirã erã iiro dopa ta iimasia yũ sã. Jesu ĩgu apidigu ta àhraa yũ sã. Mari Opũ Jesure ĩadigu ta àhraa yũ sã. Eropirã Jesu yare yũ buhecũ muapũ irire ðaro peenirã arĩrã ĩgu yarã wahabu mua.

Mua eropa ïgu yarã wara puhru Jesu ïgu apidigu yu árrare masituhabu mua. ² Gajirã yure werewuarã “Ïgu Jesu ïgu apidigu árrbeami,” aribocoma. Erã eropa aríquerecũ ta mua pu eropa arimasibeaa. Muare yu buhera puhru Jesu yarã warã, “Jesu ïgu apidigu áhrimi,” arã yure masituhaa mua. Eropirã gajirã erã werewuaquerecũ ta mua pu ïgu apidigu yu árricurire mua masia.

³ Yure werewuarãre õpa ta arã yuhrigura. ⁴ Muare yu buheri waja yu baburire, yu ihriburire yure oro gahmea muare. ⁵ ¿Eropigu marapocugu árigu yu marapo Jesu yago igo árcũ igo mera aĩ curimasibiribocuri yuhu mua pepicũ? Gajirã Jesu ïgu apinirã, Jesu pagu porã, Pedro sã erã marasã nome mera erã curiro dopa ta yu sã curimasiboaya. Yu eropa curicũ yu marapocugu árcũ, igo sãre barire oboaya mua. ⁶ Yuhu Bernabé mera muare õari buherire gua buhequerecũ ta guare ne gajinore obeaa mua. Eropirã gua basi ta gua baburire mohme wajatabu gua. Gajirã Jesu apinirãpure erã buheri waja oayoro mua. ¿Gua dihta eropa buherã, waja mariro buhero gahmeri mua pepicũ? ⁷ Yujugu surara ïgu mohmecũ ïgu oparã ïgu árrburire wajayemurima. Ïgu basi wajayebami. Barire otegu sã ïgu otera ducacucũ irire ta tea aĩ bamasimi. Eropigu ovejare ihadibugu ïgu ejorã apícure aĩmasimi ihribu ïgu sã. ⁸ Eropa arigu masa erã doreri dihtare muare werebeaa. Goãmu ïgu dorerigue ïgu arira sãre muare weregu iiaa. ⁹ Ïgu dorerire erã gojarapũgue õpa arã werea: “Wecu trigo yerire ïgu guburi mera ïgu suhri wearisubu ïgu badiacũ ïgu disirone cáhmotabiricãque,” ariyoro Moise dorerigue. Goãmu eropa doregu wecuare ihadiburire arigu iibiriñumi. ¹⁰ Eropa doregu guare Goãmu yare buherãre itamudorerore weregu iñumi marire buhebu. Pohere séanirã sã iri ducare aĩnirã sã erã mohmera puhru, ducacurisubu iri dũca wajataborore cohrema. Eropa mohmerãre barire oro gahmea marire. ¹¹ Muare Goãmu ya buherire õari buherire buhebu gua. ¿Gua eropa buheri waja muapure guare barire obiro gahmeri mua pepicũ? Oro gahmea muare. Mua ocũ õaboaya guare. Eropa árrquerecũ mua obirimuribu guare. ¹² Eropa guare obirã árrquereerã ta gajirã buherã muare irire odorecũ mua erãpure ohayoro. Erã muare odorecũ guapu erã tauro odoremasiboaya muare turaro gua buheri waja.

Eropa dorebonirã árrquereerã ta guapu “Guare oque,” ne aribiribu. “Cristo ya buherire gamebiribocoma gua dorecũ,” arirã guare dũhyaquerecũ ta muare ne odorebiribu. ¹³ Masa Goãmure umupeorã Goãmũ wihigue bari aĩ apima. I wihi mohmerã iri barire aĩ bahama. Eropirã Goãmure erã umupeori mesa pohro mohmerã waibugure erã soedigure masa erã aĩ apidigure merogã aĩ bahama erã sã. ¿Irire masibeari mua? ¹⁴ Eropa erã iidiro dopa ta õari buherire buherãre erã buhera waja oro gahmea erã baburire. Eropa ta iidorepu mari Opu Jesu. ¹⁵ Eropigu muare serẽbodi árrqueregu ta yuhu gajinore ne serẽbiribu muare. Eropigu ire dohpaguere gojagu gajinore waja gamebu gojagu iibeaa. Muare ne waja seadiabeaa. Sribu árrqueregu ne waja gamesome yuhu muare. Waja mariro buhegu saaa. Eropigu muare iri buhera waja ne wajata basome.

¹⁶ Õari buherire buhedoregu apimi yure Goãmũ. Irire buheri masu árigu tiiaa yuhu. Õari buherire buhebigu ñero waboaya yuhu. Eropigu iri buherire buhegu “Gajirã masitarinugagu áhrraa,” aribodigu ne aribeaa yuhu. ¹⁷ Õari buherire yu gamero buhegu yu buheri waja wajaseaboaya yuhu. Yu gamero buhebeaa. Goãmũ ïgu yare buhedoregu apimi yure. ¹⁸ Õari buherire buhegu muare yu buhera waja serẽmasiboaya yuhu. Eropa serẽmasiqueregu ne gajinore serẽbigu waja mariro iri buherire buhea muare. Yuhu eropa iigu árigu “Õaro wajataguca Goãmũ mera,” arãa. Iri ta áhrraa yu wajatari.

¹⁹ Eropigu yuhu masare buhegu erã yu buherire peediacũ õpa iigu iiaa Jesu yarã erã waboro dopa. Ne masa pohro majagu árrbiriqueregu ta árrpehrãre pohro majagu iro dopa iiaa yuhu erã yu buherire peediacũ iigu. ²⁰ Eropigu yu acawererã judio masa mera árigu, judio masa iiro dopa ta iiaa yuhu yu buherire erã peediacũ iigu. Goãmũ ïgu dorera Moisere ïgu apira yure iri dorebiriquerecũ ta, iri doreri dihtare umupeorã mera árigu erã dorerire umupeogu iro dopa ta áhrraa yu sã. Eropa ta iiaa yuhu erã yu buherire erã peediacũ iigu Jesu yarã erã waboro dopa. ²¹ Moise dorerire umupeobirã mera árigu iri dorerire umupeobigu iro dopa ta iiaa. Yu buherire erã peediacũ eropa ta iigu iiaa yuhu erã Jesu yarã erã waboro dopa. Eropa iiqueregu Goãmũ dorerire umupeonigua. Cristo dorerire iiaa. ²² Eropigu õaro masibirã mera árigu erã iro dopa ta áhrraa. “Masipehogu áhrraa,” ne aribeaa yuhu erãre. Eropa ta iiaa yuhu erã sã Jesu yarã erã waboro dopa. Eropigu árrpehrãre masa erã árricuro dopa ta iiaa yuhu erãre yu buherire peediacũ iigu. Yujurãyeri Jesu taurã erã waboro dopa iiaa. ²³ Eropa iiaa õari buherire árrpehrãre erã õaro peeburire. Erã eropa peera puhru Jesucristo erãre peamegue wabonirãre taumi. Eropigu yuhu erã mera õaro mucubiriborerã eropa iiaa.

²⁴ Mũare werenigui queori mera ðpa werea. Omabirarã erã omarã áripehrerã omama. Erã eropa omapehrequerecũ ta buriã omaturagũpũ omajamuhtami. Eropa ejamuhtagu wajatami. Eropirã erã buriã omadiro dopa ta mua sã Goãmu gamerire buriã iique mua wajataboro dopa. ²⁵ Áripehrerã omamorãpũ yũ dupure gajiropa iiri arirã gajinore duhucãma erã omaboro core. Eropa ta iima erã pũri berore erã wajataboro dopa. Iri pũri bero erã dipuru peyama masa erã wajatarare ãaboro dopa. Eropiro erã eropa ii erã wajataro bero mata pehrea wahaa. Mari sã Goãmu yare ðaro buhemorã gajinore duhucãrã mari wajataboro dopa. Iri mari wajatari tamera ne pehreebaa. ²⁶ Eropigu omabiragu igũ noho gamero omaro dopa iibeaã yũpũ. Yũ gamero iimaacãbeaa. Goãmu gamerire masigu iiaa gajirãre itamuboro dopa. ²⁷ Eropigu yũ gamero dopa iibeaã. Yũ uarijebari yare dorebeaa. Masa erã Goãmu mera taricũ itamuburi dihtare iiaa. Eropa iibigu gajirãre Goãmu yare buhedigu yũ áriquerecũ ta Goãmu yare "Óaro iibũ," arĩbiribocumi.

10

"Goãmu áhrimi," erã arĩ goãmarã wéanirãre umupeodorebiripũ Pablo

¹ Eropirã yũ acawererã, ire masique mua. Mari ñecu sumarã mura iribojegue majarã áripehrerã murague mera Goãmu árimuriñumi. Igũ imica curu mera erãre wamuhtañumi. Erã igũre eropa nurusia wahgãrã wũariya deco diariya waĩcuriya eja ðaro taribuja wañuma. ² Erã áripehrerã imica curu doca árinirã wũariya taribujanirã Moise yarã wañuma. ³ Eropirã erã áripehrerã umaro maja dijuri barire bamuriñuma. Goãmu igũ orire bamuriñuma. ⁴ Eropa barã erã áripehrerã Goãmu igũ ori deco sãre ihrimuriñuma. Irisubugue erã ihriburi decore Goãmu igũ apira utãyegue iri decore wiridoreñumi. Erã iri deco ihridiro dopa Cristo iri utãye iro dopa igũ ta erãre ojocariro odi árinũmi. Igũ erã mera árimuriñumi. ⁵ Erã eropa wanirã erã áriquerecũ ta erã mera majarã bajarã ñero erã iicũ igũ Goãmu erãre ñhasubiriñumi. Eropigu erãre masa marirogue boacũ iĩñumi Goãmu.

⁶ Erãre eropa wara marire giisãburi áhraa erã iidiro dopa ta mari ñerire uarijebiriborore. ⁷ Eropirã goãmarã wéanirãre erã umupeodiro dopa iibita mua. Wecure erã wéadigure erã umupeodirore Goãmu yare erã gojarapũ wero ðpa arã: "Masa erã ba doaja ihrituha, wahgãnũgaja, bosenu iĩñuma," arĩ gojamuriñumi iribojegue. ⁸ Pũhrũ gajirã erã mera majarã nome mera ñero iĩñuma. Erã iidiro dopa iibiricãro gahmea marire. Erã eropa ñero iira dipuwaja yujunũ ta erã veintitrẽs mil gohra masa sãria wañuma. ⁹ Gajisubugue gajirã erã yujurãyeri Goãmu erã gamero dopa iicũ gamerã ðpa igũre arĩ turiñuma. "Mari Opũ itamumasibeami marire," arĩñuma Goãmure turirã. Eropa arĩ turirã igũre guacũ iĩñuma. Erã iidiro dopa iibiricãro gahmea marire. Erã eropa iira dipuwaja Goãmu erãre añaa mera cũri wejẽdoreñumi. ¹⁰ Gajisubũ daja erã mera majarã gajirã ñerã erã basi Goãmu iirare dũyasocũ anyu masare wejẽgũpũ erãre wejẽñumi. Eropirã erã iidiro dopa iibiricãro gahmea.

¹¹ Eropa iĩñumi Goãmu marire buhebu. Maripũ pehrerina coregã árinã áhraa. Mari eropa árinã áricũ iribojegue majarã erã eropa warare Goãmu gojadoreñumi marire giisãgũ. ¹² Eropirã muapũ "Yũ tamera ðaro iiaa yũhũ," arĩ pepirã árinã ðaro iique ñerire iiri arirã. ¹³ Mari áripehrerã yujugũ dũhyaro mariro yujuyerisuburi ñerire guñaã. Eropa guñarã iri ñerire iidiaa. Mari eropa iidiaquerecũ ta Goãmũpũ marire itamuniguicãgũ iimi. Igũ arĩdiro dopa igũ áhrimi. Eropigu marire iri ñerire iidiarare tarinũgacũ itamumi. Marire guñaturacũ iimi. Eropa guñaturarã warã iri ñerire iidiasome. Eropirã áripehrerã ñeri iidiaquerecũ iri ñerire tarinũgarãca.

¹⁴ Eropirã mua yũ mahirã yare peeque. Ne merogã goãmarã wéanirãre ne umupeobiricãque. ¹⁵ Mua ðaro pee masirã mua áricũ muare werea. Eropirã yũ arĩri diaye áricũ masique mua. ¹⁶ Mari gamenere bocatĩrirã Goãmure "Óhaa," arĩra pũhrũ iri vino deco dicuripare ihrã mari. Eropa ihrirã "Cristo mari ya ñero iira dipuwajare igũ di cóara mera igũ mera árinã áhraa mari," arĩ masia. Eropirã panrure mari Cristo yarã nuha barã iiaa mari. Eropa barã "Mari ya áriburire igũ dũpũ crusague sãrira mera mari igũ mera árinã yuju dũpũ iro dopa áhraa mari," arĩ masia. ¹⁷ Eropirã mari yujuru panrure nuha baro dopa áripehrerã mari Cristo yarã yuju dũpũ iro dopa áhraa. Eropirã yuju curu ta áhraa.

¹⁸ Moise dorerire iirã erã iirire guñaque mua. Goãmũ wihigue erã waibũgure wejẽ soema Goãmure umupeomorã. Erã eropa wejẽ soera pũhrũ erã soedigure bahama. Eropa barã yuju curu ta Goãmũ yarã árinã ta iima. ¹⁹ Ópa ta arĩgũ goãmarã wéanirã diaye áhriima, arĩbeaa. Goãmarã marima, arãa. Eropirã goãmarã wéanirã eropãricãrã

iima. Eropiro goamarā wéanirā pohrogue erā apira baripū bu gohra ta āhraa. Iri bari bacū marire gajiropa iibeaa, arāa yūhu. ²⁰ Yūhu eropa arīqueregū ta iri barire mua bacū gamebirica. Ōpa āhraa iri: Jesu yarā árībirā goamarā wéanirā pohrogue waibugure wejēburire apirā Goāmure umupeobeama. “Gua goamarāre umupeorā iiaa,” arīrā watēapure umupeorā iima erā. Erā eropa umupeocū erā umupeori wihigue erā mera mua batamurā watēa mera arīrā iro dopa iirā iica mua. Mua eropa iicū tamerare ne gamebeaa. ²¹ Bocatīrīrā vino deco dicuripare ihrirā panrue nuha barā “Cristo mera āhraa,” arāa mari. Mari eropa iirā arīrā, watēa yapure ihri, bamasibeaa mari. Eropirā goamarā wéanirā pohro apira barire erāre umupeorā mera iri barire batamumasibeaa mari.

²² Mari Opū ĩgu yarāre mahimi. Eropirā eropa barā watēa yarā iro dopa iirā ĩgure guacū iirāca. ĩgu guacū mua turabeaa ĩgu dipuwaja cāhmotaboro dopa.

Goāmu ĩgu gameri dihtare iique, arī gojañumi Pablo

²³ “Goāmū iidorebirira árīpehreri iimasiri āhraa yure,” arīboca mua. Mua iiri ñeri iri árībiriquerecū ta irire iirā gajirāre itamubiriboca mua. Eropirā Jesure umupeonemocū iibiriboca mua gajirāre. ²⁴ Mari ya ōaro árīburi dihtare iibiricāro gahmea. Gajirā ya árīburi sāre ōaro itamuque mua.

²⁵⁻²⁶ Eropirā gajirāre itamuburire ōpa iique: Bari duaroguere barire asūrā warā “¿I bari goamarā wéanirā pohrogue erā apira bari āhriri?” arī, serēpiñabicāque. “¿Ñerire iiri?” arīrā, serēpiñaboca mua. Goāmū yare gojarapūgue ōpa āhraa: “I yeba arīri árīpehreri Goāmū ya āhraa,” arī gojañuma. Eropirā iri barire “Goāmū badorebirira bari āhraa,” arībiricāque.

²⁷ Jesure umupeobigu muare badoregū ĩgu sihucū wadiarā waque. Eropa warā muare ĩgu ejorire baque. “¿I bari goamarā wéanirā pohro erā apira bari āhriri?” arī serēpiñabita. ²⁸ Gajigu ero arīgu ōpa arībocumi muare: “I bari goamarā wéanirāre erā wejē apira dihi āhraa,” arībocumi ĩgua. ĩgu eropa arī werēcū iri bari tamerare babita. Muare eropa arī weredigu “Iri barire barā ñerire iirā iica,” arī pepibocumi. ĩgu eropa arī pepibiriboro dopa “Babita,” arāa yūhu muare. ²⁹ Eropa arīgu mua ya árīburire werēgū iibeaa. Muare iri barire weredigu ya árīburipure arīgu iiaa muare. Irire mua bacū ĩha muare ĩhacū ĩgu sā babocumi. ĩguru eropa bagu “Ñero ĩgu iiaa,” arī pepibocumi. Eropirā “¿Eropa iibocuri ĩgu?” arī iri barire babita.

“Babita,” yu arīcū ōpa arī yūhriboca mua yure: “¿Dohpa árīrono gajigu gajiropa pepiri arīrā gua gamero iimasibiribocuri gua? ³⁰ Goāmure gua ‘Ōhaa,’ gua arīra puhru gua bacū gajigu irire gua barare guare weresāmasibeami,” arīboca mua yure. Yuru ōpa yuhria. ³¹ I árīpehrerire muare yu wererare werēgū ōpa arīgu iiaa muare: Ūmuri nūcu mua mohmerā, barā, ihrirā, árīpehrerire iirā irire Goāmū ya árīburi dihta iique. Eropirā árīpehrerā masa Goāmure “Ōagu, turagu āhrimi,” erā arī umupeoboro dopa iique. ³² Ne mua iiri mera judio masare, judio masa árībirāre, Goāmū yarā sāre goroweobiricāque. ³³ Ōpa iiaa yuru. Masa árīpehrerā erā suaboro dopa iiaa árīpehreri mera. Eropigu yu gamero dopa ĩniguicābeaa yua. Gajirā masa ya árīburipure ōaro iiaa. Erāre Jesucristore umupeoborore eropa iiaa. Erā ĩgure umupeora puhru erāre peamegue wabonirāre taugacumi.

11

¹ Cristo gajirā ya árīburire árīpehrerire iimi. Eropirā Cristore yu ĩhacūdiro dopa ta mua sā yu ĩdiro dopa ta yure ĩhacūque.

Corinto majarā erā gamenererogue nome erā iiborore werēpū

² Muare yu árīpehrerire buherare, buhe turiarare guñapeo waicuabu. Eropa guñarā muare yu arīrare yu iidorediro dopa ta ĩ waicuabu mua. Eropa iirā ōaro iiaa mua.

³ Dohpaguere i säre mua masicū gahmea: Árīpehrerā ūma opu Cristo āhrimi. Eropigu nomeo opu ūmū āhrimi. Eropigu Cristo opu, ĩgu Pagū Goāmū āhrimi. ⁴ Mua Goāmure umupeo gamenerecū yujugu Goāmure serēgū dipuru bua serēgū ōaro ĩgu opure umupeogu iibeami. Goāmū yare weretaugu sā dipuru buagu ĩgu opure umupeobeami ĩgu sā. Eropirā ūmapū Goāmure serērā dipu buabiricāporo. ⁵ Eropigo nomeopū dipuru buabigo Goāmure serēgo igo marapure umupeogo iibeamo. Goāmū yare werēgo sā dipuru buabigo eropa ta igo sā umupeobeamo. Eropirā nomepū Goāmure serērā dipu buaporo. Dipuru buabigo igo poarire erā ōaro wuapehodigo iro dopa ta āhrimo igo. ⁶ Dipuru buadiabigore igo poarire seapēpoporo. “Yū poarire sea wuapehodiabeaa. Guhyasiriboca,” arīgo igo dipurure buaporo. ⁷ Mua ūmapū Goāmū iro dopa oparā

āhrraa. Eropirā Goāmū ðagu, turagu, ĩgu árĭricurire ĩhmuma erāpū. Eropirā erā dipu buabiricāporo. Nomepū “Gua oparā ũma āhrrima,” arĭ ĩhmuma. Eropirā erāpū dipure buaporo. ⁸ Goāmū ũmure ĩigu, nomeo ya dūpū mera ũmure ĩibirĭnūmi. Nomeopure ĩigu, ũmū ya dūpū mera ĩgore ĩĭnūmi. ⁹ Eropĭgū ũmure ĩigu sā nomeo yagu árĭbure ĩibirĭnūmi. Nomeopure ĩigu ũmū yago árĭbore ĩĭnūmi Goāmū ĩgore. ¹⁰ Eropirā maa Goāmure umupeorā gamenerecū nome dipure buaporo anyua sā erā ĩhasuaboro dopa. Eropa buarā “Ũma gua oparā āhrrima,” arĭ ĩhmurā ĩima. ¹¹⁻¹² Goāmū nomeore ĩigu, ũmū dūpū maja mera ĩĭnūmi. Dohpaguere ũma masa dehyoarā nome dūpūgue masa dehyoama. Eropiro ũmū ĩgu árĭmūhtabiricū nome mariboñuma. Eropĭ nome maricū ũma sā mariboñuma. Eropirā erā Jesu yarā árĭrā, ũma seyaro nome seyaro árĭmasibeama. Goāmūpū árĭpehrerire apidi árĭmi. I yeba árĭrĭre i yeba ĩiburire apidi árĭmi.

¹³ ¿Maa basi dohpa pepiri? ¿Nomeo ĩgo dipuru buabigo, Goāmure ĩgo serēcū ðhari maa pepicā? Ōabeaa. ¹⁴ Eropirā ũmū ĩgu poa ñapo ĩgu ómacū ĩha masa werewūama. Árĭpehrerā masa ĩrĭre masima. ¹⁵ Nomeopū poa ñapo ómago árĭcū ðapūrica. ĩgo poari ĩgo dipuru buari ĩro dopa ta āhrraa. ĩri säre árĭpehrerā masima. ¹⁶ Maa mera majagu ĩre yū wererare dūyasodiagu ðpa masiporo ĩgu: ĩrĭre yū arĭdiro dopa ta eropa dihta ĩinguiçā mari. Gajirā Jesu yarā sā erā gamenererogue eropa dihta ĩinguiçāma.

Bocatĭrirā erā barisubu goroweoñorā Corinto majarā

¹⁷ Dohpaguere muare gajinore werebu, “Ōaro ĩirā āhrraa,” arĭbeaa yūhū muare. Maa gamenererā ðaro ĩirā ĩibeaa. Eropirā maa gamenererore goroweorā ĩaa. ¹⁸ Ōpa arĭ weremūhtagura muare: Maa gamenererogue eropa game dūyasorā maa basi yujurayeri cururi dūca wariayoro maa. Gajirā yure ĩrĭre erā eropa arĭ werecū “Diaye ta árĭca,” arĭ pepia yūhū. ¹⁹ Eropa dūca warĭrā ðpa arĭca maa: “Dūca wari wiriaro gameca marire Jesu yarā gohra árĭrāpūre ĩhmuborore,” arĭca maa basi. ²⁰ Maa basi gamenere barā maa yujuro árĭbirā mari Opū Jesucristo dorediro dopa diaye ta bocatĭrirā ĩibeaa. ²¹ Maa gamenere barā yujurayeri maa seyaro bamuhta, ĩhrimūhta gajirāre corero mariro. Maa eropiicū gajirā oaboa wahama. Gajirāpū merea wahama. ²² ¿Maa seyaro badiarā duhpĭrā maa ya wĭrigue babeari? ¿Eropirā duhpĭrā dohpaguere Goāmū yarā gamenererore “Duhpĭburi árĭbeaa,” arĭdiari? ¿Eropirā duhpĭrā Jesu yarāre mojomorocurāre hari moorāpūre maa guhyasūoro taricū ĩiri? ¿Dohpa arĭ weregucuri yūhū muare? Ōaro ĩirā ĩaa maa, arĭbeaa yūhū.

Goāmū yare bocatĭrirā diaye erā ĩiburire werepū Pablo

²³ Goāmū yare bocatĭriburire mari Opū Jesu weremi yare. Eropa ĩgu wererare yūpū muare ĩrĭre werebu. ĩri ðpa āhrraa: ĩgure ĩhaturĭrāre Juda ĩgu sihurisubu ĩri ñami ta mari Opū Jesucristo panrure aĭ, ²⁴ Goāmure “Ōhaa,” arĭpū. ĩgu eropa arĭra pūhrū ĩrĭru panrure nuha, ĩgu buherāre guerepū. Eropa gueregu ðpa arĭpū: “ĩ yū dūpū āhrraa. Maa ya árĭburire sĭriguca. Yure maa guñaburire yūhū dohpaguere muare ĩhmuro dopa aĭ baque,” arĭpū Jesu mari Opū. ²⁵ Erā bara pūhrū ĩgu panrure aĭdiro dopa ta ĩhrĭrĭpare aĭgu ðpa arĭpū: “Maa ñeri ĩirare cóābu sĭriguca. Eropa ĩigu yū dire cóāguca. Yū di cóāra mera Goāmū masare ‘Maa mera amugara,’ ĩgu arĭdiro ojogorocuroca. ĩpa dicurire ĩhrĭrā yū di cóārare guñarāca. ĩre ĩhrĭrā maa yure guñaburire yūhū muare ĩhmudiro dopa ĩigue,” arĭpū Jesu. ²⁶ Yū werediro dopa ta ĩru panrure maa barā, ĩhrĭrĭre ĩhrĭrā, Jesu mari Opū mari ya árĭburire ĩgu sĭrirare ĩhmurā ĩaa maa. Eropa ĩmuniguirāca mūapū ne ĩgu ĩ yebague ĩgu dujaracūgue.

Goāmū yare bocatĭrimorā ðpa ĩique, arĭ gojañumi Pablo

²⁷ Maa Goāmū yare bocatĭrimorā gamenere baha, ĩhrĭrā, umupeoro mariro guhyadiaro mariro ĩirā dipuwajacurāca. Eropa ĩirā mari ya árĭburire Jesucristo ĩgu dūpūre ĩgu di cóāra säre wereyaro dopa ĩirā ĩaa maa. ²⁸⁻²⁹ Ōpa arĭ guñaro gahmea: “Mari Jesu yarā gamenererā yuju curu yuju dūpū ĩro dopa āhrraa. Mari Jesucristo yarā āhrraa,” arĭ guñaro gahmea. ĩrĭre queoro guñabirā, mari ĩri panrure baha, ĩhrĭrĭpare ĩhrĭrā queoro ĩibirā mari dipuwajacūmorā árĭrāca. Eropirā mari bocatĭriboro core mari árĭricurire guñamūhtaro gahmea ñero ĩiri arĭrā. Eropa ĩira pūhrū bocatĭri ĩhri bamasia mari. ³⁰ Eropa guña amubirĭra waja bajarā maa mera majarā dorecurā árĭcoma. Erā yujurayeri turabirā árĭcoma. Eropirā gajirā erā eropa ĩira dipuwaja sĭria wañuma. ³¹ Erā baha, ĩhriboro core erā árĭricurire ðaro guña, erā ñeri ĩirĭre duhunĭrā, erā ñeri dipuwajare dipuwajacūbiriboñuma. ³² Mari Opūpū marire ĩgu yarāre dipuwaja moagu mari ñeri ĩirĭre duhcū ĩgu ĩimi. Jesure gamebirāre ĩgu dipuwaja moaboro dopa marire

dipuwaja moabirborore eropa iimi. Mari peamegue wabirborore dohpaguere marire dipuwaja dabero moami mari Opu.

³³ Eropirā yu acawererā, bocafirimorā gamenererā, mua basi corenique. ³⁴ Eropirā mua mera majarā oaboarā, erā ya wihigue bamuhtaporo. Eropirā bocafirimorā ōaro gamenere baque mua űero dipuwajacarā wabirborore. Gajinore werediarabū muare. Puhru yu basi ejaḡu muare weregura irire.

12

Goāmu ya árĭburire mari mohmeburire apigu marire irire iimasicū iimi Espírĭtu Santo, arĭ gojañumi Pablo

¹ Yu acawererā, ōpa muare weregū ire muare masicū gahmea. Goāmu ya árĭburire mari mohmeburire apigu marire árĭpehrerāre irire iimasicū iimi Espírĭtu Santo.

² Mua Jesu yarā árĭnibirā gajiropa árĭri buherire pee nūrarā árĭrā, muapu goāmarā wéanirāre umupeoyoro. Noho mua bocarāre wereniguibirāre umupeoyoro. Irire masia mua. ³ Eropa árĭnirā mua árĭcū dohpaguere ōpa arĭ werediacā muare. Espírĭtu Santo itamuri mera wereniguirā “Jesu űero waporo,” ne arĭmasibeama. Eropirā Espírĭtu Santo itamuri mariro wereniguirāpu “Jesu árĭpehrerā wecague opu mari Opu āhrimi,” arĭmasibeama.

⁴ Goāmu ya árĭburire mohmemasiburi baja āhraa. Irire marire iimasicū igupu yujugu ta āhrimi. Igū Espírĭtu Santo āhrimi. ⁵ Eropiro Goāmu ya árĭburire iimasiri mera mari mohmeburi baja āhraa. Irire mari iiburire doreḡu yujugu ta mari Opu Jesu āhrimi. ⁶ Mari igū yarā igū ya árĭburire iimasiri mera mari mohmeri yujuropa ta árĭbeaa. Iri mohmeri ōaro wacū igū yujugu ta Goāmu āhrimi. ⁷ Espírĭtu Santo marire Jesu yarā nūcare mari iimasiburire apigu Goāmu turarire ihmugū iimi. Ōpa ta iimi igū Jesu yarāre árĭpehrerā mari ōaro mohmeboro dopa. ⁸ Yujurāyerire ōaro masiri mera wercū iimi Espírĭtu Santo ta. Eropigu gajirāre Goāmu yare ōaro buhecū iimi igū Espírĭtu Santo. ⁹ Eropigu gajirāre “Mari Goāmu mera ōaro iimasia,” arĭ Goāmure guñaturacū iimi Espírĭtu Santo ta. Eropa iigu gajirāre turarire Espírĭtu Santo ta ohomi igū. Iri turarire igū ocū erāpu dorecurāre ōarā wacū iima. Espírĭtu Santo yujugu ta árĭḡu iri turarire ohomi. ¹⁰ Eropigu igū gajirāre deyoro moarire iimasicū iimi igū. Eropa iigu Goāmu yare ōaro weretaumasicū iimi igū gajirāre. Eropa iigu gajirā Jesu yarāre buherire ōaro beyemasicū iimi igū. Eropa masirā watĭ ya buheri árĭcū masima erā. Espírĭtu Santo gohra ya iri buheri árĭcū sāre masima erā. Eropigu gajirāre erā peeyamarirā yare wereniguimasicū iimi igū. Eropigu peeyamarirā yare erā werenigicū gajirāre weretaumasicū iimi. ¹¹ Iri árĭpehrerire iimasirire apigu ta Espírĭtu Santo ta yujugu ta āhrimi. Igū gamero dopa ta marire yujurāyerire mari mohmeburire apimi.

Cristo yarā árĭrā yuju curu ta āhraa mari, arĭ gojañumi Pablo

¹² Werenigui queori mera muare weregura: Mari dūpu yuju dūpu árĭquerecū ta, mojotori, cuiři, guburi, gamiri, iri tamera baja āhraa mari dūpure árĭri. Eropa āhraa mari Cristo yarā. Bajarā árĭquererā ta yuju dūpu iro dopa ta yuju curu ta āhraa igū mera. ¹³ Eropirā Cristo yarā árĭrā igū dūpu iro dopa yuju curu ta āhraa mari. Judio masa, judio masa árĭbirā, pohro majarā, pohro majarā árĭbirā, baja cururi árĭquererā ta yujugu árĭḡu igū dūpu iro dopa yuju curu ta āhraa mari. Espírĭtu Santo yujugu ta árĭḡu igū turari mera waiyesūnirā marire yuju curu Cristo yarā árĭcū iimi. Eropirā mari árĭpehrerā yujugu Espírĭtu Santore opaa Cristo ya curu majarā árĭrā.

Eropirā mari Cristo yarā yuju dūpu iro dopa āhraa. ¹⁴ Mari dūpu yuju dūpu árĭquerecū ta mojotori, cuiři, guburi, gamiri iri mari dūpu árĭri baja āhraa. ¹⁵ Mū guburo wereniguirā guburo árĭro ōpa arĭboya mure gajiropa arĭro: “Mū mojoto árĭbeaa yuhū. Eropiro mū dūpu maja árĭbeaa yuhū,” arĭboya. Mū guburo eropa arĭquerero ta mū dūpu maja árĭro ta iiaa. ¹⁶ Mū gamiro wereniguirā gamiro árĭro ōpa arĭboya mure: “Mū cuiři árĭbeaa yuhū. Eropiro mū dūpu majaru árĭbeaa yuhū,” arĭboya. Mū gamiro eropa arĭquerero ta mū dūpu maja gamiro árĭro ta iiaa. ¹⁷ ¿Mari dūpu cuiři dihta árĭcū dohpa peebocuri mari? Masiya mara. ¿Eropirā mari dūpu gamiro dihta árĭcū dohpa ii wĭji pepibocuri mari? Masiya mara. ¹⁸ Eropa árĭbeaa mari dūpu. Ōpa āhraa. Mari dūpu árĭrinore árĭpehrerire Goāmu igū gamero dopa ta apidi árĭmi mari dūpure. ¹⁹ ¿Mari dūpu árĭri maricū dohpa waboyuri mari dūpu? Mariboya. ²⁰ Mari dūpu ōpa āhraa: Yuju dūpu árĭquerecū ta mari dūpu árĭri baja āhraa. Eropa ta mari Jesu yarā yuju dūpu iro dopa árĭquererā bajarā āhraa mari basi game itamumorā.

²¹ Eropiro mū cuirupu mū mojotore “Mū itamucū gamebeaa,” arĭmasibeaa. Eropiro mū dipuru mū guburire “Mū itamucū gamebeaa,” arĭmasibeaa. ²² Gaji mari dūpu

árĩrire “Bu árĩnariri áhraa,” mari arĩripure uputu gahmea mari. ²³ Eropirã gaji mari dũpu árĩrire “Bu árĩnariri áhraa,” arĩ pepia. Eropirã irire ðaro deyororo arĩrã ðaro ahmua. Eropirã gaji mari dũpu árĩrire mari guhyasĩrisãrire ðaro ahmua ðaro árĩbororo dopa. ²⁴ Gaji mari dũpu árĩrire mata ðari deyoripure eropa amubeaa mari. Goãmu mari dũpu árĩri yujuñe gajĩñere gamebircũ iibiridi árĩmi. Igu mari dũpu árĩrire árĩpehrerire ðaro amudigu árĩmi yuju dũpu ðaro dũpucaburire. Eropa iigu “Bu árĩnariri áhraa,” mari arĩripure mari ðaro gamecũ iimi. Eropa ta ne yujugere Jesu yagure “Bu árĩgu áhrimi,” arĩmasibeeaa mari. ²⁵ Eropa ta árĩdoredi árĩmi Goãmu mari dũpu árĩri yujuro mera iri basi game itamuboro dopa. ²⁶ Mari dũpu árĩri yujuñe ñero taricũ gaji mari dũpu árĩri sã ñero taria. Eropiro mari dũpu árĩri yujuñe ðaro árĩcũ mari dũpu árĩpehrero ðaro pepia.

²⁷ Eropa arĩgu ðpa arĩdiagũ iiaa muare: Mũapu Cristo Igu dũpu iro dopa árĩrã yuju curu ta áhraa. Eropirã árĩpehrerã mua igu dũpu árĩri iro dopa áhraa igu yarã árĩrã. ²⁸ Eropigu Jesu yarã gamenererã watope mari game itamuburire apidigu árĩmi Goãmu marire. Ópa apipu igu marire: Yujurãyeri guare buhedoregu Cristo apimuhadigu árĩmi. Ero pũhrũ gajirãre Igu yare weretaumorãre apidi árĩmi. Ero pũhrũ gajirãre Jesu yarãre buhemorãre apidi árĩmi. Eropigu gajirãre deyoro moarire iimorãre, gajirãre dorecurãre erã taricũ iimorãre, erã pũhrũ gajirãre masare itamumorãre, gajirãre oparã árĩmorãre apidi árĩmi. Ero ojogoro peeyamarirã yare wereniguimorãre apidigu árĩmi marire. ²⁹ Eropa Igu apicũ árĩpehrerã yujuro pa iimorã árĩbeaa mari. Mari árĩpehrerã Jesucristo yare buhedore igu apinirã árĩbeaa mari. Eropirã Goãmu Igu yare weretaurã mari árĩpehrerã árĩbeaa. Eropirã árĩpehrerã masare buherã árĩbeaa. Eropirã mari árĩpehrerã deyoro moarire iimasirã árĩbeaa mari. ³⁰ Eropirã mari árĩpehrerã dorecurãre taumasirã árĩbeaa mari. Eropirã mari árĩpehrerã peeyamarirã yare wereniguimasimorã árĩbeaa. Eropirã gajirã erã wereniguirire weretaumasimorã mari árĩpehrerã árĩbeaa. ³¹ Eropirã Goãmu ya árĩburire mohmemasiburĩñere gamerã ðaripure turaro gameque mua. Eropigu árĩpehreri ya arĩra tauro ðaro mua iiburire dohpaguere weregura yũhu.

13

Gajirãre erã ðaro mahiburire, umupeoburire wereñumi Pablo

¹ Peeyamarirã yare masa ya wereniguirire, anyua ya sãre wereniguimasiquerã ta gajirãre mahibirã, duhpimorã árĩbiriboyã mari. Eropiro mari wereniguiri sã eropa busumaacãboaya mari gajirãre mahibirã árĩrã. ² Goãmu yare ðaro weremuhamasiquererã ta gajirãre mahibirã bu arĩmaacãrã árĩboya mari. Eropirã masa erã masibirirare Goãmu yare árĩpehreri masiri masipehoquererã ta gajirãre mahibirã, bu arĩmaacãrã árĩboya mari. Goãmure ðaro umupeotariri mera utãgu “Gajipugue wapororo,” arĩrã wadoremasicquererã, mari gajirãre mari mahibirã bu árĩrã árĩboya. ³ Mari yare árĩpehrerire mojomorocurãre oquerecũ ta erãre mahibiricũ iri mari ora duhpiburi árĩbiriboyã. Eropirã Goãmu ya árĩburire mari iira dipuwaja mari dũpore gajirãpu soequerecũ ta, gajirãre mari mahibiricũ iri duhpiburi árĩbiriboyã.

⁴ Gajirãre mahirã mata guabeea erã mera. Erãre mahirã ðaro iiaa. Eropirã gajirãre mahirã erã marire opanemocũ ihaturibeeaa. Eropirã mari mahigu mera árĩrã “Mũ tauro árĩgu áhraa yũhu,” arĩrã iibeeaa mari. Gajirãre mahirã, “Erãre masitarinũgaa,” arĩ pepibeeaa. ⁵ Eropirã gajirãre mahirã erãre umupeori mera queoro iiaa mari. Gajirãre mahirã mari ya árĩburi dihtare guñabeea. Erã ya ðaro árĩburi sãre guñaa. Eropirã erãre mahirã disĩtĩri werenigubeeaa mari. Eropirã marire erã ñero iicũ sãre erã mera guawajabeeaa mari. ⁶ Gajirãre mahirã erã ñero iirire mucubiribeeaa mari. Daye majapure erã iicũ iarã burigã mucubiria erã mera. ⁷ Gajirãre mahirã erã ñeri iicũ gajirãre ne quere moabeea. Eropirã gajirãpu erãre erã werewuacũ peequererã ta irire peediabeeaa mari. Óari dihtare peedaa mari. Gajirãre mahirã “Óarire iirãcoma,” arĩ cohrea mari erãre. Gajirãre mahirã erã iira mera mari ñero tariquererã ta erãre mahi duhosome mari.

⁸ Gajirãre game mahiri ne pehresome. Goãmu yare weretauripũ pũhrũ duhpiburi arĩsosome. Peeyamarirã ya wereniguiri sã pehrea waroca. Goãmu yare masitariri wajamariroca pũhrũgue. Mari masipehora pũhrũgue duhpiburi gohra arĩsosome iri. ⁹ Dohpaguere Goãmu yare mari merogã masia. Eropirã mari Igu yare wererã mari merogã weremasia. ¹⁰ Pũhrũgue ta mari masipehorãca. Eropiro mari merogã masia duhpiburi arĩsosome. Irisubugue masipehorãca.

¹¹ Iri ópa áhraa: Majigu árĩgu majigu dopa wereniguiribu yũhu. Eropigu majigugã dopa pepiribu. Eropigu bugu wagu majigu iro dopa árĩrãre duhucãbu. Eropa ta

pũhrũguere mari dohpaguere merogã masirare duhura pũhrũ masipehorãca. ¹² Diuru ðaro masure deycũ iibiro dopa ta dohpaguere ðaro masipehonibeaa dohpa mari. Pũhrũ Goãmũre mari ðaro ihamasirãgue mari masipehorãca. Dohpaguere mari merogã dihta masia dohpa. Goãmũ marire iũ masipehodiro dopa ta pũhrũ mari sã ðaro masipehorãca.

¹³ Eropirã dohpaguere mari iimasiburi uhrefe dujaroca. Goãmũre "Diaye ta árigũ áhrimi," arĩ umupeoniguirãca. Eropirã marire iũ mera ðaro árniguiburire mucubiri coreniguirãca. Eropirã gajirãre game mahiniguirãca. Goãmũre umupeori, iũ mera árfborore mucubiri coreri tauro áhrea game mahiripũ.

14

Peeyamarirã yare wereniguirire wereñumi Pablo

¹ Eropirã gajirãre game mahirã árique mua. Eropirã Goãmũ ya árfburire mua mohmemasiburire Espiritu Santo iũ apirare turaro gameque. Goãmũ yare mua weremasiburi tamerare burigã gameque mua. ² Peeyamarirã yare wereniguigũ Goãmũ dihta peeborore wereniguimi. Eropa arĩ wereniguigũ masa peeborore wereniguigũ iibeami iũ. Iũ eropa arĩ wereniguicũ peerã masapũ ne peebeama iũre. Masa erã masibiririre Espiritu Santo iũ turari mera wereniguigũ iimi iũ. ³ Goãmũ yare weretaugũpũ masapũ peeburire weremi. Eropa weregu iũ masare itamugũ iimi iũ. Eropigũ erãre Jesucristore umupeonemocũ iimi. Eropigũ iũ erã ñero taricũ iũ erãre ðaro siporãcũcũ iimi. ⁴ Peeyamarirã yare wereniguigũ iũ basi dihtare Jesucristore umupeonemocũ iimi. Gajirãre Jesucristore umupeonemocũ iibeami. Goãmũ yare weretaugũpũ gajirãre Jesu yarã gamenererãre Jesucristore umupeonemocũ itamumi iũ.

⁵ Peeyamarirã yare árfpehrerã mua wereniguicũ ðaboya yũ pepicũ. Eropa árfquerecũ ta Goãmũ yare mua weretaucũ tamerare turaro gahmea. Goãmũ yare weretaugũpũ peeyamarirã yare wereniguigũ tauro ðaga áhrimi. Eropa árfquerecũ ta peeyamarirã yare wereniguigũ iũ wereniguirire gajigũ iũ weretaucũ iũ sã ðaga dujami. Iũ wereniguirire weretauga Jesu yarã gamenererãre Jesucristore umupeonemocũ iimi. ⁶ Eropigũ, yũ acawererã, yũhũ mua pohrogue peeyamarirã yare wereniguigũ wagu mũare itamumasibiriboya yũhũ. Goãmũ iũ yare wererare weregu itamua. Iũ yare Espiritu Santo yare masicũ iirare buhegu mũare itamugu iiaa.

⁷ Peeyamarirã yare wereniguigũ iũ wereniguiri mari peebero ðpa iro dopa áhrea. Tarusure purirã, mari buamutëriñere irire mari queoro iibiricũ, iri bayarire gajirãre masima masiya mara. ⁸ Eropigũ cornetare purigu surara árigũ erã gamewejëboro core queoro iũ puribiricũ gajirã surarapũ masisome erã gamewejëboro gamenererore. Eropirã erã gamewejëboro core erã wejëburi mojure amuyubirã áhrima erã. ⁹ Eropa ta mua sã peeyamarirã yare wereniguicũ peerã gajirã irire peebeama. Eropa peebiricũ mua wereniguiri duhpburi árfbeaa erãre. ¹⁰ I yebare baja wereniguiri árfca. Eropirã irire wereniguirã erã basi erã eropa wereniguirire ðaro peema. ¹¹ Iũ yã wereniguirire yũ peebiricũ iãgu irire wereniguigũpũ "Gajirã yare wereniguimi," arĩ pepicumĩ yare. Eropigũ yũ sã eropa ta arĩ pepica iũre. ¹² Eropirã mua peeyamarirã yare wereniguirã, Espiritu Santo iũ yare mohmemasi apira mera turaro mohmediaraa mua. Irire eropa iidiarã Jesu yarã gamenererãre ðaro itamuburipũre burigã mohmediaque mua.

¹³ Eropigũ peeyamarirã yare wereniguigũ "Yũ wereniguirire gajirãre ðaro were-taumasiburire itamugũre yare," Goãmũre arĩ serëporo iũ. ¹⁴ Peeyamarirã ya mera Goãmũre serëgu yũ pepiri mera serëgu iiaa. Eropa serëgu yũ pepirire masibigũ yũ wereniguirire masibeaa. Eropa iũ gajirãre itamubeaa yũhũ. ¹⁵ Ire masirã, ðpa iirãca mari: Espiritu Santo iũ turari mera peeyamarirã ya mera Goãmũre serërãca. Eropirã gajisubu ðaro masi pepirã gajirã erã ðaro peebero dopa erã ya mera Goãmũre serërã iri sãre serërãca mari. Espiritu Santo iũ turari mera peeyamarirã ya mera Goãmũ yare bayarãca. Eropirã gajisubu ðaro masi pepi gajirã erã ðaro peebero dopa erã ya mera Goãmũre bayarãca. ¹⁶ Mari eropa iibiricũ peeyamarirã ya mera wereniguirã Espiritu Santo iũ turari mera Goãmũre, "Õagu turagu áhrimi," mari árfquerecũ ta gajirã ne peebeama. Erã eropa peebirã "Diaye ta áhrea," arĩmasibeama. ¹⁷ Peeyamarirã ya mera Goãmũre "Õhaa," arĩmasia mari. Mari eropa arĩri ðaro árfquerecũ ta gajirã peebeama. Eropirã erãre Jesucristore umupeonemocũ itamubeaa mari. ¹⁸ Árfpehrerã mua tauro yũpũ peeyamarirã yare wereniguia. Eropigũ Goãmũ yare eropa wereniguimasigũ iũ icũ iũre "Õhaa," arãa yũhũ. ¹⁹ Eropa wereniguigũpũ yũ árfquerecũ Jesu yarã

gamenererā watope peeyamarropa peebirā “Diaye ta āirā ya mera yoari boje yu wereniguiquerecū duhpiburi ārībeaa erāre. Yuhū masa erā ōaro peemasiboro dopa buhegu merogā yu buhequerecū ta iri tamera ḍapūrica erāre.

²⁰ Yu acawererā, majirāgā pee masibirāgā iro dopa ārībircāque mua. Murā erā pee masirā ārīro dopa ārīque mua. Eropirā ne masa dehyoarā erā űeri iirire erā masibiro dopa ta ārīque mua. ²¹ Goāmu yare erā gojarapū ōpa āhraa Goāmu wereniguirire: “Gajirā ya queo wererāre oā masare yahare weredoregura. Eropigu gaji yeba majarā masare ḍarire yahare weredoregura oā masare. Yu eropa weredorequerecū ta erā yare peesome yu wererire,” arīmi Goāmu mari Opū, āhraa Goāmu yare erā gojarapūgue. ²² Peeyamarirā yare wereniguirire Goāmure umupeobirāre erāre ihmuri āhraa. Eropiro peeyamarirā yare wereniguirire Jesu yarāpūre Goāmu turarire ihmuri ārībeaa. Eropiro Goāmu yare wereripū Jesure gamebirāre Goāmu turarire ihmuri ārībeaa. Goāmu yare wereripū Jesu yarāpūre Goāmu turarire ihmuri āhraa. ²³ Eropirā mua Jesu yarā gamenererā, peeyamarirā yare mua ārīpehrerā wereniguiquē, Goāmu yare masibirā gajirā Jesure umupeobirā sā űajari peebocoma. Mua eropa wereniguiquē peerā, erā muare “Cue, goroweorā wahama,” arībocoma erā. ²⁴ Ārīpehrerā mua Goāmu yare mua werecū tamera Goāmu yare masibigu, Jesure umupeobigu sā űajari peegu, ĩgu űero iirare masigucumi ĩgu. Eropigu ĩgu űeri iirare bujawerebocumi ĩgu. ²⁵ Eropigu ĩgu ārīricarire ĩgu pepiri sāre guűagucumi ĩgu. Eropigu mereja Goāmure “Yu opu āhrimi,” arīgu umupeogucumi. Eropigu “Goāmu diaye ta mua mera āhrimi,” arīgucumi ĩgu muare Goāmu yare werecū peegu.

Mua gamenererā ḍaro iique goroweoro mariro, arī gojaűumi Pablo

²⁶ Eropigu, yu acawererā, muare ire arīgu iiaa: Mua gamenererā yujurāyeri mua mera majarā Goāmu yare bayadiama. Eropirā mua gajirā buhediaa. Eropirā gajirā Goāmu muare ĩgu wererare werediaa. Eropirā mua gajirā peeyamarirā yare wereniguidiaa. Eropirā mua gajirā iri wereniguirire weretaudiaa. Mua eropa iirā gajirāre erā Jesucristore umupeonemoboro dopa irire iique. ²⁷ Eropirā peeyamarirā yare mua wereniguirā mua perā o űrerā, erā nucu ta wereniguique mua gamenererisubū. Eropirā yujurāyeri wereniguique. Mua eropa wereniguiquē, yujugu mua mera majagu mua wereniguirire gajirāre weretauporo. ²⁸ Mua wereniguirire weretaubū maricū mua gamenererogū peeyamarirā yare wereniguibircāque. Eropirā mua seyaro peeyamarirā yare Goāmu mera wereniguique. ²⁹ Eropirā Goāmu yare werediarā perā o űrerā iripēta wereque mua. Mua eropa werecū gajirā muare peerā mua wererire Goāmu ya ārīcū ḍaro masiporo. Eropirā Goāmu ya ārībircū sāre ḍaro masiporo. ³⁰ Eropigu Espīritu Santo Goāmu yare gajigūre ero doagure ĩgure wereri ocū, ĩgu sā Jesu yarāre werediami. ĩgu werediacū ĩha Goāmu yare weremuhtagupū werenigui duhuporo. ³¹ Eropirā mua ārīpehrerā Goāmu yare wererā, yujurāyeri wereque mua ārīpehrerā gajirā erā ḍaro peeboro dopa, erā ḍaro mucubiriboro dopaa. ³² Eropirā Goāmu yare wererā ārīrā, ḍaro pee masirā, ḍaro peefanangu wereniguirā ārīque. ³³ Goāmu ĩgu yarā erā gamenererogū erā game wisicū gamebeamī ĩgu. Goroweoro mariro erā ḍaro ārīcū gahmemi ĩgu. Eropirā ḍaro iique mua ārīpehrerogū Jesu yarā gamenererā.

³⁴ Ārīpehrero Jesu yarā gamenererore nomere wereniguibircāro gahmea. Erā nomere maripū wereniguidorebeaa. Goāmu yare erā gojarapū sā arīro dopa ta nomere muare ḍaro yuhrirā nome ārīro gahmea. Eropirā mua gamenererore nome masare werebircāporo. ³⁵ Jesu yarā erā gamenererore nome erā wereniguiquē ḍabeaa. Eropigo gajinore masidiago nomeo ĩgo ya wihigū ta ĩgo marapūre serēpiporo.

³⁶ Ire yu wereburi ḍaro masique mua. Goāmu yare weremuhtarā ārībeaa mua. Eropirā ĩgu yare peenirā mua dihta ārībeaa. Gajirā sā ĩgu ya buherire opama. ³⁷ Mua mera majagu “Yu tamera Goāmu yare weregu āhraa,” arī pepibocumi. Eropa arī pepigu i yu muare gojarare “Goāmu doreri ta āhraa,” arī masiporo ĩgu. Eropigu gajigu, “Espīritu Santo iimasiburire ĩgu apirare ḍaro opaa yuhū,” arī pepibocumi. Eropa arī pepigu ĩgu sā i yu muare gojarare “Goāmu ya doreri ta āhraa,” arī masiporo. ³⁸ Iirire ĩgu masidiabircū yu gojarare “Diaye ārībeaa,” ĩgu arīcū ĩgure duhucāque. Peebircāque ĩgure.

³⁹ Eropirā yu acawererā, Goāmu yare weremasiburire burigā gameque mua. Eropirā mua mera majarā mua gamenererogū peeyamarirā ya erā wereniguidiacū, “Wereniguibircāque,” arībircāque erāre. ⁴⁰ Eropa iirā ḍaro iique. Eropirā gamenererā ḍaro game, goroweoro mariro iique mua.

15

Cristo ĩgu masa mariarare wereru Pablo

¹ Dohpaguere yu acawererã, ðari buherire yuhu muare wererare muare guĩacũ iidiaca. Iri buherire ðaro peeðu mua. Eropa peerã iri buherire umupeonijarã ðaro aħraa mua. ² Mua eropa umupeocũ irire mua cõabiricũ Cristo muare peamegue wabonirãre taugũcumi. Mua eropa peera puhru Cristo yare mua duhcacũ iri mua peera duhpiburi arĩbiriboya.

³ Õpa arĩ weremuhtagara muare. Bu gohra arĩbeaa. Muare buhegu yare Cristo ĩgu wererare õpa arĩ werebu: Goãmu yare erã arĩ gojayudiro dopa ta mari ñeri wajare Cristo siripu. ⁴ Eropigu Goãmu yare erã arĩ gojayudiro dopa ta Cristo ĩgu sirira puhru gajirã ĩgure erã yaara puhru uhrenu waboro ĩgu masa mariapu. ⁵ ĩgu eropa masa mariara puhru Pedrore dehyoapu. ĩgu eropa dehyoara puhru ĩgu buherãre doce mera majarãre dehyoapu daja. ⁶ Erãre dehyoara puhru yujusubu ta quinientos weca arĩrãre ĩgu yarãre dehyoapu daja. Gajirã ĩgure ñanirã sirituañorã. Gajirã ĩgu ñanirã bajarã erã mera majarã arĩñirã dohpaguere arĩnima. ⁷ Puhru Cristo Santiagore dehyoapu daja. Eropa ĩgu dehyoara puhru arĩpehrerã ĩgu buhedore apinirãre dehyoapu daja.

⁸ Arĩpehrerã gajirãre ĩgu dehyoara puhru yu sãre dehyoami daja. Majigugã queoro masa deyobigugã ĩgu masa dehyoanurusiadiro dopa ta yu sã Jesure umupeo nurusiagu aħraa. Yu eropa arĩcũ erã puhru dehyoami Jesu yu sãre. Yure ta ĩgu dehyoatumi pare. ⁹ Ero coregue Jesu yarãre ñero iiribu. Eropa iidigu arĩgu gajirã Jesu ĩgu apinirã arĩpehrerã erã docague gohra aħraa yuhu. Eropigu dohpague sãre Jesu ĩgu buhedore ĩgu apibodigu arĩbiriribu yuhu. ¹⁰ Eropa arĩqueregu ta Goãmu ĩgu yure mahicũ dohpaguere Jesu ĩgu apidigu aħraa yu sã. Eropigu ĩgu yure mahicũ dohpaguere ĩgu gamerire iipehoa. Eropigu ĩgu yure mahicũ ĩgu yagu eropa arĩcãgu iibeaa. Arĩpehrerã gajirã ĩgu apinirã tauro yuru turaro mohmeabu. Eropa mohmegu yu gamero iri mohmerire iibirabu. Goãmu yure mahigu yure itamuami. ¹¹ Yuhu muare ðari buherire buhegu yu arĩcũ erã muare buherã arĩcũ sãre yujuropa aħraa. Guapu ire buherã arĩquererã ta bu gohra arĩrã iiaa. Gua buheripu bu arĩri arĩbeaa. Eropirã muapu i buherire ðaro peeabu.

Sĩrinirã mura erã masa mariaborore wereru Pablo

¹² Cristo ĩgu sirira puhru ĩgu masa mariarare gua buhequerecũ "Sĩrinirã mura ne masa mariabeama," arĩma mua mera majarã yujurãyeri. ¿Dohpa arĩrono eropa arĩri erã irire? ¹³ Õpa masiporo erã. Sĩrinirã murare Goãmu masa mariacũ iibigu Cristo sãre ne masa mariacũ iibiriboñumi. ¹⁴ Eropigu Cristo ĩgu masa mariabiricũ ðari buherire gua werera ne waja mariboya. Mua ĩgure umupeori sã waja mariboya. ¹⁵ Masa mariari maricũ guapu Goãmu yare wererã guyarã iiboya. Sĩrinirã mura erã masa mariabiricũ Goãmuru Cristore masa mariacũ iibiriboñumi. ĩgu eropa iibiricũ gua "Goãmu Cristore masa mariacũ iipu," arĩrã guyarã iiboya. ¹⁶ Sĩrinirã murare Goãmu masubigu, Cristo sãre ĩgu masubiriboñumi. ¹⁷ Eropiro Cristo ĩgu masa mariabiricũ ĩgure mua umupeori waja mariboya. Eropiro mua ñeri dipuwajacurã arĩboya dohpa peamegue wamorã. ¹⁸ Masa mariariñe maricũ Cristo yarã mura sirimuhitanirã mura peamegue wamorã arĩboñuma. ¹⁹ Cristore mari umupeora puhru mari sirirãgue mari masa mariamasibirimorã arĩrã arĩpehrerã masa tauro mojomorocurã arĩboya maripu. Eropirã ĩgure umupeorã bu gohra arĩrãre umupeorã iiboya mari.

²⁰ Eropa arĩbeaa. Diaye ta Goãmu Cristore ðaro masa mariacũ iicãdi arĩmi. Cristo ĩgu masa mariara puhru mari sã sirirãgue masa mariamorã ta aħraa. ĩgu eropa masa mariagu, Cristo masa maria gubuyecañumi marire. ²¹ Õpa ta aħraa i: Adán masu arĩmuhtadigu ĩgu ñerire iinugara puhru masa sirinugañuma. Eropigu gajigu masu Jesucristo ðarire ĩgu iira puhru sirinirã mura masa mariamasima. ²² Adán yarã arĩnurasiarãgue mari arĩpehrerã sirirãca. Eropa ta Cristo yarã mari arĩcũ mari sirira puhru marire masa mariacũ iigucumi Goãmu. ²³ Yujurãyeri cururi marire Goãmu sihurisubu masa mariarãca. Cristo marire arĩmuhtadigu masa mariamuhapu. Puhru ĩgu i yebague dujaricũ ĩgu yarã sã masa mariarãcoma. ²⁴ Irisubu ta i umu peherinu arĩroca. Eropigu arĩpehrerã ñerã oparãre, dorerãre, turarãre Cristo cõãgucumi. ĩgu eropa iira puhru arĩpehrerã weca opu ĩgu arĩrãre wiagucumi Goãmure mari Pagure. ²⁵ ĩgu wiaboro core mari Pagu Cristore ñaturirãre ĩgu tarinugapehoboro core Cristo tamera arĩpehrerã weca opu arĩgucumi. Eropa iibu ta arĩro gahmea ĩgure. ²⁶ ĩgure ñaturirãre ĩgu cõara puhru siririñe sãre pehrecũ iigucumi ĩgu. ²⁷ Goãmu yare gojarapũgue õpa aħraa: "Arĩpehrerã weca dorebure apipu Goãmu Cristore. Arĩpehreri

sāre apipū Īgure.” Eropa ta arāa Goāmu yare erā gojarapūgue. “Árīpehrerā weca dorebure apipū Goāmu Cristore,” arī gojagu, “Goāmu weca doregu Cristo āhrimi Īgu,” arīdiabiriñumi. Goāmupū Cristore eropa apinūmi. ²⁸ Árīpehrero Goāmure ihaturirāre Īgu cōara puhru árīpehrerā weca doregu Cristo Goāmu magu Īgu arītuhagu Īgu opu arīrare Goāmure Īgure apidigupure wiagucumi. Eropiugucumi “Goāmupū árīpehrerā weca opu árīpehreri opu gohra āhrimi,” árīpehrero árīpehrerā arīmasiboro dopa.

²⁹ “Sīrinirā masa mariasome,” arīma gajirā. ¿Erā arīri diaye arīcū duhpimorā gajirā masa sīrinirā mura ya arīburire erā waiyebasanirā āhriri mua pepicū? Sīrinirā mura masa mariabiricū erā ya arīburire gajirā waiyebasara duhpihuri arībiriboya.

³⁰ Guapu gua buheri dipuwaja umuri nucu gajirā guare erā ñero iidiacū guhya āhraa gua sāre. Guare eropa guhyaguerecū ta masa mariari arīcū masirā eropa buheniguicāa gua. ³¹ Mari Opu Jesucristo yarā mua arīcū Īgure umupeonemorā mua wacū yupu turaro mucubiri pepia yuhu muare. Iri diaye ta āhraa. Eropigu “Yure noho erā gamerinu wejēmaja guhya āhrima,” yu arīcū iri sá diaye ta āhraa. ³² Efeso majarā guarā ōari buherire yu buhera waja yare pama. Masa mariariñe maricū Jesu yagu yu arībiricū, yu ñero tarira waja duhpihuri arībiriboya. Sīrinirā mura erā masa mariabiricū ōpa arīboya mari: “Puhruñari sīrirāca. Dohpa wasome mari. Eropirā bania, ihrirā, mari gamero dopa iirā,” arīboya mari.

³³ Eropa arī guyarire pepibiricāque mua. “Ñerāre wapicurā, ōarire mua iirare cādijirāca mua,” arīma masa. Iri diaye ta āhraa. ³⁴ Ōarire pepirā arīque mua. Eropirā ōarire iirā arīque daja. Eropirā ñerire iinembiricāque daja. Gajirā mua mera majarā ne Goāmure masibeama. Mua guhyasīriburire muare eropa arāa.

Sīrinirā mura erā masa mariaborore werenemopu Pablo

³⁵ Eropi mua mera majagu ōpa arī serēpibocumi yure: “¿Dohpa ii sīrinirā mura masa mariarācuri? ¿Dohpa bejari dupucurā masa mariarācuri? arī serēpibocumi yure. ³⁶ Eropa arī serēpigu pee masibigu āhrimi. Oteriyere mari oterā iriye boacū gohra puhri wiria. Boabiricū ne puhri wirimasibea. Irire masia mua. ³⁷ Puhritaridigu yucugaguere otebeaa mari. Dipayeri dihtare otea mari. Iriyeri trigo yeri arīro āhri, o gajiyeri arīro arīca. ³⁸ Iriyerire mari otera puhru Goāmupū Īgu gamediro dopa ta iriyerire buga mariacū iimi. Eropigu ojoducayerire ojoducañu wacū iimi Īgu. Trigo yerire trigo sari wacū iimi. Eropa ta puhridoremi Goāmu. ³⁹ Árīpehrerā dupucuri yujuropa deyobeaa. Masa dupupū yujuropa ta āhraa. Waimurā dupu sá gajiropa ta dehyoa. Mirimagū porā dupu sá gajiropa ta dehyoa. Eropirā wai sá gajiropa ta dupucuma. ⁴⁰ Eropirā umaro majarā sá āhrima. Eropirā i yeba majarā sá āhrima. Eropirā umaro majarā dupu gajiropa dehyoma. Eropiro i yeba majarā umaro majarā iro dopa arībeama. ⁴¹ Ōpa ta āhraa. Abe umu majagu gosemi. Eropi ñami majagu sá boje āhrimi Īgu sá. Yuju diaye ta boyomi. Eropirā necā sá gajiropa bejari gosesirima. Necā majarā sāre mari iacū gaji dipu daberogā gosesiriri dipu dehyoa. Eropiro gaji dipu turaro gosesiriri dipu dehyoa. ⁴² Eropa ta āhrima sīrinirā mura erā masa mariacū. Masu Īgu dupure mari yaara puhru Īgu dupu boa waroca. Eropiro gaji dupu gajiropa arīri dupu umuri nucu ojocariburi dupu masa mariaroca. ⁴³ Īgu dupure mari yaacū sīridigu dupu ñeri dupu āhraa. Goāmu Īgure masucū Īgu dupu ōataritari dupu arīroca. Eropiro Īgu dupu mari yaara dupu turari mariri dupu āhraa. Eropiro Goāmu Īgure Īgu masucū dupu turataritari dupu arīroca. ⁴⁴ I yeba maja dupure mari yaarāca. Īgu sīridigu muru Īgu masa mariacū Īgu dupu umaro maja dupu ta arīroca. I yeba maja dupure mari opaa dohpaguere. Puhru umaro maja dupu sāre oparāca.

⁴⁵ Eropa ta arī werea Goāmu yare erā gojarapūgue: “I yeba arīmuhtadigu Adán waicugu Goāmu Īgure iicū ojocarigu wañumi,” arī gojañuma. Adán iro dopa arīgupu ujtuyagupu Cristopū ojocaririre ogu āhrimi. ⁴⁶ I yeba maja dupu arīmuhtara dupu āhraa. Puhruque umaro maja dupu arīroca. ⁴⁷ Ōpa ta āhraa: Arīmuhtadigu Adánpu i yeba maja nicu mera Goāmu Īgu iira dupure dupucūñumi. Īgu puhru aridigupu Cristopū umaro majagu arīpu. ⁴⁸ Nicu mera dupucumuhtadigu Adán arīdiro dopa ta mari árīpehrerā nicu mera iira dupucurā āhraa mari. Eropirā umarogue aridigu Jesucristo Īgu arīdiro dopa ta Īgu yarā árīpehrerā Īgu iro dopa dupucurāca mari. ⁴⁹ Mari Adán iro dopa ta dupucurā arīri puhru Cristo iro dopa dupucurāca.

⁵⁰ Yu acawererā, muare ire weredia: I yeba maja dupu di mera diro mera arīri dupu Goāmu Īgu opu arīroguere umaroguere ne wasome. Mari dupu boaburi dupu āhraa. Eropiro umarogue umuri nucu mari arīboroguere i dupu wasome. ⁵¹⁻⁵² Iribojeguere masa erā masibirirare dohpaguere muare weredia: Mari mera majarā yujurāyeri sīrisome. Eropirā mata erā dupure gohrotorā arīrācoma. Corneta Īgu

puriturinü eropa ta waroca marire. Õpa waroca: Corneta busura puhru sîrinirâ murare Goâmü masugucumi umuri nucu erâ ârîmoräre. Eropirâ duple gohrotonirâ ârîrâca mari sâ. ⁵³ Dohpaguere mari duple boaburi duple âhraa. Eropigü mari Goâmü mera ârînigucâburire mari duple gohrotogucumi Goâmü. Eropigü mari sîriburi duple gohrotogucumi mari ne sîribiriburi duple. ⁵⁴ Mari duple ne boabiriburi duple gohrotogucumi. Eropigü marire sîribiriburi duple eropa ârîniguiburi duple gohrotogucumi. Iri eropa marire gohrotocü iribojegue Goâmü yare gojarapûgue arî gojadiro dopa ta eropa waroca: Goâmü sîririñere cõacâmi. ⁵⁵ Dohpaguere ne dipaturi sîrisome. Eropro sîririñe mera dipaturi mari ñero tarisome. ⁵⁶ Mari ñeri iira waja ârîcû tamera sîririñe mera ñero tarirâca. Eropro Goâmü doreri mari iimasibirira waja dipuwajacua mari. Eropa dipuwajacurâ peamegue mari masa wamorâ âhraa. ⁵⁷ Mari eropa ârîquerecû ta mari Opü Jesucristopü marire peamegue wabiricû iimi. Îgu eropa iigu ârîcû masirâ Goâmü mera mucubiri "Õhaa," arâa mari.

⁵⁸ Eropirâ yu acawererâ, yu mahirâ, Cristore mua umupearire duhubiricâque. Eropirâ gajirâ muare ðari buherire erâ cõadorecû ne cõâbiricâque irire. Eropirâ umuri nucu mari Opü Jesucristo Îgu iidorerare ðaro iinigucâque mua. Mari Opü Jesucristo yare mari iicû bu gohra ta ne ârîbeaa. Ire masirâ Îgu iidorerire ðaro iinigucâque mua.

16

Gajirâre Jesu yarâre Corinto majarâ niyeru erâ oburire wereru Pablo

¹ Dohpaguere gajirâre Jesu yarâre mua niyeru oburire wereraga muare. Galacia yeba majarâre Jesu yarâre yu dorediro dopa ta mua sâ iique. ² Semanari nucu soorinü ârîcû ârîpehererâ mua Jesu yarâre gajirâre mua oburi niyerure merogâ gameneoque. Merogâ oparâ merogâ oque. Eropirâ wuañariro oparâ wuañariro oque. Semanari nucu mua eropa iique mua pohroque yu ejacû mua obeoburi niyeru opayutuhaboro dopa. Eropigü erogue ejagu iripê niyeru wahasô arîripûre gojabasagura. ³ Eropigü iripûre iri niyeru aigâmoräre mua beyenirâre ogura. Eropa otuhagu Jesu yarâre mua obeoburi niyeru aigâmoräre erâre obeogara Jerusalengue. ⁴ Iri macaguere yu iiburi ârîcû yu sâ waguca. Yu eropa wacû yu mera ta erâ sâ warâcoma iri niyeru orâ warâ.

Îgu erogue curiborore wereru Pablo

⁵ Macedonia yeba majarâre îhatari wahgâgucua yuhu erâre. Tariagu mua pohro Corintogue ejagucua. ⁶ Erogue ejagu mua mera bajamenuri ârîboca yuhu gajisubu iigu. Yoañariri boje puhirô dihta mua mera ârîboca yuhu. Eropirâ gajirâre yu wacû mua sâ yare itamubeomasia. ⁷ Muare bajamenurigâ îdiabirica yuhu. Eropigü Goâmü gamecû yoañariri boje mua mera ârigucua yuhu. ⁸ Eropa ârîdiaqueregu ta pentecoste bosenu ârîcûgue Efeso ârînigucua dohpa. ⁹ Ohô Efesogue dohpaguere mari Opü Jesu yare peediarâ bajarâ âhrima. Erâ eropa ârîrâ ârîcû erâre werea. Yuhu erâre eropa werecû yare îdiabirâ bajarâ âhrima. Eropigü Efesogue ârînigucua dohpa.

¹⁰ Timoteo yu iro dopa ta mari Opü yare iimi. Îgu eropa iigu ârîcû mua pohroque Îgu ejacû ðaro mera Îgure bocatîri, Îgu mera ðaro mucubiriri mera ârîque mua. ¹¹ Eropirâ Îgure tarinagabiricâque mua. Eropirâ Îgu muare goeriserecû ðaro mera Îgure itamuque Îgu yu pohroque dujaricû. Gajirâ Jesu yarâ mera gua Îgure corerâ iiaa. Eropirâ ðaro mera itamubeoque Îgure.

¹² Apolo mari acaweregu Jesu yagu muare Îgu Îagu wacû turaro gamerabu. Eropigü Îgure wadorerabu gajirâ Jesu yarâ mera Îgu waborore. Yu eropa wadorequerecû ta Îgu dohpaguere wadiabeami. Eropigü puhru Îgure iiri maricû mua pohroque wagucumi Îgu daja.

Pablo ðadoretupu

¹³ ðaro pee masiyurâ ârîque mua. Cristore umupearâ duhubiricâque. ðaro guñaturarâ ârîque. Eropirâ Goâmü ya turari mera turarâ ârîque mua. ¹⁴ Ârîpehererore iirâ gajirâre mahiri mera irire iique.

¹⁵ ¿Estéfana Îgu ya wihi majarâ mera guñari mua? Erâ Acaya yeba majarâ ðari buherire peemuhtarâ, iri yebare Cristore umupearitanirâ ârîma erâpu. Eropirâ gajirâre mari acawererâre Jesu yarâre erâ ðaro itamunigucâma. ¹⁶ Eropigü erâ iro dopa ârîrâre, gajirâre Cristo yare itamurâre mua ðaro yuhricû gahmea yuhu. ¹⁷ Îgu Estéfana, Fortunato, Acaico sâ yu pohroque eratuhamâ. Ohô erâ ârîcû wuaro mucubiria yuhu. Mua maricû mua mera mucubirimasibiriba yuhu. Eropigü erâ eracû mucubiria yuhu. ¹⁸ Erâ mera ârigü ðaro siporâcugu wahabu yuhu. Mua sâre eropa ta mucubiricû

iiãñuma yu pepicã. Mũa pohrogue erã dipaturi wacũ daja erãre ðaro umupeoque mũa. Eropirã gajirãre erã iro dopa ářĩrã sãre umupeoro gahmea mũare.

¹⁹ Asia majarã Jesu yarã mũare ðadorema. Eropirã Aquila, Priscila, erã ya wihi gamenererã mera Cristo ĩgu mahiri mera mũare wũaro ðadorema. ²⁰ Ő majarã Jesu yarã ářĩpehrerã mũare ðadorema. Mũa mera majarãre bocatĩrã ðaro mera mojoto ñeaque.

²¹ Yũhũ Pablo, yũ basi i dihtare gojaa. Mũare ðadorema.

²² Mari Opũ Jesucristore gajigu ĩgu mahibircã, Goãmũ ĩgure dipuwaja moaporo. Mari Opũ duru ðujarĩporo.

²³ Mari Opũ ĩgu mahiri mera mũare ðadorema. ²⁴ Mũare ářĩpehrerãre burigã mahia Jesucristo mera. Eropa ta ářĩporo. Iripẽta áhraa.

2 Corintios

Ōpa gojabeoñumi Pablo Corinto majaräre

¹ Yuhu Pablo Jesucristo yare igu buhedore igu apidigu ähraa. Mari Pagu igu gamero dopa ta apimi yare Jesu. Yuhu, mari acaweregu Timoteo mera muare Goämure umupeoräre Corinto majaräre gojabeoa. Árîpehrerä Jesucristo yaräre Acaya majaräre mua säre gojabeoa. ² Eropirä Goämu mari Pagu, mari Opu Jesucristo mera muare ðadoreä. Igu itamuro mera ðaro árîque mua.

Pablo igu ñero tarirare ðpa arî wereñumi

³ Mari Opu Jesucristo Pagu Goämu marire mojomoro îhami. Eropigu igu dihta marire árîpehrerinari ðaro siporäcucü iimi. "Ōatariagu ährimi igu," aräa mari. ⁴ Mari ñero taricü ïagu marire igu yaräre itamumi igu gajiräre mari itamuboro dopa. Eropirä gajirä erä ñero taricü eräpüre itamuro gahmea marire. Goämu marire igu itamuro dopa ta mari sä eräre itamurä. ⁵ Cristo yarä mari árîrä igu ñero taridiro dopa ta mari sä burigä ñero taria. Mari ñero taridiro dopa ta igu itamurire wuaro opaa. ⁶ Guapu muare itamurä ñero taria. Eropirä Cristo mera mua ðaro árîboro dopa gua muare werera dipuwaja gajirä ñero iima guare. Gua ñero tariquerecü Cristo guare itamumi. Eropirä Cristo guare itamucü guapu mua säre itamumasia. Eropirä gua ñero taridiro dopa ta mua sä ñero tarirä ðaro mera yujuro bojeräca. ⁷ Ōaro mera mua yujuro bojerä árîborore gua masia. Gua ñero taridiro dopa ta ñero taria mua sä. Eropirä Goämu igu itamuri mera gua yujuro bojediro dopa ta mua sä yujuro bojeräca.

⁸ Gua acawererä, dohpagure ire mua ðaro masicü gua gahmea. Asia yebaguere ñetariaro taribu gua. Gua gamero iirä ne bocafubiriboya. Ōpa arî pepiribu gua: "Ne bocafusome mari. Eropirä mari siriräca," arî pepiribu gua. ⁹ Eropirä "Marire wejêcäräcoma," arî pepiribu gua. Gua eropa ñero taribu Goämu dihtare gua guñaturaboro dopa. Iguapu siriniräre masugu ährimi. Eropa igure guñaturarä gua gamero gua bocafubirirare masia. "Goämu ta marire itamumi," aräa pare. ¹⁰⁻¹¹ Guare guhyaquerecü ta igu itamuro mera taribu. Puhrugue säre dipaturi guare taugucumi. Mua sä guare itamumorä mua Goämure serêbasacü säre ïagu igu guare taugucumi. "Igu ta guare taugucumi," arî masia mari. Eropirä igu guare taucü iarä, igure "Ōhaa" arîräca muapu. Mua bajarä serêrare igu yuhricü iarä "Ōhaa, diaye ta ähraa," arîräca mua bajarä Goämure.

Pablo Corintogue igu wadiarare wereñumi

¹² Eropirä gua iirare guñarä mucubiriri mera ðpa arî pepia gua: I yebare Goämu igu itamuro mera ñeri mariro ðari mera masare wapicu buhebu. Mua säre ðaro wapicu buhebu. Ōpa iirä gua masiri mera iibiribu. Goämu guare igu mahicü igu turari mera eropa iibu gua. ¹³⁻¹⁴ Eropirä ðaro were muare gojabeorä diaye ta werebu muare ðaro mua masiburire. Dohpague guare ðaro masinibeaä mua. Gua árîricurire mua turaro masicü gahmea gua. Eropirä mari Opu Jesucristo dujaricü gua mera mucubiriräca mua. Mua mera gua mucubiridiro dopa ta mua sä gua mera mucubiriräca.

¹⁵⁻¹⁶ Eropa arî pepigu Macedonia yebague wagu mua pohrogue wamuhtadiarabu. Eropigu muare îhatariwahgäboya. Eropigu erogue ejadigu dujarigu dipaturi mua mera bajamenurigä árîboya yuhu. Eropirä pesubu mua mera yu árîcü iarä turaro mucubiriboya mua. Mua pohrogue yu árîcü îanirä Judea yebague yu wacü iarä yare itamuboya mua. ¹⁷ "Wagura," yu árîcü peenirä árîrä, yu wabiricü iarä "Pablo Jesure umupeobirä iro dopa guyagu iñumi," çarî pepiri mua? " 'Wagura,' arîqueregu igu gamero mari pohro aridiabirñumi igu," çarî pepiri mua yare? "Igu aridiro dopa iibeami," çarî pepiri mua? ¹⁸ Eropa arî guyagu iibeaa yuhu. Eropigu "Iigura," arîgu yu aridiro dopa ta diaye ta iiaa yuhu. Irire masimi Goämu. ¹⁹ Yuhu, Sila, Timoteo mera Jesucristo Goämu magu yare muare werebu. Igu Jesucristo "Iigura," arîgu, diaye ta iigu ährimi. Goämu igu aridiro dopa ta Cristo iimi. ²⁰ Árîpehreri igu Pagu igu masare "Ōpa ðaro iigura," arî wererare Cristo iipehocädi árîmi. Igu eropa igu árîcü gua igu yare gajiräre werea Goämure erä umupeoboro dopa. ²¹ Cristo yarä marire árîniguicü iigu Goämu ta ährimi. Eropigu igu yare weremoräre marire apimi igu. ²² Eropigu igu yarä mari árîcü ïagu irire marire masicü iimi igu. Eropigu igu Espiritu Santore mari mera arîdoremi igu. Mari mera árîcü îha Goämu igu marire ðaro iiburire masia mari.

²³ Dohpaguere yuñu mua pohro wabirirare diaye ta weregura muare. Yu wereri diaye áricũ Goãmu masimi. Igu ta yu pepirire masimi. Mua ñero iira dipuwaja turidiabigu mua pohroguere wadiabiribu. Eräre bujawerrecũ iiri, arĩgu mua pohroguere Corintoguere wabiribu. ²⁴ Eropirã “Muare dorerã áhrra gaa,” arĩrã iibeaa. Eropirã “Ōpa Cristore umupeoro gahmea muare,” arĩrã iibeaa gaa. Mua Cristore ðaro umupeotuhabu. Muare umupeonemocũ iirã mua ðaro mucubirirã áricũ iidiaca gaa.

2

¹ Wabigu ðpa arĩ pepibu: “Dipaturi eräre bujawerrecũ iidiabeaa. Eropigu dohpaguere wabeaa,” arĩ pepibu. ² Muare bujawerrecũ iidiabeaa. Mua bujawerrecũ íagu yuñu mucubiribiriboya. Eropirã yure mucubiricũ iimorã áribiriboya mua sã. ³ Eropigu mua pohrogue wabiribu. Wabigu mua áricurire amuboro dopa muare gojabeobu. Mua yure mucubiricũ iibonirã áriquererã ta yure bujawerrecũ iiboya mua mua pohrogue yu wacã. Mua mera yu mucubiricũ mua sã yu mera mucubirirãca. Irire masia yuñu. Eropigu mua mera bujawerediabu “Wabeaa,” arĩ, carta gojabeobu. ⁴ Eropigu muare gojagu wuaro pepigu ñero siporãcugu, turaro co deco wiriri mera muare gojabeobu. Eropo gojagu muare bujawerrecũ iidiabiribu. Muare yu burigã mahirare muare masicũ iidiagu muare eropa gojabeobu.

Erã mera majagu ígu ñero iirare cãdijidoreñumi Pablo Jesu yarãre

⁵ Mua mera majagu ígu ñero iira mera yure bujawerrecũ iimi ígu. Muare ígu turaro bujawerrecũ iidiro dopa ta yu sãre wuaro bujawerrecũ iimi ígu. Igu marire eropa burigã bujawerequerecũ ta wuatariaro dipuwaja moadorebeaa dohpaguere. ⁶ Bajarã mua mera majarã ígu ñero iira dipuwaja moatuhãñorã. Iripẽta dipuwaja moa duhuro gahmea ígure. ⁷ Ígure mua dipuwaja moaniguicũ burigã bujawerebocumi ígu. Eropigu Cristo yare duhubocumi. Eropirã ígu ñero iirare cãdijique mua. Ígure itamuque ígu ñero siporãcuboro dopa. ⁸ Eropirã ígure ðaro iique mua ígure mua mahirare ígu masiboro dopa. Mua eropa iicũ burigã gahmea yuñu. ⁹ Ero core muare gojabeogu “¿Diaye ta yure yuhirãcuri?” arĩ pepigu gojabeobu muare. Yure mua yuhricũ íadiagu gojabeobu. ¹⁰⁻¹¹ Dohpaguere ígu ñero iirare mua cãdijicũ íagu yu sã ígu ñerire cãdijigara. Yure ñero iibirimi ígu. Muapure ñero iidi árimi. Igu eropa iidigu áriquerrecũ ta ígu ñero iirare cãdijia yu sã. Muare ðaro itamudiagu Cristo ígu íhabeoro ígu ñero iirare cãdijia. Irire cãdijia Satana marire ígu tarinugabiriboro dopa. Igu mari ñerire iicũ gahmemi. Irire ðaro masia. Eropirã Jesu yarã erã ñeri iirare guñaniguibeaa mari Satana yapure iiri arĩrã.

Troa waicuri maca áriгу Titore bocabigu wuaro bujawere pepiñumi Pablo

¹² Eropigu Troa waicuri macague Cristo yare buhegu ejaribu. Eroque yu ejaçũ bajarã masa ðari buherire peediarã árima. Mari Opu ígu itamuri mera ígu yare yu buherire peerã bajarã masa árima. ¹³ Eropo áriquerrecũ ta mari acaweregu Titore bocatiribirinijagu wuaro bujawere pepigu erore árimasibiribu. Eropigu ero majarãre goeriseretuhagu Macedonia yebague waha wabu ígure amagu.

Goãmu marire tarinugacũ iimi, arĩ gojañumi Pablo

¹⁴ Goãmure mucubiriri mera “Ōhaa,” arãa. Goãmu ñerire áripehrerire tarinugagu áhrimi. Cristo yarã mari áricũ íagu marire tarinugacũ iimi. Poresudiro poresu sehyaboro dopa ta áhrra mari. Poresu sehyaro dopa ta Goãmu dorero mera áripehrerogueri Cristore masicũ iiaa mari. Eropo ígure masirã erã ðaro pepima. ¹⁵ Cristo yarã árirã masare Cristore guñacũ iiaa mari. Mari eropiicũ íha Goãmu mucubirimi. Masare Cristore guñacũ iicũ erã ígu áririre masima. Goãmu ígu taumorã Cristo áririre masima. Gajirã erã peamegue wamorã sã Cristo áririre masima mari mera. ¹⁶ Cristo áririre masirã erã peamegue wamorãpu peamegue erã waborore masima erã. Goãmu ígu taumorãpu áripehrerinari ígu mera erã áriburire masima. Eropirã ire Cristo yare mari mari gamero mera buhe ojogorocumasibeaa. Goãmu ígu itamuri mera ta mari ígu yare buhe ojogorocumasia. ¹⁷ Bajarã gajirã Goãmu yare buhemaacãma niyerure wajatadiarã. Guapũ erã iro dopa ta iibeaa. Guayaro mariro Cristo ígu turari mera ígu yare buhea gaa. Goãmu guare ígu obeorã árirã ígu íhurore ðaro buhea gaa.

3

“Ōpa ígura,” Goãmu ígu arĩ werepirare mama buherire wereñumi Pablo

¹ ¿Dipaturi gaa áricurire muare wererã iiri gaa mua pepicũ? Gajirã muare erã buheboro core erã buheri queoro áririre masidiarã erã gojarapũre serẽmuhtabu mua

eräre. ¿Guare masituaquererä ta iripünore serëri mua guare? ¿O gajirä pohrogue gaa buherä warä iripünore guare aigäro gahmeri mua pepicäre? ² Iripünore gamebeaa gaa. Muapure ðari gohrotoniräre áripehrerä gajirä iarä muare gaa ðaro buherare masiräcoma. Muare gaa buhecü Cristore umupeorä igu yarä árinugabu mua. ³ Cristo yarä mua áricü iarä masa muare Goâmü ya buheri gohrare gaa queoro buherare masituhama. Muare buherä Goâmü yagu Espiritu Santo igu itamuri mera buheabu. Igu Goâmü ojocarigu gohra áhrimi. Gaa eropa buhecü peerä Cristore ðaro gahmeabu mua. Eropa gamerä mua áricü gajirä muare iarä Cristo yarä mua árrire ðaro masima. Eropa masirä muare Goâmü ya buheri gohrare gaa queoro buherare masima masa.

⁴ Eropa wacü masia gaa Goâmure guñaturari mera. Cristo igu itamuri mera eropa guñaturaniguia mari. ⁵⁻⁶ “Gua gamero i mohmerire iiaa gaa,” arimasibeaa. Goâmü igu itamuri mera ire iiaa gaa.

Eropigu dohpagure igu wererire ðari buherire Goâmü ðaro guare buhemasicü iimi. Eropa buherä iribojegue igu doreri Moisere igu apira dorerire buhebeaa. Espiritu Santo mera mari Goâmü mera ðaro áriburipure buhea gaa. Igu dorerare mari gamero mera ne bocatübeaa. Eropa mari bocatübirira dipuwaja peamegue waboya mari. Espiritu Santopü mari Goâmü mera áripehrerinari ðaro árinigüicü iimi. ðari buheri buhecü peeñaniräre ðaro árinigüicü iimi.

⁷ Goâmü igu dorerire utámijirigüe gojanijagu Moisere apiñumi. Igu eropa apira puhru igu áriro gosesiriri dehyoamariyoro Moisere “Goâmü igu apira ðari áhrra,” arüro dopa. Eropiro Moise diapo burigä gosesiriyoro. Cuimiju áriyoro. Puhru igu gosesiriri pehrerisubü igu áriquerecü ta masa igure ne famehtumasibirinüma. Iri dorerire igu apira puhru iri dorerire iibirä masa dipuwajacurä peamegue wamorä wafüma. Eropiro iri doreri masare peamegue wadorequerero ta, Goâmü igu áriro gosesiriri mera árinugayoro. ⁸ Iri doreri tauro ðari buheripü “Jesucristo masare taumi,” arü buheri ðataria. Iri buherire gajiräre mari buhecü erä ðaro peecü Goâmü ta erä mera áringücumü igu Espiritu Santo mera. Eropiro iribojegue maja doreri tauro Cristo ya buheripü ðataria. ⁹ Goâmü Moisere apira doreri iribojegue maja masare peamegue wadoreyoro. Eropa dorequerero Goâmü igu gosesiriri mera árinugayoro. Iri tauro ðari buheripü Goâmü igu turari mera áhrra. Iri buheri mera ðarä wahama masa Goâmü igu íacü. ¹⁰ Iribojegue Goâmü igu doreripü turari áriquerero dohpagure bu gohra ta áhrra. ðari buheripü iri tauro turataritari áhrra. Iri buheri mera umaroguerë mari wamasia. ¹¹ Iribojegue Goâmü igu doreri Moisere igu apira doreri Goâmü gosesiriri mera árinugaquerero ta pehreburi áriyoro. ðari buheripü “Jesu marire taugacumi,” arü buheripü árinigüicäroca. Eropiro “Iri doreri tauro ðari buheripü ðataria,” arü masia mari.

¹² Irire eropa masirä, güiro mariro ðari buherire ðaro werepehocäa gaa. ¹³ Moise gaa iro dopa áribirinümi. Iguere Goâmü igu gosesiriri pehrerore yu acawererä masiri arigu dopa igu diapore suhri gasiro mera cãhmotacãñumi Moise. ¹⁴ Moise igu diapore igu cãhmotacü Goâmü gosesiririre igu ðarire erä ñecu sumarä íhamasibiridiro dopa ta erä dohpagure ðari buherire ðaro masibeama. Goâmü wererire iribojegue erä gojarapürire erä buherä ne masibeama erä Israe masapü. Cristore gamebirä masisome erä. Iguere umupeorä tamera igu yare masiräcoma. ¹⁵ Dohpague säre Israe masa Goâmü dorerire Moisere igu apirare buhequererä, eräre cãhmotaro dopa ta ne masibeama erä. ¹⁶ Erä mari Opure Jesucristore erä gamecü igu ta eräre masicü iimi. Iri cãhmotarifñere airo dopa ta mari Opü marire igu yare ðaro masicü iimi. ¹⁷ “Mari Opü,” arüä Espiritu Santore arüä iiaa. Mari Opü igu Espiritu Santo mari mera igu áricü igu yarä áhrra. Eropa arüä “Iribojegue maja dorerire iiro gahmea Goâmü yarä árimorä,” arübeaa mari. ¹⁸ Eropirä Jesu yarä árirä, Jesucristo igu ðarire íhmurä iiaa mari. Eropigü mari Opü Espiritu Santo marire gohrotocü iimi. Igu eropa iicü Cristo ðagü árdiro dopa ta ðarä warä iiaa mari sä.

4

¹ Goâmü guare mojomoro íagu, ðari buherire weremoräre apimi guare. Igu eropa apicü masirä igu yare buherä duhudiabeaa. ² Masa íabiro ñerire icoreri guhyasiuri áhrra. Irire guapu ne iibeaa. Igu yare buherä guyarire buhebiribü. Eropirä gaa Goâmü yare ne gohrotobeaa. Eropa iibirä ðari buherire ðaro diaye buhea gaa Goâmü igu ihuro árirä. Gaa eropa áricürire áripehrerä ðaro masima guare iarä gohra. ³ Gaa iri buherire ðari buherire werea. Gaa irire buhequerecü ta gajirä masibeama. Eropa masibirapü peamegue wamorä áhrima. ⁴ Satana ñegu i yeba majarä opu eräre Goâmü yare masibiricü iimi. Cuiri íhajabirä erä íhajabiro dopa ta masibirä wacü iimi

erāre. Ōari buherire Cristo ĩḡu turarire erā masibirā wacū iimi ĩḡu erāre. Cristo Goāmū ĩḡu árĭricurire opami. ĩḡu Cristo Goāmū gohra ta áhrimi. ⁵ Gua buherā “Guapure umupeoque,” arĭ buhebeaa. Ōpa arĭ buhea gua: “Jesucristopū áhrimi mari Opū,” arĭ buhea gua. Guapū Jesure yáhrirā áhraa. Eropirā muare itamurā áhraa gua. ⁶ Negohraguere ōpa arĭ dorepū Goāmū i umū naitaro árĭcū: “Boyoro árĭque,” ĩḡu árĭcū boyoa wayoro. Eropigū dohpaguere ĩḡu ta iri turari mera marire masicū iimi boyoro árĭro dopa. Eropa marire masicū ĩḡu ĩḡu ōaro árĭricurire marire masicū iimi. Jesucristore masirā ĩḡu Pagū ĩḡu ōaro árĭricurire masia mari.

Cristo turari mera mari áhraa, arĭ gojañumi Pablo

⁷ Eropa masirā árĭrā, Goāmū ĩḡu turarire gajirāre masicū iiaa. Eropa iirā árĭquererā ta turabirā áhraa guapū. Mátasoro mata wahrirasoro iro dopa ta gua sá turabirā áhraa. Gua eropa turabirā árĭquererā ta gua masare Goāmū yare werecū ĩarā, gua gamero mera iimasibirirare ĩarā ōpa arĭ masirācoma erā. “Goāmū turari mera eropa arĭ wereniguima marire,” arĭrācoma masa. Eropirā Goāmupure umupeorācoma. ⁸ Árĭpehrerā gajirā guare ñero ĩiquererā ta Goāmū guare taucū erā guare tarinugabeama. Eropirā gua gariborequererā ta ne Goāmū yare buhe duhudiabeaa. ⁹ Guare erā ñero ĩiniguiquerecū ta Goāmū guare eropa itamuniguicāmi. Guare erā pamehpiquerecū ta ĩḡu itamuri mera sĭrĭbeaa gua. ¹⁰ Erā wejēsūmorā árĭcārā tíaa gua Cristo i yebaguere ñero ĩḡu taridiro dopa ta. Erā wejēsūmorā árĭquererā eropa árĭniguirā tíaa gua sá Cristo ĩḡu ojocaririre ĩhmmorā. ¹¹ Eropirā umuri nūcū gajirā guare wejēmaja guhya áhriima Cristo yarā gua árĭri dipuwaja. Ōpa ta ñero tariquererā árĭniguia gua Cristo ĩḡu ojocaririre ĩhmmorā. ¹² Eropirā muare gua buheri dipuwaja guare gajirā wejēmaja guhya áhriima. Gua buherire mūa peenirāpū umuri nūcū Goāmū mera árĭmorā áhraa.

¹³ Goāmū yare erā gojarapū ōpa áhraa: “Goāmure umupeobū. Eropigū ĩḡu yare werebū,” arĭ gojañumi iribojegue majagu. Gua sá yujuropa ta áhraa. Goāmure umupeorā ĩḡu yare werea. ¹⁴ I säre ōaro masirā ĩḡu yare werea gua. Cristo ĩḡu sĭrĭra pūhrū Goāmū ĩḡure masudi árĭmi. Eropigū Cristo yarā mari árĭcū ĩagu ĩḡu mari säre masugucumi. ĩḡu eropa masura pūhrū ĩḡu pohrogue aĭḡagucumi marire. ¹⁵ Eropirā muare itamudiarā ñero tarĭa gua. Eropirā Cristo yarā mūa bajarā warā, bajarā mūa Goāmure mucubiriri mera umupeorāca. ĩḡure “Ōhaa,” arĭrāca.

¹⁶ Mūa eropa umupeocū ĩarā, gua ñero tariquererā ta bujawerebeaa. Eropirā Cristo yare were duhubeaa. Gua dūpū umuri nūcū turabiri wahgāro iiaa. Eropa turabiri wahgāquererā ta ōaro sĭporāca Jesucristore guñaturari mera. ¹⁷ Dohpaguere ñero tariquererā ta pūhrū ñero tarĭsome. Eropirā Cristo yare were duhubeaa. Iri ñero mari tarĭri pehrea waroca. Eropirā marire merogā ñero tarĭro gahmea. Eropa mari ñero tarĭnĭrā árĭrā, pūhrūguere wūaro mucubiriri mera árĭniguirāca Goāmū mera. Eropirā mari ñero taridiro tauro burĭgā mucubiriri mera eropa árĭniguicārāca. ¹⁸ Eropirā mari ĩarĭre dohpaguere mari warore guñanurubeaa. Mari ĩabiriripure pūhrū mari Goāmū mera árĭniguiburire guñanurūa. Mari dohpaguere ĩari pehrea waroca. Mari ĩabiriripū árĭniguicārōca.

5

¹ I säre masia mari: Wihire mari cóādiro dopa ta mari dūpure cóārāca. Eropigū mama wihi ĩibodiropo dopa ta Goāmū mama dūpure ĩigucumi. Eropigū iri dūpure marire ogucumi. Eropirā umaroguererā eropa árĭniguirāca iri dūpū mera. Irĭre masirā ñero tariquererā Goāmū yare duhubeaa. ² Eropirā iri dūpure umaro maja dūpure turaro gamerā, mari eropa coreniguirā iiaa. ³ Suhrirore turaro mari sañadiaro dopa ta iri dūpure turaro gahmea mari. Eropa ta cohrea mari iri dūpū marĭrā árĭdiabirā. ⁴ Dohpague maja dūpure cóādiabiriquererā umuri nūcū Goāmū mera mari árĭburi dūpure burĭgā gahmea mari. Eropirā i mari dūpū sĭriburi dūpū iri árĭcū masirā, mama dūpū mera Goāmū mera eropa árĭniguidiaa mari. ⁵ Mari ĩḡu mera árĭniguiborore amuyudi árĭmi Goāmupū. Eropa amuyugu ĩḡu Espĭritu Santore omuhtami marire. Eropigū ĩḡu Espĭritu Santo mari mera árĭcū ĩha marire Goāmū ĩḡu ĩborore, “Diaye ta áhraa,” arĭ masia mari.

⁶ Eropirā Goāmū mera sĭporā turarā áhraa. Güiro marĭro áhraa mari. I säre mari masia. I dūpū mari árĭmuhtara dūpū mera árĭrā, mari Opū pohro árĭnibeaa. ⁷ Ūmaro majare Goāmū säre mari ĩabiriquererā ta “ĩḡu diaye ta áhrimi,” arĭ masia mari. Eropirā ĩḡure umupeoa. ⁸ Eropirā mari Goāmū pohro waborore masia. Mari dūpure i yeba maja dūpure cóārā mari Opū mera umarogue mari árĭdiaa. ⁹ Eropirā Cristore mucubiricū

iidiaa mari. I yeba maja dɔpɔ mera árířá ĩgure mucubiricũ iidiaa mari. Ƴmarogue árířá sã ĩgure mucubiricũ iidiaa. ¹⁰ Árípehrerã Cristo pohrogue mari wacũ ĩagu ĩgu mari ĩirare beyegũcumi. Eropiro mari ĩira masisũroca. Eropigu marire ɔarire mari ĩira wajare ogucumi. Ƴerire mari ĩira waja sãre ogucumi. ĩgu eropa beyegu áricũ masirã ĩgure mucubiricũ iidiaa mari.

Goãmure mari mera ɔaro áricũ ĩimi Cristo, arĩ gojañumi Pablo

¹¹ Eropirã guhyadiaro mera mari Opure umupeoro gahmea marire. ĩgu marire eropa beyeburire masirã, Cristo yare masicũ ĩiaa gua masare. Erãre gũisãrã, ĩgure umupeocũ ĩidiaa gua. Gua ɔarã árířire Goãmũ ɔaro masimi. Gua eropa ĩirire mua sãre ɔaro masicũ gahmea yuhu. ¹² Dipaturi gua ɔarã árířire muare wererã ĩibea. “Gajirãre tarinugaa,” arĩmaacãnirãre mua wereburire eropa wererã ĩiaa gua muare. Erã basi eropa arĩ pepirãpũ erã pepirigure ñerã, guyaricurã áríquererã ta masa erã ĩhuro dihtare ɔarã ĩro dopa ĩirima. Eropirã mua guare mucubiriboro dopa, “Oaro ĩirã ĩima,” gajirãre mua guare arĩ cãhmotaburire i árípehrerire muare were gojarã ĩiaa. ¹³ ¿Gua ɔpa arĩ wererã pee masibirã áhriri gua mua ĩacũ? Masa guare ĩarã pee masibirã ĩro dopa ĩhama guare. Goãmũ yare gua wererã ĩarã eropa ĩabocoma guare. Erã eropa arĩ ĩabonirã áríquererã ta pee masirã ta áhraa gua muare eropa itamumorã. ¹⁴ Cristo ĩgu guare mahicũ ĩarã masare eropa itamua. ĩgu eropa mahicũ ĩarã ĩgu yare eropa buhenĩguia gua. Marire mahigu yujugu ta Cristo mari árípehrerã ya ñeri dipuwajare sĩridi arĩmi. Eropigu árípehrerã mari ñeri dipuwajare sĩrimorã árinirãre sĩribasadi arĩmi. ĩire guñarã ĩgu yare ĩinigua gua. ¹⁵ Árípehrerã mari ñeri dipuwajare sĩridi arĩmi ĩgu mari gamero dopa mari ĩibiriboro dopa. Eropigu ĩgu gameripure ĩidoregu sĩridigu arĩmi ĩgu. Maripure Goãmũ pohrogue mari ejaborore eropa sĩridi arĩmi. ĩgũpũ mari ya áriburire sĩrira puhru masa mĩriadi arĩmi. Eropirã mari gamero dopa mari ɔaribejarire ĩibirã ĩgu yare ĩro gahmea pare marire. ¹⁶ Eropirã dohpagure Jesure gamebirã gajirã erã áricurire ĩha werewuaro dopa ne arĩ ĩabeaa gua. ĩribojegure gua Cristore eropa ĩaquererã dohpagure ĩgure ɔaro masia. ¹⁷ Eropirã árípehrerã Cristo yarã warã ɔaripure gohrotoa mari. ĩribojegue mari gamero mari ářirare duhucãa mari. Dohpagupure ɔaripure corerã ĩiaa mari.

¹⁸ Goãmũpũ marire ɔarire gohrotocũ ĩimi. ĩribojegue mari Goãmũ mera ɔaro áribirimĩriribu. Eropigu Jesucristo mari ñeri ĩira dipuwaja sĩribasara mera Goãmũ marire ĩgu mera ɔaro áricũ ĩidi arĩmi. Eropa ĩgu guare ĩgu yare buhedoregu apimi. Eropa buherã, gajirãre Goãmũ mera erã ɔaro áricũ ĩiaa gua sã. ¹⁹ ɔpa arĩ masare weredoremi Goãmũ guare: “Mari masa ĩgu mera ɔaro áribirinirã áricurerecũ Goãmũ Cristo sĩrira mera marire ĩgu mera ɔaro áricũ ĩimi. Eropigu Cristore mari umupeocũ ĩagu mari ñeri dipuwajare dipuwaja moabeami Goãmũ marire,” arĩ weredoremi Goãmũ guare. ²⁰ Eropirã Cristo yare weremorã ĩgu obeonirã áhraa gua. Goãmũ ĩgu basi muare ĩgu werebodiro dopa ta guapũ muare ɔpa arĩ werea: Cristore werebasarã ĩiaa. Eropirã muare werea. Goãmure mua ĩhaturirare ĩripẽta duhuque. ²¹ Cristo ĩgu ñerire ĩibiriquerecũ ta Goãmũ ĩgure mari ñeri dipuwajare sĩridoremi arĩmi. Eropa ĩgu mari ñeri dipuwajare dipuwaja moadi arĩmi Goãmũ ñeri dipuwajare dipuwaja moabeami Goãmũ marire,” arĩ Jesucristore. ĩgu eropa ĩidi arĩmi Cristo yarã mari wacũ, Goãmũ ĩro dopa ɔarã mari áriboro dopa.

6

¹ Goãmũ eropa ĩgu ĩgu muare ĩgu ɔaro mojomoro ĩarare ĩhmumi. Eropirã Goãmũ yare mohmebasarã ářirã ĩre turaro muare ĩidorea gua. Goãmũ ɔaro ĩirare ɔari buherire mua peediro dopa ta ĩique mua. Mua peediro dopa ta mua ĩibiricũ mua peera duhpiburi ářibeaa. ² ɔpa arĩmi Goãmũ ĩgu yare erã gojarapũgue: beami Goãmũ marire,” arĩ Muare yũ ɔaro ĩiburinũri áricũ mua serẽre pee yũhigura.

Eropigu muare peamegue wabonirãre yũ tauburinũri áricũ itamugura, arĩmi ĩgu. Peeque mua. Dohpagure Goãmũ masare ĩgu ɔaro ĩiburinũri áhraa. Dohpagure masa Jesucristore umupeburinũri áhraa Goãmũ erãre tauboro dopa. Eropirã dohpagure ĩgure umupeoro gahmea, arĩ werea gua.

³ “¿Oari buheripure gamebiribocuri?” arĩrã, ne merogã gajirãre ñero ĩibea gua. Gajirãre ne ñero arĩ wereniguibea. ⁴ ĩire ĩibirã Goãmũ pohro majarã gua ářirire muare masicũ ĩidiaa. Eropirã ĩgu yare buherã ɔpa áhraa gua: Ƴero tarirã gajino moorã bocaũua. Guare erã ñero ĩiquerecũ ta guaro mariro áhraa. ⁵ ɔpa ñero tarĩbũ gua: Masa guare pacũ, peresu erã ĩicũ, masa bajarã guare wejẽdiarã erã gaguĩguicũ peerã ñero tarĩbũ gua. Gua turaro mohme oẽarã sã, waja pũriquerecũ ta carĩbirã sã, oaboarã sã

ñero taribu. ⁶ Eropirã ðaro árricuri mera diaye buhebu. Eropirã Goãmu yare buherã ðaro masiri mera buhebu muare. Eropirã ne guabiribu gua. Eropirã ðaro mera buhebu gua muare. Eropa iirã Goãmu pohro majarã gua árrire ihmurã iibu gua muare. Espiritu Santo Igu itamuri mera eropa ta Goãmu pohro majarã gua árrire ihmurã iibu gua muare. Eropirã diaye muare gua mahicũ iarã Igu pohro majarã gua árrire masia mua. ⁷ Eropirã ðari buherire diaye muare werecũ iarã, Goãmu turari mera gua iicũ iarã, Igu pohro majarã gua árrire masia mua. Óaripu áripehreri gua iira gua mojo iro dopa áhraa gua ðaro cáhmotaboro dopa. Iri ðarire iirã gua watire cáhmotarã iiaa. Eropirã iri ðari gua iira mera gua igure tarinugaa. ⁸ Eropa iirã gajirã guare umupeoma. Gajirãpu guare umupeobeam. Gajirã ðaro wereniguima guare. Gajirãpu ñero arí wereniguima guare. Diaye gua werequerecũ ta “Guyarã áhrima,” arí weresãma gajirã guare. ⁹ Gajinũrire guare masirã dopa iima. Gajinũrire guare masibirã dopa iima. Guare erã wejẽdiaquerecũ ta ojocarinia gua. Erã burigã panirã áriquererã ta ojocaria gua. ¹⁰ Gua yujuyerinuri bujawererã áriquererã ta, eropa mucubiribiguia. Mojomorocurã áriquererã ta erãre ðari buherire buherã erãre wuaro doberine gua obodiro dopa ta iirã iiaa erãre. Gajino moorã áriquererã ta, diaye ta Goãmu yare opapehocãa gua. ¹¹ Corinto majarã, yu acawererã, muare ðaro mera werepeho gojabu gua muare. Muare turaro mahirã eropa werebu. ¹² Guapu muare mahi duhubirabu. Muapu guare mahibiriñaria. ¹³ Eropigu yu porãre yu werebodiro dopa ta mua weregura: Muare gua pepidiro dopa ta mua sã eropa ta ðaro pepique guare. Eropirã guare mahique mua.

Cristore umupeobirãre wapicudorebiriñumi Pablo

¹⁴ Eropirã Cristore umupeobirã mera eropa wapicuniguibiricãque. Erã mera majagu áribita. Yujuro mera árbeaa mua. Óarire iigu, ñerire iigu mera ðaro árrimasibeami. Boyoro iro dopa árrã Goãmure gamerã áhrima. Naitfaro iro dopa árrã Goãmure gamebirã áhrima. Eropirã erã perã game wapicumasibeama. ¹⁵ Eropigu Cristo watí mera yujuro pepibeami. Eropigu Cristo yagu, Cristore umupeobigu mera ðaro game wapicumasibeami. ¹⁶ Goãmure umupeori wihigue goãmarã wéanirãre mari apicũ queoro wabeaa. Eropa ta Cristo yarã Cristore gamebirã mera wapicuniguicũ queoro wabeaa. Erã pe curu majarã yujuro mera erã árrimasibeama. Goãmu wihi iro dopa áhraa mari. Igu wihi árriro dopa ta mari mera áhrimi Igu. Ópa aríñumi Goãmu Igu yare erã gojarapũgue: Erã mera ta árrigura yuhu. Eropigu erã watope ta eropa árriniguigura. Yuhu Goãmu erã opu árrigura. Eropirã erãpu yaharã masa árrãcoma, aríñumi Igu. ¹⁷ Eropigu ópa aríñemoñumi Igu mari Opu: Erã ñerã mera ne dujabita. Eropirã erãre wapicubita. Yure gamebirã yare ñerire ne iibiricãque. Eropigu yupu muare wapicugura. ¹⁸ Eropigu mua pagu árrigura. Muapu yu porã árrãca, aríñumi mari Opu turatariagu.

7

¹ Yu acawererã, yu mahirã, muare ire weregura: I áripehrerire Goãmu marire Igu eropa arí werecũ iarã áripehrerire mari dupure goroweorire duhurã. Eropirã mari pepiri sãre goroweorire duhurã. Eropirã Goãmure ðaro umupeori mera ñero iiro mariro árrã mari.

Pablo mucubiriri mera wereñumi Corinto majarãre

² Óaro guare mahique. Ne merogã mera ñero iibiribu gua muare. Eropirã gua buheri mera muare ñero iicũ ne iibiribu gua. Ne yujugare mua mera majagure guyarí mera waja gamebiribu. ³ Eropa arígu “Dipuwajacurã áhraa mua,” arígu iibeaa muare. Muare mahia gua. Irire muare weretuhabu. Ojocarirã yuju curu ta áhraa mari. Mari sírira puhugue sãre yuju curu ta árrãca mari. ⁴ Óaro mua iirare masia yuhu. Eropigu muare guñabeogu mucubiria. Eropirã gua ñero taririsubure mua ðaro iira querere pee burigã mucubiribu yuhu.

⁵ Eropi Macedonia yebague gua ejara puhru, erogue ejarã ne soobiribu gua. Eroguere ñero taribu gua. Gajirã gua mera game dayasoma. Eropirã “Cristo yare duhubocoma,” aríã Cristo yarãpũre wuaro guñaricubu gua. ⁶ Gua eropa ñero taricã Goãmũpu guare ðaro siporãcucũ iimi. Igu marire bujawererãre mucubiricũ iigu áhrimi. Eropigu Tito gua pohrogue Igu dujariro mera guare mucubiricũ iimi Goãmu. ⁷ Tito Igu eracũ iarã mucubiribu. Iri dihtare mucubiribiribu. Muare Igu ðari quere werecũ sãre turaro mucubiribu. Yure mua iadiarare weremi guare. Yure mua bujawerera sãre weremi Igu. Yure “Goãmu yare iigu iimi Pablo,” mua gajirãre arí werera sãre weremi Igu. Igu eropa aricũ peegu turaro mucubiribu yuhu.

⁸ Ero core yuhũ mua ñero iirare were gojabeorapũ mera muare merogã bujawerecũ iiribũ. Eropa iidigu áriqueregu ta "Iri carta mera ñero iibũ," arĩbea. Iripũre mua buhera puhũ bujawereyoro mua. Eropigu ne gojabeora puhũ ta "¿Ñero iari yuhũ?" arĩ pepiribũ. Eropa arĩqueregu ta "Ñero iibũ," arĩbea dohpaguere. ⁹ Dohpague tamerare mucubiria yuhũ. Mua bujawererare peegu mucubiribea. Mua bujowerã ðaripure gohrotorapure peegu mucubiria yuhũ. Mua ñero iirare bujawerecũ iagu Goãmũ muare ðarire gohrotocũ iidi arĩmi. Eropirã muare bujawerecũ iirã ñero ii goroweorã iibiribũ gua muare. ¹⁰ Eropirã Goãmũ iegu gamero dopa ta bujowererã, mari ñerire bujawere ðaripure gohrotorãca. Eropa ta mari bujawerecũ iagu mari peamegue wabonirãre taumi Goãmũ. Eropiro mari eropa bujawerecũ ðha áhrea marire. Cristore gamebirãpũ erã bujawerequererã erã ñerire duhubirã peamegue wamorã árinima. ¹¹ Muapũ Goãmũ iegu gamero dopa ta bujawereayoro. Mua eropa bujowererã ðpa iirã waicuabu mua: Dohpaguere ñerire iirãre eropa iacãbirã waicuabu mua. Ne iri ñerire gamebirigohracãyoro mua. Erã ñeri iira mera guayoro. Erãre ñerire iirire duhudorerã waicuabu mua. Eropirã erã ñerire guirã waicuabu mua erã iro dopa iiri arĩrã. Eropirã yure mahirã yure iadiayoro mua. Eropirã ñeri iigure dipuwaja moayoro. Iri arĩpehrerire mua iira mera iri ñeri dipuwaja marirã mua arĩre ihmuabu mua guare. ¹² Iribojegue ñero iigure muare were gojabeoqueregu ta iigure itamubu eropa arĩ gojabeobiribũ yuhũ. Igu ñero iidigu sãre itamubu eropa arĩ gojabeobiribũ. Muapure itamubu iripũre gojabeobũ. Goãmũ iegu ihurore guare ðaro umupeoa mua. Irire mua umupeorare mua ðaro gunãboro dopa iripũre gojabeobũ muare. ¹³ Eropirã Tito mua iira quere guare werecũ peerã burigã mucubiria gua.

Tito sã mua mera turaro mucubiricũ iha gua sã mucubiribũ. Iigure mua ðaro mera bocãtiricũ peerã, mua mera iegu mucubirirare peerã, gua sã ðaro mucubiribũ. ¹⁴ Negohraguere mua pohro iegu waboro corere mua mera yũ mucubirirare, ðarã mua arĩrare werebũ iigure. Eropirã yũ aridiro dopa ta ðaro iayoro mua iigure. Eropigu iigure yũ arĩrare guhyasiribirabũ. Titore muare gua werera ðiaye ta arĩbũ dohpaguere iegu iadiro dopa ta. ¹⁵ Mua pohrogue iegu ejacã umupeori mera bocãtiriyayoro mua. Eropirã guhyadiaro mera iarã tarinũgaro mariro mua yuhrirã arĩcũ iapũ iegu. Eropigu muare mahinemogu iimi iegu. ¹⁶ Dohpaguere ðaro yuhrirã Goãmũ iegu gamero dopa ta mua ðaro mua ipehorã arĩcũ ðaro masia yuhũ. Eropa masigu burigã mucubiria.

8

Cristo yarã arĩrã gajirãre eropa ocãro gahmea marire, arĩ gojañumi Pablo

¹ Gua acawererã, ire muare masicũ gahmea gua. Cristo yarã Macedonia yeba majarã Goãmũ mahiri mera iegu mojomoro iari mera erã iirare muare weregara. ² Erã ñero tariquererã ta, niyeru moorã arĩquererã ta mahiro mariro eropa ocãma gajirãre. Cristo mera turaro mucubirirã arĩrã, erã gajirãre ðaro mera erã oparire eropa ocãma. ³ Muare arĩgu iiaa. Erã erã oparopẽ orã, tauñariro oma. Erã gamero oma erã. ⁴ Goãmũ yarãre mojomorocurãre turaro itamudiarã, erãre erã obeirire aĩdorema guare. ⁵ "Ipẽ orãcoma erã," arĩ gua pepidiro tauro oma erã. Òpa iima erã: Negohraguere niyerure erã oboro core mari Opũ iegu gamerire iidiarã arĩtuhama. Eropirã Goãmũ iegu gamero dopa ta gua sãre umupeori mera yuhrirã arĩma. Eropa iirã arĩrã erã niyeru sãre oma. ⁶ Erã eropa ocũ iarã Titore guapũ ðpa arĩbũ: "Erãre mũ buhenũgadiro dopa ta Corinto majarã sãre erã mojomorocurãre oburire weregu," arĩbũ gua iigure. Mua sã gajirãre mojomoro iarã mua itamuboro dopa eropa arĩbũ iigure. ⁷ Eropirã muapũ arĩpehrerire ðaro iirã arĩtuhama. Cristore ðiaye ta ðaro umupeoa mua. Eropirã iegu yare ðaro werea. Eropirã Goãmũ yare ðaro masia mua. Eropirã Goãmũ iegu gamero dopa ta turaro iidiaa. Eropirã guare mahia mua. Eropa ta ðaro iirã arĩtuhama mua. Mua eropa ðaro iirã arĩquerecũ ta merogã duhyania mua ipehoburi. Mojomorocurã tamerare mua mojomoro iacũ gahmea gua. Eropirã erãre mua ðaro mera wuaro ocũ gahmea gua.

⁸ Eropa arĩgu muare doregohragu iibeaa yuhũ. Eropa arĩ weregu iiaa muare. Gajirã mojomorocurãre erã turaro itamurare muare weregu iiaa. ¿Mua ðiaye ta gajirãre mojomoro ihari? arĩ masidiagu iiaa. ⁹ Mari Opũ Jesucristopũ marire iegu mojomoro iarere masia mua. Iri ðiaye ta áhrea. Igu umaroguerẽ wuaro opagu arĩqueregu ta i yebaguere arigu mojomorocuro wapũ. Eropigu mua ya arĩburire sĩrigũ sã mojomorocuro wapũ. Òpa ta wapũ muapũ mua wuaro opaboro dopa, iegu mera mua ðaro arĩnigucãborore.

¹⁰ Muare weregu iiaa. Òpa pepia yupũ: Yuju bojori wahaa mua mojomorocurãre odiara puhũ. Muapũ mojomorocurãre odiamuhtaribũ. Eropirã erãre omuhtaribũ

áríbu mua. ¹¹ Eropirã mua odiarare dohpaguere oho ojogorocũque. Mua odiamũhtadiro dopa ta dohpaguere ðaro opehoque. Eropirã pagari opará árírã wuaro oque. Merogã opará árírã merogã oque. ¹² Buriãgã mua odiari mera irire mua orare Goãmu mucubirigũcumi. Eropirã ðaro mua omasiropẽ oque. Mua oropẽ ta mucubirigũcumi. Mua opabirirare mua ocũ gamebeami igũ.

¹³ “Mojomorocũrãre oque,” arĩgu erãre wuaro opadoregu iibeaa. Eropigu mũapũre mojomorocũrã dujacũ iidiabeaa. ¹⁴ Mũare yujuro mera opadoregu eropa arĩgu iiaa. Dohpaguere mũapũ wuaro opaa. Eropa opará gajinore moorãre omasia mua. Pũhrũ mũare gajino moocũ erã sã mũare omasima. Mua eropa game orã yujuro opa oparáca árĩpehrerã Cristo yarã. ¹⁵ Eropa ta àhraa Goãmu yare erã gojarapũ: “Wuaro aĩgu sã gajigu tauro opabeami. Merogã aĩgu sãre ne merogã duhyabeaa,” arãa Goãmu yare erã gojarapũ.

Tito igũ mera majarã mera Corintogue waĩumi

¹⁶ Eropi mũare yũ itamudiro dopa ta Tito sã mũare itamudiami. Goãmũpũ igũ itamudiacũ iimi igũre. Igũ eropa iicũ ãagu “Õhaa,” arãa Goãmũre. ¹⁷ Titore gua mua pohrogue wadorecũ igũ ðaro mera yuhriami. Eropigu igũre mua pohrogue gua wadoreboro coregue ta mua pohrogue “Wagura,” arĩ guĩatuhadi àhrami igũ.

¹⁸ Igũ gajigu Jesu yagu mera wapimoo obeobũ gua. Tito mera majagu árĩpehrerã gajirã Jesu yarã erã umupeogu àhrimi. Òari buherire ðaro igũ mohmegũ árĩcũ ãarã igũre ðaro umupeoma. ¹⁹ Eropirã Jesu yarã igũre ta gahmeama gua mera curibure. Iri niyerure mojomorocũrã pohrogue gua aĩcũ gua mera curibure gahmeama igũre. Iri niyerure mua gameneorare gua mojomorocũrãre orã wacũ ãarã mojomorocũrãpũ “Marire mari Opũ itamugu iimi,” arĩrãcoma. Gua eropa ocũ, erãre buriãgã mari itamudiarare masirãcoma. ²⁰ Eropirã i niyerure wuaro Jesu yarã erã odorerare gua aĩrã ðaro ãhadiburãca erã orare guare weresãri arĩrã. ²¹ Mari Opũ igũ ãhabeoro diaye ðaro iidiaa gua. Eropirã masa erã ãhuro sãre ðaro iidiaa.

²² Eropa iimorã gajigũre mari acaweregũre obeorãca Tito sã mera. Gua igũ mera obeogũre bajasuburi gajirãre igũ ðaro itamucũ ãabu gua. Eropigu dohpaguere mũapũ gajirãre mua itamudiacũ ãagu ero core igũ iidiro tauro ðaro mũare itamudiami. ²³ Tito sãre mũare weregura. Igũ yũ mera majagu àhrimi. Mũare yũ itamucũ igũ yũ mera mohmegũ àhrimi. Gajirã igũ mera wamorã Jesu yarã erã beyenirã erã obeorã àhriima. Erã Cristo yare iima gajirã Cristore erã umupeoboro dopa. ²⁴ Erã eropa árĩrãre mahiri mera ðaro erãre bocatũrique mua. Mua eropa iicũ ãarã gajirã Jesu yarãpũ ðarã mua árĩricũre masirãcoma. Mari obeonirãre “Òaro mera bocatũrãcoma Corinto majarã,” arĩ weretuhabũ gua mera majarãre. Mua eropa ðaro bocatũricũ ãarã gua werera diaye árĩcũ ãha masirãcoma gajirã Jesu yarã.

9

Jesu yarãre mojomorocũrãre erã oburire wereĩumi Pablo

¹ Eropirã Goãmu yarãre mua itamuborore mua oburire masituhaa mua. ² Gajirãre mua itamudiarire masia yũ sã. Eropa masigu Macedonia majarãre ðpa arĩ werebũ: “Corinto majarã Jesu yarãpũ gajirãre itamudiatuhama. Yuju bojori taria erã itamudiadiro,” arĩ weretuhabũ erãre mũare. Mua eropa itamudiacũ peerã bajarã erã sã mojomorocũrãre itamudiamã. ³ Mua mojomorocũrãre oborare gajirãre werequerẽgu “Iri niyerure gameneobiribocoma yũ ejaboro core,” arĩ pepia mũare. Eropigu dohpaguere oãre mari acawererãre mua pohrogue obeomũhtagu iiaa. Mojomorocũrãre mua oburire gameneo mua opayuboro dopa oãre obeomũhtagu iiaa. ⁴ Erãre obeobigu Macedonia yeba majarã mera mua pohrogue yũ eagu, mua oburire mua opabiricũ ãagu guhyasĩrisãboya yũhu mũare. “Mojomorocũrãre orãcoma,” yũhu mũare arĩra pũhrũ mua obiricũ ãagu guhyasĩrisãboya yũhu mũare. Mua sã guhyasĩriboya. ⁵ Eropigu mua pohrogue yũ ejaboro core erãre mari acawererãre obeomũhtagu iiaa. “Mojomorocũrãre wuaro orãca,” mua arĩrare mua opayuboro dopa erãre obeomũhtagu iiaa. Mua oburire mua gameneocũ erãpũ mũare weresererãcoma. Eropigu yũpũ eja mua oburire mua opayutuhacũ ãha mucubiriri mera mua odiarare masigũra. Mũare gua odorera arĩsome iri.

⁶ Eropirã ire guĩaque mua: Bajameyerigã otedigu bajamegã dũcare aĩgũcumi. Bajayeri otedigu baja dũca Eropigu mua pohrogue yũ ejaboro core erãre mari acawererãre obeomũhtagu iiaa. “Mojomorocũrãre wuaro orre aĩgũcumi. Eropa ta àhraa mojomorocũrãre mari ocũ. Merogã mari ocũ, Goãmu merogã ogũcumi marire. Wuaro mari ocũ wuaro marire ogũcumi. ⁷ Eropirã yujurãyeri mua “Ipẽ ogũra,” arĩ oque.

Mahiñari obiricãque. “Marire odoreama,” arĩro mariro oque. Mucubiriri mera orãre gahmemi Goãmu. ⁸ Īgũpũ mua gameri tauro mũare ogũcumi. Eropirã árĩpehrire mua gameri duhyarire opapehorãca. Eropirã gajirãre mua oburi sã ðaro siharoca mua opari. ⁹ Eropa ta ãhraa Goãmu yare erã gojarapũ:

Mojomocurãre wuaro ohomi ĩgu. Òaro mera masare itamuniguimi ĩgu, ãhraa ĩgu yare erã gojarapũ.

¹⁰ Eropiro oteri ducacura puhru oteri masu ĩgu oteburi coyere ohomi Goãmu. Puhru ĩgu oterare ducacucũ iimi ĩgu baburire. Mojomocurãre mua wuaro ocũ oteri masure ĩgu coyere oro dopa ta mua sãre wuaro ogũcumi Goãmu. Eropa ta mũare ogũcumi mojomocurãre mua onemoboro dopa. ¹¹ Eropa ta ãhraa. Wuaro ogũcumi gajirãre wuaro mua eropa oniguicãboro dopa. Eropirã mua iri niyerure odorerare gua ocũ erã ñearãpu mucubiriri mera Goãmũre “Õhaa,” arĩrãcoma. ¹² Eropirã mojomocurãre Goãmũ yarãre orã, erãre itamurã iiaa mua. I dihtare iibeaã mua. I sãre iirã iiaa mua. Mũa eropa orã bajarã masa Goãmũre mucubiriri mera “Õhaa,” arĩcũ iirãca mua. ¹³ Eropa mua gajirãre itamucũ ĩarã, Goãmũre umupeori mera wereniguirãcoma masa. Eropirã erãre gajirã sãre wuaro mua ocũ ĩarã Goãmũre “Õatariagu ãhrimi,” arĩrãcoma masa. Eropa arĩrãcoma Cristo ya buherire ðari buherire mua ðaro yũhricũ ĩarã. ¹⁴ Eropirã Goãmũ ĩgu mojomoro ĩadiro dopa ta mua sã erãre mojomoro ĩacũ erãpu mũare gamerãcoma. Eropa gamerã mũare serẽbasarãcoma Goãmũre. ¹⁵ Goãmũ marire ðatariaro iigũcumi. ĩgu eropa iiborore masirã “Õataria,” arãa mari ĩgure.

10

Jesu ĩgu apidigu ĩgu árĩrĩre wereñumi Pablo

¹ Dohpaguere yũhu Pablo mũare weregura. Cristopũ ne guabigu, masare ðaro iigu arĩñumi. ĩgu ĩidiro dopa ta yũ sã mũare werediaa ðari mera. Yujurãyeri mua mera majarã ðpa arãyoro yure. “Mari mera árĩgu eropa pepicãgu bu árĩgu iro dopa arĩmi Pablo. Eropa árĩqueregu ta gajĩpugue árĩgu marire doyaro mariro turibeomi,” arãyoro mua yujurãyeri yure. ² Eropigu mũare ire burigã dorea: Mũa pohrogue yũ ejacũ ðaro iique mua, “¿Pablo guare turiri?” arĩrã. Yujurãyeri yure ðpa arãyoro: “Īgu, ĩgu gamero, Goãmũ dorebiriquerecũ iimi,” arãyoro mua yure yujurãyeri. Eropa arĩrã tamerare turiboca yũhu. ³ Gua sã i yeba majarã ta arĩrã iiaa. Eropa árĩqueregũ ta i yeba majarã erã gamero iiro dopa ta iibeaã gua. ⁴ Surara erã tarinũgaro dopa ta guapu ñerire tarinũgadiaa. Surara erã mojo oparo dopa ta gua sã mojo opaa. Gua mojo i yeba majarã erã masiri, erã wereniguitarinũgari, erã turari árĩbeaa. Gua mojo Goãmũ ya turarĩpu ãhraa. Iri turari mera masa Goãmũre erã unupeodorebirirare duhucũ iiaa gua. Eropirã erã gamero erã masirire iri duhĩburi árĩbircũ masicũ iiaa gua iri turari mera. ⁵ Eropirã árĩpehrerã erã gamero pepirare Goãmũre erã masidorebirirare duhucũ iiaa gua. Eropirã iri turari mera Goãmũre gamebirãre Cristore ðaro yũhriã erã arĩcũ iiaa gua. Cristo ĩgu gamero dopa ta erãre pepicũ iiaa gua. ⁶ Eropirã gajirã mua mera majarã Cristore tarinũgacũ ĩarã erãre dipuwaja moamorã arĩrãca gua. Mũa ðaro yũhriã puhru Cristore tarinũgarãpure eropa dipuwaja moamorã arĩrãca gua.

⁷ Yũ arĩricuri dihtare masia mua. Yũ pepiripũre ne masibeaã mua. “Cristo yarã ãhraa,” arĩrã arĩrã ðpa masique mua: Gua sã mua iro dopa ta Cristo yarã ta ãhraa. ⁸ “Mari Opũ ya buherire ðari buherire buhedoregu apimi guare,” arĩgu bajasuburi mũare iri dihtare eropa arĩ werequeregu ta guhyasĩrĩbeaa yũhu. Guare eropa buhedoregu mũare itamumorãre apimi guare. Mũare gorowemorãre apigu iibirimi guare. ⁹ I yũ gojabeoripũre mua ĩha ucacũ gamebeaa yũhu. ¹⁰ Yujurãyeri mua mera majarã ðpa arãyoro: “Pablo gojabeogu pũriro dihta gojabeomi marire. Eropa árĩqueregu ta mari mera árĩgu eropa arĩcãgu ãhrimi. Bu árĩgu iro dopa ãhrimi. Eropiro ĩgu marire wereniguiri duhĩburi árĩbeaa,” arãyoro mua yujurãyeri. ¹¹ Eropa arĩrãre ðpa arĩ weregura: Mũa arĩdiro dopa ta iibeaã gua. Mũare gua arĩ gojabeodiro dopa ta eropa ta arĩ wererãca mua pohro arĩrã. Eropirã “Õpa iirãca,” gua arĩ gojabeodiro dopa ta eropa ta iirãca mua pohro arĩrã sã.

¹² Yujurãyeri mua mera majarã “Õaro masipehorã ãhraa gua,” arĩ wereniguimaacãma erã basi. Erã game ĩha bocatĩrã “Marĩpu ðatariarã ãhraa,” arĩma erã. Eropa arĩmaacãrã “¿Gajirã ðarã iro dopa ãhriri mari?” arĩbeama erã basi. Guapu erã iro dopa iisome. ¹³ Goãmũ guare ĩgu buhedore ĩgu apira dihtare werea guapu mũare. Gajirã erã mohmerare “Iibũ guapu,” arĩrã iibeaã. Goãmũ mua sãre buhedoregu guare apimi. ¹⁴ Eroparĩrã guyarã iibeaã gua. Òari buherire Cristo yare mũare buhemũhtarã ta ejabu gua. Eropirã Goãmũ guare buhedore ĩgu apira dihtare wererã iiaa mũare.

¹⁵ Eropirā gajirā muare itamucū ĩha “Guapu irire iibu,” ne arĩbeaa gua. Cristore mua umupeonemocū iiburipure gahmea gua. Eropa gamerā muare buhenemodiaa gua. Eropa gua buherā Goāmu ĩgu apirañe pēta buhedīaa gua muare. ¹⁶ Eropa buhedīaa mua ya yeba core majarāre ðari buherire peebirāre ðari buherire wererā waboro dopa. Eropa warā gajirā erā buhera puhru ejarā, “Guapu erāre buhemuhtabu,” arĩsome gua.

¹⁷ Goāmu yare gojarapūgue ðpa āhrraa: “Mari irire ĩarā mucubiribircāro gahmea. Mari Opu ĩgu iiripure ĩarā mucubiriro gahmea. Iripure gajirāre werero gahmea,” arĩ gojara āhrraa. ¹⁸ Masa erā basi “Guapu iibu,” erā arĩcū ĩha mucubiribeami Goāmu. Mari Opu Cristo Goāmure “Oā ðaro ĩma,” ĩgu arĩrāpure suami Goāmu.

11

“Jesu ĩgu apinirā āhrraa gua,” arĩ guyarāre wereñumi Pablo

¹ Yu basi yu arĩricurire weregu pee masibigu iro dopa weregu iiaa, arĩ pepia. Yu arĩricurire muare weregu guhyasĩriñaria. Yu eropa arĩ werecū peenique mua yare dohpaguere. ² Goāmu muare ĩgu mahiro dopa ta turaro mahia yu sã muare. Nómeo gajigu amu mera igo ñero iibigo igo yujugure ta gamedigo iro dopa mua Cristo dihtare gamecū gamerabu yuhu muare. ³ Eropa gamequeregu “Erā Cristo yare cóabocoma,” arĩ guñaricua muare. Gajirā ñerā muare guyarā, gajiropa arĩri buherire gamecū iibocoma muare. Piru ĩgu masiri mera Evare guyacū igo Goāmure tarinugañumo iribojegure. ĩgu eropa ĩdiro dopa ta dohpaguere ñerā muare guyarā, Cristore mua ðaro umupeorire gorweobocoma. Eropigu muare güisaa. ⁴ Erā gua muare buhediro dopa ta buhebiriquerecū mua peeraa. Eropirā erā “Ĕpa arĩdi arĩmi Jesu,” erā gamero gajiropa arĩ werequerecū ta peea mua. Watĩ ĩgu pepiro dopa arĩ erā werequerecū ta peea mua. Muare gua weregu Espĩritu Santo gohra āhrimi. ĩgupure erā werebiriquerecū ta muare guya buherāre peea mua. Erā gajiropa arĩri buherire erā buhecū ðari buherire erā buhebiriquerecū ta irire peea mua. ⁵ Erā “Jesu ĩgu apinirā āhrraa,” arĩnirā yare masitarinugabeama. “Erāre doca merebeaa,” arĩ pepia yuhu. ⁶ Ōaro weretarinugagu arĩbiriboca yuhu. Ōaro weretarinugabiriqueregu Goāmu yare ðaro masia. Yu eropa masirire bajasuburi muare masicū iibu.

⁷ Ōari buherire Goāmu yare muare buhegu ne waja gamebiribu. Muare itamudiagu waja gamebiribu. Bu arĩgu iro dopa arĩbu yuhu. ¿Yu eropa waja gamebircū ðabeari mua pepicū? ⁸ Muare yu buhecū gaji macari majarā Jesu yarā yare itamuma. Erā eropa orare ñeabu muare itamubu. Mua yare oborare erāpu yare oma. ⁹ Mua mera arĩgu gajino yare duhyaquerecū ta muare niyerure ne serēbiribu. Mari acawerē Macedonia yeba majarā Jesu yarā arĩpehrerā yu gamerare aĩ erama yare. Iribojegure muare ne garibobiribu yuhu. Puhrugue säre muare ne garibosome. ¹⁰ Cristo diaye ĩgu werediro dopa ta yu sã muare dohpaguere diaye weregu iiaa. Arĩpehrero Acaya yeba arĩrāre i muare yu serēbirirare eropa wereniguigura. ¹¹ ¿Muare yu serēbirirare gajirāre yu eropa wereniguicū peerā dohpa pepiri mua? “Pablo guare eropa arĩ weregu guare umupeobigu ĩmi,” ¿arĩ pepiri mua? Arĩbeaa. Muare umupeoa. Goāmu irire masimi.

¹² Waja mariro yu muare buhenugadiro dopa ta buhe ojogorocugura. “Jesu ĩgu apinirā āhrraa,” arĩ guyanirāre yare tarinugacū iibiriboro dopa waja mariro buheniguigura. Erāpu “Gua sã Pablo iro dopa Jesu yare buherā āhrraa,” arĩma. Eropa arĩbeama. Yuru waja mariro buhea. Erāpu waja gamerā buhema. ¹³ Erā diaye ta Jesu ĩgu apinirā gohra arĩbeama. Erāre ne apibiriñumi ĩgu. “Jesu ĩgu apinirā āhrraa,” arĩ guyarā gua iro dopa arĩrima erā. ¹⁴ Erā eropa ĩcū ĩagu ĩhamariabeaa yuhu. Satana sã anyu Goāmu yagu ðagu iro dopa dehyoacumi masare. ¹⁵ Eropigu erā Satana itamurā ðarā Goāmure itamurā iro dopa erā ĩcū ĩagu, ĩhamaria wabeaa yuhu. Dohpagure erā eropa iiquerecū ta pehrerinu arĩcū arĩpehreri erā ñero iira dipuwaja dipuwaja moagucumi Goāmu erāre.

ĩgu ñero tarirare wereñumi Pablo

¹⁶ Dipaturi muare ire weregura. Ne “Pee masibigu āhrimi,” yare arĩbircāque. Yu eropa arĩdorebiriquerecū ta yare mua eropa arĩ pepicū ðaroca yare. “Pee masibigu āhrimi,” arĩ yare pepiquerecū ta peenique mua yare. Merogā yu arĩricurire yu basi werecū peenique mua. ¹⁷ Muare eropa weregu guhyasĩriñaria yuhu. Pee masibigu iro dopa iigu iiaa, arĩ pepia. Mari Opu Jesu yare irire “Eropa wereque,” arĩbirimi. ¹⁸ ĩgu eropa arĩbiriquerecū ta ire weregura muare. Erā gamero “Ōarā āhrraa,” arĩmaacārā erā arĩcū ĩagu yu sã yu arĩricurire muare weregura. ¹⁹ Muapu eropa arĩmaacārāre peerā mucubiriri mera ĩhaa mua erāre. ¿Ōaro masirā āhriri muapu eropa peerā? ²⁰ Muare

erā pohro majarā moacū, m̄ua yare erā emacū eropa ĩacāa m̄ua. Eropirā m̄uaere erā docapicū m̄ua wayuporāre erā pacū eropa pepicāa m̄ua. ²¹ ĩŌapūricāri m̄uaere erā eropīcū? Cue, ĩturatarīarā āhriri erā? Guapu erā iro dopa turarā ārībeaa. Eropirā erā iro dopa ñerire iibeaa.

Erā iro dopa ārībiriqueregu ta erā “Ōpa ārīrā āhraa,” erā arīcū peegu yu s̄a eropa arī wereboca. Dipaturi guhyasīriqueregu ta ōpa arīgura m̄uaere. ²² Erā “Hebreo masa āhraa,” arīma gajirāre tarinugadiarā. Hebreo masu ta āhraa yu s̄a. “Israe masa mari Pagu ĩgu beyenirā āhraa,” arīma daja erā. Erā iro dopa ta ĩgu beyedigu ta āhraa yu s̄a. “Abrahā pāramerā āhraa,” arīma daja erā gajirāre tarinugadiarā. Erā iro dopa ta Abrahā pārami ta āhraa yu s̄a. ²³ “Cristo yare itamurā āhraa,” arīma daja erā. Yu s̄a Cristo yare itamugu ta āhraa. Erā tauro Cristo yare ōaro iiaa yuhū. Eropa yu basi arī wereniguigu guhyasīriñaria yuhū. Pee masibigu iro dopa wereniguigu iiaa, arī pepia yu basi. Erā tauro mohmebu yuhū Cristo yare ĩgu. Bajasuburi erā tauro Cristo yagu yu ārīri dipuwaja peresu iima yure gajirā. Erā tauro bajasuburi tārama masa yure. Erā tauro Cristo yare yu iira dipuwaja masa yure wejēdiarima. Eropigu merogā mera tarību yu sīribodirore. ²⁴ Cinco suburi judio masa yure ñeama. Yure erā ñeari n̄ucu suburi treinta y nueve suburi yure tārama. ²⁵ Ũhresubu gajirā yure ñeama. Eropa ñearā erā tamera yure ñero yucugu mera pama. Gajisubu yure gajirā utā mera deama. Ũhresubu dohodiru mera utāyegue mehtuhaja mirību. Eropigu yujunū, yuju ñami taboamiji wecague w̄ariya decoguere baa payabu. ²⁶ Bajasuburi macariguere buhe curigu ejabu. Yu eropa buhe curicū guhyatariacābu yure. Yure mirimaja guhya ārību. Yure yajamaja guhya arīma. Yaha yeba majarā judio masa, judio masa ārībirā s̄a yure ñero iimaja guhya arīma. Macariguge, masa marirogue, w̄ariyague s̄are yure sīrimaja guhya ārību. “M̄u mera majarā āhraa,” arī guyarā s̄a yure ñero iimaja guhya arīma. ²⁷ Cristo yare ĩbu burigā mohmebu. Eropa mohmegu ñero wabu. Bajasuburi w̄uja yare ñero pūriquerēcū ta eropa mohmeniguicām̄arību. Ñero oaboam̄arību. Eropiro yure ñemesibum̄arību. Bajasuburi barire bocabirim̄arību. Yuhu yasaro s̄are pepim̄arību. Suhri sañaburi s̄a ne marim̄arību yure.

²⁸ Eropa ñero tarigu ta um̄ari n̄ucu gajirā Cristo yarāre, m̄ua s̄are burigā guñaa. ²⁹ Eropigu Cristo yagu ĩgu turabiricū ĩagu bujawerea yuhū. Gajirā Cristo yagure ñero iidorebocoma. Erā eropa ĩcū ĩagu Cristo yagare guhyasīrisāgu, erā ñero iidorerā mera guaa yuhū. ³⁰ Werediabrīqueregu ta yu ārīricurire weregu, yuhu turabigu yu ārīrire m̄ua masiboro dopa m̄uaere weregura. ³¹ Goām̄u mari Op̄u Jesu Pagu um̄ari n̄ucu mari umupeobu ĩgu ta m̄uaere yu gayabiricū masimī. Ire m̄uaere diaye weregura. ³² Damasco waicuri macague yuhū Jesucristo yare buhecū ĩagu ārīp̄ehrerā masa tauro op̄u Areta waicugu ĩgu doca arīgu op̄u yure ñeadiaripu. Eropa ñeadiagu iri maca maja s̄arīro disiporori n̄ucu surarare coredoreripu. ³³ Erā eropa corero watope ta yu mera majarā w̄ari puibugue yure duhusā iri s̄arīro p̄urap̄ugue yuju gobegue yure duhu dijuma. Erā eropa duhu dijura p̄uhrū duhriḡā wabu.

12

Cristo ĩgure ĩhmurare wereñumi Pablo

¹ Yu ārīricurire mucubiriri mera yu werecū duhpihuri ārībeaa. Duhpihuri ārībiriquerecū ta werenemogura m̄uaere. Mari Op̄u Jesu ĩgu yure ĩhmurare ĩgu yare masicū ĩirare weregura m̄uaere. ² Ōpa ĩhmunugami ĩgu yure: Catorce bojori gohra wahaa yure Cristo yagure umarogue ĩgu aī m̄ariara p̄uhrū. Umarogue necā wecague yure aī m̄ariami. Yu siporā dihtare ĩgu aīḡacū masibeaa yuhū. O yu d̄upu s̄are ĩgu aīḡacū s̄are ne masibeaa yuhū. Goām̄u dihta irire masimī. ³⁻⁴ Eropigu paraíso waicurogue yure aī m̄arijami. Irire masia yuhū. Yu siporā dihtare ĩgu aīḡacū masibeaa yuhū. O yu d̄upu s̄are ĩgu aīḡacū masibirica. Goām̄u dihta irire masimī. ĩgu eropa aī m̄ariacū ejaḡu eroguerē ĩgu wererire peebe. Iri yu peerare masa ne masibeama. Iri wererire gajirāre weredebirimi yure. ⁵ Eroguerē ĩgu yure eropa wererare m̄uaere weregu, “Yuhū yujugu ta gajirāre tarinugagu āhraa,” arīboya yuhū. Eropigu irire werebeaa yuhū. Yu masibirira dihtare yu turabirira dihtare mucubirigu m̄uaere weregura. ⁶ “Gajirāre tarinugaa yuhū,” m̄uaere arī werediacū yu arīra diaye ārīboca. Eropigu eropa arī weregu eropa arīmaacābiriboya yuhū. Eropa ārībiriqueregu ta “Ōpa gajirāre tarinugaa,” arī weresome yuhū m̄uaere, guhyadiaro yure ĩhari arīgu. Yu arīro tauro m̄ua yure umupeocū gamebeaa.

⁷ Cristo ōatarīarire umaroguerē ĩgu yure ĩhmucū ĩadigu arīgu, “Gajirāre tarinugaa yuhū,” arīboca yurū. Eropa yu arībiriboro dopa Satana ĩgu yure dore moacū ĩagu

“Óaroca,” arí apidi árími Goámũ. Eropigu yũ ñero tariboro dopa yũre dore moadi árími Satana. Iri dore poraru ñajaro dopa ta yũre pũribũ. ⁸ Iri dore yũre taridoregũ serẽmuriribu mari Opũre. Uñresubu serẽribũ. ⁹ Yũ eropa serẽquerecũ ta i dore tamerare yũre taricũ iibirimi iũ. Ópa arí yũre yuñrimurimi iũ: “Mũre mahia. Yũ mahiri mera óaro árigũca muhũ. Pũrinigucásũgũ, turabigu árigũ yũ turarire óaro ihmũgũca muhũ. Turarã tauro muhũ yũ turarire masare masicũ iũgũca,” arí yuñrimurimi Goámũ yũre. Iũ eroparicũ peegu turabigu yũ áñrãre masigu mucubiria. Eropigu yũ turabirirare masare mucubiriri mera weregura. Eropa arí weregũca Cristo iũ turaripure yũhũ gajirãre óaro masicũ iiboro dopa. ¹⁰ Eropigu Cristo yagu yũ áñri dipuwaja yũre pũriro áñquerecũ ta, gajirã ñero yũre wereniguiquerecũ ta, ñetariaro tariqueregu ta, yũre erã ñero erã iiniguquerecũ ta, yũre bujawerecũ erã iquerecũ ta mucubiria yũhũ. Eropa ñero tariqueregu ta, eropa turabigu áñqueregu ta Cristo turari mera bocatũua iũre guñaturagũ. Eropigu mucubiria.

Corinto majarãre Cristo yarãre wũaro guñaricũnumi Pablo

¹¹ Yũ áñricũrũre yũ basi weregu guhyasiriñaria yũhũ. Pee masibigu iro dopa weregu iiaa, arí pepia yũhũ. Yũ eropa werequerecũ ta iri mua ya dipuwaja áhrra. Muapũ yũ áñricũrũre gajirãre óaro werecũ yũ basi werebiriboaya. Yũhũ bu árigũ áñqueregu ta “Jesu iũ apinirã áhrra,” arí guyarãre doca merebeaa yũhũ. ¹² Diaye ta ñero tarigu áñqueregu muare Goámũ turari mera deyro moarire ii ihmuribu. Eropa ii ihmũgũ Cristo iũ apidigu yũ áñrũre ihmũgũ iiribu muare. ¹³ Gaji macari majarãre Jesu yarãre mua sãre yujuro mera ihmuribu yũhũ. Muapure gajiropa ñari iiribu. Mũa dihtare garibobiriribu. Mũa dihtare gajinore yaha áñburire serẽbiriribu. ¿Yũhũ muare itamurire serẽbiricũ ñeñe áñri muare? Iri ñeri áñicũ irire cáñjique mua yũre.

¹⁴ Ire peeque mua. Pesubu mua pohrogue yũ ejara puhũ dipaturi wadãaa daja. Erogue ejagu muare garibosome yũhũ. Gajinore serẽsome yũhũ muare. Mũa yere gamebeaa yũhũ. Cristo yapure mua yuñrirã áñicũ gahmea yũhũ. Masa porãpũ erã pagu sumarãre erã gamerire obeama. Erã pagu sumarãpũ erã porã gamerire ohoma. Eropa ta mua yũ porã iro dopa áñrã yũ gameripure osome mua. ¹⁵ Eropigu yũ tamera yũ oparipure odãaa muare itamubu. Mũa pohro majagu iro dopa áñdiãaa muare itamubu. Muare yũ turaro mahiquerecũ ta muapũ yũre daberogã mahia yũ pepicũ.

¹⁶ Eropigu mua mera áñigũ muare garibobiribu. ¿Eropa ta iari yũhũ mua pepicũ? Eropa iiquerecũ ta yujurãyeri mua mera majarã ópa arĩrãcoma: “Pablo gajinore marire aidiãgu guyamĩ,” arĩrãcoma. ¹⁷ ¿Erã arĩro dopa ta iũgũ áñigũ dohpa irire iiboyuri yũhũ? ¿Mũa pohrogue yũ obeonirã ñeñenore yũre guyasayuri erã muare mua ñacũ? ¹⁸ Sohõ áñtrasubugue Titore mua pohrogue wadoretuhabu iũre. Eropigu gajigũre Jesu yagũre iũ mera obeobũ. ¿Tito muare gajinore guya aĩri mua ñacũ? Iũ yũ iro dopa ta Goámũ iũ gameri dihtare iũgũ áñri. ¿Eropigu yũ iro dopa ta iibiriri iũgũ mua ñacũ?

¹⁹ ¿Ipũ mera gua basi arí cáñmotarã iiri gua mua pepicũ? Áñbeaa. Cristo yarã áhrra. Eropirã Goámũ iũ ihuro muare wererã iiaa. Yũ acawererã, yũ mahirã, muapure eropa arí werea muare itamudiarã. ²⁰ Yũ erogue ejacũ yũ gamero dopa iirã áñbiriboca mua. Eropigu muare turaro guñaricua. Eropigu mua gamero dopa iũgũ áñbiriboca yũ sã erogue ejagu. Gajiropa mua iicũ iãgu weregũca muare. Erogue yũ ejacũ muapũ mua basi game duyasorã, gajino erã opacũ ñarã ihaturirã, mata guarã, mua gamero gajirãre tarinũgadiarã, gajirãre ñero wereniguirã, ñeri quere moarã, “Gua tamera gajirãre tarinũgaa,” arĩrã, mua gamenererore goroweorã áñboca mua. Mũa eropa iicũ bocaboca arĩgũ, guñaricua yũhũ muare. ²¹ Erogue yũ ejacũ muare yũre guhyasirisãcũ iibocumi Goámũ yũre. Eropigu áñpehrerã iribojegue ñero iinirãre erã ñerire bujawerebiricũ iãgu turaro bujaweregũca yũhũ. Nome mera ñero iirãre, ñerire uaribejarãre iãgu bujaweregũca yũhũ.

13

Pablo weretuñumi

¹ Dohpaguere mua pohrogue wagu uhresubu ejagũca erogũre. Pesubu ero coreguere ejatuhabu. Eropigu muare ire weregura. Ópa áhrra Goámũ yere erã gojarapũ: “Yujugũre mari dipuwaja moaboro core perã, urerã iũre weresãro gahmea. Erã eropa weresãra puhũ dipuwaja moamasia mari,” áhrra Goámũ yere erã gojarapũ. ² Iribojeguere ñero iirã mua áñicũ muare áñpehrerã gajirã ñero iirã sãre dipaturi guhyadiaro mera weregura. Yujusubu ejadi mua pohro dipaturi ejagu muare ire werebũ. Dohpaguere mua mera áñribigu dipaturi muare ire werebeogũ iiaa daja: Dohpaguere mua pohrogũre ejagu, ñero iirãre diaye ta dipuwaja moagura yũhũ. ³ Yũ

eropa iicũ ĩarã, Cristo ĩgu apidigu ĩgu turari mera yu buhecũ masirãca masidiarã. Cristopũ muare doregu turatariagu aħrimi. Eropigu ĩgu turarire ĩhmumi muare. ⁴ Mari iro dopa dupucugu, ĩgu turabigu arĩgu, crusague siripu. Eropa siriqueregu ta Goãmu ĩgu turari mera ojocarimi ĩgu dohpaguere. Gua sã ĩgu iidiro dopa ta turabirã aħraa. Eropa turabirã arĩquererã Cristo mera ojocarirã Goãmu ya turari mera arĩrãca muare itamumorã.

⁵ Eropi muapũ mua basi õpa arĩ pepique. “¿Diaye ta Cristore umupeogu aħriri yuhũ?” arĩ pepique mua. Diaye ta Cristo mua mera majagu ĩgu arĩbiricũ ĩgu yarã gohra arĩbeaa mua. ⁶ ¿Mua guapũre “Jesu yarã ĩgu apinirã arĩbeama,” arĩ pepiri? ĩgu yarã gohra aħraa gua. Irirẽ mua masicũ gahmea yuhũ. ⁷ Eropigu mua ñero iibiriboro dopa Goãmũre serẽbasaa muare. Eropa serẽbasaa gua mua õarire mua iiboro dopa. Mua Goãmũ itamuri mera eropa õarire iicũ ĩarã õpa arĩboca: “Guapũ erãre õarã wacũ iibũ,” arĩboca gua gajirãre guare umupeocũ iimorã. Eropa arĩ umupeodorebeaa gua. Iri duhpiburi arĩbeaa. Eropirã muare eropa Goãmũre serẽbasarã mua ya arĩburire serẽbasarã iiaa. Õarire mua iicũ tamerare gahmea gua. ⁸ Eropa dihta gahmea gua. Goãmũ ya diaye arĩrĩre goroweomasibeaa gua. ⁹ Eropirã mua õarire iicũ gamerã turabirã iro dopa arĩquererã gua mucubiria. Õarire iirãpũ muapũ turarã arĩcũ õhaa. Eropirã mua õarã waborore Goãmũre serẽbasaniguicãrãca gua muare. ¹⁰ Eropigu mua mera arĩbigũ muare ipũre gojabeoyugu iiaa. Mua pohroge ejagu mua ñero iirã arĩcũ ĩagu muare dipuwaja moagũca. Cristo yũre ĩgu dorediro dopa ta muare dipuwaja moagũca. Yũ eropa dipuwaja moabiriboro dopa ipũre muare gojabeoyugu iiaa. Mua õarire gohrotocũ ĩadiagu gojabeoyugu iiaa. Cristo ĩgu dorediro dopa muare itamudiaca. Muare dipuwaja moadiabeaa.

¹¹ Dohpaguere yũ acawererã, muare õadoreaa. Cristore guñaturanemoque. Eropa iirã õarã arĩque. Muare yũ wererare õaro peenurũque. Mua mera majarã mera yujuro mera pepique. Mua basi õaro mera arĩque. Mua eropa arĩcũ ĩagu mua mera Goãmũ arĩgũcumi. ĩgu marire game mahicũ iigu, marire õaro mera arĩcũ iigu aħrimi. ¹² Eropirã mua mera majarãre bocatĩrirã erãre õaro mera mojoto ñeaque mua.

¹³ Arĩpehrerã õ majarã Goãmũ yarã muare õadorema.

¹⁴ Mari Opu Jesucristo mera muare arĩpehrerãre õadoreaa. Eropigu Goãmũ ĩgu mahiri mera arĩpehrerã muare õadoreaa. Eropigu Espĩritu Santo arĩpehrerã mua mera õaro aħrimi. Eropa ta arĩporo. Iripẽta aħraa.

Gálatas

Pablo Galacia majaräre Jesu yaräre gojabeopu

¹⁻² Yuhu Pablo mua Galacia majaräre ipüre gojabeogu iiaa. Yuhu Goãmu yare buhedore Jesucristo igu apidi ähraa. Masa ne yare buhedore apibirima. Jesucristopu igu Pagu Goãmu mera yare apimi. Goãmu ährimi Jesucristo sîridire masudigu. Eropigu yuhu yu mera majarâ mera Jesucristo yarâ mera muare ôadorea. ³ Goãmu mari Pagu mari Opu Jesucristo mera muare ôadorea. Igu muare itamuri mera ôaro âríque mua. ⁴ Jesucristo, igu Pagu Goãmu gamediro dopa ta igu, igu basi mari ñeri iira dipuwaja sîribasadigu ârími. Eropiidi ârími i umu majarâ ñero âríricarire mari iibiriboro dopa. ⁵ Igu eropiicü iha mari Goãmure "Muhu ôagu ôaro iiaa," umuri nucu arîro gahmea. Eropa ta iirâ.

Jesucristo masare igu tauburi yujuñe ta buheriñe ähraa, arî werepu Pablo

⁶ Mua mata Goãmu yare duhurâ iica. Goãmu muare igu yarâ ârímoräre aidigu ârími Jesucristo igu marire sîribasara mera. Igu muare eropa aiquerecü muapu igure duhu gajirâ ya buherire peenugarâ iica. "Gaji ähraa marire tauburi buheri," erâ arî werecü peerâ iica mua gajiräre. Mua eropiira querere peegu pee uca waha yuhu. ⁷ Opa waro iica mua ârírore. Gajirâ mua pohro eja muare were goroweorâ iicoma. "Jesucristo marire taumi," arî buherire gohrotodiarâ, "Gaji ähraa marire tauburi buheri," arî buherâ iicoma muare. Eropigu muare ire werediaca. Gaji buheri marire tauburi buheri marica. ⁸ "Gaji buheri ähraa mari tauburi buheri," muare arî were goroweoräre Goãmu burigâ dipuwaja moagu peamegue wadoreporo. Yu basi ta were goroweocäre Goãmu yu säre dipuwaja moaporo. Anyu umaro majagu igu eropa buhecü igu säre dipuwaja moaporo. ⁹ Gua gajisubu arîrare dipaturi yuhu werea daja muare. Yujugu muare ôari buherire gajiropa buhecü, gua muare buhediro dopa werebigure igure Goãmu burigâ dipuwaja moaporo. Peamegue wadoreporo.

¹⁰ Yuhu masare buhegu Goãmu gamero dopa ta diaye majare buhea. Masa peesuacü, peesuabiricü säre buhea. Eropigu dohpaguere yuhu masa peediarî dihtare wereniguibea. Cristo gamero dopa ta buhediacâ. Igu pohro majagu ôagu ârídiagu eropa buhea yuhu.

Pablo igu Jesucristo yare buhebure apirare werepu

¹¹ Opa weregura muare: Yuhu muare ôari buheri eropa arî buhera masa ya pepiri âríbeaa. ¹² Ne yujugu masu iri buherire yare weredorebirimi. Ne yujugu masu yare buhebirimî iri buherire. Jesucristo igu basi yare irire masicü iimi.

¹³ Iribojegue ya âríricurare yuhu judio masa buherire peenurarasubu yu iirare mua peetuhabu. Yuhu Jesucristo yaräre burigâ ihaturigü nurusiamuribu eräre ñero iibu. Eropigu Jesu yaräre burigâ ñero iigu eräre wejêpohocâdiaribu. ¹⁴ Eropigu gua judio masa ya buherire yu mera masanirâ tauro umupeomuricaribu. Gua ñecu sumarâ âríricarire burigâ iimuricaribu. ¹⁵ Yu eropa iirisubu opa wabu yare. Goãmu igu ôaro mahiri mera yare sihumi pare. Igu yu dehyoaboro coregue beyetuhapu yare. ¹⁶ Eropigu igu magure Jesucristore yare masicü iimi. Iguere masicü iigu yare judio masa âríbiräre buhebure apimi. "Jesucristo marire taumi," arî buherire werebure apimi yare. Eropa Goãmu yare masicü iira puhru gajiräre serêpigü wabiribu. ¹⁷ Jerusaléngue âríräre yu core Jesu igu apinirâ säre serêpigü wabiribu. Eroro eropa wabigu Arabia yebaguepüre diaye wabu. Puhraguere Damascogue dujaa wabu.

¹⁸ Ühre bojori puhru Jerusaléngue wabu. Pedroro îagu wabu. Pe semana ta âríbu igu mera. ¹⁹ Gajirâ Jesu igu apiniräre ne iabiribu irisubure. Mari Opu Jesucristo pagu magu Santiago dihtare îabu. ²⁰ Yuhu muare eropa arîgu diaye weregu iiaa. Yu opa arîräre Goãmu masimi. Eropa arîgu opa arîdiaca muare. Jesucristo dihta yare masicü iimi igu buherire.

²¹ Jerusaléngue âríra puhru Siria yebague Cilicia yebague ejabu. ²² Irisubu Judea yeba majarâ Jesucristo yaräpu yare iha masibirima dohpa. ²³ Yuhu Jesucristo yagu âríri querere peenirâ âríma. "Igu Pablo marire Jesu yaräre ñero iidianuru curidigu dohpaguere Jesucristo yare buhegu ährimi. Mari Jesucristore umupeorire dedeodiadigu dohpaguere irire Jesucristore umupeoburire buhegu wahami," gajirâ eräre eropa arî werecü peenirâ âríma Judea yeba majarâ. ²⁴ Eropa peerâ Goãmu mera mucubiriñorâ.

2

Gajirã Jesucristo igu apinirã gameñorã Pablo buherire

¹ Catorce bojori pũhrũ Jerusalenguere wabũ daja. Bernabé wami yũ mera. Tito sãre aigãbũ. Goãmu yũre wadomeri Jerusalenguere. Eropigu erogue wabũ. ² Eropigu erore eja Jesure umupeorã gamenererogue yũhũ erã oparãre boje sihuu werebũ erãre. Judio masa áribirãre Jesucristo marire tauburi buherire yũ buherare werebũ oparãre. Eropa weregu erã yũ buherire ðaro masicũ erãre “Õapũrica,” aricũ iidibabũ erãre. Erã yũ buherire gamebirã yũ buheri sãre “Waja mariri áhrra,” arĩbocoma, arĩ pepirabũ yũhũ. Erã gamema. ³ Eropirã erã Titore igũ judio masu áribiriqueregu igũ Jesure umupeogu aricũ iha erã judio masa dorero dopa iidorebirima igũre. Eropirã igũre gasiro merogã wiri aidorebirima igũre. ⁴ Gajirãpũ Jesure umupeorã gamenererogue ñajajanirãpũ igũre circuncisión gasiro merogã wiri aicũ gamerima. Erã Jesure umupeorã gohra áribirima. Erã gua sihubiriquerecũ gua pohrogue peedurirã ñajajanirã árima. Guãre weresãdiana. “Erã Jesu yarã Moise dorerire iibirã áhrrima,” arĩdiana guare. “Goãmu pohro wadiarã gua dorerire iiro gahmea marire,” arĩ dorediarima daja. Gua Jesucristo yarãpũre Jesucristo tautuhajami gua Goãmu mera ðaro áriborore. ⁵ Eropirã erã eropa gaare dorecũ iarã erãre ne yũhribiribũ. Erãre yũhrrã iri Jesucristo marire tauburi buherire queoro buhemasibiriboaya muare. Eropirã erã dorediarire cãhmotacãbũ.

⁶ Eropirã Jesu yarã oparã yũ buherire erãre weretuhajara pũhrũ “Mũ buheri ðhaa,” arĩrã, yũ buherire yũre gohrotodiabirima. Gua judio masa dorerire iiburi sãre buhedorebirima. Erãre erã oparãre masa umupeoquererũ erã iiro dopa iibiribũ. Goãmu áripẽhererãre oparã arĩrã sãre bu arĩrã sãre yujuropa ta ihami. “Erãre beyediro dopa ta yũ sãre Goãmu beyemi,” arĩ pepibũ. ⁷ Eropirã oparã yũ buherire gohrotodiabirã judio masare áribirãre yũ buhe curirare peema. Eropirã yũhũ Jesucristo igũ yare buhebure apidigu aricũ iha masima yũre. Eropirã ðpa arĩma yũre: “Igu Goãmu judio masare iri ðari buherire buhebure igũ Pedrorẽ apidiro dopa ta mũ sãre apiñumi. Judio masa áribirãpũre iri buherire buhebure mũre apiñumi,” arĩma yũre. ⁸ Eropigu igũ Goãmu Pedrorẽ judio masare buhebure obeodigu ta yũ sãre obeomi judio masa áribirãre buhebure.

⁹ Eropirã erã oparã urerã Santiago, Pedro, Ñũ mera yũre iha masima. Goãmu igũ mahiri mera igũ yũre beyedigu yũ aricũ masima. Eropirã yũre Bernabé sãre ðaro bocatũrima. “Eropa ta iirã mari. Mari yujuro mera buherã. Mũapũ judio masa áribirã pohrogue buherã warãca. Guapũ judio masare buherã warãca,” arĩma yũre Bernabé sãre. ¹⁰ “Iri dihta iiro gahmea,” arĩma guare. “Mojomorocurãre itamuniguicãro gahmea,” arĩma. “Eropa ta iiaa,” arĩbũ gua erãre. Eropigu eropa ta yũ buhe curirogue Jesu yarã mera niyerure gameneo erã mojomorocurãre ohaa dohpa.

Antioquiague Pablo Pedrorẽ werepũ igũ ðaro iibirirare

¹¹ Ero pũhrũ gua Antioquã macague aricũ Pedro curigu erami gua árirore Jesure umupeorã gamenererogue. Erogue erara pũhrũ Pedro queoro iibiricũ iha igũ eropa iira dipuwaja burigã werebũ igũre Jesure umupeorã peeuro. ¹² Eropigu Pedro Antioquiague ne eragu gamenere bamũrimi judio masa áribirã Jesure umupeorã mera. Irisubũ gajirã judio masa Santiago obeonirã erama. Erã eranirã ðpa arĩ pepirã árima. “Áripẽhererã Jesure umupeorã judio masa áribirã sã gua dorerire iiro gahmea Goãmu erãre ðaro iaborore. Eropirã áripẽhererã judio masa iiro dopa gasiro merogã wiri airo gahmea. Eropa áribirã mera babiricãro gahmea,” arĩrã árima eranirãpũ. Eropigu Pedro erã eracũ iha judio masa áribirãre dũca wami. Erã gasiro merogã wirisũbirinirã aricũ erãre dũca wami erã eranirã weresãrire güigu. Erã mera babirimi pare. ¹³ Igu eropiicũ iha ero majarã gajirã judio masa erã sã dũca wama judio masa áribirãre. Bernabé sã erã iiri queoro áribiricũ masiqueregu erãre ihacũ igũ sã dũca wami erãre. ¹⁴ Erã eropiicũ iha gamebirigohracãbũ yũhũ. Erã judio masa áribirãre dũca warã “Jesu dihta marire taumi,” arĩ iħmubirima. “Moise doreri sãre umupeoro gahmea,” arĩ iħmurima erã judio masa áribirãre. Eropigu yũhũ áripẽhererã Jesure umupeorã peeuro burigã arĩbũ Pedrorẽ. “Mũhũ judio masa áriquereregu õguere ne eragu judio masa áribirã mera yujuro mera bagũ gua judio masa áriřicũre guñabirabũ. ¿Duhpigũ mũhũ dohpaguere gohrotodiari? ¿Eropigu duhpigu dohpaguere erã judio masa áribirãpũre gua áriřicũre iidorediari?” arĩ werebũ igũre igũ queoro iibirira waja.

Áripẽhererã Jesure umupeocũ Goãmu taumi erãre, arĩ werepũ Pablo

¹⁵ Gua judio masa porã áhrra. Eropa áriřã gajirã Moise dorerire tarinũgarã iiro dopa áribẽaa. ¹⁶ Eropa áribiriquererã gua Jesure umupeorã dohpaguere ðpa

masirā āhraa. Yujugu Moise dorerire iicū Goāmū pohro waburi árĭbeaa. Īgu Jesucristore umupeonijagu Īgu ñeri iira dipuwajare cádjisüdigu wahami. Iri mera dihta ôhami Goāmū mera. Eropirā gua judio masa árĭquererā Goāmū mera ôaro árĭmorā Jesucristore umupeonu. Goāmū mera ôaro árĭmorā Moise dorerire iibiribu. Īgu mera ôaro árĭmorā gua dorerire umupearā Goāmū mera ôaro árĭbiriboaya. Eropirā Jesucristore umupeonu gua ñeri iira dipuwaja pehrebora dopa.

¹⁷ Eropirā gua Jesucristore umupeori mera gua Goāmū mera ôaro árĭrāca. Eropa Jesucristore umupearā Moise dorerire iibiriquererā Goāmū dorerire tarinugarā iibeaa. Jesucristo sã Goāmū dorerire tarinugadoregu ne árĭbeamí. ¹⁸ Eropigu masare ôpa arĭ buhea yuhã. Goāmū muare “Ôarā āhrima,” Īgu arĭ ĩaboro dopa Jesucristopare umupearo gahmea. Eropigu “Mũa Goāmū mera ôaro árĭdiarā Moise doreri sãre umupearo gahmea,” arĭbeaa. Yuhũ Moise dorerire doregu Goāmū dorerire tarinugagu árĭboya. ¹⁹ Ero corere Moise dorerire iimãriribu Goāmū mera ôaro árĭdiagu. Eropa iiqueregu dipuwajacagu árĭmãriribu. Dohpaguere Jesucristo mera dipuwajacabeaa. Eropigu “Iri Moise dorerire iiro gahmea,” arĭbeaa pare. Eropigu yuhũ Goāmū ĩgu dorero dopa ta iigu iiaa. ²⁰ Jesucristo crusague sĭrigu yu ñegu árĭrare gohrotodigu árĭmí. Eropigu yu ero corege árĭdiro dopa árĭbeaa pare. Cristo yu mera árĭgu yure ĩgu dorerire ôaro iimasicū iimi. Eropigu yu árĭricurare iibeaa. Jesucristo yapure iiaa. Īgu Jesucristo yure mahitarigu yure yu ñero iira dipuwaja sĭribasadi árĭmí. Eropigu ĩgure guñaturagu ĩgu dorerire iiaa. ²¹ Goāmū mera ôaro árĭmorā mari ñecu sumarā árĭricurire, Moise dorerire iicū Jesucristo mari ñero iira dipuwaja sĭribasara wajamariboaya. Eropigu ne umupegu duhusome “Jesucristo marire taumi,” arĭ buherire.

3

Jesucristore umupeori mera Goāmū marire “Ôarā āhrima,” arĭ ĩhami, arĭ werepu Pablo

¹ Mũa pee masibirā āhraa dohpaguere. Mũare Jesucristo ĩgu basi mari ñeri iira dipuwajare sĭribasarare muare werecū mũa ôaro ĩha masiribu. ¿Mũa eropa ôaro masicū noa muare goroweoarĭ dohpaguere iri diaye maja mũa umupearãñere? ² Eropigu ôpa serẽpidiaca muare. ¿Mũa Moise dorerire umupeori mera Espĭritu Santo muare eranũgari? Erabirimi. Mũa “Jesucristo marire taumi,” arĭ buherire peecū Jesucristore umupecū ĩgu Espĭritu Santo muare erami. Īgu yarā mũa árĭmorā árĭcū erami. ³ ¿Mũa duhpĭrã pee masibirā iiro dopa wahari dohpaguere? Mũa ne Jesucristore umupearā Espĭritu Santo itamuri mera ĩgu yare iimãribũ. ¿Eropirā duhpĭrã dohpaguere mũa turari mera iidiari? ⁴ ¿Mũa Jesucristo yarā árĭnugarā mũa Jesucristore umupearo waja mũa ñero tarirare guñabeari? ¿Mũa eropa umupearo “Bu gohra āhraa,” arĭ pepiri mũa dohpaguere? ⁵ Ôpa ôaro guñaro gahmea. Goāmū muare ĩgu Espĭritu Santore odigu árĭmí. Espĭritu Santo mũa mera árĭgu mũa watope deyoro moarire muare ôarire iimi. Īgu eropiigu Moise dorerire mũa umupeori mera eropa iibeami. Mũa “Jesucristo marire taumi,” arĭ buherire ôaro pee ĩgure umupecū eropa iimi.

⁶ Gua judio masa ñecu Abrahãpu Goãmũre “Diaye ta árĭgu āhrima,” arĭ ôaro umupearũmí. Īgu eropa umupecū ĩha Goãmũ ĩgure “Ñeri dipuwaja marigu ôagu āhrima,” arĭ ĩaũmí. ⁷ Eropirā ôpa masique mũa. Goãmũ ôpa arĭmí: “Árĭpheerã masa judio masa árĭbirã sã Abrahã umupearo dopa ta yure umupearā Abrahã pãramerã āhrima. Eropirã yaharã āhrima,” arĭmí Goãmũ. ⁸ Iribojegue irire Goãmũ arĭ wereyutuhãmí. Īgu werepĭra ôpa āhraa ĩgu yare gojarapũgue: “Árĭpheerã masa judio masa árĭbirã sã yure umupearãre ‘Ôarã āhrima,’ arĭ ĩagũca. Ñero iira dipuwaja marĭrã ĩagũca erãre,” arĭũmí. Eropigu iri ôari buherire Abrahãre arĭ wereyũmí. “Árĭpheerã masa mũhu yure umupearo dopa ta yure umupecū ‘Ôarã āhrima,’ arĭ ĩagũca yuhũ erãre. Erãre ôaro ĩagũca,” arĭũmí Goãmũ Abrahãre. ⁹ Abrahã Goãmũre ĩgu umupecū Goãmũ ôaro iĩũmí ĩgure. Eropigu árĭpheerã masa mari sã ĩgure umupecū Goãmũ ôaro ĩgũcumí mari sãre.

¹⁰ Gajrã ôpa arĭrã āhrima. “Moise dorerire ôaro iicū Goãmũ ‘Ôarã āhrima,’ arĭ ĩagũcumí marire,” arĭrima. Eropa arĭrã dipuwajacurã āhrima dohpa. Goãmũ yare gojarapũgue ôpa arĭ werea. “Moise dorerire iirã arĭ iri dorerire árĭpheerãre queoro iipehobirã dipuwajacurã āhrima,” arĭ gojara āhraa. Eropirã iri dorerire iipehomasibirã waja dipuwaja moasũmorã āhrima árĭpheerã. ¹¹ Ne yujugũre iri dorerire iipeho masiya mara. Eropirã Moise dorerire iiri mera Goãmũ mera ôamasibeama. Ôpa arĭ gojaũma Goãmũ yare gojarapũgue. “Īgure umupearãre

Goāmū ‘Ōarā āhrima,’ arī īhami. Ŋero iira dipuwaja marirā īhami. Eropirā erā ōaro ārīniguicārācoma Goāmū mera,” arī gojañuma. Eropirā mari masia. Ne yujugare iri dorerire ĩgu iiri mera Goāmū ĩgure “Ōagu āhrimi,” arī ĩabeami. Goāmure umupeogu dihta ōaro ārīgucumi ĩgu mera. ¹² Goāmure umupeogupū, “Goāmū yare yū ñero iira dipuwaja maricū ĩgucumi,” arīmi. Moise dorerire ĩgupu “Yū basi iri dorerire ĩgu ñero iira dipuwaja mariro ōaro ārīgūca,” arīrimi. Eropigū ĩgu iri dorerire ĩpehomasibigu ārīgū ñero iira dipuwajacugū dujami.

¹³ Eropirā mari ārīpehrerā iri doreri mera ñero iira dipuwajacurā dujamūribū. Mari eropa ārīcū ĩha, Jesucristo mari ñero iira dipuwaja ĩgu basi wajayemi ĩgu crusague sīrigū. Goāmū yare gojarapūgue ōpa werea: “Īgu yucūague dirisiudigu Goāmū ĩgu ñero iira dipuwaja moadigū āhrimi,” arī gojañuma iribojegue. Eropigū Jesucristore crusague dirisiudigū mari ñero iira dipuwajapure Goāmū ĩgure dipuwaja moadigū ārīmi. Eropirā maripū ñero iira dipuwaja marirā dujaa pare. ¹⁴ Jesucristo eropiicū Goāmū Abrahāre ōaro ĩadiro dopa ta judio masa ārībirā sāre ōaro ĩanugami. Eropigū ĩgu arīdiro dopa ta ĩgu obeodigū Espīritu Santopū erami marire Jesucristore umupeorāre.

Īgu buherare werenemopū Pablo

¹⁵ Mari masa mari iiro dopa ta weremūtagura muare. Perā “Ōpa iirāca,” erā arī weretamura pūhrū gajigū gohrotomasibeami. ¹⁶ Eropigū Goāmū Abrahā mera weretamura pūhrū Abrahāre ĩgu arīrare gohroto masiya mara. Ōpa arī werepiñumi ĩgure: “Mū pārami ārīturiagu mera ārīpehrerā masare ōaro ĩigara,” arī wereñumi. Eropā arīgū ĩgu pāramerā ārīturiarāgue mera arīgū ĩibirīñumi. Yujugū ta ĩgu pārami ārīturiagu dihtare arīgū ĩñumi. Eropā arīgū ĩgu pārami ārīturiagu Jesucristo ariburire arī wereyugū ĩñumi. ¹⁷ Eropigū ōpa arī werea muare: Iribojegue Goāmū Abrahā mera weretamugū masare ĩgu ōaro ĩiburire wereñumi. Īgu eropa weretamura pūhrū yoari boje pūhrū cuatrocientos treinta bojori ārīturiagu mera ārīpehrerā masare ōaro ĩigara,” arī wereñumi. Eropā arīgū ĩgu pāramerā ārīturiarāgue mera arīgū ĩibirīñumi. Yujugū pūhrū Moisere ĩgu doreri apiñumi. Moise doreri ārīnugaquerecū Goāmū Abrahāre werepira pehrecū ĩibiriyoro. ¹⁸ Goāmū Abrahāre mahigu ōpa ĩgure arī weretuhañumi. “Ārīpehrerā masare mū yare umupeoro dopa ta yare umupeorāre ōaro ĩigūca,” arī weretuhañumi. Eropiro Moise doreri ārīnugaquerecū Goāmupū iri dorerire iiri mera masare taubeami. Moise doreri iiri mera mari taricū Goāmū muare “Waja mariro ōaro ĩig mera arīgū ĩibirīñumi. Yujugūca,” ĩgu arīrapū duhpiburī ārībiriboaya.

¹⁹ ¿Eropigū duhpiburire iri dorerire Moisere apiyuri Goāmū? Masa erā ñerire masiborore apiñumi iri dorerire erā ñero iira dipuwaja masiborore. Abrahā pārami ārīturiagu Jesucristo ĩgu eracūgue arītuya iri doreri. Eropigū Jesucristo ĩgu eracū Goāmū Abrahāre ĩgu werediro dopa ta masare ōaro ĩñumi. Goāmū iri dorerire apigū anyuare weremūtañumi. Erā anyua wereñuma Moisere. Īgu Moisepū masare wereñumi. ²⁰ Īgu masare ōaro ĩiburire Goāmū ĩgu basi ta werepiñumi Abrahāre. Gajirā mera werebeobirīñumi ĩgu iri dorerire apidiro dopa ta. Eropigū ĩgu Abrahāre werepirapū Moise doreri tauro ōhaa.

Moise dorerire werepū Pablo

²¹ Goāmū Moisere ĩgu dorerire apigū, ero coregue Abrahāre ĩgu arīrare “Yū arīdiro dopa ĩisome pare yūñū,” arīgū ĩibirīpū ĩgu. Abrahāre ĩgu arīmūtađiro dopa ĩibu ĩpū. “Masare ōaro ĩigūca,” ĩgu arīrare ĩibu ĩpū dohpā. Moise dorerire iiri mera mari Goāmū mera ōaro ārīmasirā mari iri dorerire ōaro iirā ñero iira dipuwaja opabiriboaya. ²² Eropā ārīquerecū Goāmū yare gojarapūgue ōpa āhraa: “Masa ārīpehrerā erā ñero iira dipuwaja opama, arī gojara āhraa. Eropā dipuwajacurāre erā Jesucristore umupeocū Goāmū ōaro ĩgucumi erāre. Īgu Abrahāre werediro dopa ta ĩgu erāre ñero iira dipuwaja marirā ĩagucumi.

²³ Jesucristore umupeori mera masare tauburi ārīboro core guā Moise doreri doca ārīmūribū. Eropā Moise dorerire iirā peresugue ārīro dopa ārīmūribū. Jesucristo guare tauboro core eropa ārīmūribū. ²⁴ Ōpa sā ārīburi ārībū Moise doreri: Moise doreri mera Jesucristore mari masiburi erabū. Mari porāre erā buherogue soro dopa ta Moise doreri marire Jesucristore masicū ĩbū. Eropirā mari Jesucristore umupeocū ĩgu marire taumi. Mari ñero iira dipuwaja maricū ĩimi. ²⁵ Eropirā dohpaguere mari Jesucristore umupeorāre Goāmū “Ōarā āhrima,” arī īhami. Guā Jesucristore masirā ĩgure umupeorā ārīrā dohpaguere Moise doreri doca ārībea pare.

²⁶ Mũa sã áripehrerã Jesucristore umupeorã ĩgu yarã árirã Goãmu porã àhraa. ²⁷ Eropirã mũa áripehrerã Jesucristore umupeorã ĩgu waĩ mera waiyesunirã árirã Jesucristo ĩgu iro dopa ta àhraa. Jesucristo Goãmu magu áriro dopa ta mũa sã Goãmu porã àhraa. ²⁸ Eropirã áripehrerã Jesucristo yarã yujuro mera àhraa. Yujugu porã iro dopa àhraa. Eropigu gua judio masare mũa judio masa áribirã sãre Goãmu yujuropa ta ĩhami. Masa pohro majarãre erã oparã sãre yujuropa ta ĩhami. Umare nome sãre yujuropa ta ĩhami. ²⁹ Eropirã mũa Jesucristo yarã árirã Abrahã pãramerã sã àhraa. Eropigu Goãmu Abrahãre “Mure ðaro iigura,” arĩrare mũa sãre iimi. Cristo yarã mũa áricũ ĩagu mũare ðaro iigucumi.

4

¹ Mari iri doreri doca áribiriborore mari Jesu yarã áriborore weregura daja. Yujugu majigu ĩgu pagu yare wuaro opapehobu áriqueregu majigu árigu pohro majagu iro dopa àhrimi. Gajirã dorero doca àhrimi dohpa. ² Gajirã ĩgu pagu apinirã ĩgu ya áriburire ĩhadibuma dohpa. ĩgu pagu gameranũ áricũgue ĩgu basi ĩgu yare doremi pare. ³ ĩgu majigu gajirã dorero doca ĩgu áriro dopa ta mari mũa nĩecu sumarã áricũri doreri doca árimuriribũ. Pohro majarã iro dopa ta árimuriribũ. ⁴ Mari eropa árinirãre mari Pagu Goãmu ĩgu gameranũ ejacũ ĩgu magure ĩgu pohro áridigũre obeodigu árimi. ĩgure obeocũ ĩgu nomeoguere dehyoadigu árimi. Eropa dehyoagu judio masu áridigũ árimi Moise dorerire ĩgu. Eropigu Goãmu obeodigu árimi ĩgu magure. ⁵ Gua iri doreri doca árinirãre taubure obeodigu árimi ĩgu magure. ĩgu marire taugu mari pohro majarã iro dopa árinirãre wiugu ĩgu porã áricũ iimi.

⁶ Eropiituhaja mũa sã ĩgu porã áricũ ĩgu Jesucristo mera Espĩritu Santore obeomi mũare. Eropirã Espĩritu Santo marire ĩgu itamuri mera Goãmure mari Pagure “Ahu,” arãa mari pare. ⁷ Eropirã mũa Goãmu porã ta àhraa. ĩgu porã árirã mũa nĩecu sumarã doreri doca, pohro majarã iro dopa áribeaa pare. Goãmu magu Jesucristo wiunirã àhraa. Mũa eropãrirã ĩgu porã árirã Goãmu oburire oparãca mũa áripehrerire.

Pablo Galacia majarã Jesu yarãre guñaricũpu

⁸ Mũa ero core Goãmure masibirã árirã gajirã goãmarãre umupeomuriribũ. Eropirã erã pohro majarã iro dopa árimurirabũ. Goãmu gohrare umupeobimuriribũ. ⁹ Eropa áriquererã ta dohpagure Goãmure masia. Goãmũpu mũare ĩha masimi. ¿ĩgu eropa masiquerecũ ta duhpirã i yeba majarã erã pepirire gahmeri daja? ¿Duhpirã iribojegue mũa nĩecu sumarã doreri mũa iidiro dopa ta muraro ta Cristo mariro dopa ta iidiari daja? ¿Eropirã duhpirã dohpagure Moise dorerire mũa iinũgarã, pohro majarã iro dopa áridiari daja mũa? ¹⁰ Judio masa erã bosenũri iro dopa mũa sã iica Goãmu mera ðadiarã. Soorinuri nũcu, aberi nũcu, bosenũrire eropiica. Bojori nũcu bosenũrire ðaro iica. Mũa eropiiri queero áribeaa. ¹¹ Mũa eropiicũ pee ñero siporãcũca yũpu. Mũare yũ turaro buhequerecũ ta “Iri waja mariboca,” arĩ pepia.

¹² Eropigu yũhu mũare burigã ðpa arĩ werea. Mari Jesucristore umupeoturadiro dopa ta umupeoque daja. Yũ Jesucristore umupeogu gua judio masa doreri yũre taubiricũ ĩha irire umupeobiribũ pare. Eropirã mũa sã Jesucristore umupeorã iri dorerire umupeobiricãro gahmea Goãmu mera ðaro árimorã. Yũhu mũa pohro ne áricũ mũa ne ñero iibiribũ yare. ¹³ Mũa mũa yũhu mũa pohro ne áridirure. Yũhu Jesucristo marire tauburire ne mũare buhegu ejagu dorecũgu áribũ. ¹⁴ Yũ dorecũgu ñero taribũ. Yũ eropa dorecũgu áriquerecũ mũa yure doobiribũ. Yũre ðaro umupeo ðaro bocãfiribũ. Goãmu obeodigu anyu áriro dopa yure ĩabũ. Yũre Jesucristore ĩro dopa ðaro iibũ. ¹⁵ Yũre burigã gamebũ. Yũre burigã gamerã yũ serẽropẽ ta áripehrerire omorã áribũ yure. ¿Mũa eropa áricũ dohpa wahari dohpagure? Mũa negohraguere yũre mucubiridiro dopa ta dohpagure mucubiribea. ¹⁶ ¿Mũare diaye majare yũ werera waja mũa ĩhaturigũ wahari dohpagure?

¹⁷ Mũa pohrore gajĩ buherire buherã mũare ðaro umupeocoma. Erã eropa umupeoquererã mũare siporã mera mahibiricoma. Mũa yũre yũ buheri sãre gamebiricũ gahmema erã. Mũa erãpure umupeocũ gahmema. Eropirã mũare umupeocoma. ¹⁸ Masare umupeocũ ðapũrica. Erã weca dihta umupeocũ ðabeaa. Yũ áricũ dihtare umupeocũ ðabeaa. Áripehrerãre yujuropa ta ðari mera umupeonigũicãro gahmea. ¹⁹ Mũa yũ porã iro dopa àhraa. Eropigu mũare guñaricũ. Mũare burigã guña teboricua. Yujugo porãcũbo teboricũro dopa ta yũ sã teboricua mũare guñaagu. Igo magu ðaro dehyoacũ gamego teboricũmo. Mũa Goãmu porã ðaro áricũ gamegu teboricua yũ sã. Mũa Jesucristo áricũrĩre ðaro opacũ gahmea. ²⁰ Mũa pohro burigã wadiarica. Yũ mũa mera árigu yũ basi mũare ðaro weremasiboyã

gojaripū gojaro mariro. Eropigu mũare dohpaguere íabigu mũa Jesucristore ðaro umupeoturanemoborore masibirica.

Agar Sara mera erã árrrare werequeogu mari Goãmu porã árrrare werepu Pablo

²¹ ¿Mũa Goãmu mera ðaro árrmorã Moise dorerire iiniguicãdiarã mũa Moise arí gojarare masibeari? ²² Ōpa arí gojañumi Moise: Abrahã porã ũma perã árrñuma. Ígu marapo pohro majago Agar waĩcuگو yujugu porãcuñumo. Pũhrũ Abrahã marapopũ Sara waĩcuگو gajigu porãcuñumo. ²³ Ígu pohro majago magũ mari masa iro dopa ta masa dehyoañumi Ígu. Abrahã igore porã moara pũhrũ mata nijipo áhri porãcuñumo. Ígu marapopũ mata porã bocamasibirĩñumo. Eropigu Goãmu ígu arĩdiro dopa ta igore porã bocacũ iñumi. ²⁴⁻²⁵ Erã perã nome iribojegue eropa warare ōpa buhegura mũare. Goãmu Abrahãre wererare iirã Sara árrro dopa áhri. Gajirã Moise dorerire iirã Agar iiro dopa áhri. Agar igo porã sã gajirã dorero doca árrmũriñuma. Pohro majarã árrmũriñuma. Erã arĩdiro dopa áhri Moise dorerire iirã. Eropirã Moise doreri doca árrmũrirã áhri ma pohro majarã iro dopa árrã. Iri dorerire iirã “Goãmu mera ðaro árrãca,” árrmũririma. Iri dorerire Goãmu Moiserẽ apiñumi Siná waĩcũdigũ utãguague Arabia yebague. Dohpaguere iri dorerire Jerusalẽngue judio masa umupeoma. Eropirã iri doreri doca áhri. ²⁶ Ōpa áhri Goãmu Abrahãre wererare iirã. Erã Jesucristore umupeorã áhri. Sara arĩdiro dopa áhri. Sarapũ pohro majago árrbirimũriñumo. Mari Jesucristore umupeorã “Moise doreri mera taribea,” arã. Jesucristo marire taucũ Goãmu porã árrã mama Jerusalẽn maca majarã áhri. ²⁷ Eropirã Jesucristore umupeorã Goãmu porãpũ bajarã árrãcoma. Moise dorerire iirãpũ bajamerã árrãcoma. Eropa ta arí werea Goãmu yare gojarapũgue: Mũhu ne porã opabigo, porãcũri pũririñe pepibigo ðaro mucubirique. Gajigo igo marapũ mera arĩgo igo porã árrĩquercũ igo pãramerã árrĩturiarã bajamerã árrãcoma. Mũpũre dohparagã mũ porã mariquercũ mũ pãramerã árrĩturiarã tauro bajarã árrãcoma. Eropigo mucubirique, arĩñumi Goãmu.

²⁸ Isaa Abrahã magũ arĩdiro dopa mari Goãmu porã áhri. Isaa Abrahã magũ dehyoagu Goãmu ígu werediro dopa ta dehyoañumi. Mari Goãmu porã árrã Goãmu ígu werediro dopa ta ígu porã áhri. ²⁹ Eropirã Abrahã porã perã árrñuma. Pohro majago magũ Ismael árrpehrerã masa iro dopa dehyoañumi. Isaapũ ígu pago igo porã bocamasibiricũ Espĩritu Santo itamuri mera porãcuñumo. Erã dehyoara pũhrũ Ismaepũ pohro majago magũpũ Isaare Abrahã marapo magũre ígu ñero taricũ iimũriñumi. Ígu iidiro dopa dohpaguere eropa wahaa. Erã Moise dorerire iidorerãpũ marire ñero taricũ iima. Mari Espĩritu Santo itamuri mera Goãmu porã áhri. Mari eropa árrĩrẽ marire ñero taricũ iima. ³⁰ Eropa wacũ Goãmu yare gojarapũgue irire dohpa arĩrire buherãca. Ōpa Goãmu arĩñumi Abrahãre. “Mũ pohro majago magũ mũ oparire ne opasome, arĩñumi. Mũ marapo magũ dihta opapehogucumi. Eropigu mũ pohro majago igo magũ mera cóaque mũ pohrore,” arí wereñumi Goãmu Abrahãre. ³¹ Eropirã, yũ acawererã, mari Goãmu porã árrã pohro majago magũ iro dopa árrbea. Ígu pagũ oburire opamasibirĩñumi. Maripũ mari Pagũ Goãmu ígu oburire opamasirãca. Marire ígu mera ðacũ iimi.

5

Cristo marire ígu taura pũhrũ turarã árrro gahmea marire, arí gojapũ Pablo

¹ Eropigu marire mari ñecu sũmarã árrĩcũri dorero doca árrĩnirã Jesucristo tautuhajami. Mari ñero iira dipuwajare Jesucristo ígu basi wajayebasami mari Goãmu mera ðaro árrborõ dopa. Eropirã mari Goãmu porã árrã Jesucristore guñaturaniguicãro gahmea. Eropirã peebiricãro gahmea erã Moise dorerire iidorerãre.

² Ōaro peeque yare. Yũhu Jesucristo ígu apidigu áhri. Eropigu mũare ōpa werea. Mũa Goãmu mera ðaro árrmorã mũa gasiro merogã wiri aĩcũ Jesucristo mũare ígu sĩribasara waja mariboya. ³ Eropigu guhyadiaro mera werea daja. Goãmu mera ðaro árrborõ erã gasiro merogã wiri aĩrã Moise dorerire árrpehrerire iiro gahmea erãre. ⁴ Eropirã mũa “Goãmu marire taugucumi Moise dorerire iicũ,” mũa arĩdiarã, mũa Jesucristore cóarã iiboca. Mũa eropiirã Goãmu ígu mera ðaro árrburire mũare ðaro ígu iiburire cóarã iiboca. ⁵ “Maripũ Goãmu mera ōhaa,” arimasia Jesucristore umupeori mera, Espĩritu Santo ígu itamuri mera. “Goãmu guare ‘Ñero iira dipuwaja mariro ðarã áhri,’ arí íagucumi,” arimasia. ⁶ Eropiro gasiro merogã wiri aĩnirã árricũ sãre, wiri aĩbirinirã árricũ sãre íabeami. Mari Jesucristore umupeorã árricũ gajirãre mari mahi umupeocũ íhami Goãmu.

⁷ Maa ne Jesucristore umupeorā Īḡu yare ḡaro diaye iimuriḡu. Eropirā dohpaguere maa Jesucristo yare diaye majare ḡaro iibiricū gajirā muare cāhmotañorā. ⁸ Goāmuru eropa iibirimi. Īḡu muare Jesucristo yarā árīmorāre beyegu āhrimi. ⁹ Eropiḡu ḡpa werea muare. Yujugu masu Īḡu guyarire buhenugacū peerā masa árīpehrerā Īḡure peerā guyarire umupeorā wahama ḡaripure peediabirā. ¹⁰ Īḡu muare eropa guyarire buhenugaquerecū ḡpa arī pepia. “Erā Jesucristore umupeore oparā erā iri guya buherire umupeosome,” arī pepia yuḡu muare. Muare gorowecoreḡure noho árīḡure Īḡu eropa iira dipuwajare Goāmu dipuwaja moagucumi Īḡure.

¹¹ ḡpa arī werewuañorā gajirā yapure: “‘Mari Goāmu mera ḡaro árīmorā mari gasiro merogā wiri airo gahmea,’ arī buhemi Pablo,” arāñorā yure. Yuḡu eropa arī ne buhebea. Yuḡu dohpaguere “Gasiroḡa wiri airo gahmea,” yu arī buhecū irire iidorerāpu yure ñero taricū iibiriboañuma. Yu ḡpa arī buhea: “Mari ñero iira dipuwajare Jesucristo wajayebasadi árīmi crusague sirigu. Eropirā mari Goāmu mera ḡaro árīmorā Jesucristore umupeoro gahmea,” arī buhea yuḡu. Yu eropa arī buhecū judio masa pee guama. Yure ñero taricū iima. ¹² Erāpu muare goroweorāpu gasiro merogā wiri aīdorerāpu erā basi wiri aīpehocāporo.

¹³ Muapure Goāmu maa Īḡu porā árīmorāre aiḡu maa Moise dorerire iimorāre beyebiripū. Muare iri dorerire iidobiriquerecū maa maa uaribejarire iibiricāro gahmea. ḡpa iiro gahmea. Maa árīpehrerāre ḡaro mahi umupeorā erāre itamuniguicāro gahmea. Maa gajirāre umupeorā Moise dorerire árīpehrerire iirāca. ¹⁴ Eropa ta arī gojara āhraa: “Mu basi mahiro dopa ta mu pohro árīrāre mahique,” arī gojara āhraa. ¹⁵ Eropirā maa game ihaturicū, papūri, maa disitiri wereniguicū maa basi ḡaro maa game umupeoro pehboca. Eropirā maa basi ḡaro árīro gahmea.

Masa erā gamerire iirire Espiritu Santo Īḡu gameri sāre werepu Pablo

¹⁶⁻¹⁷ ḡpa arī werediaca muare. Mari Jesucristo yarā árīcū mari pepirigū ḡpa āhraa. Mari ñeri uaribejari āhraa. Espiritu Santo Īḡu gameri sā āhraa. Mari uaribejari Espiritu Santo Īḡu gameri mera yujuro mera árībeaa. Eropiro marire masiya mariro wahaa. Eropirā maa Espiritu Santopure yuhrirā maa uaribejaripure iisome. Eropirā Espiritu Santo Īḡu gamerire iiniguicāque. ¹⁸ Eropirā Espiritu Santo gamerire iirā árīrā “Moise doreri mera mari tarirāca,” arī pepibeaa maa.

¹⁹ Masa erā ñeri uaribejarire erā iicū ḡaro ihamasica mari. ḡpa iima erā uaribejarire iirā: Ūma gajirā nome mera ñero iima. Nome sā gajirā uma mera ñero iima. Diayea iiro dopa iiricūma. Ūnerire pepima. Ūnerire wereniguima. ²⁰ Eropirā goāmarā wéanirāre umupeorā “Mari goāmu āhrimi,” arī umupeoma. Gajirāre dojama. Eropirā masare doho āhrima. Ihaturima. Disitiri wereniguima. Gajirāre doéma. Mata guama. Gajirāre tarinugadiama. Yujuro mera árīdiabeama. Yuju curu majarā gajī guu majarāre ihaturima. ²¹ Eropirā gajirāre gajinore erā opacū ihaturima. Gajirāre wejēdiarā wejēma. Merericarā āhrima. Mererā ñerire uaribejama. Eropa iirā gajino ñeri sāre iima. Eropiḡu yuḡu muare werediro dopa ta werea daja guhyadiaro mera. Iri ñerire iiniguḡu Goāmu Īḡu opu árīroguere ejamasisome.

²² Espiritu Santo yapu ḡpa āhraa. Erāre ḡpa iirā árīcū iimi. Árīpehrerāre mahi umupeoma. Mucubirima. Güiro mariro āhrima. Gajirā erāre ñero iiquerecū erā mera guabeama. Mojomoro ihamā. Duhuro mariro Goāmu Īḡu gamerire ḡaro iima. Erā mohmediarire erā mohmediabiriri sāre ḡaro iima. ²³ Eropirā nijiyajaro mera iima. Erā ñero iidiaquererā iibeama. Eropa ta iima Espiritu Santore yuhrirā. Eropa iirāre “Eropa iibiricāque,” ne arībeami gajigu. ²⁴ Eropirā mari Jesucristo yarā árīrā mari ñero árīdirore duhcū mari gamerire mari uaribejarire iiniguicābeaa. ²⁵ Eropirā mari Espiritu Santo itamuri mera iirā árīrā Īḡure yuhriniguicāro gahmea.

²⁶ Eropirā mari “Yuḡu gajirāre tarinugaa,” arī pepibiricārā. Eropirā gajirāre game ihaturicū iibiricārā. Gajirā erā ḡari oparire obobiricārā.

6

Maa mera majarāre itamugue, arī werepu Pablo

¹ Acawererā, maa mera majagu Jesu yagu Īḡu ñerire iicū iha Īḡure itamuro gahmea maa Espiritu Santo dorerire iirāpūre. Īḡu iri ñerire duhcū ḡaro mera werero gahmea. Eropa itamurā maa ḡaro pee masique maa sā ñerire iiri arīrā. ² Eropirā maa basi game itamugue árīpehrero. Maa eropa itamurā Jesucristo dorediro dopa ta iirāca.

³ Yujugu “Yupu ḡarire iigu āhraa,” arī pepiḡu, Īḡu ḡarire iibiriquereḡu ḡpa arīḡu Īḡu basi guyagu iimi. ⁴ Eropirā marire ḡpa iiro gahmea. Mari basi mari iiricurire ḡaro

queoñanarusiario gahmea. Eropā ĩara pũhru mari árĩricuri ðari árĩcũ ĩha “Yũhu ðarire ĩaa,” arĩmasia. Eropirā mari ðari árĩricuri mera mucubirimasia gajirā árĩricuri ĩaro mariro. ⁵Eropigu mari árĩricuri Goāmu beyegucumi. Eropirā mari gajirā erā ĩiricuri ĩhanurubiricāro gahmea. Eropirā mari yujurayeri ĩiripũre ĩaro gahmea.

⁶Eropirā Jesucristo yare ðari buherire peerāpu erāre buherāpũre erā gamerire ĩtamuro arĩpehrerire ðarire.

⁷Eropirā “Goāmu yũ ñerire ĩira dipuwaja dipuwaja moasome yũre,” arĩ pepi masiya mara. Ōpa arĩ pepirā mua diaye arĩ pepibirica. Eropiro Goāmure guya masiya mara. Eropirā mari dohpaguere ĩira waja pũhruague bocarāca. ⁸Eropirā mari uaribejarire ĩinquirā ĩri ñeri ĩira waja dipuwajacurāca. Eropirā peamegue warāca. Mari Espĩritu Santo gameripũre ĩirā ðaro wajatarāca. Eropirā Goāmu mera umuri nucũ ðaro árĩnquirāca. ⁹Eropirā mari Espĩritu Santo gamerire ĩinquirāca. Gariborebiricāra. Goāmu gamerinu mari wajatarāca ðarire duhubirā. Eropirā ðarire ĩinquirāca gahmea. ¹⁰Eropirā arĩpehrerisubure ðaro umupeoro gahmea arĩpehrerāre. Eropirā Jesucristore umupeorāre burigā mahi umupeoro gahmea yujugu porā ĩro dopa.

Pablo ĩgu weretura

¹¹Īata. Yũ basi mũare gojagu pagari deyori mera gojagu ĩaa. ¹²Eropigu ōpa werea mũare. Erā mũare gasiro merogā wiri aĩdorerāpu ōpa gahmema. Erā dorerire mua ĩicũ ĩha gajirā judio masa erā mera ðaro árĩbocoma. Eropirā erāre ñero taricũ ĩibiribocoma daja erā Jesucristo yare umupeoquerecũ. ¹³Erā basi gasiro merogā wiri aĩquererā Moise dorerire gajire ĩibeama. Erā eropa ĩibiriquererā, mũapũre erā dorerire ĩidorerā mua gasiro merogā wiri aĩcũ gahmema erā. Eropā gahmema gajirā judio masare ōpa erā arĩboro dopa mucubiriri mera. “Gua dorero mera Galacia majarā judio masa árĩbirā mari árĩricuri ĩiama,” erā arĩboro dopa mũare erā dorerire ĩicũ gahmema. ¹⁴Yũ tamera erā eropa mucubiridiario dopa ta ne mucubirissime. Mari Opũ Jesucristo ĩira mera dihta mucubiria. ĩgu mari ñero ĩira dipuwajare wajayebasadigu árĩmi crusague sĩrigu. ĩri dihtare mucubiria. Jesucristo eropa ĩira mera yũhu ĩgu taudigu árĩgu masa erā uaribejarire guñabeaa pare. I mũmu maja masa erā uaribejari sã doremasibeaa yũre. ¹⁵Eropiro gasiro merogā wiri aĩcũ, wiri aĩbiricũ sãre Goāmu ĩabeami. Masa Jesucristo mera ðari mera gohrotorā árĩcũ ĩhami. ¹⁶Erā eropa gohrotonirā arĩpehrerā ĩri buherire Jesucristo yare yũhrirāre “Erā ðaro arĩporo,” arĩ serēa Goāmure. “Erāre mũ ya curu majarā gohra arĩrāre mojomoro ĩaque,” arĩ serēbasaa yũhu Goāmure.

¹⁷Yũhu Jesucristo dorediro dopa ta ĩigu ĩgu yare buhera dipuwaja gajirā yũre ñero taricũ ĩima. Erā eropa ĩira camĩ mũra āhraa yũre yũ dupũre. Eropigu ōpa gahmea: ĩripēta yũre bujawerecũ ĩiporo Jesucristo yarāre goroweorā.

¹⁸Mũare arĩpehrerāre ðaro árĩcũ gahmea. Mari Opũ Jesucristo mũare arĩpehrerāre ðaro ĩiporo. Eropā ta ĩiporo. ĩripēta āhraa.

Efesios

Efeso majaräre gojabeoñumi Pablo

¹ Yuhu Pablo Goāmũ İġu gamero dopa ta Jesucristo yure İġu yare buhedore apidıġu āhraa. Eropıġu m̄uare Efeso majaräre gojabeoa. M̄uare Jesucristore ðaro umupeoräre gojabeoa yuhu. ² Goāmũ mari Paġu mera Jesucristo mari Opu mera m̄uare ðadorea. İġu m̄uare itamuri mera ðaro ārİque m̄ua.

Cristo yarā mari ārİcū İaġu Goāmũ ðaro iimi marire, arİ gojañumi Pablo

³ Goāmũ mari Opu Jesucristo Paġu marire ðaro iinıġucāmi. Ārİpehreri İġu ya ðari mera İġu mari pepirire ðarire ohomi mari İġu pohro ārİro dopa. Marire siporā turacū iimi. Cristo yarā mari ārİcū İaġu eropa marire ðaro iimi. Gua İġu eropiicū İha ðaro umupeoa. İġure ðaro werenıġuia. ⁴ Őpa iipu İġu marire İġu yaräre: I yeba ārİboro coregue İġu yarā ārİmoräre beyemuhtapu İġu marire. Eropa beyegu İġu marire İġu İarore İeri iiro marirā mari ārİmoräre iipu. Eropıġu İġu marire “Ñerā āhrima, arİsome.” ⁵ Marire mahıġu mojomoro İaġu irıbojegue Őpa arİmuhtapu İġu marire: “Yu magu Cristo İġu itamuro mera erā yu porā ðaro ārİrācoma,” arİ apıpu marire irıbojegue ta. İġu gamediro dopa ta eropa iipu İġu marire. ⁶ Marire İġu eropa ðaro iicū İarā umupeoa. İġure ðaro werenıġuia. İġu magu İġu mahıġu Jesucristo yarā mari ārİcū İaġu, ðaro iimi İġu marire. ⁷⁻⁸ Eropıġu İġu magu Jesucristo İġu di cōaġu sİrİġu mari İeri iira dipuwajare wajayebasadi ārİmi. İġu eropa wajayebasacū mari İeri iirare cādıjidi ārİmi Goāmũ. Eropıġu marire turaro mahıġu, marire mojomoro İaġu eropa iipu Goāmũ. Eropıġu marire peamegue waboniräre taudi ārİmi. İġu ðaro masıpehori mera eropiipu İġu. Eropirā İġure ðaro werenıġuia. ⁹⁻¹⁰ Eropıġu İġu marire İġu iıborore marire masıcū iimi. Irıbojegue majaräre irire masıcū iıbirımuıpu İġu. Őpa āhraa marire İġu iıboro. İġu gamediro dopa ta İġu pepıdıro dopa ta ārİpehreräre Cristo dorero doca ārİcū iıġucumi. Eropıġu ārİpehrerire İġu ya ārİcū iıġucumi. İġu queorasubu ārİcū umaro majaräre, i yeba majarā säre İġu dorero doca ārİcū iıġucumi İġu. Eropıġu umaro maja säre i yeba maja ārİcū säre İġu ya dihta ārİcū iıġucumi. Eropıġu Jesucristopu ārİpehrerā weca opu ārİġucumi. Eropıro ārİpehreri İġu ya dihta ārİroca. Eropa ārİbure ārİdorepu Goāmũ İġure.

¹¹ Eropı Cristo yarā mari ārİborore masıyugu Goāmũ marire beyetuhapu İġu yarā ārİmoräre. I ārİpehrerire apıpu İġu, İġu pepıdıro dopa ta İġu gamediro dopa ta iıbu. ¹² İġu eropiıpu İġu yare gua iıborore. İġu yare gua ðaro iicū İarā gajırā sā İġure umupeorā “Turagu āhrimi,” arİrācoma. Guapu judio masa Cristore gamenuganırā ārİrā İġure umupeomuhtanırā ārİbu. ¹³ M̄ua sā diaye werenıġuirire, ðari buherire peeabu. Iri buheri mera ta Goāmũ pohrogue warāca m̄ua. Irire peerā İġure umupeoa. Eropirā İġu yarā wahabu m̄ua. Őpa arİpu Cristo: “Yure umupeoräre Espıritu Santore obeogura,” arİ wereıpu. Eropıġu İġure m̄ua ua iıborore. İġu yare gua ðaro iicū İarā gajırā sā umupeocū İaġu İġu Espıritu Santore odıġu ārİmi m̄uare. Eropıġu İġure m̄ua opacū, “Jesucristo yarā āhraa,” arİ masıcū iimi İġu m̄uare. ¹⁴ Goāmũ marire tarıcū iıami. Eropıġu puhru İġu pohrogue aıaġucumi marire İġu oburire marire obu. Marire aıaboro core Espıritu Santopu mari mera āhrimi. İġu mari mera ārİcū Goāmũ mera mari ārİborore ðaro masia. Goāmũ marire İġu eropiicū İarā İġure umupeori mera, “Őaġu āhrimi,” arāa mari.

Pablo Goāmure serēbasañumi Jesu yaräre

¹⁵⁻¹⁶ Eropıġu Jesucristore umupeorā m̄ua ārİcū peebeo, ārİpehrerā İġu yaräre m̄ua umupeo mahırire peebeogu Goāmure “Őhaa,” arāa. Eropıġu umuri nucı serēbasaa m̄uare Goāmure. ¹⁷ Mari Paġu umaro majagu İġu yare m̄uare ðaro masıcū iıdoreġu serēbasaa. Eropıġu İġure m̄ua ðaro masınemoboro dopa serēbasaa. İġu Goāmũ Jesucristo mari Opu Paġu āhrimi. ¹⁸ Eropıġu m̄ua ðaro masıboro dopa m̄uare serēbasaa Goāmure. İġu m̄uare taugu, İġu yarā ārİmoräre iimi İġu m̄uare. Eropıġu m̄uare İġu yaräre İġu pohro ðaro wacū iıġucumi. Irire m̄ua ðaro masıboro dopa serēbasaa yuhu Goāmure. Eropıġu İġu marire oburi säre “Őataria āhraa,” iri m̄ua arİ m̄ua masıboro dopa serēbasaa. Őpa m̄ua masıboro dopa serēbasaa m̄uare Goāmure. ¹⁹ Mari Jesucristore umupeoräre İġu itamugu, İġu turari mera İġu iimi. İġu gajırā tauro turagu

áhrimi. Mũare iri sãre ôaro masiboro dopa serēbasaa mari Pagũ Goãmũre. ²⁰ Īgu turari mera Cristo sīridigũre masudigũ ářĩmi. Eropigũ Īgu turari mera ũmarogue Īgu diayepũ Cristo Īgu doacũ iidi ářĩmi Goãmũ ářĩpehrerãre Īgu doreboro dopa. ²¹ Ero doagũ ářĩpehrerã ũmaro majarã oparã weca, ářĩpehrerã dorerã weca áhrimi Cristo. Eropigũ i ũmũ majarã weca opũ, gajipũ majarã sã weca opũ, ářĩpehrerã dohpague majarã, gajisubũ majarã sã, pũhrũgue majarã sã erã weca opũ ářĩbu ta áhrimi Īgu. ²² Eropigũ ářĩpehrerã weca, ářĩpehreri weca apipũ Goãmũ Cristore. Eropigũ ářĩpehrerire opucũcũ iipũ Īgũre. Eropiro Cristo yarã yuju curu ářĩrã erã opũ ářĩbure acupũ Īgũre. Erã dipuru iro dopa ářĩgũ áhrimi Īgu. ²³ Cristo yarã yuju curu ářĩrã Īgu dũpũ iro dopa ářĩrã áhraa mari. Cristo ářĩpehrerogue ářĩnigũimi. Eropigũ mari Īgu yarã mera ářĩnigũiguũ marire itamunigũicãmi.

2

Goãmũ marire mahigu, mojomoro ĩagu taupũ marire, arĩ gojañumi Pablo

¹ Ñeri dipuwajacũbonirã peamegue dederebonirã ářĩquerecũ ta Goãmũ mũare taumi. ² Iribojeguere i yeba majarã Goãmũ tarinũgarã iro dopa iimũrinirã ářĩribũ mũa. Eropirã watĩ Īgu gamero dopa ta iimũrinirã ářĩbu mũa. Īgu watĩ i yeba doregũ Goãmũre tarinũgarã opũ áhrimi. ³ Iribojegue ářĩpehrerã mari ôpa dihta iinirã ářĩribũ. Mari ñeri dihtare ũaribejaribũ. Mari ejatuharo mari pepiro dopa iimũriribũ. Eropã ářĩrã gajirã ářĩpehrerã iro dopa ta mari sã ñerã ářĩmũriribũ. Mari ářĩpehrerã masa mera eropa ářĩrã ářĩcũ ĩagu Goãmũ mari mera guagu dipuwaja moadiaripũ. ⁴ Eropã iidiaqueregu ta marire turaro mahigũ mojomoro ĩapũ. ⁵ Eropã mahitarigũ mari ñeri iira waja peamegue dederebonirã mari ářĩquerecũ ta marire Īgu mera ářĩnigũimorã ářĩcũ iimi. Jesucristo Īgu sĩribasara mera mari Īgu yarã ářĩcũ marire iimi. Marire mojomoro ĩagu taumi Īgu marire. ⁶ Goãmũ Jesucristo sĩridire masugũ Īgu pohro apidigũ ářĩmi ářĩpehrerãre dorebu. Eropigũ Īgu mari sãre Īgu yarãre Cristo dorerire opacũ iimi. Eropirã Īgu pohro Īgu mera ářĩrãca mari. ⁷ Eropiimi Īgu pũhrũgue majarã marire Īgu mojomoro ĩarare erã masiboro dopa. Jesucristo marire Īgu ôaro itamura mera Īgu masare turaro Īgu mahirire ĩhmumi. ⁸ Cristore mari umupeocũ Goãmũpũ marire taricũ iimi. Marire mahigũ Īgu pohro ejacũ iigucumi. Mari gamero ôaro iiricũri mera Goãmũ pohro ejadiarã ejamasisome. Mari iibiriquerecũ apimi mari Īgu pohro ejaburire. Eropiro waja mariro ũmũri nũcũ Īgu mera mari ářĩburire ohomi marire. ⁹ Mari basi tarimasibirica. Mari iiri mera mari gamero mera tarirã mari “Gũa basi taria,” arĩboca. Goãmũpũ marire taumi Īgu pohro mari wamorãre. ¹⁰ Jesucristo yarã ářĩcũ iimi marire Goãmũpũ. Eropigũ Jesucristo yarã mari ářĩcũ ĩagu ôarire iirã dihta wacũ iimi marire. Iribojegue ĩañumi marire ôarire iimorãre.

Cristore oparã ôaro áhraa, arĩ gojañumi Pablo

¹¹ Eropirã mũa ero coregue ářĩricurare dohpague sãre guãaque. Mũare judio masa ářĩbirãre gũa judio masapũ ĩhaturimũribũ. Gũa circuncisioni iinirã gasiro merogã wiri aĩnirãpũ mũare gasiro merogã wiri aĩbirãre “Goãmũ yarã ářĩbeaa mũapũ,” arimũribũ mũare. ¹² Irisubure mũa Cristo yarã ářĩbirã boje majarã ářĩmũribũ. Goãmũ beyenirã judio masa iro dopa ářĩbirimũribũ mũapũ. Mũa eropa ářĩnirã Īgu beyenirã mera pepũri majarã ĩhaturirã ářĩmũribũ. Goãmũ mũare “Masare ôaro iigura,” Īgu arĩ apinirã ářĩbirinirã ářĩribũ mũa. Mũa ñeri dipuwaja peamegue wabonirã ářĩrã ářĩribũ mũa. Goãmũ moorã ářĩnirã peamegue dederebonirã ářĩnirã ářĩribũ. ¹³ Dohpaguepare Jesucristo yarã áhraa pare mũa. Iribojegue boje majarã ářĩnirã ářĩquerecũ, dohpague Īgu yarã áhraa pare mũa. Cristo mũa ñeri dipuwaja crusague Īgu di cõara pũhrũ Goãmũ yarã ářĩcũ iimi mũare. ¹⁴ Eropigũ judio masare mũa ĩhaturirã ářĩcũ Cristo marire bosadigũ ářĩmi. Masare bosagũ áhrimi Īgu. Judio masa, judio masa ářĩbirã mera pe curu mari ářĩcũ ĩagu Īgu marire yuju curu ta ářĩcũ iidi ářĩmi. Mari ĩhaturiri duhucũ ôaro mera ářĩcũ iimi Īgu marire. ¹⁵⁻¹⁶ Ôpa iimi Īgu marire. Mari ñeri dipuwaja crusague sĩrigũ, marire peamegue wabonirãre taugũ iimi. Eropã taugũ Īgu yarã Īgu iimi marire. Eropigũ mari Īgu yarã wacũ pe curu mari ářĩquerecũ ta yuju curu ta mama curu iimi marire. Eropigũ iriibojegue mari game ĩhaturinirã ářĩquerecũ ta marire crusague sĩribasagũ bosadigũ ářĩmi. Eropigũ judio masa doreri pehrecũ iimi Īgu. Erã doreri marire dũca wayoro pe curu majarã wacũ. Eropigũ yuju curu ta ářĩcũ iimi pare. Eropigũ Cristo Goãmũ yarã ářĩcũ iimi marire.

¹⁷ Eropigũ marire bosagũ arigũ ôari buherire Goãmũ mera ôaro ářĩburire weregũ aridi ářĩmi. Mũa judio masa ářĩbirã Goãmũre opabirã boje majarã ářĩnirã ářĩribũ. Mũa eropa ářĩcũ ĩagu mũare ôari buherire weregũ aridi ářĩmi. Gũa judio masa sãre Goãmũ

yare oparā sāre weregu aridi árīmi. Eropigu árīpehrerāre marire bosagu aridi árīmi ĩġu. ¹⁸ Dohpaguere árīpehrerā gaa judio masa, maa judio masa árībirā sā mari Pagu mera ōaro árīmasia mari. Espírītu Santo ĩġu itamuri mera Cristopu marire eropa árīcū iimi. ¹⁹ Eropirā dohpaguere maa boje majarā árībeaa. ĩġu ya curu majarā ta āhraa. Goāmu yarāre thaturirā árībeaa. Goāmu yarā mera majarā āhraa pare. ²⁰ Goāmu yare weremhtanirā iribojegue majarā ĩġu ya wereniguirire goja, masare weremuriñuma. Gaa sā ĩġu yare buhedore apinirā Jesucristo ya ōari buherire werea masare. Gaa árīpehrerā eropa werecū peerā Cristore umupeonugabu maa. Cristopu āhrimi mari árīpehrerāre ĩġu yarā árīcū ĩġu. ĩġu eropa iibiricū mari ĩġu yarā árīmasibiriboya. ²¹ Eropigu ĩġu turari mera marire ĩġu yarāre yuju curu ta árīcū iimi ĩġu marire. Eropirā ĩġu turari mera ōarā wahaa mari. Mari eropa árīcū ĩagu ĩġu mari Opu ta mari mera āhrimi. ²² Eropirā Cristo yarā árīrā árīpehrerā gajirā mera ĩġu yarā mera yuju curu wahabu maa sā. Maa eropa wacū Goāmu ĩġu Espírītu Santo maa mera āhrimi.

3

Judio masa árībirāre ōari buherire wereñumi Pablo

¹ Maa judio masa árībirā eropa ĩġu ya curu majarā árīburire yu werera dipuwaja peresugue āhraa yūhu. ² Muare judio masa árībirāre Jesucristo yare buhebure Goāmu yare apimi. Yare mojomoro ĩagu, yare mahıġu ōari buherire yare weredoreġu, yare apimi. Iririre peetuhabu maa. ³ Iribojegue masa erā masibirirare Goāmu dohpaguere yare masicū iimi. Ire merogā were muare gojabeotuhabu. ⁴ Yu eropa gojabeorare buherā Cristo ĩġu yare yu masirare masirāca maa sā. ⁵ Iri ĩġu wererare iribojegue majarāre ĩġu erā masipehocū iibiripu. Dohpaguepure ġuare Jesu ĩġu apinirāre Goāmu yare weremhtarā sāre iririre masipehocū iimi Goāmu. ĩġu Espírītu Santopu ġuare masicū iibasami. ⁶ Ōpa āhraa ĩġu werera gajirā masibirira: Judio masa dihtare Goāmu itamubeami. Judio masa árībirā sāre ĩġu itamuri. Ōari buherire erā ōaro peecū itamugacumi ĩġu erāre. Eropirā gaa judio masa, maa judio masa árībirā mera yuju dupu iro dopa yuju curu ta āhraa mari. Eropirā mari árīpehrerā Jesucristo yarā árīrā yujuro mera Goāmu ĩġu masare “Ōaro iġura,” ĩġu arī werepirare oparāca mari.

⁷ Goāmu mojomoro ĩagu yare mahıġu ire ōari buherire werebure yare apimi. ĩġu masiri mera apimi ĩġu yare. ⁸ Árīpehrerā gajirā Jesucristo yarā erā doca árīrā erā docague majagu gohra āhraa yūhu. Yu eropa árīquerecū ta judio masa árībirāre ōari buherire werebure apimi Goāmu yare. Iri buheri Cristo ōatariagu ĩġu árīrere, ōatariari ĩġu oparire, ōaro ĩġu oburire werebure apimi yare. ⁹ Yare eropa apıġu Goāmu “Ōpa masare taugca,” arıġu, árīpehrerā masare dohpa ĩġu itamuborore ōaro werepehobure apimi yare ĩġu. Goāmu árīpehrerire ĩhacūnugudiġu āhrimi. Iribojegue majarāre iririre masare ĩġu tauborore masare werepehobirinipu Goāmu. Dohpaguere yare iri ōari buherire weredoreġu apimi masare ĩġu ōaro tauborore masicū iibu. ¹⁰ Eropirā iri buheri mera masa ĩġu yarā wahama. Erā eropa wacū ĩha umaro majarā oparā anyua Goāmu masipehogu ĩġu árīricurire masima. Erā eropa masicū gamepu Goāmu. ¹¹ Eropigu i yeba árīboro coregue ta “Masare peamegue wabonirāre taugura,” arıtuhapu Goāmu. Eropa arıdiġu arıġu dohpague mari Opu Jesucristo ĩġu sırīro mera ĩġu arıdiro dopa ta marire taudi árīmi. ¹² ĩġu eropa taucū dohpaguere Cristore umupeorā ĩġu yarā wahaa mari. ĩġu yarā árīrā ġuıro marıro Goāmu mera werenıġuımasia mari. Eropirā ġuibiricāque maa. ¹³ Eropirā ōari buherire yu wereri waja dohpaguere peresugue arıġu yu ñero taricū ĩarā bujawerenıjarā Goāmu yare duhubiricāque. Ōari buherire yu werecū peerā Goāmu yarā wahabu maa. Yūhu eropiira dipuwaja peresugue āhraa. Eropa arıġu maa ĩġu yarā árīburire ñero tarıġu iiaa. Eropigu turaro mucubiridorea muare.

Cristo masare turaro mahimi, arı gojañumi Pablo

¹⁴ Eropigu i árīpehrerire mari Opu Jesucristo Pagu ĩġu iirare ġuñagu mereja ĩġure serēbasaa muare. ¹⁵ Árīpehrerā ĩġu yarā Pagu āhrimi. ĩġu árīpehreri cururi majarā ĩġu yarā ĩġu pohrogue árīrā i yeba árīrā sā erā Pagu āhrimi. ¹⁶ ĩġu masipehogu āhrimi. Turatarıġu āhrimi. Eropigu ĩġure ōpa serēbasaa muare. Muare sıporā ĩġu masiri mera ōaro turacū iıboru dopa serēbasaa muare. Eropigu Espírītu Santo ĩġu itamuri mera eropa iıġucumi. ¹⁷ Eropigu Cristore “Diaye iıġu āhrimi,” maa arı umupeonemoboro dopa ĩġu maa mera ōaro árīboro dopa serēbasaa muare. Eropigu gajirāre ōaro mahırā maa árīboro dopa, Cristo ĩġu turaro mahirire maa masıboru dopa serēbasaa muare. ¹⁸⁻¹⁹ Maa árīpehrerā gajirā Goāmu yarā mera “Cristo ĩġu marire turaro mahimi,” maa

arīmasiborore serēbasaa muare. Īḡu mari masare turaro mahiḡu āhrimi. Īḡu mahiri eropa ōatariari árícū mua ōaro masiboro dopa serēbasaa muare. Eropiḡu Īḡu mahirire mua masicū gahmea Goāmū mua mera Īḡu ōaro árīboro dopa. Eropiḡu ĩrre serēbasaa muare Goāmure.

²⁰ Eropirā Goāmure wuaro umupeori mera “Īḡu turagu āhrimi,” arīrāca. Īḡu turari mera ōaripure gohrotomasimi Īḡu marire. Marire ōarā árícū iimasimi. Mari serēra tauro iimasimi Īḡu. Mari gamerire, mari pepira tauro iimasimi Īḡu. ²¹ Jesucristo yarā mari árícū ĩha Cristo Īḡu árīricuri sāre ĩha árīpehrerinre. Eropiḡu Īḡu mahirire mua masicū gahmea Goāmū mua mera Īḡu ōaro árīboro dopa. Eropiḡu ĩrre serēbasaa muarwari árīpehrerā Goāmure umupeoporo. Eropā ta ĩporo.

4

Cristo yarā árīrā yuju curu ta āhraa mari, arī gojañumi Pablo

¹ Mari Opure yu itamuri waja peresugue árīḡu muare turaro werea yuḡu. Goāmū Īḡu yarā árīmorāre muare beyepū. Eropirā Īḡu beyenirā árīrā Īḡu árīdoreldiro dopa ta ōarā árīque mua. ĩrre muare werea yuḡu. ² Ōpa ĩirā ōarā árīque mua: “Gajirāre masitarinūgaa yuḡu,” arī pepibircāque. Gajirāre ōaro mera ĩique. Eropirā guabircāque. Mua mera majarā muare gariboquerēcū ta erāre umupeori mera yuju diaye ĩacāque. ³ Eropirā Espírītu Santo Īḡu itamuri mera ōaro mera yujuro mera árīniquique mua. Eropirā gamequeāro mariro árīcāque mua. ⁴ Yuju dūpu iro dopa yuju curu ta āhraa mari. Eropiḡu Espírītu Santo yujuḡu ta āhrimi marire. Eropiḡu Goāmū Īḡu yarā árīmorāre marire beyemurīpū marire itamubu. Eropirā Īḡu itamuborore masia mari. ĩri mari masirañe yujuñe ta āhraa. ⁵ Mari Opū Cristo mari umupeogu yujuḡu ta āhrimi. Īḡu buheri sā yujuñe ta āhraa. Īḡu yarāre waýeriñe sā yujuñe ta āhraa. ⁶ Eropiḡu Goāmū yujuḡu ta āhrimi. Īḡu árīpehrerā Pagu āhrimi. Eropiḡu árīpehrerā weca mari Opū āhrimi. Eropiḡu árīpehrerāre marire itamumi Īḡu. Árīpehrerā mari mera āhrimi Īḡu. Eropiḡu árīpehrerogue āhrimi Īḡu.

⁷ Yuju curu mari árīquerēcū ta árīpehrerā marire yujurāyerire mari mohmemasiburire apidi árīmi marire Cristo. Īḡu eropa apidiro dopa ta mohmemasia mari. Īḡu marire eropa apigu gajinore Īḡu eropa ocābodiro dopa ta apidi árīmi Īḡu marire. ⁸ Eropā ta āhraa Goāmū yare erā gojarapūḡe sā:

Goāmure ĩhaturirāre Īḡu tarinūgara puḡru Īḡu dipaturi muria wagucumi. Eropiḡu masare baja eropa ocāḡucumi, arī gojañuma ĩrbojegue Jesucristo Īḡu eraboro coreguere.

⁹ Erā eropa arī gojarā ōpa werediarā ĩirīñuma: Jesucristo umusigue muria wadiḡu árīḡu Īḡu ero coreguere dijarimūhtadiḡu árīmi. ĩyebagure dijaridiḡu árīmi. ¹⁰ Eropiḡu Īḡu dijaridi muria wadi ta árīmi Goāmū pohroque. Árīpehrero weca muria wadi árīmi Īḡu árīpehrerogue árību. ¹¹ Eropiḡu Īḡu yarāre baja eropa ocāḡu erā Goāmū ya árīburire mohmemasiburire apidiḡu árīmi. Erā mohmemasiburire ōpa apidiḡu árīmi Īḡu yarāre. Yujurāyerire Cristo Īḡu buherare buhemorāre apidi árīmi. Gajirāre Goāmū yare weretaumorāre apidiḡu árīmi. Ōari buherire buhe curimorāre gajirāre apidi árīmi. Cristo yarā gamenererā oparā árīmorāre erāre ōaro buhemorāre apidi árīmi gajirāre. ¹² Eropā dihta apidiḡu árīmi marire gajirā Īḡu yarāre mari game itamuboro dopa. Eropā apidiḡu árīmi marire Īḡu yarāre, ĩgure mari umupeonemoboro dopa, siporā turarā mari waboro dopa. ¹³ Eropirā mari árīpehrerā ōaro mera, yujuro mera árīrāca. Eropā ta árīro gahmea marire Cristore umupeorā árīrāre. Eropirā mari árīpehrerā Goāmū magure Jesucristore ōaro masirāca. Eropirā Cristo turagu, pee masiḡu Īḡu árīro dopa ta, mari sā pee masia warāca. ¹⁴ Mari eropa warā majirāḡā iro dopa árīsome mari. Majirāḡā iro dopa ta árīrā ōaro pee masinibeama doḡpa. Eropirā gajirā ḡuyarā erāre buherā eracū “ĩ diaye āhraa,” erā árícū erā peema. Puḡru gajirā gajiropa árīri buherire buherā eracū erā sāre peema. Erā iro dopa árīsome mari. ¹⁵ Eropā árībirā mari mera majarā mera game mahirā diaye ta wererire game wererāca mari. Eropirā majirāḡā erā buḡa erā pee masirā erā waro dopa ta mari sā Goāmū yare pee siporā turarā Goāmū yare ōaro masirā warāca. Cristo Īḡu árīro dopa ta warāca. Īḡu āhrimi mari dipuru. ¹⁶ Īḡu yarā árīrā Īḡu dūpu iro dopa yuju curu ta āhraa mari. Mari bajarā árīquererā ta yujuro mera ōaro árīrā ĩaa. Mari eropa árīborore Cristo itamumi. Eropirā mari yuju dūpu iro dopa ōaro gamesurirā mari ōaro itamua gajirāre Cristo yarāre. Eropirā mari mera majarāre Cristo yarāre ōaro mahirā, erāre ōaro itamurā, turarā, Cristore umupeonemorā árīrāca mari.

Cristo yarā warā mari ñerire duhu, ōaripure gohrotoa mari, arī gojañumi Pablo

¹⁷ Eropi mari Opu Cristo İgu dorero mera ōpa werea muare. Goāmure gamebirā gohra iiro dopa iibiricāque mua. Erā, erā pepiripū űeri dihta āhraa. Eropiro erā pepiri duhpiburi ārībeaa. ¹⁸ Eropigu watīpū Goāmū yare erāre peebiricū iimi. Eropirā Goāmū yapure peebirigohracāma. Peediabeama erā. Eropirā Goāmū İgu ōaro ārīdoreldiro dopa ta ārībeama erā. ¹⁹ Eropirā erā űerire iirā ne guhyasīribirigohracāma. Eropirā ne bujawerebeama. űerire erā űaribejari dihtare iiniguicāma. Ārīpehleri űerire erā iirire ne duhudiabirā iinemoniguicāma. ²⁰⁻²¹ Muapu diaye ta İgu yare peerā mua ārīcū, Jesucristo yare ōaro masirā mua ārīcū muapure erā űero iiro dopa iidorebeami Goāmū. ²² İribojegue űerire iiniguicārā mua ārīcū iri űeripū muare goroweoro iidiro ārību. İri űeri iiri mera mucubiridiaquereā ta ne mucubirimasibirimurību mua. Eropirā “İribojegue mua ārīrare duhucāque,” yu muare ari buhecū peebu mua. ²³ Eropirā mua pepiripure ōaripure gohrotoro gahmea muare. ²⁴ Ero core mua űero iirare duhucāque. Eropirā ōaripure gohrotonirā ārīque mua. Goāmū İgu ōagu ārīldiro dopa muare ōarā ārīcū iimi. İgu eropa iinirā ārīrā ōarire iiniguicārāca. Eropirā űerire gamebirāca.

²⁵ Mari yuju dūpū iro dopa yuju curu majarā ta ārīrā iiaa. Eropirā mua basi guyabita. Mua mera majarāre diaye wereque guyarō mariro.

²⁶ Gajirā mera guarā, erāre űero iibiricāque. Mata irinu ta amucāque gua wajaro mariro. ²⁷ Yoari boje guarā watī İgu gamero dopa iirā iiaa. Eropā iibiricāque.

²⁸ Gajirā mua mera majarā Jesu yarā erā ārīboro core yajari masa ārīnirā ārīñorā. Dipaturi yajabiricāporo. Eropirā dohpaguere ōaro mohmeporo. Mojomorocurāre oburire mohmeporo.

²⁹ Ne űero wereniguibiricāque. Ōarire wereniguirā gajirāre itamua mua. Erā bujawererā erā ārīcū İarā eropa ta mucubiricū iicāque erāre. Eropirā ōari dihtare wereniguicue. ³⁰ űerire iirā Espīritu Santore bujawerecū iirā iiaa mua. Eropā iibiricāque. Dohpaguere ne i űmu pehrerinu core, Cristo marire İgu aİgāboro core, Espīritu Santo marire İhadibumi. űerire mari iibiriboro dopa İhadibumi. Eropigu Cristo yarā mari ārīrre masicū iimi İgu marire. Eropirā İgure bujawerecū iibiricāque mua.

³¹ Eropirā ne papūriniguibiricāque. Guanemobiricāque. Game duysonemobiricāque. Erāre űero arī gaguiniguibiricāque. Gajirāre quere moanemobiricāque. Gajirāre İhaturinemobiricāque. ³² Eropi mua mera majarāre ōaro mera ōaro iique. Cristo yarā mua ārīcū İagu mua űerare cādijicāmi Goāmū. Eropā ta mua sā gajirā muare erā űero iicū İarā erā űerire cādijicāque.

5

Goāmū porāre ōpa ārīro gahmea, arī wereñumi Pablo

¹ Eropirā Goāmū porā İgu mahirā ārīrā İgure İhacūque mua. ² Eropirā gajirāre mahi umupeoniguicāque. Cristo marire mahigu, mari űeri iira waja sīripū. Eropā sīrigū Goāmure mucubiricū iipū İgu. Eropirā marire İgu mahidiro dopa ta mua sā gajirāre game mahique.

³ Eropirā Goāmū yarā ārīrā ne nome mera űero iibiricāque. Nome sā űma mera űero iibiricāque. Gaji űerire eropa ārīrre ne iibiricāque. Gajinore gametaribiricāque. Ne eropa iibiricāro gahmea Goāmū yarā ārīrāre. ⁴ Eropirā guhyasiuro wereniguibiricāro gahmea muare. Pee masibirā iro dopa wereniguibiricāro gahmea muare. Eropirā űero arī wereyabiricāro gahmea. İpure iiro gahmea muare: Goāmure serēro gahmea muare. Eropā serērā İgure, “Ōaro iabū muhu guare,” arīro gahmea. ⁵ Gajinore gametarirā goāmarā wēanirāre erā umupeoro dopa iirā iiaa mari irire. Eropirā nome mera űero iirā, űeri dihtare pepirā, gajinore gametarinugarā Goāmū Cristo mera İgu opu ārīroguere ne wasome erā. Irire ōaro masia mari. ⁶ Ōpa iirāre erā iira dipuwaja, turaro dipuwaja moagucumi İgure tarinuganirāre. Eropirā gajirā muare gajiropa arīmaacacū erā guyarire peebiricāque. ⁷ Eropirā eropa űerire iiniguicārare wapucibiricāque.

⁸ Cristo yarā mua ārīboro core mua sā eropa ta iinirā ārīribu. Dohpaguere İgu yarā ārīrā, Goāmure ōaro masia mua. Goāmū yarā ōarire iima. Eropirā eropa ta iiro gahmea muare. ⁹ Eropirā Cristo yarā ārīrā ōarire, Goāmū gamerire, diaye maja ārīrre iirāca mua. ¹⁰ Ōarire mari iicū İagu mari Opu Cristo mucubirimī. Eropā ōarire iiburire ōaro masique mua. Eropā masirā irire iique. ¹¹ Cristore gamebirā űeri erā iimaacāri űeri gohra āhraa. Eropā erā iiro dopa ta muapu iibiricāque. Ōari buherire Cristo yare wereque erāre. Eropirā erā űeri iirare erāre masicū iique. ¹² Masa erā İabiro erā űero iicorema. Erā eropa iirare mari wereniguirā guhyasīriboca. Eropirā űetariaro iirā iima erā. ¹³ Eropirā erāre ōari buherire mari wererā, űetariarā erā ārīricurire erāre masicū

iirã iiaa mari. Erã ñeri iirire erãre masicũ mari iicũ erã ñeri iirire bujawerebocoma. Eropirã ðaripare gohrotobocoma. ¹⁴ Iri diaye ta àhraa. Eropirã ðpa wereñorã Goãmũ yare wererã:

Ne, yare peediabirã, yare peeque. Mũa ñero iirare bujawereque. Irire ñero iirire duhuque. Eropigu Cristo mũa ñeri iirire masicũ igu, mũare ðarire masicũ iigucumi, arĩñorã.

¹⁵ Eropirã umuri nũcu ðaro iique mũa. Pee masibirã iro dopa áribiricãque. Pee masirã áriique. ¹⁶ Dohpague majarã masa ñetariaro iiniguima. Eropirã maapu ðarire, Cristo yare mũa iiniguirã mata erã Cristo yarã áricũ itamuque. ¹⁷ Eropirã pee masibirã áribiricãque. Goãmũ Igu gamerore ðaro masique. Eropirã irire iique. ¹⁸ Eropirã ne merebiricãque. Mererã erã basi ñero goroweoma. Eropirã merediabirã, Espiritu Santopure burigã gameque. Iguere ðaro yuhirã áriique. ¹⁹ Eropirã mũa basi Goãmure umupeori bayarire game bayaque. Eropirã Salmo gojaripure, Goãmũ yare bayarire, gajĩ Iguere umupeori bayari sãre Iguere bayapeoque. ðaro guña umupeori mera bayapeoque. Eropirã mari Opure “Óagũ àhrimi,” arĩ ðaro umupeoque. ²⁰ Goãmũ mari Pagu áripehrerire mũare Igu ðaro iirire guñaniguicãque mucubiriri mera. Mari Opu Jesu yarã áriã Iguere “Óhaa,” arĩniguicãque mũa.

Mũa yuju wihi majarã Jesu yarã áriã, ðpa iique, arĩ wereñumi Pablo

²¹ Mũa mera majarãre game umupeo yuhriique. Mũa eropa game umupeo yuhirã Cristo sãre umupeo yuhirãca.

²² Mũa marasã nomere weregura dohpaguere. Mari Opure Cristore mari yuhriro dopa ta mũa marapu sumarãre ðaro yuhriique. ²³ Jesucristo marire taudigu árimi Igu ya curu majarã mari áriboro dopa. Eropirã mari Igu ya curu majarã áricũ mari Opu Igu áriro dopa ta mũa marapu sumarã mũa marasã nomere weca oparã àhrima. ²⁴ Eropirã Cristo yarã áriã Iguere yuhria. Eropirã mari Cristore yuhriro dopa ta mũa marapucarã nome mũa marapu sumarãre ðaro yuhirã nome áriique.

²⁵ Mũa marapu sumarã sãre weregura dohpaguere. Cristo marire Igu yarãre mahigu mari ya áriburire siridigu árimi. Eropirã marire Igu mahidiro dopa mũa sã mũa marasã nomere eropa mahiniguicãque. ²⁶ Cristo marire Igu yarã áricũ iibu siripu mari ñeri marirã áricũ iibu. Eropigu mari ñerire coeweadi árimi Igu wereniguiri mera deco mera Igu waĩyeri mera. ²⁷ Eropa coeweadi árimi Igu marire Igu yarã ðarã árimorãre iigu. Igu eropiicũ ñeri dipuwaja marirã áriãca Igu iacũ. Ne merogã eropa árii ñeri árisome marire. Eropirã ðarã Cristo iro dopa áriãca. ²⁸ Eropirã mũa marasã nomere mahi umupeorã, mũa basi mũa ðupure mo umupeoro dopa ta mũa mũa marapure umupeoque. Igu marapure umupeogu Igu basi umupeogu iimi. ²⁹⁻³⁰ Ne mari ðupure ñero wacũ gamebeaa mari. Mari basi mari ya ðupure ñhadibua. Cristo yarã áriã Igu ðupu iro dopa àhraa. Eropigu marire Igu ðaro ñhadibumi. Eropirã Cristo marire Igu ðaro iidiro dopa ta mari sã mari ðupure ðaro iiaa. Mari marasã nome sãre eropa ta ðaro iro gahmea marire. ³¹ Eropa ta àhraa Goãmũ yare erã gojarapũgue: Ópa gojara àhraa: “Eropi umu Igu pagu sumarãre wirigu, Igu marapo mera áricãgucumi. Eropirã erã perã áriquererã ta yuju ðupu iro dopa áriãcomã,” arĩ gojañumi iribojegue. ³² I gojarare ðaro peebirinirã áriã. Eropigu irire ðaro weregura mũare. Ópa werero iica: Cristo Igu yarã mera yuju ðupu iro dopa ta yuju curu ta àhrima. ³³ Eropigu mũare ópa arĩ werenemogura daja: Mũa basi mũa mahiro dopa ta mũa marapo sãre mahi umupeoque. Eropirã nomepu mũa marapu sumarãre ðaro guhyadiaro mera umupeoque mũa.

6

¹ Dohpaguere majirãre weregura: Mari Opu Cristo yarã áriã mũa pagu sumarãre ðaro yuhirã áriique. Mũa eropiã ðaro iirã iiaa. ²⁻³ Ópa arĩñumi Goãmũ doregu: “Mũa pagu sumarãre ðaro umupeoque,” arĩ doreñumi Igu. I doreriñe mera Goãmũ werenemoñumi. Ópa arĩñumi: “Mũa pagu sumarãre umupeorã i yebaguere yoari boje mucubiriri mera áriãca mũa,” arĩ wereñumi. Eropa arĩgu iñe doreriñe mera, “Mũa eropa iirã ðaro áriãca,” arĩ weremũhtañumi Goãmũ. Eropirã Igu arĩdiro dopa mũa pagu sumarãre umupeoque mũa.

⁴ Dohpaguere erã pagu sumarãre weregura. Mũa porãre eropa turiniguibiricãque guacũ iri arirã. Mari Opu Cristo Igu mahiri mera Igu itamuri mera erãre ðaro mera masuque. Eropirã erãre masurã ðaro wereque.

⁵ Dohpaguere pohro majarãre weregura. Guhyadiaro mera umupeori mera i yeba majarãre mũa oparãre ðaro yuhirã áriique. Guyarero mariro ðaro yuhirã áriique. Cristore mũa yuhribodiro dopa ta yuhriique erãre mũa. ⁶ Erã ñhuro dihtare yuhirã

áríbiricáque yure íhasuaporo arírã. Erã íhurore mua yuhriro dopa ta erã íabiro sãre ðaro iirã áríque. Cristo ígu pohro majarã mua áríborodiro dopa ta mua opará sãre eropa yuhrinigucáque. Eropirã Goãmu ígu gamero dopa ta ðaro mucubiriri mera mua oparãre ðaro yuhriã áríque. ⁷ Eropirã "Cristopãre yuhriã iiaa," arí pepirã mucubiriri mera yuhrique mua oparãre. ⁸ Eropirã ire guñaque: Árípehrerã mari árípehreri ðarire mari iicũ íagu Goãmu ðaro iigucumi marire. Pohro majarãre, pohro majarã áríbirã sãre ðaro iigucumi ígu.

⁹ Eropigũ opará sãre weregura: Mua pohro majarãre ðaro iique. Erãre ðaro yu iidoreiro dopa ta iique erãre ðaro. Ópa masique. Umusi majagu Goãmu ðiaye ta erã opu áhrimi. Mua yagu opu áhrimi ígu. Eropirã mua árípehrerã ígu pohro majarã dihta áhrraa. Eropigũ ígu yujuropa íhami muare árípehrerãre. Eropirã turibiricáque mua pohro majarãre.

Cristo yarã watíre erã cãhmotarire wereñumi Pablo

¹⁰ Ópa weretugura muare. Óaro guñaturarã áríque mua. Mari Opu Cristo mua mera áhrimi. Eropirã ígu ya turari mera guñaturarã áríque. ¹¹ Watí marire ígu pepiri mera guyagu ñero iidoremi marire. Mari Jesucristore umupeorire goroweodiami. Goãmuru marire cãhmotami ñerire mari iibiriboro dopa. Marire ígu cãhmotaro surara ígu cãhmotari suhriro come suhriro iro dopa áhrraa. Eropirã iri suhri mera erã cãhmotaro dopa ta Goãmu ígu yare iirã cãhmotaque watí ígu ñero iidorerire. ¹² Jesu yarã mari árícũ marire goroweodiarã masa gohra áríbeama. Erã bajarã umaro majarã, ñerã, turarã, opará erãpu áhrima. Watí ígu mera majarã mera i umu majarãre Jesucristo yarã áríbirãre dorema erã. Eropirã erã mari Jesucristo yarã árícũ marire goroweodiana. ¹³ Eropirã erã marire goroweobiricũ dohpaguere Goãmu yare opapehoque mua cãhmotaborore. Eropirã watí muare ñero goroweodiãcũ, muare ígu ñero iidorecũ ígure cãhmotarãca. Eropirã tarinugarãca. Eropã ígure tarinugarã, turarã dujarãca mua. ¹⁴⁻¹⁷ Eropirã turarã áríque Goãmu ya mera. Surara gamewejãrã warã erã come suhri sañarã erã ðupãre ðaro cãhmotama. Erã coretihbi cãhmotama erã come suhriro sañarã. Come zapatu sañama. Erã diapore cãhmotama comese mera. Come sãpea peyama. Noserimijire opama erã cãhmotaboro dopa. Erã surara cãhmotaro dopa ta mua watíre ðaro cãhmotaapehorore ópa Goãmu yare iique. Diaye majare Goãmu yare ðaro peeque. Eropirã Goãmu gamero dopa ðarire iinigucáque mua watíre cãhmotamorã. Jesucristo ya ðari buherire peerã ðaro áhrraa. Eropirã iri ðari buherire ðaro wererã waque gajirãre. Watí muare ñero iidorediarimi. Eropirã ígure cãhmotamorã Jesucristore "Diaye iigu áhrimi," arí umupeonigucáque. Cristopũ marire peamegue wabonirãre taumi. Mua ígu taunirã árírã watí ñero iidorerire yuhribiricáque. Eropirã watíre tarinugamorã Goãmu yare ðaro masique mua Espiritu Santo ígu itamuri mera. ¹⁸ Eropirã mua watíre cãhmotarã Goãmure eropa umuri nucũ serëningucáque. Espiritu Santo ígu itamuri mera serëninguque. Eropirã ðaro guña masique. Eropa serërã gariborebiricáque. Árípehrerã Goãmu yarãre eropa serëbasanigucáque. ¹⁹ Eropirã yu sãre serëbasaque Goãmure. Ópa arí serëbasaque: Óari buherire iribojegue masa erã ðaro masibirare ðaro erãre masicũ yu iiborore serëbasaque. Eropirã güiro mariro yu wereboro dopa serëbasaque yure. ²⁰ Cristo ígu yare weredoregu yure obeomi. Yu eropa werera waja peresugue áhrraa dohpaguere. Yuhũ ohõ áríqueregu ta güiro mariro ígu yare yu wereboro dopa serëbasaque yure. Ígu yare werebu árígu tiiaa.

Pablo ðadoretuñumi

²¹ Tíquico yu mera majagu mua pohrogue e jagu yu áríricurire muare werepehogucumi. Ígu mari acaweregu mari mahigu áhrimi. Eropigũ mari Opu yare ðaro itamugu eropa árínigucãmi. ²² Gua áríricurire muare weredoregu ígure obeogu iiaa mua pohrogue mua ðaro mucubiriboro dopa.

²³ Goãmu mari Pagu mari Opu Jesucristo mera muare árípehrerãre gua acawererãre ðadorea. Cristore mua ðaro umupeori mera mua game mahiboro dopa Goãmure serëbasaa muare. ²⁴ Árípehrerã mari Opu Jesucristore eropa mahinigucãrãre Goãmu mera ðadorea. Eropa ta árínigucãporo. Iripãta áhrraa.

Filipenses

Peresugue árġu ipüre gojabeopu Pablo

¹ Gua Pablo Timoteo mera Jesucristo pohro majarâ áhraa. Eropirâ árġpehrerâre muare ðarâre Jesucristo yarâre Filipino majarâre gojabeoa gua. Maa oparâ sâre muare itamurâ sâre gojaa. ² Eropirâ Goâmũ mari Pagũ mari Opũ Jesucristo mera muare ðadoreo. Īgu itamuri mera ðaro árġique maa.

Pablo Jesu yarâre Goâmũre serēbasapu

³⁻⁶ Goâmũ muare ðaripure gohrotocũ ĩgu iimi. Eropigu muare ĩgu iinugadiro dopa ta ii ojogorocugucumi. Eropirâ Jesucristo i yebaguere ĩgu eracũguere ñeri marirâ árġrâca maa. Negohraguere Jesu yarâ maa wara pũhrũ, dohpague sâre itamua maa yare ðari buherire yũ buhecũ. Maa eropa iirâ árġcũ Goâmũre “Ōhaa,” arâa yũhũ. Muare guñagũ ðpa dihta arâa yũhũ. Muare Goâmũre serēbasagu mucubiriri mera serēbasaa. ⁷ Eropigu muare yũ ðaro mera eropa pepicũ ðapũrica. Ōari buherire “Diaye ta áhraa,” oparâre yũ arġtarinugacũ maa yare itamubũ. Iri buherire diaye ta iri árġire masare yũ werecũ itamubũ maa. Peresu yũ árġcũ sâre itamubũ. Eropa maa itamucũ mari yujuro mera Goâmũ itamurire opaa. Eropigu yũ sġporâ mera turaro mahia yũhũ muare. ⁸ Jesucristo ĩgu mahiri mera burigâ muare guñaa yũhũ. Yũ eropa guñacũ Goâmũ irire masimi. ⁹ Muare ðpa arġ serēbasaa yũhũ Goâmũre. Goâmũ yare ðaro masiri mera ðaro pee masipehori mera Goâmũre masa sâre maa mahinemoburire serēbasaa yũhũ Goâmũre. ¹⁰ Ōarire maa masiburi sâre serēbasaa muare. Maa eropa masirâ Cristo i yebague ĩgu dujaricũ ðarire iinirâ árġrâ, dipuwaja marirâca maa. ¹¹ Eropa ðarire iirâ Goâmũ gamerire irġrâca maa. Eropa iimorâ wacũ ĩgucumi Jesucristopũ muare. “Goâmũ ðagũ, turagu áhrimi,” árġpehrerâ ĩgure erâ arġ umupeoburire ĩgu gamerire maa iicũ ĩgucumi muare.

Pablo Jesucristo yagu ĩgu warare werepũ

¹² Yũ acawererâ, ire maa masicũ gahmea. Yũ dohpaguere peresu yũ árġquerecũ ta ðari buheripũ eropa muhtaniguicâa. ¹³ Eropigu Cristo yagu yũ árġri waja peresu yũ warare masipehrema opũ ya wihi majarâ surara. Árġpehrerâ gajirâ sâ ðre irire masima. ¹⁴ Eropirâ peresu yũ árġcũ ĩarâ, bajarâ mari acawererâ Jesu yarâ mari Opũre Jesure umupeonemoma. Eropa umupeorâ giũiro mariro ðari buherire gajirâre buhema erâ.

¹⁵ Yujurâyeri Cristo yare buhebonirâ árġquererâ yare ĩhaturima. Cristo yare buherâ erâpure masa ĩhasuacũ gahmema. Gajirâpũ ðaro mera Cristo yare buhema. ¹⁶⁻¹⁷ Ōari buherire yũ werenigũ turaburire Goâmũ yare ĩgu apirare ðaro masima. Oãpũ eropa masirâ yare umupeorâ Cristo yare buhema. Gajirâpũ yare ĩhaturirâ masare erâpure ĩhasuacũ gamerâ Cristo yare buheama. Eropirâ yũ peresu árġcũ erâ yare bujagurecũ iidiaa. ¹⁸ Ōaroca. Cristo yare ta buherâ iima. Erâ yare umupeobiriquererâ Cristo yare buhema. Gajirâpũ ðari mera buhema. Árġpehrerâ erâ ĩgu yare buhecũ mucubiria.

¹⁹ Eropigu mucubiriniguicãguca yũhũ. Goâmũre maa yare serēbasara mera, Jesucristo ĩgu Espiritu Santo itamuri mera Goâmũ yare ðaro taicũ itamugucumi. Irire masia. ²⁰ Ōpa ta burigâ iidiaa yũhũ dohpa. Ne yũ iirare ñero pepidiabeaa. Ñero pepibigu árġu doyarõ mariro árġgũpũ masare Cristore ðaro umupeocũ burigâ iidiaa. Ūmuri nũcu yũ iidiro dopa ta dohpague sâre erâ Cristore “Ōagũ, turagũ áhrimi,” erâre arġ umupeocũ iidiaa. Ojocarigu gohra eropa ta iidiaa. Erâ yare wejēdiaquerecũ ta eropa ta iidiaa. ²¹ Ojocarinigũgu gohra Cristo yare iiniguca dohpa. Sġrigũge tamera ojocarirâ tauro ðaro dujagũca yũhũ. ²² Ojocarinigũgu Cristo yare yũ iinemoboro dopa ojocarinigũcãdiaca. Eropa iidiaqueregu ta sġriri sâre gahmea. ¿Dipure yũ gamebocuri? Masibirica yũhũ. ²³ Yũ ðpa arġ werenigũcũ masisũya mara yare. Cristo mera burigâ árġdiaa. Eropigu dohpaguere ĩgu pohrogue wadiaca. Ojocariri tauro sġriripũ ðatarinugacãroca. ²⁴ Eropa árġquerecũ ta muare yũ itamuboro dopa ojocarinemoro gahmea yare. ²⁵ Irire masigu ohõ maa mera yũ árġborore masia yũhũ. Eropa árġniguicãguca yũhũ maa Cristore umupeonemoboro dopa, iri umupeoturari mera maa mucubiriborore. ²⁶ I yebague árġnigu maa pohrogue dipaturi yũ wacũ maa mucubirirâca. Eropa yũhũ maa pohro ejacũ Cristo Jesu yare ĩgu itamurire masirâ, “Turagu áhrimi ĩgu,” arġ umupeorâca maa ĩgure.

²⁷ Dohpaguere i dihtare iique. Cristo ya buheri iri arġro dopa ta árġricũque maa. Guñaturarâ árġique. Eropirâ game dũca wariro mariro ðari buherire yujuro mera

būrigā buheque. Eropa ta yu mua pohro wabiricū sāre yu wacū sāre mua eropa iicū gahmea. Eropa mua yujuro mera áriřā áricū peebeodiaa yuħu. ²⁸ Mũare ĩhaturirāre gũibiricāque. Mua eropa gũibiricū ĩarā Goāmũ yarā mua áricū masirācoma erā. Eropa masirā erā peamegue waboro sāre masirācoma. Eropirā Goāmũ ĩgu tauboro sāre masirācoma. Ōpa ta masicū iimi Goāmũ masare. ²⁹ Cristore mua umupeobure Goāmũ apidi árimi. I sāre apidi árimi. “Cristo yare mua werera waja ĩero tarirāca,” arĭ apidi árimi Goāmũ mũare. ³⁰ Eropirā Cristo yarā mua áriři waja gajirā mũare ĩero iima. Mũare erā iidiro dopa ta yu sāre ĩero iima erā. Mua mera yu áricū yure erā eropiicū ĩabu. Dohpague sāre erā yure eropiicū pee waicua mua. Eropirā mari yujuropa ta ĩero taria.

2

Cristo bu áriĝu iro dopa eradigũ áripehrerā weca opu áriħu wapũ, arĭ gojañumi Pablo

¹⁻² Cristo mũare ōaro sĭporācucū iinirā, Cristo ĩgu mahiri mera mua mucubirirā, yũpũre ōaro mucubiricū iique. Eropirā Espĩritu Santo áripehrerā mua mera ĩgu áricū gajirāre mahirā, mojomoro ĩarā áriřā, yure ōaro mucubiricū iique mua. Ire mua iicū mucubirigaca. Yujuropa ta ōaro sĭporācũque mua. Eropirā mua basi game mahique. Ōari mera áriřicuque. Eropirā áripehrerā yuju diaye ōaro áriřuque. ³ Gajirāre tarinũgadiarā áribiricāque. Eropirā eropa ta pepi áricāque. Eropirā gajirāre ōaro umupeo ōpa arĭ pepiique: “Erāpũ yu tauro ōarā áħrima,” arĭ pepiique. ⁴ Gajigũ gajirāre itamudiabiribocumi. ĩgu iro dopa iibiricāque. Gajirā sāre itamuque.

⁵ Jesucristo ĩgu eropa pepicādiro dopa ta mua sã eropa ta pepicāque. ⁶ ĩĝpũ Goāmũ gohra áriřureĝu ta “Goāmũ yũ áriřire ne duhusome yuħu,” arĭbiripũ ĩgu. ⁷ Eropigũ ĩgu Goāmũ ĩgu áriřare duhu, masũ ta masa dehyoadingũ pohro majagũ iro dopa áriřũgagũ i yebaguere. ⁸ Eropigũ ĩgu masũ dupũcũgu bu áriřũ gohra áriřũgagũ. Eropa áriřũgagũ “Crusague wejẽque ĩgũre,” erā áricū ĩgu Goāmũre yũhriĝũ tarinũgabiripũ. Crusague ta guhyasiuro mera sĭribu áriřuquereĝu ta ĩgu tarinũgabiripũ ĩgu Pagure. ⁹ Eropigũ ĩgu eropiicū ĩha mari Pagũ áripehrerā masa erā umupeobure apipũ Jesure. Eropigũ áripehrerā gajirā weca opu acupũ Goāmũ ĩgũre. ¹⁰ Eropirā áripehrerā umaro majarā, i yeba majarā, sĭrinirā mura sã Jesu waire peerā erā mereja muju ĩgũre umupeorācoma pare. ¹¹ Eropa ĩgũre opu acugucumi mari Pagũ áripehrerā Jesucristore “Mari Opu áħrimi,” erā arĭbure. Eropa arĭřā mari Pagũ Goāmũre umupeorācoma.

Cristo yarā ōarire wererā masare masicū iima

¹² Eropirā, yu mahirā, mua mera yu áricū mua yũhridiro dopa ta, dohpaguere yu yoarogue áricū sāre ōaro yũhriřuque yure. Eropirā peamegue wabonirā mua Goāmũ taunirā áriřā Cristo ĩgu itamuro mera ĩgu gamero dopa ii purumujuque. Eropirā umupeori mera biraro mariro Goāmũ yare iique. ¹³ Goāmũ ōaripũre mũare gamecũ ĩgu iimi. ĩgu eropa gamero dopa ta mua ĩborore iimi. Eropigũ irire mua ĩgu yare ōaro ĩborore itamuniguicāmi Goāmũ. ĩgu eropa iicũ irire yu arĭdiro dopa ta iique mua.

¹⁴ Áripehrerire iirā turiro mariro, mua basi gajinore werericuro mariro iique. ¹⁵ Eropiique mua ĩeri dipuwaja marirā, ĩerire iibirā Goāmũ porā ōaro mua áriřorā. Eropiique mua masa guyarā, ĩerā watopere goroweoro mariro mua áriřorā. Erā ĩerā watope mua áriřā ōari buherire buherā masicū iiaa mua i yeba majarāre. ¹⁶ Iri buherire mua peeñanirā Goāmũ mera eropa áriřiniguimorā wabũ mua. Iri buherire i yeba majarāpũre mua eropa buhecũ ĩagũ mua mera mucubirigaca yuħu. Eropigũ yu mũare buherare guñagũ, “Bu gohra ta mũare buhebiriya yuħu,” arĭĝaca yuħu. Eropigũ Cristo ĩgu i yeba ĩgu dujaricũ mua mera mucubirigaca yuħu. Eropigũ guhyasiuro tarisome yuħu. ¹⁷ Cristore mua umupeoturacũ Goāmũ mũare ĩhasuagucumi. ĩgu eropa ĩhasuacũ ĩagũ mũare Cristo yare yu buheri waja yure erā wejẽdiaquerecũ ta mucubirigura. Eropirā mari áripehrerā yujuropa ta mucubirirāca. ¹⁸ Eropa ta mua sāre yu mera mucubiriro gahmea pũħũ yu sĭricũ ĩarā.

Timoteore, Epafrodito sāre werepũ Pablo

¹⁹ Mari Opu Jesu ĩgu gamecũ yojaro mera Timoteore mua pohrogue obeodiaa yuħu mua áriřicũre masibu. Eropa masigũgue ta mucubirigaca. ²⁰ ĩgu Timoteo mua ōaro áriřorore diaye ta būrigā guñami mũare. Gajigũ ĩgu iro dopa ta áriřũ marimi yure. ²¹ Gajirāpũ áripehrerā erā gameri dihtare iidia, Jesucristo ĩgu gameripũre iidia. ²² Timoteopũ ĩgu ōaro iirire masia mua. Yu magũ iro dopa ta áriřũ ĩgu yu mera ōari buherire weremārimi. Eropirā gua yujuropa ta Cristo yare buhemarabũ. ²³ Eropigũ ō

majarā oparā yure erā duhpiburire masira pührü, Timoteore mua pohrogue obeodiarāa. ²⁴ Eropigü mari Opü Jesu igü itamuri mera yojaro mera yu sä mua pohrogue waguca.

²⁵⁻²⁶ Yure itamudorerā mua Epafroditore obeoabu yu pohrogue. Igü yu acaweregu, yu mera mohmegu, yu wapi, Goāmü yare buheturagu ährimi. Igü müare turaro guñabeomi. Eropigü igü dorecurare mua peecü masigu igüpu “Erā yure guña bujawerecoma,” arī guñaricümi. Eropa igü wüaro guñaricücä igü igüre mua pohrogue omedujoro gahmea yure, arī pepia yuhu dohpaguere. ²⁷ Äriro ta igü turaro dorecuami. Mero sīribocuri tariami igü. Igü eropa dorecuquerecä ta, Goāmü igüre mojomoro igü taricü iiami. Igü sīricü yu bürigä bujawereboaya. Eropigü yu säre Goāmü mojomoro iami igüre taricü iigu. ²⁸ Eropigü dohpague tamerare yojaro mera igüre mua pohrogue obeodiaa dipaturi mua igüre iha siñajaboro dopa. Mua eropa mucubiricü peegu yu sä mucubirigüra. ²⁹ Eropirā igüre Epafroditore mari Opü yagure ðaro mucubiriri mera bocatūrique. Eropirā gajiräre igü iro dopa äriräre umupeoque. ³⁰ Igü Cristo yare itamudiagu sīrirami. Muapu yure itamumasibiricü igüpu yare itamubasamurami. Eropigü dorecu sīrirami igü.

3

Ðaro äriri gohrare wereñumi Pablo

¹ Dohpague tamerare ire weregüra. Mari Opü mera mucubirique. I buherire ero coregue yu wererare dipaturi ðpa arī gojabeogu mucubiria yuhu. Eropigü ire werenemogu itamugu iiaa müare. ² Gorowerebirā ta ärīque mua. Ñerire iiniguicārā, diayea iro dopa ta ärirā, ñerā, gasiro merogā wiri äidorerā mua yu ðupure wiridiama. Eropa iidorerā ärīcü iha “Queoro buheri ärībeaa,” arirā ðaro iique mua. ³ Erā circuncisión gasiro merogā äidorediarā “Deyoro maja mera Goāmüre umupeocü ðhaa,” arīrima. Maripu eropa ärībeaa. Espiritu Santo igü itamuri mera diaye ta Goāmüre umupeoa mari. Mari deyoro maja iiri mera mucubiribea. Jesu yarā mari äriri mera mucubiria mari. ⁴ Eropa mucubiriqueregu ta, yu iirare erā iro dopa arīdiagu, eräre docapicāboya yu sä. Gajigü ðpa ta arī tarinugacādiami. Yüpu igü tauru eropa ärīboaya. ⁵ Ðpa iigu äriribu yuhu: Ocho nuri yu masa dehyoara pührü gasiro merogā wiri äinirā ärīma yure. Israe masu ärīgu Benjami ya curu majagu ähraa yuhu. Yu pagu samarā hebreo masa erā ärīcü diaye ta hebreo masu gohra ta masa dehyoabu. Moise dorerire diaye ta iipehodiagu fariseo curu mera ñajaribu yuhu. ⁶ “Goāmü ya ärīsaca,” arīgu ðaro iiribu yuhu. Eropigü Jesu yaräpüre ñero iimuricarabu yuhu. Diaye ta Moise dorerire iigu irire tarinugaro mariro iipehomuriribu yuhu. ⁷ Iribojeguere “Iri ðari ärīsaca,” arī pepimuriribu. “Iri yu eropa arī pepira iribojegue yu eropa ärirā duhpiburi ärībirigohracādiro ärību,” arī pepia dohpaguere. Ðpa ta arī pepinugabu yuhu Cristore umupeonugagu. ⁸ Jesucristo yu Opure yu masicü tamerare ðataria. Eropigü gajī doreripüre duhpiburi ärībeaa, arī pepia yuhu. Iri ärīpehrere coácäbu Cristo yapure iibu. Eropigü iribojegue yu iirare coāgu “Neri gohra ähraya,” arī pepia. Cristo yare ðaro masibu igü mera majagu ärību eropa pepia. ⁹ Eropigü yu ejatuharo ðaro yu iira waja “Ðagu ährimi,” arī iabeami Goāmü. Eropiro Goāmü dorerire Moisere igü apirare yu iira waja säre “Ðagu ährimi,” arī iabirami. Cristore yu umupeora pührü “Ðagu ährimi,” arī iami pare igü yure. Goāmüpu marire dipuwaja marirā ärīcü iimi igüre mari umupeocü. ¹⁰ Eropigü ero coregue yu ärīmuhtarare duhcäbu Cristore ðaro masigu wabu. Goāmü igü turari mera Cristo masa mariapu. Iri turari mera ärīdiaca yuhu. Eropigü iri turari mera ðarire iidiaca. Cristo crusage sīripü mari ñeri iirare coābu. Eropigü igü yare iigu igü iidiro dopa ta ñero taridīaa yu sä. ¹¹ Eropigü Cristo igü masa muriadiro dopa ta, yu sä masa muriadiaca.

¹² I ärīpehreri eropa arīgu “Cristo iro dopa ñeri marigu ärītuhajaa,” arī pepibeaa. Yu eropa arī pepibiriquerecä ta Cristo igü yagu ärībure ðagu ärībure iiami yure. Eropigü igü yare igü säre ðaro masinemediagu turaro mera igü yare iidiāa yuhu. ¹³ Yu acawererā, yuhu müare eropa arīgu, “Jesucristore ðaro masipehotuhajaa yuhu,” arīgu iibeaa. Eropa arībiriqueregu ta i tamerare iiaa. Yu iribojegue iirare cādijigu dohpaguere “¿Goāmü dohpa icü gahmeri yure?” arīgu bürigā irire iidiāa. ¹⁴ Omabiragu pohbegü ejamuhtadi igü wajatadiaro dopa ta bürigā iiaa yuhu yu wajataborore yu ñeaboro dopa ta. Cristo igü yagu yu ärīcü igü yuhu wajataborore obu umarogue sihubeomi yure.

¹⁵ Ðpa yu ärīro dopa ta pepique mua sä Cristore ðaro masirā ärirā. Eropirā müare yu wererare mua peediabiricü gajiropa mua pepicü Goāmü müare ðaro masicü iigucumi. ¹⁶ Eropirā igü yare mari masirare ðaro ii ojogorocurā.

¹⁷ Yu acawererā, mua áripehrerā yure ihacūque. Eropirā gajirā gua iiro dopa iirāre ihanurūque mua erā sāre mua ihacūboro dopa. ¹⁸ Bajasuburi gajirāre ñerāre wereabu yuhu muare. Dohpague sāre burigā bujaweregu erāre ta werea muare daja. Erā ñero iiri mera “Cristo crusague igu sīridi árīmi,” arī buherire ihaturirā áhrima. ¹⁹ Erā peamegue wamorā ta áhrima. Erā uaribejaripure burigā gahmema. Eropirā iri muare guhyasirisāborare erāpu “Mari iiri ōari áhrraa,” arīma erā. I umu maja dihtare pepima erā. ²⁰ Maripure mari ejaburi maca umarogue ta áhrraa. Eropigu erogue ta marire taubu mari Opu Jesucristo dujarigucumi. Eropirā igu dujariborore corerā iiaa mari. ²¹ Igu dujarigu mari dupure bu árīri dupure gajiroa árīri dupure gohrotogucumi igu. Eropigu igu ya dupu iro dopa ta ōari turari dupure gohrotogucumi marire igu turari mera. Áripehrerā opu ñajami igu iri turari mera. Eropigu áripehreri Opu áhrimi igu iri turari mera.

4

Ūmuri nucū mari Opu mera mucubirique, arī gojañumi Pablo

¹ Eropirā yu acawererā, yu mahinirā, burigā yu guñarā, yure mucubiricā iirā, mua guñaturadiro dopa ta mari Opure burigā guñaturaniguque mua.

² Ire weregura muare Evodiare, Síntique sāre: Jesu yarā nome áhrraa mua. Eropirā mua game dayasorire duhu ōaro mera árīricū árīque mua basi. ³ Mupu diaye ta yu wapi gohra áhrraa. Mu sāre weregura: Erā nome yu mera, Clemente mera, gajirā yu wapicurā mera mohmeama ōari buherire gua buhecū. Goāmū erā wai sāre gojatutuhañumi igu yapūgue. Ūmuri nucū ojocariburire igu onirā waire igu gojatutuhāñumi gojatutuhāñumi erā wai sāre. Eropigu erā nomere bosaque mūhu.

⁴ Mua áripehrerā Ūmuri nucū mari Opu mera mucubirique. Dipaturi ta weregura daja: Mucubirique. ⁵ Ōaro iiniguicāque mua ōaro iinirā árīrare áripehrerā masa íhamasiborore. Mari Opu Cristo igu ariboro merogā duhyaa.

⁶ Mua árīricurire ne bujawere guñaricubiricāque. Mua guñaricū bujawererire Goāmure ōaro werepohocāque. Eropirā ígure ōaro serēque. Eropirā mua serērā ígure “Ōhaa,” arīque ígure. ⁷ Mua eropiicū, ōaro árīcū guñaricuro mariro iigucumi Goāmū muare. Igu eropa iiri ōataria. I mari ōaro árīri ōataria. Eropiro Jesucristo yarā mari árīcū marire ōaro árīcū iigucumi Goāmū. Marire ōaro sīporācucū iigucumi. Eropigu bujawererire guñaniguicācū iisome igu marire mari ígure serēra puhru.

Ōarire pepique, arī gojañumi Pablo

⁸ Acawererā, ire weretubu iiaa muare. Queoro árīrīre, masa erā umupeorire, ōaro iirire, ñero marirore, suarire, masa “Ōari áhrraa,” erā arīrīre pepique mua. Ōatariari iri árīcū iripure pepique. Masa ōarire iarā erā mucubiririre mua sā mucubiri pepique. Iri áripehrerire guñaque irire mua iiboro dopa.

⁹ Muare yu buhediro dopa ta eropa ta iiniguicāque mua. Eropirā yure ihacūque mua. Mua eropa iicū Goāmū muare ōaro árīcū iigu mua mera árīgucumi.

Filipo majarā Pablora erā orare wereñumi igu

¹⁰ Dohpague tamerare yoara puhrugue mua dipaturi yure guñarā mua itamurare mucubiria. Eropa mucubirigu mari Opu Cristore “Ōhaa,” arāa. “Yure cādijia wabu mua,” arībeaa yuhu. Iribojeguere yure itamudiaquererā itamumasibirinirā árību mua. ¹¹ Yure mua itamurare weregu “Yure duhyaa dohpa,” arī werebu iibea yuhu. Muare gajinore gamegu eropa arīgu iibea. Yu opari mera árīmasia yuhu. ¹² Gajinore moogu sā ōaro árīmasia yuhu. Eropigu baja opagu sā ōaro árīmasia yuhu. Ūmuri nucū oaboagu sā oare nugapoa waca. Yapigu arīgu sā ōaro árīpoa waca. Dabero opagu sā árīpoa waca. Yure gajino maricū sāre ōaro árīpoa waca. ¹³ Cristo yure turacū iigu mera áripehrerire yu eropa warire ii bocatūmasia yuhu. ¹⁴ Yu eropa árīpoadigu árīquerecū ta yu ñero taricū mua itamurā yure ōaro iibā mua.

¹⁵ Ōari buherire yu buhediacū Macedonia yeba mua ya yeba arīdigu yu wacū gaji maca majarā Jesu yarā yure itamubirama. Mua dihta yure itamuabu. Irire masia mua. Muare yu buhecū yurure mua itamucū mari yujuropa ta Cristo yure iirā iibā. ¹⁶ Eropirā Tesalonicague yu árīnicū iarā yure itamubeobū. Yujuyerisuburi yure duhyacū íha yu gamerire obeoabu mua. ¹⁷ Gajinore serēgu eropa arīgu arībeaa. Gajirāre mua itamucū Goāmū muare ōaro itamugucumi. Ígure mua itamuri waja Goāmū muare ígu ōaro iicū gahmea yuhu. Mua eropa itamurā guñaturarā wacū sāre gahmea yuhu. Eropigu yure mua itamurare guñacū iiaa muare. ¹⁸ Dohpaguere yure ōaro opehoabu mua. Yu gamera tauro ohabū mua yure. Yure Epafrodito mera mua obeora puhru gajino ne

dahyabeaa yure. Maa yure ora Goãmure ora iro dopa áhrra. Yure maa ora Goãmure òaro suacú iiaa. ¹⁹ Jesucristo marire òaro iidi árĩmi. Eropigu árĩpehrerire mware dahyarare ogucumi mari Pagu mware. Òatariari igu oparire ogucumi. ²⁰ Umuri nucu mari Pagure Goãmure umupeorã. Eropa ta iiporo.

Pablo òadorepu

²¹ Árĩpehrerã Goãmu mera árĩrã Jesucristo yarã òaporo. Mari acawererã Jesu yarã yu mera majarã sã mware òadorema. ²² Árĩpehrerã ò majarã òarã Jesu yarã òadorema. Roma majarã weca opu ya wihi majarã tamera burigã òadorema.

²³ Mari Opu Jesucristo mera mware òadorea. Eropa ta árĩnigucãporo. Iripõta áhrra.

Colosenses

Colosa majaräre gojabeñorã Pablo sã

¹⁻² Yũhũ Pablo Jesu yagu mari acaweregu Timoteo mera muare Colosa majaräre gojabeoa gua. Jesucristo İgu yare buhedoregu İgu apidigu ta ähraa yũhũ. Goãmu İgu gamero dopa ta Jesucristo yare İgu yare buhebure apimi. Eropirã muare gua acawereräre Cristore umupeoräre gojabeoa. Eropirã mari Pagu Goãmu mera muare ðadoreo. Eropirã İgu mera ðaro árİque mua.

Jesu yaräre Pablo serēbasapu Goãmure

³⁻⁸ Mua ya árİburire Goãmure serēã mucubiriri mera eropa serēbasaniguicãa gua. İgu mari Opũ Jesucristo Pagu ährimi. Árİpehrerĩnuri mua umusigue ðaro árİcũ iigucumi Cristopũ. İgu eropa iibu árİcũ mua mucubirimuhtarã waĩcua. "Jesucristo diaye iigu ährimi," arİ İgure umupeorã waĩcua mua. Eropirã İgu yaräre mahi waĩcua mua. Mua eropa árİrã árİcũ Goãmure "Öhaa," arİ mucubiriri mera serēbasaa gua. Árİpehrerogue Jesu yarã diaye árİri buherire ðari buherire erã werecũ peerã masa ðaripure gohrotoma. Goãmũ yare masinemorã wahama. Öpa ta mua sãre Epafra ðari buherire weredi árİmi. İgu gua mera Cristore mohme coregu ährimi. Iri mohmerire duhubeami İgu. Muare İgu eropa werecũ peerã, mata Goãmũ yare ðaro iiniguicãmũrayoro mua. Eropirã Goãmũ muare mahirire diaye ta masirã mata ðaro iayoro mua. Mua eropa iirare İagu Epafra weremi guare. Espĩritu Santo itamuri mera Jesu yaräre mua mahirare weremi İgu guare. İgu eropa arİ werecũ peerã "Öhaa," arãa gua Goãmure.

⁹ Eropirã muare guñarã eropa Goãmure serēbasaniguicãa. Goãmũ İgu gamerire mua masipehoboro dopa serēbasaa gua. İgu yare ðaro masirã mua árİboro sãre serēbasaa gua. ¹⁰ Öpa ta serēbasaa gua mari Opũ Cristo İgu gamero dopa ta ðaro mua iiburire. Mua eropa iicũ İagu İgu muare suagucumi. Eropa ta mua árİpehrerire ðarire mua iiburire serēbasaa. Goãmure mua masinemoboro dopa serēbasaa. ¹¹ I sãre serēbasaa gua. Goãmũ İgu ðaro turari mera mua ðaro siporã turarã árİboro sãre serēa. Eropa ta serēa ñero tariquererã mua Goãmũ mera yujuro bojeboro dopa. Ñero tariquererã mua eropa pepicãburire mua mucubiriri mera eropa árİniguiboro sãre serēbasaa daja gua. ¹² Goãmũ İgu yarã árİcũ marire iimi. Eropa iigu İgu orire mari opamorã mari árİcũ sãre iimi İgu. İgu árİroque ðarogue mari árİborore amutuhajami İgu. İgu eropa iicũ İarã mucubiriri mera mari Pagure "Öhaa," mua árİborore serēbasaa gua muare. ¹³ İgu ta marire peamegue waboniräre taricũ iidi árİmi. Iribojegue ñerire duhumasibiriribu mari. Ñegupũ marire doredi árİnirimi. Eropigu Goãmupũ marire taudi árİmi. İgu magu İgu mahigure opu acugu İgu dorero dopa marire árİcũ iimi. ¹⁴ İgu magu mera marire peamegue waboniräre taudi árİmi Goãmũ. İgu magu İgu sĩrirañe mera mari ñeri iirare cãdijidi árİmi Goãmũ.

Masa Goãmure gamebircũ İha Cristo amupũ, arİ gojañumi Pablo

¹⁵ Goãmure mari Pagure İaya mara. Cristo İgu magu İgu Pagu İgu árİricurire İhmudigu árİmi masare. İgu İgu magu árİpehrerã core, árİpehreri core árİtuhadigu árİmi. Eropigu tauru opu ährimi İgu. ¹⁶ Goãmũ İgu dorecũ İgupũ İgu Pagu mera árİpehrerire İhacũnuguñumi. Umusigue árİrĩre i yebague árİri sãre İhacũnuguñumi. Mari İarire mari İabiriri sãre İhacũnuguñumi. I yeba majaräre, umusi majarã oparäre, árİpehrero doreräre, mari İaräre, mari İabirã sãre, árİpehreräre İhacũnuguñumi. İgu árİpehrerire, árİpehreräre İhacũnuguñumi. Eropirã árİpehrerã İgu iinirã ährima. Árİpehrerigue ta İgu iira ähraa. ¹⁷ Árİpehrerã core árİpehreri core Cristo árİmuhtarũmi. Eropiro İgu turari mera árİpehrerã dohpaguere árİrã iima. Árİpehreri sã árİro iiaa. ¹⁸ Mari İgu yarã árİpehrerã İgu ya curu majarã árİrã İgu dupũ waĩcua. Eropigu İgupũ mari dipuru ährimi. İgu sĩrigũ masa muriamuhtaradigu árİmi árİpehreri weca árİpehrerã weca árİbu. ¹⁹ Cristo mari Pagu Goãmũ mera yuju dupũ ta árİro dopa ta ährimi. İgu eropa árİcũ ta gamepũ mari Pagupũ. ²⁰ Árİpehrerã masa erã İgure gamebirimuricũ İagu erã İgu mera amubure Cristore obeopũ. İgure eropa obeogu İgu Cristo crusague sĩri İgu di cóara mera amupũ. Eropigu umusi majaräre, i yeba majarã sãre İgu mera ðaro árİcũ iipu. Umusi maja i yeba árİri sã ðaro árİcũ iipu. Eropigu İgu guñadiro dopa iipu.

²¹ Maa sãre eropa ta igitu mera ðaro áricũ iidi árimĩ. Maa sã ñerire iiniguinirã Goãmũre boje majarã árirã maa pepiri mera igitu gamebirinirã árimũriribũ. ²² Maa eropa árinirãre Cristo sãriro mera igitu Pagũre maa igitu mera ðaro wacũ iipu igitu. Eropa iipu igitu maa igitu yarã ðarã ñeri marirã, dipuwaja marirã maa áriboro dopa. Maa eropa áricũ igitu áriroguere maa áriborore eropa iipu. ²³ Eropa ta iigucumi igitu maa igitu duhuro mariro umupeatuniguicãcũ. Maa ðari buherire maa Goãmũ mera áriniguiborore maa cãdijibiricũ, igitu mera maa áricũ iigucumi muare. Iri maa peera buherire ðari buherire áripehererã i yeba majarã peenirã árimã. Eropigu yuhũ Pablo sã iri ðari buherire weregu ta áhrraa.

Jesu yarãre itamubure apipu Goãmũ Pablõre

²⁴ Cristo mari igitu yarã áriborore crusague sãrigũ ñero taripu. Eropigu yũ sã maa igitu yarã áriburire ñero tarigu mucubiria. Eropa ñero tarigu Cristo marire igitu apirare ii ojogorocũgu iiaa. Eropigu mucubiria. Cristo yare mari iira dipuwaja mari ñero tarinemoboro duhyania dohpa. Eropigu igitu maa guñaturaborore ñero tari mucubiria yuhũ. igitu dũpu iro dopa árirã igitu ya curu majarã áhrraa maa. ²⁵ Jesu yarãre itamubure apimi Goãmũ yare. Maa ya áriburire iibure yare apimi igitu. igitu yare muare werepehobure apimi igitu yare. ²⁶ Iri igitu yare iribojegure baja cururi majarãre erã masipehocũ iibirimãriñumi mari Pagũ. Dohpaguere dohpague majarãre igitu yarãre irire ðaro masipehocũ iimi pare. ²⁷ Eropigu "Judio masa áribirã sãre yaha buheri ðataria," arĩ igitu yarãre irire weremi. Iribojegue erã masibirirare weremi Goãmũ. Òpa áhrraa dohpagure igitu werera: Cristo igitu yarã mera áhrrimi. igitu eropa áricũ igitu yarã umũsiguere ðatariarogure árirãcomã. Iri áhrraa iribojegue erã masibirira mari Pagũ ya.

²⁸ Cristore ta werea. Áripehererã guisãgu erãre werea yuhũ. Òaro masiri mera buhea yuhũ ðaro Cristore masare masicũ iibu. Eropa buhea yuhũ erã igitu yare ðaro iirã erã áricũ iibu. ²⁹ Iri ta áhrraa yũ mohmeri. Jesucristo igitu ya turari mera yare igitu ora turari mera turaro mohmea yuhũ igitu yare buhegu.

2

¹ Ire maa masicũ gahmea. Maa ya áriburire, Laodicea majarã ya áriburire, áripehererã ya áriburire turaro mohmea yuhũ. Áripehererã masa yare íabirã ya áriburi sãre turaro mohmea yuhũ. ² Òpa ta mohmea yuhũ maa áripehererã ðaro siporãcũborore. Maa mera majarãre maa yujuro mera game umupeoburi sãre eropa mohmea yuhũ. Iribojegue majarãre Goãmũ werebirira Cristore masicũ iiri áhrraa. igitu yare masirã Cristore umupeoa maa. Maa igitu ðaro masiborore maa igitu mera ðaro áriborore burigã itamua yuhũ muare. ³ Cristo dihta masipehocãmĩ gajirã masibirirare. igitu áripehererire ðaro masigu áhrrimi. igitu masiri ðatarario áhrraa. ⁴ Irire werea muare gajirã muare peesuarĩ wereniguiri mera guyarĩ arĩgu. ⁵ Yuhũ maa watope áribiriqueregu yũ guñari mera maa watope arĩgu dopa áhrraa. Erogue áribiriqueregu Cristore maa ðaro umupeoniguirare maa ðaro iirare peegu mucubiria yuhũ.

⁶ Eropirã mari Opũ Jesucristore opamorã igitu maa umupeonugadiro dopa ta umupeoniguicãque. "Eropa ta yare itamugucumi," arĩrã umuri nucũ igitu mera ðaro áriniguicãque. ⁷ igitu ðaro masirã árique maa. Eropirã umuri nucũ igitu masinemoque gajirã erã ero core muare erã buhediro dopa ta. Eropirã Cristore mucubirirã "Óhaa," arĩniguicãrã árique maa.

Cristo yarã árirã ðaripure gohrotoa mari, arĩ gojañumi Pablo

⁸⁻¹⁰ Òaro pee masique maa. Masa erã gamero erã buherire erã guyarire peebiricãque. Erã iribojegue majarã áriurare buhema. Masa erã pepiro dopa pepirã árirã i doreri dihta buhema. Cristo yapure buhebeama. Cristo mari Pagũ áriro dopa ta arĩgu Goãmũ gohra ta áhrrimi. Eropigu Jesucristo Goãmũ arĩgu i yebague masa dehyoadigu Goãmũ ta árimĩ. Eropirã igitu yarã árirã Goãmũ mera ðaro áriniguia mari. igitu ta áripehererã deyobirã oparã tauro opu arĩgu áhrrimi. Umũsi majarãre i yeba majarãre áripeherero majarãre doremi. Eropirã guyarĩ buherãre peebiricãque. ¹¹ Eropirã Cristo yarã árirã circunciónre iinirã gasiro merogã wiri anirã iro dopa árirã áhrraa maa. Masa erã dũpure merogã gasirogãre erã wiri cóaro áribiriya. Maa pepiripure Cristopũ maa ñeri uribejarire cóãmĩ. ¹² igitu yarã árirã puhũ waíyesunirã árinirã áribũ maa. Eropa waíyesunirã árirã ðpa íhmurã iinirã áribũ maa: Iribojegue maa ñero iirare duhurare íhmurã iibu maa. Jesucristo sãridigu mera maa uribejarare cóánirã áribũ maa. Eropirã Jesucristo sãridigu masa mũriara mera ðaripure gohronirã

áríbu mua. Ígu Goãmupũ Cristore masudigu árími. “Ígu turagu áhrimi,” arírá ígure umupeorã árírá ðarípũre gohrotonirã áríbu mua. ¹³ Iribojegue mua ñerã áríra dipuwaja peamegue wabonirã áríriyoro mua. Eropa wabonirã áríriyoro mua Goãmũ yarã áríbirã. Ígu dorerire opabirã áríriyoro mua. Dohpaguere mari Pagũ marire ígu mera eropa ðaro áríniguimorã iimi. Cristo ígu síridiro mera eropa iimi ígu marire. Eropa ígu mari árípehreri ñeri iirare cãdijicãdi árími ígu. ¹⁴ Goãmũ ígu dorerire gojarare mari tarinuganirã mari áríquerecũ ta ígu marire dipuwajacudorebeam. Cristo crusague ígu síridiro mera Goãmupũ mari ñeri dipuwajare cãdijipehocãdi árími. ¹⁵ Ígu Cristo crusague síricũ watẽa ya dorerapũre Goãmupũ tarinugacãpũ. Eropirã bu árírá dujacãñorã erã watẽapũ. Eropa iigu erãre guhyasiũro wacã iipũ erã ihuro.

Umusi majare Goãmũ yare gameque, arí gojañumi Pablo

¹⁶ Eropirã gajirã erã dorerire dorediaricomã muare. “Muare irire barã, irire ihrirã ñerire iirã iiaa mua,” arí werewuama muare. Erã eropa arí werewuacũ eropa íacãque erãre. Bojori nucũ árírinũri, aberi nucũ árírinũri, semanari nucũ árírinũri, bosenari mua iidibiricũ werewuama. Erã eropa werewuacũ eropa pepicãque erãre. ¹⁷ Erã muare doreri iribojegue Goãmũ apira doreri Jesucristo mari ñeri iira dipuwaja síriburire íhmumahtarãne áríyoro. Dohpaguere Cristo arími marire. Eropirã ígure umupeorã iri doreripũre umupeobea pare. ¹⁸ Erã dorerire iidorerã muare dipuwajacũrã dujacũ iidiana erã. Erã eroplicũ eropa íacãque erãre. “Gajiropa dehyoarire íabu gua,” arímaacãrã erã anyuare umupeorima Goãmũre umupeoboro dopa. Erã eropa pepicãrã iro dopa iirima. Gajirã masa iro dopa erã ñeri ñaribejarire pepirima erã. Eropa pepirã árírá “Masipehocãa gua,” arí pepirima erã. ¹⁹ Eropa iirã árírá Cristopũre umupeobea. Cristo dihta ígu yarãre doregu áhrimi. Cristopũ mari ígu yarã dipuru áhrimi. Ígu yarãpũ ígu ya curu majarã árírá ígu dupũ waĩcua. Mari dipuru mari ðũpũre gamesũriro dopa ta áhrimi Jesucristo ígu yarãre. Ígu yarãre ítamugũ marire ígure umupeonemocũ iimi. Goãmũ gamero dopa ta ígu yarãre ígure masinemocũ iimi.

²⁰ Marire ñero iira dipuwajacũnirãre Cristo taudigu árími crusague sírigũ. Eropirã Cristore umupeorã ígu yarã áhraa. Mua eropa árírá i yeba maja buherire anyuare umupeori buherire gamebiro gahmea muare. ¿Duhpirã gajino buherã erã dorerire iidiani mua? ²¹ Ópa arí dorema erã basi erã gamero: “Írinore babiricãque. Írinore pẽhrebiricãque,” aríma. ¿Erã eropa arídorecũ duhpirã yũhriri mua? ²² Erã doreriñe bari iro dopa ta pehrea waroca. Erã doreriñe i umũ maja dihta áhraa. Masa erã sũaro erã buheri dihta áhraa i buheri. Eropiro duhpiburi áríbeaa. ²³ Erã dorerire iirã Goãmũre umupeorã iro dopa árírima. Eropirã eropa pepicãrã iro dopa ii íhmuma. Erã ðũpũre ñero taricũ iirã “Goãmũre umupeorã iiaa,” arírima. Erã eropa iirã erã doreripũ masipehorã ya doreri iro dopa iirima. Eropa áríbeaa. Erã dorerire iiquererã erã ñeri ñaribejarire duhubeama. Eropiro erã doreripũ duhpiburi áríbeaa.

3

¹ Eropirã Cristo yarã áhraa mua. Eropirã mua ero core mua ñeri iirare duhunijarã ðarípũre gohrotonirã áhraa mua. Eropa gohrotorã árírá umusi majare Cristo yare gameque mua. Eroque Cristo ígu Pagũ diayepũ doagu árípehrerore doregu áhrimi. ²⁻³ Mua ñaribejari cõanirã árírá Cristo gamerire opaa. Ígu Cristo mua ðaro iĩborore ðaro íhadibumi. Eropirã iri ñerire guñabeaa mua. Eropirã umusi majare Goãmũ yare guñamuhtaque. I yeba majare guñanguibiricãque. ⁴ Eropirã umusigũe Cristo marire eropa áríniguimorãre aĩgu ígu aricũ ígu mera warãca. Eropa warã ígu mera umusigũe Goãmũ yare oparãca.

Cristo yarã áríbirã ñerire iiribũ mari, arí gojañumi Pablo

⁵ Eropi i yeba maja ñerire duhucãque. Ne yujugu mojoto diribiriqueregu nomeo mera áríbiricãque. Ne yujugo mojoto diribiriquerego umũ mera áríbiricãque. Eropa ñeri mua iirire iripẽta duhucãque. Ñeri ñaribejarire iibiricãque. Mua opaburire gajinore gametaribiricãque. Mari gajinore burigã gamerã goãmara wẽanirãre erã umupeoro dopa iirã iiaa mari irire. ⁶ Iri ñerire iirã Goãmũre tarinugarã áhrima. Erã eropa árícũ íagu ígũpũ erãre gamebeam. Eropigu erãre burigã dipuwaja moagacumi. ⁷ Iribojegũere maapũ iri ñerire iinirã mera majarã áríriya mua. ⁸ Dohpaguere i ñerire duhupehrecãque mua. Guarire, disitĩri wiarire, gajirãre ñero arí pepirire, gajirãre ñero quere wereniguirire, ñero wereniguirire iri árípehrerire duhucãque. ⁹⁻¹⁰ Muapũ Jesu yarã warã ñerã mua árídiro dopa ta iri ñeri ñaribejarire duhutuhanirã áríbu. Eropirã ðarípũre gohrotonirã áhraa mua. Muare ðarípũre gamecũ ígu iimi Goãmũ. Ígu arĩro

dopa mua áriboro dopa eropa iimi. Eropo ta iimi ígu mua ígure ðaro masiboro dopa. Eropirã ígu eropiicũ mua mera majarãre guyabiricãque. ¹¹ Cristo yarã mua árirã judio masa, judio masa áribirã sã yujuropa dihta áhraa mua Goãmũ ígu íacũ. Gasiro merogã wiri ainirã, irire albirinirã sã Cristo yarã árirã yujuropa áhraa Goãmũ ígu íacũ. Gaji yeba majarã sã, masibirã sã, mua ya yeba majarã sã Cristo yarã árirã yujuropa áhraa Goãmũ ígu íacũ. Pohro majarã, erã pohro majarã áribirã sã, Cristo yarã árirã yujuropa ta áhriima Goãmũ ígu íacũ. Jesucristo tamera áripheerã ígu yarã mera áhrimi. Ígu yarã erã íacũ bu árigũ áribeami ígu.

¹²⁻¹³ Eropi Goãmũ ígu beyenirã, ðarã, ígu mahirã árirã ðpa árique mua: Gajirãre mojomoro íarã, gajirãre ðaro iirã áriro gahmea. Muare ñero iiquerecũ ta eropa pepicãrã áriro gahmea muare. Mua mera majarã mera guarã, erãre quere iirã áribiricãro gahmea muare. Eropirã “Yuhũ bu árigũ áhraa,” arĩ pepique. Mari Opũ mua ñeri iirare cãdijimi. Ígu eropa cãdijidiro dopa ta mua sã mua mera majarã erã ñero iirare cãdijique. ¹⁴ I doreri tauro ðpa arĩ dorea muare: Gajirãre mahi umupeoque. Mua eropa iirã áripheerã gajirã mera yujuro mera árirãca. ¹⁵ Cristo marire ðaro áricũ iimi gajinore mari wereniguibiriboro dopa. Ígu eropa iicũ ðaro árique mua. Mari ígu yarã yuju curu ta áhraa. Mari eropa árirãre mari Pagũ marire ðaro árimorãre ta apimi. Ígu eropa iicũ ðaro árique mua mua basi. Eropirã Goãmũre “Óhaa,” arĩ mucubirã árique mua Goãmũ mera.

¹⁶ Cristo ya buherire ðaro guñaniguicãque mua. Óaro pee masiri mera ígu yare gajirãre buheque. Guhyadiaro irire wereque. Eropirã Salmo gojaripũre, Goãmũ yare bayarire, gaji ígure umupeori bayarire ígure bayapeoque. Óaro guña umupeori mera bayapeoque. Eropo bayarã ígu yare ðaro guñaque mua. Eropirã Goãmũre “Óhaa,” arĩ mucubirã árique mua Goãmũ mera. ¹⁷ Áripheerãre mua iirire ðaro siporãcũ iique mari Opũ Jesu ígu mucubiriboro dopa. Mua wereniguirã ígu ya áriburi dihtare wereniguique. Eropirã Cristo ígu itamuri mera Goãmũ mari Pagure serẽrã “Óhaa,” arĩ mucubiricue ígure.

Jesu yarãre yujuro mera áriburi doreri ðpa áhraa, arĩ gojañumi Pablo

¹⁸ Mua marapũcurã nome, mua marapũ sumarãre ðaro yuhrique. Eropo ta iiro gahmea mari Opũ yarã Cristo yarã nome árirã. ¹⁹ Mua marapũcurã, mua marasã nomere mahi umupeoque. Iгоре turibiricãque. ²⁰ Mua erã porã sã mua pagũ sumarãre tarinugabirã dihta árique. Mua eropa iicũ íagu mari Opũ ðaro suagu árigucumi. ²¹ Mua erã pagũ sumarã sã mua porãre eropa turiniguibiricãque bujawerecũ iiri arĩrã. ²² Mua pohro majarã, mua oparãre i yeba árirãre eropa yuhirã árique. Erã ihurore erã dorero dopa ta mohmeque. Erã maricũ sãre mohmeque. Mari Opũre Cristore guhyadiaro mua íadiro dopa ta ðaro mera yuhrique mua oparã sãre. ²³ Diaye ta Cristo yarã árirã ðaro yuhirã áhraa mua ígure. Eropirã mua oparãre ð majarã sãre yuhirã, Cristore mua yuhriro dopa ta yuhrique mua. Eropirã mua oparã erã dorero dopa ta turaro mera mohmeque “Cristo ya doreri áhraa,” arĩrã. ²⁴ Mua eropa iicũ Cristo muare wajayegucumi. Muare ígu oburire muare ogucumi mari Opũ. Irire masia mua. Mari Opũ Cristo ígu pohro majarã áhraa mua. Eropigu ígũpũ mua Opũ gohra áhrimi. ²⁵ Ígure tarinugarãre dipuwaja moagucumi mari Opũpũ. Áripheerã tarinugarãre ne yujuga duhyaro mariro yujuro mera dipuwaja moagucumi ígu. Eropo yare iiri arĩrã ðaro yuhrique mua.

4

¹ Mua oparãpũ, mua pohro majarãre diaye ta ðaro iique erãre. Mua sã opũ opaa. Mua opũpũ umusi majagu Goãmũ áhrimi.

² Mua áripheerãre umuri nucũ Goãmũre serẽniguique. Óaro guña pee masi serẽniguique. Eropirã mari Pagũ ðaro iirare guñaque. ³⁻⁴ Gua ya áriburipũre serẽque daja. Cristo yare iribojegue majarã erã masibirãre buherã iiaa gua. Masare gua ðaro buheborã dopa serẽbasaque mari Pagure. Yuhũ Goãmũ yare wereniguri waja dohpaguere peresugue áhraa. Eropigu mua eropa serẽcũ gahmea ígu yare yũ ðaro iiboro dopa. Cristo ígu dorediro dopa ta yũ wereburire serẽque.

⁵ Jesu yarã áribirã mera árirã ðaro iique mua. Cristo yare wereque erãre. Erã mera mua áriropẽ ta eropa ta ðaro iique erã Jesu yarã áriboro dopa. ⁶ Gajirã mera weretamurã ðaro suaro mera weretamuque. Óari dihtare wereniguique. Mua eropiãrã gajirã erã Jesucristo yare muare serẽpicũ ðaro masiri mera yuhirãca erãre.

Óadoretupũ Pablo

⁷ Tíquico mari acaweregu Jesu yagu áhrimi. Ígu yu áríricurire muare weregacumi. Ígu mari mahígu áhrimi. Cristo yare buhegu, gua mera mohmege áhrimi. Ne iri mohmerire duhubeami ígu. ⁸ Múa pohrogue ígure obeogu íaa yuhú gua áríricurire múa masiboro dopa. Ígure obeogu íaa yuhú muare mucubiricú iibure. ⁹ Onésimo mari acaweregu mera wapimoa obeogu íaa. Ígu sã Cristo yare ne duhubeami. Múa mera majagu áhrimi. Erã perã yu dohpa tarirare wererãcoma muare.

¹⁰ Aristarco peresugue árígu yu mera majagu muare ðadoremi. Marco sã ðadoremi. Ígu Bernabé pagu magu áhrimi. Múa pohrogue ígu ejacú ðaro mera ígure bocatírique yu muare werebeodiro dopa ta. ¹¹ Jesu waícugu “Justo,” erã arí piyugu ðadoremi ígu sã. Oã ta yu mera mohmerã judio masa gohra áhrima. Judio masa gohra erã dihta Goãmú yare yu mera buhema. Ópa buhea gua Goãmú yarã masa waboro dopa. “Jesucristo yu Opú áhrimi,” erã aríboro dopa buhea gua. Erã yure ðaro itamunirã áhrima. ¹² Epafra múa mera árídigu muare ðadoremi. Ígu Jesucristo dorerire ðaro iigu áhrimi. Goãmure serégú, turaro múa ya áríburire serébasaniguicãmi ígu. Goãmure ðaro guñaturaniguimorãre, ígu gamero dopa iimorã múa áríboro dopa eropa Goãmure serébasaniguicãmi ígu. ¹³ Ígu múa ya áríburire turaro serébasami. Laodicea majarã ya áríburire, Hierapoli majarã ya áríburi sãre ígu turaro serébasami. Ígu eropa iigu árícú íagu muare weregu íaa. ¹⁴ Duhturu Luca waícugu mari mahígu muare ðadoremi. Demã sã ðadoremi.

¹⁵ Óaporo mari acawererã Laodicea majarã. Ninfa sã ðaporo. Jesu yarã igo pohro gamenererã sã ðaporo. ¹⁶ Ipüre yu gojabeorapüre buhetuha Laodicea majarã sãre obeoque. Eropirã erãre Laodicea majarãre yu gojabeorapüre múa sã buheque. ¹⁷ Eropirã ópa aríque Arquipore: “Mari Opú Jesu yagu mu árícú ígu mohmerire apidi árími mure. Ígu eropa apicú iri mohmerire ðaro mohme ojogorocque muhú,” aríque ígure.

¹⁸ Yuhú Pablo, yu mojoto mera ire gojaa. Muare ðadoreã yuhú. Peresugue yu árírire guña serébasaque Goãmure. Óaro aríque múa. Goãmú ígu mahiri mera muare ðadoreã. Iripéta áhraa.

1 Tesalonicenses

Pablo gojañumi Jesu yaräre Tesalónica majaräre

¹ Yu Pablo, Silvano, Timoteo mera ipüre muare gojabeoa. Muapu Tesalónica majarä mari Pagu Goämu yarä árirä mari Opu Jesucristo yarä sä ähraa mua. Eropigu Goämu mari Pagu, Jesucristo mari Opu mera muare ðadoreo. İgu itamuri mera ðaro árique.

Jesu yarä Tesalónica majaräpu Jesure erä ðaro umupeorare wereñumi Pablo

² Goämu sererä mua áripehreräre guñaa mucubiriri mera. Mua Jesure umupeorire guñarä “Öatariari ähraa,” arı serëñiguicäa gua Goämu. ³ Mua Jesucristore “Diaye iigu ährimi,” arı umupeoniguicä waicua. Eropu umupeoniguicärä Jesucristo ya áriburire ðaro iirä waicua. Jesucristore, gajirä säre mua ðaro mahi umupeorä waicua. Eropu mahirä Jesucristo ya áriburire burigä iirä waicua mua. Eropirä Jesucristo İgu itamuri corerä waicua mua. İgure eropa corerä İgu yare iirä duhubirä waicua. Eropu iirä mua Goämu mari Pagu İacü ðaro iiaa. Goämu gua sererä irire mua eropa ðaro ii waicurare guñaniguicäa. ⁴ Gua acawererä, öpa peeque. Muare Goämu mahimi. Eropigu muare İgu yarä árimoräre beyepu. Irire masia gua. ⁵ Gua sohö árrasubu mua mera árirä öari buherire muare gua wererä gua pepiri mera werebirabu. Espiritu Santo İgu doreri mera İgu yare wereabu gua muare. Eropu werecü iri buheri diaye ta áririre ðaro masiabu mua.

⁶ Eropu masirä mua iri öari buherire ðaro pee ñeabu mua mucubiriri mera. Eropirä mua eropa peecü İha gajirä gamebirä muare ñero iima. Erä muare ñero iiquerecü ta mua Espiritu Santo itamuri mera ðaro mucubirirabu. Eropirä gua mua watope árirä gua ðaro árricurire masiabu mua. Eropirä mua gua diaye maja iirare İarä guare İhacübu. Eropirä Jesu mari Opu İgu iidiro dopa ta iiaabu mua. ⁷ Mua eropicü pee Jesu yarä Macedonia yeba majarä, Acaya yeba majarä sä mua eropa ðaro iirare peeañorä. Eropu peerä eräpu mua iidiro dopa ta iiañorä erä sä. ⁸ Eropirä muaguere Jesucristo mari Opu yare peesüyoro. Goämu mua umupeorare Macedonia majarä Acaya majarä sä peeañorä. Erä dihta peebirañorä. Áripehrero majarä mua umupeorare peeañorä. Eropirä gua mua umupeorare gajirä masituhajacü İha werebirica eräre guapu. Eräpu guare werema. ⁹ Öpa arıma guare mua iirare wererä. “Tesalónica majarä muare ðaro bocatirñorä mua erogue ejacü. Erä Jesucristo yare pee erä goamarä wëaniräre umupeonirä árirä gohrotoañorä. Gohrotorä Goämu gohra ojocarigure diaye iigure umupeonugañorä. Eropirä dohpague Goämu yare iirä iiañorä. ¹⁰ Eropirä Goämu magu Jesucristo İgu umasıgure ariburirñe ðaro corerä ährañorä,” arı werema guare. Jesure siridigure Goämu masupu. Eropigu Jesupu marire ñetariaro dipuwajacuboniräre taudigü ährimi.

2

Pablo Tesalónicaque İgu buherare wereñumi

¹ Mua pohro gua árirä eropa áricärä iibirabu. Muare ðaro itamurä árimurabu gua. Irire ðaro masia mua, gua acawererä. ² Ero core Filipo maca gua árirä ñero tarıbu. Guare ñero erä iirare masia mua. Guare erä eropa ñero iiquerecü ta Goämu itamuri mera güiro mariro Goämu yare öari buherire wereniguirä gua ejabu mua pohroguere. Mua árrıo säre guare masa bajarä erä İhaturiguerecü öari buherire buheabu gua muare. ³ Eropirä mua pohro árirä muare gua werera ðaro diaye majare buheabu gua muare. Eropu wererä muare ñero iidiarä áribirimurabu gua. Muare guyadiarä buhebirimurabu gua muare. ⁴ Goämu gamero dopa ta buhea gua. Öari buherire buhemoräre Goämu beyemi guare. Eropu beyegu İgu ya buherire guare weredoremi. Eropirä masa guare erä İhasuaburire buherä iibeaa gua. Goämupu guare İgu İhasuaburire İgu yare buhea gua. Goämu mari pepirire dohpa mari iidiarire ðaro masimi. ⁵ Eropirä gua muare öari buherire wererä gajinore amarä ejabirimurabu. Eropirä werenigui guyarä iibirimurabu gua muare. Eropirä gua buherä muare niyerure aımorä iibirimurabu. Irire gua mua pohro eropa ðaro iirare mua masia. Goämu sä irire masimi. ⁶ Gua eropa buherä mua guare umupeoburire dorebirimurabu. Gajirä säre eropa ne dorebirimurabu. ⁷ Gua Cristo İgu apinirä árirä muare doremasiboaya. Ne eropa dorebirabu gua. Gua dorebirä majiräre nijisoro dopa ta muare ðaro iimurabu mahiri mera. ⁸ Eropirä muare ðaro gamerä Goämu yare öari buherire weremurabu gua muare. Gua basi ta áripehrero gua iimasiburire muare itamururabu. Gua mahirä

mua áricũ eropa itamuabu muare. ⁹ Eropirã muare mahirã burigã itamumurabu. Irire guñaã mua, gua acawererã. Goãmu yare ðari buherire wererã árirã, mua oparire serẽ garibobirimurabu muare. Eropirã gua basi mohmemurabu gua baburire wajatamorã. Eropirã umare, ñamigue sãre mohmemurabu gua.

¹⁰ Eropirã ðaro Goãmu gamero iirã ñeri dipuwaja mariro diaye ta iimurabu muare Jesu yarãre. Eropirã gua mua mera eropa queoro árirare masia mua. Goãmu sã irire masimi. ¹¹ Eropirã erã pagu igu porãre igu ðaro were igu mucubiricũ iidiro dopa ta gua mua sãre árípeherrerã wererã mucubiricũ iibu muare. Irire masia mua. ¹² Goãmu muare igu opu áríroque igu ðatariaro áríroque mua árimorãre beyedigu árimi. Eropirã mua igu yarã árirã igu áríro dopa ta ðaro iniguiçãro gahmea, arimurabu.

¹³ Eropirã Goãmu yare muare gua wererare mua peerã ðpa pepibu mua: “Masa erã pepiri mera iri buheri áribëaa. Goãmu ya buheri ta áhrra,” arí pepibu mua. Irire mua eropa pepicũ masirã mucubiria gua. Eropirã Goãmure sererã, “Óhaa,” arãa gua ígure. Eropa ta áhrra. Muare gua buheri, Goãmu werenigui ri diaye ta áríri áhrra. Eropigu mua Goãmu yare ta peecũ igu ya buheri mera ðaripure gohrotocũ iimi muare. ¹⁴ Eropirã Jesucristo yarã mua áricũ íarã i yeba majarã Jesure gamebirãpu ñero iiañorã muare. Mua eropa wadiro dopa ta Judea yeba majarã sãre wayoro. Eroque sãre Jesucristore umupeorãre erã ya yeba majarã sã ñero iiañorã. Judio masa Jesure gamebirã erãre ñero taricũ iiañorã. ¹⁵⁻¹⁶ Mata judio masapu iribojegue majarã Goãmu ya weremñtanirãre wejẽmurinirã árima. Eropirã mari Opu Jesucristo sãre wejẽñorã erã. Eropirã erã Jesucristo yare gamebirã gua sãre ñero ii cohãma guare erã ya yebare. Eropirã erã judio masa áribirãre erã dederebirborore gua erãre Goãmu yare werecũ guare judio masa cãhmotamurima. Goãmu yare weredorebirima guare. Erã Jesu yarãre íhaturi árimurima. Erã eropiirare Goãmu gamebirigohracãmi. Eropiro erã judio masa ñero iira dipuwaja wuaro árituhaya. Erãre Goãmu burigã dipuwaja moagucumi.

Pablo Tesalónica majarã pohroque dipaturi curigu wadiaripu

¹⁷ Gua acawererã, mua mera dohpaguere áribiriquererã ta muare guñarã iiaa. Eropirã muare burigã íadiarã mua pohroque wadiarabu gua. ¹⁸⁻¹⁹ Bajasuburi yuhu muare íagu wadiarabu. Watipu gua wabodirore goroweoami. Eropirã gua wabiricaru. Guare mucubiricũ iirã mua áricũ muare íadiarabu. Mari Opu Jesucristo i yebague dujaricũ turaro mucubirirãca mua mera. Eropirã mucubirirã mua mera Jesu core niguirãca. ²⁰ Eropa ta áhrra. Muare íagu Jesupu “Óaro buhenirã áhrra mua,” arigucumi guare. Eropirã ðaro mucubirirãca gua.

3

¹⁻² Eropii muare yoari boje gua íabirã muare burigã peediarã irire guñarã Timoteore mua pohroque obeoabu. Igu mari acaweregu Jesu yagu Goãmu pohro majagu gua mera ðari buherire buhegu áhrimi. Eropirã ígure obeoabu Jesucristore mua ðaro umupeburire mua mucubiriburi sãre. Ígure obeorã gua seyaro Atena maca dujabu. ³ Mua Jesucristore umupeora waja gajirã muare ñero iiañorã. Eropirã mua Jesu yare mua cóabiriboro dopa itamubure obeoabu Timoteore mua pohroque. Mari Jesu yarã árirãre eropa ta gajirã marire ñero taricũ iirãcoma. Irire masia mua. ⁴ Mua mera ero coreguere árirã ðpa arí weretuhajabu muare: “Mari Jesucristore umupeora waja gajirã marire ñero iirãcoma,” arí weretuhajabu muare. Eropirã gua werediro dopa ta erã ñero iima muare. Irire mua ðaro masia. ⁵ Eropigu muare mahitariagu muare yoari boje íabigu muare burigã peediabu yuhu. Eropigu Timoteore obeoabu yuhu mua Jesure umupeorire masibu. “Wati muare ñero iidoreri,” arigu, “Muare gua buherare muague duhuri,” arigu ígure obeoabu yuhu.

⁶ Eropigu dohpaguere Timoteo mua pohroque áridi gua pohroque dujarami. Eropa dujaragu ðari querere guare wereami igu. Jesure mua ðaro umupeorare mua gajirã mera ðaro mahira sãre igu wereami guare. Eroparigu guare mua ðaro guñara sãre wereami. “Erã sã muare burigã íadiama,” arí wereami igu guare. Igu eropa arí werecũ peerã mucubiria. ⁷ Eropirã gua dohpaguere ñero tarirã áríquererã mua Jesure ðaro umupeocũ peerã gua mucubiria. ⁸ Jesure mua ðaro umupeorare pee igu yare mua cóabirirare peerã ðaro pepia gua. ⁹ Eropa pepirã Goãmu íaro gua burigã mucubiria. Eropa mucubirirã Goãmure serã, “Óhaa,” arirã. ¹⁰ Eropirã gua basi muare íaburire Goãmure serẽniguiã. Umuri ñamiri sãre serẽniguiãca. Muare íadiarã Jesucristo yare mua ðaro masipehocũ itamudiaca ígure mua ðaro umupeonemoboro dopa.

¹¹ Goãmũ mari Pagu ĩgu basi mari Opũ Jesu mera guare itamuporo mũa pohrogue gũa waburire. ¹² Eropigu mari Opũ Jesu árĩpehrerã mũa mera majarãre árĩpehrerã gajirã sãre mahinemoburire iiporo mũare. Gũa mũare mahi umupeodiro dopa ta mũa sã burigã mahinemocũ iiporo mũare. ¹³ Mũare ĩgu ðaro itamuri mera mũa dipuwaja marirã ñeri marirã árĩrãca Goãmũ mari Pagu ĩacũ. Eropa ta árĩrãca mũa mari Opũ Jesu dujaricũ árĩpehrerã ĩgu yarã ðarã mera i yebague.

4

Goãmũre mucubiricũ iidiarã ðpa iique, arĩ were gojañumi Pablo

¹⁻² Dohpaguere Jesu mari Opũ ĩgu dorero mera mũare ðpa werea: "Goãmũre mucubiricũ iidiarã ðpa iique," arĩ buheabu gũa mũare. Gũa eropa buhera puhũ gũa buhediro dopa ta iayoro mũa. Iri buherire ðaro masia mũa. Eropirã mũa Goãmũ yare ðaro iirã ãhraa. Eropirã mũa eropa iidiro dopa ta duhubirã ta. Mũraro ta iinemoque daja. Irire burigã werea mũare.

³ Irire mũare werenemogũra. Mũa ðpa árĩcũ gahmemi Goãmũ. Ñerire iibirã Goãmũ yare iirã árĩque. Eropirã nome mera ñero iiro mariro árĩque mũa ũa. Mũa nome sã ũa mera ñero iiro mariro árĩque. ⁴ Ñero iibiraro mariro umupeori mera mũa marasã nomere opaque. Mũa irire masicũ gahmemi Goãmũ. ⁵ Goãmũre gamebirã Goãmũre masibirã ñerire ũaribejarã nomere erã gamero dopa ta iibiricãque mũa. ⁶ ðpa ta mũa iibiricũ gahmemi Goãmũ: Ne yujugu mũa acaweregũ marapore yajabiricãporo. Eropa yajagu ĩgu acaweregure umupeobigu iimi ĩgu. Eropigu eropa ĩgure mari Opũ iri ñerire ĩgu ya dipuwaja moabu árĩgu tiimi. Eropirã mũare gũisãrã irire wereabu mũare. ⁷ Ñerire pepimorãre, ñerire iimorãre beyebirimi marire Goãmũ. Ñerire iibirimorãre ðarire iimorãre beyemi Goãmũ marire. ⁸ Eropigu ðarire mari iimorã árĩcũ ĩgu Espĩritu Santo odogu árĩmi marire. Eropirã iri ñerire iibiricãro gahmea. Eropigu yujugu i gũa wererare yũhribigu Goãmũ yapũ sãre yũhribigu ãhrimi.

⁹⁻¹⁰ Mũa acawererãre, Jesu yarãre mũa game mahiburire Goãmũ mũare buhetuhajami. ĩgu eropa buhecũ mũa diaye ta Jesu yarãre Macedonia majarã sãre árĩpehrerãre ðaro mahi umupeo waĩcua. Mũa eropa mahicũ peegu "Mũa acawererãre mahique," arĩ buhebea daja mũare. Eropigu ðpa dorea daja yũhũ. Mũa gajirãre mahiro dopa ta erãre mahinemoque. ¹¹ Eropirã mũa basi game ĩhaturiro mariro árĩque. Gajirãre gajiropa arĩ wereniguibiricãque. Eropa ĩacãque erãre. Eropirã mũa ya mohmeripũre ðaro mohmeque. Ero coregue ta mũare eropa iidoreabu. ¹² Mũa eropa mohmerã gajirãre barire amasome. Eropirã erã mũare ðaro wereniguirãcoma.

I yebaguere Jesucristo ĩgu dujariborore werepũ Pablo

¹³ Jesure gamebirã Jesu pohroguere wasome. Eropirã erã mera majarã erã siricũ ĩarã burigã bujawerema. Sirinirã mũa erã waborore diaye ta ðaro mũa masicũ gahmea gũa. Gajirã erã bujaweridiro dopa mũa bujawerebiriboro dopa mũare masicũ iidiaa. ¹⁴ Jesu ĩgu sirira puhũ masa mariadigu árĩmi. "Iri diaye ta ãhraa," arãa mari. Eropa arĩrã árĩrã i sãre "Diaye ta ãhraa," arãa mari. Goãmũpũ ĩgu yarã sirinirã mũrare erã masa mariacũ Jesu mera aricũ ĩugucumi. Iri sãre "Diaye ta ãhraa," arãa mari.

¹⁵ Mari Opũ ĩgu buhediro dopa ta ire werea. Jesucristo ĩgu dujaricũ ĩgu yarã ojocarirã sirinirã core masa mariamuhtasome. Sirinirã mũrapũ ojocarirã core masa mariamuhtarãcoma. ¹⁶ ðpa árĩroca Jesu ĩgu dujaricũ: Mari Opũ ĩgu basi dijarigucumi ũasigue árĩdigũ. Dijarigu basuro mera werenigui, doregucumi. ĩgu dorecũ ĩgu anyua opu burigã piyugucumi. Eropa ĩgu piyucũ Goãmũ ya corneta busumũriroca. Erã eropiicũ Cristore umupeonirã sirinirã mũare masamũria muhtarãcoma. ¹⁷ Erã puhũ mari ojocarirãre sirinirã masanirã mera Goãmũ aĩ mariagucumi. ĩgu eropa iicũ mari Opũ Jesure bocatĩrirãca mari. Eropirã mari Opũ Jesu mera árĩniguicãrãca. ¹⁸ Eropirã i yũ wererare mũa mera majarãre wereque. Eropa arĩ wererã mucubirãca mũa árĩpehrerã. Mari Opũ Goãmũ ĩgu wereri ta ãhraa i.

5

¹ Jesu ĩgu dujariburinũre "Inũri árĩcũ ĩgu dujarigucumi," arĩ mũare were gojabeosome. ² ĩgu dujaririnũre marire masima masiya mara. Yajari masũ ñamigue guñaña mariro ĩgu yajagu ariro dopa ta i yebaguere mari Opũ guñaña mariro dujarigucumi. Iri sãre masia mũa. ³ Eropirã masapũ "Dohpaguere mari ðaro árĩcãa. Gũhyari mara marire," erã eropa arĩ pepirisubu mata ñero waroca erãre. Ero eropa wacũ ne nohogue gohra duhri wiria masisome. Dederea warãcoma. Niji wahũgo guñaña mariro ĩgo pũriro pepiro dopa guñaña mariro eropa waroca masare Jesu ĩgu dujaricũ. ⁴ Yũ

acawererā, muapure eropa wasome. Yajari masu wihi opure iḡu ucudiro dopa ta muapure eropa wasome. Jesu arigu muare ucusome. Naitiarore erā iha masibiro dopa gajirā Jesure ne masibeama. Muapu erā iro dopa áríbeaa. ⁵ Mua árípehrerā Jesu yarā áhraa. Eropirā boyorore erā iha masiro dopa ta Jesu iḡu ariborore masia mua. Gajirā iḡure masibirā iro dopa áríbeaa mua. Eropirā ucasome iḡu dujaricā. ⁶ Eropirā carirā iro dopa áríbiricāro gahmea. Ōaro pee masirā áhri Goām̄u yare ōaro pepiro gahmea. Eropirā Jesucristo dujariborore ōaro corero gahmea. ⁷ Namire carirā dopa áríbiricāro gahmea. Namire mererā dopa áríbiricāro gahmea. ⁸ Umure árīro dopa ōaro pee masi árīro gahmea. Eropirā marire watí ñero iidoreburire iibiricāro gahmea. Surara gamewejēḡu wagu come suhriro saña, come sãpea peya iḡu cãhmotaboro dopa mari sãre watí ñero goroweoborore cãhmtaro gahmea. Ōpa iiro gahmea watire cãhmotabure: Jesucristore “Diaye iḡu áhrimi,” arí umupeoniguicāro gahmea. Goãmure masa sãre mahiniguicāro gahmea. Eropirā Jesu mera mari Goãm̄u pohro mari áríburire masi corero gahmea. Mari eropirā ñero iibiriburire cãhmtarā árírāca. ⁹ Iḡu dipuwaja moamorāre marire beyebirip̄u Goãm̄u. Jesucristo mari Op̄u marire dipuwaja marimorāre, peameḡue wabonirāre iḡu taumorāre beyep̄u marire. ¹⁰ Iḡu Jesu mari ya áríburire ta sribasadigu árīmi iḡu mera mari áríburire. Eropirā iḡu dujaricū ojocarirā árírā sīrinirā sã yujuropa ta iḡu mera árírāca mari iḡu yarā árírā. ¹¹ Eropirā mua mera majarāre dohpague mua mucubiricū iidiro dopa ta mua basi mua mucubiricū iique daja. Eropirā mua basi ta Goãm̄ure umupeonemocū iique mua mera majarāre Goãm̄u yare wererā.

Jesu yarāre Pablo weretuñumi

¹² Jesucristo yare buherā mua ōaro iiburire wererā áhrima mua pohro. Erāre mari Op̄u Jesucristo buhedoreḡu beyeñumi. Erā iḡu beyenirā árícū ōaro umupeoque erāre. Mua erāre eropa umupeocū gameḡu burigā dorea muare. ¹³ Erā mohmerie erā iicū erāre mahiri mera ōaro umupeoque. Eropirā gamequeāro mariro árírā gahmea.

¹⁴ Gua acawererāre, muare, ōpa burigā werea daja. Mohmediarāre mohmedoreque mua. Duhudiarāre “Goãm̄u itamuri mera duhubiricāque,” aríque erāre. Jesure merogā umupeorā sãre itamuque. Erā mata pee masibiricū iha guabiricāque erā mera.

¹⁵ Yujuḡu muare iḡu ñero iiquerecū muapu dipaturi iḡure ñero ii gamebiricāque. Mua mera majarāre árípehrerā gajirā sãre ōaro mera umupeoque.

¹⁶ Eropirā umuri n̄acu Goãm̄u mera eropa mucubiriniguicāro gahmea muare. ¹⁷ Eropirā Goãm̄ure eropa serēniguicāro gahmea. ¹⁸ Mua ōaro tarirā, mua ñero tariquererā Goãm̄ure “Ōhaa,” arīro gahmea. Goãm̄ure “Ōhaa,” arírā, Goãm̄u iḡu gamediro dopa ta iirāca mua Jesucristo yarā árírā.

¹⁹ Eropirā Espiritu Santo muare iḡu wererire yuhribirā áríbiricāque. ²⁰ Espiritu Santo iḡu masiri mera gajirā muare buheama. Erā eropa buhecū erā buherire gamebirā áríbiricāque. ²¹ Eropirā gajirā muare gajiropa erā arí buhecū iri Goãm̄u ya áríbiricū masique mua. Eropirā Goãm̄u ya buheri iri árícū sãre masique mua. Eropirā ōari dihtare gameque. ²² Eropirā iri ñerire árípehreri ñerire gamebiricāro gahmea.

²³ Eropigu Goãm̄u marire ōaro iirā árícū iigu áhrimi. Iḡu iḡu basi muare iḡu yarāre mua ōarā ñeri marirā árícū iinemoporō muare. Mua dup̄u sãre mua siporā sãre ōaro ihadibuporo muare. Mari Op̄u Jesucristo i yebaguere iḡu dujariboro core Goãm̄u muare ōaro ihadibuporo mua ñerire iibiriboro dopa. Iḡu eropa iicū Jesucristo dujaricū ñeri marirā árírāca mua. ²⁴ Eropa ta iigucumi Goãm̄u. Iḡu muare beyedigu iḡu arídiro dopa ta iimi.

Pablo erāre ōadorebeoñumi

²⁵ Gua ya ōaro áríburire Goãm̄ure serēbasaque mua sã, gua acawererā.

²⁶ Jesu yarāre bocatírírā árípehrerāre mahiri mera mojoto ñeaque mua.

²⁷ Jesu mari Op̄u iḡu doreri mera muare werea yuh̄u. Árípehrerā Jesu yarā gamenererāre ip̄ure buheque mua.

²⁸ Jesucristo mari Op̄u iḡu mahiri mera muare burigā ōadorea. Eropa ta áríniguicāporo. Irip̄eta áhraa.

2 Tesalonicenses

Pablo iġu mera majarā mera gojabeoñumi daja Jesu yarā Tesalónica majarāre

¹ Yuhū Pablo, Silvano mera, Timoteo mera ipüre muare gojabeoġu iiaa. Maa Tesalónica majarā mari Paġu yarā āhraa. Mari Opū Jesucristo yarā āhraa maa. ² Eropiġu mari Paġu Goāmu, Jesucristo mari Opū mera muare ðadorea. Iġu itamuri mera ðaro árīque maa.

I yebaguere Jesucristo dujarigū dipuwaja moaġucumi, arī gojañumi Pablo

³ Maa Jesucristore “Diaye ta iigu āhrimi,” arī umupeorā umupeonemorā árī waicuaabu. Eropirā maa gajirāre mahi umupeorā turaro mahi waicuaabu. Maa eropa árīcū pee Goāmure ðaro mera serēro gahmea guare. “Muhū erā mera ðaro iiaa,” arīro gahmea Goāmure. ⁴ Maa Jesure umupeora waja gajirā muare erā ñero iiquerecū maa ñero tariquererā Jesure umupeonigui waicuaabu. Iġure umupeorā duhubirā waicuaabu. Maa eropa iicū pee mucubiriri mera werea gua gajirāre Goāmu yarāre. ⁵ Eropirā maa Jesure umupeora waja gajirā mera ñero tariquererā Goāmure umupeoniguicā waicuaabu. Goāmuru diaye iigu āhrimi. Eropiġu iġu maa iġure eropa umupeocū iha iġu Opū árīroguere wadoreġucumi muare.

⁶ Iġu Goāmu diaye iigu árīġu gajirāpüre muare ñero iinirāpüre erāpüre ñero taricū iġucumi Goāmu. ⁷ Eropiġu mari ñero tarinirāre marire soocū iġucumi mari Opū Jesu dujarigū. Iġu dujarigū anyua turarā mera peame ýjuro iro dopa dehyoagū arigucumi amarogue. ⁸ Eropa arigū Goāmure masibirāre erā ya dipuwaja moaġucumi. Mari Opū Jesucristo iġu ðari buherire tarinūganirāre dipuwaja moaġucumi erāre. ⁹ Eropirā erā erā ya dipuwaja dedererācoma. Peameġe ñero tariniguirācoma. Eropirā erā mari Opū Jesu iġu dorerogue iġu ðari árīroque ne wamasisome. Eropa ta waroca irinure Jesucristo iġu dujaricū. ¹⁰ Irinū ta iġu aricū iġu yarā ihamariarā “Diaye ta turagu, ðagu āhrimi,” arī wereniguirācoma. Eropirā iġure ðaro peenirā iġure iarā umupeorācoma ðaro iġure. Muapu Jesu yare gua buherare ðaro peeabu. Eropirā maa sā iġu mera árīrāca.

¹¹ Eropirā Goāmure serēniguica gua maa ya árīburire. Őpa arī Goāmure serēbasaa iġure muare itamudorerā. “Erā mu beyenirā mu árīro dopa ta erā árīcū iique,” arī serēbasaa. “Goāmu, mu doreri mera erā ðaro iidiarire erā iicū itamuque. Erā mure umupeorā mu gamerire erā iicū iique,” gua arī serēbasaa Goāmure. ¹² Maa eropa Goāmu gamerire iicū iha gajirā sā umupeorācoma mari Opū Jesucristore. Eropiġu Jesucristopu muare ðaro iagucumi. Eropiġu Goāmu marire mahiġu gua arī serēbasaro dopa ta iġucumi mari Opū Jesucristo mera.

2

Ñeri mera masare weresāġu dehyoagucumi, arī gojañumi Pablo

¹ Dohpague mari Opū Jesucristo i yebaguere iġu dujariborore werenemodiaca yuhū muare. Iġure mari gamenere bocatīriburire werediaca. Eropiġu ðpa arī burigā werea muare, gua acawerāre. ² Gajirā muare ðpa arībocoma: “Mari Opū iġu dujariburinū, pehrerinū árīroque iiaa,” arībocoma muare. Erā eroparīcū peerā pee acabiricāque. Eropirā peerā peewisibiricāque. “Goāmu yare eropa ta arīdi árīmi,” arībocumi muare gajigū. Gajigū sā muare buheġu eropa ta arībocumi. Gajigū sā eropa ta arī gojabeobocumi, “Yuhū Pablo ta āhraa,” arī guya gojabeoġu. Irire muare wereġe masibeaa yuhū. ³ Eropirā gajirā muare guyacū ne peebiricāque. Irinū Jesucristo dujariburinū árīboro core ðpa waroca. Bajarā masa Goāmure cóarācoma. Eropiġu ñeri mera masare weresāġu dehyoamūhtagucumi. Iġu dederebu árīġu āhrimi. ⁴ Iġu Goāmure umupeorire, goāmarā säre umupeorire gamebigucumi. Iġu dihtare umupeodoreġu “Árīpehreri weca opu āhraa yuhū,” arīġucumi iġu. Eropiġu iġu Goāmu ya wihi doagu, “Yuhū ta Goāmu āhraa,” arīġucumi iġu masare iġure umupeodoreġu.

⁵ Yuhū maa mera árīrasubure irire ta werebu. ¿Irire ġuñari maa? ⁶ Dohpaguere iġure ñeri mera masare weresāġure árīdorebeamī dohpa. Iġure árīdorebigure masica maa. Queorinū árīcū iġu ñeri mera masare weresāġu dehyoagucumi. ⁷ Dohpaguere iarō mariro iġu ñerire mohmenūgatuhajacumi. Iġu ñeri iidiarire árīpehrerire iimasibeami dohpa. Iġure árīdorebigū iġu wara puhru árīpehrerire ñerire iigu iġu ñeri mera masare weresāġu dehyoagucumi. ⁸ Eropiira puhru mari Opū Jesucristo iġu wereniguiri

mera ìgure wejêcâgucumi. Eropigu Jesupu dujarigu Ìgu dehyoari mera ìgure wejê dedeocâgucumi ìgure. ⁹ Ìgu ñeri mera masare weresâgupu watî dorero mera arigu baja deyoro moaro dopa ářĩrire ii guyagucumi masare. ¹⁰ Ìgu eropa ářĩpehrerire ii guyacâ peamegue wamorâpu ìgure peerâcoma. Erâ diaye ářĩrire gamebirâ áhřima. Erâ eropa gamebircâ Goâmũ erâre dederemorâre tausome. ¹¹ Eropigu diaye ářĩrire gamebirâre Goâmũ erâre guyaripure peecâ ìgucumi. ¹² Goâmũ ářĩpehreri diaye ářĩrire peediabirinirâre, ñerire iidianirâre erâ ya dipuwaja moagucumi.

Goâmũ mũapure beyeñumi ìgu taumorâre, arĩ gojañumi Pablo

¹³ Acawererâ, mari Opũ mahirâ, matague ta Goâmũ mũapure dederebonirâre Ìgu taumorâre beyepũ mũare. Mũa Espĩritu Santo itamuri mera ñeri mariro mũa ářĩmorâ sâre beyepũ. Mũa ìgu yare peemorâ ářĩmorâre beyepũ. Eropirâ ìgu mũare beyerare guñarâ Goâmũre serêrâ “Ôhaa,” arĩniguicâro gahmea guare. ¹⁴ Eropigu iri ôari buherire gũa buhera mera Goâmũ mũare ìgu yarâ ářĩcũ iimi mari Opũ Jesucristo ìgu ôari oparire mũa sã opaboro dopa.

¹⁵ Eropirâ ôaro guñaturarâ ářĩque mũa. Eropirâ gũa wereniguiiri mera gũa gojabeo-rapũri mera iri buherire ôaro guñaque mũa. Eropirâ iri buherire tarinugabircâque.

¹⁶ Mari Opũ Jesucristo ìgu basi Goâmũ mari Pagũ mera marire mahigu, mũuri mũcu marire mucubircâ iimi. Marire mahigu peamegue wabonirâre taugucumi marire. Eropirâ Goâmũ ìgu tauborore ôaro masi mucubiria mari. ¹⁷ Eropigu Jesucristo mari Pagũ mera mũare siporâ turaniguicâ iiporo. Eropigu mũa ìgu yare duhubircâ iiporo. Ářĩpehreri ôari iirire ôari wereniguiiri sâre mũare iicâ iiporo.

3

Gũa ya ářĩburire Goâmũre serêbasaque, arĩ gojañumi Pablo

¹ Acawererâ, dohpague gũa ya ářĩburire Goâmũre serêbasaque. Mari Opũ buheri cãhmotaro mariro bajarâ masare buheburire serêbasaque. Eropirâ ìgu buherire mũa ôaro gamediro dopa ta gajirâ bajarâpu iri buherire umupeori mera erâ gameboro dopa serêbasaque mũa Goâmũre. ² Gajirâ Jesure umupeobeama. Eropirâ erâ Jesure umupeobirâ ñerâ masa guare erâ ñero iidiarire Goâmũre serêbasaque guare ìgu itamuboro dopa. ³ Mari Opũ ôagũ ìgu werediro dopa ta iimurimi ìgu. Eropigu mũare ìgure umupeocâ ìgucumi. Eropigu mũa ñero iibiriburire ìgu mũare cãhmotagucumi. ⁴ Ìgu mũare ìgu eropa cãhmotarare masia gũa. Eropirâ mũare gũa dorediro dopa ta iiaa mũa. Eropirâ irire iirâca daja muraro ta. Iri sâre masia gũa. ⁵ Eropigu mari Opũ Goâmũ ìgu mũare mahirire mũare masicũ iiporo. Eropigu Cristo ñero taririsubu ìgu siporâ turadiro dopa ta mũa sâre siporâ turaniguicâ iiporo mari Opũ.

Marire turaro mohmero gahmea, arĩ gojañumi Pablo

⁶ Jesucristo mari Opũ ìgu dorero mera ôpa dorea mũare: Mũa Jesu yarâ mera majarâ mohmediabirâre gũa dorerire iibirâre wapicubircâro gahmea. Eropa ñacâque erâre. ⁷ Sohõ ářĩrasubu mũa mera gũa ářĩrasubure gũa turaro mohmecũ ñabu mũa. Eropirâ gũa iidiro dopa ta mũa sâre mohmero gahmea. Mũa basi irire ôaro masia. ⁸ Eropirâ mũa barire waja mariro ne babirabu. Eropirâ mũuri mũcu, ñamiri sâre burigâ mohmemurabu gũa mũare barire serêri arĩrâ. ⁹ Gũa mũare buhera waja mũare wajayedoreboaya gũa. Wajayedorebirâ gũa basi burigâ mohmeabu mũa guare ñacũburire. ¹⁰ Mũa mera ářĩrasubu ôpa arĩ buheabu mũare: “Mohmebigũ babircâporo,” arĩ buhemurabu gũa mũare. ¹¹ Yujurâyeri mũa mera majarâ ne mohmebirañorâ. Eropirâ gajirâre serêrâ garibotariañorâ erâ. ¹² Eropirâ mohmediabirâre mari Opũ Jesucristo dorero mera ôpa arâa: “Erâ yare ñha erâ basi mohmeporo erâ baburire,” arâa yũhũ.

¹³ Gũa acawererâ, mũapũ ôarire iiniguirâ gariborebircâque. ¹⁴ Eropirâ ero majarâ yujugũ ire gũa gojabeo dorerare tarinugacũ ñha masi ìgure wapicubircâque. Ìgu ñero iira mera ìgu gũhyasiuro pepiboro dopa ìgure wapicubircâque. ¹⁵ Ìgure wapicubiriquererâ ìgure ñaturibircâro gahmea. Ìgu mũa acaweregu Jesu yagũ ta áhřimi. Eropirâ ìgu tarinugagure ôaro wereque ìgure ìgu dipaturi irire iibirimaja ôaro dopa.

Pablo gojatuñumi

¹⁶ Mari Opũ marire ôaro ářĩcũ ìgu mera mũuri mũcu ôaro ářĩque mũa. Eropigu “Mari Opũ mũa ářĩpehrerâ mera ářĩporo,” arĩgũ mũare ôadorea.

¹⁷ Dohpaguere yũ basi ta gojatugũ iiaa. Eropigu mũare ôadorea. Ářĩpehreri pũrire yũ gojabeori pũrire ôpa ta arĩ gojatuhaa yũhũ. Eropa gojatura puhũ yũ basi iripũre

arĩ gojagu áricã masirãca maa. ¹⁸ Mari Opu Jesucristo İgu mahiri mera bariğã õadorea maaare áĩpehrerãre. Eropa ta áĩniguiçãporo. Iripẽta ãhraa.

1 Timoteo

Pablo Timoteore gojabeopu

¹ Yuhu Pablo mure Timoteore ire gojabeogu iiaa. Goamu marire peamegue wabonirare taudigu ahrimi. Jesucristo yare buhedoregu igu apidigu ahraa yuhu. Mari Pagu Jesu mera igu dorediro dopa igu apidigu ahraa. Jesu ta marire itamumi. Eropira marire igu tauborore masira irire mucubiri cohrea mari. ² Yuhu mure Jesucristo yare buhecū peegu Jesure umupeonugabu. Eropigu muhu diaye ta yu magu iro dopa arigu ta ahraa. Eropigu Goamu mari Pagu mera, mari Opu Jesucristo mera badorea mure. Eropigu igu itamuri mera oaro arique mahu.

Pablo guya buherire buhedorebiripu

³ Sohō arirasubure Macedonia yebague wagu mure Efeso macague api tari wahgabu. Ero yujurayeri gaji buherire guya buherā arima. Iri buherire buhedorebiribure apibu yuhu mure. ⁴ Erā guyarā erā gamero buhemaacāma. Erā acawererā iribojegue majarā erā arī bocarare eropa buheniguicāma. Iri buheri mera gajirāre dūyasocū iima. Eropirā Goamu igu dorerare gajirāre iicū iibeama erā eropa buherā. “Goamu yare itamugacumi,” arī umupeorā igu dorerare iima. Eropigu erā gamero buhedorebiribure apibu yuhu mure.

⁵ Goamu opa gahmeme. Neri dipuwaja mariri mera, oari guñari mera, diaye Jesucristore umupeori mera, gajirāre mari mahi umupeoburire gahmeme. Irire erā iiboro dopa apibu mure. ⁶ Erā yujurayeri i oari buheripure cōātuha gaji buheripure gahmema daja. Eropirā iri buheripure dūyaso gorowerema. Iri erā buheri erā game dūyasori duhpiburi arībeaa. ⁷ Erā Moise dorerire masare buherā arīdiaquererā ta erā basi ne oaro masibeama. Eropirā guhyadiaro mera buhequererā erā buherire ne masibeama erā.

⁸ Moise dorerire diaye ta mari buhecū oari doreri ahraa. Irire mari oaro masia. ⁹ Iri dorerire buherā ire masiro gahmea: Iri doreri oaro iirāre erāre buheburi arībeaa. Nero iirāpūre erāre buheburi ahraa. Opa ta iirāre buheburi ahraa: Dorerire tarinugarāre, Goamure tarinugarāre, ñeri dihtare iirāre, Goamure gamebirāre, ñero werenigui corerāre, erā pagu sumarāre wejērāre, erā pago sā nomere wejērāre, gajirā masare wejērāre, ¹⁰ nome mera ñero iirāre, ũma mera ñero iirā nomere, ũma seyaro ñero iirāre, nome seyaro arīquererā ñero iirāre, masa porāre yaja duarāre, guyaricūrāre, Moise dorerire erāre buheburi ahraa ii. Eropiro gajirā arīpehrerāre oari buherire tarinugarāre buheburi ahraa Goamu igu doreri. ¹¹ Goamu oagu igu oari buheri mera iri ñeri iirare cōādoremi. Iri buheripure yare Goamu buhedoremi.

Goamu igu marire mojomoro iarire werepu Pablo

¹² Eropa yu buhecū, Jesucristo mari Opu turarire igu ogu itamumi. “Pablo oaro buhegucumi yahare,” arī pepiñumi Jesu yare. Eropigu yare beyegugue ta igure itamubure apimi yare. Igu eropa iicū “Ohaa,” arāa yuhu igure. ¹³ Iribojegue yu Jesucristore ñero wereniguiquerecū ta, igu yarāre ñero iiquerecū ta igu yare beyemi. Eropigu igure masinibigu igu yarāre ñero iigu “Ñero iigu iica,” arī pepibirimuricarabu. Yu eropa masibiricū iagu igu mojomoro iami yare. ¹⁴ Eropigu Goamu mari Opu yare burigā mahigu oaro iimi yare. Eropigu Jesucristore umupeocū iimi igu yare. Eropigu igure masa sāre mahicū iimi yare.

¹⁵ Yu gajirā tauro ñetariagu arīribu. Nērā mari arīquerecū ta Jesucristo mari ñerire cōābu i yebaguere erami. Marire peamegue wabonirāre taubu erami. Iri diaye ta ahraa. Igu eropa arīgu arīcū arīpehrerā irire masiporo. ¹⁶ Nētariagu yu arīquerecū ta igu yare mojomoro iami. Eropa mojomoro iagu Jesucristo guaro mariro, igu yare oaro iirare masicū iigu iimi. Puhru igure umupeomorā erā sā igu oaro mojomoro iaburire erā masiboro dopa oaro iimi yare. Igu eropa umupeorā arīpehrerinari umaroguere eropa oaro arīniguicārācoma. ¹⁷ Goamu arīpehrerinari masa tauro opu ahrimi. Igu ne siribeami. Mari mera igu arīquerecū ta igure iabeaa mari. Eropigu igu dihta Goamu gohra ahrimi. Eropirā “Diaye ta oagu, turagu ahrimi igu,” arirā igure. Umuri nucu igure umupeorā. Eropa ta iirā.

¹⁸ Timoteo yu magu iro dopa ta ahraa mahu. Eropigu dohpaguere ire mure dorea. Jesu yarā Goamu ya weremhtarā erā mure werediro dopa ta mure dorea. Cristo yare oaro wereniguique. Eropigu ñero tariqueregu ta igure umupeo duhubiricāque

mũhu. ¹⁹ Jesure eropa umupeoniguicãque. Ñeri dipuwaja mariro árĩque. Eropigu ðari dihtare iique. Yujurãyeri irire iibirã Jesu yare erã cohãma. Eropa cõarã igure umupeo duhucãma. ²⁰ Eropa ta iama Himeneo, Alejandro mera. Eropigu “Watĩ ĩgu gamero erãre iiporo,” arĩgu eropa apicãbu erãre Goãmure erã ñero wereniguinemobiriboro dopa.

2

Goãmure serẽbasarire werepũ Pablo

¹ Dohpaguere õpa arĩ doremũhtaa mũare: Árĩpehrerã ya árĩburire Goãmure serẽbasaque. Eropa sererã “Õhaa,” arĩque Goãmure. ² Oparã, gajirã masa tauro dorerã sãre, erã ðaro doreburire Goãmure serẽbasaque erãre mari ðaro árĩricũ árĩboro dopa. Eropirã gamequeãro mariro ñeri marirã Goãmure umupeorã mari ðaro árĩboro dopa erãre serẽbasaque. ³⁻⁴ Eropa ta gajirã ya árĩburi sãre mari Goãmure serẽbasacũ ðapũricãa. Irire mari iicũ ĩagu Goãmũ marire taubupũ marire ðaro ĩhasuami. Árĩpehrerã masa peamegue wabonirãre ĩgu taumorã dihta árĩcũ gahmemi Goãmũ. Eropigu ðari buherire diaye majare erã masicũ gahmemi ĩgu. Eropigu gajirã ya árĩburire mari ĩgure serẽbasacũ mucubirimi Goãmũ. ⁵ Yujugu ta àhrimi Goãmũ. Eropigu Goãmũ mera mari ðaro árĩcũ amubasagu yujugu ta àhrimi. ĩgu àhrimi Jesucristo. Jesucristo sã masũ ta àhrimi. ⁶ Eropigu árĩpehrerã erã ñeri iira dipuwajare wajayebasadigu árĩmi ĩgu crusague sĩridigu. Eropigu Goãmũ ĩgu queorasubu masare ire masicũ iimi. ⁷ Masa masicũ iibure ĩgu yare werebure irire Goãmũ yare apimi. Eropigu judio masa árĩbirãre Jesure umupeoburire ðari buherire buhebure beyemi yũre. Diaye ta mũre weregu iiaa yũhu. Gũyabeaa.

⁸ Árĩpehrero majarãpũ Goãmũ yare ðaro iirã Goãmure erã sererã gahmea. Eropa Goãmure sererã erã guaro mariro, game dũyasoro mariro erã árĩcũ gahmea. ⁹⁻¹⁰ Nomepũre Jesu yarã erã ðaro árĩricurire iicũ gahmea. Eropirã queoro erã ejatuharo suhri sañarã árĩporo. Eropirã gajiropa bejari poaricu “Yũhu ðago àhraa,” arĩ ĩhmubiricãporo. Eropirã ðari dari oro dari waja pagari buyarire, ðari suhri waja pagari suhri sañarire guñabiricãporo. Eropirã ðaro erã iira mera, erã ðarã nome Jesu yarã nome erã árĩrire ii ĩhmuporo. ¹¹ Ejarimariro umupeori mera peerã ðari buherire peeporo erã nome. ¹²⁻¹⁴ Eropirã nome mũa gamenererogue mũare buhebiriãporo. Eropirã mũare dorebiricãporo. Erã nomepũ ejarimariã nome árĩporo. Goãmũ Adãne ĩhacũnugumũhtaũmi. ĩgu pũhrũ Evare ĩhacũnuguũmi. Eropigu watĩ ĩgu gũyacũ peedigu Adãn árĩbirĩũmi. ĩgu gũyacũ peedigopũ Eva árĩũũmo. Eropa ĩgu gũyacũ peego Goãmure tarinũgago waũũmo ĩgo. Eropirã nomepũ mũare dorebiricãporo. ¹⁵ Nomeo árĩmũhtadigo ĩgo tarinũgaquerecũ ta nome erã porãre ðaro opacũ ĩagu erãre Goãmũ peamegue wabonirãre taugucumi. Eropirã nomepũ Goãmure erã umupeoniguicãcũ, Goãmũ erãre itamugucumi. Eropigu masare Goãmũ sãre erã mahiniguicũ pee masirã nome erã árĩniguicũ Goãmũ itamugucumi erãre.

3

Jesu yarã tauro oparã erã iiburire werepũ Pablo

¹ Jesu yarã doregu árĩdiagu ðarire iidiagu àhrimi ĩgu. Iri diaye ta àhraa. Eropigu Jesu yarã doregure apigu õpa árĩgũpũre beyeque. ² Dipuwaja marigure beyeque. Eropirã gajirã ĩgure weresã masiya mara. Eropigu yujugore ta marapocũgu árĩgũre beyeque. Eropigu ðaro pee masigure, gũhyadiagure, masare ðaro mera ĩgu wĩhire ñajaridoregure, gajirãre ðaro buhemehregure beyeque mũa. ³ Eropa beyegu ne merebigure, gamequeãbigure, masare ðaro ĩgure, game dũyasobigure, niyerure gamebigure beyeque. ⁴ ĩgu porãre ĩgu marapo sãre ĩgure umupeori mera erã yũhrirã árĩcũ iigure beyeque Jesu yarãre dorebure. ⁵ ĩgu porãre ĩgu marapo sãre ðaro yũhricũ iimasibigu árĩgu Goãmũ yarã sãre ðaro yũhricũ iimasibiribocumi. ⁶ Jesu yarã opũ árĩbure beyegu ne Jesu yagu ñajagure beyebita. Ne ñajagure beyecũ ĩgu “Jesu yarãre tauro àhraa yũhu,” arĩ pepibocumi. ĩgu eropa arĩ pepicũ Goãmũ ĩgure dipuwaja moadorebocumi watĩre ĩgu iidiro dopa ta. Watĩ Goãmũ tauro árĩdiari waja Goãmũ ĩgure dipuwaja moapũ. Eropigu ne Jesure umupeogu árĩgũre beyebita. ⁷ Jesu yarã doregure beyegu Jesu yarã árĩbirã “Õagu àhrimi,” erã arĩgu dihtare beyeque erã ĩgure werewũabiriborore. ðaro iigu ĩgu árĩbiricũ ĩarã gajirã ĩgure werewũabocoma. Eropigu ĩgu watĩ gamero dopa ta iigu árĩbocumi.

Jesu yarãre itamurã diãconoare erã iiburire werepũ Pablo

⁸ Eropirā Jesu yarāre itamurāpure beyerā ōarā árírā sāre beyeque. Erā guhyadiaro árírāre, ōaro diaye ta wereniguirāre, merebirāre, niyerure gamebirāre beyeque muhu. ⁹ Eropa ta Jesucristore ōaro umupeorā “Goāmū yare ōaro diaye ta āhraa,” arírā árírāre beyeque. ¹⁰ Eropirā Jesu yarāre itamurā árídiarāre erā iirare iamuhataque mua. Mua eropa ĩara puhru erāpu dipuwaja marirā árírā Jesu yarāre itamurā ĩajaporo erā. ¹¹ Eropirā erā marasā nomepu ōpa árĭporo: Pee masirā nome, ĩeri quere iibirā nome, guhyadiarā nome árĭporo erā nome sā. Eropirā árĭpehreri ōarire iiniguirā nome árĭporo erā nome. ¹² Eropirā Jesu yarāre itamurāre beyerā yujurāyeri nome ta marapocurā árírāre beyeque. Erā porāre gajirā erā ya wihi majarā sāre ōaro ĩhadiburā árírāre beyeque. ¹³ Mū eropa beyenirā Jesu yarāre ōaro erā itamucū gajirā erāre ōaro ĩhasuarācoma. Eropirā ōari buherire, Jesucristore erā umupeoburi sāre güiro mariro buherācoma erā.

Goāmū ya buherire werepu Pablo

¹⁴⁻¹⁵ Dohpaguere mū pohroge wadiagu iiraa. Eropa wadiaqueregu dohpaguere wanibigu ipū mera mure were gojabeogu iiaa. Jesu yarā gamenererā watope mua dohpa iiborore mure were gojabeogu iiaa, “Dohparagāre wabiriboca,” arĭgu. Jesu yarā Goāmū ojocarigu yarā āhrima. Īgu yarā diaye árĭri buherire Goāmū ya buherire ōaro opama. Eropa oparā irire buheniguima. ¹⁶ I diaye āhraa. Marire Goāmū ĩgu buhera mari ōaro iiburi buheri āhraa. Goāmū iri buherire marire masicū ĩimi. Iribojegue mari masibirira mura ōataritari buheri āhraa. I buheri ōpa āhraa: Īgu Cristo mari dupū iro dopa ta dupucūgu masa dehyoadigu árĭmi. Ōagu ĩeri marigu ĩgu árĭcū ĩhmudi árĭmi Espĭritu Santopū. Anyua sā ĩgure ĩanirā árĭma. Eropirā gua ĩgu buhedore apinirā gajĭ yeba majarāre ĩgu yare buhebu. Eropirā i yebare masa bajarā ĩgure umupeoama. Puhru umarogue Goāmū aĭadi árĭmi ĩgure. Iri ta āhraa ōari buheri.

4

Ōari buherire cóarācoma arĭ werepu Pablo Timoteore

¹ Espĭritu Santo ire ōaro weremi: Pehrerinū coregā yujurāyeri masa Jesu ya buherire cóarācoma. Eropirā guyarĭ buherĭpure watĭ yare buherāpure peenururācoma erā. ² Iri buherire buherā guyaniguirā wererācoma masare. Erā guyaniguirāpu “Gua tamerare dipuwaja mara,” arĭ pepirā árĭrācoma. Erā ĩero iirapure ne guñasome. ³ Ōpa arĭ buherācoma erā: “Marapocubiricāque. I barire babiricāque,” arĭ buherācoma erā. Erā eropa badorebirĭquerecū ta Goāmū barire ĩhacūnugudi árĭmi mari baburire apigu. Mari Cristore umupeorā árĭcū ōari buherire mari masirā árĭcū, mari ya árĭburire ōarire iri barire apipu ĩgu. Iri barire oparā ĩgure “Ōhaa,” mari arĭcū gahmemi ĩgu. ⁴ Árĭpehreri Goāmū ĩgu ĩhacūnugura ōari āhraa. Eropirā ĩgu ĩhacūnugurare barire aĭrā. Goāmure “Ōhaa,” arĭrā, “Irire basome,” arĭbiricāro gahmea. Iri barire basuaro gahmea marire. Eropirā “Irire babiricāque,” gajirā erā arĭcū peebiricāque erāre. ⁵ Īgu ĩhacūnugura iri ōari árĭcū weretuhapu Goāmū. Eropirā ĩgure “Ōhaa,” mari arĭra puhru “Iri bari ōari bari āhraa,” arĭ baro gahmea marire.

Jesu pohro majagu ōagure werepu Pablo Timoteore

⁶ I yu wererare diaye majare Jesu yarāre buhegu Jesucristo pohro majagu ōagu āhraa muhu. Eropa buhegu ōari buherire peenurūgu árĭguca. Ōaro mū peerare peenuru masipehogu árĭguca muhu. ⁷ Eropigu eropa erā arĭ bocarare, Goāmū ya maja árĭbirirare peebiricāque. Eropigu Goāmū gameri dihtare iinigucāgu árĭque muhu. ⁸ Mū mohmepocū ōañaria. Mū mohmepodiro tauro Goāmū gamerire mū iipocū ōataria mure. Goāmū gamerire iipogu dohpaguere ōaro āhraa muhu. Eropigu mū sĭrira puhruque sāre masa mariagu ōaro árĭguca muhu. Eropigu Goāmū gamerire iinigucāque. ⁹ Iri diaye ta āhraa. Árĭpehrerā irire yu arĭrare masirā, “Diaye ta āhraa,” arĭro gahmea erāre. ¹⁰ Eropigu árĭpehrerā yu arĭrare masirā “Diaye ta āhraa,” erā arĭburire Goāmū gahmemi. Eropirā erā eropa iiburire mari turaro mohmea. Eropirā ĩero taria mari gajirā marire ĩero erā ĩcū. Goāmū ojocarĭgu árĭpehrerāre peamegue wabonirāre taugu āhrimi. Īgure umupeorā tamerare ĩgu taumi. Goāmū marire ōaro iiburire masirā ĩgure mucubirirā iiaa. Eropa mucubirirā Goāmū gamerĭpure masa iiburire burĭgā buhe mohmea mari.

¹¹ Iri árĭpehreri yu arĭrare doreque Jesu yarāre. Eropigu irire buheque muhu. ¹² Mamū mū árĭcū ĩarā gajirā Jesu yarā mure peediabiribocoma. Erā mure peeboro dopa ōpa ĩi ĩhmuque erāre: Masare mahique. Eropigu Jesure umupeoturanigucāque. Eropa

árġu dipuwaja marġu árġue. Mamu árġuereġu ta mu irire iicū ġarā mure peerācoma erā. Eropirā mu wereniguirire peerā, mu ġirare ġarā mure ġhacūrācoma. ¹³ Eropiġu mu pohrogue yu ejaboro core ōpa ii ōaro mohmeyuque. Jesu yarā gamenererāre Goāmu yare gojarapūre buhe ġhmuque erāre. Eropiġu erāre irire buhetuha werenemoque daja. Eropiġu erāre ōaro masinemočū ġiique. ¹⁴ Ero core Jesu yarā oparā Goāmu dorecū erāpu mu weca erā mojotorire duhpeoma. Erā mure eropa duhpeocū Goāmu ġu turarire odi árġimi mure. Eropiġu Goāmu ya árġburire mu mohmemasiburire apidiġu árġimi mure Goāmu. ġu mure eropa mohmemasiburire apirare cādġijibita.

¹⁵ Yu eropa wererare ġuġa eropa ġinġuicāque muhu. Mu eropiira puhrū ōarire mu ġinemocū árġpehrerā ġarācoma. ¹⁶ Muᡑu ōaro ġiique. Eropiġu ōaro buheque muhu ġajġropa buheri arġu. Muhu eropiġu ġu taudiġu árġu Goāmu mera árġinġuicāġuca. Eropirā mure peenirā sā ġu taunirā árġrā Goāmu pohro árġrācoma.

5

“Jesu yarāre ōpa ġiique muhu,” arġu Pablo Timoteore

¹ Ne buġure turibiricāque. Mu paġure mu ōaro ġidiro dopa ta, buġu sāre ōaro mera wereque. Eropiġu mu paġu porāre mu ōaro ġidiro dopa ta, mamarā sāre ōaro umupeori mera erāre wereque. ² Eropiġu mu paġore mu ōaro ġidiro dopa ta murā nome sāre ōaro umupeori mera wereque. Eropiġu mu paġu porā nomere mu ōaro ġidiro dopa ta, nōme sāre šero haribejaro mariro ōaro umupeori mera wereque erāre.

³ Eropiġu wapeweyarā nomere diaye ta mojomorocūrā nomere umupeori mera itamuque erā nome sāre. ⁴ Wapeweyo porācugo ġo árġcū pāramerācugo ġo árġcū sāre, erāpu ġore itamuporo erā masura waja. Eropa itamurā Goāmu masare erā acawererāre ġu itamudorediro dopa ta ġirā ġiima erā. Erā eropiicū ġaġu ōaro Goāmu mucubirimi. ⁵ Mojomorocugo wapeweyo acawererā moogo árġgo, Goāmu ġore itamuburire cohremo ġoga. Eropiġo šamiri nucu, mᡑuri nucu ġo Goāmure eropa serēnġuicāmo. ⁶ ġajġopu wapeweyo árġgo eropa ġiimaacāgo árġgo oġocarigo árġuereġo ġo siporā dederebo sġridigo ġro dopa ta ġimo. ⁷ Eropiġu i árġpehreri yu werera wapeweyo itamuburire Jesu yarāre ġidoreque muhu. Ōpa wereque erāre ōari dihtare erā ġiburire ġajġrā erāre werewuabiriburire. ⁸ Eropiġu yuġuġu ġu acawererāre ġhadibubiġu, ġu porā erā paġo sāre ōaro ġhadibubiġu “Jesu yaġu āhraa,” arġimasibeami. Goāmu dorediro dopa ġibeami. Eropiġu Goāmu ya buherire yuhribiġu āhrimi. Jesure ġamebirā tauro šetariġu āhrimi ġuᡑu.

⁹ Wapeweyarā nomē mu itamumorā árġcū erā waġre ġojaturāca. Mu eropa ġojaturā ōpa árġrāre erā waġre ġojatuque. Sesenta boġori ejabiġo ġo waġre ġojatubiricāque. Eropirā wapeweyo yuġuġu ta marapucudġore ġojatuque. ¹⁰ “ġo ōarire ġigo āhrimo,” masa erā arġore ġojatuque. Eropirā ġo porāre ōaro masugo árġidġore ġojatuque. Eropirā ġo ya wihire ġajġrāre ōaro mera šajaridoreġore ġojatuque. Eropirā pohro maġo ġro dopa Jesu yarāre itamugore šero tarġrāre itamugore, árġpehrerāre mojomoro ġagore, ōari dihtare ġidiagore ġojatuque. Eropa árġrāre ġaġu ġripū ta erā waġre ġojatuque mu erā mu itamumorā árġborore.

¹¹ Wapeweyarā nomē, nomēñari erā árġcū erā waġre ġojatubiricāque erā Jesu yarāre itamumorāre. Puhrū erā waġre mu ġojatura puhrū erā ġamero ġidiarā Cristo yare duhu, dipaturi moġoto diribocoma. ¹² Eropirā erā moġoto dirġrā Cristore “Mu yarāre itamugora,” erā arġdirore ġibiribocoma. Erā eropa ġibirira dipuwaja dipuwajacūrācoma. ¹³ Erā nomēñari eropa itamurā árġrā tericūrā nome wahama. Eropirā wirġue šajacurġrā šeri ġerere werenġui curima. Erā weredorebirirare werema erā nome. ¹⁴ Eropirā erā Jesu yarāre itamumorā šajabiricāporo. Eropiġu erā ōpa ġicū ġahmea yuhū: Wapeweyarā nome, nomēñari árġrā moġoto diriporo daja. Eropirā erā porācūporo. Eropirā erā ya wihġ majare ōaro ġhadibuporo. Erā nome wapeweyarā nome eropa ta ġicū marire Jesu yarāre ġhaturġrā “šerire ġirā ġiima,” arġimasibeama marire. ¹⁵ Dohpaġe tamerare yuġurāyeri nome wapeweyarā nome Cristo yare duhu waġ gamerġure ġinġatuhama. Eropiġu ōpa werea mure.

¹⁶ Jesu yarā erā acawereġo wapeweyo ġo árġcū erā ġo acawererāpu ġore itamuporo. ġajġrā Jesu yarāpuġe ġore itamudorebiricāporo. Eropirā erā Jesu yarā ġore acawererā opagore itamubirā, ġajġrā nome wapeweyarā nomepuġe itamumasima.

¹⁷ Jesu yarā oparāre erā mohmerire erā ōaro ġicū ġarā umupeoque erāre. Eropirā ōaro wajayeque. Yuġurāyeri mu mera maġarā Goāmu yare wererā muare buherā sā āhrima. Erā tamerare tauro umupeo wajayeque. ¹⁸ Goāmu yare erā gojarapūġue mohmegare mu wajayeborore ōpa werea: “Wecu trġo yerire cahratġacū ġu disirore cāhmotabiricāque. ġu ġamero baporo,” arġ ġojañorā. Eropiro ġajġpū ōpa arāa:

“Mohmegure ĩġu mohmeri wajare oro gahmea,” arġa Goġmu yare erġ gojarapũque. Goġmu ya gojarapũ eropa arġcũ peerġ oparġre ġaro umupeoqque mġa. Eropirġ ġaro wajajeque erġre.

¹⁹ Jesu yarġ mera majagu opure yujugu ta ĩġure weresġcũ peebiricġque. “Opũ ĩġu ġpa űeri iirare ĩabu,” perġ o urerġ arġ weresġra pũhrũ peeque. ²⁰ Eropa peerġ ĩġu űero iira arġcũ ĩatuhaja Jesu yarġ gameneroqque turiqque ĩġare, gajirġ ĩġure ĩha masi ġũiporo arġrġ.

²¹ Eropiġu Goġmu Jesucristo ĩġu beyerġ anyua erġ ĩhabeoro ire dorea mure. Dohpague yũ mure dorerare ĩpehoque. Eropa ĩġu gajigure gajiropa, gajigu sġre gajiropa ĩibiricġque. Yujuropa ta ĩiġe arġpehrerġre Jesu yarġre. ²² Gajirġre Goġmu mohmerire mġ beyemorġre erġ weca mũ mojotorire duhpeoboro core ġaro ĩaġque mũhũ ĩha masiri mera vojaro mariro. űerire iirġ arġbocoma. Eropiġu mũ erġre beyera pũhrũ erġ űerire ĩicũ erġ űeri iira dipuwaja opaguca mũ sġ. Eropiġu erġre beyeboro core erġ arġricurire ġaro masique. Eropiġu arġpehreri űeri mariro arġiġe mũhũ.

²³ Bajasuburi paru pũrisũġu ħhraa mũhũ. Eropiġu dohpaguere deco dihtare ihrigu arġiġu, merogġ vino sġre ihrigque mũhũ ococũġu.

²⁴ Yujurġyeri erġ űerire ĩicũ mari ĩhaa. Eropirġ Goġmu erġre dipuwaja moaborore masia mari. Gajirġpũre erġ űeri iirare mari ĩha masibea. Pũhrũ erġ űeri iirare masirġca Goġmu dipuwaja moarinũ arġcũ. ²⁵ Eropa ta yujurġyeri ġarire erġ iirare masia mari. Gajirġ erġ ġarire erġ iirare dohpaguere masibiriquererġ ta pũhrũ masirġca mari. Mari ĩabirirare arġpehrerġ erġ iirare pũhrũ iri dehyoacũ ĩarġca.

6

¹ Pohro majarġ Jesu yarġpũ erġ oparġre ġaro umupeoporo. Erġ eropa umupeocũ ĩarġ gajirġ Goġmure mari arġ buheri sġre űero werewamasibeama. ² Erġ oparġ Jesu yarġ arġcũ ĩarġ erġ pohro majarġpũ gua oparġ sġ Jesu yarġ ta ħhrima. Eropirġ “Erġre umupeobiricũ ġaroca,” arġbocoma. Eropa ĩibiricġro gahmea. Erġ oparġ Jesu yarġ arġrġ erġ mahirġ yujugu porġ iro dopa ħhrima. Eropirġ erġ tamerare turaro itamuporo.

Goġmure umupeori sġre, ġaro arġri sġre werepũ Pablo

³ I yũ wererare buheque. Eropiġu ire doreque. Gajiropa arġrire ġyarire buherġ mari Opũ Jesucristo ya buherire umupeobeama. Erġ Goġmure umupeori buherire gamebirġ ġpa iirġ ħhrima. ⁴ “Masipehogu ħhraa,” arġiquererġ ta diaye majare ne masibeama. Eropirġ pee masibirġ iro dopa ta turaro game duyasodiama erġ. Eropirġ Goġmu yare arġmaacġa duyasorġ ħhrima. Eropa duyasorġ, game ĩhaturirġ wahama. Eropirġ gajirġre űero quere moamasibiriquererġ masare űero arġ pepima erġ. ⁵ Eropirġ erġ űeri dihtare pepiniguirġ, diaye arġrire ne masibirġ eropa duyasonguicġma. Eropirġ “Goġmu yare buherġ niyerure wajatarġca,” arġ pepirima. Erġ eropa arġrġre wapicubiricġro gahmea. ⁶ Mari ya mari opari mera mucubirirġ Goġmure umupeorġ diaye ta wajatarġ ta iiaa. ⁷ I yebaguere masa dehyoarġ ne gajinore aġaribiribũ mari. Eropirġ mari sġrirġ warġ ne gajinore aġamasibeama mari daja. Eropirġ mũ opari mera dihta mucubirique. ⁸ Eropirġ mari barire, mari suhri sġre oparġ, gajire gamenemobiricġrġ. Iri nũcu mera ta mucubiricġrġ mari. ⁹ Niyerure gamerġ doberi wũaro oparġ arġdiarġ watġ űerire ĩġu iidorerire arġpehreri űerire iirġ arġbocoma. Eropirġ erġ bajasuburi pee masibirġ iro dopa ta gajinore gametarirġ, űeri waribejari duhubirġ, erġ basi ta űero tarima. Eropa dedererġ wacġrġ iima. ¹⁰ Niyerure gametarirġ arġpehreri űerire ĩinugama masa. Yujurġyeri niyerure gametarirġ, Jesure umupeo duhura pũhrũ bajasuburi erġ űero iira waja turaro bujawerema erġ. Eropirġ mari opariűepġ ta mucubiriro gahmea marire.

Goġmu ya arġburire ĩiboro dopa űerire tarinũgaque, arġ gojaũumi Pablo

¹¹ Mũ tamera Goġmu yagu ta ħhraa. Eropiġu ĩ űerire ĩibiricġro gahmea. Eropiġu ġaripũre gameque. Goġmu yare ĩiġue. Eropa ĩġu Jesure “Diaye ĩġu ħhrimi,” arġ umupeoqque. Eropiġu gajirġre mahiġue. űero tariqereġ ta bocafũque. Nijiyajagu arġiġe masa mera. Eropiġu gajirġre tarinũgadiagu arġbiricġque. ¹² ĩġu mera arġpehrerinuri mũ ġaro arġnigucġburire Goġmu beyemi mure. Eropiġu Jesucristore mũ umupeorire bajarġ masare ġaro werebũ mũhũ. Eropiġu űero tariqereġ ta ĩġure umupeo ĩġu yare duhubita umarogque ĩġu mera eropa mũ arġnigucġboro dopa. ¹³ Goġmu arġpehrerġre arġpehrerire arġcũ ĩġu ħhrimi. Jesucristopũ Poncio Pilatore Goġmu yare ġaro werepũ. Eropiġu Goġmu Jesucristo sġ erġ ĩhabeoro ire mure iidoreġura: ¹⁴ Mure Goġmu ĩġu dorerare ĩpehocġque. Jesucristo ĩġu dujariboro core űeri mariro, dipuwaja mariro ĩġu dorero dopa ta ĩinigucġque. ¹⁵ ĩġu queoranũ arġcũ Goġmu Cristore dujaricũ ĩiġucumi. Goġmũpũ ġagũ ĩġu dihta masare doreġu ħhrimi.

Eropigu áripehrerã gajirã oparã erã tauro opu áriġu áhrimi. ¹⁶ Eropigu ġu dihta ne sġiribigu áhrimi. ġu gosesiriri mera áriġu áhrimi. Eropirã masa ġu gosesiropague ejamasibeama. Eropigu masa erã ne ġabigu áhrimi. Eropirã dohpague sãre ġure ġabeama. ġu eropa áriġure umupeorã. Eropirã áripehrerinãri “Turagu áhrimi ġu,” arġrã ġure. Eropa ta iirã.

¹⁷ Eropigu i yeba majarãre doberi oparãre õpa arġ doreque mũhũ: “Gajirãre tarinũgaa yũhũ,” ne arġ pepibircãporo. Erã doberi erã opari pehrea waroca. Eropirã “Yũhũ wũaro opari mera õaro áriġuca,” arġ pepibircãporo. “Goãmu yapu mera õaro áriġuca,” arġ pepiporo. Áripehreri diaye ta mari gameripure oġu áhrimi ġu Goãmu. ġupure umupeoturaporo erã doberi oparã. ¹⁸ Eropirã erã õaripure iiporo õarire erã iirã arġboro dopa. Eropirã erã oparire mojomorocũrãre orã arġporo. ¹⁹ Erã eropiciũ umisigue Goãmu pohrogue erã ya áriroca. Erogue áricã iri ne pehresome. Eropirã erogue õaro áriniguiçãrãcoma erã.

Pablo Timoteore doretupu

²⁰ Maġu, mũre Goãmu ġu apirare ġu buhedorerare duhubita. Yujurãyeri masa Goãmure gamebirã iro dopa ta ġuyarire, pee masibirã ya buherire wereniguima. Eropa wereniguirã “Õaro masirã buheri áhraa,” arġrima erã. Eropa erã wereniguirire peenũrũbircãque. ²¹ Gajirã yujurãyeri erã wereniguirire peenũrũrã Cristo ya buheripure cõãcãma.

Goãmu ġu mahiri mera mũre turaro õadorea. Eropa ta áriniguiçãporo. Iripõta áhraa.

2 Timoteo

Pablo Timoteore dipaturi gojabeopu

¹⁻² Mũhu Timoteo yu magu iro dopa ta yu mahigu aħraa. Yũhu Pablo mũre ire gojabeoa. "Árĩpehrerã Jesucristore umupeorã umũsigue ðaro árĩniguicãrãcoma," arĩ apimi marire Goãmu. Īgu eropa arĩ apirare werebure yũre beye apimi Jesucristo Goãmu ĩgu gamero dopa ta. Eropĩgu Goãmu mari Pabu Jesucristo mari Opũ mera mũre ðadore. Eropĩgu ĩgu itamuri mera ðaro árĩque mũhu.

Masare Cristo yare erã wererare werepu Pablo

³ Goãmu mera werenĩguĩgu mũ ya árĩburire serẽniguicãa umũri nũcu. Eropa serẽgu Goãmure "Õhaa," arãa yũhu. Iribojegue majarã yu acawererã ñeri dipuwaja mariro ĩgu Goãmure ta umupeoũuma. Erã umupeodiro dopa ta dohpaguere yu sã ĩgu Goãmure ta umupeoa. Īgu Goãmu gohra ta aħrimi yu mũre serẽbasagu. ⁴ Sohõ árĩrasubure yu wacũ mũ orenũrsiarare guũagu mũre turaro ĩadiaca daja mũ mera ðaro mucubiridiagu. ⁵ Eropĩgu Jesure diaye ta mũ umupeorire guũaa yũhu. Mũ ñeco buro Loida, mũ pago Eunice sã Jesure umupeomũhtama mũ core. Eropĩgu dohpaguere ĩgure mũ umupeocũ ðaro masia yũhu.

⁶ Eropĩgu ire mũre guũacũ iidiaa. Mũ dipuru weca yu duhpeocũ Goãmu ĩgu ya turarire omi mũre. Īgu ya árĩburire mũ mohmemasiburire mũre omi. Iri mohmemasiburi mera mohmeque mũhu. ⁷ Goãmu marire ĩgu Espĩritu Santore omi. Mari mera árĩgu masare marire guĩcũ iĩbeamĩ Espĩritu Santo. Eropĩgu turarã, masare mahirã, pee masirã mari árĩcũ iĩmi ĩgu. ⁸ Eropĩgu mari Opũ ya árĩburire gajirãre weregu guhyasĩribita mũhu. Yũhu ĩgu yare iĩcũ ĩha gajirã gamebirã yare peresugue doboma. Peresu yu árĩcũ sãre ĩagu yare guhyasĩrisãbiricãque. Mũhu sĩporãguere ñero bujawerebiricãque. Õari buherire mũ buheri dipuwaja mũ sã eropa wagu "Õaroca," arĩ peĩque mũ sã. Mũ eropa ñero taricũ ĩagu Goãmu mũre itamugũcumi. ⁹ Eropĩgu Goãmũpũ marire peamegue wabonirãre taumi. Eropĩgu ðarã ĩgu yarã árĩmorãre beyepũ ĩgu. "Õarã aħrima erã. Eropĩgu erãre beyegũra," arĩbiripũ marire beyegu. Īgu marire mahigu ta negohraguere marire beyepũ ĩgu gamero dopa ta iĩgu. "Eropĩgu Jesucristore erãre taubure obeogara," arĩ beyepũ marire. ¹⁰ Eropĩgu dohpaguere Jesucristore marire taubure obeodigu árĩmi marire diaye ta ĩgu mahirire ĩmũgu. Eropĩgu Jesucristo marire taugu marire ĩgu yarãre dederebiricũ iĩmi. Eropa ĩgu "Yũre umupeorã Goãmu mera ðaro árĩniguicãrãcoma," arĩgu ðari buherire marire weregu aripũ ĩgu.

¹¹ Eropĩgu i ðari buherire werebure ĩgu apimi yũre. ¹² Eropa ĩgu yare buhegu árĩgu dohpaguere ñero taria yũhu. Eropa ñero tariqueregu ta sĩporã mucubirigu aħraa. Yu guñaturagure Jesure masia yũhu. Turagu aħrimi ĩgu. Eropĩgu ĩgu yare buhedore apigu ðaro itamugũcumi. Eropĩgu ĩgu yũre apirare yũre buhe ojogorocucũ ĩhadibugũcumi yũre. "Yũre itamugũcumi," arĩ irire ðaro masigu sĩporã mucubirigu aħraa.

¹³ Mũre yu wererare iĩpehocãque. Jesucristo mũre ĩgure ðaro umupeocũ iĩmi. Eropĩgu ĩgure gajirã sãre ðaro mahicũ iĩmi mũre. Eropĩgu "Diaye aħraa," arĩ irire guñaniguicãque mũhu. ¹⁴ Eropĩgu Espĩritu Santo mari mera árĩgu ĩgu itamuri mera ðari buherire ðaro buheque. Queoro buheque gajiropa arĩro mariro.

¹⁵ Yu peresugue árĩcũ ĩarã yũre cõãgãpehrea wama. Árĩpehrerã Asia yeba majarã Jesu yarã yũre itamudibirã cõãgãpehrea wama. Erã mera majarã perã Figelo, Hermõgene eropa ta iĩma erã sã. Erã eropa cõãgãrãre masituhaca mũhu. ¹⁶⁻¹⁷ Erã eropa cõãquerecũ ta Onesiforopũ bajasuburi yũre itamugu ðaro siñajacũ iĩmi. Eropĩgu ĩgu yu peresu árĩcũ ĩgu yũre guhyasĩrisãbeami. Eropĩgu Romague eragu yũre amaniguicãdi árĩmi. Eropa amaniguĩgu yũre bocami. Efesogue sãre ĩgu marire itamurare ðaro masia mũhu. Īgu eropiira waja ĩgu porãre, erã pago sãre mojomoro ĩagũcumi mari Opũ Jesucristo. Goãmu eropa iĩboro dopa ĩgure serẽbasaa. ¹⁸ Eropĩgu i yebague Jesu mari Opũ dujarirĩnũ arĩgu ĩgure mojomoro ĩagũcumi. ĩgure eropa iĩboro dopa ta serẽbasaa Goãmure.

2

Ñero tariqueregu ta Jesu yagure bocatiuro gahmea

¹ Mupũ ya magu iro dopa ta Jesucristo igũ itamuri mera turagu áriŕque. ² Eropigu bajarã masare yũ buherare mũ peerare gajirã sãre wereturiaque mũhu. Erã mũ buherã Goãmũ gamerire iiniguicãrã áriporo. Eropirã gajirãre buheturiarã áriporo erã sã.

³ Surara ñero tarigu igũ yujuro bojero dopa ta Jesu yagu áriŕque ñero tariqueregu yujuro bojeque. Eropa igũ gajirã Jesu yarã iiro dopa iigu iiaa mũhu. ⁴ Surara igũ opu igũ doreripũre iimi. Eropigu igũ surara áriŕbirã erã iiripũre iibeami igũ. Mũ sã eropa ta mari Opũ igũ dorera dihtare iique. ⁵ Omabiragu erã dorediro dopa queoro iibigu igũ omatariara waja wajatabeami. Eropa ta mũ sã Goãmũ dorediro dopa ta iibigu Goãmũ mera wajatasome. ⁶ Eropigu pohere ðaro mohmedigupũ igũ mohmera waja iri pohe majare aĩmũhtami. Eropa ta mũ sã Goãmũ yare ðaro mohmera waja Goãmũ oburire aĩmũhtagũca. ⁷ Irire ðaro masicũ iigũcumĩ Jesu mari Opũ mũre. Eropigu dohpaguere yũ mũre arĩdirore ðaro guñaque.

⁸ Jesucristore guñaque. Igũ opu Davi mũrũ pãrami igũ áriŕpũ. Eropigu siridigu masa mũriapũ igũ. Igũ eropa sirĩ masa mũriara marire tauburi buheri ta áhrra. I ðari buherire buhegu iiaa. ⁹ Iri buherire buhegu ñero taria yũhu. Eropirã irire yũ buhecũ iha gajirã gamebirã ñegu iro dopa ta yare dipuwaja moa yare peresugue doboama. Masa yare cãhmotaquererã Goãmũ ya ðari buherire cãhmota masiya mara. ¹⁰ Eropigu Goãmũ igũ beyenirãre buhegu bajasuburi ñero taria yũhu erã Jesucristo yarã erã áriŕburire. Igũ yarã áriŕborore erã peamegue wabonirãpũ tauborore ñero tarigu yujuro bojea. Eropigu erã Goãmũ mera ðaro áriniguicãborore ñero taria igũ yare buhegu.

¹¹ I diaye ta áhrra:

Cristo ya áriŕburire mari iira dipuwaja gajirã marire wejẽquerecũ igũ mera umũsigue ðaro áriniguicãrãca. ¹² Eropirã igũ yare mari iira dipuwaja ñero tariquererã ta igũ yare duhubirã áriŕã igũ opu áriroguere igũ mera dorerã áriŕãca mari sã. "Cristore yũ masibeaa," mari gajirãre aricũ igũ sã marire eropa ta arigũcumĩ.

¹³ Igũre mari tarinũgacũ iagũ igũ arĩdiro dopa ta marire dipuwaja moagũcumĩ. Igũ arĩro dopa ta iigu áhrimi igũ. Ne gũyabeami igũ. I áriŕpehreri igũ werera diaye ta áhrra.

Goãmũ igũ ihasũarãre, igũ yare buherãre werepũ Pablo Timoteore

¹⁴ Ire yũ wererare mũ mera majarãre masicũ iique. Erã ejatuharo game dũyaso wereniguirĩ duhpiburi áribeaa. Eropirã erãre peerãre ñero wacũ iima. Eropigu mari Opũ igũ iũuro ðpa arĩ wereque erãre. "Mũa eropa wereniguiro dopa wereniguiŕbicãque," arĩque erãre. ¹⁵ Mupũ Goãmũ yare ðaro buheque. Eropigu Goãmũ ya áriŕburire turaro iique. Mũ eropa iicũ iagũ "Õaro iibũ mũhu," arigũcumĩ Goãmũ mũre. Eropigu mũ buherare igũ tacũ guhyasĩrisome mũhu. Igũ buheri diaye áhrra. Eropigu igũ buherire ðaro masique. Eropigu ire queoro buheque. ¹⁶ Erã ejatuharo bu áriŕire wereniguirã ñerire eropa iiniguicãma. Eropigu erã eropa arĩ wereniguirire iha gamebiriŕcãque mũhu. ¹⁷ Erã wereniguirĩ camiro boagãro iro dopa ta áhrra. Erã wereniguirĩ gajirã Jesu yarãre ñerã wacũ iiaa. Eropa wereniguirã mera majarã Himeneo, Fileto sã áhrrima. ¹⁸ Eropirã erã ðari buherire cóarã, "Jesu yarã sirinirã erã ya dũpũ mũra masa mũriatuhaniŕã áhrrima," arĩ buhemaacãma. Eropa gajiropa buherã bajamerãgã Jesu yarãre goroweorã iima. ¹⁹ Erã eropa ñero buhequerecũ ta, Goãmũ ya buheripũ ne gohrotobeaa. Igũ ya diaye maja áriro pehrebeaa. Opã arĩ gojara áhrra: "Mari Opũ igũ yarãre masimĩ. Eropirã áriŕpehrerã 'Jesu yarã áhrra,' arĩã ñerire duhcãporo," arĩ gojaũuma.

²⁰ Jesu yarã watope áhrrima Goãmũ yare ðaro iirã. Gajiropa iirã sã áhrrima ñeri buherire wereniguirã. ²¹ Eropigu yujugũ Goãmũ ya áriŕburire ðaro itamudiagu iri ñeri buherire peebiriŕcãporo. Áriŕpehreri ñerire duhcãporo. Igũ eropiigu ðagu áriŕgu áriŕpehreri Goãmũ yare ðaro iimasimĩ. Goãmũ gamegu ðaro arigũcumĩ.

²² Eropigu mũ mamũ áriŕgu mamarã erã ñeri uariŕbejari iro dopa iibiriŕcãque. Eropigu ðarire iique. Jesure umupeoturaniguicãque. Eropigu igũre masa sãre mahĩ umupeoque. Eropigu gamequeãro mariro gajirã mera ðaro áriŕque mũhu. Eropa ta iique gajirã ñeri dipuwaja marirã mera Goãmũre game serẽniguirã mera áriŕgu. ²³ Eropigu pee masibirã erã arĩ dũyasorire mũ sã peenũrubita. Eropigu mũ sã dũyasobita. Eropa arĩ dũyasorã masa game gameturinũgama. ²⁴ Mari Opũ pohro majagure dũyasobiriŕcãro gahmea. Eropigu áriŕpehrerãre ðaro iigu buhemehregũ, mata guabigu igũre áriro gahmea. ²⁵ Eropigu gajirã igũ mera dũyasocũ igũ erãre weregu ðaro mera yojaro mariro mera yũhriro gahmea igũre. Igũ ðaro yũhricũ iarã erãpũ Goãmũ igũ itamuri mera erã ñeri iirire bujawerebocoma. Eropirã ðari buherire diaye majare masinũgabocoma.

²⁶ Eräre watí oparimi ĩġu gamerire iimoräre. Eropirä erä ñero iirare bujawerera pũhru ðari buheripũre masirä, watĩre cóäräcoma.

3

Pehreburinũ majare werepũ Pablo Timoteore

¹ I mũpũ pehreburinũ coregã ñero tariräcoma masa. Irire ðaro masique mũhũ. ² Irisubure masa gajiräre guñabirä, erä ya áriburi dihtare guñarä, niyerure gamerä, “Gajiräre tarinũgaa gua,” arí erä basi pepirä, masare ñero turirä, erä pagu sumaräre tarinũgarä, eräre oquerecũ ta “Õhaa,” aríbirä, Goãmũre umupeobirä áriräcoma. ³ Eropirä masare mahibirä, mojomoro ĩabirä, ñeri quere iirä, ñeri uaribejarire duhumasibirä, masare eropa paniguirä, ðarire gamebirä áriräcoma. ⁴ Erä mera majaräre ñero iirä, pepiri moorä, “Masipehorä ähraa,” arí pepirä áriräcoma masa. Eropirä erä, erä uaribejarire iisuarä árirä Goãmũre umupeo suabeama. ⁵ Eropirä erä masa erä ĩhabeoro Goãmũre umupeoquererä ta “Goãmũ duhpibu áribeami,” arí pepirima erä.

Eropa áriräre wapicubiricäque mũhũ. ⁶ Erä mera majarä pee masibirä nome pohro ñaja, erä nomere guyarire buhema. Erä nomepũ turaro ñerire iiniguirä árirä, turaro ñerire iidiarä ährima. ⁷ Erä nome eropa peeniguirä nome áriquererä ta, diaye majapũre ne masibeami. ⁸ Iribojegue Jane, Jambre sä yeea árinirä Moise wererare gamebiridiro dopa ta erä sä ðari wereniguirire diaye majare gamebeama. Erä ñeri dihtare pepirä ährima. Eropirä Jesure umupeorä gohra áribeami. ⁹ Eropa iirä guyarĩ mera erä iidiarire yujuro bojesome. Pũhru erä guyarire, erä pee masibiriri säre áripehrerä ĩha masiräcoma. Jane, Jambre mera erä guyarire iribojegue masa erä ĩha masidiro dopa ta eropa ta masiräcoma masa pehreburinũ coregã árirä erä guyarire.

Pablo Timoteore doretupũ

¹⁰ Mũpũ yũ buherare, yũ áricurare, yũ iidiarare, Jesure yũ umupeorare ðaro ĩhabũ. Eropigũ guaro mariro yũ iirare, masare yũ mahi umupeorare, ñero tariqueregu yũ yujuro bojerare masia mũhũ. ¹¹ Eropigũ Jesucristo yare yũ iira waja yare erä ñero iirare, yũ ñero tarirare masia mũhũ. Eropigũ Antioquiague, Iconiogue, Listrage yare ñetariaro erä iira säre masia mũhũ. Eropa yũ wacũ ĩha mari Opũ Jesucristopũ yare itamumũrimi. ¹² Áripehrerä Jesucristo yarä árdiacũ Goãmũ gamerire iiniguidiacũ gajirä eräre ñero iiräcoma. Iri diaye ta ähraa. ¹³ Eropirä ñeräpũ, guyarä sä, ñetariarä árnigucäräcoma erä. Gajiräre guyarä, erä basi sä guyarire peerä eropa ta ñetariarä árnigucäräcoma.

¹⁴ Mũpũ yũhũ mũre buherare ðaro mũ peerare eropa iinigucäque. Mũre buheniräre masia mũhũ. ¹⁵ Mũ majigu árigugue ta, Goãmũ yare erä gojarapũre masinũgayoro. ĩġu yare erä gojarapũ mũ buhegu masia Jesucristo marire tauburire. Eropa buhegu “Jesucristore umupeorä dihtare peamegue waboniräre taumi Goãmũ,” arí masia. ¹⁶ Goãmũ yare erä gojarapũre áripehrerire Goãmũre gojadorepũ eräre. Eropirä iripũre buherä mari masinemoa. Iripũre buherä mari ðaro iiburire masia. Eropirä mari ñeri iirire masia iripũre buherä. Eropiro iripũ marire ðaripũre gohrotodorea. Eropiro umũri nũcu mari ðarire mari iiniguiburire werea iripũ. ¹⁷ Eropigũ Goãmũ yagu ĩġu yapũre buhegu, masipehocäcũcumi. Eropa masigu áripehrerire ðarire iimasigũcumi ĩġu.

4

¹ Jesucristo áripehreräre doregu arigu dujarigũcumi. Eropa dujarigu ojocariräre, sirinirä säre dipuwaja moagũcumi. Eropigũ ĩġu ĩhabeoro ire dorea mũre: Goãmũ sä ĩġu ĩhabeoro ire dorea mũre. ² Umũri nũcu masa erä peediacũ, erä peediabiricũ säre Goãmũ yare wereque. Eropa weregu masare erä ñeri dipuwajare masicũ ĩique eräre. Eropigũ “Mũa ñeri iirire iinemobiricäque,” arí wereque eräre. ðaripũre iidoreque. Eropa weregu ne guabigu gariborebigũ árique mũhũ. Eropigũ gajiräre buhe duhubita. ³⁻⁴ Pũhru, gajisubugere masa ðari buherire peediasome. Eropa peediabirä erä gamero dopa ta iirä, erä peediari dihtare buhemoräre amaräcoma erä. Eropirä guyarĩ buherire buherä bajarä oparäcoma erä. Erä eropa iirä ðari buheri diaye majapũre cohä, erä eropa arí bocarä buheripũre peenũräräcoma. ⁵ Eropigũ mũpũ diaye majare buhe duhubita. Eropa ĩġu umũri nũcu ðaro pee masigu árique. Eropigũ ñero tariqueregu ta yujuro bojeque. Eropigũ ðari buherire eropa buheniguique masa Jesu yarä waboro dopa. Goãmũ mũre ĩġu iidorerare iipehocäque mũhũ.

⁶ Yũhũ Goãmũ yare yũ iira dipuwaja yũ sĩrĩboro merogã duhyaa. Eropigũ bajamenarigä árnigũca. Eropigũ dohpaguere mũre dorea. ⁷ Yũ sĩrĩboro coregã

ire weregura: Jesucristo yare ðari buherire buhedoregu ĩgu apirare ðaro buhe ojogorocwabu. ĩgu dorerire ðaro ipehocābu. Eropigu ñero tariqueregu ta ĩgure ne umupeo duhubiribu. ⁸ Yũ eropa ðarire iira wajare umusigue dibugucumi yare. Eropigu mari Opũ árĩpehreräre masipehogu, diaye ta dipuwaja moabu árĩgu, queoro weregũ ĩgu dujaririnu yũ wajatarare ogucumi yare. Gajirā säre ĩgu dujariborore coreräre, ĩgure mahiräre erā wajatarare ogucumi Jesu.

Pablo werenemopũ Timoteore

⁹ Yũ pohrogue yojaro ĩagu arique muhu. ¹⁰ Dema waĩcugu i yeba majare árĩpehrerire gamegu yare cóagā waha wami Tesalónicague. Crescentepũ yare cóābiriqueregu Galacia yebague wahámi Goāmu yare buhegu. Tito sã eropa ta Dalmaciague wahámi. ¹¹ Luca dihta yũ mera áhrimi. Marco yare ðaro itamubu áhrimi. Eropigu ĩgure aĩgárique muhu. ¹² Tiquicore Efeso macague oboobu. ¹³ Eropigu muhu õgue arigu, yũ weca sañari suhrirore, Troa maca Carpo ya wihi yũ apirañere aĩgárique. Eropi sohõ árĩra gojara turirire aĩgárique. Sohõ árĩra gojara gasiri tamerare turaro gahmea yuhũ. Eropigu iri gasiri säre aĩgárique.

¹⁴ Alejandro comere mohmegũ yare ñetariaro iimi. Eropigu ĩgu eropa iira dipuwaja Goāmu dipuwaja moagucumi. ¹⁵ ĩgu Alejandro mari buherire ne gamebirimi. Eropigu muare ñero iiri arĩgu ðaro ĩgure guña masique.

¹⁶ Peresu iidoregure yũ iirare ĩgure yũ ne werecũ ne yujugu Jesu yagu yare itamudiabirimi. Árĩpehrerä yare itamubirä cóagāpehrea wama. Erä eropa cóāquerecũ ta yare erä cóara dipuwaja Goāmure “Eräre dipuwaja moabita,” arĩbu. ¹⁷ Yũ yujugu ta árĩquerecũ ta Goāmu ðaro áhrimi yũ mera. Eropigu ĩgu buherire yũ ðaro wereburire weremasicũ ĩgu turari mera itamumi yare. Árĩpehrerä Judio masa árĩbirä iri buherire erä peeburire werecũ itamumi. Eropigu masa erä yare ñero iidaquerecũ ta yare erä ñero iibodigure itamumi mari Opũ. ¹⁸ Árĩpehrerire erä yare ñero iirire yare taugucumi mari Opũ. Eropigu umusigue ĩgu Opũ árĩrogue yũ árĩborore itamugucumi ĩgu. Eropirä “Mari Opũ ðatariagu, turatariagu áhrimi,” árĩpehrerinari arĩrã mari. Eropa ta arĩrã.

Pablo ðadorepũ Timoteo pohro árĩräre

¹⁹ Priscila, ĩgo marapũ Aquila, Onesiforo ya wihi majarã sã õaporo. ²⁰ Erasto Corintogue dujami. Trófimo dorecua wahámi. Eropigu Miletogue apiabũ ĩgure. ²¹ Puhiró core yojaro arique muhu. Eubulo, Pudente, Lino, Claudia sã, árĩpehrerä Jesu yarã mure ðadorea.

²² Mari Opũ Jesucristo mu mera árĩporo. Eropigu muare Goāmu mera turaro ðadorea. Eropa ta árĩnguicãporo. Iripeta áhraa.

Tito

Pablo Titore gojabeopu

¹ Yuhu Pablo mure Titore gojaa. Goamu pohro majagu, Jesucristo yare igu buhedore igu apidigu ahraa. Goamu igu beyenira Jesure era umupeoburire, dari buherire era masiburire Jesu buhedoregu yare apimi. Iri buheri Goamu igu doreldiro dopa ta mari iiburire werea. ² Eropigu aripehrerinaru Goamu yara umarogue era doro ariniguiboro sare buhea erare. Goamu ne guyari marigu i yebare igu ihacunuguboro core "Yu pohrogue eropa doro ariniguicacaraoma," aru apipu marire. ³ Eropigu igu queoranu aricu igu eropa aru apirare masidoredigu arimi masare. Eropa ta masidoregu yare erare weredoremi igu marire taugu. ⁴ Mure Jesu yare buhebu. Yu eropa buhecú peegu, Jesure umupeonugabu muhu yu umupeoro dopa. Eropigu muhu yu buhedigu arigu diaye ta yu magu iro dopa arigu ta iiaa. Mure ire gojabeogu iiaa. Eropigu Goamu mari Pagu, Jesucristo marire taugu itamuri mera mure adorea. Igu itamuri mera doro arigue muhu.

Creta waicuri nuguro majare Tito igu wereburire werepu Pablo

⁵ Creta waicuri nuguro yu mure apicu Jesu yara era buheboru duhyaniibu irisubure. Eropigu era iiburire werebure apibu yuhu mure. Eropigu macari nucú majara Jesu yara opara arimorare beyedoregu apibu mure. ⁶⁻⁸ Era opara Goamu pohro majara ahrima. Eropigu erare beyegu darare beyeque gajiropa iibirare. Eropigu yujugo ta marapocura arirare beyeque. Eropigu "Bu arigu ahraa yuhu," aru pepirare beyeque. Eropigu mata guabirare, merebirare, masa mera gamequeabirare, niyerure gamebirare beyeque. Eropa beyegu era ya wihire najarare doro ihadiburare, daripure suarare, pee masirare, daripure iinigurare, feri marirare, era uaribejarire iibirare, teboro mariro mohmerare, darire iinigurare beyeque. Eropira mu beyera porare opa ariro gahmea. Jesure umupeora, darire iiniguirá, aripehrerare doro yuhrira ariro gahmea opara porare. ⁹⁻¹⁰ Eropira dari buherire queoro mari buhediro dopa ta ne duhubira ariporo opara mu beyenira. Eropira dari buherire werera ariracoma. Eropa iira dari buherire gamebirare buhera era ya guyari aricu masicu iiracoma era. Eropigu doro beyeque Jesu yara weca opara aripehrerare.

Bajara era oparare tarinugará, doro pepi wereniguirá, guyara ahrima dohpaguere. Eropa iira yujurayeri Moise dorerire idorerá tamera netariaro iira iima. Era buheri iri diaye aribiricu erare masicu iiro gahmea. ¹¹ Era Moise dorerire idorerapu guyarire buhera niyerure wajatadiara buhema. Eropa buhera yujuyeri wiri majarare aripehrerare Goamu yapure cocu iira iicoma era. Era eropa iicu erare iidorebiracaro gahmea.

¹² Iribojegue weredigu Creta majagu ariqueregu ta opa aru werepu: "Creta nuguro majara eropa guyaniguirá waicuma. Nerire iira diayea iro dopa iira ahrima. Eropira pagari bara arira ne mohmediabeama," aripu igu igu ya nuguro majarare. ¹³ Igu eropa arira diaye ta ahraa. Era eropa aricu igu erare turaro wereque Jesu ya buheripure era doro pee masiboro dopa. ¹⁴ Eropigu "Judio masa iribojegue majara era aru bocarare peebiracague," aru wereque erare. Jesu yare gamebirá era doreri sare Creta majara era peenurabiriborore wereque erare.

¹⁵ Opa ahraa. Dipuwaja marira dari dihtare pepima. Nerire iiniguirapu feri dihtare pepima. Era pepiripu netaria. Eropira daripure beyemasibeama. ¹⁶ Era "Goamure masia guá," ariquerera ta nerire iima. Eropa iinira era aricu iara Goamure masibirá era aricu masia mari. Eropira era netariara, Goamu yare tarinugará ahrima. Eropira darire iimasibeama.

2

Oari buherire weredorepu Pablo Titore

¹ Mupu buhegu dari buheri aridiro dopa ta doro buheque. ² Murapure opa wereque: "Mua guhyadiara, masa era umupeora, pee masira, 'Goamu diaye iigu ahrima,' aru umupeora, dari buherire doro iira, Jesure masa sare mahira, nero tariquerera ta yujuro bojera arigue," aru wereque erare. ³ Mura nome sare eropa ta aru wereque: "Guhyadiara nome, feri quere werewabira nome, merebira nome arigue," aru wereque era nome sare. Eropira era nome darire gajirare buheporo. ⁴ Eropa iira opa aru buheporo mura nome nomeharipure: "Mua marapu sumare mua pora sare

mahique,” arí buheporo. ⁵ “Eropirā m̄a pee masirā nome, gajirā m̄a mera ñero iibirā nome, m̄a ya wihí majare ðaro íhadiburā nome, ðaro iirā nome, m̄a marap̄u s̄umarāre ðaro yuh̄rirā nome áríque,” arí buheporo m̄urā nome nómeñarip̄ure. Erā eropiicū íarā gajirāp̄u “Goām̄u yare umupeorā ñero iirā áhrima,” arímasibeama m̄uare.

⁶ Eropigu mamarā s̄are ðpa wereque: Pee masirā áríporo erā. ⁷ Eropigu m̄up̄u ðari dihtare iiniguicāque m̄ure erā íhacūburire. Buhegu ne ḡayaro mariro buheque. Eropa buhegu ḡahyadiaro mera buheque m̄uh̄u. ⁸ Eropa buhegu ðaro pee masiri mera buheque ne gajirā m̄ure erā weresāmasibiriburire. M̄u eropa buhecū íarā marire íhaturirā áríquererā ta marire bu gohra ta werewuamasibeama. Marire eropa werewuamaacārā ḡahyasiuro warācoma erā.

⁹ Eropigu pohro majarāre ðpa doreque: Erā oparāre ðaro yuh̄rirā áríporo. Eropirā erā oparāre ðaro mucubiricū iiporo. Eropa dihta iiporo. Eropirā erā oparāre p̄uriro mera yuh̄ribiricāporo. ¹⁰ Eropirā erā oparā yare yajabiricāporo. Eropirā ðarā erā oparā dorerire ðaro iiniguicārā áríporo. Erā eropa ðaro yuh̄rirā árícū íarā Goām̄u marire taugu ígu buherire pee suarācoma gajirā.

¹¹ Masare ígu mahirire Goām̄u mari masare masicū iituhajami. Mari masare eropa mahigu árípehrerā peamegue wabonirāre Goām̄u turaro taudiami. ¹²⁻¹³ Masare eropa mahigu Goām̄u marire ðpa doremi: Ñeri iirire, ñerire w̄aribejarire duhucādoremi marire. Goām̄u turagu, Jesucristo marire taugu ígu ðarire mari íaburin̄ure, ígu ðaro mera dujariburin̄ure mari corerā iiaa. Eropigu mari corerinu mari corerisubu, mari pee masirā, ðarire iiniguirā, Goām̄ure umupeoniguirā marire árídoremi Goām̄u. ¹⁴ Ígu Jesucristo mari ya áríburire ta s̄iridi árími. Árípehrerā mari ñeri iirire duhucū iibu, marire ígu yarā wacū iibu s̄iridi árími. Mari ñerire ígu eropa cóacū mari ñerire iira dipuwaja marirā árírāca. Eropirā turaro ðarire iidiarā árírāca.

¹⁵ Ire árípehrerire iri n̄uguro majarāre Jesu yarāre buheque m̄uh̄u. Erā opu árígu ta iiaa m̄uh̄u. Eropigu erāre wereque. Eropigu erā ñerire iicū íagu wereque erāre. Eropirā árípehrerā gajirā m̄ure cóadiabiricāporo.

3

Jesu yarā erā iiburire werenemop̄u Pablo

¹ ðpa guñacū iique ero majarā Jesu yarāre: Erā oparāre ðaro yuh̄rirā áríporo. Eropirā árípehrerire ðari dihtare iirā áríporo. ² Eropirā gajirāre ne quere goroweobiricāporo. Game d̄uyasobiricāporo. Eropirā masa ðarā, árípehrerāre umupeorā áríporo.

³ Iribojegue mari s̄a pee masibirā, tarin̄ugarā, ḡuyarire peen̄ururā, ñerire iisuarā, ñerire w̄aribeja duhumasibirā, w̄m̄ari n̄uca ñerire iiniguirā, gajirāre erā gajinore opacū íhaturirā árím̄uririb̄u mari s̄a. Eropirā marire gajirā íhaturim̄urima. Eropirā mari s̄a erāre íhaturim̄uririb̄u. ⁴⁻⁵ Eropa árínirā áríquerēcū ta Goām̄u marire peamegue wabonirāre taumi. Eropa taugu ígu ígu ðagu árírire, masare ígu mahirire marire íhmudi árími. ðaro mari iira mera taubirimi marire. Marire mojomoro íagu mari ñeri iirare coegu Espírítu Santo mera marire taumi. Eropa iigu marire ígu porā wacū iimi. Eropigu Espírítu Santop̄u mari ðarā áríburire marire gohrotomi. ⁶ Jesucristo mari ñeri iira dipuwaja ígu s̄iri, masa muriara mera Goām̄u ígu Espírítu Santore omi marire w̄uaro ígu turarire mari opaboro dopa. ⁷ Marire mahigu, marire ðaro iidiami. Eropigu ígu, ígu Espírítu Santore omi, ñeri iira dipuwaja marirā mari áríborore, w̄marogue mari eropa ðaro áríniguicāborore. Mari eropa áríniguiburire masirā irire mucubiri corerā iiaa mari.

⁸ Iri ȳ werera diaye ta áhrra. Eropigu irire ȳ werediro dopa ta masare buhegu iri dorerire ípehodoreque m̄uh̄u. Eropigu Goām̄ure umupeorāre irire buheque ðarire erā ðaro iiboro dopa. I ȳ arí buhera ðari buheri áhrra. Eropirā masa i buherire erā peen̄urucū ðaro itamuri árítroca erāre. ⁹ Gajirā wereniguirip̄u duhpiburi áríbeaa. Erā masibiriquererā ta erā arí d̄uyasoma. Erā ñec̄u s̄umarā arí bocarare game d̄uyasoma. Moise dorerire arí d̄uyasoma. Erā eropa arí d̄uyasori iri árípehreri duhpiburi áríbeaa. Eropigu irire peen̄urubiricāque. M̄u s̄a d̄uyasobiricāque.

¹⁰ M̄u mera majagu eropa game d̄uyasogu m̄u basi game d̄uca wacū ígu iicū íagu “íbiricāque,” aríque ígure. Yujusubu, pesubu irire ígure m̄u iidorebirira puh̄ru ígu yuh̄ribiricū íagu ígure wapicū duhucāque. ¹¹ Eropa d̄uyasogu ñeri dihtare w̄aribejaniguigu áhrimi. Eropa ígu iicū íarā ígu ñegu árícū masi, ígure wapicūbiricāro gahmea.

Pablo doretup̄u

¹² Nicopoligue puhirópē áříbu iiaa. Eropigu Artemare o Tíquicore m̄ pohrogue yu obeomahtacū eroguerē yare bocařrigu ářique m̄hu. ¹³ Eropigu dorerire ōaro mehregure Zena wařcugure, Apolo sãre ōaro itamuque erã waborore. Eropigu erã gamerire ářípehrerire oque erãre duhyaro mariro. ¹⁴ Eropirã Jesu yarã mari mera majarã ōarire iipoporo. Gajinore opapehobirãre erã itamuboro dopa, ōarire iiniguirã erã áříboro dopa eropa iiporo.

Pablo ōadorebeopu Jesu yarãre

¹⁵ Ářípehrerã yu mera majarã m̄re ōadorema. Ero ářirã Jesu yarã guare mahirã ōaporo. Ářípehrerãre m̄are Goãmu řgu mahiri mera turaro ōadorea. Eropa ta áříniguiçãporo. Iripēta āhraa.

Filemón

Pablo Filemo waicugure gojanugapu

¹ Yuhu Pablo Jesucristo yagu yu áriiri dipuwaja peresugue áriḡu iiaa. Yuhu, mari acawereḡu Jesu yagu Timoteo mera mure Filemore gojabeoa gua. Muhu gua mahigu Cristo yare guare mohmetamugu áhrraa muhu. ² Eropirā Jesu yarā mu ya wi gamenererā säre gojabeoa gua. Mari mahigo mari acawereḡo Jesu yago Apia säre gojabeoa gua. Arquipo säre gojabeoa gua. Arquipopu gua iro dopa Cristo yare wereḡu áhrimi. ³ Eropirā Goāmu mari Pagu, mari Opu Jesucristo mera muare ðadorea. Iḡu itamuri mera ðaro áriḡue mua.

Filemo gajirāre iḡu mahirire, Cristore iḡu umupeorire werepu Pablo

⁴⁻⁵ Yu acawereḡu, Filemo, mure guña Goāmure mure serēbasamura. Eropa serēbasagu “Ōhaa,” arāa yuhu iḡure. Cristore mu mahicū iḡure mu umupeocū gajirā Jesu yarāre mu mahicū peeabu yuhu. Eropiḡu Goāmure “Ōhaa,” arī mucubiria. ⁶ Cristore mari umupeorire gajirāre wereḡu áhrraa muhu. Mu eropa áriḡu áricū i säre serēbasaa Goāmure. Jesucristo yarā áriḡu wuaro ðarire oparāca mari. Irire mu opaburire ðaro mure masipehodoreḡu serēbasaa Goāmure. ⁷ Acawereḡu, gajirāre mu mahicū peegu mucubiria yuhu. Áriḡehererā Goāmu yarāre ðaro sīporā turacū iḡu waicua muhu. Mu eropa iicū peegu mucubiria yuhu.

Pablo Onésimo ya áriburire serēpu Filemore

⁸⁻¹⁰ Eropiḡu dohpaguere Onésimore mu pohro majagu áriḡigure mure serēbasadiaa. Peresugue gua áriḡu Cristo yare werebu yuhu iḡure. Irire peegu Cristore gahmeami iḡu. Eropiḡu iḡu Goāmu yagu wahámi. Eropa wagu yu magu iro dopa áhrimi. Eropiḡu yu buḡu áriḡu Cristo yare yu buhera dipuwaja peresu áriḡu mure Onésimo mera werebeogura iḡure mu iiburire. Cristo iḡu buhedore iḡu apidigu áhrraa yuhu. Eropa áriḡu, áriḡu iḡure mu iiburire mure dorebu áhrraa yuhu. Eropa áriḡu áriḡuereḡu ta mure doresome yuhu. Mahiri mera mure werebeogura iripēta.

¹¹ Cristo yagu iḡu áriḡu core Onésimo mu pohro majagu áriḡu duhpibu áribiridigu áriḡu. Mure ðaro itamubiridigu áriḡu. Dohpague tamerare yure ðaro itamugu áhrimi. Mu säre ðaro itamugu áriḡucumi. Dohpaguere bu áriḡu gohra áriḡu. ¹² Eropiḡu dohpaguere iḡure mure wiagu iiaa. Iḡure turaro mahia. Iḡu yu turaro mahigure mure wiagu iiaa. ¹³ Iḡure mure wiabiricū iḡu yu pohro dujaboñumi. Ōari buherire yu buheri dipuwaja peresu yu áriḡu yu iḡure yure itamudoreboya yuhu. Eropiḡu yu mera dujadoreboya yuhu. Mupu yare itamumasibiricū iḡu mure gohrotogu áriḡu. ¹⁴ Eropa áriḡuerecū mure iiaa iḡure. Muhu iḡure “Dujaque,” mu áriḡuerecū, iḡure dujadoreboya. Yupu mure “Yu pohro iḡure apique,” aridiabirica. Eropiḡu iḡure mure wiagu iiaa. ¹⁵ Iḡu Onésimo mure bajamenurigā iḡu mure duhrigāra puhru dipaturi mu mera áriḡucumi daja. Iḡu mure duhricū Goāmu gamero dopa ta wahabu, arī pepia yuhu, iḡu Jesu yagu iḡu áriḡu. Eropiḡu mu pohro áriḡu daja ðaro áriḡu. ¹⁶ Eropiḡu iḡu dohpaguere mu pohro majagu gohra áriḡu. Pohro majarā tauñariro áriḡu áhrimi iḡu yu pepicūre. Dohpaguere iḡu mu acawereḡu Jesu yagu áhrimi. Eropiḡu iḡure turaro mahia. Mupu yu tauro iḡure mahique. Mu eropa mahigu mu pohro majagu iḡu áriḡuereḡu ta mu pohro majagu gohra áriḡu. Iḡu mu acawereḡu Jesucristo yagu áhrimi.

¹⁷ Eropiḡu yure mu bocatiridiro dopa ta iḡu säre ðaro bocatirique. Mu mera majagu yu áriḡu iḡu säre ðaro bocatirique. ¹⁸ Eropiḡu gajiropa mure iḡu iicū, mure iḡu wajamogu áriḡu yu irire wajayegura. ¹⁹ Yuhu Pablo yu basi ire were gojagura: Yupu wajayegura mure. Mure yu buhera puhru Cristo yagu mu wacū áriḡehererāri Goāmu mera áriḡu áhrraa muhu. Mure yu eropa buhera waja mu säre yure wuaro wajamogu áriḡu. Mu eropa áriḡuerecū ta mure wajayegura iḡu mure wajamorire. ²⁰ Eropiḡu yu acawereḡu, yu mahigu, mari Opu Cristo yagu áhrraa muhu. Mu eropa áriḡu Onésimore ðaro bocatirique. Cristo yagu áriḡu yu acawereḡu áhrraa muhu. Eropa áriḡu, áriḡu yure ðaro mucubiricū iḡu.

²¹ I yu wererare ðaro iḡuca muhu. Eropiḡu yu werera tauro iḡuca muhu. Irire masigu mure gojabeogu iiaa. ²² I säre wereḡura mure: Mua pohrogue yu waborore Goāmure mua serēbasarare iḡu yuhribocumi. “Áu,” iḡu áriḡu gahmea yuhu. Eropiḡu mua pohrogue yu ejaburi toēre amuyuque muhu.

Pablo ðadoretuꝑu Filemore

²³ Epafrā mære ðadoremi. Īgꝑꝑꝑ Cristo yare Īgꝑꝑ iira dipuwaja yꝑ mera peresu árġgꝑ āhrimi. ²⁴ Eropirā Marco, Aristarco, Dema, Luca yꝑ mera mære ðadorema. Cristo yare yꝑ buhecū erāꝑꝑ yære itamurā āhrima.

²⁵ Mari Opꝑꝑ Cristo mera ðadorema mæare. Īgꝑꝑ mæare ðaro iigꝑꝑꝑꝑ. Eropa ta iiporo. Iripēta āhraa.

Hebreos

Goāmu magu Goāmu yare werepū marire

¹ Iribojegue Goāmu masare werenūgapū. Īgu bajasuburi mari űecu sumarāre iribojegue majarāre ĩgu gamerire weremūripū. Īgu yare weremuhtanirā mera erāre weremūripū ĩgu. Gajirāre ĩgu dehyoa weremūripū. Gajirāre ĩgu bocatīriro weremūripū. Gajirāre quēroque weremūripū. Eropa weremūripū ĩgu mari acawer-erāre. ² Dohpaguere pehreburiű coregā ārīrinurire ĩgu magure ĩgu yare ĩgu weredore obeocū ĩguűū marire wereami. Jesucristo ĩgu Pagū iidorero mera i yebare űmaro sāre iidigu ārīmi. Īgu Pagupū pehreriniű ārīcū ārīpehrerire opabure apipū ĩgure. ³ Eropigu ĩgu magupū ĩgu Pagū űarire opagu ārīgu, ĩgu turari mera marire ii ĩhmudi ārīmi. Eropigu yujuro mera ĩgu Pagū mera ārīgu, ĩgu Pagū ārīricurire marire ĩhmudi ārīmi. Eropigu ĩgu turari mera ĩgu dorecū i yeba, űmaro sā eropa ārīniguia. Eropiro dederebeaa ĩgu doreri mera. Eropigu mari űero iirare ĩgu coera puhrū ĩgu Pagū turatarigu diayerū doarpū ĩgu opū ĩgu ārīrere ĩhmubu.

Goāmu magu anyua tauro āhrimi

⁴ Īgu Goāmu magu waīcumī. Eropa waīcugu gajirā tauro opū āhrimi. Eropigu ĩgu anyua weca tauro opū āhrimi. ⁵ Īgu anyuare Goāmu ne űpa arī werebirimūripū ĩgu magure werediro dopa ta:

Yū magu āhraa muhū. Dohpagāre mure dehyoacū iiabū, arīpū Goāmu ĩgu magure.

Anyuapūre ne eropa arī werebirimūripū. Eropigu erāre i sāre ne werebirimūripū:

Īgu pagū āhraa yuhū. Eropigu ĩgu yū magu ārīgucumi, arīpū Goāmu ĩgu magure.

Anyuapūre ne eropa arī werebirimūripū. Eropigu ĩgu magu anyua tauro arīpū.

⁶ Eropigu gajisubū ĩgu magure masa dehyoagure i yeba apōpa aīgu űpa arīpū Goāmu ĩgure:

Ārīpehrerā yaharā anyua yū magure mereja, ĩgure umupeorācoma erā, arīpū ĩgu.

⁷ Eropigu ĩgu anyuapūre werebū űpa arīpū ĩgu:

Yaharā anyuare miruñe iro dopa dūpūcūrāre iiaa yuhū. Erā yū pohro majarā āhrima.

Eropigu erāre peame iro dopa ārīcū iiaa yuhū, arī werepū Goāmu mari Pagū.

⁸ Erāre ĩgu eropa arīqueregu ta ĩgu magupūre űpa arīpū:

Muhū Goāmu ārīpehrerā tauro opū eropa ārīniguicāguca. Diaye ta doreguca muhū

mū yarāre. ⁹ Diaye ārīrere, űaro iirire turaro gahmea muhū. Eropigu űero iirire

gamebeaa muhū. Muhū eropa ārīgu ārīcū ĩagu, yuhū mū Pagū ārīpehrerā gajirā

tauro mure mucubiricū iiabū, arīpū Goāmu.

¹⁰ I sāre arīpū ĩgu ĩgu magure "Opū," arī piyugu:

Opū, negohraguere i yebare, űmaro sāre ĩhacūnugubū muhū. ¹¹ Iri ārīpehreri pehrea

waroca. Mūpū eropa ārīniguigūca. I yeba ārīpehreri suhriro iriñe boaro dopa

ta pehrea waroca. ¹² Iri ārīpehreri i yebare űmaro sāre gohrotocū iiguca muhū.

Murañe suhrirore mū cohā gajiñe mera gohrotoro dopa ta ārīpehrerire gohrotocū

iiguca muhū. Mūpū mū arīdiro dopa ārīniguicāguca. Eropigu ne gohrotosome.

Eropa ārīniguigūca muhū, arīpū Goāmu ĩgu magure.

¹³ Gajisubū űpa ĩgu magure arīgu iri sāre anyuapūre ne werebirimūripū Goāmu:

Yū diayerū doaque muhū. Eropigu mure ĩhaturirāre tarinūgabasadoregura. Eropigu

erā weca opū arītque muhū, arīpū Goāmu ĩgu magure.

¹⁴ Ārīpehrerā anyuapū Goāmu pohro majarā dihta āhrima. Eropiro Cristo ĩgu taumorāre itamudoregu Goāmu obeomūrimi erāre.

2

Goāmu yare űari buherire marire eropa pepibiricāro gahmea

¹ Eropigu Goāmu magū gohra marire weregu ĩgu ārīcū masirā ĩgu wererare mari

peerare űaro guñaro gahmea marire irire cādijiri arīrā. ²⁻³ Anyua masare erā wererare

masapū erā tarinūgacū ĩagu Goāmu masare dipuwaja moapū. Eropigu erā anyua

werera iri diaye ārīcū ĩhmugū iipū. Eropiro anyua erā werera iri diaye ārīcū marire

irire peero gahmea. Erā tauro Cristopūre peero gahmea marire. Īgu mari Opū

ĩgu marire tauborore weremuhtapū. Eropirā ĩgure peenirāpū ĩgu wererare marire

wereturiañorā marire űaro masicū iirā. Eropigu iri buherire "Jesucristo marire ĩgu

taugūcumī," arī buherire mari eropa pepicācū Goāmu marire dipuwaja moagūcumī. Īgu

dipuwaja moaborore duhrimasibeeaa mari. ⁴ Irirre peemuhtanirã erã buhe weca peoro watope Goãmũpũ iri buherire diaye ta áricũ ihmudi árimi. Eropigũ erã irire buherã ígu turari mera baja deyoro moari erã ii ihmucũ iri buherire diaye ta áricũ ihmudi árimi masare. Eropigũ ígu Espiritu Santo mera iri buheri diaye ta áricũ ihmudi árimi. Espiritu Santo Jesu yarãre yujurãyerire Goãmu yare erã mohmemasiburire apidi árimi erã game itamuboro dopa. Ígu gamediro dopa ta apidi árimi erã mohmemasiburire erãre.

Jesucristo mari iro dopa ta dũpũcũgũ masa dehyoapũ, arĩ gojañumi

⁵ I umã pehrerinũ áricũ Goãmũ pohro árĩrã tauro oparã árisome anyuapũ. Erãre oparã acusome Goãmũ. ⁶ Anyuare oparã acubiriquerecũ Goãmũ yare weremuhtadigu õpa arĩ gojañumi iribojeguere Goãmũ ígu oparã acumorãre:

Gua masa bu gohra gua árĩrã áricuerecũ ta guare guñaã mũhu. Gua masare õaro áricũ iiaa mũhu. ⁷ Bajamenurigã anyua doca masare apiyoro mũhu. Eropa apiqueregu ta guare turari ogũ oparã acuyoro mũhu. ⁸ Mũhu eropa acucũ i yeba maja weca árĩpehreri weca áhrraã gua masa, arĩ gojañumi iribojegue majagu mari Pagure.

Goãmũ masare apigu i yebaguere árĩpehrerã waimurã sãre masa dorero doca árĩmorãre apiñumi. Masare ígu eropa oparã acucerecũ ta erã waimurãre árĩpehrerãre doremasibeeama dohpa. ⁹ Jesupũ árĩpehrerã weca opũ áhrimi. Bajamenurigã anyua doca mari Pagu ígu sãre apipũ. Mari yañe árĩborañere sãribasabure ígure eropa apidi árimi. Mari Pagu marire mahigu Jesure mari ya áriburire ígu sãricũ gamepũ. Eropigũ ígu eropa sãricũ íagu ígure turarire ogũ, opũ acupũ ígure pare árĩpehrerã ígure umupeoborore.

¹⁰ Goãmũ árĩpehrerire íhacũnuguñumi. Eropiro árĩpehreri ígu ya dihta áhrraã. Eropigu Jesure sãrdoregu masa erã ñerire cádiicũ iipũ ígure. Ígu masa bajarã ígu porã árĩmorãre umarogue ñarogue aigãbu eropa iipũ. Ígu eropiicũ tamera õapũrica. Eropigu Jesupũ marire taugũ mari opũ ta áhrimi. ¹¹ Árĩpehrerã masa erã ñerire cóãdi árimi Jesucristopũ. Eropigũ ígu ñerire cóãnirã mera Pagucũmi Goãmũre. Eropigũ mari Pagu yujugu ta áhrimi. Mari Pagu ígu áricũ Jesu marire ígu ñerire cóãnirãre “Yũ acawererã áhrraã,” arĩ piyugu ne guhyasãrĩbeami. ¹² Òpa arĩgu iipũ ígu Pagure:

Mũ árĩricurire weregura yu acawerãguere. Árĩpehrerã yaharã gamenererã pohro mũre umupeogu “Turagu áhrimi,” arĩ weregura yũhũ erãre, arĩpũ ígu ígu Pagure, arĩ gojara áhrraã.

¹³ Eropigu õpa arĩpũ daja:

Yũ Pagure guñaturagũca yũhũ, arĩpũ, arĩ gojara áhrraã.

I sãre arĩpũ ígu Jesucristo:

Ohõ áhrraã yũhũ. Goãmũ porã ígu yure apinirã yu acawererã mera ohõ áhrraã, arĩpũ ígu. Ígu yarãre “Yũ acawererã,” arĩ piyugu eropa arĩpũ.

¹⁴ “Yũ acawererã,” ígu arĩ piyurã dũpũcurã mari áricũ íagu, Jesupũ mari ya dũpũ mari iro dopa árĩgu aripũ. Eropa árĩgu arigu ígu crusague sãrigũ aripũ watĩre dederecũ iibu. Ígu watĩpũ sãrdoregu áhrimi marire. ¹⁵ Eropa ii ígure dederecũ iidi árimi marire tauboro dopa. Maripũ umuri nucũ mari sãriborore gũiribu. Eropa gũirã gũiro doca árĩrã, ñero sãporãcurã árĩribũ mari. Eropa árĩrã mari áricũ íagu ígu marire taumi. ¹⁶ Eropa taugu anyuapũre itamugu aribiripũ ígu. Abrahã pãramerãre maripũre itamugu aripũ. ¹⁷ Eropigu ígu mari acaweregu iro dopa aripũ. Yujuropa ta mari iro dopa ta dũpũcũgu aripũ. Eropa arigu mari masa ya áriburire sãribasagu mari ñeri iirare Goãmũre cóãdoregu aripũ. Eropigu pahia oparã erã Goãmũ ya áriburire serẽbasaro dopa ta õaro itamuboro dopa mari iro dopa dũpũcũgu arigu iipũ. Erã tauro marire ígu mojomoro íhami. Eropigu marire õaro itamuniguicãmi. ¹⁸ Ígu ñero taripũ. Eropigu watĩ ígure ñero iidoreripũ. Iibiripũ ígu. Eropa ñerire tarinugadigu árĩgu, ígu mari sãre ñerire tarinugacũ iimasimi. Watĩ ígu ñerire iidorecũ íagu marire ñerire iibiricũ iimasimi.

3

Jesu Moise tauro árĩgu áhrimi

¹ Jesu ígu eropa árĩgu áricũ íarã ígure burigã guñaque mua. Yũ acawererã, Jesu yarã, Goãmũ ígu yarã árĩmorãre maure beyedigu árimi ígu. Ígu Jesupũ Goãmũ ígu apidigu árĩgu mari pahia opũ áhrimi. I yeba majarã pahia oparã tauro ígupũ mari ya áriburire Goãmũre serẽbasagu áhrimi marire. Eropirã ígure õaro guñaque mua umupeodigure. ² Goãmũ ígure marire ígu tauborore ígu apicũ ígupũ ígu apidiro dopa ta iipũ. Ne tarinugabiripũ. Moise sã iribojegue majagu Goãmũ yarã Israe masare itamugu ne

tarinugabiripũ. Eropa ta iipu Jesu sã. ³ Eropiro Moiserẽ erã umupeodiro tauro Jesupũre umupeoro gahmea marire. Opa aħraa iri. Wihire mari "Oari wihi aħraa," arĩro tauro wihire iidigupũre "Oapũricãmi," arĩro gahmea marire. Eropigu Jesupũ wihi iidigu iro dopa aħrimi. Igu eropa arĩgu arĩcũ igupũre Moise tauro umupeoro gahmea marire. ⁴ Masapũ wirire iirã aħrima. Goãmupũ arĩpeherrerẽ iigu aħrimi. ⁵ Moisepũ Goãmũ mohme coregu arĩgu Goãmũ ya curu majarãre itamuniguigu arĩmuripũ. Pũhrugue Goãmũ Igu masare wereborore weremuripũ masare. ⁶ Cristopũ Goãmũ magũ arĩgu ta, Goãmũ yare iiniguicãgu arĩgu Goãmũ ya curu majarã tauro opu aħrimi. Eropirã Moise tauro Cristopũre umupeoro gahmea marire. Eropirã maripũ Cristore guñatura duhubirã arĩrã marire igũ tauborore eropa mucubiri coreniguicãrã igũ ya curu majarã aħraa mari.

Goãmũ igũ yarãre igũ mera ðaro soocũ gameñumi

⁷ Eropirã Jesucristore mari umupeo duhubiriborore opa iro gahmea marire. Irire weremi Espiritu Santo Goãmũ yare gojarapũguere.

Dohpagãre yuhũ Goãmũ mũare yũ werecũ yũhriadibirã arĩbiricãque mũa. ⁸ Eropirã ðaro yũhrique yũre mũa. Iribojegue Israe masa masa marirogue arĩrã yũ werequerecũ ta umupeodiabirã yũre yũhribirimurima. Eropa iirã yũre iħasaabiricũ iima. Eropirã erã iidiro dopa iibiricãque mũapũ yũre. ⁹ Eroguere cuarenta bojori gohra erãre deyoero moarire ii iħmuribũ erãre itamugũ. Yũ eropa ii iħmuquerecũ ta erãpũ opa arĩ pepimurima yũre dayasorã. "Goãmũ marire itamumasisome," arĩ pepimurima. Eropa arĩ pepirã ñero iimurima. ¹⁰ Erã eropiicũ iagu erã mera guabu. Eropa guagu opa arĩbu: "Erã yũhare peediabirã gajiropa arĩri buherire eropa guñamaacãrã aħrima," arĩbu. "Yahapũre ne buhedibeama," arĩbu erãre. ¹¹ Eropigu erã mera guagu opa arĩ werebu: "Erã yũ mera majarã ne arĩsome. Eropirã yũ mera ðaro soosome erã," arĩ werepũ Goãmũ.

¹² Eropirã, yũ acawererã, ðaro iique mũa Goãmũre cohmore arĩrã. Mũa ñerire pepirã, Goãmũ ojocarigũre "Diaye iimi igũ," arĩ umupeobirã, igũre cõaboca mũa. Ne yujugu mũa mera majagu eropa iibiricãporo. ¹³ Eropirã ipũre iiro gahmea: Mũa mera majarã umuri nũcu Goãmũ yare mũa basi game wereniguique ñerire iiri arĩrã. Ñerire iirã "Iri mera mucubiria," arĩrã, guyarire pepirã iiaa mari. Eropa pepibiricãque. Ñeripũre iiniguirã Goãmũ yapũre suabeaa mari. Eropa iirã ñerire duhudiabirã wahaa. Eropa iiri arĩrã mũa mera majarãre Goãmũ yare mũa basi game wereniguique. Jesucristo igũ dujariboro core eropa game wereniguique. ¹⁴ Eropirã negohrãre Cristore mari umupeo-nũgadiro dopa ta eropa ta mari umupeoniguicãrã, mari ojocaripõẽ igũ yare duhubirã igũ mera majarã aħraa.

¹⁵ Goãmũ yare erã gojarapũ yũ dohparagã werediro dopa werea daja mũare Goãmũ wereniguirire:

Dohpagãre yuhũ Goãmũ mũare werecũ ðaro yũhrique mũa yũre. Iribojegue majarã Israe masa erãre yũ werequerecũ ta umupeodiabirã yũre yũhriadibirima. Eropirã erã iidiro dopa iibiricãque mũa, arĩmi Goãmũ, arĩ gojañuma iribojegũre.

¹⁶ Eropirã Goãmũ igũ wererare peenirã arĩquererã erã igũre yũhribirimurĩnorã. Erã arĩpeherrerã Egiptogue ñero tarinirãre Goãmũ Moise mera igũ wiunirã arĩñorã. Erã eropa arĩquererã igũre ne yũhribirĩñorã. ¹⁷ Eropigu erã ñero iicũ iagu cuarenta bojori gohra Goãmũ erã mera guapũ. Erã ñero iira dipuwaja erogũ masa marirogue erãre dujadorepũ. Eropirã erore siria wamurĩñorã erã. ¹⁸ Igũre erã eropa yũhriadibiricũ iagu opa guhyadiaro mera arĩpũ igũ: "Erã yũ mera majarã ne arĩsome. Eropirã yũ mera ne ðaro soosome erã," arĩpũ igũ. ¹⁹ Igu eropa arĩcũ peerã ire masia mari: Erã Goãmũre erã umupeobiriri waja, igũ mera majarã arĩmasibirĩñorã. Eropirã igũ mera ðaro soomasibirĩñorã.

4

¹ Eropigu iribojegue majarãre igũ mera ðaro erã sooborore gamegu erãre "Yũ mera soorãca," arĩ arĩpũ Goãmũ. Mari sãre eropa ta arĩ arĩpũ igũ. Eropirã guhyadiaro mera Goãmũre ðaro yũhriãrã mari wieri marigũ arĩrã. Eropa wierã igũ mera ðaro soosome mari. ² Iribojegue majarã Goãmũ yare erã peediro dopa ta mari sã ðari buherire peebũ. Erãpũ peerã "Goãmũ diaye iigu aħrimi," arĩ pepibirimurĩñorã. Goãmũre umupeobirimurĩñorã. Eropiro Goãmũ yare peequererã yũhribiricũ erã peera ñehe arĩburi arĩburiyoro erãre. ³ Maripũ igũre umupeorã dihta Goãmũ mera majarã arĩrãca. Eropirã igũ mera ðaro soorãca. Goãmũ opa arĩpũ:

Erã mera guagu guhyadiaro mera ðpa arĩ werebu: “Yu mera ne soosome erã,” arĩ werebu, arĩyoro Goãmu yare erã gojarapũgue.

Eropa arĩpu ïgu. I yebare ïgu ïhacũnugura puhru soopu ïgu. Eropigu masa sã ïgu mera sooborore amuyupu. Amuqueregu erãpũre “Yu mera ne soosome erã,” arĩpu Goãmu. ⁴ Seis nuri ïgu ïhacũnugura puhru ïgu soorare ðpa arĩ gojañuma Goãmu yare erã gojarapũgue:

Seis nuri puhru arĩpehrerire ïgu iirare pehogu, Goãmu mohmeduhu soopu, arĩ gojañuma ïgu yare erã gojarapũgue.

⁵ Eropiro Goãmu yare erã gojarapũ ðpa arĩ werea daja ïgu mera ðaro arĩbirinirãre:

Yu mera majarã ne arĩsome erã. Eropirã ne yu mera soosome, arĩpu Goãmu.

⁶ Eropirã ðari buherire peemuhtanirã, ïgure erã tarinũgara dipuwaja ïgu mera majarã arĩbirã ïgu mera soobirĩnorã erã. Gajirãpu ïgu mera majarã arĩrãcoma. ïgu mera soorã arĩrãcoma. ⁷ Eropigu masa ïgu mera ðaro arĩburire erã ïgu mera sooburire apigu daja, “Dohpaguere aħraa,” arĩ apĩpu Goãmu. Israe masa Goãmure erã tarinũgara puhru baja bojori puhru irire weredorepu Davire. Davi were gojarare mũare weretuhajaqueregu weregura daja yuhu. Eropigu ðpa arĩ gojañumi Davi Goãmu wereniguirire:

Dohpagãnure yuhu Goãmu mũare yu werecũ, tarinũgaro mariro ðaro yuhrique mũa yure, arĩ gojañumi iribojegure.

⁸ Ero coregue Josue Israe masare Goãmu ïgu ora yebague aĩ ejapu. “Yu mera soorã arĩrãcoma,” arĩgu iri yebague erã sooborore arĩgu iibiripu Goãmu. Iri yeba soodoregu gajinu erã sooburire apibiriboñumi ïgu. ⁹ Seis nuri puhru i yebare ïgu iira puhru Goãmu ïgu mohmeduhu soodiro dopa ta mari ïgu yarã sã ïgu mera mari sooburĩne aħraa. ïgu mera mari ðaro arĩburĩne aħraa. ¹⁰ Eropigu Goãmu soogu, ïgu mohmerare duhucãnipu. Eropa ta ïgu mera soorã mari gamero mera iirire duhucãrãca. ¹¹ Eropirã mari ïgu yarã ðaro iirã. Goãmu yare ðaro yuhrirã ïgu mera mari sooboro dopa. Iribojegue majarã mari acawererã erã tarinũgara puhru Goãmu mera majarã ne arĩmasibirimuriñorã erã. Erã iidiro dopa iibiricãrã mari.

¹² Goãmu ya wereniguirĩ marire Goãmu mera ðaro arĩnigucũ iiaa. Őaripure marire gohrotocũ iiaa. Eropiro ïgu ya wereniguirĩ bu arĩri arĩbeaa. Eropiro matamiji pepurĩpu usirimiji mera dirore erã wiri ïha erã masiro dopa ta, ïgu ya wereniguirĩ mari arĩricurire mari pepirire ðaro masicũ iiaa marire. Eropa masirã mari iiricuri ðaro arĩcũ, ðaro arĩbiricũ sãre masia ïgu wereniguirire peerã. Iri mari buhecũ mari arĩricurire ðaro masipehocũ iiaa marire. ¹³ Ne Goãmure mari arĩricurire mari iirare duhmasibeaa mari. Arĩpehrerire ïgu ïhacũnugurare ïgu ïhacũnugunirã sãre ïhami ïgu. ïgu tamerare mari iirare mari pepirire werepehorãca mari.

Jesu turagu mari pahia opu aħrimi

¹⁴ Jesu Goãmu magu ïgu sirira puhru ïgu Pagu pohrogue dujadigu arĩmi. ïgu turagu mari pahia opu aħrimi. Eropigu mari ya arĩburire Goãmure serẽbasami. ïgu eropa arĩgu arĩcũ ïarã maripu ïgu yare ðaro yuhrirã arĩrã ïgure ðaro umupeonigucãrã.

¹⁵ ïgu Jesucristo mari pahi arĩgu mari ñero taricũ ðaro mojomoro ïagu aħrimi. Mari ñerire uaribearire masimi ïgu. Watĩ arĩpehreri ñerire ïgu marire iidorero dopa ta Jesu sãre ñerire iidoreripu. ïgu eropa iidorequerecũ ïgu ñerire iibiripu. ïgu eropa ñerire iidorerire iidoredigu arĩgu marire mojomoro ïagu marire itamumasimi. ¹⁶ Eropirã “Yure yuhrigucumi,” arĩrã Goãmure serẽrã. ïgu marire mahimi. Eropigu mari ïgure serẽcũ marire mojomoro ïagu marire itamugucumi. Eropigu mari ñero iidiacũ sãre ïgu marire itamugucumi.

5

¹ Arĩpehrerã pahia oparã, masa mera majarã aħrima. Beyenirã aħrima erã mera majarã yare Goãmure serẽbasamorã. Eropirã masa ñerire erã iira dipuwajare Goãmure serẽbasama erã mera majarãre. Eropa serẽbasarã waibugure wejẽ soe mujuma Goãmure. ² Pahia oparã gajirã masa iro dopa ðaro masipehobirã aħrima. Gajisubu ðarire iibirã aħrima erã sã. Eropa masibirã arĩrã gajirã masibirãre itamumasima nijiyajaro mera. Eropirã ðarire iibirã sãre ðaro mera itamumasima. ³ Eropirã ðaro masipehobirã ñeri iira dipuwajacurã aħrima erã sã. Eropirã erã basi erã ñerire erã iira dipuwaja waibugure wejẽ soe mujuma Goãmure. Gajirã masa ya arĩburire erã ñeri iira dipuwaja erã serẽbasadiro dopa ta, erã basi erã ya arĩburi sãre serẽma Goãmure.

⁴ Eropigu ïgu ïgu gamero pahia opu ñajabeami. Goãmupu ïgure beyegu, pahia opu acumi. Iribojegue majagu Aarõ mũare ïgu apidiro dopa ta gajirã pahia oparã sãre

apimi ĩġu. ⁵ Eropa ta Cristo sã ĩġu basi ĩġu gamero pahia opu ñajabiripu. Goãmuru ĩġure opu acugu ða arĩpu:

Yũ magu ãhraa muhu. Dohpagãre mũre dehyoacũ iiaabu yũhu, arĩpu Goãmu.

⁶ Gajisubu ða arĩpu Goãmu Cristore:

Árĩpehrerĩnũre pahi árĩnigucãġuca muhu. Melquisede ĩġu árĩdiro dopa ta pahi árĩnigucãġuca muhu, arĩpu ĩġu magure.

⁷ Cristo i yeba árĩġu bariġã gaguĩnui, co deco mera Goãmure turaro serẽpu ĩġu, “Yũre masuque,” arĩġu. Mari Pagupu Goãmuru ĩġure sĩridigũre masumasigu arĩpu. ĩġu eropa serẽcũ Goãmu peeru ĩġure. Goãmu gameri dihtare ĩġu iidiacũ ĩagu Goãmuru ĩġu serẽrare peegu yũhripu. ⁸ Eropigu Cristo Goãmu magu árĩquereġu ñero tarĩpu ĩġu. Eropa ñero tarĩgu yũhripu Goãmure. Eropa yũhriġu ðaro yũhriũre masituharu. ⁹ Eropa yũhriũre crusague sĩrigu masa erã ñerire cãdĩġu árĩpehrerã ĩġure yũhriũre taubu wapu. ¹⁰ Eropigu Goãmuru ĩġure pahia opu masa yare serẽbasabure arĩpu. Eropigu Melquisede pahia opu ĩġu árĩdiro dopa ta ãhrimi Cristo.

Cristo yarã ĩġure umupeo duhuacũ ġũhya ãhraa

¹¹ Baja ða árĩũre mũare werenemodiaa ġua. ġua eropa werenemodiaquerecũ ta mũaru peediabirã ãhraa. Eropirã mũare ġua werecũ mmasumasigu arĩpu. ĩġu eroasiya mara. ¹² Yoari boje Cristo yarã árĩraa mũa. Eropa árĩrã dohpagũre ġajirãre buherãġue árĩboca mũa. Mũa eropa árĩbonirã árĩquerecũ ta ġajirã mũapũre buherãcoma. Goãmu yare mũare buhemãhtarare mũare buhero ġahmea daja. Ne buhenũġarã iro dopa ta ãhraa mũa. ¹³ Apico mihrirã majirãġã árĩnima. Erã iro dopa ta mũa sã ãhraa ðaro masibirã árĩrã. “I ñeri ãhraa. Ipu ðari ãhraa,” arĩ ĩha masibeaa mũa. ¹⁴ Barire barãru mũrã ãhrima. Erã iro dopa árĩrã ðaro buhenirã ðaro pepi masirã mũa árĩcũ ðaboaya. “I ñeri ãhraa. I ðari ãhraa,” mũa arĩ ĩha masirã árĩcũ ðaboaya.

6

¹⁻² Eropirã Goãmu yare ðaro masirã, ðaro yũhriã árĩrã. Cristo yare negohragũre buhenũġarã ða masinũġabu mari: Mari gamero mera mari iiri duhpiuri árĩbeaa. Mari iiri mera tarisome mari. Tarimorã Goãmure umupeoro ġahmea marire. Ire negohragũre buhenũġama marire. Eropirã marire waĩyema. Mojotorire marire erã duhpeorire buhe, sĩrinirã erã masa marĩborore buhe, i mũa pehrera puhrũ Goãmu ĩġu dipuwaja moaborore buhe, ĩġu dipuwaja moamorã erã ñero tarĩnigũborore sãre buhe, i sãre marire negohragũre buhenũġama. Eropa árĩri buherire mari masituhajarare buhenemobirã ġaji buherire ðaro buhenemorã. ³ Eropirã Goãmure, ĩġu ya sãre masinemorã. Goãmu ĩġu ġamecũ eropa ta iirãca mari.

⁴ Goãmu yare masinirã irire duhurãre ne dipaturi erãre erã ñeri iirare erãre bujawerecũ iimasiya mara daja. Eropa árĩrã, Cristo ĩġu taunirã árĩrã Espĩritu Santore oparima. ⁵ Eropirã Goãmu ya werenĩġuirire peerã ðari werenĩġuiri iri árĩcũ masirima. Eropirã pehrerĩnũ puhrũġue Goãmu ĩġu turari mera mari eropa árĩnigũborore, masare ĩġu dipuwaja moaborore sãre erã masirima. ⁶ Eropa árĩrã Cristo yare erã duhurã Goãmu magure dipaturi crusague erã pabiadiro dopa ta ĩġure iirã iima. Erã eropiicũ ĩarã ġajirã masa Cristore wereyama. Eropirã dipaturi erãre, erã ñeri iirare erã bujawere ðarire gohrotocũ iimasiya mara. ⁷ Opa ãhraa iri mari werenĩġu queori mera buhecũ: Oari yebare wuaro deco arĩcũ erã oteri ðaro puhri ducacua. Eropigu iri pohe opu ducare opami ĩġu baburire. Iri yeba ðari yeba árĩcũ ĩha mucubirimi. Eropa ta Goãmu iimi ĩġu yare peenirã sãre. Erã ĩġu yare ðaro iicũ ĩha mucubirimi erã mera. ⁸ ġaji yebapu ãnapora mera, taa mera iri yeba tiaro duhpiuri yeba árĩbeaa. Eropa árĩri pohere cãcãro ġahmea. Eropa ta Goãmu iimi ĩġu ĩġu yare peequereã iĩbirãre. Erãre dipuwaja moa peameġue cãġucumi.

Cristore eropa umupeonĩġurãre taumi Goãmu

⁹ Yũ mahirã, mũare eropa arĩ werequereġu ta mũapũre “Cristore duhuristo yare erã duhurã Goãmu mã ãhraa,” arĩġu iĩbeaa. Mũaru Cristo ĩġu taurã ãhraa. Eropirã ðarire iirã iica mũa. Irire masia yũhu. ¹⁰ Mari ðaro iira waja Goãmu queoro marire ðaro iĩġu ãhrimi. Eropigu ĩġu ya árĩburire mũa turaro mohmerare cãdĩĩsime ĩġu. Mũa ĩġure mahirã ĩġu yarãre itamuabu mũa. Dohpagũre sãre erãre itamunĩġuia mũa. ĩġure mũa eropa mahirare cãdĩĩsime ĩġu. ¹¹ Mũa ojocarĩnigucãropẽ ġajirãre mũa umupeocũ, mũa itaisto yare erã duhurã Goãmu mmunĩġucũ sãre ġahmea ġua. Mũa eropiicũ ĩagu ðaro iĩġucumi mari Pagu mũare. ¹² Eropirã mũa tericũrã árĩcũ ġamebeaa ġua. ġajirã Cristo yarã ñero tariquereã Goãmure “ĩġu diaye ta árĩġu ãhrimi,” arĩ

umupeoniguicâma. Erâ eropiicû îagu Goâmû “Masare ôarire ogura,” îgu arîdiro dopa ta erâre opehogucumi. Eropirâ mua sâ erâre îhacûrâ erâ iro dopa ta iiniguicâque.

¹³⁻¹⁴ Iribojegue Goâmû Abrahâre ôpa arî apipû: “Yu waî mera diaye ta ire arîgu iiaa mure. Mure ôaro iigura. Eropigu mu pâramerâ arîturiarâre bajarâ masa arîcû iigura,” arî werepipû Goâmû. Eropa arî werepipû îgu ya waî mera waîpeopû. Gajigu îgu tauro arîgu ne maricû îgu ya waî mera eropa waîpeopû. ¹⁵ “Mure ôaro iigura,” Goâmû îgu arî apirare Abrahâpu ôaro îgu umupequra puhru Goâmû îgu arîdiro dopa ta îgure ôaro iipû. ¹⁶ “Goâmû mera diaye arîgu iiaa,” masapu arîrâ, erâ erâ tauro arîgu waî mera waîpeorâ iima. “Goâmû mera diaye arîgu iiaa yuhu,” yujuju îgu arîcû gajigu peegu “Diaye âhraa,” arîgucumi. Duyasomasibeami. ¹⁷ Eropigu Goâmû Abrahâre “Mure ôaro iigura,” arî apigu “Yu waî mera diaye ta arîgu iiaa,” arî waîpeopû. Îgu eropa waîpeo wererare peerâ “Diaye ta âhraa iri,” arî masia. Eropirâ “Îgu arîrare ne gohrotosome,” arî masia mari. Irire mari masiboro dopa îgu arî apira mera îgu waîpeogu eropa werepipû. ¹⁸ Eropigu îgu arî apira mera, îgu waîpeora mera diaye îgu arîrare masicû iipû Goâmû marire. Eropiro îgu waîpeocû îgu arî apira ne gohrotosome. Eropigu Goâmû ne guyabeami. Îgu eropa arîgu arîcû masirâ, mari marire îgu tauborore mucubiri corerâca, “Eropa ta iigucumi,” arîrâ. ¹⁹⁻²⁰ Eropa îgu tauborore corerâ guñaturarâ âhraa mari. Eropa arîrâ “Mari sîrîrâ Goâmû pohro warâca,” arî masirâ güibeaa. Pahia opû Goâmû îgu arîri taribu gohrague ñajagu, cãhmotarîne suhriro pohecague tariñajami. Eropa ñajagu masa ya arîburire serêbasami Goâmure. Îgu eropiidiro dopa ta Jesu sâ umarogue Goâmû arîrogue ñajamuhtadi arîmi. Eropa ñajamuhtagu mari sãre erogue ñajaburire ahmu serêbasami. Eropigu arîpehrerinuri nucû serêbasagu iimi pahia opû arîgu. Melquisede pahi îgu arîdiro dopa ta pahia opû âhrimi îgu Jesu.

7

Melquisede pahi îgu arîdiro dopa ta Jesu pahia opû âhrimi, arî gojañumi

¹ Melquisede iribojegue majagu Salem waîcûri maca majagu opû arîmuripû. Eropigu pahi arîgu Goâmû turagure umaro majagure masare serêbasagu arîmuripû. Eropigu gajirâ oparâre Abrahâ gamewejêtuha, îgu dujaricû gohra, Melquisede îgu ya maca arîdigu waha, Abrahâre bocatîripû. Eropa bocatîrigu îgure serêbasapu Goâmure: “Ôaro iique ire,” arî serêbasapu Abrahâre. ² Abrahâpu îgu gamewejê tarinugara puhru gajirâ oparâ yare aî dujapu. Îgu eropa aî dujarare merogâ duhapû îgu Melquisedere. Diez îgu aî dujara arîcû yujuñe opû Melquisedere. Melquisede îgu waî mari ya mera arîro “Tauro opû ôaro iigu âhrimi,” arîdiaro iiaa. Eropigu îgu Salem waîcûri maca majarâ opû îgu arîcû iri maca maja waîre waîcûpu. Salem waî ôpa arîdiaro iiaa: “Tauro opû masare ôaro game mahicû iigu âhrimi,” arîdiaro iiaa. ³ Ne Melquisede pagu sumarâre, îgu core arîmuhtanirâre, îgu acawererâre erâ were gojatura mara. Îgu masa dehyoarare, îgu sîrira sãre were gojatura ne mara. Eropigu eropa arîniguigu iro dopa arîpu îgu. Îgu eropa arîgu arîcû Goâmû îgu magu îgu pahi îgu arîrare marire buhemî. Melquisede pahi eropa arîniguigu iro dopa ta âhrimi îgu Jesucristo Goâmû magu. Îgu iro dopa ta Cristo sâ pahi arîgu eropa arîniguicâgu âhrimi.

⁴ Eropigu Melquisede turagu arîrare guñaque. Abrahâ mari ñecu muru opû gohra arîqueregu ta Melquisedepure îgu duja aîrare duhapû. Diez îgu duja aîra arîcû yujuñe opû Melquisedere. Eropa ta îgu duja aî îgu duharare opû îgure. ⁵ Eropiro Moise îgu doreri mera arîpehrerâ gajirâ Israe masare iripêta wajayadorepu erâ pahiare. Eropa doregu Levî pâramerâ arîturiarâre erâ acawererâ arîturiarâ erâ wajayerire ñeadoregu apimuripû. Levî pâramerâ ya curu majarâ pahia dihta wamuriñorâ. Eropirâ gajirâ ya curu majarâ sâ Levî pâramerâ mera Abrahâ pâramerâ arîturiarâ arîmuriñorâ. Erâ acawererâ arîquererâ erâ Levî pâramerâre wajayemuriñorâ. ⁶ Melquisedepu Levî pârami arîturiagu arîbiriqueregu ta wajaseapu Abrahâre. Eropigu “Mure ôaro iigura,” îgu Goâmû arî apidigu arîqueregu Abrahâpu Melquisedere wajayepû. Eropigu Melquisedepu Goâmure Abrahâre serêbasagu ôaro arîdoremuripû. ⁷ Ôaro arîdoregu Melquisedepu îgu ôaro arîdoredigu Abrahâ tauro arîpu. Irire mari ôaro masia. ⁸ Mari mera majarâ pahia marire merogâ wajasearâ mari iro dopa ta masa âhrima. Eropa arîrâ sîrimorâ ta âhrima erâ sâ. Îhî Melquisedepu iribojegue Abrahâre merogâ wajaseadigu eropa arîniguigu iro dopa âhrimi îgupû. “Îgu sîria wañumi,” arî werera ne mara. Eropa ta âhraa Goâmû yare erâ gojarapûgue. ⁹ Dohpagu majarâ Levî pâramerâ arîturiarâ pahia arîrâ masare merogâ wajaseamurima. Eropa arîrâ erâ arîquerecû ta Abrahâ erâ ñecu arîgu Melquisedere merogâ wajayegu arîpehrerâ Levî pâramerâ ya arîburi

sāre wajayebasagu iimuripū. Eropirā Levī pārāmerā sā Melquisedere wajayenirā iro dopa āhrima. ¹⁰ Melquisedere Abrahā īgū wajayerasubure Levīpū masa dehyoanibiripū dohpa. Eropa masa dehyoabiriqerēgū ta īgū űecū Abrahā dūpūgū īgū āribodiro dopa ta Levīpū ārituhagū iipū. Eropigū Melquisede Abrahāre īgū bocatīricū Levī sā īgū űecū mera īgū āriboro dopa āritū iipū. Eropa āritū Levī, īgū pārāmerā mera Melquisedere merogā wajayenirā iro dopa āritā erā īgū doca āritā iīnorā.

¹¹ Īgū dorerire apigū Goāmū Aarō pārāmerā āriturirā Levī ya curu majarāre pahia āritdoremuripū. Eropirā īgū doreri dorediro dopa ta erā pahia waimurāre soe mujurā masa ya āriburire serēbasamūriñorā Goāmure. Erā pahia erā eropiūqerēcū masa Goāmū mera ōaro wamorā āribirimūriñorā dohpa. Erā pahia erā iira mera masa ōarā wacū Goāmū erāre gohrotobure Cristore obeobiriboñumi. Eropigū īgū obeodigū marire Goāmū mera ōaro āricū iigū aridi āritū Cristopū. Īgū Levī ya curu majagū Aarō mūrū iro dopa āribiripū. Melquisede iro dopa āritū. ¹² Eropigū pahiare gohrotogū, marire doreri sāre gohrotoro gāmēmi īgure. Pahia erā itamuri mera mari taribiro dopa ta iri doreri mera mari taribea. Eropiro iri dorerire gohrotopohoro gāmēmi. ¹³ Aarō Levī sā, erā ya curu majarā dihtare pahiare acumuripū Goāmū īgū dorerire apigū. Īgū eropa acuqerēcū ta dohpaguere mari Opūre Cristore pahire Goāmū īgū acudigū gajī curu majagū āhrimi. ¹⁴ Īgū mari Opū Cristo Judā ya curu majagū masa dehyoapū. Moise pahiare acugū, Judā ya curu majarāre ne acubirimuripū. Irire ōaro masia mari.

¹⁵ Ire masirā, ōpa mari ōaro masia: Dohpaguere ne īgū acudigū pahī Cristo Melquisede iro dopa āritū āhrimi. ¹⁶ Iribojegue maja doreri dorediro dopa ta Levī ya curu majarā dihta pahia űajamūriñorā. Jesucristopū Goāmū ne īgū acudigū gajirā pahia erā iro dopa pahī űajabiridigū āritū. Īgū Goāmū turari mera āritpehlerinūri āritū āhrimi. Eropigū iri turari mera pahī űajadi āritū īgū. ¹⁷ Ōpa āhraa Goāmū yare weremāhtanirā erā gojarapūgūe:

Āritpehlerinūre pahī āritnigūicūca mūhū. Melquisede īgū pahī īgū āritnigūidiro dopa pahī āritnigūicāgūca mūhū, arīpū Goāmū īgū magure, arī gojañuma iribojeguerē. ¹⁸ Goāmū īgū doreri Moisere īgū apimāhtara doreri turari āribiribū. Eropigū iri dorerire duhucādi āritū Goāmū. ¹⁹ Moisere īgū apira doreri mera ne ōaro tariburire opabirimūribū mari. Eropigū dohpaguepūre Goāmū marire īgū tauborore marire apidigū āritū. Īgū eropiicū dohpaguere īgū pohrogue wamasia mari. Eropirā īgū mera werenigūimasia.

²⁰ Eropigū Cristore pahī acugū, “Yū wāī mera mūre acugū iiaa,” arīpū Goāmū. Gajirā pahia űajacū īgū iro dopa wāīpeo acubiripū erāre. ²¹ Cristopū īgū Pagū wāī werepira mera pahī űajapū. Ōpa arī werepīpū īgū Pagū Cristore:

Yūhū mū opū yū wāī mera mūre weregū diaye weregūra. Eropigū ire ne gohrotoro mariro werea mūre. Āritpehlerinūre pahī āritnigūicāgūca mūhū, arī werepīpū Goāmū īgū magure.

²² Eropa werepīgū mama buherire marire apigū, marire īgū tauborore apigū iipū. Iribojegue maja doreri tauro mari ōaro āriborore apigū iipū. Eropigū Goāmū masare “Ōaro iigūra,” īgū arīdiro dopa ta iibu, Jesure obeodigū āritū marire taubure. ²³ Āritmāhtanirā pahia erā sīricū īarā gajirā gohroto űajamūriñorā daja. Eropirā erā bajarā pahia wañorā. ²⁴ Jesupū eropa āritnigūicāmi. Eropirā īgūre gohrotorā ne marima pahia. ²⁵ Eropigū īgū eropa āritnigūicū, Goāmūre eropa serēbasanigūicāmi īgū īgū yarā ya āriburire. Eropigū Goāmū mera erā eropa āritnigūiboro dopa masare taumasimī īgū. Āritpehlerā īgure umupeorā Goāmū pohrogue warāca. Eropigū Jesu āhrimi űputū marire taubu.

²⁶ Eropigū Jesu āhrimi mari pahia opū. Īgū tamerare burigā gahmea mari. Ne űeri dipuwaja marigū āhrimi īgū. Eropigū masa iro dopa űerire iibiridi āritū. Eropigū Goāmū īgūre űerā watope āritdigūre aīgū, umarogue apī, āritpehlerā gajirā tauro āritū opū acupū. ²⁷ Gajirā pahia iro dopa āritbeamī īgū. Erāpū űmūri nūcū waibūgure wejē, soe muju serēmūrima Goāmūre masa űeri iira dipuwaja cādjidorerā. Erā basi erā űeri dipuwajare serēmūhtamūrima. Pūhrū gajirā űeri dipuwaja sāre serēbasamūrima erā. Eropirā erā bajasuburi eropa Goāmūre serēbasamūrima. Jesupū pahī āritū, yujusubu ta masa űeri dipuwajare Goāmūre serēpū. Īgū waibūgure wejēbiri īgū basi sīridigū āritū mari masa űeri iira dipuwajare taubu. ²⁸ Goāmū doreri Moisere īgū apira mūra pahia oparā űajadorea. Eropa erā űajaqurerā, űeri marirā āritbeamā pahia űajarā. Iri doreri pūhrū Goāmū īgū magure pahire acugū “Diaye ta pahī āritnigūicāgūcumī,” arī acupū. Īgūpū űeri mariro eropa āritnigūicāmi.

8

Goāmũ masare “Mũare taugũra,” arĩ apĩpũ daja ĩgu Moiserẽ arĩ apĩrĩre gohrotogũ. Ĩgu mama apĩrĩre werebasagũ áhrimi Jesu

¹ Iri áripehrerĩ arĩ wererã i tamerare mũare arĩrã iiaa: Mũare gua weredĩgu pahia opũ ĩgu tamera mari yagũ gohra áhrimi. Mari ya áriburire Goãmũre serẽbasagũ ta áhrimi. Umarogue Goãmũ turatarĩgu ĩgu opũ doaro pohro ĩgu diayepũ doami ĩgu Cristo mari pahia opũ. ² Eropĩgu Goãmũ wihi i yeba maja wihi, masa erã iira wihĩgue mohmebeamĩ. Umarogue áriĩri wihire mari Opũ ĩgu iira wihire Goãmũ ya áriburire mohmebasamĩ. Iri wihi tamera Goãmũ ya wihi gohra áhraa.

³ Eropĩrã áripehrerã i yeba majarã pahia oparã waimũrãre wejẽ soe muju Goãmũre omurĩma masa ñero iira dipuwajare cãdĩjidorerã. Eropa ta iimorãre apidĩgu áriĩmi Goãmũ. Eropĩgu mari yagũ pahi Cristo sãre apĩgu Eropa ta iidorepũ. Eropĩgu mari ñeri iira dipuwajare Jesucristo ĩgu basi sĩrĩdi áriĩmi. ⁴ Moise dorerĩ dorediro dopa ta i yebague pahia masa erã ñeri dipuwaja cõaburire mohmebasama. Eropĩrã i yebague pahia árituhama. Erã Eropa árituhajacũ Jesupũ mari yagũ pahi i yeba áriĩnguĩgu, pahi áriĩbiriboñumi ĩgu. ⁵ I yeba majarã pahia erã mohmerire i yeba maja wihi ta Goãmũ wihi mohmerã árituhajama. Goãmũ wihi gohra umarogue áhraa. Eropĩro Goãmũ wihi i yeba maja wihi umaro maja wihi ĩhacũ iira wihi áhraa. Eropĩgu Moise iri wihire i yeba maja wihire ĩgu moaboro coregã Goãmũ õpa arĩpũ ĩgure. “Utagũgue áriĩgu mũre ya ĩhmudiro dopa ta yaha wihire õpa iique. Yũhũ dorediro dopa ta yaha wihire queoro iique,” arĩmũripũ Goãmũ ĩgure. ⁶ Dohpaguepũre Jesu pahi áriĩgu ĩgure apira mohmeri i yeba majarã pahia mohmeri tauro õaro áhraa. Bu gohra áriĩbeaa. Goãmũ masare “Cristo mera mũare õaro iigũra,” ĩgu arĩ apira iribojegue maja dorerĩ Moise dorerĩ tauro õari áhraa. Marire ĩgu arĩ were apira iri dorerĩ tauro marire õaro áriĩcũ iiroca. Eropĩgu marire Goãmũ mera amubasagũ áriĩgu, Cristopũ gajĩrã tauro pahi áhrimi.

⁷ Negohrague Moise dorera mera mari Goãmũ mera õamasibirimũribũ. Iri dorerĩ mera mari õacũ gajĩ buherire apĩbiriboñumi Goãmũ. Iri dorerĩ mera mari õacũ, “Cristo mera mũare õaro taugũra,” arĩ werebiriboñumi marire. ⁸ Iri dorerĩ erã bocafubĩrĩre weregu õpa arĩpũ ĩgu yarãre Israe masare:

Õpa arãa yũhũ mũa Opũ: “Õaro peeque. Pũhrũgue gajĩ buherire weregura yaharãre Israe masare, Judã ya curu majarã sãre. ⁹ Iri buheri erã ñecũ sumarãre erãre werepirã iro dopa ne áriĩsome. Yũ basi erãre Egipto yebague áriĩnrĩre wiugu erãre werepirĩbũ. Yũ Eropa arĩ werepirare tarĩnugama erã. Erã eropĩcũ ĩagu negohrãre erãre ya wererare duhucãbũ. ¹⁰ Eropĩgu pũhrũgue Israe masare õpa arĩ weregura: Yũ dorerire erãre guñacũ iigũra. Erãre ya dorerire yãhrĩdiacũ iigũca. Eropĩgu yũ Goãmũ erã opũ áriĩgũra. Eropĩrã erãpũ yaharã masa áriĩrãcoma, arĩ weregũra. ¹¹ Eropĩrã irisubure erã mera majarãre erã acawererãre ne erã õpa erã basi game arĩsome: ‘Dohpaguere mari Opũre Goãmũre masique mũa,’ ne arĩ game buhesome. Erã áriĩpehrerã yũre masituharãcoma. Majĩrãgã, mũrã sã yũre masĩrã dihta áriĩrãcoma. ¹² Eropĩgu erã ñeri iĩrãre cãdĩjĩguca yũhũ. Eropĩgu erãre dipuwajã moasome yũhũ,” arãa yũhũ mũa Opũ, arĩpũ Goãmũ ĩgu ya werenĩguĩri erã gojarapũgue.

¹³ Eropa arĩgu mama buherire apĩgu, iribojegue maja dorerire duhucũ ĩgu iimi. Eropĩro mũra dorerĩ ĩgu duhucũ iira pũhrũ iri dorerĩ mũra gohrotopẽhrea waro iiaa.

9

I yeba maja tarĩbure umaro maja tarĩbu sãre Goãmũre umũpeori tarĩbure werepũ

¹ Negohraguere Goãmũ ĩgu dorerire Moiserẽ apĩgu masa ĩgure umũpeoburĩ sãre werepĩpũ. Eropĩgu Goãmũre erã umũpeoburĩ wihi sãre iidore apĩpũ. ² Iri wihi waimũrã gasĩrĩ wihi áriĩyoro. Pe tarĩbu opayoro. Wũari tarĩbu erã ñajamũhtarĩ tarĩbu Goãmũ ya tarĩbu waĩcũyoro. Iri tarĩbure erã sãhãgori yucũ duhpedĩgu áriĩyoro. Eropãriĩcũ mesa sã áriĩyoro. Iri mesa weca Goãmũre erã ori pan peyayoro. ³ Gajĩ tarĩbu suhri mera erã cãhmotara tarĩbu áriĩyoro. Iri tarĩbu Goãmũ ĩgu áriĩri tarĩbu gohra waĩcũyoro. ⁴ Iri tarĩbugue oro mera erã iira mesa, incienso erã soeri mesa áriĩyoro. Eropĩro oro õari mera erã sũra comoro ero oyayoro. Iri comoro waĩcũyoro Goãmũ arĩ werepirã gojara dicũri comoro. Iri comoro pohecague dicũyoro. Yuju corõ oro corõ dicũyoro. ĩgu masare ejorañegã mana waĩcũriñegã dicũri corõ áriĩyoro. Eropĩro iri comoro pohecague Aarõ yagũ ĩgu tuadĩgu pũcũdĩgu áriĩyoro. Eropĩro pemĩji utãmĩji Goãmũ ĩgu dorerĩ ĩgu gojatura mijĩri iri comoro pohecague dicũyoro. ⁵ Iri comoro weca perã anyua wãanĩrã áriĩñorã. Erã wãanĩrã Goãmũ ĩgu gosesĩrĩri mera, “Iri tarĩbure ĩgu áhrimi,”

arí werero iyyoro. Iri comoro buariñe erā quēdupuri mera buasūyoro. Iri comoro buariñe weca masa ñero erā iira dipuwajare cādijidoregū waimurā di Goāmure erā orare wejēsiripeopū pahi opū. Iripēta weregura i wihi majare dohpaguere.

⁶ Eropirā iri wihire eropa erā ñero erā amura puhru pahia umuri nucu erā ñajajamūhtari taribu erā mohmerie iimuriñorā. ⁷ Eropigū pahia opurū dihta gaji taribugere ñajapu. Bajori nucu igu iri taribure yujusubu ta ñajapu igū. Eropa ñajagu erā wejēdigu waibugu dire aī ñajagu, Goāmure umupeopū. Iri di mariro ne ñajabiripu. Igu basi igu ñeri iira wajare, arīpehrerā gajirā Israe masa erā ñero iira dipuwaja sare cādijidoregū dire aī ñaja apimuripu igū Goāmure. ⁸ Arīpehreri i mera Espiritu Santo marire ñero opa arī buhebu iimi: Iri wihi Moisere igū apira wihigue Goāmure umupeoburi arīrisubu masapu Goāmure umupeorā iri wihigue ñajamasibiriñorā. Pahia opū dihta Goāmū igū arīri taribu gohraguere ñajamasimi masare serēbasagu. ⁹ I arīpehreri Goāmure umupeori wihi majare masare apira, marire dohpague majarā buheburi dihta arīyoro. Pahia erā ñeri dipuwajare waimurāre wejēra mera masa ne Goāmū mera tarimasibiriñorā. Pahia erā eropa soe mujuquerecū masa erā ñeri ne erā pepirigue ne pehresūbiriñorā. ¹⁰ Goāmū Moisere apira doreri deyoro maja iiri dihta āhrra. Erā ñero baburi, erā ñero ihriburi, erā ñero coeburi, erā ñero iiri dihta arīyoro. Eropiro iri doreri marire ñero wacū iibiriyoro. Goāmū iri dorerire masa erā iiburire apiñumi Cristo ariboro core.

¹¹ Dohpaguere Cristopū mari pahi opū arīgu arituhadigu āhrimi. Eropigū marire sribasara mera marire ñero wacū iituhadi arīmi. Eropigū Goāmure mari ñeri dipuwajare cōādoregū Goāmū arīrogue ñajaja i yeba maja taribure ñajabiripu. Umoro maja wihi ñajapu. Iri wihi i yeba maja wihi tauro āhrra. Eropiro masa erā iira wihi arībeaa. ¹² Eropigū Cristo umarogue Goāmū igū arīro gohrague yujusubu ta mari ñeri dipuwajare ñajatapu. Eropa ñajagu cabritoa dire, wecua dire Goāmū arīri taribugue erā aī ñajaro dopa iibiripu igū. Igu basi sīrigū igū di gohrare cōāgu arīpehrerinari Goāmū mera mari ñero arīnigucāborore iipū. ¹³ Ñeri oparāre guhrraricārare coewearā erāre wejēsiripeomuriñorā cabritoa di mera, wecua di mera, wecua erā soera niti mera. ¹⁴ Eropa iñorā masa erā dupure ñerire coewea cōārā. Iri tauro Cristopū igū di mera mari pepirigue mari ñerire ñero coewea cōācādi arīmi. Iri ñeri dipuwaja oparā peamegue wabonirā arīribū mari. Jesucristopū ñeri marigu arīgu ta igū basi crusague sīrigū Goāmure opū. Espiritu Santo eropa arīniguiqu igū itamuri mera eropa opū igū igū basi. Eropigū igū mari ñerire igū coeweadī arīmi, Goāmū ojocarigu ya arīburire mari ñero iimasiboro dopa.

¹⁵ Eropigū “Ōpa mure ñero iigura,” Goāmū arī igū mama werepidiro dopa ta Cristopū iidigu arīmi. Eropa iidi arīmi igū Goāmū igū beyenirāre taubu. Igu eropa taucā arīpehrerinari igū mera ñero arīrāca mari igū yarā. Eropirā Goāmū igū yarāre igū oburire oparāca mari. Moise doreri dihta arīcū masa erā ñeri iira dipuwajacurā arīmuriñorā dohpa. Eropa ñeri iira dipuwajacurāre taubu igū crusague sribasadi arīmi. Igu eropa sīricū mari igū yarāre igū oburire oparāca. ¹⁶⁻¹⁷ Ōpa āhrra mari masare. Yujugu igū sriboro core igū acawererā igū yare aī gueremasibeama. Eropiro igū oparire igū acawererāre igū oburire igū gojatuyurapū igū sriboro core iripū wajacūbeaa dohpa. Igu sīricū ñero iripū igū arī gojadiro dopa ta igū yare guererācoma erā. ¹⁸ Eropa ta Goāmū masare werepimūhtara Moisere igū apira doreri sīro mariro di cōāro mariro ne duhpiburi arībiriyoro. Eropigū waibugu dire Moise wejēsirira puhru igū dorerire diaye ta iigu iipū. ¹⁹ Eropigū opa iimūhtapu Moise: Goāmū igū apira dorerire masare werepohopū. Puhru cabritoa dire, wecua dire deco mera morepū. Eropigū isopo waicūdigū dupū mera oveja poari diari poari mera erā ñimurare turāpū. Iri dupū mera dire yosogu, Goāmū dorerire igū gojarapū weca wejēsiripu. Arīpehrerā masa weca sare wejēsiripeopū. ²⁰ Eropa iigu opa arīpū igū: “Goāmū marire igū werepira igū dorera i di mera iri diaye arīcū masia mari. I dire ñero diaye ta igū arīdiro dopa ta igū marire iiburire masia. Maripure irire yuhridoremi,” arīpū Moise. ²¹ Eropigū masare igū iidiro dopa ta Goāmū umupeori wihi waimurā gasiri wihire, arīpehreri iri wihi arīri sare wejēsiripeopū. ²² Eropa ta āhrra. Igu doreri iri dorediro dopa ta baja ñerire di mera coeweadoreyoro. Eropigū di cohoro mariro Goāmū mari ñeri iirare ne cādijisome.

Cristo igū dire cōāgu, igū yarā erā ñeri iirare coewearū

²³ Eropiro i yeba maja wihire, iri wihi arīri sare ñerire coewearo dopa ta waimurā di mera wejēsiripeomuripu. Eropiro iri tauro umarogue wamorāre erā ñeri dipuwaja oparare coero gahmea. Eropiro waimurā di tauro arīgu ya di mera erā ñerire coero

gahmea. Eropirā Jesucristo ya di mera coenirā wabū maripū. ²⁴ Eropigu Cristo mari ñeri iira dipuwajare Goāmure cōadoregū Goāmure erā umupeori wihi masa erā iira wihire ñajabiripū. I yeba maja wihi umaro maja wihi ihacū iira wihi āhrra. Goāmū ya wihi gohra umaro maja wihi āhrra. Eropigu mari ñeri iira dipuwajare cōadoregū Goāmū árīro gohrrague ñajapū Cristo. Umarrague wapū ĩgū Goāmū core mari ya árīburire serēbasabu. ²⁵ Pahia opū bojori nūcū Goāmū ĩgū árīri taribugue erā ñeri iira dipuwajare cōadoregū ñajamuripū waimurā di mera. Cristopū sīrigū ĩgū dire cōadigū Goāmure mari ñeri iira dipuwajare cōadoregū erā iiro dopa bajasuburi ñajabiripū. ²⁶ Bajasuburi ĩgū dire cōābū árīgū, i yeba árīropē bajasuburi ĩgū ñero sīrīnīguicāboñumi. Yujusubu ta dehyoapū ĩgū i yebagure i umū pehrerīnā coregā. ĩgū dehyoagū ĩgū yujusubu ta sīribasara mera mari árīpehrerā ñeri iirare cōābū dehyoapū. ²⁷ Árīpehrerā mari masa sā yujusubu ta sīrīrāca. Mari eropa sīrira pūhrū, ōarāre, ñerā sāre beyegucumī Goāmū. ²⁸ Yujusubu ta mari sīrīro dopa ta Cristo sā yujusubu ta sīripū bajarā masa erā ñero iirare cōābū. Pūhrū dipatūri dujarīgucumī. Mari ñerire cōadīgugue dujarīgucumī. Eropigu irire dipatūri cōāgū arisome. Eropa arīgū mucubiriri mera ĩgure corerāre taugū arīgucumī. ĩgū pohrogue erāre aīgābū arīgucumī.

10

¹ Moise doreri pūhrū Cristo masare ĩgū ōaro iiburire ihmura dihta árībū. Eropiro Cristo masare erā ñeri iirare ōaro cōāboro dopa iri doreri erā ñerire cōāmasibiriyoro dohpa. Eropiro iri doreri iri iidorero dopa ta pahia bojori nūcū Goāmure waimurāre wejē, soe muju, iinīguīquerecū masa erā ñerire cōāmasibiriyoro. Goāmure umupeomōrāre ōarā árīcū iimasibiriyoro iri doreri. ² Iri mera masa erā ñerire cōācū, yujusubu ta Goāmure erā waimurā wejē di cōāra pūhrū erā ñerire cōāpehosūboñuma. Eropirā irisubu majarā, “Dipuwaja mara guare,” arī pepīboñuma masa. Eropirā iripēta dipatūri Goāmure waimurā wejēburire duhcāboñuma. ³ Ōabirimurīñorā dohpa. Eropirā bojori nūcū Goāmure waimurāre wejē di cōācū masa erā ñeri dipuwajare guñanīguicāñorā. ⁴ Wecua di mera, cabritoa di mera ne mari ñeri dipuwajare cōāmasiya mariyoro dohpa.

⁵ Iri eropa árīcū ĩagū Cristo i yebagure ĩgū ariboro core ōpa arīpū Goāmure ĩgū Pagure:

Waimurāre erā soe muju ocū, trigo pogare erā ocū sāre mū ĩagū ihasuabeaa muhu.

Eropigu masa dehyoacū iibū muhu yare. Muhu yare iira dūpū mure mucubiricū yū iiburi dūpū árīroca. ⁶ Ñerire erā cōāborore waimurāre wejē erā soe mujucū ĩagū ihasuabirabū muhu. ⁷ Mū eropa ihasuabiricū ĩagū ōpa arībū mure: “Mū gamerire yebague ĩgū wagura. Yū eropiuburire arī gojara āhrra mū yare erā gojarapūgue,” arībū yūhū, arīmuripū Cristo ĩgū Pagure.

⁸ Negohraguere Goāmū ĩgū doreri waimurāre trigo poga sāre erā ori mera erā ĩgure umupeodorequerecū ta ōpa arīpū Cristo ĩgure. “Waimurāre soe muju erā ocū, trigo pogare erā ocū sāre gamebiribū muhu,” arīpū ĩgū. ⁹ Eropa arīthahagū ōpa arīnemopū: “Mū gamerire yebague ĩgū wagura,” arīpū. ĩgū eroparīcū ōpa masia mari. Iribojegue Goāmure erā ñerire cōādorere waimurāre wejē di cōārare gohrotogu iipū Goāmū. Eropa gohrotogu Cristo ĩgū sīridiro mera masare erā ñeri dipuwajare taugucumī Goāmū. ¹⁰ Jesucristo ĩgū dūpūre ogū sīrigū árīpehrerā mari ñero iirare cōadīgū árīmi. Yujusubu ta Goāmure ĩgū dūpūre ogū marire dipuwaja maricū iidi árīmi. Eropa iigū Goāmū ĩgū gamediro dopa ta iidi árīmi.

¹¹ Árīpehrerā pahia umūri nūcū Goāmure umupeori wihi mohmeniguima. Eropa mohmenīgūrā muraro ta waimurāre wejē soe mujuma Goāmure masa ñerire cādījidoremorā. Erā eropa iiquerecū ta erā ñero iirare cādījibeami ĩgū. ¹² Cristopū yujusubu ta mari ñeri dipuwajare sīrigū, mari ñero iirare ōaro cādījipehocācū iidīgū árīmi. Irire cādījipehocū iitūha waha wapū ĩgū Pagū pohrogue ĩgū diayepū doagu wagu. Opū árīgū erogue doacumī. ¹³ Eroguere doagu coregū iimi. ĩgure ihatūrirāre ĩgū Pagū ĩgū tarīnīgabasaborore coregū iimi. ¹⁴ Yujusubu ta ĩgū sīridiro mera ĩgū coenirāre ōarā ñeri mariro erā arīnīguicū iidi árīmi. Eropigu Goāmū pohro doami pare. ¹⁵ Jesucristo eropa iiboro core erā arī gojamūhtarare arī weremi Espīritu Santo marire. Ōpa arī weremi ĩgū:

¹⁶ Ōpa arīmi mari Opū: “Pūhrūguere ōpa arī werēgura Israe masare. ‘Yū dorerire erā yuhridiacū ĩgū erā pepirigū apīgura,’ arī werēgura,” arīmi ĩgū.

¹⁷ Ōpa arīnemomi Goāmū:

“Erã ñero iirare dipaturi guñanemosome yuhũ,” arĩmi ĩgu, arĩ weremi marire Espĩritu Santo Goãmu yare gojarapũgue.

¹⁸ Mari ñeri iirare ĩgu cãdijicã dipaturi mari ñeri dipuwajare sĩbure gamebeaa mari.

Goãmu pohro mari ejaero dopa ta ĩgu mera gũiro mariro mari wereniguĩmasia

¹⁹ Cristo ĩgu sĩrĩro mera ĩgu di cõaro mera mari sã dohpaguere gũiro mariro Goãmu mera wereniguĩmasia. Eropirã ĩgure serẽmasia. ²⁰ Iribojegue Goãmu ĩgu arĩri taribugue Goãmure serẽbu pahia opu dihta ñajamasimi. Iri taribure Goãmu arĩrore cãhmotara suhĩrore ĩgu dihta tari ñaja serẽmasimi. Dohpague ta mari basi Goãmu arĩro ñajaro dopa ta Goãmure serẽmasia. Pahia opu ĩgu iri taribugue ĩgu dire aĩ ñajaro dopa ta Cristopũ Goãmu pohrogue ejaopũ mari ñeri iirare cãdijidoregũ ejaopũ. Eropa iigu Goãmu mera mari wereniguĩbodĩrore cãhmotadĩrore cõadi arĩmi. ²¹ Goãmu pohrogue serẽbasagũ mari Goãmu yarã yagũ pahia opu turatariagũ aĩrimi Jesucristo. ²² Eropirã, yũ acawererã, Cristo mari pahia opu arĩcũ ĩha mari Goãmu mera wereniguĩmasirã arĩrã Goãmure serẽrã. Diaye pepirã arĩrã, “Ĩgu yuhĩgucumi,” arĩ umupeorã ĩgure serẽrã. Cristo mari ñerire ĩgu di mera coenirã aĩraa. Eropirã “Dipuwajacurã aĩraa,” arĩ pepirã arĩbeaa mari. Eropirã guhĩrari mariri deco mera coeweasũnirã iro dopa aĩraa. Eropa arĩrã Goãmure serẽrã. ²³ “Muare taugura,” ĩgu arĩdiro dopa ta iugucumi. Eropirã ĩgu marire ĩgu tauboro ðaro mucubirimũhtayua mari. Irire mucubirimũhtayurã ne cãdijibiricãrã. Goãmure eropa guñaturaniguicãrã. Eropa guñaturarã irire gajirãre wererã mari. ²⁴ Mari mera majarãre mahirã itamurã mari arĩpehrerã mari game mahi mari itamuboro dopa. ²⁵ Eropirã ðaro gamenererã Goãmure umupeomorã. Gajirãpũ gamenerebeama Goãmu yare buhemorã. Erã iiro dopa iibiricãrã. Mari mera majarãre Jesucristore umupeonemocũ iirã. I yebaguere mari Opu ĩgu dujariboro merogã duhyaa. Irire masirã turaro itamurã mari mera majarãre, Jesu yarãre erã Jesucristore umupeorire.

²⁶ Diaye arĩri buherire mari masiquererã ta irire cõarã ñerire mari eropa iiniguicũ, Jesucristo sĩrira mera mari ñerire cõanemoboro ne mara. ²⁷ Eropiro eropa iirãre guhyaro dujaa. Arĩpehrerã ĩgure ĩhaturirãre dipuwaja moagu turaro ũjurogue cõagucumi Goãmu erãre. Eropirã ĩgu dipuwaja moaborore gũirã dihta aĩrima ĩgu yare cõanirã. ²⁸ Moise dorerire tarinuganirãre dipuwaja moarã erãre wejẽmuriĩnorã. Ne mojomoro ĩaro mariro wejẽmuriĩnorã erãre. Urerã erã ñero iirare weresãcũ peerã erã tarinugare masima. Urerã maricũ perã erã ñero iirare weresãcũ peerã erãre wejẽmuriĩnorã Goãmu dorero dopa ta. ²⁹ Erã iidiro tauro Goãmu magure ĩhaturirã dipuwaja moasĩmorã arĩrãcoma. Cristo ĩgu di cõaro mera marire mari ñeri iirare cõadi arĩmi Goãmu. ĩgu eropa cõaborore weryupu ĩgu. Eropirã ĩgu cõanirã erã arĩquererã ta, puhũ ĩgu di cõarare “Bu gohra aĩraa,” arĩrã ĩgu dipuwaja moamorã gohra arĩrã ta iirãcoma. Eropa arĩrã Espĩritu Santore ñero arĩ wereniguĩrã aĩrima. ĩgu erãre mahĩgu aĩrimi. Erã eropa ñero wereniguicũ ĩagu turaro dipuwaja moagucumi Goãmu erãre. ³⁰ Goãmu eropa ĩgu arĩgure masia. Goãmu ĩgu basi ta õpa arĩpu: “Yuhũ aĩraa dipuwaja moabu. Erã ñerire iira dipuwaja, dipuwaja moagura yuhũ,” arĩpu ĩgu. Opa arĩnemopũ: “Yaharãre ñero iirãre dipuwaja moagura,” arĩpu ĩgu, arĩ gojaũuma ĩgu yare gojarapũgue. ³¹ Goãmu ojocarĩgu marire dipuwaja moacũ guhyataria.

³² Iribojegue mua arĩrãre guñaque mua. Irisubure Goãmu yare ne masĩngarã ñero tariquererã bajasuburi ñero tariquererã ne ĩgu yare cõabirĩbu mua. ³³ Yujuyerĩsuburi masa erã ĩhuro gajirã muare ñero arĩ, ñero pabirama muare. Eropirã gajirã Jesu yarãre erã ñero iicũ ĩarã erãre mojomoro ĩabu mua. ³⁴ Erã Cristo yarã erã arĩra waja erã peresugue arĩrãre mojomoro ĩabu mua. Eropirã mua yare erã emaquerecũ ta mucubirĩri mera “Õaroca,” arĩmũribu mua. I yeba maja tauro ðarire umaroguere mua opaburire masĩmũribu. Iri ðari pehrebirĩborore masĩbu mua. Irire masirã mua oparire erã emacũ bujawerebirĩbu mua. ³⁵ Eropirã irire guñatura duhubiricãque. Goãmure eropa umupeoniguicãque. Mua eropa iira waja muare ðaro iugucumi. ³⁶ Goãmu yare ðaro iiniguicãro gahmea ne duhuro mariro. Goãmu yare iirã bocatũuro gahmea. Eropa iirã arĩrã ĩgu gamerire mua iira puhũ ĩgu “Muare õpa ogũra,” ĩgu arĩ apirare oparãca. ³⁷ Opa aĩraa Goãmu yare erã gojarapũgue:

Merogã duh, ñero pabirama muare. Eropiryaa Cristo ĩgu eraboro. Eropa eragu mata erapurumujugucumi. ³⁸ Yaharã ðarãpu yare umupeoniguicãrãcoma. Eropirã yaharã arĩniguicãrãcoma. Yũ mera eropa arĩniguĩrãcoma. Yahare cõanirãpũre ĩhasasome yuhũ, arĩmi Goãmu, arĩ gojaũuma.

³⁹ Marĩpu Goãmu yare cõarã arĩbeaa mari. Eropirã peamegue wamorã arĩbeaa mari. Goãmure umupeoa mari. Eropirã ĩgu taunirã aĩraa ĩgu pohro wamorã.

11

Umupeorire werepu

¹ Ōpa āhraa umupeori: Goāmure umupeorā, marire ĩgu ōaro iiburire ōaro masia. ĩgure ĩabiriqererā ĩgure umupeorā “Diaye ta ĩgu āhrimi,” arĭ pepia mari. ² Iribojegue majarā Goāmure “Diaye ta ĩgu āhrimi,” erā arĭ umupeocū ĩagu ĩhasuaru Goāmuru.

³ Goāmu ĩgu wereniguiiri mera arĭpehrerire ĩhacūnuguru. Eropigu ĩgu mari ĩabirirare arĭpehrerire mari dohpague mari ĩari säre ĩhacūnuguru. ĩrire mari ōaro masia Goāmure umupeorā.

⁴ Goāmure umupeogu Abelpu cordero wejē, soe mujuru Goāmure umupeogu. Eropa ĩgu ĩgu tigu tauro ōaro umupeoru ĩgu Goāmure. Eropigu Goāmu ĩgu orare mucubiripu. Eropa mucubirigu “Ōagu āhrimi,” arĭ ĩapu ĩgu Abelre Goāmure umupeogure. Abel iribojegue sĭridigu maru arĭquerecū ĩgu Goāmure eropa ii umupeorare guñaa mari sā. Eropa guñarā. Goāmure umupeoa mari sā.

⁵ Enoco Goāmure ĩgu umupeocū ĩagu mucubirimuripu Goāmu. Eropa mucubirigu ĩgure ĩgu pohrogue aĭmuriapu. Eropa ta werea Goāmu yare wereniguirire erā gojarapūgue. ĩgu eropa aĭmuriara puhru masa ĩgure ne bocabiriñorā. ĩgu eropa aĭmuriadigu arĭgu ne sĭribiripu. ⁶ Goāmure umupeobirā ĩgure mucubiricū ĩmasibeaamari. Goāmure serēdiarā ōpa ĩgure arĭ pepiro gahmea marire. “Diaye ta ĩgu Goāmu gohra āhrimi. Eropigu ĩgure mari umupeocū marire ōaro iimi ĩgu,” arĭ pepiro gahmea. Mari eropa arĭ pepibirā mari ĩgure serēmasibeaamari.

⁷ Noē Goāmure umupeogu ĩgure ĩgu wererare ōaro yuhripu. Puhru erā ñero waborore Goāmu ĩgure werecū peegu ōaro yuhripu ĩgu. Eropa yuhrigu wuadiru dohodiru ĩpu ĩgu acawererā dia miririñere tarimorā. Noē eropa umupeogu arĭgu i yeba majarā ñerā erā umupeobirirare, erā taribiriboro säre ĩhmugu ĩmuripu. Eropigu ĩgu umupeocū ĩagu “Ōagu āhrimi,” arĭ ĩamuripu Goāmu ĩgure.

⁸ Abrahā sā Goāmure umupeogu ĩgure yuhripu. Gaji yebagure ĩgure ĩgu oburi yebagure Goāmu ĩgure wadocē ĩgure yuhripu. ĩgu ya yebare wirigāgu ĩgu masibiriri yebague ejapu. ⁹ “I yebare mure ogura,” Goāmu ĩgu arĭcū peegu ĩgure umupeogu iri yebague eja arĭmerejapu ĩgu. Ero arĭmerejaqueregu ĩgu gaji yeba majagu arĭro dopa waimurā gasiri wiri mera wiñicu curimuripu marano arĭbirinijagu arĭgu. ĩgu magu Isaa sā ĩgu pārami Jacobo sā ĩgu iiro dopa ta ĩmuriñorā. “Mware i yebare ogura,” arĭ weremuripu Goāmu erā säre. ¹⁰ Eropigu i yebare curigu macari ĩbirimuripu Abrahā. Gaji macague Goāmu ĩgu arĭri macague umarogue ĩgu waborore coregu ĩpu Abrahā. ĩri maca Goāmu ĩra macau. Eropigu ĩgu umupeocū ĩ arĭyoro. Eropigu iri macare ne pehrebiriburi macare coregu ĩpu.

¹¹ Goāmure umupeogo Sara wañcugo, buro gohra arĭquerego porā marigo arĭquerego ta porācuro. “Goāmu ĩgu arĭdiro dopa ta ĩgucumi,” arĭgo ĩgure umupeogo porācuro. ¹² Eropigu Abrahā bugu gohra arĭqueregu ta porācuro. Eropirā ĩgu pāramerā arĭturiarāgue bajarā wacñorā. Necäre, ĩmpa yerire mari queorā yujuro bojeya mariro dopa ta, ĩgu pāramerā arĭturiarā säre queo bocatūya mariñorā.

¹³ Arĭpehrerā oā yu werenirā murague Goāmure umupeotuhajanirāgue sĭriñorā. Goāmu “Mware ogura,” ĩgu arĭrare opanibirāgue sĭriñorā. Eropa opabiriqererā “Goāmu ĩgu arĭdiro dopa ta puhrugue ogucumi guare,” arĭ masiñorā. Eropa masirā mucubirimuhtañorā. Eropirā ōpa arĭñorā erā: “I yebague curirā āhraa. Gaji yeba majarā āhraa,” arĭmuriñorā erā. ¹⁴ Eropa arĭrā gaji yebare erā ya yeba arĭborore corerā ĩñorā. ĩrire ōaro masia mari. ¹⁵ “Gaji yeba majarā āhraa,” erā arĭrā iribojegue erā cōara yebare guñarā ĩbiririñorā. ĩri yebague dujaa wadiarā dujaa wabofuma. ¹⁶ Ōari yebapure gahme corerā ĩñorā. ĩri yeba umarogue āhraa. Erā eropa gahme corecū ĩagu Goāmure “Gua opu āhrimi,” erā arĭcū peegu ne guhyasĭribiripu Goāmu. ĩgu pohro erā ya maca arĭborore ĩbasatuhadi arĭmi ĩgu. Eropigu guhyasĭribiripu.

¹⁷⁻¹⁸ Goāmu Abrahāre ĩgu magure Isaare wejē soe mujudorepu. ĩgure ĩadiagu eropa dorepu, “¿Diaye ta yare umupeori?” arĭgu. Eropigu Goāmure umupeogu ĩgu arĭdiro dopa ta ĩripu Abrahā. “Ma magu Isaa mera ma pāramerā arĭturiarāre opagaca muñu,” Goāmu ĩgu arĭdiro arĭquerecū ĩgu magure wejēbu ĩripu Goāmu dorero dopa ta. ¹⁹ “Yu magure Isaare yu wejēcū Goāmu ĩgure masugucumi,” arĭ pepigu ĩgure wejēbu ĩripu. Eropigu Goāmu ĩgure cāhmota ĩgure wejēdorebiripu. ĩgu pagu ĩgu eropa wejēbu arĭgu Isaa sĭribudigu arĭpu. Eropigu sĭridi masadigu iro dopa arĭpu ĩgu. Eropigu Abrahā ĩgure ojocarigu dipaturi opapu ĩgure.

²⁰ Isaa Goāmure umupeogu ĩgu porāre Jacobore, Esaú säre “Puhrugue Goāmu mware ōaro ĩgucumi,” arĭpu.

²¹ Goãmure umupeogu Jacobo Ìgu sîriboro coregã wahgãnugaja Ìgu tuadigu mera tuañanugaja Goãmure serẽ umupeoru. Eropã serẽgu José porãre ùmare “Goãmũ mãre ðaro iigucumi,” arĩpu Jacobo.

²² Goãmure umupeogu José Ìgu sîriboro coregã Israe masa Egipto árirã erã wiriaborore weremũtapu. Eropã erã wiriaborore masiyugu Ìgu sirira ðupu mũrarore aigãdorepu Ìgu porãre.

²³ Goãmure umupeorã urerã abe gohra Moisere dibuñorã Ìgu pagu sumarã Ìgu masa dehyoara puhru. Óagugã Ìgu áricũ Ìarã Ìgugãre dibuñorã. Iri yeba majagu tauro árigu opu Ìgu majirãre wejẽdorerire tarinugarã Ìgure dibuñorã erã. Erã erã opuere güibiriñorã. ²⁴ Moisere masudigo i yeba majarã opu mago áripo. Eropã igo masudigu áriqueregu, Goãmure umupeogu “Opu mago áhrimi,” erã arĩ piyucũ gamebiripu Ìgu Moise. Oparã mera majagu árdiabiogu Goãmũ yarã mera majagu árdiapu. ²⁵ Goãmure tarinugadiagu árigu Ìgure masudigo pohrogue bajamenurigã ðaro áriboñumi. Eropã ðaro áribu áriqueregu Ìgu Goãmũ yarã mera ñero taridiapu. ²⁶ Eropigu Egipto majarã ya ðarire tauro Cristo ya áriburire ñero tariburire gamepu. Puhrugue Goãmũ Ìgure Ìgu ðarire oborore masigu ñero taridiapu. ²⁷ Goãmure umupeogu Egipto majagu tauro opu, Ìgu mera Ìgu guacũ güibiripu. Eropã güibigu iri yeba árdidigu iri yebare cóacã waha wapu. Goãmure Ìabiriqueregu “Goãmũ áricumi,” arĩ pepipu Ìgu. Eropigu Ìgu iiborore ne duhubiripu.

²⁸ Goãmure umupeogu Moise Israe masare Goãmũ Ìgu tauborore masipu. Eropã masigu Goãmũ Ìgu dorediro dopa ta Israe masa erã disipororire erã tura mijirire di mera wejẽsiri tuhdorepu. Eropã dorepu anyu masare wejẽgu erã masa tirãre wejẽbodigu Israe masa erã masa tirãre wejẽbiriboro dopa. ²⁹ Goãmure umupeorã Israe masa deco diariya waicuriya deco watope áriiri maha deco mariri maha taribujañorã. Erã eropã taribujacũ Ìarã Egipto majarãpu erãre narusiarã erãre Ìhacũ taribujanirã miri siria wañorã.

³⁰ Goãmure umupeorã Israe masa Jericó maca sãriro, wuãri sãriro purupu majisora curiñorã. Siete nuri gohra iri macare majisora curiñorã erã. Iri nucũ nuri erã majisorara puhru iri sãriropũ dijapehrea wayoro. ³¹ Iri maca majago ùma mera ñero iidigo Rahab waicugo Goãmure umupeogo Israe masare itamupo. Iri macare erã cóãboro core bajamerãgã Israe masa erogue erã ñaja duhricũ Ìha igo erãre itamupo. Eropirã Israe masa iri maca majarãre Goãmure tarinuganirãre wejẽpehoquererã ta igopure wejẽbiriñorã.

³² Gajirãre Goãmure umupeonirãre werenemoboya yuãu. Eropã werediaqueregu ta bajarãre eropã Goãmure umupeorã sãre were gojapehomasibirica yuãu. Gedeó, Baraca, Sansó, Jefté, Davi, Samue, Goãmũ yare weremũtanirã sã áripehrerã yu werebonirã áhrima. ³³ Goãmure umupeorã yujurãyeri gajĩ yebarigue áriiri macari majarãre gamewejẽ tarinugañorã. Eropirã gajirã ðiaye dorenirã áriñorã. Gajirã Goãmũ erãre “Mũare itamugura,” Ìgu arĩdiro dopa ta Ìgu itamurire bocañorã. Eropã Ìgure umupeorã yeeã erãre hadiacũ erãre erã babiricũ iñorã erã. ³⁴ Turaro ùjuri peameri áriquerecũ ta ùjubiriñorã erã Goãmure umupeonijarã. Gajirã erãre ñose wejẽdiacũ duhrigã wañorã erã Goãmure umupeorã. Turabirã áriquererã Goãmure umupeo, turarã wañorã. “Goãmure umupeorã áhraa. Gamewejẽ turarã áhraa,” eropã arĩrã áricũ gajĩ yebari majarã surara erã wejẽrã arirã ne yujuro bojebiriñorã. ³⁵ Goãmure erã umupeocũ Ìagu yujurãyeri nome erã acawererã siricũ Ìagu Goãmũpu erãre masupu.

Gajirãpũre “Goãmure gamebircãque,” erã arĩ peresu iicũ erãpu Goãmure duhudia-biriñorã. “Mũã Goãmure duhucũ mũare taurãca,” arĩñorã erãre. Erãpu duhubiriñorã Goãmũ mera erã ðaro masaborore gamerã. Eropirã erãre erã ñero iicũ siria wañorã. ³⁶ Gajirãre Goãmure umupeorãre ñero arĩ wereya erãre tãramuriñorã. Eropirã gajirãre guburire, mojotorire diricãã peresu iñorã. ³⁷ Goãmure umupeorãre ñerã utã mera deã wejẽmuriñorã. Gajirãre erã ðupure seroti mera wiritamuriñorã. Gajirãre ñoserimijiri mera ñose wejẽmuriñorã. Erãre Cristore cóãdorerã erã ñero iimuriñorã. Gajirã erãre ñero iicũ oveja gasiri mera, cabra gasiri mera suhricurã mojomorocarã árimuriñorã. ³⁸ Erã ðatariarã erã áricũ i yeba majarã ñerã erã mera majarã áribonirã áribeama. Wiri marirã árirã, masa marirogue utã yucugue árigãri siaricãmuriñorã. Eropã árigãri siarirã utã yucugue áriiri goberigüe, yebague áriiri sãre carĩgãri siaricãmuriñorã. ³⁹ Oã áripehrerã Goãmure erã umupeocũ Ìagu mucubiripu Ìgu. “Óaro iabũ mũã,” arĩpu. Erã eropã ðaro umupeoquerecũ Goãmũ erãre “Mũare taugura,” Ìgu arĩdiro ejanibiriya dohpa. ⁴⁰ Ópa arĩ pepipu Goãmũ: “Oãre yaharãre, puhrugue árirã yaharã mera yujuro mera taugura,” arĩ pepipu. Ìgu eropã arĩ pepidiro dopa ta iigucumi. Ìgu eropiicũ ðatariaro áriroca ero core Ìgu iidiro tauro.

12

Jesure eropa umupeoniguicārā mari

¹ Eropirā oāre yu werenirāre bajarā Goāmure umupeonirāre, ñerire iibirinirāre masirā árīpehreri ñero iire duhucārā mari sã. Ōpa āhraa mari queoriñe mera werecū: Nucūrire opagu omari masu turaro omamasibeami. Eropa ta mari Goāmū gamerire iimasibea mari ñerire iicū. Eropirā irire duhucārā mari. Eropirā Goāmū ĩġu gamero dopa ta ñerire iiniguicārā. ² Eropirā Jesure eropa guñaniguirā. ĩġu ta āhrimi marire umupeo guñaturacū ĩġu. Eropiġu marire umupeonemocū sãre iimi ĩġu. Crusague sĳirġu yujuro bojeþu. Puhru ĩġu mucubiriborore masiġu crusague sĳirþu. Eropa sĳirġu guhyasĳiribodigi árĳiqueregu guhyasĳiribiripþu ĩġu. Eropa iira puhru dohpaguere Goāmū ĩġu opu ĩġu doaro diayerþu doanijagu ĩġu dorebu iimi.

³ Ñerā masa ĩġure ñero erā iicū yujuro bojeþu ĩġu. ĩġu eropa iidigure guñaque mua, mua sã ñero tarirā “Yujuro bojebiriboca,” arĳrā. Irire guñaque mua ĩġure umupeo duhuri arĳrā. ⁴ Ñerire mua tarinugaboro dopa Jesu iro dopa ñetariaro gohra tarinibea mua. Ñerā muare wejenibeama. ⁵ ¿Goāmū muare ĩġu porāre ĩġu wererare cādijicāri mua? Ōpa arĳþu ĩġu:

Yu magþu, yuhþu mure werecū eropa pepicābita. Yuhþu mure turicū peeġu bujawerebita.

⁶ Árĳpehrerā yu mahirāre werea. Eropiġu árĳpehrerā “Yu porā āhraa mua,” yu arĳ ĩarāre tarinugadorebea. Eropiġu erā tarinugacū ĩha erāre yu porāre merogā dipuwaja moaa, arĳþu Goāmū.

⁷ Ñero tarirā yujuro bojeque “Goāmū yare wereġu iimi,” arĳrā. ĩġu yare duhubiricāque. Goāmū muare ĩġu porāre merogā dipuwaja moagu iimi. Erā pagu sumarā erā porāre eropa werema. Eropirā erāre dipuwaja moama. Eropa ta iimi Goāmū sã marire ĩġu porāre. ⁸ Goāmū árĳpehrerāre weremi. Goāmū muare ĩġu werebiricū ĩġu porā gohra árĳbeaa mua. Eropirā ĩġu porā árĳbirā yujugu majiġu ĩġu pagure ĩġu masibiro dopa ta ĩġu weresūya marġu árĳro dopa ta āhraa mua. Eropirā Goāmure “Yu pagu gohra āhrimi,” arĳmasibeaa mua ĩġu muare werebiricū. ⁹ Mari pagu sumarā marire erā werecū peerā erāre umupeoa mari. Mari pagu sumarāre mari umupeoro tauro umupeoro gahmea mari Pagu Goāmū ĩġu werecū. Eropirā ĩġure yuhriro gahmea marire. Eropa yuhrirā árĳpehrerinuri ĩġu mera árĳrāca. ¹⁰ Bajamenurĳgā mari pagu sumarā erā gamero dopa marire were dipuwaja moama. Goāmþu marire ñero weremi. Eropiġu ĩġu masiri mera marire dipuwaja moami marire ñarā masadoreġu. Eropa iimi ĩġu marire ĩġu iro dopa ñarā mari árĳboro dopa. ¹¹ Marire ĩġu dipuwaja moacū mucubiribeaa mari. Mari bu bujawerea. Eropa bujawerequererā ta ĩġu eropa dipuwaja moara puhru ñarā árĳrāca mari. Eropirā ĩġu wererire peenirā árĳrā gajiropa iiro mariro ñaro árĳrāca.

Goāmū marire ĩġu dorerire mari yuhribiricū guhya āhraa marire

¹² Eropirā guñaturabirā árĳquererā ta Goāmure ñero guñaturacū árĳque. ĩġure duhubiricāque. ¹³ Ōaro diaye maja mare mua waro dopa ta pee gorowerero mariro ñero diaye ta Goāmure yuhrique. Mua eropiicū ĩhacūrā gajirā Jesu yarā gajiropa árĳrĳire iisome. Eropirā turabirā turarā warācoma.

¹⁴ Árĳpehrerā masa mera ñero árĳque gamequeāro mariro. Eropirā ñero iibiricāque. Ñeri marirā dihta mari Opþ Cristore ĩarācoma. ¹⁵ Ōaro iique mua. Goāmū muare ĩġu itamucū ñero yuhrique. Ñeri tiari iri oterire iri goroweoro dopa ta mua sã Cristo yare duhu ñerire guñaniguibiricāque gajirāre goroweorĳ arĳrā. ¹⁶ Ne nome mera ñero ĩrā árĳbiricāque. Eropirā Goāmū yare gamebirā árĳbiricāque. Eropa arĳġu arĳþu Esaú. ĩġu masa tĳu árĳriþu. Eropiġu ĩġu pagu yare ĩġu sĳirira puhru opabu árĳriþu. Eropa árĳquereġu yujunþu bari gametarĳu iri bari mera ĩġu pagu magure ĩġu tĳu opaborore bu gohrotopþu. ¹⁷ Puhru ĩġure warare masia mua. ĩġu eropiara puhru ĩġu pagu ĩġure Esaúre ñero arĳdoreburire Goāmure serēbasarire turaro gameripþu daja Esaúþu. ĩġu eropa gamequerecū ta ĩġu pagu magþure ĩġu tĳu opaburire gohrotora dipuwaja ĩġjiropa árĳrĳire iisome. Eropirā pagu ĩġure obrĳþu. Eropa gameġu turaro orequereġu ĩġu pagure serēquereġu irire opamasibiripþu Esaú.

¹⁸ Goāmū dorerire Moiserre ĩġu apicūġue mari acawererā Israe masa mura Goāmū pohro ejaboro guhya árĳyoro. Dohpaguere muapure eropa árĳbeaa. Ōpa wayoro erāre. Goāmū ĩġu dorerire Moiserre iri dorerire apĳu erā árĳri yeba majagu utāġuġue arĳþu. Irĳþuþu Sinaĳ waĳcudĳu árĳyoro. Eropiro erā Goāmū pohro ejamorā irĳuġue erā ejaĳū turaro peame āĳyoro. Eropiro naĳfiaro, imica curu, turaro miru sã árĳyoro irĳu

utägure. ¹⁹⁻²⁰ Erogue erä ejacū corneta busuyoro. Eropiro wereniguiro cariyoro. Īgu eropa wereniguiro ejaricucū peerā masa yujuro bojebiriñorā. Goāmū erāre guhyaro mera ōpa arī dorepū erāre: “Árīpehrerā irigu utägure pēhrerāre utā mera dea wejēque erāre. Irigu utägure pēhregu waibugu gohra ĩgu árīquerecū ĩgu sāre utā mera dea wejēcāque. O ñoserimiji mera ñose wejēque ĩgure,” arīpū Goāmū. Īgu eroparicū peerā yujuro bojebiriñorā erā. ²¹ Eropigu árīpehrerire utägugure guhyaro árīrire ĩagu ōpa arīpū Moise: “Burigā güigu naragāgu ĩaa,” arīpū ĩgu.

²² Iribojegue Israe masa Goāmū ĩgu árīdigu utägugue ejamasibiriñorā sīriri arīrā. Dohpaguere muapu Jesu yarāpū Goāmū árīdigu utägugue, Sión waicūdigugue, umaro majagugue murijaro dopa ta diaye ta Goāmū mera wereniguimasia. Goāmū ojocarigu ĩgu ya macague murijaro dopa ta diaye ta ĩgu mera wereniguia mua. Iri maca gaji maca mama maca Jerusalén umaro maja maca āhrraa. Ero anyua bajarā gohra āhrima. Goāmure umupeorā mucubiriri mera gamenererā āhrima. ²³ Eropirā muapu ĩgu ya maca majarā árīrā, erogue Goāmū porā árīmuhtarā mera mua gamenere árībodiropo dopa ta āhrraa. ĩgu porā erā waire ĩgu gojaturapūgue umarogue erā waire gojatunirā āhrima. Īgupū mari Pagupū árīpehrerā beyebu āhrimi. ĩgu mera majarā āhrraa muapu. Eropirā gajirā ōarā Goāmū yarā mera gamenererā dopa ta āhrraa mua sā. Erāre ta ñeri marirā iituhapu Goāmū. ²⁴ Eropirā Jesu mera majarā āhrraa muapu. Negohraguere ĩgu dore apirare gohrotogu “Muare ōaro ĩigura yuhū,” arī apipū Goāmū marire. Īgu eropa arī apidiropo dopa ta iidigu árīmi Jesu. ĩgu dire cohā ĩgu sīrañe mera marire ōaro taricū ĩmi ĩgu. Abelre ĩgu di cóarare ĩagu Goāmū Abelre wejēdigugue dipuwaja moapu. Jesucristo ĩgu di cóarapare ĩagu marire dipuwaja marirā árīcū ĩpū. Eropiro Abel ĩgu di cóara bu gohra árīya. Cristopū ĩgu di cóara puhru ōatarario ĩpū Goāmū marire. Eropiro Cristo ĩgu di cóara bu gohra árībiriya.

²⁵ Eropirā ōaro ĩique mua. Goāmū yare muare weregure ōaro yuhrirā árīque. Iribojegue i yeba árīdigu Moise Goāmū yare ĩgu werecū peerā, bajarā irire peedia-biriñorā. Erā eropa peediabirira dipuwaja, dipuwaja moapu Goāmū erāre. Erā tauro dipuwaja moagucumi Cristore cóarāre. Cristopū umarogue árīgu Goāmū yare weregū āhrimi. ²⁶ Irisubure Moiserie ĩgu dorerire ĩgu apirasubure Goāmū ĩgu wereniguiro mera yeba ñohmecū ĩpū. Dohpaguepūre ōpa weremi ĩgu: “I yeba ñohmecū yujusubu ta iinmogura. I yeba dihta ñohmecū iisome yuhū. Umarogue sāre ñohmecū ĩigura,” arī werepū ĩgu. ²⁷ “I yeba ñohmecū yujusubu iinmogura,” arīgu, “Árīpehrerire yu ihacūnugurare cóāgura,” arīgu ĩpū. Goāmū ĩgu opu árīroguere cóāmasiya mara. Eropiro ĩgu ihacūnugurare ĩgu cóācū ĩgu opu árīro dihta dujaroca. ²⁸ ĩgu opu árīroguere warāca mari. Eropirā ĩgu opu árīrore ĩgu cóābircū ĩarā, Goāmure “Ōhaa,” arīrā mari. Eropirā umupeorī mera, guhyadiaro mera ĩgu yare ĩirā mari ĩgure mucubircū ĩimorā. ²⁹ Peame ũjuro guhyaro dopa ta Goāmū guhyaro dipuwaja moagu āhrimi. Eropirā ĩgure guhyadiaro mera umupeorā.

13

Ōpa Goāmure mucubircū ĩique

¹ Mua mera majarāre mahi duhubircāque. ² Masa mua masibirā árīquerecū erāre ōaro mera mua ya wirigue ñajaridoreque. Gajirā eropirā, masibiriquererā anyuare erā ya wirigue ñajaridoreñorā. Eropirā mua sā eropa ta ĩique.

³ Peresu árīrāre mojomoro ĩaque. Muapu erā mera peresugue árīrā mua árīboro dopa ta erāre mojomoro ĩaque. Gajirā erā ñero tarirā sāre mojomoro ĩaque. Erā iro dopa mua sā ñero tariro dopa ta erāre mojomoro ĩaque.

⁴ Mua mojoto dirinirāre árīpehrerā ōaro game umupeoque mua. Eropirā mojoto dirinirā gajirā mera ñero ĩirā árībircāque. Árīpehrerā uma nome mera ñero ĩinirāre, nome uma mera ñero ĩinirā sāre dipuwaja moagucumi Goāmū.

⁵ Niyerure gamerā ne árībircāque. Ōpa arīpū Goāmū: “Muare ne cóasome. Eropa itamuniguigura,” arīpū ĩgu. Eropirā mua opari mera iripeta mucubirique. Wuaro gamenemobircāque. ⁶ Eropirā güiro mariro ōpa arī pepirāca marmera mua ya wirigue ñajaridori:

Mari Opu marire itamugu āhrimi. Eropirā ne güisome mari. Masa marire erā ñero ĩiborore güisome mari, arī pepirāca mari.

⁷ Goāmū yare muare werenirāre muare dorenirāre guñaque mua. Eropirā ōaro erā árīricarare guñaque. Eropa guñarā, Cristore erā umupeoare ihacūque mua.

⁸ Jesucristo ne gohrotobeami. Iribojegue, dohpague sāre, puhrague sāre ĩgu árīdiropo dopa ta árīnigucāgucumi ĩgu. ⁹ Baja buheri gajiropa árīri buherire peebircāque ōari

buharire guague cohāri arīrā. “Ire baque. Ire babiricāque,” arī buhemaacāma gajirā. Eropa arīrire mari yuhricū iri marire itamubeaa. Eropiro eropa arī buhare marire iicū bu gohra ta āhraa. Iri marire guñaturarā árīcū iilbeaa. Goāmū marire guñaturacū iimi.

¹⁰ Cristo mari ñeri dipuwajare sīridi árīmi mari ñerire cóābu. Pahiapū opa arīrā āhrima: “Waibūgu yū Goāmure wejē soe mujucū, Goāmū mera tariguca,” arīrā iirima erā. Eropa arīrā erā ñeri iirare ne cóānirā árīmasibeama. ¹¹ Pahia opu Goāmū ĩgu árīri taribu gohrague waibūgu wejēdigu dire aī ñajagu Goāmure opu masa erā ñerire cóādoregu. Eropigu ĩgu wejēdigu waibūgure iri maca turogue soe cóācāñorā.

¹² Eropa ta Jesu sā maca turogue sīripū. ĩgu di cóāri mera masa ñeri marirā wacū iibu sīripū. ¹³ Maca turogue ĩgu sīricū ĩarā, erā buhare ĩgu cóācū ĩarā judio masa ĩgure ĩhaturīñorā. Eropirā mari sā ĩgu mera majarā árīrā. Mari eropa árīcū ĩarā masa mari sāre ĩhaturirācoma. ¹⁴ Erā marire ĩhaturiquerēcū āhraa. I yebague mari árīwajaburi maca árībeaa. Mari pūhrūgue árīburi macare corerā iiaa mari. ¹⁵ Eropirā Jesu ĩgu itamuro mera ĩgu Pagū mera wereniguia mari. Eropirā ĩgure oaro serēniguicārā. “Mari Pagū turagu āhrimi,” arī umupeoniguirā gajirāre wererā. Mari eropa arī werēcū ĩgu mucubirīgucumi. ¹⁶ Mūa mera majarāre oaro iique. Mūa oparire gajirā sāre oque. Irire cādijibiricāque. Mūa eropa oaro iirā Goāmure umupeorā iica. Eropa iirā ĩgure mucubiricū iirāca.

¹⁷ Mūa oparāre oaro yuhrique. Erā dorero dopa ta yuhrique. Goāmū mūare ĩhadibu buhedoregu apimi erā oparāre. ĩgu eropa apinirā árīrā eropa mūare ĩhadibuniguirā iima Goāmure tarinūgadiabirā. Eropirā erāre oaro yuhrique mūa erā mucubiriri mera mūare itamuro dopa ta. Mūa yuhribiricū ĩarā erā bujawererācoma. Eropa yuhribirā oaro árīsome mūa.

¹⁸ Guare serēbasaniguique Goāmure. Ūmuri nucū oari dihtare iidiaa gua. Eropirā “Ñerire iirā iiaa,” arī pepibeaa gua. ¹⁹ I tamerare turaro serēbasaque Goāmure yure: Yojaro mera yū mūa pohroque wamasiborore serēque Goāmure.

Ipū gojabeodigu oadoretupu

²⁰ Goāmū marire oaro árīcū iigu āhrimi. ĩgu mari Opu Jesucristo sīridigure masupu. ĩgu “Mūare oaro iigura,” marire arī apidigu āhrimi. ĩgu eropa arīrāre ĩinijagu Jesupu marire taugu āhrimi. Mari ñeri dipuwajare ĩgu di cohā sīripū ĩgu. Eropigu ĩgu turagu, ovejare ĩhadibugū iro dopa árīgu, marire ĩgu yarāre oaro ĩhadibumi. ²¹ Eropigu Goāmū ĩgure masudigu mūa sāre itamuporo árīpehreri ĩgu gamerire mūa iiboro dopa. Eropigu Jesucristo ĩgu itamuri mera Goāmū ĩgu gamero dopa ta árīpehrerā marire oarire gohrotocū iiporo. Eropirā árīpehrerinari Cristore umupeorā. Eropa ta iirā.

²² Yū acawererā, ire turaro mūare doregura: Ipū mūare yū wererare oaro mera peeque mūa. I yū mūare gojabeoripū wuaripū árībeaa. Eropirā ire oaro peeque. ²³ I sāre mūare weregura: Mari acaweregure Timoteore peresu árīdigure wiuañorā. Dohpagohragā ĩgu aricū yuhū ĩgu mera mūare ĩagu wagura.

²⁴ Mūa oparāre, árīpehrerā gajirāre Goāmū yarāre ero árīrāre oadorea. Italia majarā Jesu yarā sā mūare oadorema.

²⁵ Árīpehreri mera Goāmū mūare oaro iiporo. Eropa ta iiporo. Iripēta āhraa.

Santiago

Santiago Israe masare macari wasiriniräre gojabeoñumi

¹ Yuhũ Santiago ipũ mera muare ðadore gojabeogu iiaa. Goãmũ mari Pagu pohro majagu ähraa. Mari Opũ Jesucristo yare mohmega ta ähraa yuhũ. Eropigu muare Israe masare doce cururi majaräre Jesu yaräre macari wasiriniräre yũ acawereräre gojabeogu iiaa.

Goãmũ ðaro pee masirire ohomi marire, arĩ gojañumi Santiago

² Yũ acawererä, baja áriroca mua ñero tariburi. Mua ñero tariquererä ðaro mucubiriri mera pepicäque. ³ Eropa ñero tarirä, Jesure mua umupeorire ðiaye ta áricũ ihmurä iica. Eropirä ñero tariquererä Jesure mua ðaro umupeoniguicänirä igure umupeonemorä waräca. Eropa warä mua ñero taririre bocafüräca. ⁴ Eropirä eropa bocafürä árique mua duhuro mariro ðaro pee masirä mua áriboro dopa.

⁵ Goãmũ duhyaro mariro áripehreräre ohomi. Eropa ogu igure serëräre turibeami igu. Igu eropa árigu áricũ masirä muare pee masiri duhyarire igure serëque. Mua eropa serëcũ mua masiburire onemogucumi igu muare duhyaro mariro. ⁶ Eropa serërä Goãmure ðaro guñaturanjärä serëque mua. "Gua serëcũ Goãmũ guare obriribocumi," arĩ pepibiricäque. Eropa arĩ pepirä wuuriya maja päguri iro dopa ährima. Päguri iri dururo gohrotoro dopa ta erä sä erä guñarire dururo gohrotoma. Eropirä Goãmure "Ðiaye ta igu ährimi," arĩ umupeobeama. ⁷ Eropa arĩ pepiräre erä serëquerecũ ta ne merogä erä serëräre osome eräre mari Opũ. ⁸ Dohpagäre ire gamedigu áriqueregu daja ñanigäre gajiroga guña wahgämi daja. Eropa guñagüre ero wabeaa.

⁹ Jesu yarä bu áriäre mojomorocaräre Goãmupũ oparä iro dopa ihami eräre. Igu eropa iarä áriärä mucubiriri mera áriporo. ¹⁰ Eropirä Jesu yarä doberi oparä áriäräpũ erä doberi pehrebore masirä mucubiriporo. Erä doberi bu áriä ähraa Goãmũ igu iacũ. Doberi oparä erä doberi taa gori iro dopa pehrea waroca. Eropirä erä sä mucubiriporo. ¹¹ Abe muririgu igu turaro asicũ taapu ñañia waha. Eropiro goripũ ñañi dija wa, ðari gori iri áriärä pehrea waha. Eropa ta waroca doberi oparä erä doberire erä aĩ gameneoro watope. Erä iri doberi mera ta dederea waräcoma.

Ñero iidorerire tarinagagu mucubirigu ährimi, arĩ gojañumi Santiago

¹² Nero tarigu bocafugu, ñero iidorerire tarinagagu mucubirigu ährimi. Igu eropa bocafücũ, igu ñerire tarinagacũ áripehrerinuri nucũ umaro maja ojocaririre igure ogucumi Goãmũ. "Iri ojocaririre oguca," arĩ apipũ Goãmũ áripehrerä igure mahiräre. ¹³ Mua ñerire iidarä "Goãmũ yare ñero iidoregu iimi," arĩ pepibita. Ñerire iidorebeami Goãmũ marire. Eropigu igupũ masare ñero iidoregu áribeami. ¹⁴ Masa erä turaro ñerire erä waribejari ta iri ta eräre ñero iicũ iiaa. ¹⁵ Eropirä iri ñerire waribejama masa. Eropirä iripure pepima. Eropa pepirä iri ñeripure iiniguicäma erä. Erä eropa iiniguiri dipuwaja Goãmũ eräre peamegue coágucumi.

¹⁶ Eropirä yũ acawererä, yũ mahirä, ne yujugu mũ basi guyabita. "Goãmũ yare dorecũ ñero iibabũ," arĩ pepibita. Ðiaye áribeaa iri. ¹⁷ Mari Pagu umaro majagu marire ðari dihtare ohomi. Igu tamera abe umũ majagure, ñami majagure, necä säre ihacünugudigu árigu, igupũ ne gohrotoeami. Eropigu igu áriniguidiro dopa áriniguicämi. ¹⁸ Igu gamediro dopa ta igu ðari buheri mera marire igu porä wacũ iimi mari igu yarä árimahtarä áriboro dopa.

Ðiaye maja Goãmure umupeori opa ähraa, arĩ gojañumi

¹⁹ Yũ mahirä, yũ acawererä, ire ðaro peeque mua. Goãmũ yare ðaro peeque mua. Eropa peerä, pepiro mariro wereniguibiricäque. Eropirä guabiricäque. ²⁰ Yujugu igu guagu áricũ suabeami Goãmũ. ²¹ Eropirä áripehreri mua ñeri iirire, mua ñerire waribejarare duhuque mua. Eropirä Goãmure ðaro yuhrirä áriärä igu buherire peeñaque mua. Igu ya buherire mua peecũ Goãmupũ muare peamegue waboniräre taugucumi.

²² Igu yare peequererä ta yuhribirä ñerire guyarire pepirä iiaa mua. "Yuhribiricũ ðaroca," arĩ pepirä guyarire pepirä iica mua. Eropirä igu yare peerä iripure iique. ²³ Goãmũ yare peequererä ta yuhribirä, igu diapore diuru mera aĩ iarä dopa ähraa mua. ²⁴ Igu igu diapore iarä puhru waha, igu iarare cãdijiro dopa ta mua Goãmũ yare peequererä irire cãdija waha. ²⁵ Eropigu gajigupũ igu peerare cãdijibigupũ Cristo igu dorerare ðaro guñagu irire igu mucubirigu árigucumi. Igu tamera igu peerare iicũ

Goãmũ ðaro iimi ĩġure. Iri doreri “Cristo ĩġu mahiri mera masare taumi,” arĭ buheri àhraa. Iri buherire ne cõabĩġu mucubĩrĩġu àrĩġucumi.

²⁶ Yujũġu ĩġu gamero arĩmaacãġu, diaye ta Goãmũre umupeobeami. “Goãmũre ðaro umupeoa,” arĭ pepibodĩġu arĩquereġu ta ĩġu basi ta ġuyagũ iimi. “Goãmũre umupeoa,” arĩġu arĩquereġu ĩġu Goãmũ yare yũhribĩricũ ĩġu umupeori ne duhpĩburi arĩbeaa. ²⁷ Diaye ta Goãmũ mari Paġũre mari umupeorã, ĩġu gamero dopa ta umupeorã õpa iiaa mari: Pagu sumarã marĩrãre, wapeweyarã sãre erã ñero taricũ ĩarã, erãre itamua mari. Eropĩrã i yeba majarã ñeri erã iirinore ĩidiabea mari. Eropa iirã diaye ta Goãmũre umupeorã iiaa mari.

2

Masare yujuropa ðaro iiro ġahmea marire, arĭ gojañumi

¹ Yũ acawererã, ðatariagũre Jesucristo mari Opũre peerã, ĩġure umupeorã àhraa mũa. Eropa umupeorã arĩrã masare yujuropa ðaro iiro ġahmea muare. ²⁻³ Eropi doberi opũ oro berorire, mojoto sañari berorire opagu, wajacũre suhricũġu mũa Jesu yarã gamenerero pohrogue ĩġu aricũ ĩarã ĩġure ðaro mera bocatĩriboca. “Ohõ doaro àhraa,” arĩboca mũa ĩġure. Eropa ĩġure arĩquererã ta irisubu ta ġajino moogũ mojomorocũġu sã ñeriñe suhricũġu sã mũa pohro ĩġu aricũ ĩarã ĩġũpũre ðaro bocatĩribiboca mũa. “Ohõ ñĩġuque. Ohõ yeba doaque,” arĩboca mũa ĩġure. ⁴ Mũa eropa iirã masare yujuropa iĩbirã iiaa mũa. Eropĩrã ñerire pepĩrã masare beyerã iro dopa arĩrã iica mũa. “Īpũ ñiyerucũġu ðagũ àhrimi. Īpũ ġajino moogũ ñegũ àhrimi,” arĭ beyea mũa.

⁵ Yũ acawererã, yũ mahirã, yũre peeque. Bajarã mojomorocũrãpũre Goãmũre erã ðaro umupeomorãre, ĩġu opũ arĩroguere arĩmorãre beyepũ Goãmũ. “Eroguere warãca mũa,” arĭ apĩpũ Goãmũ ĩġure mahirãre. ⁶ Erãre ĩġu beyequecũ ta mũarũ mojomorocũrãre ðaro umupeobeaa. Doberi oparãpũ muare ñero iimũrima. Eropĩrã erã opũ pohrogue muare aĩ taragãma muare weresãmorã. ⁷ Mũarũ “Cristo ðagũ yarã,” masa erã arĩrã àhraa. Baja doberi oparãpũ Cristore ñero arĭ werenĩguima.

⁸ Goãmũ mari Opũ doreri tauro doreri õpa arãa: “Mũ basi mahiro dopa ta mũ pohro arĩrã sãre mahĩque,” arãa. Iñe doreriñere iirã, ðarire iiaa mũa. ⁹ Masare yujuropa umupeobĩrã ñero iirã iiaa mũa. Eropa iirã Goãmũ dorerire tarĩnũgarã àhraa mũa. Eropa ta arãa Goãmũ yare erã gojarapũ. ¹⁰ Goãmũ dorerire iirã arĩquererã ta yujũne doreriñegãre mũa iĩbirã ñeri dipuwajacurã wahaa. Mũa yujũñegãre tarĩnũgarã arĩpehreri ĩġu dorerire tarĩnũgarã wahaa. Eropa iirã ñeri dipuwajacurã arĩnia mũa dohpa. ¹¹ “Ģajĩġu marapo mera ñero iĩbita,” arĩġũ Goãmũ ta àhrimi. “Masare wejẽbita,” arĭ doreġu ĩġu ta àhrimi Goãmũ. Ģajĩġu marapo mera ñero iĩbiriquereġu ta masare wejẽġu Goãmũ ĩġu dorerire tarĩnũgarã àhrimi ĩġu. ¹² Cristo marire turaro mahĩġu, marire doremi taubu. ĩġu dorerare mari iirare, mari iĩbirira sãre ĩagũ marire beyegũ arĩġucumi. ĩġu eropa beyemorã arĩrã ĩġu dorerire ðaro iirã. Eropĩrã ĩġu gamero dopa ta werenĩġurã mari. ¹³ Dohpaguere mari ġajĩrãre mojomoro ĩabĩricũ Goãmũ muare ĩġu masare beyerĩnũ arĩcũ muare mojomoro ĩasome. Eropĩġu mari mojomoro ĩacũ ĩagũ Goãmũpũ marire dipuwaja moasome.

Cristore umupeorãpũ ðarire iima, arĭ gojañumi

¹⁴ Yũ acawererã, peeque mũa yũre. “Cristore umupeoa yũhũ,” yujũġu ĩġu arĭ pepĩquerecũ ta ġajĩrãre ĩġu ðaro itamubĩricũ ĩġu “Cristore umupeoa yũhũ,” ĩġu arĩrapũ ne duhpĩburi arĩbeaa. Eropa arĭ pepĩmaacãġũre Goãmũ tausome. ¹⁵⁻¹⁶ ĩJesu yagũ, Jesu yago ñeri dihta erã suhri opacũ ĩarã erã bari moocũ ĩarã dohpa iiri mũa erãre? “Õaro arĩque mũa. Eropĩrã ðaro suhricũque. Õaro bari mera yopi wahãque,” arĩquererã erã ġamerire mũa obĩricũ mũa eropa arĩri ne duhpĩburi arĩbeaa. ¹⁷ Eropĩrã “Cristore umupeoaa yũhũ,” mũa arĩquererã ta ðarire mũa iĩbĩricũ Cristore mũa umupeori ne duhpĩburi arĩbeaa.

¹⁸ Ģajĩġu i yũ wererire ĩġu peediabĩricũ õpa arĩnemoboya yũhũ ĩġure. Õarire iĩbiriquereġu ta “Cristore umupeoa yũhũ,” arĩraa mũa. Mũa ðarire iĩbigũ Cristore mũa umupeorire ĩhmupĩburi arĩbeaa. Eropa arĭ pemasibeaa mũa. Yũpũ yũ ðari iiri mera Cristore yũ umupeorire ĩhmua, arĩnemoboya yũhũ ĩġure. ¹⁹ “Goãmũ yujũġu ta àhrimi,” arĭ pepima masa. Mũa eropa arĭ pepicũ ðapũricãa. Eropa arĩquerecũ ta irĩpẽta mũa Goãmũre yũhribĩricũ “ĩġu Goãmũ àhrimi,” mũa arĩri duhpĩburi arĩbeaa. Watẽa sã mũa pepiro dopa ta “Goãmũ ta àhrimi yujũġu ta,” arĭ pepima. Eropĩrã Goãmũ ĩġu arĩricũre masima erã. Eropa masirã ġũ naragãma. ²⁰ Yujũġu ðarire iĩbiriquereġu ta “Cristore umupeoa,” arĭ pepĩġu arĩġu pee masĩbigũ àhrimi. “Cristore umupeoa,” arĩġũno ġajĩrãre ðaro iĩbigũ diaye ta Cristore umupeobeami. Õpa arĭ wereġura muare

irire: ²¹ Iribojegue Abrahã mari ñecu ïgure umupeorire Goãmu masidiañumi. Eropigu ïgu magure Isaa waicugure aigã wejêdoreñumi. “Yure umupeogu yare yãhribocumi,” arï ïgu árïricurire masima erã. Eropa masirã güi naragãmagu wejêdoreñumi. Eropigu Abrahã Goãmu ïgu dorediro dopa ta ïgu magure aigã Goãmure obu ïgure wejêbu iiriñumi. ïgu eropa yahricũ Goãmu ïgure “Wejêbita,” arïñumi. ïgu dorediro dopa ta iibocuricũ ïagu “Diaye ta ðagu àhrimi,” arï ïañumi Goãmũ ïgure. ²² ïgu eropa arï ïacũ ire masia mua: Abrahã Goãmure umupeogu ïgu dorerire yahriñumi. Eropa yahrigũ Goãmure ïgu umupeorire ii ïhmuñumi. ²³ Eropigu erã Goãmũ yare erã gojarapũ erã arï gojadiro dopa ta eropa wayoro: “Abrahã Goãmure umupeora. ïgu eropa umupeocũ ïagu “Ïagu àhrimi ïgu,” arï ïapu Goãmũ ïgure,” arï gojañuma Goãmũ yare erã gojarapũguere. ïgu eropa arï ïacũ masirã “Abrahã Goãmũ mera majagu àhrimi,” arïñuma masa ïgure.

²⁴ Eropirã ire masia mua: “Goãmure umupeoa,” arïgu, ïgu ðarire iibiricũ ïagu Goãmũ ïgure “Ïagu àhrimi,” arï ïabeami. Goãmure umupeogu ða diaye ta ïgu ðaro iicũ ïagu “Ïagu àhrimi,” arï ïhami Goãmũ ïgure. ²⁵ Eropa ta arï ïañumi Goãmũ Rahab waicugore uma mera ñero iimuridigore. Josué ïgu obeonirãre ðaro bocatïri “Ïaro ñajarique,” arïñumo ïgo erãre. Eropa ïgo erã dujadiacũ igopũ erãre gaji mare ïhmuñumo erãre ïhaturirã wejêri arïgo. Eropa Goãmũ yarãre itamugo Goãmure ïgo umupeorire ïhmuñumo. ïgo eropa iicũ ïagu “Ïago àhrimo,” arï ïañumi Goãmũ ïgure. ²⁶ Eropa ta àhraa. Mari ðupũre siporã maricũ ojocaribeaa mari. Eropiro siporã mariro mari ðupũ duhpiburi ðupũ árïbeaa. Eropa ta “Goãmure umupeoa,” arïquererã ta gajirãre ðaro iibirã mari árïcũ diaye árïbeaa mari umupeori. Eropiro mari umupeori duhpiburi árïbeaa. Siporã mariro erãre ïhaturirã wejêri arïgo. Eropa Goãmũ yarãre itami ðupũ iro dopa ta àhraa.

3

Mari disiro wiririre wereñumi

¹ Goãmũ yare masare buherãre ïgu yare erã buhemaacãcũ, erã ðaro iibiricũ ïagu erã tamerare gajirã tauro dipuwaja moagacumi Goãmũ. Irire mua masia. Eropirã mua mera majarã masare buherã bajarã árïbita. ² Árïpehrerã mari bajasuburi ñerire ïiaa. Yujugu ñerire ne werenigubigu Goãmũ gamerire ðaro ïgu àhrimi ïgu. Eropigu gaji ñeri sãre iibeami. ³ Mari werenigui queori mera buhecũ ðpa àhraa i: Cabayure ïgu disiro comemiji ïgu nerore ñehadiuburimijire mari apia ïgure majinugacũ iimorã. Eropirã irimiji comemiji mera ïgure ïgu waborore mari taramajinugua. Irimijigã mirimijigã árïquererã ta irimiji mera ïgu ðupũre wacũ ïiaa. Eropa ta mari disiro mera miri disirogã árïquererã ta wuaro wacũ ïiaa mari. ⁴ Dohodiru queoriñere werenemogura muare: Gasiru wuadiru iriru árïquererã ta irirure miruñe turaro weãquererã ta autugupu miri mijigã mera iriru waborore autumi. ⁵ Eropa àhraa mari wereniguri. Mari disiro miri disirogã árïquererã ta baja wereniguri wiria. Miri peamegã wuaro ðju wahgũro dopa ta mari disiro mera wuaro ñero wacũ ïiaa. ⁶ Eropiro mari wereniguri peame iro dopa àhraa. Mari wereniguri árïpehrerire ñerire iicũ ïiaa marire. Peame ðjunugaro ⁴ Dohodiru queoriñere werenemogura muare: Gasiru wuadiru iriru árïquererã ta irirure m dopa ta mari wereniguri mera mari ðaro árïbodirore goroweoa mari. Mari ñerire wereniguirã watï dorero dopa ta eropa irã ïiaa. ⁷ Árïpehrerã nugu majarãre waimurãre, mirimagu porãgãre, waimurã paharãre, waire mari masa seyacũ iimasia. Eropirã mari bajarã erãnore masa seyacũ iituhabu. Eropirã erã ðaro masa seyacoma. ⁸ Erãre masa seyacũ iiquererã ta mari wereniguri mera mari basi pee masiri mera werenigucũ iimasibeaa. Marriru árïquererã ta irirure mi eforãre nijiyajaro dopa ta mari disiro ðne nijiyajabirigohracãa. Mari wereniguri ñetariari àhraa. Eropiro aña gajirãre ïgu wejêro dopa ta marire gajirã sãre ñetariaro wacũ ïiaa mari disiro. ⁹ Mari disiro mera mari Pagu mari Opũ Goãmure mari ðaro arï werenigua. Eropa werenigiquererã ta masapure ñero arï werenigua. Goãmũ iro dopa árïrã ïgu ïhacũnugunirã árïquererã ta erãre ñero arï werenigua mari. ¹⁰ Yuju disiro rirru árïquererã ta irirure me ta ñeri wereniguri sã, ðari wereniguri sã wiria. Yũ acawererã eropa arï werenigubiricãro gahmea. ¹¹ Maugã dipa ohma wiuri gobere yuju gobere ðari dihta wiria. Gaji gobere ñeri dihta wiria. Eropirã Goãmũ yarã sãre ðari dihtare wereniguiro gahmea. ¹² Yũ acawererã, iguigu poegu ðucare ðucacumasibeaa. Eropiro poegupũ iguigu ðucare ðucacumasibeaa. Eropi maugã dipa ohma wiuri gobere moayari deco wiricũ, imisiri deco sã wirimasibeaa. Eropa ta mari disirore ðari wereniguri, ñeri wereniguri mera wiricũ gamebircãro gahmea.

Diaye maja masiri òpa àhraa, arí gojañumi Santiago

¹³ Yujuráyeri mua mera majará masirá àhrima. Eropirã “Gajirã tauro gua masirã àhraa,” aríbiricãporo. Eropa aríbirã ta òarire iique mua. Eropa òarire iirã diaye ta masirã àhraa mua. ¹⁴ Eropirã gajigu gajinore igu opacũ ihaturirã, mua ya árìburi dihtare iidiarã árìrã, “Goãmũ yare òaro masia gua,” aríbiricãque. Mua eropa arírã árìrã guyarã àhraa mua. ¹⁵ Eropa ñerire pepirã erã ya pepiri Goãmũ ya pepiri árìbeaa. Erã pepiri i yeba majarã erã ñero pepiri àhraa. Erã pepiripu watí ya àhraa. ¹⁶ Masare ihaturirã, erã ya árìburi dihtare iidiarã eropa game duyasoniguicãma. Árìpehreri ñerire iima. ¹⁷ Gajirãpu Goãmũ yare òaro masiri oparãpu erã tamera eropa iimaacãrã iibeama. Eropirã erã ne game duyasoabeama. Eropa iirã masa òarã, dorerire òaro yuhrirã, mojomoro iarã, masare itamurã, masare yujuropa iirã àhrima erã. Irire iirã guyarã mariro iima erã. Eropirã pee masirã gohra àhrima. ¹⁸ Eropirã gamequeãro mariro árìrã, gajirãre “Gamequeãbiricãrã mari,” arí bosarã òarã wacũ iirã iiaa mari masare.

4

I yeba maja ñerire gamerã, Goãmure gamebirã àhraa mua, arí gojañumi igu

¹ ¿Duhpirã mua game duyasori? ¿Eropirã duhpirã gamequeãri mua? Ñerire ñaribejarã gamequeãdiaa mua. ² Gajinore mua gahmea. Eropa gamerã masare wejãa mua mua erã yare emamorã. Eropirã gajigu gajinore igu opacũ iarã irire mua burigã gahmea. Eropa gamerã irire aĩmasibea mua. Eropirã irire game duyaso gamequeãa mua. Goãmure serẽbirã, mua gamerire bocabeaa. ³ Eropirã serẽrã mua ya árìburi dihtare serẽa mua mua gamero dopa ta iiniguicãmorã. Eropa mua serẽcũ Goãmũ mua serẽrere obeami. ⁴ Goãmure cóarã ùa mua. I yeba maja ñerire gamerã, Goãmure gamebirã àhraa mua. ¿Irire masibeari mua? Eropigu i yeba majarã ñerire gamegu Goãmure gamebigu árìtuhami. ⁵ Òpa aríñumi Goãmũ yare erã gojarapũ: “Goãmũ igu Espiritu Santoro mari mera árìbure apimi. Eropigu Espiritu Santopu marire mahigu ñerire mari ñaribejarire gamesãbeami igu. Eropigu doero dopa ta marire turaro mahimi erãgue ñerire iiri arígu,” arí gojañumi iribojequere. Igu eropa arí gojara bu gohra árìbeaa. Diaye árìro tiiaa. ⁶ Eropigu Goãmũ marire òaro itamumi mari ñerire iibiriburire. Òpa àhraa Goãmũ yare erã gojarapũ: “ ‘Yu tamera gajirãre masi tarinugaa,’ arígue Goãmũ ihaturimi. Gajigupure ‘Negu bu arígu àhraa yuhũ,’ arígupure Goãmũ itamumi ñerire igu iibiribore,” arãa igu yare erã gojarapũ. ⁷ Eropirã Goãmure òaro yuhrirã árìque mua. Eropirã watire yuhrìbiricãque. Mua eropa yuhrìbiricũ ìagu ìgupu muare duhucãgucumi. ⁸ Goãmure òaro yuhrìque mua. Mua eropa iicũ ìgupu muare mahi itamugucumi. Ñerã àhraa mua. Eropirã ñerire iinemobiricãque. Ñeri sãre gahme, òari sãre gamerã àhraa mua. Eropirã mua ñeri iirare bujawereque. Mua eropa iicũ ìagu Goãmũ mua ñeri iirare cãdijigucumi. ⁹ Mua ñeri iirare turaro bujawereque. Eropirã mua ñeri iira dipuwajare oreque. Mucubirirã aríbiricãque. Eropirã mua ñeri iirare ñero siporãcu, irire guhyasirĩñariro pepique. ¹⁰ “Negu bu arígu àhraa yuhũ,” arírã Goãmure umupeoque. Mua eropa iicũ ìagu ìgupu mua ñeri iirare cóãgu “Òarã àhraa,” arí ìagucumi muare.

Erã acawererã Jesu yarãre erã basi ñeri quere iidorebiriñumi

¹¹ Yu acawererã, Jesu yarã árìrã, mua basi ñeri quere iibiricãque. Mua acaweregure ñeri quere iirã ìgure dipuwaja moadorediarã árìca mua. Cristo doreripu masare dipuwaja moadoreri árìtuhaa. Eropirã masare ñeri quere iirã Cristo ya dorerire òpa arírã iica: “Marire òaro dorebeaa Cristo ya. Eropirã mari gamero dipuwaja moadorerã,” arírã iica masare ñero werewuarã. Eropa arírã Cristo dorerire ñero arí wereniguirã dujaa mua. Eropirã iri dorerire yuhrìbirã dujaa. ¹² Masare dorerire ogu, masare beyegu Goãmũ ta àhrimi. Eropigu masare peamegue wabonirãre igu ta taumasimi. Eropigu igu ta masare peamegue cóãmasimi. Eropirã maripu masare “Ñerã àhrima,” arĩmasibea. Mari acawererãre beyebu Goãmũ dihta àhrimi.

Ñamigãguere dohpa marire waborore masibea mari

¹³ Dohpaguere yure peeque mua. Òpa aríboca mua Goãmure guñaro mariro: “Dohpagãre o ñamigãre gajì macague árìrã warãca. Eroguere yuju bojori árìrã, gajinore dua, asũ iirãca. Eropa iirã wajatarãca mari,” aríboca mua. Eropa arírã árìrã, yũpũre peeque mua. Eropa arírãre ire werebu iiaa: ¹⁴ Ñamigãguere dohpa marire waborore masibea mari. Imica àhri, mata pehremaaro dopa ta àhraa mari árìricuri. Imica merogã árìniguirì pehrea wahaa. Eropa mari sã merogã árìniguirì siria warãca.

¹⁵ Eropirā ōpa arī pepiro gahmea muare: “Goāmū ĩgu gameropē árīrāca mari. Eropirā ĩgu gamero mera iirāca mari,” arī pepiro gahmea muare. ¹⁶ Muapu “Dohpaguere mari gamero ōpa iirāca,” arīniguiraa mua Goāmure guñaro mariro. Eropa arī wereniguirā ñerire iirā iiaa mua. ¹⁷ Eropirā ōarire mari iiburire masiquererā ta irire iibirā ñerire iirā iiaa mari.

5

Doberi oparāre wereñumi Santiago

¹ Doberi oparā mua dohpaguere peeque yare. Puhraguere mua ñero tarirāca. Eropirā gaguinigi oterāca mua. ² Mua doberi boapehrea waroca. Eropiro mua suhrire surirā sā bapehocārācoma. ³ Mua niyerure mua wuaro dibura ne duhpiburi árībeaa. Mua eropa dibucū ĩagu mua niyerure mahicū masimi Goāmū. Eropirā niyerure mua mahira dipuwaja ñero tarirāca. Iri dipuwaja peamegue warāca. ⁴ Mua ya poerire mohme corerāre wajayebaea mua. Eropirā mua erāre guyaa. Eropigu erāre mua wajayebirira niyerure ĩagu, mua guyarare masimi Goāmū. Muare mohme corerā wajaseadiarā, gaguiniguima erā. Erā eropa arī gaguiniguicū mari Opū turatarigu peemi erāre. ⁵ I yebaguere baja doberi mera árīricua mua. Árīpehrerire oparā mua gameri dihtare mua uaribejarire iiaa mua. Eropirā wuagu wecu erā ōaro ejogu iro dopa árīricua mua. Eropirā wuagu wecu ĩgu diserecū ĩarā ĩgure erā wejēburi gorogue aī wahgāma. Eropa ta mua säre wuaro mua opara puhru muare ĩgu dipuwaja moarogue aīgāgucumi Goāmū muare. ⁶ Ōarāre peresu iidore wejēdorebu mua erāre. Mua eropa iicū erāpu duhri wiriamasibirama.

Cristo ĩgu dujariborore ōaro coredorepu marire Santiago

⁷ Eropirā yu acawererā, mari Opū Cristo ĩgu i yeba ĩgu dujariborore ōaro coreyuque. Pohe opu ĩgu oteri ducacuburisubure ĩgu ōaro corero dopa ta ōaro coreyuque Cristo dujariborore. ĩgu oteriguere “Deco ariporo,” arīgu ĩgu pohere ōaro puhriburire ōaro cohremi ĩgu. ⁸ Eropa ta mua sā ōaro coreyuque. Mari Opū ĩgu dujariboro merogā duhyaa. Eropirā Goāmure eropa guñaturaniguicāque mua. Eropirā eropa coreniguicāque mua.

⁹ Yu acawererā, mua basi duyasobiricāque Goāmū muare dipuwaja moabiriboro dopa. Eropirā ire guñaque mua. Dipuwaja moabu ĩgu dujariboro merogā duhyaa. ¹⁰ Yu acawererā, ñero tariquererā ta yujuro bojeque Goāmure cōaro mariro. Goāmū yare weremuhtanirā mura erā Goāmū ya árīburire iirā ñero tariquererā duhubirimariñuma. Erā duhubiridiro dopa ta duhubiricāque mua sā. ¹¹ Eropirā ire guñaque mua. Ñero tariquererā ta Goāmure duhubirāre Goāmū ōaro iigucumi. Iribojegue majagu Job waicugure peebu mua. ĩgu ñero tariqueregu ta Goāmure duhubiriñumi. Eropigu ĩgu ñero tarira puhru, Goāmū ĩgure ōaro iñumi. Goāmū mari Opū marire ōaro mojomoro ĩagu árīgu eropa iñumi ĩgure. Iri árīpehrerire masia mua.

¹² Yu acawererā ire masique. Ōpa arīma waípeo piyurā: “Ūmaro majagu mera diaye arīrā iiaa,” arī waípeoma masare peedorerā. Erā iro dopa arī waípeo piyubiricāque. Ire muare turaro dorea. Mua gajirāre wererā, ōaro diaye wereque erāre guyarō mariro. Arīnemopeobiricāque. Eropa mua diaye wercū ĩagu Goāmū mua gajiropa arīra dipuwajare dipuwaja moasome.

¹³ Mua mera majagu ñero tarigu árīgu, Goāmure serēporo ĩgu. Gajigu mucubirigu árīgu Goāmure mucubiriri mera bayaporo. ¹⁴ Mua dorecurā, Jesu yarā oparāre sihubeoque mua. Mua eropa sihubeocū erāpu muare uyu mera sūrācoma. Eropa iirā Goāmure mari Opūre mua dorecurare serēbasarācoma erā. ¹⁵ Eropa arī serēbasarā “Mari serēro dopa ta ĩgu iigucumi,” erā arī pepicū muare dorecurāre Goāmū itamugucumi. Eropa iigu muare ōarā wacū iigucumi mari Opū. Eropigu mua ñeri iira dipuwaja mua dorecurā árīcū ĩarā muare serēbasarācoma. Erā eropa serēbasacū ĩagu mua ñeri iirare cādijigucumi Goāmū. ¹⁶ Eropirā mua mera majarāre mua ñeri iirare game pepuri weretarique. Eropirā mua basi Goāmure game serēbasaque. Mua eropa arī serēbasacū mua serēbasanirāre Goāmū taugucumi. Ōarire iirā mua árīcū Goāmure mua turaro serēbasadiro dopa ta iigucumi Goāmū. Eropiro mua erāre serēbasari bu árīri árībeaa. ¹⁷ Goāmū ya weremuhtadigu mura Elia mura mari iro dopa masu árīñumi. Eropigu masa ñero iira dipuwaja “Deco aribiricāporo,” arī turaro serēñumi Goāmure. ĩgu eropa arī serēcū uñre bojori gohra gaji bojori deco deco aribiriyoro i yebaguere. ¹⁸ Eropigu dipaturi Goāmure deco ĩgu aridore serēcū deco mereyoro daja. Eropiro dipaturi i yebaguere yucu bugu dūca ducacuyoro. Eropiro Goāmure mari serēri bu árīri árībeaa.

¹⁹ Yu acawererã, mña mera majagu Goãmũ yare diaye maja árĩire duhudigu Goãmũ yare dipaturi İgu gameborore İgũre wererã, õaro iirã iiaa mña. ²⁰ Eropirã ire masique mña: Goãmũre duhudigũre Goãmũre dipaturi gamecũ iirã, peamegue wabodigũre taricũ iirã iica mña. Eropigu baja İgu ñeri iirare Goãmũ cãdijicũ iirãca mña İgũre.

1 San Pedro

Jesu gaji macari waniräre gojabeoñumi Pedro

¹ Yuhũ Pedro Jesucristo igũ buhedore apidigu ta ähraa. Eropigu muare yoaro maja macarigue waniräre, Ponto yebague waniräre, Galacia yebague, Capadocia yebague, Asia yebague, Bitinia yebague wanirä säre muare áripehreräre gojabeogu iiaa yuhũ. Muare òadore gojabeoa yuhũ. ² Negohraguere Goãmũ mari Pagu “Òpa iigura,” igũ arĩdiro dopa ta muare beyeru. Igũ beyera puhru igũ Espĩritu Santo mera muare Goãmũ yarä árimoräre acupu. Òpa ta acupu igũ Jesucristore òaro yuhrimorä muä áriboro dopa. Igũ di cóaro mera ñerire coenirä muä áriboro dopa iipu. Eropirä Goãmũ igũ mahiri mera òaro árique muä.

Jesu yarä árirä marire umarogue igũ aĩgäborore corerä iiaa mari, arĩ gojañumi Pedro

³⁻⁵ Goãmũ marire turaro mojomoro iagu, Jesucristo sĩridigu igũ masa muriaro mera marire òarä gohrotocũ iimi. Eropa iigu igũ gohrotori mera Goãmũ porä ta wahaa mari. Eropa warä igũ mera eropa mari òaro árinigucäborore òaro masia mari. Eropigu muare igũ òari opaburire odiagu muare coregu iimi. Iri muare igũ oburi ne pehresome. Eropigu igũre muä umupeoräre Goãmũ igũ turari mera muare ihadibugu, taricũ iigucumi. Pehrerinũ áricũ muare igũ taurare masicũ iigucumi igũ. Eropirä igũ marire òaro mojomoro iacũ iarä, igũre Goãmũre mari Opu Jesucristo Pagure “Òagu, turagu ährimi,” arĩ umupeoro gahmea marire.

⁶ Eropa igũ taumorä árirä burigä mucubiriro gahmea. Mero i yeba muä áriropē, bajasuburi muä ñero tariquererä ta burigä mucubiriro gahmea. ⁷ Eropa ñero tariquererä ta Goãmũre cóäbirä muä árirä “Queoro Jesucristore umupeoa gua,” arĩmasia muä igũre. Muä ñero tariquererä Jesucristore umupeonigucũ muä umupeoripu yuju diaye áribeaa. Eropigu muä ñero taricũ iagu “¿Árĩro ta muä yare umupeori?” arĩ queoñagu iimi Goãmũ muare. Muä eropa ñero tarirä diaye ta Cristore òaro umupeonigucũ “Òaro iibabu muä,” arĩgucumi Cristo muare. Eropigu Jesucristo dujarigu muä igũre òaro umupeoniguniräre òaro iagucumi mucubiriri mera.

⁸ Igũre Jesucristore iabiriquererä mahia muä. Eropirä dohpaguere igũre iabiriquererä ta igũre “Diaye ta iigu ährimi,” arĩ umupeoa. Eropa umupeorä turaro mucubiria muä. Muä eropa mucubirirä muä Goãmũ pohro mucubiriboro dopa ta mucubiria. Muare eropa mucubiricũ iimi Goãmũ. Eropirä turaro mucubiria. ⁹ Eropigu Goãmũ muare peamegue wabonirare taricũ iigucumi muä igũre òaro umupeoro mera.

¹⁰ Goãmũ igũ masare eropa tauborore iribojegue Goãmũ yare weremuhtanirä irire masidiarä serēpi iamuriñuma. ¹¹ Cristo igũ ñero tariborore, igũ sĩridigu masa muriaborore, áripehrerä tauro opu igũ áriborore erä ero coregue ta weremuhtañuma. Jesucristo igũ Espĩritu Santo igũ itamuri mera eropa wereñuma erä. Erä eropa weremuhtaquereerä erä wererere masibiriñuma. Eropirä erä wererere òaro masidiarä serēpi iamuriñuma erä Goãmũre. ¹² Iri erä werera Jesucristo ariburi erä ya áriburi áribiriyoro. Mari òaro áriburi áriyoro. Irire eräre masicũ iĩñumi Goãmũ. Eropirä dohpaguere umarogue oboedigu Espĩritu Santo igũ itamuri mera òari buherire muare gua werea. Iribojegue muä ya áriburire erä weremuhtara iri ta áricäro tiiaa dohpaguere gua muare wereri. Iri buherire anyua sä burigä masidiariñuma.

Goãmũ marire ñeri marirä árdoremi, arĩ gojañumi Pedro

¹³ Eropirä òarire guña masi áriyuque muä. Eropirä guhyadiaro árique. Cristo igũ dujaricũ Goãmũ muare igũ òaro tauborore guñaque. Eropirä irire òaro mucubirimuhtarä coreque. ¹⁴ Iribojegue Goãmũre masinibirägue ñerire uaribejarä árimurinirä áribubu muä. Dohpaguere irire iibiricäque. Eropirä majirä erä pagu sumaräre òaro yuhriro dopa ta Goãmũre òaro yuhrique daja. ¹⁵ Eropirä igũ yarä árimoräre muare sihubeodigu ñeri marigu igũ áriro dopa ta muä sä ñeri marirä ta árique. Eropirä òari dihtare iirä árique. ¹⁶ Eropa ta arĩ gojañuma Goãmũ yare erä gojarapũgue: “Ñeri marigu ähraa yuhũ. Yu eropa áricũ muä sä ñeri marirä árique,” arĩmi Goãmũ, arĩ gojañuma.

¹⁷ Igũ Goãmũ mari Pagu yujuräyeri áripehrerä erä iirare iagu yujuro mera beyemi igũ eräre. Igũ eropiigu áricũ igũre “Ahũ,” arĩdiarä òaro iiquenerire uaribejarä árimurine. I yeba muä áriropē guhyadiaro mera òaro iique muä. ¹⁸ Muä ñecu sumarä mura erä áricari ne duhpiburi áribiriyoro. Muä sä erä iidiro dopa ta iinirä muä áriquerecũ ta Cristo muare igũ yarä árimoräre iimi. Mari wajamirire igũ wajayebasaboro dopa ta

mari ñeri iirare cãdijiborore mari ñeri iira dipuwajare wajayebasami. Iirire ðaro masia mua. Eropa wajayebasagu ĩgu niyeru mera, oro mera wajayebasabirimi. Niyeru, oro sã dederea waroca. ¹⁹ ĩgu di cõara mera ta wajayebasami mari ñeri iira dipuwajare. Ovejagã erã Goãmure obodigu ðagu ĩgu arĩdiro dopa ta Jesucristo ðagu ñeri marigu arĩdigu arĩmi. ²⁰ Iribojeguerẽ i yebare ĩgu ihacũnuguboro coregue Jesucristo ĩgu eropa waborore masituhapu mari Pagu Goãmu. Dohpaguepũre pehrerĩna coregã arĩcũ, Cristo siribasami muare mua ya arĩburire. ²¹ Eropirã Jesucristo ĩgu itamuro mera Goãmure umupeoa mua. Goãmupũ Cristore siridigũre masudigu arĩmi. Eropigu ĩgure umarogue apigu, arĩpehrerãre ĩgure umupeocũ iipu mari Pagu. ĩgu eropiicũ ĩgure mari Pagure “Diaye ta iigu ahrimi,” arĩ umupeoa mua. Mua eropa umupeocũ ðaro iimi muare. Eropirã mua ĩgu mera ðaro arĩniguiborore ðaro masia mua.

²² Őari buherire diaye majare yuhrirã mua ñerire duhunirã ahraa mua. Eropa arĩrã, diaye ta mari acawererã Jesu yarãre mahi umupeomasia mua. Eropirã mua mera majarãre mua siporãri mera turaro mahi umupeoque. ²³ Mua dipaturi masa dehyoaro dopa ta Goãmu porã wahabu mua. Mari pagu sumarã mera masa dehyoanirã arĩrã, puhru siria warãca. Iri iro dopa arĩbeaa Goãmu porã mua wacũ. Goãmu mera arĩniguiicãrãca. Goãmu ĩgu buheri mera ĩgu porã wahabu mua. Iri buheri pehrebiriburi buheri marire Goãmu mera eropa arĩniguiicũ iiaa. ²⁴ Őpa ahraa Goãmu yare erã gojarapũ:

Arĩpehrerã masa taa iro dopa wahama. Eropiro ðari erã opari sã gori iro dopa ahraa. Taa masa, siria wahaa. Gori sã masa, siria wahaa. Iri taa iro dopa ta mari masa sã wahaa. ²⁵ Mari Opũ ya buheripu ne pehresome. ĩgu arĩdiro dopa ta eropa waroca, arĩ gojañuma.

Iri buheri muare erã werera ðari buheri ta Jesucristo marire tauburi buheri ta ahraa.

2

¹ Eropirã arĩpehreri ñeri iirire, erã purupupu erã ñero ii corerire, gajirã gajinore opacũ ihaturirire, gajirã ñeri quere moarire, iirire duhuque mua. ²⁻³ Mari Opũ muare ðaro ĩgu iirire dabero masituhaa mua. Eropirã ne masa dehyoarãgã apĩcore erã gamero dopa ta mua sã ðari buherire Goãmu yare turaro gameque. Eropa ĩgu yare gamerã mua ĩgure mua guñaturanemorãca. ĩgu yarã ðaro pee masirã arĩrãca.

Cristo ojocaricũ iigu utãye iro dopa arĩgu ahrimi, arĩ gojañumi Pedro

⁴ Cristo ojocaricũ iigu utãye iro dopa arĩgu ahrimi. Masa Cristore gamebirima. Erã gamebiriqerrecũ Goãmupũ ĩgu Pagupũ ĩgure beyedigu arĩmi. Őatariagu ahrimi. ĩgu eropa arĩgu arĩcũ ĩgure gameque. ⁵ Eropirã mua Jesu yarã arĩrã mera Goãmu ahrimi. Eropirã yujuro mera ĩgu yare ðaro iirã arĩque mua. ĩgu ya arĩburire mua iimorãre beyedigu arĩmi. Eropirã mua Jesucristo itamuri mera ĩgu yare ðaro iirã ĩgu Goãmure mucubiricũ iiaa. ⁶ Őpa ahraa Jesucristore Goãmu yare erã gojarapũ:

Cristo utãye iro dopa yu beyedigu ahrimi. Eropigu ðatariagu ahrimi. ĩgu mariro yaharã wamasibeama. Eropigu ĩgure Jerusalengue dohpague apigu iiaa. ĩgu masare ðaro arĩcũ iigucumi. Eropirã ĩgure umupeorã mucubiriniguirãcoma, arĩmi Goãmu, arĩ gojañuma Goãmu yare weremuhtanirãgue.

⁷ ĩgure umupeorãpu “Őatariagu ahrimi,” arĩrãcoma. ĩgure umupeobirãpu ñero warãcoma. Erãre ðpa ahraa Goãmu yare erã gojarapũque:

Ihĩ Cristo utãye iro dopa ta Goãmu beyedigu ahrimi. ĩgu Goãmu beyedigu arĩqerrecũ masa ĩgure gamesome. ĩgure gamebiriqerrecũ Goãmu ĩgure opu acumi arĩpehrerãre doebre, arĩ gojañuma.

⁸ Ő sãre arãa Goãmu yare erã gojarapũ:

ĩgu utãye iro dopa arĩgure gamebirã dederea warãcoma, arĩ gojañuma iribojeguerẽ. Eropa gojarã Jesucristore masa gamebiriburire ðpa arĩ gojamuhtañuma. Erã ĩgure gamebirã Goãmu ya buherire yuhriribima. Cristore gamebirã, ĩgure tarinugarã, Goãmu pohrogue ejasome erã. Erã eropa waborore apipu Goãmu erãre.

Őpa ahrima Goãmu yarã, arĩ gojañumi Pedro

⁹ Muapũ Goãmu ĩgu beyenirã ahraa. ĩgu mari Opũ ĩgu yarã pahia ĩgu yare itamurã ahraa mua. Eropirã ĩgu ya curu majarã ñeri marirã Goãmu yarã ta ahraa mua. Eropigu muare naitiãro arĩbonirãre boyoropũ arĩmorãre, ñerire iibirimorãre, ðaripũre iimorãre aĩdigu arĩmi muare. Eropa ta aĩdigu arĩmi Goãmu mua ĩgu ðarire ĩgu ðaro iirare gajirãre weremorãre. ¹⁰ Ero coregue duhpimorã arĩbirimuriribu mua. Dohpague

tamerare Goāmũ yarā āhraa mũa. Ero core mũare mojomoro ĩabupu marinimi mũare dohpa. Dohpaguepure mũare Goāmũ mojomoro ĩagu āhrimi.

Goāmũ yare iirā árĩque mũa, arĩ gojañumi

¹¹ Үũ mahirā, mũa i umure wari masa iro dopa āhraa dohpaguere. Goāmũ pohro wamorā ta āhraa. Mũa eropa árĩrā árĩcũ, ire turaro werea mũare: Mũa ñeri uaribejarire iibiricāque. Iri ñerire uaribejarā, ñerā warā ĩica mũa. ¹² Goāmũre gamebirā watope árĩrā ðaro iirā árĩque mũa guare werewuari arĩrā. Mũa eropa iirā árĩcũ mũare dohpaguere ñero werewuadiaquererā mũa ðaro iirire masirācoma erā. Eropa masirā erā Goāmũre “Ōagu, turagu āhrimi,” arĩrācoma. Ōpa ta arĩrācoma Cristo ĩgu i yebague ĩgu dujaricũ.

¹³ Mari Opu yare iirā árĩrā ō majarā oparā säre yuhrique mũa. I yeba majagure mũa árĩpehrerā tauro opu árĩgure ĩgu säre yuhrique. ¹⁴ Goāmũ erā oparāre apipu tarinugarāre dipuwaja moamorāre. Eropigu ðaro iirāre “Ōaro iibabu mũa,” arĩdoregu apipu erāre. ĩgu eropa apicũ erāre yuhrique mũa. ¹⁵ Mũa ðaro iicũ ĩarā, pee masibirā erā sihajaro mũare weresādiaquererā ta weresāmasibeama. Eropigu mũa ðaro iicũ gahmemi Goāmũ.

¹⁶ Mũa ñecu sumarā árĩricuri doca árĩnirāre Goāmũ mũare taudigu árĩmi. Eropa taunirā árĩquererā ta, “Guare doreri mara. Eropirā gua ñerire iirāca,” arĩ pepibiricāque ñerire iiri arĩrā. Eropirā “Goāmũ pohro majarā āhraa gua,” arĩ pepiique mũa. Eropa arĩ pepirā ĩgu dorerire iique mũa. ¹⁷ Árĩpehrerā masare mahi umupeoque. Mari acawererā Jesu yarāre mahi umupeoque. Goāmũre guhyadiaro ĩaque. I yeba majagu opu säre umupeoque.

Cristo ñero tarigu ĩgu yujuro bojediro dopa ta yujuro bojeque mũa sã, arĩ gojañumi Pedro

¹⁸ Mũa pohro majarāre weregu iiaa dohpaguere. Mũa ðaro umupeori mera mũa oparāre yuhrirā árĩque. Ōarā, mũare ðaro iirā mera dihtare yuhrirā árĩbiricāque. Mũa mera guarā säre yuhrique mũa. ¹⁹ Mũa ñero iibiriquerecũ, mũare erā dipuwaja moabocoma. Erā eropa dipuwaja moarare Goāmũ ĩgu gamero dopa ta irire mũa yujuro bojecũ “Ōaro iibabu mũa,” arĩgucumi Goāmũ mũare. ²⁰ Mũa ñero iira wajapu erā mũare dipuwaja moasũcũ irire mũa yujuro bojequerecũ Goāmũ “Ōaro iibabu mũa,” arĩsome. Mari ðaro iiquererā erā dipuwaja moasũcũ irire mari ðaro mera guaro mariro árĩcũ yujuro bojecũ Goāmũ marire ðaro ĩhasuagucumi. ²¹ Eropa iimorāre ĩgu yarā árĩdoremi Goāmũ mũare. Cristo sã mũa ya árĩburire ñero tarimi mũa ĩgure ĩhacũboro dopa. ²² ĩgu ne ñero iibirimi. Eropigu ne gayabirimi. ²³ ĩgure turicũ, ĩgupu erāre ne turi gamebirimi. ĩgure erā ñero iiquerecũ ta “Mũare ñero iigura,” ne arĩbirimi ĩgu. Eropigu “Ahũ queoro dipuwaja moaga āhrimi. ĩgugue amugacumi,” arĩ pepiñumi ĩgu. Eropirā mari säre ĩgu ĩidiro dopa ta iiro gahmea. ²⁴ ĩgu Cristo ĩgu basi crusague mari ñeri dipuwaja sĩrimi. Eropa sĩrimi dipaturi mari ñerire iibiriboro dopa, Goāmũ gameripure mari ĩiboro dopa. ĩgu ñero camicumi marire peamegue wabonirāre marire taricũ iibu. ²⁵ Oveja erā dedereboro dopa ta mũa sã peamegue dederebonirā árĩribu. Dohpaguepure Cristore umupeorā ĩgu yarā wahabu pare. Eropigu ovejare ĩhadibugu iro dopa Cristo mũare ĩhadibumi. Mũa sĩporā mera dederebiriborore ðaro ĩhadibumi.

3

Mojoto dirirāre ōpa iiro gahmea erāre, arĩ gojañumi Pedro

¹ Eropigu pohro majarāre yũ dorediro dopa ta mũa marasā nomere doregura. Mũa marapu sumarāre ðaro yuhrique erā Goāmũ buherire erā gameboro dopa. Yujurāyeri mũa marapu sumarā Goāmũ buherire gamebirā āhrima. Erāre mũa yuhricũ ĩarā Goāmũ ya buherire gamebocoma erā. Eropirā iri buherire mũa erāre werebiriquerecũ ta ĩgu yare gamebocoma erā. ² Eropa ta gamebocoma mũa erāre ðaro irire, mũa umupeori säre ĩarā. ³ Mũa nome, mũa poarire wupuwea seapataniñā nome, oro dari buyanirā nome, ðari suhri sañanirā nome árĩdiarire guñabiricāque mũa. Mũa ya dupu masare ĩhasuacũ iibiricāque. ⁴ Eropa iibirā ōpa iique. Mũa pepiri ðaro árĩcũ guñaque. Eropirā mũa guhyadiarā nome iro dopa gajirāre nijyajaro mera iirā nome árĩque. Guhyadiaro mera weretamurā árĩrā ipure masare ĩhasuacũ iique. Iripu pehreesome. Iri ðatariari āhraa Goāmũ ĩacũ. ⁵ Ōpa ta iimuriñuma iribojegue majarā nome Goāmũ yarā nome. Erā nome Goāmũre umupeorā nome árĩrā, erā marapu sumarāre ðaro yuhrimuriñuma. ⁶ Eropa Sara igo marapure Abrahamē ðaro mera yuhrimuriñumo.

Eropigo ĩġure "Opu," aŕi piyumariñumo. Eropirā m̄ua ðaro iirā nome árĩrā, ġiiri marirā nome árĩrā, Sara árĩdiro dopa āhraa m̄ua.

⁷ Ōpa ta m̄ua marapu sumarā s̄a m̄ua marapo s̄are ðaro iique. Erā nome mari m̄ua iro dopa turarā árĩbeama. Eropirā umupeori mera ðaro iique erā nomere. Goāmu árĩpehrerinari ĩġu mera mari árĩniġuiborore ĩġu m̄uare odiri dopa ta oġucumi erā nome s̄are. Erā eropa árĩmorā árĩcū erā nomere ðaro iique. Goām̄are m̄ua serērire ĩġu yuhriboro dopa erā nomere ðaro iique m̄ua.

Ōaro erā iiquerecū ta ġajirā erāre erā ñero iirire werepu Pedro

⁸ I mera weretugura: M̄ua árĩpehrerā yujuro mera ðaro árĩque. Eropirā m̄ua mera majarāre ðaro mojomoro ĩarā árĩque. M̄ua acawererā Jesu yarāre pep̄uri majarā game umupeoque. Eropirā ðaro iique erāre. Eropirā "ġajirāre masitaġu āhraa," aŕi pepibirā erā gamero dopa ta iique. ⁹ ġajirā m̄uare erā ñero iicū erāre ñero ii ġamebiricāque. M̄uare erā turicū erāre turi ġamebiricāque. M̄uare erā eropa iiquerecū ta ðaro iique erāre. Eropirā ðaro yuhrique erāre. Iirire iimorāre ta apimi Goāmu m̄uare ðaro iibu. ¹⁰ Eropa ta āhraa Goāmu yare erā ġojarapū:

M̄ua ðaro mucubiriri mera árĩdiarā ne ñero wereniġuibiricāque. ¹¹ Árĩpehreri ñeri iirire duhcāque. Ōarip̄are iique. Game m̄ua basi ĩhaturiro mariro árĩque. Iirire turaro iique. ¹² Ōarāre mari Opu eropa ĩhadibuniġuicāġu ĩimi. Eropiġu ĩġure erā serērire eropa peeniġuicāġu ĩimi. Ñero iirāp̄are ĩġu ġamebeami, aŕi ġoġañuma Goāmu yare ġojarapūġue.

¹³ Ōarire m̄ua turaro iidiacū ġajirāpu m̄uare ñero iidiaquererā ta ne yujuro bojesome. ¹⁴ Ōaro m̄ua iiquerecū ta m̄uare erā ñero iicū ĩaġu Goām̄upu m̄uare ðaro ĩiġucumi. Eropirā m̄uare ñero iidiarāre, "M̄uare wejērāca," arĩrāre ġiubiricāque. Eropirā buġawerebiricāque. Iirire pee ġuñaricubiricāque. ¹⁵ Eropirā m̄ua Cristore "ġua Opu āhrimi," aŕi pepirā, umupeoque ĩġure. Eropirā Cristore m̄ua umupeoirire, Goāmu mera m̄ua árĩborore, ġajirā m̄uare serēpibocoma: Erā m̄uare serēpiboro core erāre yuhriburire ðaro ġuñayuque. Eropa erāre yuhriarā niġiyajaro mera, ðaro umupeori mera wereque erāre. ¹⁶ Ōarā árĩque. Eropirā "Ñerire iiaa," aŕi pepisome m̄ua. Eropirā Cristo yare m̄ua ðaro iirā árĩcū ġajirā m̄uare ñeri quere moarā ġuhyasiuro warācoma. ¹⁷ Ñerire mari iira dipuwaja mari ñero taricū ðabeaa marire. Eropiro Goāmu ġamecū ðarire mari iira dipuwaja mari ġajirā mera ñero taricū ðap̄urica iri tamera.

¹⁸ Eropa ta ñero tarimi Cristo. Yujusubu ta árĩpehrerā ñeri dipuwajare s̄irimi ĩġu. Ōaġu árĩmi. Eropa árĩġu ñerā mari árĩcū mari ya árĩborare ñero tarimi ĩġu. Ñero tarimi ĩġu Goāmu yarā mari wacū iibu. ĩġu s̄iria wami. Eropa s̄iriquerecū ta ĩġu s̄iporā ojocarioro. ¹⁹ Eropiġu ĩġu s̄iporā mera s̄irinirā m̄ura erā dipuwaja moaburire corerā erā pohroge Goāmu yare werepu erā s̄iporārire. ²⁰ Erā m̄urapu iribojegue Goām̄ure yuhribirimariñuma. Irisubugere Noé ĩġu árĩrasubugere, wadiru dohodirure dohogu ĩiñumi. Irirure ĩġu dohorisubu Goām̄ure yuhribirinirā m̄ura erā yuhricū ġameriñumi. Eropiġu erā yuhriborore yoari boje dipuwaja moabiġu coreriñumi Goāmu. Yuhribirimariñuma. Eropiġu erāre dipuwaja moañumi. Eropirā bajamerāġā ocho dihta dia miririñere tariwereñuma. ²¹ Miricū erā taridiro dopa ta marire waĩyecū peamegue wabonirāre mari tariborore ĩhmua. Deco mera marire waĩyecū mari d̄up̄are mari ġuhrarire tu coero dopa árĩbeaa. Marire waĩyecū ñeri marirā mari árĩborore Goām̄ure mari serā. Eropirā Jesucristo ĩġu masa m̄uriara mera peamegue wabonirā taria mari. ²² ĩġu Jesucristo amarogue wadi árĩmi Goāmu mera dorebu. Eropiġu ĩġu anyua tauro, umaro majarā oparā tauro, árĩpehrerā dorerā tauro erāre doreġu āhrimi.

4

Cristo yarā árĩrā ðarire gohrotonirā árĩrāca, aŕi wereñumi

¹⁻² Mari ñero tarirā mari ñero iirire duhcāa mari. Eropa duhcārā mari dipaturi mari uaribejarire iibeaa. I yeba mari árĩropē Goāmu ġamerire iinigiurāca. Eropirā Cristo ĩġu ñero tarigu ĩġu ġiubiridiro dopa ta m̄ua s̄a ñero tariborore ġiubiricāque. ³ Iribojegue Goām̄ure ġamebirā erā ñerire uaribejadiro dopa ta iimuriyoro m̄ua. ġuhyasiuro mariro ñerire iirā, ñeri uaribejarire iirā, mereri bosenari iirā, Goāmu dorerire tarinugarā, ġoamarā wéanirāp̄are umupeorā iimuriyoro. Eropirā iripēta iri ñerire iipurumujacāque pare. ⁴ Eropirā erā muraro ta iirāpu m̄ua dohpaguere iri ñerire erā mera ĩibiricū ĩarā erāpu ĩha uca wahama. Eropirā erā m̄urap̄are ñero wereniġuirā, querere ġoroweoma. ⁵ Erā eropiicū ĩaġu erā ñeri iirare Goām̄upu serēpi ĩaġu, weretaridoreġucumi erāre. ĩġu ojocarirāre, s̄irinirā s̄are beyebu āhrimi. ⁶ ĩġu

eropa beyebu áriḡu erā sīrinirāpūre ōari buherire werepū Goāmū mera erā ōaro áriniguiBORORE. Eropirā i yebare erā áriḡpehrerā masa iiro dopa sīrinirā áriḡquerecū Goāmū iḡu mera erā ōaro áriniguiBORORE werepū erāre.

⁷ Pehreburinū merogā duhyaa. Eropirā ōaro pee masirā áriḡque. Eropirā Goāmūre serēniguiCĀQUE. ⁸ Gajirāre mari ōaro mahirā baja gajiroPA erā marire űero iiquerecū ta eropa iācāa mari. Eropirā mūa mera majarāre burigā umuPEU mahiniguiCĀQUE. ⁹ Mūa mera majarāre mucubiriri mera mūa ya wirigūe űajaridoreQUE. ¹⁰ Goāmū iḡu yarā nūcure iḡu yare mūa mohmemasiburi nūcure apimi. Iḡu eropa apicū mūa iimasiro dopa ta mūa mera majarāre irire ōaro itamuQUE. Goāmū mūa nūcure mūa iḡu yare mohmemasiburi nūcure apimi. Iḡu apiraűe mera gajirāre ōaro itamurā, Goāmū iḡu apidiro dopa ta ōaro iirā iiaa mūa. ¹¹ Eropirā mūa ōaro wererā árirā, Goāmū iḡu werebodiRO dopa ta ōaro wereQUE mūa sā. Masare itamurā árirā, Goāmū iḡu apira turari mera gajirāre itamuQUE. Áriḡpehreri mūa iira nūcu Goāmūre masa erā umuPEOBORO dopa irire iique. Jesucristopū mūa irire iicū itamugucumi. Iḡure áriḡpehrerinūri umuPEOQUE. “Ōaḡu, turagū āhrimi,” arīro ḡahmea áriḡpehrerāre. Eropa ta arīporo.

Jesu yarā erā árirī dipuwaja erā űero taririre were gojaűumi Pedro

¹² Yū mahirā, dohpaguere űetariaro tarirā, “GajiroPA áriRO wāca yūre,” arī ḡuűa iibiricāQUE. Mucubirirā áriḡque. ¹³ Būjawerebirā ta mucubirirāpū áriḡque. Eropirā “Cristo iḡu űero taridiRO dopa ta ḡua sā eropa ta wahaa,” arī mucubirique mūa. Eropa mucubirirā Cristo iḡu ōarire iḡu iḡmugū dujaricū mūa turaro mucubirirāca. ¹⁴ Cristo yarā mūa árirī dipuwaja gajirā mūare erā turicū Goāmū iḡu Espiritu Santo iḡu ōaḡu mūa mera áriḡu iimi. Eropirā ōaro mucubirirā āhraa mūa. ¹⁵ Eropirā masare wejēra waja dipuwajacurā, yajara waja dipuwajacurā, űero iira waja dipuwajacurā, gajiroPA arī goroweora waja dipuwajacurā áribiricāQUE. Iri dipuwaja mūa űero taricū űehe āhraa. ¹⁶ Cristo yarā mūa árirā wajapū űero taricū ōhaa. Eropirā Cristo yarā mūa áricū iha űero iima mūare. Erā eropiicū ḡuhyasīribiricāQUE. űero tariquererā ta Cristo yarā mūa áririre mucubirirā, Goāmūre “Ōhaa,” arī umuPEOQUE mūa.

¹⁷ Goāmū iḡu yarā erā iirare iḡu beyerisubū áriRO iiaa dohpaguere. Áriḡpehrerā mari iḡu yarā mari iirare iha serēpimūhtagucumi. ¿Eropa marire serēpimūhtagu dohpa iigacuri iḡu yarā áribirāpūre mūa pepicū? Iḡure yūhribirinirāpūre turaro dipuwaja moagucumi. ¹⁸ Eropirā ōarā iḡu yarā eropa űero tarira pūhū Goāmū erāre tau erāre iḡu pohro aḡaḡucumi. Goāmūre gamebirāpū űetariaro tarirācoma. Eropirā dederea wa peameḡe warācoma. ¹⁹ Eropirā Goāmū iḡu gamecū mūa űero tarirā árirā, ōarire mūa iirare duhubiricāQUE. Eropirā mūare iḡacūnugudigūre mūare ne duhubigare iḡure umuPEORO ḡahmea. “Yūre iḡadibugucumi,” arīro ḡahmea.

5

Jesu yarā erā iiborore were gojaűumi Pedro

¹ Dohpaguere mūare Jesu yarā oparāre wereḡura: Yūhū Jesu yarā opū āhraa. Mūa sā erā oparā ta āhraa. Mūare yū iRO dopa oparā árirāre ire werebū iiaa yūhū: Cristo iḡu űero tarirare iadigū áriḡu, mūa mera umarogue Cristo mera ōaro áriniguiBū áriḡu ire mūare wereḡura: ² Goāmū yarā oveja iRO dopa āhrima. Mūapū ovejare iḡadiburā iRO dopa āhraa. Eropirā Goāmū mūare iḡu apinirāre iḡu yarāre ōaro iḡadibuQUE mūa. Eropirā Goāmū iḡu gamediro dopa ta ōaro sīporācūri mera erāre iḡadibuQUE. Eropirā erāre iḡadiburā “űiyerure wajatarāca,” arī pepibiricāQUE mūa. ³ Eropa iḡadiburā erāre pūriRO mera dorebiriricāQUE. Eropirā ōaro iique mūa Jesu yarā mūare erā iḡacūBORO dopa. ⁴ Mūa eropa iirā Cristo marire áriḡpehrerāre iḡadibugū iḡu dujaricū iḡu mūare ōarire oburire oparāca. Iri mūa opaburi ne pehresome.

⁵ Erāre yū dorero dopa ta mūa mamarā sā erāre mūa oparāre yūhrirā áriḡque. Eropirā mūa Jesu yarā áriḡpehrerā game yūhri áriḡque.

“Ōatariaḡu āhraa,” arī pepirāre Goāmū gamebeamī. Gajirāre umuPEORĀPūre “Bū árirā āhraa,” arī pepirāpūre ōaro mahi itamumi iḡu, arī ḡojara āhraa.

⁶ Eropirā Goāmū turagūpūre mūare dorecū yūhrique. Eropirā mūa basi “Yū ōaḡu āhraa,” arī pepibiricāQUE. Mūa eropa ōarire iicū iḡu Goāmū iḡu queoranū áricū masa iḡuro mūare “Ōarā āhrima,” arī iḡmugucumi. ⁷ Iḡu mūare wūaro pepi iḡadibumi. Eropirā iḡure ḡuűaturarā, ne wūaro būjawere ḡuűaricūbiricāQUE mūapū.

⁸ Mūare iḡaturigū watī yee ḡuagū iḡu ehma baro iRO dopa ta āhrimi. Mūare űero iidoreḡu goroweodiami. Eropirā pee masi áriḡque. ⁹ Áriḡpehrerogūe sāre gajirā Jesu yarā

eropa dihta teboricuma watī goroweodiari mera. Irirē masirā Īgare yuhribiricāque. Eropirā Cristore umupearā turaro guñaturaque m̄ua. ¹⁰ M̄ua i yeba árīrisubu dihta watī ñero iidorediaro mera teboricurāca. Merogā āhraa. P̄uhr̄u m̄ua Jesucristo pohro árīrā, m̄uare ōarā turarā árīcū iiḡucumi. Eropiḡu m̄ua siñajarā ōaro árīcū iiḡucumi m̄uare. Īḡu Jesucristo iira mera árīpehrerinurī um̄usiḡue m̄ua ōaro árīborore m̄uare apiḡucumi. Īḡu Goām̄u āhrimi árīpehrerēre mojomoro ĩaḡu. ¹¹ Eropirā um̄uri n̄acu “Īḡu turaḡu āhrimi,” arī umupearā ĩḡare. Eropa ta iirā.

Ōadoretuñumi Pedro

¹² Īp̄ūḡare mirip̄ūḡare ȳu m̄uare gojabeocū Silvanop̄u ȳure gojabasami. Silvano Jesu yaḡu ȳu acawereḡu Jesure duhubiḡu āhrimi ȳu pepicū. M̄uare ōaro werediaa. Eropiḡu “I buheri diaye ta Goām̄u m̄uare ĩḡu mahiri buheri āhraa,” arī wereḡu m̄uare ip̄ure gojabeoa. Eropirā i buheri mera siporā turarā árīque m̄ua.

¹³ M̄uare ĩḡu beyediro dopa ta Jesu yarā Babilonia majarā s̄are beyediḡu árīmi Goām̄u. Erā m̄uare ōadorema. Marco s̄a ȳu maḡu iro dopa árīḡu s̄a m̄uare ōadoremi. ¹⁴ M̄ua mera majarāre bocatīrirā ōaro mera mojoto ñeaque.

Árīpehrerā m̄uare Jesucristo yarāre ḡua ōadorea. Eropa ta árīque. Irip̄eta āhraa.

2 San Pedro

Jesu yaräre gojabeoñumi daja Pedro

¹ Yuhũ Simo Pedro Jesucristo igu buhedore igu apidigu ahraa. Eropigu igu pohro majagu ta ahraa. Eropigu muare gojabeoa yuhũ. Goãmu marire taudigu Jesucristo mera marire árïpehreräre diaye igu ahrimi. Eropa igu árïgu Cristore umupeocũ, igu yarã wacũ iimi muare. Eropa warã mua sã gua iro dopa ta igu yarã ahraa. Mari yujuro mera igu yarã árïräre muare gojabeoa. ² Eropirã Goãmu sãre mari Opũ Jesucristo sãre masinemorã igu mahiri mera ðaro árïrãca mua. Eropa ðaro mua árïboro dopa muare serëbasaa Goãmure yuhũ. Eropa árïgu muare ðadorea.

Ûpa ahrima Cristo yarã, arï gojañumi Pedro

³⁻⁴ Igu yarã árïmorãre Cristo marire aïdigu árïmi. Igu eropa aïcũ peerã, igure yuhribu mari. Eropa yuhrirã Jesucristo ðagu, ðarirepa ta igu yarã ahraa. Mari yujuro mera igu yarã árïrã iimasigu árïro dopa ta mari sã igu iro dopa ta árïmasia. Eropa Goãmure mari masinemorã, igu turari mera igu gamero dopa ta ðarã árïrãca. Igu ahrimi igu yarã árïmorãre marire aïdigu. Õagu ðarire iimasipehogu igu árïro dopa ta marire árïpehreräre aïdigu árïmi. Eropa ta iri igu turari mera marire ðatariaro wahabũ. “Ûpa ta muare ðaro iigũra,” igu arïdiro dopa ta marire ðatariaro iimi igu. Marire igu eropiicũ i yeba maja ñerire mari ñaribejarire mari duhucãa. Iri ñeripũ marire goroweotariaca. Eropirã igure yuhrirã árïrã Goãmu igu arïdiro dopa dujarãca mari. ⁵ Eropirã Cristore umupeorã árïtuhaa mua. Eropirã igu turarire oparã ðpa iinemoque daja: Õarã árïque mua. Eropa ðarã árïrã ðaro pee masirã árïque mua. ⁶ Eropa pee masirã árïrã ñerire iïdiaquererã ta Goãmu igu gameripure iiniguicãrã árïque. Eropa iirã Cristo yarã mua árïri dipuwaaja gajirã muare ñero iiquerecũ ta eropa yujuro bojeniguicãque mua. Eropa yujuro bojerã Goãmure umupeorã, igu gamerire iirã árïque mua. ⁷ Eropa iirã mua mera majarãre mahi umupeoque. Erãre ðaro itamurã árïque. Eropa iirã árïpehrerã gajirã sãre mahi umupeoque.

⁸ Mua eropa iinemocãpũre ðataria. Mua eropa iinemorã, ðaro iirã árïrãca. Eropirã mari Opũ Jesucristore ðaro guñaturarã igu gamerire ðaro iiniguirã árïrãca mua. Bu árïrãre iisome. ⁹ Mua eropa iinemobirã Goãmu yare ne masibirigohraboya mua. Eropirã Cristo mua ñeri iirare igu coerare ne guñabiriboya mua. Eropa ta cãdijicãdiaboya mua. ¹⁰ Eropirã yũ acawererã, Goãmu yarã árïmorãre muare igu árïdorecũ yuhrinirã árïbu mua. Eropa yuhrirã árïrã, igu yare guña duhudiabirã igu gamerire turaro eropa iiniguicãque. Mua eropa iirã diaye ta Goãmu mera árïrãca mua. Eropirã diaye ta igu beyenirã árïrãca mua. Eropirã ñerire iiniguirã árïsome. ¹¹ Mua eropa igu gamero dopa ta iirã árïrã mari Opũ marire taudigu Jesucristo igu árïroque ðaro warãca mua. Diaye ta igu yarã mua árïcũ ïagu “Õaro mera yũ mera árïque mua,” arïgũcumu Jesu muare.

¹² Eropigu muare ire eropa guñaniguicũ iigura. I muare yũ wererare masituhabũ mua. Eropa masirã Goãmu yare mua peediro dopa ta ðaro iirã iiaa mua. Eropa iirã mua árïquerecũ ta i muare yũ wererare eropa guñanemocũ werenemogura. ¹³⁻¹⁴ “Merogã dahyaa mu sïrïboro,” arï weremi yare mari Opũ Jesucristo. Eropigu ojocarínigu ire yũ muare wererare eropa guñaniguicãcũ iiniguigũra. Yũ eropa iicũ ðapũrica. ¹⁵ Eropigu i yũ were gojara muare gojapïpehogura yũ sïrïra pũhru mua ðaro masïboro dopa. Eropirã i yũ wererare eropa guñaniguirãca mua.

Cristo igu turagu árïricũrãre ïabu yuhũ, arï gojañumi Pedro

¹⁶ Eropirã mari Opũ Jesucristo igu turari sãre, igu dujarïboro sãre muare wererã, gua gamero gua arï bocarigu wererã iïbiribu. Turagu igu árïrãre igu gũre wererã. ¹⁷ Cristo igu turatariagu igu árïrãre guare ihmumi Goãmu mari Pagu. Igu eropa ihmucũ Cristo ðaro gosesiricũ ïabu. Igu eropa gosesiricũ ðpa arïro caribu: “Ihũ yũ magu yũ mahigu ahrimi. Igu mera ðaro mucubiria,” arïro caribu gua peecũ. ¹⁸ Ûmarogue eropa arïro caricũ peebu gua. Utãgu wecague Goãmu yagu utãgu wecague Cristo mera ejarã eroparicũ peebu gua irire.

¹⁹ Irire ïanirã árïrã, Goãmu yare weremuhtanirã irïbojegue majarã erã gojara diaye árïcũ ðaro masia gua. Erã gojarare mua ðaro buheniguirã ðaro iirã iica mua. Iri erã gojara muare sihãgodiru iro dopa ahraa. Naitãroguere ðaro sihãgodiru mera mari ïhamasiro dopa ta erã gojarapũ marire Goãmu yare ðaro masicũ iiaa. Eropirã igu yare eropa buheniguigue ne igu Jesucristo dujaricũgue. Jesucristo dujaricũ igu yare

masipehorāca mari pare. ²⁰⁻²¹ Yu werediro tauro ipure ōaro masique mua: Iribojegue majarā ōarā Goāmū yare erā weremuhtarā erā guñabocarire wereniguibirinūma. Espiritu Santopū erā Goāmū yare wereniguiburire erāre masicū iinūmi. Eropirā mari erā wereniguiri gojarare buherā mari pepiri mera irire buherā “Ōpa arīro iica,” arimasibirica. Espiritu Santo iḡu itamuri mera mari masia.

2

Goāmū yare diaye buhebirāre were gojañumi Pedro

¹ Iribojegue mari acawererā judio masa mera majarā gajirā “Goāmū yare weremuhtarā āhraa,” arī guyamuriñuma. Erā iidiro dopa ta dohpague sāre mua mera majarāre eropa ta arī guyarā arīrācoma. Erā diaye Goāmū yare buherā arī buheboro dopa ta guyaripure buherācoma. Eropa buherā Cristo yapure goroweorācoma. Eropa iirā Cristo erā dipuwajare sīribasadigūre guñabirācoma. Eropirā iḡure “Gua Opū āhrimi,” arī ne pepisome. Iri arīpehrerire erā eropa iira dipuwajare mata Goāmū erāre peamegue wadoregūcumi. ² Eropa erā gūya buhecū peerā erā, erā űerire űaribejaro dopa ta bajarā masa erāre ihacū űero iirācoma. Erā űero iicū iha gajirā Jesucristo yare diaye majare űero wereniguirācoma. ³ Eropirā erā guyaricurā niyerure waja gamerā guyarī buherire buherācoma muaire. Eropa buhera dipuwaja Goāmū erāre peamegue wadoregūcumi. Iribojegue ta eropa iinirāre dipuwaja moadoretuhāñumi iḡu.

⁴ Eropa ta iribojegue dipuwaja moadoreñumi űerā anyua sāre. Erāre peamegue peresu iinūmi. Eropa iḡu i űmū pehrerinū arīcū erāre dipuwaja moagūcumi. ⁵ Eropa ta iribojegue majarāre Goāmūre gamebirinirāre dipuwaja moañumi iḡu. Eropiḡu arīpehrero i yebare miugū, arīpehrerā űerā masare miu wejēpehocāñumi. Noé dihtare gajirā siete masa mera tauñumi. Noēpū irisubu majarāre Goāmū yare ōarire buhemuririñumi. ⁶ Eropa ta Sodoma waicuri maca majarāre Gomorra waicuri maca majarā sāre Goāmū dipuwaja moañumi. Iri macarire pa iinirāre dipuwaja moadoretupeame mera ōaro soepehocāñumi. Eropiḡu pūhrūgue arīmorāre iḡure gamebirinirāre iḡu dipuwaja moaborore ihmugū iinūmi. űerāre iḡu dipuwaja moaborore ihmugū iinūmi “Giūporo,” arīḡu. ⁷ Eropiḡu Lote waicūegure tauñumi. Lotepū ōagu arīñumi. Eropa arīḡu arīḡu Sodoma majarā Goāmū dorerire tarinūgarā űetariaro erā iicū iāgu gariborea wañumi. Eropiḡu űma erā basi erā űero iicū iāgu gariboretaria wañumi iḡu. ⁸ Iḡu ōagu űerā watope arīñumi. Eropiḡu űmuri nucu űetariaro erā iicū iāgu űero erā wereniguicū peegu űero sīporācūñumi. ⁹ Iḡure Goāmū tauticū iārā ire masia mari. Goāmū mari Opū marire iḡure gamerāre mari űerā watope arīcū marire taugūcumi mari űero iibiriboro dopa. Eropiḡu űerāpūre erā űero iira dipuwajacurā arīcū apigūcumi. Pehrerinū arīcūguere erāre dipuwaja moagūcumi.

¹⁰ űerire turaro űaribejarā Goāmū dorerire tarinūgarā erā tamerare űero dipuwaja moagūcumi iḡu. Ōā mua mera majarāre gūya buherā űeri űaribejarire iirā ne mari Opūre umupeobeama. “Gajirāre mari tarinūgaa,” arī pepirā āhrima erā. Eropa arīrā erā deyobirāre űamaro majarāre, űerā turarāre ne giūbirā űero arī weryama erāre. Erāpūre tauro dipuwaja moagūcumi Goāmū. ¹¹ Goāmū yarā anyuapū ne erā iiro dopa iibeama. Erā tauro turarā āhrima. Eropa turarā arīḡuererā ta erā ne weryari mera űamaro majarāre űerā turarāre “Peamegue waporō,” arī weresābeama mari Opūre.

¹² Erā gūya buherāpū nūgu majarā waimurā iro dopa pee masibirā āhrima. Erā gamero dopa ta iima erā. Eropirā erā masibirirare werya űero arī wereniguicorema. Eropa iirā erā arīcū waimurāre mari wejēro dopa ta Goāmū erāre peamegue cōāgūcumi. ¹³ Eropiḡu erā űero iira dipuwaja dipuwaja moagūcumi Goāmū. Erā űerire űaribejataricāma. Eropirā űerire űero iiniguicāma. Mua mera bosenu iiquererā iri bosenu iri űerire iidiama. Erā eropiirā guhyasiricū iima erā querecurā arīrā.

¹⁴ Eropirā nomere iārā űeadiama erā. Eropirā űerire eropa iiniguidiama. Goāmū yare dabero masinūgarāre űerire iidorerā, eropa arīrāre erā ihacūcū iima. Eropirā erā seyaro gajinore, niyeru sāre gūya emamehrerā āhrima. Eropirā erā Goāmū iḡu dipuwaja moamorā āhrima. ¹⁵ Erā diaye majare duhu Balaam iḡu iidiro dopa iirā iima. Balaam mūrū Beor mūrū magū arīñumi. Iḡu iribojegue iḡu űeri iiri mera niyerure wajatadiariñumi. ¹⁶ Iḡu eropa iḡu wacū iḡu burropū iḡure turinūmi. Iḡu burro wereniguimasibigu iḡu arīquerecū ta Goāmū iḡure wereniguicū iinūmi. Iḡu eropa wereniguicū peegu Balaam turaro iḡu űeri iidiarare duhucāñumi.

¹⁷ Erā guyaricurā mau dipague deco mariro iro dopa āhrima. Deco mariri maūri dipari iri duhpiburi arībiriro dopa ta erā guyaricurā ne duhpimorā arībeama. Eropirā imica cururī miruñe weābeori cururi gohrotoro dopa ta erā guyaricurā sā erā

wereniguirire gohrotoniguima. Eropigu naitfaroque erā warore amutuhapu Goāmū erogue erāre dipuwaja moabu. ¹⁸ Erā guyaricurā erā wereniguirī duhpiburi gohra áribeaa. Masirá iro dopa masare eropa buhemaacāma. Ōpa arī buhema erā: “Mari gamero dopa ta mari iicū ōapūrica,” arī buherima erā. Erā eropa arī buhecū masa peerā, erā űaribejarire iidiarā erā ya buherire gahmema. Gajirá masa Goāmure ne umupeonugarā erā guyaricurire peerā áhrima. Erā űerire erā duhura pūhrū erā guyarire peenugama daja. Eropa peerā Goāmū yapure erā peeborapure peebeama daja. űeripure gohrotoma daja Goāmū yarā áriḱonirā. ¹⁹ Erāre ōpa arī buhema guyarā: “Mari iidiaro dopa ta mari iimasia,” arīrima erā. Erā eropa arī buhequerecū ta erā arīdiro dopa wabeaa erāre. Ōaripure iidiaquererā iimasibeama. űerire yoiari boje duhudiabirā, pūhrū irire duhudiakererā duhumasiyema. Iri űeri erāre dorea. Erā űeri űaribejari erāre dorea. Eropiro yujugure űeripū tarinugacū igupure űerire duhumasiya mara. ²⁰ Mari Opū Jesucristore marire taugure ne masinugarā i yeba maja űerire duhucāma. Erā eropa duhura pūhrū dipaturi űerire gohrotorā daja, űero gohra dujaboűuma erā. Cristore erā masiboro core erā árimahtadiro taurō űetariaro dujama pare dipaturi űerire gohrotorā daja. ²¹ Eropa űero dujarā ōari buheripure erā ne masinugabiricū ōatariaboya erāre. Erā Goāmū dorerire masira pūhrū irire cōānirā űetariaro dujarācoma. ²² Eropirā dipaturi űerire gohrotorā, masa nūcu erā ōpa arī wereniguidiro dopa ta irā iima erā. “Diaye etocapi ĩgu etocapirare dipaturi ĩgu basi ta bahamī daja. Eropigu yese ĩgure guhbura pūhrū dipaturi ĩgu űeri tarague oyami daja,” arī wereniguima masa. Eropa ta iima ōarire ne gamenugarā dipaturi űerire gohrotorā daja.

3

Cristo ĩgu i yeba ĩgu dujariborore were gojañumi Pedro

¹ Yū mahirā, mware yujupū gojabeotuhabu. Eropigu ipūre daja dohpaguere mware gojabeogu iiaa. Eropigu mware pesubu gojabeogu i áripehrerire guñacū iidiagu iiaa ōari dihtare mwa iiboro dopa. ² Irire guñaque mwa: Iribojegue majarā ōarā Goāmū yare weremahtanirā erā were gojarare guñaque. Eropirā mari Opū marire taugu Cristo ĩgu doreri sāre guñaque. Iri dorerire gua ĩgu apinirā mware buheabu.

³⁻⁴ Eropirā negohrare ire guñamahtaque: Pehrerinū coregāgue Goāmū yare wereyarā áriḱācoma. Erā űerire űaribejaniguirā áriḱācoma. Ōpa arī wereyarācoma: “‘Cristo dujarigura,’ ĩgu arīqueregu ne dujarisome. ¿Dujaridiaqueregu duhpigu ne deyobeari ĩgu? I yeba áriñugara pūhrū mari űecu sumará mura erā sīrira pūhrū áripehrero muraro ta áriñiguia. Eropigu i yebague dujaribu ne amaroguerē marimī,” arī wereyarā áriḱācoma. ⁵ Eropa arī wereyarā ipure ne guñadiabeama erā: Iribojeguerē Goāmū ĩgu dorediro mera i yebare űmūsi sāre iħacūnuguñumi. Eropa iħacūnuguḱu deco mera i yebare iinūmi. Eropigu i yeba deco mera áriḱū iinūmi. ⁶ ĩgu eropiira pūhrū i yebare miuñumi. Miugu i yeba maja dederepehrecū iinūmi. ⁷ Eropigu ĩgu ta űmūsi, i yeba sāre dipaturi dederepehrecū iigucumi ĩgu. Peame mera dederecū iigucumi. Dohpaguerē ĩgu ĩgu dorero mera i yebare űmūsi sāre áriñiguicū iimi dohpa. Eropigu coregu iimi pūhrū áripehrerore soebu. Eropa coregu iimi Goāmū ĩgure gamebirāre dipuwaja moabu. Eropigu ĩgu beyerinū áriḱū soepehocāgucumi. Irisubu erā űerāre dedeogucumi.

⁸ Yū mahirā, ipure guñaque mwa: “Yoatariari boje áhraa,” mari arī pepiquerecū ta, mil bojori yujunū iro dopa ta áhraa Goāmū ĩgu ĩacūpūre. ⁹ “Goāmū ĩgu arīdiro dopa ta ne yojaro mera iibeami,” arīma masa. Eropa áribeaa. Masare ōaro iidiagu corenigu iimi. Ne yujugū masure peamegue cōādiabeami ĩgu. Eropigu áripehrerā erā űeri iirire bujawerecū, űerire iī duhucū corenimi ĩgu dohpa.

¹⁰ űamigue yajari buḱu, ĩgu guñaña mariro yajagu űajariro dopa ta Cristo i yebaguere guñaña mariro arigucumi. ĩgu aricū űmūsi maja pehrea waroca turaro busuro mera. űjupehrea waroca. I yeba maja sā űjupehrea waroca.

¹¹ “I áripehreri pehrea waroca,” Goāmū ĩgu eroparicū peerā űerire duhu, Goāmū gameripure iirā áriro gahmea marire. ¹² Mari Opū i yebague ĩgu dujariborore mwa corerā áriḱā yojaro mera ĩgu aricū iique mwa. Irinure űmūsi maja űjupehrea waroca. ¹³ Eropa guhyaro watope ádopa maripū Goāmū ĩgu arī apidiro dopa ta áripehrerire ĩgu gohrotoburire cohre mucubiriyua mari. Áripehreri iri űjura pūhrū ōpa áriroca: űmūsi i yeba sā gaji dihta áriroca. Eropirā irisubuguere ōari dihtare iirācoma áripehrerā. Irire ta cohrea mari.

¹⁴ Eropirã yu mahirã, mari Opũ İğũ dujariborore corerã Goãmũ İğũ İarore ñeri marirã, ñerire iibirã árĩque mũa. Eropirã Goãmũre İadiabirã árĩbircãque mũa. Eropirã Goãmũ mera õaro árĩque. ¹⁵ Eropirã yoañariri boje İğũ deyobircũ İarã õpa masique mũa. Masa erã ñerire bujawerecũ coreniğũ iimi dohpa Goãmũ erãre tauborore. Eropa ta arĩ mũare gojabeodigu árĩmi mari mahigu mari acawereğũ Pablo. Goãmũ masiri mera irire gojabeodigu árĩmi İğũ. ¹⁶ Eropa dihta arĩ gojabeodi árĩmi Pablo İğũ gojabeora nũcu. Cristo İğũ dujariborore, ñerire iibirã mari árĩboro sãre wereğũ õpa dihta arĩ gojabeodigu árĩmi İğũ. Yujuyerisuburi diasarire were gojabeodigu árĩmi. Gajirã ne masibirã, pee masibirã guyarı mera İğũ eropa arĩrare gohrotomũrima. Eropirã İğũ eropa werera árĩquerecũ ta gajiropa arĩ gohroto werecãma erã. Goãmũ yare erã gojarapũgue gajı sãre eropa ta iima erã. Erã eropiicũ İağũ Goãmũ erãre dipuwaja moağũ peamegue cóağucumi.

¹⁷ Yu acawererã, yu mahirã, i árĩpehrerire i eropa waboro core weretuhabu mũare. Eropirã ire masirã õaro iique mũa. Ñerã mũare erã gajiropa arĩ buhecũ, peeİğũ árĩmi. Gajirã ne masibirã, pee masibirã guyarı mera İğũ eropa arĩrare gohrotomũrbircãque erãre Cristo yare duhuri arĩrã. ¹⁸ Eropa duhubirã mari Opũre marire taudigure Cristore õaro umupeonemoque muapu. İğũre õaro masinemoque. Árĩpehrerinuri İğũre õaro umupeorã mari. “Õağũ turagũ àhrimi,” arĩrã mari İğũre. Eropa ta arĩrã. Iripẽta àhrraa.

1 San Juan

Ñu Jesucristore were gojara āhraa

¹ Dohpague ta gua Jesucristo yare were gojarā iiaa mūare. Mata negue ta árīdigu āhrimi iġu. Iġu masare mari Pagu mera eropa árīniguicū iġu āhrimi. Iġure ĩabu gua. Iġu wereniguirire pee gua ya cuiři mera ĩabu gua iġure. Eropirā iġure ĩarā, gua ya mojotori mera mohmepibū iġure. ² Iġu masare mari Pagu mera árīniguicū iibu árīġu iġu i yebague iġu dehyoami. Iġu masa dehyoacū gua ĩabu iġure. Eropirā iġure werea gua mūare. Iġu umuri nucu mari Pagu mera árīniguicādigu mari pohro erami. Eropirā iġure gua ĩarare werea mūare. ³ Mari Pagu mera gua ōaro āhraa. Iġu magu Jesucristo mera sāre gua ōaro āhraa. Eropirā mūa sā gua mera, mari Pagu mera, iġu magu mera mūa ōaro árīburire gua mūa sāre Jesucristore werea. Gua ĩarare gua peerare werea. ⁴ Irire ta gua gojaa mūa ōaro mucubirburire.

Goāmū mera ōaro árīburi āhraa

⁵ Dohpague ta Jesucristo wereniguirare werea gua mūare. Iri buherire Jesucristo gūare buhecū gua peebu. Ōpa āhraa. Goāmū ōagu dihta āhrimi. Ñeripū ne mara iġure. Irire werea mūare. ⁶ Eropirā mari ñeri iirire iiniguirā, “Goāmū mera ōaro árīcāa yuġu,” arīquererā mari gūyarā iiaa. Eropirā diaye majare iibeaa. ⁷ Eropirā mari Goāmū iidiro dopa ta mari ōarire iiniguirā tamera, Goāmū mera ōaro árīrā iiaa. Mari basi sā ōaro árīrā iiaa. Eropiġu Jesucristo Goāmū magu mari ñeri iirire árīpehrerire coegu āhrimi. Iġu crusague sīriġu iġu dire cóami. Iġu eropiġu mari ñeri iirire coeniguicāmi.

⁸ Yujugū “Yu tamera ne ñerire iibeaa,” eropa arīġu iġu basi ta guyami. Eropiġu diaye majare pepibeami. ⁹ Eropirā mari ñero iirare werere gahmea Goāmūre. Eropa wererā mari ñero iira puhru Goāmūre mari weretaripehocācā, iġu mari ñero iirare cādijipehocāgucumi. Iġu arīdiro dopa ta diaye ta iġu ōagu āhrimi. Eropiġu daja mari ñeri árīpehreri sāre coeweagucumi. ¹⁰ “Árīpehrerā ñerire iirā āhrima,” arītuhajapu Goāmū. Eropirā “Ne ñerire iibeaa yupu,” mari arīrā ōaro arībeaa mari. Mari eropa arīrā “Goāmū gūyaricūgu āhrimi,” arīdiarā iiaa. Ōpa arīrā iġu ya buherire gamebirā āhraa.

2

Jesucristo marire itamumi, arī wereñumi Ñu

¹⁻² Yu porā, mūa ñerire iibiriboro dopa ire gojagu iiaa. Yujugū ñero iirare iicū Jesucristo itamumi marire mari Pagu iri ñero iirare cādijiboro dopa. Iġu Jesucristo ōagu Pagu pohro árīġu iġu Pagure ōpa arī serēbasamūmi mari ñero iira puhru: “Iġi ñero iira dipuwaja moabita iġure,” arīrā “Goāmū gūyaricūgu āhrimi,” arīdiarā iiaa. Ōpa arīrā iġu ya buhe arīcumi mari Pagure. Eropiġu Jesucristo mari ñero iira dipuwaja wajayebasadi árīmi. Mari ñero iira dihtare wajayebasabiridigu árīmi. Árīpehrero majarāġuere erā ñero iirare wajayebasadi árīmi.

³ Maripū Goāmū dorerire iirā árīrā “Goāmūre diaye ta masia yuġu,” arī masia mari. ⁴ Yujugū Goāmū dorerire iibigu, “Yu sā Goāmūre diaye ta masia yuġu,” arīġu gūyagu āhrimi. Eropiġu Cristo yare masibeami. iiaa. Ōpa arīrā iġu ya buhe ⁵ Goāmū dorerire iigupu iġu Goāmūre ōaro mahiġu āhrimi. Eropa árīġu ta “Yuġu Goāmū mera ōaro árīcāgu āhraa,” arī masimi iġu. ⁶ Mari “Goāmū mera ōaro āhraa,” arīrā Jesucristo iġu ōaro árīricūdiro dopa ta iiro gahmea.

Goāmū doreriñe āhraa

⁷ Yu acawererā, yuġu mūare dohpaguere werebeoburi mama doreriñe árībeaa. I doreriñe mūa negohraguere Jesu buherire peerañe ta āhraa. Eropirā iriñe doreriñere peetuhajabu mūa. ⁸ Iri doreriñe “Gajirāre mahi umupeoque,” arāa. Cristo iri doreriñere iġu masare umupeomi. Eropiġu dohpaguere iri doreriñe murañe doreriñe arīquerero ta mama doreriñe sā āhraa. Dohpaguere mūa pee masibirirañe pehre wahġaro iiaa ōaro. Jesucristo mūare pee masicū iġu eratuhajami. Eropirā mūa sā masare umupeorā iiaa.

⁹ Eropiġu yujugū gajigure ĩaturigū árīġu ñerire iġu āhrimi. Iġu ta “Yuġu ōarire iġu āhraa,” arīmasibeami iġu gajigure ĩaturinijagu. ¹⁰ Eropiġu yujugū gajirāre

mahi umupeogu tamera ðarire iigu ðaro áhrimi. Eropigu ñerire iibeami. ¹¹ Gajirãe ñaturigupũ ñerire iigu áhrimi. Eropigu iigu ðaro iiburire pee masibeami iigu.

¹² Yu porã, Goãmũ mua ñeri dipuwajare cãdijipehodi árimi Cristo iigu sãrãrañe mera. Eropa mua ñerire cãdijisurã áricũ muare wegu árigũ ñerire iigu áhrimi. Igu ta “Yũhu ðarire iigu áhrra,” arimasibre gojagu iiaa. ¹³ Mua pagu sumará sã, mua Cristore negohraguere árdigũre masirã áhrra pare. Mua eropa masicũ mua sãre were gojagu iiaa. Mua mamarã, mua watire tarinugabu mua. Mua eropa tarinugarã áricũ muare were gojagu iiaa.

Yu porã, mua mari Pagure masia. Mua eropa masirã áricũ were gojagu iiaa. ¹⁴ Mua pagu sumará, mua Cristore negohraguere árdigũre masia mua. Mua eropa masirã áricũ muare were gojagu iiaa. Mua mamarã, mua Goãmũ yare umupeoturará áhrra. Eropirã iigu yare diaye majare iiaa. Goãmũ wereniguirire masia. Mua eropiirã watire tarinugabu. Eropigu muare were gojagu iiaa.

¹⁵ I yebare, i yeba majare gamebircãque. I yeba majare gamerã maripũ mari Pagure gamebeaa mari. ¹⁶ I yeba maja áhrra: Masa erã ñerire uaribejari, ñero ñha iidiari áhrra. Eropárĩcũ masa erã ya dihta guña mucubiriri áhrra. Iri Goãmũ mari Pagu ya áribeaa. Iri áripehreri i yeba maja áhrra. ¹⁷ Eropirã i yeba majare iirã erã ñero iidiari mera dederea wahama i yeba mera. Goãmũ yapu pehresome. Eropirã Goãmũ yare iirãpũ Goãmũ mera árinigucãrãcoma.

Diaye maja áriiri, diaye maja áribiriri áhrra, arĩ gojañumi Ñu

¹⁸ Yu porã, i umũ pehrebore merogã ðahyaa. “Cristore ñaturidigu gohra arigucumi,” arĩ Jesu yarã muare weretuhajama. Dohpaguere Cristore ñaturirã bajarã árituhajama. Eropirã dohpaguere i umũ pehreburiñũ merogã ero ðahyacũ mari masia. ¹⁹ Oã Cristore ñaturirãpũ mari mera áriquererã mari yarã diaye áribeama. Eropirã marire cohã wiriama. Erã mari yarã áriřã mari mera ðujaboañuma. Eropirã marire cohã wiriama. Erã eropa wiriacũ mari mera majarã erã áribirirare masia mari.

²⁰ Muapũre Cristo Espiritu Santore muare otuhajadi árimi. Eropigu Espipehreri i yeba maja áhrra. Iritu Santo mua mera áhrimi. Igu áriřo mera mua áripehreri diaye maja áriřire masia. ²¹ Eropigu yu muare weregu, “Diaye maja áriřire masibeaa mua,” aribeaa yũhu. Mua diaye maja áriřire masirã guyacũ sãre masia. Eropigu muare werea yũhu.

²² Iñi diaye majare masibigu áhrimi guyagupũ. “Jesucristo Goãmũ magu áribeami,” arĩgũpũ guyagu áhrimi. Igu Cristore ñaturigu áhrimi iigu. Eropigu mari Pagure iigu magu sãre “Erã diaye ta áribeama,” arĩgu Cristore ñaturigu ta áhrimi. ²³ Opa áhrra: Jesure gamebigupũ mari Pagu sãre gamebeami. Jesure umupeogu mari Pagu sãre umupeomi.

²⁴ Negohraguere mua Goãmũ yare peebe. Irire ðaro guñaque. Irire guñarã Jesucristo mera ðaro áriřãca. Eropirã mari Pagu mera sãre ðaro áriřãca. ²⁵ Jesucristo marire weremi: Opa áhrra iigu werera: “Mua umuri nucũ Goãmũ mera áriřãca,” arĩ werepimi Jesu marire.

²⁶ Gajirã muare guyadjarima. Eropigu muare were gojaa. ²⁷ Muapũre Cristo Espiritu Santore otuhajami. Espiritu Santo mua mera áriniguiimi. Eropigu Espiritu Santo mua mera árigũ diaye majare muare masicũ iimi. Espiritu Santo muare buhecũ ñha gajigu muare buhegure amabeaa mua. Áripehrerire diaye maja áriřire buhemi muare Espiritu Santopũ. Guyarire ne buhebeami iigu. Eropirã Espiritu Santo iigu muare buhediro dopa ta Jesucristo yare peerã iigu mera ðaro áriřque.

²⁸ Eropirã, yu porã, Jesucristo mera majarã áriřque. Mua eropiirã Cristo iigu ðujaririnu áricũ ne guisome igure. Eropirã iigu ðujaririnu áricũ mua guhyasiriri mariro áriřãca. ²⁹ Cristo Goãmũ magu iigu ðari dihta iidigu áricũ mua masia. Irire masirã iri sãre masia mua. “Áripehrerã diaye maja ðarire iirã Goãmũ porã ta áhrrima,” arĩ masia mua.

3

Mua ta Goãmũ porã áhrra, arĩ werera áhrra

¹ Goãmũ mahitaricãmi marire. Eropigu iigu marire “Mua yu porã ta áhrra,” arĩmi. Eropirã iigu porã ta áhrra mari. I yeba majarã ñerã Goãmũre masibeama. Eropirã erã mari sãre masibeama Goãmũ porã mari áricũ. ² Yu mahirã, dohpague Goãmũ porã áhrra mari. Pũhrũgue mari dohpa áriburire mari ðaro masibeaa dohpa. Cristo dehyoacũ daja diaye ta irire masirãca. Igu áriřicũrĩre ñha masirãca. Eropirã Cristo marire dehyoacũ daja iigu iro dopa ta mari gohroto áriřãca. Eropirã iigu ðagũ iiro dopa

ta iirăca pare. Irire masia mari. ³ Eropa masiră ńerire duhu Cristo ıgu árıro dopa ta  arire iidiaa dohpague s are.

⁴  rıpehrer  ńerire iir  Go m  dorerire tarinugar   hrima.  ero iiri Go m  dorerire tarinugari  hraa. ⁵ Cristo m rıburire mari  aro masibea dohpa. Cristo dehyoac  daja diaye ta irire masir ca. ıgu  rıricurire ıha masir ca. Eropir  Cristo marire dehyoac  daja ıgu iro dopa ta mari gohroto  rır ca. Eropir  ıgu  agu iiro dopa ta iir ca pare. Irire ari masa ńerire co bu erami. ıg pure ńeri ne mara. M a irire masia. ⁶ Eropir   rıpehrer  Cristo mera majar   rır  er  s  ńerire eropa iiniguic beama.  erire eropa iiniguic r  Cristore ne masibeama. Eropa iir  Cristo yar   rıbeama. ⁷ Y  buher , m are g yar re peebiric que.  rıpehrer  diaye majare iir , Cristo iro dopa  ar   hrima. ⁸  erire eropa iiniguic gu watı yagu  hrimi. Watı tamera mata ńerire iinugadıgu  rıńumi. Eropıgu Go m  magu Jesucristo watı dorerire co gu erami.

⁹ Eropir  Go m  por  ıgu  rırire opama. Eropir  er  ńerire eropa iiniguic beama. Go m  er  Pagu  rıc  er pu ńerire iiniguic masibeama. ¹⁰  pa Go m  por   rır re, watı por   rır  s re masir ca. Watı por  Go m  por  iro dopa ta  rıbeama. Diaye maja  rırire iibir , gajir re umupeobir  Go m  por   rıbeama.

M a mera majar re mahi umupeoque, arı werera  hraa

¹¹ "Mari mera majar re mahi umupeoro gahmea," ne arı buhec  peeb  m a. ¹² Eropir  mari Caın iribogegu majagu ıgu ńero iidro dopa ta ńerire iibiric r . ıgu Caın watı yagu  rıdi ıgu pagu magure wej c ńumi. Caın ńerire iim rińumi. ıgu pagu mag p   arire iim rińumi. ıgu eropa  arire iira dipuwaja Caınp  ıgure ıhaturıńumi. Eropıgu ıgure wej c ńumi.

¹³ Eropir  i m  majar  ńero iiricur  mari  arire iic  ıha ıhaturima marire. Eropir  " Duhpir  y re ıhaturiri er ?" arırire masir ca. ¹⁴ Negohrare mari Go m  yare iibir   rınr  mari dederebonir   rırib . Dohpaguere pare Go m  yare iir   rır  ıgu mera  rınguimor   hraa. Eropir  ıgu itamuri mera Jesu yar re mahi umupeor   hraa. Eropa umupeor   rır  "Go m  yar   hraa," arı masia mari. Masare mahibir  peamegue wamor   hrima. ¹⁵ Eropir  er  er  mera majar re ıhaturir p  masare wej r  iro dopa ta iima Go m  ıgu ıac . Masare wej r   marogue  rımor   rıbeama. Irire  aro masia m a. ¹⁶ Cristo ıgu sirirańere guńar  marire ıgu mahira gohrare masia. Cristo mari masare mahitarıgu mari dipuwajare aı mari Go m  mera  rınguıborore sirimi. Mari s  gajir re itamugu sirıbu ta  rıqueregu mari acawerer re mahi itamuro gahmea. ¹⁷ Yujugu baja opagu Jesucristo yagure mojomorocugare ıaqueregu ta ıgure mojomoro ıabıgu Go m re mahibeami ıgu. ¹⁸ Y  por , mari "Y h  masare umupeoa," mari arı werer  er re itamuro gahmea. Er re itamubir  er re mahi umupeobir  iiaa.

G iro mariro Go m  pohro  rımasia mari

¹⁹ Eropa gajir re mahi umupeor , "Mari diaye ta Go m  yar   hraa," arımasia. ²⁰ Eropir  mari basi "Gajino y  ńero iira dipuwaja  rıca y re," arı pepiquerer  ta Go m  mera  aro sipor cur   rımasia. Go m p   rıpehrerire masıgu  aro masimi mari sipor rire. ²¹ Eropir  mari " eri dipuwaja marica y re," arı pepir   arire iir  Go m  mera mari g iro mariro  rımasia. ²² Go m  ıgu dorerire ıgu gamerire mari iic  ıgure mari ser ri n cure ogucumi marire. ²³  pa doremi ıgu marire: "Go m  magu Jesucristore umupeoque. Eropir  m a mera majar re mahi umupeoque Cristo marire ıgu dorediro dopa ta," arı doremi marire. ²⁴ Go m  dorerire iir  Go m  mera  aro  rıc a mari. ıgu Go m  s  mari mera  aro  hrimi. Go m  ıgu Espiritu Santore obeomi marire. Mari mera  rıgu "Go m  y  mera  hrimi," mari arı masiburire Espiritu Santo marire masic  iimi.

4

Go m  yar  gohrare masiro gahmea marire, arı werera  hraa

¹ Y  mera majar , dohpaguere i m re bajar  guyar   hrima, "Go m  yare werer   hraa," arıquerer . Eropir  gajir  m a watopegue Go m  yare buher  aric   aro ıaque er re. " Er  buheri noa buheri  hriri?" arı ıaque. " Er  Go m  yar   hriri?" arı ıaque. ²  pa masique er re ser pir : " Jesucristo i yebague aridıgu diaye ta masu gohra  rıyuri?" arı ser pi aque er re. M a eroparic  pee er  Go m  yar   rır  "Masu ta  rıńumi Jesu," arı y hrir coma. ³ Er  Go m  yar   rıbir p  "Jesucristo masu gohra  rıbirińumi," arı y hrir coma. Er  eropa arı y hic  "Er  ya pepiri Cristore ıhaturıgu ya dorero dopa ta  hraa," arı masir ca m a. "Cristore ıhaturıgu arıgucumi," peetuhajab  m a. Eropıgu ıgu ya buheri i yebaguere  rıtuhaaja.

⁴ Yu porã, Goãmu yarã àhraa mũapũ. Eropirã mũa Goãmu yare were guyarãre tarinugatuhabũ. Mũa mera árigũ Espiritu Santopũ watĩ tauro àhrimi. Watĩ i mũu majarã yagũ àhrimi. Eropirã mũare guyarãre tarinuga, erãre peebirabũ mũa. ⁵ Guyarãpũ i mũu majarã àhrima. Eropirã erã i mũu majare guyarire buhecũ i mũu majarã dihta erãre peema. ⁶ Maripũ Goãmu yarã àhraa. Eropirã Goãmure masirãpũ marire peema. Gajirãpũ Goãmu yarã áribirãpũ marire peebeama. Eropirã òpa arĩ masia mari. "Erã Goãmu yare peerã Goãmu doreri diaye majare opama. Erã Goãmu yare peebirãpũ watĩ doreri guyarĩ majare opama," arĩ masia mari.

Goãmu áripehrerãre burigã mahiniguigu àhrimi, arĩ werera àhraa

⁷ Yu mahirã, mari gajirãre mahicũ Goãmu iigu àhrimi. Igu eropãricũ iarã mari mera majarãre mahirã. Masare òaro mahirãpũ Goãmu porã àhrima. Eropirã erã Goãmure òaro masima. ⁸ Masare áripehrerãre Goãmu burigã mahiniguigu àhrimi. Igu eropa mahiniguigu áricũ masare mahibirãpũ Goãmure masibeama. ⁹ Goãmu marire igũ mahirare ìhmudi árimi igũ magure obeogu. Igu magure yujugu ta árigũre marire taubu obeodi árimi i yebaguere. Eropã obeogu marire igũ mahirire masicũ iidi árimi. ¹⁰ Igu magure obeora mahiri gohra àhraa. Mari masa Goãmure mahibiriquerecũ Igu Goãmupũ marire burigã mahidi árimi. Eropigu igũ magure obeodi árimi mari ñerire cóabure. Igu magure obeora iri ta àhraa marire igũ mahiri gohra.

¹¹ Eropirã, yũ mahirã, Goãmu burigã marire mahicũ iarã mari sã mari mera majarãre mahirã. ¹² Masapũ ne mari Pagũre Goãmure ìabeama. Iguere ìabirã mari áriquerecũ ta mari mera majarãre mari mahicũ Goãmupũ mari mera òaro eropa árinigucãmi. Eropigu igũ mari mera árigũ marire òaro mahinemocũ iimi. ¹³ Goãmu marire igũ Espiriture ohami. Eropirã igũ Espiriture mari oparã "Goãmu mari mera òaro àhrimi," arĩ masia mari. ¹⁴ Mari Pagũ igũ magure i yeba majarãre taubure igũ obeocũ gua ìabu. Eropirã irire ìanirã gajirãguere irire werea gua. ¹⁵ "Jesucristo Goãmu magu ta àhrimi," arĩgu igũ ta Goãmu mera òaro árigũ iimi. Eropigu Goãmu sã igũ mera òaro áricãgu iimi.

¹⁶ Eropirã Goãmu marire mahirire masia mari. Eropirã marire diaye ta mahigu igũ áricũ masia mari. Goãmu masare áripehrerãre burigã mahiniguicãgu àhrimi. Eropirã masare mahiniguirãpũ Goãmu mera òaro àhrima. Goãmu sã erã mera òaro àhrimi. ¹⁷ I yeba áridigu Cristo Goãmure gajirã sãre igũ mahidiro dopa ta mari sã Goãmure gajirã sãre mahia. Eropirã mari eropa mahirã mahinemoa, dipuwaja moarinũ áricũ mari güibiriboro dopa. ¹⁸ Eropirã mari Goãmure mahirã güibeaa. "Goãmu marire burigã mahimi," arĩ òaro masirã güisome pare. "Mata Goãmu yure dipuwaja moagucumi," arĩ pepirãpũ güia mari. Mari eropa pepirã Goãmu marire igũ mahirire òaro masibeaa.

¹⁹ Marire Goãmu mahimũtami. Eropirã mari sã igũre mahia. ²⁰ Yujugũ masũ gajigure ìhatuigu áriqueregu "Yu sã Goãmure mahia," arĩgu guyagu àhrimi. Gajigure ìhatuigu Goãmure mahibeami igũ. Gajigure igũ masigu áriqueregu ta mahibigu Goãmu sãre igũ ne ìabiguere mahimasibeami igũ. ²¹ Eropã àhraa marire Cristo igũ doreri: Goãmure mahirã árirã mũa pohro árirã sãre mahi umupeoque.

5

Goãmu porã árirã Goãmu dorerire iima, arĩ werera àhraa

¹ Áripehrerã Jesupure "Cristo àhrimi. Goãmu obeodigu ire burigã mahimi," arĩàhrimi," arĩrã Goãmu porã ta àhrima. Gajirã pagure mahirã igũ porã sãre mahia mari. Eropã ta mari mari Pagure Goãmure mahirã, igũ porã sãre mahia. ² Eropirã Goãmu porãre mari mahirire mari òpa masirãca: Goãmure mahi, igũ dorerire òaro ii, igũ porã sãre mari mahirã iiaa. ³⁻⁴ Igu dorerire òaro iirã Goãmure mahirã iiaa mari. Marire Goãmu igũ dorerire icũ teboricusũya mara. Eropirã mari áripehrerã Goãmu porã árirã, i mũu maja ñerire eropa iiniguicãsome. Goãmure umupeorã ne ñerire gamebeaa. Eropirã igũre mari umupeora puhũ ñerire iidiabeaa. ⁵ Ñerire gamebirã òpa arĩrã àhraa mari Jesucristore. "Jesu Goãmu magu ta àhrimi," arĩ umupeorã ta àhraa. Eropã arĩrã árirã ñerire gamebirã àhraa mari.

Goãmu magu áritricũre werera àhraa

⁶ Jesucristo i yebague erami. I yebaguere árigũ deco mera waĩyesũmi. Deco dihta áribeeaa. Puhũ sãrigũ igũ di cóami. Eropirã Jesucristore igũ deco mera waĩyecũ ìha igũ ya di cóacũ ìha "Igu Goãmu magu ta àhrimi," arĩ masia mari. Jesucristo áritricũre diaye ta marire áripehrerãre masicũ iimi Espiritu Santo. Espiritu Santo diaye majare marire masicũ iimi. ⁷⁻⁸ Ìmarogue sãre irire "Jesucristo Goãmu magu ta àhrimi," arĩ

wererä ʋrerä ährima. Mari Pagu, İgu magu, Espiritu Santo erä ta ährima. Erä ʋrerä ta ährima. Eropirä yujugu iro dopa ta ährima. I yebague säre "Jesucristo Goämu magu ährimi," arı masisüa. İgu magu İgu árırcurire Espiritu Santo marire masicü iimi. Eropi Jesure deco mera İgu waıyerare masirä "İgu Goämu magu ährimi," arı mari masia. Eropirä mari árıburire Jesu sírigu İgu di cóarañere İha masirä "Goämu magu ta ährimi," arı masia mari. Iri mera marire masiro gahmea. ⁹ Mari masa dihta werenigucü mari peea. Eropirä marire Goämupü İgu magu árırcurire werenigucü ðaro peero gahmea. ¹⁰ Eropirä Goämu magure umupeorä İgu Jesure were buherire ðaro peema. "Diaye ta ähraa," arı pepima erä Jesu yare buherire. Goämu İgu magu yare "Diaye árıbeaa," arı pepiräpü "Goämu guyagu ährimi," arıä ährima erä. Goämu İgu magure arı wererire peebirä ährima. ¹¹ Goämu marire umuri nucu İgu mera mari árıngucü iigucumi. Goämu magure gamerä árıä mari árıcü İgu mera eropa árıngucü iigucumi marire. I ähraa Goämu magure İgu wereri. ¹² Eropirä Goämu magure umupeorä Goämu mera árınguciräca. Eropirä gajirä İgure gamebiräpü İgu mera árısöme.

Weretu İgu gojara ähraa

¹³ Mua Goämu magure umupeorä İgure peerä mua Goämu mera eropa árınguciräca. Mua Goämu mera árıburire ðaro masicü muare were gojagu iiaa.

¹⁴ Mari, mari dohpä árırire Goämure sererä İgu gamediro dopa ta mari serécü İgu marire ðaro peenurugucumi. Eropa mari sererä, "Diaye ta ðaro peemi İgu," arı masia mari. ¹⁵ İgure mari eropa serécü İgu marire peemi. İgu pee mari sereropë ta ogucumi. İgu eropa peecü masirä İgure mari sereropë ta İgu obu árıcü säre masia mari.

¹⁶ Mari mera majagu gajigu Jesucristore umupeogu ñerire İgu iigu árıcü İha İgure Goämure serëbasaro gahmea. Eropa serécü Goämu İgure taugucumi İgu dedereborañere. Gaji ñero iiri ähraa. Iri ñero iirire gajigu İgu iigu árıcü İha Goämu İgure dedereburiñere taubeami. Eropigu mu acaweregu iri ñerire iicü Goämu taubiriburire iicü "İgure Goämure serëbasaque," arıbeaa yuhu muare. ¹⁷ Árıpehreri ñero iiri ñetariari ähraa Goämu İgu İacü. Eropa árıquerecü gaji ñeri iiri peamegue wacü İbeaa masare.

¹⁸ Goämu magu Jesucristo Goämu poräre ðaro cähmotami. Eropigu watıpu Goämu poräre ñero iirire doremasibeami. Eropirä Jesucristo cähmotari mera Goämu porä ne ñero iirire eropa iinigucäbeama. Irere mari masia.

¹⁹ Mari Goämu porä ähraa. Watı i umu majarä opu ährimi. Iri säre masia mari.

²⁰ Goämu magu i yebague arıdi Goämure ðaro masicü iimi İgu marire. Eropirä Goämure "Diaye ta ährimi," arı masia mari. Eropirä Goämu magu Jesucristo yarä ähraa mari. Eropirä Goämu mera mari ðaro árıngucirä iiaa. Ihı diaye ta Goämu gohra ta ährimi. Eropirä İgu mera árınguciräca.

²¹ Yu buherä, goamarä wëaniräre "Goämu ährimi," arı umupeobiricäque. Goämu dihtare umupeoque. Iripëta ähraa.

2 San Juan

Gajiräre were gojañumi Ñu. Jesu yare, diaye mahiri säre wereñumi

¹⁻² Yuhũ bugũ mũre Goãmũ beyedigore mũ porã säre ipũre gojabeoa. Jesucristo yare diaye majare opaa mari. Iri mari mera árniguicãroca. Eropigũ diaye ta mahia yuhũ mũare. Yũ dihta mahibea mũare. Gajirã Jesu yare masirã sã diaye ta mũare mahima. ³ Goãmũ mari Pagũ, Jesucristo igũ magũ mera diaye igũ mahiri mera marire õaro iigũcumi. Eropigũ marire mojomoro iagũcumi. Eropigũ marire õaro árcũ iigũcumi igũ.

⁴ Mari Pagũ marire igũ dorediro dopa ta mũ porã yujurãyeri igũ yare õaro yũhrirã árcũ peebũ. Eropa peegũ mucubiriabũ. ⁵ Eropigũ, acawerego, mari mera majaräre mahi umupeodorea marire. Yũ doreri mama doreriñe árnbeaa. Iri doreriñe marire mata árituhaya. ⁶ Eropirã Goãmũ dorerire iipehorã mari igũre mahia. Eropiro iri doreriñe áhrraa mũa negohrare peerañe. Gajiräre eropa mahiniguicãrã árnque.

Bajarã gũyaricũrã árnãcoma, arĩ werera áhrraa

⁷ Bajarã gũyarã i mũmũ majaräre buherã wahama. "Jesucristo i yebaguere aridigu masu dũpũ gohra árnũ aribiriñumi," arĩma. Erã gũyarã Cristore ihaturigũ iro dopa ta iima. ⁸ Eropirã õaro pee masique mũa. Mũare gũyaräre peebircãque Goãmũ mũare igũ õaro iiburire cóari arĩrã. Eräre peebircũ Goãmũ mũa õari iira waja obeogũcumi mũare.

⁹ Árnpehrerã Jesucristo buherire peenirã irire cóãrã Goãmũ yarã árnbeama pare. Jesucristo buherire õaro peenũrũrũpũ Goãmũ mari Pagũ yarã áhrrima. Goãmũ magũ Jesucristo yarã sã áhrrima. ¹⁰ Eropirã mũa yujugũ Jesucristo ya buherire gamebigũ gaji buherire buhegũ mũa pohro eracũ igũre game bocatĩribircãque. Mũa ya wirigue ñajadorebircãque. ¹¹ Gaji buherire buhegũ Jesucristo yare umupeobigũ ñero iigũ áhrrimi. Eropirã mũa igũre bocatĩri sererã ñero iidigũre itamurã iiaa. Eropirã igũre bocatĩri serẽbircãque.

Were gojatura áhrraa

¹² Baja yuhũ mũare werediaqueregu ta irire paperapũgue gojabeodiabirica. Yũ basi ta mũare iagũ wadiaca. Mũare iagũ weretamugũca mari õaro mucubiriburire.

¹³ Mũ pagũ mago Goãmũ beyedigo igo porãpũ mũare õadorema. Iripẽta áhrraa.

3 San Juan

Gaji carta gojañumi daja Ñu. Gayo iġu ðaro iirare wereñumi

¹ Yuñu buġu mure Gayore diaye ta yu mahiġure ipüre gojabeoa.
² Yu mahiġu, muñu Goãmure ðaro umupeocü masia yuñu. Muñu Goãmü mera ðaro áriro dopa ta mu dupu sä ðaro áricü serëbasaa yuñu Goãmure. ³ Gajirä Jesucristo yarä yu pohro erarä mu áriřicurire yare wereama. Cristo gamerire diaye mu iirare wereama erä yare. Erä eropa werecü peegu burigä mucubiriabu yuñu. ⁴ Jesucristo yarä yu buhenirä Jesucristo yare diaye ta áriřire erä iicü pee burigä mucubiria yuñu.
⁵ Yu mahiġu, muñu Jesucristo yaräre itamugu ðaro iiaa muñu. Jesucristo yarä mu iha masibirä säre itamugu ðatariaro iiaa. ⁶ Eräpu eräre mu umupeorare wereama ġuare Jesucristo yarä gamenererogue. Eropiġu Goãmü yare buhe curiräre mu pohrogue erarä erä gajipü wacü itamuque eräre. Mu eropa iigu ðaro iigu áriġuca muñu. Eropa ta marire itamuro ġahmea Goãmü yare buheräre. ⁷ Erä Jesucristo ya áriřurire buhe curirä warä, Jesucristore umupeobiräpure erä itamurire ne serëbeama. ⁸ Eropirä marire Jesucristo yare buhe curiräre itamuro ġahmea. Eräre eropa itamurä erä iiro dopa ta mari sä Goãmü yare buherire itamurä iiaa.

Diotrefe iġu ñero iira ähraa

⁹ Eoãmu yare buhe curiräre mu pohrogue erarä erä gajipü wacü itamuque eräre. Mu eropa ro majaräre Jesucristo yaräre yu gojarapüre gojabeorabu. Diotrefepü iġu basi erä opu áriđiaġu yu wererare peediabiripü. ¹⁰ Eropiġu mu pohro yu ejara puñru iġu iirare werepehogura. ġuare ñero wereniġuipü. Eropiġu Jesucristo yare buhe curiräre bocatiribiripü. Gajirä ero áriřä eräre bocatiridiacü ġamebiripü. Gajiräpu erä buhe curiräre bocatiricü iha iġu Diotrefe erä bocatirira waja eräre cohä wiupu Jesucristo yarä gamenereri wihigüe.

¹¹ Yu mahirä, ñero iiräre ihacübircäque. ðaro iiräre ihacüque. ðarire iirä Goãmü yarä ährima. Nerire iirä Goãmure masibeama.

Demetrio iġu ðari iira ähraa

¹² Áriřehrerä "Demetrio ðaġu ährimi," aräma. Eropirä iġu iirire iärä ðaro iġu iira áricü masima masa. ġua sä iġu ðaro iirare eropa ta werea. ġua wereniġuiripü diaye áricü masia mu.

Ñu weretura ähraa

¹³ Muare baja werediarabu. Iirire gojasome. ¹⁴ Merogä puñru muare iġu wadiaca. Eropirä mari basi weretamuräca.

¹⁵ ðaro áriřue muñu. Mari mera majarä Jesucristo yarä mure ðadorema. Ero majarä mari mera majarä sä ðaporo. Iripëta ähraa.

San Judas

Juda Jesu yaräre gojabeoñumi

¹ Yuhu Juda Santiago pagu magu Jesucristo pohro majagu muare Jesu yaräre ipüre gojabeoa. Muare mari Pagu Goamu ïgu beyenirä ähraa. Eropirä ïgu mahiri mera ðaro ähraa mua. Eropigu muare Jesucristo ïhadibumi mua ñerire iibiriborore. ² Õadoreä muare. Goamu itamuro mera ðaro áriñue mua. Eropigu Goamure mojomoro ïhadore, muare mahidoregu serëbasaa yuhu Goamure. Mua gajirä mera ðaro ähri eräre mahiborore serëbasaa Goamure.

Guyarä erä buherire werenugañumi Juda

³ Goamu marire peamegue waboniräre ïgu itamuripure turaro gojabeodiarabu muare, yu mahiräre. Eropa gojadiaqueregu ta dohpaguere guyari buherire gamedorebigu muare gojabeoa. Gajirä mua pohro ejanirä erä guyari buherire mua peebiriboro dopa muare gojabeoa dohpaguere. Eropirä Jesucristo ya buheripure buhe tarinugaque. I buheripure peerä, mari Goamure ðaro umupeoa. I buheripu Jesu ïgu apinirä ïgu yaräre erä buhera eropa árnigüicäro iiaa gohrotoro mariro. ⁴ Bajamerägä masa ñerä ïha masiya marirä mua pohro ejanirä árima. Mua mera árirä erä buherire buhe guyama guare ïha masiri arirä. Õpa arï buhema: “Goamu yarä mua áricü, ïgu mahimi muare. Eropigu nome mera mua ñero iicü ïgu muare ne dipuwaja moasome,” arï buherima erä. Eropirä mari Opure yujugu ta árigure Jesucristore “Goamu magu áribeami,” arï buherima erä. Eropa arï buheräre Goamu ïgu dipuwaja moaborore wereñumi iribojequere ïgu yare erä gojarapügue.

⁵ Dohpaguere gajire guñacü iidiaa muare. Ire mua masiquerecü ta dipaturi muare ire guñacü iidiaa. Goamu ïgu yaräre Egipto árniräre ïgu wiura pührü erä mera majarä ïgure umupeobiriniräre Goamu wejñumi. ⁶ Eropirä mua gajirä säre guñaque. Gajirä anyuapu Goamu doreri iinirä, pührü iidibiriñuma. Eropirä erä ïgu árdire apidiro säre erä árdiabiñuma. Eropirä erä árdirore cóacñuma erä. Erä eropa cóacü ïagu Goamu eräre naitiarogue eräre peresu iñumi. Eropirä erä pehrerinu core comedare dirinirä iro dopa árnigüicäräcoma. Eropigu pehrerinu áricü dipuwaja moagñumi Goamu eräre. ⁷ Eropa ta ñero iñuma gajirä sä. Erä säre guñaque mua. Erä Sodoma waicuri maca majarä, Gomorra waicuri maca majarä iri macari pohro árti macari majarä sä nome mera ñero iimuriñuma. Eropirä gajiropa árti säre iñuma. Erä umapu erä basi ta erä ðupu mera ñero iñuma. Nome sä eropa ta iñuma erä seyaro. Erä eropa iira dipuwaja Goamu eräre soepohocñumi. Eräre soegu Goamu áripehrerä ïgure tarinugaräre ïgu dipuwaja moaburire ïhmugu iñumi. Eräre ïgu dipuwaja moari peame ne yarisome.

⁸ Erä Goamure tarinaganirä iidiro dopa dohpague sä eropa ta inigüicäma guyarire buherä. Erä pee masibirä iro dopa ta erä ðupu mera ñero iima. Eropirä mari Opü dorere gamebeama erä. Eropirä deyobiräre, umaro oparäre, turaräre eräpu ñero werenigui corema. ⁹ Õagu anyua opupu Migue waicugu ïgu turagu áriqueregu ta watipure ñero werenigui corebiripu. ïgu Moise ðupu mararore gamegu, watí mera game ðuyasopu. Turagu áriqueregu ta ïgu watí tauro “Yu tamera turaa,” arï pepibiripu. Eropigu ïgu gamero watire “Peamegue waporu,” arï weresäbiripu Goamure. Eropigu ðpa aripu watire. “Goamugue mure turiporo,” aripu Migue watire. ¹⁰ Oä guyaräpu erä masibirare ñero werenigui corema. Eropirä waimurä pee masibirä erä gamero ñero iiro dopa ta erä guyari wereräpu eropa iimaacäma. Eropa iirä árirä peamegue waräcoma.

¹¹ Erä ta ñero tariräcoma. Caín iribojeque majagu iidiro dopa ta ñero iima erä. Eropirä Balam sä ïgu iidiro dopa ta erä niyerure mahi, aidiarä guyarire buhema. Eropirä niyeru ari dihtare pepima erä. Eropirä iribojeque majagu Coré waicugu ïgu opure Moiseru ïgu cóadorediagu ïgu iidorediro dopa ta erä sä Jesure eropa ta cóadorediama. Eropirä ïgu iidiro dopa ta erä sä peamegue waräcoma. ¹² Erä muare guya wereräpu mua game mahi ii ïhmuburi bosenurire barä, umupeori mariro erä erä gamero bira, erä seyaro ta barire bapohocäma gajiräre oro mariro. Eropirä ñerire iirä erä mua bosenurire ðarinuri waborañere goroweoma. Deco mariri imica cururi iri mari otera itamubiro dopa ta erä guyarire buherä ne muare itamubeama. Eropiro iri imica cururi miruñe weacü eropa gohrotoniguiro dopa ta erä guyarä sä erä wereniguirire gohrotonigüicäma. Yucu ðacacubiriri yucu duhpiburi árti iro dopa erä duhpimorä

áríbeama. Erã buheri mera gajirãre Goãmure umupeocũ iibeama. Yucũgu dũca maricũ iha mari duha peamegue soe cóãcãa irigũre. Eropa ta Goãmũ erãre gũyarãre peamegue cóãgũcumĩ. ¹³ Pãgũri pumarare pamujupira iro dopa erã ñerire guhyasĩurire werenĩguima. Necãmũ yuridija ĩgũ pehrero dopa ta erã sã pehrea warãcoma. Erã eropa ñero iira dipuwaja dederea warãcoma. Goãmũ erãre dipuwaja moacũ naitĩarogue árĩnigucãrãcoma.

¹⁴⁻¹⁵ Enoco iribojegue majagu Adán pũhru siete cururi pũhru majagu õpa arĩmuriĩnumi. "Peeque yare. Goãmũ bajarã ĩgũ anyua õarã mera árĩpehrerã ñerãre erã ñerire iira dipuwaja moagu arigũcumĩ. Eropigu árĩpehrerã Goãmure ihaturirãre erã ñeri iira dipuwajare erãre masicũ ĩgũ arigũcumĩ Goãmũ. Eropigu Goãmure erã ñero werenĩguira dipuwaja sãre erãre masicũ ĩgũ arigũcumĩ," arĩmuriĩnumi Enoco murũ. ¹⁶ Erã gũyarã gajirãre dũyaso ñero werenĩgui corerã, erã ñero ùaribejari dihtare iirã àhrima erã. Eropirã "Gajirãre masitarinũgaa gũa," arĩrima erã. Eropirã erã gamero dopa iidirã gajinore emadiarẽ, peemaja õaro werenĩguima masare.

Jesu yarãre werenemoĩumi Juda

¹⁷ Mari Opũ Jesucristo buhedore ĩgũ apinirã erã buherare guñaque mũapũ, yũ mahirã. ¹⁸ Opa arĩma erã mũare. "I yeba pehrebore coregã Goãmure ñero arĩ wereyarã árĩrãcoma. Eropirã erã Goãmure gamebirã, ñerire erã ùaribejarire iirãcoma erã," arĩ werema Jesu ĩgũ apinirã mũare. ¹⁹ Jesu yarãre erã basi erã game ihaturicũ iima erã gũya wererãpũ. Eropirã ñerã erã ñeri ùaribejarire iirã árĩrã, Espĩritu Santore ne opabeama erã.

²⁰ Mũapũ yũ mahirã, Jesucristo ya buherire õaro peenemoque guñaturarã mũa árĩbore dopa. Iri buheripũ õataria. Espĩritu Santo itamuri mera Goãmũ mera werenĩguique mũa. ²¹ Goãmũ mũare burigã mahimi. Eropirã ĩgũ mũare mahinĩguiboro dopa ñeri mariro árĩnigucãque Goãmũ ĩgũ dorero dopa. Eropirã Jesucristo mera mũa eropa árĩnĩguiburire coreque. ĩgũ marire mojomoro ĩagũ ùmarogue eropa árĩnigucũ ĩgũcumĩ.

²² Cristo yare peediabiriñarirãre mojomoro ĩaque. Eropirã erãre Jesucristo ya diaye árĩrĩre wereque. ²³ Erãre peamegue wabonirãre Goãmure itamucũ ĩique mũa. Gajirã ñerire iirã wahama. Erã ñerire dooque. Erãpũre mojomoro ĩaque mũa. Erãre itamurã mũa sã õaro ĩique erã ñeri iirire iħacũri arĩrã. Gũhraricuri suhrĩrore mũa gamebĩro dopa ta, gajirã erã ñeri iirire gamebĩricãque irire pũhreri arĩrã.

Juda Goãmure ĩgũ umupeori àhrũ ùmarogue eropa árĩnigucãa

²⁴⁻²⁵ Goãmũ mari Opũ marire iħadibumasimi ñerire mari iĩbiriboro dopa. Eropigu ĩgũ marire ñeri dipuwaja marirãre ùmarogue ĩgũ pohrogue apimasimi. Eropa marire ĩgũ erogue apicũ mari mucubirirãca. ĩgũ Goãmũ yujugu ta àhrimi. Eropigu peamegue wabonirãre taugu àhrimi ĩgũa. ĩgũpũ iribojegue dohpague sãre õatariaqu, mari tauro opũ árĩgũ, turatariagu, árĩpehrerãre doregu àhrimi. ĩgũ eropa árĩgũ árĩcũ Jesucristo yarã árĩrã ĩgũre umupeorã. Eropa ta iirã. Iripẽta àhraa.

Apocalipsis

Puhrugue I umu dohpa waborore marire masicũ iimi Jesucristo, arĩ gojañumi Ñu

¹ Ipũ mera Jesucristo igu yaräre masicũ iirare were gojabeogu iiaa. Mari Pagu Goãmũpũ irire weredoregu apipũ Jesucristore. Igu yaräre Igu pohro majaräre masicũ iidoregu apipũ. Eropigu puhru waburire marire masicũ iidoregu apipũ Jesucristore. Eropigu Jesucristo marire eropa masicũ iibu igu anyure obeodigu árĩmi yure Ñure irire weredoregu. ² Eropigu yuhũ Ñu baja iamũhtabũ Goãmũ Igu dohpa iiburire. Goãmũ Igu wereniguiri säre peeabu. Eropigu árĩpehreri yu iarare yu peerare were gojabeogu iiaa. Jesucristo igu basi ta diaye arĩrare were gojabeogu iiaa.

³ Ipũ mera puhrugue dohpa waburire were gojagu iiaa. Merogã duhyaro iiaa iri árĩpehrero eropa waboro. Eropirã árĩpehrerã ipũre buherã, yu wererire ñaro yuhrirã ñaro mucubirirã árĩrãcoma.

Siete iglesia majaräre Jesu yarã gamenereräre gojabeopũ Ñu

⁴ Yuhũ Ñu mũare siete cururi majaräre Jesu yaräre Asia yeba majaräre gojabeoa. Goãmũ Igu mahiri mera mũare ñadorea. Eropirã Igu itamuri mera ñaro árĩque mua. Igu negohraguere eropa árĩniguidigu árĩñumi. Dohpague säre eropa ta árĩniguimi. Puhrugue säre eropa ta árĩniguigucumi. Goãmũ Igu opu doaro core Espĩritu Santo ahrimi. Siete suburi maja turari árĩpehreri opagu ahrimi. Igu mera säre yu mũare ñadorea daja. ⁵ Cristo Igu mahiri mera mũare ñadorea daja. Igu Cristo Goãmũ yare gũyaro mariro weregu ahrimi. Eropigu Igu siridigu Igu masa mariadigu ne dipaturi sirisome Igu. Igu yarã waborore masa mariamũhtadigu ahrimi. Eropigu i yeba majarã árĩpehrerã oparã tauro opu ahrimi Igu. Marire mahigu Igu di cóara mera mari ñeri iirare cóadi árĩmi Igu. ⁶ Eropa cóagu marire oparã wamorãre wacũ iidigu árĩmi Igu. Eropigu marire pahia masare Goãmure serẽbasarã wamorã säre wacũ iidigu árĩmi. Eropigu Goãmũ mari Pagu yare iimorãre wacũ iidigu árĩmi Igu eropa sirigu. Igu eropa iidigũre ñaro werenigui umupeoro gahmea árĩpehrerinũri. Árĩpehrerã tauro opu eropa árĩniguimi Igu. Eropa ta árĩporo.

⁷ Ñaro pee masi coreque mua. Imica cururi weca دچارigucumi Cristo. Igu eropa aricũ iarãcoma árĩpehrerã. Iguere crusague pabia wejẽnirã mũra sã iarãcoma. Eropirã Igu aricũ iarã i yeba majarã árĩpehreri cururi majarã orerãcoma gũirã. Eropa ta árĩporo.

⁸ Ñpa arĩmi mari Opu Goãmũ: “Yuhũ árĩpehrerire ihacũnugudigu ahraa. Eropigu árĩpehrerire pehrecũ iibu ahraa, arĩmi. Iribojegue säre eropa árĩniguimurĩbu. Dohpague säre eropa ahraa. Puhrugue säre árĩgura,” arĩmi Goãmũ.

Jesucristore gosesirigũre yu ihabũ, arĩ werepũ Ñu

⁹ Yuhũ Ñu mua acaweregu Jesu yagu ahraa. Eropigu mua iro dopa ta yu sã Jesu ya árĩburire yu iira dipuwaja nero tarĩbu. Eropigu mua iro dopa ta yure erã ñero iiquerecũ Igu itamuri mera Jesure cóãbirĩbu. Mari yujuro mera Igu Opu árĩro majarã árĩmorã ahraa. Yaha yeba majarã erã cóãdigu árĩgu Patmo waĩcũri nugurogue ahraa. Goãmũ yare Jesucristo Igu werera säre gajirãre yu wereri dipuwaja õgue erã cóãbeodigu ahraa. ¹⁰ Ohõ yujunũ soorĩnũ árĩcũ Espĩritu Santo yare quẽrogue ihmuami. Igu eropa ihmucũ yu purũpũpũ burĩgã wereniguiri busaro dopa carabũ. Corneta turaro busaro dopa eropa ta busaro carabũ Igu werenigucũ. ¹¹ Ñpa arĩgu carami yu peecũ:

—Yuhũ árĩpehrerire ihacũnugudigu ahraa. Eropigu yuhũ árĩpehrerire pehrecũ iibu ahraa. Dohpague mũ iaburire gojaripũgue goja aĩque. Mũ eropa goja aĩra puhru siete cururi majaräre Goãmũ yaräre obeoque iripũre. Erã siete cururi majarã Asia yeba árĩri macari majarã ahrima. Eropigu Efeso majaräre, Esmirna majaräre, Pẽrgamo majaräre, Tiatira majaräre, Sardis majaräre, Filadelfia majaräre, Laodicea majaräre mũ iaburire gojabeoque, arĩgu carami yure.

¹² Igu eroparĩcũ peegu majinũgajabu yure wereniguigũre iabu. Eropa majinũgajagu siete sihãgori yucure erã duhpeora yucure oro mera erã iira yucure ihabũ. ¹³ Iri yucu watope masu iro dopa bejagure ihabũ yuhũ. Igu yoari suhriro sañagu ahrami. Igu guburĩgue dijimerejabũ Igu suhriro. Eropigu oro mera erã iira gasiro mera Igu coretihire tuãdiudigu ahrami. ¹⁴ Eropiro Igu poari yaji poari iro dopa boreabu. Igu cuiiri peame porã iro dopa goseabu. ¹⁵ Igu guburi bronze waĩcũri come timura come

iro dopa gosesiriabu. Eropiro ĩgu wereniguri baja utā dipabu iro dopa busuro carabu. ¹⁶ ĩgu mojoto diaye maja mojotopu siete necā opāmi. Eropiro ĩgu disirore ñoserimiji pepuri usirimiji cuñuami. Eropiro abe umu majagu ĩgu cuimijuro dopa ĩgu diapo turaro gosesiriami.

¹⁷ Eropiġu ĩgure ĩagu uca waha ĩgu guburi pohro mehmerejabu siriġu iro dopa. Yu eropa mehmerejacū ĩagu ĩgu, ĩgu mojoto diayepu mera yure duhpeo opa arāmi:

—Ucabita. Yu ārĭpehrerire ĩhacūnugudigu āhraa. Eropiġu ārĭpehrerire pehrecū iibu āhraa. ¹⁸ Ojocariniġuigu āhraa yuhu. Sĭridigu ārĭribu. Dohpaguere ĩaque. Ārĭpehrerinuri eropa ojocariniġuicāa yuhu. Sĭridi dipaturi masagu dipaturi masare sĭribiricū iimasia yuhu. Eropiġu masare peameġue wabiricū iigu āhraa yuhu. ¹⁹ Eropiġu dohpague mu ĩarare gojaque. Puhruġue eropa waboro sare ĩagu gojaque. ²⁰ Oā siete necāre yu mojoto diayepu oparāre wereġura mure. Eropiġu siete sihāgori yucure erā duhpeora yucu oro yucu sare wereġura. Yu opa arĭ wererire iriboġeue majarāre ne werebirimribu. Opa āhraa iri: Siete necā siete cururi majarā yaharā oparā ārĭrā iro dopa āhrima. Eropiro siete sihāgori yucure erā duhpeora yucu siete cururi majarā yaharā iro dopa āhrima, arāmi yure Jesucristo.

2

Efeso majarāre Jesu yarāre gojanugadoreñumi Ñure

¹ Eropa arĭtuhaja opa arĭnemoami yure gojadoreġu:

—Efeso majarā yaharāre, erā opu sare opa yu arĭrire arĭ gojabeoque muhu. Yuhu mojoto diayepu siete necāre opagu āhraa. Eropiġu siete sihāgori yucu watope curigu āhraa. Eropa curigu ārĭgu muare opa arĭ werea: ² Ārĭpehreri mua ĩiare masipehoa. Yaha ārĭburire turaro mohmeabu mua. Yure mua umuġe duhubirabu. Ñerire ĩirāre mua ĩadiabirabu. Eropirā “Jesu buhedoreġu ĩgu apinirā āhraa,” arĭmaacānirāre queoro erā buhebiricū ĩarā, ġayarā erā ārĭcū masiabu mua. ³ Yahare mua ĩira dipuwaja mua ñero tariquererā erā ġayarāre tarinugabu mua. Eropirā yure ne duhubirabu mua. “ĩrire gariborea waca pare,” arĭbirabu mua. ⁴ Eropa mua ōarā ārĭquererā ta yujuñere ōaro iibea mua. I āhraa iri: Yure ōaro mua mahimūhtadiro dopa dohpaguere iibea mua. ⁵ Yure mua umuġeomuhtarare ġuñaque mūraro ta daja. Dohpaguere mua yure umuġeobiriqueyarire ġuñaque. Eropirā mua ĩrire mua ñeri ĩiare bujawereque. ĩrire duhuque. Eropa duhurā yahare mua iimuhtadiro dopa ta iique daja. Mua ñeri ĩiare mua duhubiricū ĩagu, yujuġu mua yagure sihāgodigire aĭ cōāġura. Eropa iigu mua yuju curu majarāre cōāġura. Mua ñeri ĩiare duhubiricū mua yaha curu majarā arĭnirāre duhupehrecū iigura. ⁶ Yure umuġeobiriqueyarā ārĭquererā ta ire ōaro iibu mua: Nicolaita yare buherāre ñerāre ĩadiabea mua. Yu sā erāre ĩadiabea. ⁷ Gamiricūrā āhraa mua. Eropirā peeque. Muare yaha curu majarāre Espĭritu Santo ĩgu wererare peeque mua sā. Opa arĭmi ĩgu: “Ārĭpehrerā Jesure umuġe duhubirāre Goāmū ya pohe majagu ducare paraĭso majagu ducare badoreġura. Irigu dūca ojocaririre odigu āhraa,” arĭmi Espĭritu Santo, arĭ were gojabeoque Efeso majarā yaharāre erā opu sare, arāmi yure Jesucristo.

Esmirna majarāre Jesu yarāre gojabeodoreñumi Ñure

⁸ —Esmirna majarā yaharāre erā opu sare opa yu arĭrire gojabeoque muhu, arāmi yure Jesucristo. Yuhu ārĭpehrerire ĩhacūnugudigu āhraa. Eropiġu ārĭpehreri pehrecū iibu āhraa. Sĭria wabu. Dipaturi ojocaria daja. Eropiġu opa arĭ werea muare: ⁹ Mua ñero tarirare masia. Mojomorocūrā mua ārĭcū sare masia. Eropa mojomorocūrā ārĭquererā ta ĩgu wereniguriġe peerā Goāmū yare ōarire wuaro opaa mua. ġajĭrāpu muare ĩaturirā muare erā ñero quere moarare masia. Erā “ġua judio masa Goāmū yarā āhraa,” arĭquererā ġayarā iima. Erā Satanare umuġeorā āhrima. ¹⁰ Dohpaguere mua ñero tariburire ġuibiricāque. Peeque mua. Watĭ muare Goāmure duhudoreġu yujuġayeri mua mera majarāre peresu ĩidoreġucumi. Diez nuri gohra ñero tarirāca mua. Erā eropa ñero iicū muare erā weġediaquerecū ta yure yaha sare ne cōābiricāque. Mua yure eropa cōābiricū ĩagu ārĭpehrerinuri muare ōaro ārĭcū iigura. ¹¹ Gamiricūrā āhraa mua. Eropirā peeque. Muare yaha curu majarāre Espĭritu Santo ĩgu wererare peeque mua. Opa arĭmi ĩgu: “Ārĭpehrerā Jesure umuġe duhubirā peameġure wasome,” arĭmi Espĭritu Santo, arĭ gojabeoque Esmirna majarā yaharāre erā opu sare, arāmi Jesucristo yure.

Pġrgamo majarāre Jesu yarāre gojabeodoreñumi Ñure

¹² —Pérgamo majarâ yaharâ erâ opu sâre ôpa yu arîrîre gojabeoque muhû, arâmi yure Jesucristo. Yuhû ñoserimijire pepuri usirimijire opagu âhrraa. Muare ôpa arî weregura: ¹³ Mûa arîrore masia. Erogue mûa ya maca majarâ opu Satana âhrimi. Erâ Satanare umupeoquerecû muapu yure umupeoa. Erâ mûa mera majagu murure Antipa murure yahare ôaro weredigu murure wejêma. Îgure erâ wejêcû îaqueerê ta yure ne umupeo duhubirabu mûa. ¹⁴ Mûa eropa umupeo duhubiriquerê merogâ yure tarinûgabû mûa. Yujurâyeri mûa mera majarâ Balaam ya buherire gahmema. Iribojegue majagu îgu Balaam waicûgu ôpa arîmariñumi Israe masare îhaturirâ erâ opure: “Israe masare tarinûgadiagu ôpa iique. Goâmarâ wéanirâre mûa orare barire badoreque erâre. Eropigu nome mera ñero iicû iique erâre,” arî weremariñumi Balaam gajirâ opure Balaco waicûgure. Iribojegue îgu eropa ñero iidoreldiro dopa ta dohpague sâre ñero iicû iima yujurâyeri mûa mera majarâre. ¹⁵ Eropirâ erâ iro dopa ta gajirâ mûa mera majarâ Nicolaita buherire gahmema. Iri buheri sâre îadiabeaa yuhû. ¹⁶ Eropirâ mûa iri ñeri iirire duhugue mûa. Mûa eropa duhubiricû îagu yojaro mera mûa pohrogue wagu, eropa ñero iirâ mera gamequeâgûca. Yuhû disirogue cuñurimiji ñoserimiji mera gamequeâgûca erâ mera. ¹⁷ Gamiricurâ âhrraa mûa. Eropirâ mûa ya curu majarâre yaharâre Espîritu Santo îgu wererare peeque mûa. Ôpa arîmi îgu: “Ârîpehrerâ Jesure umupeo duhubirâre mana waicuri barire umaro maja barire ogura. Utâ boreriyeri sâre ogura erâre. Iri utâyeri mama waire yu gojaturayeri arîroca. Gajirâ iri waire ne masisome. Iri utâyerire arîrâ dihta iri waire masirâcoma,” arîmi Espîritu Santo, arî gojabeoque Pérgamo majarâre erâ opu sâre, arâmi yure Jesucristo.

Tiatira majarâ sâre Jesu yarâre gojabeodoreñumi Ñure

¹⁸ —Tiatira majarâ yaharâ erâ opu sâre ôpa yu arîrîre gojabeoque muhû, arâmi daja yure Jesucristo. Yuhû Goâmû magu yu cuiri peame porâ iro dopa goesirigu âhrraa. Eropiro yu guburi bronca waicuri come erâ timura iro dopa goesiria. Muare ôpa arî werea: ¹⁹ Mûa iirare masia yuhû. Goâmure masa sâre mûa umupeorare, yure mûa cóâbirirare, gajirâre mûa itamurare, ñero tariquererâ mûa yure duhubirirare masia. Negohraguere mûa iidiro tauro dohpaguepure ôaro iinemorâ iiaa mûa. Iri sâre masia yuhû. ²⁰ Mûa eropa ôaro iirâ arîquererâ ta ôpa yure tarinûgabû mûa: Jezabe waicûgo “Goâmû yare weregô âhrraa,” arî guyago mûa watope ta âhrimo. Muare igo ñero buhecû peerâ igore turibirabu mûa. Eropa guya buhego yaharâre yu pohro majarâre nome mera ñero iicû iimo. Eropigo goâmarâ wéanirâre erâ orare barire badoremo igo yaharâre. ²¹ Igo ñerire igo bujawereborore coreniribu. Yû eropa corequerecû igo ñero iirire duhudiabiramo. ²² Eropirâ yure peeque mûa. Iгоре dorecucû iigura. Igo mera ñero iinirâ sâre dorecucû iigura. Eropirâ erâ burigâ ñero tarirâcoma. Eropa ta iiguca erâre igo mera erâ ñero iirare erâ bujawerebircû, irire erâ duhubiricû. ²³ Eropigu igo porâre wejêgura. Yû eropa iicû iarâ arîpehrerâ yaharâ yu ôaro masirire masirâcoma. Masa erâ pepiri sâre erâ uribejari sâre masia. Yû eropa masicû masirâcoma erâ igore yu eropa dipuwaja moacû. Arîpehrerâ mûa ñerire iira dipuwaja, dipuwaja moagura muare. Eropigu mûa ôarire iira wajapure ôaro iigura muare. ²⁴ Mûa Tiatira majarâ gajirâ mûa mera majarâ igo ya buherire gamebirabu. Muapu Satana ya buherire “Wûaro îgu masiri âhrraa,” erâ arîrare gamebirabu mûa. Eropigu muapure gajino mûa iiburire dorenemosome yuhû. ²⁵ Dorenemobiriqueregu iñe dihtare dorea muare: Mûa pohrogue yu djariboro core yu buherire mûa masirare ne merogâ mera cadijibircâque. ²⁶⁻²⁷ Arîpehrerâ ñerire tarinûganirâre, yu gamerire eropa iinuirâre oparâ arîmorâre acugura. Yû Pagu îgu yure opu acudiro dopa ta muare oparâ acugura yu sâ. Arîpehreri yeba majarâ tauro arîrâ oparâ arîmorâ acugura muare. Eropa oparâ ñajarâ, mûa doca arîrâre arîpehreri yeba majarâre turaro dorerâca. Eropa turaro dorerâ muare tarinûganirâ mata pehrea wacû iirâca mûa erâre. ²⁸ Eropigu muare yahare ne duhubiririrâre boyomuridirure ogura. Eropigu mûa mera arîgûca yuhû. ²⁹ Gamiricurâ âhrraa mûa. Eropirâ mûa ya curu majarâre yaharâre Espîritu Santo îgu wererare peeque mûa, arî gojabeoque Tiatira majarâre, arâmi yure Jesucristo.

3

Sardis majarâre Jesu yarâre gojabeodoreñumi Ñure Jesucristo

¹ —Sardis majarâ yaharâre erâ oparâ sâre ôpa yu arîrîre gojabeoque muhû, arâmi daja yure Jesucristo. Yuhû îgu Espîritu Santo siete suburi maja turarire opaa. Eropigu siete necâre opaa. Muare ôpa arî werea: Mûa iirare masia. Ôpa arî pepirima muare gajirâ: “Erâ Goâmû yare ôaro iipehorâ âhrima,” arî pepirima muare. Erâ eropa arî pepiquerecû, Goâmû yare ôaro ilbeaa muapu. ² Eropirâ mûa iirare ôaro guñaque

mua. Goãmu yare mua masirare ðaro guñaque daja cãdijiro mariro. Goãmu ïgu ïacũ ðaro ïpeshobirabu mua. ³ Eropirã yahare mua peemũhtarare mũraro ta ðaro guñaque mua daja. Eropa guñarã yahare ïique mua daja. Mua ñeri ïirare duhuque. Yu arĩro dopa mua ïibiricũ guñaña mariro muare dipuwaja moagura. Yajari masũ ïgu guñaña mariro ïgu yajagu ñajaro dopa ta muare guñaña mariro dipuwaja moagu ariguca. ⁴ Yujurãyeri mua nera majarã Sardis majarã ñero erã ïirire ïhacũbeama. Eropa ðarã árirã, boreri suhriro sañarã yu mera curirãcoma. ⁵ Áripehrerã yahare duhubirã eropa ta boreri suhri sañarã áriniguirãcoma. Eropirã yu mera eropa árinigumora erã waĩre yu gojaturipũque erã sã erã waĩre gojatunirã árirãcoma. Erã erã waĩre yu gojaturare coesome yũhu. Yu Pagu ïgu ïhabeorogue, anyua sã erã ïhabeorogue, “Yaharã áhrima,” arĩ wereguca erãre. ⁶ Gamiricurã áhraa mua. Eropirã mua ya cururi majarãre yaharãre Espĩritu Santo ïgu wererare peeque mua, arĩ gojabeoque Sardis majarãre yaharãre erã opu sãre, arãmi yure Jesucristo.

Filadelfia majarãre Jesu yarãre gojabeodoreñumi Ñure

⁷ —Filadelfia majarã yaharã erã opu sãre opa yu arĩrĩre arĩ gojabeoque mũhu, arãmi daja yure Jesucristo. Yũhu ñeri marĩgu áhraa. Diaye maja weregu áhraa. Davi mũru ïribojegu majagu opu masare ïgu dorediro dopa ta turari mera doregura yu sã. Iri turari mera ïidorecũ ne gajirã ïrĩre cãhmotamasibeama. Yu ïidorebiricũ ne gajirã ïrĩre ïimasibeama. ⁸ Áripehreri mua ïirire masia yũhu. Guñaturabirĩnarirã áriquererã ta yaha buherire ðaro peeabu mua. Yure waĩpeo duhubirabu mua erã muare ñero ïidaquerecũ ta. Eropigu yahare ïimora apiabu muare. Eropirã yu dorerire mua ïicũ gajirã cãhmotamasibeama muare. ⁹ Gajirã mua pohro árirã “Gua judio masa Goãmu yarã áhraa,” arĩquererã ta guyarã áhrima. Goãmu yarã áribeama. Satanare umupeorã áhrima. Eropigu erãpure mua core mereja muare erã umupeocũ ïigura erãre. Yu eropiicũ ïarã yu muare mahĩre masirãcoma erã. ¹⁰ Muare yahare yu duhudorebiricũ peerã ðaro yuhriabu mua yure. Mua eropa ïicũ ïagu ï yeba majarã áripehrerã erã ñero tariburisubu áricũ muare ïhadibugura. Irisubu áripehrerã erã ñero tariburisubu áriroca. ¹¹ Merogã duhyaa ï yebague yu dujariboro. Yahare mua masirare cãdijibiricãque. Eropirã yure eropa yuhriniguiãque mua wajataborore dedeori arirã. ¹² Eropigu yahare duhubirãre yu Pagu ya wihi majarã apigura erãre. ïgu ya wihi maja borari iro dopa áricũ apigura erãre. Eropirã Goãmu mera majarã eropa áriniguirãcoma. Eropirã Goãmu yu Pagu yarã waicurã, ïgu ya maca majarã waicurã sã árirãcoma. ïgu ya maca mama maca Jerusalen áriroca. Iri maca umarogue Goãmu pohroge dijiriri maca áriroca. Yu waĩ sãre mama waĩ opaguca. Iri waĩ sãre waicurãcoma yaharã. ¹³ Gamiricurã áhraa mua. Eropirã mua ya cururi majarãre, yaharãre Espĩritu Santo ïgu wererare peeque mua, arĩ gojabeoque Filadelfia majarãre yaharãre erã opu sãre, arãmi yure Jesucristo.

Laodicea majarãre Jesu yarãre gojabeodoreñumi Ñure Jesucristo

¹⁴ —Laodicea majarãre yaharã erã opu sãre opa yu arĩrĩre gojabeoque mũhu, arãmi daja yure Jesucristo. Yu arĩro dopa ta ïigu áhraa yũhu. Eropigu guyarõ mariro yu ïarare eropa wereniguũ áhraa. Áripehrerire mari Pagu ïgu ïhacũnugurare ïibasagu áhraa yũhu. ¹⁵ Áripehreri mua ïirare masia yũhu. Mua “Jesu yarã áhraa gua,” arĩquererã yure merogã umupeoa. Yure mua merogã umupeorã mua áricũ yũhu gamebeaa muare. Mua “Jesure umupeobea gua,” arĩbeaa mua. “Jesure umupeorã áhraa gua,” arĩquererã ta yure ðaro umupeobea. Mua yure umupeodiarõ dopa ta yure wũaro umupeocũ ðaboaya. ¹⁶ Mua eropa yure ðaro umupeobiricũ ïagu muare gamebirigohracãgura. ¹⁷ Eropirã opa arĩ pepiraa mua: “Áripehrerire opa. Ne gajino duhyabeaa guare,” arĩ pepiraa mua. Eropa arĩquererã mojomorocurã iro dopa ta áhraa mua yu ïacũ. Duhyataria muare. Eropirã ne moonijarã, suhri marirã, cuiiri ïhajabirã iro dopa áhraa mua yu ïacũ. Muare duhyarire masibeaa mua. ¹⁸ Mua eropa masibirã áricũ ïagu opa arĩ weregura muare: Muare duhyarire masique. Eropirã yure serẽque. Oro gohrare mua asũro dopa ta ðarire yu oparire yũpure aĩque mua. Muare yure ðaro umupeocũ ïigura. Eropirã diaye ta Goãmu ya mera wũaro oparãca mua. Eropirã yu sirira mera mua ñero ïirare cõanirã árique mua. Eropirã suhri sañarã erã guhyasiribiro dopa ta mua ñeri ïirare cõanirã ðarire ïimora árirã guhyasirisome mua. Eropirã mua cuiiri ococara puhru ðaro muare deyoro dopa ta Goãmu yare ðaro peeque mua ðaro masiboro dopa. ¹⁹ Áripehrerã yu mahirãre erã ñero ïirare werea. Eropigu yu mahirãre dipuwaja moaa gajisubu erãre itamubu. Eropirã yũpure turaro gameque. Eropirã mua ñerire bujawere duhuque. ²⁰ Peeque yure. Mua wirire bihara wirire yu

ejanugaja ñajadiabodiro dopa ta mua mera árdiagu coregu iiaa. Yu eropa árdiacu peerá yure mua mera árdoreque. Yahará árdique. Mua eropa árdorecu mua mera árdigara. Eropigu mari sihu baro dopa ta mua mera ñaro árdigara. Eropirá yu mera ñaro árdiaca mua. ²¹ Ñerire yu tarinugara puhru yu Pagu opu igu doaro pohro doa yu sã dorebu. Eropa ta mua sã ñerire mua tarinugara puhru yu opu doaro pohro doaraca doremorã. Mũare yu pohro doacu iigara. ²² Gamircurã áhraa mua. Eropirã mua ya cururi majarãre yahará Espiritu Santo Igu wererere peeque mua, arí gojabeoque Laodicea majarãre yahará erã opu sãre, arãmi Jesucristo yure.

4

Umarogue Goãmure erã mereja umupeorare íapu Ñu

¹ Yure Igu eropa arí werera puhru umusiguere pãgura disiporore íhabu. Dipaturi corneta turaro busuro watope turaro wereniguiri busuro carabu yu peecã. Opa aríro carabu yure:

—Ógure maririque. I yu wereburi puhraguere waroca. Eropa waborore mare íhmugara. Yu arídiro dopa ta eropa waroca, aríro carabu umarogue.

² Igu eropa arí werecu ta erogue marijagu Espiritu Santo Igu turari mera íagu iiaa. Eropigu opu doarore umarogue íhabu. Ero yujugu doami. ³ Eropigu ñaro gosesirigu doami. Jaspe waicuri utãye gosesiriro dopa ta, cornalina waicuri utãye gosesiriro dopa ta ñaro gosesirigu doami Igu. Eropigu ñaro gosesiriri bero esmeralda iro dopa gosesiriri bero pohcague doami Igu. ⁴ Eropigu Igu doaro turore yuju bero íhabu opará doari berorire. Veinticuatro gohra áhrabu. Iri opará doaire veinticuatro gohra Jesu yarã opará doama. Boreri suhricurã áhrama. Eropirã opará erã peyari berorire oro berorire peyanirã áhrama erã. ⁵ Doariñe yu íamuhtarañegue miamaabu. Eropiro gajiropa wereniguiri busuro carabu. Bupu sã busugu carami. Iri doaro core siete sihãgori yucu áhrabu. Iri siete sihãgori yucu Espiritu Santo Igu siete suburi maja turari opari iro dopa áhrabu. ⁶ Eropiro Igu doaro core wuuriya áhrabu. Vidrio iro dopa árdiia áhrabu. Oaro deco suririya áhrabu.

Igu doaro pohro wapicurã gajiropa bejarã áhrama. Ojocarirã áhrama. Erã diaporire erã puhurãre baja cuircurã áhrama. ⁷ Yu íamuhtadigu gajiropa bejagu yee diagu iro dopa bejagu áhrami. Igu puhru árdigu wecu iro dopa bejagu áhrami. Erã puhru árdigu masu díapo iro dopa díapocagu áhrami. Erã urerã puhru árdigu gaa Igu quẽ dupure seegu iro dopa áhrami. ⁸ Erã wapicurã nucu seis quẽ dupuricurã áhrama. Eropiro erã quẽ dupuri pepurigue ta baja cuircuri quẽ dupuri áhrabu. Eropirã umuri nucu, ñamiri nucu eropa bayaniguirã iiaa. Ne baya duhubirama. Opa arí bayãma:

Óagu, ñagu, ñagu Goãmũ mari Opu turatariagu áhrimi. Igu iribojegue eropa ta árdiniguicãpu. Dohpague sãre eropa ta árdiniguimi. Puhrague sãre eropa árdiniguicãgucumi, arí bayaniguirã iiaa.

⁹ Eropa bayarã erã wapicurã gajiropa bejarã Igu turarire bayarã iiaa. Eropirã ígure árdihererini árdiniguigure “Óhaa,” arirã umupeorã iiaa. ¹⁰ Erã eropa baya umupeocã íarã veinticuatro Jesu yarã oparãpu opu doaro core mereja, ígure umupeoama. Igu árdihererini árdiniguigu áhrimi. Eropa umupeorã erã opará erã peyari berorire Igu doaro core mehpeoama. Eropa mehpeorã opa arãma erã:

¹¹ Mũhu Goãmũ gua opu gohra áhraa. Turagu ñagu áhraa mũhu. Mũhu gua umupeogu árdigu ta iiaa. Mũre eropa umupeoro gahmea guare. Árdihererire íhacũnugudigu áhraa mũhu. Mũ gamediro dopa ta iri árdihererire íhacũnuguyoro mũhu, arãma erã Goãmure ero doague.

5

Gojarapũ tũrara tũrure cordero sãre werepu Ñu

¹ Puhru ero doadigu Igu mojoto diayepũ Igu oparipũre gojarapũre íhabu. Iripũ pepuri Igu gojarapũ Igu tũrara tũru áhrabu. Eropiro siete suburi pihãñari mera Igu pihãñara tũru áhrabu. ² Eropigu turagu anyure íhabu. Igu turaro wereniguiri mera opa arí wereami:

—I tũrure pihãñarare ñagu dihta pãñamasimi. ¿Nihipu áhriri iripũre pãbu? arãmi Igu anyu.

³ Eropa aríqueregu ta iri tũrure pãñabure bocabirami. Eropa ñagure bocabirami. Umarogue i yebague ojocarirã watope, sirinirã watope ne iri tũrure pãñabu marami. Eropigu iri tũru majare buhebu marami. ⁴ Eropigu iripũre pãñabodigure erã bocabiricũ

Īagu turaro oreabu yuþu. ⁵ Yu eropa orecū Īagu yujugu erā Jesu yarā oparā mera majagu ōpa arāmi yure:

—Orebiricāque. Iri tūre ñearire yujugu pāñamasimi. Īgu Juda ya curu majagu turagu āhrimi. Īgu opu Davi pārami árĭturiagu āhrimi. Watūre tarinugadigu āhrimi Īgu. Eropigu Īgu iri tūre siete ñearire pāmasigu āhrimi, arāmi Īgu yure.

⁶ Īgu eroparicū peegu opu Īgu doaro core Cordero Īgu niguicū ĩhabu. Wapicurā gajiropa bejarā, Jesu yarā oparā sā erā watope niguiami Īgu Cordero. Īgu eropa niguiqueregu Īgu masa erā wejēdigu muru dopa dehyoami. Siete cusaricugu, siete cuiricugu āhrami. Iri siete cui Īgu Espiritu Santo Īgu siete suburi maja turari āhrabu Īgu árĭpehrero ĩhamasiburi. Espiritu Santo árĭpehrero i yebaguere Goāmu Īgu obeodigu āhrimi. ⁷ Eropigu Corderopu opu doaro pohroge ejagu, ero doagure ĩgure ĩgu diayepu opara tūre tūawe aĭami. ⁸ Īgu eropa tūawe aĭcū ĩarā wapicurā gajiropa bejarā, veinticuatro Jesu yarā oparā sā Cordero core mereja ĩgure umupeoama. Erā Jesu yarā oparā árĭpehrerā arpa waĭcari buamutēre opāma. Oropari sāre opāma. Iripari incienso ũturiiripari dihta āhrabu. Iri incienso Goāmu yarā ĩgure erā serēra āhrabu. ⁹⁻¹⁰ Eropa ĩgure umupeorā ōpa arĭ mama bayarire bayāma erā Corderore:

Erā wejēdigu muhu āhraa. Eropigu mu ya di mera masa ñeri iirare coeabu muhu Goāmu yarā erā árĭboro dopa. Eropigu masare árĭpehreri cururi majarāre yujurāyerire, árĭpehrerā yare wereniguirāre, árĭpehreri yeba majarāre erā ñero iirare wajayebasabu. Eropa iigu erāre oparā árĭmorā, pahia masare Goāmure serēbasarā árĭmorā sā árĭcū ĩhabu. Eropigu i yeba majarā weca oparā árĭmorā acubu muhu guare. Eropa iigu árĭdigu iri tūre aĭ pāñamasibu āhraa muhu, arĭ bayāma erā Corderore.

¹¹ Yu ĩagu daja bajarāre millones anyua majarāre ĩhabu. Opu doarore, wapicurā gajiropa bejarāre, veinticuatro Jesu yarā oparāre anyuapu erāre gāhrisianugajāma. Erā anyua majarā turaro mera erā bayacū ĩhabu. ¹² Ōpa arĭ turaro bayapeoama erā:

Cordero, muhu erā wejēdigu árĭgu árĭpehrerāre doremasibu, árĭpehrerire opamasibu āhraa. Eropigu masipehogu, turatariagu āhraa muhu. Mu eropa árĭgu āhraa masa erā ñerire erā ĩira dipuwaja erā wejēdigu. Eropirā gua mure umupeorāca. “Ōtariagu āhrimi,” arĭrāca mure. Mure ōaro wereniguirāca, arĭ bayāma anyua majarā.

¹³ Eropigu gajirā erā bayacū peeabu. Árĭpehrerā i yeba majarā, ũmaro majarā sā, ojocarirā, sĭrinirā, wuariya majarā sā, árĭpehrerogue árĭrā ōpa arĭ bayarā carama: Goāmure ĩgu doarogue doagure, Cordero sāre ōaro wereniguirāca. Muare umupeorāca. “Ōtariarā āhrima. Turatariarā āhrima,” arĭrā árĭpehrerinari eropa arĭniguicārāca muare, arĭ bayapeorā carama.

¹⁴ Eropirā erā wapicurā gajiropa bejarā erā eropa arĭ bayacū peerā “Eropa ta arĭ bayaporo,” arāma. Eropirā Jesu yarā oparāpu mereja Goāmure, Cordero sāre umupeoama.

6

Papera tūre ĩgu aĭra tūre pihānarare pāmi Cordero, arĭ werepu ũnu

¹ Puhru papera tūre ĩgu aĭgāra tūre Cordero pihānamuhtarāne pāmi. Īgu eropa pācū ĩhabu. Īgu eropa pāra puhru yujugu gajiropa bejarā mera majagu “Īagu arique,” arāmi. Eropa arĭgu bupu busuro dopa ta wereniguiami. ² Īgu eropa arĭra puhru ĩhabu yuhu. Boregu cabayure ĩhabu. Īgu weca peyagu buiri berore opāmi. ĩgure opu peyari berore ohami gajigupu. Īgu eropa ora puhru ĩgupu ĩgure ĩhaturirāre tarinugagu wahāmi.

³ Puhru yujuñe pihānarāne pātuhaja Cordero gajĭne pihānarāne pāmi daja. Īgu eropa pāra puhru pihānu gajiropa bejarā mera majagu “Īagu arique,” ĩgu arĭcū peeabu daja. ⁴ Eropigu gajigu cabayure diagure ĩhabu daja. Īgu weca peyagure turarire ohami gajigupu. I yeba majarāre erā basi gamewejēcū ĩbure apiami ĩgure. Eropirā árĭpehrero majarā gamewejērācoma i yebague. Eropigu wuarimiji ñoserimijire ohami ĩgure.

⁵ Puhru peñere pātuhaja Cordero gajĭne pāmi daja. Eropigu gajigu gajiropa bejarā mera majagu ĩgu sā “Īagu arique,” arĭcū peeabu daja. Īgu eropa arĭra puhru cabayu ñĭgure ĩhabu. Īgu weca peyagu nucari queoriñere opāmi. ⁶ ĩgure yu ĩara puhru gajiropa bejarā watope ōpa busuro carabu:

—Trigo cebada sā pehrea waroca. Eropiro iri waja pagari árĭroca. Eropirā yujunu mohmeri waja mera trigore yuju kilo ta asūrācoma. Yujunu mohmeri waja mera cebada

yerire uhre kilo ta asūrācoma. Bari moari uyarū, vino sã baja ārīcāniroca, arīro carabu.

⁷ Puhru uhreñere pātuhaja Cordero gajiñere pāmi daja. Īgu eropa pāra puhru gajigu gajiropa bejarā mera majagu arītugu Īgu sã “Īagu arique,” Īgu arīcã peeabu daja. ⁸ Īgu eroparīcũ peegu borewijiġu cabayure ĩhabu. Īgu weca peyagu sīriñe waīcuami. Eropigu Īgu puhru arigu peame waīcuami. Eropigu erāre cabayua weca peyarāre turarire ohami corderopu. Wapicurā masa arīcũ yujugu erā mera majagure wejēdoreami. Eropa ta arīpehrero i yebaguere yujurāyeri masare wejēdoreami. Gamewejēri mera, oaboari mera, dorecuri mera, waimarā nuguri majarā guarā mera, yujurāyeri masare erā wejēburire apiami erā perāre.

⁹ Puhru wapicuriñere pātuhaja gajiñere pāmi daja Cordero. Īgu eropa pācũ Goāmure umupeoburi mesa doca Jesu yarāre erā wejēnirāre erā siporārīre ĩhabu. Goāmu yare erā werera dipuwaja, “Jesu yarā āhrra,” arī erā werera dipuwaja gajirā erā wejēnirā āhrama. ¹⁰ Erā gaguinigiurā ōpa Goāmure erā arīcũ peeabu:

—Muħu gua opu ñeri marigu, guyarō mariro mu arīro dopa ta iigu āhrra muħu. ĶEropigu i yeba majarāre guare wejēnirāre dohpārīcũ dipuwaja moagucuri muħu erāre? arī gaguinigiurā erā.

¹¹ Eropigu erāre boreri suhri yoari suhrire ohami. Erāre eropa oġu ōpa arāmi erāre:

—Soonique dohpa. Gajirā maa acawererā Jesu yarā maa iidiro dopa ta dohpague sāre ōari buherire buhenirā iima masare. Muare wejēdiro dopa ta erā sāre erā wejēpehoboro duhyaa dohpa. Eropirā erāre arīpehrerāre erā wejēboro core merogā corenique maa, arāmi erāre.

¹² Puhru cinco ñearire pātuhaja Cordero gajiñe ñeariñere pācũ ĩhabu daja. Iriñere Īgu pācũ ta, turaro yeba ñohmeabu. Eropigu umu majagu abe ñigu guhyaro wahāmi. Ñiriñe suhriro iro dopa ta bejagu Īgu guhyaro wahāmi. Eropigu abe ñami majagu di iro dopa ta diagu guhyaro wahāmi. ¹³ Eropirā necā yebague yuhridija wahāma. Yucugu ducare miruñe weāburiboro dopa ta necā yuhridija wahāma. ¹⁴ Eropiro umusi dederea wahabu. Paperapūre mari tūrabeo dedeodiro dopa ta dederea wahabu umusi. Eropiro arīpehreri utā yucu sã arīpehreri nugurori sã gajipugue ejanugaja waha wahabu. ¹⁵ Eropa wacũ ĩarā i yeba majarā tauro oparā, utā yucu maja wiri pohca maja goberigue duhrirā wahāma. Gajirā oparā, surara oparā, doberi oparā, turarā, arīpehrerā erā pohro majarā, erā pohro majarā arībirā sã yujuro ta duhrirama. ¹⁶ Eropirā duhrirā utā yucure utā sāre ōpa arīrama:

—Gua weca yuhridijari wejēcāque. Sihire opure Īgu doaro doagure ġūtaria. Cordero guare ñero dipuwaja moagucumi. ¹⁷ Guare arīpehrerāre turaro dipuwaja moaburinu arītuhajaa. Eropirā Īgu dipuwaja moaborore ne bocatiusome gua. Eropa dipuwaja moari arīrā gua weca yuhridijari wejēcāque, arīrama utā yucure arīpehrerā.

7

Israe masa diaporire Goāmu Īgu waī tuhaborore werepũ Ñu

¹ Puhru wapicurā anyuare ĩhabu. Erā arīpehrerogue wahāma. Yujugu nortepu wagu erogue arirañere miruñere aribiricũ iiami. Gajigu surgue, gajigu abe mūririrogue, gajigu abe ñajarogue waha Īgu iro dopa ta miruñere aribiricũ iiaa erā sã. Eropiro i yebague, wuariyague sāre ne miruñe aribiricũ iiaa. Ne yujugu yucugure miruñe weā ñohmecũ iibirama. ² Eropigu gajigu anyure ĩhabu daja. Abe mūririrogue arigu iiami Īgu. Goāmu ojocariniġu Īgu waī aīturiñere sello waīcuriñere aīġarigu iiami Īgu. Eropa aīġarigu gajirā anyua wapicurāre Īgu gaguinigiurā. Erā anyuapu i yebare, wuariya sāre ñero wacũ Goāmu Īgu iidorenirā āhrama erā. ³ Erāre gaguinigu ōpa arāmi ĩhī anyu:

—Corenique. Goāmu pohro majarāre erā diaporire Īgu waī aīturiñere tuhunimorā iiaa gua. Gua eropa tuhaboro core i yebare, wuariyare, yucu sāre ñero wacũ iibiricāque maa dohpa, arāmi Īgu gajirā wapicurā anyuare.

⁴ Eropigu Goāmu Īgu waī mera erā diaporire erā tuhunimorā “Oā nucu āhrrima,” arī wereami yure yujugu. Israe masa doce cururi majarā ciento cuarenta y cuatro mil gohra masa erā tuhunimorā arīñorā. ⁵ Oā arīñorā erā tuhunimorā: Doce mil masa Judā pāramerā arīturiarā erā tuhunimorā arīñorā. Doce mil masa Ruben pāramerā arīturiarā arīñorā erā tuhunimorā. Gajirā doce mil masa Gad pāramerā arīturiarā arīñorā erā tuhunimorā. ⁶ Gajirā Aser pāramerā arīturiarā doce mil gohra, gajirā doce mil gohra Neftalī pāramerā arīturiarā, gajirā doce mil Manase pāramerā arīturiarā erā tuhunimorā arīñorā. ⁷ Gajirā doce mil masa Simeo pāramerā arīturiarā, gajirā doce mil masa Levī pāramerā arīturiarā, gajirā doce mil masa Isaca pāramerā arīturiarā arīñorā

erā tuhumorā. ⁸ Gajirā doce mil masa Zabulón pāramerā árīturiarā, gajirā doce mil masa José pāramerā árīturiarā, gajirā doce mil masa Benjami pāramerā árīturiarā, erā tuhumorā árīñorā. Erā n̄c̄u árīpehrerā masa ciento cuarenta y cuatro mil gohra árīñorā erā tuhumorā.

Bajarā boreri suhricurāre werep̄u Ñu

⁹ Puhru masa bajarāre ihabu. Árīpehreri yeba majarāre, árīpehreri cururi majarāre, árīpehrerā yare wereniguirāre, árīpehreri macari majarāre, yujurāyerire Cristo gamerā dihtare erā niguirāre ihabu. Op̄u ĩgu doaro pohro, Cordero core niguiama erā masa. Bajarā masa āhrama. Eropirā erāre queorā bocañurā mejeta āhrama. Boreri suhricurā āhrama erā. Eropirā mijip̄urire opāma. ¹⁰ Eropirā erā árīpehrerā opa arī gaguinigiuiama:

Goāmu āhrimi marire taugu. ĩgu, ĩgu doaro doagu āhrimi. Cordero s̄a marire taugu āhrimi, arī gaguinigiuiama erā.

¹¹ Eropirā árīpehrerā anyua, Jesu yarā oparā, gajiropa bejarā mera Op̄u ĩgu doaro turore yuju bero niguiama. Eropā niguirā ĩgu doaro core mereja, Goāmure umupeoama. ¹² Opa arī umupeoama erā:

Eropa ta āhrra. Goāmu ḡua Op̄ure mure oaro werenigui. Ōatariagu āhrra m̄hu. Masipehogu āhrra m̄hu. Mure “Ōhaa,” arāa. Mure umupeoa. Turatariagu āhrra m̄hu. M̄u turari mera iigu āhrra m̄hu. Mure eropa arīrā árīpehrerin̄ri eropa mure arīniguirāca. Eropā ta iirā, arī umupeoama erā Goāmure.

¹³ Eropigu yujugu Jesu yarā oparā mera majagu yare wereami:

—¿Ōa boreri suhricurāre masiri m̄hu? ¿Erā aridirore masiri m̄hu? arī serēpiami yare.

¹⁴ ĩgu eroparicū peegu,

—Masibeaa, arī yuhriabu yur̄u.

—¿Noa āhriri erā? arī serēpiabu ĩgure.

Yu eroparicū peegu opa arāmi yare:

—Ōa ñetariaro taririn̄ri aricū yujuro bojerā āhrima, arāmi ĩgu yare. Erā suhrire coewearo dopa ta Cordero ĩgu di cōara mera erā ñerire coenirā āhrima. Eropirā oari boreri suhricurā āhrima. ¹⁵ Eropā ĩgu coenirā arīrā Goāmu ĩgu doaro core ĩgure eropa umupeoniguićama. Ūmuri ñamiri n̄c̄u ĩgure eropa umupeoniguićama pahia Goāmu wihigue erā iiro dopa ta. Eropigu erā mera eropa arīniguiġu erāre itamuḡucumi Goāmu gajiropa wari arīġu. ¹⁶ Eropirā ne dipaturi oaboasome erā. Eropirā ne ñemesibusome. Ne abe um̄u majagu asiriñere pabusome erā. Turaro asiri erā ñero taricū iisome. ¹⁷ Op̄u doaro core niguiġu Cordero erāre ihadibuḡucumi. Ovejare ihadibuḡu iro dopa erāre ihadibuḡucumi. Eropigu maurigā dipague ojocaricū iiriyarigā dipague erāre m̄hta wahḡaḡucumi oveja ihadibuḡu iiro dopa ta. Eropigu eropa mucubiricū iigucumi erāre. Eropirā umarogue arīrā ne dipaturi oresome erā, arāmi Jesu yarā oparā mera majagu yare.

8

Seis papera erā pihañarare p̄tuhaja gajīñere p̄pehopu Cordero

¹ Seis papera erā pihañarare p̄tuhagu duhyarañere p̄tuhami Cordero. ĩgu eropa p̄tuhacū yuju hora deco umarogue ne ejarimaria wahu. ² Eropigu siete anyuare Goāmu pohro niguirāre ihabu. Eropigu erāre siete cornetarire ohami gajigu. ³ Gajigu anyu oropari incienso dicuburipari opadigu Goāmure umupeori mesa pohrogue eja, niguiami. Ero ĩgu niguiću baja inciensore ĩgure ohama. Árīpehrerā Goāmu yarā ĩgure erā serēra mera moreburi inciensore ohama. Eropigu oro mera iira mesague, Goāmu ĩgu doaro pohro arīri mesague iri incienso Goāmure soe mujuburi āhrabu. ⁴ Eropigu anyu ĩgu oparapari maja inciensore mesa weca pohsiri peo soeami. ĩgu eropa soera puhru iri incienso maja imica Goāmu yarā ĩgure erā serēra mera muria wahu Goāmu pohrogue. ⁵ Eropā wara puhru ĩgu anyu i mesa maja nitire iriparigue aī pohs̄atuhaja, yebague pohmehdijucāmi. ĩgu eropa pohmehdijucū miāmi. Turaro bupu paāmi. Eropiro gajiropa busumaa, yeba ñohmemaabu.

Cornetarire werep̄u Ñu

⁶ Puhru siete anyua yujurāyeri erā cornetarire purimorā iama.

⁷ Yujugu anyu ĩgu yarure purim̄tami. ĩgu eropa puricū decoyeri yusariyeri peame mera, di mera moreriyeri yebague yurimerejabu. Iriyeri yurimerejacū ta yeba ūjua

wahabũ. Ipẽ ùjuabũ: I yeba deco ejaboro pohro gohra ùjuã wahabũ. Eropiro iripẽta yucu sã taa yahsari sã ùjuã wahabũ.

⁸ Anyu yujugu ìgu eropa purimahtara pũru gajigu anyu ìgu yaru cornetare puriami daja. Ìgu eropa puricũ wuadigu utãgu iro dopa bejadigu ðaro ùjuniguidigu wuariyaguere mihrua dijabu. Eropiro yeba ùjudiropẽ ta wuariya diya poya wahabũ. ⁹ Eropirã wuariya majarã wai sã deco mera ejarã gohra yujupu majase majarã sãria wahãma. Eropiro iri nũcu gasi ta dohori gasi miria wahabũ wuariyaguere.

¹⁰ Perã anyua erã purira pũru gajigu anyu sã ìgu yaru cornetare puriami daja. Ìgu eropa puricũ wuadiru necãru, sihãdiru dopa ta bejadiru yebaguere yurimereja wahabũ. I yeba maja diarire mau diparire yujupu majase majare yurimerejabũ necãru. ¹¹ Eropiro iri nũcu mauri ta sũriyari dujabũ. Eropa wacũ bajarã masa iri decore sũiri decore ihrinijarã sãria wahãma. Iriro necãru sũidiru waicũabũ.

¹² Ùrerã anyua erã purira pũru gajigu anyu sã ìgu yaru cornetare puriami daja. Ìgu eropa puricũ abe umu majagu, ñami majagu sã deco erabonirã gohra poya wahãma. Necã majarã sã deco erabonirã dipuru ta poya wahãma. Eropiro umugue wapicuri horari gohra abe ne boyobirami. Ñami sãre wapicuri horari gohra abe ñami majagu, necã sã ne boyobirama.

¹³ Pũru ìhamemujuabũ daja. Ùmarogue gaa wuwahgãgure ìhabũ. Eropigu ìgu gaguiniguicũ peeabũ. Òpa arãmi ìgu:

—Ñetariaa. Ñetariaa. Ùrerã anyua purinibeama dohpa. Erã purira pũru ñetariaro waroca. Eropa wacũ i yeba árrã ñetariaro warãcoma, arĩ dijuami ìgu.

9

¹ Pũru wapicurã anyua erã purira pũru gajigu anyu ìgu yaru cornetare puriami daja. Ìgu eropa puricũ necãru iro dopa bejagu árrigu anyu ùmarogue árridigu yebague yuhridjariicũ ìhabũ. Eropigu ìgure peame gobe ùhcãri gobe maja sawire ohami gajigu.

² Eropigu ìgu iri gobere pãgũcũ peame imica wiriabũ. Wuari peame imica iro dopa ta wuaro imica wiriabũ iri gobere. Eropiro iri imica mata abe umu majagure, umaro sãre dederea wacũ iiabũ. ³ Eropirã iri imica pohecague árrã poreroa yebague wudijarama. Eropirã coreba erã burigã pũiro dopa ta erã burigã pũriama. ⁴ Eropigu taare, yucure, gajũ taare ñero iidorebirami erãre. Masa dihtare ñero iidoreami erãre. Goãmu ìgu wai aĩturiñere erã diaporire tuhuya marirã dihtare ñero iidoreami erãre poreroare. ⁵ Eropa ñero iidorequeregu ta erãre wejẽdorebirami. Erãre wejẽdorebiriqeregu ta cinco aberi gohra masare burigã pũricũ iidoreami. Coreba toarã erã pũiro dopa ta pũricũ iirã àhrama poreroa sã.

⁶ Irinũrire erãre erã pũiro iicũ masa sãridiarãcoma. Erã eropa sãridiaquerecũ ta erãre sãridoresome Goãmu.

⁷ Oã poreroapu cabayua iro dopa dehyoama. Surara cabayuare erã come suhri cãhmotari suhri sãnirã dopa ta dehyoama erã poreroa. Erã dipu weca oparã erã peyari berori oro berori iro dopa peyãma. Erã diapori masa diapori iro dopa bejãma. ⁸ Erã poari nome poari iro dopa àhrabu. Eropirã erã gũcũri yeeã gũcũri iro dopa àhrabu. ⁹ Siporã cãhmotari gasiro come gasiro iro dopa cãhmotama erã coretihbire. Eropiro erã wuucũ bajarã cabayua omarã erã omaro dopa erã wuuri dupuri busuabũ. Cabayua tũruri gasire tararã erã gamewejẽroque warã erã busuro dopa ta busuabũ poreroa wuuri dupuri. ¹⁰ Eropirã coreba ìgu pĩgurucuro dopa ta toadiru ìgu oparo dopa ta àhrabu erã poreroa. Eropirã erã pore mera masare cinco aberi gohra pũricũ toãma. ¹¹ Eropirã erã opu àhrami. Ùhcãri gobe opu àhrami erã opu. Ìgu anyu muru àhrami. Hebreo ya mera Abadón waicũami ìgu. Griego ya mera Apolión waicũami. Apolión, mari ya mera arĩrã, “Ñero goroweogu” waicũgu iimi.

¹² Poreroa masare erã ñero pũricũ toara pũru i ñero erã tarimahtadiro pehrea wahabũ. Iri pũru pesubu ñero tarinirãcoma daja masa.

¹³ Pũru yuju mojotocu majarã anyua erã purira pũru gajigu anyu ìgu yaru cornetare puriami daja. Ìgu eropa puricũ Goãmu core niguiiri mesague oro mera iira mesague wereniguiiri busuro carabũ. Iri mesa maja sari wapicuri sarogue wereniguiiri busuro carabũ. ¹⁴ Eropa wereniguiro cornetare purigure anyure òpa wereniguiiri mera busuro carabũ:

—Wuariyague Eufrate waicũriyague peresu árrinirãre anyuare wiuque. Erã wapicurã anyua àhrama, arĩro carabũ.

¹⁵ Eroparicũ peegu anyupu erãre wapicurãre wiuami bajarã masare wejẽmorãre. I bojorire, inure, i horare queoro corerã iãma erã wiumorã wapicurã anyua. Erã corediro

sihajaa. Eropirā wejēnugārirā iiama. Árīpehrerā deco mera erabonirāre masare wejēmorā āhrama. ¹⁶ Eropigū erā anyua yarā surara, “Oā nūcū āhrima,” erā arīcū peeabū. Erā cabayua weca peyarā āhrama. Doscientos millones surara āhrama.

¹⁷ Eropigū cabayua erā weca peyarā yū īanirā ōpa dehyoama. Erā sīporārire cāhmotari suhri come suhri diari suhri, yahsari suhri, boreri suhri suhricuama. Eropirā cabayuapū erā dipu yeea diarā iro dopa dehyoama. Erā disirogue peame, imica, azufre ūjuri imica sā wiriabu. ¹⁸ Eropiro cabayua disiro wiriri mera masare wejēabu. Árīpehrerā masa deco erabonirāre masa bajarāre wejēama. Eropirā peame mera imica mera, azufre ūjuri imica mera bajarā masare wejēama. ¹⁹ Erā cabayua erā disiro wiriri mera wejēama. Eropirā erā pore mera sā wejēama daja. Erā pore ojogorogue añaa dipu dopa bejabū. Eropirā iri pore mera camicacū iiama erā masare.

²⁰ Bajarā masa erā wejē duhanirāpū erā mera majarāre wejēcū īaquererā erā űeri iirare ne duhubirama. Watēare umuqueo duhubirama. Erā goāmarā wēanirāre umuqueo duhubirama. Erā wēanirāpū oro mera, plata mera, bronce mera, ūtā mera, yucū mera erā wēanirā āhrama. Erā wēanirā ojocaribirama. Peebirama. Nohmebirama. Erā eropa árīquerecū ta erāre masa umuqueoama. ²¹ Eropirā erā wejē duhanirā gajī űeri sāre ne bujawerebirama. Masare erā wejērare, erā nome mera erā űero iirare, erā yajara sāre ne bujawere duhubirama erā.

10

Miri tūrugāre papera tūrugāre aīgārimi anyu

¹ Pūhrū gajigū turagū anyu ūmarogue dijaricū īhabū. Imica curu watope āhrami. Eropigū buibūguda īgū dipuru weca peyabu. Īgū diapo ūmū majagū abe iro dopa gosesiriabu. Īgū űigari peame iro dopa goseabu. ² Eropigū miri tūrugāre papera tūrugāre īgū pāra tūrugāre opāmi īgū. Īgū guburu diayerū maja guburu mera wūariyague cūhrapi niguami. Īgū guburu copū maja guburupū yebague cūhrapi niguami. ³ Eropa niguigū yeea erā gaguiniguiro dopa ta īgū turaro gaguiniguiami. Īgū eropa gaguiniguiira pūhrū siete bupua wereniguirā carirama. ⁴ Erā eropa wereniguicū peegu gojanugarabū yūhū. Yū eropa gojanugacū ta ūmarogue yūre wereniguio carabu. —Siete bupua erā arirare gajirāre werebita. Eropigū irire goja aibita, arīro carabu yūre.

⁵ Īgū eropa arīra pūhrū wūariyague niguidigū, yeba niguidigū anyu īgū mojoto diayerū mera sīme mujuami ūmarogue. ⁶ Eropa sīme mujugū Goāmū eropa ojocariniguiigū waī mera waīpeoami. Īgū Goāmupū árīpehrerire, ūmūsi, ūmūsi majarāre, ī yebare, ī yeba árīrāre, pagayarire, pagayari majarāre īgū āhrimi. Eropigū ōpa arāmi anyu:

—Goāmū mera diaye arīgū iiaa. Iripēta corerāra. ⁷ Seis anyua erā corneta dipurure erā purira pūhrū gajigū anyu īgū puritucū Goāmū iribojegue īgū “Ōpa iigūra,” īgū arīdiro dopa ta iigūcumī. Iribojegue masare irire ōaro werebiripū. Pūhrū īgū pohro majarāre, īgū yare weremūhtarāre ōaro werepehopū īgū. Iri īgū werepirare dohpaguere iigūcumī, arāmi anyu.

⁸ Īgū eropa arīra pūhrū ūmarogue yūre wereniguio dopa ta dipaturi wereniguio carami daja. Ōpa arīgū carami yūre:

—Wūariyague niguigū yebague niguigū sihī anyu pohrogue waque. Eropa wagu papera tūrugāre īgū opari tūrugāre aīque, arīgū carami yūre. ⁹ Īgū eroparīcū peegu anyu pohrogue wahabu. Īgūre papera tūrugāre yū serēcū peegu ōpa arī yuhriami yūre: —Aīque. Eropigū ī papera tūrugāre baque mūhū. Mū ne bacū mome iro dopa ōaro imisīroca. Mū parugue mū acura pūhrū sūia waroca, arāmi yūre.

¹⁰ Īgū eroparīcū peegu iri tūrugāre anyure yū aīra pūhrū bahabu. Yū ne bacū mome iro dopa imisīabu. Yū ba acura pūhrū yū parugue sūiro carabu yūre. ¹¹ Yū eropa bara pūhrū ōpa arāmi yūre:

—Dipaturi bajarā masare, macari majarāre, yebari majarāre, baja disirori wereniguirāre, erā tauro oparā sāre pūhrū erā dohpa waborore wereyumuhtaque, arāmi yūre.

11

Perā Goāmū yare weremorāre were gojapū űū marire

¹ Pūhrū yūre queodigūre odoreami Goāmū. Tuadigupē yoadigū āhrabu irigū. Irigūre odoregū ōpa arāmi yūre:

—Yaha wihire queogu waque. Iri wihi majañe yare umupeori mesa säre queoque. Eropigu iri wihiguere masare yare umupeorã säre queoque. ² Disiporo wirinugaropare queobita. Iripuu yare gamebirã erã cuhrapirapuu ahraa. Erã cuarenta y dos aberi gohra Goãmu ya macare iri maca majarã säre ñero iirãcoma. Eropigu queobita iripuuere. ³ Eropigu yahare wererãre perãre obeogura. Mil doscientos sesenta nuri gohra yahare wererãcoma. Co suhri sañanirã árirãcoma erã ya weredorenirã, arí wereami yare.

⁴ —I yeba majarã tauro opu pohro pegu olivo waicuri yucu niguia. Pegu sihãgori yucu sã iri yucu pohro niguia. Iri yucu oã perã yahare weremorã iro dopa ahraa, arí wereami daja yare. ⁵ Eropirã erãre ihaturirã erãre erã ñero iidiacũ erã disirogue pea porã wirimaaro soe wejẽpehocãroca erãre ihaturirãre. Eropa ta erãre ñero iirãre wejẽrãcoma erã perã. ⁶ Eropiro erã perã erã deco aridorebiricũ deco arisome. Eropiro yahare erã wereropẽ deco arisome. Eropirã maurire diyari poyacũ iirãcoma erã. Eropirã i yebare ñero wacũ iirãcoma erã. Áripehleri dohpa árirõre, dohpa árirãre, masare ñero wacũ iirãcoma erã. Erã noho gamero iidiaropẽ eropa ñero wacũ iirãcoma i yebare.

⁷ Erã Goãmu yare weretuhajacũ añcãri gobegue árigu ñegu nuqu majagu wirigucumi. Eropigu Goãmu yare wererã erã perã mera gamequeãgucumi. Eropa gamequeãgu turatarinugagu erãre wejẽcãgucumi. ⁸ Igu eropa wejẽra puhru erã ya dupuri mura wuari maca maja mague oyaroca. Mari Opure Jesucristore erã pabia wejẽra maca ahraa iri maca. Iri maca majarã ñerã árirã, Sodoma majarã mura, Egipto majarã mura iro dopa ahrãma. ⁹ Erã dupuri mura oyaro uhrenũ ñaro oya, gajinu deco erã ya dupuri mura iri mare oyaroca. Eropirã áripehleri yeba majarã yujurãyeri, áripehleri cururi majarã yujurãyeri, áripehlerã yare wereniguirã yujurãyeri iri nucu nuri gohra erã ya dupuri murare iarãcoma. Eropirã iri nucu nuri gohra erãre yaadoresome. ¹⁰ Erã perã Goãmu yare weremuhtanirã i yeba majarãre erã ñero iira dipuwaja moanirã árirãcoma. Eropirã erã eropa sirinirã áricũ iarã áripehlerã majarã mucubirãrãcoma. Eropa mucubirã bosenũ ii, erã basi gajinore eropa ocãrãcoma.

¹¹ Erã eropa iiquerecũ uhrenũ puhru gajinu deco gohra Goãmu erãre masugucumi daja. Igu eropa masucũ erã dipaturi wahgãnugajarãcoma. Erã eropa wahgãnugajacũ iarã áripehlerã burigã giurãcoma erãre. ¹² Puhru umarogue burigã erãre perãre werenigucũ peerãcoma masa. Opa ariri busuroca erãre:

—Ogue muririque mua, ariri busuroca.

Erãre eropa arí wereniguirẽ busucũ peerã imica cururi watope muria warãcoma. Erãre doonirã mura erã muriacũ iarãcoma. ¹³ Erã eropa muriarisubu yeba turaro ñohmeroca. Eropa ñohmecũ ta iri maca maja wiri baja wiri mihrua dija waroca. Eropirã yeba ñohmero mera siete mil masa siria warãcoma. Gajirã duhyarãpu uca wa, Goãmure umaro majagure “Turagu ahrimi,” arí umupeorãcoma pare igure.

¹⁴ I áripehleri eropa wara puhru pesubu masa erã ñero tarituhajanirã árirãcoma. Eropa tarira puhrugã ta dipaturi masa mata daja ñero tarirãcoma.

Seis corneta dipurure erã purira puhru gajigu puripũ

¹⁵ Puhru seis corneta dipurure erã purira puhru gajigu anyu igu yarure puriami. Igu eropa puricũ umarogue turaro wereniguiro carabu. Opa ariro carabu:

Dohpague mari Pagu, Cristo mera i yeba majarã tauro opu árigucumi. Eropigu eropa opu árinigugucumi Goãmu, ariro carabu.

¹⁶ Eropirã Goãmu core oparã doarigue doarã veinticuatro Jesu yarã oparã Goãmu core mereja, igure umupeoama. ¹⁷ Eropa umupeorã opa arãma:

Gua opu Goãmu, turatariagu ahraa muhu. Muhu negohraguere eropa árimuriyoro. Eropigu dohpague säre eropa áriniguia. Puhrugue áriguca muhu. Mu turari mera masa erã opu mu árinugacũ, “Ohaa,” arãa gua mure. ¹⁸ Áripehlerã i yeba majarã mure gamebirã mu mera guarima. Dohpaguere erãre mu dipuwaja moaburisubu ahraa. Sirinirã säre mu dipuwaja moaburisubu ahraa. Eropiro mu yarãpure ñarire erã iira wajare mu oburinosubu ahraa. Yujurãyeri erã mu yare weremuhtanirã árima. Eropirã erã gajirã mu yarã mera áripehlerã mure ñaro umupeonirã árima. Eropigu oparãre, bu árirã säre mu yarã erã áricũ iha ñaro iiguca muhu erãre. Eropiro i yeba majarãre goroweocorerãre mu cóaburisubuno áriro iiaa dohpaguere, arí umupeoama Jesu yarã oparã Goãmure.

¹⁹ Erã eropa arí umupeora puhru umaro maja wihi Goãmu ya wihi igu pãgũra wihi ihabu. Eropirã iri wihi ariri comorore ihabu gua. Iri comoro pohecague Goãmu “Masare itamugura,” igu arí werepirapũ sañabu. Gua eropa iacũ ta miamaa, bupu paamaa,

gajiropa busumaa, i yeba ñohmemaa wahabu. Deco yusariyeri deco burigã umarogue dijariabu.

12

Nomeore, pîru sãre werepu Ñu

¹ Puhru i yeba dohpa waborore umarogue dehyoabu yure. Eropa dehyoari guhyadiaro maja ahrabu. Ōpa ñamuhatabu: Ūmarogue nomeore ñhabu. Igo suhriro abe umu majagu iro dopa gosesiriabu. Eropigo abe ñami majagu weca niguiamo. Opu ñgu peyarino berore doce necã opari berore peyadigo niguiamo. ² Eropiro igo porãcuboro merogã duhyabu. Eropigo igo niji wahgũgo pũriro mera gaguiniguamo. ³ Puhru dipaturi ñhabu daja umarogue: Wuagu pĩrure diagure ñhabu. Siete dipu dipucugu ahrami. Áripehreri ñgu dipu oparã erã peyarino berorire peyara dipu dihta ahrabu. Eropigu diez cusaricugu ahrami ñgu. ⁴ Ñgu piguru mera necã dipurure wejẽsiri medijuami. Áripehrerã necãre deco gohra wejẽsiri medijuami. Eropigu nomeo porãcugo pohro niguiami pĩru. Igo magugã dehyoacũ babu iirami. ⁵ Merogã puhrugã ta masa dehyoatuhami majigugã. Áripehreri yeba majarã opu áriabu ahrami ñgugã. Ñgu eropa opu turagu áricũ masa ñgure tarinugarã yujuro bojesome. Ñgu eropa masa dehyoacũ ta Goãmu ñgu doaro pohrogue ñgugãre aibeocãmi. ⁶ Ñgu eropa iicũ nomeopu masa mariogue pĩrure duhrigã wahãmo. Goãmu ñgu amuyudirogue duhrigã wahãmo igo. Eroguere mil doscientos sesenta nuri gohra Goãmu ñgore ñhadibumi.

⁷ Eropirã umarogue gamewejẽnugãma. Migue waicugu anyu ñgu yarã anyua sã pĩru mera gamequeãma. Erã eropa gamequeacũ pĩru ñgu yarã anyua mera Miguere gamequeãmi. ⁸ Eropirã Migue sã pĩrure tarinugãma. Eropigu pĩrure ñgu yarãre anyuare umaroguere árinemodorebirami. ⁹ Eropigu wuagu pĩrure cóacãmi Goãmu. Ñgu pĩru watĩ ta árigu iiami. Satana waicugu ahrimi. Iribojeuere ñgu pĩru dupu dopa deyogu áriñumi. Eropigu áripehreri yeba majarãre guyagu ahrimi. Goãmu ñgure cóagu ñgu yarã anyua mera yebague cohã dijuami.

¹⁰ Puhru umarogue turaro wereniguicũ peeabu:

—Dohpaguere mari Pagu masare taumi pare. Dohpague tamerare mari Pagu mari Opu árigu ahrimi ñgu turarire ñhmubu. Eropigu ñgu obeodigu Cristo sã ñgu opu áririre ñgu turarire ñhmumi áripehrerãre. Watĩre umarogue áridigure cohã dijuami i yebague. Eropigu ñgu turarire ñhmumi mari Pagu. Ñgu watĩpu umari nucu, ñamiri nucu Jesu yarãre, “Ōã ñerã ahrima,” arĩ weresãgu iimi mari Pagure. Eropigu mari acawererãre Jesu yarãre weresãgu áriimi. ¹¹ Cristo Cordero waicugu ñgu di cóaro mera mari acawererã ñgure umupeorã erã ñeri iirare cóãsũnirã áriima. Eropa áriãre watĩre tarinugãma. Eropirã ñari buherire wererã, watĩre tarinugãma. Ñgu yare werera dipuwaja gajirã erãre wejẽdiaquerecũ ta, Cristo yare duhubirã áriãre ñgure tarinugãma. ¹² Eropirã mua umaro majarã mucubirique. Watĩre ñgu yebague cohã dijucũ ñarã mucubirique. Mua yeba majarãpu, wuariya moajorã sã mojomorocãrã warãca mua. Mua pohrogue dijami watĩ. Ñgure dipuwaja moaboro merogã duhyaa. Eropigu guataricãmi ñgu. Mua pohrogue ñgu ejacũ mojomorocuro dujacũ iugucumi ñgu muare, arĩ gaguiniguoro caricũ peeabu.

¹³ Eropigu pĩrupu cohã dijudigu nomeore, majigugã pagore nurusia wahgãmi. ¹⁴ Eropigu Goãmu gaa wuagu quẽ dupure ohami ñgore masa marirogue igo wuu duhri wahgãboro dopa. Eroguere igo ejara puhru uhre bojori ñaro gaji bojori deco gohra ñaro ñhadibuami Goãmu ñgore. Ñgu eropa ñhadibucũ pĩru ñgore ñero iimasibirami. ¹⁵ Ero igo áricũ ñagu pĩru ñgore miudiagu wuaro decore etocabeocãmi. ¹⁶ Ñgu eropa iiquerecũ yebapu ñgore itamuabu. Pĩru ñgu disiro wiriri decore yebapu yehrima wa uju aibeocãbu. ¹⁷⁻¹⁸ Eropa wacũ ñagu pĩru guatariami. Eropa guagu yujurãyeri igo pãramerã árituriarã mera gamewejẽgu wahãmi. Erãpu Goãmu dorerire iirã ahrama. Jesu yare ñari buherire ne duhubirã ahrama. Erã mera gamewejẽgu wahãmi. Eropigu pĩru wuariya tãro pohro niguiami.

13

Perã nuqu majarãre werepu Ñu

¹ Wuariya tãro niguiqu, nuqu majagu iriya árigure ñgu wahgãpacũ ñhabu. Ñgu siete dipu, diez gohra cusaricugu ahrami. Ñgu cusari oparã erã peyarino berori peyãmi. Eropiro ñgu dipure ñgu waĩre ñgu gojatura ahrabu. Ñgu waĩ iri ñeri waĩ áriro Goãmure ñhatiriri waĩ ahrabu. ² Eropigu ñgu nuqu majagu yee dorogu guagu iro dopa bejãmi.

Eropigu bugu iro dopa guburicugu âhrami. Eropigu yee wuaguro iro dopa disirocugu âhrami. Eropigu pîrupu îgu turarire ohami nugu majagure. Eropa ogu îgure îgu opu doaro apigu îgu iro dopa ta masa bajarâre dorecû iiami pîru nugu majagure. ³ Îgu nugu majagu dipuru yuju dipuru camirocari dipuru dopa bejabu. Iri camiro îgure wejêbocurira camiro âriquerero yarira camiro âhrabu. Iri dipuru ojocaricû iarâ, uca wahâma i yeba majarâ ârîpehrerâ. Eropa îha ucarâ, nugu majagure “Turagu âhrimi,” arî umupeoama. Eropirâ îgu yarâ wahâma masa. ⁴ Eropirâ nugu majagure pîru îgu turarire ocû iarâ masapu îgure pîrure mereja umupeoama. Eropirâ nugu majagu sâre mereja îgure umupeoama. Eropa umupeorâ ôpa arâma:

—Ne gajigu mu iro dopa turagu marimi. Gajigu mure ne tarinugamasibeami, arî umupeoama masa nugu majagure.

⁵ Eropigu îgu nugu majagu “Turatariagu âhrimi,” erâ îgure arîquerecû ta, îgu Goâmure ñero wereniguiquerecû ta eropa pepicânimi Goâmupû. Eropigu cuarenta y dos aberi gohra îgu nugu majagu masare dorenigucumi. Iripêta îgu opu âricû gahmemi Goâmu. ⁶ Eropigu Goâmure ñero wereniguiami îgu. Îgu waîre, îgu wihire, umarogue îgu ârîro, îgu pohro majarâ sâre ñero wereniguiami nugu majagu. ⁷ Eropigu Goâmu yarâre gamewejêgu erâre tarinugâmi. Îgu eropa tarinugaquerecû ta eropa îacâniami Goâmu. Goâmu îgu eropa iidorebircûre iisome îgu. Eropigu ârîpehrerâ i yeba majarâ tauro opu ârînirami nugu majagu. Ârîpehreri cururi majarâ, ârîpehreri yebari majarâ tauro, ârîpehreri macari majarâ tauro, ârîpehrerâ yare wereniguirâ tauro opu ârînirami îgu. ⁸ Eropirâ ârîpehrerâ i yeba majarâ îgu nugu majagu pohro mereja îgure umupeorâcoma Goâmu yarâ âribirâpu. I yebare Goâmu îgu ihacûnuguboro core îgu yarâ ârimorâre îgu mera ârîniguiamorâre erâ waîre gojatutuhânumi. Iripû îgu eropa gojatuturapû Cordero erâ wejêdigu yapû âhraa. Iripû erâ waîre gojatubirâ dihta Goâmu yarâ âribirâ nugu majagure umupeorâcoma.

⁹ Gamiricârâ âhraa mua. Eropirâ peeque mua Jesu yarâ ârîrâ. ¹⁰ Ârîpehrerâ muare peresu iinirâre erâ sâre peresu iigucumi puhru. Ârîpehrerâ masare ñose wejênirâre erâ sâre ñose wejêgucumi puhru. Irire masirâ mari Goâmu yarâ ñero tariquererâ ta îgure cóabiricârâ. Eropirâ yujuro boje îgure guñaturarâ.

¹¹ Puhru gajigu nugu majagure îhabu daja. Yeba pohecague îgu ârîdigu îgu wiriricû îhabu. Pecusaro oveja cusaro iro dopa bejari cusaro cusarocugu âhrami. Eropa arîqueregu pîru iro dopa wereniguiami. ¹² Eropigu nugu majagu ârîmuhtadigupu puhru ârîdigure opu acuami. Îgu eropa opu acugupu ârîpehreri yeba majarâre ârîmuhtadire umupeodoreami. Ârîmuhtadi nugu majagu erâ wejêbocuridi camiro yaridigu âhrami. ¹³ Eropigu puhru ârîdigu deyoro moarire ii îhmuami masa erâ îha ucaboro dopa. Eropa iigu masa erâ îaro peame wuari peame umarogue dijericû iiami. ¹⁴ Eropigu ârîmuhtadigu îgu ihuro gajigu nugu majagupu deyoro moari mera masare guyâmi, “Îhî mua umupeobu âhrimi,” arîgu. Eropigu îgu gajigu nugu majagu ârîmuhtadigure wéadoreami masare. Îgu ârîmuhtadigu ñoserimiji mera erâ ñosedigu arîqueregu ta ojocarigu âhrami. Îgu iro dopa bejagure ta wéadoreami gajigu nugu majagu masare. Erâ eropa iicû îagu Goâmu dooqueregu ta eropa îacâniami. ¹⁵ Eropigu puhru ârîdigu nugu majagupu ârîmuhtadire wéadigure ojocaricû iiami masare îgu doreboro dopa. Eropigu wéadigupu erâ îgure umupeobirâre wejêdoreami. ¹⁶ Eropigu ârîpehrerâre erâ mojotori diayepu sâre îgu waîre gojatudoreami nugu majagu puhru ârîdigu. Erâ mojotorire gojatubirininirâre erâ diaporire gojatudoreami îgu waîre. Bu ârîrâre, oparâre, doberi oparâre, mojomorocurâre, erâ pohro majarâre, erâ pohro majarâ âribirâre, ârîpehrerâre îgu waîre gojatudoreami. ¹⁷ Îgu ârîmuhtadigu nugu majagu îgu waîre, îgu numerore gojatubirâre ne asûdorebirami. Eropigu erâre duadorebirami.

¹⁸ Irire ôaro masique mua. Pee masirâ ârîrâ nugu majagu îgu numerore ôaro îha masique. Iri numero uma waî iro dopa âhraa. Iri numero seiscientos sesenta y seis gohra âhraa.

14

Goâmu îgu taunirâ mama bayariñere bayañorâ

¹ Puhru Siôn waicudigu utâgu weca niguigure Corderore îhabu. Îgu mera ciento cuarenta y cuatro mil masa âhrama. Erâ îgu ya waîre îgu Pagu ya waî sâre erâ diaporire erâ gojatunirâ âhrama. ² Erâre yu îacû ta umarogue busuro carabu. Wuari utâmu busuro dopa ta, bupu îgu wuaro busuro dopa ta busuro carabu. Eropigu arpa waicurire erâ buamutêro dopa ta busuro carabu. ³ Erâ ciento cuarenta y cuatro mil

masa bayarā āhrama. Ero opu ĩgu doaro pohro wapicurā gajiropa bejarā, Jesu yarā oparā sā core bayarā āhrama erā. Erā bayarīne mama bayarīne āhrabu. Iri bayarire erā dihta masiama. Cristo ĩgu taunirā dihta iri bayarire masiama. Erā i yeba árīnirā mura ĩgu aĩ mujunirā āhrama. ⁴ “Ne ñerire iisome,” arīnirā ñerire iibirinirā āhrama. Ne erā yujusubugā nome mera ñero iibirinirā āhrama. Eropirā Corderore ihacūnirā árīrā, ĩgu yare eropa ĩniguimurama. Eropigu erāre ñerā ñerā ñerā árīnirāre ĩgu taumorāre aĩami Goāmuru. Eropa ĩgu taunirā árīrā, Goāmu yarā árīmorā, Cordero yarā sā árīmuhtanirā āhrama. ⁵ Eropirā erā mera majarā ne yujugu guyagu marami. Eropirā Goāmu ĩgu pepicū ñeri iira dipuwaja marirā āhrama erā.

Urerā anyua weremedijuñora

⁶ Puhru umarogue wuugure anyure ñhabu. ĩgu i yeba majarāre árīpehreri cururi majarāre, árīpehrerā yare wereniguirāre, árīpehreri yebari majarāre ñari buherire werebu āhrami. Iri buheri ne gohrotobea. Eropa árīniguicāa. ⁷ Eropigu anyu gaguñigu ñpa arī medijuami:

—Goāmure güique. “Turatariaqu, ñatariaqu āhrimi,” arī umupeoque ĩgure. Dohpaguere masare ĩgu dipuwaja moaburibusu árīro iiaa. ĩgu umusire, yebare, pagayarire, mutayarigā säre iidigu āhrimi. Eropirā ĩgure mereja umupeoque, arī gaguñigu dijuami anyu.

⁸ ĩgu eropa arīra puhru gajigu anyu umaro wuugu ñpa arī medijuami:

—Erāre cóācāmi. Wuari maca Babilonia waicuri maca majarāre cóācāmi Goāmu. Erā ĩgu cóānirāpu árīpehrerā gajirāre ñero iicū iima. Masa erāre ihacūrā, ñerire uaribejarā, goāmarā wéanirāre umupeoma. Merericurā vinore erā turaro uaribejaro dopa ta erā ñerire turaro uaribejama Babilonia majarāre ihacūrā, arī were medijuami gajigu anyu.

⁹⁻¹⁰ Erā perā anyua eropa arīra puhru gajigu anyu erā puhru wuugu gaguñigu ñpa arī medijuami ĩgu sā:

—Árīpehrerā nuqu majagure umupeorāre, ĩgure wéadigure umupeorāre erā diporire, erā mojotorire ĩgu waire gojatunirāre dipuwaja moagucumi Goāmu. Erā mera guagu erā tamerare turaro dipuwaja moagucumi Goāmu. Eropigu Goāmu erāre burigā dipuwaja moaniguigucumi cādijiro mariro. Nuqu majagure umupeorā árīpehrerā peamegue warācoma. Erogue burigā pūriroca erāre. Azufre waicuri mera erā dihura peame árīroca. Goāmu yarā anyua, Cordero sā erā ihuro tarirācoma erā. ¹¹ Iri peame eropa imicacūniguicāroca. Ne yarisome. Erāre eropa pūriniguicā iiroca. Árīpehrerā nuqu majagure mereja umupeorāre eropa pūriniguicāroca. Umari säre, ñamiri säre eropa pūriniguicāroca sooro mariro erāre. ĩgu nuqu majagure ĩgu wéadigure umupeorā, ĩgu waire erā gojatunirā sā, eropa ta ñero tarirācoma, arī medijuami anyu.

¹² Eropigu ñpa arī werea muare ire: Mua erā eropa ñero tariborore masirā, Goāmu yarā ĩgu dorerire iirā, Jesure cóābirā árīrā, ĩgu yare duhubiricāque. Ñero tarirā arīquererā ta Goāmu yare duhubiricāque, arāa yuhu muare.

¹³ Puhru umarogue yare wereniguuro caracū peeabu daja. Ñpa arāmi yare:

—Ire gojaque mēhu. Goāmu yarā ĩgure cóābirā árīnirā dohpaguere mua sīrira puhru säre ñaro mucubirirā árīrāca mua, arī medijugu carami yare. ĩgu eropa arīra puhru Espiritu Santopu ñpa arīnemoami daja:

—Eropa ta āhraa. Diaye ta āhraa. Erā turaro erā mohmerire duhpiciā soorācoma. Umarogue erā wacū ñaro erā iirare guñagucumi Goāmu. Eropigu erāre ñaro iigucumi. Eropirā erā mucubirirā árīrācoma, arīnemoami Espiritu Santo.

Pohe maja oteri ducare mari beye aĩro dopa ta Goāmu ĩgu yarāre beye aĩgucumi. Ñerāpūre boje beye dobogucumi, arī gojañumi Ñu

¹⁴ Puhru imica curu boreri curure ñhabu. Iri curu weca masu dopa bejagu doāmi. ĩgu oro bero opu ĩgu peyarino berore peyāmi. Eropigu matamiji usiri mijire opāmi ĩgu. ¹⁵ Puhru gajigu anyu Goāmu wihigue árīdigu wirirami. Eropa wiririgu turaro gaguñiami imica curu weca doagure:

—Mēhu matamiji mera pohe maja ducare i yeba maja ducare tabe aĩpēhocāque. Dohpaguere mē queodiro ejaa. Dūca boretuhabu, arāmi anyu.

¹⁶ ĩgu eroparicā peegu ĩgu matamiji mera i yebare tāranugami ĩgu imica curu weca doagu. Eropa tāranugagu i yeba maja ducare aĩro dopa iami.

¹⁷ Puhru gajigu anyu sā Goāmu wihigue árīdigu wirirami. ĩgu sā matamiji usirimijire opāmi. ¹⁸ Eropigu gajigu anyu Goāmure umupeori mesa pohrogue árīdigu wirirami.

Īguru mesa maja peamere ĩhadibugu āhrami. Eropa wiririgu matamiji usirimiji opagure gaguinigiuiami:

—Muhu matamiji mera i yeba āriri pohere, igui pohe maja ducare aique. Iguiru ņiituhabu, arī gaguinigiuiami.

¹⁹ Īgu eroparicū peegu anyu ĩgu matamiji mera i yebare tāragu, iguitōrire wīrita aīami. Īgu eropa iira pūhru iritōrire iguitōrire ĩgu ņatīarogue cōhāmi. Īgu eropa ņatīaro dopa ta Goāmu ĩgure gamebirāre turaro guagu, dipuwaja moagucumi. ²⁰ Iri maca taro pohro erā ņatīaro iri iguitōrire ņatīama. Ero erā ņatīacū igui deco wiriro dopa di wiriabu. Trescientos kilōmetros yoariya, yuju metro ōaro gaji metro deco ũhcāriya āhrabu di mera. Irire ĩha masiabu. Yujunū anyu Goāmure gamebirāre ņerire iinirāre gameneo erā ņeri iira dipuwaja moagucumi. Īgu eropiicū masa bajarā sīrirācoma. Eropa sīrirā di pagari cōārācoma, arī masiabu yuhu.

15

Masa erā ņero tariborore anyua apituñorā masare

¹ Pūhru ũmarogue gajiropa ārīrore ĩhabu. Gūhyadiaro ārīro i yebague dohpa waborore ĩhmuriñe āhrabu. Ōpa ĩhabu: Siete anyua āhrama. Goāmu guagu siete suburi masare dipuwaja moatubu iiami. Eropirā erā siete anyuapu dipuwaja moadore ĩgu apimorā āhrama.

² Anyuare yū ĩara pūhru wuariyare ōaro deco sūriariya dopa ārīriyare ĩhabu. Iriya peame mera ārīriya āhrabu. Eropigu iriya pohro niguirāre nugu majagure ĩgure wéadigu sāre tarinuganirāre ĩhabu. Erā nugu majagu numerore ĩgu ya wai maja numerore gojatudorebirinirā āhrama. Ero niguirā arpa waicuri buamatēire opāma. Iri buamatēri Goāmu ĩgu ora āhrabu. ³ Eropirā Goāmu pohro majagu Moise ya bayarire bayarā iama. Cordero ya bayariñe sāre bayarā iama. Ōpa arī bayāma:

Gua opu muhu Goāmu turatariagu āhraa. Mu iirare ĩarā ĩha ũca wahaa gua. Mu iira ōataria. Muhu ārīpehreri yeba majarā tauro opu āhraa. Ōaro guyaro mariro diaye iiaa muhu. ⁴ Árīpehrerā mure güima. Árīpehrerā mure “Turagu āhrimi,” arīrācoma. Mu dihta ņeri marigu āhraa. Árīpehrerā i yeba majarā mu pohrogu ejarā mereja mure umupeorācoma. Eropa ta iirācoma erā ārīpehrerā ōaro mu iirare ĩarā, arī bayarā iama erā.

⁵ Pūhru ũmarogue ĩhamemujugu, Goāmu ya wihire pāgūra wihire ĩhabu. Iri wihigue Goāmu ĩgu doreri ĩgu gojara mijiri utā mijiri erā dibura mijiri āhrabu. ⁶ Iri wihire yu ĩacū ta siete anyua iri wihi pohecague arīnirā wirirama. Erā Goāmu ĩgu dipuwaja moadoregu ĩgu apimorā āhrama. Erā nucū erā dipuwaja moaburire opāma erā anyua. Ōari suhri, boreri suhricurā āhrama. Eropiro erā coretihi weca oro gasiro mera tuādiunirā āhrama. ⁷ Iri wihigue arīnirā erā wiriricū wapicurā gajiropa bejarā mera majagu erāre siete anyuare oroparire ohami. Iripari Goāmu gua ĩgu dipuwaja moadoreburi mera ōaro ũjaturiabu iripari. Īgu Goāmu eropa arīniguigu āhrimi. ⁸ Īgu iriparire erāre ocū ta Goāmu wihi pohecague ĩgu gosesiriri mera ĩgu turari mera imicacu sehya wahabu. Iri wihi eropa imicacu sehya wacū iri wihire ne yujugu ņaja masiya marabu. Siete anyua Goāmu dipuwaja moadoregu ĩgu apidiro dopa ta erā masare dipuwaja moatura pūhru dipaturi iri wihigue ņajamasirācoma daja. Īgu dipuwaja moaboro core ņaja masiya mara. apidiro dopa ta erā masare dipuwaja moatura pūhru dipaturi iri wihigue ņajamasirācoma daja. Īgu dipuwaja moaboro core ņaja masiya mara.

16

Goāmu masare ĩgu dipuwaja moaborore werepū

¹ Pūhru Goāmu wihigue turaro wereniguiro carabu. Siete anyuare weregu iigu carami: —Goāmu ĩgure tarinuganirā mera guami. Eropirā ĩgu dipuwaja moadorerare iique. Eropirā dohpaguere siete pari dicurire yebague pisiri medijurā waque i yeba majarāre, arī wereniguigu carami.

² Eroparicū peegu arīmuhtadigu anyu ĩgu oparipa dicurire yebague pisiri medijuami. Īgu eropa pisiri medijucū nugu majagu waire gojatunirā ĩgure wéadigure umupeonirā ņero camicuama. Iri cami turaro pūriyoro erāre.

³ Īgu eropa pisirira pūhru gajigu anyu daja ĩgu oparipa dicurire pisiri medijuami daja wuariyague. Īgu eropa pisiricū iriya diya wahabu. Sīridigu di iro dopa āhrabu iri di. Eropa wacū iriya pohecague arīnirā sīripehrea wahāma.

⁴ Perā eropa pisiri dijura pūhru gajigu anyu ĩgu oparipa dicurire pisiri medijuami daja maurigue, iri mauri diparigue sāre. ĩgu eropa pisiricū mauri diyari dihta wahabu.

⁵ Eropa wacū ĩagu gajigu anyu maurire coregu ōpa arĩgu carami:

—Goāmu, muhu űeri marigu āhraa. Dohpague sāre eropa arĩniguicāgu āhraa muhu. Iribojegue sāre eropa arĩniguicāmuribū muhu. Eropigu dipuwaja moagu diyarire ĩgu diaye iabū muhu. ⁶ Nugu majagu yarāpū mu yarāre wejērā di cōācū iima. Mu yare wererā sāre wejērā di cōācū iima erā. Erā eropa wejēra dipuwaja iriyari diyari wahabu erā ihriburi. Ōpa ta mu iicū gahmeama erā, arĩgu carami maurire coregu anyu.

⁷ ĩgu eropa arĩra pūhru Goāmure umupeori mesague wereniguiro carabu daja:

—Eropa ta āhraa. Goāmu gua opu turatariagu āhraa muhu. Guyaro mariro, queoro masare beye, dipuwaja moa muhu, arĩ wereniguiro carabu.

⁸ űrerā anyua erā pisirira pūhru gajigu anyu ĩgu oparipa dicurire pisiri medijuami daja. Abe űmu majagu weca pisiri medijuami. ĩgu eropa pisiricū abere masare turaro asicū iiami Goāmu. ⁹ Eropigu abe űmu majagu masare turaro asiami. Erāre eropa asicū erā Goāmu erāre ĩgu dipuwaja moadorecū masirā, ĩgure űero wereniguiama masa. Eropa űero tariquererā ta erā űero iirare ne bujawerebirama. Eropirā duhubirama. Goāmure “Turagu āhrimi,” arĩ umupeodiabirama.

¹⁰ Wapicūrā anyua erā pisirira pūhru gajigu anyu daja ĩgu oparipa dicurire pisiri medijuami daja. Nugu majagu ĩgu doaro weca pisiri medijuami. Opu doaro āhrabu ĩgu doaro. ĩgu eropa pisirira pūhru ĩgu yarā arĩri yebague naitiāro wahabu. Eropirā ĩgu yarā masa űero pūricū gucurire cūridihuama. ¹¹ Erāre űero pūricū ta, erā űero camicūrā ta Goāmure űmaro majagure űero wereniguiama. Erā űero iirapare bujawerebirama. Eropirā irire duhubirama.

¹² Yuju mojotocu majarā anyua erā pisirira pūhru gajigu anyu daja ĩgu oparipa dicurire pisiri medijuami daja. Eufrate waĩcuriya wuariryague pisiri medijuami. ĩgu eropa pisiricū iriya bojomerea wahabu. Abe muririro majarā oparā erā gamewejērā warā erā iriya taribujariboro dopa eropa iiami.

¹³ Pūhru űrerā watēare tarumūrā iro dopa bejarāre ĩhabū. Yujugu tarubuġu pĩru pohcague arĩdigū ĩgu disirogue wirirami. Gajigu tarubuġu watĩ nugu majagu disirogue wirirami. Gajigu tarubuġu watĩ daja “Goāmu yare weregu āhraa,” arĩ guyardigu ya disirogue wirirami. ¹⁴ Eropirā erā űrerā watēa tarumūrā iro dopa bejarā deyoro moarire ii ĩhmurā āhrama. Eropirā arĩpehrero majarā oparāre gamenerecū iima erā basi Goāmu mera gamewejēdorerā. Erā eropa gamewejēburinū Goāmu turatariagu arĩpehrerāre ĩgu dipuwaja moaburinū, pehreburinū arĩroca.

¹⁵ Ero coregue ōpa arĩmi Jesu guare: ĩaque muā. Yajari masū ĩgu yajagu ariro dopa ta yū sā guñaña mariro arĩgaca. Yū ariborore ōaro coredigu mucubirigu arĩgacumi. ĩgu yaha arĩburire iiniguidigu űeri marigu mucubirigacumi. Yū mera arĩgacumi. Eropa iidigu arĩgu yū dujaricū gahyasĩrisome ĩgu, arĩmi Jesu guare.

¹⁶ Eropirā űrerā watēa i yeba majarā tauro oparāre gamewejēcū iituhāma. Erā gamewejēro Hebreo ya disiro mera Armagedón waĩcua.

¹⁷ Seis anyua erā pisirira pūhru daja gajigu anyu ĩgu oparipa dicurire imica cururi weca pisiri medijuami daja. ĩgu eropa pisirira pūhru Goāmu wihigue ĩgu opu doarogue turaro wereniguiro carabu:

—Iripēta arĩroca, arĩro carabu.

¹⁸ ĩgu eroparicū ta miamaa, bupu pamaa, gajiropa busumaa, guhyaro yeba űohmeabu. I yeba masa erā arĩnugara pūhru eropa siari űohmebirabū i yeba. Gajisubu űohmediro tauro guhyaro yeba űohmemaabu. ¹⁹ Eropa űohmecū wuari macare Babilonia waĩcuri macare űhrema yehremaa wahabu. Eropiro paga macari i yeba arĩri macari dija wahabu. Eropigu Babilonia waĩcuri maca majarāre wuari maca majarāre guñāmi Goāmu erāre dipuwaja moabu. Erā űerire iiri dipuwaja erā mera turaro guāmi. Eropa guagu erāre burigā dipuwaja moāmi. ²⁰ ĩgu eropa iicū arĩpehreri nuguri, atā yucu sā pehrea wahabu. Eropiro ne marabu. ²¹ Eropiro decoyeri pacayeri yusariyeri yebague masa weca dijarabu. Arĩpehreri decoyeri cuarenta kilo nuguriyeri āhrabu. Erā weca iri eropa dijaricū Goāmu erāre ĩgu turaro dipuwaja moacū masirā űero wereniguiama masa Goāmure.

17

űerire ĩgore dipuwaja moadoregucumi, arĩ werepū űu

¹ Pūhru siete parire oparā anyua mera majagu yū pohrogue eragu ōpa arāmi yare:

—Īgaḡu ariḡue. Diari bajayari weca doagore ũma mera ñero iiricudigore Goãmu Īḡu dipuwaja moaborore Īgaḡu ariḡue muḡu. ² I yeba majarã oparã Īḡo mera ñero iiro dopa ta Īḡo yapure gamema. Goãmupure gamebirama. I yeba majarãre Īḡo sihu merēcũ iiro dopa ta, erã mera Īḡo ñero iiro dopa ta Īḡo masare ñero iirire ũaribejacũ iimo Īḡo. Eropa Īḡo árĩpehreri ñerire erã iicũ iimurimo Īḡo masare, arĩ wereami anyu yure.

³ Īḡu eropa arĩra pũru Espĩritu Santo yure deyoro moarire ĩacũ iiami. Eropĩḡu anyu masa marirogue aĩ wahgãmi yure. Ero Īḡo nomeore ĩhabu. Īḡo nuḡu majagu diagu weca peyago aḡramo. Nuḡu majagupu Īḡu dupu baja waĩ erã gojatudĩḡu aḡrami. Iri waĩ ñeri waĩ Goãmure ñeri werenĩḡuri waĩ aḡrabu. Eropĩḡu siete dipucũḡu, diez gohra cusaricũḡu aḡrami nuḡu majagu. ⁴ Eropĩḡo nomeopũ oaro yahsari suhri oparã erã sañarino suhrire sañadĩḡo aḡramo. Diari suhri sãre sañadĩḡo aḡramo. Baja orore, wajacuri utãre, perlayeri sãre tuhura suhrirore sañadĩḡo aḡramo Īḡo. Eropĩḡo oropare opãmo Īḡo. Iripare dicari ñeri Īḡo iira aḡrabu. Nero Īḡo burĩḡã ñero iĩdĩḡo arĩmo Īḡo. Iri ñeri Goãmũ Īḡu ĩadiabirira aḡrabu. ⁵ Īḡo diapo Īḡo waĩ erã gojatudĩḡo aḡramo. Iri waĩre oaro masibea mari. Opa arĩ gojatura aḡrabu Īḡo diapogue: “Wũari maca Babilonia aḡrimo. Īḡo árĩpehreri ñeri iinũḡadĩḡo aḡrimo. Árĩpehrero majarã erã ñerire, Goãmure erã gamebiririre iinũḡadĩḡo aḡrimo. Eropĩrã erã igore ĩhacũrã ñetariaro iirã iima,” arĩ, Īḡo diapore erã gojatudĩḡo aḡramo. ⁶ Eropa igore Īgaḡu Īḡo bajarã Goãmũ yarãre Īḡo wejẽdĩḡo arĩcũ masiabu yũu. Mererã erã mucubiriro dopa ta Īḡo erãre wejẽḡo erã di coãcũ Īḡo mucubiridĩḡo aḡramo Īḡo. Jesure erã coãbiriri dipuwaja erãre wejẽdĩḡo aḡramo Īḡo.

Igore Īgaḡu, ĩha ũca wahabu. ⁷ Eropĩḡu Īḡu anyu arãmi yure:

—¿Duhpĩḡu ĩha ũca wahari muḡu? arãmi yure. —Mu masĩbirirare mure ĩhmuḡura. Īḡo nomeore mure wereḡura. Īḡo peyagu sãre wereḡura. Īḡu nuḡu majagu aḡrimo. Eropĩḡu siete dipucũḡu, diez cusaricũḡu aḡrimo. ⁸ Īḡu mu ĩadĩḡu iribojegue arĩdĩḡu arĩmi. Dohpaguere marimi Īḡu. Pũru Īḡu ũhcãri gobegue arĩdĩḡu wiriri dehyoagũcumi daja. Īḡu eropa wiririra pũru dederebu peameḡe wagucumi. I yeba majarã Īḡu dehyoacũ ĩha ũca wa, ĩḡure umupeorãcoma. I yeba arĩboro core Goãmũ Īḡu yarã arĩmorãre erã waĩre gojatudĩḡu arĩmi. Īḡu gojatubirirĩrã aḡrima nuḡu majagure umupeorã. Īḡupu iribojegue arĩdi arĩmi. Dohpaguere marimi. Pũru dipaturi dehyoagũcumi daja. Eropĩrã masa Īḡu dehyoacũ ĩarã, ĩha ũca warãcoma.

⁹ “Dohpaguere yu wereburire oaro masidiarã, oaro peerãca mua, arĩnemoami yure daja. Eropĩrã pee masirã arĩḡue mua. Nuḡu majagu dipu, siete dipu siete utã yucu iro dopa aḡraa. Iri utã yucu weca peyamo Īḡo ñero iiricũḡo. ¹⁰ Iri dipu siete oparã sã iro dopa aḡraa. Bajarã masa tauro oparã aḡrima. Cinco oparãre coãtuhama. Gajĩḡu erã pũru arĩḡu opu aḡrimo dohpague. Gajĩḡupu pũru opu ñajagũcumi. Eropa ñajagu merogã opu arĩḡũcumi Īḡu. ¹¹ Eropĩḡu nuḡu majagu diagu core arĩdĩḡu, dohpague marĩḡu erã siete oparã pũru opu arĩḡũcumi. Siete oparã mera majagu aḡrimo. Pũru peameḡe dederea wagucumi.

¹² “Nuḡu majagu cusari diez cusari diez oparã iro dopa aḡraa. Bajarã masa tauro oparã aḡrima. Erã oparã ñajanibeama dohpa. Pũruḡe oparã ñajarã merogã oparã arĩrãcoma. Yoari boje oparã arĩdosome erãre. Eropa oparã arĩrã nuḡu majagu mera oparã arĩrãcoma. ¹³ Erã diez oparã yujuro mera pepirã arĩrãcoma. Eropĩrã erã nuḡu majagure erã ya yebari majarã tauro opu acurãcoma. ¹⁴ Eropĩrã Cordero mera gamewejẽ warãcoma erã. Erã eropa gamewejẽquerecũ ta Cordero Īḡu beyenirã mera ĩḡure ne coãbirinirã mera erãre tarinũḡarãcoma. Īḡu árĩpehrerã gajirã tauro opu aḡrimo. Eropĩḡu erãre tarinũḡagũcumi,” arãmi anyu yure.

¹⁵ Ire yure werenemoami anyu:

—Ñero iiricũḡo maũri weca doago iimo. Iri maũri opa iro dopa aḡraa: Baja yebari majarã, baja cururi majarã, baja disiri werenĩḡurã iro dopa aḡraa iri maũri. Erã bajarã weca aḡrimo Īḡo. ¹⁶ Nuḡu majagu, diez oparã mera ñero iiricũḡore ĩhaturĩrãcoma. Erã diez oparã nuḡu majagu mera igore goroweopeho Īḡo yare emapehocã, suhri marĩḡo coãrãcoma igore. Eropa iirã Īḡo dupure barãcoma. Erã eropa iira pũru igore soepehocãrãcoma. ¹⁷ Erã diez oparã yujuro mera pepirã nuḡu majagure erã ya yeba majarã tauro opure acurãcoma. Erã eropa iicũ apimi Goãmũ Īḡu gamediro dopa ta iibure. Eropĩḡu nuḡu majagupu opu arĩḡũcumi. Árĩpehreri Goãmũ Īḡu iribojegue Īḡu werediro dopa ta Īḡu iira pũru nuḡu majagure coãḡũcumi. ¹⁸ Īḡo mu ĩadĩḡo mera opa arĩ buhema: Īḡo wũari maca Babilonia waĩcũri maca iro dopa aḡrimo. Árĩpehrerã gajĩ macari majarã tauro aḡrima iri maca majarã, arãmi anyu yure.

18

Babilonia waicuri maca cohmooyo

¹ Puhru gajigu anyure umarogue dijarigure ihabu. Igu opu gohra ahrami. Eropigu igu gosesiriri aripehrerogueru oaro boyoro wahabu. ² Igu eropa dijara puhru turaro gaguinigi wereami:

—Coacami. Babilonia waicuri macare wuuri macare iri maca majara sare coacami. Dohpaguere watea bajarane nerane dupu deyobira sa iri maca muraro arira iima. Nerane mirimagu porane majara sa masa erane iha doorane iri maca murarore arira iima. ³ Iri maca majara mura aripehreri yebane majarane goroweonira arima. Eropira baja yebane majara tauro oparane iri maca majarane pee Goamure coanira arima. Erane neri waribejarire iidiarane coanira arima Goamure. Iri maca majara baja gajinore wajapagari duarire gamenira arima. Eropira gajigane macari majara erane duara pagari dihta wajatanira arima, arane wereami anyu.

⁴ Puhru dipaturi umarogue wereniguicane peeabu. Opa ariro carabu iri macare coaboro core igu wereniguirire:

—Mua yahara, iri maca majara mera aribiricane mua. Iri maca majara mera mua aricu mua sare dipuwajane moagucumi. Eropira iri macagane nero iirire ihacubiricane. ⁵ Ero nero iira bajane arica. Iri maca majara yoari boje burigane nerire iituhajama. Eropigu yuhane Goamu iripetane erane nero licane gahmea. Eropigu erane dipuwajane moagaca. ⁶ Iri maca turaro dipuwajacuporo. Ero majara masare erane nero iidiro dopa ta erane sare nero taricane iiporo. Masare erane nero iidiro dopa ta erane tauro erane nero dipuwajane moaporo, ariro carabu. ⁷ Iri maca majara “Oara ahraa gua,” arane pepirima. Eropi arane pepirane, wajapagarire wuaro opama erane. Erane wajapagarire wuaro erane oparopane ta turaro nero taricane iiporo. Eropira erane bujaweracane iiporo. Erane basi opa arane pepirima erane: “Gua i yebane majara oparane arira iia. Mojomorocurane aribeane. Eropira ne nero tarisome gua,” arane pepirima erane. ⁸ Eropi arane erane pepirane aricu yujunane erane guiafane mariro dipuwajane moaburine ariroca, ariro carabu. Irine siriri, dorecuri, co oleri, oaboari ariroca. Eropigu iri macare soepehocagucumi, ariro carabu. Mua opu Goamu iri macare dipuwajane moadoregu turatariagu ahrami. Eropigu eropa ta igu aridiro dopa ta iri macare dipuwajane moadoregucumi, ariro carabu umarogue.

⁹ Eropira Goamu iri macare igu dipuwajane moacu iha i yebane majara oparane burigane bujawere oreracoma. Erane iri maca majara mera nerire iira oaro mucubirirane arimurininane arima. Eropira iri maca ujucane iara oreracoma erane. ¹⁰ Igu iri macare eropa soecane iara oparane gajigane yebane majara yoarogue ihabeoniguiracoma gua sare dipuwajane moari arira. Ero ihabeoniguirane opa ariracoma:

—Ade. Mojomorocuri maca ahraa Babilonia. Si maca wuarane maca turane maca arirabu. Mata yojarane mera si macare dipuwajane moami, ariracoma erane.

¹¹ I yebane majara doberane duarane iri maca ujucane iara burigane bujawere oreracoma erane sa. Iri maca pehrecane iara, erane ya doberire asurane maricane iara bujawere oreracoma. Eropira oreracoma. ¹² Erane aigarirane, orore, platane, wacurane utane, perlane waicurane dipu sare asurane mariracoma. Eropi gajigane erane aigarirane suhri oarire wajapagarire, yahsari suhri, oparane erane sahani suhri dopa bejarire, seda waicurane suhri, diari suhri asurane mariracoma. Eropi gajigane erane aigarirane yucu puresurane yucure asurane mariracoma. Eropi gajigane erane aigarirane marfil waicurane mera erane iirane, wacurane yucu mera erane iirane, bronce mera erane iirane, come mera erane iirane, marmol mera erane iirane asurane mariracoma. ¹³ Eropi erane aigarirane canelane waicurane, gajigane bari usuricane iirane, inciensore, mirra waicurane poresurane, gajigane poresurane asurane mariracoma. Eropi gajigane erane aigarirane vinore, uyure, trigo pogare, trigore, wecuare, ovejane, cabayuare, tururane gasire, pohro majarane asurane mariracoma. Eropira bujawereracoma doberane duari masa. ¹⁴ Eropira opa ariracoma erane iri maca majara murane:

—Ade. Netariaro wahari erane. Aripehreri erane mahira mura pehrea wahaa. Eropi aripehreri erane oarire erane wajapagari oparane pehrea wahaa. Eropira iri dipaturi bocasome mari, ariracoma doberane duari masa.

¹⁵ Erane iri macare doberane duarane wuarane wajatamurininane arima. Eropira erane iri macare yoarogue ihu niguiracoma gua sare dipuwajane moari arira ucarane. Eropi ihabeorane iri macare burigane bujawere oreracoma. ¹⁶ Opa ariracoma iri macare:

—Ade. Netariaro wahaa iri maca wuarane maca. Si maca majara oarire opamurirama. Nomeo oari suhri, wajapagari suhri, yahsari suhri, diari suhri sare sañago dopa oarire opamurirama. Eropira oro wajapagari utane, perlane dipu waicurane tuhura suhriro

sañamurima. Wuario opamurima si maca majarã. ¹⁷ Eropiro mata si maca wuario dobericuri maca dederea wahaa, arĩrãcoma iri macare.

Eropirã árĩpehrerã dohori gasi mera curirã, iri gasi oparã, erã uma, gajirã wuariyague mohme wajatarã sã iri macare yoarogue İhu niguirãcoma erã sã. ¹⁸ Ero İhabeorã iri macare ũjucũ İarã õpa arĩ gaguiniguirãcoma:

—Paga macari si maca iro dopa árĩri macari ne gaji maca mara, arĩ gaguiniguirãcoma erã. ¹⁹ Eropa bujawererã árĩrã erã dipu weca nicure ñaji peorãcoma. Eropirã co orerã õpa arĩrãcoma:

—Ade. Ñetariaro wahaa si maca muraro. Őari maca árĩribu. Árĩpehrerã dohori gasi oparã wuariyague curirã si maca maja doberi mera õaro wajataribu mari. Eropiro mata si maca dederepehrea wahaa, arĩrãcoma gasi majarã, arĩ werero carabu yure umarogue.

²⁰ —Iri macare İgu cóacũ İarã mucubirique mua, umaro majarãpu, arĩro carabu. —Goãmu yarã, Jesu İgu apinirã, İgu yare weremhtanirã árĩpehrerã mua mucubirique. Iri maca majarã muare ñero mohmenirã dipaturi erore mohmesome. Eropiro iira dipuwaja, dipuwaja moami Goãmu. Eropirã mucubirique mua, arĩro carabu.

²¹ Eropa arĩ wereniguirare peera puhru õpa İhabu yuhu. Turagu anyu wuariye utãyere aĩ wahgũ, wuariyague mehyuami. Eropa mehyugu õpa arãmi:

—Iye utãye yuriñajadiro dopa ta wuari maca Babilonia waĩcũri maca turaro yuhridijaro busuroca. Eropa yuhridijara puhru iri macare dipaturi İasome mua. ²² Iri macare dederea wacũ iigucumi. Eropiro ne iri macare bayarire mua peediro dopa árĩsome. Arpa buamutẽri, flauta dipurure, corneta sãre ne dipaturi peeya mariroca. Eropirã iri maca maricũ ñero mohmenirã dipaturi erore mohmesome. Eropiro trigo yeri utã mera erã oera sã ne peeya mariroca. ²³ Iri maca boyo oyadiro dopa ne árĩsome. Eropirã mojoto dirinirã erã mucubiri wereniguidiro dopa ne dipaturi árĩsome. Iri maca majarã doberi duarã asũrã mera gajirã tauro opamurima erã. Eropirã iri maca majarã yeea erã purisiriri mera árĩpehrero majarãre guyamurima. Eropirã ñerire uaribeja, Goãmupare gamebirimurima masa, arãmi yure turagu anyu.

²⁴ Iri maca majarã Goãmu yare weremhtanirãre gajirã İgu yarã sãre árĩpehrero majarãre wejẽmurinirã árĩma. Erã eropa wejẽra dipuwaja, gaji ñero iira dipuwaja sãre dipuwaja moãmi Goãmu iri macare.

19

¹ Babilonia macare İgu cóarare yu İara puhru umarogue bajarã gaguiniguirã carama yu peecũ. Őpa arĩ gaguiniguirã carama:

Aleluya. Goãmure õaro wereniguirã. Goãmu marire taugu àhrimi. İgure õaro umupeorã. Turatariagu àhrimi İgu. ² Guyaro mariro queoro iigu masare dipuwaja moami İgu. Ñeri dipuwaja moorãre erãre dipuwaja moabeami. Igo nomeo ñerire iiricũgo Babilonia waĩcũri maca àhrimo. Iri maca majarãre İhacũrã i yeba majarã ñero iimurima. Eropigu iri maca majarãre dipuwaja moami Goãmu. Eropigu İgu dorerire iinirãre İgu pohro majarãre erã wejẽra dipuwaja dipuwaja moami İgu, arĩ gaguiniguirã carama.

³ Dipaturi gaguiniguirã carama daja:

—Aleluya. Goãmure õaro wereniguirã. Iri maca ñero iira maca İgu soera maca eropa imicacũnigucãroca, arĩ gaguiniguirã carama.

⁴ Eropirã veinticuatro Jesu yarã oparã, wapicũrã gajiropa bejarã mera mereja, Goãmure mari Pagure İgu doaro doagure umupeoama. Őpa arĩ umupeoama erã:

—Amén. Aleluya. Eropa àhrra. Mari Pagure õaro wereniguirã, arãma erã.

⁵ Puhru opu doarogue õpa arĩro carabu:

Mari Opu Goãmure umupeoque. Mua İgu pohro majarã, İgure umupeorã bu árĩrã, oparã sã árĩpehrerã mua İgure õaro wereniguique, arĩro carabu.

Cordero İgu mojoto diriburinu bosẽnure werẽpu Ñu

⁶ Puhru bajarã masa erã wereniguirã caracũ peebã. Erã utãmu iro dopa bupu iro dopa busurã carama yu peecũ. Őpa arĩ gaguiniguirã carama:

Aleluya. Goãmure õaro wereniguirã. İgu mari Opu opu ñajatuhami. Turatariagu àhrimi İgu. ⁷⁻⁸ Cordero İgu mojoto diriburi bosẽnu àhrra dohpaguere. İgu mojoto diribo õaro amudigogue àhrimo. Igo õari suhrirore guhrari mariri suhrirore sañatuhamo. Iri suhriro Goãmu yarã õarire erã iira iro dopa àhrra. Eropirã mucubirirã mari. Goãmure “Őatariagu àhrimi,” arĩ umupeorã mari İgure, arĩ wereniguirã carama.

⁹ Erā eropa arīra pūhru anyupū arāmi yūre:

—Ire goja aīque. “Cordero Īgu mojoto diriri bosenure Īgu sihubeonirā mucubirirā āhrima,” arī goja aīque, arāmi yūre anyu.

Eropa arīgu ta ōpa arīnemoami:

—Diaye ta āhrra i yū werera. Goāmū ya werenigūiri āhrra, arīnemoami yūre.

¹⁰ Īgu eroparīcū peegu Īgure mereja umupeobu iirabū. Yū merejacū gohra ōpa arāmi yūre:

—Yūre mereja umupeobita. Mū arīro dopa ta Goāmū pohro majagu ta āhrra yū sā. Mū acawererā Jesu yarā arīpehrerā Īgu ya buherire werenirā iro dopa yū sā Goāmū pohro majagu āhrra. Eropīgu Goāmūpure mereja Īgūpure umupeoque, arāmi yūre anyu.

Goāmū yare weremuhtanirā iribojegue majarā Espīritu Santo Īgu itamuro mera Jesu ya buherire ta wereyūnūma.

Cabayu boregu weca peyagure werepū Ņu

¹¹ Pūhru umaro pārīmaacū ĩhabū. Ero cabayu boregu āhrami. Īgu weca peyagu ōpa waīcūami: Īgu arīro dopa ta iigu diaye iigu waīcūami Īgu. Eropīgu masare dipuwajare moagu Īgu ĩhaturirā mera gamewejēgu ōaro guyarō mariro iami. ¹² Īgu cuiiri peame porā iro dopa āhrrabū. Eropīro Īgu dipuru weca baja oparā peyari berori āhrrabū. Eropīgu Īgu dūpure Īgu waīre gojatudigu āhrami. Iri waīre Īgu dihta masiami. Gajirā masibirama. ¹³ Īgu sañariñe yoariñe di tuyariñe āhrrabū. Īgu ōpa waīcūami: Goāmū ya werenigūirire weregu waīcūami Īgu. ¹⁴ Eropirā Īgu yarā surara umarogue majarā Īgure nūrsiāma. Borerā cabayua weca peyarā āhrama. Ōari suhrire boreri suhrire, guhrari mariri suhrire sañanirā āhrama. ¹⁵ Īgu erā opu wamūhtadigu Īgu disiro űoserimiji usirimiji cuñuami. Irimiji i yeba majarāre Īgu tarinūgaburimiji āhrrabū. Eropīgu Īgu turari mera Īgu dorecū ne yujugu Īgure tarinūgagu Īgure bocafūsōme. Igu dipurure erā űatīacū igui deco wiriro dopa ta i yeba majarā ñerāre di wirirogu Īgu erāre dipuwaja moacū. Goāmū erā mera guami. Īgu eropa guagu arīcū cabayua weca peyagu dipuwaja burīgā moagūcumi. ¹⁶ Īgu suhriro, Īgu űigagu sāre iri waīre gojatudigu āhrami: “Arīpehrerā gajirā tauro opu waīcūami,” arī gojatudigu āhrami.

¹⁷ Pūhru abegue nigūigūre anyu nigūigūre ĩhabū. Arīpehrerā umarogue wūurāre goro porā majarāre gaguiniguibeoami Īgu. Ōpa arī turaro gaguiniguibeoami erāre:

—Gamenerā arique. Goāmū Īgu bosenu wuari bosenu barā arique. ¹⁸ Baja yebari majarā tauro oparā mūrare, surara oparā mūrare, surara bajarā mūrare, cabayua mūrare, erā weca peyarā mūrare, arīpehrerā gajirā masa mūrare, pohro majarā mūrare, pohro majarā arībirā mūrare, gajirā oparā mūrare, bu arīrā mūrare barā arique. Erā arīpehrerā dūpu mūrare barā arique, arī gaguiniguibeoami anyu goro porā majarāre.

¹⁹ Eropīgu nūgu majagūre, i yeba majarā tauro oparā erā surara bajarā sāre ĩhabū. Erā gamenerenirā āhrama cabayu weca peyagu mera Īgu surara bajarā mera gamewejēmōrā. ²⁰ Erā eropa gamewejēcū cabayu weca peyagu nūgu majagūre peresu iami. Gajīgu “Goāmū yare werenigūigu āhrra,” arī gujadigu sāre peresu iami. Īgu gujadīgūpū nūgu majagu Īgu ĩhuro deyoro moarire iibasadigu āhrami. Īgu deyoro moari mera nūgu majagu Īgu waīre tūyanirāre, Īgu masū wéadīgūre umupeorāre gujadigu āhrami. “I Goāmū ya āhrra,” arīgu guyamūridigu āhrami. Erāre perāre Īgu peresu iira pūhru erāre űocarirāre ta peamegū cohāmi. Iri peame wuariya iro dopa wuari peame azufre mera űjuri peame āhrrabū. ²¹ Eropīgu dūhyarāre erā surara arīnirāre űoserimiji mera Īgu disiro cuñurimiji mera wejēami cabayua weca peyagūpū. Eropa Īgu wejēra pūhru goro porā majarā erā dūpu mūrare barā yapitaria wahāma.

20

Mil bojori gohra Cristo Īgu yarā mera masare doregūcumi, arī gojañūmi Ņu

¹ Pūhru gajīgu anyu umarogue Īgu dijaricū ĩhabū. űhcāri gobe maja sawire, wuarida comeda sāre opāmi Īgu. ² Eropa dijarīgu pīrure ñeāmi Īgu. Īgu pīru iribojegue pīru dūpūcūgu arīgu, watī Satana waīcūgu āhrami. Īgure ñeagu dihriami mil bojori gohra peresu iibu. ³ Eropa diritūha űhcāri gobegue cohā dijuami Īgu i yeba majarāre mil bojori gohra Īgu guyamāsībirōre. Eropa cōātuhagu iri gobere biha, sawi biacāmi. Eropīgu mil bojori pūhru dipaturi Īgure bajamenarīgā wiunīgūcumi daja.

⁴ Pūhru oparā doarire ĩhabū. Iri doarire doarā sāre ĩhabū. Erāre masare erā beyedobōrore apīami Cristo. Gajirā sāre ĩhabū. Erāpū Jesu yare Goāmū yare erā werera dipuwaja erāre dipure tabe cōānirā āhrama. Nūgu majagūre, Īgu wéadīgū

sāre ne umupeobirinirā āhrama. Eropirā erā diaporire erā mojotori sāre ĩḡu waĩre gojatudorebirinirā āhrama erā. Eropirā gajirā erāre wejēnirā árĩma. Erāre wejēra pũhrũ masa mũria wanirā árĩma. Masa mũriarā erā mil bojori gohra Cristo mera oparā árĩrācoma. ⁵ Gajirā Cristo yarā sĩrinirā mũra masa mũrianibirama dohpa. Erā wejenirā erā masa mũriara pũhrũ mil bojori oparā erā árĩra pũhrũ gajirā sã masa mũriarācoma. Eropirā erā wejēnirā mũra Cristo pũhrũ masa mũriamuhtarā árĩrācoma. ⁶ ĩḡu masumuhtanirāpũ turaro mucubirirā árĩrācoma. Neri marirā árĩrācoma erā. Eropirā peamegue wasome erā. Eropirā Goāmũ yare Cristo yare erā sã serēbasarā pahia árĩrācoma erā. Eropirā erā masa mũriamuhtarā mil bojori gohra Cristo mera masa tauro oparā árĩrācoma.

Satana dederea wagucumi, arĩ gojañumi Ñu

⁷ Mil bojori pũhrũ Satanare peresu árĩḡure wiugucumi. ⁸ ĩḡu eropa wirira pũhrũ árĩpehrero i yeba majarāre guyagu wagucumi ĩḡu, “Ina gamewejērā warā,” arĩḡu. Gog waĩcurāre, Magog waĩcurā sāre guyagu wagucumi. Eropirā erā ĩḡu guyarire peerā, erā surara majarāre gameneorācoma gamewejēmorā. Erā surara majarā bajarā gohra árĩrācoma. Wuariya maja imipa árĩro utāburuyeri nũcu dopa erā surara bajarā árĩrācoma

⁹ Eropirā i yebaguere wasirirā, Goāmũ yarā erā árĩri macare Goāmũ ĩḡu mahiri macare cāhmotanũgajarācoma. Erā eropa cāhmotanũgajara pũhrũ Goāmũ erāre umaro maja peame mera soe mehdijucāḡucumi. ¹⁰ Eropa wara pũhrũ watire erāre gũyagure peamegue cōāḡucumi. Iri peame wuariya iro dopa árĩri peame azufre mera ũjuri peame āhrahũ. Erogue nũḡu majagure “Goāmũ yare weregu āhraa,” arĩ gũyagure cōātuhajami. Ero erā árĩcũ umuri nũcu pũriroca erāre.

Masare Goāmũ dipuwaja moatugucumi, arĩ gojañumi Ñu

¹¹ Pũhrũ wũaro opũ ĩḡu doarore ōaro borero ĩhabũ. Iri doaro weca doagũ sāre ĩhabũ. Eropiro ĩḡu árĩrogue mata i yeba umaro sã dederea wahabũ. Ne deyobirabũ pare. ¹² Eropigũ opũ pohro sĩrinirā mũra erā niguicũ ĩhabũ. Erā bu árĩrā, oparā mũra sã āhrama. Ero erā niguicũ ĩḡu gojaturapũre pāḡũami. Iripũri masa erā iirare ĩḡu gojaturapũri āhrahũ. Eropigũ ĩḡu opũ beyegũ iripũre ĩatuha erā iirare masiami. Iri masigũ sĩrinirāre beyeamĩ ñerā, ōarā. Pũhrũ gajipũ sāre pāḡũami. Iripũ Goāmũ mera eropa árĩniguimorāer erā waĩre erā gojaturapũ āhrahũ. ¹³ Wuariyague miri sĩrinirā mũra, diague erā cōānirā mũra sã masa mũria wahāma. Eropirā yeba pohecaḡue árĩnirā mũra, sĩrinirā erā árĩrogue árĩnirā mũra sã masa mũria wahāma. Erā eropa mũrijacũ ero doagũ erā iirare masigũ erāre beyeamĩ. Ōarāre, ñerāre beyeamĩ. ¹⁴ Pũhrũ sĩririñere, sĩrinirā erā árĩro sāre cōācāmi Goāmũ dipaturi mari sĩribiriboro dopa. Peamegue irire cōācāmi. Iri peame wuariya iro dopa árĩri peame āhrahũ. Goāmũre gamebirāpũ peamegue warā dipaturi sĩrirā dopa wahama. ¹⁵ Eropigũ ĩḡu mera árĩniguimorā erā waĩre Goāmũ ĩḡu gojaturapũ árĩpehrerā gojatusũya marirāpũre peamegue cōhāmi ĩḡu.

21

Umuro, yeba sāre mamare gohrotogucumi Goāmũ, arĩ gojañumi Ñu

¹ Pũhrũ umuro, yeba sāre mamare ĩḡu gohrotorare ĩhabũ. Árĩmuhtarā mũra umuro, yeba, paḡayari sã pehrea wahabũ. Marabũ. ² Eropigũ yũhũ Ñu ōari macare, mama macare Jerusalén waĩcuri macare ĩhabũ. Iri maca umarogue Goāmũ pohrogue dijariicũ ĩhabũ. Ōaro dehyoabũ iri maca. Mojoto diribo ĩgo marapure mucubiriborore ōari suhri sã ĩgore ōaro amuro dopa āhrahũ iri maca. Ōpa iro dopa ta iri macare amuyudi árĩmi Goāmũ ĩḡu yarāre mucubiricũ iibu. ³ Irire yũ ĩara pũhrũ opũ doarogue gaguiniguicũ peeabũ:

—Īaque. Dohpaguere masa watope árĩḡu iimi Goāmũ. Erā mera árĩḡucumi ĩḡu. Eropirā ĩḡu yarā árĩrācoma erā. Eropigũ Goāmũ ĩḡu basĩ erā mera majagu árĩḡu, erā yagu Goāmũ árĩḡucumi. ⁴ Eropigũ eropa mucubiriniguicũ iigucumi ĩḡu erāre. Eropirā dipaturi bujaweresome erā. Eropirā ne dipaturi sĩrisome erā. Ne ñero siporācuri, co oreri, pũriri sã mariroca erāre. I árĩpehreri iribojegue maja pehrea waroca erāre, arĩ gaguiniguigũ carami.

⁵ Pũhrũ opũ doarogue doagũ ōpa arāmi:

—Īaque. Árĩpehrerire mama gohrotocũ iiguca, arāmi.

Īḡu eropa arĩra pũhrũ yare ōpa arāmi daja:

—Yu arĩrire goja aĩque. Yu arĩri diaye ta aħraa. Eropiro yu arĩdiro dopa ta eropa waroca. Eropigu yu arĩrire goja aĩque, arãmi yure.

⁶ Puhru opa arãmi daja yure:

—Iripeta arĩca. Yu arĩpeherrerire ihacũnugudigu aħraa. Eropigu arĩpeherrerire pehrecũ iibu aħraa daja. Nemesiburã erã turaro ihridiaro dopa ta yu pohrogue wadiarã Jesure gamerãcoma. Eropirã Jesure yuhrirãcoma. Īgu ojocaririre oro deco iro dopa aħrimi. Īgure gamerãre waja gamero mariro yu mera eropa arĩniguiborore ogura erãre. ⁷ Arĩpeherrerã ñero tariquererã yure umupeoduhubirãre opa iigura: Erã Goãmu arĩgura. Eropirã erãpu yu porã arĩrãcoma. ⁸ Erã eropa arĩquerecũ masare gũĩ yaharare duhurã, yahare gamebirã, ñetariarire iirã, masare wejẽrã, nome mera ñero iirã, ama mera ñero iirã nome, yeea, goãmarã wẽanirãre umupeorã, arĩpeherrerã guyarã peamegue warãcoma. Ero wuuriya iro dopa arĩri peame azufre mera uĩuri peame aħraa. Erogue warã dipaturi erã siriro dopa ta warã iirãcoma, arãmi yure.

Mama maca Jerusalenre werepu

⁹ Puhru yujugu anyu yu pohrogue erãmi. Īgu siete pari opanirã mera majagu aħrami. Īgu dipuwaja moadoregu Īgu apinirã mera majagu sã Īgu anyua mera majagu aħrami. Eropa eragu opa arãmi yure:

—Īagu arique. Cordero Īgu mojoto diribore ihmugũca mare, arãmi anyu yure. ¹⁰ Eropigu Espĩritu Santo yure Goãmu ya macare ĩacũ iiami. Eropigu umadigu utãgu wecague yure aĩ muriãmi. Erogue Goãmu ya macare Jerusalenre ðari macare ihmuami yure. Iri maca Īgu mojoto diribo iro dopa aħrabu. Goãmu pohrogue umarogue dijariro iĩabu iri maca. ¹¹ Goãmu Īgu gosesiriri mera gosesiriabu iri maca. Wajacuri utã iro dopa gosesiriabu. Jaspe waĩcũri utã gosesiriro dopa gosesiriabu. Eropiro vidrio iro dopa ðaro deco suriabu iri maca. ¹² Eropiro wuuri sãriro umari sãriro erã sãri sãra maca aħrabu. Doce gohra disipororicũbu iri sãriro. Iri disiporore cohreama anyua. Iri maca disiporori bihariserigũe Israe masa cururi doce cururi nũca erã waĩ tuhyabu. ¹³ Abe murĩropu iri sãriro opabu uħre disiporo. Surpu uħre disiporo opabu. Nortepure uħre disiporo opabu. Abe ñajaropu sãre uħre disiporo opabu. Arĩpeherrerore doce disiporori gohra opabu iri sãriro. ¹⁴ Iri sãriro doce utã weca peyabu. Iri utã nũca Cordero Īgu apinirã doce Īgu apinirã gua yujurãyeri waĩ tuhyabu.

¹⁵ Eropigu anyu yure weregu queodigu oro mera erã iidigũre opãmi. Iri macare, iri maca maja disiporori sãre, iri sãriro sãre queobu iiami. ¹⁶ “Iri maca yoaropẽ ta ehyaa,” arãmi queotuhagu. “Umaro sã iripeta umaa,” arãmi. Eropigu anyu Īgu queodigu mera iri macare queoami. Iri maca dos mil doscientos kilõmetros yoari maca aħrabu. Iripeta ehyaari maca aħrabu. Iripeta umaro aħrabu. ¹⁷ Eropigu iri maca maja sãrirore queoami anyu. “Sesenta y cuatro metros umaa,” arãmi. Mari masa queoro dopa ta queogu iiami Īgu.

¹⁸ Iri sãriro jaspe waĩcũri utã mera Īgu iira sãriro aħrabu. Eropiro iri macapũ oro mera Īgu iira maca aħrabu. Iri oro guħrari mariri arĩro ðaro deco suriabu. ¹⁹ Iri sãriro doca arĩri utãre baja gajiropa arĩriyeri tuhyabu ðaro deyoboro dopa. Iriyeri wajapagariyeri aħrabu. Iriyeri tuyara utã sãriro doca oyari utã doce utã aħrabu. Arĩmuhtari yegue jaspe waĩcũri utãyeri tuhyabu. Iriyeri puhru maja yeguere safiro waĩcũri utãyeri tuhyabu. Peye puhru maja yeguere ágata waĩcũri tuhyabu. Uħreye puhru yeguere esmeralda waĩcũri utãyeri tuhyabu. ²⁰ Wapicuriye utãye puhru maja yeguere õnice waĩcũri utãyeri tuhyabu. Yuju mojtocũ maja peherrerĩ utã puhru maja yeguere cornalina waĩcũri utãyeri tuhyabu. Seis puhru majaye utãyeguere crisõlito waĩcũri utãyeri tuhyabu. Siete puhru arĩriye utãyeguere berilo waĩcũri utãyeri tuhyabu. Ocho puhru arĩriyeguere topacio waĩcũri utãyeri tuhyabu. Nueve puhru arĩriyeguere crisoprasa waĩcũri utãyeri tuhyabu. Diez puhru arĩriyeguere jacinto waĩcũri utãyeri tuhyabu. Once puhru arĩriyeguere amatista waĩcũri utãyeri uĩutuyabu. ²¹ Eropiro doce disiporori doce perla mera Īgu iiraseri aħrabu. Iriseri nũca yuyuye perlaye mera Īgu iira dihta aħrabu. Eropiro iri maca wari maha oro mera Īgu iira maha aħrabu. Iri oro guħrari mariri oro aħrabu. Eropiro ðaro deco suriri maha aħrabu iri maha.

²² Iri macare Goãmu wihire ĩabirabu. Marabu. Iri maca arĩpeherrerogue mari Opure Goãmu turatariagure, Cordero sãre umupeoama masa. Eropiro iri maca arĩpeherrerore Goãmu ya wihi iro dopa aħrabu. ²³ Eropigu iri maca Goãmu Īgu gosesiriri mera ðaro boyoabu. Cordero sã sihãgodiru iro dopa boyoami. Eropirã abe umu majagu sãre ñami majagu sãre ero boyocũ gamebira. ²⁴ Eropirã i yeba majarã Goãmu Cordero sã boyori mera arĩrãcoma Goãmu Īgu taunirã. Eropirã arĩpeherrerĩ yeba majarã oparã iri macague

ōatariari erā oparire aīrā erarācoma. ²⁵ Eropiro umure iri maca maja disiporori pāgūra disiporori ārīroca. Eroguere ne űami mariroca. Eropirā iri disipororire ne bihasome. Eropiro toyoniguia. ²⁶ Eropirā baja yebari majarā ōarire erā oparire iri macague aīrā erarācoma. ²⁷ Neripure iri macaguere ne aīsome. Guhyasīricū iirā, űerire iirā, ne iri macaguere wasome. Guyarā sā wasome. Cordero īgu gojarapū erā wai gojatusūnirā dihta iri macaguere warācoma. Iripū īgu taurā erā waire īgu gojaturapū āhraa. Iripūque erā wai gojatusūnirā eropa ārīnigūicārācoma īgu mera.

22

¹ Pūhru ōariyare ojocaricū iiriyaire ihmuami yure anyu. Iriya deco sūriya Goāmū, Cordero sā erā doarogue aririya āhrabū. ² Eropiro iri maca deco yuriabū iriya. Iriya pepuri masege ojocaricū iiri yucu nguuiabū. Iri yucu aberi nūca dūcacua. Yuju bojorire doce suburi dūcacua. Eropirā iri yucu maja pūri mera ōaro ococūrācoma masa i yeba majarā. ³ Iri macare ne pūiri mariroca. Iri maca Goāmū īgu opū ārīro ārīroca. Cordero īgu opū ārīro sā ārīroca iri maca. Eropirā īgu pohro majarā ārīrā īgu pohro mereja īgure umupeorācoma. ⁴ Erā Goāmure ōaro īnigūicārācoma. Eropirā erā diaporire erā īgu waire tuyasūrā ārīrācoma. ⁵ Eroguere űami ne mariroca. Eropirā sihāgori dipurure gamesome ero ārīrā. Abe īgu boyocū sāre gamesome. Mari Opū Goāmū īgu boyoro ārīroca. Eropirā iri maca ārīrā gajirā tauro oparā eropa ārīnigūirācoma.

Jesucristo i yebague īgu dujariboro merogā dūhyaa, arī gojañumi űu

⁶ Pūhru anyu yure ōpa arāmi:

—Ārīpehrerire mū īha gojara diaye āhraa. Eropiro gūa mure eropa arīdiro dopa ta eropa waroca. Mari Opū Goāmū īgu yare weremuhtarāre masicū iigu āhrimi. Īgūpū dohpaguere yare īgu yagu anyure obeomi īgu pohro majarāre masicū iibu. Pūhru maja dohpa waborore masicū iibu, īgu yare īgu yagu anyure obeomi, arāmi anyu yare.

⁷ Jesupū ōpa arāmi:

—Peeque mūa. Merogā dūhyaa yū dujariboro. Ipū maja weremuhtarire tarinūgabirinā mucubirirā ārīrācoma, arāmi Jesu.

⁸ Yūhu űu i ārīpehrerire yū goja aīrare peeabū. Eropigū irire īhabū. Eropigū yū peera pūhru, yū ĩara pūhru yare īhmudigū anyu pohro merejarabū umupeobū. ⁹ Yū eropa iicū iagu ōpa arāmi yare:

—Yure mereja umupeobita. Mū iro dopa ta yū sā Goāmū pohro majagu ta āhraa. Mū acawererā Goāmū yare weremuhtarā, ārīpehrerā ipū maja dorerire iirā sā erā ārīro dopa ta yū sā Goāmū pohro majagu ta āhraa. Eropigū Goāmūpure mereja īgure umupeoque, arāmi anyu yare.

¹⁰ Eropigū ōpa arī werenemoami yare:

—Ipū mū goja aīrapū pūhru maja dohpa waborore werea. Eropa waboro merogā dūhyaa. Eropa ārīcū ipū wererare dibubita mūhu. ¹¹ Irisubū yū wererisubure űerāpū eropa iinigūicoma űerire. Ōarāpū ōaro iinigūima. Eropirā erāpū űeri marirā ārīrācoma, arāmi yare anyu.

¹² Ōpa arāmi Jesu:

—Peeque mūa. Merogā dūhyaa yū dujariboro. Mūare yaharāre yū wajayeborore aīgāribū iiaa. Eropigū ōarire mūa iira waja mūare ōaro iigūra. ¹³ Yūhu ārīpehrerire īhacūnugudigū āhraa. Eropigū ārīpehrerire pehrecū iibu āhraa.

¹⁴ “Ārīpehrerā guhrari mariri suhrire sañanirā ārīro dopa ta erā űeri iirare coenirā iri macaguere ejarācoma. Eropirā iri maca maja yucu ojocaricū iiri yucu dūcare barācoma. Eropirā mucubirirā ārīrācoma erā. ¹⁵ Iri macague ejabirāpū ōpa āhrima: űetariarā, yeea sā, nome mera űero iirā, űma mera űero iirā nome, masare wejērā, goāmarā wēanirāre umupeorā, guyaricūrā sā āhrima iri macague ejabirā, arāmi Jesu.

¹⁶ Eropigū ōpa arīnemoami Jesu yare:

—Yūhu Jesu yahagu anyure obeobū mūare yaharāre ipū majare werebure. Opū Davi ārīturiagu pārami āhraa yūhu. Yūhu boyomūririduru iro dopa ārīgu mūare ōaro ārīcū iigu āhraa, arī werenemoami Jesu.

¹⁷ Espiritu Santo Jesure “Dujarique,” arīmi. Jesu yarā sā īgu mojoto diribo dopa ārīrā, “Dujarique,” arīma. Ārīpehrerā erā “Dujarique,” erā arīcū peerā sā, “Dujarique,” arīporo Jesure. űemesiburā decore erā turaro gamero dopa ta Goāmū pohroque wadiarā Jesure turaro gameporo. Īgu ojocaricū iiri deco iro dopa āhrimi. Īgu gamerāre waja gamero mariro űmarogue erā eropa ārīnigūicāborore ogucūmi Goāmū.

¹⁸ Yuhũ Ñũ árĩpehrerã ipũ maja wererire, Goãmu yare weremuhtarare peenirãre õpa arĩ muare guhyadiaro mera weregura. I buheri mera gaji buheri mera moresũ werenemorã Goãmure tarinugarã iima. Erã eropa tarinugacũ ïagu árĩpehreri ipũ ïgu dipuwaja moaburire ïgu werero dopa ta apigucumi erã sãre. Eropigu eropa erã sãre dipuwaja moagucumi. ¹⁹ Eropirã ipũ maja wererire i Goãmu yare weremuhtarare goroweorã Goãmure tarinugarã árĩrãcoma. Erã eropa tarinugacũ ïagu ojocaricũ iiri yucũ ducare erãre badoresome. Eropirã Goãmu mera árĩniguisome erã. Eropirã ïgu ya macague õari macague wasome erã. Iri yucure, iri maca sãre ipũ mera erã wererague ãhraa.

²⁰ Árĩpehreri ipũ majare weregũ Jesucristo õpa arĩmi.

—Eropa ta ãhraa. Merogã duhyaa yũ i yebague dujariboro, arĩmi ïgu.

Eropigu yũpũ õpa arĩtuũ iiaa.

—Eropa ta ïique. Gũa Opũ Jesu dujarique, arãa yuhũ.

²¹ Mari Opũ Jesu ïgu itamuro mera árĩpehrerã muã Goãmu yarã õaro árĩque. Eropa ta árĩrã. Iripẽta ãhraa.